


叢書集成續編 第一五九冊目錄

文學類



詩文別集——清

巢經巢文集六卷詩集九卷詩後集四卷遺詩一卷附錄一卷	清	鄭 珍撰	清代學術	一
孫春泉詩集二卷文鈔二卷外集二卷	清	孫 澍撰	古棠書屋	二八三
然松閣賦鈔一卷詩鈔三卷存稿三卷	清	顧懷三撰	金陵叢書	三三一
胥屏山館詩存二卷文存一卷	清	陸麟書撰	清頌堂	四四五
烏齋文集八卷詩集四卷	清	張 穆撰	山 右	四八一
附石州(張穆)年譜一卷	清	張繼文編		
妙香齋集四卷補遺一卷	清	楊長年撰	金陵叢書	六一九
遲鴻軒詩集四卷詩補遺一卷文集二卷補遺一卷詩續一卷文續一卷	清	楊 峴撰	吳 興	六六九

清代學術叢書第二集

此齋

此齋

此齋

義

月

文集六卷
詩集九卷
後集四卷
遺集一卷

此齋

此齋

序

往時欽縣程侍郎以博聞強識受

成廟特達之知負海內重望天下能文章之士鱗萃其門侍郎嘗典試嶺南所得士如番禺儀克中陳澧長樂溫訓皆有時名先後與余定交京師儀君工詩精攷據潛早世不竟其所學陳君天才雄駿於書靡不窺近乃服膺許鄭溫君治古文辭力摹韓柳於近人不亞憚子居此三人者皆侍郎高第弟子然皆弗能為侍郎之文其能為侍郎之文者遵義鄭子尹一人而已子尹故侍郎視學黔中時所矜賞者也其為人坦白簡易粹然儒

巢經巢詩文序

者生平研精三禮習聞古宮室冠服之制通聲均訓故之學為文章古澀奧衍大率如先秦以上諸子汲冢墜簡兩漢碑版文字及馬第伯封禪記之屬腐儒小生讀之或至口鉗舌橋實則真氣流貫非類為魁紀公家言者及讀其母教錄即又悱惻沉摯似震川先妣事略項脊軒記諸篇羊質善變幾無以測吾子尹也古近體詩簡穆澁學時見才氣亦有風致其在詩派於蘇黃為近要之才從學出情以性鎔蓋於侍郎之文為具體矣黔中惟子尹與莫孝廉友芝張副貢瑀黎訓導兆勛傅孝廉景數人為能肆力於古而子尹所造尤深足稱經師

祭酒詞壇老宿今年刻其詩九卷經說一卷求序於余余嘗親奉程侍郎之教數得追陪末坐上下其議論今觀子尹之詩文知淵源所自波瀾莫二故為序其學之所自出以諭世之讀子尹文者咸豐二年八月望日常熟翁同書

巢經巢詩文序

二

巢經巢文集序

遵義鄭先生子尹徵君爲西南儒宗垂數十年生平著述甚富致極精嚴未嘗如俗儒苟操鉛槧也道光中郡太守聘撰遵義府志成書四十八卷同時刻者有樗蘭譜一卷母教錄一卷迨咸豐中治許鄭學益精三禮六書洞晰淵微乃家刻巢經巢經說一卷說文逸字二卷巢經巢詩鈔九卷唐威恪公樹義爲刻播雅二十四卷同治三年先生沒後遺著尤多威恪公子今中丞炯續刻儀禮私箋八卷鄭學錄四卷於蜀中獨山莫君祥芝刻輪輿私箋二卷於金陵至光緒四年四川東道歸安姚君覲元編咫進齋叢書爲刻說文新附考六卷粵東廣雅書局南皮張尙書之洞所設者也又采刻汗簡箋正八卷親屬記二卷於廣雅叢書中由是先生著述約略已具然其精者尙有考工冕氏圖說一卷巢經巢文鈔五卷詩集續鈔 卷無傳本資州刺史貴筑高君培穀惜焉復任剗劂而先生之書始克告全自餘雖有一二遺編皆非其至矣奇書之在世譬猶金珠美玉蘊蓄於山淵必有精光上屬霄漢歷久而不可磨滅今先生遺書播行海內聞者鄉風士大夫轉相遙刻其犁然有當於人心不待智者而知已然卒成此一簣之功使

巢經巢文集序

一

無放失者高君也光緒十九年十二月遵義黎庶昌

巢經巢文集序

二

巢經巢文集序

遵義鄭子尹先生研精經史穿穴深邃具有心得乾嘉以來東南諸鉅子無以過之生平著述十餘種近年先後傳刻略備去年得其巢經巢遺文數十篇編為五卷校刻之其文守韓柳家法謹嚴峭潔不落宋以後體勢知經生家讀書既多根柢槃深即其議論之文亦非常人所能規仿中間於地理水利辨析明了關繫一省輿地之學蓋自貴州入版圖以來未有人考證精確豁若發蒙如今日者也豈獨先生一家之學哉光緒二十年正月貴筑高培穀

巢經巢文集序

三

巢經巢文集目錄

卷第一

經說

補正爾雅釋親宗族 辨日本國古文孝經孔氏

傳之偽

禮記正義駁文 司徒旅歸四布

曾子問昏禮既納幣有吉日女之父母死節

儀禮曲字 偽古文尙書誤採左傳

姒娣 說士昏禮夫婦之名

外丙二年仲壬四年 孔子生卒

巢經巢文集目錄

禮記注脫竄 康成弟子臨碩

調人 孟子

爾雅 孔疏尙書古今文經字之

異 碁母邃孟子注

考定喪服大功章大夫之妾二條鄭氏經注原本

卷第二

考

詳柯考 白錦堡考

駁朱竹垞孔子門人考

問答

暨縣問答

牂柯十六縣問答

卷第三

書

上程春海先生書

再上程春海先生書

與鄧湘泉書

上俞秋農先生書

與周小湖作楫太守辭貴陽志局書

上賀耦耕先生書

與鄒叔績漢勛書

與劉仙石太守書年書

答莫子偲論佩觿書

記

巢經巢文集目錄

二

斗亭記

重修魁星閣記

遊至大覺寺記

遊迴龍山記

辛丑二月初三日記

漢三賢祠記

遊城山記

四圍記

望山堂記

松崖記

梅岫記

記朱烈愍公祖系

巢經巢記

望山堂後記

烏相軒記

柑廊記

米樓記

陽明祠觀釋奠記

荔波縣舉貢題名記

怡怡樓記

訪楊价墓記

遊蟠龍洞記

重修啟秀書院記

卷第四

序

樗菴譜自序

母教錄自序

送潘明府光泰歸桐城序

重刻楊園先生全書序

古本大學說序

甘秩齋黜邪集序

訂漱浦舒氏六世詩彙序

寶言堂家戒輯聞序

千家詩注序

巢經巢文集目錄

三

邵亭詩鈔序

播雅自序

偃飲軒詩鈔序

黎雪樓先生七十壽序

輪輿私箋自序

說文逸字序目

周易屬辭序

送黎純齋表弟之武昌序

桐筌序

秦晉遊草序

張子佩琚詩彙序

張節婦題詞序

賢母錄序

說文新附考自序

卷第五

紀事

遷居紀事

說

柴翁說

題識

題移寫春秋繁露盧氏校本

題移寫賈子新書盧氏校本

題移寫韓詩批本 題珂雪師雪齋讀易圖

跋

跋古文四聲韻

跋學部通辨

跋補漢兵志

跋堂谿典嵩高山石闕銘

跋鄭固碑

跋樊毅修華嶽廟碑

巢經集文集目錄

四

跋范鎮碑

跋元趙仲光桃源圖

跋文待詔書赤壁賦

跋機聲鐙影圖

跋張遷碑

跋吳荷屋刻東坡詩拓本

跋啟秀書院壁書弟子職

跋小王洛神十三行拓本

跋韓詩謝自然首

跋韓詩又魚招張功曹首

跋韓詩合江亭首

跋韓詩赴江陵途中寄贈三學士首

跋韓詩讀皇甫湜公安園池詩書其後首

跋韓詩崔十六少府攝伊陽以詩及書見投因酬

三十韻首

跋韓詩寄盧仝首 跋韓詩送無本歸范陽首

跋韓詩人日城南登高首

跋韓詩示兒首 跋韓詩符讀書城南首

跋韓詩大行皇太后挽歌詞第二首

跋韓詩閑遊二首 跋韓詩譴瘡鬼首

跋韓詩和席八首 跋韓詩詠鐙花首

跋韓詩賀張十八祕書得裴司空馬首

跋韓詩病中贈張十八首

跋韓詩和李相公攝事南郊覽物興懷及和杜相

巢經集文集目錄

五

公大清宮紀事陳誠二首

跋韓詩陸渾山火首 跋夢餘筆談

跋內弟黎魯新慕耕草堂詩鈔

跋易林

卷第六

書後

書蔡仲殺雍糾事後 書韓集與大顛三書後

書三賢遺蹟卷後 書鹿石卿先生硃卷後

書上蔡語錄後 書宜州家乘後

書補錄張陶葑陽明像贊後

書莫貞定先生母教書後

書莫猶人先生稟陳鹽源縣甲子夸豹子溝銅廢

廠書後

書朱子詩卷真蹟後 書唐子方方伯書札後

書謝君采先生詩刻本後

傳

聶將軍傳

瀝膽將軍傳

鄢節婦傳

外祖靜圃黎府君家傳

唐介石公傳

劉節婦傳

王蘭上小傳

詹節婦傳

巢經巢文集目錄

六

墓表

先妣黎太孺人墓表

行狀

誥授奉政大夫雲南東川府巧家廳同知舅氏雪

樓黎先生行狀

敕授修職佐郎開州訓導子元仲舅黎公行狀

祭文

祭舅氏黎雪樓先生文

祭開州訓導子元仲舅文

銘

王奇行墓志銘

俞月樵先生墓志銘

誥授奉政大夫雲南巧家廳同知舅氏雪樓黎府

君墓銘

望山堂梁上銘

贊

方正學楷書千字文贊

芙蓉山藏王陽明先生小像贊

母之貓贊

雜著

乞巧文

隸對

補

巢經巢文集目錄

七

祭貞定先生文

遵義 鄭 珍 子 尹

補正爾雅釋親宗族

爾雅之釋宗族舍人孫李本久亡今所傳惟郭景純本然注略邢疏復不詳余三復斯篇文蓋多所譌脫即近日邵氏晉涵正義郝氏懿行義疏雖考證綦詳而於此亦未之疑及也按儀禮喪服小功章稱從祖祖父母從祖父母從祖昆弟凡三世總麻章稱族曾祖父母族祖父母族父母族昆弟凡四世是祖之親兄弟與其子若孫稱皆冠以從祖曾祖之親兄弟與其子若孫若曾孫

稱皆冠以族明甚從祖者言其親從祖而別非祖行之謂猶其親從父而別者稱從父非父行之謂也其親從曾祖而別者賈子六術篇亦稱從曾祖而於正經止稱族族者賈公彥云屬也骨肉相連屬也蓋所謂四總麻者於曾祖為兄弟之親於祖為從父之親於父為從祖之親於己親雖將盡而猶相連屬有服故曰族至族昆弟之子我之曾祖兄弟乃其高祖祖遷於上戚單於下即骨肉不相連屬止謂之親同姓而無從以族字加之矣故於父為從父者於己則為從祖於父為從祖者於己則為族稱曾祖兄弟之親為族祖漢魏前未之聞也

今既釋曰父之從祖昆弟為族父父之從祖祖父為族曾王父父之從祖祖母為族曾王母與喪服經合矣而於族父之妻乃曰父之從祖昆弟之妻為族祖母於族父之姊妹乃曰父之從祖姊妹為族祖姑不儕父行於祖行乎此非可以族祖王母例也父之從祖昆弟之父母本是祖行故冠以族曰族祖分男女則曰族祖父族祖母從祖之尊稱則曰族祖王父族祖王母族字與從祖從父一例是支派定稱稱族祖即是祖行男稱族祖父其妻即族祖母其姊妹即族祖姑斷不得稱其婦女曰族祖母族祖姑也邵氏云族祖母族祖姑稱族祖者言自族祖而別夫言自某別者謂彼於我從某世分也故可言自祖而別自父而別自曾祖而別斷不可言自族祖而別此義就巳言就所稱者言俱無可通邵說殊謬又父之世母叔母即父之從父昆弟之母也既釋曰父之世母叔母為從祖祖母復曰父之從父昆弟之母為從祖王母不鍾複乎又既釋曰父之從祖昆弟之母為族祖王母不應族祖王父反無釋又喪服從父昆弟姊妹皆大功親從祖昆弟姊妹皆小功親亦不應止釋從父昆弟而於從父姊妹從祖昆弟姊妹俱無釋此皆非始作即然也今詳審經文父之從祖昆弟之妻為族

祖母蓋誤衍一祖字父之從父昆弟之母爲從祖母
當是父之從祖昆弟之父爲族祖王父之誤古本原與
下族祖王母句對文也父之從祖姊妹爲族祖姑當原
是父之從祖姊妹爲族姑父之從祖姑爲族祖姑兩句
傳寫上句脫爲族姑下句脫父之從祖姑遂致斯誤兄
之子弟之子相謂爲從父昆弟下疑舊有其女子子爲
從父姊妹從祖父之子相謂爲從祖昆弟其女子子爲
從祖姊妹三句乃於儀禮五服內親無一遺闕是皆參
互可見而自開成石經已同今本知其譌脫在唐人已
無知者矣珍以爾雅爲詁訓之宗釋親屬名教之大而

今補正本

父爲考母爲妣父之考爲王父父之妣爲王母王父
之考爲曾祖王父之妣爲曾祖王母曾祖王父
之考爲高祖王父曾祖王父之妣爲高祖王母父之

世父叔父爲從祖祖父父之世母叔母爲從祖祖母
父之舅弟先生爲世父後生爲叔父男子先生爲兄
後生爲弟男子謂女子先生爲姊後生爲妹父之姊
妹爲姑父之從父舅弟爲從祖父父之從祖舅弟爲
族父族父之子相謂爲族舅弟族舅弟之子相謂爲
親同姓兄之子弟之子相謂爲從父舅弟其女子子
爲從父姊妹從祖父之子相謂爲從祖舅弟其女子
子爲從祖姊妹子之子爲孫孫之子爲曾孫曾孫之
子爲元孫元孫之子爲來孫來孫之子爲舅孫舅孫
之子爲仍孫仍孫之子爲雲孫王父之姊妹爲王姑

曾祖王父之姊妹爲曾祖王姑高祖王父之姊妹爲
高祖王姑父之從父姊妹爲從祖姑父之從祖姊妹
爲族姑父之從祖姑爲族祖姑父之從祖舅弟之父
爲族祖王父父之從祖舅弟之母爲族祖王母父之
兄妻爲世母父之弟妻爲叔母父之從父舅弟之妻
爲從祖母父之從祖舅弟之妻爲族母父之從祖祖
父爲族曾王父父之從祖祖母爲族曾王母父之妻
爲庶母祖王父也舅兄也 宗族

辨日本國古文孝經孔氏傳之僞
孝經一篇漢有今古文今文顏貞出之河間獻王上之

長孫氏江翁等說之古文出自孔壁秘在內府至東漢許叔重鄭仲師始爲解說何有孔安國傳也隋劉炫始僞作孝經孔氏傳與今文鄭注並列學官五代之亂亡其傳惟本經存乾隆中歙人汪翼滄市日本攜彼國太宰純校刊古文孝經孔氏傳以歸付鮑廷博刻之其書遂徧布海內 四庫提要已斥其僞矣然止謂陋冗不類漢人釋經而不暇實核其僞當時精審若召弓盧氏且極序辨爲真孔氏作廣書之惑人若是余故爲列十證闢之如左

劉炫旣撰孔氏注本別作古文稽疑一篇明之又作義疏三卷書皆不傳要主孔氏駁鄭氏兩漢以來並謂孝經爲孔子與曾子陳孝道獨炫謂孔子自作特假曾子之言以爲對揚之體並非因曾子請業而對是所撰僞孔傳大端也今孔序乃云曾子躬行匹夫之孝未達天子諸侯以下之事因侍坐諮問而夫子告其義遂集錄之名曰孝經則與炫說不應其僞一
孝經漢止分章晉荀爽撰集諸說仍無章名至皇侃義疏始標目各冠章首明皇御注因之然則標章非古也故宋司馬溫公所見古文本經止二十二章而已今標目惟所多四章別立新名餘皆同御注其僞二

桓譚新論云古孝經千八百七十二字今異者四百餘字班固藝文志序孝經云父母生之續莫大焉故親生之膝下諸家說不安處古文字讀皆異異不止二處班氏道其略桓氏總其數也今經文止少桓氏九字猶云相傳脫誤至見班氏有此言乃改續爲續政生之膝下作生毓之其餘除閨門章皆同今文未見有字讀皆異異不過強加開文語助百二十四字耳亦未見四百餘字也其僞三

鄭氏注孝始於事親三句云云父母生之是事親爲始四十強而仕是事君爲中七十致仕是立身爲終劉炫駁之文具載邢疏是必僞孔傳與鄭異義乃持以難鄭氏今傳解此三句正與鄭義同其僞四
御注所用舊說疏必云依某注非者則否其天子章疏云一人天子也依孔傳慶善也書傳通十億曰兆古數爲然則惟一人天子也五字是孔傳餘皆非也又孝治章注立德行義不違道正故可尊也三句疏云此依孔傳且引劉炫義疏解之至制作事業動得物宜故可法也三句疏不云依某又自解之則非孔傳也又注容止威儀也必合規矩則可觀也四句又注上正身以率下一句疏皆云依孔傳至進退動靜也不越禮法則可則

也及下順上而法之則德教成也數句皆明皇自撰故疏不云依某今一概認作孔傳入之是疏之體例尙未別白也其偽五

邢氏孝治章疏引孔安國曰亦以相統理感應章注禮君燕族人與父兄齒也疏云此依孔傳今傳中無此二條可見空腹野夫即目前注疏猶未細檢宜其文俚俗至是其偽六

許冲上說文表稱古文孝經者孝昭帝時魯國三老所獻按史記自序云述黃帝以來至太初而訖其孔子世家稱孔安國爲今皇帝博士至臨淮太守早卒則安國

皇經集文集卷一

七

卒在太初以前遠不及昭帝獻壁中諸古文皆死後其子孫所爲今孔序乃云魯三老孔子惠抱詣京師獻之其偽七

孔穎達云漢初爲傳訓者皆與經別行及馬融爲周禮注乃云欲省學者兩讀故具載本文則東漢末始就經爲注今孔序云發憤精思爲之訓傳悉載本文萬有餘言是漢儒訓詁體例且未知也其偽八

前漢藝文志孔氏有古文尙書孔安國以今文字讀之因以起其家逸書得十餘篇故古文尙書傳自安國始伏生所傳二十九篇今文耳非古文今孔序云昔吾逮

從伏生論古文尙書誼是今古文尙書祖師亦且不辨其偽九

陸氏經典釋文其初本標經文用朱書標注文用墨書故序例云朱以發經墨以起傳本因摘字爲音經傳相聞欲便覽者分別乃如此書之起發云者即標之謂也今孔序亦云朱以發經墨以起傳不知經何待發所起者又何傳也是直不解陸氏所謂徒見其例於古無有以爲甚奇異可以欺世也其偽十

皇經集文集卷一

八

其國富秘藏耳不知孔氏原未與孝經作傳就令唐人所見孔傳至今尙存亦是劉炫僞撰不足與漢儒注說並重矧不善作僞淺陋至於此極也而世儒尙恐人不足之遽信巧爲推護非好奇之心先入之即極醜態亦不復見歟慎者或反據以駁漢人舊說又至愚矣

禮記正義駁文

檀弓鄭氏目錄云名曰檀弓者以其記人善於禮故著姓名以顯之正義謂檀弓在六國時以篇中載仲梁子是六國時人也按首節論舍孫立子事云檀弓趨問子服伯子又云子游問諸孔子注謂伯子蓋子服景伯景

伯孔子同時人就令伯子未必是景伯故注加蓋字作疑詞而舍孫立子之非檀弓疑之子游問之孔子斷之則檀弓與游夏同時明矣正義以篇中載仲梁子證是六國時人似是以目錄記人二字連讀謂此篇爲檀弓所記而忘鄭目錄於諸篇文例多云名曰某者以其記某此記人二字原不連讀因致誤解

曾子問康子拜稽顙于位有司弗辯也注辯猶正也若康子者君弔其臣之禮也正義云若康子者謂當時執事之有司畏季子之威不敢辯正若順也按注意若當作如字解言如康子此拜稽顙於位乃君弔其臣時主

人之禮非鄰國之君弔鄰國之臣時有君爲主之禮也當時司禮者不能是正致君臣成二喪主若非順從之義

曾子問孔子曰祭哉正義云孔子既許其祭以無正文得祭故云祭哉哉者疑而量度之辭按哉字與論語沽之哉左傳畏君王哉與君王哉同是決詞非疑度詞也下文望墓爲壇以時祭及告墓祭於家皆孔子所據古義並非以意定禮故曰子游之徒用此禮祭順古義也何嘗無正文得祭乎

郊特牲鄉爲田燭正義云鄉郊內六鄉也六鄉之民各

於田首設燭照路按注云郊道之民爲之總釋汜掃反道田燭三事則鄉止是當郊道所過之鄉若各鄉不當郊道而皆以田燭照路奚爲耶

喪服小記親親以三爲五節正義父爲子期兄弟之子但宜九月云云同堂兄弟之子服從伯叔無加則從伯叔亦正服五月族兄弟之子又疏故宜總此發子而旁殺也按族兄弟之子無服同堂兄弟即從父兄弟其子當小功則此當總者宜云從祖昆弟之子疏偶筆誤

母則令昭穆不明義本精晰正義乃云弟小於已妻必幼稚故可謂爲婦嫂雖是兒妻年必與已相類不甚懸絕何得謂之爲母意以婦嫂之名因其年之長幼於我而得此謬論也弟妻之年何必幼稚於已兄妻之年何必不甚懸絕且諸凡稱母者豈可以少長論苟當稱母雖已百歲而彼方笄猶將母之兄妻即年長一二倍終無稱母之理孔或是仍六朝義疏未之刊正耳

少儀汜掃曰掃掃席前曰拚正義汜廣也若遠路大賓來主人宜廣掃之外內俱掃謂之掃若近路小賓來則止掃席前但曰拚按拚掃日用之常何必賓來始爲之

且遠路來者何必定是大賓近路來者何必定是小賓
經意止是釋掃席前有拚之名非此則統曰掃耳

雜記上為妻父母在不杖不稽顙母在不稽顙稽顙者
其贈也拜按經文上言父在為妻不杖與稽顙下言母
在止不稽顙稽顙止施於贈拜父在不稽顙贈拜於母
邊見得母在仍為妻杖於父邊見得其文極明緣漢後
傳本父母在句衍一母字遂令解說支離正義云以父
母同尊因父而連言母不杖屬父在不稽顙屬母在如
所云則下母在不稽顙句為重複且不稽顙屬母在則
父在不仍稽顙乎范甯禮論以父母在有二義就母言

則為在側不知子為妻拜賓之時母何以在側也

祭義有虞氏貴德而尚齒注舜時多仁聖有德後德則
在小官正義云舜時仁聖者多人皆有德其德小先來
者已居大官其德大後來者則在小官是小官而德尊
者有虞氏貴之所以燕賜加於大官俗本後德多作小
德者按此疏極無理即德小者先來居大官既有大德
後來獨不可易之乎官小德尊既可以加燕賜又不可
以加爵位乎三載考績三考黜陟何為乎注後德二字
當如俗本作小德者始合疏附會所據誤文通之失也
司徒旅歸四布

檀弓上孟獻子之喪司徒旅歸四布注旅下士也司徒

使下士歸四方之賻布疏送喪既具賻布有餘其家臣

下士歸四方賻主人之泉布也皇氏以為獻子有餘布

歸之於君君令國之司徒歸賻於四方按春秋魯上卿

季氏也仲孫蔑之卒季氏無諡曰敬子者皇氏之言非

也熊氏以為獻子家臣為司徒左傳叔孫氏之司馬駿

辰是家臣亦山井鼎考文稱古本足利本經作司徒敬

子使旅歸四方布孫氏志祖阮氏元並然之謂正義中

屢言敬子猶是皇侃熊安生舊說若經注並無敬子疏

何為反覆申辨余按司徒敬子見後文鄭注司徒官氏

公子許之後若此經原作司徒敬子則彼是衛人此是

魯人彼司徒是氏此司徒是官鄭必別白之使不混而

此無注又經云旅歸四布文簡難明故鄭云司徒使旅

下士歸四方之賻布特加使字四方字以通之若原作

使旅歸四方布前已有賻布之餘此布字屬喪其為賻

布不待言則注止云旅下士也文義已通何待贅司徒

句是知經注並與今同原無脫字據雜記上大夫之喪

大宗人相節正義引皇氏曰大小二宗並是其君之職

來為喪事如司徒旅歸四布是也知皇本亦與今同據

本疏引熊氏說以司徒為獻子家臣然家臣容有司徒

斷無家臣得諡之理若經本是司徒敬子熊氏何從見

敬子非諡而必認為人名與皇氏立異知熊本亦與今

同卽孔氏據作正義本據少儀適公卿之喪則曰聽役于司徒疏云司徒主國之事國有大喪謂公卿之喪司徒皆率其屬掌之故司徒職云云又檀弓云孟獻子之喪司徒旅歸四布是也知孔本亦與今同而疏中竟云司徒敬子者蓋古人義疏皆不附經注而單行唐之五經正義又非成於一人之手孔氏雖主刪定中間亦有一二失審勘者此節正義必是修疏一人讀經不熟因後文有兩司徒敬子誤記此與之同而因卽執所誤記思獻子時季氏無敬子遂主熊氏駁皇氏夢中說夢成此疑竇孔氏既偶失量檢覆詳者亦遂仍之皆因與後

文兩司徒敬子易亂心目故也孔氏禮記正義序云據皇氏爲本有不備則補以熊氏則以司徒爲公臣自是正解此疏獨主家臣已與聽役司徒義不畫一又與後篇兩引此經大異其爲絕非孔意出自荒經之手無疑然其誤止在疏於經注無與也後來日本一孔之人見疏中有此罅隙遂緣以改經誇其國傳本之古其巧僞幾無可破宜山井鼎爲所愚而海內通儒亦共信之今挾其作僞之因卽疏說之誤亦明白矣

曾子問昏禮既納幣有吉日女之父母死節

曾子問昏禮既納幣至女之父母死壻亦如之此節禮

意蓋男女兩家既定婚期而一家遭重喪必不能如期成禮則此家不能不告於彼家彼家知遭重喪亦斷不能答曰我至其日必嫁必娶至免喪之後可以嫁娶矣而發自遭喪之家則嫌於喪畢忘哀故當娶者必女家請之當嫁者必男家請之請之而卽許嫁許娶是又嫌於僞也故壻弗許而女氏嫁之猶曰彼本不娶吾強之娶也女氏弗許而壻娶之猶曰彼本不嫁吾強之嫁也皆所以全孝也正解止是如此初無使別嫁別娶之說鄭注解致命謂不敢以累年之喪使人失嘉會之時乃推明所以致命之意但曰某子有父母之喪不得嗣爲

兄弟其不敢使人失時之意已微喻矣此家既不敢使之失時彼家又敢使之廢喪哉故直許諾而弗敢嫁娶此盡情盡理之極所謂禮也自孔氏誤會鄭旨因云女免喪壻之父母使人請女氏弗許壻而後別娶免喪後必須請者以彼既葬致命於已故請婚得有不許者亦以彼初葬訖致命於已故乃直以致命爲退婚謬極試思致命若卽是退婚已遭重喪於未婚之妻壻何與何以遂不爲婚耶士逾月葬若葬後已不爲婚待免喪已經兩年此兩年中男家女家何所疑畏而弗敢嫁娶必待彼免喪始別嫁別娶耶且免喪後男女究須嫁娶又

何所嫌於原聘之妻壻而必別嫁別娶耶且喪家致命不為兄弟彼家已許諾矣何以至免喪又使人請耶豈免喪而使人請者乃致命經兩年後尚未別嫁別娶者耶於情理都無一得孔氏誤之陳氏濫沿之害世教誣聖言甚矣充宗萬氏偶箋斥及孔說是也而並駁鄭注亦未深悉此章禮意之故至據儀禮宗子不親迎謂弗娶是彼不親迎者不知此禮包凡常非專謂宗子說亦穿鑿

致命必於已葬者緣初喪經營殯葬為重自不暇問及此事葬後而不遣人致辭則非情也故孔子以已

巢經集文集卷一

五

葬為節亦就吉日在葬後者言之若吉日在葬前自宜未葬即致命禮意可隅反也

儀禮曲字

燕禮大射儀公食大夫禮三篇承尊之豐元本經注皆當是曲字正義本誤作豐大射注曲以承尊也說者以為若并鹿盧其為字從豆曲聲近似豆大而卑矣疏其為字從豆曲聲者此謂上聲下形之字年和穀豆多有故從豆為形曲則曲者承尊之器象形也今諸經承尊之曲不用木字之曲而用豐年之豐故鄭還依豐字解之云其為字從豆為形以曲為聲也推尋注意若并鹿盧其為字從豆曲聲近似豆大而卑十七字係他人之說故鄭分別言之若所注之經本作豐字則

於大射注止云豐以承尊也義已明白其形似豆卑而大已見前燕禮注其字從豆曲聲誰不知者顧如此費辭乎因此經注推之儀禮古經既有曲不應許君不載知說文豐字下有兩古文一為曲一為豐曲乃最先象形字其後加豆後又省山作豐豐本非形聲字注云從豆曲聲者稱他人之說當不以為然也段氏注說文不審儀禮經注並是曲字從豆曲聲之云原非鄭說僅據注云曲聲疑鄭時似有曲字而終以聲字為贖文誤本之惑人甚矣賈氏所據作疏本經注已誤作豐因不憚從豆曲聲非鄭說附會強解既失鄭意又悖說文不足

巢經集文集卷一

六

憑信也聶氏三禮圖坵下云坵以致爵亦以承尊若施於燕射之禮則曰曲音豐其豐字止作曲下又加音最得經注之舊

偽古文尚書誤採左傳

左氏宣十二年傳隨武子曰見可而進知難而退軍之善政也兼弱攻昧武之善經也仲虺有言曰取亂侮亡兼弱也洵曰於鑠王師遵養時晦音昧也襄十四年傳中行獻子曰仲虺有言曰亡者侮之亂者取之推亡固存國之道也三十年傳子皮曰仲虺之志云亂者取之亡者侮之推亡固存國之利也據此三引知惟取亂侮

亡句是虺誥本文其文或士會減字或荀偃子皮增字俱未可定要是兼弱攻昧爲士會語推亡固存爲荀偃子皮語甚明僞孔仲虺之誥牽綴作兼弱攻昧取亂侮亡推亡固存以爲虺語又昭二十四年傳召簡公南宮蔚以甘桓公見王子朝劉子謂萇宏曰甘氏又往矣對曰何害同德度義紂有億兆夷人亦有離德余有亂臣十人同心同德此周所以興也據此則同德度義句萇宏語也僞孔以作武王語上配同力度德一句又改亦有離德作離心離德以配下文同心同德是其採摭左傳不獨取莊八年德乃降以莊公語爲大禹謨如閻氏

所摘矣心勞日拙可晒有如此者

妯娌

爾雅男子謂女子先生爲姊後生爲妹女子同出謂先生爲妯後生爲娌同出謂同一父所出也其先生者男稱之爲姊女稱之爲妯後生者男稱之爲妹女稱之爲娌姊妹者男子於女子之專稱妯娌者女子於姊妹之專稱通之則女亦可同男稱衛女之詩遂及伯姊是也男亦可同女稱列女傳魯子皮之姊號公乘妯子皮與之言皆稱曰妯是也推之則於諸父諸母所出亦同此稱從父姊妹從母姊妹之等是也惟女子謂姊妹爲妯

娌故妯娌相稱卽據其年之長少以妯娌呼之親之若姊妹也而繫以婦曰妯娌娌婦別其非同生也自孫叔然誤解同出爲俱嫁事一夫郭景純氏因之世皆奉爲定說妯娌爲女子於姊妹之專稱義遂昧矣孫郭之義蓋據左傳厲嬀之娌戴嬀戴已之娌聲已諧文爲說不知娌止是女子妹稱俱嫁一夫是娌各嫁一夫亦是娌公羊傳以姪娌從是女子在母家謂妹爲娌與謂兄弟子爲姪皆是定名不待嫁事一夫始名姪娌也苟以娌娌是同嫁一夫者妯娌何以稱娌娌娌婦如曰妯娌須繫以婦穆姜謂聲伯之母子容之母謂叔向之妻何以止稱曰娌又如以姪娌從者娌自是後生然不無先生之姪既定名爲姪不應因嫁改稱娌而少於己者又不應升同己行改稱娌況女君與妾自是定名如女君稱妾長己者爲娌妾稱女君少己者爲娌亦決無是理也謂妻之姊妹同出爲姨同出文同義豈宜異郭注又云同出謂俱已嫁一篇之中前後岐解郝氏義疏因云姨有二義俱嫁一夫各嫁一夫皆謂之姨稽之於古稱妾爲姨殊無所出至鄭漁仲說未嫁不容相呼豈妻之姊妹在室者必不許姊妹之夫語及耶尤不情矣說士昏禮夫婦之名

孔子曰名不正則言不順夫婦非名之大者乎今有夫婦於此共牢而食未久也或問之則即應曰是某也夫是某也婦言之正者名順故也未然者或言相及道相遇心固知其爲夫婦而口不可得名也強名之匪惟人哂之己必內慙焉此天下之同情也聖人緣情以制禮制禮以定名名正而夫婦之道乃順而無苦矣婿之迎婦也女次而純衣已居然婦矣名婦可乎聖人曰未受夫之雁無從夫義則仍女也婿之迎婦歸也御車授綏揖入寢門已居然夫矣名夫可乎聖人曰未入室對筵坐無匹配義則仍婿也故士昏禮奠雁以前婦止稱女

巢經巢文集卷一

九

入室以前夫止稱婿至奠雁再拜稽首婿於女若曰吾已執摯授汝矣女於婿若曰吾受若摯則從汝矣經至是乃謹變女名婦曰婦從降自西階於是婦之名定而婿猶不與以夫之名者此其際聖人之慮深矣及婿入於寢室婦於夫若曰苟非吾夫者而焉入此室也夫於婦若曰吾非若夫者而焉有此室也經至是乃謹變婿名夫曰夫入於室即席於是夫之名定聖人之於名其不稍苟假若此故夫婦之道順世之未婚守節於三代或未之有乎卽有之殆聖人之所難言乎雖然當世教衰時一邑一州多得若人八九輩以恥紛紛之定名夫

婦與居生子且老而朝曰乃暮卽在也與者其羞惡之媿發視與之論周孔禮制或必有易入者乎孔子曰苦節不可貞其道窮也一受其聘終身不改此於女子之道誠窮極不可爲常正聖人之教夫婦亦斷不若是其難而人且若是其難則盡人可爲而且不爲者於夫婦之名何居也

外丙二年仲壬四年

史記據孟子云湯崩太子太丁未立而卒乃立太丁之弟外丙卽位二年崩立外丙之弟仲壬卽位四年崩伊尹乃立太丁之子太甲趙岐注孟子因之二年四年爲

巢經巢文集卷一

三

在位年數世無異說至唐孔氏僞伊訓疏言湯崩踰月太甲卽位始似無外丙仲壬二帝者然觀他篇疏謂盤庚爲殷十九王武丁爲二十二王祖甲爲二十四王知崩年改元之說在孔氏誠如蔡傳所譏妄意之耳無確證也及宋邵子作經世書乃直削外丙仲壬謂以歷數推之知無二帝年數又得程子之以歲爲年胡氏之四大可信等說暢之卽朱子註孟亦云趙程二說未知孰是然蔡氏書傳獨不主程邵而從史記亦可見語類說爲定論矣後人疑程邵者或云不應湯將百歲生二子或云孟子不應兄弟倒置余謂皆不足折之也今按春

秋外傳姜氏告公子重耳曰商之享國三十一王又大

戴保傳篇云殷為天子三十餘世而周受之漢以前計商之世數

實三十一世起成湯終武庚也譙周古史考尚然譙本史記史記即據國語大戴也少閒篇孔子

告哀公云成湯卒崩二十二世乃有武丁即位武丁卒

崩九世乃有未孫紂即位據此可斷商之有二帝確然

無疑若如程邵之說則商止二十九王湯至武丁止二

十世他書不足信孔子之言猶不足信乎

孔子生卒

公羊穀梁兩傳於襄公二十一年並云庚子孔子生在

經十月庚辰至唐石經公羊傳及以後諸本並作十一月庚

子孔子生與穀梁異陸氏公羊音義庚子孔子生下云傳文上有十月庚辰則亦十月也一本作十一月庚子

孔子生是知公穀兩家所記本無不同當以陸氏所據為定本俗人不計十一月無庚子妄增十一月世感

遂據經十月庚辰朔推之則庚子為十月二十一日周

之十月夏之八月是今八月二十一日孔子生日也左

氏續春秋經於哀公十六年書夏四月己丑孔丘卒據

前十四年經夏五月庚申朔推之則己丑為四月十二

日周之四月夏之二月是今二月十二日孔子卒日也

自襄公二十一年數至哀公十六年孔子壽實七十四

歲三傳公穀詳生左氏詳卒明白可據本無誤者自司

馬遷作孔子世家云魯襄公二十二年孔子生年七十

三以魯哀公十六年四月己丑卒於是孔子生年始誤

壽數差減一年詳史公所以知孔子生卒捨三傳必他

無所據卒既與左氏合不應生年與公穀不同必二十

二年為傳寫之誤後人據誤本推數兼改後文年七十

四為七十三耳小司馬索隱據公羊庚子上有十一月

之俗本謂史蓋以周正十一月屬明年故誤是亦強作

解事者也及朱子作論語序說云孔子以魯襄公二十

二年庚戌之歲十一月庚子生世皆信從不疑不知朱

子捨師師相傳之兩經從相沿寫誤之一史又合以公

羊俗本之日月則直誤之又誤按春秋襄二十三年書

王二月癸酉朔由此年二月朔癸酉逆推至去年十一

月中間臘正兩月無論大小建十一月並無庚子朱子

當日徒會合史傳未經細審遂致言先師生年者不信

兩經親炙之記而信朱子杜造之命矣至孔子卒之月

日謂經誤自杜預始杜釋夏四月己丑云四月十八日

乙丑無己丑己丑五月十二日日月必有誤蓋據所推

長歷言之不知誤在長歷不在經也長歷之誤在於哀

公十二年不從先儒再失闕之說以後少補一闕又不

知秦以前置閏必在歲終而隨月安閏遂致推經不合

即謂經誤今詳考之哀十二年十二月螽季孫問諸孔

子孔子謂火猶西流司歷過也賈服諸儒皆以十二月
實周之九月謂之再失閏見長杜氏獨以為止失一閏
十二月實周之十一月云若如諸儒所說則是三失非
再失按孔子止云歷過再失閏本無明文賈服諸人所
以知再失者蓋以襄二十七年經書十二月傳謂辰在
申再失閏者例之火西流是七月則辰亦在申也而同
為十二月是其再失閏亦同杜氏於襄二十七年經謂
若作十二月則是三失閏與傳言再失不合直以經為
十一月之誤頓置兩閏以就其歷至是又守是三非再
之說以難諸儒謂止失一閏夫以九月為十二月則先

卻三箇月明是三失閏而左氏止云再失漢魏左傳大
師豈少精歷數者亦皆以襄哀兩事並因再失閏以九
月為十二月必是知其已先三月而止得為再失之故
杜作長歷自云不知春秋時歷本術但據經傳反覆求
之安知左氏與諸儒止算再失者非即其本術乎杜既
擅改舊說謂正歷止當補一閏而又不知古歷閏在歲
終見十三年經有十二月益傳有七月辛丑十四年經
有五月庚申朔十五年傳有閏月合而計之意以若十
三年補閏必在十二月之前如是則益在十一月經不
合書十二月是補閏必不在十三年十五年既傳有閏

月則必於十四年正歷補閏而十四年五月朔既是庚
申其前四箇月若無閏則十三年七月不得有辛丑故
長歷於十四年閏二月以合前後經傳宜其推至孔子
卒日不得有己丑而以經為日月有一誤也今以舊說
哀十二年再失閏推之據十五年傳出閏月知以前歷
必補正矣而其補正要不出前三年若於十二年因孔
子言即正之補閏十二月則明年益即是十一月以十
三年仍書十二月益知此年誠如杜說不即改矣十二
年既無改理十五年又已見正閏則十三年十四年不
並閏十二月此兩失閏於何補置乎古今授時之常一

歲止十二月有閏則十三月即一再失閏理不過多其
閏年以消息之若如杜氏於襄二十七年頓置兩閏則
一年有十四月行之民間豈不駭眾古亦未聞有是法
也今考哀公十三年閏十二月十四年亦閏十二月以
補前再失閏則由十三年七月初七日辛丑據長下推
至十四年五月朔得庚申又由五月庚申朔下推至十
六年三月並一補閏一正閏共得二十五日除去大小
餘至四月朔得戊寅其十二日為己丑經究何嘗誤乎
杜氏止為強異先儒少補一閏己丑因後一月若前兩
年仍頓置兩閏必不謂此經誤也然如杜法隨時頓置

兩閏雖得合此經其十三年之七月辛丑十四年之五月庚申要有一處不合必又謂爲其月所無定是經傳之誤噫杜氏必使人言先師卒之月日誤在史文不得謂誤在已推長歷其舛廢漢說之罪於斯爲大後儒皆不察而羣信之何也

禮記注脫竄

文王世子遠近閱三席注席之制三尺三寸三分則是所謂函丈也正義云席制廣三尺三寸三分寸之一三席則函一丈音義出三寸云一本作廣三尺三寸三分是今諸本作三分者卽陸氏所指之一本陸孔所據注

莫經集文集卷一

三

文元是三分寸之一惟一席零數尙有三分寸之一故三席合成一寸加九尺九寸得一丈若一席止三尺三寸三分則三席是九尺九寸九分尙不足一分知是淺人據俗閒脫本刪正義本也

雜記上宰夫朝服卽喪履注朝服告鄰國之禮也正義標注朝服告鄰國之禮疏之曰鄰國來弔不敢純凶待之而著朝服是以吉待鄰國之禮今以正義推之知注本作朝服以吉待鄰國之禮也諸本吉誤作告又上脫以字下脫待字遂不可解正義標注亦誤脫

月令四孟太史謁之天子於春夏注云謁告也於秋冬

注云謁告一篇之中注謁四處甚復鄭氏無此例夏秋冬三處蓋俗增

康成弟子臨碩

賈公彥序周禮廢興云林孝存以爲武帝知周官末世瀆亂不驗之書故作十論七難以排棄之鄭元徧覽羣經知周官爲周公致太平之迹故能荅林碩之論難使周禮義得條通按林碩林孝存一人也名碩字孝存康成弟子後漢書孔融傳爲北海相郡人甄子然臨孝存知名早卒融命配食縣社其姓作臨與鄭元傳同而魏志注引續漢書融爲北海相郡人甄子然孝行知名融

莫經集文集卷一

三

令配食縣社蓋傳本寫脫臨姓淺人不知別一人以存字爲行之誤因改作孝行知名爲句也漢紀云使甄子然臨配食縣社臨下又脫孝存皆當據漢書補正其姓皆作臨也毛詩棫樸閟宮正義禮記王制目錄正義亦皆作臨碩惟禮記王制正義周禮女巫疏司馬序官疏及此廢興序並作林碩蓋碩姓本臨字當以荀紀范書爲得其實改作林非也據伏滔青楚人物論云後漢時鄭康成周孟玉劉祖榮臨孝存侍其玄矩孫賓碩劉公山皆青士有才德者所舉康成賓碩六人皆是傳字知孝存亦是字合之賈序前云林孝存作十論七難後云

荅林頌之論難其爲名頌字孝存無疑也十論七難今不得詳孝經序注正義稱鄭志目錄記鄭之所注五經之外等書中有荅臨孝存難禮一種其遺文見今注疏稱荅臨頌者禮記王制內兩條毛詩內兩條周禮內三條惟女巫疏義所引難荅歌哭而請者首尾全具詩棧樸正義稱臨頌並引詩三處六師以難周禮鄭釋之云云者亦足見所難之一端闕宮序官三引皆是荅此事王制兩引無難義以荅詞求之當是持王制田祿難周禮耳餘與十論盡無從考其厓略矣

調人

翼經集文集卷一

七

予讀周禮至調人乃廢書而歎曰嗟乎是天下殺人者無罪也是治天下可不設刑政也如其言將天下盡人皆可殺盡人皆可以殺人幾何不人類與人道俱絕哉蓋天下盡人而已矣人之類若君若父母若夫妻兄弟若師友與諸親屬而已矣今殺人者能外人之父兄師長及凡有親屬者而殺之哉殺人之父兄師長及凡有親屬者則所殺者之親戚子弟心得讐之而力不得殺之力即得殺之而法不得殺之殺之必天子之法故天子之法不當問其親戚子弟之讐與不讐而但問殺人者之罪在大辟罪在小辟夫是之謂人道今乃曰凡和

難父之讐辟諸海外兄弟之讐辟諸千里之外從父兄弟之讐不同國君之讐視父師長之讐視兄弟主友之讐視從父兄弟說之者曰此特言其略也自外不言者皆據服爲斷或從親爲斷焉噫爲天下至尊不能明辟正刑斯已矣又使其讐遠避而禁使不得讐之哉如使殺人者遠適矣而讐家怨室竟死志報復殺之於數千里之外有司者又以其就而讐之取其人而殺之不且殺二人耶如不殺而仍使避之而所殺者之父兄子弟又從而殺之則愈讐愈殺愈讐不且讐殺無已時耶人道絕吾安知人類不與之絕也且所謂君之讐者必弑君之人也而亦和之而亦使避之假令調人之君爲人所弑是其人即調人之讐也調人將自與之和而使之避在海外耶抑持此人與天下臣庶和而使之避在海外耶吾恐一調人且不與之和亦無此海外爲是人避地也又曰凡殺人而義者令勿讐讐之則死孟子不云乎惟天吏始可以殺人人而殺人何義之有如說者言父母兄弟師長嘗辱焉而殺之者遂得爲義耶夫辱亦大有辨矣若彼辱之而是與則辱人者無罪而殺人者當治彼父兄子弟豈終不一理而直受其殺也有司者又豈終不一聽其理而直遣其避也即彼辱之非

翼經集文集卷一

七

與而彼止辱之此固殺之矣雖弱敵亦不遠甘心焉令勿讐果不讐耶彼不聽而讐之則死是人已死其父兄官又死其子弟也如是則凡辱其父母兄弟師長者皆可徑行殺之彼若讐則讐之官而致死焉如是則凡爲所殺者之父兄子弟不惟不敢讐且視其父兄子弟之辱人者爲殺其所當殺而又無所用避諸海外避諸千里之外也是尙得爲天下哉吾謂雖桀紂立法亦不若是其言之謬也何周公乎如其言幾何不人類與人道俱絕也

孟子

寡人如就見者也如字之義趙氏朱子俱未及後人強爲通之於語意究不融貫按爾雅如謀也注云如所未詳余以爲釋詁正訓此如字如就見作謀就見解語豁然矣

冀其田而不足朱注無明文趙注凶年饑歲農人冀治其田尙無所得不足以食則作不足自食解於語意似不合通上下文讀之不足謂不足供所貢之常數耳必云糞其田者卽下所謂終歲勤動明非有田不耕耕而不力之農而猶不足其下可知矣樂歲可多乎常數而必不多取凶年不足乎常數而必不少取語意對較自

明惟其不足貢數故必稱貸益之而始足朱子注云益之以足取盈之數也足字正對上文不足言可見朱子之意是以不足作不足貢數解近世講家乃謂不足以償糞田之費則於通節詞理俱不從順矣

知好色則慕少艾趙注艾美好也炳燭齋隨筆言古人呼男色爲艾引左傳艾緞晉語國君好艾戰國策乃與幼艾爲證閻氏釋地取之余謂狐突言艾指嬖臣魏牟言幼艾指建信君固皆男色若艾緞之艾訓老與五十曰艾義同艾緞老牡豬也豈色之謂楚詞少司命擁幼艾亦謂女色又豈有人知好色專慕男色之理則男色

爲艾非確義也今按爾雅艾厯覩胥相也相有相視相與形相三義此訓三義並列與台朕資界卜陽予也爲賜予予我二義並列同胥相與相視之相也厯覩相視之相也艾形相之相也以形相解艾字正少艾幼艾之訓少艾猶云幼少姿相也辭總注張衡東京賦沛艾爲作姿容貌似本於漢儒雅注至郭氏則不能詳矣姿相所以爲艾者翟氏灑考異云古訓艾爲白而白含二義以髮蒼白言謂之老以面皙白言謂之美同取於艾之色也其說本通焦氏循乃不然之別生通又通刈絕色之說轉支蔓矣

於衛主顏讐由彌子之妻與子路之妻兄弟也史記云孔子適衛主子路妻兄顏濁鄒家素隱謂所云妻兄與孟子說不同謝山全氏答問從孫疏以讐由即濁鄒而引孔叢子讐由善事親其後有非罪之執子路哀金以贖之或疑其私於所昵謂史云妻兄亦有證閻氏釋地云讐由爲子路妻兄則亦彌子瑕妻兄也余按史公以顏濁鄒爲子路妻兄正據孟子此文而言非別采自他書古蓋讀彌子之妻與子路之妻兄弟也爲一句言讐由爲二妻之兄弟也觀索隱云云知後世誤讀彌子之妻句與子路之妻句兄弟也句自唐已然至孫疏云彌

莫經集文集卷一

三

子之妻與子路之妻是兄弟也始明見讀法後人相承此讀如閻全且習慣俗句推揣求合不知孟子即史公藍本也

王豹趙氏注衛之善謳者朱子因之云豹衛人其實無所本止因淇水在衛而云處淇即謂是衛人耳余按左氏哀六年傳齊公子陽生之立殺王甲拘江說囚王豹於句賣之邱杜氏注三子景公嬖臣荼之黨知滔于髡所稱即此王豹想是因善謳爲景公所嬖悼公立而僅囚之知終未見殺後遂奔衛處淇則豹實齊人也髡此段語皆是誇本國之人能變國俗者如縣駒華周杞梁

皆齊人不應雜一衛人且所稱舉亦必不下及編戶無名位者如華杞皆齊大夫知豹是景公嬖大夫惟縣駒不可考或高唐之邑大夫歟

並耕章聖人有憂之牛山章有楛亡之矣二有字當讀作又爲又更義蓋古無又更專字借少又_左右及有無字爲之後以左右_本字爲少又而又遂爲又更專字經中凡借有無字者皆改作又惟尙書三百有六旬有六日二十有八載惟十有三祀等未改孟子書改之未盡者尙餘此二字今試即兩處上下文讀之洪水汜濫五穀不登聖人憂之乃治水教稼然後民得飽煖既飽煖

莫經集文集卷一

三

而逸居無教聖人又憂其近於禽獸乃勞來匡直使之自得然後民知人倫聖人又憂之與上堯獨憂之語脈蓋相承也牛山之木既伐非無萌蘖之生牛羊又從而牧之是以成其濯濯人之良心既放非無平日之好惡且晝所爲又楛亡之是以成其禽獸又楛亡之與上又從而牧之語意蓋相對也若作有無字解是憂之乃別有所憂非憂其近於禽獸也楛亡亦別有楛亡之者非楛亡於且晝所爲也於詞理俱失矣

爾雅

釋詁廣揚續也注揚未詳按虞書颺言史記夏本紀作

揚言史公從孔安國問故所載多古文說知作揚者乃古文漢碑揚舉字多作颺則颺言及時而颺之作颺者蓋今文通用也此訓正釋皋陶謨廣揚義揚言謂續帝敕命時幾之言廣歌謂續帝喜起之歌也偽孔傳云大言而疾曰颺似其本亦原是揚字故依傅鄭箋毛詩不吳不揚云不謹謹不大聲者以為義不知吳揚並言自宜就高舉意訓揚為大聲虞廷君臣雍容歌詠拜手稽首皋陶此時敬慎至矣而忽大聲疾呼有是理耶雅訓誠古說也

釋言辟歷也注云未詳按辟古霹字歷古震字謂震雷

巢經巢文集卷一

三

也辟說文震下作劈則辟言其擊物破析也歷言其雷刺輻輳也單言則曰辟曰歷合言則曰辟歷前漢天文志辟歷夜明劉向傳蝦虹辟歷皆合言也後世俗書並從雨郭氏按文求之此訓遂無從解說邵郝二家疏並執辟法以通歷字一云歷律之通一云歷秣之借俱未確

釋文懋懋慎慎勉也音義慎亦作慕邢疏因云慎與慕同按說文慎勉也從莫在旁慕習也從莫在上形義俱別淺人不知為兩字移旁心作慕非也詩楚茨君婦莫莫傳莫莫清靜而敬至也靜敬即勉力無怠之意所以

為豆孔庶也此正訓詩義慎正莫省

釋山山續無所通谿注所謂窮瀆者雖無所通與水注川同名按此注本李巡見左傳隱三年正義說恐未確釋水水注川曰谿同是谿名不應一為注川之谿一為無所通之谿竊謂此為釋山之文自主山言山續無所通為深山古澗非通達道路之經由者是名曰谿易曰舟楫之利以濟不通此無所通即不通之謂而其水仍注川也釋巨窮瀆汜即俗謂死水潭李郭牽合窮字與此無所通為一似誤也

釋水水草交為涓左傳僖八年正義引李巡注水中有

巢經巢文集卷一

三

草木交會曰涓水經濟水注引舍人注水中有草木交合也據此知舍人李巡本是水草木交為涓多一木字若如今本是水與草交非草木交也

釋鳥亢鳥隴釋文引舍人云亢鳥高飛也隴隴才可見也樊光云亢星鳥也隴隴亢鳥之頸也是舍人樊光本作亢鳥隴隴陸氏不及孫炎知孫與郭同今本也但如今本亢鳥隴其根隴文義為指喉隴鳥隴甚明舍人以亢為高亢義則是亢鳥連讀謂高飛之鳥也樊光亦亢鳥連讀謂是亢星二家之本皆似無其根隴句若有則隴隴連文即不應如是解以知釋獸已有鳥曰隴之文

此其根嗉句是郭氏以前人所增舍人樊本並無也然若樊義亢星既非星鳥且此是釋鳥何與天星釋文必有誤字

釋畜角一俯一仰騎皆踊翳說文騎一俛一仰也翳一角仰也易其牛翳音義云子夏作契傳云一角仰也虞翻云牛角一低一仰故稱翳按爾雅文別騎翳之異甚明韓嬰許君說翳是一角仰則有一角不仰仍是一俯一仰騎也兩家云一角必是二角寫誤音義又云翳荀作騎據虞氏義其本亦必作騎與荀同故以角一低一仰解之稱翳之翳騎字之譌也

集經集文集卷一

誼

孔疏尚書古今文經字之異

堯典正義云庸生買馬之等惟傳孔學經文三十三篇故鄭與三家同以為古文而鄭承其後所注皆同賈馬學題曰古文尚書篇與夏侯等同而經字多異夏侯等書宅岵夷為宅岵鐵味谷曰柳谷心腹腎腸為優賢揚今本誤作岵則剝剝云臚宮剝剝頭庶剝是鄭注不同也按此疏載古今文經字異處岵夷味谷心腹腎腸剝剝剝剝是古文岵鐵柳谷優賢揚臚宮剝剝頭庶剝剝是今文自百詩閻氏誤會疏語古今互易近江良庭王西莊孫淵如等注尚書都沿閻說以孔謂今文者為古文

若膺段氏撰異辨證甚詳余以為疏文本自易混即讀

作夏侯等書某字鄭為某字亦無不可若段氏引夏紀索隱稱今文尚書及帝命驗並作禺鐵書釋文稱考靈曜及史記作禺鍤尚書大傳及鄭注八月西巡守言柳穀周禮縫人注稱書曰度西曰柳穀裴松之管甯傳注稱今文尚書優賢揚歷諸處證岵鐵等為今文確矣而執閻氏說者必將謂諸書據古文稱今文者是寫誤則猶未易折之也竊思得確不可易一證漢成陽令唐扶頌是閻葵班光利六年立頌後載班之子龔治歐陽尚書廉治小夏侯尚書則其文必出於父子之手而頌中

集經集文集卷一

誼

云優賢颺歷

漢碑揚字多借作颺今文讀歷上屬

其為用所受歐陽夏侯

之經無疑定此優賢揚歷是今文則與禺鐵等並為孔氏所稱夏侯等經字決無移易矣又漢國三老袁良碑云優取之龍取古賢字其碑良孫衛尉滂立洪文惠謂滂為九卿在靈帝之初此時鄭書注未成而碑已用優賢字亦足為三家經字之一驗

綦毋邃孟子注

隋書經籍志注梁有孟子九卷綦毋邃撰今亡七錄作孟子注此省舊唐志作七卷綦毋複姓毋讀無詳廣韻毋字注隋志注作毋寫誤也仲林余氏經解鈞沈目錄列邃於

時代無攷中耕厓周氏考孟子古注亦云遂世次行事無攷余按通典九十五言晉哀帝興甯中哀靖皇后有草太后之喪尙書奏至尊總麻三月皇后齊衰周綦母遂駁云云刻本遂則遂是晉穆哀時人故隋志載遂列女傳七卷次皇甫謐後宋裴駙史記集解注趙世家顏若苕之榮得引遂列女傳注也隋志注云梁有者據七錄謂梁有其書與後言遂注二京賦三都賦及誠林並梁有今亡同非謂卽是梁人孟子正義誤會志注因云在梁時又有綦母遂注九卷非也遂注僅存者經義考蒐得李善文選注引秋陽以暴之注周之秋於夏爲盛

集經集文集卷一

毛

陽也驅蛇龍而放之菹注澤生草曰菹二條選注引菹云沮與菹同明作菹是遂本朱氏作菹誤周氏復蒐得選注夫子當路於齊注當路當仕路也伯夷隘節注隘謂疾惡太甚無所容不恭謂禽獸畜人是不敬然此不爲褊隘不爲不恭二條合之凡存四條耳可惜也考定喪服大功章大夫之妾二條鄭氏經注原本按今本儀禮喪服大功章大夫之妾爲君之庶子至謂妾自服其私親也世儒言喪服者多從舊讀合女子子八字上屬爲妾服君黨下云世父等爲妾自服私親而以鄭改讀爲非經誣傳大違服例斷不可憑余嘗疑若

按今經傳讀之以合通篇服例爲庶子及女子子未嫁者當期大夫之妾從女君以尊降故大功女子子嫁者以出降當大功大夫之女若適士又以尊降當小功此嫁大夫者尊同得服親服大夫之妾從女君以尊同不降故大功妾不得體君得各遂其私親之服故爲世父母叔父母姑姊妹俱以出降服大功經傳明白畫一毫無疑竇卽云當言其而不言其既可以文爛在下又焉知字無脫落改讀誠屬多事且改讀必義勝前人卽不勝亦須各伸一義今以改讀按之服例女子子之嫁者於本宗旁期以出降服大功此女子子是嫁於大夫者

集經集文集卷一

毛

若世叔父仍是大夫姑姊妹仍是大夫妻自應尊同不降仍依出降大功若世叔父是士姑姊妹是士妻又當以尊降服小功經不言世叔父是大夫姑姊妹是嫁於大夫自主士言則此嫁大夫之女爲服小功明矣至女子子未嫁者於世父等並與男子服期亦不得大功是改讀之義轉大謬不通矣以康成於喪服微曲悉到此條旣非隱互難明之服又有明白可據之傳何以定須改讀改讀又不通如此康成宜不其然反覆推考乃知後世所據以駁康成之傳且非賈氏所見之傳而賈氏所見之傳注又非康成原本今一一疏證之此經之當

從鄭讀斷然矣

鄭氏經注原本

大夫之妾為君之庶子 下傳曰何以大功也妾為君之黨服得與女君同指謂此也妾為君之長子亦三年自為其子期異於女君也士之妾為君之眾子亦期

按注以子夏傳此者錯置後條下當移歸此後條本無傳也其傳曰十八字乃舉後條下全文非抽出言之之辭於本經下舉正舊簡之錯在他經者自應全標簡字與玉藻而素帶諸節樂記愛者宜歌商節注即在錯簡下止云宜承某某自明者不同故知鄭所

與經集文集卷一

三

注經本傳曰二字之下即連何以大功注舉十八字是其全文若後條注複舉何以大功三句即隨便言傳所云更可見矣欲明此經鄭讀此其鍵籥也

女子子嫁者未嫁者為世父母叔父母姑姊妹 舊讀

合大夫之妾為君之庶子女子子嫁者未嫁者言大夫之妾為此三人之服也下言為世父母叔父母姑姊妹

者謂妾自服其私親也此不辭即實為妾遂自服其私

親當言其以見之依疏作以見齊衰三月章曰女子子

嫁者未嫁者為曾祖父母經與此同足以明之矣傳所云何以大功也妾為君之黨服得與女君同文爛在下

爾女子子成人者有出道降旁親及將出者明當及時也

注舊讀至未嫁者述馬融輩讀法言大夫之妾至私親也述舊讀者合上下作一條解義此不辭至文爛在下爾乃自下所以破舊讀之意此不辭及經與此同之此皆指此經爛在下之下指此經下言此經不是謂妾服私親之辭篇中謂妾服私親之辭例言其字此經若實為妾服私親當言其如不杖期章為其子為其父母以見是妾服私親今此經無其字而齊衰三月章言女子子服曾祖一經辭正與此同足明

與經集文集卷一

四

此經與彼經同為女子子本親之服傳所云何以大功三句乃上一經之傳因簡爛誤置在此經下耳舊解者惟不知傳實誤置見傳發妾服之義於此經下自然謂上下皆是妾服不能不讀女子子嫁者未嫁者上屬合庶子為妾服君黨下為世父等為妾服私親其如此經之辭與篇中必言其者不類而與言女子服者正類則不能不改讀矣

鄭改讀必據經不言其者蓋通計全篇經例於為人後者為人妾者女子子適人者三等人之服私親辭必言其以見非所後及夫家之親大功章女子子適

人者爲眾昆弟獨不言其者以嫂叔無服不嫌無其字故也則此爲世父等若實是妾服私親經決無不言其今既不言其知非妾服私親決矣解經必先守經康成據通篇文例斷之已非若舊讀之憑私牽合況此條經旨關女子服例匪細必如舊讀亂文例猶可失一服例可乎

注言女子子成人有出道降旁親六朝儒者謂之逆降見梁朱昇問李業興語不始賈疏也而此義明後學者羣大訾之余謂此聖人經例鄭特明之非臆撰也若言女子子成人未嫁者於諸親之服皆同男子則不杖期

集經集文集卷一

聖

章祖父母條內已兼有未嫁女孫服之矣何以又言女子子爲祖父母齊衰三月章曾祖父母條內亦兼有未嫁曾孫女服之矣何以又言女子子未嫁者爲曾祖父母觀彼兩經決知聖人於女子年已笄禮者謂雖未卽嫁而早晚有嫁道若值喪服必一概滿其月數則當婚姻愆期女道外成得歸爲重遂服爲輕惟正尊之服是不敢降若旁親則皆可從降使無失嘉會之時此一經正著有出道者降旁親之專例其餘經皆不出從可知也惟祖父母曾祖父母是正尊不在此例故別出言之鄭注女子子爲祖父母

條云經似在室傳似已嫁明雖有出道猶不降注女子子爲曾祖條云此著不降明有所降正康成善於讀經無隱不盡之處若如舊讀則此例專在此條者先致晦盲而爲祖爲曾祖二條之別出言者經意無從知矣

朱子初以舊讀爲得傳意以鄭改傳爲牽強後與余正甫書始云女子子適人者爲世父等之服獨見此經當從鄭注無疑愚以謂經出此條本非明嫁者爲世父等之常例特以見未嫁者有出降旁親之專例何也女子子爲世父等其但以出降者自可由爲眾

集經集文集卷一

聖

昆兄及爲姑姊妹女子子適人者推知其餘更以尊降者又可由大夫之妻爲姑姊妹嫁於大夫者推知其餘本宗出降之服經不見者尙多何必定見爲世父等若未嫁降旁親不出此條則此例遂無從見此經意也朱子特以鄭氏講禮之宗終不肯違其說故從爲之辭耳

傳曰何以大功也妾爲女君之黨服得與女君同今本傳曰下嫁者其嫁於大夫者也未嫁者成人而未嫁者也四句賈疏中已述之余玩注說知馬鄭本並無也蓋魏晉以後從馬王之學者以經言嫁者未

嫁者未主名嫁於大夫其未嫁者妾自從女君以尊降大功義無可破其嫁者若是適士則既以出降又以尊降即不得爲大功終是破實因取齊衰三月章嫁者未嫁者之傳以爲此經之傳謂經同傳同師說乃堅耳鄭固未之見也若鄭見傳文已如此豈不計以己讀合傳文則此女子子是大夫之妻此條下明云大夫之妻爲姑姊妹嫁於大夫者傳曰尊同則得服其親服是爲姑姊妹尊不同者當小功此條上明云大夫爲世父母叔父母爲士者傳曰尊不同是其妻自爲世叔父母尊不同者以出降大功更以尊降

小功此經既不云爲世叔父母之爲大夫者姑姊妹之嫁於大夫者則皆不得爲大功明矣而經是爲大功如傳云者固不得大功依傳義則舊讀斷不可改改舊讀則傳義斷不可通而必改從新讀鄭何至荒忽如是今即新讀與傳義全背之故而確以上注之標舉錯次全文者證之即本注推本經決知鄭所見之本此經下止有傳曰八字並無嫁者其嫁於四句也惟其目中胸中絕無嫁於大夫之說其傳曰八字已定當歸上經則此經直無傳文按經讀之嫁者自主適士言其爲世父母等自從出降一等常例

所以不更注說止解未嫁者一層而舊讀以適士之女大夫妻應以出降尊降服小功者乃謂妾從之服大功康成且不暇駁其誤矣

今本傳得與女君同下有言爲世父母叔父母姑姊妹者謂妾自服其私親也二句賈疏云下言二字及者謂妾自服其私親也九字總十一字既非子夏自著又非舊讀者自安是誰置之也今以義必是鄭君置之鄭君欲分別舊讀者如此意趣然後以注破之按此則下言二句賈原謂是注文當連上節注末句同爲鄭君分別舊讀者意趣之語不當割置傳下

分一注爲兩截傳本久經如是不便輒改而古人經注連寫不似後世明標注疏字樣易爲區畫賈恐讀者見注文鶻突或認爲子夏所著或認爲舊讀所安故預破此兩惑意謂何以大功三句既當在上爲君之庶子下矣則此經原傳止有嫁者其嫁於四句如連下言二句並爲傳詞即不成文理若謂是馬融輩所安馬融喪服經傳注具在得與女君同下並無是語此斷爲鄭注無疑止須連上節讀耳其下言兩句凡二十一字賈氏不計爲世父母叔父母姑姊妹十字者以十字是鄭述經文故止計鄭於十字上下所

加之十一字朱子謂中包爲世至姊妹十字是也東原戴氏校儀禮集釋退此二十一字上接前注下連本注合作一條以還鄭君之舊合賈氏矣而又譏賈氏以爲世父母十字爲傳以下言十一字爲鄭加亦未全明疏意賈何曾以十字爲傳乎

二十一字之非傳不獨賈疏可憑考賈以前人及賈疏後百年間亦皆不以爲傳其直以爲傳者自開成石經始也杜氏通典大功九月議載此經下稱晉孫略議以爲伯叔父母姑姑姊妹皆夫家也妻體夫尊降其夫伯叔父母姑姑姊妹小功妾賤不敢降也張祖高

巢經集文集卷一

五

難以爲妻爲夫之黨服降夫一等夫之姑姑姊妹宜小功妾服君之黨得與女君同豈以貴賤之故而異之按孫略云妾賤不可以恩輕從略故宜在大功今按孫議張難不從舊讀亦不從鄭義並守傳文妾服君黨立說孫謂妾賤不敢同女君小功義雖與傳相違仍與本經爲大功合張之難義以與女君同小功則直不顧本經是大功章矣要可見晉世諸人並不知下言兩句是傳文故於馬鄭外各明已說若見傳已有妾爲私親明文肯作此夢寐耶杜氏在賈疏行百餘年後而主孫恩輕從略之說不以傳言私親正之

又可見君卿以前亦並不知下言兩句是傳文也此必唐中葉以後民間不明賈學之徒見此經一注兩截卽以二十一字混作傳文連得與女君同讀之亦自理順詞明因而更相傳習及鄭覃等校刊石經粗淺無識遵用不疑遂成今本此石立數十年明儒不窺故知非特字乖師法也然則今本此傳一經賈氏以前人取齊衰三月章文入之再經賈氏以後人取注文入之然後屢湊成一理順詞明之傳不有賈疏何由尋其踪跡哉

巢經集文集卷一

四

文其說實本東原戴氏而云唐以前寫校者因注言爛下遂疑下言二十一字爲文爛在下以故誤爲傳文此則臆揣無理賈疏具在何唐以前也至云注自舊讀起當次傳文女君同之下亦本戴氏按篇題疏云若傳不釋經者則注在傳上以釋經若傳義難明者則在傳下以釋傳此注例也今鄭既以女子條下之傳當屬上條又原無嫁者其嫁於四句則女子條下鄭意本無傳矣必無注本條於他條下之理故知注必並在經下阮說亦非程易疇初見與阮氏同及作足徵記意在處處力攻鄭氏憑空拈此不辭三字

以鄭氏爲斥傳文謂可斷傳文實有此二十一字程非不知二十一字依賈疏確是注文而必以誣傳者以不誣傳則不能誣鄭耳其說經之私殆不可問矣循注文止是謂舊讀者不知傳文爲錯次因而誤解兩條皆大夫之妾服耳並不謂傳者說誤至敖繼公卽屏湊之本立論於是累及傳者謂傳者失於分句不審求爲嫁者大功之說不得故強生嫁於大夫之義以自傳會而爲世父以下文無所屬又以爲亦大夫之妾爲之直是以子夏文學專科反不如一年入學者尙能離經句讀也至謂傳文始蓋在未嫁者下

今在此者鄭氏移之更可勿論矣

或曰鄭據齊衰三月章女子子爲曾祖條經與此同以明此亦女子服本親而彼傳固言嫁者其嫁於大夫者也此經卽如子言鄭所見之傳本無嫁者四句而以彼經例之辭同義自同則嫁者仍是大夫妻況鄭注子嫁反云凡女行於大夫以上曰嫁經旣云嫁者卽無前傳亦知是嫁於大夫者也鄭義不仍非乎曰子嫁反之注蓋釋嫁字之義非以明經例也若以經言嫁者必是嫁於大夫則卽子嫁反在室爲父三年者鄭豈以爲非大夫妻仍止服期乎又如繼母嫁

從爲之服者鄭豈以爲非嫁大夫子卽不爲服乎知必不然矣且此經主明女子得降之親出者固降卽有出道者亦降彼經主明女子不得降之親出與將出固不降卽出而貴者猶不得降傳者恐人以此經例彼經謂彼嫁者止指士妻故云嫁者其嫁於大夫者而大夫妻以上以下無貴賤皆不敢降正尊止得降旁親之義以明經辭雖同義各有在鄭據以證改讀者止是明經無其字爲爲本親非以經意是一也或曰子欲伸逆降之說至不惜刪經以就注恐無信者必且得罪曰余回知必爲世罪然世之病鄭者爲

不用明順可據之傳文特立新說耳而康成舉所謂錯次之傳之全文具在注中賈氏計康成明舊讀意趣者之下言十一字具在疏中後世所見明順可據之傳鄭氏未之先見斯罪矣余奚罪至經別出女子子爲祖父母爲曾祖父母以著不降則有所降之專條非此謂世父等而何也鄭氏不先知後人止信經之出降尊降厭降決不信更有逆降而必苦明經意斯罪矣余又奚罪

前六年讀此經反覆尋繹得卽本注推本經定康成所據經傳古本原無嫁者其嫁於四句然後改讀之

確可得而明其說幾備今日重復思之更得卽上條
明下條卽記文明經文益見世儒以改讀病康成者
先自病讀書粗心也蓋經例凡爲子女服同者皆子
女子子並言惟妾爲君之子女例止統言庶子此章
大夫之妾爲君之庶子與後殤小功章大夫之妾爲
庶子之長殤小功章大夫之妾爲庶子適人者經凡
三條文例是一則此上言庶子已包女子在內下女
子嫁者未嫁者非屬爲世父等爲別言女子之服而
何記云凡妾爲私兄弟如邦人私親大功以下服備
此一語而卽此一語可決知經中不著妾爲其私旁
親之服故記特補所不備若如舊讀是經已見世父
等旁親服例餘不出者皆可矣何待記補之乎記
以經已有爲其父母一條則爲其祖曾亦以不得體
君得遂可知故不及私親正尊而止著兄弟服卽其
不及正尊而兄弟服之爲經所不著益見以上條明
下條以記文明經文改讀豈猶有微罅乎鄭學誠未
可以粗心輕議矣

遵義 鄭珍 子尹

牂柯考

牂柯郡所以名漢以後有二說華陽國志云莊踰出且蘭伐夜郎植牂柯繫船躋王滇池以繫船因改且蘭為牂柯國此一說也水經注牂柯江中兩山左思吳都賦所謂吐浪牂柯今吳都賦無此文後漢志注云牂柯江中名山通鑑注引今後漢書注無此文此一說也今按躋之王滇史記在楚威王時後漢書在頃襄王時要其時並在戰國據管子小匡篇云桓公曰余乘車之會九兵車之會三九合諸

巢經巢文集卷二

侯一匡天下南至吳越巴牂柯帳不庚雕題黑齒荆夷之國莫違寡人之命注皆南夷國號是齊桓定伯之時南夷已有牂柯國雖不定始於何代要是自周以來即與雕題黑齒著號荒服先於莊躋六七百年不待莊躋以船杙為名較然矣且如常氏之說則且蘭國自躋後名牂柯矣何以終西漢世止稱且蘭不一及牂柯乎愚以管子書考之牂柯自是三代時要荒中一國其名牂柯者按異物志云有一山在海內小而高似繫船後俗人謂之越王牂柯遠望甚小而高不似山近望之以為一株柏樹在水內又交州記云侯石孤絕高數丈名為

牂柯在海中二書皆以牂柯在海中與謂在江中且是兩山者不同要必有此山似繫船之牂柯故山以為名而其山或在國境內故即以名國魏晉以前蓋必有師說也其國在春秋時必雄大著稱與吳越荆巴等故齊桓數南國之從命者亦屈指及之自戰國以後別無考見據後漢書夜郎東接交趾西有滇國北有邛都國各立君長其疆域之廣遠必不在秦後始開拓而然而其域中又必合有三代時諸南蠻小國乃成一大夜郎國觀唐蒙通道時史獨稱見夜郎侯約置吏可見其時諸國受夜郎轄制已久漢使止得夜郎聽約諸國即無不

巢經巢文集卷二

聽約矣此可推見秦以前戰國以後夜郎即大其時牂柯與且蘭鼈令等國必同臣屬夜郎史記西南夷傳所稱此諸國及夜郎旁小邑者即指牂柯等等秦與漢雖皆置吏而此諸國君長不改故且蘭在征南越時仍稱且蘭君而鈞町漏臥同並諸侯亦如舊也在開牂柯郡時十七縣地為舊國不知凡幾非一牂柯國所能盡而以牂柯名郡者蓋因牂柯號國於諸縣地獨與吳越巴楚同載典籍故取牂柯舊名兼之如巴郡之兼夔苴等國蜀郡之兼徙苻等國皆從其最舊著者名郡非牂柯先本是且蘭亦非牂柯即是夜郎常氏不關會管子書

臆創躡改且蘭爲牂柯之說後人不能細究原始相沿
夢夢俱可置而勿論云

白錦堡考

宋史端平三年以白錦堡置播州綿乃錦字之誤自王
象之輿地紀勝謂南平軍在白錦堡去播州三百里後
地志皆沿之堡遂在綦江境內矣今考潛溪集楊氏家
傳光榮籍播州二縣地往獻於朝詔卽其地建白錦堡
此堡名所由始也後又云軫病舊堡隘陋樂堡北二十
里穆家川山水之佳徙治之是爲湘江此卽今遵義府
治云在堡北二十里則堡在今府治南二十里無疑若

巢經巢文集卷二

三

堡在綦江境上去穆家川三百里而遙楊氏無故舍其
世守遠徙如此已大非情事且由綦江往今府治地越
溱珍二州楊軫宋高宗時人其時珍溱境內皆有土酋
據守安得任其自由且楊氏自唐末以來世守止是播
州若至是始徙穆家川則前此皆治在南平軍矣不與
史志大舛乎然則家傳得其實矣又按家傳序端之入
播云端詣瀘州合江逕入白錦軍高遙山據險立砦結
土豪爲久駐計又序楊實弟先蟻擁兵事云先據白錦
東遵義軍號下州蟻聚白錦南近邑號揚州稱南衙將
軍舉兵攻先且外結閩兵爲助楊貴遷大發兵設二覆

於高遙山要其歸而擊之閩大潰赴水死者數千蟻亡
入閩觀傳文可知白錦爲楊端前舊名至光榮獻地建
堡乃得堡稱所稱高遙山在今府城西三十里山麓卽
松耶寺所稱閩或稱羅閩卽指今水西所稱赴死之水
卽今樂閩河樂閩蓋羅閩之訛當時河西卽近閩地觀
傳序三公歸閩事云阿永蠻發兵納三公界上會濟江
夷獠引舟岸北云云江卽是此水岸北卽是界上則閩
播以樂閩河爲界甚明白所稱遵義軍乃宋於唐之遵
義縣置者地爲今之綏陽此史家據後追稱時尚未置
軍也統家傳前後文釋之知楊端入播其路由合江入

巢經巢文集卷二

四

仁懷逕至高遙山立砦以備攻守白錦必在山之附近
定播之後遂世居之想其時唐之州治在今綏陽者遺
子弟分守而已故宋卽堡置播州而以唐州治置軍今
綏陽正在府治之東於治南二十里之白錦亦在其東
宋文憲據譜立傳故能事事實合可以裁度諸史堡去
播三百里之說止見其誣矣今府城南四十里有市曰
賴板凳西距高遙山十里市名極無意義疑其地卽古
之白錦自楊軫北徙穆家川人以其地在南遂稱爲南
白錦南賴白板雙聲錦凳疊韻歷久音訛遂成今稱或
曰如此卽與二十里不合曰白錦之地廣矣藉此相沿

舊稱知故堡要在其近豈方數十丈之外遂不可以白
錦之名被之乎

駁朱竹垞孔子門人考 辛酉

竹垞朱氏既著孔子弟子考又以七十子之徒公羊高
穀梁赤等爲門人著孔子門人考謂歐陽子言受業者
爲弟子受業於弟子者爲門人稽之論語所云門人皆
受業於弟子者顏淵死門人厚葬之此顏子之弟子子
出門人問此曾子之弟子子疾病子路使門人爲臣此
子路之弟子子夏之門人問交於子張此子夏之弟子
孟子云門人治任將歸入揖於子貢此子貢之弟子斯

集經集文集卷二

五

言也害經之至按論語記孔子言行其或曰門弟子或
曰門人皆孔子之弟子也所以稱門弟子門人者古之
教者家有塾塾在門堂之左右施教受業者居焉所謂
皆不及門及此門也奚爲於某之門於此門也滕更之
在門在此門也故曰願留而受業於門禮記檀弓孔子
先反門人後又孔子與門人立拱而尚右二三子亦皆
尚右又孔子之喪門人疑所服子貢請喪夫子若喪父
而無服又子貢曰於門人之喪未有所脫驂史記仲尼
弟子傳孔子曰自吾有回而門人益親諸言門人卽弟
子也何有弟子之弟子乃爲門人哉朱氏所舉論語惟

一貫章疏云門人曾子弟子厚葬章疏云門人顏淵弟
子推邢氏之意蓋以文云子出當不在孔子之家疑者
不問孔子而問曾子厚葬者敢違不可之命而必致其
情是必顏曾之弟子也然則孔門諸弟不當互相諮益
亦不當厚葬朋友乎其說固已難通至子路預具家臣
待庀師喪何以必須使已弟子當時病終不聞七十子
不將都無一事止視孔子死於子路弟子之手而不敢
與子路弟子之大葬孔子乎子路在孔門自秦商顏路
外其齒爲長其進道最勇爲同門所素敬至是不敬其
輕慢之必有見於詞色者師非孔子孰無所短是豈爲

集經集文集卷二

六

之弟子者所敢出乎若治任將歸之門人三年之外服
師之心喪畢也入揖子貢嚮哭失聲去者留者痛師之
不復見也使爲子貢弟子何以歸必於三年之外而入
揖皆痛哭也論孟所有門人爲朱氏未舉者更有童子
見門人惑此誰氏之門人益成适見殺門人問豈适亦
宜有弟子乎若問交子張者經明云子夏之門人如朱
說則是子夏弟子之弟子也而云子夏之弟子是門人
弟子依然無別直自相矛盾矣朱氏他考訂多純確此
乃大謬誠所不解詳歐陽子跋孔宙碑陰徒見其四十
二人稱門生又有十人稱弟子以爲必有分別因云親

受業者為弟子轉相傳授者為門生不知門生弟子原皆門人之稱宙碑云故吏門人乃其勒石示後而其陰由門生門童而故吏而故民止矣繼十弟子在末則續添出錢之人故變門生題弟子亦猶楊著碑陰前已題右沛君門生末又題右三人沛君生為續添而省門生曰生耳豈生與門生又有別哉洪景伯已覺歐說不安增一語曰總而言之亦曰門生以求通於他碑之止稱門生者不思他碑固可通在宙碑明是門生弟子分題如其說則其稱門生者必受業於稱弟子者也題名固可以學子居前先生殿末乎朱氏又云隸釋隸續所載

巢經巢文集卷二

七

諸碑有弟子復有門生知門生弟子固別按漢碑有弟子復有門生者惟一孔宙碑陰即以宙碑而論碑云門人而陰竝有門生弟子是門生弟子皆為門人又安得云門人止是門生也若他碑惟謁者景君碑陰皆稱弟子而先題諸生服義者則弟子即是生楊震碑其孫統之弟子所立而云統之門人陳熾等緣在三義一樹元石於墳道楊著碑其弟子及季父秉從兄統之弟子所立而云門徒小子喪茲師範故樹斯石其陰則題後公門生沛公門生逢盛碑其父之弟子所立云感傲三成一系列同義其陰徐承四人題家門生魯峻碑門生三百

二十人追惟游夏之義作謚宣父謚君曰忠惠父夫曰緣在三喪師範感三成追比游夏作謚非受業弟子而何則弟子門人門生是一無別證以漢碑益明白矣或曰後漢書鄭康成傳門生相與撰諸弟子問五經為鄭志門生與弟子明別朱氏據歐洪殆未必非曰此修辭之體然爾若云門生撰門生弟子撰弟子即不成文語矣鄭志實康成弟子趙商張逸等撰故唐劉知幾議則云鄭君卒後其弟子追論其師所著述及應荅時人作鄭志是康成傳正門生即弟子之確證與史記仲尼弟子傳云仲由門人請為弟子措詞正同若誠有別然則

巢經巢文集卷二

八

子路之及孔門是由孔子之再傳弟子先容歟或又曰後漢李固傳云固下獄門生王調貫械上書證其枉及固死弟子郭亮負鈇鎖乞收固屍賈逵傳云拜逵所選弟子及門生為千乘王國郎此又豈是無別者曰此言之門生不可與門人並論也漢時弟子稱門生而凡在門下奉教令不必師其學問者亦稱門生鄧壽傳竇憲常使門生齋書詣壽有所請託楊彪傳黃門令王甫使門生於京兆界辜推財物及此兩傳之門生皆是也特如今所謂門子門丁耳顧亭林云漢人以受學者為弟子其依附名勢者為門生亦與史傳諸碑舛背迨降至

六朝仕宦者皆名門世族寒賤無出身之路相率趨赴勢家列其門籍爲門生如南史顧琛傳琛以宗人顧碩寄尙書張茂度門名者乃得如亭林所云耳其時初至者入錢爲贄甚乃重賂以求充梁顧協有門生始來事知協廉潔不敢厚餉止送錢二千協怒杖之二十陳姚察有門生送南布一端花練一疋察厲聲驅出而宋顏竣多假資禮解爲門生充朝滿野殆將干計可見也其人供使令賤役又似今奴僕之類晉王微嘗將門生兩三人入山采藥陶淵明使一門生二兒舁籃輿周嵩嫁女門生斷道庾子輿之官巴陵勒門生不許輒入城

市劉歊游詣故人惟一門生持胡牀隨後徐湛之謀逆謂范蔚宗已報滅質悉攜門生義故前來應得健兒數百皆其證顧琛傳稱尙書等門有制八座以下門生隨入者各有差不得雜以士是所謂門生且非士流更何受業之有然藉其資可以得官陸慧曉爲吏部尙書王晏典選內外要職多用門生義故王琨爲吏部自公卿下至士大夫例用兩門生江夏王義恭屬用二人後復有所請琨不與則當時門生授官且有額例故宋孝武責沈勃周旋門生競受賄賂少者至萬多者千金是其爲名利之階梯正與今之具贄拜門生希拔擢藉袒蔽

者同不得以與弟子稱門生者並言也
警縣問答

或曰方輿紀要以警在遵義又曰在陸涼兩歧其說段氏玉裁以謂在陸涼爲非然亦安見遵義必是乎曰陸涼在盤江之南盤江在延江之南延江在岷江之南凡前漢志所列犍爲之水皆至警入延警縣之警水亦入延若警在陸涼則邑之水不能越盤江而入延江且延江於陸涼相去懸絕漢陽之漢水符之温黠水何由南絕盤江而至陸涼乎此警之爲遵義最明白者也或曰漢開牂柯置十七縣延江之西不能以警縣盡之豈無

當他縣者曰牂柯十七縣余嘗以前漢志水道驗之且蘭有沅水至益陽入江鐔封有温水至廣鬱入鬱井斂有剛水至潭中入潭夜郎有豚水至廣鬱西隨有糜水都夢有壺水竝至糜伶入尙龍谿句町有文象水至增食入鬱又以水經注水道驗之温水逕牂柯毋單縣又逕律高縣律高卽宛温也橋水東流毋單縣注於温糜水逕談彙縣亦注於温葉榆水東逕同竝縣又東逕漏江縣又入西隨縣出進桑關凡此諸水俱在今延江之南盤江南北下流入湖南廣東廣西及交趾可見且蘭鐔封同竝毋斂夜郎毋單漏江西隨都夢談彙進桑句

町十三縣竝不在延江之北其談桓晉屬夜郎郡漏臥
晉屬興古郡興古地在盤南夜郎郡據後漢志郡有不
津江不津卽盤江則是此兩縣亦不在延江北也惟平
夷縣據華陽志有安樂水而水經注符縣治安樂水會
則平夷當在延江之北若營縣據前漢志營下言營水
入延今本作入沅犍爲郡符下言温水南至營入黠黠
水亦南至營入延今本作入江漢陽下言漢水東至營
入延符今四川合江地漢陽今貴州之黔西州畢節縣
偏永甯一帶地温水卽遵義桃溪黠水卽綏陽洪江漢
水卽黔西渭河安樂水卽仁懷赤水合諸水原委求之
可見渭河南岸卽平夷境其北岸營境也桃溪源處卽
符縣境其下所經營境也此營之西界西北界西南界
可推見者也若南與東南其以延江爲界顯然明白由
東南而東爲涓潭而東爲龍泉葵川而東北爲正安西
南境而北爲桐梓乃循婁山崖門而南至渭河北岸是
爲營縣舊境婁山崖門之西今仁懷地皆符縣境由葵
川而北乃由正安而東北皆涪陵縣極南之境不在營
縣限內然則由此言之平夷雖在延江北其於營爲渭
河限定而今遵義府境有不盡是牂柯郡地者亦有不
盡得營縣舊地者矣或曰今遵義府地東西八百里南

北四百里又增以涓龍葵川卽除仁懷入符以此當營
一縣毋太闊乎曰漢置邊荒郡縣不可以中州例也如
牂柯初止十七縣其後置益州晉甯建甯雲南興古平
夷夜郎平樂河陽梁水西平諸郡一郡所領縣少亦不
下二三皆是此十七縣地以今地驗之十七縣居貴州
大半省雲南大半省兼廣西亦有其地其爲遼闊何如
也營一縣合以今地較之他縣余以爲獨狹尙嫌太闊
乎或曰據華陽國志及水經注犍爲郡治在營縣矣何
以後歸牂柯且何以延江之西孤懸此縣必不屬犍爲
曰此於史傳無明徵然其故可以時勢推求也知此則
營縣之爲遵義益無疑矣蓋廣漢郡由巴蜀二郡分出
犍爲郡又從廣漢郡分出此常氏書可據者也當唐蒙
見夜郎侯約置吏還報卽立犍爲郡是時夜郎及諸小
國本貪漢繒帛料其地終不爲漢有聊且聽約耳而蒙
亦必計及夜郎之大遠難盡有彼旣聽約則且分廣漢
舊入版圖之地增以夜郎之傍蜀一隅置犍爲郡以延
江爲南界前臨夜郎後據蜀廣而卽倚延江立郡治於
營設守令以制之使退有可恃進有可圖蒙之計亦至
矣迨其後蜀四郡開西南道數歲不通死者甚眾西南
夷且數反則夜郎諸國不受約束可知洎築朔方罷西

夷獨置南夷夜郎兩縣一都尉令犍為自保就知是時漢之威力不暇遠顧止使守令自為保守隨所便就及終不能保勢不得不退倚蜀廣矣故自建元六年置犍為經六年至元光五年即移郡治北至南廣一營縣之地遂若弃若存夜郎既不能越江而與漢爭想漢太守亦時時羈縻之而已後十九年為元鼎六年且蘭滅夜郎入朝乃置牂柯郡盡以夜郎之地隸之是時營與牂柯地界止隔一延江去南廣幾一千里去牂柯郡治且蘭遠僅半之其於統轄為便於是乃以營隸牂柯此皆可以時勢推度而得者

巢經巢文集卷二

三

牂柯十六縣問答

或曰漢武置牂柯郡暨一縣既聞其詳矣餘縣十六今猶可指其地乎曰名號驟易境土屢分一郡一縣割成四五四五之中亟有離合沈休文已言尋校推求未易精悉也况漢開邊郡自晉以後漸非版圖唐開山洞已不能的知某為漢某地所置州縣隨立新名沿革之迹邈無影響唐以後地理諸書及貴州者非夜郎即且蘭及雲南者非建甯即興古其實皆憑虛揣擬絕無確見遞相仿據愈失本原矣今必欲略見大概亦可仿佛言之

巢經巢文集卷二

古

故且蘭 按漢地理志此縣下沅水東南至益陽入江武陵郡無陽下無水首受故且蘭南入沅水經沅水出牂柯郡且蘭縣為旁溝水東至鐔城縣為沅水注無水出故且蘭南流至無陽故縣東南入沅後漢西南夷傳莊豪從沅水伐夜郎軍至且蘭楸船於岸而步戰據此諸文可見且蘭為沅水無水所出又可見其疆域必至今沅水上流可通舟楫之處莊豪水軍乃可達其地而楸船也沅水即今貴州之鎮洋江源自鎮遠府黃平州經舊黃平施秉縣鎮遠縣又經思州府青溪縣玉屏縣入湖南晃州沅水即今都勻府之清江源自都勻經麻

哈州清平縣又經黃平州施秉縣台拱清江而入黎平府開泰縣又經鎮遠天柱縣入湖南靖州至黔陽縣入沅水今之溯沅入黔者舟可直抵鎮遠城下莊豪時雖水道較險激當可達青溪玉屏間然則今貴州鎮遠一府及貴陽之龍里貴定兩縣平越州之甕安餘慶兩縣都勻府之麻哈州清平縣石阡府之烏江以南境皆且蘭地也自元和志以播州為且蘭後人因以遵義地當之皆沿吉甫之誤

無斂 按漢志此縣下剛水東至潭中入潭鬱林郡定周下水首受無斂入潭行七百九十里此水在無斂為

剛水卽水經注之無斂水流入定周縣卽爲水經之周水班志於兩縣下敘上下流互相明足非二水也剛水卽今貴州之獨山江源自獨山城西二里簡麗寨東南流會都勻府王家司入寨廳諸小水至三腳壩名獨山江一名都江經古州界入廣西天河縣境經思恩縣慶遠府至柳城縣城西南合柳江水道提綱謂源委九百餘里實柳江西源是也今柳江卽潭水源出黎平府境漢志潭水出鐔城玉山則黎平鐔城地也今柳城卽潭中縣地獨山江於柳城合柳江與剛水至鐔中入潭正合定周當今慶遠府地其上游卽都勻則今貴州都勻

一府除清平麻哈不在外兼黎平之古州及廣西接古州荔波地皆無斂縣地也但水經存水極有誤處酈氏所注又復駁雜不可不知水經云存水出犍爲郡酈縣東南至鬱林定周縣爲周水又東北至潭中縣注於潭按郁酈今四川敘州府地潭中今廣西柳州府地由敘州東至柳州中間赤水烏江兩大水皆自南趨北敘州之水焉能絕出廣西前漢志止言定周水首受無斂不言出郁酈其犍爲郡酈下亦不言有水水經出郁酈句當作存水出牂柯無斂縣自水經有此誤道元強以諸書附合云周水東至且蘭縣北又東逕無斂縣北東

南與無斂水合水首受牂柯水東逕無斂縣爲無斂水又東注於存水其温水注云潭水東逕鬱林郡潭中縣周水自西南來注之又東南與剛水合水西出牂柯無斂東至潭中入潭是酈氏以無斂水爲一水入於周水周水與剛水又別是兩水周水合潭以後剛水始入潭不知周水剛水無斂水止是一流隨地異名班志首尾互足與斂鬱水橋水一例遂使經文一誤注文再誤而温水注又云豚水經無斂縣無斂水出焉是又以無斂水入温愈膠葛難解矣或曰前漢志夜郎豚水何水也曰今北盤江也日子以平越鎮遠爲且蘭以貴陽都勻

爲無斂今北盤江絕不經此等處如子言則水經注豚水東逕牂柯郡且蘭縣又東逕無斂縣何以言之曰此酈氏之駁文也余以周水爲獨山江出之獨斷誠有可疑若沅無二水之出鎮遠平越入湖南則無可疑者如且蘭無斂爲盤江所經其地必當貴州畢節以東廣西泗城以西往北則滴澄河南明河都江河入粵入蜀隔斷南北中間焉得沅無二水發源如班志所云者若必以酈注合班志則自鎮遠南至安順興義皆是且蘭無斂地矣兩縣如此遼闊亦必無是理須知酈氏敘豚水一段文字其誤舛不止此言地理止當準之前漢志以

外則有合有不合誠不可盡牽就耳

平夷 按華陽國志平夷郡領平夷暨兩縣宋書州郡志同可知平夷土壤必與暨縣相接故王遜分此兩縣立一郡其地據華陽志云平夷縣有安樂水安樂水卽今赤水至四川合江縣入江合江漢符縣地則平夷必在赤水上流又華陽志朱提郡南泰下云自犍道南廣有八亭道通平夷此今由四川敘州出永甯至貴州大定路也自犍道南廣道平夷程止八亭可見今貴州大定府畢節縣黔西平遠兩州及貴陽府之開州修文縣皆平夷縣地其大定畢節黔西之北境接四川永甯一

帶則漢陽縣南境地不入平夷界內平夷地據滇蜀之要故蜀漢庾隆都督治平夷總并益州至馬忠始徙治建甯味縣方輿紀要謂平夷廢縣在遵義縣西北極合又以雲南陸涼州爲平夷爲暨則大誤矣

夜郎 按漢志此縣下豚水東至廣鬱鬱林郡廣鬱下稱夜郎豚水水經溫水出牂柯夜郎縣驗溫水卽今北盤江源出雲南霑益州北境曲折二百里入貴州界曰可渡河東流伏大山至威甯州東南百六十餘里天生橋復出流入安順府界爲盤江經安順郎岱廳西南至永甯州西境東經慕役司東合南盤江古之溯源者當

自天生橋下入安順境始則今貴州安順府地卽漢夜郎縣也按宋書州郡志計甯州屬郡去州治道里云牂柯郡治去州一千五百里夜郎郡治去州一千時甯州刺史治建甯味縣味縣當在今雲南曲靖府境夜郎太守治夜郎較之牂柯太守治萬壽距州治近五百里可見夜郎在牂柯之南今自安順府治至曲靖府計里亦八百里而遙視宋書遠近略等又可見夜郎縣治在今府治左右其縣境北當至貴筑今貴州安順一府及貴陽府之長寨廳定番廣順二州貴筑一縣則皆夜郎縣地也

談桓 按後漢郡國志晉地理志華陽國志作談指宋州郡志作談柏其地無可參證今按華陽國志敘牂柯郡云晉元帝世刺史王遜分夜郎以南爲夜郎郡領夜郎談指二縣此晉制也宋書則云夜郎太守王遜分牂柯朱提建甯立領縣四此宋制也今卽所領四縣考之夜郎談柏漢牂柯舊縣廣談於華陽志屬牂柯宋志於廣談云太康地志屬牂柯則此縣之爲從牂柯諸縣中分置無疑惟談樂長是江左新立一設長小邑謂從建甯朱提兩郡分建恐無是理或是卽從談指分出故仍得談名然則宋書所敘不如常氏謂分夜郎以南爲確

常氏謂分夜郎以南夜郎外又止談指一縣則談指必
又在安順之南可見今興義府之興義縣貞豐州及羅
斛冊亨捧鮮以及廣西西隆州皆談指縣地也後漢志
談指下引南中志云有不津江江有瘴氣不津當是北
盤江異名今自安南沙麓津以下竝岸狹中深瘴癘蒸
鬱舍此則夜郎左竝別無有瘴之江亦談樞在興義之
一確證或曰水經注敘溫水言西南逕滇池之西北於
今北盤江不合惟南盤江經雲南府宜良縣在滇池為
西北似溫水乃南盤江子以北盤江為溫水藉以證夜
郎在安順毋乃誤乎曰余嘗謂班氏志地簡確而明鄺

巢經巢文集卷二

九

氏注水煩亂而晦所以然者孟堅據舊時圖籍故繩墨
今古毫無差互善長多雜采羣書以意貫串故其於南
方尤每每不合立於今日欲考數千年要荒郡縣非藉
一二水道絕不能尋其崖略然牂河之水為鄺淆亂者
略有數事前言者不贅及試為子晰陳之今盤江有二
源方輿紀要謂紀載荒略源流多誤考正最為詳確紀
云北盤江出四川烏撒府西北五十里亂山中東南流
經貴州畢節衛西又南至雷益州東北又東南經貴州
安南衛東又南經永甯州西普安州東又東南經慕役司
東南盤江出雲南曲靖府東南二十餘里石堡山下南
流經陸涼州東又西南經雲南府宜良縣東又南經徵
江府路南州西又東南經廣西府西北境又東經師宗
州西北境盤江之支川流合焉又東入曲靖府羅平州
東南境又東經慕役司東南二源合流東南百餘里入

廣西泗城州界謂之左江又東經田州奉議州歸德州
隆安縣南甯府永淳縣橫州貴縣至潯州府城東合右
江左江一名南江以在廣西南境也一名鬱江以潯州
府舊為鬱林郡也一名牂柯江以昔時道通牂柯郡也
二江合流東至梧州府合潯江入廣東肇慶府境又其
東經廣州府合北江又南合東江南流注於大海其

在漢志稱此江為鬱水鬱林郡廣鬱下鬱水是稱北盤
江為溫水牂柯郡鐔封夜郎下溫水東至廣鬱是又稱
為豚水廣鬱下鬱水首受夜郎豚水是前夜郎下不及
豚後廣鬱下不及溫則豚水即溫水可知稱南盤江則
為橋水益州郡俞元毋撥下橋水是此讀漢志所當知
者也但漢志橋水舊來無人識者又不可不辨今按俞
元下池在南橋水所出東至毋單入溫行一千九百里

巢經巢文集卷二

辛

此自俞元發源計至毋單合流處也毋撥下橋水首受
橋山東至中留入潭過郡四行三千一百二十里橋山
當在俞元橋水蓋以山為號俞元下言南池毋撥下言
橋山於文互足非有兩橋水也過郡四益州牂柯合浦
鬱林是也中留今廣西潯州府地行三千一百二十里
通所過四郡自發源計至合潭處也橋自入溫即同為
鬱水至中留合潭入海此不言入海者敘鬱水下明之
不及溫水者猶之敘鬱水止及豚水不及橋水也所以
必計至入潭者以武陵郡鐔成下言潭水至阿林潯州
府入鬱恐人不知橋水即鬱之上流故敘橋水即以人

潭明之亦以見温橋合流至合潭中間道里班氏敘水不贅不遺合讀者自見其簡確所以非後人所及也至橋水之爲南盤江班氏所指與紀要敘自曲靖至師宗者不同其言盤江支川正班氏之橋水今雲南澂江府城南十里有撫仙湖周三百餘里卽漢志在俞元南之池也尾閭納源自曲靖陸涼州經宜良縣之鐵池河東入路南州西南四十里合源出臨安府境經澂江府新興州嶧峨河西建水諸縣之曲江是爲盤江水經注所謂盤江出律高縣南李恢追朱褒至盤江諸葛亮入南中戰於盤中皆是此水曲江卽水經温水注中之梁水

盤江又至阿迷州東北二十里三江口合樂蒙河河源出臨安府石屏州東異龍湖下流入府境爲瀘江至府東十五里石崖山下合五水伏流洞中東出至阿迷州來會此卽漢志益州郡勝休下東至毋椳入橋之河水古一名漏江漏江縣所以名也酈氏誤以爲榆水盤江又東北經廣西州彌勒縣東南又東北經州西至師宗縣西二十餘里大河口合巴盤江巴盤江卽紀要所敘之南盤江也紀要敘南盤江自師宗以上與班氏異與酈氏所敘之温水自毋單以上正同此又讀漢志所當知者也至水經敘鬱水則止及温水一源不及南盤江

其末言東北入於鬱必是入於海之誤上已言温至廣鬱爲鬱水下不應言入於鬱也尋酈氏所注直不知漢志温水脉水爲北盤橋水爲南盤而指南盤爲温北盤爲脉又不知本經入於鬱爲文誤遂以入鬱之鬱爲夜郎脉水云水逕牂柯且蘭縣爲牂柯水水廣數里縣臨江上又逕無斂逕鬱林廣鬱逕領方逕布山逕中留縣南與温水合脉水之不逕且蘭無斂已如前說今北盤江至泗城以上皆峭崖束夾焉得廣數里之水漢西南夷傳牂柯江廣百餘步足以行船已就泗城以下說至云江廣數里出番禺城下自是指番禺江面文意本明

善長牽連附合悉成虛語矣又計今南北盤江合流後幾二千里至潯州府卽中地已在本經所過廣鬱領方之下其地止有潭水會於南境焉得脉温始至此合流又酈氏亦不知漢志非兩橋水云橋水上承俞元之南池南橋水出毋椳之橋山說已支離又云橋水亦名河水顯與班志河水至毋椳入橋違背而又謂梁水上承河水東逕毋椳入南橋南橋又東注於温是一名河水之橋水仍合南橋水在毋椳入温矣不更與上云橋水東流毋單縣注温者自相違戾乎至漢志西隨下糜水卽水經葉榆河於今日爲瀾滄江其水源出吐蕃下合洱

海所會之樣備江流入交趾水經所敘止以洱海為源今洱海流入趙州即經永昌府永平縣東境永平漢不韋縣地則水經謂榆水過不韋元不誤注反云不逕不韋舛矣又云榆水逕姑復縣西與淹水合本經明言榆水入交趾淹水入若若水即今打冲河為大江上源與瀾滄風馬牛不相及已決裂經文矣乃下又謂榆水與濮水同注瀕澤瀕澤即今瀕池今瀾滄去瀕池甚遠何曾有注入之迹下又謂榆水自澤逕同並逕漏江至古與盤江合是又以漏江盤江雜入瀾滄更繆亂無紀矣凡此諸注悉同竊語惟牽綴前籍言漏江盤江者混

巢經巢文集卷二

三

入注中猶可借推同並漏江兩縣舊城顧景范氏以其書撥拾舊聞參稽前籍足為考古之助指此類也此讀水經注所當知者也知此則前人是非判然明白然後以水徵地以地證古雖未見漢舊輿圖而能與親見者其言不背不猶愈於憑虛揣合哉

鐔封 按漢志此縣下温水東至廣鬱入鬱過郡二行五百六十里廣鬱今廣西潯州府之貴縣南甯府之橫州皆其地五百六十里從鐔封計至廣鬱也以此里數按之鐔封當在今廣西太平府鎮安府之閒其下流入南甯之隆安即鬱林郡增食縣地鄺氏敘温水東南逕

鐔封北來唯東即東逕增食知鐔封蓋去增食不遠余因悟班氏志地為後人考地理計者至深至悉鬱水上兩源至鐔封方合為一則入海道里即可從鐔封起算故在鐔封下必備此一節里數令讀者參互自得今試合所言鬱水計之從鐔封至廣鬱五百六十里以橋水自毋椽下至中留三千一百二十里除去至毋單入温千九百里餘一千二百二十里又除去鐔封至廣鬱五百六十里餘六百六十里即廣鬱至中留里數以廣鬱至四會入海四千三十里除去六百六十里餘三千三百九十里加五百六十里即知從鐔封至入海凡三千九百五十里班氏水道如此簡奧宜鄺亭之不能盡識也

巢經巢文集卷二

四

毋單 按漢志益州郡俞元下橋水東至毋單入温今南盤江從雲南廣西州師宗縣流入曲靖府羅平州東南境至貴州永甯州募役司東南合北盤江可見今雲南曲靖府之羅平州貴州興義府之募役司普安州皆毋單地

談彙 按漢志益州郡銅瀨下談虜山迷水所出東至談彙入温知談彙為温水所經之地又水經注敘豚水從東北逕談彙縣發端知談彙更去温水導源處不遠

今北盤江自天生橋伏出經安順流至安南縣北境有
拖長江源出普安州西南界之平夷所東北曲曲折經
州城北又東經普安安南二縣北境來會此水曲折行
四百里蓋卽古之迷水然則今大定府之威甯州興義
府之普安縣安南縣皆談彙地也

同竝 漏江 雲南舊志霑益州下列同竝城云在城
北顧氏因之非也按今雲南臨安府境有瀘江蓋卽漢
志勝休下之河水流入南盤江已詳前說顧善長誤以
爲水經葉榆水云榆水東北逕滇池縣南又東逕同竝
縣南又東逕漏江縣伏流山下復出蝮口謂之漏江又

巢經巢文集卷二

蓋

逕賁古縣北東與盤江合所謂蝮口在今阿迷州境蓋
瀘江從府東十五里石崖山伏流至此始出世蓋無有
知爲卽顧注所云者矣華陽國志漏江縣九十里有蝮
口今本作出蝮卽顧氏所本可見今臨安府之建水縣
阿迷州是漏江地其縣治以常氏說推之蓋卽在今建
水左右同竝如顧氏說當去滇池不遠應在晉甯州昆
陽州之南建水縣之北則河西縣嶧峨縣等處是其地
也晉志宋書及華陽國志俱無同竝其何時省併不可
考

西隨 進桑 按漢志西隨下麋水西受徼外東至糜

伶入尙龍溪糜水卽葉榆河水經葉榆河東南出益州
界入牂柯郡西隨縣北爲西隨水又東出進桑關過交
趾蒼冷縣北注引馬援言從蒼冷水道出進桑王國至
益州賁古縣轉輸通利所謂蒼冷水道卽今由交趾入
雲南海道也上流卽今瀾滄江賁古在臨安府境據馬
援上奏可見進桑西隨北接臨安據水經所敘又見西
隨在進桑上流然則今雲南元江州新平縣等處皆西
隨地普洱府鎮沅廳等處皆進桑地也西隨在宋志華
陽國志並屬梁水郡梁水郡地今由澂江府南至緬猛
北至廣西鎮安二府皆是進桑於牂柯郡爲極南之境

巢經巢文集卷二

美

故於此置南部都尉其王國北接句町南接交趾地必
遼闊觀華陽國志宋志俱無進桑可見晉成以後卽爲
郡縣所不到晉志興古郡有進桑者從太康地道耳
都夢 按漢志此縣下壺水東南至糜伶入尙龍谿過
郡二行千一百六十里其道里與糜水略同故非小水
今雲南南注之水唯瀾滄江與潞江而潞江直入南海
不經交趾蒼冷考方輿紀要龍門江在交趾嘉興州蒙
縣界出雲南臨安府甯州又有宣光江在交趾宣化府
北源自雲南臨安府教化長官司流入境流七百餘里
以達宣化又有三江在交趾三江府西洮江沱江宣光

江合流之江也按沱江卽富良江上流富良卽瀾滄江下流甯州之水流經教化司入交趾至嘉興州爲龍門江至宣化府爲宣光江至三江府合富良江可見漢志尙龍谿卽三江下流宣光江卽壺水下流也然則今雲南臨安府甯州及納樓茶甸落恐甸等處爲漢都夢地可知都夢華陽志與古郡下作唐都云故名都夢縣本今都夢誤宋志西平郡都陽令下云按晉起居注太康二年置與古之都唐縣疑是今按晉志與古郡亦有唐都與華陽志俱本太康三年地道則都陽之卽都唐無疑休文殆未證之常氏書也

巢經巢文集卷二

七

宛温 按水經注劉禪建興三年分牂柯置興古治宛温縣華陽國志亦云郡治宛温晉書興古郡首律高水經注謂晉書地道記治此是太康以前治宛温太康後則治律高也今考永昌郡傳云興古郡在建甯南八百里經千里皆有瘴氣菽穀雞豚魚酒不可食食皆病害人郡北三百里有盤江廣數百步深十餘丈此江有毒瘴御覽卷七百九十一引其云盤江後漢郡國志宛温下引南中志作鑿江文相同云在郡北三百里是永昌郡傳之興古就治在宛温言考建甯郡治蓋在雲南曲靖府境宛温在其南八百里當在今開化府境內今盤江在開化

北亦與所言二百里遠近略同顧景范氏謂曲靖馬龍州卽律高亦佐縣卽今平霑益州皆宛温地今驗曲靖府屬絕無煙瘴與永昌郡傳不合誤矣

句町 雲南舊志以臨安府爲古句町國謂句町廢縣在通海縣東北五里今按前漢志此縣下文象水東至增食入鬱又有盧唯水來細水伐水增食今廣西南甯府地雲南臨安之水皆入南盤江無至南甯境內入左江者今南甯城西五十里合江鎮有龍江來會於左江其源出交趾界廣源州合七源州水歷龍州思明州入太平府界經府城歷左州思同州陀陵縣羅陽縣諸境

巢經巢文集卷二

三

南入南甯界一名麗江文象水蓋卽此歟然則今廣西太平府句町地也前漢志鬱林郡增食下驩水首受牂柯東界不知當今何水今驗南甯府境諸水來自廣東及出境內者不論其自牂柯流入者盤江之外如崇善江通利江馱排江絲瓊江明江並導源太平府境合麗江入南甯驩水必居其一則牂柯東界卽指句町而言劉昫謂驩水本牂柯江俗呼鬱林江卽駱越水一名温水非也

漏臥 按漢成帝河平三年夜郎句町漏臥舉兵相攻後人因疑漏臥蓋介在夜郎句町二邑間雲南舊志遂

於曲靖府羅平州下列漏臥廢縣謂在州南今按以三國相攻遂定漏臥介在夜郎句町安知句町不介在夜郎漏臥其說固游移也考興古郡劉禪時治宛温晉治律高宋書治漏臥可見漏臥必與宛温律高地壤相接今雲南之廣南府及廣西州當是漏臥縣地羅平自是毋單爲橋水入温之境或曰如子言今貴州不盡牂柯郡地歟曰今之黎平府除古州接都勻一帶爲毋斂皆武陵郡鍾成縣地以潭水出玉山定之潭水卽源自黎平之柳江也思州府武陵郡無陽縣地以無水首受故且蘭定之銅仁府武陵郡辰陽縣地以辰水出三山谷

莫經巢文集卷二

完

定之辰水卽今麻陽河至辰溪縣對岸入沅者也思南府除婺川屬營縣則皆涪陵郡涪陵縣地也但以今地合之漢時僅可準其大致漢之一縣有不僅今之一府者亦有今之一府不僅漢之一縣者如鍾成縣在湖南廣西貴州三省毗連之境非今黎平卽足以盡之無陽辰陽兩縣亦有在湖南地者不僅思州銅仁也

巢經巢文集卷第三

遵義 鄭珍 子尹

上程春海先生書 甲午

某再拜謹奉書程侍郎先生別五六年窮處萬山之中不與宦遊者相接以故先生出處行事都無自聞唯去年在友人所率繙一他人詩知有石湖潭西之遊而已伏惟助德日隆動靜禔福某賦受至愚不通曉世務然頗樂讀書此先生所素見至今生二十九年矣居此邦匙師友劇切任性不知所裁邑之夫咸竊詫為怪物怪不怪固不屑與深辯但傷齒益以長而驚駕所之冥冥

巢經巢文集卷三

一

無指導可恃倘行之已遠忽覺路非彼時即欲轉而再行筋力已不任用矣豈非冤哉荀卿有言良醫之門多病人今珍之病不能自名亦不自知果病與否然既呻吟在門雖不病猶當切而藥之而況其果病也夫某之病實原自先生念昔從遊於南以師弟之愛朝夕之親窺先生盤盤鬱鬱曾羅眾有其言論類非宋明憑肌擬皮者倫其筆為文章則如聞先秦兩漢人聲息當時雖不識何以至然心固已知某所為者特剽竊涉獵焉耳非古人學也既而歸窶數不克自振一再試於鄉皆無所得而家益貧計無復去處始喟然曰嗟乎限之天限

之人者既莫能強矣莫阻我而不為又緊誰怨哉於是意尋一求古人之路先讀說文為本佐以漢魏人小學

及希馮元朗以下等書別聲音辨文字效古之十歲童子所為乃即以字讀經又即以經讀字覺其路平實直捷履之甚安遂斤斤恪守尺寸不肯以宋後歧出汎濫紛其趨年來積染成習漸不自量思考十五篇沿譌脫屣暨向來說不安者以自效於許氏草創俱無體段或一旦悔悟而焚棄之或終不悟而竟成之皆不可知其他狂惑跳叫中無自主大氏是類某所謂不自知其為病與否必待先生之切而藥之意正為此前數瀆書道

巢經巢文集卷三

二

里悠遠未知果達唯日北望庶幾一示以為學之方便此身不恨虛廁於大賢之門慙焉六載絕無消息居嘗自念我邊方人諒終無大就教不時辱或以此則又念先生愛我厚當不若是展轉於中不能自甯而反顧藐躬益瞿然愧厲矣今舅氏咨選來京師必且走謁左右知此紙決不浮沈區區之心不勝覩縷得先生終教之幸甚幸甚

再上程春海先生書

某再拜謹上書程侍郎先生閣下六月阿蘇自京還知先生階轉戶部襄贊愈餘日幾無一時暇故先外祖墓

銘未獲拜賜捧歸某固知終必成之也又爲此再三云云者所以重外祖之行敬先生之文而又所以報母氏生我之萬一也夫求人志外祖而日以報母氏此其情爲至曲然非於先生某不敢出此言也昔外祖之卒也某之母哭之哀至今每道及猶必咽咽不能終其語嘗語某曰爾外祖至苦人也其生也遭繼祖母夏慘虐方三四歲時夏以蟲蝨毒口鼻死半日復甦繼復誘至溪推墮水母拯之亦半日復甦卒不得死稍長隨吾祖父讀於外家待養急三四日必一負米歸歸則拾薪汲水儲去後費以祖母積勞哮喘甚不能買古方藥聞草實木

巢經巢文集卷三

三

根有效者卽入深山冒蛇虎採歸煮以進又爲夏春力不起夏令繩確首挽踏之不樂不敢飯時八九歲童子也至成童補弟子員則吾祖館於蜀以卒時兩世老人健在四姑待嫁一弟逃待尋一弟待婚爾外祖借筆舌力以盡事生送終冠笄祭祀之道不給又爲醫卜等術以助之嘗置紡車於前膝上橫經燈下紡以讀盡四更得棉綫重半鈞許畢書一卷又嘗病脾瘧三年每夜瘧罷起呼燈食粥或點易諸弟子課藝或人與之講如是以前常其自苦如此而能傑然自立人品學問卓卓可道卒幾二十年曾不得鉅公一稱道之將終不稱道

耶其爲苦復何如也某聞言而悲之悲夫母氏之所悲又爲母氏悲夫爲子孫無不欲論譏其美以揚其祖父爲女子無不恨生不爲男子以報其父母此天下之至情也今先生儻以名世之文惠及外祖則某之母登墓門撫貞石必自私計曰此吾子之師所爲文也因吾子而得其師之文而先人之行事得見於天下後世雖不爲男子又何恨然則先生不獨惠及黎氏子孫也某之受賜多矣故陳至曲之情狀伏惟先生諒焉

與鄧湘臯書

昔者相遇長沙淺陋無所識年少不自掩蔽其可笑甚

巢經巢文集卷三

四

矣乃豁達忘年深心獎羨不知何所取於某而眷愛若是意者文字因緣必使某挂名集中而先生暮年所知識亦不可無某其人耶某賦性愚鈍又僻在此邦於世所有文字不能盡覽天下士今有幾人亦無從悉知然自魏晉以迄近今所謂卓然成家不可磨滅者雖未闢其藩籬竊嘗遙而望之見其規模大概之所在矣先生之詩無蹙詞無竭旨人已欠伸己方泰如宏肆汪洋仍自無盡而渾厚沈著畢斂鋒棱如黃河曲曲轉注緩帶裘也譬如引弓若體直志正命而後中海內當不乏人使與先生曠強角力恐不面張筋絕者尠矣如此而不

傳後卽先生甯信之乎某曰大腹空讀並世人著作少所當意每誦尊篇不覺心服誠有見夫學之非難而才之爲難此中消息有分寸不可強者然也數年來家益貧親益老且多病依戀春暉窮愁無似無可爲先生告者自度學不足經濟當世抑又無從得之卽得之強木不慣曲膝鞠躬亦隴種東籠而退耳以故進取一念直付東流思有以塞先生厚望初頗留意詩文苦才力不給亦懶從事自笑天與我明經絕大頭銜顧名思義求無負厥職斯亦可了此生矣又何暇多求哉所獨深念者以先生有數人傑相去止二千里萬山間隔允不能

巢經巢文集卷三

五

來欲奉一書又未悉吟硯所在計昔詩人如李杜韓蘇皆卒不滿七十今先生已六十矣恐一旦天以此例律之竟使吾生抱不獲再見之恨每一憶及深用悵然若明歲老母安健竟羸糧訪先生於資湘之間亦未可知惟省應接葆精神是望諸郎克繼家學知老懷於此興復不淺也大集刻成否宛轉寄一部易到若復不棄疏狂而賜教之則幸甚不宣

上俞秋農先生書

壬寅九月

某列門下六年不克歲月奉教誨又以直大故埋頭窮山所應進質者一切屏弃而以罪人不可教自處故歷

年無尺書達左右知不罪且閔之矣夏盡釋服入郡得辱書泉尊公行狀不敢拂命謹擬銘彙郵上苟稍可塗易或俛就之否則自爲而易亦師弟以隱爲直之道也做郡二百年來文獻大缺賢守雅創志局令某効奔走其間汗顏告成意可備後來粗稟謹呈一部冀暇糾焉某本蠻人子幼來饑寒造極計無復去處念讀書一端天當不能禁我以故略有知見視人閒所論所尙不如意爲多而又強於腰訥於口處稠眾之中大都聽之不解羣方贊和己獨嘿然人遂以爲驕偶一言又不當人意人遂以爲狂爲妄其實某樸拙人也得左右先生二

巢經巢文集卷三

六

三日卽見之矣年來漸知漢宋大儒收拾人身心性命者正極寬曠已結茆先母墓旁擬料理齏粥足恃卽當抱殘經娛老父終身於彼以完不全不備之命惟先生具敦古處勿以在遠而遂置之則幸甚

與周小湖作楫太守辭貴陽志局書

甲辰九月

月十六日邑明府馳使至伏讀尊教諭以貴陽府志需効纂緝者前謁見時俯聆雅屬尊嚴之下婉略遜辭已謂必蒙曲諒使免罪戾今又勤勤開誘趣令赴局則鄙賤私隱有不得不上陳者某寒士也朝耕暮讀日不得息卽如今時葉落霜白寒風中人而披單衣執錢縛躬

致力於培塿之上以視文史左右古今與娛既附千秋之名又獲著書之俸孰勞孰逸豈不自明顧自計此事不敢預者實有五焉敝郡父母之邦束髮來卽留意掌故故多得前輩緒論恃爲寶錄貴陽則所疏矣此其不敢一也前志敝郡雖因舊乘而舊乘僅及當時一切創造事關前代卽不詳言故敢以私意考覈徑行定之貴陽雖曰郡志實具省體而省志於地理大端動有牴牾因之則病己不因則病人此其不敢二也孱軀多病每緡閱十數種書則心目告劓前志敝郡賴二三同志並精力堅強且不以鄙見爲大繆戾今若就局不力非所

以酬知己力之則不免有陰陽之患此其不敢三也敝郡同學多以某爲可教而郡志成時一二無賴扇之誹謗疊與餘波未已貴陽省會其爲不可欺昧更非敝郡可比懲羹吹虀先民所戒此其不敢四也人情不諒每易加罪某以家貧親老覲就教職儼然備員今又爲此厚責者必又苛論某雖不肖義利之介竊奉教於君子矣此其不敢五也有一於此猶將畏縮卻顧况兼此五者乎耦耕中丞徒以千載不一之舉欲令某挂名簡末兼爲家食維艱計此師愛其弟不得不然而不料某之下懷翦翦如此故不嫌崑瑣用瀆尊聽亦知閣下必不

苦以所難而強載颺以車馬也

上賀耦耕先生書 乙巳五月

自二月吉到古州學官旋以府試赴黎平郡中童冠頗不以某一無知解樂與往還核其風氣大抵地介極僻故純樸有餘而家少藏書肆盛醫說學者五經尠成誦諸史罕聞名徒梯卑爛八股若將終身美質雖多不能無恨府學廩生胡長新年少而貧獨能日夕相從留意根柢之業此子如不廢學必作黔東冠雞惟得此一士足相告語耳某自爲中路嬰兒痛追慈教緝成小錄當呈遵府志時已封冊附上茲還古州同知楊公示以尊

札始知先生今日始於他處見本而又不責以淺近深贊其言行可法欲爲廣傳以敦風化索多寄去者伏誦之餘歎先母荆布沒世而其庸言庸行獲爲名儒鉅公所齒錄先母爲不朽矣又歎非先母之德實不可沒則此錄必不宛轉獲致於先生之前其卒爲先生見而深贊之而思廣之則仍先母仁孝艱瘁之厚蓄所致而某之爲罪人爲不肖自若也謹盡篋存封上伏惟不罪側聞傷懷玉昆暫紆臺綜寤寐之私欲及龍門未遠肆意請質無令尹需結異時之夢惟及瓜時日匪所與聞遙跋而已

與鄒叔績漢助書 庚戌

來示孟子汝漢淮泗注江之解汝卽今南昌之盱江流
入湖漢者漢志臨汝左傳汝清管子汝漢之石衢可證
淮卽今江南之青弋江合桐水注丹陽湖北注江者漢
志引桑欽說淮水北入江可證泗卽今巢湖會四源注
江漢志廬江胡陵下所稱北湖者海內經泗出吳過胡
陵東南入東海可證禹貢東迤北會於匯匯乃淮之誤
與上字異北當爲公與分北三苗同爲公義迤許君訓
斜行鄭君訓溢皆可通江水過入丹陽會南來之淮水
謂斜行而分別於北江以會淮謂溢出而分別於北江

巢經巢文集卷三

九

以會淮並可若匯非淮字桑氏淮水北入江乃古文說
於經無所比附且是回義而云會於回不復成文矣大
春紛綸啟我未寤近今經學稍衰焉得朋輩中盡如閣
下推闡曲盡使謫陋有悟入處者再四繙讀稍有所見
不得不轉質之尊意云云者止爲朱子有四水入江特
取字數足對偶於水道實不通之說不欲使孟子受誤
文之過耳愚見以諸儒舊說平心揣之孟子止據吳通
江淮後現在水道以爲禹道如趙氏箋說卽足解朱子
之惑於墨子呂覽淮南所言與孟子合者亦皆可通矣
必如尊說則須改禹貢古經又蹈胡東樵一厄之誚匯

澤二字如鄆氏河水注連讀自是澤名與震澤等一例

而經文前云匯澤後止云匯與前云荷澤後止云荷正
同後儒二字分讀紛紛江漢左回南江右回諸說無足
怪者宜闕下亦云會於回不成文理也至鄆注敘東谿
水引桑氏云淮水出縣之東南北入大江與班志云金
蘭東陵鄉淮水出同謂一水實按之卽許君謂廬江雲
婁所出之灌水可知灌爲本名淮或省字也卽據班志
淮水北入江之文爲桑氏古文說說古文者皆吳通江
淮以後人焉知不卽據目見言之若以爲是會于淮下
之義經明云江北會淮矣淮又焉得北入江乎是不無

巢經巢文集卷三

十

抵牾也汝泗並入淮淮之注江定汝泗水可無他求矣
要之山水之名四海同者何限禹功所至赫人耳目今
古同情先秦諸子大致舉著在詩書經緯中國者言之
桑經所錄十之六七不挂先秦人之口孟子歷敘禹功
必謂舍中國行三千餘里行千數百里之水而舉要服
之一流一浸當不其然且一人之言簡云汝漢淮泗後
言江淮河漢謂之二淮各有所指又豈其然哉

與劉仙石太守書年書

丁巳四月

比得故人王个峰書並示其承賦尊札及大著與苗君
說文奉讀之下如野人方鳴鳴鼓缶而桑林旌夏忽睽

目前心神震掉豈言可喻伏念某西南陬人也少貧賤無去處因取眾所弃者業之遂久爲同輩所詫指其實年過五十於道茫如卽稍有所見亦燭火之明耳矧一無見乎不識宏獎之寬何遂不啻口出若此得無以黔地少可語者視賤子亦老兵堪與飲乎不然卽天將使某不終於一無所見而當使公發其覆也謹卽兩篇環誦數四觀爪見龍無鱗可詎謂歌字讀姬可字讀豈自尊引諸字之外再摺釋之如儀禮士昏禮當阿今文阿爲度尙書三如台史記作奈何夫子龜山操手無斧柯與之叶左傳君可曰可君否曰否可與否叶易林樂

與經集文集卷三

二

官笑歌與知不忘危叶子虛賦阮衡闕阿與倚僂骹叶黃庭經兩扉與靈柯叶淮南子以沈諸河及列女傳秋胡妻頌並以河入支韻它漢書多然要可見歌麻韻中字於古無不有支齊韻之音閣下之於聲韻信乎稿然四通無稍闕高矣就此一事敬服敬服前於朋知處見理董居聲訂聲表舉歌麻中字盡歸之支齊部今乃知其說自尊論發之意必別有一書與苗君驂斬當是慎之又慎未肯遽出耳某嘗念音學莫明於我朝由亭林十部而十三而十六而十七十八至於懷祖二十一可謂密之極矣事極必反於是苗君七部出焉然某

雖鄙譎雅不欲以鐘鼎論六書週黍吟之韶鬯果足與堂堂正正之十五篇傳信萬世乎經以毛詩緯以鄒記知盡善必在吾公矣它日樞衣請益憤悱之私不止此事或賴公光苜稍憐蒙眈敬先呈小草三冊庶不屑之教誨幸毋以肆妄爲罪

答莫子偲論佩觿書

得書一再番具見讀書細心處處求是不肯以微謬貽古人又能虛心無我殷然商推某學無幾何誠自引退然有所見而不言非也於吾弟而不言更非也古人直諒之道如是是不是皆非所計也據言說文歎歎二字

與經集文集卷三

三

當前後互易段懋堂氏所見已如此但彼於喜部已改古文作歎謂歎爲寫誤而欠部歎下又云重出未聞當如女部變之類此則其說前後不畫一也某竊謂許君書喜欠二部同作歎原不誤欠部歎下明云喜聲則歎之譌歎定不在大徐校正之前觀佩觿鼓歎鼓下云歎歌驢鳴是歎爲後世字非說文所有更可見說文中一字二見者所以別古今異同大徐不悉此理盡謂之重出後人欲一一刪之使前後無重複字亦覺多事也郭宗正書已粗閱過其中正文注文有寫誤者有上下顛倒者吾弟欲校正令還舊觀意良厚但其書部位尙齊

未見有失位云云者據所舉簡簡腎迂迂瞳瞳等字簡乃簡之誤淺人見是簡遂并音義改之晚賢聯縣字古於此等多平仄通讀不得以諸字書例郭氏謂不當讀上聲迂廣韻屢部亦載云於武切瞳廣韻亦有徒孔一音並不得執定平讀謂爲後人移易也又云此本脫去捲捲而以捲之音訓注於捷下是則不深審之過檢上去相對中列捲捲二字元未寫脫其捲字訓牛鼻撰用說文古訓捷字注云巨員翻器似升屈木爲之又居倦翻西捲地名可見郭氏原不以捲爲杯捲字諸家字書皆以捷爲關捷郭氏獨以爲杯捲當別有本故卷末

列與篇韻異義者捷字亦在其數誰氏據集韻辯證之雖未申窾會然亦可見元本之與今本同矣平去相對中列迥返二字云上與抵同此二字形體懸異與本書例不合蓋迥乃汝之誤也汝說文或抵字抵俗抵字六朝人書氏多作互非互也故抵亦有作迥者傳寫因以易汝字淺人不知又寫同迥寒字誤不在宗正也弟乃以承俗不辨與角用同譏何耶夫古人著書各有宗旨不可以一例繩也自來字書唯十五篇如三代鼎彝都無俗氣玉篇已下卽稌俗行學者徒一意泥古而無所斟酌消息於其間此戴子常諸公所以爲世詬病也郭

宗正於六書洞見本原此書乃辯字體之異同非別字體之正俗若概以許書例之則卽平聲相對一部如擣擣窳窳等已指不勝屈宗正夫豈不知某卽某之正字某卽某之俗字別出字而待後人哆口也信去略就來論據鄙懷所及臨陳之未識有一二當否唯近好辯祇益慚媿

斗亭記

地舊圃也余居竹溪之十二年始化蔬爲花木其前割田三之一爲方池源於檐而冬夏常不涸因種夫容其中緣以綠節遂爲外屏其中多鮒魚可玩可餌手植柳

四五株蔭之上列雜樹四時皆有花而亭適當窠下大人嗜釣非深冬常在溪太孺人善病而好勞不可拂每日暄夕佳攜妻若妹若小兒女奉孺人坐亭上或据樹后誦書詠詩思昔賢隨遇守分之遺風或借兒女黏飛蟲呼螻蟻觀其君臣勞逸部勒或學鷓鴣楂楂鳴投按花驚潛魚爲種種兒戲孺人雖笑罵之而紡軋絮織未嘗一輟手夏荷秋蘭梅萱冬春蓋三年於此矣咸曰亭無名何因以斗諡之或問故爲之歌曰斗兮斗兮不余乎期亭之存兮繫余懷亭不存兮余之悲而余惟亭之存兮斗兮斗兮歌終咸不能復問名亭之故竟無知者

重修魁星閣記

今天下求售文者必尸祝魁星橫宮之左右試院之前門鄉城之吉秀所在比比樓閣而像祠之士大夫家則圖弄焉問其神咸曰魁也觀其像則魁服豸獬拳一足立手操筆若斗上曳七星蓋肖魁字爲之也或曰食此者爲唐進士鍾馗或曰本奎星後譌爲魁是皆不足致詰余按魁星乃南北二斗也說文訓魁爲羹斗則魁乃器名春秋運斗樞曰北斗第一至第四爲魁此就其形言之也器具魁杓魁因有首義書渠魁禮不爲魁皆首也故張守節注史記又謂魁斗第一星南斗與北斗位

東經集文集卷三

五

相值星象同惟杓少一星其第二星亦稱天魁要其似羹斗者南北並可稱魁也其祀典三代不見經文按周禮祀司中司命司民司祿及風師雨師並以繫民生專特祭斗建昏旦均五行於授時尤關重知必不與列星合布幽宗通考云秦始皇時雍有南北斗廟以歲時奉祀漢宣帝立南斗祠於長安城旁史記載武帝祠秦一其壇下有北斗是秦漢重祀斗矣魏晉後唯通典言隋令太史署常以二月八日於署廷中以太宰兼祀北斗二十八宿唐以後無聞者要其祀南北斗本以北斗運中央制四方南斗爲卒武經星復尊並北斗故重祀之

非若今之以爲主文也今祀爲主文者其始必因魁榜魁天下之名謂其中必有主宰也爰呼爲魁禱祈之後因卽魁字圖像之而不知爲卽古南斗北斗之祭亦猶祀城隍者不知爲古八蜡之水庸祀文昌者不知爲古天子爲羣姓諸侯爲國所立之司命耳至魁主文章則亦有說按文耀鉤云斗者天之喉舌易春秋六經聖人代天而言者也世之文章至八股極矣然作者苟不悖乎六經所言是亦出乎天之喉舌者而言之耳言者心聲誠能肖天天必福之則於祀北斗宜若南斗據史記正義云六星主薦賢良授爵祿是正今之主司房考

東經集文集卷三

六

也其祀之也亦宜由此言之北斗之喉舌在我者也南斗之薦授在人者也而北斗第五星曰衡正殿南斗然則其當人者乃卽我之自爲衡也歟觀於天文而人文可以悟矣道光十四年遵義府學左重修魁星閣成因撰此文卽以爲記

遊至大覺寺記

戊戌之冬十月幾晦聽鶯軒朝夢方熟侍者呼書至熨眼觀之曰昨約遊大覺寺忘耶外及飯矣披衣出與諸人會於寓遂行出北門緣龍山麓緩步霜氣初散旭日入江不熱不寒里許得道左刻餘至正元年閏五字不

審何記也旁紀萬曆十九年臥龍坊高傑妻司氏捨錢
修道尺丈俱因石刻之里許得崇禎十三年修冷水孔
道碑里許得石鼻泉當道左穴出灌可四五百畝歲不
涸其上有洞口僅容冒梯下有人物象病乳求嗣者惑
焉昔年曾入陰凜甚故不樂再往數十步至後川橋一
名普濟橋俗呼高橋也有店焉橋宋楊忠烈建竹颺溪
至此入穆家川溪上石壁平瑩根多明人記漲到漫不
可盡識白飛霞曾沐此壁書水瀾瀾十二字省志載石
壁仙題山齒齒云云誤也旁刻溪山青一詩草款無識
者然似三丰流矣上爲普濟菴明宏治中建李敬德有

巢經巢文集卷三

七

記旁三刻皆紀重修者觀已與諸人飯更沽酒及午食
備一童攜之折西北行二里許得螃蟹井穴有異蟹能
晴日泛水溢田實清淺一泓也里許下度紅邊橋橋東
一古樹爲巨藤叢絡垂青若翠思若鱗鬚峭蒨可玩復
上坡陀迴憶乘驛北去時昇者遇如此必閣簷請鬆肩
楚人謂代步也因相與大笑汗微出脫裘袂令童披之
則居然富貴者也復行三里許不悉地名四山善生蕨
無他材石炭出其中郡城火食大半仰此耳中水輪聲
漸來南折得杉林栗溪經其下水自海龍圍流來下會
穆家川稍憩杉下度石杠入大覺寺本舊刹康熙初資

中人閔相誅植莊嚴時極偉麗今存木樨紫薇之屬蓋
無幾佛室木聯三明程副使書郡人也得北海意求志
軒遺墨僅見此左出小門緣叢竹一巖出溪上其根虛
無其樹皆胎石緣石東出經仙洞久無入者所謂山腹
奇蹤巖懸梵景俱無自得北折大穴闢然石離奇斜下
極於潭日光罅入渲之水非金非碧似井西晴嵐映翠
山頭魚數羣條來條去坐觀魚臺睨之似遊晴窗下玻
璃珉中穴口刻隸書石穴游鱗填其廓因明白矣旁刻
栗溪吟並閱相書東不十武復一小穴景同惟俛視異
緣小穴旁北上得朱萼巖外折上爲映月臺俛潭之深

巢經巢文集卷三

六

碧入巖後石勢蓋象蓮花峯也緣巖層西折上爲靈碧
峯至顛度天橋屈曲下俱險絕倚石坐臥觀竹列湖山
大覺寺之勝盡在此一巖矣余因誦俛仰之間已爲陳
迹恐此生不再至乃獨往小穴復玩久之小篆觀我生
於石至寺後觀閔相墓荆棘羅生爲之悵惘復入寺飲
酒下以葵子飯水飲肴以肚菌菌比雞蹤味等腴嫩過
之其葢不圓無心中途售者噫天下事孰非無心而得
者哉同遊者爲傅四黎一莫五獨傳四騎馬馬上如春
鉏絕可笑

遊迴龍山記

己亥

遵義環城山水巖壑之雄峭樹木之挺異莫右於迴龍山其山自碧雲峰支出蜿蜒東行十里許穆家川趨其足遂峙爲此山其山陰肉而陽骨者石也外著者也以負蓄厚故其石嵒嵒角角壁者窟者室者突者脊而下迤者將而上累者欹蓄丕思若墮而若飛者靡不駢駁闔辨以合爲此山上干青天下臨沈淵而其氣一洩於樹故其樹直上數仞而不拔橫出數丈而不折隨其石之高下楚楚莽莽而柯莖琴離可數每與高風相遭則枝葉上下若江之潮海之濤其中朝暉夕曛若螺蚌搖光於方丈圓嶠也有伏泉息於踵列而清其聲泠泠

巢經巢文集卷三

九

嘗之則甘使人忘機唯智者別之外人徒震眩於巖壑樹木之足駭異而已余以有倦與一二人遊此頗自負知山故說之

辛丑二月初三日記
晨寤復寐莫五禮閣上文昌神亦不覺也起見架下書蒼蒼竹林寺詩念開歲來三十餘日昨夕始提筆作此字視前時每元日卽繙寫滿几案自疑是前生噫可涕也已記去年今朝母病愈數日春和天晴能偕孫兒女屋榮籬角坐暄光中觀菜臺果蓄以爲快余亦快庀少行李計明日赴茲閣母曰吾以病久稽汝事至是得無

慮及汝生日且歸耳嗚呼豈知今之今日視去歲之今日竟成兩世耶當日以嬖人子發憤讀書意有在焉今皆大非而奚以讀書爲也昔時謂書不誤人而今知特誤人如田家兒目不識一字足終身不出十里鰲面赤駢以勤以勞以日夕唯力是奉得有余今日之悔哉視新購皇清經解十巨堆插架上益感念用此奚爲也莫五方整理未已心境之相懸可勝歎耶書以爲是日記

漢三賢祠記 辛丑

惟皇帝二十有一年三月二十七日郡校師莫公與

巢經巢文集卷三

三

傳創祠漢三先生於學宮左之閣上珍甫練衣冠不敢奉幣從薦簞酌奠於三先生越數日莫公呼來告曰孔子之道載在六經自經秦坑焚歷漢高惠文景皆武夫功臣用事徒黃老清靜以與民休息詩書禮樂之教殆如草昧二三大師各抱其遺私教授鄉里久乃稍稍爲章句傳故建元之際弟子著錄者漸多齊魯秦晉燕趙吳楚梁越之間乃始諸儒雲爛霞蔚六經賴以復傳於時西兩遠徵文翁爲之倡相如爲之師經術文章燦焉與鄒魯同風而文學公盛公卽以其時起於犍爲牂柯東漢以後儒者始不專一家講說至許鄭集漢學大成

而尹公乃即起於毋斂僕嘗獨居深念六經堂構於漢
儒守成於宋程朱諸子而大敗壞於明人及我太祖
聖祖崇樸學教化海內一時朝野諸老宿痛懲前代
空疏文巧之佛老吾道而力挽回之事必求是言必求
誠支離恂恂之習埽棄淨盡於是漢學大明六經之義
若揭日月至今二百年來數天下鏗鏗說者一省多且
得數十人獨西南土僅僅意無乃淵源俎豆之不存歟
而何其洽肌膚淪骨髓者之難破也僕廁此二十年無
足爲多士師者爲多士求足師謂此邦萌芽文教斷以
文學公爲祖而以盛公尹公左右之今祠成子其爲我
序遵義當祠三先生之意某再拜謹案文學公爲健爲
文學卒史當漢景武間時健爲治警警即遵義地漢制
諸曹掾吏自除郡國中文學公卽不定警產要是下縣
人無疑時爾正一經尙未名學文學公爲勅作注且在
眾經注之前實遵義正祀樂祖盛公爲司馬相如友稱
牂柯名士尹公召陵許君弟子以經義教南中二公於
貴州當通祀於遵義有文學公爲主二公且後輩其左
右之也誠宜小戴記曰凡釋奠者必有合也有國故則
否鄭君注國無先聖先師則所釋奠者當與鄰國合若
周有周公魯有孔子則各自奠之今論先師三公皆國

故於漢郡縣則盛尹二公爲鄰國謂合否皆協禮制莫
公此舉鉅而當哉謹又附爲說曰 國朝經學能上接
漢儒者壹以識字爲本凡字有聲有形有義六經聯字
以成文字之聲形義明其於治經如侍先聖賢之側朗
朗然聞其耳提面命也文學公深明雅故不待言盛公
與相如游尹公從許君學凡將說文之傳必熟聞其終
始在他邦猶將馨香之何況爲鄉先哲今日生其後者
尙景嚮其風而求焉學之盛何遽後於他省吾知都人
士必有高望而奮起者也是莫公祠三先生之意也夫
亦三先生所望於後賢也夫

遊城山記

辛丑

自道光以來邑多野狗實曰豺通四鄉日必食三四人
往來儵忽一嗅羣應物雖百斤者必盡一食一村有逐
者數村戢焉蓋互相通也豚蠶物搏卽負而走搏犬必
先與狎使之信而不疑也銜其頸牽之行若曰是爾自
願就飽我者然犬有能者知不敵卽集兩三來通力死
之是犬也雖蹈田浮於溪其死必矣是日出遊郡署之
右山遇四五人執梃逐野狗且進且卻旋相呼食且盡
矣且踰城下矣周視之無所見唯一婦人倚敗牆哽哽
貽城堞不敢哭問故曰是吾兒也方五歲而如此觀山

下左牆內坐槐陰雍容茶話者似吾守令提畫眉尋蚱
蟻往來右牆內者似吾營官也故不敢哭也爲愴然久
之行過市則有環而觀者或譏或怒或笑罵跼足於人
肩隙窺之則木爲磨上扇橫植一鐵條末爲圈一狗旁
立呼之磨則納首圈中行磨因轉與錢一卽轉一而其
帖耳緩步意若不樂者多與之錢呼者聲亦壯狗昂首
舉尾爭旋而奔勢如風車與多者於儂人中亦揚揚以
爲人不如也自詫生將四十年始見人間有此事及暮
歸殘秋初寒銜影黃葉瑟瑟坐空樓下思日中所遇臥
不成寐起而嘆曰嗟夫不謂狗之在今日其患如此其

集經與文集卷三

重

野者肆爪牙獷黠貪饕相求相應以我黃童白叟供一
啖之快城社所在尙不免他何如也而其爲人畜者又
復出其狡獪以助人之謫鬼使愚者不知其技止此而
樂羣逐出資錢唯恐不一見此狗爲不幸世道可勝歎
耶於時鼠出入米甕中蓋不屑喝之也

四圍記

壬寅原注後知青蛇圍遵義在東里與涓潭
接境處地極險要微通一徑今仍舊名

遵義東界大山望之隱天若長壙其南爲三度關北爲
板角關由遵義道涓潭者出三度由綏陽者出板角二
處山稍平展中距八十里皆亂峰斗壁其閒長坡坎者
閒道也自坎行若蝨循衣縫以達涓潭境余家至長坡

坎蓋僅二十里此山西皆樂安里地皆陂陀平遠登
高俛視數十里如微風動波也其去郡西限標崖諸山
又西限瑪瑙孔諸山又西限清乘橋諸山余自家朝食
行二十里登標崖復十里登瑪瑙孔復十里度清乘橋
卽登山越山頤達郡四十里皆坦途矣此東來山數重
獨清乘橋西諸山用兵時尤險要山蓋圖經所稱水圍
者洪江三面環而過江兩岸皆懸壁一二百尺而西岸
又羣峰若削山縫中今尙無羊牛徑舊時距今橋上里
許岸稍缺處橋平石今猶有二齒存東來者意度橋必
仍沿岸下直今橋越山蓋舍今山頤左右望皆窮也今

集經與文集卷三

語

橋康熙初當極險狹處建據碑乃易舊清水名清乘橋
余往來必流覽橋上思當日措手之難至顛也必小息
顧頤廣僅二丈而一畔舊砌依稀闕門然餘隱露土中
皆似門圯之石嘗疑之又不解橋名清水意今年初夏
攜妻兒種菜于午山日極百里餘歷指某某地示之因
擬議清水說皆不安之甚子知同旁植紫蘇曰人呼此
祖師葉焉知清水清乘非青蛇乎余思久之曰是也當
入路師之平播也陳璘軍由偏橋進明史璘傳曰璘次
涓潭賊悉聚青蛇長坎瑪瑙保子四圍地皆險絕而青
蛇尤甚璘乃先攻三圍次及青蛇督將攻三日三圍遂

下青蛇四面陡絕，璘圍其三面，購死士從，瑪瑙後附葛。至山背，舉礮賊惶駭，諸軍進攻，賊退入圍內，木石交下。將士冒死，上前後擊之，賊大敗，乘勝抵海龍岡，下由此推之。蛇與水俗讀同，僅分平上清，水即青蛇也。橋以地名，建者吳之茂武夫，非紀碑不得其字，苟從俗改清，乘以文之乎。山巔似關門者，非楊氏之雄關乎。保與標聲亦近。今標崖非即保子圍乎。然則長坡坎即長坎，岡瑪瑙孔即瑪瑙岡，其名蓋至今存也。當時璘既破板角四圍，不破終不能抵海龍，長坎保子瑪瑙三圍，不破終不能攻青蛇。青蛇既破，此時李應祥破黃灘三關，入在青

巢經巢文集卷三

三

蛇之南馬孔英破朗山關，入在青蛇之北，逆酋心腹四潰，無巨險可恃，宜璘之鼓行至海龍，如走康莊矣。嗟夫，數十年往來熟習之地，一旦啓悟於黃孺之口，而始得古名天下事，千百年以上千百里以外，可以影響論斷，即自謂得之乎。故記以告考地理者。

望山堂記

壬寅九月

望山堂子午山舊名也。其義莫可根詰，山韶興隱秀，抱以二臂右者宛宛乎若垂腕側掌而稽其臍也。太孺人墓於臍，其腕圓平如石鼓，東去墓六十七，獬步下於墓八尺，廣袤不及四丈，上爲屋前堂，後室，樓其上而周闌。

之成郡守爲順德黃仲孝給事，問所以名者。仲孝曰：望山子之志也。名之定久矣，數可違哉。因分署望山堂，以顏其楹。建時蓋畢，葬越七月，至是釋服，乃記之。嗚呼！太孺人東遷以來，借母家宅以居，十年來嘗顧余，歎曰：吾欲廣數椽屋，種一果一樹，百年他人物，吾何望而擲此力乎。時余方求免家人凍餒之不暇，雖心悲其言之苦，意之傷而思副所願，無術也。後數年歲獲稍厚，忍疏耐縷，銖餘而絮蓄，方思買四五畝地，結茆植椶，援俾樂其自。有提孫挈婦朝暮，按行怡怡，然指新栽稚椶，謂某可及身食之，某可及子孫食之，庶幾辛苦一生，至是暮年稍慰其意，而豈知欲爲此者，乃持以給斂殯屯夕之費也。

巢經巢文集卷三

三

自去年營葬既竣，山中舊壑悉委閒地，凡松梧竹桂櫻榴梅桃之屬，無不相所宜植之。高高下下，百卉咸集，於時猶有餘貲，計貧士積百金，大不易，不及此爲一屋旋耗於衣食矣。遂亟構斯堂，匪彫匪飾，惟豁惟潔。太孺人精靈往來撫斯堂也，必有悲余之悲，而歎意余之歎者。昔太孺人病亟，猶顧謂曰：葬我必於近卜廬，相望見爲佳也。今吾寓貧此邦，無祖宗田廬墳墓，可戀隨身長物，惟書卷紙墨，裹負來此，易易更縛一團瓢，增一盞一甌，即足耳。計後是四五年，環山必蔚成園林，四時皆有花。

果諸兒諸女摘果簪花喧沸墓下而大男家婦坐堂上
補衣誦書猶侍太孺人破籬紡績時則謂太孺人尙存
可也嗚呼余不及樂其志於生前而收望山之名於其
身後雖在數似無可逃不死余之憾無終窮矣談形家
者謂此堂非宜余於諸俗術不知曉惟以遺言故執墓
旁地購人者心宜之他非所敢計也語云衣飯粗有子
平挂口官貴粗有青囊挂手以太孺人之賢仁盛德後
宜有食其報者然焉知毀斯堂者之非卽斯人也耶卽
不然其愛祖曾之心必不敵其愛父母之心也則榛簳
蔓砌亦惟乞兒牧豎縱歌駢乎其中而望山者復誰也

巢經巢文集卷三

毛

耶此余所爲攀宰木而涕泗橫流也

松崖記 甲辰十二月

不知者自內觀之配如曲眉如偃月高不踰五尋謂其
陽必透迤與前山屬也及登配而下視乃牆立四五十
丈斬斬然落於溪始詫非意計所及斯崖之奇也崖石
而戴土絕險處牛羊不能迹藻米溪源北四十里而西
出南浴子午山左臂之陰折東北來漱崖下復屈曲南
拗而西走乎林之牙縈青入綠不見其盡上下梯騰汪
汪一白南之諸山騰伏峻峭隈隱原露留溪若客庭牽
戶遮西會北山嶮爲大環是其山水之妙皆於斯崖也

攬之每臨崖而坐山靜溪瑩中涵太虛羣木颯青迎送
鳥背俯仰四望舉凡耕人之苦樂牧釣之暇逸霜煙雨
月之極狀朝暮晦明之變態靡不纖巨畢呈燦在襟袖
軒軒焉殆忘在牂柯萬山中也初其主慳不可售去年
始得半都種松期益其奇爰名之復記之

梅咳記 乙巳正月

咳卽所謂側掌而稽臍者也南於墓徑可百步高與臍
等而掌末適直墓門山蓋得此乃環合而雄深其中始
圓窠可田可池無則枯短直露舉不足觀也初土人鏟
腰爲田庚子秋余得之始復舊相其勢若植巨木則婉

巢經巢文集卷三

美

秀爲所奪且前山之雲委而波屬者皆蔽矣乃種梅焉
至今四年於是咳之上乃無非梅者梅之初也府君蓄
盆梅一脩踰尺大如指千葉而白花一日先孺人撫而
言曰凡物皆有全量使天闕不盡其性者皆人爲害之
也因出植籬閒越年其條大發又越年行樹下而冠已
無礙余因雨水前削枝之近土者半夾以石深擁之期
年發擁其根者三而得一或二焉乃斫而樹之樹者又
如是分之因是堯灣寓宅多有梅其祖樹當丁酉六月
花一枝是秋余舉於鄉及庚子先孺人棄養遂不花明
年乃枯以死木之可感也如是今此咳之或喬或稚者

非居盛文之邦或遊跡遍名會或膺朝省碩官其人自負學好事而雄於財又親戚僚友子弟力為羅擿貴饗轉鈔無不如志不能名藏書家也余幼喜汎窺見人家稍異者必盡首末稍長讀四庫總目念雖不得本猶必盡見之裹足祥捷叢山之中家亦貧不給饘粥名聞不到令尉相過從不出閭里書師齊秦吳越晉楚之都又無葭葦之因可藉擔蓄念也凍餒迫逐時有所去去即家人待以食歸而願擔負色喜也解包乃皆所購陳爛相視爽然而余常衣不完食不飽對妻孥膝稿寒栗象

巢經巢文集卷三

三

亦每默焉自悔然性終不可改易迄今二十餘年矣計得書萬餘卷漢魏後金石文字泉宋元來名人真跡又近千卷雖不能名藏家吁亦多矣其得之之難為何如哉玉川子欲拾遺經巢之空虛誠貴之也以余得之之難其視玉川之貴之又當何如儻寓夷牢水上若羈禽無定棲因以巢經巢名所寄之室嗟乎書猶財也當其無百方期有之有而僅攝緘固鏞不為己用則反不若不有不為累或用而僅帶之居服飲博淫蕩無益亦未見為能用也聚書而不讀與讀之而不善者何以異是夫聚而不讀猶不失為守財之俗子至讀之不善斯敗

家辱宗之尤矣致足於外而不求足於內則是外物者又安見其可貴哉昔陸務觀為書巢入其中不辨與窻而卒以浮文誕詞名至記南園為世詬病下民侮子或亦其不善讀書招之也可無懼乎

望山堂後記 丙午秋

由墓左迤東行得一小巒復屈曲而西南得一巨巒是為子午山左臂當曲中有平阿焉因實之屋夾堂以箱閣以門塾盡平之地是年九月訖成移前記望山堂者名之嗚呼傷矣憶去年冬仲歸自古州束脩粗餘府君以喜居十日即計材致工府君尤喜先歸時已自約親

巢經巢文集卷三

三

友為是月二十二日七十壽實今年始七十也是日客盡會歌舞侑酒府君樂甚持酒盞又約客曰明年此日壽我於望山堂新居矣盡冬入春土木功作無日不持酒走視或去釣山下溪中旋復來至二月二十五日架就余眩不能侍客府君酬接酣燕樂如前也自後乃噫作食飲日減然猶日釣於溪卒前六日尙理竿筒欲出也忽意怠遂臥臥遂不復起越四月朏乃棄余長逝矣嗚呼余痛先孺人之志及其遺言日夕謀挈家墓下者六年矣貧子縱富為賞幾何顧衣食且不足非思及府君健在慰其意念安其居處吾結屋如是為之耶又如

是其急耶志願近遂而若此必吾獲罪於天有不可禱者矣蒼蒼者曷自而問耶度始時計爲先孺人享堂府君厭世後同之守祠終吾身卽以耐別置一屋視常親盡而祧今未卽能權於中準朱子四龕之制終當改奉兩親居中別屋制一視此並記之恐或年力不待俟後人也

烏柑軒記 丁未

山之木皆手種惟此烏柑故有之軀齒並雄長諸木余之種山也必可觀而有實用又成於十年內者樗柞醜可薪桃李榴杏醜可薦桑柘可蠶桐蕉可蒸餅梅可諸櫻可繩可蓑可拂子膚煙可文蛤松桂可蔭竹可百製桐可讀書油柏可祠祀之燭俱不似楓榿之類難遽成者而此柏適當左塾外枝葉分剪歷於梁楸收子及禽饗之先可獲斗筲油可七斤正月自朔及望墓前達旦鐙燎可取給於是春夏之密陰秋冬之疏黃其餘美也爰系以茲軒而記之

柑廊記 丁未

府君好種花太孺人喜樹蔬果故所居其園圃施落閒喬者繇者華者蔓者毒而刺者託種異名百十其狀其寢室則竹筒紙包盛茶仁花子雜懸壁柱各有識別人

巢經巢文集卷三

書

巢經巢文集卷三

書

之求所需者曰鄭氏無乃信無也前年余官古州州治王山麓面王口若地氣冬暖潭水合毋斂水下通南粵人家植者故多粵產嶺東西風土異宜試盆歸佛手柑一公孫橘一以新府君之玩公孫橘者樹葉皆似橘子大如金柑彼枝實此枝花不閒冬夏每一番子黃熟則第三番子方如青珠若祖孫然故名譜錄未見載者府君甚悅之故結子歸已震嗜枝復勞日數摩抄冀急見其實今盈枝纍纍而不及見矣太孺人近六十時得圍尺之柑食而美之唾一核隨種籬下生閱五年而實實二年而太孺人終是二種者皆柑也今以錯植廊之內

米樓記 丁未

外而廊因以之名記曰父沒其書手澤存焉母沒其杯圈口澤存焉三柑者非吾父母手澤口澤之所存乎倚其樹撫其枝念我先人不一見之長味之徒爲兒女子所嬉弄而涎視也詩曰維桑與梓必恭敬止吾於此則不獨恭敬己也

自軒而廊委蛇南至於山曰是當兩臂之會先子在時詔移前所記望山堂向墓據之以補口之缺故本樓也登而望面湖初峽果得是山之環也乃肉好若一今年夏於母孺人墓右營先子兆竣日多閒暇乃分張圖籍

排潔几案讀書課子其中四窗靜綠山鳥無聲樹影湖
光晃漾蘭桷素蓄米元章大書木蘭詩橫絹本心賞爲
米第一書常伴左右有所會輒展玩之遂謚斯樓爲米
樓非僅若米菴志也元章家本襄陽葬其母丹陽縣君
於黃鶴山後又以其考中散公耐因定居甘露寺下別
建海岱樓爲嘯詠之所余於元章品行學問不敢望其
萬一獨此似不無曠世之同者庶以藉口輕去先墳之
憾抑余尤有感者蔡天啟稱元章平居退然若不能事
事而元章亦以狂名質之東坡則愛佳山水固其天性
殆有固結不解難與眾言者存宜東坡交三十年尙知
之不盡也余於斯樓蓋日遇之矣

東坡集卷三

三

陽明祠觀釋奠記 丁未

余以丁未九月廿九至黔西治謁新昌俞先生詰且適
爲明王文成公生日先生偕校官師及州之士釋奠於
東山陽明祠蓋翺自前牧東鄉吳公至是實肇修祀
事事竣遂燕於祠下十柏山房先生倡四詩紀盛州之
士咸詠而和之余不敏沐浴文成公之教澤又幸獲觀
諸君子從州大夫雍容進退之美則豈宜以言不文默
默者夫徒祠焉而不知所以祀之此有司之闕也臬記
焉而不思何以祀之抑亦吾儕之懼也人之俎豆前哲

與蒸嘗其祖宗等耳秋豚冬雁豈誠畏其餒哉祖宗賢
而子孫苟不肖雖日薦三牲鬼吐之矣何論前哲我文
成公之講學陳清瀾張武承陸稼書諸先生詳辨矣此
嚴別學術則爾至其操持踐履之高勛業文章之盛卽
不謫龍場吾儕猶將師之矧肇我西南文教也今吾黔
莫不震服陽明之名而黔西與遵義於龍場僅隔一延
江其希嚮之念宜愈於遠隔大賢之居者俞先生鼓舞
是邦而俶斯舉殆所云因而導之爲勢易歟然余竊謂
人於前哲當無徒震服其名而貴致思夫其學致思而
得其人之眞躍躍然神與之遊古人且將引弟子爲友

東坡集卷三

三

者如是乃爲能師其人而盡其學程子敬邵子者也而
不甚重其說易朱子敬張子者也不盡醞其正蒙斯
程朱之所以爲程朱歟文成公殆張邵之亞歟當日既
不以吾黔爲荒徼而陋之夫豈不殷殷後世之有學爲
程朱者歟吾旣欲報文成公之德其竭志盡力當於是
乎在若僅百拜而酒脯之曰吾後生小子之忠敬已至
也是則文成公所不屑吐矣又豈俞先生今日此舉之
意哉願與諸君子共勛之諸君子必更有以繩楚余也
退因書以爲記

荔波縣舉貢題名記 乙卯五月

余到荔波學官見住室後楣閒黯然一扁下滌視之則
學博開州李立山同楷以嘉慶癸酉爲邑之舉拔五人
者題名閱四十三年矣多當續增木太晦不可因鏤新
其版合諸貢者都四十一人更書之嗟乎荔波自明洪
武甲子析思恩地置縣歷三百三十九年至 國朝雍
正癸卯始設學置弟子員又四十年至乾隆癸未始設
廩增定拔貢視他州縣迄今未及百年可書者已若此
非 列聖文教衍溢使疏迺習爽闇昧得輝乎光明故
耶然余竊怪焉今上距克謙陳公之鄉舉七十六年矣
何落落無繼者也豈山川不靈歟抑遠行省就試者尠

吳經吳文集卷三

三

歟其無或文學少遜歟然當陳公時固同此山川也其
時省試者聞尤尠矣而陳公固以文學獲舉也誰歟爲
使我續陳公而書之者歟秋律行及余爲執筆俟之
怡怡樓記 乙卯十二月

高心泉秀東兄弟家貴筑學宮之前宅後有樓名怡怡
焉庫而潔狹而通明緻而不華上刊圖籍可臥可緝可
坐玩庭中羅花竹蘭茝之屬盆池有魚高樹有瓦雀十
數輩氣寂寂然而清登樓而望左挹東山右顧相寶黔
靈泉迤南雪洞石林諸巒皆若拱若揖於四時朝暮
陰晴風雨之交千態萬狀各獻其變善乎避囂地也乙

卯冬末招余飲樓下舉杯徑醉醉而思思而不無言因
揚觴祝主人曰君兄弟棄青書先生早至今三四十年
于于喁喁無少改前襟後裾氣象視世之同氣如路人
或終年不相見或相見相待若賓客而徒號於人謂吾
於某某乃兄弟者其相去誠不可以道里計然亦思二
程子兩蘇公之所以爲樂乎以道德相師以仁義相友
氣節高乎一代言行法乎萬世及今想其在時夜眠其
被朝遊相攜仰不愧俯不怍與天地名物相渾合於談
笑寢飯之際其爲怡怡者更何如也吾與君皆垂老矣
欲學二程子兩蘇公遲暮恐不及二三垂髮婉變拜揖

吳經吳文集卷三

三

乎吾前者其有望於斯乎願君兄弟時以此意勸之母
使吾今日徒醉斯樓也

訪楊价墓記 庚申閏三月

宋威靈英烈侯楊公价善甫之墓舊無識其處者道光
庚子趙石知旭與余言曾見楊氏謚偁价墓在桐梓治
西胡盧壩嘗迹之壩無他古冢惟山下有石櫛上六下
三在民田中甚宏緻其外甄猶存卽楊氏後人亦有以
爲先世當是也余時輯府志據載入邱墓中歷二十年
矣今日獨戴笠游蟠龍洞歸溯漆溪南岸行約去洞三
里地名宅頭果得如石知所云者秧鉞繞柳頂外無餘

土不可蹊田逼視徘徊陌上者久之因思石知未一見碑碣獨據謹謹爲其家世傳故不虛吾郡凡今存大石冢率爲前代有勢力人其規製精壯逾此者頗眾而侯之藏但似此以別求壩中又不復有蹤跡則其誰所傳者信謂是矣然上下兩列柳大小同何者爲侯墓亦不可定余觀其兆當未墾前高平之原體勢宏稱葬宜不止一世若上而侯也下蓋其子播國公文乎如下也上蓋其父威毅侯粲乎論三世之賢其墓皆宜爲後人護惜而掘塋令暴露若是袁清容撰楊忠宣神道碑銘云宗社踰南閉道以前是生忠顯擐甲開先三帥締歡痛

巢經巢文集卷三

美

不有年立廟錫封歲時牲牲忠顯宋理宗賜侯廟號也時勛衰豐偉如此豈意其墓似今日哉嗟乎以侯與父若子當宋末造世篤忠貞而侯尤極志化民厲俗請於朝歲得貢播州之士三人播之人才科目駸駸比內州縣自是始其所造於茲土者爲大越六百年曾不得周柳之士以蔭其朽骨是誠可悲也已不知者不足責知者而亦聽之將若之何余昔在黎平謁何忠誠公墓悲其蕪圯侵踐也賦一詩以爲空言何補後數年今楚撫胡公林翼爲守見余詩慨然卽莅封樹制兆域創祠亭一如余意所料量處分至今牧兒不敢近焉以楊侯之

忠於宋視何公之忠於明其時勢勞績略相等安知今不復有如胡公者乎石知邑人又好古慕忠孝侯墓之於邑與有其責苟遇能如胡公者余望其告之也

遊蟠龍洞記

桐梓縣治北負虎峰前皆婁山之支麓其中間始圍田壩經治前以盡西南山袤四十里皆廣平無坡隴爲田約二千頃歲出穀六七萬石足飽男女二萬餘人而齋郎水流自北黑石溪自西南溪自南楊家河自東皆來會於南門外屈曲行壩間二十餘里爲西南山所關山卽壽國山也層盤聯絡不露牙罅一洞獨其絕壁水乃

巢經巢文集卷三

早

入焉緣壁西半里許是爲蟠龍洞高可建十丈旗方容田一井後稍低更深二百餘步水經其右明盡流伏越十里許出馬江壩亂流數里又伏入山十里許始出合水坎河以達於赤水入江舊時春夏雨集洞及壩中坑窟吞消適其量故無水患歷久木石沙滓多閉塞及道光中每水潦張王如食下而胃不傳受遂逆上淹汜或冒女牆更丈餘依山民居篋不及其屋極數十里若湖澤然苟旬月水退則種腐陌朽垣廬漂壞相顧歎泣令若守請帑勸捐相勢穿導蓋費十百萬金錢迄無成功以止近今七八年洞似略暢而歲或漫漫數日災敗滅

前者半皆蟠龍之爲也余嘗以山川古蹟耳聞不如目見今年春避亂寓魁巖於茲洞非獨慕其殊詭已也將以躬諦夫所以致水患者道遠難得朋閏月九日乃獨遊焉時初漲不及盛時十之二而觀絕壁下水入處其口已幾無餘空若增益則口之上皆隄防也又深入蟠龍陰陰然鬼氣沁毛髮水轟轟來自暗緣石壁齋淪趨伏所卽而聽之其聲如龍吟如縛豕鳴或自上而下或自下而上蓋伏去浸以低中必大涇故其發聲也有然夫下所受之多少視夫上之所與焉誠使中涇低大十倍於外之所容而盈口以與之者止此數則受者不能奪口之所隄防而充其腹也雖有餘量何用昔之治水者其亦精度於此否耶若曰病尤在其內則非余所及知也遊歸書此爲記

重修啟秀書院記

壬戌七月

吾縣入國朝六七十年前代十四社學其沿廢蓋無考康熙乙酉令邱公紀始於城南面背江流郝湘川書院越三年丁亥守趙公光榮又勅育材書院卽此介在府署試院閒者也歷五十六年至乾隆壬辰守于公芳柱乃重葺此而併湘川時孫文靖公士毅來視學始易名啟秀書院越十六年丁未守劉公詔陞別建湘川於

縣學宮左而易舊者名培英自是乃號三書院及咸豐甲寅之亂獨此以在城中免於燬然久不治又至於今上距乾隆重葺時已九十年矣師弟子不必居當事者不必問聽存餼羊日卽腐落自去年余主湘川講以後舍猶壁立遂假以居然經其堂者未嘗不惴惴焉懼其崩壓而趨過也伯英子公鍾岳以候補道兼遵綏桐三縣事學而才仁而沈毅斤斧盤錯力求所以裨席士民一日枉過顧且歎曰嘻甚矣壞及吾不治誰當治之者爰出財度功期趣修屬縣人劉學博際昇敦其役增庠捐穢周城平燥新講堂四楹其序左右爲夾室餘皆補葺增構有踰舊規閱兩月落成觀者咸嘖嘖于公賢余獨以爲自去冬白號賊寇吾東里于公今日受事明日治軍越今年二月東里平賊旋自江外寇南里而粵賊復出綦桐寇吾北而西公走賊於西蟻甲於南籌食料戰紛不暇給於此時圖與文教鮮不謂迂闊非切務而卒克成其願者非其才識意量有以決叢賊之必破於吾手講武修文之可以並行不悖而厭亂之天心遂聽其挽回有隱隱相會合者烏能若此哉然此非徒美觀而已自今待問者足聞三席鼓篋者亦無憂後至而俠坐顧瞻懷宇思于公之所以戎馬倥傯中而亟治此爲

何正學之興邪隱之亡當必有克副賢大夫之厚望者
二三君子以余頗識邦故又巢焚無歸突兀見此爲先
受其庇宜有文以紀之遂不辭令來許有考焉

巢經巢文集卷第三

巢經巢文集卷第三

三

巢經巢文集卷第二

巢經巢文集卷第四

遵義 鄭珍 子尹

樗蒲譜自序 丁酉七月

戴君者民也養民者衣食也出衣食者耕織也不耕則
饑矣不織則寒矣饑寒亂之本也飽煖治之原也故衣
食自古聖人之所盡心也堯命羲和爲此謀天也禹八
年於外爲此謀地也舜咨九官十二牧爲此盡利也湯
武誅放桀紂爲此去害也周公夜思繼日求善此之法
也孔子孟子老於栖皇求善此之柄也無衣食古今無
世道也舍衣食聖賢無事功也自井田廢而食之路隘

巢經巢文集卷四

矣雖名至治無干戈而已矣無災異而已矣豪富者無
惡歲也貧苦者無豐年也爲食之路隘也若衣之路則
倍於古矣古麻絲葛而已今則中土之古終也西北之
毛也絨也其名不可勝數也而唯富人得是也天下率
衣木棉也而十五猶僅蔽前也古之桑麻婦功也皆自
爲白衣也餘始通易也雖王后亦親蠶織以供天子冕
服也今則男事也非爲衣也以謀食也故古之民上勤
之而猶惜其力也今之民不惜其力而惜其無地可施
也故雖堯舜亦無法也有可衣食任自爲也今貴州之
地十九山也田不足食居人也無吳楚齊秦利也榭蘭

先郡守遺以食遵義者也今食者十之八矣有田者且
食之矣皆榭也但有山也皆可榭也榭則食矣但蠶也
山人之山而亦食矣非一遵義也非一貴州也此譜之
所以作也棉花元名古終見本
草綱日本棉條下

母教錄自序

庚子八月

公父文伯之母曰君子能勞後世有繼斯言也天道人
事盡之矣夫惟能勞而後能言勞歷觀古賢母如崔元
暉家善果諸傳所載世隔千載聲口宛然心柔裏短何
非此義固知捧帕而悲今古同焉矣珍母黎孺人實具
壺德自幼至老艱險備嘗磨淬既深事理斯洞珍無我

巢經巢文集卷四

母將無以至今日恩斯勤斯鬻子之閔斯惟身受者乃
心知耳而今已矣母子一生遂此永訣涕念往訓皆與
古賢母合符同揆在當時聽憤視常漫不警勵致身爲
孔孟之罪人母之不肖子今日欲再聞半言亦邈不可
得矣天平痛哉爰就苦次摹摺而書到今凡得六十八
條仿李昌武杜師益談錄例錄成一卷匪獨備久或遺
忘亦以見珍之爲罪人爲不肖者非母之不善教使然
也

送潘明府光泰歸桐城序

辛丑閏三月

郡署內來青閣北隙地二十步許卽縣署右垣垣內卽

香雨堂令以時賓燕聽斷於此去年庚子桐城稚青潘公來爲宰余時事郡乘客閣中每夜將半猶聞堂上與民決曲直聲乍温乍厲如父兄於子弟也或夜夜然或就榻尙然余以此敬公之勤繼余於子午山買田一區作母兆後有林焉一無賴目若吉若主窮弱甚因祖中一豕脅奪其林兩氏遂構訟議者曰兩氏券皆故無專歸此判意與中分乎及質出券公怒擲無賴者曰是他券易今地以圖人者也眾視地名處果窟籠痕無賴樹領一一服求免罪出眾咸譖舌語是誠鬼神不及知官乃知之余又以此敬公之明余性簡且居艱中去年於

巢經巢文集卷四

三

公一二見見必道治遵義當若何我於遵義若何余退而笑斯之問邦人皆今日爲邦君大忌諱况迂疏狂漫若余者焉不防或一言誤公也然以知日夕求善治故如余者亦狼狽若此宜其勤明若此也遵義庶治哉今年二月來謁公乃見卽告曰吾病矣祿何爲者請致文已再上當許我卽今歸閒或漸差獨念老矣無若斯民耳余聞而愕然道皆是無以沮去志者唯唯退越數日公以送邑塾子於余招就飯辭不獲命乃之香雨堂食器用品物視他所者遠不似而酒數行飯數貳衍衍飽焉返而歎曰潘公非獨勤明已也知治本矣夫今之

仕宦者當未膺任時纍纍然一舉人進士耳一旦得所憑藉乃衣必極四時佳者各數十稱始曰足衣食必調山海之珍錯始曰可食他一切物用視是而其妻子親戚素亦甘蔬而煖布者至是皆哆口不謂然縫人歲居庖甬旬易頤奴媵婢便唾盡官氣例以舊日截然兩人而三五相值聚語要無不豔譚某物某味之佳惡而其所謂者又大都非中州五土所產夫如是民焉不病豈能賣田園廬舍而來爲官哉欲惠斯民亦無暇焉耳矣記少時聞言者道蘇貨廣貨相詫極矣十年來乃盛尙洋貨非自洋來者不貴異今日英吉利卽洋貨所由來

巢經巢文集卷四

四

者也其於中國何如耶自去年擾穢海疆至今大半年積半天下兵力而猶未盡蕩滌是何由致之然哉如公者其足發余感歎欷歔也今公果得請旦夕將去遵義余不敏不敢以不和不成之聲偕邑人士歌頌治澤惟質言所以敬公者送公歸公歸余亦將釋肩茲閣而去矣

重刻楊園先生全書序

辛丑冬

余成童之年舅氏雪樓黎公令桐鄉歸從受業乃始見楊園先生全集讀而愛之後時舉見聞近古二錄中言行語同輩率以不見是書爲恨余亦恨僅有手鈔節本

去年任纂緝郡志多借人家舊藏書因獲先生全集莫君友芝同志友也遂謀同節著書俸刻之越二年刻成敬維先生學之醇行之篤可爲法於天下傳於後世前人論已詳矣其全書雷副使序朱教諭重刻本言蜀山草堂初鈔板燬於火流傳者僅初學備忘訓子語二冊其言於都門見祝人齋編輯者未知是鈔是刻亦未知視朱刻增減何如據朱識總目後云未鈔舊刻止詩及近鑑二種知重刻卽蜀山堂本矣而顧棻厓彙刻書目載楊園全集文集十六卷言行見聞錄四卷訓門人語三卷今朱刻文集僅四卷見聞錄僅二卷答問及門人

與經與文集卷四

五

所記當卽訓門人語尙少一卷特多問目一種餘皆同或棻厓所見卽人齋編輯者亦未可知今重刻一據朱本惟每卷刪改重梓姓名有確知誤處亦略正之蓋皆不敢自用私心也先生與何商隱書云近思錄之刻惡必人之寶愛但以昔日所見此書之幸與今日求覓此書之難度亦此心爲人心之同然耳珍不敏刻是集竊私淑先生此意至於謂總之斯人之徒不有益於此人必有益於彼人彼此均無益而我心可以無憾則非先生之學之量不敢作此言也以此得過見嗤笑亦非所及計已

古本大學說序

癸卯三月

大學小戴記之第四十二篇也漢河間獻王后蒼所傳鄭康成所注今稱爲古本在禮記正義中至宋仁宗時特取以賜及第進士大學之單行自此始後明道程子以誠意章有錯簡遂移康誥四條湯盤四條邦畿三條次則近道矣後移瞻彼於戲聽訟三條次節彼南山後伊川程子則移康誥曰至止於信次知之至也後移詩云瞻彼至沒世不忘也下接康誥曰惟命至則失之矣次爲天下僂矣後而以聽訟條次未之有也後此謂知之至也之前謂此謂知本爲衍大學之有改本自是始

與經與文集卷四

六

朱子因之更考經文別爲序次以作章句是爲今本世之童子啟口卽讀之於是漢傳古經變而爲朱子之大學而六七百年學者之心不能泯然亦遂爭新角異而大學日多矣其最著者董文靖本退知止近道二條合聽訟二條爲格致傳宋葉丞相王魯齋明車清臣方正學宋濂溪蔡虛齋王守溪徐師曾劉念臺諸公並昌明其說鄭濟仲至篆書刻本行之幾幾與朱子章句相伯仲以外崔後渠高忠憲李見羅季彭山郁文初諸改本咸自驚獨見闕然一時餘紛紛益不可勝記至王順渠古本刪而改大學之禍極至豐考功僞石經出而轉成

笑柄矣是故王文成李文貞復古之功不可沒也今見鄰水甘秩齋先生家斌大學說其書不別經傳分爲十章移瞻彼於戲二條於此謂知之至也後移所謂誠其意至必誠其意於此謂知本後所謂修身以下章次並同朱子又一新異本也詳其說直切明易無穿鑿糾纏之私而文頗繁冗節裁十之五六付其族姪兩施大令刊本成一家之言願念漢傳古經舊矣如先生之說使仍就古本故次則既不蹈董文靖後諸儒欲復古而反亂古之譏而於文成文貞之書大義復不相乖忤不尤善歟焉得起先生而質之

集經集文集卷四

七

甘秩齋黜邪集序

癸卯五月

唐宋來闢佛者二傳韓諸子闢其行者也程朱諸子闢其言者也佛之行肯倫棄常廣張罪福以資誘脅禍僅足以亂天下至其言彌近理彌大亂理力足使命世賢豪甘心納身爲夷狄而猶揚揚曰大儒而終身不知則禍且亂學術矣學術正天下亂猶得持正者以治之至學術亦亂而治具且失矣程朱諸子之言佛也抉摘隱微剖析近似使不得絲毫與吾道亂厥功鉅哉顧世之信佛者十而九皆淡肌淪髓於口耳之佛徒爲禍福死生所震嚇耳究於彼氏之粗淺未聞也又烏識其與吾

道判幾希者乎是故傳韓諸子闢佛之文能使讐佛者志益堅氣益壯信佛者口雖強而其色必赧赧然蓋止就其亂天下之易知者闢之故無論智愚皆足以醒天良生感悟功又詎出程朱下哉然而爲程朱更難矣唐之時儒自儒佛自佛僅闢其行卽足壯斯人之尊聽不俟究其言也至宋以後佛假儒爲佛儒尤亡儒以培佛程朱更暇論其行哉亦各因時致力也噫夷言夷行之日增狡誘顧卒不能肆其毒以易中國君父之教而彼氏反就衰者非唐宋諸儒之力歟謂空言果無補歟鄰水甘公家斌性剛介絕俗嘉慶初由詞館歷大理寺卿

集經集文集卷四

八

老歸教於鄉自集平生涉佛文字名曰黜邪余獲其彙讀之或莊論或詰辯或喜笑怒罵隨筆暢書件足懲感歎其有傳韓程朱之遺也因刊剪復種次爲一卷付其族子岱雲大令鋟以傳之嗟夫佛教於今衰極矣然終不能芟絕之者欲人其人廬其居其人其居先無所歸而人之居之者又不能甘也欲火其書而學士大夫又先不能舍也將焉得而芟絕之能使其行不亂周孔之行其言不亂周孔之言斯已善耳余於斯集尤願爲口強色赧者詔也故書於其端

訂漱浦舒氏六世詩彙序

丙午十月

舒鹿門其鏘者卽集中紫峰之弟也以秀才持筆研食於遵義其人魁而修雍然而毅幾五十暇且喜讀書仿唐楷入室教子聲厲聞於外出則由由而不自失歲丁酉余始交之嗣同客部署以余爲粗有知者呼兒自其家盡負其先世遺橐以來屬現定余曰詩果足重乎哉欲知其人藉以見其聲自而已爲子孫尤當常見祖父之聲自也子如是固宜鹿門乃鈔余榻者屬覆之余曰詩又在多乎哉多而且美善者一代蓋不數人此數人亦不出於一家而與並時者或有詩焉或無詩焉有詩愈得以想其人子孫得藉見祖父聲自以追武其爲

巢經巢文集卷四

九

人足矣子如是固宜因存篋中歷四年矣今秋移居墓下務閒輒篝鐙勘之定爲四卷持復鹿門曰令先世之聲自盡在此矣其格致雖不同要同具忠孝勤懇之氣是乃所以世有詩存也爲子孫能同具祖父之氣詩之存獨此六世乎哉然又獨詩乎哉因識此事首末亦以見鹿門之爲人也

寶言堂家戒輯聞序 壬子五月

家戒輯聞一書錢塘王氏雲廷初以聞之祖父者撮爲戒五十則揭之宗祠壁間後又采輯前言往行附各則下使其子弟奉爲法鑒者也其書成於雍正乙卯後十

一年乾隆丙寅始刊行之又後十五年庚寅湄潭治可鄒公家理訓導鎮甯於州牧湖北劉公岱所見此書乃假歸捐俸重刻卽此本也其存版不知何自廢予同邑及門張生正鐸家道光己酉生以其版多缺失遂舉以歸經巢余方飢驅願養煢不及未暇整繕也今年夏始克補就唯勿怠廢先祀一則末版搜得舊印都闕遂無從補俟他日訪獲足本完之因記著此刻之始末如此至其書之言五十則者洪纖表裏靡不曲盡讀者以爲脩身保家當如是否在卽其天良之感發而自得之無俟贅及云

巢經巢文集卷四

十

千家詩注序 壬子六月

宋劉後邨千家詩選世弄家聞尙有其書顧未之見也俗間行者爲詩僅百二十五首作者僅八十人而亦稱千家詩不知鈔自何時何人其所錄率律絕明易無艱棘之作以故城郭邨僻書兒自誦四子以上匙不讀者卽婦人女子亦往往都能傳記詩選之在南中蓋未有膾炙如此本者也然其於唐宋名大家載不及小半當讀之詩更不及百分之一斯已若鄧林一枝丹穴片羽也已而猶然徒口讀之曾不識一古人曉一古事知一託興摠懷之所在雖成誦如流水何益舅氏黎雪樓先

生之言詩神明於古人南中未有或之先者前三十年
既以詩法授珍輩內外兄弟而二三幼者課暇輒拈此
令誦之隨即校之注之細書四旁以與講說珍亦時耳
於側故得聞所以校注之意甚詳先生謂一人名碩多
不過數十人其道德文章師百世者固宜俎豆奉之即
但論文章爲世不廢亦後人師也而舉不識其爵里字
謚甚至一啟口輒呼其名後來學問不尙淵源未必非
輕蔑前輩之故得盡罪子弟乎夫有所受之也至子弟
所讀先入爲主不正俗本之誤後將轉以正本爲非若
各大家詩無一字無來歷字句苟一說卽了必繁曲引

證反膠泥其聰明至本事本旨不稱載前說又無以引
其靈悟而鼓舞其幼志使知世閒書之當讀者多此其
爲童子計思卽是粗選誘之入於高明宏達之途者用
意最爲切至珍欲持公之初學久矣去年先生以貳守
歸里方手抄是冊授諸孫乃請於先生曰古人致仕老
鄉里大夫名父師士名少師而教學焉今先生於鄉父
師也論教子弟作詩此注何足盡然譬之欲令泛海當
由門前之谿始且天下事卽眾趨者而順導之則易爲
功也是注也既善且橐定盃卽以教鄉子弟先生不我
拒也爰與諸內弟勘而刻之而書先生所以校注此選

之意及珍欲公之初學之私如此云

邵亭詩鈔序 壬子九月

段誠之云詩非待序而傳也余謂作者先非待詩以傳
杜韓諸公苟無詩其高風峻節照耀百世自若也而復
有詩有詩而復莫踰其美非其人之爲耶故竊以爲古
人之詩非可學而能也學其詩當自學其人始誠似其
人之所學所志則性情抱負才識氣象行事皆其所
語言者獨奚爲而不似卽不似猶似也獨山莫君子偲
之爲詩殆近余所云者歟當子偲侍貞定先生來吾郡
校官時年才十二已岸然鄙夷俗學爲不足爲甫弱冠

舉於鄉連試春官皆罷遂決意求通會漢宋兩學久之
貞定與太孺人先後卒子偲以貧也畢屯夕於郡率諸
弟讀書儼宅中歲藉塾脩以相生養鹿衣淡齏時時不
繼室人每閒壁交謫乃方埋頭蘸朱墨參考互校或柱
頰據管垂日以思如不聞及有捻書籍求售則不問囊
有無一錢必不令他適故入其室陳編蠹簡鱗鱗叢叢
幾無隙地祕冊之富南中罕有其匹而其讀書謹守大
師家法不少越尺寸余每舉形聲訓詁或一二說異許
鄭處似之遠雖無以詰詰意願不善也以子偲爲人若
此則其制境之耿狷求志之專精用心之謹細非似古

人之苦行力學者歟其形於聲發於言而為詩即不學東野后山欲不似之不得也雖然孟於韓陳於蘇猶積之去繯僅一染耳子偲方強仕學日宏日遠靡底極余惡知今之東野后山者不旋化為退之子瞻者耶自子偲來吾郡即兄視余今又姻也交三十年知獨深其詩自道光甲辰以下八年者余為刪次以存故論所已至者以為序

播雅自序 癸丑三月

余束髮來喜從人間郡中文獻得遺作輒錄之久乃粗分卷帙名曰遵義詩鈔弄篋衍有年矣屢欲整比錄行之無資且不暇去秋在行省見前輩唐子方方伯伯

集經與文集卷四

三

謂鄉里耆舊其行義文采已多無傳賴有此不宜更闕手刷費屬歸為之窮冬多暇盡出前鈔重加去取復增新獲二三十家命兒子知同寫定計自明萬曆辛丑改流至今二百五十年間凡得二百二十人詩二千三十八首次為二十四卷所登載不必盡工然纖佻惡俗則鮮矣更曰播雅奉方伯訂正而刻之皆仿元裕之遺意或因詩存人或因人存詩或因一傳而增見數人或因一詩而增載他文按及他事要據前鈔略備一方掌故體非選詩必可準繩亦非徵詩必侈人數觀者諒諸一

人之力耳目難周創難為功苛晉匪恤補遺糾謬是所望於後之賢

偃飲軒詩鈔序 癸丑八月

余嘗過桐梓觀大婁山經其東南曾盤崔嵬蹙地隱天草木煙雲鬱鬱蒼蒼縣數百里莫測所蘊積意其窮深雄闊塞明裂坤他尊五岳之氣必有負瑋抱者或外來或本產出其精芒光焰歌嘯恣肆乎其間然後與茲山相稱乃歷歷數之青蓮居士龍章鳳姿噓吸六合會長流夜郎繼則玉山樵人驚才絕艷亦既為榮懿尉唐故縣並在今邑界中而兩人顧未至也宋景定間有猶道

集經與文集卷四

西

明趙炎卯嘗與薦辟有時譽或曰是邑人也然皆無文章表見竊嘗怪之今閱吾友曉峰趙君詩鈔於余所言與茲山相稱者乃始欣然謂若有可信曉峰生三歲而孤幼隨其祖盪谿刺史官齊魯稍長復遊學吳楚聞習聞雅流議論多披覽藏書又尺寸謹奉節母蘇孺人教故能知身之所以貴倜然迥拔流俗狀短小如不勝衣而雅負氣好奇家雖貧非其人食之不可九試於鄉不得志而視世所津道取富貴者未之異也聞有佳山水及前人遺迹軼事率足訪手蒐忘乎險遠多有得於前載之外余曩緝郡乘桐梓一邑掌故悉以屬之近數年

復自萃邑人韻語爲耆舊詩略其論記天事地道人物者別次爲桐筮都若干卷濠州文獻幾無遺者道光己酉余於棊桐間之吹角埧得漢建安七年刻石摩挲考訂信知卽王東陽紀勝南平軍下所引古磨崖及姜維碑者而實爲婁秀發字原碑日之江州夷邑長盧豐碑爲洞庭以南蜀江以東無上第一古刻宋以來迄今復見實君之啟鑄導我力也事事有功於先民若是讀其詩可以知其人矣嗟乎曉峰少余六歲耳余論年未老而頽情不堪料莫復長進以曉峰日澤以古發爲聲者又必出之極思苦吟卽己前所詣已令余不忍去手更

巢經文集卷四

五

閱數年知余所言與大婁相稱者乃真相稱矣德行問學夫甯有止境耶點勘畢書此還之

黎雪樓先生七十壽序 甲寅

某於雪樓先生出也而爲婿自道光之元至今與弟子籍三十四年其親莫我若者三月二十一值先生七十初度始慮宜有以爲壽繼而思先生德義可尊作事可法是日方守程朱遺訓不樂不譙追惟罔極而某猶效俗飾人耳目適以褻道德也是不可然卑幼當鉅慶幸而無以伸敬致情抑又不可稽禮上壽酒爲祝見春秋傳並行不悖庶於道宜故敢躋堂稱觥而抒所以願幸

引年之意夫人之於少壯也內有父兄外有師長苟非大凶狠傲慢其一言話一舉動心常有所戒懼差愧而不敢肆情縱欲故作匪彝卽悖淫者恆少及其四五十爲之父兄師長者或無矣而已且爲父兄師長於人言雖非匪唯無面爭也且是之行雖非匪唯無面詆也且善之於是戒懼差愧之心衰而肆情縱欲之罪積某竊嘗躬自驗之當先君先母在時於聖賢所謂學本毫無得也然而口不敢言大悖理之言身不敢行大悖理之行者懼父母之以法責我也苟不責我亦羞父母之怒我以色也迄今兩親俱逝每自歎天則高地則柔鬼

巢經文集卷四

六

神則茫昧古人則已朽不能復言語頽焉此身若徑縱肆易易耳然猶以先生健存懼其以法責我也苟不責我更羞先生之以有子孫恕我以有仕籍優我以將老奈何我也夫苟令父兄師長不肯以法責之而出於怨之優之奈何之復何顏面立天地之間哉是則某之所戒懼而羞愧者也韓子曰上之性就學而愈明下之性畏威而寡罪故上者可教而下者可制某乃下之性待制者也得先生更優游無疾二三十年某亦七八十歲人矣而心常有所嚴畏獲寡罪以終吾身豈非幸哉豈非幸哉爰書以爲壽序

更有禮禰並完之一本知傳寫雖各有脫漏亦復互為存逸非亡則俱亡也宋徐騎省鉉奉敕校定其時自集書正副及諸家藏本見者甚富化唐以前書亦往往尙存苟參互而詳考之不難訂補以還許君之舊願卽繫傳有者已無一字錄入乃僅據本書偏旁敘例注義增一十九文而偏旁逸者凡三十有七補國尊卅甲執出又止補魁綦皖三字敘例則錄詔借而遺叵希執第四文其餘見注義者志笑而外又皆出後世俗增以全書刊謬正俗務爲嚴慎謹守相沿不敢如李監妄有出入新增或非本意故僅略

啟其端然失此時不及整補已後一遵官定其前諸本寔以漚滅逮乎北宋之末雖有晁氏留心參記而所見僅唐本蜀本欲盡稽合同異未由也已可勝慨哉今世所傳又惟存一鉉本外則其弟錯繫傳而已而鉉本有虞山毛氏大興朱氏新安鮑氏陽湖孫氏諸刻皆出於宋小字本大概相同某嘗以宋世遵用鉉本如集韻類篇所引者按之乃時時有所不見是卽今本亦非徐氏點檢寫雕之舊其原校所有又有逸於後之重刻者矣嘉慶初金壇段懋堂先生成說文注其書審正譌脫發明義訓貫穿古今精深宏博洵是當代殊絕之作獨於

補逸取鉉增者六文別增三十六文其它則多所不具某嘗竊思古書傳者歷世久遠勢必譌闕但萬五百字同條其理其從母之字遺去似無大損然於經字正俗分隸本原所關已鉅至於生子之文或僅孳一二或乳及數十苟一或見遺是有子無母尤不可也而言說文者但遇所無不曰某當作某卽曰某書當引誤不識何愛於明明誤脫之本而必弔爲回護牽就若此是亦惑之甚矣自弱冠以來稍涉許學誦覽之餘輒有所疑餘三十年矣再四推證審知漏落謹依部次稗而記之有必連考其上下字始明白者雖非逸文亦隨列出段氏

補者說已詳乃不復贅兒子知同間有款啟取其略得增成一家之說劭凱雍泰昔例可援不嫌附之極知譎陋未盡古籍偏私曲見時所不免庶有達倉疋者將以臨其誤而廣所不逮云

周易屬辭序 庚申三月

孔子之贊易也曰聖人繫辭焉而明吉凶聖人繫辭焉以盡其言繫辭焉所以告聖人以言者尙其辭又曰聖人之情見乎辭鼓天下之動者存乎辭又曰其辭文其辭危辭也者各指其所之詳哉於辭乎所以諄復詔人者以庖羲氏畫六十四卦渾渾然無文字學者欲療其

象貫其數會通其理以成已而成物非求之文王周公所繫爻象之辭不能也而因思孔子作傳乃所以發明文王周公所繫爻象之辭者也宋儒謂有伏羲之易有文周之易有孔子之易者吾惑焉爰是由孔子之辭以求文周之辭而孔子之辭所謂十翼者自呂成公更次王弼本朱子據之作本義如其說於古似合然張守節史記正義稱上象卦下辭下象卦辭下象爻辭以之按揚子太元用方州部家擬卦七百二十九贊擬爻爲經其八十一首擬象者與攤瑩規圖告測文數衝錯諸擬孔子象傳文言繫辭說卦序卦雜卦者

集經集文卷四

三

並在經外似揚子生西京所見易卽張氏云者比之呂朱本爲確而思之數十年所謂卦下辭爻卦下辭究不知於今易中何居也然則其爲辭且不能辨何由知其所以爲辭噫讀易甚難哉吾友同里孝廉蕭君吉堂乃獨能冥精擅思執經傳所用字凡一千三百三十六析之合之透之遺之縱橫鉤鈎謂文王周公孔子用字各有定數因推著其所以爲辭者成周易屬辭十二卷屬辭例說七卷余讀其書徒驚怖其都與昔言易者異所說蓋十之八茫如也夫力數十寒暑乃得之而余欲知之旬日間其茫如也固宜然亦有知爲說易家所不可

無者如初上往來例困初往豐上故同云三歲不覿賁初往渙上則賁五爲渙四故賁五云邱園渙四云有邱賁上來歸妹初則賁二爲歸妹三故賁二云賁其須歸妹三云歸妹以須餘以此例求之多合又以乾五天道稱天坤二地道稱无不利唯大有上爻兼繫天祐无不利周公以此爻兼乾坤故孔子曰易窮則變變則通通則久是以自天祐之吉无不利黃帝堯舜垂衣裳而天下治蓋取諸乾坤而天祐一爻又於繫辭上傳特明之意蓋以此繫辭傳所以特說鳴鶴在陰七爻憧憧往來十一爻及離十三卦而三陳履九卦又始履終巽者皆

集經集文卷四

三

有說至爲曲奧因畫成大有圖以中孚七爻爲一六居下履九卦爲二十七居上咸十一爻爲三八居東離十三卦爲四九居西大有上爻兼乾坤爲天五地十居中卽孔子之言具河圖之數無餘無欠不假強爲有莫知其所以然者可不謂之獨得乎哉仲翔氏之言易也世推於漢魏最精而爲其學者如終日乾乾夕惕若厲意以夙夜憂勤云爾而謂離爲日坤爲夕坎爲惕否三體接乾生乾故曰乾乾又首出庶物萬國咸甯亦兆賴一人云爾而謂乾爲首震爲出坤爲國爲眾爲安諸它解例若是壹似文王周公孔子之於辭字字必有一定排

直而不可略假者恐聖人立言以詔天下後世之心不
拘曲若是而以其例通求之又似苟不如是即其辭不
必如是云云者吾不及見聖人而面問之也今吉堂此
書其求聖人之辭之法不與仲翔氏同而求得於辭之
意則彷彿與之等於易家足名一氏也已雖然中如傳
合天文地理四靈鳥獸二十八宿十二律辰及六書諸
說余頗疑爲鑿可割汰不令蕪精善吉堂雖長余兩歲
精力十倍於余學養誠篤逐年以增於里中獨所畏敬
其學易必不以此書爲止也可知矣

送黎菴齋表弟之武昌序 庚申

巢經巢文集卷四

三

人之制於天權於人者不可必惟在己者爲可恃格致
誠正以終其身是不聽命於天人者也功名事會之倘
至起而行之吾樂焉不則胼胝於吠歌歌歎於山林亦
樂焉此所謂豪傑之士不待文王而興者也非是則必
待上之有以勸之而後士有所恃得專志於學而後成
其爲身士各成其爲身而後天下治亂乃有所賴 國
家養士二百餘年矣讀書者自束髮受五經四子書學
八股文應選舉由府州縣學生試省闈禮部以成舉人
進士遂授官而食祿次則由廩生副貢修行選拔貢於
京就別頭試亦得停年循資而授官焉是爲入仕正途

外此則以賞進願或不足之甯長年眊目伏腦以從事
於學以應三載歲科鄉會之選誠恃有勸之道也自
盜賊起粵西蹂躪吳越秦楚邊省亦寇攘騷然在上修
文不暇給爲士者乃始失所恃矣吾貴州已兩科廢省
試府州縣科歲考至有停十年者生童望考途無去處
力不能提刀殺賊建軍功致尊顯復不能鑽營長官借
奏書屈名保舉又不能因緣句當公事稽團務佐釐局
中閒乾沒以苟且養妻兒城鄉富家子弟徜徉悅歲月
莫就師貧者捨策而易業則欲倚舌耕求束修之奉又
賤且難也吾意此時當有權宜之法以收士心而振士

巢經巢文集卷四

三

氣如宋因軍興詔川陝類試未嘗必至京師也宋元明
鄉試皆即臺秩選聘屬官及家居士大夫或儒士主考
亦未嘗必遣京朝官也或可仿其意行之而無一二府
爲足藏事地然則士生此邦值此時如之何其不怨吾
又意士誠志聖人之道聽命於天人者誠無如何矣自
修其可恃而亦無如何哉是固難爲一概道也表第黎
菴齋行謹而能文自弱冠補廩膳生久屈於不試將適
武昌省其從兄擬兄資遂北附順天鄉試過我言別此
其計良苦然計此行至碁市登舟出涪陵魚復下三峽
秭歸夷陵順流趨荊州經洞庭之口及大別而拜汝兄

若復前去更過雪堂觀廬岳北歷徐兗瞻光日下水陸
不止萬里颿檣輪轍之間睪然想望孔孟之所為教程
朱之所為學以及屈宋李杜歐蘇之所以發為文章必
有相遇於心目間者則斯行也誠快彼聽命於天人者
雖不可知而在已者所得多矣况以子之才又在必售
之數乎行矣吾雖衰猶能待他日歸而觀子之所得也

桐筌序

庚申四月

善言地理者無他日到也足到也覽記盡古今之書是
謂日到而遠近又無不親涉是謂足到二者有未及不
或遺焉即或誤焉余昔之緝郡志閱三年乃成力亦勤

巢經巢文集卷四

五

矣而物產不采茶經祠廟不摭寶志錄楊氏事不載清
容集則目之未徧也鼓樓隘之水誤指為渭河樂安江
混攷其源處則足之未翔也其他并漏類若是至於今
在他邦博洽者固無暇勘及此即本郡人或亦未之詳
也然余固深悔之桐梓趙君曉峰在當時獨任其縣采
訪其時曉峰年方壯喜蓄秘鈔健登歷不畏僻遠網羅
搜剔視他縣為多而曉峰意未歉也以後目之所經足
之所至凡其縣為郡志之所闕者略者譌者日稽而月
有積焉因分天地人物四部策為桐筌若干卷縣之故
實度竭盡而無餘也已夫人之學力亦何有止限昨日

見為是今日見為非去年以為詳今年以為略亦用心
無已者乃有然也若束書不觀而役其神智於無益與
傲然執寸知粟獲而即以為盡之者豈足以與於此哉
惜乎吾郡知交中獨吾曉峰一人也使五州縣皆有曉
峰其人者令其舊文軼事歷歷與後人有可徵考而又
足以糾補郡志之不及豈不大善而惜乎獨吾曉峰一
人也借閱其橐將還之為識數行於首

秦晉遊草序

辛酉三月

父母之於子也能見其崇明德祇厥父事而念鞠子哀
怡怡然前襟後裾相視若金玉則其身之安意之樂孔

巢經巢文集卷四

五

子讀常棣之詩所為神往其際也自世教衰兄若弟能
若是者蓋難而為父母者乃益難吁誠難矣吾友儀軒
蹇君世單傳至君而有三丈夫子其冢子一士自幼異
羣兒後果捐軀死國事食於大丞國人咸稱願然謂之
君子之子而其仲子子和季子子振奉養嫂撫誨其遺
孤求所以慰死兄之靈而忘老人畫然之隱者宛宛焉
又常若不及也今年子和宰彭山促子振為刻一士遊
秦晉詩草而以點定責余夫一士不負父母教成忠烈
已足不朽兩弟復並其語言之末傳之其為金玉厥兄
也何如哉勘竟持以語吾友曰生子皆如此可以日飲

而忘老矣因識之於卷首

張子佩琚詩彙序 辛酉五月

道光乙酉程春海侍郎主貴州學政所拔貢士凡七十
五人余猥與其列於是始識黔西張君子佩子佩身不
盈五尺方頤廣額目光射人與人交言語姁姁洞示胸
臆意苟不屑終日處或不及一詞時余在同譜中齒最
末諸君咸以弟姪之見輒牽手相提笑語獨子佩爲貧
兒杵若其兀傲不可一世之氣狂大不求眾聽之論又
相若故尤相愛也嘗與余曰富貴包裹中物所不知者
學耳其年鄉試乃以拔貢中副榜侍郎視學湖南因挾

巢經巢文集卷四

三

之去子佩故工詩文喜博覽至是朝夕獲親炙侍郎時
復從沅湘間名宿歐陽礪東鄧湘臬張蓉裳諸君上下
議論才氣日益橫發又酷慕侍郎書作屏障聯筆神體
畢肖觀者如郭天錫吳楚侯之於趙董不能別也侍郎
交舊率海內勝流每占旨屬牋荅頃刻數封辭意兼至
雖自爲無以過之談者咸詫謂黔中有人丁亥九月余
挈舟訪侍郎於巴陵至則已試竣先發子佩方檣偃舳
隄下見余喜極遂相攜登岳陽樓遊君山上古樓絕頂
縱觀赤沙洞庭而北趨澧州回帆於武陵以母老久別
先余歸自是子佩歲歲館於外余以母多病躬耕讀書

於竹溪而值鄉試必皆集省門率三年一會面逮丁酉
余鄉舉後不相見且十年而子佩亦終不能脫副貢籍
丁未冬過水西乃踰月相聚回憶十年前所做睨謂爲
無奇絕時皆稱文章宗匠鉅公或爲方伯連帥聲焰炫
然顧兩人相視皆所謂無聞不足畏者當年意態殆十
去八九矣越二年子佩來館吾縣意尤鬱鬱不樂明年
春余往權教威甯別時乃把臂謂曰蠢蠢者皆不肖君
過家幸留數日爲余思所以教之過其家徒惋歎去繼
復權鎮遠教明年歸子佩已去縣又明年余送兒至省
鄉試子佩亦來同寓河神廟試畢余以兒歸子佩送及

巢經巢文集卷四

三

厠左石橋上曰此蘇李河梁也觀其意尤悽然踰年貴
州亂作蔓無安地出入艱險六七年蹤跡各不相知至
己未臘盡余自蜀還及仁懷值黔西人曰子佩秋間死
矣嗟乎士子抱才守潔遺佚厄窮終其身而復短氣象
賢曾不一稍慰暮年餘望師友中如子佩者可不謂命
之衰乎天之生黔中人士遇出乎類萃者其生平無一
如志何以類如是哉若之何不錮縛摧喪以老死而未
由盡其量也今年老友山陰王个峰館黔西於汪子屏
大令許得其詩彙一冊鈔寄屬爲點勘云將釀而刻之
所鈔多無聊應酬之作曩余與商改者乃無有以个峰

至交搜且力而得止此知此外更無存矣不益可歎哉
子佩爲詩搖筆千言清拔自肆然才豪語易往往蛟蚓
互雜決去範圍余就此彙略剛定僅存一百餘首都爲
一卷庶使後世知黔中有張子佩其人者則子佩可藉
此不朽而余亦可以謝子佩矣故歷序平生離合之迹
用寄余哀亦使觀者略見子佩梗概云

張節婦題詞序

辛酉九月

前三十年同里張白高茂才持其伯嫂唐節婦殉夫事
狀徧乞人題詞繼又爲請旌於朝樹綽楔矜式閭里
而以仲兄子其詩爲之後今白高歿已久其詩始檢得

巢經巢文集卷四

完

彙之未殘失者數十家乞余編次爲卷余嘉白高爲叔
其詩爲子兩能盡愛敬之道次訖乃爲序之昔文王之
繫卦也於恆之六五曰恆其德貞婦人吉孔子釋之曰
婦人貞吉從一而終也禮古昏義曰壹與之齊終身不
改故夫死不嫁由此觀之婦人之不再嫁常也正也再
嫁非聖人之所許也而世之再嫁者或逼於父兄或迫
於孤孀或脅於強暴三者以禮意推之喪服經有從繼
母嫁之服又有服繼父同居異居者子夏曰夫死妻稚
子幼子無期功同財之親與之適人所適者爲子築宗
廟使祀焉故爲之服若然則惟孤孀無所倚活爲其夫

之宗祀出於萬不得已而再嫁聖人亦閱其意權而通
之然猶沒其文於親母而寓其微於繼母繼父聖人之
爲婦女全其羞惡之良者至矣若既無子或有子而非
絕不可存是猶不得以此藉口張子所謂雖餓死亦不
可者也更何云爲父兄所逼爲強暴所脅而再嫁哉有
值此者婉弱之質自不能拒卽周公孔子爲之計亦惟
曰無求生以害仁有殺身以成仁而已矣舍此別無自
全之道也今唐節婦婚甫踰歲遽殞所天亦旣茹泣承
顏期於立後相安矢靡它矣乃其祖母聞至而剪髮寄
之迨其兄至遂赴井以死是時父兄之間必有處心積

巢經巢文集卷四

三

慮浸逼而來者節婦以一死盡其自全之道焉已耳夫
豈計其貞徽芳躅掄播人口哉乃人人樂長言嗟歎之
不置如是其連章累牘者亦足見所惡有甚於死爲人
心之所同然而得之婦人女子尤可慕而可風也世之
夫死而再嫁者何面目立於天地之間哉余因思古賢
媛如杞梁妻齊義母巴郡三貞與夫焦仲卿阮元瑜任
子咸之妻諸若人者其志行後世不少相類而以有劉
子駿之頌左九嬪曹子建之贊及王仲宣丁正禮潘安
仁等之賦若詩其孔雀東南飛一篇更推爲五言長作
之祖故千載下流連歎誦覺其事其人彪炳豈出於例

日寒霜之表有非他人所能及者文字之力之聳植彝
倫固如是乎願安所盡得曹劉諸子之作爲能歷久而
彌傳也然余又有感者自兵興到今日且十年吾貴州紳
吏師武臣死城守戰陣者蓋不止百數卒未聞有一人
臚存始末俾來許有所徵後數十年將有求其姓名里
居且不可得者矣况歌詠之云乎則如節婦一女子視
死如歸而猶得此帙傳之無窮不可謂非盛事也已
賢母錄序 壬戌十一月

自丙辰與黃君子壽別於貴陽子壽侍其尊上琴塢先
生及左淑人宦燕晉間南北相望者蓋七載今年冬子

巢經巢文集卷四

三

壽馳書自成都以來言爲淑人疏齊衰布縵已釋矣比
始粹當代名公先生所撰銘誄志傳之屬數十篇都爲
一錄子其題目焉且爲序余迺發所述事狀吹鐙讀之
往復再三輒咽然淚泫泫下不止蓋其所次淑人事親
之孝敬教子之慈毅處親鄰厚孤惇之仁恤與夫貧苦
勞瘁有百其艱者大抵與吾母同而其年僅六十五爲
壽又同其生也歲陽在丙卒歲在庚而卒又三月復日
逢八更無不同記曰見似目瞿况似之似者乎此中路
之嬰兒所以哭無常聲亦其有萬不可解於心者然也
子壽之爲此錄其萬不可解於心者殆又與余似耶然

而子壽賢矣夫父母之愛子也無不欲其富且貴而恆
不敵欲其子常在左右之心至子心則恆奪於富貴焉
所謂欲常在左右者口焉而已子壽當入翰林授編修
官年且未壯同時科目之士十餘年閒登侍從而膺榮
戟者不少其人而子壽自通籍來視清華若寄焉不以
躋尊顯爲榮而惟日侍夫左右爲樂一旦天奪所恃其
何爲心然視余方俱存時則飢驅不遑息歲或無一二
日在視食上至枯魚索蠹徒率妻子守一抔之土不能
如子壽若此藉手名流發摠慈德則子壽雖撫帕而悲
心亦可一二少解矣子壽誠賢矣哉抑余聞子壽令室

巢經巢文集卷四

三

劉安人少習其尊甫寬夫君之教昔年曾刲臂起夫疾
至淑人告終前復爲之淑人不起以悲慕旋卒是淑人
不惟有子又有婦矣此集宜目爲賢母錄以傳淑人之
賢他日更當以銘志安人者附諸後使俱傳焉漏下三
鼓聽窗知雪率意書之復子壽匪以爲序云

說文新附考自序

說文新附字徐氏意乎非也承詔焉耳然實徐氏病盡
俗乎非也不先漢亦不隋後字孳也何俗乎爾然則病
徐氏何病有二有注爲後人加者外皆意古有矣不知
其正體說文具未暇審如譌變者具注中至古有說文

俄空焉亡矣竝有據若補錄善於酸起等而不能雖承
詔夫安不病匪獨病徐氏也彼所附世多卽爲說文亂
舊章迷後學好古者矯之又不別其爲脫寫隸變概俗
之不屑道則說文亦病焉余爲此乃臚刊之稽諸古推
著其別於漢或變荆於魏晉六朝之際使說文正字犁
焉別出逸者詳前考不復言庶許君無遺漏之譏亦令
兒輩執經問字知時俗增變原委云爾

巢經巢文集卷第五

遵義 鄭 珍 子尹

遷居紀事 丙午秋

道光二十六年口月九日味爽奉先府君之魂帛先孺人之神主從祖曾高三世之主自堯灣寓宅遷於望山堂珍斬衰苴經杖率一妻一男三女各服其服從以次安而畢乃哭於門外之次哭吾父也而因哭吾母哭吾父母也而因哭吾祖曾哭吾父母祖曾而因自哭吾身蓋痛吾母之借居終世而不及見斯堂也痛吾父之及見構架而又不能待數月入居之也痛吾祖曾自後之

巢經巢文集卷五

一

子孫遂長為斯里人而其墳墓遂棄之兩日程外也痛吾身饑寒困苦之餘始僅依先人墓下奠四仲享獻之居而行年四十已衰茶如六七十歲人而凡善吾子瞻吾弟收吾諸從使永保有斯堂者知復能盡遂吾志否也哭無常聲繼之以血匠者曰入宅吉事也而如此若非宜者嗚呼吾能無痛哉吾又奚知吉與不吉哉書之榜於堂以紀來居之始

柴翁說 甲子

柴翁者何山農之老者也所以號柴翁何寓瞻韓意也昌黎文公南溪始泛詩云南溪亦清駛而無楫與舟山

農驚見之隨我觀不休匪惟兒童輩或有杖白頭至張

文昌祭公詩則云移船入南溪東西縱篙撐柴翁攜童

兒聚觀於岸旁所謂柴翁即韓之山農而杖白頭者也

余年十五六始見 國初顧俠君韓詩補注酷嗜之鈔

而熟讀焉繼而聚宋之五百家注朱子考異呂程洪方

四家年譜洎明凌稚隆所刊宋廖瑩中世綵堂韓集以

及 國朝朱竹垞何義門朱墨批本方扶南之箋注莫

不取而參稽之互證之幾無一字一句不用心鉤索者

至今垂三十年矣然於韓之所以為韓固望而未之見

也因思南溪之柴翁不知曾識字否乃能饋籠瓜勸淹

巢經巢文集卷五

二

留與韓公相酬答親接其容色詞氣其視余不多乎哉然問以韓之所以為韓仍與余同一茫然也則余亦適成爲柴翁而已矣故取以爲號云

題移寫韓詩批本 庚申三月

世行穆彰阿道光戊戌重刊顧俠君補注本是依朱竹

垞何義門兩先生評點者原本竹垞用墨書義門用朱

書並就顧本評點莊謚葺得之姚江黃稚圭其兄伯埴

館西齋博明家西齋因轉抄得穆爲西齋外孫得其本

謂時有假手不無誤加年久多所缺蝕從他處得一本

增入數條又附入義門讀書記中批韓詩一卷仍分朱

墨合刻此本余通閱之義門爲批評專家確出其手無
疑竹垞深於韓者乃於平生力追處似多有所不愜何
邪豈一時之見邪避亂桐梓魁巖下近穀雨猶寒不可
出因以三日力迄錄兩批於方扶南箋本上方於朱書
者棄數條其首加圈者皆是何則不及半標何云焉

題移寫賈子新書盧氏校本 庚申六月

此新書十卷蓋後人取漢書本傳中奏疏及它遺文分
析掇湊成之非元書五十八篇之舊也而此武陵何氏
本又譌脫不可讀紹弓盧氏以宋潭本建本校刊者刪
削是正最爲慎當乃取其本增改此本明誤者卽塗之

皇經文集卷五

三

若都可通則兩存不必盡以盧氏所據者爲是要之既
非元書本之異同其相傳亦各有所自但求其曉暢可
讀大段不失卽得矣

題移寫春秋繁露盧氏校本 庚申七月

漢人舊籍今存者僅什餘種而譌脫無一種完善甚者
幾無一葉可暢讀此春秋繁露十七卷自乾隆間開四
庫館搜得永樂大典中所載宋樓攻媿校定本已爲三
四百年世閉絕無僅有之祕籍館中編校後十二年盧
紹弓復加考核尤極精詳余貧不能購也從人借遂錄
此何鐘本中通照盧本改正求其可讀而已賊方出境

官又括邨里如火烈而余尙苦爲此殊自憐後人有能
一讀者尙知此心

題珂雪師雪齋讀易圖 壬戌

圖繪寶鑑稱珂師山水師趙文度一樹一石俱有別致
竹垞先生論畫詩自注云董文敏疲於應酬每倩趙文
度及雪公代筆親爲書款詩云隱君趙左僧珂雪每替
容臺應接忙涇渭淄澠終有別漫因題字概收藏以明
眞鑿非抑之也此圖古雅超絕又經楊龍友先生手題
尤爲可寶其滅去字珂當稱雪齋先生楊似稱某高士
不識爲誰珂云雪齋先生隱居赤松溪溪在華亭知爲

皇經文集卷五

四

松江人耳俟後考元祿己做同治改元八月重裝弄因
記之

或古文四聲韻

郭宗正汗簡收古文七十一家夏英公四聲韻收古文

標目九十八家其增多汗簡者 雲臺碑 雜古文

字略 古漢書 古世本 夏書 古案經 亢倉子

三方碑 邱光庭序文 祝尙正韻 比干墓銘

石椁文 馬田碑 荆山文 天台經幢 蔡邕石經

道德經 庚儼字書 馬日磬集 周書大傳 李

守言釋字 庚儼術說文 玉篇 籀韻 黃庭經

唐韻 崔希裕纂古 滕公墓銘 陰符經 南岳碑

馬日磾集 上標目三十二家馬日磾集重出馬田

碑即馬日磾集之誤庾儼衍說文即演說文滕公銘即

石椁文三方碑即雲臺碑天台經幢汗簡作天台碑即

道德經蔡邕石經即石經庾儼字書汗簡作庾儼字說

即庾儼集夏書古案經二家韻中無其字除上重出標

目及韻中無字者十家又除汗簡共十一家是實增多

汗簡一十六家全謝山謂英公古文編八十八家校汗

簡未嘗多一種實取汗簡而分韻隸之絕無增減異同

於汗簡是書雖不作可也蓋全氏實未嘗細勘是書故

巢經異文集卷五

五

敢作大言欺詆觀其言北宋雕本當有全序而今失之

則似因未見序文標目而始云然者然即各字下所列

書日其增多汗簡者亦可勘見而亦似未嘗寓目何也

跋學部通辨

讀學部通辨四編終作而歎日嗟乎吾見今所謂燕窩

海參等矣嘗之不成味食之不可飽三代聖人不知其

名而世忽羣焉貴之誠朴之家蓋終其身未嘗一入口

惟知食飯而已心侈力富者乃以食飯爲不足尊也賓

享燕會惟此等之是尙夥頤錯列東歐西挾使人與己

皆恍恍惚惚於腥羶醜惡之中一贊羣和以自快意然

而號於人日食飯食飯固未嘗日食燕窩海參等也及

至食飯而已爲腥羶醜惡者塞其臟腑苟且告飽亦終

不知飯爲何物也佛實而儒名者何以異是嗟乎亦其

心侈力富使之然也若象山陽明諸子其可惜乎既慕

佛老之術爲甚深妙不仙佛則恐虛此一世也而又慮

不孔孟則得罪於世教竭大過人之才力使佛老昏塞

其臟腑而號於人乃日吾孔孟之道實亦不知道爲何

物也不大可惜哉程子曰參也竟以魯得之吾觀朱子

自道其資質要不過中人視象山四歲時即思及天地

窮際者固遠不及矣乃卒得聖人之純正非以其魯歟

巢經異文集卷五

六

大抵質鈍者爲其易不敢爲其難守其一不敢望其二

心細而用力苦故其究卒底於道而於異端也亦無不

洞悉毫末高明者天下事不足難其心則懶生焉懶而

又欲以一己兼天下之數粗粗之心昏昏之行宜其佛

實儒名終不知道而亦未嘗即佛朱子之主敬其勤矣

乎象山之養神懶焉而已故學者甯魯鈍而勤毋高明

而懶

跋補漢兵志

鮑廷博刻宋錢文子補漢兵志一卷跋云陳元粹爲注

按此書載元粹序止云少小執經師從曾備討閱因獲

聞纂集之大旨並未言作注後載王大昌跋言曩從先生游得見此書卽手鈔爲家藏忽得刊本於同門友陳令君大昌於是年九月鏤板益廣其傳若注是元粹撰大昌鈔時必尙無注見此加注之本何以都不略及且元粹序後復立綱目使學者易明其成邊止漢之用民殆不過此農都尉止其制邊守塞大略如此若注是其所作則其分節當用綱目而志文漢之用民殆不過此連而天子推恩之言復者爲一段其制邊守塞大略如此連然後猶困於匈奴之強之言屬國者爲一段又序中謹按漢制各件並自注按語而兩處注已詳補志並

注是明以注爲皆其師作鮑氏以爲元粹撰殆誤故明之

政堂谿典嵩高山石闕銘

此文刻在登封啟母廟石闕銘下方云口時口五官中郎將隰陵堂谿典伯并熹平四年來請雨崇高廟典大君諱協字季度自爲郡主簿作闕銘文後舉孝廉西鄂長早終敘曰於惟我君明允廣淵學兼游夏德配臧文歿而不朽實有立言其言惟何凡十七行行五字泐者六字可識者七十九字前後闕多少不可知舊著家唯載在趙氏金石錄題爲堂谿典嵩高山石闕銘所言請

雨崇高按漢靈帝紀熹平五年四月復崇高山名爲嵩高山注引東觀記曰使中郎將堂谿典請雨因上言改之名爲嵩高山與此文合此四年爲請雨之年明年乃依奏改復山名不得如趙氏云史誤且題爲銘亦非其實後人均不得解故沿銘稱余按文讀之蓋爲堂谿典請雨時表紀其父協所作開母闕銘而敘讚之詞也故刻在闕銘之下正如後世之跋尾書後然耳何以知之古者父沒稱皇考皇者大也秦後皇爲至尊之號故漢人易稱皇考爲大君孔彪碑未出京師遭大君憂鄭固碑大君夫人所共哀皆是然則此云大君是典謂其父

也典隰陵人郡國志隰陵屬潁川郡嵩高山在潁川之陽城典父協爲本郡主簿故止言郡據開母闕銘前題名與闕時太守爲朱寵則協爲寵之主簿闕銘前四言十八韻後六言十一韻者皆協所撰文至是其子典乃刻此敘表之逆數延光二年刻闕銘下至熹平四年已閱五十三年矣是年爲典與蔡邕馬日磾等奏正六經書丹鐫石之歲此文當卽典所書也至典字伯并其父協字季度官西鄂長早終於此文本明確而自趙德甫後皆以後漢延篤傳注引先賢行狀典字季度爲西鄂長又蔡邕傳注典字子度相證抵牾此文義亦無了時

不知范傳章懷注皆誤也按延篤傳云少從潁川堂谿
典受左氏傳又從馬融受業舉孝廉爲平陽侯相以師
喪奔官奔赴桓帝以博士徵拜議郎遷侍中左馮翊徙
京兆尹病免永康元年卒是篤傳學之師唯堂谿典馬
融二人融之卒以本傳推之在延熹九年先篤死一年
耳篤死後八年典請兩崇高刻石固無恙也篤於桓帝
未徵博士之前何從得師喪奔官奔赴然則范書言篤
之受左傳蓋是其父協而非典也明矣篤傳注引先賢
行狀曰典字季度爲西鄂長章懷下乃自云典爲五官
中郎將知行狀所言歷官止及西鄂長其字其官與此

文字季度舉孝廉西鄂長早終皆合若元是典何不及
五官中郎將之顯秩而僅言其筮仕邑長乎然則先賢
行狀之字季度者本是典父協而非典也又明矣傳與
注并作典不知爲范書傳本先誤而改行狀從之抑爲
行狀傳本先誤而改范書從之兩書在唐並誤爲一章
懷固不能辨其不合也要是此刻決不得誤今當據以
改定篤傳注之典字爲協而易邕傳注之子度爲伯并
則紛紛世疑皆無庸矣

跋鄭固碑

碑云琦瑤延以爲至惡不紀則鍾鼎奚銘昔姬公口武

弟述其兄綜□□□行於蔑陋曷敢亡乃刊石曰
旌遺芳則碑乃固弟所立琦瑤延其三弟名也文凡十
四行行三十字末行二十五字洪氏尙見全拓所闕字
僅十三不知何時斷去最下三字一段其置在濟甯州
學孔子廟戟門西側亦不詳自何時而舊從二十字下
皆入地中故舊拓皆行十九字及雍正六年李鵬於濟
甯學泮池左發地乃得最下一段越五十一年至乾隆
四十三年定海藍嘉瑄掘起升高始見入地之八字一
段今合斷者讀之較洪釋又漫滅六十餘字矣應劭風
俗通義云豫章太守汝南封祈武興泰山太守周乘子

居爲太守李張所舉函封未發張病物故夫人於柩側
下帷見六孝廉曰李氏咨嗟休懿相授歲貢今李氏終
諸君各懷進退未肯發引正相追隨墓柏何若曜德王
室昭顯亡者乘與鄭伯堅即日辭行祈與黃叔度鄧伯
嚮盛孔叔留隨輜柩乘拜耶遷陵長意薄之旋告退所
謂伯堅卽固也以此知固係汝南郡人其時郡守李張
舉六孝廉固居其一封黃鄧盛四人以舉主喪紀不行
惟乘與固至京師固拜郎中而固逾月卽卒也碑云邦
君珍璋以爲儲舉儲者副貳也此舉或子居爲首固列
第二薦名已高又迫夫人之命故二人不得不行而四

人可從其志歟拜郎之後固當卽辭榮周亦旋退其爲不得已應薦甚明碑云非其好也豈非虛飾應氏譏子居去喪卽寵殆不諒乎李張於史傳無考所舉六孝廉者周子居則陳仲舉目爲世之干將黃叔度則荀季和稱爲國有顏子封武興郢伯嚮盛孔叔事雖失傳卽此服勤舉主甘弃名祿其厚義高行已可概見而固驂斬黃周之列則碑稱孝友文學清脩退讓好成方類者皆其實錄宜此一石閱數千年使其名義與叔度子居同彪炳未沫也李張亦賢矣哉先是君大男孟子一段蓋固夫婦合葬並遷其所愛殤子祔之漢人墳前置一石

巢經集文集卷五

十一

龍爲墓祭時依神之所謂之墳壇牛氏金石圖言居攝二墳壇其石龕並崇一尺廣二尺厚一尺五分椁四圍而鑿其中刻字於內是其制也碑云配食斯壇謂此其稱父爲蒼君不可曉楊烏之楊從木得此而楊德祖謂修家子雲首益信案漢書地理志濟南郡有著縣魏收地志作蒼蓋其父爲蒼令故稱蒼君也跋樊毅修華嶽廟碑碑云樊府君諱毅歐公跋尾云碑乃卽時所立而太守生稱諱者何哉余考漢碑生稱諱者非一脩堯廟碑濟陰太守孟府君諱郁靈臺碑濟陰太守審君諱晃成陽令管君諱遵史晨饗孔廟後碑相史君諱晨韓勅後碑

府君諱勅西岳華山碑袁府君諱逢孫府君諱瑒華山亭碑宏農太守樊君諱毅穢阮神祠碑令曰君諱曰孫叔敖碑期思縣令段君諱光唐公房碑漢中太守郭君諱芝西狹頌郿閣頌武都太守李君諱翕周憬功勳銘桂陽太守周府君諱景校官碑溧陽長潘君諱乾唐扶頌君諱扶劉熊碑君諱熊縣竹江堰碑廣漢太守沈君諱曰縣竹令樊君諱口以上諸碑皆卽時紀功頌德所刻而於守令並稱諱甚至孔耽神祠碑是耽作壽藏命其子颯所紀而颯於現存之父云君諱耽可見當時於尊上當書名者不敢直斥其名始加諱以見尊之意

巢經集文集卷五

十二

若其時與事之丞尉則直書名字矣此蓋東漢人文例不得以死乃稱諱之義律之惟修堯碑守令稱諱之外其丞尉及府內百石亦曰諱某特異諸碑然非當時通例矣跋范鎮碑碑云膺姿管蘇靖共衛上洪氏釋管蘇謂管夷吾蘇忿生余謂洪因上文云韜律大杜綜皋陶甫侯之遺風知鎮乃法家者流遂以范史律謝皋蘇言法家者比附此管蘇亦同不知非也新序楚共王有疾召令尹曰常侍筮蘇與我處常忠我以道正我以義吾與處不安也不

見不思也雖然吾有得也其功不細必厚爵之碑文蓋用此管與筦同州輔碑亦云昔管蘇之尹楚以直見疏跋元趙仲光桃源圖己酉秋

右卷爲胡子何舊藏屬余審定余定爲趙仲光繪桃源圖仲光名奕文敏公次子元史稱其與兄雍皆以書畫知名而國朝收弄之富如孫退谷高江村宋牧仲及漁洋竹垞以訖乾嘉諸公所著錄俱未及仲光片楮余又觀明代如鈴山米菴等記書畫亦無有仲光甚以士良夏氏序圖繪寶鑑後此圖十二年耳於仲穆子若孫且著之仲光名字復無有也以知仲光遺墨在元代已

與經集文集卷五

三

少見者何論明後是卷長逾二丈存至今五百年而無稍損缺非希世之寶哉至其筆墨高正異境疊出視趙伯驥伯駒兄弟所圖未知何若每一展對輒詠坡公不知人閒何處有此境徑欲往買二頃田子何尙珍守之勿易視也

跋文待詔書赤壁賦

右明文徵仲先生書前赤壁賦順德黃愛廬藏物按先生己酉年日記云書東坡赤壁賦前後共五十本此五十本之一末書丙申冬十月二日書時先生六十六歲矣首行下有己酉年記一印知沈確士以五十本皆己

酉年書非也日記蓋通記前後所書耳此書先日記十三年至七十九歲彙存手迹故鈴以己酉年記本初藏文登于雪髯繼歸東萊初頤園印文可考跋機聲鐙影圖丙辰三月

古之人於爲父也妻者卽母之而盡子道不必其生己也於爲夫也子者卽子之而盡母道不必其己生也故周公制喪服經無君母爲庶子庶子爲君母之條非闕也不杖期章爲眾子眾子兼嫡庶爲之者兼父母若妾不得有眾子爲其子得遂見後條則君母爲庶子具此矣齊衰三年章父卒則爲母杖期章父在爲母此服通

與經集文集卷五

四

貴賤妾子有以厭降不得三年及期者可以君母包其母是爲之並兼嫡庶則庶子爲君母具此矣若然君母庶子之名特以其異出析言之其爲母子所當盡之道與生己已生者無二也服不可別出又無可別出此周公準禮順情以制經垂教之精意也自世道衰天理之公微人心之私盛爲君母者曰是非吾生也子焉而已而爲庶子者亦曰是非生我也母焉而已於是雖有母子之名而母子之道尠盡其實矣今大定章吉士子和庶出也生甫周其母謝安人歿君母謀安人實百苦撫教之見其成進士入庶常館而始歿歿後子和悲慕無

已時作此圖志恩勤以寓其痛而持以示余余嘉歎安人之爲母吉士之爲子皆能盡古人之道而合乎周公之所以教世之爲君母庶子者聞茲風其慈孝之本心或可油然而起也乎故申禮意而書之

跋張遷碑

辛酉

亭林顧氏以碑中荒遠既殯殯字加歹爲無理爰既且於君更以暨字離爲既且二字中響於朝忠亦誤中因疑碑爲好事者得古本摹刻致斯訛謬翁覃溪又以藝於從政是用論語求也藝句而政誤爲政乃書人非卽撰人於草稟審視未真而茫然下筆故成諸誤余謂此

巢經巢文集卷五

圭

碑字體渾厚決非後人摹刻亦非不識文理之胥吏所能漢人作書有轉注爲各事專字而互相通用者亦有本字與轉注各字互相通用者諸碑及經典本不止千百如此碑賓作殯孫根碑無猗不儋賓又作儋皆用轉注字爲本字也此碑與魏呂君碑君以中勇忠皆作中此用本字爲轉注字也學者不明此悞遂概謂之假借矣詩陳風穀旦于差釋文旦本亦作且王音七也反是王肅本作穀且于差此碑且於正用詩詞所據蓋同王本爰既二字連且於二字連爰既猶於後也顧氏必繩以爰及之義謂離暨字爲二文誣矣政之爲政實出俗

兒戲鏡使然觀刊石立表表字之側刻衣字碑陰下列空處刻付訖二楷書則知與此政字皆爲一時妄鑿無疑

跋吳荷屋刻東坡詩彙拓本

庚申十一月

南海吳荷屋方伯榮光酷嗜古書畫富於賞見名蹟無不購也家幾於盡以故舊藏家所未見者多歸之旬宣長沙時吾友甯鄉黃虎癡本驥方教讀某太守署荷屋偶與譚曰已知吾子所學矣平生弄藏乞爲考訂箸錄令顯於世虎癡諾之遂攜太守子就教於所居江上之香雪堂荷屋每三日自節署送書畫十卷與之考定幾

巢經巢文集卷五

六

一歲而書成荷屋挾其囊歸南海歿後其後人刻之未究虎癡當時不留副與余言甚悔之此東坡先生墨蹟十五石荷屋所鈎摹者世刻蘇書莫美於戲鴻堂寒食帖以斯比之又下矣順德黃伯垂統學使之尊人愛廬廉訪樂之守遵義時伯垂來侍其親攜此拓本余以石在其鄉後易得也堅乞之乃以贈余自後粵東爲島夷屢蹂躪此刻未知無恙否撫茲初搨益深寶惜耳矣

跋啟秀書院壁書弟子職

壬戌八月

右弟子職一篇古之小學所以教童子之規條也今爲管子書之弟五十九篇據班氏藝文志列此於孝經尔

正之後則前漢時固以為經類而單行矣子家多非元
書本有管子尤攙雜此當自漢人采增應仲遠注班志
遂謂管子所作實不然也其書曲而盡韻而易讀成周
盛時蓋無不熟誦而習行之使人心性筋骸在兒時已
馴化於禮法之中德之所以易成也唐房元齡作注已
十得七八朱子因而分章句補注文纂入儀禮經傳通
解內蓋仍以為古經矣余惟朱子以此篇與曲禮少儀
內則同為小學之支流餘裔今曲禮三篇賴編在小戴
禮人人得而誦之獨此篇以難得傳本因罕讀者故為
手書朱子章句於書院墜壁俾互相傳寫用課童幼庶
幾子夏教門人小學之法不一二年將徧吾鄉里小兒
之口焉至其注義 國朝有濟陽張氏浙中王氏高密
任氏益推益詳成學之士尙其由朱子參考之

集經文集卷五

十七

跋小王洛神十三行拓本

子敬手寫洛神人閒當存數本至宋思陵極力搜訪僅
得九行後賈似道復得四行合為十三行自歸趙文敏
以後邢董亦不及見也後有柳跋者文敏謂是唐人臨
本明在項子京家思翁摹入戲鴻堂帖今其本亦不知
存否紫泉莫友芝得此本淮陰市出以示余其源流不
可考於真蹟未知何如以項本視之彼且奄奄無生氣

矣昔人謂虞褚筆法專得小王觀此頗見仿佛旁有文
氏父子印項氏天籟閣印知其由來久矣

跋韓詩謝自然首 以下跋韓詩諸篇非一時所成不記先後大約在辛酉以前總錄於此依韓

集次序

陳商有謝自然卻還故居詩此女信得道者耶然以公
所言觀之其去而復還仍是為魑魅狐狸所弄特彼不
肯自承耳否則復還者即木怪狐妖所為豈真自然哉
跋韓詩又魚招張功曹首

方扶南云公祭張員外文云避風太湖七日鹿角鉤登
大鮎怒頰豕狗此又魚之一證合觀察李郴州文投又

集經文集卷五

六

魚之短韻則缺新命於郴州作也余以為公祭張員外
所謂太湖即洞庭故敘七日避風在往觀南岳之後非
又魚處也又魚在郴州城外西湖湖今皆為田余曾親
遊其處方氏殆誤

跋韓詩合江亭首

合公過衡嶽諸詩考之此合江亭云窮秋感平分新月
憐半破曰平分則是秋中曰半破則已上弦知公以八
月初旬至衡州與刺史鄒君盤桓因賦合江亭詩其過
中秋亦在衡州八月十五夜贈張功曹言沙平水息正
是江景繼乃登衡山宿嶽廟訪禹碑所謂委舟湘流往

觀南嶽必非一二日事然亦去中秋不遠宿嶽廟詩夜
投佛寺上高閣星月掩映雲曠曠是其時猶有月也初
八九尚在衡州登岳又非一二日事則中秋贈張功曹
必不在遊衡山之後某氏以其詩爲俟命於郴州作方
扶南沿之編在郴州祈雨後不知與公紀時不合也衡
州至潭州下水船僅五六日而公遊岳在八月二十前
後至潭州泊船詩云夜寒眠未覺獨宿湘西寺云是時
秋之殘又云山樓黑無月則已是九月二十後者意公
譚瘴鬼詩云乘秋作寒熱必卽在遊岳後泊潭前中間
一二十日以瘧疾淹留故也九月下旬公應發潭州其

巢經巢文集卷五

五

至洞庭湖已是十月又在鹿角避風七日及岳州當在
初十前後洞庭湖阻風云十日陰氣盛登岳陽樓云時
當冬之孟可考也

跋韓詩赴江陵途中寄贈三學士首

右詩蓋作於由衡至潭途中詩云江水清且急則在湘
江也云涼風日修修則八九月也云胡爲首歸路旅泊
尙夷猶益見觀岳之後泊潭之前中間必以故稽留一
二十日此詩之作卽在其時憲宗之立伾文之貶在八
月京使至湘中當在九月此時公已聞詔則詩作於九
月無疑宜編在潭州泊船詩前方扶南編岳陽樓別竇

司直後誤矣蓋阻風鹿角地在潭州下流二百餘里時
已是十月與涼風句不合若過岳陽則是大江更不得
云湘水也

跋韓詩讀皇甫湜公安園池詩書其後首

余玩此詩大意謂人生百年內當留心於大者遠者孔
顏事業終身爲之不盡區區園池中景物自然不及關
懷正猶晉人且一映堯舜春秋且不誅其人况肯以蟲
魚花鳥累其筆墨乎皇甫之園池詩何異拈糞壤用
心既誤臧否更不必論也公蓋勉之及時進業無復流
連光景費無益之心思耳劉貢父葉石林謂譏持正不

巢經巢文集卷五

三

能詩勸使不作並是凡談持正詩今存三篇題活溪石
石佛谷出

世何嘗非詩人吐屬特全集失傳耳
跋韓詩崔十六少府攝伊陽以詩及書見投因酬三十
韻首

此崔十六非崔立之也自東雅堂本某氏注贈崔評事
詩云立之初攝伊陽尉始誤認此與立之爲一人方扶
南不悟其非又據此詩謂立之攝伊陽在爲評事後而
於西城員外丞首詳立之仕履直云評事謫官攝伊陽
尉迷謬已甚公寄立之詩藍田十月首西城員外首並
稱崔二十六此稱崔十六行先不同其爲兩人已明又

詩云三年國子師此自是元和三年之作考公年十九到京師當貞元二年其四年立之登第八年公登第公贈崔評事云憶昔塵埃兩相逢爭場齟齬持矛盾子時專場誇指距予始張軍嚴鞞則知公與立之在貞元初年交好久矣而此詩前半所敘乃是公於元和元年以分司居東都因崔十六賃屋連牆相識始慣初尙安排借貸久之乃覺真窮明是新交情事若公於立之相知至此已二十年與詩皆不合矣某氏一誤扶南再誤不可不正

跋韓詩寄盧全首

集經集文集卷五

三

詩云立召賊曹呼伍伯一作五百余考伍伯有數義漢書晁錯言事曰古之制邊縣四里一連連有假伍伯服虔注伍伯帥名也是謂連帥爲伍伯周禮司服注今時伍伯緹衣古兵服之遺制疏五行也伯長也謂宿衛者之行長是衛士名伍伯又宰夫八職注如今侍曹伍伯傳吏朝也疏漢時五人爲伍伯長也是五人之長傳在朝羣吏諸官事務於朝也是傳事者爲伍伯神仙傳王敦誅郭璞璞謂伍伯曰吾命應在汝手中伍伯銜涕行法是劊子手爲伍伯演繁露紀後漢書虞詡傳注續漢志伍伯八人中二千石六人千石六百石皆四人自百

石以下皆二人黃綬武官伍伯六官避車鈴下侍閣門關部置衛走卒皆有程品多少隨所典領率皆赤幘絳構卽今行鞭杖者禰衡傳黃祖怒衡不遜令伍伯將出杖之注五百猶今之問事唐書蘇世長爲刺史因民不率教責躬自咎自達於都街伍伯疾其詭鞭之見血太平廣記載戎幕閒談申確欲知未來或曰公部中伍伯判冥者也召問之荅曰某非幽冥主者冥中伍伯能於杖數量人生死酉陽雜俎語資類謂魏收欲顯名巖石偶無筆以伍伯杖畫之據此數事是官中行鞭杖者爲伍伯要如續漢志所言伍伯程品則今卑役快役壯役

集經集文集卷五

三

皆是也今呵導笞斬用卑拘人緝盜用快守衛傳事用壯公所指伍伯是快捕卑隸當屬賊曹故曰召賊曹呼伍伯其字亦作五百本後漢曹節傳及禰衡傳晉輿服志曰車前五百者卿行旅從五百人爲一旅漢氏一統故去其人留其名則視崔豹章昭孔氏義似勝公語必由古知作五百之本是也

跋韓詩送無本師歸范陽首

劉公嘉話記烏以鍊推敲字誤衝京尹事洪樊諸子已辨其烏有而撫言載烏因索句唐突劉棲楚被繫迹頗相似新唐書遠信采以入傳以余考之亦謬談也烏集

有寄棲楚詩云友生去更遠來書絕如焚通篇詞意並見鳥與棲楚爲同輩舊交何得有繫鳥事新書殆失之不考又以鳥集與此送無本師參證鳥於韓公門亦可略見始末益見嘉話之非鳥攜新文見張籍韓愈途中成詩云袖有新詩文欲見張韓老青竹未生翼一步萬里道仰望青冥天雲雪壓我腦失卻終南山惆悵滿懷抱此知鳥由幽都攜所業來謁公先至長安見張籍而後赴洛故題與詩皆敘張先韓而詩尙作於見張之先也雪失終南知見張在元和五年冬至六年春走洛見公遂從公遊故公送無本詩云始見洛陽春桃枝綴紅

巢經巢文集卷五

三

穆則新史謂禁僧不出爲詩自傷之云亦不足信是年秋公遷職方鳥或隨公入京及十一月告歸范陽公作此詩送之是後至長慶四年公告病居城南莊鳥復來見公有黃子陂上韓吏部詩云石樓云一別二十二三春相逐升堂者幾爲埋骨人蓋從元和七年計至長慶四年爲十三年也公莊在黃子陂岸曲張籍祭公詩所稱地曠氣色青者籍詩敘池上侍公事云偶有賈秀才來茲亦同并卽是指鳥公泛南溪鳥亦陪侍有和韓吏部泛南溪詩不久公卒則鳥必見公屬續此鳥於韓門始末可考者至鳥於東野似平生未一覲面其投東野

詩云生平面未交永夕夢輒同前歲曾入洛差池阻從龍萍家後從趙雲思長縈嵩島入洛在元和六年東野卒在八年此詩必作在七年八年之間是孟賈終未一見也

跋韓詩人日城南登高首

或問此詩中佳節古所用古用人日登高注家未詳於何徵之曰晉桓溫參軍張望有正月七日登高詩李充有人日登安仁峰銘壽陽記宋王正月七日登望仙樓會羣臣父老集城下皆令飲一爵北齊楊休之有人日登高侍宴詩喬備亦有人日登高詩景龍文館記中宗

巢經巢文集卷五

三

景龍三年正月七日上御清暉閣登高遇雪令學士賦詩李文李嶠劉憲趙彥昭宗楚客蘇頲六人皆有作是知人日登高自晉至唐皆爲故事故公詩云然

跋韓詩示兒首

東坡論此詩所示皆利祿事淺視詩旨也讀開門一段是所指爲利祿者深玩之詩言身爲卿相持國鈞軸而與同官往來止以酒食相徵逐博奕相娛樂所爲何如乎則玉其帶金其魚峩其冠者皆行尸走肉耳其所講之唐虞亦止口中仁義卽公所云周行俊異未去皮毛者也酒食聯下接云凡此座中人十九持鈞樞鄭重作

一指點語似熱眼齒實冷極重言其官職正輕晒其所為所謂贊揚甚於怒罵也不然上言無非卿大夫足矣又著此二語津津不置不重複無謂耶觀又問四句言過從講道者唯有張樊則自兩人而外皆無一可與言者愈見上文所云並非豔於利祿誇誇符郎也坡公特未細思耳

跋韓詩符讀書城南首

黃魯直嘗以此詩勸獎之功與孔子同歸正論也陸唐老短之謂退之切切然餌其幼子以富貴利達之美若有戾於向之所得者非也讀書通古今行身戒不義學

東坡先生文集卷五

三

行並進文質相宣達則富貴若固有窮亦名譽不去身為聖為賢止是如此論古今通理有潭潭府中趨之俗子必無鞭背生蟲蛆之哲人子孫苟賢藏身有術即不為卿相亦免人僕人奴必欲餓不任聲寒而見肘是其時命所極決非父母之心若伏獵侍郎弄饜宰相固韓公所不屑計較於符豈有慮焉如唐老者吾知其必教子孫作木石矣竹垞先生評文章經訓數聯云論讀書必歸到經術行義上此昌黎學有根本處最得其旨跋韓詩大行皇太后挽歌詞第二首

太后者莊憲皇后也后與順宗同葬豐陵順宗元和元

年葬先於后十一年故詩云因山託故封鳳飛終不返句即承故封接下劍化會相從句言今日耐葬之得禮王介甫不瞭詩意譏劍化句為黷失旨已甚

跋韓詩閑遊二首

二首殆前後兩遊之作編者類之柳花句是春暮景次首竹長遮鄰謂筍放梢則是夏初景且同時作兩律亦決無止向萍竹寫狀之理可見春晚初釣此池作一詩經句再遊作後一詩也長慶集十一卷有陪韓侍郎遊鄭家池吟詩小飲五言一篇公必有作今不傳此閑遊二首及獨釣四首皆是孤遊其地未知即鄭家池否

東坡先生文集卷五

三

跋韓詩譴瘧鬼首

此詩公實因病瘧而作其時當在永貞元年八九月公由郴至衡潭中間觀納涼聯句公自敘云與子昔睽離嗟余苦屯剝炎湖渡氣氲熱石行瑩碯瘠飢夏尤甚瘧渴秋更數皆明是實事日度炎湖行熱石則暑中行况也公貶陽山在貞元十九年十二月度湖經嶺皆極寒之時而二十年在陽山又無緣至湖嶺惟二十一年由陽山俟命於郴則越嶺有熱石之行又由郴下潭州則自衡以下皆湖地其時又正當夏秋與度炎湖行熱石合而夏瘧秋瘧即敘在度炎湖行熱石之下又與此乘

秋作寒熱合知公偶爾病瘡必在出柳口泊潭州中間
故病中作此消遣其曰江水清曰九歌曰清波白石芙蓉
旂並就眼前景附合楚騷以為娛戲非憑空擬撰也
韓醇謂此詩為皇甫鏞程異諸人作誠無所取方氏又
以移之李逢吉究是肌度要之名門子孫不修操行以
忝厥祖父者比比而是公自嬉罵瘡鬼而使不肖子讀
之自知汗背此即有關世道也何必定指斥某人耶至
方氏以天殃鬼行瘡句為此詩緣起因編此系鄆城聯
句後則小兒之見矣

跋韓詩和席八首

巢經巢文集卷五

七

方扶南謂此詩未定何年作然以落句觀之蓋元和十
五年春在袁州遙和之詩曰江海則在南方而陽山時
不得云老曰未還身則自在量移之後而在潮州未嘗
遇春且曰吹竽久混真蓋指十一年為中書舍人時則
其為袁州時無疑矣席八是時想亦以中書舍人知制
誥舊與之周旋因其詩來而和之余按詩中云綸綍謀
猷盛傍砌看紅藥席八之為中書舍人知制誥無疑云
倚玉難藏拙吹竽久混真明是與席八同知制誥語未
韻蓋言此身老而無用理合退休與席八混惟有自慙
江海未還身猶云未還江海之身對朝廷言江海江湖

山林一也不必定在大江大海此詩應編次人日登高
後扶南誤解末句遂多生穿鑿編年既誤明白之詩反
晦矣

跋韓詩詠鎧花首

詩云黃裏排金粟注家未得其解考文選注石中黃子
黃石脂也宮額用之是黃子乃石名以之飾額故義山
詩云低眉遮黃子而梁簡文詩約黃能效月更省稱黃
是公以釵對黃比物連類的是正對而此二句之擬狀
絕肖者鎧之火光內黃外赤花在其中恰是黃裏排金
粟釵以比鎧花在其首確是釵頭綴玉蟲於此見公

體物之精

巢經巢文集卷五

八

跋韓詩賀張十八祕書得裴司空馬首

方扶南箋編此詩於同水部張員外曲江春遊首後云
籍此時已為水部員外前題稱之此稱祕書或仍其舊
或傳寫誤余謂香山集卷十九有和張十八祕書謝裴
相公寄馬詩亦稱籍為祕書其後有喜張十八博士除
水部員外郎詩編次在遇芍藥初開首後食勅賜櫻桃
首前參互考之知籍除員外必在長慶二年三月此詩
作在除官前故韓白並稱之祕書李漢元編此詩在遊
曲江前不誤方氏移易舊次自取葛藤不知何由知得

馬時定爲水部員外也

跋韓詩病中贈張十八首

右詩方扶南箋謂爲長慶四年爲吏部侍郎以病在告
作余考之誤也此詩決非作於長慶四年是年秋籍轉
國子司業公疾自中秋後日浸以加至十二月而卒中
閒籍每來省迫於公事不能久留祭公詩云來候不得
宿出門每徊徨是也公既病至危重必不能於風雪中
與人縱談數日門人輩亦必不能如平時辯論則詩中
籍也處閭里抱能未施邦及連日挾所有將歸乃徐謂
子言得無唯等句並不合事情矣余細審之當是貞元

樂經集文集卷五

元

十四年孟冬公在汴州時作是年十月初籍至汴始見
公公館之城西十一月汴州舉進士公爲考官籍膺首
薦旋入京其見公後必至公所上下議論連朝累夕可
知籍未見公之前已爲東野輩特識猶云學詩爲眾體
久乃溢笈囊略無相知人黯如霧中行則其傲睨一世
於公必負才盛氣久乃心服者此詩處閭里聯與人合
隔雪風聯與時合半途喜開鑿子言得無唯諸聯與此
曰足可惜首所謂開懷聽其說往往副所望少知誠難
得純粹古已亡意正同其徐謂言唯二語卽籍祭公詩
觀我性樸直乃言及平生也從此識歸處聯亦卽歲時

157

8A

未云幾浩浩觀湖江意是知此詩皆實敘非談諧求勝
於門人也若在公卒時籍學之純正已幾於公世號爲
韓張久矣大言欺人何爲哉曉鼓朝指董晉之衙非公
朝將歸乃徐謂是連日宿公處至是歸城西館不得以
歸家疑之

跋韓詩和李相公攝事南郊覽物興懷及和杜相公太
清宮紀事陳誠二首

方扶南辨兩詩爲贗作附在編末大意謂和李首言爲
仁朝自治用靜兵以銷惟彼顛瞑者去公豈不遵吉甫
不足當此和杜首言未耜與姬國輔櫟建夏家在功誠

樂經集文集卷五

三

可尙於道詎爲華不宜貶禹稷之功反不及元元黃帝
因斷非公作乃二相屬和不得已而假手代之余以理
揆之二詩原無可議凡和人詩必就彼題目裝入己意
大抵贊人者多或寓規於贊體例自是如此公和李作
題是攝事南郊覽物興懷逢吉元詩必見倦於樞務思
息山林之意所謂願瞻想巖谷興欲倦塵囂也卽此一
念視世之顛瞑富貴恬不知止者詎不遠甚公既和其
詩可得曰汝傾險小人寶媿宰輔旣思引退理宜速去
乎故卽就詩意慰勉之謂相臣總幹中外盡職誠勞然
以仁待臣民則朝廷自治以靜鎮邦國則兵革自銷祇

勿憚吐握之勤舉賢自輔各任其職已總其成而陰陽
變理風雨調和矣又何倦塵囂之有且聖君賢相遇合
甚難以相公爲上所倚任郊天首重尤且代行誠能如
我所言則明良其濟功德昭宣於今日矣又何想巖谷
之有逢吉嫉功妬能妨賢樹黨實不仁不靜不能吐握
者公詩力砭其病而渾無痕迹言者無罪聞之足戒正
溫柔敦厚之旨如方氏意則此詩若出公手必痛加斥
當始合然則濁水汗泥清路塵應許閒官寄病身之言
何自貶損乃爾耶至於和杜首在功誠可尙二語言禹
稷之功可尙如此而姬室夏家於尊崇之道未極光華

巢經巢文集卷五

三

不若我唐之追尊元元黃帝也道非道德之謂於道承
上姬國夏家言夏周兩朝之於道於字不屬禹稷題是
朝享太清宮自宜就事論事何暇以禹稷老子比較高
下乎象帝威容大以下八句正極言其華處方氏誤解
詞意遂疑非公作不知苟屬代筆不出張李之徒論道
而貶三代卽張李亦決不道明明詩語乃如此讀之可
嗟也

跋韓詩陸渾山火首

詩云女丁婦壬傳世婚注家皆不得所出余讀蕭吉五
行大義論五行相雜第二段引五行書云甲以女弟乙

嫁庚爲妻丙以女弟丁嫁壬爲妻戊以女弟己嫁甲爲
妻庚以女弟辛嫁丙爲妻壬以女弟癸嫁戊爲妻甲丙
戊庚壬爲男剛強故自有德不雜乙丁己辛癸爲女柔
弱不自專從夫故有雜義論合條云丙陽丁陰壬陽癸
陰丁爲壬妻故壬與丁合引季氏陰陽說曰火七畏壬
六故以妹丁妻壬此公詩所本

跋夢餘筆談 道光辛丑三月

珍舞勺之年及事外大父靜圃公老人心慈童孫肆姐
數數聞道育賢館青城墓等事始知有夢餘筆談公歿
後十年乃得讀其彙編驅南北又十年去年春乃攜彙

巢經巢文集卷五

三

全郡署將梓之勘定而先孺人逝矣至是乃始付劄氏
嗟乎爲不得力兒何一事非至憾鬼神幽明之說信如
公言百年易盡耳瞬願聞必卽奉吾母言笑於公几案
之側特不知百年中所學所行之必能復見吾母否也
捧此編懼而痛矣

跋內弟黎魯新慕耕草堂詩鈔

庚申十二月

近人涉筆無槎牙直露大難徧讀諸作喜婉約之旨於
斯而有嗣響然斯道有利有弊吾弟學勝於才不得之
靜悟卽得之苦吟故能刊落浮辭吐屬沈摯祇靜悟則
易增魔障苦吟則易傷氣格此一定之勢所難免者當

試審之此後更學養十年海內精於論詩者必以處之矣

跋易林 庚申

今世有易林四卷相傳為漢焦延壽贛撰顧亭林以延壽在昭宣之世其時左氏未立學官而易林引左氏語甚多又往往用漢書中事其曰劉季發怒命滅子嬰又曰大蛇當道使季畏懼則又非漢人所宜言疑是東漢以後人撰託之焦延壽者愚按贛事實見前漢京房及儒林傳並不言著易林顧氏以用事措語疑之此書不出贛信矣考隋書經籍志有焦贛易林十六卷贛直易

巢經巢文集卷五

善

林二卷許峻易新林一卷郭業周易林五卷魯洪度易林三卷唐書藝文志又增多崔氏周易林十六卷管輅周易林四卷張滿周易林七卷是作易林者凡八家崔象乃駟之祖建武中著易林六十四篇見駟傳許峻乃曼之祖著易林見方術傳篆桓帝時人說當在明章間二子皆不宜言劉季則此書亦非崔許所著觀其文奇高光怪景純優為之然樸質自然非漢魏人不能也是其管公明之書乎唐會昌中王僉序贛書云四千九十六題即是此本知其時贛書久亡世遂以此當之耳今之四卷蓋猶其舊也

巢經巢文集卷第五

巢經巢文集卷五

善

157.010

巢經巢文集卷第六

遵義 鄭 珍 子尹

書祭仲殺雍糾事後

吾觀雍糾一祭仲耳不殺於祭仲亦必殺於厲公厲公之使糾也以糾必不洩吾之謀忍殺其妻父而不辭也夫糾非明大義者而能密君之謀以忍殺其妻父而不辭豈無望哉仲之專以立厲也殺仲則已即仲也故糾不辭也雖然厲公亦智矣哉苟不深見夫糾之心人雖至愚焉有使婿殺其舅者乎故糾不幸不濟猶得厲公惜耳不然則厲之負心其不待傳瑕而始見也夫

巢經巢文集卷六

書韓集與大顛三書後

韓文公元和十四年潮州謝表云以正月十四日授潮州刺史即日上道以今月二十五日到州今月無實證洪興祖沿韓集或本鱷魚文維年月日作維元和四年四月二十四日之誤定為三月方崧卿辯其決非三月朱子深然之而又云與大顛第一書石本云四月七日似實為三月二十五日到郡復以洪氏為是是洪氏者必欲以此三書為真韓氏作也必欲實韓子之崇信佛教也得此書以實韓子為崇信佛教而韓子之人品學問乃始大裂此朱子之心也噫朱子之心亦私而隘哉

蘇文忠公謂此書凡鄙雖退之家奴僕亦不作朱子亦誠見其凡鄙謂有不成文理處矣乃以舊本亡逸僧徒所記不真致有脫誤當之韓子由刑部侍郎貶潮三書石刻後俱銜吏部侍郎潮州刺史上顛師歐陽文忠意此官稱之謬當因流俗但知為韓吏部重刻者遂以已見臆改朱子則謂時既謫刺亦未必更帶侍郎舊官推朱子之意蓋止云妄改刑部為吏部猶與人以疑閒不若直以吏部侍郎四字為後人妄增使之偽迹盡滅然後得人人信為韓作耳余謂此書之偽但觀其詞鄙銜謬已可斷為庸妄人所假託朱子雖堅與彌縫而第一

巢經巢文集卷六

書之四月七日萬萬不能彌縫也考公瀧吏詩云南行逾六旬始下昌樂瀧瀧在韶州樂昌縣公以正月十四日啟行行逾六旬始下此瀧則公之過樂昌已是三月望後去月之二十五計多不過七八日由此而韶而廣而始至潮瀧吏詩云下此三千里有州始名潮三千里豈七八日可到謝表云臣所領州去廣州雖云才二千里然來往動皆經月此公初到郡據所新歷以上告天子者程期明白可據由廣至潮已須經月方到韶之距廣又一千里其至亦必經旬日公之到潮為四月二十五日確無可疑四月七日何由書召大顛也方氏正洪

譜三月到潮之非亦據韶以後道里計惜道之不詳使朱子得依違洪譜以全此書之偽然方氏即道之詳朱子亦將不信蓋其心甯以此書之偽證日程之真斷不使以日程之真正此書之偽也夫朱子豈不知此書出偽撰者哉

書三賢遺蹟卷末

卷爲定興鹿簡堂丕宗所藏前大書三賢遺蹟者新安高似孫景題也已失去三字三賢者何一高陽孫文正公承宗一定興鹿忠節公善繼一容城孫徵君奇逢遺蹟者何一文正書五言律詩四首一忠節評文語六條

與經集文集卷六

三

一徵君八十七歲時書忠節評語跋尾據跋知評爲忠節門人紫淵所彙當不止六條餘亡矣所謂紫淵者徵君稱爲從父兄按忠節四書說約初刻本首列門人數紙諸孫名雅者七人並徵君子姪外獨有容城孫紹古字獲甫紫淵殆其人歟文正書舒和雅潤出文衡山忠節書圓挺肖山谷徵君爾扁信意神逼朱子體皆眞行也敬對心畫穆然想其生平僭識歲月於後戊申六月書鹿石卿先生硃卷後 戊申六月

右明天啟元年定興鹿石卿先生中順天鄉試硃卷一冊爲其裔簡堂太守所藏石卿即明史傳鹿善繼之子

化麟安溪李文貞公表墓稱爲明孝子鹿解元者也冊凡刻首場四書文三春秋文四次場論一表一判語五三場對策五其式首標名籍習經次同考官兩考試官批皆總評三場二三場則惟同考批並大字在文前別葉此當時刻卷式樣非賴是末由見也冊閱今二百一十九年字大紙厚又子孫善奔無少損爛讀其文洞徹義理策直斥時事侃侃無避忌各體條達似唐宋人坐言起行無施不可乃慨以近今視之懸異矣決科者空空然先無識見所作率言不由中劍仿幸一得幸得之即所持盡爲棄物比比如是而猶得飾之曰藉知所學

與經集文集卷六

四

也至論表判語時務策廢天下學者以不必言因不必知於朝章尉律國計民生十九賢賢固宜內列關部科道外膺民社封疆一奏議一讞鞫大半聽之幕客書吏之手而已瞠乎其上的其將於何責之天下方太平固可耳詎不無積重慮易曰窮則變變則通取士至今日窮乎未窮乎摩挲斯冊意匪直敬爲孝子之遺也書上蔡語錄後 壬子正月

此朱子校定上蔡語錄三卷道光初歛洪氏所刻實即明王敘之訂正楊方震家鈔而增入先儒辨論之本也凡傳刻前人書宜止校還其舊使不失本書面目其後

人發明駁難讀他書自見之必欲便學者類觀別錄卷附末亦宜王氏隨條增入蓋未善也且采載亦不備至中卷據朱子紹興閒敘是從胡文定家寫本之損益曾氏記者而著曾氏本語及吳本異同注於其下其式當原是別行低格大字書曾語小字著吳本今概小字連書即曾語朱校攙隔不可讀矣下卷據朱子兩序初定者止二十四章後始撥二手簡附三篇之末即不應終於總老一條黃氏日鈔論上蔡語錄謂以於意云何條始以總老條終首尾與此本不合其所標語亦多異知所據蓋朱子所謂板本其總老條正是禪門機鋒雜他

巢經巢文集卷六

五

書之甚者朱子必已刊去不知何人復取附末自王敘之後皆沿而不考宜刪去一還朱子之舊前二年先生已從祀孔庭百世之師一言一行皆足使人興起當命兒子如上說別寫一本為朝夕服膺焉

書宜州家乘後

乙卯

黃山谷宜州乙酉家乘記事自四年正月朔起訖於八月二十九日范寥信中甲寅刻此書序云崇甯甲申秋余客建山谷先生謫居嶺表恨不識之遂派江趨八桂至乙酉三月十四日達宜州翼日謁先生於僦舍自此日奉杖履至五月七日同徙居南樓跬步不相捨凡賓

客往來親舊書信晦月寒暑出入起居先生皆親筆記其事名曰乙酉家乘字畫特妙至九月先生忽不起子弟無一人在側獨余為經理後事及蓋棺南樓上方悲慟不能已家乘倉卒為人持去紹興癸丑有故人忽錄以寄因鏤版以傳好事者據此則家乘記於崇甯四年乙酉刻於紹興四年甲寅相距止二十九年耳其真本自南樓失去之後不知歸於何人老學菴筆記云家乘其閒數言信中者范寥也高宗得此書真本大愛之置御案徐師川以魯直甥召用上從容問信中謂誰對曰嶺外荒陋無士人或恐是僧耳寥時為福建兵鈐終不

巢經巢文集卷六

六

能自達而死則南宋初為高宗寶玩矣鶴林玉露云山谷謫死宜州時有永州唐生者從之遊為經紀後事收拾遺文獨所作家乘為人竊去了不可得後百餘年有持以獻史魏王者史復以贖雙井族人蜀帥黃伯庸之行是又不知何由出於民間得以獻史贖黃以范信中誤為永州唐生推之或皆羅大經得之傳聞不如放翁所記為確但放翁記高宗與師川問荅亦可疑家乘中明記三月十五日成都范寥來相訪自後二十一日書范寥同飯五月十六日亦書范寥以外書范信中者八單書信中者十一御案常物前後相證宜無不知信中

姓范卽是范寥山谷宜州往還之人師川自不及知然
旣曰范信中明有姓字何遽擬以爲僧且山谷此書師
川理無不先閱過者又豈不知信中卽寥也放翁此處
蓋亦傳聞之失信中平生詳見費衮梁溪漫志

書補錄張陶葑陽明象贊後 乙卯十一月

此王陽明先生燕坐小象後有門人王龍溪錢緒山鄒
謙之姪正思贊及 國朝袁簡齋諸人題識曩爲先生
裔孫蘭陔所藏蘭陔自其父某久客湖南遂爲善化諸
生後攜此冊遊黔以存臬使唐鏡海鑑處而食於他所
鏡海調官去留之巡撫賀耦耕長齡道光甲辰耦耕遂

巢經巢文集卷六

七

以藏行省東郭外芙風山先生祠中山陰王上舍个峰
介臣爲先生疏屬裔與余言本末如此余據簡齋題語
俾爲無錫典史王裕猷屬題裕猷不知於蘭陔何屬以
知冊由裕猷始傳至蘭陔父子其前不能詳也祠中別
藏先生侯服大象幅高六七尺許上書封新建侯敕亦
不能詳其傳授資筑黃觀察琴塢輔辰言自嘉慶初建
祠時有放蕪坪某從雲貴總督菊谿百齡所乞弄於祠
後失去道光中爲同里王觀察夢湘珙購得仍奉歸之
自是祠有大小二畫象咸豐乙卯十一月初八日余偕
琴塢子編修子壽彭年獨山莫孝廉子德友芝攜子知

同謁祠下肅觀冊幀心嚮往久之个峰家藏有明張陶
葑岱三不朽圖贊陶葑南軒先生後元怵曾孫此書乃
與徐楚公圖明代鄉人立功德言者皆沿門乞遺象仿
成而先生侯服側面象居其首以視祠中大象須眉權
穎神貌若一益信陶葑精摹而大象於先生尤肖也余
觀此冊龍谿四公贊一紙都一手書蓋後人自他幀移
錄者因例此爲錄陶葑贊以補所不備並記所聞俾來
許得稽焉

書莫貞定先生母教書後 咸豐戊午十月

右一紙莫貞定先生嘉慶九年數蜀闈同考丁封公憂

巢經巢文集卷六

八

其明年母張太君促歸書也仕者之不廉常出於父母
妻子之欲所逼致貞定宦蜀數年而諭母無歸費雖其
素行砥節非封公及太君期以善養而然歟卽此書但
以了公項爲喜菴竊事爲望家人筐篋語不一及所以
口授猶子者何其慈而正也世之惡子弟每以母所書
諭是倩人爲之一過眼卽揉棄不知字則人字而言則
母言也孔孟之書豈孔孟自寫稿哉此紙去今五十四
年如當時任意褻置安得此完潔也觀於此者更可思
孝

書莫猶人先生稟陳鹽源縣甲子夸豹子溝銅廢廠稿

後 咸豐戊午十月

治國如治家然山之產鉛銅猶雞豚之生子也夷漢之分猶僮隸之與子姓也雞豚久畜必少生或遂不生殺之而更畜可也僮隸與子姓訟不必子姓直斷之以理皆服矣今之為國者必欲雞豚至死生子而子姓決不可曲於僮隸也悲夫銅鉛之產病猶在官若雲南之回貴州之苗類蜂屯蟻集破郡屠邑至今數年斯民塗炭極矣而禍猶未已原其始實皆伸子姓抑僮隸致之讀莫猶人先生處分夷地請銷敗厥三稟稿感喟世道益增泣然因識數行於卷末

巢經集文集卷六

九

書朱子詩卷真跡後 己未十二月

門外青山紫翠堆幅巾終日面崔嵬只看雲斷成飛雨不道雲從底處來擘開蒼峽吼奔雷萬斛飛泉湧出來斷梗枯槎無泊處一川寒碧白縈洄步隨流水覓溪源行到源頭卻惘然始悟真源行不到倚筇隨處弄潺湲白酒頻斟當翠茶何妨一醉野人家據窠又向岡頭望落日天風雁字斜清照甲辰春日書於武夷精舍晦菴朱熹卷後有吳寬王鏊沈周許初四跋

右朱子自書七言絕句四首一卷紙高慮虎尺一尺九寸橫長一丈一尺四寸五分字大徑三四寸紀年甲辰蓋清熙十一年為作武夷精舍之明年時朱子已五十五歲去今六百七十七年矣據吳匏菴跋卷曾為趙松雪藏後歸王叔明繼又歸王濟之以後流傳不可考今

藏同里唐鄂生炯家余季姑之王舅漢芝先生鄂生大父直圃先生之從祖父也某十一二歲時即聞先子雅泉居士言漢芝先生官黔西州學正時有陳氏子從學公視之猶子後補學弟子員其父厚謝不一受及奉舊藏此卷進乃拜受之公歿卷已失去因指壁上漢芝先生書白酒頻斟一首言是即公寫卷中詩也某時已心識之後乃知在鄂生尊人子方先生所往來寤寐者數十年及咸豐壬子秋子方先生自楚藩歸珍謁之待歸草堂始出示此卷言漢芝先生卒後其家以售一隸人迨直圃先生宰粵東乃以五十金購歸非盥潔焚香不

巢經集文集卷六

十

展閱也某於是具知此卷百餘年流轉之詳今年鄂生宰南溪余過署再出敬觀其心畫之妙前人跋已盡為識始末俾後有所考云

書唐子方樹義方伯書札後 己未十二月

咸豐癸丑春子方唐公自家奉詔往安撫湖北次年正月以身殉難其季子炯集所得手書論及臨難時書數十紙都為一冊余得讀之其時勞勩排摯心跡歷見而詞語閒暇筆墨舒整又乃爾余不知涕之泣然也嗟乎士君子臨事惟知有理不知有身理苟存身不存可也理苟不存身存何益讀公第一札云若萬不能敵惟一

死而已尸軀聽其付螻蟻魚鼈不必從荆棘叢中尋不可得之殘骨效愚子之所爲其視身爲何物哉觀於此亦可以知所輕重矣彼當時使公志終不葺且必擠之於死者而究何利哉世方橫流捧公書益爲天下歎書謝君采先生詩刻本後 七月

山陰王介峰取莫邵亭鈔次謝君采先生詩三卷本刻成二君皆余素友把酒讀新刻并以不盡得雪鴻堂之全爲憾介峰謂是後力訪當必得余曰固願然大難爲子孫者多不肖僅以文苑待祖父即一二著述隨亦朽散於腐鎖塵案閒有傳刻獲見者又無張飾鄉先生

渠經集文集卷六

二

君子之風未粗過一卷首尾輒已漫毀而茂置不數十年後生小子至且不識其姓名此所以先輩詩之美如雪鴻其至今不沒於黔中者止此而介峰亦得爲郭解奪人邑賢士大夫權也然即遠條一集增以邵亭所他哀及今布千百本遍海內猶使僅不沒者得以永傳二君功於君采多矣余將老倦游四方雪鴻之全恐無能爲役願念竹垞先生據錄詩綜之本百餘年來其謄造轉弄必有一於浙東西舊藏家於是求之庶將有所遇而介峰方食於客又非能遠歸者也則余益重寶此三卷矣

聶將軍傳

明季之防水蘭也順烏江而西設九隘簡參將遊擊駐守之余嘗考其時將官始知有聶將軍抱保遵義德至鉅迄今無一人道者則紀述不可無也將軍名文啟字紹江先世豹封重慶府內衛世襲至文啟任北川總戎明天啟辛酉壬戌水蘭兩酋相繼叛陷遵義民多死亡水煙天旺一帶地更相接盡爲獸藪甲子兵備道盧安世奉敕簡全蜀能將督師復遵義文啟戰功最賊平安世以中澤隘實要中奏以守招徠植養十餘年四民各帖然就厥業崇禎己卯正月郡人張道興以妖術聚醜

渠經集文集卷六

三

數千通水西倡亂揮橙撒豆成騎卒遵義岌岌然文啟赤幘與戰陣斬之黨以瓦解張獻忠之敗死也部將馬寶竄人遵義畏威甚計圖之招飲桃源洞妻石氏請設備文啟拂髻曰豎子何能爲與子世昌單騎往諭以大義聲色厲切酒中伏甲起父子並遇害隨行一犬帶血歸號於門石氏驚曰事必變矣其孫思聖生方周私抱至菽林中祝曰聶氏不絕兒不噉倏寶至屠其家收其軍籍兒竟不噉爲民開收養其祖母張獨逃免後數歲求得兒贖歸生彪爲邑諸生中澤鎮址在今郡南五十里三望田將臺下存手植桂一株父老到今猶摩挲不

忍去論曰遵義自天啟之元至 國朝順治戊戌四十
年間若奢崇明安邦彥馬寶孫可望等紛紛蹂躪蕞爾
國亦極不堪矣意必時有一二人維救其間求之久僅
得將軍一人以捍邊豐功偉節若此宜春秋食昭忠祭
而史志且沒其名氏血雖碧能無憾歟然至今二百年
猶能擴贖碣遺聞使不一切銷滅是可信忠烈之光之
卒無已時也然又安得更如將軍者並書示來茲歟余
尙當求之

瀝膽將軍傳

明崇禎中御史富順陳啟相鼎革後僧服隱遵義南平

集經集文集卷六

三

水里之掌臺山號大友聖符上人者著平水集若干卷
未詳存佚獨里人相傳所記瀝膽將軍遺事一篇事甚
壯余懼其久而亡也爲擴而傳之將軍姓黎氏名維祚
字名遠四川江津人幼不尙竟學獨耽卜算星輿諸雜
技崇禎末遭亂轉徙卽遵義家焉其蹤跡莫測之者順
治己亥明永愿王入緬甸諸爵將各擁眾拒守滇黔間
維祚憤惋遍往告以大義皆忻動密草迎變奏令馳達
庚子正月廿二日維祚合各奏本竅木楮三尺許藏其
中以荷篠鐻諸物挾術以行至辛丑九月十八日抵孟
良府謁李定國備述艱苦及諸將志破格竅出示諸奏

定國大義之爲密達於王兼奏稱維祚忠肝貫日義膽
渾身穿虎豹趨辰極烈風勁草殆無足喻時王在阿瓦
城城左右夾河洪波浩渺相距五六日程主臣惟聲息
相通皆無由見十月十五日王敕至授維祚瀝膽將軍
令督理滇黔楚蜀遍厲諸助將士俟晉鞏兩藩舉師卽
四路策應並付空紙百印三令便宜填給維祚乃爲若
擔龍船乞食者藏敕印於複底小舟供置三四神像擊
小鉦肩唱以行定國遣旌甲護至通界始易裝走諸營
報之及十一月更入緬復命而王在騰越矣先是維祚
行後孟良夷謀亂事洩定國怒屠之量不可居馳約白

集經集文集卷六

古

文選同攻阿瓦阿瓦木城七重已破其三夷懼遣人謂
曰乃不過欲見乃皇帝耳姑止攻三日當送出定國從
之夷得整備閱二日右河船密如木葉內外夾攻晉鞏
兵覆沒幾盡定國徙它夷所文選據騰越圖恢復有馬
寶者同文選事張獻忠時素善也詣其營告以密謀言
吳三桂願與合文選受所給時有艾將軍亦歡附遂相
與鑽刃歃血未幾緬夷送王出居草屋三開文選兵環
其外三桂兵又環之及維祚至艾導入見王大哭維祚
亦哭曰事已至此臣惟疾奔告諸營令於道要劫耳王
曰汝善語十王家等果救我我止願修行去哽咽不能

言手裂衣一片自書敕付之維祚卽晝夜行抵荆侯營定謀劫之偏橋更入滇偵伺而王已於壬寅三月死乃佯狂遯去不知所終

論曰維祚一匹夫耳而以心存舊國不計生死屢出入絕域冀回日於一倖則朱純臣魏藻德輩何肝腸面目也斯人已二百年乃始得其姓字於方外遺老之手非天道之終不欲泯其忠義哉

鄔節婦傳 庚寅

余識孺人孫元哲時詢上下知有祖母問年曰九十矣曰壽矣然不悉其事今年秋元哲服齊以來曰祖母歿

巢經集文集卷六

五

矣然平生有卓卓者私意當不與俱歿子且爲我文之乃知孺人節孝者故得揚推傳其事孺人氏曾平越湄潭人邑諸生名拔先母也方笄字時婉婉聽父母教凡績織組袂酒漿醢菹諸女事無不良而性貞靜不苟笑語有弗善不顧也年二十歸於鄔事夫子兩寒暑遽爲嫠婦又無所育舅姑謂之曰爲再醮人孰若爲未亡人難汝能爲其難甚善爲易獨可念吾子之負汝也願孺人涕而咽孺人曰君舅君姑乃不諒未亡人乎夫子死猶不死也褒有咳者爲男女不可知女也我嫁之幸生男則我任教耳居夫喪踰五月而遺腹子生孺人爲

夫下撫孤上事舅姑乃自此始舅始以兒子天得此孫如見子視他孫百倍其愛而孺人待其子乃不稍假顏色就傅後見偶懈卽折筭隨之曰旣生汝而不成汝吾何面目見汝父也每裏淚而答畢答而泣年四十七卽見子成茂才而其舅方愈歡然忘子之早死蓋是時姑歿矣舅存老且耄孺人已異兄叔居而舅喜卽中婦養孺人輒善承老人指卽一飲盥必柔色親進之數十年無少衰者至養其舅壽九十一無疾而終嗚呼勤矣其舅之將歿也呼孺人前祝之曰婦能守志成我孫不絕我子後又善事我今死矣無以報汝天祐善人使婦如

巢經集文集卷六

六

我壽道光庚寅七月孺人卒計春秋得九十一如其舅所祝云嗚呼如孺人者乃可以爲女子矣其風微詎有沫哉元哲亦茂才樸訥無妄述祖德多不能出口僅及此予故略其細者

贊曰古稱節婦人者殆所謂求仁不怨者耶抑徒知女道如是雖常變不爲易世之視其夫如傳舍者無論已至遇常而不能少行婦道抑又何耶觀孺人其知媿矣外祖靜圃黎府君家傳 乙未

某母爲外祖第三女其歸也視諸女遠家又先落故憐甚告歸越一年呼來依而居而外祖卽以其年冬卒至

今十七年矣母命某曰爾外祖生平大者不可不紀爾文雖不足重於時言之不猶愈於外人乎故敢拜手稽首爲作傳曰公姓黎氏諱安理字靜圃晚自號非非子貴州遵義縣人乾隆己亥舉於鄉嘉慶戊辰大挑二等訓導承從癸酉選授山東長山令丙子告歸己卯卒年六十九歲 誥封奉直大夫配楊宜人二子恂進士愷舉人公身長八尺鴻聲而鳳舉目光若巖電生而赤貧少時醫卜星相負販逐什一之術無不業而以餘隙讀書說義理逼近大樽鐘陵其六世祖民忻受業於來知德高弟得來氏傳故公最精易學繼祖母夏悍妬之尤

真經集文卷六

七

者也父梅溪公無所容館於外更不容因館蜀灌縣卒母鄒宜人亦時逐居外家公甫十歲時卽躬勞役事祖父母而夏一切責之如成人每春力不起則繩繫確首令挽踏之奇虐類如此公夙劇無他念也事祖父幾四十年至壽八十六歲事夏幾五十年至九十餘歲乃死夏之死嬰怪疾公至刻不離侍者數十晝夜嗚呼難矣梅溪公之卒於灌也門人葬之灌鄒宜人備夏虐千磨百瘁出公於死致病哮喘終身次弟在灌逃三弟婚後亦逃公鄉舉後始獲往表志公墓出入黔蜀跡次弟至老始得撫三弟子如子至愚不能識一丁公用是多隱

痛每祭薦皇父母必大號哭不能起歸休時至家一月卽省灌墓置祀田往返數千里忘其老歸爲弟姪買田廬俾各足衣食族若戚咸厚資之嗚呼抑又難矣公令長山未三月值李文成之亂邑當青登萊兵帥衝賴公民以無驚擾沈三益者邑周邨鎮賈戶也賊平後都城於偶戲中獲逆匪刑訊急因鈕釦有沈字號遂誣沈欲謀逆部飛飭大吏密拏全家近百口極鍛鍊公力申其冤兼爲藏護其貲券沈卒獲免有邑紳與子婦通謀死子於法公曲論之乃以重賄進公大罵麾之去子竟免死一紳家最富其妻以意建生瑩人以僭制謀中之委

真經集文卷六

六

勤者視若奇貨公憫其無他腸先往毀其瑩巨禍賴以免嗚呼公之當官又如此使不遭家多難當強壯致榮仕出其平生學力與當世賢豪課殿最必愈出於尋常萬萬願勞餓困折日出沒於半生半死之中及憂患餘年膺一綬獲薄祿稍裨數十年天性閒力所不能顧於所抱負何濟豈天之令苦志完忠孝者意固別有在耶嗚呼其可傷矣

唐介石公傳

公唐氏諱廉字介石故四川遵義人祖以上居涪父一元孝義載蜀志張獻忠之陷重慶也避走家遵義是生

公公性溫毅嗜讀書沒身一卷不棄手自三四歲時母杜口授論語孝經卽成誦長益自力不漁獵文句閒思以所學實踐行事沈沈然人莫測也康熙壬子舉於鄉王阮亭爲座主甚重之明年試春官不第歸教於城北龍山有聲吳三桂以雲南叛遣以僞職召時國家一統未久賊焰猖熾幾據半天下人人思攀附以爲眞主公不應或有以利害脅者公曰賊耳受天子厚恩不思報又反行壑粉矣如廉何杜門八年卒無害辛酉雲南平權永甯衛教授後截取知湖南鄱縣海內方量田平賦役鄱前宰力奉事圖遷實陰索民財不與則虛丈

東經集文集卷六

五

尺增額民苦之公皆覈以陳乃仍舊事餘刻所訂毛詩正韻進士民一一給之使咸知向學年餘以母憂去鄱皆稱唐菩薩云服闋授山西陽曲令公旣至以邑附省繁劇首除民害民氣以靜暇卽昇入村論父老以力田孝弟互敦勉於西門設義學教邑之貧子弟以時資之月一試以文之佳否考其勤惰陽曲大化爲養濟院居貧嫗其中令民間生男女不能自食者與之養稽其數月支以衣食長成仍令其父母歸之八十二都無棄幼河西田自古渡口距烈石近六十里皆瀕汾水歲泛溢壞且盡居民無絲毫獲而稅不已公屢疏陳得盡免秋

征自正賦外舊耗取三之一悉入己公曰民代天子耕出稅賦供天子宮代天子收稅賦自有祿若於民別取則祿也何與他人吮舐上官文繡其妻子奴僕者須此吾不須也盡除之民間歲罷出二十餘萬兩農用益裕逾年緣事降免士民竿巡撫奏留復視事戊寅噶爾丹不靖公於青黑格達諸驛飼馬侍儲以供王師一草粟不擾閭閻及凱旋民負鉏倚道觀望而已省城災百官督救火公獨跪汗泥中祝曰某爲首邑政不善致天災乞燼某身全民巨萬財有頃風愈烈煙塞天地百官走逃命一侍者促曰勢迫矣請逃公屹不動忽反風火

東經集文集卷六

三

滅乃起凡五年以老病告歸公至孝兩割股愈親疾母在鄱頗思歸卽解官乞終養行有日而母卒嘗誡子曰我事事求盡心恐或未盡吾分汝毋輒夸似人年七十九卒於家傳至今六七世皆端謹有家法爲遵義望族野史氏曰世所目能明善爲吏者其講事上詳矣求牧之道或者於公反乎然此何足怪當官之賢否皆窮時所積志然也昔傳賢令長其人類有學守根柢故雖拙陋不足病何有於佞巨孽殘殘揮之大門忘厥身爭諸天尊之勇不過耳儲畫山作晉乘以列國朝儒吏首知言哉

劉節婦傳 己酉冬

道光乙巳余權古州學官時劉生炳蔚試補弟子員年二十八矣一謁即歸遠鄉久乃來奉錢四千文為贄余報而受之而生猶言甚媿色甚懼蓋州學設未久訓導師所取給率科試取文武生十四名者是恃苛下戶誓亦每至一二十金生之媿也以貧也其懼也不知余也自是未幾余歸及已酉歲饑終有擔簦釘履冒風雪造余山廬者問之則炳蔚弟義式也問其家則其母李今年甫五十七以四月庚戌死其兄守墳號日夕不絕聲後二十一日亦死無育噫毀瘠為病君子弗為毀而死

莫經集文集卷六

三

君子謂之無子炳蔚亦不達於禮哉然其至性可憫也已又問所以走千餘里來者何乃解包出一紙跪而請曰此炳蔚紀母氏事狀也志不死須乞先生文冀終惠以瞑炳蔚之目為感額酸鼻竟閱之乃始知生本姓馮世籍石阡自其祖食力於州貧無何因以息淵子劉氏而劉氏亦貧淵自婚李產二子即病廢數年歿所後父母李百方鬻其力養埋之淵之死李始三十歲炳蔚略識字矣不給就塾令日挾書隨挖蕨基採薪種吉貝有閒輒令自讀復不給至為人春且五年傭規日三食晚輒瀨其食歸哺二子炳蔚稍長學益力澆課村童為生

而李艱苦歲恆若是以歿此宜炳蔚痛極不可解於心而至於滅性也嗟乎自古為節婦豈不艱苦者若炳蔚之母其極矣乎而子能列膠庠慰其意不可謂非天道然卒母子不月同死則天道者又安在哉義式一粗讀論語樸弱窮子不憚越萬山求彰母行其志識乃迥出學人上天之報施或猶未可定耶余因恨炳蔚往時不能告余以其母平生竟使四千錢積自轉役雇直而憫憫入余囊也人之居官不必盡漁推其民以肥家飽僮僕即所謂分取其從來為甚艱苦難堪者可勝問耶書此遺義式持歸章汝母慰汝兄亦以余憫憫者謝州人也

莫經集文集卷六

三

王蘭上小傳 戊午冬

蘭上先生惠姓王氏會稽人居近古蘭上里故以為號君於晉右軍將軍逸少為四十七世孫自少已習聞父兄讀書作詩文之法其姊夫何琴山方以儷體文雄浙中君久從之遊日與一時後流相劇切閒會講鄉先生王劉宗悃華實相副能日益深而以餘力為詩羣目之為詩人非其意也阮芸臺相國之撫浙開話經精舍西湖上遴有學者充經生君與焉家故貧以舉業授遠近經指導者多騰踏去易如操券取物及君自試必務為

高深不肯俯首巧言以悅人以故老諸生中而亦終無
忿怨之色道光丙申年六十口矣其子介臣上舍持名
法家言食貴州因策杖觀黔山而就子於遵義余數過
從香雨堂聆其言樸而文挹其容靜而虛蓋藹然君子
儒也後口年客死貴陽其子卽葬之郭北二十里之北
衙具田廬焉君所著經學臆言時偶舉一二於古訓皆
有合彙未攜出惜不見又緝成東臯家乘東臯者會稽
之村其十世祖宋德祐中丞相燼始自新昌遷居地也
所采精博使逸少後人世世詳實可傳信其爲詩冲恬
贍雅如其人全彙具存家其子集遊黔諸什合篋藏早

巢經巢文集卷六

詩

作者屬余點定僅得若干首云

詹節婦傳 甲子

節婦吳氏綏陽人平越學訓導朝東女年十八適遵義
東里詹氏其母若姑皆余從母也詹從母持門戶有法
家道益豐年四十餘始生子鈺爲蚤娶節婦越二年舉
一男又越年爲道光癸卯鈺死於溺節婦仰天哭曰天
乎哀哉漁具攤地泣不能出聲旋起慰其姑曰死者已
矣婦絕不重傷舅姑心也願兩老見孫如見子咸曰汝
誠然子死命也吾何怨未幾遺腹更舉一男自是節婦
見舅姑不敢有感容保抱兩孤稍稍露頭角而節婦能

持家又似其姑傭奴甬婢奉指使肅然舅姑大慰不十
年舅姑相繼歿詹氏於東里爲單家期功強近無幾人
節婦隻手拮据兩喪如禮鄉人歎異然環顧門內白日
過庭明月臨窗楚楚影雙孩誦側斯荼毒之極哀也
已久之始知舅在時多所負乃謀於親曰不賣田歲仰
田償其息田猶無也而負仍在吾必割賣盡償之家計
始可圖也後數年家足果如舊是後寇盜蜂起節婦攜
二子年年避命艱苦鬱憂遂釀痼疾去年來禹門岩居
今春二月卒時同治甲子得年四十三歲

巢經巢文集卷六

詩

先妣黎太孀人墓表 壬寅

先妣太孀人以道光廿年庚子三月八日戊戌卒明年
三月庚子望葬縣東八十里子午山又明年季冬其子
珍乃手勒斯石用示後世太孀人姓黎氏遵義縣人考
長山令諱安理封奉直大夫妣楊宜人乾隆卅一年丙
申八月壬寅册生山南柘岡下嘉慶庚申歸我府君名
文清公子三珍璵珏二女適馮度壽六十有五言行具
家錄邦志嗚呼惟我八世祖益顯公捍水蘭因家天旺
河梁傳三世忠孝唯謹越我曾祖得瑄公成進士亦越
我祖從昆弟十猶半馬諸生嗣飲博棄耒硯而族圯矣
太孀人事葬道訖擇仁違難己卯春聿來山西南曰堽

嚮以字衣敝食喘由枿厥顛萬苦千勞哀哀終世居恆
教小子珍曰誠我子必勤必正苟酬于酒言博不力本
不孝弟長厚此非吾養母上我墳也嗚呼以小子珍之
不肖而猶粗曉人理爲儒流齒敘不致先德遂墜於地
者太孺人再造我鄭氏之力也後之上斯墳者其敬承
仁孝艱瘁之貽慎無忘所教太孺人嘗曰婦人舍言容
功無尋德處言止柔斂容止整潔功則凡百當爲死而
後已耳此太孺人自道也并以語爲婦女者

先生行狀 同治癸亥十月朔

皇經集文集卷六

美

曾祖考國柄妣趙氏 祖考正訓縣廩貢生 皇賜贈
奉直大夫妣鄒氏 皇賜贈宜人 考安理乾隆己亥
舉人山東長山縣知縣 皇封奉直大夫妣楊氏 皇
封宜人先生諱恂字雪樓晚號拙叟姓黎氏本貫貴州
遵義府遵義縣樂安里人年七十有九其先自唐京兆
尹幹之孫植徙居江西新喻宋初有得敘者官昌州刺
史後因居蜀之廣安明萬曆中又遷遵義遂爲縣人傳
二世曰河池州判民忻從來余鮮高弟胡先生學盡瞿
塘易傳學者私謚文行六傳而至先生先生質沈厚穎
悟自六七歲已自剋厲如成人時長山府君年四十餘

恆授徒給事畜望先生切教之嚴視其日所背誦每溢
恆授於同塾子所務傲然睨爲不足爲知必克大成也
禁毋弄筆效帖括及省其私則已蔚成文理矣心竊喜
之十六歲補縣學弟子員踰年食廩餼每試必冠其列
中嘉慶庚午科舉人甲戌成進士引 見以知縣用簽
發浙江授桐鄉縣知縣海內方承平東南日益富庶先
生以不擾治之正獄訟弭盜賊寬賦役釐漕務潔躬率
下期事有益於民張考夫先生墓近郭浸蕪圯先生爲
修其塋繕兆域理祀田舉楊園願學備忘諸篇謂邑士
士學程未必似此真體實踐始免金谿姚江高明之弊

皇經集文集卷六

美

時復與講論古今詩文辭賢聲著近遠長山府君喜有
子解組來觀政楊太君亦挈婦孺至自家先生公餘輒
怡然侍左右承教唯唯如兒時退則彈琴詠歌聲聞垣
外常曰人以進士爲讀書之終我以進士爲讀書之始
誠得寸祿了三徑資事親稽古吾志也任桐鄉五年充
丙子戊寅己卯同考官所得士如李侍郎品芳余侍郎
焜朱郡守恭壽諸人後皆著名績某撫軍過郡境陰廉
屬吏適拾無名帖具諸劣狀獨言桐令賢旋調知歸安
縣未行丁長山府君憂道光辛巳回籍明年復丁楊太
君憂及釋服先生年甫強仕念兩親俱逝無與爲榮澹

然有守墓終焉之志遂引疾家居盡發所藏書數十篋
環列僅通人口吟手披朱墨並下經則以宋五子爲準
參以漢魏諸儒史則一折衷於綱目論詩宗少陵眉山
而至屈宋至朱王無不含咀也於文尙韓歐陽而自莊
荀至方姚無不度權也如是者十餘年先生之學乃始
澔汗乎莫覩其涯涘矣久之顧食指日增家嗇時不給
曰遠志其不免小草乎因起病赴部選揀發雲南甫至
卽充乙未科同考官旋權知平夷縣縣入滇首驛缺瘠
民獷命盜案時發任歲餘送迎勘訊賠貸不貲丁酉調
權新平縣未至充本科同考官及出關縣夷蔡刁氏煽

東經集文集卷六

七

邪教謀不軌事作大吏促之往先生三晝夜馳至已二
更卽會新習營弁兵兼調土練黎明鼓行逼夷寨多方
勦捕獲蔡母子三及僞置總督以下四十餘人檻解赴
省請於顏撫軍伯燾曰此案實緣夷苦漢奸圖復仇非
叛也某若以多殺希大功不僅緝此卽此亦宜輕論顏
公然之自蔡以外皆免死明年權沅江州旋補授大姚
泣任四月明年調權雲州時緬甯回匪與湖廣客民械
鬪回多死志必報復約州回亦殺所在湖民先生至諭
服之旋以細故期鬪日又諭之事寢矣而鎮道以安撫
至回以買羊漢人起釁擁眾千餘脅鎮道就理鎮道懼

不出勢將變先生坐堂皇呼其酋至叱曰汝曹欲反耶
僉曰不敢曰旣不敢爲一羊故孰曲直當訴我且一二
人辨矣此紛紛者奚爲揮眾退立與訊訣咸帖然乃大
吏不以先生爲能弭亂於俄頃而反恚之旋撤任明年
領運一起京銅故事運員竊官銅多或至報沈失二三
萬斤部費私囊皆出此先生曰欺君事我不爲也及到
部果以費不足故困之貸益始竣事壬寅還大姚先生
知天下之亂將作也雲南之回禍無已時也至卽繕城
隍庀團練嚴保甲製戎兵務爲常變足恃以縣故無志
屬邑人劉編修榮黼緝彙手爲點定於山川防隘尤詳

東經集文集卷六

八

密稱善本焉暇則課邑士文業親評改無倦容甲辰川
匪王某結眾燒梅市堡渡金沙入縣境據仁和街先生
督團攻之斬首四百餘級擒二百餘人賊以潰姚州回
日益肆惡丁未夏兼知姚州花衣村回已期七月十三
起事矣聞官至謬請人其寨先生坦然往諭以利害皆
曰唯私相謂官膽略過人且未刻吾黨勿妄動踰月新
任甫視事回卽燒諸村圍白鹽井氛逼大姚先生督鄉
城防守誓眾以與城存亡越兩月賊解林文忠公時督
滇素知大姚團練整善皆先生數年一手之力至是始
卓異入奏并取其規條令下縣仿行之戊申三月永昌

回變文忠往剿計需益州待安輯即委權州事先生赴
霑益途經姚州回以爲他官也捶其覓館奴及知遽迎
入寨訴曰所犯已至此官非公不能容涕而送之過省
見程撫軍喬采陳辦姚回事宜數十條程公由八百里
遞文忠文忠後如所策獲其酋二百餘名姚回以平已
酉仍回大姚庚戌題升東川府巧家廳同知奉 旨俞
允先生歎曰吾本爲貧仕以賠累牽牽到今忽忽遂十
六年可休矣明年咸豐改元稱病歸時粵寇果發難滇
回益以不制黔中事事弛縱媒孽禍本先生每聞時政
輒愀然終日而同時親友舊交又死亡略盡非復浙歸

集經集文集卷六

完

時林下之味矣居三年避桐梓賊亂寓石阡還越四年
湄潭甕安賊歲犯境則避之板橋桃溪源及城中所到
掃地焚香翛然對卷諸孫環誦於側其屋廬圖籍雖盡
燬若忘也去秋里人結寨於禹門寺因卜玉皇殿之右
垣外居焉市一歲以同治二年八月二十九日病終距
生於乾隆五十年三月二十一日享年七十九歲配周
宜人仁勤淑慎偕臻耄耋鄉黨以爲難子男五兆勳黎
平府學訓導升湖北鶴峰州州判兆熙太學生早死兆
祺府學附生兆銓兆普女子三長即珍室次適舉人
楊華本安化縣學訓導次適太學生朱正儒早死孫男

十三人女孫幾人曾孫男二先生惟一弟曰開州訓導
愷最友愛中壽卒官所遺諸孤撫教同己子庶燾庶蕃
皆舉於鄉庶昌以廩貢生應 詔上書陳時政稱 旨
優 予知縣世論嫩之先生生平不苟言笑立不跛倚
坐必端行齋如流老無媵侍暑無袒袒非饋不科頭非
疾不晏起居處雖微物度置必當書卷經百十過常新
整若未觸手從仕數十年家無玩好之藏案無棊槩之
具子孫出入多不識爲宦家子也其處宗族比有卹無
勉以仁厚偶有橫逆不與校犯者每自慙其接人藹藹
然至不可意輒正言殺色不少假其居官不阿奉長吏

集經集文集卷六

三

然亦未嘗傲之故久不升遷而恆免掣肘得遂其利民
事任大姚時其團練獲鎮南州劫案賊數十人於例得
送部引 見候升適永北廳李某降調求報案附名即
以獲全犯功歸之使免處分其淡於榮利率類此先生
天賦既優而自少至老好學不倦即寫付子孫讀本積
之當盈數尺晚年學養尤遂年幾八十耳目神明不衰
朝至暮無閒時望其色聽其言觀其行動粹然君子儒
也爲古今文冲夷典正常若有餘氣息在廬陵震川之
閒於古今詩尤所長早年落筆千言縱橫自恣後出入
唐宋不主一家以前貴州詩人未能或之先也著有吟

石軒詩文集四書纂義讀史紀要千家詩注北上紀程
運銅紀程諸彙並藏於家先生臨終之前日命珍以行
狀屬汝珍自成童卽學於舅家從先生數十年亦以爲
能道先生莫我若也雖不文其敢負遺命故撮敘平生
本末大概以請於蓄道德能文章之君子庶作志傳得
考而論定焉謹狀

教授修職佐郎開州訓導子元仲舅黎公行狀

癸卯正月內弟庶燾以其考子元黎公之柩來歸畢殯
泣且拜請於某曰燾幼不及悉先人之行遠至大故惟
先生知之深乞道一二使知所繼述又將以聞於閔識

巢經巢文集卷六

三

大雅丐銘於幽以不亡吾父先生幸留意某曰然是吾
賈也昔讀 國初黃向堅事及朱竹垞韓慕廬所表狀
劉蓼蕭之行嘗歎爲難而我仲舅特類之嘉慶癸酉秋
滑縣賊李文成倡亂其荻株盤蔓數省河南北直隸山
東爲震動時外祖靜圃公宰長山余與伯容內兄隨父
往前後道梗寄食於朱仙鎮民逃市荒日色淒薄所在
死者枕藉晝夜惟聞城堡角聲軒然家中傳言者曰長
山破矣靜圃公殉城矣雪樓公殉父矣自家去者都無
存矣惟兩孺子存耳且漂轉吳楚閒去矣公時侍外祖
妣楊太宜人於家聞信北望痛號旋決計去省父兄存

歿以請於太宜人太宜人無難色旋奉太宜人西過天
旺以語先孺人先孺人亦無難色公歸急處置家事至
日鄉鄰送者咸色沮公登堂拜太宜人曰去矣閒關萬
里出沒於白骨紅燐閒以達長山願皆無恙父子相持
大哭此事豈計利害慮吉凶人所能孰謂古今人不相
及也常思筆而存之使談者壯其志忽忽未遂而仲舅
已成古人以生平責余則某其曷辭公遵義人諱愷字
雨耕以居近石頭山晚自稱石頭山人 誥封奉直大
夫靜圃公諱安理之次子今大姚令雪樓公名恂之弟
也年二十二補縣學弟子員道光乙酉舉於鄉乙未大

巢經巢文集卷六

三

挑二等補貴陽府開州訓導壬寅十二月辛卯以疾卒
官距生於乾隆戊申八月庚子享年五十又五公自幼
警敏靜圃公以其喜病雅不強之學願不屑伍庸庸日
與雪樓公相師友諸子百氏一經目卽能漁獵詞要旣
長雪樓公厚重寡言氣落落吞餘子公則儻通易人
咸目爲雙壁靜圃公早遭不造百歷艱險至是顧之心
慰甚而兩公於靜圃公食必佐餽行必持杖從後如二
蘇之於明允公之於雪樓公又如次公之於長公也雪
樓公之自桐鄉任以憂歸也家居十五六年公與比垣
居無晨夕不過候其面雪樓公有說必曰然雖不是之

亦必曰然徐婉理前說雪樓公怡怡然亦不拂也苟有
召聞必卽至有它怒得公片言卽釋雪樓公嘗病喉痺
不可言食狀危甚公中夜泣於祖考前請曰我不及
兄兄必不可死苟死也請以我代痺亦旋愈其於嫂周
孺人亦如事雪樓公去年間嫂之大姚將紆道過開州
夜寢偶寤猶呼其妾曰某物記爲伯母留某物記爲伯
母買也其至性如此丙戌會試在京師珍同年友曾某
死龐然一巨尸噤齒鴛目狀可駭及斂同鄉者駢觀於
門其兄某繞四牆哭亦畏不敢近公呼余曰人孰不死
吾與若衣而冠之易耳乃就斂余其兄得知縣去道及

巢經其文集卷六

公是時猶泣下也公性和然介甚未補學官前家頗艱
歲常一舊布衣出入米不繼則雜蔬粥以飽終不有所
干於人卒之日囊無十金之蓄州人士識與不識來弔
者皆哽咽傷其賢而不壽云娶張孺人妾吳氏劉氏子
四庶庶庶蕃庶昌庶誠皆妾吳氏出嫡出者四女箸有
近溪山房詩鈔三卷石頭山人詞鈔一卷教餘教子錄
二卷嗚呼某幼受仲舅之撫教不能爲巨人碩儒有言
卽取重於世粗次崖略付庶庶尙其存之家乘思公之
志行而繼述之他日有立言者意亦將樂取乎此也
祭舅氏黎雪樓先生文

嗚呼釋氏論人四大合成當其散時無影無因雖則云
然是氣非理氣則有終理則無止孔曾顏孟周程邵張
惟其理存至今不亡維我舅氏我知不朽沒後思之愈
覺寡耦生順沒甯乘化以遊今日高堂明日山耶我未
及死情曷能已痛念靈輻啟期在邇雪中謀食負病而
行孰知更病幾不能生以舅之故拌命馳歸骨立如柴
吾亦自危幸撫公棺是天我憐所謂理者止如此焉吉
日至矣公何踟躕薄醉于前鑿我病軀師弟一生舅甥
一世便此永隔悠悠天地嗚呼哀哉

祭開州訓導子元仲舅文

道光癸卯正月

巢經其文集卷六

嗚呼長山公外孫二十人惟某於舅情獨深幼小來依
以長大自後同貧苦相依仗於艱難中計二十餘年卽
遠別無隔歲不見也庚子三月吾母辭世五月舅之開
州學官我常歎吾母不復見矣與吾母同生者兩舅四
從母氣象慈祥並相似詹氏從母自更似得時見如見
吾母也而大舅遠仲舅較諸從母雖遠計歲見卒非難
事特抽半月之閒耳前年營葬甫畢終歲爲郡志筆無
停手去年春撤志局擬正月二月攜印本過開州使仲
舅見祖父及吾母列傳喜仁孝賢淑之可託以傳旋以
校板增葉入夏始竣而大舅畢銅運來歸與居月餘六

月之六大舅道開州還滇我以久曠掌院於人事須粗
應酬屬告仲舅遲半月必來相見旋又稽留經秋入冬
計臘月必果去又以助葬莫公中寒而阻自開州歸者
又傳言今年正月仲舅擬暫假歸心謂我不果去仲舅
旬月閒來我亦可不果去即舅不果來我春閒有必遠
出者則至開州必矣嗚呼豈知今年正月不生歸而死
歸而二十四日啟棺一見即塊然面目亦與生時了不
相似耶聞仲舅去年望我甚舉杯常念我對食常道我
曰若何時果來也彼時若略附數字曰吾甚念汝其一
來則我去年必一來而終不出此者願豈能自料死之

莫經真文集卷六

三

即在去年也人生一回相見豈故有定數耶是實我氣
不副志遲遲一行遂成千古之恨謂之數者強詞也積
善輩道病狀臘月初四寒作至初八日漸不了人事舌
木木時作嚙語至十三遂失音不更語此去開州兼程
不能兩日家人見嚙語宜馳信來見不語更宜馳信來
而都不來及十八先死一二時始發一老不堪走之使
行三日乃抵家及兆助兒奔開州而斂已四日矣嗚呼
將復誰怨耶諸子幼不識事一妾弱不更事此十數日
中間昏昏一病人宛轉於冷署老屋而稚子弱妾惟環
守別無他計使我今日病不知其何以病死不知其何

以死斂不知其何以斂嗚呼將復誰怨耶仲舅神骨淵
矯其爲人得春氣多其事父母兄嫂有至性其遭境特
得奇嗇是皆宜永壽聞一二年來體較豐顏較腴竊謂
開州學雖窮視儉拘於家固勝宜其如此再耐守八九
年力積薪俸教諸子有成立年亦至六十二三歸可矣
亦復焉所奢望何此半領寒氈而亦無福終享也嗚呼
是果命耶抑非命耶病寒傳變百出而卒不死者多矣
醫藥之失宜調侍之不節能無趨於死耶謂果命也耶
以能延半月風寒之證而竟醫藥失宜調侍不節致日
趨於死也謂非命也耶嗚呼至今即吾舅亦不可復見

莫經真文集卷六

三

也已可勝痛哉兩年不見積善輩今見之積善已粗曉
文義繼善我素喜其跋扈有膽昨觀其作字益信是皆
能世其家者則仲舅雖死可以無恨冥冥之中與吾母
思及人閒兒女弟扶姊笑其時歸來百年歲月石火電
光我即生命當活七八十年其別吾母與吾舅能更幾
許時也毋欷尙享

王奇行墓志銘

平彝縣南百里曰卑浙廠其地籍羅平在萬山之中塊
澤之水經焉四顧皆崇巒巨巖緒然無生氣中產銅錫
黑白鉛之屬雲南鑄局歲額取平彝鉛二十餘萬斤於

是乎辦四方之爲沙丁洞長者常數千萬人於是乎取
食左右居者亦各相礦脈燭深錐幽井力於此道光丙
申余客平彝常因事一至則三尺童子亦皆津津惟鉛
利之是言余意夫山川精英之氣畢終於五金矣而奇
行王君乃以儒聞其閒君諱某世爲儒至君特以奇質
甘淡泊專用力於六經能得其精要事繼母四十年無
惰色子孫恂恂守其家範以歲貢生年若干卒嗚呼向
疑山川之氣畢鍾於五金者茲不仍在人也耶可謂能
自拔者矣其子啟圖請爲銘於墓銘曰

巢經集卷六

三

塊之澤兮夫而歎塊之山兮頑而焚山中之人兮礦錮
其心有君子兮玉惜惜澤上纍纍兮其宰不薛暴兮碣
千禩曠褻德兮觀於是

俞月樵先生墓志銘

月樵俞公沒二十四年遵義鄭某始獲讀其子汝本所
述狀且屬銘其墓汝本嘗薦某於鄉義得不辭據狀公
諱桂林紹興新昌人曾祖錫鉉祖端士考長發並諸生
公生五歲妣魯歿依外家長克自奮學年四十一始補
縣校官弟子自其考在時家四壁立公命與學仇事畜
所資躬備艱苦齒未艾致病咯血枯樹婆娑終年閉戶
願憐幼子飢色蒼涼仰屋無慘臥與指畫斯人生極遭

也已年六十一見汝本列於庠明年嘉慶己巳二月壬
辰遂卒葬東郊栗樹墩德配周少公十三歲勤以補貧
慈以督子如賓如友以與有成後越八年閏月己丑卒
葬公之左子二其次汝錦女一孫三曾孫二汝本成道
光丙戌進士授貴州鎮遠知縣 覃恩封公文林郎配
孺人銘曰

新之俞宗唐刺史稠俶來五峰宋元而下二妙於臺兩
食於社天孕家畜六六之世公丁蓄極木怒旁鬱爲
曲錯瘦其青黃不於其躬收之於子孰云靡豐我銘厥
宰東武有移茲邱不改

巢經集卷六

美

誥授奉政大夫雲南巧家廳同知舅氏雪樓黎府君墓
銘

公黎氏字雪樓厥諱恂唐尹幹後數徙家於遵考安理
妣氏楊疇洪源生乾隆歲乙巳九九春成進士令桐鄉
稱惠循晚仕滇陟郡貳乃歸田七十九卒秋仲日晦前
越五日窆芝山直良坤總本末言與行朱張親淑配周
偕大壘子五人曰兆勳祺銓普熙短年女適楊長鄭珍
紀斯珉同治甲子三月望

望山堂梁上銘
居與墓見母之志也于茲築室爲母遂也嗚呼生以窮

終念何逮也子婦相守終吾世也後有作者其修別祖之祭也

方正學楷書千字文贊 並序 辛丑

順德黃愛慮奕之守遵義之明月出方正學手書千字文字大方寸五分末無款識有方孝孺印一希直印一其下有汲古主人及毛晉二印上有雲坡珍賞千夫胡氏家藏二印首行下有雲耶鑒定光山胡氏家藏權務長三印末有嘉慶二年十月雲坡胡季堂跋云此冊為家藏故物今夏于役保陽未暇載之行篋竟為霖雨所侵霜後重裝即遵古法以正書補其闕文今按缺者千

真經集文集卷六

五

字文天地元星明歌賤讓亡妍永俯助十六字半缺者朝省殆懸日扇稍詳涼妙暉十一字胡氏僅補千字文天地元六字餘並仍之正襟肅對數晨夕浩浩乎剛大之氣塞兩間矣敬系以贊曰

維小韓子以正學倡手扶建文泣於高皇有明有公天晶地光小子庸兒晚不及牆再拜遺墨愛若形相畫與心傳韻挾氣行既掩歐褚渠論素英世殊莫追精焉此藏匪敢穢跌以志景望

芙風山藏王陽明先生小象贊 乙卯冬

微雨灑竹高樓冥冥揚休山立敬瞻先生微昔居夷我

甯有知有知無用仰公而悲曷走而違無國匪壑父母之旁欲師石柳

母之貓贊

貓無名以其為母之貓仲若季若姊若妹皆呼為母之貓云毛黃如濡閒以竊黑能制犬其種也吾母愛之甚每食瓜菘霑突黎祁之屬貓無不厭滄者時出行圃貓必與俱或鉏蒔稽留則跳伏草日閒拏花抓蜚戲左右以待歸則又坐臥乎側雖過近親舍亦必送中道而後反苟有獲非見母不食也一夕生銜鼠逾時不食且叫嗥既尋見母母與之數語即磔之經巢主人慨然歎曰

巢經巢文集卷六

單

是誠母之貓也因為之贊曰

吾母食爾兮孰與我班撫憐爾兮孰與我賢吾孰與爾兮左右我親貓兮貓兮我猶為人兮

乞巧文 丙申

鄭子客平彝幾半歲兀然醒惺然睡晚步乎庭涼月在地客有突如其來者戟吾手而啼曰拙哉乎君人皆恩恩子若不聞余曰何客曰牽牛茲夕將賓織女乞厥靈者厥巧可取而不見總總稽首者何為者也余曰拙可治哉誠拙而吾治也吾為牛兮馬可也再拜稽首於吾何有於是握衣升階仰天鞠踣吐心瀝血無所不至詞

窮意盡而拙猶是起有媿色汗流浹背視諸乞者亦復無異斯時余甚倦卽臥乎庭陰人散漏盡見有白氣踰絳河度天船自空而下若人焉屬乎余前曰嘻拙甚人之一身骨媚體妍汝獨木竣不宜盤旋耳又若聾人言如風日復不轉舌團且短人皆顧君君不見人人皆飮汝汝無一語耳目口舌巧之所存子皆無根巧於何生必欲治之其惟牽牛也可余曰敬受教然吾不能致乞神矜而致之移時牛至顧余學其步襲其神曰巧在是矣物逸我勞物華我樸管管從人而吾未自服穀之有秋雞犬亦足吾不知爲功也而又何榮何辱余乃恍然

集經集文集卷六

望

有悟起行中庭承教言拜雙星

隸對己亥

客問曰邑之隸橫恣有年矣今一二賢令長力思摧其鋒以懲其前而卒未之悛者何也曰子不觀家之獐犬乎我之畜彼責以防賊脫或子來爲彼所齧彼計必杖已縱而匿番椒甘稍親爲子屑謂何不防罪反在客期期彼來必卽寸磔子去彼來屈伏潛藏禦人終夜狺狺狺狺及旦對之怒歸渺茫畜隸者何以異於是也客曰妻悍出屋牛瘦易牧子奚爲哉必是之畜曰斯犬也以言足食不若羊彘以言可玩不若狸狴雞鳧之娛意惟

是狡獪兼其猛厲捧首晝眠喙常拄地微聞足聲倏起呻逝漆夜驚賊啟戶膽縮羣喉不前彼獐四逐尙有餘力爪地撲撲子欲易之必取馴伏則畜犬奚爲歟且吾嘗觀其噬人亦非無因友如君輩衣冠至門屢招方來童子代闖彼方起敬安尾圈豚三黨舊姻歲時來賓入門甫曉聞呼卽遵徐伏客畔候骨舐唇戾頸媚睨亦知爲親若夫龜視蛇行施施兢兢自門及堂喜彼無聲忽暑摸脚血流於脛又有頻來鄰子狎之帖耳謂彼可恃誤蹴其尾彼販而起唯馬一嘴衣裂蹀穿忍淚爲喜由此言之犬亦何罪之有雖然有教之犬夜司其職無教

集經集文集卷六

望

之犬晝齧過客焉得不責怪其主人也客笑而起曰吾以爲必任其恣睢也主人亦有責乎然則爲主人奚若曰繩之則曲卷餓之則乞憐逐之則藩籬無衛肆之則咆咻齧噬而眾人詛怨夫國猶家也子試思子之於家欲牆雖卑而無踰戶雖閉而不擾於畜犬之馴暴其有關於其無關於清心寡欲中鮮居積四洞八空破銅爛鐵則無所恃犬雖猛何益檢及埽廁一夕數起兒書女織聲不絕耳則無幾勞犬備員而已然後提犬之耳告以至誠不受揮叱責在必行彼於畜類善知人心不見夫戲犬者乎猴冠而騎逐鉦應麾喝首入環卽徐磨而

中規奇技淫巧且唯以隨安見犬之不可以正教也客
倦而臥隱几長歎曰亦盡矣君子自反惟士爲然子身
之不暇而口多擇言願善論犬哉

祭貞定先生文

嗚呼先生而遂如此乎吾誰與典型而勉跛前規論有
生之常兮七十已難而況壽轎夫耄期仰不愧天人不
俯作兮庭階又馘馘而鬚鬢復何憾夫歎兮曰我必爲
莫邪歷萬世而不虧惟我先生之剛粹兮玉潔金堅莫
或乎瑕疵氣則山之巖巖兮神則煦煦之春曦昔不以
孺子爲不可教兮自備員弟子而卽語以定命之威儀

巢經巢文集卷六

四

我敬承而不敢暴棄兮其進也又似不儕乎等夷大言
則韓城諸城之事業兮小則陽湖河間之以餘事爲文
詞我何敢十駕而跋鼈之千里兮然亦遂忘肩頰膺折
而以死爲期比假蹇而入官府兮咫尺接靈光之巍巍
我每過而必聞新獲兮念老且如此而我馳驅終日其
奚爲以後死而庀上訓之道兮心惴惴乎人言多而眾
可懷告余以關牛圈羊之論兮謂不與作緣者惟劉尹
能無蟻我於此都太孤生而弱植兮賴將牢世議得神
張而骨支自余負土畢以來兮乃先生善病而日衰余
脈代而憂肺氣之將絕兮先生亦歛歔感歎而累作身

後之辭七月之將望兮余將指子午山而將歸夕至橫
而省病狀兮方涼月之暉暉不欲入牖其眠動兮倚東
廂而聽其言語咳唾謂不減夫舊時歸十日而聞溘逝
兮悔前宵不一見而去之憶月頭話我於東廂兮撰杖
吾呼夫庭芝臨出戶而遲回兮喜秋花其猶未萎健歷
庭而上堂兮屢顧我而含笑乎入楣豈知一生之相從
兮卽是焉永訣而長離嗚呼人生各各有壽命兮亦賦
授萬有其不齊天與先生以才命之美兮又縱其志之
所之及我年而已倦仕兮念母之老矣而以養告歸乃
尊慈卽獲年九十兮先生亦六十矣而猶爲有母之兒

巢經巢文集卷六

四

我何辜而何罪兮識四十九萬字而不可炊歲負米而
東西南北兮乾老淚於門畿謂勞餓憂患可永相爲命
兮半菽亦竭夫烏私乃至今而若此兮雖九死其何裨
天空高而夢夢兮地蠢蠢其無知先生亦何福不除兮
乃今去而理廿年前之綵衣百年未滿不得死兮我何
以破九地而奉管觴謹臨棺而奠一觴兮師友至今日
而只如斯也魂歸來其鑒我誠兮知復有知無知而祇
增余之悲也嗚呼哀哉據貞定先生遺集補

巢經巢文集卷第六

序

聖門以詩教而後儒者多不言遂起嚴羽別材別趣非
關書理之論由之而弊競出於浮薄不根而流僻邪散
之音作而詩道荒矣夫儒者力有不暇性有不近則有
矣而古今所稱聖於詩大宗於詩有不儒行絕特破萬
卷理萬物而能者邪吾友鄭君子尹自弱冠後即一意
文字聲詰守 本朝大師家法以治經於前輩述作變
其補苴咎人罅漏者多又病其或不免雜博橫決乃復
徧綜洛閩遺言精研身攻以求此心之安靜涵以天地
時物變化之妙切證諸世態古今升降之故久之渙然

真經集詩集序

於中乃有確乎不可拔者其於諸經疑義抉摘曾通及
小學家書經發明者已成若干編而才力贍裕溢而為
詩對客揮毫雋偉宏肆見者詫為講學家所未有而要
其橫驅側出卒於大道無所抵牾則又非真講學人不
能為彼持別材別趣取一字一句較工拙者安足以語
此哉子尹長友芝五歲友芝兄事之自廿年前友芝侍
先君遵義郡學子尹居東八十里樂安溪上每以秘冊
互假寫勘時常往來丁酉以後春官奔走郡乘牽絆兩
人共晨夕尤夥至辛丑先君見背即卜兆樂安溪上青
田山復結廬其間以近吾子尹也計訂交到今且三十

年雖中間飢驅離索不常合并而靡不以學行文章相

確砥而子尹事事精銳對之使人氣餒即如為詩若非
所甚留意良晨朋酒常不自揣力操旗鼓而與之角往
往脈張筋急不能自如而子尹率然應之其要害曲折
轉益洞快人之學問才力真不可強乃如此友芝即戲
謂曰論吾子平生著述經訓第一文筆第二歌詩第三
而惟詩為易見才將恐他日流傳轉壓兩端耳子尹固
漫頷之而不肯以詩人自居當其興到頃刻千言無所
感觸或經時不作一字又脫稿不自收拾子弟鈔存十
之三四而已而其盤盤之氣熊熊之光瀏灑頓挫不主

真經集詩集序

故常以視近世日程月課植釀篇牘自張風雅者其貴
賤何如也今歲春初友芝過望山作上元乃把酒慨然
曰吾輩俱老大所學既不見於用計無復長進而數十
年心力所寄不忍弄置將次第厄梨棗取當世通人是
非焉憶吾子昔者漫有石小詩語姑以先之唯吾子為
我序輒書其學術根柢所以能昌此詩者以諗觀者他
不具論也咸豐二年夏五月獨山莫友芝

序

詩言其志而已矣志者不可偽爲志之所向情洩之辭
宣之乃始有聲有貌數者不備不可爲詩然數者未也
以志爲其本夫詩無僞詩之有僞則馳情溺辭繁聲飾
貌者爲之也古之賢聖奇傑忠孝大節之人不皆爲詩
及其爲詩亦無所假於數者而自足以格神元昭日月
彼之志固宜有是若夫學士大夫之從事於詩則亦有
道矣道安在在範其志志有廣狹高卑善範者植之以
仁義秉之以禮度履之以忠信廉潔而又覃思專精必
在經訓則志益廣且高然後發諸詩者達吾之胸臆悲

巢經巢詩集序

一

愉喜愠無所緣飾矯揉其間包絡三才經緯萬端壯者
鏘金石幽者窮要眇上儕之古人而無蓋下質之千百
世而悲愉喜愠若覩而敷衽披露肝肺無不盡者此惟
善範其志乃能有是吾讀播州鄭君子尹詩而善之子
尹居貧尙孤介仕卑官無怨尤躬行孝弟惻隱民物其
學深博精核無所不綜尤好治經研究於康成叔重而
折衷以閩洛之說至其爲詩則削凡厥猥揆詣奧曠淪
靈思於赤水之淵而拔雋骨於埃壘之表不規規肖仿
古人自無不與之合余未識子尹讀子尹詩悲愉喜愠
如見子尹焉進而求之則藹然者仁義也秩然者禮度

也較然者忠信廉潔也其宗主又不離六經甚矣子尹
能範其志非若他人沾沾情辭聲貌可以僞爲者也唐
子方方伯者子尹鄉人也道子尹意欲余序之余無當
於知言然自謂能言子尹之詩之志遂書所見浼方伯
貽諸子尹咸豐四年歲在甲寅新正人日監利王柏心

巢經巢詩集序

二

巢經巢詩集目錄

卷第一

古今詩共四十二首

卷第二

古今詩共五十一首

卷第三

古今詩共七十首

卷第四

古今詩共五十七首

卷第五

古今詩共五十二首

巢經巢詩集目錄

卷第六

古今詩共六十七首

卷第七

古今詩共五十八首

卷第八

古今詩共五十二首

卷第九

古今詩共四十三首

巢經巢詩集卷第一

遵義 鄭 珍 子尹

古今詩共四十二首

夜深誦了聖涼 巳下丙戌

天外一鉤月晚風吹到門開窗上鏡幌涼意幽無痕展
誦四五卷爐火餘温磨舉頭不見月知歸何處邨惟聞
溪水西時時犬聲喧緩步肆閒微披衣聖籬根不覺花
上露盈盈浩已無此趣誰共領欲說都忘言

闌干曲

缸僻沉沉霜入影博山雲斷金虬冷嫦娥袖薄雙臂寒

巢經巢詩集卷一

夜長軟抱梅花頰玉臺紫霧荒荒閒翡翠珊瑚含木難
茗華姊妹又千載當年暗記紅闌干擣齏破臼種茶子
待看黃人貼天死月查高挂九枝鐙却教誰指秋河水
蘭葉蕭蕭泣露涼芙蓉花覆黃鴛鴦檀槽不伴玉笛老
手把靈犀到天曉

讀始皇本紀

嬴政信橫絕惡極福有餘蘭池盜空窘投筑身轉誅荆
卿好匕首引堪偏絕裾愴哉博浪椎又誤傷副車匪獨
人力窮神亦難剷除英娥鼓怒颺不能溺獨夫轉令湘
山樹見赭千刑徒此中有天意掩卷徒長吁

芝女周歲 巳下丁亥

憶我去年春二月初四吉將就禮部試束裝指京室酸
懷汝祖母不忍見子別倚槽飼公豚淚俯疑盤抹此時
汝小蠢尙是混沌物艱苦徒萬里無才分宜黜豈知出
門後慈念益悲切前阡桂之樹朝暮指就齧子身向北
行毋目望南咽旁人強歡慰止令增感怛所幸越七日
先生爾如達半百甫為祖忻怵那可說乃令念兒心漸
為抱孫奪吁嗟賴有此不爾得今日生女信為好比鄰
不遠出為紀晬盤詩悲忻共填結

君山二妃寺

巢經巢詩集卷一

山竹斑斑淚已枯寺門猶自向蒼梧老僧話罷當年事
龍鳥歸來風滿湖

東湖

東湖山皆似君山秀鬢鬪螺相抱環人住四圍淺竹裏
鳥呼一碧低松閒晚鐘出谷何處寺落日耕雲誰氏田
聽唱樵歌入林去思欲從之煙渺然

發武陵

目送南船去舍懷內暗傷此歸仍廿日遠別更三湘浩
蕩湖山濶漂零歲月忙主人能送別何事亦悲涼
東別同年蕭芝水 品三 甘子園

巨奈苦風愁鄭判不能微雨過蘇端情懷祇覺向人盡
離別須知對面難渺渺湘流仍獨去蕭蕭嶽麓悵回看
來年待我春冰泮共爾浯溪買釣竿

同黃小谷家達登雙清亭已下戊子

奔山東南來蜿蜒欲度水資邵不相讓并力遏之止怒
石峭林立巉撐兀熊兇危礎出絕壁飛甍影潭底下眩
溪渦回前俯古塔峙孤雲挂崖樹漁艇懸沙觜萬柳暗
江天千帆隱城雉迢遞豁睇矚洵哉茲亭美同游癡翁
後揮酒亦莫比請爲卧游計畫稿吾先擬

邵陵道中

巢經集詩集卷一

三

雨過春山疊黛橫嫩林新綠夕陽暘晚來風味濃於酒
添起田蛙閣閣聲

永州廿三初度

零陵天下幽奇處中度生朝發興多袁渴紛紅思柳子
淡山新綠憶涪皤似渠明歲求鴻博子厚年二十四正
求試博學鴻詞
我今時過蔣羅山谷以崇寧甲申三月至永州過蔣彥
回玉芝園又到愚溪過羅氏脩竹園皆
有暗數年華計才德一分不到欲如何

浯溪游

朝別柳司馬暮拜元道州漱齒寒泉水濯足清湘流春
風繫船好晴日拊髀躍入浯溪游浯溪何在在湘潯勝

游未易更僕數初緣苔磴踏莎行碧塵裏煙濃楚楚戶

以石門樓以橋隔闕其內渺無覩度橋而南忽異常千

章嫩蓋蒙堂隍幽颺瀟霽落香雨綠雲墮地山皆涼中

有次山舊日樟枝所到處天無光扶夾小峰欲上翔若

翼伏卵若佩囊唐亭紫桷出峰頂下視乃在枝閒藏由

樟西行百餘尺摩崖陰風動心魄三百六十生鐵虬影

寫江天光煦壁墨精閱久走殊怪至今柳印壓手擘前

明亦有中興須在顏書右三丈
許水中一崖上姓字誰某漫莫識瞿家

玉筋臨崖東鮫胎老皮嵌紫茸載毛蝮繭四衛護不許

摩搗傷其鋒皤書顛筆接不暇足直目眩成老翁一羣

巢經集詩集卷一

四

乳虎阻去路謂小
厓臺手擘寸線回盤中繡沓羅蒙罩雲麓

驚入洞房睡初足春流溪水花溶溶滿耳丁當漱寒玉

峭石疊起珊瑚枝鐵網槎枒瘦無肉紅亭鼎峙上下石

萬顆斜陽點丹綵出最上亭鈔厥有乃登晤臺顛中央

天置橙榻不羈琢廣脩可聖百人強臺脣窳尊古薛鏤

尊底萬丈浮清湘尊中凝脂白如霜疑是元子殘酒漿

此時傲氣橫八極又腹大卧望昊蒼不覺今古入奇懷

風雷擺宕蟻蝨腸笑向雲中數招手拍拍窳尊叫聲叟

何必相逢孟武昌始汎杯湖一樽酒當日能醜死阿廢

此字詭隋煬帝乃見天王下殿走感時憂國頌嗣皇事

有至難寓忠厚文章經濟付一漫山水傷心旌吾有黃
雲動地悲風來同游者子皆歸哉右堂書鬼轉清嘯舊
居空見高墳堆小子不知獨何事幽蘭暗結紅玫瑰

柳之蟲次程春海恩澤先生韻

柳州校士地乃爲蟲沙國子孫結千億與人爭頽宅形
比肌蛛小足亞馬虻百繚礎據地屬蛻垣出戶闕竟日
俯仰閒跂跂而脈脈聖立左右顧審器後飲食時或墜
科頭蠕動忽呀赫夜來最恐懼屢屢入牀簣可憐俛蟲
長生受蠢動厄聖王除狸物赤友有專職則此蠖行者
戮盡理亦得孔子作春秋斧鉞甚嚴覈蚤蜚不爲災且

巢經巢詩集卷一

五

不書於策此非能毒螫異虺與杜白罪但形可畏咄咄
逼人側其徵誰使然大蠹實膺責之蟲又何知而代伏
誅殛驅之使遠去物我庶兩適薰以硫雄煙助以木艾
力更以蜃灰水洒彼屋與隙水乾煙亦消依舊綠四壁
百蟲羸將軍無乃故使迫莫侮周郎少請從赤壁役

五蓋山硯石歌贈曾石友鈺刺史并序

柳州東五蓋山顛大漢下石乃硯材人不識屈爲
磨石友見而異之身鑿山取琢硯謂勝端溪下巖
余過柳持示一片果堅潤發墨因歌以贈之

斧柯腹爛老龍死碧瞳破地走龍子神淵自樵北壁鑰

壁石踴騰壓珠市暗潮演演踰嶺南畢弗凸透五蓋山
雷礮電礮蓄蟾鵠白虎固抱黃睛耽鳴劓咽劓墮臧穀
夜半無人玉靈哭冤精耿耿射城譙摘巖冠拜郴州牧
老夔畫舫不及聞尅遣持節卽墨軍温肌膩乳暈光澤
狡貍骨軟攙香雲黯澹灘頭鳳皇殼是君席閒同鄉友
忍使怨缺作附庸石卽能言杜其口綠珠端捧當簾鉤
紅蕉氣韻纖筍修小湘山鬼碎黃褐偷覷欲攫投大幽
琦瓊乃挺荒遐地壯夫空識數丁字斬髽剝絡始見材
漢底深囚豈天意異時請看巖戶集郴人笑歌端人泣
不見宏農陶家兒至今配食陳公密

巢經巢詩集卷一

六

游北湖懷昌黎公湖在柳州北郭外周廣可四
十里今皆爲稻田矣去年程春海先生屬刺史
惠安曾鈺於道側蓄一池祠昌黎於其上

秧鍼麥浪水縈渠山斗蒼茫落照餘湖地四邊今叱犢
昔年中夜此又魚長船大炬無雷影斗碩波瀾有別瀆
悵對滄桑憶三穀暮煙霽霽久踟躕

經未陽

青蓮葬屍魚腹裏少陵復作飢死鬼可笑亘古兩詩人
死亦古今絕無比劉昫小儒不足責余意端嗤宋公子
阻水一篇豈未見荒唐亦復沿舊史悲哉此老入暮年

君民淚盡江湘沚稷契功名付浩歎老醜向人嗟可耻
新知濟濟徧海內寒暄不救溝壑死牛肉白酒致荒江
快噉苦覺人情美豈知賢令好禮數後人願將鳩毒視
嗟嗟忌刻實天意巨妄誣賢小者耳君不見東山太白
女無歸宗武湖湘爲乞兒

游石鼓書院次昌黎合江亭元韻

輕舟發衡邑風日不相左右石鼓郭北外卽之在一唾白
鹿四講院此足作輔佐更值江山勝萬金豈能貨右俯
湘波清左看蒸流過破地挿水會啣翠氣不挫幽亭恣
游目欲倡寡余和闌砌忽西日竹影來箇箇我生骨少

巢經巢詩集卷一

七

媚所如輒坎珂小住苟爲佳便懷卜終卧此地經唐賢
誅茆展嚴課朱張繼文會瞻望跋無奈地爲唐李寬讀
與南軒草木猶餘馨而何靳頑懦恭讀晦翁書語若親
告播朱子書脫去凡近以游高湖勿爲嬰兒之狀而有
知而求天知勿求同俗而求丈夫甯不然誰能拔寒餓
自撫事畜身長愁貧鬼賀安卽脫嬰狀巖栖振寐惰藉
騁半日樂思復一餉聖山靈逼客行岸陰結難破下舟
獨回望已覺斗塵泥

醴陵坡謁蔡忠烈公道憲墓

誰似先生少成仁鼎沸時公死時年二十九磔身無李芾裏葬

有句卑賦寸疎公壽卒凌國宵昊心難轉英雄淚暗垂
卽今瞻墓道松柏尙含悲

畱別程春海先生

我讀先生古體詩蟠虬咆熊生蛟螭我讀先生古文詞
商敦夏卣周尊彝其中涵納非涔蹄若涉大水無津涯
搗爛經子作醢醬一串貫自軒與羲下訖宋元靡參差
當厥興酣落筆時峭者拗者曠者馳宏肆而奧者相隨
警鐵勃盧鐵蒺藜夏摩搗擦爭撐持不襲舊壘殘旄靡
中軍特創爲魚麗此道不振知何時遂爾疲茶及今茲
學語小兒強啞伊雕章繪句何卑卑雞林旨賈爲所欺

巢經巢詩集卷一

八

傳觀過市羣夥頤厚顏亦自居不疑閒有大黠奮厥衰
鼎未及扛臄已危其腹不果則力贏其氣不盛則聲雌
固宜宛轉呻念尸非病夸毗卽戚施黃鍾一振立起痿
偉哉夫子文章醫當今山斗非公誰種我門牆籓以籓
擁腫卷曲難爲枝絡之荆南驅使駢野馬復不受罽羈
錫我美字令我晞以鄉先哲尹公期無雙叔重公是推
道眞北學南變夸此豈脆質能攀追敬再拜受請力之
頭童牙豁或庶幾槐黃催人作叢罷定王城下離舟維
春風冬雪慣因依出送撫背莫涕揮東流淙淙識所歸
有質賣田趨浴師

送王香杜 金策 歸諸城

仕路嶸巖莫復陳東齊歸客舊詞臣達官大要非奇士
南國從來泣美人誓墓文章終憤俗藏鏡性癖頗愁親
香杜讀書 達旦為常白魚青笥平安到書疏無忘寄子真

宿喬口柬同幕諸君

悵然釋帆去望望長沙遠湘水更深綠日没汀洲晚昨
夕桐華陰今宵未應損離羣忽百里因風寄繾綣

酷熱吟

爪上流汗珠髮梢生炎風歔氣攝人髓有聲來烘烘瘦
蛟叫沉潭波心吟老龍江鬼走陰僻哭死西日紅龍女

巢經巢詩集卷一

九

四五人偏肩采芙蓉眷言攜我手擘浪還珠宮聖之水
晶牀映以珊瑚權回憶人間世清涼迥不同

清浪灘

清浪四十里獨以惡石勝上如刀山立怒挺索人命下
藏萬千劔欲刺暗中刃一刻失要害立見頭腹迸舟子
八牛力經過最勇慎使篙無空著目到手即應奪人出
龍腸拚身陷堅陣神使啞啞叫乃賀脫窞阱旁岸數十
家橫舟日伺偵但祝估船沉獲貨一呼進恃此聞有年
頽菲尚懸磬

夜江濯足

涼颼動煙渚淨魄生夕林浣衣人獨歸餘情含空砧
濯雙白跌真懷仍在襟微浪蹙細沙沙乾浪旋侵不見
白石郎誰見沙浪心何意孺子歌但為濁水吟

步出東林

振撼樹聲響滿山黃葉飛一雙白蝴蝶隨我下翠微獨
往竹西路聖觀忘是非

正月陪黎雪樓

桐 舅游碧霄洞

巳下已丑

黃螭翻劫波誤落荒服外睚眦恚五嶽中原各尊大胸
蓄不分涎要唾盡始快日月不照灼深閻神鬼怪吐洩
奪造化掬鍊鼓囊鞠天動九地裂頓闕一世界雷電下

巢經巢詩集卷一

十

搥撼投楔卻奔潰面帝彈不法情天轉嫪曼願畱與遐
土廣彼耳目隘不計數萬載莫能啟鑄秘始見此誰子
魔死者應再十年詫靈境寤寐騁神軼宿糧得阿舅攜
小妹共載餘訝見巨口俯瞞嚇焉退定魂下窞窞竅窅
半明晦一警欬嘯呼響砰磅礚礚非雷而非霆隱隱硤
硤會舉蘊照噴峒廣容數萬輩耽耽深厦中具千百狀
態大孔雀迦陵寶瓔珞幢蓋鐘鼓千羽帔又杵臼磨磴
虎獅並犀象舞盾劍旌旆礎楹夢藻井釜登豆齋醮更
龜鼈蠅蟻及播礫整鏡厥仙佛菩薩拱立聖跪拜攜籬
條戚施與佻瞽兀癩倒茄垂瓜盧懸人頭肝肺盤杆閒

橙榻可以卧與躡人世盡纖末悉備銜壑內點哉山之
靈乃逞茲狡獪殘寶與剩穴得一卽勝柴視區區諸洞
實不直蒂芥如何老窮僻似爲地所畫元柳目未經陶
謝展不逮焉能驅夸娥徒安行窩背持壺走大暑壑谷
指公在移山空浩然發我惜奇嘷試假生鐵筆爲爾破
荒昧後來應有人咄咄同感喟

閒庭

閒庭貪久坐風色靜沉沉明月來深夜低星閣遠林魚
龍吹霧影貓犬共花陰興慙塵囂外憑柯起浩吟

安步

安步踏暄陽松岡更柳塘溪山爲我好花鳥使春忙欲
就觀垂釣因行過石梁問魚渾不應心跡兩茫茫

曉行溪上喜而吟

昨午點滴不成雷入夜風雨擡山來朝看遠水白於鶴
天垂野淨無塵埃榭葉綠邨膩沒縫麥穗壓壠青成堆
誰潑遙林十斛黛樹肥綠重山欲頽未聞雄鳩喚逐婦
尙見嶺雲黏不開雨脚肯愁未斷絕土膏正賴勤滋培
去年眼不識冰雪沃畚坵兆生草萊開歲屢得三日雨
天公亦閔黎農灾破田歷適不保澤水至立涸眞可哀
卽今春序就垂盡布種無地甯論栽田家望望急如火

一雨喜徧叟及孩短後晨披不待沐攜犁荷杷衣蓑臺
上田翻車響犂角低隴叱犢聲喧厓山人亦出行盤徊
沾衣濕屢踏岸苔天氣陰陰雜花遠曉寒嫩嫩溪風回
人煙稍出苦竹外漁艇暗度青厓隈願怪水輪昨何漑
此日速似千手推皇天助人在俄頃欲任智力嗟難哉
不知百鳥作何語似訴中夜厄雨雷吾得豐年爾亦飽
爾曹莫怨翎翎摧

閒眺

雨過桑麻長晴光滿綠田人行蠶豆外蝶度菜花前臺
笠家家餉比鄰處處煙歡聲同好語鹹水曬秧天

播州秧馬歌

并序

吾鄉治秧田刈戎菽等密布田內用秧馬踐入泥
俟爛則播種其力倍於糞且不蠹秧馬制以縱木
二爲端蓄四橫長倍廣下刃殺令上面平如足榻
狀底如四履齒用柔條一或繩貫兩端爲系高接
手踏時足各履一馬手提系摘行莖葉上深陷之
甚便且速爲歌一篇俟後譜農器者採焉

穀雨方來雨如絲春聲布穀還駕犁斬青殺綠糞秧畦
蕪菁荏菽鋪高低層層密密若臥梯外人願此頗見疑
足春手築無乃疲我有二馬君未知無腹無尾無扼題

廣背方坦健骨支四蹄銳削牡齒齊踏背立乘穩不危
雙韁在手左右持馬首北向人首西橫行有如解爬泥
前馬住足後馬提後馬方到前又移前不舉後後不蹄
轉頭前者復後馳人在馬上搖搖而蹊田遠過牽牛蹊
絕似軟屐行蒺藜柳陰饋餼媚且依木驄對卧不解飢
晚風搖波蹙水臍居然刷洗臨清溪他日更借人乘之
踏花小郎黃鸝嘶下鞍兩髀紅胭脂豈知老子糞種時
一足各有一馬騎終身脚板無癢疥

釣

避暑巧成釣脫喧翻怪幽水風長在竹鳥影不驚鉤欲

巢經巢詩集卷一

三

舉却仍住將移還更投此心隨物付得失盡悠悠

驟雨

雲氣速於猿奔空陣馬逃樹隨山影失雨覆夕陽高葛
手投籌箸千夫振棘叢已看天宇碧餘點尙飄騷

夜歸

檢閱不知晚歸襟赴夕涼流螢低共路漁火遠分光斷
續林風細微茫草露香近籬無犬吠鐙月護山房

高齋

高齋開戶牖佳日得晴暄風定瓶花落雲來硯氣昏牧
牛溪上路迎虎社邊邨聖領山林趣潛夫欲著論

山居夏日

山居夏日

竹樹交陰草暗畦畫長人靜小簾低空堂棐几雙賓雀
落日瓜棚五母雞好鳥不離花左右閒山分占水東西
年來頗忘將軍宅久認吾廬未是迷

月下醉歌

明月本在東林閒不知何時走上天爲貪盃酒未及顧
失爾去路無由攀惟見青空似碧海琉璃萬頃嵌銀盤
咫尺人天不相管何況世外求神仙蓬萊瀛洲果何處
秦皇乃葬驪山邊固知仙骨有時朽惟爾飛光最長久
西升東沒無窮期白兔擣藥延爾壽如何醒眼看世人
不伴玉皇飲天酒宋無忌娥影珠一日奔馳四萬里何
如花閒傾玉壺壺空醉矣還歌呼

乘涼

草樹入岑寂月遲還未來竹風泛螢至清夜方悠哉已
非暑中劇乃復適所懷誦聲何琅琅鐙紅滿高齋未覺
太古遠蕭蕭眠綠苔審體已便足煩營空爾佳

夜起

籬頭老菱中夜鳴淅淅颯颯如人行開門風過月照地
竹根草脚皆蟲聲菊花未睡解畱客白衣黃帽相逢迎
人生千歲要有死百年況是風中鐙須與清境偶然得

眾人入夢誰當爭蘇張恍惚在人世但看藻荇仍縱橫
明宵風景縱有此知否山人呼得醒

刷池

池割屋下田水從澹上來中有白蓮花憑空起瑤臺相
看過一夏秋來更爭開未便就衰歇此花真吾儕池畔
列稚柳冗密蛛絲排瓜藤雜蒿蔚亦復藏蛇蠅蓮心雖
不言未免嫌汗萊爲費半日力細與親刊裁忽然滿眼
光鮮淨不可指乃知清貴品故以剛刷佳上有兩弓地
年年種蔬鮭欲著小茆亭於此懸詩牌襯點好意境得
閒卽構哉天意似憇愚宅西出古梅久歲沒荆棘牧童
告我纔擬俟放花時移向池邊栽又蓄數盆蘭安置頗
未諧待我亭成時同來伴樽罍山人素了了此意豈復
駭小住便佳耳百年非我懷

溪上水碓成

貧家一舉動終始靡不難區區水碓耳匝月功始完余
豈好多事在昔多所艱赤脚老醜婢嫠孀且頑遣之
事春鋏炊或不給焉有時得毋助乃始足一餐無已作
此舉令水爲春人內顧無竹木未免乞比鄰稽遲到茲
日始已事而竣狹巷清且駛白石周四垣回回外板幹
蘇蘇雲子翻傭者相顧喜賀我春百年嗟我佃耕此瘠

确緣溪十年豐不償苦足得十大盆安能盡碓力碓成
殊養閒苦心願爲此亦覺笑旁觀世事那計盡感慨繫
斯篇

早起

味明更底逼安臥良獨難怕待來年想仍將去日看孤
心時入靜瘦骨早驚寒有福慙諸弟紅窗自睡軒

巢經巢詩集卷第二

遵義 鄭 珍 子尹

古今詩共五十一首

才兒生去年四月十六少四十日一歲而殤埋

之梔岡麓 巳下庚寅

木皮五片付山根左袒三號愴暮雲昨朝此刻懷中物
回首黃泥斗大墳

晚興

寫畢黃庭冊歸從道士家晚風亭子上閒看白蓮花

查灣夏暝

巢經巢詩集卷二

窗光落晚翠庭氣靄涼陰靜數門前樹歸來沙際禽世

塗殊冷暖人事信升沉清淨西林月明明照此心

酷暑黎柏容 兆勛 丙兄齋中

赤丸黏天不可落發興欲望扶桑閒平頭奴子扇大扇

下視海水波如山自曉至暮去不得垂頤喘氣筋骨屢

聖卧不成漸作病心之煩亂何由刪柏容健者能說鬼

落筆娛笑含譏訕伏枕張日懶動起細聽吟美追癡頑

轉恨人生讓若輩帶蘿被荔從狸斑委去拘拘此形蜺

雖有寒暑誰能患蟬聲停樹蠅在壁仰瞻雨意愁天慳

喝死書生一芥耳嗟哉禾黍關痛癢

醉歸

酒壯夜行膽長歌聲繞林入竹聞犬吠遙看燈影深虛
堂聚學子為說梁父吟古人不可見弃置徒勞心

雨

六月晦前雨瀟瀟鳴稻林能蘇貧者命不是富兒心米
價來朝減天恩此日深莫言歌舞滯點滴勝黃金

晦雨

度牆仍細細津葉暫疎疎昨所潤不到雨餘枯自如涼
聲歡鳥雀落照晚邨墟肯怨行多露度阡還破廬

恨詞二首

巢經巢詩集卷二

屏山橫抱石闕斜月夜經過阿子家小院苔圈鐙影綠

玉人何處倚梅花

歲暮天寒獨倚樓千秋亭畔古今愁何人欲補情天破

我願從君助石頭

寒宵

何補飢寒計槩鉛宵更忙窮來通世味長去戀時光霜
重夜深白月斜林際黃待明堪一卷清漏未渠央

雪風

雪風刁調吹破籬吾獨窮困於此時天寒擁卷作跏趺
日暮向人賒夕炊菜摘蠶豆上中葉樵分鵲巢高下枝

窮生百巧卻自笑看爾更計明朝為

與柏容論畫

癡翁造化才天馬不受絳手補乾坤缺山水有全著拙
我何敢望興至時閒作常思有事業而暇謀此樂哲兄
亦多好見彈求鷓鴣雀生平儻得閒消遣殊不惡但聞識
者說此事無死縛須得心目間蒼莽露厓罅下筆逐所
見兔走兼鶻落意境會其全形似在所略必執譜論求
一銅反難藥君家列高架古墨未蕭索苟能得殘贖已
足自揮霍嗟嗟語徒然吾意殊菲薄勸君寫無逸他時
獻謔諤會有曹將軍貌君凌煙閣不然謝幼輿亦當置

東坡集詩集卷二

三

邱壑

五日雨中與同人釣溪上

己下辛卯

心想就澄澹老去方自茲為樂愛佳節歡塗多所懷來
日豈不給過此情已遠亦復惜無因廢時又可哀天與
一日閒重以數子諧霏微息還作榴花紅綴枝入林苦
黏屢縱飲徒沉迷門前即溪上笠釣意亦宜得魚非我
必藉據山水期兩細容小住甚便收筒回

睡起

一覺依然眠後我百年休憶錯來棋可憐半日模糊過
更補斜陽梅片時

屋漏詩

溪上老屋溪樹尖我來經今十年淹上瓦或破或脫落
大縫小隙天可瞻朝光幾漏金瑣碎月色點鼉珠圓織
春雨如麻不斷絕爾來正應花泡占始知瓦舍但名耳
轉讓鄰菲堅覆苦澁如海眼瀉通竇滴似銅壺催曉籤
入室出室踏灰路戴笠戴盆穿水簾伊威登礎避昏墊
濕鼠出窟摩鬚聒塵校垢濁謝人洗米釜羹湯行自添
西間書室素完好陳籍屨几供便拈不虞一夕出意外
白蟬溺死埋縹緲咸陽一炬怨秦火似此甯更將人嫌
桑土綢繆悔不早無術得將諸駭聞承以瓶盤桶鬻缶

東坡集詩集卷二

四

一器巧使二孔兼木皮竹蔴亦有用彌縫其闕通之擔
補苴罅漏固窮計塞流挽倒吾何謙妻孥對莫頻顛
不荷天慈心更恬翻翻鬻鬻任相責高朋鬼瞰真吾矻

游黔靈山憩雲栢亭

去郭亦不遠及麓方見之每上覺徑窮去塗生轉時偶
然入深處卻顧忘前巖幾年闕初地亭小幽可憩久聖
絕聲響林影澹無際松風迴夕陽蒼然兩峰翠

飲聖泉上

歷筭有時差洞淵窮九容天與設懸壺一勺璧鴻濛盈
虛應曷刻渾蓋相參通大哉造化機奇出無終窮我從

萬山來襟帶含松風獨酌此泉上與酣呼白龍往來五色鯨蕩漾青黛中神魚掉尾出閃映斜陽紅欲濯雙玉跌乃恐搖鮫宮許贊不許究逸然天地空

貴陽秋感二首

回首天南萬箐開童山曠壤有遺材椽蠶不自烏江渡
犒醬仍從益部來在遠游民便聚嘯安邊長策重耕栽
時平不假書生計唱古憑今足費才

無多形勝感興亡萬里秋陰接點蒼石火年華催老大
海天愁思易悲涼談經舊掃陽明席問字誰登叔重堂
野色江光連鬢影武鄉祠外倚斜陽

莫經集詩集卷二

五

春山夜誦

已下壬辰

漱齒華池萬慮空賞心遙夜七寮同山香如海花齊發
天淨無塵月正中虛僻亭亭深入露涼鐙燄燄不生風
年來漸省簞歌事絳帳笙歌笑馬融

獲盡

日出起披衣山妻前致辭獲餘二升米不足供晨炊仰
天一大笑能盜今亦遲儘以餘者爨用塞入口飢吾爾
可不食徐徐再商之或有大螺降虛甕時時窺

阿耶晬日作

貧人養兒女其苦安可言計日喜存活及歲能無歡我

非無大男天不與我予踰年幸舉汝吾道方艱難萬卷
不能炊一錢丐人艱汝願生健食飢啼可勝憐論升買
市米歸已亭午閒待飽化為乳乃及供汝餐常恐力難

活嗚喚行周年身中百衲衣五色花斑斑頭上紅錦帽
金錢龍鳳盤涎衣被頸下文抱當胸前吾貧那辦此見

汝從母賢俗情重晬日烹羊宰肥豚招要聚三族喜氣
令冬温吾此為單家力又難羶葷亦復潔疏食為兒薦

蘋蘇祝畢抱汝拜忍涕為笑顏我族食遵義八葉當吾
身維昔別子公鋒冠劉綖軍播平不與賞屯耕水煙田

謀力著新站氣欲無奢安鷹鳩起旁掣郡卒賴以全定

莫經集詩集卷二

六

國與捍患飲井俱忘源

珍七世祖顯公吉水人明萬歷庚子以劉綖部將從平播綏

班師被論回衛留部曲領舊帶兵萬餘於遵義仁懷敘南馬湖等處耕種防守公因駐屯水煙在郡西六十里

見墓記及綖上兵部摺子追崇諡辛巳王忠烈公佐聖來幸道以公宿將問扼水關抗者公為畫策新站城與

王公往來巡視邊備悉舉明年府道緩郭吳之獄致逆首入寇城破王公死之公率十里土司搗賊營分兵新

站絕賊歸路盡殲之郡洪柯有榮悴欲語聲已吞先世以安全見王公殉難錄

一卷書今惟吾家存將復高祖德未必非蕩遷想見靈

之來喜添一代孫子孫不易為撫首增浩歎汝毋羅百

具試兒心向先鱗列圖與書錯以聿與研古印大如斗

中央獅伏踰寸幅我新畫上有米家山抱持不可律爬

按隨掀翻乃左持古籀右手持天元大笑真吾子此意

甯非天我年十七八逸氣摩空蟠讀書掃俗說下筆如
奔川謂當立通籍一快所欲宣狂謀百不遂親老家益
貧頭顱近三十心平無波瀾窮達知有命浪走無乃顛
觀海難爲水一菽思專門幾年費心血略識書數原父
菑子肯獲夫豈不願然卽今盛平世經術招儒冠立成
具推步不用暉與蕃兩閣禁篆體隸楷須同文兒亦焉
用此來踵阿爺跟六經麗日月義若東溟寬取汲任其
才收效無鈍頑小用爲帖括命來卽稱官騰身九霄上
袍笏光且鮮一生免長餓親戚分唾殘世間富貴人得
力文幾篇兒其速長大破樓思著鞭與作鼠銜薑甯爲

巢經集詩集卷二

七

麥爭秬秬有麥爭場最早熟
而利倍見羣芳譜

飯麥

北人食主麥南人食主稻平時作餅餌快啖爭且譟飯
之乃愧貧好惡殊顛倒入夏米難乞市糶踊復暴焦麥
餘兩糞八口朝夕靠初嘗賴羹澆再進乃深好法須甬
皮精味勝粗米糙齧若蚤蝨碎咽順藜莧導撐腸不易
飢朝食晚可到固知吾輩腹何物不堪糲女子乃驚詫
逢人卽相告

夜歸

晚涼動歸興溪路無塵氛倚杖見明月回頭看白雲不

逢魯中叟山水徒清芬迢遞竹西去閉門何所聞

涼夜

冉冉香傳小樹花閒庭風露浩無涯
歎食妻疏到母家深夜能陪救賜醜
荒山暗老石經父松頭月上難禁渴
汲水親烹沒葉茶

晚望

向晚古原上悠然太古春碧雲收去鳥翠稻
出行人水色秋前靜山容雨後新獨憐溪
左右十室九家貧

玉蜀黍歌

瀕湖能知蜀黍卽木稷不識玉黍乃是古來之木禾我

巢經集詩集卷二

八

生南方世農圃能究原委如星羅此穀從何來遠在稷
播以前孰岷嶓崑崙山高一萬一千里五尋之穀脩峩
峩靈井灌根地力厚自然能沒九橐駝鸞鳳戴盾日植
啄文樹聖木連枝柯開剛獸北接大詔此穀遠映西洱
波神禹所見蓋所記西經具在言豈訛滇黔舊是海內
西南陬土宜千古無殊科秬今彌望滿山谷長稍巨幹
平坡陀猴猴夜盜嘯儔侶烏鵲畫街防網罔一莖數苞
略同藥粟亦無皮差類稷筍脫綳魚弩目鮫胎出骨
蜂露窠落釜登盤卽充腹不煩確磨箕筵籬有時兒女
據觚叫雪花如指旋沙爾憶昔周穆賓王母八駿遠從

西極過爾時此穀定入向方饑不然亦拂芝蓋摩鸞和我讀竹書又知更名爲蒼莖其時見之黑水阿黑水今在雲南中益見我言非炙輶上古地廣穀類亦多種天降地出知幾何職方五種載厨官較之堯稱百穀已無多木禾自是梁益產遠與菡醬驚黃鑪周公歌幽道方物體從刊落非刻苛爾雅牛成秦漢人道里隔絕安知他自通夜郎略邛夔伏豬名乃傳清河景純博物味形狀目所未見難盡訶亦如九穀中有梁與苽南人未聞名者徒摩挲滇黔山多不編稻此豐民樂否卽嗟爾來檇爾盛溱播程鄉帛製傳牂牁織人夜食就省便買此

東經集詩集卷二

九

貴於秔米嗟民天國利俱在此無人敢論理則那他年南方誰作木禾譜請補稽含舊狀歌此歌

柏容種菊盛開招賞

君之種菊用何法幾日化爲瓔珞雲能令我來聖花下意靜不起一點塵當窗幾枝更佳絕布置妙與嬌意親天寒薄袖不煩出隱几自足娛宵晨昌黎歎晚何用好此老屈強老不馴君看神氣淡如此不知有秋何論春卻恨與梅不相見異時獨立長悲辛回頭一笑百感失梅花突出蒼江濱金支鐵幹各心照其識百鍊冰霜身又怪梅花底入室乃是坡老筆奪真坡老畫梅寄真氣

菊中豈無淵明魂花香墨影混濛際想見二老同清尊評詩要到清淨境綺語不許汗秋痕卷舌甯令被花惱無使兩公生笑噴

捕豺行

君不見三四年間豺勢橫厭食豚犬遂食人東邨埋兒聚肩髀西求唐子還葬魂綠箐黃茅去人遠過者十百須及羣遠道之人不問俗往往力盡爲所吞烏江東更駭聽聞爭子母手食且奔兒啼直與骨肉盡草剩一條生血痕時或置幼舉室逐歸來幼子仍無身言之酸鼻不忍說使我駢奮胸輪困以人殺人罪且死卽盡族此

東經集詩集卷二

十

償甯均上世冥翹十二氏掌除民害搜狂溱靈鼓炮石喪猛怪日弓月矢殲妖昏凡害於民物無細及蠅黽非傷恩聖人吉凶與同患蹄跡肯容中國存捕蝗殺虎載金布此害况酷蝗虎倫去灾捍患竟誰事責固在官不在民令限若從追胥法一邨人足攻一邨大索三日定誅盡雖有十翼無逃門百蟲將軍縱靈武人力不助那由神傷心邨農日賽禱兒女不足增雞豕去年賂請獵南里歸兵獻獲皆米銀人豺夜行如植麟盜被豺捕敢出官豺晝聚稱上賓邑兵以次邑中豺伯縱豺食羣豺飽卧東城闔邨城內近民命若彼官若此豺爾何幸

遭此君方今獷獸頗亂狷斬絕種類須良臣江華新收
西原賊南越未返樓船軍書生手無斬馬劍高冠櫛具
徒吟呻三尺枯柴聖無術夜指天狼心若焚安得爾輩
野性馴一化麟鳳之至仁

題莫邵亭友芝藏文衡山西湖圖 已下癸巳

山如佛頭青水如僧眼剛軟槩畫船爭弄晴三竺樓臺
影東海六橋花柳通南屏昌丰士女隄上行太平莊構
百態精西湖正恐不到此圖就可勝槃嬴情待詔作此
時八十又過二嘉靖辛亥所作老眼雙鑿與人異樹頭尙著
鼠尾皴緩范迂倪遜工緻卷尾新詩復親蹟展向窗晴

巢經巢詩集卷二

七

三絕備三百年來人代殊蠶絲煙篆墨未枯當時畫裏
寄書舫供養難忘西子妹袖歸直作按閒物公眞力大
同歐蘇豈知玻璃三十里異時流入天南隅錦罽繡械
出前守圖出自前遵義守蘇雨蒼家整潔未經寒具汗我聞世閒所
藏明聖湖欽山十冊千載無暗門古墨久蕭瑟何人更
賭爭標圖石翁寫盡湖上山至今散在東西都孤山卷
子好雄逸舊觀記與江門俱曾在蔡江門墓下停雲館
主又入石翁室北董南邢俱不如二丈之軸落吾眼寶
貴那數千船珠吾徒目不辨官庫天遣屏當書畫厨遺
緜付與不無意捲還爾卷掀鬚莫五莫五保有斯湖

借爾力不獨立馬吳山一饒賊

五月一日祀唐孫華原先生

國醫不可見慨然念倉扁區區乞靈心非笑詎求免惟
我祿命薄能養愧馬犬米鹽碎而艱累母日非淺勞辱
固天性匪貧甯盡願生兒不得力精血就衰殄去年右
臂枯牀蓐哀轉輾今年左復爾筋骨痛如割仰天呼以
泣無術効合吮惟此孫夫子仁思動繾綣金方出叶卜
世目不能聞未達良取譏但覺體因善誓毋百歲後始
廢公一獻丹榘照菲屋精意薦洗腆長筵聖二老甘味
分寸鬱各餒先生餘當服丹九轉

巢經巢詩集卷二

七

留湘佩內妹

欲歸何事眞無說飲過昌蒲不汝留笑待明年方見汝
明年又識果來不

山中雜詩四首

綠樹成陰盡手栽量枝數葉日徘徊夜深屢下風婆拜
爲有護花一朶開
萬事無心早閉關慈雲依映嬾雲閒夢中悔送朝暉過
守著斜陽尙滿山
絕憐烏子無朝暮飛去飛來桂樹閒不似羣鴉止貪飽
直須日落始知還

經旬積雨雞不鳴路斷何人裹飯行惟有瑤琴伴桑戶
鼓來猶是舊時聲

上屋左山頂

攜子攀援偶臨虛眺望遠山陰見日高樹靜聞風玉
黍連郵熟金杭壓陌同兒乎知飽飯可不叫門東

山居夏晚

已下甲午

雨散暮天青餘光照遠汀草堂朝蝙蝠瓜架織蜻蜒晚
飯依花歇林風入酒醒閒情更無暇兒女上池亭

午起

瑟瑟青瑤簟蕭蕭白石簷何因能再夢佳味久回甘雨

真經集詩集卷二

三

過蟬鳴急池生鴨浴貪物情共清暇無語對遙嵐

庭樹

昔余種樹時意使蔽庭日蔭成繞檐戶乃覺似居室隨
時各舍花無心復結實夜涼壁上影靜其人抱膝雖辭
晝閒日永礙初上月人事甯可兼此得彼亦失自然發
淡心陰陰亂蟲唧

書唐敬亭

惟安

先生指畫鷹

窮巖颯颯生迴風角鷹乃據高堂中側睛下視幾萬丈
殺氣所透天爲空眼前狐狸伏蒿蓬我無快劍搜其蒙
玉爪金眸亦望視嗟爾奇才空自雄

檢外祖黎靜圃安理府君文稿感成

八股行海內於今五百祀子弟爲學問富貴當券紙是
於古制作未便克均峙自有歸唐與揚馬不敢恥下迄
崇禎未能輩運礪砥小技誠未尊大醇亦無幾元氣入
我朝鍾陵實巨指韓張有天授蘇聖忘排比繼起百
年間亦莫不深樞後生貪巧捷轉販競相市盜笛吹宮
商截朽飾丹紫玉尺亦已亾各以意憎喜古云經大義
母乃不若是惟昔外王父孝友發屯否多能出少賤此
事特深至出入對偶法鈞提古先髓食時可百篇占授
嬾自紀平生多閱歷曾不挂屑齒文亦殺鋒稜百鍊化

真經集詩集卷二

古

繞指老手林汲翁見之歎無已謂是有根本更無熾可
抵祿位惜不償老飲仰泉水呼毋來從居日已歸故梓
公以鄉舉令長山四載告歸嘉慶己卯珍始
自天旺依公斤竹溪上公年已六十九矣七十老孟
公處置到雞豕三日一來過瑣瑣身料理此義今則無
死或不相視固知有言者天性厚如此當時我童幼頑
狀頑難似先生撫而笑孺子盍楚捶耕稼儻有人學成
儘堪俟此後執經來請業吾語爾朽質不易鑄而公行
病矣陽厥見俠瘦繞頸若珠纍無知尙肆姐持冊前問
字先生不揮去曰居待吾起力疾爲指說聲轟所憑几
想見仁人心何嘗知有死回首十六年面命猶在耳兒

長業日荒欲言自先蔥司馬有遺文傳布竟誰事臨風
一撫額高山悵予歧既以負先生又以負母氏所欲非
得爲永慚盧東里

過海龍岡

固上風雲繞夜郎異時龍鳳此荒唐王師八道從天下
鎮服千年掃地亾蒙業若教思察价世州何遠後岑黃
匆匆立馬空畱望新瀾荒厓盡夕陽

寄遠

美人夜起梅花底身載梅花渡江水四天尋徧不相聞
遙認寒鐙九萬里柔腸牽引不禁愁暗有銅仙涕淚流

巢經巢詩集卷二

圭

多情賴得徒相憶若便相逢盡白頭

至息烽喜得大雨

濕雲掩過龍場城日脚照見雨似繩山腰婦女荷鋤下
歸牛返豕紛縱橫我行亦覺兩脰速打笠已聽千杖鏗
街中大小齊拍手雨喧人贊同匄匄向來定廣二州米
仰食北至烏江亭去年無禾亦無麥轉販遠取遵義杭
山農力苦待秋實望望禾黍就槁莖百錢不買一升米
路奪市攘成亂萌近聞守土力和糶義倉春盡開常平
古來和暫不和久貴粟原自非民情官藏未敵民萬一
官竭可禁民踊騰十日不雨即不濟至患豈獨愁書生

皇天一澤甚容易比戶勝貽金滿籬已見瓜蔬長鄰圃
可卜良苗秋壓膝前途田水定溢路決決市渠中夜鳴
月涼蚊靜足甘寢旅宿不寐看殘鐙

六月二十晨雨大降

望雨終宵三四起雨來侵曉卻安眠已知比戶皆回命
暗悔前朝易怨天官糶雖輕無此飽帝心稍轉即豐年
翻悲昨見橫渠瘠不緩須臾死道邊

出威清門繞城而西邨景可愛

郭外自然好不謂過所懷久與邨野別頓覺耳目開
巒有登陟渠沼亦縈回荷芰夾田徑瓜壺葢蒹柴清風

巢經巢詩集卷二

夫

偶然度綠影不可措久行不逢人俯仰興轉佳白雲澹
晴色草樹陰徐來念我巢中居延企西城隈

雪厓洞

秋風吹衣巾飄然墮即壑溪流洞門白雲樹頭落昔
聞回道入於此駐黃鶴日暮待不來含情下高閣

招張子佩

世儒談六經孔子手刪正安知口所讀皆屬康成定念
昔諸大師翊翊守殘賸微公集厥成吾道何由徑眾流
滙北海乃洗秦灰淨師法千年來儒者各涵泳未聞道
學名自見忠孝競程朱應運生力能剖其孕格致豈冥

悟祖周實郊鄭俗士不讀書取便談性命開卷不識字
何緣見孔孟頽波及前朝儒號多佛性季世略稽古小
悟非大醒絕學興 皇朝談經一何盛願閻實開宗醇
博亦莫更後起復宏暢賈孔如且敬近來經韻翁照古
有全鏡帝遺明六書羣碩莫敢爭更得盧王輩精識逸
乎負願惟十數公爛誦不計乘其於漢前籍字字經鞠
證精能固殊尤細心亦天性直聳高密堂上與日月併
我無能為役自覺此身刺思傷先人牆操戈助攻并諸
老啟旌門後至許同盟逝將及今去神血幾何凝眷言
念我友短小悍而橫招君執桴來助我鼓聲勁無爲百

巢經巢詩集卷二

七

年內齷齪守貧病

霜曉過禹門寺

溪上寒生骨行行手自磨萍紅知鴨路水暗認魚窠石
澄蒼苔古山門落葉多未應禪宿盡鐘梵共蹉跎

無事到郡遊三日二首

入城恥人見入店愁主惱朝飯熟未與夜鐙續還曉默
默但遊寢與語殊不了客似無一識來者盡頭掉勸客
衣而冠何家不堪造渠門多貴人無我未爲少我亦未
用彼敬謝不相翫

莫五似裴迪逸然清妙機喜讀不急書堆桮亂不齊興

來卽相過談諧無町畦清聖或終朝不避子與妻黃花
長於人色勝金盃稔告我春種時親送斤竹溪大笑此
言信勞君十糞齋我言亦妄耳子試妄聽奚

巢經巢詩集卷第二

巢經巢詩集卷二

六

巢經巢詩集卷第三

遵義 鄭 珍 子尹

古今詩共七十首

渡桶口

門前溪水如奔馬流入烏江到此津我向津頭問江水
朝來應見白頭人

安化道中

崎嶇安化道甚似歷蠶叢天半負棉白人頭懸石紅竿
船筒米飯販運道思銅者率以扇杉僻牯牛風山中風
為破俗謂漸起殊鄉歎艱塗况未窮

巢經巢詩集卷三

偏崖

未到偏崖時心欲尋別路既過偏崖時行行屢回顧

曉登銅崖

一百八灘經過盡披衣曉起踏銅崖雙江一碧渺然去
孤嶼中流無限佳水氣昏昏迷雉堞人煙穰穰鬪魚鮓
山川自古征蠻地博得登臨寫壯懷

銅仁江舟中雜詩六首

江行無百里江景已多更問地難為字經灘不計名敗
牀眠白鯉疎塢出黃橙欲識銅仁近奇山滿眼生
漸見寒流闊居人兩岸分潭光清漏石山影綠搖雲漁

得沙頭訊炊香忙尾問向來風味熟惆悵但離羣

銅舟三日慣快若鳥輕鈔詩待灘平寫書緣境勝拋生

薪常失飪寒菜旋充庖道里時相問黔荆路已交

蛟龍非獲罪風水自無猜朝夢同炊熟晨舟隔縣開江

鳴知雨到鴨語覺邨來半起先勞謝問鷗候岸隈

爛石通緯路荒塘落埃泥潮收沙露尾漿過水生臍魚

翠開開立鳩青閃閃低勞生慚對汝方憶漆園妻

景色辰陽變風煙夢澤通山平趨落地江遠欲吞空曠

岸一庵白晴砧雙婦紅狂歌仍入楚陳爪歎泥鴻

明月池寄鄧湘皋顯鶴詩老

巢經巢詩集卷三

二

鄧子詩才妙天下不見風流今幾年長沙日落渺何處

繫馬堂階應醉眠明月池頭苦相望孤舟江上但寒煙

得書僮遇長安使折取梅花寄歲前

武陵燒書歎并序

十二月朔泊桃源夜半舩破水沒半船翌抵武陵
啟箱篋皆透漬烘書三晝夜凡前所鈔述者或燒
或焦半成殘稿為之浩歎

烘書之情何所似有如老翁撫病子心知元氣不可復
但求無死斯足矣書燒之時又何其有如慈父怒啼兒
恨死擲去不回顧徐徐復自摩撫之此情自癡還自笑

心血既乾轉煩惱上壽八十能幾何爲爾所累何其多
公安

可哭公安縣沉災竟四年萬家何處去諸賦暫時蠲魚
鼈蟠廬墓舟筒當土田更堪問邑長歲剩百千緡

松滋

松滋前決口間尙駐工官四載已云久一隄如此難春
江甯禁漲遺戶得無殫寄語修防吏盤飧爾固安

傷歌行二首襄城除日作

男兒生世閒窮達有命不自由黃金便使高北斗能衣
晏子幾狐裘拂塵下馬御馬鞍舉盃自勸歌路難路誠

巢經巢詩集卷三

三

難莫復怪故山兒女豈不佳斲雪斫冰君自變

一夕復一夕一朝復一朝朝夕遞相送歲盡何必在今
宵噫乎歲如江上之波我如中流之石抵盪磨來波去
浪渺無盡石行泐矣當奈何酒盃融融吾畱六龍六龍
不畱我心苦夜半高歌淚如雨

元旦石固

已下乙未

大驄南畔午停舟小澗東頭步寫憂並路牽衣兒有母
望鄉遮眼樹無讎銀旛士女王正月落日河山古豫州
孤迥天涯正悽絕誰家歲盞擁高樓

人日度榮澤口

黃流滾滾自天來夜斬層冰曉楫催廣武山頭初日上
大梁城北亂雲開親心逐子前年度遊轍何時此濟回
多謝河公好看客安瀾空望古今才

邯鄲

盡說邯鄲歌舞場客車停處草遮牆少年老去才人嫁
獨對春城看夕陽

湯陰謁岳祠

蕩陰城東喬木寒下馬岳祠瞻表桓悵望公生一酒淚
蕭條雨歇獨憑欄長城道濟才無媿異姓汾陽福竟難
更苦西鄰有冤聖請歌文操慰忠肝

巢經巢詩集卷三

四

經嵇侍中祠

碧血飄零雲鳥悲雪中憑軾弔荒祠似聞叔夜冤魂語
不及王儀尙有兒

望蘇門懷孫鍾元先生

積雪高寒見夏峰百泉知傍草堂松鸞皇嘯斷無消息
誰念塗窮哭嗣宗

謁比干墓

墓禽知敬久無音樵採含悽遠不侵氣共微箕存祖社
魂傷姬孔表岡林千秋死諫無公酷半日句畱望古溪
壟畔請攜卷石去按閭時見昔年心

一石與心絕
肖持以歸

南陽道中

先車雨過塵方少未夏邨明望不遮林脚天光如野水
麥頭風燄度晴沙春當上已猶無燕地近南都漸有花
晝睡十分今減半為畱雙眼對芳華

宿潁橋

我行古潁谷慨懷潁封人當日君臣直兒戲許以純孝
殊不倫鄭莊能使祭足謝中肩豈有見生母必欲及黃
泉人臣格非有正道教君遂過烏得賢寤生既不孝者
叔復不忠不忠遺母羹不孝將毋同

三月初十沙洋

巢經巢詩集卷三

五

漢水東南流奔浪日夜急機舟感今日吾年倏三十兒
女齊送我老路從此入精力更幾何前去正難執且樂
現前得買酒沙洋集

自沙洋步至黃家林就舟二十里邨景佳絕

欲就東湖船先舍漢津漿隔岸知境異越隄果幽爽春
草碧淺淺新樹團益益鳩鳴宿雨餘人耕舊墟上秀圃
蔥薤花小橋沒菰蔣麥深不見人時聞輓車響傍道多
草舍老翁聚三兩偶憩知餽茗味惡誠足享北來厭塵
沙茲景勞夢想緩步殊未久舟已叢芮榜清謠煙水閒
餘歡獨攜往

網籬行 并序

公安五年水民食於漁而居稍高地其種菜即以
敗網為籬亦奇觀也

公安民田入水底不生五穀生魚子居人結網作耒耜
耕水得魚如得米高田魚落田反蕪生魚之地變生蔬
網亦從之變其用環蔥繞芥如圍魚以蔬佐魚生已廢
以網作籬還詫目苟且窮算得新創何遽絲乃不如竹
蔬花蔟蔟蔬葉披貓戲網中雞隔窺想見鷓鴣與獮獺
出入籬際驅魚時不愁網破籬無補但懼水反魚游圃
此時籬倒蔬亦無頓頓餐魚奈何許

巢經巢詩集卷三

六

已過武陵

記我出都門榆柳未知春行得山水綠望家如隔鄰隔
鄰未即到人情覺已親匪獨人情親我亦愛我身萬里
雖無功生存還二人風水見憐我雲日亦相因監沅已
去眼幾日銅江濱在遠止知歸家近始念貧預愁小兒
女不解諒苦辛入門索包裹惻惻傷吾仁

望鄉吟

一灘高五尺十灘高五丈行盡銅溪四百灘銅厓應當
白雲上厓上還有千萬山一重高出一重顛待到銅厓
望鄉國始似從此看雲閉山高如梯水如箭到家早晚

櫻桃綻心隨飛鳥去悠悠白髮紅綳眼中見萬里真成一夢游茗山重認雨中舟桐花落盡春風老杜宇催人望白頭

辰溪縣北三十里許水東岸皆峭壁猿鳥所不到其上有樓閣關楯箱匣之屬曰僊人巖其石斑如狗迹者曰狗足巖其西岸蒼厓界白蜿蜒斜上如龍狀者曰白龍巖俱奇譎可翫舟行經此戲爲之詩

神僊愛樓居亦復喜峭僻辰陽山水窟上古斲人跡僊者忘其名於此結靈宅下映百丈潭上接千仞壁朝服

巢經巢詩集卷三

七

砂五色暮食菲三脊潭中白龍子時時受餘液不知幾千載僊眷有分析廣構嵌穴閒幾至無剩隙此時盤瓠氏子孫正昌熾名山出帝賜荒巖任游息一朝驚見人奔赴急欲辭泗水不沒鼻踏厓如履席亂去汗石花吹聲入空碧僊者謂行乎羣犬勢已逼寶劍不及攜丹經不及匿舉室盡飛昇諸物弃狼籍白龍起相從粹上誤觸石尺木爲所傷乾死挂嶄崩元精死不泯一線透巖石君看斗壁上遺跡尙歷歷漫衍作歌詩因之寄桑廳

雪中度吳橋至郡贊

止覺百無路來循夫子牆問門迷入徑冒雪立平岡流

水去不息此身行若忘譙樓燈火見獨自下蒼茫

晨出樂蒙冒雪至郡次東坡江上值雪詩韻寄

唐生

樂蒙城下碑負龜破曉捫讀了不知凍雨濛濛苦無笠半日撲面風逆吹近午雪作如撒粟頃刻集偏眉與鬚枯林沙沙蠶餐葉淺水索索冰溜漸田家盡爲二麥喜大澤可堪行者危里程詫見幾新墾亦有僵倒命若絲行商早宿釋荷擔野店閉門無所爲最有移民可憐懸十五五相攜持涕垂入口不得拭齒牙瘳瘳風戰肌壯男忍負頭上女少婦就乳擔中兒老翁病嫗呻且走

巢經巢詩集卷三

八

欲至他國知何時爾守爾令甯見此深堂密室方垂幃羊羔酒香紫駝熟房中美人爭獻姿鹽絮尖又自矜飾親訣幕贊紛淋漓樂者自樂苦自苦何由畫此陳丹墀我今凍餒亦交迫破帽遮首單衣披臘盡不歸飽妻子荒山足繭愁奔馳平生大言不自報豈料皆成無當卮入城耿耿卧不寐民生家計愁心隨唐生卧雪祗不見見我此吟當和之

追寄莫五北上

重安江前雪映天知君此時到其閒兩夫舁之擔一肩荒荒瑟瑟山復山子行十日我西還播城雪夜雨似綿

以吾念子衣枕寒知子於吾亦懸懸人事乖迕堪浩歎
隔六十里乃天淵舊約送子意頗繇既去矣復從何言
少年科第世俗便一日聲名即聖賢子兮織錦古斑斑
媚世復解瀆牡丹又始弱冠誰不妍金門玉堂無子艱
念我才具未老堅論獻遠媿鼠賈班折腰屈膝又所難
自計豈能事上官雖云汝墳迫周磐密縫之心亦可憐
取彼償此心已酸况又未操必得權吾以此乃今閉關
縱有貴命甯弃指父母俱存兄弟全癡兒問字妻紡棉
詎免身勞心以安但無遠別吾終焉子今借計趨春官
歷鍊駿骨閱山川河聲嶽色浩漫漫吞納胸中同鬱盤

巢經集詩集卷三

九

獨慨宿學近頗慳罕聚輦散若煙阮臺程二老海
內觀子往謁之問淵源必有告子乎勉旃高堂雖老健
加餐長昆弱弟善承顏及茲餘暉快著鞭木天固有君
舊瓊然止藉此爲親歡得意慎勿受所牽明年馳傳歸
白田阿爺攜子笑欲頤阿孃撫子衣錦鮮孺人見子屏
風邊我從山中繫行纏秋堂與子對牀眠聽子聞見勝
今年作詩一笑隨風傳

適滇卻寄子行

子俞五兩弟

已下丙申

冠雞非難得惟獨乃鍾變踽踽白兔子吾思何能貸日
者昔語我子限一星帶看來兩不育此語信著蔡念我

門祚薄麟鳳非所載或者瘠土中獨苗可望大今來不
吾教渠母料能代但恐性一傷稍大便難差端須提宗
印使之自小佩上稱宣尼說下稱程朱話

白水瀑布

斷巖千尺無去處銀河欲轉上天去水仙大笑且莫莫
恰好借渠寫吾樂九龍浴佛雪照天五劍挂壁霜冰去
山美人乳花玉胸滑神女佩帶珠囊翻文章之妙避直
露自半以下成霏煙銀虹墮影飲欲壑天馬無聲下神
淵沫塵破散湯沸鼎潭日蕩漾金鎔盤白水瀑布信奇
絕占斷黔中山水窟世無蘇李兩謫仙江月海風誰解

巢經集詩集卷三

十

說春風吹上觀瀑亭高巖溪谷恍曾經手挹清泠洗凡
耳所不同心如白水

自郎岱宿毛口

晨登打鐵關下見拉幫塘行至拉幫見拉當虛空鳥道
四里強路若躡挂百盤腸人行如狗盡日忙落日盤江
出脚底仰視早行臭尖耳我投旅宿憊欲死擔丁昇夫
更何似把盃大笑何所圖下山且爾歸何如山妻徒憶
知得無

自毛口宿花壩

盤江在枕下伸脚欲踏河塘埃毛口對岸即河塘湖曉
流渡江至之已十里

聞花烟子規啼暮踏花烟口已瘦問君道近行何遲道
果非遠我非遲君試親行當自知此道如讀昌黎之文
少陵詩眼著一句見一句未來都非夷所思雲木相連
到忽斷初在眼前行轉遠當年止求徑路通問殺行人
渠不管忽思怒馬驅中州一目千里恣所游安得便馳
道挺挺大柳行邊飯蔥餅荒山惜此江湖影

游清溪洞書石上二首

欲問老回今昔緣碧霄如夢夢如煙麻姑已嫁方平老
知住華陽更幾年

洞門久望松陰迴溪水自流花自開儘便得歸便歸去

其經詩集卷三

七

不須定待鶴飛來

平夷生

今年歲丙申今日月初十年是母生生日是我生日我
年已三十母壽六十一母老兒亦老兒悲何由說半世
求祿心甘爲古人拙負母一生力枯我十年血維母天
地眼責命不責術但毋得如此又敢自暇逸千秋非所
知兒死此事畢

之卑浙廠道中

白裕衣當暖翠侵紅泥路入箐雲深松秧徧地生如草
石炭隨山有當林蠶豆香濃非故國馬頭春暮動歸心

愁看落日停鞭處晚飯妻兒語樹陰

月夜誦山谷江湖吞天之作感次其韻

磨骨養腸胃賣舌攤唇口俯仰同枯槁机肉隨薄厚計
來真自苦誰逼君浪走上牀無錦褐下腹孰羔韭身世
一窮了何者更掣肘挽畦羹淖糜縉澤貫楊柳夕偃心
太平朝游大垂手怡聲問翁媪正色對親友陶公亦後
覺持身易五斗安知公田秫中有惡獅吼靜念發溪省
窗月正相守欲持山谷詩歸謀東坡婦衣食端須幾百
詠當飲酒

端午念阿非

其經詩集卷三

七

入戶桃陰夕照移久看蒲糲念嬌兒魯論半部應成誦
渠毋前朝早任嬉嫩綠胡孫高踞臂雄黃王字大通眉
鄉俗綴五色絲於兒眉上謂可鳳仙籬側瓜棚畔料
稀痘以雄黃畫兒頭面謂辟疥云

讀日知錄

顧公宰相才老得忠孝名以言救天下不期當時行大
運自秦來治具幾紛更元元萬古胸利病如列星傳來
二百年考資丐儒生或非著書意掩卷三涕零

自露益出宣威入東川

出衙更似居衙苦愁事堪當異事徵逢樹便停邨便宿

與牛同寢豕同興昨宵蚤會今宵蚤前路蠅迎後路蠅
任詡東坡渡東海東川若到看公能

山行

路出盤江所濫觴萬山無主夕陽荒肩輿冷瘦尋邨遠
石氣青紅過雨涼國陋翻宜叢檜大路難方覺苦莖香
窮塗未倦平生意欲採閒花種夜郎

經行一路皆地廣大而民稀且窮官斯土者自
中原來對此荒荒靡不愁鬱期滿秩遷去將終
不能富庶也慨然賦此

日南九郡弃非圖滇土何堪任曠蕪龍亦有家思參御

巢經巢詩集卷三

圭

豬皆名海占膏腴水也但看挿檜俱成樹何不宜桑獨
少襦寄語邦君身已到未應愁歎了官租

者海鉛廠三首

我何適茲土忽忽忘其方如入裸人國善游文士場奇
懷想不到異俗窮堪傷久對翻疑夢草山墮渺茫
無斯煎熾利鬼亦掉頭還墨井人聲底爐場夕照開百
年無樹影孤皺是灰山誰識荒荒頂飛鴻爪自閒
龜甬邊爐宿煤丁倚石炊妻兒閒待養喬罐死猶隨鉛
許死多以廢鐘磬視之如蜂房然物力祗斯數
生涯能幾時年年南北運不見窮山悲

廠山晚望

天青涼涼山暮環餘映未盡血殷殷碧雲四合曠無底
白鳥一雙歸正閒雪嶺寒光蕩東巖夜郎遠影連西巖
荒岡插脚竟何事風土歲時俱可還

送黎子元

在城舅自平夷歸里

送公遠至雙穗橋在城白雲不動心飄搖仰天揮手一
長歎萬山無語風蕭蕭時難不作十全計要公歸家相
料理我甯飢餓不出門若負此心有如水

中秋飲韓仲山學博官舍

韓博士家多美竹孔宣公宅有高楼荒城勝賞無他去

巢經巢詩集卷三

圭

此夕清狂可自由著我樓頭看皓月借君竹下過中秋
銜盃却憶巴陵夜一點團山萬里愁

寄荅莫五

南北二萬里得歸便可喜止當看山來名心淡如洗君
才不一世君心有竊比水母目濛濛焉識長鯨事何必
說高言不入里人耳自非此病藥因讓洩勃使且吾觀
古賢誰能不被飢金待百鍊柔木要九杓美安知屢摧
挫學問不在此邇來吳橋上樞塵光玳玳左對而右弄
弟妹繞肩背朝會小齋食夜温北堂被開來擁寒瓊鉛
槩伴鍼帶富貴誠無權茲豈不足恃俗兒那可道追躡

若奔蟻神血先未凝尸蟲食其髓可憐負當年贏作昏
昏鬼念此聳毛骨百年固無幾父母七尺軀責備塞天
地區區一科目真不與榮靡我今老復懶貧賤不自耻
瀾浪適平夷半載絆鹽米叔夜本無益把搔不自已數
月斷家書鄉夢亂難理未識今年秋溪田有收否又未
識家人御冬作何計阿卯出門時論語讀數紙至今知
所誦曾否到孟子悠悠我之思腸中轉輪似如何接君
書亦復窮爾爾下無縱袴襦上無奉甘旨吾儕儻定窮
理也奈何彼子貧且在家我貧更客裏客裏貧轉甚春
衣今未褫日夕數來店弟輩默以俟擬得一個來茲事

真經集詩卷三

五

有人庀依然滿篋書隨渡烏盤水攜手慰離索一笑愁
城圯翻甕飽黃齋冷尋紅葉寺更當出秘籍共讀梅花
底

平夷驛馬祖祠下柏將圻矣命伐之其擁樹諸

石不忍他弃遂移作假山於祠後庭

平生夢石心惟有石始知兩脚踏荒城苔岑悲索離誰
謂補天具日見乃忽之含笑抱之進馬卒俱暗嗤世有
非常原固無怪汝疑茶夫小兒手指意任所爲妙在不
經心遂與巖壑期峰巒有重複嵌竇亦生姿果然慚所
欲百繞未覺疲誰爲後來者聊樂某在斯

游玉真觀

道人門內四立壁道人門外三朶花門前卽是北歸路
何因游子不思家

八日嵩明道中二首 巳下丁酉

果園河口牛肝哨看到楊林無限情客去門牛齧草送
女歸籬樹帶花迎

茜紅袖袂雪白巾拜年女兒嬌上春楊林海邊滿花樹
土主山頭皆醉人

次楊林晚望

山頭日白氣荒迷曠望溝塍盡大隄馬過一風塵路去

真經集詩卷三

六

春歸七日辦花齊衣冠蒙部新年裏煙樹嵩明小海西

莫問舊時翻震事萬頭赤子爛如泥謂癸巳七月
地震奇災

望昆明

昆池一望渺煙波歎息蟲沙百戰過七姓氣銷明傅沐

九真雲擁漢山河蒼蒼樗木烏盤路黯黯阿奴吐嚙歌

金影碧儀消蕩盡太平春事荷鋤多

歸化寺看山茶

小花團團火齊珠大花軒軒紅盤盃高花燒天天爲枯
低花照地地爲朱丹霞大帝御花國氣象想見唐與虞
沐日浴月爛百寶春風沖融元氣蘊蕩蕩海天照金碧

山門檜柏排千夫我來看花適正月更有小妹相攜扶
眼迷不認一切佛興熱欲返巢經廬口談樹高向母贊
指形花大爲毋娛但恐此景未親見齒芬而言終謂誣
題花要令現紙上正爲此花天下無吁嗟此花天下無

過紫雲庵看梅

雲南梅花不值錢成林乃在紫雲庵暮到滇城朝即探
美人在林真不諳當關一枝兀放入鵲不及報呼之三
簪斜鬢墜盡驚起乍見情疎如有慚同是蠶服亂頭性
氣味一親神已酣興濃不覺對花歎我本無事須來南
止爲君等挂人意不一粗省心不甘句留計止十日事

巢經巢詩集卷三

七

看山願了回歸驂路長人老那再到便此捨去情何堪
明須更謁老梅祖愁心先過黑龍潭

遂過圓通寺登補陀巖

熏香梅花林往聽海潮音大士無語印以心補陀山高
海深深登高臨風望鄉國似到蓬萊方壺之絕巒忽訝
何時身已仙老親稚子拋不得失聲一呼落羽翼胡僧
在旁俯長眉知我多情不可醫笑指海天認歸鶴雲白
山青無盡時

汎昆明池至近華浦登大觀樓

雲南正月半楊柳青滿湖浮舟出郡郭迢然如畫圖汪

汪千頃波晴沙暢平鋪和風弄舞燕微瀾漾浮鳧赤脚
兩槳女妙稱櫂散徒踏舫唱小海浩氣凌八區沐氏舊
西園宛在似蓬壺早樹發初綠粉牆明精廬諸漁集門
曲幽清無鳥呼何人構層樓倒映水府居憑闌縱周眺
心目乃以舒羣山從北來柘城煙有無九十九水實足
錘十萬夫夕陽轉西山巖觀正模糊何處昆陽州風帆
盡南趨俯仰一盃酒襟懷千載餘霸業垂掃盡蒼茫留
此瀟海風逆黃鶴思便朝清都弟妹各牽衣白雲不可
呼長嘯動歸橈月上東城隅

二月初八日攜舅家弟妹重上大觀樓

巢經巢詩集卷三

六

纔知天以病句留要令重來登此樓明日板橋鐙影下
海天如夢水悠悠

宿普定却寄雪樓舅新平四首

蠕蠕此毛骨靜念夫爲誰若無異乎物於彼何等差蟠
桃有美實千載誰與期力不及子孫聊謀一日炊
少小諸兒中舅氏謂可語耕種亟失時厥咎甯在雨感
公父母心猶念媒此女久無飛鳴想麤蠶况能舞
一載平夷城兩石平夷穀刷龜不成瓊懸鱸呼樹木以
道義掌
院歸
念公更南去老別情舐犢勢固難相從何時當
來復

抱癰不忍割全外而潰裏我觀麒檀場似無一足恃萬
鍼事履底落地即汗滓明月四更頭私心欲如此

巢經巢詩集卷第三

巢經巢詩集卷三

九

巢經巢詩集卷第四

遊義 鄭 珍 子尹

古今詩共五十七首

次韻和郡守平樾峰 懷陳省庵 玉璽 劉研莊

兩前守

貴仕無令名不如不尊顯文官祇憂錢不如為牧翦朝
廷用書生亦曰其言善豈其所讀書到官即收卷治法
止兩端世有幾人闡甚或別刻之傷我枝蹄踣冤乎頌
德碑盍不刻稍淺陳劉兩郡守是誠循吏選遐陬井校
中鼓眾走且喘一滴父母心百年尚神緬劉公實儒者

巢經巢詩集卷四

教不薄窮編至今多能文皆公為梯棧陳公山藹法此

日更繇衍衣食到傭丐金珠滿原嶽大府近請祀於陳
極匪勉我惟此二公並當銘鐘銃劉父陳也毋教養惠

無辨可念在當時肫摯忘軒冕湘川與白田車或日再

轉陳公始教蠶於白田壩此風遂難得未免重絲繭堂

堂平大夫繼畝思舊賦長言發嗟詠此意更加臆世有

明練材囊儉而卷衡寸善將自私誰肯道前典觀公用

意處已足見敷展後來今視昔過之不獨踐企風觀化

成歌德我何覩

樾峰次前韻見贈兼商輯郡志奉荅

男兒生世間當以勲業顯埋頭事章句小夫已翦翦何
况誇文詞更卑無可善居常每念此心若波濤卷百年
大槩見素志未必闕馳車浪奔走日中請息跡獨立天
南頭山高水以淺手攀青松林下瞰兵部選有力誠如
華頗惜氣稍喘遙遙千載心望古神一緬英雄撒手盡
天地頗為福洒淚歎當年終老乘舟棧於飯或未豐道
乃因之衍孔孟日願天豈不照荒嶽以茲頗自信十駕
竭駑勉與公數回見謂我金中銃人實不易知蓋棺始
足辨飾詡太寬怒譬如卯也冕安知定慧光不受剛風
轉願身如晚蠶未知作何繭獨思有此邦昧昧古疆賦

巢經巢詩集卷四

二

公能念圖志山川感嘉腆此雖百和羹成味非一縷父
母苟作文子弟爭緇典地高聲易呼袖長舞方展請遂
導先路茲事有人踐我懷桂慰祖事事皆愧覩

郡署八景次劉研莊前守原韻

軒窗聽鶯

舊識聽鶯處紅窗綠樹開官無畱宿諾鳥與話春山昏
曉一澄聖鍼砭解破顏固知善為政物亦共心閒

山房畱月

月出碧山靜太虛雲盡回開房不寂寞幽影共徘徊夜
好得無客琴餘堪續盃當關慎看戶莫放五更來

橋井飲泉

古盤臨高橋清於曉露酣祝之歌洞酌流出當分甘可
減長公調甯懷吳隱漸貞枝耐霜雪長此蔭澄涵

荷池疏雨

亭池不在外耶壑願無違六月此澄暑一天涼浸衣况
兼荷氣滿更聽雨聲稀聖洗妙明藏蜻蜓都忘歸

虛堂接翠

青山入官府偃蹇高人風羣揖此堂上終朝雲氣中左
招到詩板右攬著書叢落落一峰傲高寒森玉葱

傑閣來青

傑閣憑虛插登臨思邈然萬山浮軟翠雙鳥帶遙天湖
海酒腸兀滄洲吟興懸花源雞犬近曖曖隱蔥谿

真經真詩集卷四

三

古槐臥蔭

何年植斯樹意本取懷人與世留清蔭逃虛卧古春藤
翰貪樾美瘦枕得涼新擾擾勞生夢槐宮此悟真

叢竹浮煙

繞脚森頭玉垂暉仰母慈柔柔多好色靄靄護新枝煙
重梢逾亞陰攢月到遲因君樂晨夕為報素心知

文待詔鳳兮硯歌 并序

硯背銘云紫霞發彩潤涵玉暉鳳兮鳳兮將望寥

二〇八

廓而高飛後識嘉靖甲寅二月玉磬山房製徵剛

銘蓋待詔八十四歲時刻也後歸陳文恭相國其

元孫際昌令桐梓以貽遵義守平公翰余因為作

歌時方以長生無極瓦當試莫五餉墨故及之

郎州太守得片石云是停雲館主鳳兮硯文家舊物三

百年歎息遺珍眼中見我聞二十七硯在當時並寵爭

妍皆異姿曾孫眼枯元血碧鳳兮飄搖何處歸培遠堂

中賴有居亭主太平經國資贊輔大勝先生思想帖出

門即受鈴山汗待詔有唐摹右軍景曜流暉嗟命貧至

今老衲寫梵文待詔流暉現今爾復不為主人辱太守

真經真詩集卷四

四

業與榕門親太守况住姑胥門紅闌舊里相比鄰楚人

矢弓楚人得世閒木落定歸根他年竹嘯軒中訪鸞友

沈歸愚藏待詔高齋硯落落殊翁照胥紐玉磬同時問故寮尙有

音塵無恙否撫今感昔愴我神絕憐八十四歲之老人

心長手軟細鐫刻豈期飛下橫山邨邨文恭公所居兩承已是

麟鸞種何況凡鳥為兒孫鳳兮爾不見按頭大元辟古

篆長生祝無極漢皇不守未央宮何論詞宗一塊石鳳

兮鳳兮爾德終不衰吾歌正不為爾一石悲橫來

追和程春海先生橡繭十詠原韻

我亦念井田此世生已遲天與地商量遣蠶飼爾絲樹

是古時樹爲要今人爲急種莫窮待三年當見之種樹

春寒四十五人繭暖窩裏人既忘其寒蛹亦醒思起蠶

事爭此關火力謹相視譬如胎教疎百病從之始種

誰能妻不衣誰能兒不哺都仰蠶腹錢那避山中露得蠶

不辛苦得即得神亦妒春山九十朝報君以紈素蠶

君穀熟田中我蠶熟山顛熟時兩通易豐歉情相連書蠶

要秋日小夜須秋月娟天解人願從我腹定果然蠶

蠶豈得已亦復因飢寒祇此萬頭蟲爾飽我則難繫蠶

頭有排索繫足有機竿非我能陷子天教入其閒蠶

筐載似纏負蠕蠕緣不禁後時要爾養肯謂恩勤深不蠶

巢經巢詩集卷四

五

知家已移食飽眠於林蠶乎我誠苦待兒無此心枝

同命蹈湯火吾憐蠶此時要爲世衣被不爾安得治所枝

求補生民可憫不在斯我觀古仁人用心如見其煮

今日機杼地舊時空破屋織師有手訣可授不可讀歲煮

織千萬端遠散侯甸服勸君毋作偽作偽天不穀機

榘之用於古木薪實以阜一經發全能遂令窮郡飽辨機

土劑利害草木乃皆寶敬告異邦君死法要活草利

生爲窮陬民如未得父賞千方獲小利又索眞苦兒堂無

堂永不稅楔此三字楣不無桑宏羊詠言請深思永

行至靜懷莊寄家不

行至靜懷莊寄家

秋山送客影蕭蕭落拓吟魂不可招郵店雨來天欲晚

行人方度杏花橋

鄉舉與燕上中丞賀耦庚長齡先生

文學無貴賤師弟有因緣當公領解日我始雙鬢懸公

名麗中外孺子心已箋時從鄉先達一問慶歷賢有如

泥憶雲何人識肫頤旌花照黔服草木增華鮮下士懸

勢分呼來待之前呂鑿受薰浴始見韓門全手贈擘經

書謂我能終篇念自束髮來抱遺望古先意薄言鸚鵡

力遂忘其辱我朝盛明經諸老起接肩閭胡奮前菲江

戴持中權六經有實義大師非漢偏皇皇一代學足破

巢經巢詩集卷四

六

諸子禪何言毋斂生得淑浹長傳千金學屠龍用志良

亦專但恐歲月逝蕪穢愁芳荃因公庶有就不致中道

捐又苦念窮蹇力削此腫卷白袍五千士詎少萬選錢

已分鼻懸投竟呼魚與牽居然如巨鼈鼻承羣仙鉤

楹預禮禮清策閒朱絃國家作人意寓此賓之筵今日

所厚醴異時待敷宣豈其以筐篚慰爾窮青瑣念此自

慚顧中心如沸煎未舉怨時命實成人舍旃一朝落人

獲依然驕莠田不獨羞世士抑豈無懼焉科目正難稱

炊沙何足餽惟山見五岳惟水觀九川塵滴乞沾丐期

無負當年

無負當年

完末場卷矮屋無聊成詩數十韻揭曉後因續成之

我亦胡不足而必求科名名成得美仕豈遂貴此生十年弃制蕪汗漫窺六經友串妄稱譽謂我手筆精安知公等長真非余所能所以來試者亦復有至情父母兩忠厚辛苦自夙嬰一編持授我望我有所成未盡無所成而世以此輕因之忘顏厚自量非不明貴從老親眼見此嬌子榮癡心有弋獲焉知非我丁獨歎少也苦精力遂不撐四更赴轅門聖地眠瞢騰五更隨唱入階誤東西行指眼視達官蠕蠕動兩棖喜賴搜挾手按摩腰

巢經集詩集卷四

七

股醒攜籃仗朋輩許賄親火兵拳卧半邊屋隔舍聞丁丁黃簾自知晚蝸牛喜觀鐙夢醒見題紙細摩壓摺平功令多於題關防映紅青文字如榨膏檠急膏亦傾卷完自嗤笑此又蟲語冰安知上釣鮎突作掉尾鯨自視此窮骨何讓稜等登歸去見兒女誇我頭銜增但愁世上語高文真有靈又愁鄰舍翁故生分別驚寒檠照秋館苦續號蟲聲同硯有良友謂相鑒此欣慨并難與外人言果巖於螟蛉

出門十五日初作詩黔陽郭外三首

近行十幾日祇如旦暮閒遠行十幾日恍若不計年澄

15/1070

澄澗溪流蕩蕩東去船寒風峭白日蕭條異山川高堂一片地一刻數往還顏色隔千里忽然立我前倚蓬久惆悵此意誰復憐入聖長歎息晚炊起寒煙策名公家言其實止求食一飽甯必官吁嗟遠行役思便自此歸輾轉不能得事非盡由己徒念山中石強歌不成歡假卧不安席夢醒覓嬌兒觸手乃船辭我本窗下人胡爲異方客身世難盡言去去自努力記我出門時梅花繞菲亭攜兒聖石上吹笛使酒醒山妻持鐙來大字寫縱橫妹女各袖扇爭書壓吾肱闕闕一宵事不知雞已鳴今朝梅樹下小卓當窗櫺寒日在

巢經集詩集卷四

八

黃葉蕭蕭兒授經讀書究何用祇覺傷人情不學耕亦得看我黔陽城

淑口晏起

想到莫知其處去睡成無可奈何來底綠水石亦煎燭起對沙頭阿濫堆

下灘

前灘風雨來後灘風雨過灘灘若長舌我舟爲之唾岸竹密走陣沙洲圓轉磨指梅呼速看著橘怪相左半語落上巖已向灘脚聖榜師打懶槳篙律遵定課却見上水船去速勝於我入舟將及旬歷此不計箇費日捉急

流險快膽欲憐灘頭心夜歸寫覓強伴和

觀上灘者

絳者尻益高詹諸鈍爬沙篙師跌臙熊又若曝肚蠅一
上復一上舟如緣邊蝦游游競尺寸終見舌勝牙哀哉
水不平民勞致堪嗟萬一纜中斷倒衝甯救邪念昔榜
銅水灘更多於麻裸挽冰雪底髀骨紅赧赧錐刀利能
幾不給半筋奢努力無陽船腰環猶可誇

泊雷尾

清浪灘之脚

醉竈明朝感客思密縫衣已就煩接九溪三浪平安過
欲乞靈鴉報阿嬭

巢經巢詩集卷四

九

度歲澧州寄山中四首

我行三十日至此醴水頭客心念歲盡晚具稍使優遙
憐思子人對食雙淚流勸毋莫淚流兒今飯豐州大盤
登鮎魚小盤鱠絲浮湖鰕點雞子汾釀凝新甌大勝毋
家食菘蕪閒脯脩吁嗟兒亦父心事可自由嗔咽難再
道弃置觀衾稠

弃置難弃置悲端滿天地去年客羅山千里度除歲所
依爲至親親念亦稍慰今宵此一身計集幾雙淚爐邊
有耶孃燈畔多姊妹心心有遠人強歡總無味憶在十
載前舊事已酸吳老懷况愈慈如何淡此際無名親戚

慈名得又反累得失俱可憐傷哉功名事

非卯今夕樂樂到不可名不解憶郎罷但知燒粉蒸守
歲強不卧喧攪至五更班班稍解事鍼縷亦略能頭試
活菴花安排拜新正章章小而嬌其舌甘若錫亦知歲
已盡向毋索珠嬰阿耶十年來慈祥喜淵明青袍誤愚
我殘燈澧州城安得與爾輩叫躍如沸羹今日趁么回
鄉俗以除日集市爲么場假面可市曾卯須張飛胡章也稱鶻鶻還
應篋黃竹預辦鰕鱗燈他年若命來似耶今遠行此樂
便難得徒令涕縱橫愁思無可寄笑調聲淚并
爆竹聲已銷鄰舍亦罷博把盃念吾生飛鳥究何託姿

巢經巢詩集卷四

十

年逝將老精力堊銷鑠學宦亦良策山林固予樂誠恐
爲俗牽遂令一生閤如今倘便決求田事耕鑿盡力得
逢年或勝虛俸薄何必父母身持受達官虐弟輩不更
事望我踐纍若焉知妻妾羞百倍衣食惡且當練勤儉
晚食而早作

樊城感舊

已下戊戌

憶我丙戌年春風三月時駐馬樊仲國渡江恣盤嬉背
載雙葫蘆笑殺襄陽兒興到卽野飲菜花迷大隄尋碑
萬山頂訪古習郁池曉探鹿門去晚度檀溪歸落日三
板船快瀉青琉璃蒼蒼漁梁渡餘映依山陂同袍兩三

人今或宰木鬻當年仲宣樓爲我作生期城頭一揮筆
頃刻千字詩瓠落祇無用成就蒼髯風雪滿天地江
山寂如遺殘紫照顏色小火不上衣豈獨倦游意傷懷
空自知

新野上元

乘駟趨新野挑燈作上元風聲和鐸隱月色帶塵昏
鼓中州樂膝囊蜀客魂夜深無意緒岑寂引孤樽

博望乘月赴裕州

一星長伴月百里悄驅車獨歷羣動表如游天地初霜
嚴鬚暗冰夢碎膽時虛弟輩燈紅底還應倦讀書

巢經巢詩集卷四

七

經葉縣光武廟

閨盡真人起共除舊物歸漢京天再正高廟日同輝業
憶昆陽肇軍仍小沛微星辰臨虎門風雨助龍飛異代
驚雄烈荒煙認故園君臣還寢殿英爽壯斜暉

莫五題僻有不若弄書學劍揚旗萬里封侯句

因和

就外論似不爾如君言亦復佳便脫牛刀相贈待看馬
革歸來

過新鄭

曠莽平原煙樹昏大河東影接遙邨天清馬度茅驄道

日落烏盤桔枳門促促封輶迷歲月駢駢行李老乾坤
三年兩食溱頭店壁上猶餘舊墨痕

出鄭州

終古此深轍長垣似古壕艱難鄭州道百里向成皋峽
窄沙無外車安馬倍勞耕人在天上奔走媿吾曹

渡河

山勢盡回秦塞外河聲直走汴城東長菱積岸連天黑
旭日登艦般地紅歎息中原半財賦消糜歷代幾程功
平成未信煩薪土獨倚檣竿望去鴻

比干墓下作 并序

巢經巢詩集卷四

三

王子於受辛爲叔父當日必有類伊周所爲者獨
夫至剖其心其不悟而痛銜之可想矣周武立殷
後見書傳尙十餘氏於王子僅封其墓覆巢之下
殆無完卵乎

王子骨肉閒力欲醒天夢封墓不及後孥戮知已縱公
且豈異人三笞得賢誦同聖不同福千載有餘痛

過黃梁祠

烏帽黃塵正月尾曉風晴日呂仙祠車中一覺還山夢
正及邨前餅熟時

沙河縣

女牆沙上見此處認沙河落日城猶白迴風野自波路
埋山脚展地走樹頭科巖馬當深轍飢疲奈若何

夜趨邢臺

駟兒苦讓貪朝卧否至邢臺日未斜等是征程何必晝
即投宿處總非家得休便醉姬苴國不到拚眠孟祖車
事事關天隨所去前途休問馬休拋

大風宿滹沱南岸

去年今日天南頭諸弟餞余昆明海上大觀樓海天風
晴滿楊柳百花齊上樓頭酒弱弟牽衣不放歸我道明
歲重來游此池豈知今日遠辭家黃塵塞天不能車滹

巢經巢詩集卷四

三

沱河邊晚呼飯鼻孔封泥沙滿牙舊事淒涼萬餘里酒
酣斫地舞刀起鎧光屋氣皆沙塵綠水青山思殺人

夜趨安肅

寒宵默默卧車茵苦念江皋已仲春恰夢家來忽驚醒
正聞犬吠尙疑真十年不作科名想一墮仍爲牛馬身
鐵遂銅門空露草月中懷往暗傷神

到京即病稍閒偶成

病裏潛消滿面沙欲書一紙寄天涯躊躇已近春三月
却恐身先信到家

病中絕句二首

莫五瑤廠回又回瑤廠路似看銜書鼠寂寂來復去
安排六箇月償足二萬里已過春中間看看到櫻子

得雪樓舅新平書

相望南北半周天此紙何由到眼前出處祇今並難道
滇花薊樹滿愁煙

思親操

人言讀書成名可以顯親我未見爲有益而徒累人自
臘初之俶駕候榆火之已新高堂老淚日不知其幾落
鮮衣游子尙自得平京塵撫暮春兮遠道寫思親之悲
操春田短短兮秧鉞曬水下叱烏牛兮旁隨犢子晨舍

巢經巢詩集卷四

四

炊兮碧煙將以飯兮餉田摘蠶豆而淪藜藿兮起焉早
兮不聞我何爲兮安飽於此都也曰將貢舉而得美官
噫吁嗟兮吾官何處轉蘆溝之水兮曾不一度奪滄漣
兮治我車馬謂倖抱關兮取償於下揆道義已非仁粟
兮矧盜攘莫我肯爲魚銜索其將蠹兮而猶曰待取江
之水也砥虛空已羣笑兮而猶嘽嘽乎謂有味也朝以
思胡來此萬里兮暮中戒而不自知謂識字爲其誤兮
世何得羣哲之鬼鬼貌妍醜各有所好兮曾何若華者
貴而鹽媼之妃不度德而量時兮苟徇人無以持車敗
馬馭其孰怨兮及迷未遠尙徒步而復之亂曰目極桂

樹分翠一山蔚蔥畦兮在溪之干他家有子兮樂團樂
朝出耕兮夕以還乃獨在余兮哽不可言

武陵值盛漲

武陵大如馬江水日益漲夕艤柳樹下朝卧柳梢上不
知何處雨滙此駕天浪九江成一家蛟龍隨收放大聲
天地迴勢欲無湖廣吁嗟平生民何以為俯仰聚族依
寸隄亦或藉尺舫秧蔬埋沙底熟麥奉魚餉漲退亦已
難况爾氣方張憶自公安來強半水逼吭於時未橫溢
吾已為色愴上流今如此彼窳復何望天意殊蒼茫聊
為記災狀

候漲退

朝看水縮寸暮看水縮寸不知高幾丈何日見漲盡篙
槳了無策趁風即稍進或數里而舍或數里而信游子
歎緩程長年怨徒飯青天白日中寂寂一船頓憎聽子
規啼厭看下舟迅岸樹盡相熟枝葉無一紊入蓬壑未
定又出驗水印明知不能纜却怪舫師鈍舫師益氣塞
指水但增恨舊時至武陵視家真覺近茲難如上天聖
令行李困人事非所料於此悟時運

早起上橫石灘

少小慣游歷將老自憂恐睡醒不及晨聽水識灘詢披

衣聖橋下斗怒可勝悚投碓轟風霆撞空走坡壠此下
有橫石舊聞似門踵自古鑿不開天意存罪寵命窮多
所妨庸必神汝重常憂見毋近一瞰喪前勇柁師正足
恃目定膽不聳爭舟出凶濤猶懦諸絳甬在我已堪喜
心如解桔拳

巢經巢詩集卷第五

遵義 鄭 珍 子尹

古今詩共五十二首

月中於斗亭外結松竹梅為棚 已下戊戌

十五五竹到亭與梅月下講縱橫長松聞之高興生
夜走出林來合并梅為梁竹為桷松枝化雲露生幄風
入松竹搖梅主人勸爾各一盃一盃一盃歌入神似聖
陰陰古潭春光如從落潭底滿身驚長黃金鱗停盃
起舞脫巾襪櫻拂管牀淨於雪梁園渴客今倦游請暫
此中度炎熱

巢經巢詩集卷五

舉三女

生與吾同日非男意亦歡慈親誇謝鉢 太孺人 獨子當

陸官愛總中年劇常須汝輩看買山思便隱黃竹種江
干

九日登龍山和樾峰用坡公次蘇伯固袁公濟

兩九日詩韻

萬田收盡識時和岸幘憑虛出薛蘿碧玉簪平諸髻跪
黃金橋瘦亂雲搓關心歲月銷磨易到眼河山感慨多
舊日狼狽今召杜倚天搔首一長歌
漠漠長雲去烏閒愁將佳節付爛斑不持菊下一盃酒

數盡郭東無限山嬌女定顰黃蕊外故人知醉竹溪閒
親春老孟能相對輸與鬚翁新往還

樾峰次前韻以郡志稿重屬仍和道懷

孫作劔羹待絮和高郵脩補費牽蘿 舊志明萬歷壬子
郡守與國孫敏政
義知縣高郵陳瑄重修 圖昏樂得神君洗麻亂愁教
瞽女搓善後事宜終莫備 李化龍平播善 識箴名宿况
無多 前輩陳公懷仁疏識 天荒文獻堪愁絕空負黃雞
白日歌

窮年拮据不開漫詡蓑衣與畫斑 郡有蓑衣虎山地
水豹見居易錄

賴桑經求繒部水須班志定狼山游心上下職方氏搔

巢經巢詩集卷五

首西南天地間寄語邦人莫金玉懷鉛相待餽芻還

次韻寄張子佩威寧

阻雨不能去默默手拄頰慨然念美人遠在八仙海平
生兄弟間爾能不受給短小清瘦姿一忤去若浼昨別
當仲秋今又斗建亥如何不思爾入夢夜每每聞得賢
主人不以寒士待人生但如此作客亦未猥欲識吾何
為言之增磊塊天生可憎面未語先得罪惟爾能我知
散木究何癩比來平播州禮士即自隗呼掃聽鶯軒郡
乘屬修改城東有莫五為人不懼餒能來助搜討使我
免疲殆茲事誠有成山川一生采勝維肩百鈞止覺戰

搖腿念為此邦士文獻當有在區區著書俸是豈所以
 乃兩親喜俱存霜鬢白皚皚既媿無厚養又負日戲綵
 耶已誦五經而年整七載我生信無用此輩鍾望倍庭
 教苦不得才否聽主宰諸郎今若何花實貴堪採尊慈
 知益衰定省要無怠不飽亦可歸遠游恐易悔爾我此
 則同一刻千金賄儻閒念過我書來先設醢

得玉屏簫二閒輒與方仲堅 鳴之樾峰以詩
 戲贈次韻和荅

履行或印足陸居或無屋淵明琴不絃長統氣為軸但
 得此簫趣何勞問其目飽吹蒸成菌餓吹口生竹我誠

巢經巢詩集卷五

三

非瞽矇自無論聲曲方翁有緣習老去懷弄玉邇來漸
 入調未免傷太樸手口止自贊古味何勿穆一聲魚出
 聽兩聲雉登木瓦雀踰踰來何讓鳳凰逐不謂公亦賞
 遇人似太淑由來天籟元不在五四六僧虔強解事標
 別作技錄天地有大樂象德備鹽豉何當聽醯奏共饜
 蕙厨肉

郡教授獨山莫猶人 與儔 先生七十六壽詩

靈光巍然倚橫宮獨見老輩之遺風鎮世衣冠蕩擗盡
 我從先生聞始終石君偉人古名相雅存曉嵐真學宗
 祇今不獨少此老見者亦止三數公春海丈人在南嶽

昔年剪燭譚羣雄恨我不見王懷祖復不及覩覃溪翁
 為余生晚再三歎春海又化吾真窮先生舊是王吉士
 曾拜諸老當乾隆史公不稱牛走物孔子廟堂甯鞠躬
 陽五已作古人視不知鼻息猶如龍時時攜我說前哲
 文章品業氣勃蓬使我眉間有生氣造次欲捕天馬踪
 世人解艷大官耳安知此道非窮通先生阿五南國雪
 帝遣娛老排寒冬他時才大恐難用願此趨庭神已充
 天意要畱顯慶輅外人甯易稱谿工請發狂言侑大斗
 不慚寸莛撞洪鐘

得子佩訊及詩仍次韻寄荅兼託借書周執庵

巢經巢詩集卷五

四

廷授 觀察時仁懷溫水賊已平

得君臘八書失喜幾落頰司命已上天歲去亦歸海客
 子尙累毋倚門犬屢給挑燈聖愁蹙心思積塵浼一紙
 當面談悶破時正亥如何卽來爾為吐所懷每我又如
 何來慰爾在家待道里誠不遠得免牽羶猥後會真茫
 茫離合任萍塊吾儕略識字此已得天罪再不令窮愁
 墓木已就瘞人生天地間一塵集大隗賢愚同盡耳精
 氣有不改儻能挾日月正不問飽餒勉哉各努力出處
 期莫殆狐鼠敢跳梁妖氛蔽山采喫足太平飯自厭腹
 壓腿可憐一炬火舉通究何在以卵擊泰山思之何苦

乃歲尾四清夸虎皮包霜瞪臘鼓打菱菱鮮鮮粲新綵
吾始樂安土理業待明載地道非素學亦求古不倍水
石留其真何由似王宰爾又不余助更誰補撫採向聞
周使君藏奔世不怠前忘乞書目過後乃大悔端公借
圖經千古重仁賄族庖不治久勺藥待鄰醜

愁苦又一歲贈邵亭

愁苦又一歲何時開我懷欲死不得死欲生無一佳大
雪滿中夜曉來四望迷當當滴破榻雷聲繞檐階悽切
結中腸事事憎慨欲生本乞者相強命金閨才徒然止
自苦何益於所為今年正月朔旅發澧水湄沿道樂歲

巢經巢詩集卷五

五

首兒女粲紅衣彼時吾與汝凍面雨相隨暮求飯店宿
朝食風棚糜徒看人婦子各自媚其私相攜過大江宜
城行可哀寒風劇刀劍吹僵如輿尸黃黃塵洞中見舍
盡掩扉喉中默念死心暖僅一絲卅里小河口主人真
賢哉呼門即開門延客至中閨盆弦聖少婦其火良亦
微裙邊早屈手何暇避嫌疑至今尙感激可謂襄陽耆
明日勢必去稍喜寒易支易驢漢水上驢劣又難騎雪
花大如蝶片片飛上眉爾驢善跪語十里九爾祈回頭
看兩筍雙丁連將之路人詫見怪裊裊過習池塗窮事
乃絕欲哭轉自哈過此篋而車春暖冰漸漸艱辛四十

傳塵垢至京師外極行路難內極慈母悲隨人攜柳籃
試罷精更疲日日琉璃廠爛紙縱所窺熱處不解就嘲
罵理亦宜一朝敕放歸火牌去若飛載書出國門麥苗
綠正肥回望太和殿念此萬里來螻蟻何足道衝風爲
我悽塵漲蘆溝橋麥帽堆斗泥步至長新店憊極聖道
歧相看似土偶欲笑口不開含沙宿良鄉自此晝夜馳
四更清風店街閉苦重飢鐙擔來豆乳授客長銅匙柳
根快數碗味絕今尙思夢夢到樊口驛以舟當差危乎
渚宮下浪駭天忽迷小舟八尺長中流隨簸簸魚鼈逐
到岸鬼活魂暗啼南行雜水陸遂至鼎山涯望家廿日

巢經巢詩集卷五

六

程艤舟謝緒祠謂言拜家慶可及角黍期安知鎮遠水
頃刻上俾倪洞庭大於天蛟龍恣盤嬉流尸宿船底淹
戶守寸隄十日斲舟行岸聲但走雷伏蓬米漸竭何問
鹽與齋延緣至辰陽囊底看盡資爾遂食兩驛余湖銅
仁溪歸來喜俱存兄弟亦怡怡萬里問何得笑指書幾
堆飛鳥幸息翼但願粥與鮭朝暮倚親側又可事纂批
豈不賢餽空徒苦脚板皮好事賢郡守乃念地乘非經
百六十年山川當發揮文獻向來缺何也實無知願以
一日長主持爾見推能如駮之靳按剔力不遺舊稿無
一備作者頭腦乖每每對之歎不足爲光輝意欲與導

源人卑言易卑終思竟此業匪望千秋垂使識漢郡縣
不與苗疆儕自盡後死責職競由人譏狼星射東井羽
檄忽紛披遣發兩省兵辦此一山龜龜巢不易拔兩月
老我師遠者思逃亡近者多此離當食每不飽夢中半
鼓鞞愁來但看劔恨不碎其肢那能更修文日夕念仁
綦乞乞平太守一火殲厥魁手提血髑髏擲向妖穴灰
凱還笳鼓競正值鞭春時父老各色喜前時命如雞心
懸今始落歲去已莫追邨邨買年事闕闕紛滿街余亦
獨何心不歸對母妻鶯軒嗒然墜一一入所思計來爾
猶愈歲晚依南陔養餘復有事顧弄雙嬌孩我誠自尋

巢經巢詩集卷五

七

苦天濶誰必羈命也未如何遣悲遂成詩

山陰江丹輪延桂從溫水回正月初六夜與大

醉雷雨中已下已亥

老丹倚甕突兀解罵人爾誠不負此酒之功臣從軍事
事過終始如何功盡誰氏子吁嗟世事止如此世事止
如此呼奴添酒來吾與老丹再飲三百盃人間至真獨
此物得失不上糟邱臺君不見南山之南北山北枝頭
白蟻爭電輝小蟲欺天必雷責一擊可惜梁棟材吁嗟
乎老丹但唱將進酒莫歌行路難我有百鍊劍醉中突
拔與爾看斑斑舊染狗子血今日遇虎亦懶殺倚向牀

頭思食人有捉臥囊請至門

寄楊子春華本弟

臘月寄詩來正月未點評老懶殊可悲起予我何幸春
陰池上聞孟底徧諸詠蒞衙與菱角見爾鶩學競逸事
能告我發匿出親遺客茲一月來念爾心屢騁郡方誰
嗣歌纂輯想難更逝將歸竹溪重尋魚鳥盟昨擬過爾
游及此花草盛而今又不能世事本難柄騎驢儻不迂
春城待合井

鈔東野詩畢書後二首

巢經巢詩集卷五

八

東野力可韓驚驚奏苦彈經巢能得書得恐無我觀草

草略可識十卷亦完完與待購善編一字不及看孰若

孟爲孟尙抗韓之韓始知作者心千載同肺肝

峭性無溫容酸情無歡蹤性情一華岳吐出蓮花峰草

木無餘生高寒見巍宗我敬貞曜詩我悲貞曜翁長安

千萬花世事難與同一日卽看盡明日安不窮貞曜如

有聞所然囚出籠

病夜聽雨不寐示諸生四首

窮人乃富骨春服三重綿一刻偶不戒遂爲風所緣故

知終日間違已卽生患老氏云無身此語或未然

未病時倦作病中念徒多可動尙如此或死將奈何所

以貴有我手足豈得過靜言思百年已往悔復那
春雨如有情隔檐一夕語病骨負爾多不其耕者苦
日我山前泥漿滿黃牯呻吟亦良慰卧看餽燈鼠
我年二十時終歲不識牀對書見日落忽復窗已光
日萬不如聖看汝輩強奈何惜筋力徇徇而洋洋

桃花二首

佳人一別一歲餘遣二茅龍爲致書古宅嵩陽渠好在
東溪明月近何如未知前面路猶幾止覺今年頭易梳
寒食清明將到了可來其喫桃花魚

桃花李花歷亂開一日吟此一萬回燕子不情竟無信
黃鶯無故亦不來時時清晝對此酌兀兀醉眼臨高臺
錦繡山川想仙去茂陵劉郎眞蠢才

次韻春感二首

杜陵四十畝黃柑興到擲在灤西潭此老窮餘尙潤壯
天公笑絕倒東南蟲魚爾雅嗟何用龍象空王不可參
閒把春情愚玉女百花齊向樹頭簪
春物昌昌徧九州逍遙好共太虛游多情世到玉溪別
說恨天教小杜優藥院晴絲空有影蓉城花霧竟無謀
生憎鄰舍閒歌管未中思量儘不收

寒食游桃源洞至湘山寺醉歌

桃源洞旁滿桃花春風吹嘶犁眉驕蕭聲引入綠溪處
桃花泥人且須住太白高樓鶯亂鳴太白何年此聽鶯
一世餐霞弄雲海飄零綠杖隨風鐙引盃到口戒遲緩
已覺落花多幾瓣有酒莫澆黃面兒有錢莫繡阿羅漢
生前自苦皺兩眉此人死後徒呻歎君不見繞郭重重
萬土饅頭挂人脚脚挂肩兒孫即醉一樽酒欲視無光
語無口百年手足得自如不解運動已太愚手可以提
酒一壺足可以向花林趨好山好日不用一錢買送到
眼中皆畫圖天公辦此亦費力無人消受眞成虛洞天
福地孤老之院耳幾人雞犬同妻孥鸚鵡鷓鴣看將夕
更銜一盃來侑吾一盃一盃吾不識湘山之路矣青巖
白鹿歸來乎

重醉湘山寺歌

湘山樹逾碧人又老七日若復不快飲此日眞可惜晴
風吹皺白練裙春樹翻盃搖綠雲流鶯啼到最深處落
花如雨吹繽紛座中頭白念臺孫山陰劉澤山咸念臺
先生裔孫道光二年
醉泯悲喜掀髯觸風火腸仰天四顧心茫茫當年餓
死念臺老眼底兒孫亦枯槁稚存哭出玉門關何用小
書挂鴻爪寺壁有洪
北江小篆談經講學僅寫意不及飲酒終日

醉醉生醉熟總可憐心中了無一事湘之山何蔥蔥
湘波彌蕪草茸茸醉看美人戲其中纖髻曳煙腰若風
相逢欲問海溪淺打頭忽唾青芙蓉是兒狡獪未全消
老子欲眠亦懶招山花笑領經巢意右丞雪裏畫芭蕉

春盡日

綠荷扶夏出嫩立如嬰兒春風欲捨去盡日抱之吹對
此傷我心淚下如縷縻天豈欲我強天豈欲我衰日月
自見多大化誰能持鬪邊秃尾雀摧老看眾嬉微物亦
有然聊復酒一卮

送方仲堅歸金陵

巢經巢詩集卷五

上

江南一白鷗飛入古郎州止同林鶴語不共野雞游見
君恨晚送君早傷歌雜組岡頭草對盃搔首話歸難歸
去真難終較好余亦平生江海人五技空成不養身眼
前事事看不得又欲買山長閉門起我舞爲君歌天非
我作當奈何罷君吟飲我酒金在爐中莫開口而今卿
相不揖客顏回餓死溝中擲而今英雄不讀書官貴都
乘孔子車丈夫無福亦隨命誰暇回頭顧破甑倦來真
不耐王前咄咄童兒要人敬君今歸卧鍾山側放鶴岡
存三畝宅童冠偕風詠以歸老妻共校兒承色如此人
生計亦得酒酣攜手高臺日脚紅邊吳楚開蒼煙莽

莽浩無際千巖杜宇聲聲哀垂鞭明日此中去何處相
思頭重回他年打槩五湖水月明記訪三山街舉盃便
此各萬里雲遠天長歸去來

題黔西孝廉史適洲勝書六弟秋燈畫荻圖

水東之禾水西適學古今黔並倉白清鎮戴孝廉粟珍
字禾莊與適洲並
治經爲敬爾尊慈有義方業成出自鸞紗力畫荻辛勤
詩古文不待圖窮淚橫臆平生我亦頑鈍兒家貧讀書
仰母慈看此寒燈照秋卷却憶當年庭下時蟲聲滿地
月在牖紡車鳴露經在手以我三句兩句書累母四更
五更守長成無力慰苦心頭白待哺仁人林爾今才氣

巢經巢詩集卷五

上

猛如虎往取將相壽賢母莫似老荒止作筮

夏山飲酒雜詩十二首

尺五疎櫺對圃開豆藤瓜葉舞青來羣雞黝罷須臾靜
風度瓶花墜酒盃
薺花爲落竹爲牆宿雨開晴苔氣香角黍新包蔗霜白
歸人喜過大端陽鄉俗以五月十
五爲大端陽
盃邊雲去向南天忽覺願身落我前在家止說窮難住
別去思量倍可憐子行弟
時客漢
高柳陰籠打稻場白芙綠節舊池塘十年故事無人記
獨對黃雞啄夕陽

鳧雛鴨鴨烏鴉鴉小醉梅西林影斜
椶葉不搖風日靜
細黃一椶茴香花

自笑中年思種樹兒餐梅杏屬畱人
先生癡處常勝巧
屈指前頭過去身

月住風停澄道心四山蟲語一鏡溪
山妻絕勝劉家婦
手暖沙瓶喚女斟

容易半月田園居故人
家近往來疎耳根極欲常清淨
閒浪而今亦不如

嬌女嬰嬰雙秀眉見耶解笑亂拈髮
長吟星盡四高句
不是伯休林卧時

試問先生到幾回
三年思汝歸談笑載酒依然舊學生
看我形容先好愛

不應道貌殺心情
黎仲威表弟
初自滇歸

累篋連櫺拄屋高少時終歲借鴟勞
買書不是讀書日
笑語阿知便汝曹

書外祖黎靜圃府君讀書秋樹根圖後

未作令先朝絕舖誦經琅琅導生徒
手揆祿橐願兒笑
十載東修吾豈無抱經盍別范樓去

頭不妙公府趨書之報我亦已厚在
昔且自持經鋏
長山縣懷范樓
金人建見齊乘
居公

名錙
後來莫忘稽古力老人雖老猶讀書我及見公返
山廬道氣彌滿八尺軀綠袍赤杖想神度記擲竹馬時
相扶欲問當時讀何籍惟見卧起通鑑俱堂堂大部數
往復精力不減洪景盧媿我一條不相似孺筆要汗秋
樹圖正恐後生昧來歷視作老輩真閒居更須爲貌負
米像夕陽古木同蕭疎

秋感

渾渾河中水問問河中月三宿亦濡滯尹士茲不悅巧
雀巢茗葦作計誠太拙調鸞焉不笑榆枋固超越嗟爾
戀芳蝶疎花已纖屑芳意能幾何物情乃難說

同莫五黎仲威

兆熙

溯藻米溪度青山出梔子

岡得詩四首

澗道出厓角忽逢嘉樹林倚杖落紅葉呼兒此焉斟茲
地十載前攜卷時孤尋古木應不識疑驂長似今
水盡不逢人間閒子母牛見人奮兩耳齡草卧冢頭慨
彼永眠客誰來展荒邱吾儕行復然能無千歲憂
人言梔岡下舊著楊氏子此姓入明來忠孝異前軌骨
肉世魚醢爾家焉不毀事業不足追蒼蒼一溪水
草閒躍蚱蟻時有未收豆登高一以望眾敬何蒼秀秋
序已婪尾林菊不堪覲佳人爾何處相思滿襟袖

明日同柏容邵亭泛舟過禹門山還飲姑園

老去人事多所樂在襟帶向來濟勝具浪擲悔無賴東
里山水平當門此其最五弟入邨來食藿不我糲老樣
又好事能令小船大秀才作游戲方舟正無害水光青
竹間山影紅樹外招提上絕辟草木紛晚鵲放言徒充
棟子餘所沾丐吾儒有奇邪何責彼狡獪老僧喜我醉
請書壓濤瀨為攀千丈厓印我百年蛻兩孺盡葵栗催
歸蔭松蓋野人饗官具邛媵無已太公然登嶰羹此真
未前蔡剛儻不吝晴上流可揚汰會禽石斑魚更與斫
新鱸

巢經巢詩集卷五

五

黃愛廬 樂之 郡守出所藏方正學文衡山董思

白黃石齋手書諸卷鑒別皆真跡也

杳光松雪今已奴人得晉唐口中珠顏公爪甲柳公脚
究竟知渠揆到無漏痕折股日在世鴨頭裏鮮無時殊
唐人止學六朝筆宋人乃見倉頡初爾來學問等如此
心畫小技良區區斯道亦復具本末干義萬獻同吸呼
方黃豈是鳴書人今觀文董亦不踰乃知紛紛寡人者
正聖胸無千卷儲田歌自古非田夫知書莫如不善書
因公發藏動溪喟暇當一一汗其跌

書黃石齋先生臨顏魯公書竹山聯句及告身

卷後二首

闕下完人已東廡尚留餘墨得人驚新碑橫肘憶恭聖
霹靂推車浩氣行 先生有私印曰闕下完人以坡公墨
先生句也

太傅衣鉢詎容贊魯公把筆焉過之巧仍十月廿三日
却勝蒲陽齋戒時

十一月初四謁高巖李公廟

播州鎮山曰高巖李守宮之民有嚴香火焜蒿一千載
叟不敢唾兒不誦廿年好事願未到自謂覽目遺其凡
朝來馬首欲南去忽遵東路似有摻仰空動魄釋轡下

巢經巢詩集卷五

六

直上十里汗浹衫牛腰白綬千古事誰見變相精削劊
此國當年机上肉賴公脫飽封豕饞賊鷄朝驚草兵走
惡馬夜暑天犬銜 張獻忠遣賊將李鶴子屠遵義至婁
山見公空中刀甲揮叱之遂驚返吳
三桂偽國公馬寶登高巖廟欲拜像嫌像前塑
白犬叱撤去是夜夢為犬嚼其足醒痛不已 至今曾
孫繞巖下縑煙餉氣蒸和誠豈是詫愚令伏臘正要異
赫昭鉏芟握衣再拜敢正視亦不敢請為神監平生病
聖百事蠹眾弃獨取忘譏譏歲寒可念長病毋向此絕
頂攀松杉側身東望去幾里得已不歸如此岳臨高感
念欲有記古僻畏汗泥一杖剝碑蝕碣畧摩誦暮鐘催
去愁颿颿

柏容檢詩稿見與

頗不思存稿其如勞者歌古人安可到兒輩或從阿闍
昔有佳處得之無意多更爲丁敬禮一一看如何

巢經巢詩集卷第五

巢經巢詩集卷五

十七

東經集詩集卷第六

遵義 鄭 珍 子尹

古今詩共六十七首

繫哀四首 并序 已下壬寅

禪祭踰月欲歌先哽痛念慈蹤觸事如昨我今不
述誰復知之在灣此居地從主人計吾生不改遷
泯滅者惟數事耳恃其與哀俱永各繫一章三年
不事吟詠詞之鄙俚不計也

桂之樹

桂之樹樹在傲宅前三株離立各合抱一株踞右獨茂

東經集詩集卷六

圓其後大冢京兆阡其前壁下蔣家田樂安溪水繞田
過清淺可厲無橋船年年負擔指南走次次涉此求塗
便丁酉以還食於郡八十里歲八九旋一回別毋一回
送桂之樹下聖石弦度溪越陌兩不見毋歸入竹兒登
復此景何時是絕筆十月初四已亥年嗟嗟乎桂之樹
吾欲祝爾且暮死使我茫無舊跡更可憐吾不祝爾且
暮死使我自今撫爾長潯然桂樹止無情永念對蔥芊

雙棗樹

園角一菲亭亭後雙棗樹幾年亭破草荒蕪舊為阿孃
拜斗處亭下今居前十年方如棋局一畦田一朝割半

為池沼上種綠楊中種蓮池頭不滿三弓地斗亭即向
其閒置高籬三面裏藤花花心如蜜終年翠晚涼朝露
午晴天柳陰藤蔭藕香邊有時阿母來小態有時阿母
遠流連掌掌挽挽撚聲管線續續抽抽紡木棉紫薤堆
袍幫婦脫黃瓜作犢與孫牽一窠雞乳呼齊至五色狸
奴泥可憐當時家計誠貧薄毋身雖勞毋心樂似有鬼
神旌苦辛亭西六月舒梅萼而今陳跡渾不存空有破
亭畱棗根後日懸知改遷盡冷煙寒圃自晨昏

黃焦石

後園黃焦石厥癩如蝦蟆古柏覆其頂蒼苔布其窠石

東經集詩集卷六

脚何所有纂纂楸木瓜石縫何所有黃黃蘘香花初來
治茲圃地瘠不可鏵辛勤我毋力十年擁糞渣不知鎔
幾鉏碣確化為畚秋分摘番椒夏至區紫茄小滿拔蔥
蒜端陽斬頭麻頭上覆尺巾細意毫不差時來慙石上
汗泚慈色加指麾小兒女亦學事作家觀之不如意復
起為補苴舊時值堊處塵浣風與爬爾來三四年荒翳
藏蛇蠅獨撥莽中竟隕涕至日斜

苦竹林

階西牛所宮宮南丐所止其下苦竹林種自西禪寺竹
漚宜病人竹葉宜弱子竹篾宜麻刀竹皮宜履底我毋

道求難人有不如已又厭此角空過者見表裏手植數
十科年年顧而喜謂筍歲增大再蓄儘堪恃今日看成
林吾毋長去矣

自望山堂晚歸荏灣示兩弟二首

墓門此隔不二里時去時還日幾回在日眼穿無我到
而今脚破見誰來

時時鬚有一莖白倦矣似今前可知汝曹相惜好料
理放我墓邊問幾時

影山書屋示莫芷升庭芝

四壁架不倒米盡書有勢可憐字字黑古人盡爲做老

巢經巢詩集卷六

三

嬾無玩心時時取娛肯得失苟不存是非自無計與來
不覺盡意去且從置亦爲下酒耳焉別此中事

有感二首

一榻來青閣三霜古白田丹鉛銷削布文獻付山川服

漸爲人指刀應善自全長懷豆盧杖搔首意茫然豆盧威等

志丹陽郡事
見大業拾遺

太祝瞎無翳仲車聾有靈海澄何日見世議皺眉聽烽

火通龍國樓船新結亭黃頭方選壯雞肋媿劉伶

題新昌俞秋農汝本先生書聲刀尺圖

秋風起哀音吹此慈竹林行行竹林下誦公懷毋吟吟

聲和淚聲滴我思毋心請爲皋魚歌和以子夏琴蒼天
何高高海水何深深可憐一寸心死此一塊肉身矣恐
不男男矣恐不育既育望兒長既長望兒讀豈要苦兒
讀投胎我貧家貧豈必讀書祖父此生涯爾勿學他兒
他兒福命佳爾勿定爺守欲飽放爾爺爾勿怨阿孃阿
孃不爾搗黃雞屋角叫今日又生子速讀去拾來飯時
吾爾飼種餘有罌底包餘有牀裏速讀去揆來全家吾
愛爾姊妹不解事惱爾讀書子速讀待筮來從我取蔬
水有蔬苦無鹽有水復無米速讀待春來飯糲先搗與
書衣看看昂兒衣看看長女大不畏爺兒大不畏孃小

巢經巢詩集卷六

四

時如牧豬大來如牧羊血吐千萬盆話費千萬筐爺從
前門出兒從後門去呼來折竹籤與兒記徧數爺從前
門歸呼兒聲如雷毋潛窺兒倍忿頑復憐癡夏楚有笑
容尙爪辟上灰爲捏數把汗幸赦一度答哀哀摧肺肝
歌哽琴咽彈天耳爲我塞地鼻爲我酸苦力種來禽禽
來不能餐極意作織成成織不能穿徒枉一世心不博
一日安蠢蠢者紙堆索索者新阡負毋非一塗因公附
斯篇

和淵明飲酒二十首并序

壬寅七月自郡歸倦不欲出每獨飲數盃有所觸

寄輒和陶作至十月之盡諸章俱備除去重複見
意足矣

浩然白雲去涼風吹送之明月一盃酒青天無已時淵
明何代人松菊仍在茲真襟苟會合自信直不疑清夢
未易求此語猶謹持

種豆不得豆蒿藜滿秋山生無一日樂便死何足言干
駟葬何人真可活百年堂堂亦有此明日當誰傳

使氣路旁粥何損黔敖情夸齊止如此餓死仍無名人
死非一塗人生不更生古來嗜酒輩到死得鬼驚當時
謂醉耳竟乃事事成

巢經巢詩集卷六

五

少志橫四海夜夢負天飛將老氣血靜少樂多所悲相
彼白項烏一朝失其依蕭條空枝上哀思暮念歸天寒
慘將雪北風聲不衰命微運復爾身受那得違

參差五男女媚爺爭酌喧爺醉顏如花臨風反以偏念
我蓋棺時汝曹扛入山風雨一堆土有酒豈得還今日
及舌在用飲莫用言

欲哭則不敢人命真有是造物誰得爭一成遂不毀冥
心付爛醉待醒還復爾羨爾不羈人玉顏對綠綺
海內寬大極安攘盡豪英匹夫不獲醉申韓無是情誰
言止無用酒故須人傾一壺未盡酌已聽糟牀鳴此物

良足慰亦復忙一生

喘喘脫命鹿自傷五岳姿回憶向來路環身戈戟枝斑
雛角茸茸骨相何清奇萃蒿不自飽銜與尚爾爲感之
痛人腸荷擔去莫羈

終晝瞑目至此眼不可開紛紛何爲者薄惡難爲懷鄰
翁九十餘古性老益乖提壺就之飲謂我從雀植天雷
作厭物眾情賤如泥君何獨不弃毋乃別有諧幸聞生
之初釋我神意迷更幸作醉語複疊數十回

哀哀入籠鳥一生逐四隅人爲萬物靈亦復無出塗誰
爾牛馬哉自供名利驅可憐客中死絲毫無復餘安宅

巢經巢詩集卷六

六

豈不廣直負百年居

生著人路上誰能出其道展轉無奈何可憐佛與老百
方會想盡一朝亦僵槁枉死究何益順生豈不好眼前
一壺酒是誠無價寶我請處人中看君立物表

盃前此天日甯非古人時古人一無見虛名在文辭詫
我爾何人把盞忽在茲快爬復護痛自認了不疑形影
互贈答咄咄久相欺人云口可飲無偶聊邀之

酒道至廣大人各造一境至哉無量人何醉復何醒嗣
宗豈無秘其妙驟難領我懷古先民夜猶枕其穎如何
嵇與呂鸞鳳對臬炳

生年三十七婚下一陰至漸老漸變剝不變者惟醉世
物獨酒真飯食亦其次好處無可名日進正爾貴萬想
思不得待得止無味

舉觴望青天萬古此大宅各入醉一場既醒無遺跡杜
陵典春衣蕭索銅三百揮手四十萬君妃扶太白二子
骨在無我更何歎息

有客挾秘籍云是珞琖經指示媿茫味聽久睡欲成前
知究何益既定豈得更客言識坎險可以不出庭妙術
誠可羨風雨懷雞鳴請自用法謝君相愛情

半道逢酒具恍然三代風舊畏人我欺果在所料中同
游數十年乃有此龐通賜也徒能辯更不知仲弓

天寒思地鑪石炭賤難得此日不讀書虛凍豈非惑兒
子按我側家具復逼塞自笑似周赧空名不成國一盃
且暖足清靜守元默

家貧憚遠役縣近便求仕聊謀三徑資傾身已達已何
物督郵兒折腰甚吾恥舟颺風吹衣歸去來鄉里公田
秫未收茲固不足紀有錢送酒家無即酒可止含觴語

阿舒嬾情爾何恃
此杖何自來崔翁言語真八十仁江上喜我氣頗瀟手
持指謂我不獨形狀新歷傳四老人如夏商周秦年皆

巢經巢詩集卷六

七

八九十我亦步其塵恐便旦暮死贈子存殷勤感之日
摩美當與五老親亦似取精多光澤活以津我年近四
十老日登頭巾約去五十年當為覓替人

和淵明責子示知同 已下癸卯

咎詈非我懷騷蠹甯汝實如何好弄心不移著紙筆念
汝寡兄弟踽踽形影匹是業苟不傳於我固無術慰情
一自足奚待有子七常恐置膝恩一變為戰栗至矣城
南詩金根究何物

五岳游侶歌送陳煥巖 歸南海

聲如風霆息如虎自說生今六十五耳聾不入世人言
日拉山靈相爾汝羨君首枕五嶽詩羨君脚帶五嶽泥
十八省山看齊了笑指蓬壺請君老君言五嶽如五經

巢經巢詩集卷六

八

說山我亦郭子橫世無章亥止禽向欲列弟子吾不能
可惜此頭顱汗漫成老大羅浮朱明天是我四子書童
而習之長弄去及今料理其時歟此去君真收汗馬牂
江新碧正如瀉動我樓船五道心先君飛到羅浮下南
樓日出見海東五朝風靜玻璃鍾何物蠓蠓一蟻蝨不
值半矢天山弓富哉中原億萬鏹拱手擲向波濤中君
歸試看五色羽邇來恐化青蚨去更尋暗虎今在無終
古銜碑奈何許因君一喟暗傷神五嶽何須有外臣羅

浮他日梅花發子午山頭憶散人

懷陽洞白道義西越仁懷
江路由洞出

西出關門固路似循舌下尾闕中有懷陽洞仰人呀空
啟龍胡我行長嘯入其中負驛肅立偉丈夫孔雀驚人
竦翎翼白虎倒噴蒼龍連海山冥官四五下踏雲沒足
端以舒不知何者報我至嚴飾萬象先須吾細視乃皆
石髓成矯觀中頂更絕殊小夫人乳數百道乳頭一一
仙草數萬古不受雨露恩元氣來往翠不枯半世看山
此回苦風炎道險愁僕痛因難得妙若有悟一覺壓扁
青蟾蜍夢回熨眼筍將去蒼蒼落日趨前途

與經集詩集卷六

九

厓塹口

羣厓力美險擠天作曲尺樹從開闢青石積混沌白一
溪中蕩盪聞聲俯來黑孤雲帶去鳥飛避不留跡白日
落其內炎天起寒色陰沈疑鬼宮宛轉入暗僻來者自
天降當頂踏我幘兩心各成驚熟視始定魄盤盤透地
縫忽出井口窄覓路者誰子此眼真有力是邦平播前
恍惚難盡識一朝會平蕩茶鹽得通易山川終古來恐
究淪異域

茅苔邨

遠游臨郡裔古聚綴坡陀酒冠黔人國鹽登赤虺河迎

秋巴雨暗對岸蜀山多上水無舟到羈愁兩日過

吳公嶺

著復吳公嶺側目吳公厓飛獅落九天脚插赤水隈奔
湍撼不動怒聲天地迴水怒石益靜萬古蒼鬼鬼蜀鹽
走貴州秦商聚茅臺牽舟至狼灘龍灘近可挨限此十
里石摩牙競熊豺兩岸辟削成自古白不苔越此三十
里賦負費其財當年吳登舉力欲運道開鑿至此厓下
下手即風雷憤極仰天死至今祠水涯談者為歎息民
勞天實災焉知彼蒼仁正為斯民哀三代井法廢大利
歸買魁肥癡享厚息錦繡揮輿僮生人十而九無田可

與經集詩集卷六

十

仁懷廳

耕栽力惡不出身令力致無階每每好身手餓僵還裸
埋試令去此險一錢誰乞哉拔彼一牛毛活我萬叟孩
天心曲調濟人苦誇薪鎚日出曉涼新炎風吹面來聖
飽萬山頂范范感中懷

河西三里地析置百年來黃葛家家秀青杉嶺嶺栽山
奇珍夏荔水美詫江鮑到緩兼留暫無緣果腹回

至仁懷廳五日即病幾危將取道重慶歸述懷

與樾峰平公四首

韓子就新懦秋懷悼前猛公平四年來乃遂造斯境天

文與地壤化作三淵靜豈誠天資高吾道固無幸賤子
日就癩榛蕪滿智井可念夙昔心一變與冰冷尋常歡
笑場無淚喉自哽丈夫各有悲妻兒那得省天也非人
謀持此送鼎鼎羨公衣上珠再拜敢堅請四十不少矣
戀此西日景

少小苦長飢讀書牧豕暇淵明拙乞食孫楚每遭罵廿
年疾疾中術慧頗足藉焉知屠龍就天乃不我赦雲橫
子午山哀離叫深夜世議日以隘側聽吁且詫以茲朽
方寸謀生到薑蔗爛稿過十種閒抵許鄭鱗徑捨既不
能欲理却還罷小人哉樊須卑卑止知稼

巢經巢詩集卷六

七

貧薄多艱虞肌膚就消竭獨此妙明心湛若海天月十
年養奇病稽古絕無說前朝驚瘧作爪黑青照骨凌晨
抹額汗滿掌詫鮮血心知入死機其勢轉橫決昨宵信
奇極頃刻遂痿癭罔極孫華原麾指眾扣逆梢而順
布壽身得解脫先生何篤愛於今我三活臨分指歸路
謹記不敢越

顧茲劣劣身悚彼炯炯天思便早晚去愛公不忍言五
年一見面見面似此偏小住知不能後會歎何年公職
在守土我職在守山家國各盡分苦辛同可憐而以農
較仕相殊又天淵元亮有會作秦嘉相贈篇并合在今

歲誰學忘家禪此往其飢渴庶因消病患信有杖鉏手
不分官中閒吾福行見矣歸歎收早秬

病起同山陰王介峰介臣上舍綏陽丁右衡世

選孝廉登城南文昌閣

崢嶸傑閣壓符關病骨凌虛膽尚孫漠漠雲開巴子國
盤盤江繞沒丁山青天一握神難越白鳥雙飛意正閒
頻作西來登覽興不因危控露頰顏

晚步至龍王祠納涼

晚街引閒步蕭然臨碧潯漸與市聲遠乃無煩慮侵餘
映歛遠洲微風度喬林鱗鱗半江水新涼滿衣襟道士
事龍窮茗乞鄰家斟許餉兩榕栽十年見奇陰感子干
里意發我平生心何事不盡然遙遙懷古今

留別樾峰二首

半月相從榕樹陰苦將秋雨挽離襟男兒欲去直須去
那復愁乾愁滑心

安樂江平待放船溪盃莫遣負當筵明朝九繞丁山去
回首滋州何處邊

舟出合江

岸曉樹光浮晴浩浩流掉頭迷鱗部彈指見巴州汗
漫非前計蒼茫信壯遊獨來蘇李後同路不同舟

江津

江津腴秀地喜就榜人談白屋灘灘市青林樹樹柑看
山便拖尾徙宅欲渝南宰樹那能捨謀生况未堪

旱

六月初雨今將七月終祈甘無半滴種早不全空水
遠珍於米雲生化作風東來時借問愁道故鄉同

綦江

地仍綦市舊城郭大如園蒼艾晚來水白棉何處邨我
懷楊氏日此觀蜀山門斜照沙灣路啼鳥語戰魂

九盤

巢經巢詩集卷六

十三

八道平楊日何人絕九盤至今徒手過猶作絕天看壁

縫行聲突巖陰午照寒前途仍匪舊懸度想艱難度九盤東

出安穩堪至松坎為平播舊路今由界牌東
南出爬孤溪至松坎新開徑也舊路逾險

酒店堙卽事

井井泉乾爭覓水田田豆落懶收其六旬不雨渾閒事
里長催書德政碑

三坡曲三首

少年從何來飄飄上三坡一上一回老紅顏能幾何
欲識三坡路看儂紡若何轉轉復轉轉日斜棉尚多
出門止一步何處非三坡我本三坡人君甯無奈何

重經永安莊至石墩

稻疇兩岸溪百轉阿毋平生此行遠籃輿送姪我後從
一步低回一腸斷秋雨爛塗度阡陌墻鄉未到天暮色
每逢曲處便看我遠聽慈聲喚窗榻當時歸去自洗泥
女須詈我冠猶兒拋書寸步不離毋隨毋應到鬢掃臍
而今我鬚正如此再欲毋隨不得矣此身何以過百年
茫茫哭向路旁水

書樾峰詩稿後

乾坤清氣一枝筆不落人閒得意場官退却驚詩力進
晚涼攜卷語山光

巢經巢詩集卷六

十四

貴陽寄內四首

六年不試北風寒又歷人閒行路難慰別漫云成仕宦
出門止解望平安沉陰累日天如合積凍迷岡歲欲闌
辛苦未旬吾已倦計程八十到春官

資身無術具衣糧貧乞燔餘亦自傷吾道果然成石瓠
人情固厭索檳郎金釵晝拔儲歸費布屨宵縫穩去裝
持笑寒號孟東野夫妻那得不相瘡

子午山中百念悲拮据三載見林池龐公有婦能看冢
鄂女登樓等寓思松及春頭多覓樹梅當雨水酌分枝
離家事事煩料理園壑從來出手治

抱子成羣得獨冠喜知六七勝雍端不無溺愛何堪別
欲遣從師大是難禮本文艱還得熟菱須時折亦宜寬
老懷任取旁人笑幾見成才盡膽丸

牟珠洞

輿中乍醒山猶送翠泉聲接清夢牟珠一窟舊聞名
斗上蒼厓抵其空向來憎看鐘乳石癡氣不入海嶽供
山洞十九此見長號佛稱神尤惑眾是中亦復不免俗
暫息勞筋固足用人跡不聞百鳥靜忽覺獨到心頗動
木石陰陰香火久焉無魑魅享供俸幽寒曲暗究何好
世詫靈樞聚一開神仙豈必非人情似我意故喜寬縱
好事半生得惡報至今事警神鬼美淺礫題詩記心跡
自愧不足後來重

飛雲巖

扶輿靈秀各有分貴州得此一朶雲蠻風萬古吹不化
中有元氣常氤氳造化之手信幻極四海不作雷同文
茲巖豈復涉世想雲將授削天磨斤成時莫自贊其妙
俗間巧頌徒云云經巢居士鸞鶴羣一絲不淨落世氛
紆行五日為看此所見乃過前所聞十里泉聲接幽壑
蒼蒼萬木煙繽紛買宅徑思倚雲住下視擾攘同飛蚊
犍童獠婦不離塚歲時雞豆情殷殷巖近佃耕者歲租
外奉田主雞數隻

豆數斗曰那能齷齪走塵狀過而識悔神當欣兒女催
人待粗了揮手一謝雲中君

車家灣登舟寄莫五

旁溝水落清見沙灣頭人語舟欲擎東山五弟憶前度
今朝此處同思家凍雪鬼鬼白勝銀天寒一老立江濬
林塘辦好却他去多少閒鷗冷笑人

舟次黔陽遇黃虎癡本驥於學官留話竟日時

虎癡方喪良子

芙蓉樓下春波碧棹登樓呼少伯少伯無魂空有詩
入城突遇黃虎癡虎癡六十神猶王話到無兒氣悲愴

巢經巢詩集卷六

六

指我顏書八巨箱十五未及收都楊年來藉補魯公集
更作年譜差周詳黃夫子此事汝於金石大有功况又
集古之闕能彌縫集古錄集古目錄
虎癡並有補本即不飛熊慰逋翁
俎豆亦配兩文忠丈夫業成食千古作計豈與俗子同
促判俸錢買梨棗我今日劣復長道一待南歸勘君稿

江邊老叟詩

甲午騎羸宿公安老菱縛僻蘆作椽今來不復一家在
城門出入惟烏鳶戊戌馳傳經孱陵魚鰕爲穀眾網耕
今來驛徒李家口舊道斷沒無人行下馬荒塍問田叟
此邦當年翁記否道光丙戌八月秋我渡江陵趨鼎州

公安南北二百里平田若席人煙稠紅菱雙冠稻兩熟
棗赤梨甘隨事足路旁偶憇憶當時主人饌我不受賞
鞠躬但道客難得室後呱呱方洗兒一變蕭條遂如此
羨翁稼好爲翁喜太息言從辛卯來長江無年不爲灾
前潦未收後已溢天意不許人力回君不見壬寅松滋
決七口閘殫爲江大波吼北風三日更不休十室登船
九翻覆老夫無船上樹末稚子衰妻復何有可憐四日
飢眼黑幸有來舟能活得他方難去守壞基田土雖多
歉人力無牛代耕還自鋤無錢買種多植蔬今春宿麥
固云好未省收前隄決無縱得豐成利能幾官吏又索

巢經巢詩集卷六

七

連年租租去老夫復不飽聖看此地成荒蕪君自貴州
入湖北貴州多山誠福國任爾長江漲上天不似吾人
生理窄官家歲歲程隄功而今江身與河同外高內下
潰尤易善防或未稽考工君看壁立兩丈土可敵萬雷
朝暮春洪波爲患尙未已老骨究恐埋蛟宮聽翁此語
良太苦請翁遂止莫復語太平不假腐儒術吾亦盱衡
奈何許細雨蒼茫生遠悲廿年歎悴同一時誰歎職恤
此方者試聽江邊老麥詩

卧病旅中

一黑一黃蘆幕底半明半暗紙窗前頻頻樹影成迎送

細雨沙瓶奏管絃
眾耳喜聽檐鵲語羣喧爭逐檣麟皮行人側足居人笑
老女纏頭季女飢

巢經巢詩集卷第六

巢經巢詩集卷六

六

巢經巢詩集卷第七

遵義 鄭珍 子尹

古今詩共五十八首

自去年九月日漸失明及入都至不辨辟閒徑
尺字而視秒髮皆知有物奇疾也 已下甲辰

初冬記讀東原集燈下尤能細字清白過一回盧大戴
遂為六月左邱明傷心未老先輸眼悔昔無功苦費精
醫藥枉施仍強進著書終恐負平生

君子何所悲

濁水魚鼈肥清江風浪飛蠹蟲食嘉果荆棘無枯枝庸

巢經巢詩集卷七

子福所聚志士病所欺天道有難識此心終不移鑿井
奇達言君子何所悲

自清明入都病寒遂夜瘡至三月初七二更與

鄉人訣而氣盡三更復蘇以必與試歸始給火

牌馳驛明日仍入閣卧兩日夜綴白卷出適生

日也作六絕句

一病天涯死更生命存那復計浮名却思萬里南歸路

如此孱軀不可行

忍憶前宵九轉聞友朋哀慰僕潛潛明知死作城根土

尚囑歸埋子午山

豹驥蒼涼斷鶴哀廿年九宿試官槐擲將空卷出門去

王式從今不再來

名場遍走歷紛紛水盡山窮看白雲三十九年非到底

請今回向玉晨君

未必微生少夙脩不教鉅痛不回頭一灸醒來身世見

涼風微雨度滄洲

挽鬚問事子嬌成解抱圖書從我行歸去誓攜諸葛姊

鉏花冢下過餘生

自內城復楊梅竹斜街舊寓

竟死誰歸骨含悽自撫魂幸留長苦命生出正陽門積

巢經巢詩集卷七

砌榆錢滿依牀藥竈蹲此身天弄定形影共温存

感春二首

都門陽春三月時生氣浩浩暄風吹驢驟蚤蝨各得遂

一士閉戶長嗟咨巨編挂眼看莫見恨恨擲去不復悲

貧賤讀書且莫許皇天作孽誰能違

人生貴立三才中有时雞狗難比同鬼神自習祝鮀後

憎麥紛紛随世風偃影強形守鑪藥九衢盡日車隆隆

生誠無用死亦已苦縛一芥何足崇

出都

廣文廣飯足孫謀天縱南歸及麥秋看取塵頭鷹脫鏡

一鞭吹影過蘆溝

桃源側黃花塢種松

傲雨阻前路漫浪踏雙履行盡桃花源不見秦人宅
廬慕得吳生與我共心跡為種十五松安排冠蒼壁他年
龍虎吟記是老巢植

早駐鄭家驛攜稚女釣魚溪上

宿早不得卧溪山思浪游觸物巧會興屋邊見綸鈎了
角主人女導我登磯頭雨餘新漲黃稻風涼似秋即事
得神愜頓忘千里愁

書柏容存稿

與經集詩集卷七

三

黎生於我席硯友四十存詩三百首自言燒弄過大半
夜寒持示商可否濃塗爛改復自嫌得失已知我何有
不廢讀書真有益爾來自比少作厚知君學養再十年
定視今茲又芻狗文章萬古無底寶權此千金享做帚
細念人生殊可憐頃刻兒童謚為變生前百苦不稍放
死去即應骨速朽何取千秋萬歲後一句兩句在人口
我今久嬾事吟詠心偶有會苦出手性耽佳句自君僻
亦賴精神足磨揉相看燈下兩癡仙回憶初心呼負負
子午山詩七首 并序

山舊名望山堂實童坳嚮無居者道光辛丑墓先

妣於山中始為廬實其名以山位正子方因名之
日子午迄今五年寸栽尺瓌漸有蔚色撫事哀命
聊述所懷

午山千步地步步傷我心昔時無寸毛今日開園林白
水繞山陽青岑擁山陰流峙所環會聖盡耶壑深痛我
聖善毋音形此沉沉居生事事記念之淚盈襟一世井
竈思終老力不任得此前十年何啻值萬金
自飲竹溪水忘作竹溪客阿母亦知我終祖竹溪側遺
言勿葬遠要長見兒息艱難卜斯邱藏安萬載魄買山
如補衲五歲見完辟智者每嗤我無田苦買石而我正

巢經集詩集卷七

四

未已在家日往役取次成林廬隨行見兆域意補未遂
志因以暖窰夢變我乃不諒區區論陽宅
東徙成單家相向恃叔季詩書愧拙教生產乃能事半
世刷龜毛傾筐令分治經今四年來喜見勤不置信知
東西宮周孔盡人意悠悠我之思日望長諸稚茲山護
牛羊豈徒終吾世賢苟在兩家於我究何異
仲也能遠謀結廬米溪尾我從萬里歸突兀喜見此園
肥易種蔬庭空待編枳蔥薤得取具一房足慰矣徐徐
乃謂我請曷同茲徙汝言良復佳吾意固已死上下一
水閒相隔不踰里妻孥能數來豈獨地下喜

嚴栢非眾情豈不子孫慮迴翔墓門木終不忍言去落
地四十年強半食於寓後日事可知而何求安住生兮
依母居死也芴母厝山下有隙地暇時補竹樹結茅期
不廣取足蔽子婦來者勢日疏亦各慕所慕善繼甯不
懷百歲非我與

種果數十名種樹千百株果期百且多樹祝喬而衢乞
蓋四鄰栽童山漸蘆藹時時小兒女花果薦碑跌何殊
毋在時梨栗朝羣雞人情鮮貪戀至性還相疏要令慕
不孤端恃多所圖前年復種橘今年行可區常誇甘載
後眾羨鄭家奴遊義無繇山妻每見笑君甯鐵龍胡笑指阡

莫經真詩集卷七

五

下柑實大三寸餘一唾阿母口十年究何如

少小不讀律自闕經世務名漸為人知非躬隱憂懼違
已求薄宦亦爲無食故誰能持飢腸林下散清步低心
暫苦勉自計良已屢欲去誰汝留但歸要有路十畝儻
足辦吾亦何不如勞勞百年中會有貴生處未敢望前
哲終期啟童孺

贈趙曉峰

鬼亦厭斯人不使犯其界放我萬里歸忽若脫天械秋
雨斲行跡閉戶養厥曠每思二三友落落隔關隘安得
一回見頓使五體快因緣至城闔曉入舊經解歡言晤

莫五道君足初屆相望咫尺聞即欲走一介犬吠忽已

來愜逾馬摩疥蕭蕭柳邊影婉婉燈下話歎息三年閒

次第釋苴蒯同作無毋兒惡命可勝喟我已無壯志舊

學日稊稗君猶心力強挾隱發光怪九原若可作者舊

應感拜曉峯新輯相梓詩畧桐荃二種投我日來作謂當灸其瘵點摘

吾何能況又懶且憊向來有私見詩品無定派性情異

剛柔聲響遂宏喝紛紛儻忽徒乃鑿混沌壞細思究何

益風雅因之敗君才何旖旎蘭葉明沉淫時時聞叢薄

亦要藉芟殺文字千古事荏苒日月邁安得常合并刻

覈互懲誠蕭條雨中菊落寬殘星挂明將捨君去助婦

莫經真詩集卷七

六

種蔥薤衣食當須紀陶言不吾賣後會復何時值便寄

聲欬勉及身手健莫負老菁芥

臘月朔鄰翁招飲適莫五來同拉去晚歸丁吉

哉元勳復至莫五出次東坡江上值雪韻詩即

依韻作

君不見曼卿飲作牛與龜倒冠落佩不復知狂酣究覺

有何好枕藉但聞雙息吹又不見袁公逢人呼與飲道

旁對舉掀鬚鬚明日扣門謂偶耳人情冷極成冰嘶何

如浣花先生飲田父隨風步履忘艱危聽叫開瓶索果

栗舉家忙亂如夢絲指揮豈識拾遺貴邨野何知虛禮

爲一瞋一肘好顏色柴門月出還遮持此誠真飲復真
醉性命之樂淪膚肌我今忘我混談笑不論樵婦同牧
兒朝來鄰交約過酌晴臘無事真良時釣藤酒老勝浮
玉冬青樹密當垂幃麥頭生仰黍頭俯一醉恕我低昂
姿更爲主人得佳客聖携餘興何淋漓人門巖壑忽已
暝丁大乃復臨階輝好事偏從一朝集喜氣排暖風披
披寥落心知已無幾年來散走傷飢馳不期而會豈天
意恨子不與西家厄亦知歲殘有料理溪山數日聊相
隨夜冷寒菹佐冬釀且復三人斟酌之

明日同人過話山堂次莫五韻

巢經巢詩集卷七

七

河洲美人身窈窕貪者欲之致天討歡華止作滿苟得
榮悴何殊夏靡草我不惜苦正不苦事無可了亦無了
長憐曹交負粟食又歎宋人使苗槁百年失路良已多
萬事回頭當及早近喜眼從歸後得稍將心乞古人掃
茫茫泊處日向西萬萬鬚毛霜薄曉老處誰復念樗散
莫弟偏能顧蓬葆南中學者自古難海內而今如子少
久期廬墓作近局何幸宿春聚冬杪山茹苟且笑鼎飯
宰木蕭寒話窮鳥別祖吾知此地爲故塋心念先靈惱
門衰未必遷地良骨劣仍須祝天保今朝一會豈意及
回首三春可愁倒杜篤窺京計已非士安著瘡灾尤巧

脫命但求詔傳賜旨人乃中身材考歸來痛定始自憐
美去長飢亦堪老當時若向萬人海短命真擲千金寶
新難此處望歸骨定向西城埋裏藁君等何年與計偕
多情一酌問吾好那能今日酒同醉更得餘情詩自繞
我聞善說即神仙笑指前山乃蓬島夜淚歌罷海西流
元氣為舟向空掉

正月四日邵亭東來喜賦

巳下乙巳

點燈欲飲聞犬吠小兒走報羊叔至開歲四日那即來
出看果是邵亭弟爲言奉檄恐先去早知行緩尙濡滯
更遲數日終汝勞多笑幾回亦吾意漫言善化七日似

巢經巢詩集卷七

八

不暖不黔究何濟諸葛營前峰刺天未到夢魂已遊戲
齏鹽似蜜未可知酒肉開花判同醉俗謂新正為酒肉開花時

人日堯灣桂花樹下聯句次韓韻

散聖京兆阡鄭珍林鳥變晴美融風蘇水木莫友芝照

氣殺冰凍士農疲放閑珍飲食習奢用手禮親姻交友

芝尾隨婿姪從精粗盡器同珍老小裏餘共紛吾樂消

朴友芝從俗有迎送依依話行李珍絮絮雜菱葑霞餘

孤旆飛友芝月度一梭縱即事期優游珍遠涉憐倥偬

七日古所敦友芝惜光倍珍重珍

往攝古州訓導別柏容邵亭二首

月下一盃酒誦君詒我詩小別何足道因之動離思
事不可延公家有程期細雨蠻邨路春風鐙火時能無
感行役天命良自知此官誰使然正聖好爲師此地誰
使然亦爲喜變奇

昔從程夫子落飲又魚湖邦士咸造堂雍雍雅以舒春
晚校其藝文質多相扶語我韓侍郎三月此薪芻爲日
固無幾爲化良有餘男兒但如此何云今古殊漢朝道
真公貽今貴州書蓋即字其姓子豈西家夫九原愴已
矣瓠落無我如詎知試手處即是毋歛區茫茫念淵源
此事豈在余

巢經巢詩集卷七

九

黎大似同甫莫五如伯恭我病稍姦黠青蒿倚長松然
亦各緣性無取和而同要是老大時定命當擇從即以
文字論外形誠自中知至豈易言謂知恐私衷此意期
共勉吾聞紫陽公

雲門燈意義東樂安江一名斤竹溪源出綏陽

觀中邢州置樂安縣播州置恭水縣皆以此

牢江驅白雲流入蒼龍門門高一千仞挂天氣何尊蕩
蕩百步中水石互吐吞阿房廣樂作巨竈洪牛犇餘波
噴青壁震怒不可馴眉水若處女春風吹綠裙迎門却
挽去碧入干花邨我行始兩日異境壯旅魂抉懸自何

年信有眞宰存夕陽一反射倒樹明蒼根老蝠抱石花
紅暈雙車輪仰歎山水奇俯躡造化跟想見混成日待
與見者論

南河渡

十里下南河險絕駭初見攢厓摩青空削徑截霄漢延
江萬丈底死綠凝一線仄行酸腿酥俛睨剛膽戰顧後
瞻幸過驚前呀猝轉日落西山寒孤煙上漁鱗入舟忽
平坦去僻路拄面登頓衰始勞艱危老逾憚極頂得破
茨取宿不問飯竟夕枕江聲搖搖挂天半

自大容塘越嶺快至茅洞

巢經巢詩集卷七

十

午經大容塘瑣瑣詢老卒蹙額指前箐君去慎莫猝此
城二十里窈窕煙火絕爾來惡劫徒伺客恒出沒不論
士與官商賈更待說吹葉作號令膺至魄已奪稍難刀
刃下乞命解禪襪來如神猙猙去若鬼飄忽中坡名嶺
快昨歲增埃卒孱兵四五人汎戶晝常閉縛去觀所爲
往往負株檝君知九股遺諸種近潛結黎平及鎮遠僻
所亂如髮大者殺過人小者盡財物事覺官恃役役遇
肝腦裂無已官自行先聲震羌賊官經東山去民報西
山發形已似流賊倉卒能盡述守土飾安治揜著不敢
泄大吏信其然更爲最其伐豈知貫盈勢隱隱待斧鉞

觀君眉目善所蹈必逢吉聞言久沉吟顧子悔攜挈此
習豺狼性或遇那得脫期會詎許違變勇陟亂岳是時
天向黑氣象更慘切陰寒杉松林一翠靜兀兀下顧暗
無底上窺密無缺旋塗盤修蛇向背逸胡越兒子置我
前喜懼乘見滅怪鳥突一聲怯膽懸忽掣輿夫去默默
快若風攪雪移時見人邨相喚顏色悅却望高蒙龍知
向何處出夜寐尚屢驚醒乃塞苗聒平生飽艱虞此信
穿虎穴

游南泉山

黎平罕游觀南泉據其勝萬古不受赭窮荒縱靈孕松

巢經集詩集卷七

七

衫皆百圍兀立高且正仰梢摩空冥俯抵絕究竟石氣
一何厚翹楚尙餘勁到來始知溪歷久愈覺靜雲裏聞
遙春風邊度疏磬屢上若無路斗轉忽見徑攀緣著精
廬清極不可更沉沉緣無際白日澹幽映門生與兒子
恍似伴陶令默聖如有云窅然見吾定

黎平木贈胡生子何

長新

遵義競墾山黎平競樹木樹木十年成墾山歲兩熟兩
熟利誠速獲飽必逢年十年亦紆圖綠林長金錢林成
一旦富僅忍十年苦耕山見石骨逢年亦約取黎人拙
常饒遵人巧常飢男兒用心處但較遵與黎我雖爲遵

人獨作樹木計子黎長於遵而知墾山斃手持不急書
未是救倉睫以我老橐駝求指經用法此法信者難庸
更望其行似子實難得所要用功精勿拔千歲根貪取
百日稻送老墾山人汝材看合抱

寓宅牡丹盛開

山城過雨三月初春風吹出紅盤盃荒庭無人白日靜
蜂貪蝶媚紛紛趨聖教蘭蕙俯首視何況桃李漫山粗
主人近貧不收拾嘉植委置隨榮枯富貴根成造化厚
不賴人力還蘆敷朝霞肯惜借顏色夕露更與增濃腴
飛燕凌風鳳初顛玉環薄醉雞頭酥捲簾一看一羞歎

巢經集詩集卷七

七

此花此客誠相孤居亭要得貴游子堂上百寶明氈氍
美人新妝起歌舞玉管銀簫天馬駒胡令廣文件晨夕
傾國豈宜山澤癯昨思沽酒錢不得今來聖客瓊亦無
發言徒取紫雲賤借問苦覺青蓮汗開門藏耻未可罪
違己獻笑真難吾何殊蕭娘對老褚未擬正叔逃名姝
向花一噓謝不敏譏評草木非區區

開泰學博余紫巖

不赴兼約游城東

三丈期明朝爲作生日謝
中年觸事易生悲况復重重客裏思千里折腰辭宰木
一春歸夢在山池未乾昨日終天淚
三月朔八更說明先此

朝墮地時莫任情深戒湯餅尋芳有興欲相隨

三月初十訪何忠誠公故宅

齊眉雙石獅相距特丈強前丈為旗臺高廣三尺方樹
辟餘底石其修不踰常獅旁即門階才足容筍將屋址
完完存舊廬則已此外觀儉如此內構可意量地稱五
架屋想止門堂廂偏仄復偏仄且觀且太息此是有明
愍帝之巡撫忠誠何公之故宅當時此中男婦四十口
公心且無宅何有規模應在撫楚年遺築不隨明社覆
死國良獨難善家亦非易看今守令宅罕此儉約制何
況潭潭督撫第吁嗟公居止如是安得矜式千年更勿

真經集詩卷七

七

替令人却憶許學使樹巖前隙地民家占為園廟
前學使許乃普命盡撤去

神魚井井序

井在何忠誠公故宅右廣不及丈深五六尺源仄
出石罅中呀然莫知其深也公母廖夫人浣井邊
有大魚常從石出馴繞左右夫人甚憐之後生公
時見金鯉飛入室中五色晃耀魚亦自是不見也
鯨鯢羣沸海水飛思陵龍去長陵微干載神魚應時起
天教出護小龍子一龍酣睡花月場春鑑未罷驪珠
一龍癡守豬婆老翁洲雲散波濤荒最後一龍勢何及
猿鶴蟲沙得收拾茫茫湘水繞空城神魚止向高皇泣

竹簾門前波卷山神魚歸壑憶當年百靈扶出大江底
九宮遺鱣還爭攀此意真成唐郭李垂頭豈料白牙市
掉尾一振全承回信知天惜神魚死長虬改穴鱣鮪隨
歎息闕家盡米脂龍伯聖摧黃面父神魚猶喪赤心兒
李錦自成子
賜名赤心慘憺春風吹故井滿目凡鱗厭投餅游人
詫說飛上天不道神魚今未暝

遵義山蠶至黎平歌贈子何

大利天開亦因人胡六秀才名長新作文不動主司聽
作事乃與君相親當年讀我檇蘭譜心知足法黎平民
自恨家無檇樹林又乏財力先椎輪逢人即講利且易

真經集詩卷七

七

金帛滿山邗苦貧事既少見多所怪譜復棘口難俗論
疑者自疑笑者笑生也不顧逾津津黑洞宋氏亦深計
種橡於今及三世有錢能致遵義蠶無術能行譜中事
胡生大喜得憑藉牽合遵人負種至八千蛾走一千里
上巳和風與清霽胡生媵種宋氏迓男婦爭觀奔且躡
入林下擔發荆筐茶樹杉林皆失氣羊鳴豕哭鬪一邗
五牝作犒牲供祭蠶師善禱紛挂地宛窳西陵鑿誠塾
使爾爾如甕與盎使爾蠶無斑與縑使爾遵人無癘疫
教使黎人似遵義胡生此時六國蘇手執牛耳縱指呼
十年談紙一朝見不信此中天意無昨日歸來夜過語

快聽使我張鬚鬚貨惡弄地不必已衣食在人何異吾
男兒不食四海俎侗鄉豈無朱嗇夫昔我與婦論蠶事
本期博利彌黔區黎播相望幾江水豈料生能行我書
書行我到兩無意事會天定非人圖看生此舉必獲願
已說蠶花香四敷不須快擬樂公社譜到他年芻狗芻

三月廿四西佛厓拜何忠誠公墓

厓在西城邊僻下三丈森可懼根鬻黃團溪墓去厓邊
無六步虎牙中含一舌土信是天理忠骨處攜兒拜冢
下不于不忍去汾陽力盡作文山洒淚蓬科足悲慕既
無豐碑載偉烈復乏嫡裔謹看護俗書兩行鐫墓前知

集經集詩集卷七

七

是康熙庚辰年公之同宗老孫子以石砌壘標識阡今
來標廢壘亦穢漸有新鬼爭墓田二百年間令若守料
理前賢竟無有從古仁人志士墓不恃兒孫作干椒昔
年作客在衡湘五月觀祀中湘王衣冠出游歷地破一
國男女皆若狂彼都人士尚如此墳墓所在都容荒萬
古收藏正氣地豈是牧兒芻豎場我量墓後隙地十丈
許盍埒南山粗石抵厓滸千年兵燹不能無敬是公阡
誰敢侮墓石厓勢長若肩既不與墓偪亦無他葬之上
盍一亭還一祠祠以奉春秋亭以列巨碑碑刻譜傳使
眾知又令來者得憇息可蔽風雨兼炎曦此事成來正

需幾歎息易就無人為吾觀此邦人多富而好義即如
比勸捐河工旬日輸以三萬計固知忠愛出習俗不愧
作公鄉子弟何况公為國故與樂祖謀及脩阡定較易
特要順風之呼登高臂固非一二後生事我無尺寸柯
辯口空懸河作詩亦自笑迂濶邦士邦君知謂何

朱小梧

鳳翔

步月過話即送其明日還邨

小梧黎平

按貢官涓源知縣告終養歸遂不出文行并有根柢著自審安堂集

壯年吟徧關外天拂衣歸來三十年龐公不肯入州府
潘令止解娛長筵福祿江頭夜醉月香雲巖畔朝看山
詞女詩孫侍左右夢魂不到黃河源我生夙尚重耆舊

集經集詩集卷七

七

桐野之外嗟才難豈知芙似一枝筆窺窺秀插玉山邊
王山磅礴清淑氣不止發為忠烈賢固宜有人擅文采
上與董三何蛟爭不刊龐眉秋客亦何有忘年已過施
轉先白鬚扶杖踏清夜敲門徑入無衣冠鏡前指我山
水絡彩江始悟黃宗齊南謾西傾朱圍在足下鳥鼠積
石環目前春風虛堂競覘鸞何處到此飛空仙若說明
朝即歸去我懷未盡愁涓涓終當登堂話雞黍待辦布
襪青行纏

酷熱

古州百里平四圍天羃山六月燭赤日蒸人甑中間先

生冷官冷謂可勝以寒豈知百鍊剛亦復制炎官欲視
眼不開欲語舌已乾終朝閉戶聖獨作水月觀信有萬
古井盛夏無溫瀾聊爲酷熱吟語詭不必傳

諸生次昌黎喜侯喜至詩韻約課詩於余和之
自我來古州口抱畏人念瑟縮冰下魚有口不敢噉我
學知不華難於強同染俗情又諱疾喜拒倉鵲矻以此
遠非笑亦免取人厭豈知拘囚中竟有燭天劍求我發
其剛含鋌思一閃文字極衰敝氾濫已昏墊殷勤二三
子豈非有所驗惜吾無久居行待問歸店此意終我甯
人力果誰欠作詩誠餘事強外要中歎膏沃無暗槩根
肥有新艷懸知他日作會得老夫謗奈何苦窮冗心源
不時慙誰能絕人事逐暇當握槩朝可同脫粟夕即共
鐙燄我懶無門興觸事多口占惟應苦諸子供我眼福
賻遐荒聊自娛一笑老佗僭

莫經集詩集卷七

七

題朱烈愍公守萊圖冊 并序

公名萬年字鶴南朔黎平人累官知萊州府崇禎
四年登州游擊孔有德叛自二月初三日圍萊公
百方拒之至七月初七日督師劉宇烈以僞詔撫
孔軍促公出城宣詔公與巡撫謝璉出被執罵賊
死城南門外萊人卽死處祠之歸其尸葬黎平北

門外其一臂後得萊人卽以藏塑像中祠四壁並
畫其時守禦事嘉慶乙丑公六世孫述文往省祠
萊人臨壁爲四十冊前冠公像貽之歸今年八月
其子晟奉冊乞題已無餘紙余爲大篆書署其首
即係詩當歎識云

秀才晟也至我前出櫝敬示一巨編云是其祖守萊軍
容四十冊萊人仿之祠壁求我言我思太常公張許同
正氣大書明史傳細載稗官記此圖題者又已備我復
何能贊一字晟也懇懇不可虛我觀冊首闕署書爲檢
以篆當揭豬雖然冰斯一筆無太常察書應肯予焉知
畱此非我須晟也藏去慎勿疏乃祖守萊州身死城不
失汝今守斯圖當視乃祖守萊日吁嗟我愛忠孝固此
說鑿梁納楹亦已拙楮墨長垂正無術晟不見武梁石
室畫像今且殘還汝此冊爲之三喟然

莫經集詩集卷七

六

次昌黎符讀書城南韻示同兒

至聖孔尼父亞聖孟子興兩家無父兒自解勤讀書惟
其勤讀書道德塞太虛儻恃腰脚健逸蕩成童初夏楚
雖丈二焉能及里閭當時兩聖母哭死亦無如爾今旣
有爺祝爾同祭魚食肉又頓頓衣絺又疏疏炎天何修
修夏屋何渠渠不學復何事人頑豈誠豬爾母生爾來

寶於月中蝮不肯就外傳恐為人所蛆車旁一卷經紡
讀同起居爾年十四五此意不念歎古人書滿腹強半
作客儲謂奪爾毋處出游勤有餘豈料心益放狂童狂
也且家裏念子季瓜蔬含淚鉏焉知正逸樂驕若立耳
驢老農不耕耨任詡三歲翁騏驎不舉足終年守階除
聰明且如此愚也而裾裾男兒要自憤朋友空面譽學
問大如川眾流會歸墟老陶就衰矣嬾倚隨阿舒信如
子不子有粟吾食諸木石諒非爾捫心自躊躇

寄山中兄弟五首

巢經巢詩集卷七

七

門祚嗟衰薄書來又鼓盆驚心仍拆疆何趣要兒孫弱

息原依媵新人已入門徒令千里眼蹙額望乾坤

可少阿奴得晨昏且在前看今吾亦愧念昔毋淡憐辛

苦埋兒鋪蕭條賣藥錢早應儲竹木同去午山邊

似昔愁還少而今別又多與君皆老矣前路復如何著

迹懷猶壯聰明歎已過仍賢桂岡上花草共婆娑

見爾書來說蝦川待省爺兩親俱在彼五子得皆家到

日舅如問言余鬢已華後生猶若此南望一長嗟

已脫三升服堪愁六尺孤每思吾舅喪直是寸心無活

計書中粟當年掌上珠相看俱不小此意可銘孟

庶蕃

中秋後夕獨酌紫薇下

銀河轉碧星漸稀庭中露上清氣肥明月遲遲漸下樹
涼風嫋嫋還吹衣提壺對此獨自勸伴座無語三紅薇
學舍如舟地如水菱荇蕩漾相因依忽驚深夜落何處
美人散盡吾何歸仰看天宇淨塵翳俯念人閒多是非
心魂月魄兩明妙昏昏人天俱入機六根長願止如此
酌月一盃無我違

九日攜兒與諸生渡江飲車若載酒閣閣無名

余名之

巢經巢詩集卷七

三

巨閣崢嶸突跨空天教泥爪印飛鴻有緣風日歸盃底

無限江山在眼中他日世談王口勝重陽會有七人同

不應載酒堂邊路止屬當年玉局翁

吳生招偕同人游東邨飲其妹氏家邨在諸葛

洞後

諸君誠喜余不惜導幽聘渡江行十里果造遠人境茲

邨信溪僻水裏山以亘占田僅七戶居人無數姓蔓老

甘薯荒雨餘苾葢淨橘柚青黃閱時立美人靚秋梨驚

尚花節候訝非應入竹縱緩步觀松得吾性驚禽時一

鳴薄日漾虛映吳生故好事置具累親倩大巢煮新尖

脆筍掘早送半歲羨罨法味果生韻勝事事愜所尚為

子一醉竟幾見迂廣文魚鳥能送迎酣歌謝林谷斯游
準難更後日君等來尙憶谷口鄭

携諸生游卧龍岡飲抱膝亭

虛亭擅高勝登覽及友生初冬似春晚蜂喧紅樹晴憑
欄一尊酒嘯傲凌霄崢仰攀卑飛山俯瞰諸葛營榕樹
藏萬家蒼蒼浮市聲青林暗王口白塔明孤撐三江盡
朝東貨轉無諸城咽喉導黔粵管鑰通梁荆雄都盡體
勢聖服前人精綏懷百餘年穆然覓高濂何時卧龍公
於茲靖蠻氓威德泉在地誰曾覩親征抱膝獨長謠因
見千古情

巢經巢詩集卷七

三

論詩示諸生時代者將至

我誠不能詩而頗知詩意言必是我言字是古人字固
宜多讀書尤貴養其氣氣正斯有我學贍乃相濟李杜
與王孟才分各有似羊質而虎皮雖巧肖仍偽從來立
言人絕非隨俗士君看入品花枝幹必先異又看蜂釀
蜜萬蕊同一味文質誠彬彬作詩固餘事人才古難得
自惜勿中弄我衰復多病骯髒不宜世歸去異山川何
時見君輩念至思我言有得且常寄

子何自黎平相從古州余西歸有日子何以事
先還送之

美言出貧士孔孟不值錢蹣跚而官材見者皆曰賢世
道止如此志人誠可憐篋瓢苟奇物性命豈易捐汝文
既虎脊汝相又鳶肩還家更簡練秋律期明年士不附
青雲感到太史遷相勉非利祿尙思汝墳篇

贈劉生子瑩之秀生布衣業燭籠為活

華亭蕭木匠富水李衣工詩並傳當世生今繼此風窮
居臨糞巷秀句出鐙籠吾道無紳布懷哉五字功

巢經巢詩集卷第七

巢經巢詩集卷七

三

巢經巢詩集卷第八

遵義 鄭 珍 子尹

古今詩共五十二首

游東山晤莫九誼 祥芝 去話寓中頃芷升自江
肘六十里省我亦至 已下戊申

雨餘壓山綠適我耶壑想杖策喬木顛翛然獨成往干
山靜雲日飛鳥入煙莽孰與娛我游遐晞慨吾鄙莫九
忽揖我語兒視昔長阿六復已來下馬汗流頽學古豈
負人喜爾音獲賞庶令許鄭學南中動欣嚮 芷升方以
說文為丁
虛園學
使所識 小住我當還課邨爾能曠明其豫椽筮道院從

巢經巢詩集卷八

一訪

題北海亭圖 并序

北海亭在定興縣東南三十里西江邨明庶侍御
久徵構以為其孫忠節公伯順讀書地也伯順事
跡具理學宗傳明儒學按洎明史其父正字成字
海內稱庶太公為范陽三烈士之一亭當江邨草
堂之後知止居之東園菲塗堊搆插為垣前一柳
樹旁皆種蔬兩行灌木無欲齋詩所稱東園即在
是萬歷己未伯順以爭金花銀移疾歸里明年魏
忠節公來訪之適孫徵君鍾元亦至同館亭中唱

和歡極相與如容城拜楊忠愍祠賦詩而去天啟
乙丑魏瑞羅織魏忠節及左忠毅公聖熊烈愍賦
下詔獄左之弟光明魏之子學溍等潛行偵視莫
敢舍者時伯順在榆關參孫文忠公軍事太公與
孫徵君謀館諸子弟於亭遣徵君兄奇遇偕伯順
門人張于度果中變姓名入京職館橐遣徵君弟
奇彥與其孫石卿化麟馳書出關求文忠援而設
匱置表於門招鄉人輸金應比太公日騎驢冒暑
走醪數百里內助者響應而左魏已拷死明年周
忠介公復以賊逮其友朱完天祖文護行先馳至

巢經巢詩集卷八

二

江邨館於亭者三月時伯順辭武選方里居與徵
君輸三百金四醪為完賊計范文貞公時謝政令
完天持書往文貞亦輸二百金齋至忠介亦斃杖
孫文忠之解兵柄媚瑞者借茅止生元儀傾之矯
旨削籍幾不免刀鋸止生客亭中前後三載以數
年來此為嵩融之辟天下皆仰北海風因顏曰北
海亭且為之記崇禎丙子伯順殉城石卿伏闕頌
父忠不勝喪死徵君為集石卿詩文於亭內遂名
北海亭集同邑范一泉孫箕生士楫石卿子盡心
妻父也故師友伯順順治戊戌屬天津戴司農道

賦明說為圖謂當稱乾坤北海亭係七古一篇極
悲壯司農肇集分書五字於首圖橫紙卷全用米
法中無一人向藏庶氏後失去伯順七世孫不宗
復獲之容城孫家道光戊申守都勻余過其署出
觀之以亭之掌故傳記錯見乃括為序復志以詩
六月廿七日

黃芝萎地茄花明十狗五彪恣縱橫地轟天鳴覆乾清
北海亭子乃孤撐亭中老翁一諸生舉手欲障斗內星
惜哉當日事不成正氣耿耿留元精吾觀史家已吞聲
此圖復出二百載瀕洞千秋思古情蟒山壓筵蒼鬱蔥

吳經其詩集卷八

三

展圖慘憺來悲風江光黯黯雲冥濛若有人兮煙樹叢
倏忽置身畫圖裏眼底盡是人中龍舉幡慷慨系夏峰
赤憤從之張果中策蹇掀髯去匆匆釀金無乃慮太公
團瓢候墨小鎗籠破柱複僻難為容完天朱老俠膽雄
吳橋歸卧胸隆秘獄此時走尸蟲傷心投甄仍未終
後來者誰茅止翁此老十萬兵羅胸婆娑柳下杖癡紅
戟指尙自談遼東太常堂堂儒者宗晚學農圃悲天夢
矯首似望孫文忠歷歷斯人肝肺同一重一掩吾安從
大叫乃止一畝宮吾知畫師非俗工直以浩氣還太空
吁嗟陽球不作司隸死清流故讓此曹子朱家魯褒徒

為耳獨此炯炯差足恃長歎英賢皆已矣捲去斯亭擲
盃起白虹正貫芴溝水

書鹿乾嶽先生文評尾暨孫鍾元先生跋卷後
評為乾嶽門人孫紫淵輯原一冊今止餘六條
跋時鍾元年八十九稱紫淵為從父兄考乾嶽
著錄弟子容城諸孫自君式兄弟外惟紹古字
獲甫一人紫淵殆是歟尙長徵君求跋時年亦
九十上下也

威鳳備全德匪以五色名一毛落人間孔翠已無精惟
此兩夫子於道躋朱程心畫偶然事浩氣流光晶當年

吳經其詩集卷八

四

江邨上諸孫聽觥觥乾嶽以崇禎三年九月歸里門人
立雅君建量雅君咸維雅君持奏雅君協
抱雅君實望雅君子借伯叔從學江邨尊聞綴百衲
此人已專誠老去嘯臺翁淚為故人傾百泉對搖筆道
眼驚猶明虛堂山根靜橘影雨餘清邈與古香接悅近
舉比橫無緣作都養終以翳我情

雨花巖觀啣張忠簡公草書仁智之性動靜之
理極此盤谷飲此泉水摩厓

暇訪彈好手遙懷荷祓年智仁無擇地南北本同天瓜
蔓荒盤谷秬香接古泉為公翻一笑謫戍是神仙都勻
忠簡為仙謂此為瓜書仙
跡龍江寺尙留斬蟒刀云

書明孫文正公五律四首墨蹟後

高陽諸葛流策進先善守崇禎五十相誰歟出其右如
何松濤亭閒此活國手旁觀送日月浩歎付詩酒回首
山海東心盡百八叩遼左等閒弄神京究何有昏昏一
世人猶吠隨拍嗾莊烈固英主補牢未為後豈真四城
復斯人遠衰朽終要寧遠關何惜祖大壽擎天竟聽去
明社焉不覆流傳翰墨綠虹光照虛牖舊聞鬚如戟謂
當平原肘繞指一何柔始歎包孕富

積雨病起四絕句

僂僂近月不出堂教日不可更禁當杜符離寓公果勝

巢經吳詩集卷八

五

我晨出暮歸還發狂

一病眼前無六親蕭三培於我顏色真雲歸華頂樓橫

海記爾文登閣下人華山甚壯

童子什佰無能軍黃茅白草何紛紛郡方陳尚吳頓

覺風流盡何處清淵尋舊聞勻人潘士安

郭西水北多可盤存弟不從江肘還縱子能來苦風雨

開窗日日愁笄山

四橋堂歌并序

貴州之橋以都勻產為最而郡署內堂後者又最
都勻樹凡四實小於外邊味絕甘且無核獨左上

一株較高大而蛀亦特甚向之諛者以貢大吏沿

為規近不給貢包皆買於外冒之矣舊有堂三間

兩廂翼之橋羅於庭久頽穢不治簡堂廉公守勻

之三年戊申五月始葺之前騰麟山後戴東岫回

闌洞疏唐甃四達長日人罕涼陰轉階雅宜度夏

余適以六月下榻其中圖書森森多有所獲及今

月餘願橋子如牛乳矣皆云已三歲不子今年特

盛因以四橋顏斯堂復留長句

廉公孝子忠臣孫葺堂在署如在邨風清日靜無喧塵

掃地若鏡辟若銀鄭子歷落欽崎人堂成來作堂上賓

巢經吳詩集卷八

六

東頭安視西安樽終日無人來叩門獨與四橋同朝昏

一住一月不出闥主人喜我樂此堂舉盃相屬眉其閒

音清夜起舞庭中央橋兮澆汝各一觥汝不遇廉公拉

雜成枯僵連山有乳石有網慎勿多子多則殃世閒值

錢是官囊一文誰肯為鳩方整廢故破百金裝世事盡

如斯甯有孔與瘡公乎可師當一謗吾能不懷三宿桑

與君同醉秋月光人閒何處不徜徉一賓一主四橋交

藥哉斯堂問誰有公曰居者我曰否十年幾客幾太守

橋花橋實故依舊然則堂非橋有而何哉請為醉歌告

將來老守作人洵可懷樹不可使之拜屋亦不可使之

灰若憶老夫開堂四十日集豈不註無欲齋李文貞公詩鈔題事非注不盡曉余以暇日探諸乘史傳注得十九云

過高真觀

舊聞福泉山不踏福泉路繞郭梅昔經造幽始茲度古觀間警響雨餘眾秀赴澹澹花上雲霏霏枝間霧一阜故不高石林鬱盤互生眼滿巖壑世關引余慕遐睎古仙人養真茲焉過邈邈剩遺像茅龍去何處靜撫老木碑千歲不著土池水上生肥養爾無根樹持是百年身勞勞究何去蒼山迴夕陽嗒然得吾素

同年獲安趙禹門本教家城中外逆旅也歸而

巢經集詩集卷八

七

復宿始知之因屬拾寄同年楊同亭懷清遺稿

同亭蓋其師

十齡遠隔同年面一宿誰言君子堂已倦欲眠驚問主相逢翻倒促移牀兒供使令知家法毋到期願想樂方老我何曾因好讀感君餘慶意蒼涼同門口占贈句云貧書當年拔萃記同亭七十人中詩最能獨立黔山矜句法同亭詩幾從燕市話秋燈明經作謔嗟何促肖子承律甚嚴家喜不勝為理燒存待粗助及余疏殖未全芳

蒲翁行并序

翁蒲氏名國相遵義縣人年百十一歲少聘三妻皆將娶死家人常譙之年十八乃潛遠去至騰越佃人地耕凡八十五年屢無一錢蓄騰越長官旌之頂帶意頗榮遂歸視其家則兄弟之孫皆破檐下老人也居二年聞賀撫軍設養老院走赴省過襄安數十里矣州孝廉趙本敖聞之追謂翁願終身養今在趙已七年道光戊申八月余歸自都勻見之因為一詩紀壽人云

巢經集詩集卷八

八

一百七歲羅侍中築城已賜號羅公何況蒲翁還過四九州人壽更誰同看翁鬚眉未全白愛翁餅肉猶能食世間真有不死人請道平生為翁墨翁言惡命惡難似少年三娶婚前死耻看媒妁避凶夫憤舍爺孃走金齒橄欖坡前晝牧牛蘭蒼江上夜歸縶到時田主方黃口轉刻渠孫已白頭州官異我年逾百冠帶加身人共識暮年忽動首邱心過所全資官長帛遶東一鶴遂來歸滿眼何人識令威記得舊栽三五樹認來皆大十餘圍諸孫食力窮堪憫衰骨累渠誠未忍養老遙聞撫使賢就餐思送殘年盡留我偏逢趙孝廉苦收老物為誰甜晨羞夕膳知難報駝背雞胡總不嫌似我何堪稱上壽雞公山寺君知否曾見吳王帳下兵今持古佛燈邊帚

太息男兒空落地命醜陰王應不記毫無一善儘虛生
再活千年何足貴我敬蒲翁大希有又歎趙子何忠厚
此事能懲奪春風此翁當聖度庠首 聖主優年過漢
文如翁豈合向依人若教縣道將名上月賜何論肉甘
斤

菊花二首

米樓西畔草堂東霜曉寒英照眼豐看向殘援欵楸外
憶經雷影電聲中 歲二月廿八雨雷大如雞
子花皆傷餘之葉而轉盛物微亦自
生憂患命爾何緣免鞠窮 見坤 芳蝶依依賴相保未應
獨立歎涼風

巢經巢詩集卷八

九

白白黃黃繞墓門舊時花事憶堯邨寒泉一盞嗟徒薦
細柄雙鉏感尚存老圃最宜銷歲月破籬容易到兒孫
絃歌資徑真何意暗覺陶公老志昏

山亭聯句

已下已酉

雷餘續蜂闕雨去送蟬唱 鄭珍 殘紅拂階明老翠亞檐
宕 莫庭芝 修炎鬱陰靈頃霽開遠曠 莫祥芝 端軫憂以
紆合并素一暢 鄭知同 危亭便箕踞草具雜盆盎 珍 煎
菽脆摻卵晶茶鹹比醬 庭芝 刻物鑿情竅延景啟目障
祥芝 平林雜花妝遠岫濕煙蕤 知同 舞庭雀若巫鏤地
蚓逾匠 珍 鴨煩苗色勞蠶了柘氣王 庭芝 行蟻昇蟲饒

驕魚玩鼈將 祥芝 攫天柏心豪升木瓜膽壯 知同 婢自
石角出孺緣葉縫上 珍 長謠詠石帚抱膝思葛亮 庭芝
共晚松是因擇交竹堪傷 祥芝 暮霞千錦舒新月一弓
鞞 知同 酒腸我有限詩肚君無當 庭芝 篇成付阿買尙
似昌谷樣 珍

書俞秋農先生墨竹四首

寒枝玉立勁無頰梁棟非材老碩遺笑與兒童辨咎具
此君功亦似蕭何
一兩三竿謹護持苦心惟有老翁知君看鄰舍成陰日
已是家人食筍時

巢經巢詩集卷八

十

屋角風來竹有聲哀音誰念鳳雛鳴王戎墓下居人滿
共爾荒阡過一生
香海棠巢畫竹枝郭張城外泣將離豈知風雪回頭處
即是鸞摧玉折時 黔西州署內海棠一株獨香堂因以
名丁未十月余過水西留堂中一月
去先生送至城東溪澗泮不已明年六月卒於貴陽及
知而極下漁水矣先生遂於經史詩古文清雄快逸為
諸生三十年始成進士令黔中擢知府
山著有曉秋聲館詩文集及北征詩鈔
八月貴陽寄新化鄒叔績 漢勛 興義四首
萬嶺千巖繞夜郎側身南望涕霑裳論才海內今無幾
覓食盤中事可傷天入都夢江影黑地連响町瘴雲黃
山川苦著鉏荒手賴有圖經補道將

孤兒已分老瀧阡亦擬偷閒理舊編俯伏季陵甘作蛄
伊憂元叔不如錢頗思公疏資三徑却笑翳桑宦幾年
羨爾酣歌拓金戟不應羞殺廣文虔

似聞說友臨安志季緒年來肆乙塗誰遣不書驢市券

故應難語馬坊奴秋風筆挾南盤壯落日心懸首望孤

歲歲說歸歸未得黃金虛牝可長吁叔續纂貴陽志稿
百餘卷體例詳正

攷據精博未及刊板而去有
嫌辭奧而剛裁者可惜也

早晚吾歸子午山知君亦擬暮秋還定難枉轡經巢外

邴即權庖大道邊著述太勤甯止病田廬差足且粗閒

相思不賴魚西上此後何由慰苦顏

巢經巢詩集卷八

二

柏容將以鄉試了往權石阡教授余明日歸志

別二首

短燭三條後千山黃葉時疏風詞客影孤僕冷官儀月

石宜秋霽雲巖待好詩請鄰逢祭竈應及菊花期

萬事不當意止思長閉門無聊強低首且忍復何言歸

路關河冷空山歲月奔明年此時節應共話松根

贈老友趙芝園商齋芝庭錫齋兄弟並示壻廷

璜二首

芝園終歲樂在漁亦要芷庭能教書束竿放學攜手去

笑斫芥薑同煮魚

北山先生筆峰居望衡不遠二里餘卒便休矜一板矩
苦學清修只看渠北山先生李先立字卓庵李文貞公
弟子真知實踐卓然純儒為國朝

胡子何來山中喜賦此

子家沅水東我家延水西相望越千里會合理難諧俗

情一朝貴身手更自奇父母近在堂定省猶難之何況

我與子而必噬肯來揆勢又不能那得僮僕資貧士名

一官債臺已齊倉雖有存我言不踐誰復誓古道竟未

亾突兀子在斯當子至午山我方行省羈冷官賤於毛

為貧安得辭欲買官長罵先輸因鬼賞讀書悔何益聖

巢經巢詩集卷八

三

令骨變鷄有來聞說子喜劇翻自悲歷歷數來路我皆

過而知陸穿盜賊叢舟行灘若雷渡延脫諸恐道僻徑

又徵王口自別去收第子摘鬚一年上賢書二年登禮

闈東吳財賦地民社 命子治世人熱中腸得此兩足

飛金銀夢布地誰肯去若遺子乃請歸假不顧人笑癡

依依慈母前兩年毀備糜我何有於子顧又甘艱危子

誠有所得媿我趣日卑恨不即子見輾轉惻中懷遲月

始及家子又郡我後中秋適明日遣力招來借報言有

相挽翌當還我齋昔子之先公卒官校官師大鳥有回

翔稽畱固其宜黃昏松厓上溪口望漸迷冥冥出人語

謂是至乃非入門點證聖月黑靜掩扉犬吠兒走言子
已及我幾相看劇翻倒拜揖不及持依然舊書生不似
官長姿傷哉別四年願我成孤兒欲語非一端且飽山
中甍拔筆對草具遂作志喜詩

為宦子蕃 必等 作山水因題

夜得十萬金朝買千朶山中有古道士招我住其間好
花悅老眼美人慰衰顏賈許近東邨邵程鄰西灣作兒
不知孤作夫不知鰥物豐備九州時和絕三斑相逢各
歡喜對壘無狙姦常持一壺酒靜與孤雲閒君來若我
出有息應柴關松前浣風待月明當棹還

集經詩集卷八

三

書子何藏明周東邨 臣 竹林七賢圖卷後

郭鄰老囚穢舜益壽張侯亦位向東龍頭割席來投宮
何物腋臭參仙宗易婦教人作田翁瀛洲乃有高陽公
持籌鑽核賣絹備稱賢正爾嵇阮同異哉世論缶雜鍾
畫師止翻衣褶工太常五君見未融騰品何論塞與通
選郎故自冰雪胸何人濡筆抹阿戎莫使沈我林下風

月下對菊示子何

天公愛菊同幽人夜遣明月來寫真秋魂盡入影中去
澹澹花枝空有痕半山亭子墜來久衣袂漸冷胸中温
花氣增濃月蓋白枝枝插在玻璃盆溪露微光上蛛網

暗蛩細響吟籬根涼風疏度不盡時見水面魚吹紋
乾坤清氣盡兩候不在深夜即在晨昏昏世中聲色窟
那得一刻能鮮新君思此時富貴兒多少羶葷聚飛蚊
香衾醉眼待蘇醒已是白日堆紅塵百歲何由見此景
老死不知清淨因我今無愁亦無樂默默飽受花月薰
意愜不須爪爬背四山岑寂同忘言

臘月廿二日遣子俞季弟之綦江吹角填取漢

盧豐碑石歌以送之

洪斐著錄漢碑二百七十六至今三十九在餘俱亾其
中陰側匪別刻實止廿八之石畱滄桑後雖新增三十

集經詩集卷八

四

種已少斐錄四倍強我生嗜此屢長喙厓存增愛等儔

羊巢中諸拓購路具宜禾特溢翁 方與王 尉 李君碑自

來金石 前年怪事熟不得似有鬼守黃竹箱 余 以先妣

滿盛古 搗蓋置錢錢紙數堆辛丑六月見 老知百榮不

紙皆成 灰蓋亦半燼而中藏無一焦者 落手時時繙訂同炎涼猶嫌拓本非手跡安得貞翠即

置旁黔中且無宋人刻况願上此知難償故人趙子 旭

鼎山下好事成癖人爭狂一朝有得過詫我漢刻近出

綦南鄉我思綦江漢江州此刻界在牂柯疆斐說江州

邑長盧豐碑蜀人謂之漢夜郎以官以地並近似或即

盧碑繁我腸又思於宋是為南平軍南平吹角兩刻紀

自王東陽此刻正在吹角埧地闕四代名猶彰疑卽所
稱古摩厓聞其在穴又疑更是伯約姜漢隸字原碑目
豐碑建安七年立蜀人謂之漢夜郎碑與地紀勝南平
軍下吹角埧有古摩厓風雨股削苔蘚侵蝕惟識建安
二字他不可辨在漆州堡去軍四十里又姜維碑在吹
角埧其始有一穴開內有碑相傳以爲姜維碑今已磨
滅料量三者必居一遺力椎取觀其詳泐甚揭麤末從
讀建安七年明首行次行盧字又可辨謂必虛碑他莫
當碑所土人號摩厓細詢實異鄙與楊百丈溪筇石排
香端安斗狀陳中央廣修高等尺六寸更有乳中前後
方因知俗以嵌巖作鐫辟其誤想不後李唐後來嵌墀
便穴置見者道者增張皇南陽天水蜀所艷附會舊碣

巢經巢詩集卷八

五

多乞光建安或作建興認變本蓋遠傳益荒圖經信耳
不經目兩聞兩載原其常儀父斲未見搨本沿襲趙志
何由匡今碑首十一字極明紀勝云惟識建我定三碑
實此一石耳但爲僻遠成參商王得其地妻得人兩家
相較無短長委閱夸邨世莫識時有野禰來焚香數年
敲火已剗角不即收拾愁毀傷定武石易辭道祖熹平
經攬龍圖張子雲俗楷一蕭字尙有竭產誇珍藏况茲
隸古又完物蠻窳豈足傳芬芳密呼健者受約束夜半
移壑志已剛昇竿三易乃三折千里往復徒贏糧未應
神物戀窮竇信坐人謀先不臧季也挺身願重往選夫

繕具籌策良是時風雪逼改歲滿邨門易甲冑裝誓為
古人效鞭策肯逐兒女爭桃湯觀汝此行有膽氣知取
寶刻如探囊嬰關西去接安穩回首當年皆戰場此行
亦復用兵似貴速貴詐毋周章羶包席裏計還路歲盡
應呼蒙渡航人日前後上梅妃聽爾邪邪許許趨山堂

子午山雜詠十八首 非序

山在縣東七十里樂安江東岸高三十步左右臂
若抱然珍既墓先妣於山之心後七年丁未復墓
先考於妣右却北遂卽墓廬家焉凡晨夕所游止
當左腕之曲為堂其別為巢為軒榮已上皆園南

巢經巢詩集卷八

六

陟得廣穹之邨平去得亭堂後小巒巒背巖巖下
溪右之腕為圓平小邨其南與堂直為岡迤而東
若側掌襠心為配配背得厓麓得泉亭曲下得樓
兩際實山乃如環環中為湖湖有島溪則自巖而
厓而堰南始出外環而入於樂安江也

望山堂

屋上能看家堂邊不築牆此生無去理開戶對西鄰

巢經巢

遺經巢空虛三傳束高閣我師珍重心未敢效空鑿

烏柏軒

此樹此堂得因之顏色幽慈烏憐柏子不啄墓燈油

紫竹亭

石林裏曲徑上下綠苔濕啾啾無母雛飢守竹根泣

米樓

丹陽墓黃鶴中散亦斯邛落落同心跡神傷海岱樓

團湖

彭蠡水無僻洞庭波似山引妻乘小艇終日團湖閒

怪島

曲虬三續約怪石半因基老父不稍待空言垂釣宜

桐岡

明月上岡頭綠墮一湖影來往不逢人露下衣裳冷

梅妃

當墓橫修眉種梅密無路一株常默對是母搭衣樹

松厓

曠望臨高厓溪澗繞其下落景射松根水光紅灑灑

沈泉

澄甘落山麓下汲苦朝暮每惜宅甚佳乃無出水處

果園

山妻識方法栽接羅高卑小女時偷果持竿葉底窺

柏巖

巢經巢詩集卷八

七

斷絕後園後柏陰亞溪樂時見釣魚人卧暑笠作枕

東邛

蒼莽數百里斯邛環望閒雲飛內江水月照不狼山

西邛

東邛倦登覽西邛復游適白鳥去煙邛遙遙望成碧

藻米溪

溪翁相識盡遇餉即牽畱下來還上去得得復悠悠

堰南

半陂林影深一徑稻風晚杖策每忘疲因之弟家飯

溪尾

疏籬曬春網流水影修竹欲問子午山溪頭溪幾曲

巢經巢詩集卷八

六

巢經巢詩集卷第八

巢經巢詩集卷第九

遵義 鄭 珍 子尹

古今詩共四十三首

正月十四日作三絕句即書子何所攜明周服

卿之冕 梅花卷後時子何將行矣 已下庚戌

嫩寒輕雨靜山樊照配梅花作上元盡日池頭篆謙卦

萬枝臨水閉柴門

寒山香火已蕭蕭卿子芝榮亦宋寥醉撚疏枝成獨笑

丙人生日是今朝

疏影詞成去范邨小紅低唱不堪聞明朝驛路相思處

巢經巢詩集卷九

回首梅花是白雲

十六日送子何歸觀

昨日欲語且復休萬言千緒在心頭今日臨分一盃酒

相看片語俱無有男兒有事可奈何曉寒送子山之阿

看我霜鬚不更黑何年此地還經過住亦不復念去亦

不復悲今朝梅妃下明且眉江澗萬花生時錦翻海想

汝登堂拜母慈吁嗟乎子何此福豈我得抱子攜妻奉

朝夕一日千金不得易贈子斯言作離別他日相逢意

無極

安貴榮鐵鐘行 并序

鐘在黔西州東門外觀音閣口徑六尺上款貴州

等處承宣布政使司土官右參政安貴榮正德庚

午冬長至節後三日造又勒宣慰使安萬鍾國子

生易紹把事二氣脉三白麼一裸所三董督者老

一頭目四時貴榮已老以子萬鍾襲鐘蓋其所鑄

把事等皆酋銜氣脉白麼裸所即夸志之器脉貊

拔備所為安氏九播之三九播者安氏官級也明

史土官傳有卜麻當即白麼宋史蠻夸傳有都老

當即者老夸語無專字蓋皆隨聲書之易紹或書

人也置閣中首尾不可知州拔貢張瑀始訪得言

其經巢詩集卷九

於人人乃重為古製余以安氏守土千里歷千餘

年宜不匙蠻故以無文一切昧習似茲亦可觀也

故為賦之

郭張郭東大士居明安陸侯吳復於洪武十五年領

州等衛官軍就水西地名郭張築城

巢蜘蛛舞修鼓廣各意創尺度不中冬官冕入門粗睹

遽舍去黃木古蔭眠團蒲關中有大黃楊故人呼起視

欵識落塵著手先咄吁正德庚午貴榮造布政參政華

首渠盧庶雄部越千載漢官可假地可除同時播賦亦

按察二豪蝶歲甯非愚此家王會自佩露西南跂躄資

暖妹保大決非偶然事將軍龍虎三珠符閩州女兒更
智武隆準笑為殺安奴繡衣歸來報天子羊腸九驛通
健朱耳孫不念香靄意擅彩登塞思狂固匪醜雖勤地
主禮攻心已媿陽明書罵衣夜所聖唯恣安氏地有十
有四十八部又其下有百紅邊燭燄連陳湖壞人家國
內亦爛香爐西堡徒區區後日三方燼八道誰實禍本
茲茲孚鑄此暮氣亦應悔欲假佛力醒昏衢豈知鐘鳴
漏已盡阿子頃墮紅燭燄煎金當年正不苟揀選董督
煩精夫楊家銅鐘此其儼明宏治中楊受鑄天峯寺銅
銅鐘今在遵義城中彼銘可讀茲則無潛溪秀水表南
玉皇觀並有序銘

莫經集詩集卷九

三

雅英昂以外同闕如元楊漢英有桃溪集四十卷見宋
兄弟有聯芳類稿朱固知羅鬼世任昧但視此字何其
竹垞稱可憐風雅纍細觀名稱等從主雖陋亦足補史疏裸所豈即麻葉
類氣脉或似宗親徒卜麻白麼定聲近者老都老甯形
誣揆奇剔異本我素撫物感事增歎歎蠻夸大長古侯
服何異周代觀彭吾遺跡掃盡此鐘在鼎之崇貫鼓密
須三百餘年亦已壽或有鬼物持樂于客游為爾啟荒
闕藉示後至償詩通

贈寶安傳佛園

汝懷

明經時為黔西主講

鳴篴度渭水客子意不放遠望披瓊天

彭云鳥微

山川

鬱孤愴十柏增感舊吳蘭雪先生刺州日於東山建王
陽明生日率州人舉祀事燕解后忽神王讀書真有得
於十柏山房余時曾觀禮
生色睍而盍四顧水西山頓覺此席壯當年竹莊公名公
玉書以孝廉終安福令著竹莊詩集
卓成一家輯貴州書舊詩名為風錄
見雞羣龍章想姿狀風花湧寒食幾日陪履杖菊苗罄
新製筍菹倒陳餉再留我何惜未肯速官詢承乏復幾
時歸途待重訪

至大定受威寧學正事三日責任者至將還贈

同年杜杏園芳壇學博

強記君真未易才木窩談賞興方開藉盤一笑非容易

莫經集詩集卷九

四

昨日應官明日回

於堰南獲早稻

老去無世用所懷在耕田薄田不滿力亦復事終年壤
瘠缺糞草一飯貪之天入秋喜先熟似得田公憐敢歎
所獲微及我室如懸兒癡早得力勝彼遲者賢柏林帶
脩澗不覺寒氣先晨興命僮侶日昃空雲連殘陽明豆
籬墟塢上晚煙悠然見雲水已有雙鷺拳長歌返茅屋
我穡又此園人事難盡計庶以飽目前

秋雨歎

穫者秉爛紛縱橫未穫者倒如席平綿綿雨勢來未已

但望稍住不望晴晚來月見星照濕走呼鄰助約晨集
及朝雨隨人下田老農止抱破蓑泣

盆花詩四首 并序

先子雅泉居士性不屑問家人生產然渴於活人
所方脈無一失而亦耻受賞也課子孫之餘喜釣
飲蒔花樹在時多有益植今秋出荒蕨與剪剔並
具奇致然得四盆而已敬是先人之遺各紀十韻

紫薇

潛虬欲騰空盤屈弄角牙矯首吐綠雲散為玉堂花何
年於何所得此老拙槎倒植未必然季弟云目及根分是倒栽者

巢經巢詩集卷九

五

信奇則君看巧蟠結人力能爾邪墓前十丈錦出盆氣
何多茲非尺土錮詎滅燒空霞吾甯屈其盛伸我念所
加正恐面目改與人作光華沃根幸勿忘古貌真足誇

海榴

海榴世所稀此語聞太白況出先人手而能不之惜古
幹既鬱錯細枝復稠碧悔我當年時著入書性成癖盆
植朝暮連嬾看肯佐役此實細且酸其花艷如血掉頭
益無取花實每戲摘老人但心惜怒視不忍責兒童戒
觸犯及今若拱臂一撫一泣然嗟嗟復何益

徽榭

不見黃山松乃有黟城榭宛然具松意樹小狀特奇上
裊盤盤雲妙勢在斜欹恍聖萬丈底仰視兀傲姿念自
省事來此木已似茲憂患三十載肌膚無實時年年清
淨身意若無盛衰不爭尋丈長隨時發華滋古人愛嘉
樹因之寄遐思同爾保歲暮勿為雪霰欺

山茶

竣竣老鶴雀肅肅水蒼佩由來歲寒種骨重顧少態聞
昔上虞樹把半已干載茲株大於榻所聞知幾代虛庭
走流水四列錦繡隊先人長其閒零落拾荒廢豈曰非
人事徒根茲焉在先子生六年失恃長於母家程氏今山中嘉種半徒自其家落後此其一

巢經巢詩集卷九

六

也玩物詎我懷向來可懲艾焉知鶴頭丹至今彌甥對
此意兒輩知一植多感槩

搗長生無極瓦當寄黃虎癡媵以短句

地上黃白壤有自盤古時閱歷萬萬載古莫古於斯秦
塲漢瓦亦是泥得者矜襲觀者奇世閒萬事總如此笑
人無過書駮子

次坡公斗老詩韻賀子行弟生子

昔我官古州出門五具沐驚心三男女凶短就潘音浴
今來官鎮遠離家昨初復復昨見爾雅音義子仲氏乃
添丁安然出自腹少羨妻妾佳老思兒姪足發書歡生

腸觸念淚盈目衰門似枯山生鐵不生玉迴天苦翁媪
遷地厚培沃看成三家邨已類族生竹窠雖有雄雌樹
果異酸熟但要多為貴會有一能讀艱哉歎獨子老矣
無餘囑喜此應出羣試啼待歸卜笑語牧稚兒蘇詩大兒牧豎
稚奇駒恐難督

十一月廿三攜兒子游鐵溪至石厂

欲作鐵溪游先詢鐵山路沿江踏鐵關鑿徑才可步里
餘入溪口石燕沙久錮溪會有石燕故老層厓窄排抄
空翠莽迴互竹被鷹背泉苔昏虎指樹溪流曲而清確
磴乘閒厓隈處輒作潭時懸兩三鮒會心每稍留貪勝

巢經巢詩集卷九

七

却還去遂至石厂下仰視森可怖壁色慘丹綠上削下
呀咄道旁來去人忽疑鬼神度天寒念兒子小酌與停
屢緬昔翠渠翁觴詠此焉屢寥闕四百年何人嗣厥趣
山光與水色刮眼未更故雖無鵝黃甕一酌寄遐慕明
治中郡守周梁石瑛嘗游燕賦詩於此有云水色山光
滿酒盃鵝黃小甕更須開日頭欲下吾將去詩句未成
君莫催

與兒子登雲中山取閒出絕頂由石屏山後入

城慙四官殿周覽而歸

嶰嶰雲中山佛地不容咫置龕大於巢半向空際倚搏
羊角而上青壁帖橙几兩月聞鬧中市囂吾厭矣扶闌

宅孤斟雲風生衣履此路朝玉闕不知更幾里老僧番
禹人知我興未已告我陟此顛有徑達城背入自其北
門絕陘著樓寺公去縱橫觀千里入顧指右看滇南頭
左盡楚北尾蒼茫俛羣山浩浩海波起中浴垂天鵬雌
雄互摩翅軒然忽撲落兩味飲一水盤踞府衛城東西
相角倚煙火五萬家下聽裊蠅蚋帆檣去落葉沒入煙
翠際青青平冒園營馬散若蟻回首文德闢行人縫緣
蟻黔荆此咽喉阨壯真莫比茲處盡形勝去足令公喜
縱巖抵學官足健亭午耳我緣利東南見險每不止遽
起躡蛇脊危滑條增悖是豈生人塗一墮不成鬼改道

巢經巢詩集卷九

八

跋山脚叢茅略可恃蓋上蓋下難有進無退理教兒歷
險法目要戒旁視當前但踏實何適非平地兒能從我
來頂或觸吾趾移時失嶮巖未計高有幾居然數茅屋
蔬果放雞豕入郭縱憑覽僧言果不詭詫觀兩黃荆台
抱亞厓皆若材最難長其巨乃似爾應見楸船時豪乎
萬兵橫寒飈攪襟裳頽陽已西靡歸舍聖恍然歷思如
夢裏

兩洞詩 并序

鎮遠府城東門闕接大橋橋東基厓壁緣厓南逆
撫而東出為趨湖南驛路下則舟之去沅晃偏橋

者篙纜所必經厓之上平而廣俗稱東倉坪元之
總管府實址於是厓三面瀕江巉削千仞當橋之
南曰南洞北曰北洞其間亭閣寺刹即緣隆窾歛
嵌焉生自江岸視之皆若黏壁若懸空然非數日
躬歷莫能盡其奇也余來此承府訓乏一朝得之
遂常往來又出門卽小渡便截江造其麓與市喧
避尤於性宜獨怪踞城近當水陸孔道而無一人
昌其靈孕者蓋雅流名公卿經由郡下率信宿輒
卒卒舟輿去自無由識其勝官茲者例拘束宦態
而此又無用宦態之路則亦不得而識不暇與不

巢經集詩集卷九

九

自強皆失之以故能游者乃余獨也因作兩詩詒
諸好事俗名南洞太和北中元迂鄙無當今仍舊
稱云

北洞

北洞雖名洞迴與洞不同入穴出自穴已非意想通謂
是不知處乃即東橋東臨江蹲巖頤吐吸白玉虹行人
渡虹背擾擾如蟻蝶屢轉入蜂房又當穴正中小口嵌
玻璃照見千橋蓬天匠妙布置似窮正未窮一線上雲
霄闕楯非人工是樹瘦屈盤是石蒼玲瓏如緣古梅椿
凸凹穿蘚封絕叫出青壁浩浩乘積風神仙好居處倒

垂綠芙蓉面面開戶牖剔透凌煙空下視古舞州秀若
辟挂弓欲攜馳走見此帶星斗胸竟無一悶者借余足
音是憑高發溪唱永懷雲谷翁

明嘉靖中郡守黃希
英祀朱子洞中今廢

南洞

南洞更奇極壁立千丈厓誰將願陸畫挂向蒼江隈
漸丹翠閒錯落金銀臺石扇敞雲頂畫檐飛鬼鬼路緣
屋脊上僧出蜂孔陪高空來鬼神中天風雨迴憑闕望
晴霄天門如可階安知已巉絕異境中巖開五步一小
峰峰峰瘦皴排石林夾幽徑綠翁掌大苔沉沉靜白日
化溪無鳥啣渾忘在壁上竹影搖尊壘聖疑西南傲茲
勝何由胎帝應憐黔山髮花而髻魁為割海上奇一令
耳目恢有力夜負至左股失蓬萊孰云過者過觀者返
自涯長嘯語山靈孤詣自古來

巢經集詩集卷九

十

登香爐巖巖臨江鴻上殺下面圓匾徑略逾丈
絕肖其名明郭子章書泝流光三字於上今未

見

午雨不濕路欲游足先肯醉兀濟江舟遂造香爐頂何
年玉皇按擲下鎖鑿境江流不敢肆曲媚博山影爐灰
化為土鬆泛飢而淨試嘗菘菹根定帶香氣永

街民種
蔬其上

邦人不解貴終歲莫一省乞兒煮其腹薰黑似古鼎我

來訪青螺筆跡漫荒梗勳名與金石豈若快游騁獨立
感蒼茫儒官真自幸

游東倉坪

今之東倉坪元之總管衙圖經止識元帥府莫究其號
何由加學官百不知脚力獨可誇冬晴將子步其上坪
廣乃可千百家三面臨懸厓灑水千仞齧厥涯後距熊
豹紛騰抓石辟天排生鐵筥當年此人有巨眼於此建
帳施高牙南北水陸當三叉賊來一蹴成泥沙門前劍
戟立天外想見日夕雄鏡筥五百年來蕩無跡突者鬼
宅低則畚農壇社境棘鍼繞歲時官吏祈箠車我持酒

莫經集詩集卷九

十一

一盃憑弔一歎嗟下視來去舟聯聯尾銜鴉太平此地
亦安用策杖荒徑尋梅花

臘月朔過甘忠果公祠祠經戊戌夏水圯

何處訪甘祠吉祥寺之右晚飯度浮梁址得失前構倚
岸空臺階賈船所泊湊地穢庭蔬肥堂濕鐘薛秀數椽
蓋木主日與守諸樞歲既無過問誰復陳俎豆悵望水
轉餘波臣固傷厚碧血激不去早滲山骨透精入千歲
柏慘澹撐宇宙神靈黯江光寒日外悽瘦勁節憶當年
淚落不能收正氣無死生忠魂要植宿淫祠照城郭此
得任荒覆好懿本民彝一字豈難又誰歎勸邦士豈弟

神所富

游南洞

閉門苦守三日雪雪乾游心上漸絕天生兩洞為先生
渡艇當門尤巧設世惟富貴天不知此意難與俗人說
凍僧知我扣巖扃握手笑迎還自閉天寒如此公肯來
枇杷幾枝正清發我為一石飲一盃又為一峰留一歇
笑指斯巖今我家在官止當出行乞不能五日當一歸
為余莫掃石上髮

書遣知同以十七日歸五首

學官既閒暇飽食可以嬉如何凭書校釋去輒若悲大

莫經集詩集卷九

十二

抵近來意出山總不宜眾人似我年不肯鬚出頤而我
過半白豈非氣血衰學禪舊關佛學仙今已遲惟思老
墓下稍稍足舖糜閒理禮堂業舉十五略知乃爾不能
得遠役灑水湄低顏市長下苦俟升斗資不賴古人書
其又奚以為

自我來鎮遠不撒惟菽乳佐之菘波陵蕪兒及芹毋每
食數必備鮮鮮照寒俎於我已有餘放箸腹如鼓門斗
縞相笑天生菜園肚慣喫犒農飯稱作種田戶一笑謝
善禱吾豈如農圃頓頓此盤餐儻獲天長與何論老廣
文卿相吾不取

歲行已臘半歲事忙市廛吾亦念林廬擬遣兒還山悠
悠我之思上念父母阡東鄰與西舍渾室沸上元而我
墓祠下婦豆姑執邇為官令家榮象乃蕭蕭然此何不
得已苦要同食眠又以感山妻一子二十年無一回度
歲不在裙^音邊我生命已爾至今恨萬千何忍又似
我母子相挂牽獨處又幾何過正當來還惟憐關山路
僕僕風雪顏

僕僕去復來曰嗟念予子一生艱兄弟艱瘁焉得已猶
喜衣衾厚虐寒亦足恃憶我如汝長殘臘洞庭水孤身
將一舟雪奔武陵市囊空又禪薄冰牀擁鐵被思家在

巢經巢詩集卷九

三

何處終夜戰兩齒汝今誠慶幸寸步穩先擬從古行路
難幾人鍊術智男兒生世間終要慣行李去去健黃犢
期汝正月尾

歸告汝毋叔此來免灾咎飯勝家食半白奉亦略厚日
惟一冊書時或酒一斗腕傷雖餘痛舉作如右手全受
不全歸終為樂正疚吾官本求食知及麥秋否山中憤
料理用心到雞狗仲也勿好事多口生垢季也勿怨
勞勞極天必祐好育一將魚更醅百經酒待歌歸去來
日日醉池首

縣學博李价人

雜傳

同年饋歲

孤游何節序豐饋足家常細檢勞邱嫂相憐視小郎芥
諸盛帽盃杭子入燈囊一笑真難我翻多廢置方

次東坡密州除夕韻

吹燈讀韓集忽忽夜將半望古卷書聖蒼茫起長歎歲
又蘭頭盡一絲不留玩韓公如我年博士亦頑散才大
雖卑官德高已絕伴世人入長夜公若日再旦猶然汲
汲志不捨敦敦按我今四十五向若何由亂假令生並
世知不中供盥惟餘牙齒牢似勝匙抄緩眼花鬚又白
於公若仍貫陳跡亦賤嗜懷強念已慳吁嗟質難化豈
誠如洗炭來豈不有年待替返山館敢期飽鯨鱸庶藉

巢經巢詩集卷九

古

炳燭暖朱顏與皓齒莽鹵一從粲

价人兩兒過謁

已下辛亥

雪融江路滑泥泥肯同過媿我無雜黍其如二子何

客心

客心梅峴上一日去千回樹樹臨池照枝枝向墓開老
妻清晝倚稚女綵衣陪那識東雲外瓶花伴酒盃

穀日知元旦家舉孫女再用沐字韻

一笑遂稱翁顏厚不可沐兒生曾幾時事似隔晨浴嗟
我安不老肌膚豈得復初聞感於心繼念喜在腹似我
手誠難同我祿已足戊日巳時星家謂之歸祿平生寶三女次第知

去目端賴有替人何必非蔡玉已想問疴癢怡聲敬播
沃牆為添青桑山與種黃竹三年秀午達一味分甘熟
長頭看渠抱側耳聽我讀人心苦不足得隴抵西矚我
輕公乘相亦淺懿氏卜却漸念聿修姆敦不勞督

十五夜

人爭元夜樂吾亦大橋行月白三門水燈紅八塊城山
山墳墓語寺寺鼓鐘鳴西望翻增感淒涼獨客情無水
乘下百里經三處險峽故得三門之名鎮遠治沿江一
街據巖足不可城向界八段門以坊可啟開故舊稱八
塊城上元前後三夕城鄉
於墳前點燈野俗皆然

腕傷將復聊短述

真經集詩集卷九

圭

庚戌九月望柴翁左腕折是時方晨雨移桐視傭掘著
屐指栽處下階齒忽蹶卷卧泥溝中但覺半體劣家人
扶而起不審中何骨搖之響如籜非斷即挫折傳以藥
使蘇夾之板防脫痛苦經一旬寢飯賴結髮余時又奉
檄矜佩教城闕昇去焉能已震掉豈得說俗云傷筋骨
蹉不百日越直以不治治弄投藥與楔果然距至今腫
散脈歸穴微微與右異稍稍終不別吁嗟老可憫百網
末由出人患與天刑靜思怨尤滅為冶足必烙為匠指
必血美潮死潮頭厭虎落虎舌善將樹下絕善騎板齒
裂禍福竟自召事異理可決山堂本童山十載樹成列

不知幾千株非候亦旋活豈知適心時已逼喪已節利
害相倚伏於茲悟根概敬慎要不敗萬端墮昏忽

夜聽鄰兒讀

誦書誰氏子久聽為停盃誤句愁牆隔溪宵見課催父
兄心不少諷籀律難回即事嗟無補羞膺訓導來

讀小戴

太息當年力都消汎覽中老來心不已時過恨何窮久
誦增胸促多觀忽眼蒙曲臺勤問徑閒覺祖鄉通

驚蟄出游見櫻桃盡開

已見櫻桃發仍餐苜蓿鮮我從何日到記別菊花前去

真經集詩集卷九

圭

國無千里辭山忽半年或應嘗野贈還試穎勻圓

念同兒將至

發日前正戒春游幼志驕遙知今夜月照爾宿偏橋江
靜寬吾慮天晴祝詰朝已禁三月過况隔一程遼

檢藏碑本見莫五昔為漢宜禾都尉李君碑者

釋並詩次其韻

少年嗜古心膽雄餘力頗喜歐趙風吾衰甚矣悔前好
十事九與無一功居恒每笑癖金石何異蓄藥聚馬通
於人於己了莫濟便詡精核將安庸宜禾之碑出眾錄
昔歲得本誇奇蹤影山老友愛不置慎考細詠亦太恭

我今破屋萃盜東出西入難為攻
灑水歸來困暑甌
長霜滿鏡腰還癯
模糊石墨滿階僻
誰肯更塞隘然胸
解衣脫襪聖溪柏
但願屏翳驅豐隆
濁醪粗飯要常有
可免秫稻堆溝封
偶拈此紙一讀竟
隔歲談舌懷阿戎
惜哉痼疾更勝我
徒為翫物增匆匆
頭童儻得畢語孟
擾擾百家何足從
詩末云惜哉南鄭少釋政費我十日
應頭 邇聞新獲漢安宇天台廟刻來封龍
莫五近得漢
公山碑及封龍山頌頌洪婁未見者三公神廟在元
氏縣封龍山下勝云天台三公之廟見河朔訪古記
突
鴉奧牂出所台鈞
覈想聖炎歆中百
年歲月更有幾歎
息人壽難渠同呼
兒首尾視蟬蛙
濕亦賴微陽烘提

集經集詩集卷九

七

壺向晚下山去踏踏笑和騎牛童

夢硯齋歌為唐子方

樹義

方伯賦

并序

唐子方方伯之侍其尊公直圃先生令粵東也於
羊城買方硯一石側篆雪聲堂藏左側梁藥亭分
書巖野先生遺硯底有惠半農侍讀銘云鬱勃者
何忠義氣黯黯者何家國淚我為銘之永勿數詳
欵題審所自嚮蓋明贈兵部尚書順德陳忠烈公
邦彥物也得硯時直圃先生解清遠任將啟行假
寐舟中夢古衣冠人入話臨去囑曰頃有遺物託
君家幸保之無負方伯因以夢硯名齋志尊公忠

孝之氣之相感而又自寓嚮往前哲無常變皆當
致身之意歎歷數十載由縣宰累官至布政湖北
所蒞不欺皆足與片石語故為歌之

二禺山色綠照船巖野託硯唐陽山子方使君田禾子
時適得硯五羊市陽山先生捧而喜笑謂今持一硯矣
粵裝豈足貽子孫惟此可度湖亭水韻事傳來四十年
使君屬我歌一篇紅豆題鐫恨未見感時撫事吾潸然
使君公君不見當年巖野真孤忠書生未受一朝祿苦
與去運爭膏豈不知出珠縱獲利渠主元子齊成功吳
楚內爭蜀秦點驛王詎足興明宗丈夫但了溝壑志却

集經集詩集卷九

八

計利鈍非英雄妾辱子戮不回顧何有一硯關其胸故
知夢贈豈無意要以忠孝相磨礪公家石公大儒匹
國朝晉吏稱第一世傳治譜到陽山使君乃盡旬宣術
此硯相隨又一時時有汗隆道無別各寫懷芳報國心
豈比才人景純筆即今歸守陽山墳巖野還應媿使君
太平臣子兩無負著述還看林下勤高齋聞戩東山麓
何日經過聖溪竹借公寶硯展續箋一仿蘭亭黃絹幅
方伯藏有米元章率並入
月手裝褚河南臨蘭亭卷
過溪尾二首
手鑪隨意去仲宅得盤桓圍向梅西綠山從竹上寒一

壺溫小火獨酌對崇蘭下
背白鳧靜吾心遜汝寬
聽讀鄰兒苦何時粗義知
起行視菘蕝卒歲可無飢
愛
劇門前竹思安水會茨得
閒將送老煩到理晴絲

巢經巢詩集卷第九

巢經巢詩集卷九

九

重刻鄭子尹先生巢經巢詩集書後

咸豐乙卯春先生補荔波縣訓導過方村時自明已入學執弟子禮見面試詩文蒙許可即知有巢經巢詩集五月送考宿舍間與先君把酒論文夜深始罷命磨墨題二絕次日侍先生赴郡應試鮑穆堂督學取自明高等皆先生之教也試甫畢苗匪亂急謀歸而荔波狄匪亦亂自明扶老挈幼避之先生佐縣令蔣嘉穀辦軍事蔣勦賊遇害先生旋省縣城陷從此道梗書斷自明家被賊燬廢學從戎洊保知縣需次廣西光緒丁亥張孝達制軍督兩廣調自明來東差遣遇先生長子知同在

巢經巢詩集書後

幕府詢悉先生於同治甲子九月卒而先君於同治己巳八月卒細談家事相對潸焉詢後集詩稿無存歎恨不已不久知同亦故竟絕望矣今年三月黎受孫太守招飲壁間見先生墨搨肅然起敬太守始知自明即先生門下士亟問未刻詩稿太守幸寶而藏之因誦先生贈先君二絕以證太守出示稿本讀至宿方村楊秀才田舍二首覺當日師生父子歡聚一堂情景宛在迄今四十三年人事變遷不堪回首流離困苦惟我尙存展卷摩挲彌增惆悵欲錢板苦無資適史潤甫直刺繼澤慨然捐廉以表彰先哲爲已任併刻前後集以廣流傳

太守喜自明尤喜先生有知亦當喜也潤甫之功大矣遂書此以志之光緒丁酉五月門人荔波楊自明

光緒甲午四月表太舅黎菴齋觀察以巢經巢遺詩寄令校訂謂懿於庭幃聞先外祖事行詳也懿受而讀之其詩雖經受生表舅釐定而仍次序少有參差爰更爲分卷按年編目然散佚已復不少壬癸兩年之詩存者僅十餘首庚申以後概付飄零今者不述後亦無知之矣按先外祖自壬子以後山居日少時赴行省主唐子方方伯家檄權仁懷廳學務不就以編纂播雅故也甲寅楊龍喜寇遵義適選荔波教諭十一月遂挈眷之官

巢經巢詩集書後

自平越與家人別令先往都勻隻身赴省垣領憑乙卯正月至都勻先後痘殤長孫兒女僑寄月餘始往荔波五閱月而狄苗亂作縣令蔣嘉穀病不能辦賊外祖募練設關防禦乞援於南丹土知州莫樹棠已大破賊斬馘甚眾賊逼城而游擊馬清傑堅促不出外祖知不可與有爲又自無守土責乃棄官挈家走南丹經羅斛旋省丙辰貴陽太守劉書年招致幕中欲更卜居東山之邱不果遂還山丁巳遺舅氏伯更先生往就幕而已獨居山中成輪輿私箋等書戊午在山中己未涇潭賊起乃遊蜀依唐公鄂生南溪任所值亂又聞涇潭賊犯遵

義急趨歸而家人已徙正安繞南川入蜀抵南溪矣庚申探得之召歸遇於桐梓遂依老友趙旭僑居魁崖側數月乃還子午山辛酉壬戌主講湘川啟秀兩書院時曾文正公保薦人才詔以江蘇知縣補用因道梗不得出山癸亥移歸禹門山岩而喉疾作甲子九月而遂歿外祖生平大節已備名賢志狀小子何述焉惟行歷不詳無以言詩茲撮舉所聞以俟將來蒐補及箋譜者得有所依據云爾外孫趙懿謹述

泉經集詩後集卷第一

遵義 鄭珍 子尹

古今詩共六十六首

七月初五日家康成公生日莫邵亭釋奠於湘

川書院余適攜子赴行省以昨日宿院遂與執

饌焉邵亭有詩示諸生因次其韻 已下王子

生日古未聞自晉遂不廢臧生拜庚子襲者義已碎蘇

臘與屈正不出詞豔外洪惟高密公譯聖寤千代如從

聖人手親受所以裁六學文數萬一字不可殺歷宋漸

陰零迄明乃昏昧 國朝復天明絕學逸無對小子生

泉經集詩後集卷一

其際門忝通德大謹執子孫禮立北聽眾喙每惜極盛

餘標新轉增怪對筵牢匪其隔半室改隘顛守有離合

何論肅毓輩沈果堂說士昏禮夫婦異組孔驛軒說官

以破唐末儒者說實非鄭旨若 兢兢祖述心望海寄遙

程易疇諸人多以勝鄭為事矣 兢兢祖述心望海寄遙

酌先疇敢鹵莽終畝須糞曬獨憐孱嬰大懼日月邁

遙懷沙邱堰一逝絕聲欬 公卒於沙邱二十八庚辰覽

揆存梗概太平廣記引鄭玄別傳以永建二年七月戊

朔當五日得戊寅則公七月五日生也水傳以獻帝建

安五年六月卒年七十四是年歲在庚辰上溯永建二

到今千六百五十三年矣 行李值故人酌奠匪報賽

政辦漢宮香敬仰碑產拜 公曾注漢宮香方不止注劉

洪憲為朱子歎有許多精力

也公墓在高密縣西北劉宗山唐史承 躡屣棄東家珠

節碑謂之礪阜山水經注謂之碑產山 玉幾人載吾衰顧子倩塗轍慎行戒公鄉有嘉穀識味

在居散各飽書帶露勿負此釋菜

書周煥璜先生桐野書屋圖後圖康熙戊子作

貴州數詩家有明推雪鴻 國朝二百年吾首桐野翁

雪鴻宦不達桐野壽未豐天欲文西南大筆授兩公謝

詩春空雲周詩花林虹吾以兩公較尤多桐野雄傳本

少概見僅存埋蠹叢陳選數十首 謝君采作七十四首

吳滋大中蕃 惜哉何隘胸歸愚拾傳鈔又復為目窮

復去十八首 沈歸愚選別裁集錄公詩僅題 窺斑固識豹執爪豈見

淵明北窗赤壁阻風等數首 龍吾昔得遠條 君采遠條堂集二卷即傳竹莊玉書大

廉所 得之竹垞不及綜而竹垞所據其集仍未逢 朱竹垞明

君采詩似從雪鴻堂集選 以付邵亭弟去年成廁工雖

然略蒐遺究不備始終今年事公集實惟京本從是編

出公手定次自允恭 桐野詩集公弟起據康熙乙未刻

恭平生傑作盡匪一華嚴鐘因緣得吳本汪刊後旃蒙

序 汪千波於康熙丙 復得謝令編 貴陽謝廷薰大令合桐

申刻於吳中者 本成在乾隆邵亭並校記亦略有異同稼雨序老晴去

取見精衷 公稼雨軒近詩康熙戊子毛 回青都不存此

意補池通 公回青山房集詩數 邵亭欲補入吾謂其毋

庸獨惜省志傳數語完文宗吾擬詳譜狀集前明事蹤
寄信板橋山下文孫報從容果來趁秋律細諗挑明

缸惆悵絕碑誌畢然徒蠶封因知籍廬陵明初占旂龍

承祀實季裔至今詩禮崇公先者廬陵人明洪武

居旂龍地傳出衷展斯圖初荷亞新桐先生

撫書坐爪長眼有鋒畫者構李沈宏題額乃京江

繼出春耕卷名筆禹尚功野桃與溪柳沙水映碧紅先

生荷鉏去芒屨短籬東未忘茶酒興回顧擔餉童吾觀

此兩圖脩然想高風手摹桐野像復影西崦農桐陰擬

刻集西崦藏巢中庶令一開卷後來增劬翁先生江漢

巢經巢詩後集卷一

三

靈鑒余後死侗

題周漁璜先生西崦春耕圖為禹鴻臚康熙

戊子以坡公野桃含笑竹籬短溪柳自搖沙水

清詩意作陳奕禧題額

南明江頭秋稼黃遊子倦游憶山堂沙水竹籬忽在眼

宛遇先生西崦旁先生豈是荷鉏者蔡癸九家會手把

寫作識字耕田夫東屯下瀨同瀟灑國朝全盛不觀

兵玉堂人物無愁聲釣師田父各寄意轉見當時風雅

情百餘年來難再得空展此圖坐太息九疑三湘寇紛

紛日夕望下飛將軍起向先生借簔笠明朝更墜南山

雲

黎壽農北照表弟下殺設祭雪樓舅氏和岐亭

韻作詩因寬其意

百愁不一樂老味如苦汁奪手失癡弟使我皆常溼達

觀忽慰意目瞑萬事得天傾不知憂日既不知急兒女

供繪錢親申獻魚鴨胡事歌猗來醢雞自求羸生無益

於世思之頸先赤誓買果下駒從以天下白青絲提玉

壺林閒醉拋幘公猶未忘情逢禱詠當泣我吟哀杏詩

徒疾月明缺人生天地閒孰非遠行客不如美酒食彭

宣日來集

巢經巢詩後集卷一

四

送表弟黎篠庭庶燾某園庶蕃赴禮部試

吾舅生汝兄弟遲並是天上麒麟兒少年孝秀各到手

眾眼豔觀爭夥願豈知吾舅孝友報生前裔取盡汝詒

北風吹衣作行色相攜去射都門策厯厯吾憐萬里途

欲從汝飛飛不得篠庭弟爾必西笑向長安艱難卽從

柱蒲關男兒何適不安穩先須心地無波瀾某園弟爾

誠承明玉堂之美器他年貴仕會不免今日風塵要磨

礪大江去煙茫茫憶昔經行傷我腸鄢陵雪片石橋

月具焚雞子黃城狼昔隨子元舅南北曾自石橋驛行

德大雪又車湯具茨山下就民家買雞子二百錢得六

收分食之又車留黃城山麓荒腔冷月渺無人煙但聞

狼營四壁持刀靜坐
亂至明年乃出陷
當年吾舅苦攜我千辛換得乖西
黃至今宿草贖荒鬣我亦窮老無復望又看汝曹試此
路行矣桑蓬原四方鏡寒紙盡意不了起視照屋星煌
煌

石頭山歌送邵亭還郡

玉壺酒新紅桂香石頭山色明夕陽酒酣卻向石頭去
碧潭霞彩搖金光大魚來朝捲波起小魚跳弄苦不止
黃葉一片隨風來疑是石頭老翁致雙鯉石頭老翁別
我知幾年石頭之上餘秋煙吾欲橫河跨海去淚痕血
點霑金盤莫夫子莫嘆息我坐石頭上爾坐石頭側百
年能得幾回笑一笑焉知髮霜白挹君頭拍君肩男兒
有道天無權長歌攜手入竹去涼風嫋嫋吹溪干歌聲
漸低心益苦石頭蒼蒼隔煙語側身天地可奈何揮手
溪頭看君去

送唐子方方伯奉命安撫湖北兼寄王子壽

柏心主事 已下癸丑

齊人托妻子而南之楚游歸來皆凍餒對之猶歌歌况
茲鄂州民公所舊喚咻今日復何象赴球可自由盤盤
大都會雄據荆揚喉街塵漲天紅笙鼓徹夜啾當時繁
富地孰非公所鳩誰放大賊來督師甘逗留鬼哭熊紅

城血沸鸚鵡洲哀哉億萬家積尸成陵邱自有此都來
屠戮無比傳守臣爾何怯一死不塞尤擲我閭城命
國恩固宜優成事更何說噫乎徒淚流我皇憫遺黎

每食減膳饑 詔以安撫重奪公林臥幽男兒當此時
何暇為身謀恆情頗卻顧視公殊休休乾坤有艱虞整
頓須人籌不賴二三賢斯民曷由瘳凶氛蔽鍾阜惡鳥
翻漸適居然妖蝦蟆欲作長黃虬從古無舉通可以據
一州連雲固北落淮黃鞭敢投武昌當其中握運看縱
收上流捍荆樊下風臨粵甌不即斬封豕可時忘獬牛
扼重全在此成謀預宜周我公韓范姿慮能制盤繯小
草無遠志亦復齎緯憂遠馳十二舍為國贖去軫魯女
念園葵計日期壯猷容城王堅木胸羅萬戈矛我讀其
樞言跋望悵阻修知應抱成竹江邊遲故侯見時道問
訊此意還癡不早晚持樞具相逢黃鶴樓

送翁祖庚 同書 中允畢典黔學入 觀四首

北江經學後中允復聲名閣掃菴菴舊門收杞梓精適
教王子歲同數去來程落落鴻儒迹天心有送迎
存先生以乾隆
壬子來觀黔學
程門三尺雪賤子昔嘗登助以叔重業冀將高密承齒
餘苦相假新續究何能或可漢童試呈廳待剪芳

通守說文大旨轉注本義汗簡箋
正請稿恨俱未寫定不及奉質

老輩驚寥落沈吟翰墨場君家老圻父今代曾靈光世

學增王高縣吳師承接漢唐乞歸道名姓他日許登堂

湘中猶艾賊湖上擁戈船小寇何難滅將軍自不前吾

皇勤政理國本在才賢到若承清問先論賣爵錢

四月十三日偕芷升登相寶山次董觀橋教增

廉訪嘉慶癸亥九日詩韻

老去登臨意尚豪萬山環翠似奔濤大風呼洶僧樓震

細雨霏微石路高游本隨心忘載酒生猶無造憶題糕

昏昏兵氣蒼茫外喜未將身付馬曹

巢經其詩後集卷一

七

輓姜丹輪延桂四兄二首

法家舉世岑公孝誰似此翁無幕塵羔雁不離前後守

平反知活幾多人廿年客郡交余獨重跣投期見子真

舊事淒涼付流水諸君冥漠且傷神

憶昔來青比屋居朝談夕醉四年餘在官不肯尋常入

積歲因之晤語疎每歎當時歡不再便為長別恨何如

干戈滿地鬚髯白泉路交期未盡虛

檄權仁懷廳學務不上應故歸部
產鰥魚

鰥魚招不去親友笑愚公地實愁奇熱吾甯守故窮非

無三兩俸自擲四年功學官月俸銀三兩待
權者約四年輪得饑飽隨耕

堡前邨杏已紅

久病

病氣寬仍劇將書展復收空知方藥妙尚切米鹽愁地
僻誰相問心安或自瘳松涼下山路兩月一經遊

甲寅元日已下甲寅

三百六旬為正朔九州四海各和平人心儻得長如此

世運何緣有亂萌助順師煩回紇馬經年盜據秣陵城

還方且喜辛盤在隱慮空令白髮生

間唐子方方伯正月二十三舟至金口賊大上

募卒盡散遂投江死

巢經其詩後集卷一

八

處義從容見若人播州而後有名臣楚藩未老先投網

天步方艱卻致身辦賊孤拳餘痛哭拊心一死報君親

知驅江漢滔滔水淨洗妖塵憤始伸

四月望設位山堂奠子方醇以詩四首

去歲今朝別故關出門已判不生還令斌有託先成讖

鮑信無喪獨可潛正氣但存天壤內委骸終在地球間

聽歌楚些留堂眺漢郊祀歌靈安留吟
青黃補觀此眺瑤堂應笑真遊子午

山公會夢至山堂
言其地宛似

太息庸臣喪國威年來中外事全非鬻官損俸籌兵餉

琴問虞歌對賊圍束手空令忠骨棄肆凶惟見逆旗飛

江公死後吾公死更有何人繼指揮

文書何敢志千秋事賴相扶勝自謀墓下偷生成我老
人間知已到公休更無韓子能如棟從此通明懶下樓
寂寞蒼山風月夜夢魂相遇話時憂

孔桑無術算舟車銅臭師儒計已疎額土封祠慚不得
石田茅屋感何如放懷世故苦流涕揮手人間甘讀書
底處桃花有源水播州猶恐未安居

選得荔波教諭尹公之鄉產煙草第一

爲口求官三十年論資且足買山錢千金大物方歸手
例舉貢捐教官費千金即得近日附學生亦然八品高階等上天教澤敢承毋

巢經集詩後集卷一

九

歛水家人已羨荔波菸乾坤漠漠于戈滿恐此頭銜亦

枉然

三女贊于以端午翼日天越六日葬先妣兆下

哭之五首

一病尋常竟誤治祇知痲瘡是初時陽明實矣能無下
前夕攻之尚可爲悔到閻羅勾命急纔從仲景覓方遲
致兒夭折甯關數數是翁非帶下醫

買山種竹已堪箱十七年中夢一場過眼詩書成記誦
借鏡鍼帶足衣裳但爲女子猶深惜復托窮翁盡可傷
父德母恩全不負白頭空欠淚千行
生女詩有山思便買黃竹種江干

自小偏憐慧亦殊女紅輟手事充奴指揮纔念身先到
緩急常資債易通細數勞生甯解脫時忘已死尙頻呼
雖孫不解酸懷劇嘔繞牀前索阿姑

冢下栽花不羨官汝曹外向漸無歡割慈又近離嬌素
煖眼猶寬有季蘭豈料卻成先姊去那能長作嫁人看
送生送死今年了寂寞衰翁守墓寒
次女期十月適人

青犢黃巾淚眼中賊聲聞又上巴東遭逢末世難言命
憂患平生不止窮汝得九原從大母天將何地置而翁
一盤設祭還相慰墳藉溝渠養育同

聞奏得子方尸金口旁小水體有矛傷失其右

巢經集詩後集卷一

十

目

旬初已訃窆冠裳忽喜尸存夏浦旁骨母但宜收賈販
江魚豈敢葬忠良幾人親見從容死獨怪何來數十創
會有能言他日事此中天鑒不茫茫

六月二日生孫阿厖二首

落地呱呱報是兒老夫修植正編籬山堂喜有重孫守
天旺驚成四代移未問手文能似否也思祖武會繩其
心長頓擬鈔書課三禮須完上學時

子少求孫歎老妻望穿纔慰眼中犀晝衣久備初開篋
鄰媪相傳已滿溪可念阿翁先溺愛便令新婦莫教嘯

感深獨向雙阡泣不見查生祇見梨

過唐子方待歸草堂

麥秋時節夜燈懸薄送于畿憶昔年怪石重摩應識我
荒亭獨坐久瞻天梅邊未撤看雲榻柳下猶沈泛月船
觸物蒼涼無限思當時分手已悽然

唐鄂生尋其尊人尸於漢陽書來

李子尋親惟聚家孫家返骨並存灰天心似惜唐公死
毅魄還傷孝子來古佛劫尸千古恨春風吹機幾時回
男兒馬革由來事見汝歸緘寄一哀

聞新化鄒叔績漢助以貳守從徽撫江忠烈源

巢經綰詩後集卷一

十一

死難廬州二首

安徽失守治廬州復失廬州春已秋始悉故人能死事
誰教孤憤起同仇幾干弱卒還相食咫尺諸侯各自謀
威鳳坐隨梟鳥盡可憐何補 廟堂憂

子及湘中魏與何魏源何紹基同稱三傑殆無過有名亦誤

人閒用得死終勝膺下多小戴世傳推熟洽穀梁早作

歎銷磨一時知識看歸盡應有忠魂笑頽過叔績說禮多精確未

冠時已作 穀梁正義

聞八月初六日桐梓九垓賊入據其城

賊期間遠近邑宰坐睢盱乃以一中縣取之三百徒殘

明何足假賊假宏光後為名 么磨爾真愚垂老驚奇變哀時祇

痛呼

十三日官軍敗於板橋賊遂趨郡

一鼓上婁山可以落賊膽據關者數百驟進彼何敢副
戎亦何怯見賊氣先撼我師朝未舖返奔不容纜空餘
大酒肉歸賊快一噉雞喉與排軍盍亦稍為塹如何七
十里薄郡日未暗 國家祿爾曹其罪舉當斬日夕望
播城風雲方黯黯

奔穀

曩郡穀一石中價二兩銀十年賤及半亦已傷農民今

巢經綰詩後集卷一

十三

乃至六錢售者且無人輕糶豈所願日夕憂賊氛常恐
劫掠來猶勝俱無存苟作目前計兩值豈復論物理極
必反至賤貴所因老氏亦有言兵後凶年臻賊徒至郡
下料歛已二旬兵食盡官貯賊口空鄉困待掃蜂蟻場
公私甯不負我囊久空澀粥料方升新亦慮落人手密
弄防見聞暮共鼠掘穴朝與兒藎盆惟期億不中亂靖
無饑呻過求亦何害不妨空苦辛

移書

家書數十篋篋篋丹漆明平生無長物獨此富百城祠
屋築墓下堂廂接前榮萬卷輝其中俗見頗眼驚狂寇

起倉卒土賊因肆行處處聞夜劫搜掘若鳥耕顧此古
先籍四壁粲縱橫安見非慢藏不如顯與呈米樓據谷
口上下空不扁移之妥貼置盡去猶與滕示以無用物
著手冷如冰自料非人圖萬一運所丁梁上亦君子何
必離六經南中匙藏書苦聚神所憑前時作複壁亦恐
殃池頽繼乃就石窳復虞溼與傾曷若洞心腹萬事格
以誠影山盛珍祕弄室間南征存否知若何賊壘未遠
平聊以保吾巢呵護煩百靈

望捷行

郡城西望殺氣紫礮聲隱震八十里昨日殺賊已數千

真經真詩後集卷一

三

烏台雖多那足死若曹可笑不自量作農猶惰乃欲王
獷眼強睛會抉盡聚而殲旃天所憤

孤雁行

陰雲慘塞孤雁飛哀音嗷嗷遠漸微嘹切復還歷我扉
似覓其侶茫無依漫漫長夜盡殺機稻梁之鄉舉日非
常時作奴憑指揮天昏獨私子與如羣去畏爾知其幾
同梓共穀逐堆肥各顧軀羽誰爾睇羈單莫怨將安歸
蓄則在野葛在河古人傷心於此多山高林深斷樵柯
田有餘糧池有螺晝眠暮食樂靡過彌天而地皆網羅
柰爾片影無蹤何

九日獨游

九日說登高佳辰盜似毛久居名轉愛獨樂興難豪巖
菊攀持懶林風徙倚勞明年應健好加倍與題糕

廿八日前開泰令陶實卿履誠出北門攻賊與
參將寶玉泉山同死

赴援師猶薄稽誅賊甫驕如何陶大令欲作霍嫖姚血
濺蓉江水身僵竹鼉橋賊肝終祭汝毅魄不須招

聞九月二十八日韓南溪超別駕督練卒百人
攻雷臺斫柵深入以官兵不助失賊魁而返

真經真詩後集卷一

古

百夫著翅上雷山慙愧諸侯壁上觀肯助使君犀角隊
定懸么醜鹿皮冠紛紛紙背談三略落落軍中有一韓
且饗椎牛休快卒禽王終恃寸心丹

愁

亦思權避地可以息驚魂自顧無資斧空知守墓門兒
癡惟熟睡婢慢祇多言愁絕時西望連山殺氣昏

獨游禹門

意行無適去遂至雪公山獨鶴與人立松門長自關老
僧延客人叢桂看人攀擾攘兵戈裏愁心得暫閒

覓避地至後坪

土賊日虛聲近村各驚避去墓吾未能亦作寄孥計連

山界遵湄青嶂塞天地凌晨出莽蒼
不逢人深林犬時吠知越山幾重去塗仍拄鼻日吳抵
同姓爲道所來意命婦開大瓶具述昨宵事鄉團急傳
呼逐賊戶不寐聞此增感歎遠近同一勢何方爲樂郊
未飲心已醉

十月望莫九莖自郡至山中始知即亭數月在
圍城寄之五首

消息難真自亂初人傳汝去獨山居豈知烽火連三月
猶在囚城守一廬覆被可憐新習勇劫灰不到苦收書
茫茫天意吾能解紀事圍中正要渠

莫經與詩後集卷一

五

無上平天總擅尊從前薪突不須論黑山誰養張牛角
南嶽終推漢馬援亦恐老師財易費不知多算意何存
人卑擬草黃家狀暮哨朝啼未敢言
歎息婁山賊隊來競將鼠子認龍媒稱名謁道衣冠智
策馬關城將吏才何責愚民輸戶米坐看海固是雷臺
卽今小疥成疔瘡人事天心盡可哀
亂世無親各自忙靈棋樂道信東方亂初亦知白屋無
人責敢說黃巾避我鄉薄宦計堪逃虎豹先墳忍棄踐
牛羊平生恥作違心事嬰命區區繫彼蒼
誦讀圍城志轉勤絳頭毛面等秋蚊談何蘇過來隨賊

從此包咸遠讓君纔信子能當亂世益知天未喪斯文
何時寇退修牆屋走視先生七十人

聞郡東門外街肆盡燬

吳橋松坎木來關肆接肩摩七里間出東門度吳公橋
沿湘岸南至丁字
關東北行極松子坎二百餘年成望郡數千毛賊致空
闕天心壹似懲澆詐賊能何能恣狡頑已見凶徒連日
盡不知元氣幾時還

十一月廿五日絜家之荔波學舍避亂紀事八
十韻

莫經與詩後集卷一

六

鎮遠歸四年我如僧閉關一日數看墓數日一下山兒
知讀藏書婦解理後園今年婚嫁完余髮亦已斑自謂
禮堂業可以終吾年一命乃受職出處曾細權生理豈
不苦仕更較此難留待寫銘旌吾甯守叢殘八月探丸
起大呼據桐梓揚旂樓山關飲馬板橋水么磨何足道
一鼓盡禽耳武臣更愛錢文臣尤惜死麾兵皆市人草
木直兒戲見賊白石口投戈已奔圯遂令長驅來其勢
固弱蔥五日始傳郡實行七十里稍拒亦解散閉城待
其至此時方編甲倚堞時一視城外笑拊掌城中戰搖
腿徐徐雷臺山突兀布重壘游惰日景從紛如肉附蟻
遣徒勸四鄉謂我不汝傷助我一石米免汝三年糧愚

民顧身首何惜竭蓋藏擔負日腐至露積高於岡岡頭
娶子婦歌舞陳優倡朝殺千頭豚暮殺千頭羊官軍在
西岸坐甲遙相望相望厭相礙上策焚民房闖闖四五
里蕩爲灰燼場非無總戎者遙遙營忠莊調兵一萬人
日費十千鏹猶名募私練已飽復已防練官約進兵練
進兵已亡鄉團請助兵十請十不違制府至卽死固無
責短長撫軍駐扎佐距賊四日強藩使臨延水一宿還
貴陽官大盡膽小恃誰安此方四縣失仁桐正綏亦鬻
囊郡城賊不攻自然固金湯何辜四鄉民坐餒蠶與蝗
羣公皆特簡何以對我 皇我 皇甯識此痛哭呼彼

巢經巢詩後集卷一

三

蒼及今四閱月村禍可勝說其渠名將軍所率號皇卒
操刀入弱里雞彘任搜括姦兒假其威篝火夜馳劫聞
聲卽潛逃來者或弟姪中聞報睚眦日日聞攘竊亦有
葫蘆軍又賊所齒切相抗或不濟連村轉燒殺吾家在
東鄙巨嶂與橫截藻溪若桃源居人安壘墜近聞仁江
上募米漸東出青蛇越三固行卽履我閭殺賊吾未能
義無苟全活無論餉升斗已與賊爲列傷哉負夙心去
矣一言決鹿鋌不擇蔭微祿况養拙蒼皇泣祠墓慘淡
雪中別弟妹送我行拜倒哭失聲鄰里送我行欲言皆
淚盈考妣送我行松楸颯颯鳴琴松撫長楸此別豈常

情賊平與汝見賊劇慮汝頰向後不忍思哀哀隨命丁
回首語兩弟莫悲吾獨征處患事各殊未可一理評不
有汝居守誰當視先塋先人實仁孝後嗣天必矜嚴霜
殺百草谷豈無冬榮禍否未可知田廬善支撐萬一理
不信暫避鋒莫撓甯令罄所藏勿污餉賊名挈室我誠
苦借勞解刀兵亂定當來還天道陂則平去去各努力
無徒淚縱橫收涕卽前路寸腸千感并回思適來事夢
夢如前生

宿羊巖北岸

隔江望羊巖關門高且閉鼓角鳴天半旌竿裊雲際雷

巢經巢詩後集卷一

六

轟灘聲雄綫挂石徑細我行挾妻孥對此心愈悸積陰
迷早晏空色起寒翳越川旣稽時攀陟更匪易關上數
十家吏卒聞塞厠前行儻維谷何以處童穉陋隘聊卽
安止求雨雪避火邊薦縱橫大小爛漫睡展轉窗已曙
竟夕那成寐

度羊巖關

凌霜下嶺翠喚楫越深廣一徑立我前知高幾千丈婦
女不能步籃輿抑揚上憫彼肩者勞別余憇孫穉沿厓
嘯不止摩慰心轉愴不緣寇禍逼汝曹甯此狀往時險
絕處列柏作旁障嚴寒成卒赭行者增眩晃人頭懸槎

枓賊眼俛仍曠天風吹縹緲城堞兀軒壯一夫當關門
百萬空自仰憑高望家山百里煙莽莽越境我既免守
墓弟還強安能逐高翮歸視賊消長蒼皇出門日淚滴
不堪想防關甕安宰朝飯留不放家人已前途醉去意
忱忱

過孫家渡宿孫溪

季冬始茲辰犯冷出長谷逶迤延江水潭縮深更綠日
余去墳墓及此經五宿曉渡念悽慘峰巒歷回複凍雨
溼枯林寒煙洎叢竹聽人話播寇澹若楚視蜀故國知
已遙膽舒意彌蹙暮投得黎店謂出新喻族老妻旋識
宗阿媪喜不速移時紛來觀鄰女沸茅屋懽然弄諸孫
爭抱相咻喚倒屣已豐餽苦道祇見辱撫此惜人情重
親感醕俗里風一何滴倫敦理降戮

傳青餘

壽形

庶常奉

使襄河南防禦以事南

歸與余相遇貴陽歲將盡余之官荔波青餘亦
將還中州飲酒志別

國朝職官志翰林首清班舉世重其選目爲玉堂仙下
此略免俗無踰乎校官雖曰卑且貧儒生腰膝全乃今
皆不爾此秩尤可姍朝學東序戈夏典樂正干狂者或
嘗傲謂師豈其錢汝無白金千固宜弟子員是何益於

論時方重桑研有志任擲去孰逼與作緣我生爲口忙
甯免啄腐羶鄉郡起木斗又如毒波翻借茲苟全活勢
蹙理宜然君今胡爲者去年登木天三館備侍從兩制
看騰騫而何力求外忼慨親囊韃練卒走大梁省親還
順元裘黃容不改指我謂我猥重登君子堂舉杯話時
難玉鈐發光怪刀氣增冬寒大盜據南畿於今已三年
看君用意處足以鉏凶頑誰云報恩子不在書生閒時
危閣纂述智短甘邱樊澄清付公等歌笑容老孱他年
望高適不道雲泥懸

貴陽別王个峯莫芷升

巢經巢詩後集卷一

三

王兄爲早起莫弟亦晨過難此相從久其如有別何故
山鳥鳥樂春雨土膏和無計歸耕堊離思繞薜蘿

貴陽贈趙曉峯

旭 三首

南明江上重攜手斫地酣歌意愴然滿目肥瓜爭買去
豆其無語對秋天
一卷桐笈苦意存男兒心事欲誰論何時共訪南平碣
暗悔阿奴閉石門
冥冥氣祲暗吾亭愁殺黃神鬼不靈攜手東山高處望
翠微峯色不勝青

祀竈日作三首

妻子都勾我貴陽看人今夜祀黃羊客中且缺三隅竈
更怕龔翁說短長

山堂人去斷炊煙司命應知早上天悽絕破盆餘爨下
待陘老婦是何年

紅泥小火鮑姑貧學語牙牙弄小寅細雨山城沅水上
何因便作倚觚人

除日將抵貴定兒信到言孫女如達痘殤都勾
道惡齎城北神傷除日行更傳孫女喪孤客若爲情舛
運有如此衰年安用生怨天天亦盡收涕入荒城

巢經巢詩後集卷第二

遵義 鄭 珍 子尹

古今詩共六十二首

元日貴定早發

已下乙卯

歲首非吾事雞鳴結束仍迎祥通市爆送客去年鐙北

郭霜如雪東山路有冰輿中隨陟降夢醒馬家塍

元日行至谷洞

亂山六十里一我兩昇夫寂寂雨還歇悠悠溪谷紆富
貧村店閉來往路人無始歎乾坤內畸民獨腐儒

正月二日至都勻

巢經巢詩後集卷二

春風吹鳴篴忽自雨中墮家人驚我至相見愁爲破昏
昏奔馳中佳節昨朝過願壁有懸肉大小知未餓米鹽
問梗概兒女猶拜賀全家七人出邊已弱一个歎息時
命艱悲來心若剗

十三日出北郭視女孫葬所

我到遲三日孫生整四年冢新沅水岸腸斷葛蠻天無
識知何怨同來忍棄捐終期歸骨去葬汝季姑邊

是日麗孫痘忽變逾時亦殤明晨親埋之與其

姊同墓四首

孫男繼孫女半月客中亡止有氣俱塞更無心可傷醫

方誤俄頃瑞日變冬霜世盡無知物昏昏負彼蒼

行省歸來見聰明隔月增挽鬚牽更笑捉耳咬還登自

解休悲念茲堪慰寢與終然俱不保肝肺冷於冰

本爲逃生出翻增促死悲早知皆若此苦竄竟何爲襁

哭關山道惹包雨雪時空餘來路在歷歷不堪思

問天真莫對掘坎不須深且共元娟墓終歸子午岑汝

生嗟命定余髮感霜增若有輪迴理傷哉見祖心

同陶子俊廷杰方伯往觀小井李花并在東山

下

我愛昌黎公乘雲往醉玉皇家大句淋漓幹玄造萬堆

巢經巢詩後集卷二

雪作連天花山城忽復見斯景事去千載無等差雖無
盧與張卻有陶長沙相攜尋到井源處浩浩一素迷高
窟雨中觀花世已少桃李更非人所誇君看此品豈麤

俗蘇子漫搖輕薄牙世閒隨事失真樸時尚草木紛如

麻空花無實不足薦其樹雖貴難云嘉古聖何知有此

等二南祇取穠灼花喜奇厭正自俗態莊麗久已輸天

斜君今林臥友樵牧我亦冷淡隨生涯山中菁華知幾

許忍棄不顧增歎嗟眼光脚力趁明健越州老釀猶如

些擬向白雲漲春海更看遠近蒸紅霞

春草二首

沉頭西望暗惹芊千里青青混碧天獨倚東風思遠道
還離南浦悔當年荒迷市井蕪城賦零落鶯花蜀國絃
劫火燒餘縱春色殘垣敗圍總悽然

落花依處最傷情已伴蒼苔葬玉英礪谷正幽行不得
池塘初滿夢難成青袍在昔爲渠誤白髮而今視汝輕
早識出山皆小草漫隨風雨漫隨晴

上東山元武觀

何年占觀鬱巍巍雷震長杉大百圍北帝高居朝絳闕
南天春色擁玄旗千家桃花亂十里原田薺麥肥
雲樹不遮西望眼凭闌久立送斜暉

巢經巢詩後集卷二

二月二十日發都勻

不識彼蒼意胡爲勞此生更尋沉首路遠向荔波城去
國全家出今朝五口行壩頭山路轉回首望雙嬰

初到荔波二首

峰巒越盡見平原蒙石微曛映雨痕田下江寬思置艇
樹中城小望疑村路人怪看皆書擔烏鳥驚飛已郭門
莫作居夷寥落意此閒便恐是桃源

叔重弟子起遐荒毋歛封疆入渺茫始笑平生稱小尹
坐疑今日到家鄉蛾羣撲撲爭燈火蝠子啾啾滿屋梁
籠糲了飢供睡事折花當帚拂塵牀

治圃

到官甫二日百用資市塵豈能減塵遠雖賤焉得錢隙
地北牖外不治已有年觸余食力心歎彼徒棄捐買鋤
事翻墾分畦通往旋草穢肯輕擲待炊臘牆邊向來瓦
礫場數日眼忽鮮覓子先乞栽市蔬必連根隔種各數
席居然成菜園人生免倖獲何事非艱難心手盡其分
美惡隨之天植杖對好風想見瓜豆懸

修園

余生山中人少性愛邱壑眼中去竹樹意輒似無着官
居屋三層不啻篔簹鶴曷以寄野懷逍遙散腰脚况又
地苦熱三月已如灼後園當階前喜見舊植博叢柚發
素萼曲桃綴紅萼經歲開陸蓮紀異壁存略差池綠鳳
羽煥爛黃金稍蔚生四牆下品號更紛若仿佛昔人心
蕪廢失規度徐徐出其秀一一薙以柞殘甄積短埒區
令蔬界各鑿垣開北扉列石儲坐酌中央棗佳絕葉小
惜陰薄但有終勝無聊假忘在郭誰家能餉竹爲我補
籬落

巢經巢詩後集卷二

四

荔農歌

八月穫盡不事犁春深壟草深沒畦年年立夏方下種
今年小滿未落泥野人謂播種爲落泥水要從天倒田內誓不巧

取江與溪邑中之黔村牧之齋潔為禱城隍祠一夜雨
聲達明日明日九龍還浴佛官吏騰騰為民喜會見犁
杷一齊出先生舊是耕田夫食飽無事行村墟行盡城
南復城北水滿翻塍耕者無怪問道旁叟此豈猶不足
四月不耨田何以望秋熟叟鼓隴胡前致詞今朝牛生
公不知家家欄中飼烏飯不許牧豎加鞭笞終年婦子
食其力誰忍生日勞渠為古老復傳言田家謹雷忌甯
令凍餓死不得動鋤耒牛即不生忌還值雨要活人甯
要斃嗟汝荔農吁可歎作爾官難天更難待汝祖傳生
忌畢水滲田乾怨天日

集經詩後集卷二

五

四月八日門生饋黑飯謂俗遇是節家家食此
莫識所自余曰此青精飯也作詩示之

昔聞南極仙創製乾石迅華陽登真訣乃傳青精飯藥
汁取南燭術意密莫問後來浸桐柿見本草榕柏亦不
斬見通雅初原服食法鉛汞藉滋潤何年浴佛供亦與伊
蒲獻佞諂貴新奇此固不足訊吾曩識其名未見未之
信不謂菽爾中烏飯佳節趁貧富當饗飧曰幸免疾痰
例與寒食同意亦延年近相持饌先生一飽感霜鬢奚
從好顏色杜詩豈無青精飯使我顏色好令與孺子俊題詩記風俗亦
以詔後進

白厓洞

白厓在荔波治北十里積素削成高入雲際其足
大空豁稠修廣五六丈左迤上峭壁丈許復一洞
如外修廣非狎險者不敢至右復一洞內下暗然
有泉自亂石閒出或洑或瀆知中必幽潭也勞邨
江經其前眾山東之來去莫見厓上下草木叢碧
有枝莖似桃竹多毛而葉如杉者未究是何物四
月廿日余拏舟遊焉同者凡七人

集經詩後集卷二

六

流水去此盪面如截剛風吹老硬萬古不受涅下嵌若
偏厂楣展失前列積陰養苔氣歷久化蒼鐵蹲門綠蝦
蟆一水漱其舌白日澹波光寒森四山閉沈沈百尺潭
蟠螫富詭譎驪龍常吐珠騰光夜飛掣上下雲開峯見
者大若月兩岸盡懸壁鬼愁徑路絕自非藉舟槳何以
達靈窟我來仲夏末周覽歎奇兀攀深足餘酸題峻膽
尙烈弟子黃精粥先生胡麻屑石上一樽酒了覺天地
別逝將茲避世豈獨擬逃熱倚醉放歸橈回首肝肺徹
黎仁風復瀆招飲許旌陽祠醉書
温公何却八一月不嘗肉朱子在武夷飯客惟脫粟我

生本窮子夙尚緬前躅疏食已踰分敢更蒸紅玉物力
出艱難賤腹況易足何待伐雞豚傷仁即損福世道方
奢薄觸事失真樸一飽須幾何顧必備水陸每常與賓
筵苦勉祇眉蹙老櫟家固貧胡事亦從俗令君邱嫂勞
冤我臙神哭爲歡豈在此杯酒可相速昨已有成言奈
何不省錄因歌告友生召我多煮蓮

端午對諸君餽物作歌

一經兩經罌口紅箬包艇屈杭子從鐵雞斷翹鳧敗翁
器不供寫留暫充廣文先生笑堂中飯籬一掃昨晚空
吾謂亞父乃是公鼠銜生薑出窟籠古來百巧生百窮

巢經巢詩後集卷二

七

葛巾練裙足御冬先嘗麩米春熟濃便解角黍麋雙弓
次第可以到月終卻慚作師無寸功胡瞻爾庭懸者豐
食籍會恐神不容來朝請客同弭凶閭里書師赦書僮
負米歸養歡聲烘冷官看爾愁殺儂

五月初八日送考過方村宿楊小梧樓鳳秀才

田舍二首

劉棻祠下亂蛙嘯棻康熙間縣令有循績民祠祀之夜向村居醉似泥

莫問城頭打三鼓月華知在斷峯西

二子頗長清似月一谿耕稼秀如雲鐙前好个扶犁手

苦派人閒作廣文

七月初二日往莪蒲一帶相隘設關

苗患起且藺焚掠日向烈兵餉兩不繼疆臣任橫軼所
恃毛葫蘆保就自固結咫尺山脚塹失自前廿七守土
往當邊微軀敢辭拙侵曉入山谷連陰氣騷屑處處胡
麻花緣坡白如雪草深徑微茫厯厯踏巖缺人煙固稀
少眾志尙勇決爲語下鄉生急去塹險絕芒鞋奉雞酒
氣振受指挈一笑談經牙化爲論兵舌

九月十六日挈家發荔波

老去運轉拙兩年歷艱難去冬挈家出脫命戈戟端五
旬喪雙孺念來輒心酸荔波實窮陋春上謂少安數十

巢經巢詩後集卷二

八

小偷兒延延蔓且藺夏杪失山脚三洞境逼連邑三洞山距山脚邑宰此防禦月餘嗟潰還吾生強好事是時

本聞官出身爲保境設險籌其先千夫轉木石突兀見

九關蒙石里打鼓坡山翠城樟樹坳時來里櫟樸木水

手諭十六里促結毛葫蘆團雨夜遣門生邱生募練馳

南丹小友召翁昂王拔貢錦募翁昂練健兒爭赴援宰窮帑斷絕

餉又焦吾肝匹馬入村落婉勸輸金錢民愚不急義富

者但乞憐或拔牛一毛我舌亦已乾自從七月來戰守

誠完完狂賊浸入境煽投狄家蠻北不盡水婆東不盡

九千皆里嘯呼逐客戶焚宅分園田我練既大集邑宰

嘉乃病纏遊擊率之去馬清威聲震蠻天破賊百里

外八月廿六旋卻賊更延又出又大捷九月初六

錯其五獲牛馬數千頭殺其一夕嗟三遷重關置

不守賊遂臨郭前九月十三晚凌晨出攻擊易若風掃

煙此時若追捕使彼無一旋乘勝剿數皆大懲懾其頑

彼畏我如神招撫庶可言如何即退入堅閉城門櫺營

卒競功賞忽已兩日閒奔者既泮聚來者復鉤牽近寨

十逃九城中半空闌誰歎與吾守中夜起浩歎事變知

若何我非民社權武城有越寇賢躅許躋板告罷又月

來名存實非官門生百里外婦舍心久專庶以息老夫

巢經巢詩後集卷二

九

脫此危邦患秋郊日慘色紅樹綠江干露擔數千卷出

入妻孥閒回首望白厓漸遠增愴然涼風吹馬首蕭條

異山川悠悠歎吾生哀樂送百年數也可奈何何必辭

阻艱

宿拉冷寨

去官無知者一笑仍閒人匹馬趁行李溪光終日親投

宿入蠻岩賊遠喜俗滄其人盡樓居此家還富民諸男

徙山洞老婦獨看門說是官家子赤腳來依因吹燈進

稗飯一鬻媚女孫土俗以稗飯為貴見孩孺先以與語

各不曉拍笑致情真鼓角聲絕耳恍然定心魂始復脫

衣臥不知何處村

明日至里湖

江流轉勞村荔江西流經荔波城又西八十里人廣西

名又流入荔波州南丹州界屈而南經勞村始得勞村江之

出南丹下會柳州江已入南丹境萬山不壘關叢茅荒

趾頂燒田黧若墨微澗遠當井時節逼初冬雨細增驟

冷僻墟抱岡巒中處百室併名湖實在山李生肇此秀

挺預埽屋西頭迎我笑欲癯几案列幽潔酒食羅豐整

謂言客先生一歲足供應劉生書居對宇事我父兄並

豈知師弟緣為送憂患景自從荔波亂就避斯為盛家

家滿親屬容膝即異等而我獲安居艱難了不省文豈

巢經巢詩後集卷二

十

在斯乎吾身良自幸

令同兒往南丹州相居寄莫刺史蔭臣

梅棠

賊滿都勻地客行生百憂擬前往南丹紆出羅斛州家

累有牽重顧難定行留欲得寄孥所進止至彼籌翩翩

莫刺史高義接勝流蓮花山下地宅幽勞為謀途窮倚

朋友世亂重鞍鞅相望七十里濛濛風雨愁

南丹

南丹土州治後有好巖壑溪流門前瑀向市塵落盤

中昔大池今日田漠漠莫氏多歷年楨等固誠若世州

豈偶然宅勝見規篲去年燼賊燹荆棘蒙瓦礫仍也與

平播石楔巋猶綽舊署門外石坊為明萬曆末士知州
南四 史志失記載茲足補其略我來兩日留患餘歎新

劉三行

名芝山字伯龍以功得從九品賜藍翎弟叔龍芝文粵人呼劉三劉四也

澈浦劉三勇絕倫熊眼虎步儒士身南丹冶鐵兒其羣
起殺粵賊賊益鷹笑視千萬如一人手提鐵礮六十筋
蹲置膝上承以肱右手發火雷怒聲鉛子百貫如空行
子未落地繼又轟擲礮拍手看賊崩乃公懶追縱使生
連日大戰南丹平論功推與士哲兄坐看五馬加雙旌
三族兄士哲秀才至治依三每從討賊三盡以其功與之今官襄陽知府安知從九何功名
矣

巢經巢詩後集卷二

二

楊性農

義珍

主事次拙集中宛字韻作詩見寄

仍和荅

明月綠蘿煙窈窕游屐他時慣幽討十年不踏枉人山
屢夢猶尋沅上草楊侯晚歲始相聞香火舊緣應未了
勞君妙語苦雕飾歎我衰容日枯槁欲參兵選知已遲
擬上權書還不早置身天地成贅物回首風塵甘卻掃

寇氛連歲瀕衡湘殺氣彌空昧昏曉茗山橋洲非昔日
白骨青燐照蓬葆圖書何法各無恙保聚知君功不少

我從去秋值播難困守荒村逼冬杪亂將遄已方鋌鹿
悔不先知有如鳥義之痛天劇纏心柳子教蠻聊破惱
所向招災命真惡有苗弗率城甯保棄官歸去近歡迎
里燧重然復愁倒茫茫對此住又難默觀吾運何巧
羨君芝室傍桃源比日安居得精考昨來遠質亂餘集
此事已繼南村老謂湖泉可憐申甫求崧高眼中人已
高求性農何減文貞賦天寶我詩乃作故謬評子意得
毋不存稿固知賢者口無擇想見斯人影亦好過訪非

巢經巢詩後集卷二

三

難一葦杭相思回耐九回繞會教太白遇賀監終免孟
郊悲賈島寄言吾道方龍蛇且止擺頭莫輕掉

芒場

南丹不可住浩然思故鄉攜家指西北山氣何荒涼匹
馬穿茅林馬身林中藏茅花拂我眼茅刺叢我裳終日
不逢人知越數十岡大山山名產良錫惡子雜五方去年
作道藪降者身手良前月所致練殺賊信莫當日落過
其下顧畏增徬徨前途不可卜且喜至芒場

六寨

天晚投六寨入店主驅客謂賊燒豐甯此止廿里隔全

家擬即避君請去他宅倉皇了無計斗覺天地窄衛人
方紛驚此拒彼甯得婉語向主人意轉還好色作炊進
士在苦道且強食萬一賊果來相攜走山匿敬謝主人
意一覺窗已白

戈坪

偷途越叢山賊遠終膽縮戈坪晴無日慘慘鬼門複來
蹊長茆隱去徑垂綫續山口千人呼仰望但雲木意必
豺虎羣高視規我肉命窮輕死生險熟隨禍福行歌上
劫際矛戟列似竹團長指眾言當公出前谷相驚賊掩
至各已戒又簇笑子悸我魂吾亦駭汝目一恐有乘除

慰言兩無辱

莫經莫詩後集卷二

三

月李

蠻路無定里客心爭宿程午言月李近及達已初更不
辨市大小何知店縱橫家人坐行李壁挂乾死鐙鋪牀
枕牛牢書擔薰豕楮生有陳蔡厄空言更何能得休有
餘幸已勝黑地行

牙林渡

曉下牙林河上即麥冲水去日溯所源歸時度其委大
回深葦閒寒浪淨不起笏篋結小筏稍踏沒首尾肩夫
不釋擔籃筍已淹底笑視龍伯宮僅隔蟬翼紙我馬真

木隄凝立外生死行險恃心亨我師良在此

槁里

晚筏蘭汜河日景漸翳翳陟巘知幾里眼忽不見地力
夫感我厚昇荷不忍棄瞽行及槁里適值店叟醉少婦
謹看客羹茗親饌饋引坐視如女一一詢近事為言公
不見昨日可勝悸不知何官屬眾向蘭汜濟訛報賊渡
河舉街急奔避露宿黃茅岡呻啼愁老穉各各晚始歸
公喜未早至吁嗟亂世民幸活膽亦碎所憂非我力永
歎還棄置

羅斛寄莫蔭臣

莫經莫詩後集卷二

古

棄官至里湖擬從里湖居君復遠相迎遂至君之廬文
章動海內自媿非其徒子何愛於我深眷如友于朝夕
致饗餼筐篚及妻孥謂言且句留此邦幸無虞待擇巖
壑勝結茅供讀書悠悠墳墓心不死誓不渝訪有一綫
路及今猶可趨大懼亦充塞賊速鬼不如剪鐙話深夜
握手增欷歔臨分又劇慮選隸與戒途子誠周慎才此
意人所無苦渠四百里護我出坦衢及茲遣歸還再拜
附雙魚情親無飾語意重若未攄黔粵距莽莽世界昏
塗塗男兒苟氣合胡越猶比閭鬪哉古諸侯威彥真前
模

閏十月十六日荔波知縣紹興蔣曉雲

嘉穀擊

賊於縣東四十里水錯河力盡死之

狄苗生苗一時變兩月恃者三百練礮倉鏹窖亦已無勢不死守即死戰嗚呼大吏坐視如不知一令死若殺一雞天令若輩斲黔國君職已盡何啼爲

旋聞十月二十日南丹練首從九品 賞戴藍

翎劉芝山擊賊城外中銃子死死後二日其弟芝文率部眾出城與賊殊死戰殺賊尸幾與城平其兄及蔣令兩樞從歸南丹眾亦遂散

嗚呼世禍知未已無用不死有用死平生千里不留行

巢經集詩後集卷二

五

兵事好還爾何悔季也縞素揮雙刀兩棺捲過血漲濠匹夫報友報國盡於此孰要 天子知其勞

抵貴陽喜晤莫邵亭苗升唐鄂生因懷黎柏容

杜老饑愚復孱懦弃官西走挈小大自云定分豈可逃幸免戈爰此生荷我於此一毫無固應奇窮十倍過一場噩夢何足道萬劫妙明了無挫故山已近薇蕨餘吾黨獨存四五箇不圖所思忽聚眼卻憶向來魂尙破誰歟致聲與黎椽盍早歸乎共林臥

集邵亭苗升鄂生黃子壽

彭年

編修及同兒食

欣然有作

才難聖所慨會合尤難諳喜此席上人幾盡坤西南不
因艱危際奚自翕且耽莫五別兩年北選無路參書叢
借小住文獻思獨擔黃九讀中祕歸來日朝三攤書忘
軒冕穿穴如蠹蟬唐四今端孝嘗險備苦甘葛經舍外
寢高師拜遷談不見止三時莫六更出藍未肯受蒙困
惟於古乎貪各抱千秋想對之我何堪身心兩衰落理
籌牛角鑽經年風中走自縛真如蠶此集亦何幸懶拙
又見涵譬但分殘冷我已飢且酣小兒強解事可笑不
自慚未覩宗廟門焉知有牛函長者謂可語亦且慰白
參當代大師業吾邦遲遠覃不知自誰氏開先啟其弁
於今三十載守失乃在郊北海無細漏南閣有獨探誰
信嘉道來家法多逆男思下牂柯兵詖邪令受戡吾衰
付公等此意非狂譚獨嗜世界黑乾坐憂如悵鄉國盜
充斥去向迷劇驂日夕望冢墓我馬何時趨安得武陵
溪桃花紅映潭放我及數君東西對茅庵農閒輒款戶
佳日還昇籃道泰會有時聊云樂瓢甌心長苦髮短念
此殊醞醞

巢經集詩後集卷二

六

借邵亭游東山

東山在城東望近行轉遠非爲脚無力實緣舉步緩壯
年惜齒莽一日陟數嶽貪奇及玩僻回憶兩皆淺茲山

經廿載今日乃復踐霧散天宇明木落露崖窾初心信
所詣但視日早晚屢息遂及頂萬家俯在眼君山讀書
處遺跡杳莫辨冷風襲茵桂返照上苔蘚時危思古人
一杯何由遣

借邵亭子壽游芙蓉山觀王陽明先生大小二

畫象四首大象侯服高六七尺許上書封新建侯救嘉慶初建先生祠於某從制府

百齡乞奔於祠後失去貴築王觀察現復購歸之小象燕服席地坐有龍溪緒山等四贊及

國朝袁簡齋秦小峴諸人題冊爲先生裔孫蘭陔攜以游黔留賀撫軍長齡所道光甲辰撫軍

祠中以藏

出游預生憂日短城早閉欲多數刻玩相攜食羊肆漠

莫經集詩後集卷二

七

漠煙際村蒼蒼松閒寺紅樹稀昨日蕭寒滿冬意

微雨歇還作沙沙鳴竹林登樓一周眺城共山色深干

戈百里外欲拯力不任方爲麋鹿游遙遙沮溺心

乾愁漫自慰且止看松竹焚香禮陽明中感復棖觸一

丞落會瞻三使國日蹙古今不相及生齒付魚肉

意行不知處花木環精廬中有狂道人埋頭對殘書不

出三十載無語同癡夫問之止瞪眼吁嗟吾不如

貴陽送邵亭赴京就知縣選兼試春官二首

林臥已云晚問君何所之不堪離別意豈是宦游時欲

語都難說相看祇益悲生非無好命歎息十年遲

與君三十載親愛等同生別面無終歲傷懷獨此行宦
成歸不易吾老去非情藻堰椰洲月何年管送迎藻米在堰在

王个峯言某友家有說文宋刻本亟屬借至則

明刻李仁甫韻譜也書凡二函冊皆錦罽金籤

極精善細審函冊分楷標題並先師程春海侍

郎手跡知是生前架上物也悽然感賦識之册

端

我爲許君學實自程夫子憶食石魚山笑余不識字從

此問鉉錯稍稍究滂喜相見越七年刮目視大弟爲點

莫經集詩後集卷二

七

新附考謂過非石氏公時教惠王歸沐輒奉几每歎伯

申喪無一可共語王伯申先生秋卒余留我卒漢業令

館王學士誠區區苦思歸告別前街邸馬先生時宅兵

中行且言送我至驟市焉知卽永訣師弟終一世踰年

與秋薦先月公已死猶幸棺未返及哭龍泉寺丁酉七月

孫知何地日所撰著十不存一二插架三萬編散歸

他人底此帙何自來舊檢辨題識歎落銜蓋口徒令詡

裝褫無錢可買得我愴焉得已

題唐鄂生藏東坡書馬券真跡并序

坡公玉鼻驛卽元祐元年九月謝表所稱以臣入

院賜金鍍銀鞍轡馬一匹者也後四年四月以龍

圖學士知杭州時同年子李方叔去年公知貢舉

下第居京師益窮公因舉驛書券賙之云又恐別

獲嘉馬不免賣此蓋飾詞也至涪皤跋則惡僧聲

口矣後十餘日公即朝辭其年秋方叔復下第次

公日字韵詩求諸公光榮林泉知其時驛已賣券

不知落誰手真跡刻石在眉州絹本向匙見者今

年冬余棄官歸至貴陽鄂生出舊藏見示據思翁

跋知明弄陶葵陽家時已失去黃跋以前傳授無

可考然外力中稜細筋入骨信爲公書無上真品

未易爲止知毛色者道也因作此詩附尾云乙卯

十一月

大我仙人書家伯天馬行空不可勒公據真傳玉鼻驛

國初已剝眉州刻王阮亭謂蘇祠詩曠代無人覩真本

一朝到眼信奇蹟香光評宋四家書坐位同宗一片石

鬱屈瑰奇似此券竹山太冲豈非嫡是時先生厭北扉

太華逸民正窮阨卿賜無嫌鄧取梁石牽不比裴寄籍

大手書原題扇意月評價長騰黃色老皤尤屬巧言語

巨駟真成履黑白貴人乃嘗非上閑淺者迂談倍嘉德

秋後牛衣歸潁川分無款段將下澤定應難待二十萬

賤售不論兩相直丈夫命窮實難強拯助空費師友力

坡谷大是噓枯人富貴一介宜易得微名薄利望能幾

買羊賜馬總無益文章身後方值錢農圃殘齡等投核

方叔次日字韻詩欲持牛衣歸潁川結廬抱來徒令墨

箕隗前且畢殘齟學農圃試問瀛洲紫府仙寶存左契坐羨天駉壽銅式何人割去涪翁書或似安

家有分析焉得神物合兩龍持配黃州賦寒食

米元暉洛晴冬晚橫卷爲鄂生題

雪盡嵩陽玉女峯初日挂在東谿松歲晚懷人欲相訪

忽向青天騎白龍醉眼烘烘洛城陌紅動晴光入荷澤

三川暖靄樹依微九谷生雲村暮歷虎兒筆力信有神

傳家逼奪阿爹真可惜伊陽好風景已是五湖田舍人

舍在大余亦今成懶拙老論資卻怕數峯笑黃松瀑題

姚村烟雨卷云忽因微駁論資格江上數峯微笑人吧上梅花喚早歸還山趁有黃

棉襖

題趙子昂八駿圖周小湖觀察作物卷後多元

承旨畫馬止八匹匹食過王母秣龍精可寫不可藏

三十二蹏踏素裂征戎遠憶周穆王恃此且致白鹿狼

如今縱有亦安用日暮天寒烏啄瘡

沈石田於明成化庚子畫怪松卷四丈許蓋臨

梅花道人者後書杜工部題松樹障子歌大行
書越六十年嘉靖庚子文衡山復臨沈枝幹若
一自爲跋於後又越三百年爲國朝道光庚
子黃琴鳴得沈卷而文卷先爲大興劉寬夫位
所得寬夫其子婦翁也因以卷歸琴鳴使文沈
合璧焉道州何子貞紹基以畫者得者歲皆庚
子又巧聚若是額曰松緣畫禪琴鳴寶兩卷甚
不易示人告余曰溝壑漸近他日當同以畚土
藏之也爲廣其意題一詩於文卷後

巢經集詩後集卷二

三

黃山絕頂堯時松死在文沈兩禿翁石田一掃根拔地
六十年始回生意衡山再寫樹遂枯以後神入兩紙山
中無琴翁經世才好畫乃餘事自得兩松同起睡而今
滿身是松氣我聞君家井西留下虎跑石須待其人繼
其跡他年君若飛昇以此當茅龍借我一枝作杖相追
從

子壽侍其親琴鳴

輔辰

觀察南還時拾怪石於

白茅灘上琴鳴因以爲硯左右之子壽屬余作
拾硯圖並石狀系以詩

親生雖曰嚴其實不難事苟有孩提愛隨物得其意海
南玉慘豈眞蘇陀似老人謂奇絕在意不在味黃子

好氣象和順出中積以之奉晨昏能離膝上置南歸逐
錦帆魚笱日親饋泊舟白茅洞拾石澗水裔嬉弄上家
尊謂可博餅餌焉知大歡賞贊曰天然製寶待越下巖
搗筆復圖記琴鳴先作圖記其處信知承志物不在鐘鼎貴爲畫
江介情用媿儼恪輩

旌德呂茗香

延輝

明經年六十餘以去年避寇

來貴陽課徒於東城人家窮甚余訪得之知早
從洪稚存先生弟子孫源湘編修學與同里姚
仲虞配中相切究故學問具有淵源後見余詩
文枉贈長句次韵奉荅茗香道仲虞年五十餘
卒著有周易姚氏學及卦氣配月令駁惠定宇
推鄭氏爻辰爲誤之說惜未見其稿也

巢經集詩後集卷二

三

我吟率性真不自謂能詩赤手騎袒馬縱行去鞍羈誦
君投我章一廣見全師句法有淵源皮裏無時宜而乃
託小作直自忘牆籬奈何命巧丁瑣尾悲流離適越資
章甫何在不受譏黔封黑昏氛棄甲嗟于思庖蛙與燭
螭強且隨書兒天運誠茫茫巧力不得推相傳幹世眞
端賴一二持古賢有阨窮小忍徐待之汨余日就老百
念無一幾午山雲臥地草木相蔽虧客夢屢還往苗麓
難爲辭服鄭學業成亦在黃巾時相逢雖恨晚炳燭或

未遲北江有遺稿匪示都君出示北江先生詩文遺稿多世所不傳者願君自今始作砭毋作磁安知漢東侯驕楚不在隨

附元作

昨識先生面今讀先生詩奇者境獨闢杜韓不能羈亦有平易者非徒白傅師經以爲之質所向無不宜自是鄭子詩豈屑寄人籬最愛玉黍歌徵引何離離君若遇丈人應無不分譏又愛燒書歎比擬匪夷思有味乎其言病子與號兒偶舉此兩端其餘可類推詞章與考據二者難兼持我朝盛文獻亦不多見之顧閻毛朱外孫洪其庶幾先生真大勇華實兩不虧顧我學既寡亦不嫻文辭偶爾託吟詠雖窮工無時昔曾歷嶺表老惜來黔遲何期遇先生一見如故知是真天有幸漫云鍼與磁君龍我其雲上下常追隨

巢經巢詩後集卷二

三

琴鳴與余飲言昔年在京師有持程端伯臥遊圖五百卷之第一百九十六來售者長二丈餘心欲之而高值不可得適有佳紙因剪燭臨之自更定至雞鳴而畢誠一快事醉後出觀歎使端伯把筆不能過也因記一絕於卷上不得錢力得腕力一夜坐挽青谿回圖成笑費十枝燭

看爾詰朝昂價來

題仇實父清明上河圖四首陳虞封所藏

朱雀門開散早鴉萬人如海事紛拏趙家全盛分明見不用東京紀歲華
南北瓦頭諸伎新龍津橋外漲紅塵荔支腰子蓮花鴨羨爾承平醉飽人
景象天禧慶歷間青苗愁歎未登顏畫師無限傷心事不寫城東萬歲山
清明風物汴河干仇老精能過擇端資聖寺前如問價一金止許一回看

巢經巢詩後集卷二

三

巢經巢詩後集卷二

巢經巢詩後集卷第三

遵義 鄭 珍 子尹

古今詩共七十五首

周春甫 續照 以仇十洲山水長卷當其桐陰山

房圖索余篆額並為長歌 已下丙辰

詩必此詩非詩人畫必此畫兒童鄰非馬喻馬馬始真
此意難與滯者論君不見小謝在何朝而刻敷文之印
子雲生何代而題李約之齋五百年閒一旦暮識與不
識相往來況君尚友心大雅同一堂焉知仇十洲不為
子畫山房村曖曖兮雲遠風娟娟兮樹涼魚艇下時山

巢經巢詩後集卷三

一

水綠蛇虎不到松蒼蒼此境人閒本無主誰其寄之即
暫據煙雲變滅隨東風何論畫師有今古清曉此澄對
大與桃源同吾欲與君日日醉游水南東不聞戰鼓悲
老死葬其中一念隨起復隨寂究竟不知何主客君看
抱琴橋上人似是老柴今日題卷神

三月初八日偕江夏夏秋丞 成業 刺史山陰王

介峯 介臣 上舍澈浦舒文泉 必瀆 學博及黃子

壽唐鄂生高秀東 以莊 游芙蓉山余為圖系長

句於後存子壽所

芙蓉山在城東插天一朵青芙蓉上下蜂房著芙蓉足春

來車馬如游蜂美人勸我扶病起為指銅駝淚如洗今

年此地不看花明年此日知何似春風吹衣上高樓開

筵即在樓上頭雖無二十五老者座客盡是珊瑚鉤俯

視城郭銷我憂煙花十里爛不收濟火何年受節制令

人卻憶忠武侯酒酣噓氣吹十洲狂來發語無千秋臥

看西山日將盡碧雲烏去心悠悠藻米溪龍尾潭亂紅

已過三月三何因便逐四溲裙子後花邊送餉還祈蠶

黃子壽迢寫段懋堂鈕非石呂鶴田父子賢基

錦文許印林瀚凡四家校曹刻集韻於其本並

自增校甚詳命同兒彙錄為校勘記因系數語

巢經巢詩後集卷三

二

即次郎亭書後韻

黃君校理祕文日窈窕承明羨謝瞻 謝宣遠答靈運詩

樂為祕 丁韻曹刊漬朱墨滿身瘡孔愈精研我慙章邱

正吳補待子傳鈔突為黔 亭林先生過章邱借任氏吳

韻補 勝似觀棋隅坐客亦憐得暇繞書籤 坡詩季子耕

正 次韻蒼子壽時方力辭監院

世事如何得自由大都無蝶有監州公卿愛士雖奇數

禮樂攻吾頗豫籌何處江翁容狗曲高吟工部上牛頭

且欣無復能拘礙莫道真成浪出遊

送柏容之鶴峯州州判任二首

憐君老大喪方舒家運方隆得自如八秩雙親視行李
一門羣從沸題輿箭盤古說奇風俗江女人傳好菜蔬
笑指悠悠山水嘗來百味總饒渠

剝盡頑膚始見身六經爲伴鬼爲鄰事無兩得甯捐短

我亦三思祇有貧此別相逢識何日數年不死待歸人

鈔書頗羨夷陵紙歐陽公言天下帳簿惟夷陵紙歲久

不壞

歲暮有感

睡醒長嘯一欠伸茫茫澤水望無津蒼天氣老鍾庸子

巢經巢詩後集卷三

三

古聖墳銷讓後人赴壑修鱗還沒尾如雲大翼不生身
向來猶共梅花語近日梅花也不親

臘中種竹

碧巖東邱似廢臺求泥種竹笑心孩傲韓偏欲石間大
學杜還於臘月栽久識此君無熱性要宜肥地必凡材
明年看我龍孫茁始信先生妙手來

送種松

東邱高壑可書堂祇爲無錢意豈忘預設蒼官三百職
令朝黃卷九千箱老知此志恐難遂成待後人要忙
想見軒櫺森寶笈龍吟風雨翠排牆

寒夜讀書

雪意宵嚴逼歲除縮肩睜案似蟾諸信知冷卷真冰手
何怪兒曹不好書攏衷獨吟鐙暗後開門正值月來初
漫嗟窮相人皆棄且幸前賢面未疎

機終

林居那至盡無功歲已機終事未終加料壯豬糠屑白
燒灰除蝗菜畦紅聖賢決不甘癡餓氣力何嘗有死窮
猶媿鄰翁同此事一年未止飯籬充

開歲十一日漫書

已下丁巳

拄杖徐行日煖溪便過溪口駐疏籬梅殘尙似初開景

巢經巢詩後集卷三

四

柏老猶生最嫩枝醒酒趣宜風竹舞養饕心羨雪菘歆
兒曹儘樂新年事不是阿婆得意時

正月十六戲書

鐙節行看過兒童又爽然抱書愁上學牧犢怒持鞭老
子卻成喜新正劇可憐今朝藜藿腹纔得脫葷羶

二月二十日以病新愈命同兒赴貴陽書寄劉

仙石書年觀察五首

病起忽若夢不知此何節惟見櫻桃花滿山白如雪憶
我除日歸絕粒已半月居然不許死天意豈無說持杯
勸口飲汝窮命眞鐵

三年弃校官無疾羨藜藿醫師頗相妒不買一錢藥豚
豕蹴唐園陰陽患因作饑飽有定分違即攘其鑿逝結
無情游行歌老帶索

河閒劉大夫儒雅今文房小男十二齡月讀能一箱乃
肯坐令拜侍盤辱符郎人老愛佳子病過畏遠方清晨
花樹下正嚙天人糧念至忽抱書翠眉立我旁無緣使
終業慨然思禮堂

識途豈乏良疏請差厥峩還書驚深眷謂即小兒可我
已不足師况乃更遜我盛意良難違事賢彼猶頗老深
抵犢愛行笈計瑣瑣遙懷正五游樂事慚坡過吁嗟意

真經詩後集卷三

五

氣感正不為貧餓

清晨坐亂堆日夕不出門山花漲香海開落忘問存
氏起欠伸吾亦頭眼昏貧人作富事勞力增病根旁觀
竊相笑此意難共論古來幾窮者正以為昔魂心想迫
衰暮命在復何言

五孫種痘作二首

門衰生不殖德薄天益刑艱哉廿八年乃僅增一丁吾
年已六九於世鮮所營妄希禮堂業期以數世成生兒
亦不惡願後百慮并去年望孫眼喜見此甯馨何止萬
金視漸看綠机行虜瘡念誰免神痘或稍輕方書有神痘法即今

以種痘是吾兒不死一擲唯命聽根窠發紅潤漿汁光
以盈持狀證方書吉徵固分明常虞意外變日夕中不
甯新婦與為命每抱達五更口瘡八音樂舌乾羣鳥鳴
百方慰煎燭聽之感人情罔極昊天德泣然思所生今
來慶痂落始覺心太平持觴祝嘉樹從此躋耆齡吾衰
尚未懶大字鈔六經

痘於古無說始見肘後方云自晉元世流來西北疆當
時以形名謂之豌豆瘡自是徧海內例作生人常萬孩
無一免百發或十殤九九論聞人直訣明仲陽或云食
母穢古豈皆空桑或云本時疾六診當屢傷要是淫火

真經詩後集卷三

六

說足裨扁與倉吁嗟世運降陰禮墮渺茫容止不復戒
生子貽之殃吾聞今龍家諸姬徙要荒先王典則遺一
一未盡忘彼中斷痘法婦孕輒異房大家主室老小戶
司姑嫜眉間驗紅縷別處加銀鑰痛絕三番疝見李東垣書
在嚴七月防陳鼎漢醫士司婚禮記龍土司即左傳龍
之南微遂成今龍家苗其俗最忌痘者百無一生
常因一兒痘而延染一鄉竟絕痘類者求其不痘一受
孕即不與男處則所產者決不痘故大家設室老專護
其事小戶即其姑嚴護之其孕也今夕受胎明晨婦眉
間即有一縷紅絲隱隱而現每晨婦人見姑與室老一
見即知立為移置別室夜加扇綸日夕虞防至七閱月
胎成方解嚴以關係此實前聖教於經微而彰三代彤
非一人一家故也
管法女史職所當妃嬪所當夕月日書之詳有身退金

環側室閒同藏載震即載夙周公頌先姜豈緊不諱祖
固曰夫婦綱復御疏婦人有娠則禮不當御取以自肅
戒也靜女傳后妃羣妾以禮御於君所女史書其月日
生子月辰則以金銀退之疏此以將產爲文實有娠即
宜退之生民古人用意精胎教何齊莊况此關壽命能
無大爲坊毛鄭讀書多遺文本周商禮失守在夷何必
傳高堂安得世盡爾嬰兒免茲瘍因之證古義庶召謀
官祥

寄趙芷庭兼壽張氏嫂二首

與子壯懷日至今曾幾時相看俱老物且喜各佳兒已
往不堪憶未來安用思惟將一壺酒百里對歡持

集經集詩後集卷三

七

春風沅首別不見已三年每向山妻說無如嫂氏賢明
朝逢覽揆遊子忽西旋應勝看新婦攜孫在眼前時女歸寧

重五子行家

叢蔭欲開榴火鮮醉著老夫蘭益邊三點五點竹間雨
一聲兩聲林外鷓鴣田父無心記端午兒童有味似新年
雙嬰沉首忽關念南望題詩神黯然

行年

行年五十二老與常人殊兩鏡作全日一莖非黑鬚我
思前可懼妻引古相諛白傅衰尤早君看九老圖

寂寂

寂寂碧山裏蕭條非世情家貧親戚畏官退比鄰生百
歲已過半一分無所成長吟風雪暮心事不勝驚

引妻

引妻三女後曳屣七泉濱曲曲青林影悠悠白髮人田
評香稻久路摘刺藜頻鄰舍盆方鼓相看是幸民

謝芝園致乾魚

我手不熟釣而識釣之意我口不習甘而知魚之味其
佳在鮮腥鹽醃失所貴匪惟我厭之神亦吐膾祭鮮者
既不常蕘又不足嗜惟腊而不鹽失上得其次膏炙和

集經集詩後集卷三

八

鹹酸復以蘇蓼配妙稱點燒春細嚼兼骨刺此味非手
釣欲得亦無自晴溪好風日持竿負蝦筯或垂深潭上
還去激灘際大魚三寸長小亦不之棄隨得隨腊之層
布竹笠背所以鮮氣存終年無餒潰我友芝園翁送老
綸與餌積蓄知幾坩飽坐于場醉憐我如蠹蟬徒起無
魚嚼一包遠寄餉勝似十牢饋所歎去百里腹慣難爲
繼題詩荅珍賜笑帶乾魚氣

臘月十七日馮氏姊還甕海

姊來兩月歡姊去終夜語相守待晨發雞鳴淚如雨姊
氏信仁賢事事肖先母生居窮兒長歸爲獨子婦見喜

三後姑能肥八男女比年連三喪賴汝隻力舉問產尙
如舊益知心獨苦憐我憂患存不見幾寒暑十月遠來
歸俄及聽臘鼓兩手何曾開女事輒相助鹽貴朝淡食
火弱夜團聚隨說得顛顛凡動見規矩謂當開歲還家
政莫余悔歸甯已不易過節尤難遇屠蘇盞增一墓域
燈見五鄉俗上元家點鐘燭於先墓余行年將六十似
此知再否信至乃爽然冰泮期已許女債當須紀日促
安能住所歎道阻長凌風寒莫禦知姊性過我臨事不
邊處出門復顧言明年還視汝善留相見身多福宜自
取有子能傳業有孫行當乳得過且復過慎勿蹈豺虎

巢經巢詩後集卷三

九

凝立思姊言鳴篋松中去

寒夜百感交集拈坡公糴米詩語爲韻成十首
陰積非一朝成此意慘鬱夜風搜枯桐空條猶拂拂隔
窗鬼吹鏡沈冥了無物苟有可以休相從吾豈不
此地是何地此天是何天偉哉造化身森然立於前所
歧誠莫及頃觀殊未賢即事良自悟乃有區中緣
悠悠念前武朗若示我程豈無同徵人九旬慙公卿當
年苦貽厥萬事傷人情獨無東萊下假田躬自耕
洪水焦堯心林下有棄瓢實無盜壤具洗耳原不慘聖
拙已懸絕憇尤皆自招不見觀棋人非仙遺失樵

少年遠求仙浩蕩窮四極焉知眉睫下卽是不死國歸
來意情悅翳翳日將匿念昔瞻依人再見已不得
聖時鬼不神匪是固難拗太虛中何物恨來直須蔽吾
生更有幾欲止心若絞青青北山薇摘得與誰飽
一溉不救旱或有因以殖古來傷心人身在豈遑息老
農及秋病扶杖觀黍稷知無嘗熟期留之子孫食
夜長何漫漫我念亦已迂甯絀一時智思免千歲愚荒
程詎云苦所閱姿年徂蛸蟻轉糞丸信與常嗜殊
祖衣曾幾傳眞意遂已杳不有獺獠兒此患何時了觀
生豈無意遐想出天表遙遙移山公計世良不少

巢經巢詩後集卷三

十

千里訪所思艱止心已慰逝波迫歲暮悵懷起余畏可
荒裘氏吟而令安邑費蕭寒蘆葦根可以味無味

早起觀梅次坡公松風亭韻

山中一家不成村隔壁聽書皆古魂天憐此子太寂寞
特遣玉友陪朝昏四山雲合迷處所南國少此梅花園
幽光照世有奇賦冷面對人無暫温老夫未曉不成寐
起視不待升初暾自憐此花極似我眾人未醒先開門
何異桃李方睡熟汝獨笑與冰雪言凝陰閉塞幸珍愛
歲暮保有山林尊

再次前韻

殺豬聲叫東西村歲垂盡矣驚心魂先生囊無一錢看
獨與梅花同日昏時從南祀上北嶺復出左邛還後園
籠裏行哦總花底花亦喜我恭而溫似說天寒無浪出
且當白醉松窗瞰感君相示冰雪意未晚手自關柴門
遙天鶴子在何處室內豈無交謫言坐聞馬嘶鵲亦噪
促辨明夕屠蘇尊同兒時館貴陽

三次前韻

前年梅開賊掠村攜家遠避餘驚魂去年歸就梅下宿
數日卻去神昏昏惟有今年飽仙福文君盡力娛文園
明年不識又何似淨骨且受冰肌溫世情冷熱大概見
幸賴草木分餘噉置身已在水精域明妙遠出婆羅門
銜觴倚樹別有會此意欲說難為言蒼苔照眼翠禽靜
一笑臥倒花邊尊

溼薪行

地鑪雪夜燒生薪求然不然愁殺人竹筒吹溼鼓臉痛
煙氣塞眶含淚辛小兒不耐起卻去山妻屢撥臙且住
老夫坐對一蹶然擲柶投鉗與誰怒緩蒸徐引光忽亨
木火相樂笑有聲頭頭衝煙漲膏乳似聽秋濤三峽行
人生何性不須忍乾薪易蒸亦易盡溼薪久待終得然
向雖不暖仍不寒

山中梅花盛開

山翁舊是梅花仙忍飢種梅不計年花時富氣溢山谷
玉作家居瓊作田漫數苔枝暨鐵幹但視翠禽知幾千
繁星突上青竹頂白雲漲入蒼松閒或恐清光動帝座
定應賸馥分人寰日日提壺與花飲爪摩鼻嗅時復歎
昔年確地無寸木短蕎瘦麥真黔山一朝手變爛銀海
惟有十指知艱難擁奇要非歲月事作計先須胸眼寬
寄語後來種花者一枝半蕊安足觀

觀梅有感

先君昔日居堯村籬落之閒梅一盆毋惜千歲終不大
放出平地伸囚冤坐令長條怒上屋旋覩高花橫臥門
我時敬竊先母意歲擁茁稚分新根至今繞墓冰雪種
皆於此樹為子孫一念為舒造化氣尺枝致洗蠻山昏
當時祖梅亦至性母歿遂枯知殉恩我今垂老祇無用
承負養鞠身徒存撫花長歎花亦感寒曉共泣東方暎
庚子先妣卒其年梅
遂不花明年枯也

晨登梅岵獨吟因成長句

看花終年無一句獨向梅花吟不住不關才退及心懶
非君無以發吾素平日冷澹真自知老去性情尤厭惡
君看悠悠凡草木對之語言亦何趣清晨獨去人鳥寂

碧蘇光中哦且步高詠何須必已出古人不啻似我作
羌無故實枝橫觀盡得風流月挂樹自從老陸騎驃去
範影模香紛可怒君聽此詩定何如爲倒一杯醒眼露

殘臘無以忘寒借測圓海鏡十日夜呵凍錄本

校訖示兒

藏書讀書事不同藏書貴多讀貴通古來讀破萬卷者
不必萬卷皆宮中若徒四部誇富有何異臨安陳道翁
我老無錢給衣食那復買書祇從借時撮關要鈔一二
絕精又簡乃全册不論行草及疎密但無錯漏令可識
常謂苟能印心上有此已佳無亦得是編於數絕今古

東坡集詩後集卷三

三

頌之徐生字之許我昧其術珍其書白首寒天歎良苦
人生即不爲大儒豈可案上無程朱渾天一轉吾家事
會有老父開吾愚

篠庭表弟饋酒

歲殘坂盡正生愁忽到紅纏欲沒頭說與梅花待新正
共君從事過青州

糠頭火

燒殘生米樹熟到斃糠皮亦復令人暖甯徒解我飢乍
然光不起忽暗口頻吹跼守仍誇富無春詎得茲俗言
人不知米所出以爲必珍木實也終
或問所願曰惟思得生米樹作棺耳

殘歷

立春經七日殘歷賸三行處處春聲急家家餅氣香我
貧無治辦節到祇尋常兒子猶癡相餽燈飾草堂

正月初趙仲漁

廷璜

壻來山中漫書

已下戊午

我歸非書不挂眼堅坐兩臂厚如癬終年親友斷行跡
口閉生臭舌欲卷目中兩歲不見汝噬肯過存苦足藹
老懷一慰轉歎息人生難此飯一盃不因負米待返哺
誰遣汝勞况行遠相從喜事賢大夫豈但觀摩直嚴憚
我今身與世相違誓作蠹魚死殘簡三旬兩食未爲餒
九冬無裘亦覺暖相從且復數日留梅花滿山足消遣

東坡集詩後集卷三

齒

舊中未盡過年米安乾薄托猶足辦

與趙仲漁壻論書

吾嘗謂人號君子考其言行而已矣天資學力各不同
揆以孔孟惟其是而是之中亦有別與評金玉正相似
光色純瑩見差等要爲足重非僞比論書又何獨不然
心不可見盡在紙桃怪側輒爲僉人剛方渾重必端士
亦有中校外婀娜斯實柳和鄭嫵媚羊質虎皮又豈無
藝隨身敗足挂齒古人真氣不虛發借筆於手圖便事
若用頭濡及襟帶亦是其所作字吁嗟斯邈至歐顏
歷歷作者皆已死相傳雖云有筆法幾人親見崔蔡指

就其形跡推運用各據所悟言之耳嘗疑韋鍾同輩人
寫時豈有不見理明明目盡使轉妙破冢搥胸爲何祕
蒙經已改李妙刪七種執筆文不委俗圖三手又乖舛
方明撥捉尤若癩澄心七字出希聲撥鐙翻成一闕市
國朝六藝務反古自宋以後莫睥睨取法乎上誠盛
業識者固已知其弊吾於六書頗特識落墨每恨無律
紀性不能逾力難強縱有真訣亦瞪視曩年曾觀包氏
述蒼蒼莫明其所以乃今趙郎道其師是從包述悟筆
隨爲作五指握管狀如鷲昂頭鴨撥水自言三載成自
然骨紐爪秃肘肩痺吾愛汝師翰墨迹獨溯北朝古質

真經真詩後集卷三

五

體豈知精苦突尋常信是鑽槃直透底古今事事順人
性未見二王果若此司直擊拳馮兩撮張從中擊拳撮筆馮侃兩指撮
管韓五李三亦異旨韓方明五指包管李少卿三指提管要之書家止在
書毛穎自是任人使多間擇善聖所教少見生怪俗之
鄙學古未可一路求論字須識筆外意汝於此淺當勉
旃右軍固教執筆始

寄仲漁大定屬訪濟火碑

昔年大定吉士章永康與我談古待歸之草堂我云洞
庭南上碑第一吹角盧豐迴無匹移山倒海會有時看
遺夸娥取神物當時章君謂我癡君不見柯家林邊濟

火碑摩厓高出雲雨上巨篆深刻無人知一秀才者乃
好事仰觀學寫其字會從渠見如渠言是紀丞相南
征出濟濟我聞繞牀叫不休再拜乞致無我魏章君北
去未由得至今寤寐常反側瓠壺鬼教章武中蠢蠢喪
定勞臥龍鹿盧者率識大義此刻定可誇裴松邇來吾
黔山川獻奇物兵氣盪摩筆精出紅厓光燄萬丈長刻
自高宗伐鬼方鄒君考釋若可信會鼎峒嶮同岐陽此
蹟獨未歷吾目即亭曾就朱守屬朱太守右曾自此君
亦是嗜古人未得報音渠已卒汝客木窩有閒暇墨場
策勳要奇藉聞道去城一舍耳盍往三日臥碑下濟火

真經真詩後集卷三

六

即亭問章子和言係隸書二行有建興年號後黎範齋
得此拓二帋乃不止二行其書亦似蝌蚪非隸不知子
和所言何據王子冬莫楚生在川得一紙北麟附記
浣溪吟寄唐鄂生

夜半參橫天頂時心隨山月下峩眉月入平羌不知遠
從風已到浣花溪浣花溪水西頭主人雖往林塘幽
南鄰北鄰在何處惟有草堂千古留草堂先生真絕倫
不論抱負觀保身潛行獨脫安史浣間走已避崔徐塵
赤霄浩蕩縱來往神龍矯變誰能馴厭聞鼙鼓驚四鄰
遣心欲就水檻濱高言大句固難望橙棊竹行猶堪親
且爲浣溪吟卻寄草堂寺何日攜錢過野橋遠望他鄉

惟表弟嗚呼男兒無賴擬終老萬里傷心不自保憑君
時出碧雞坊先向溪頭問遺竈喬木如存可假花短牆
若在從殘草

前八九年訪得明清平孫文恭公教秦緒言一

卷刻本於其家祠中今年夏莫邵亭從吉安周

小湖作楮觀察寓所蒐得石本前題諭陝西官

師諸生檄其文即緒言也末多自書後一篇尾

行款識模糊審識是嘉靖壬戌秋九月淮海山

人孫應齋書乃知爲公筆蹟訊小湖云得之西

安則此石或即存碑洞也邵亭作詩書其後因

次韻和之

古人已入長夜室不賴後死固無術精闕零滅俚俗在

幸否早歎歐六一雖然此中有堪信虎氣所在必騰出

孫公學孔開南荒遂詣同時幾人匹但論位業足佳傳

鄰子門單史因逸後生不復重國故遺簪至今難覓

君於鄉獻誠殷勤拾盡羣輩得秩秩即亭纂輯詩紀

詳一篇瑤草寄幽心十紙緒言申令乙作詩遠逼郭景

純近語尤似羅文質前賢傳者亦不盡但見奧要餘可

失文恭平生著述今僅得幽心瑤草一卷學孔精舍詩

及集十卷四書近語六卷及此緒言餘載明史藝文志

錄者俱未見每從吟諷想聲貌若遇其人大而實摳

衣捧手慨末由嚮往徒珍轉鈔帙宗伯橋邊有心畫久
恨苔封十六七公建橋清平城北門外後呼宗伯橋橋

信是無不能岱華峯峯總鬼峯獨歎師儒繫邦國古風

一去何由詰當時弊蠹固不淺病雖費治猶號疾而公

破迷與嚴範已令汗下如雨密破迷嚴範

曠奇問公儻見作何筆咄哉養才造士具大質小劑那

忍述與君誓守萬金壁自度營衛莫受詆用公書

升降道不變箏琶敢奪古琴瑟蒐訪心勞鬼當相特要

康強及逢吉心莽桐墅仍缺如辦禱爲君致芬秘

中元節食子行宅

麤糲薄飯不易哉村食雜糧三月來吾家頓頓總白米

更欲美饌能無災孟蘭俗節世所重買肉嘗先貧富共

窮來說食真膏肓昨飽季家今飽仲周公爲民制嘉禮

首曰飲食親兄弟笑殺鄰家比屋居叔姪終年不相視

疎疎微雨過竹閒雛孫泥膝催祖還男迎女送踏歌去

月似車輪上遠山

二茗季弟哀詞二十首

惡命平生此盡頭豈徒斷手直春喉天心門運從何說

氣湧如山淚不流

哀門人物總堪憐
磊落無人及汝賢
縱有後生能似得
廟成鬼老待何年

活人三世不瘳貧
考妣無家壽歿身
到汝一窮還不得
更將陰騭語何人

生兒不慧欲何如
絕證都根鬻臂餘
混沌未穿先自死
秦皇那得不燒書

爪幕無方止賸皮
雖云數定亦醫遲
長沙五石千秋恨
痛哭前朝已落眉

雞鳴呼我屋西頭
永訣空餘息在喉
目指三兒含哽付
一生兄弟片時休

真經真詩後集卷三

元

歸了分明似汝稀
奉身端逝理無違
荒唐鬼語非全妄
何處汝來何處歸

九原莫養替兄先
先母晚年常謂弟
日賴渠我孝吾無之
不能活也

傷心吾道老尤非
長餓何由手足肥
致汝苦生還苦死
歛時猶是阿兄衣

屢期遊蜀屢值個
前月無端去又回
祇說相生有天意
豈知爲要送終來

東遷差慰免奴傭
三戶而今似蜃蜃
一個弱來吾又老
信知天不相吾宗

名家我愧越人兄
祖父奇咳賴汝明
人得十全身不起
長吁此事不須精

廿載靈蘭抱缺譌
常嗟宋槩久銷磨
趙家新本初丹竟
眼已無光奈爾何

不爲先墳都斬來
颯颯秋濤風雨哀
繞山松樹盡渠栽
一根不死吾弟死

兩女三男昔可傷
喜今兒女各成行
無孃止說長相守
誰識先從季指亡

事我如爺嫂似嬰
酸腸汝嫂擗胸時
最是一聲聽不得
萬方想盡不能醫

千樹梅花好墓田
共來廬墓十三年
一坏黃土須常見
不葬孃邊即爺邊

廿年徒有異居名
雖是吾家待子行
從此哥哥行不得
米鹽凌雜要親撐

季虎朝來絕怒音
遺孤滿目我何心
登牀共此俱亡慟
吹角盧碑子敬琴

漢建安七年江州夷邑長盧豐碑余
訪知在綦江吹角壩道光已酉遺弟

真經真詩後集卷三

三

扶力往取之弟以臘盡不能致因埋之為後圖至今同
事者皆死莫知其處矣弟教子特嚴每怒責聲聞林澗
里中目之三虎云秉思案碑經張文襄
師督學四川昇置學署釋為嚴季男碑

四十三齡亦考終因知死樂勝生窮思量不作多時別
我已今成六九翁

巢經巢詩後集卷第三

巢經巢詩後集卷三

三

巢經巢詩後集卷第四

遵義 鄭 珍 子尹

古今詩共五十九首

十月十七行經故里

桑梓重經十載餘筍籃一望一踟躕西長畝歸新主

林外先人有敝廬去里年多相識少亢宗才拙至親疎

傷心無復爲兒日玉磬空懷墮地初余生玉磬山下草宅

放船百二十里至青龍灘復山行十五里宿斤

竹岡

霜曉起柁茅苔村輕舟快如駿馬奔臥看紅樹盡鰓部

巢經巢詩後集卷四

歌上蒼崖已焚門龍灘即永甯地垂老遠遊聊寫意向來豪氣

總無痕荒岡苦憶芝槃老饒爾紅鑪正弄孫

十五里下二郎灘岸遂宿

絕壁臨無地危途降自天一灘黔蜀共孤市古今懸水

落沙明浦鹽稀客待船一樽頻拄頰難到此山川

宿猿猴灘岸此灘與青龍灘舟不能上下青龍越山三十里至二郎灘易舟此則

灘下

黏巖成市聚捨榜宿煙霄榻底灘聲兕銜邊夢影搖風

多愁落石湍險計來朝萬感醒難寐鄰家更喚貓

牯牛船歌

猿猴灘西凶灘多船非牯牛不敢過人言鹽兩四兩力

牛腹受鹽十五石力厚故足與灘敵人言硬莫與石鬪

一縱往往不繼後上灘不覆下灘覆俯汝頭昂汝尾歌

我歌坐汝背長年養汝一柁水牛兮送我下赤虺柁工

能養一柁水者萬不失一養水有餘不足皆危舟

食遙壩場宋元豐志之遙壩若也

路出沒丁西前山逐望低農勤阡陌淨村富樹林齊古

市宋時砦小餐亭午雞恩恩爲何事回首意都迷

仲冬朔至南溪先寄唐鄂生二首

天與游人十日晴看山直到六同城涪翁有魄應相笑

巢經巢詩後集卷四

底事來遲填紫彭

此地由來號奮戎青衣江口角聲雄明朝擬就千夫膳

一向前山試挂弓挂弓山在李莊北岸

書鄂生詩稿後

讀君近詩驚我神此事何止作替人麒麟緩步不動色

百獸帖耳爲之馴不見三年日能幾有功翰墨乃如此

信知碧海擊鯨才不在聰明三十里先公峻節高嶙峋

復爾筆力挽百鈞文章氣節一家事嶽嶽聳我西南坤

我今殖落百無用羸牛飴草鞭不動因君一憶竹垞翁

晚歲斯文歸夏重朱查重表兄弟

初四日步至洗馬池緣登高山下七星山坐臨
江石梁上觀南溪水師攻南岸眞武山賊作歌
玻瓈江碧金沙黃合江樓吸金碧光江山如此可吟醉
誤使庸奴生戰場七星下臨鎮機槍朱鳥用事龜蛇藏
上我斗柄騎開陽攢眉浩劫望八荒吾欲手挈斗柄運
斗綱下挹江水作酒漿灑爲甘露清而涼化爾鷹鴟成
鳳凰使我萬家赤子安耕桑嗚呼焉得福星包世度東
有蒼龍西白虎

初八日再上七星山觀南溪水陸師攻弔黃樓
眞武山諸賊

集經集詩後集卷四

三

巨雷破地火沸天神焦鬼爛天化煙戎州古城暗如夜
赫儀赤入堂琅川弔黃樓前殺聲洶戰士飛騰亂如蝶
時見觸體擲向天下落江水玻瓈動五尺道人游興豪
不逢蘇杜逢兵刀眼前即是五尺道安邊遠略思韋臬
一聞胡然至於此數十小兒弄兵耳老孱不作突薪謀
空使英雄嗟折筮流杯池味諫軒古人留迹於其間可
惜當年觴詠地祇今血染苔花斑吾亦何爲長太息早
識所憂非我力寄語孫郎帳下兒無上平天非此賊

唐南溪單騎撫賊歌

南溪大令唐鄂生短小謙下如晏嬰到官未歲民士悅

遠近俱以青天名滇西奔命官迫變入蜀索仇破三縣
徑趨南廣度金沙恣睢平羌南北岸提軍按司遠如蝟
巡道總戎近若鶴提督軍城東六十里牛喜塢按察軍
城東七十里高家場道鎮軍城東門
外三坐視郡圍四十日講和不許況云戰文武與賊議
和賊索銀四
十萬守令大令呼民授以兵提戈直指敘州行紅旗一
首級後已

點卓賊近賊中望見唐字驚一戰火逼翠屏下再戰尸
膊舊州壩賊在南岸者據府後翠屏眞武諸
山在北岸者據弔黃樓舊州壩三戰陣前

皆棄兵稽首青天求我賞諭之明日弔黃樓吾戴頭來
看誠詐綠林子弟千百曹帕首如輪腰插刀大呼青天

果單至羅拜聲湧寒江濤大令指渠不汝縛籍爾有眾

集經集詩後集卷四

四

聽吾約留者從軍否護歸吾爲上請當許若眾繞胡牀
誓天日所有他心萬刀斫精兒攝飲淡巴菰老者恭承
銀鑿落一笑從容上馬歸扶鞭紛送催科脚名山我時坐
臨七星頭喜此凶頑譚笑收蜀都之東億萬戶庶免豺
噬兼狼蹂咄咄大謀眞怪事文臣顧身武臣忌回山倒
海一令爲有覲吾徒面何地上請書成不畫諾賊中聞
之皆隕涕明朝大吏期合攻蔗林影動星散同城內城
外一夢醒曉視賊壘成沙蟲歡聲騰上登高峰哭聲已
起健爲東解圍走賊信得計籍籍攘臂方論功此時賊
去二百里寄聲謝我青天翁蜀中此失患不小使我扼

腕氣塞胸吾觀自古辦賊者要以剿始以撫終力足殺人亦有限何況起翦非其風單騎定亂世有幾此事誠駭乎庸庸公等囚人故成事與而不取夫何衷方今海宇半魚爛西南所幸蜀未癰巴東况聞進大盜已有瑕壘須彌縫外攘中安目前急更堪蠹賊爲內訌縱豺助虎且勿計鑄錯先慮銅山空井絡安危有前轍天心民禍將安窮嗚呼天心民禍將安窮

聞賊入遵義南鄉縣令江府丞介侯炳琳死難
早知媚甕賊必有寇遵時南里今如此東鄉事可知圖書應燬盡家室定流離便恐成鯨獨吾衰數益奇

巢經巢詩後集卷四

五

留別鄂生八首

與子忽言別悽然惻中腸欲行且少留愛此一日光人事何悠悠天運何茫茫將奈何百年可憐傷可傷千萬端憂患何有極前途已就窄而尙滿荆棘憶昔盛年時豈無垂天翼白首竟何成拊心長默默默默坐空山日念二三友自非同心人孰不賤老醜南溪十日程路近龍泓口而子爲之宰慰我思蜀久思蜀亦何爲我懷同右軍山川固游目正爲揚馬墳祖師遺芬芳浣花與凌雲逝將飲其氣因之行就君就君洗馬池戰鼓方未休兵氛滿川澤誰歟與同仇豈

知山水心卻增君國憂子能且束手矧乃閒遨遊
閒遊返南溪安坐良自幸垂涎及小獠摩筍飽湯餅見
谷與南豈不憶梅肥來途畏嚴冷焉知歲垂盡寇攘在
溪幸書鄉井

鄉井那忍思一日不可度嬰命雖有繫能無子孫慮崢嶸風雪天巉崩鯨江路丈夫事無窮安危向前去前去知若何與君且前期安當吾重來危惟子之歸斯邦民氣樸於子父母依鬱洲不可忘卓帽良稱茲
除日至家八首

巢經巢詩後集卷四

六

入山空屋在開戶亂鴉飛絕叫從何說翻疑不是歸平生天地鑒惡命子孫微今日還如此心枯淚不揮告至抽先橫方知主亦行當親存是藉並去此何生故俗崇年飯危時尙爆聲有靈應逐子何處薦杯羹眾人同避寇寇退各團圍獨我全家去今知寄所難存亡甯遽置日月不相寬歲盡教誰探明朝復履端痛繞先人兆新添季子墳亂離猶汝幸生死復誰分渴葬魂應識叢辰我未聞聊爲歸復計他日改埋君壻口多於姪逃歸共眼前舊貧還破碎何術得完全慘淡新傷里蕭條欲盡年弟嫠仍辦飯硬對不能飽妹家三里隔黑夜省兄來慰我生成福先期巧脫災

亂世無年節宵深未擬回 原闕

誰子忽驚告賊臨溪上頭團丁呼什伍號火接林邱歲
盡原宜備民訛亦可憂獨憐心一寸悲恐幾時休 訛傳驚數

心孤愁轉退燈死撥猶然逐水年何盡行空月自圓百
離那免命一介總關天便作游僧看寒山且寄眠

二月十七度婁山關 時涓潭復失賊逼窺吾里西走避之已下庚申

山勢西來萬馬奔大婁一勒九旗屯天隨路入藤蘿峽
人共雲爭虎豹門舊日劉兵此飛過六年黔國任傾翻
黃心無復將軍樹空逐流移泣石根 關有黃心樹一株千年物也道光癸

集經集詩後集卷四

七

遇家人自西蜀歸遂僦楊家河岸劉氏宅居趙
曉峯作魁巖歌見慰賦答

魁巖下瞰君家屋數世居之飽清淑一朝靈氣生作君

學品俱是巖面目君與巖習自不知但觀所作魁巖詩
此意靈山有真識說似外人翻笑嗤老我百憂復千慮
負書來吸巖下露身似學徒心似僧祇覺無還亦無住
感君相慰歌筆雄名山縱許已成翁他年誰作輿地志
蘇句慚愧斯人附寓公

攜兒游上下天門過生日地在桐梓郭東十五

里山勢湊此峭迫上下距里許開為兩門皆懸
壁穹窿深十餘丈其寬倍之漆溪東源所經未
漲時人可過兩門內有田有村游其中俯仰周
覽皆崖石蒼白相間而垠塆上又皆長蘿古松
碧入雲表恍然已出塵世也

不知為先有水後有山山來避水過其間抑不知先有
山後有水水來破山出其裏春風鏗杖游天門兩門中
若桃花源小兒怪問山水意異境恍惚難為言嘗疑混
沌時必有物搃成十二萬年中布置開天明繼又幾何
年闕地令就千萬形然後下視歷歷者河嶽上視昭昭

集經集詩後集卷四

八

為日星人目之所不及見知有幾許神妙何從名如此
小山川其初骨脈殊不清爬高抉塞舉手事奇態詭狀
因以呈今觀太華峯掌蹠遺巨靈尋常雷劈山瞬息已
變更何況天地母可以智力思議求其能看山自有真
心會不在遠強欲索根原縱得亦已淺我觀我生猶未
知且可山水相娛嬉何緣無事自取鬧笑看巖閒紅杏
枝

竹王墓

九隆之生感沈木竹王乃產三節竹此人當是開國君
神自子孫謫自俗夜郎地大秦漢前東接交趾西鄰蜀

初時天啓一州主必有奇雄傳似續世久莫復識根原
遂緣竹姓謂天育人非血氣焉從生盤瓠雖奇種猶裔
習習荒荒知幾葉西南君長皆臣僕頭蘭鈎町同漢侯
何言滅自楚莊族番令繪帛入笮關博望亦來問身毒
其時候者為多同令即其子咸內屬椎結箕踞問漢大
僅強羈縻敢云戮迨滅南越先入朝寵以王封冠蠻濮
後人若肯世恭順與漢同休那待卜豈知興務繼貪亂
不及中興想傾覆王水源枯林籜寒竹祠鬼飯夜靈哭
遞興唐斬豈世情天既置之喪何促霸封三子死配食
此語尤誣不可讀元封以後歷世王奚待通侯繼其祿

樂經詩後集卷四

九

常志傳謂范地謬故是遷固為實錄謂唐蒙斬竹王太
訴奏封其三子為侯始於華陽國志范史治之昔年嘗
增出莊躡波夜郎一節稽之史記漢書絕不合昔年嘗
考國所在卻賴常志得遺躡夜郎郡縣始王遜必治其
都不外築郡原故國縣有豚道將紀出耳而目牂江豚
水實異號可載精兵下通鬱或謂是即今北盤此津
現且不能舳又或指沅指延水要皆其委入岷瀆定知
即是古州江乃與地道無背觸然則都勻安貴閒當有
竹城邈難矚明月千年舊社亡莽莽荒煙付耕劔何由
更識竹王墓縱日人同太虛屋誰歟好事就桐梓認冢
鼎山之西麓此邑唐初夜郎縣名雖從古地已蹙壩城

殿井鏡附會相邑北有夜郎廟竹王城新站側有皇殿
有井黯然莫知晉否云是竹王故宮舊相柱在土中尚未朽
云即三節竹浮出處此榔製精刻殊
近元明土舍知誰孰向來猶自號七王實事乃倡定興
鹿康熙中邑令賈國疆撰縣志止云額曰七王墓相傳
竹王父子之墓道光間守鹿丕宗加培築始為漢
墓竹王李代豈無冥漠羞藉免樵蘇亦其福厄今駁古告
後賢不妨舊貫存疑獄

訪明桐梓令洪公維翰 典史黃公 啟鳴 殉難藁
葬處

印在頸下銀在喉凜凜毅魄據虎頭當時聞有來桐記
今日難尋土一坏白鶴寺前臨大路父老相傳雙藁處

樂經詩後集卷四

十

披荆撥棘但荒苔日落鴉嗁阜角樹二公死天啟三年
明史忠義張振德傳考邱仲坦桐梓志稱洪公以萬曆
四十七年任則史云遵義知縣並以黃為遵義典史誤
也今葬處相傳祇以大阜角樹為識
或云二公後並歸葬或云惟黃公歸

避亂紀事九十韵

帝九年仲冬賊入我南疆能宰江固勇戰死邑失梁眾
遂據團溪炮然分而東涓潭賊亦合廿一焚鰕場家距
二十里驚看半天紅蒼黃夜出走潛行不敢聲兒懷其
祖栗背上將孫綳新婦持厥姑手各有攜擎四更去七
里投憇烘於堂主人抱著蕢擲鑪請燔嘗小大亂稽首
辭祖倒插香開門已先去門外如堵牆於時空鄉潰晨

兩方大零弟妹亦來並滑澁無笠簪或泣或叫號慘極不可聽向來騎馬兒亦復負衣囊處女變嫁婦鈍牛棄道旁窮叟襁玉黍凍涕垂尺長嫗顛水濡袴袴重脫復僵紛騰爭奔前路壅或不通家人雜之行留宿八木塘丁氏女所家乃進至螺江出亡已五日里居不聞殃遣視及半途火煙蔽天光謂何有午山此亦膚剝牀所依互相保遂至正安城我時在南溪新還自從戎初心觀汶嶺至是蜀亂張小住擬即歸歲酒梅花窗俄聞南里破驚呼東必崩我巢想已傾且歸視存亡心飛足益緩旅腸若煎烹妻孥焉從知正安寇又萌就我獨前去亦

巢經巢詩後集卷四

七

已六日行信至賊大敗虐亦未及閉追之自不及偕者皆還鄉老弱昧昧去道險犯雪冰時危脛胫硬竟透萬羊腸豈知及碁市我已丁山陽藥溪訪陳生甫知里寇凶又知家已逃意必奔兒姁及宿長幹山百里息不遑二更見吾姊云傳在城中明日促入城言者都莫明茫茫至丙舍不記歷已終室有趙女家初還資我糧見我哭不止歷述離合蹤弟妹亦漸集首尾乃備詳當時相逐走復有女氏丁奔渠父豫州至碁當北墟家人或中留或徑我之從飄蓬焉能定問蔡止告賊兩道發訪使沿洞迹其迹寄言隨所在料理復我邦賊又日以熾涓

潭重失防前日靖播亂實我東團功成官不聞士吏爭奏庸城中設大局捉人勸輸將養練名五千千少還孱眈將貪又持餉縱掠增虎狼涓民絕控告賊至甘俛降以此賊益眾仇窺我東方樂安七十團論眾足以亢於外攻且守內又科丁饜民力有定數賊擾無春冬一朝與之隙得免再至傷悔不語兒息但在歸無忙正末去人至書自南溪封唐君我重表視我如其兄言自臘盡來館嫂於西房此國亦瀕亂可歸歸誠良仲春風日暄當爲具還裝行期不及阻戒心亦日生計惟出來路卜僑與之迎十日住永安不愜因來桐故人有趙子問

巢經巢詩後集卷四

三

舍喜得朋偕行魁巖下賃此潔且閑足以展四部別軒尤明光開窗納村岫前對竹王藏溱溪繞平疇緣以十里楊日日望家人伺路數遣僮昨果大小至女亦仍雙雙抱我玉雪孫數月尙識翁我別始學步今語如新簪中腸結忽解憂患俱若忘寢食爲粗置卷軸排縱橫靜思百年內苦樂豈有常但得一日安時還事丹黃以後誰料得天眼終無盲不述何聞哉雜書遂成章

讀書牛欄側三首

讀書牛欄側炊飯牛欄傍二者皆潔事所處焉能當讀求悅我心食求充我腸何與糞壤間豈有臧不臧

幽幽小窗光耿耿微炭火蕭蕭白髮叟把卷終日坐雨
中十餘日亦覺腰膝跛來時杏初花起視花已墮
閨歲耕事遲一牛常臥旁齒草看人讀其味如我長置
書笑與語相伴莫相妨爾究知我誰我心終不忘

晚望眾香山

雌霓挂初霽陽鳥斂忽瞑眾鳥紛歸來上有樵採徑何
處眾香山雲中但清磬

步出官渡河欲訪楊英烈侯价墓不果借曉峯

溯東岸至觀音寺小酌採文石而歸次韵

春溪生雨餘晴野明秀色坐窗久不遑及此興頗亟故

集經集詩後集卷四

三

人勇前期已待官橋側尋遠先畏回寄暢聊近陟漠漠
蠶豆花溝塍度層刻清幽值招提可飲歇吾力事遜兒
童能心知衰老逼鍊餘散沙洎俯拾果有得悠悠送飛
鷲柳際一行直長謠尋春詩步款氣嶄劣此老去千載
撫事如在即孰非孱懦嬰放意甘避匿樓閣隔鄉信日
夕念平賊林鷓忽喚歸一愴淚霑臆

瘦木詩

人爲萬物靈病卽支體廢物生或不然其疾美斯在翠
者玉之瑕黃者牛之瘵水沈香者朽水精纈者碎惟木
本條直句杓已堪怪異哉乃病瘦擁腫不可瘥爾雅釋

荷嬰小弁悲彼痍始生疣瘕微浸長穢益大幹挺孕凸
腹皮皺裂袋升狻跋胡觸溜雨懸癰潰亦有長乳垂
或若巨瓢挂猴噉而鳥噓殊詭非一概柳財豈足惡楓
入乃其輩此樹必年深世用謝培害所受天地正溢出
柯葉外煙雲互滿液萬象盤其內歲月忘空山文章自
神會五采徹交映百狀異層解播漆實多有桐梓尤爲
最鷹茶堅絕常鴨腳緻無對大無若樟相美莫踰香桂
巧斷杜預頸偷脫怒持械鋸細塵散屑飽薄紙飄柿滑
光不受水微漆始發采片無天王複文過色綾倍藻火
照几案星霞繞槃敦瑞應龍魚圖天成董巨畫杯藤頓

集經集詩後集卷四

古

含羞蹙柏亦減態黠匠獨居奇桐梓精製者止一家寸餘無棄
裁昔年聞達官此木索守宰似求合浦珠當貢揚州貝
供彼頃刻玩其成數百載曩生盡搜括今有自僻味微
物預貪汗觸事一增喟我生寡僻嗜人愛亦復愛無極
存瓦當硯材出秦代相隨三十年懶與積塵壑趙生故
人子昨日貽樹齋謂宜古物匣規鑿成底蓋餘爲小屏
風不患倒壓背苦生感奇鬱發詠屢摩挖安得太平字
一慰萋楚慨

閏月晦攜兒偕曉峯釣楊家河次韻

隴秧布淺罽逐鴨喧修竿溪漲夜來雨晴光動黃瀾沿

流坐卽釣旋起步亦安一掣想鯨膾三淵悟鮓桓楊柳
萬條風忘魚久貪看姿年逝將老復此廬墓拚干戈何
時靜花鳥忽已殘誰謂艱虞中尙有綸餌歡薄醪亦易
醉脫粟聊同餐已忘雉罹羅更思鴻漸干

次韻賀曉峯四月初九添次孫

移山志老喜多孫第二卿雞又降申世襲年書涓歎字
曉峯及其尊人長男至此子四世以申年生亦奇事也天安命作太平人定知翁
嫗爭裁襪所願查梨總荷薪置膝著車他日事明朝先
採一珠新

次韻諾曉峯十二日洗兒之飲

山倚魁巖水傍濠正愁厄閨避庚申喜逢我友添孫子
卻歎吾曹是老人萬卷相隨春已夏百年猶冀火傳薪
他時令記且亭長湯餅曾從此及新近日自稱且同亭長

卽席次韻酬曉峯

伯子生兒叔速賓固應酒肉自元申老來喜食團油飯
醉後慚非負子人君果吟詩如潑水我方避火早移薪
長年是事無餘味一度同酣興一新

自城乘月歸魁巖四次前韻

輕風細柳餘光景晚詠歸途篤好申羅鹿游先生魁巖暮歸絕句溪上輕風散縷紋溪邊細柳藉餘暉一路亂蛙初插稻半溪明月不逢人婆

婆自惜空心樹輾轉誰憐故腳薪入舍仍呼澆萬慮免
教韓子醒還新

將歸酬曉峯弟六首

初來止一身繼聚乃八口讀書魁巖下條已四月久貧
士力幾何物物資市取持此將安歸浪出默自咎
昨日弟書來憂懷忽迸潰王師及湄潭我里淨無穢天
道有盈虛人厄亦當退歸哉復歸哉荒園即種菜
自性非傲物傾拙難世羣城中近千家往還惟有君及
茲起去念已悵行當分奈何出別語先遣不忍聞
言旋亦不易家具無牛車隨身一萬卷彼亦思還家歎

集經集詩後集卷四

共

息復自笑捨爾何生耶辛苦相同去但無離亂嗟
依依虎崖石黯黯龍潭雲杜陵泣新交何況我與君人
生非麋鹿豈得常相羣但保歲寒姿何異同朝曠
濁水鱖鱣肥穢場蠅蚋歸鴛鳩搶榆枋安知黃鵠飛與
子幾瀕死不死中有微忍待天理定勿云吾道非

西家兒已下辛酉

西家小兒年十六抱書過門訴我哭不憂所學終無成
但恐學成空一生州家久罷童子試鄉貢長停鳴鹿聲
處處賣官賤如土阿爺祇識求科名同學去年猶乞相
今日巍巍八擱上榮身何必在讀書學作貴人吾豈讓

雖云人多缺少取償難但折十牛終是官雖云丈夫致
身貴選舉十科舉人已空苦有子留金焉用爲勸說宜
從丈人所嗟汝小兒休歎呻孔孟固應避錢神便嗟汝
翁排上兌祇今三卯正需人

東家媪

東家老媪六十五日指其夫嘗還數當年自比朱買臣
今日窮無一棺土赫赫軍功鄰舍郎生時曾爲煮蘭湯
役門轉眼士門貴但看人尊新嫁娘即云功成賊未見
勝似牽被覆頭不出面即云主案舞上臺勝似未嘗見
有顯者來豈少金夫惜衰老苦隨雞狗終身哀嗟汝老
媪莫長怨到憚恥以取高官此翁正頗重聽亦何傷不
見太公翻齒師文王

僧尼哀

僧尼皇皇不得休暮叩團總朝團頭借問爾曹何爲者
荅言昨日新令下詔書令核常住田一僧三斛養一年
餘穀盡輸作官用官爲護法調其閒但過十石十抽五
常平縣倉待填補令條誰抗況僧徒格外寬仁倚田主
不求報冊中產未及十石但求畧減半賦謝非所惜噫
吁噉朝廷未聞有此旨縱有亦行樂安里爾曹平時飽
欲死固應香飯供國侍但惜官之所獲能幾何貓翻飯

盜狗飲多

抽釐哀

東門牛截角西門來便著南門生吃人北門大張棗官
格高懸字如掌物物抽釐助軍餉不論儂紆十取一大
賈盛商斷來往一叟擔菜茹一叟負樵蘇一媪提雞子
一兒攜鯉魚東行西行總抽取未及賣時已空手主者
烹魚還瀹雞坐看老弱街心嘯噫吁噉買束布者不能
得一匹贏售斗鹽者亦不得贏一升釐金大氏恃商販
欲入閉門焉可行村民租銖利有幾何況十錢主簿先
奉己縱得上供已微矣乃忍餉爾餓豺以赤子害等邱
山利如米嗚呼貫率括率有時可暫爲盍使桑兒一再
心計之

南鄉哀

提軍駐省科軍糧縣令鼓行下南鄉兩營虎賁二千士
迫脅富民莫搖指計口留穀餘助官計貫納金三日完
汝敢我違發爾屋汝敢我叛滅爾族旬日坐致銀五萬
秤計釵鏤斗量釧鳴呼南鄉之民哭訴天提軍但聞得
七千

經死哀

虎卒未去虎隸來催納捐欠聲如雷雷聲不住哭聲起

走報其翁已經死長官切齒目怒愼吾不要命祇要銀
若圖作鬼卽寬減恐此一縣無生人促呼捉子來且與
杖一百陷父不義罪何極欲解父懸速足陌嗚呼北城
賣屋蟲出戶西城又報縊三五

紳刑哀

文紳繫牢髮一尺武紳坐獄面深墨此虜守財勝鐵牛
明日請看死豬愁問爾得何罪止爾無錢亦無罪問爾
何深讎止爾送錢亦無讎雞飛狗上屋田宅賣不足搜
盡小兒衣無人買誥軸嗚呼白金入手鐵籠開未至一
日出者埋

巢經巢遺詩

遵義 鄭 珍 子尹

古今詩共六十四首

夜誦

老非對卷不為歡，坐龕前冷亦安。似作兒童完夜課，仍須翁媪待更闌。今無力不給讀書油夜女孫屢至催烘火，內子時言恐中寒。一笑隨時有牽掣，信知放意讀書難。

蕨線次楊茂實韻

蕨本正之攢，乃冒清聖薇。作線不成章，回愚碩人頌。羨

巢經巢遺詩

彼石戶農草木，能發揮既厭露。拳脆復計冬，根肥滓如縷。出絡曝若網，布磯滑甘勝。粉莖滋補逾，芎歸米線煎。必膏豆纜久，生衣此物植。自天隨掘不取，非可蓄可便。食無事多心機，比來小蠢動輸餉。去若飛穀賤，貴之徵或恐米等璣。兵後無凶年，況又自古稀。歲閑廣備此，緩急可療飢。嗚呼豈多得，聊用歌民依。

醉寄湘佩

三杯入肚漲牢騷，祿食空知若輩高。畢竟書生成底用，挑燈醉看殺人刀。
一從別爾到山城，心緒全須酒力撐。家事愁來愁國事

寒宵無寐看天明

男兒落地苦無涯，世外應知別有家。安得麻姑攜手去，十洲三島看梅花。

玉屏簫歌

余素不解音，姜丹輪蓄簫二已三十三。年持來佐夜飲，摩挲兩夕妙發一二聲。余與簫兩不負矣，歌以贈簫。

兩年吹笛繞梅花，三聲妙擲伊優亞。已謂入神得真性，旁人笑我關琵琶。此簫大似知音人，雙雙顧我求識真。老夫莫得喙三尺，顛倒摩弄徒傷神。鐵盆暖酒狗裘薄。

巢經巢遺詩

夜半高歌動秋壑，旗亭女子世已無。遠上黃河等牢落，苦心愛此欲付誰。滿眼書生竟無託，生材不作梗與章。萬牛挽去登明堂，三十餘年閣箱底。重者自重傷者傷，戴安道不能為王門鼓。玉琴且為此簫揚妙音，玉屏山深舞溪遠聲在此中何處尋。

斤溪老翁歌

老翁居斤竹溪，上近三十年。似農者非農者為歌之。

蝴蝶年年飛草綠，老翁耕稼無榮辱。晚來帶月荷鋤歸，朝起乘牛隨日出。渴常掬飲澗泉水，飢即飽飯舊杭粥。

妻醜能評種樹書兒癡解和栽秧曲門前斬斬食九田
宅畔陰陰倍尋木日暖溪頭四照花月明場上羣眠鹿
自言煮菜妻作徒復見侍童兒卽僕相呼便向鄰家來
大醉卽在鄰家宿村村賣藥不論錢往往留賓常舉燭
果熟親行接女歸錫甘笑指教孫讀老翁不願作宰相
老翁不願處華屋老翁事事無不足但祝雞肥禾黍熟

紀趙福娘姑婦死難事

縣南平水里副車趙天民有女名福娘閨菊其女孫福
娘淑且智蚤作余氏孀相莊至偕老七子皆畢婚菊也
姪從姑姑言無弗遵三十乳一兒襁抱不去身湄賊掠

巢經巢遺詩

三

平水雞犬空四鄰全家走天旺寄食羅閩源舉頭環亂
峯謂可託生存豈知楚賊來速於風捲雲相傳尙恍惚
倏已至其村村人紛崩逃擾擾合復分福娘率諸婦生
死隨夫跟不識何路吉但向眾所奔喘息馬路頂慘淡
天日昏賊旗忽麾至少婦頃無痕刀光及夫腹福娘蔽
之中腕臂血淋漓翻身墜崖堪菊也亦從下殺奪方紛
紛親戚無一見何由知苦辛移時賊他去其夫脫餘魂
尋見皆自絞氣絕臥草根旁仆三歲兒殘乳猶在脣縱
拋豈能活慘絕父母恩豺虎尙未還撫泣聲淚吞捨去
越三日其夫復來臻村空林谷靜惟有蠅蚋親貫棺得

木皮乞土鋤荒榛迨舉福娘屍十金壓於腎知作暴露
計巧貽收瘞人噫乎此姑姪志節邁等倫同時被掠婦
忍死隨賊羣一旦終汝棄雖生等汗塵此事同治元四
月廿二辰歎息遂成詩因之傳不謏

贈于伯英

鍾岳

大令

東野受材固雄鷲孟俠豈足當韓豪長怪韓公肯低拜
倚松自謂慙青蒿君今於我復似此驚顧使我失所操
海內論詩至今日淺狹未免難爲篙乾坤大氣鎮常在
必有一手牽六鰲小詩耳耳竟何有差覺不爲時俗噪
此事如何漫推我可憐甚愛忘訾警雖然亦自有甘苦

巢經巢遺詩

四

巨眼若燭安能逃古來作者盡殊列李何後數朱王高
早公從事二十載口角沫盡心枯熬若云老馬夜知道
此或未讓吾同袍獨嗟衰矣舊學廢時問弄筆蕪難嫗
何期晚始識元歎規伴頗慰陰求勞我觀君才在近今
於人何止十倍曹氣似華芝韻初日聲如仙鶴唳九皋
方荷堯母摠大麓姬公明保鋤凶饜河水清涵底柱影
大風吹落蚩尤旄中興鴻鑠已在眼文章國運如連尻
不賴高呼有公等誰歟與世迴風騷況君勳業日隆起
拔突殊號承新衮小邦屈借寇子冀斯民疥癢煩勤搔
請公上馬往屠賊歸來釀酒血洗刀說詩聞與魯學近

暇與其詣王新桃

啟秀書院十詠

破齋

兵氣昏俎豆老塾獨巋然
鬼知嚴其師窓窅一夜遷
登除出光地補塞爭漏天
俯念藐藐身仰思千載前
於吾良已幸尙愧此數椽

頽堂

屋山欲拄地榱落壁亦腐
吁嗟講堂額猶挂中間雨
草茲九十年竟鮮後來補
一食減方丈五架見州序
落月照鳴琴後堂罷歌舞
堂葺於乾隆壬辰縣令沈靈谷

其經其遺詩

五

古井

澄登右階下源來碧雲峯
苔草綠其邊遊魚若行空
時臨鑿眉髮窺天無終窮
澡手搖清光舉頭月出東
因知湛然心不在紛埃中

菖蒲

山翁與山習舉手帶野顏
昌蒲自誰種翳鬱依荒垣
分時中唐側日滋并華鮮
韓子去已久尙想枯與筦
君看綠沈槍夾道不可干

紫竹

清絕王子猷所在輒蒔竹
世人黃金日此君那肯矚
前

日負三箇自家種
堪足道遠瘁其葉紫玉自森肅
悠悠栽植心取笑任時俗

浮萍

井流周堂下綠靄皆成渠
萍點初若星久之如罽敷
積雨溢中陳其下生小魚
喜茲助野意復得蓋庭汗
擬買鵝兒黃晴天眠綠餽

老桃

曲桃有嘉實卷出壞垣上去
此廿五年不枯亦不長當
時同盤人忽忽已長往一
日上千回童心猶憶曩白首
感孤生臨風獨悽愴
道光丁酉余掌此院攜二茗弟就讀今其死已三年矣

其經其遺詩

六

榴花

城居罕花樹風意殊未得一
枝紅鸚鵡翳突出講堂極
何地無菁華不賞亦虛擲
移几坐高背把卷對日夕
有者自不知物希乃溪惜

歲漿

苦雨庭下水寒歲長阡
眠細葉似狗足綠莖高下
蹙縮眼作畫觀滿塘荷葉
圓此草世不識乃近書櫃
前物固無貴賤適時信爲賢

做帳

少時不識牀老乃畏蚊
噬亦嫌厚稠密儻若棺裏
置紗

幘有若無內外無憑蔽相隨三十年百補未能棄一笑
絳帳中豈有天理字

中秋送瓜詞六首

一瓜偷摘謝園官便當奇嬰異樣觀始識康瓠真是寶
天公也要洗眸看

鉦鼓轟天紙爆歷兒童逐隊鬧如雷漫嘲此俗全無謂
都自綿綿一句來

笑接青團便撫摩明朝覓蒂惱團婆要知根種生來好
只待投胎咒罵多自注俗以得瓜
主惡罵為吉兆

人世誰甘伯道愁都思百子壘中求合情最是新來婦
東坡遺詩

倚戶癡看不掉頭

先生老去愛兒嬉也逐投瓜兩不知一笑明年湯餅會
論功我似介之推自注俗送罷即
歸果驗招燕客

知得誰家獨子青歸來明月可中庭笑看牛女宵溪後
同抱匏瓜一顆星

題自作禹門山岩圖并序

禹門山順治初昭覺丈雪大師避難來結道場地
之幽勝殆難為匹樂安江卽唐元和志之帶水又
名夸牢水經山西麓回爲深潭頽巖臨之影以古
柏蒼蒼然環東而南去諸佛廬當巖之絕徑後山

坡陀不甚高得江水皆嶮峭不易近自己未來鄉
人苦於涓賊遂相率因山砌壘聚居其中者幾三
千戶吾中妹黎湘佩縣君舊家桃花谿上避賊依
母家亦作此山中入其屋三間當大回之頂余攜
家自郡城還東將由此赴成都就浣花之約妹以
我無居留此小住兀坐翛然念飛鴻指爪一印丈
師殘雪隨筆塗染庶它時談山故者愛而見我云
同治二年三月九日

吁嗟生不辰將老逢百罹漫謂書上辭乃今親此事三
年厭避亂其禍日加厲何地置老夫西指草堂寺春風

吹孤雲忽墮蒼巖際

平生楊妹子自小親愛殊古來中表間兄妹如此無各
已畢婚嫁白頭弄孫雛相看豈無命時運堪嗟吁回思
十載前豈料爾此廬匪惟爾此廬吾豈就爾居人事難
逆計苦業須消除枯魚且相沫後此知何如
此日是何日此山是何山新林靜潭影好鳥鳴關關三
杯出斯圖撫之慘我顏編茅二千家強半皆飢瘵惜余
非耆曷曷以扶汝孱慈悲海上人遺影留此間當年菩
薩果不忍聽草菅叱起三生石漫言無住還

三月初四攜家自郡歸及禹門山住湘佩表妹

寓舍擬居數日卽避亂入蜀旋綏陽道梗不能
行因遷米樓於禹門四月朔入居之讀元遺山
學東坡移居詩感次其韻

舉室赴蜀都過家別荒萊踟躕舊山堂齋基長莓苔茫
茫風塵內何處安吾齋里寇誠可畏先瑩尤可懷顏生
務傳業不欲顧朽骸見家訓我意殊不然漁者終戀隈四
方誰樂土矧乃氣寡諧本擬哭墓行卻仍守墓來播遷
吾憊矣天眼何時開

蒼蒼禹門山已家二千餘買屋我無錢編茅我嫌居午
山池上樓讀書之所於劫火焚不到寬潔無此如移旣

巢經巢遺詩

九

省工費成亦幾朝晡我西卽妹東中間地頗舒因之置
廚竈建除甯復拘寢處良已適一笑僮石無菽麥秀未
實稻田待犁鋤我懷王孝孫殺牛而煮車未必遂如此
忍飢且排書

我亦書滿牀我亦物滿箱惜我非遺山照世有文章書
祖愛巢居歷劫同金剛海岳木蘭詞一字一玉英堂堂
小韓子萬古神鸞翔更有衣雲倪復得漳浦黃浩氣濯
元精煙墨何淋浪阿房賸秦瓦曾見無且囊商鼎銘父
已恍聞和羹香高樓風雨來牙籤動鏗鏘左右盡古人
坐我於中央若非值亂況容易此年光

念自西徂東我年方舞勺菜畦爭母鋤花援助爺縛堽
灣廿載餘樂於金滿棗一從兩親失恍若無依託營成
子午山兒長頭漸鶴誓言守松楸庶免填溝壑豈知世
倏變亂況削日薄共求含性命未暇怨熬蘆因懷太平
日方知貧賤樂傷懷虎般彪遠逝意已慙安見非鬼神
暗憐爲所卻大海搖黑風藏舟且潛泊不少古之賢幾
曾死天虐

黃九與唐四冬來書屢餉促我赴浣溪勿到桃花浪羣
賢正相待星聚井絡上昨日又書來已作半途望豈知
徒兩思女怨夫亦曠殷勤良友心感激不能忘獨怪岷

巢經巢遺詩

十

賊緣如海求方丈幾度風引卻春江空盞盞終尋祖師
迹此誓故不忘渝南侯氛靜或當勇秋鞅明月平羌水
勝具老猶強擬攜媚學子先訪可龍壑此屋聊小住苟
且非垂創

黔賊如亂流愈治愈無歸豈無開塞法劣吏安得知書
生敢妄言出口卽怒譏我里苦涓賊涓賊實由饑舍田
食人田可惡亦可悲斯塞聚殘破黎弟爲之尸能使毒
攻毒詎非忠信資紛紛功利徒誤國以營私肯信束長
生竟致甘雨詩祭彤不去墓所望賴有茲世道豈長亂
良臣誠可思王官旣難恃庶人可爲之百端繫我腸終

日撚我髭少微方照人此世豈易辭

三日上松厓五日過團湖朝往日落還夫婦相爲奴回首廿年事處處增感歎青山不易居白髮不可鋤休誇榜里習漫恨北山愚惟有頭上翁處置吾不如

東坡處承平得禍福亦隨江山與朋友天固縱所爲遺山歷喪亂晚歲思有貽築成野史亭著述自娛嬉我今視兩公餘緒未能窺纍纍移居篇一讀一再疑天生獨角麟珍護在不移如何投九死不獨凍與飢信有萬里姿必加千丈羈而我何爲者尺鷃不過籬亦復逢百凶將老無所歸巖棲傍佛日汎舟寧久維安得回道人示我石榴皮寒餓料不免苟全良所期多見幾回墓此外不必知

巢經巢遺詩

七

湘佩以其生日及內子同過望山堂留午雨中
晚歸賦長句紀事兼贈湘佩

黎家小妹不櫛士六十之年今欠四白頭不耐作生日偕我看松上梅岷松陰滿地潮韻空羣羔出手皆作龍廿年丙舍感今昔花竹滿眼榛芳中東廂鑪在火似紅庭蒿高於五尺童斫蒿掃地發石火流水自引巖根筒小妹沙瓶煮蒙頂老妻銅鑪瀹湯餅草間暖酒草頭醉慘淡孤兒墓門影天公於人亦太薄偶然上冢豈行樂

鬼神似已忌高致雷雨須與到林壑人生何者許前計俛仰之間晴雨異少日那知老去憂他年空說今朝事皺面觀河念念非秋風漸漸吹我衣辦好山林無福住更促老夫何處歸

闕題

朝朝暮暮念山樊丙舍雖燒竹樹存徑作牧場甯盜賊敢傷墓地定兒孫吾身尚在猶徒慨後日懸知更忍言易敗難成今古事卻思仁孝出袁門

人日思山堂病不能去次昌黎城南登高韻

巢經巢遺詩

三

經久病降日恥非人用道喪媚兒姪時危絕賓從指使孫女頻呻吟老妻共衰年智勇去佳節葭苓送登高思肥梅落影壓池葑欲起糜株拘擬行筋骨縱萬事增感歎舊時徒空憶遙憐松桂間漠漠山雨重

將兩月不出門叔吉來勸強遊溪上

正初臥病及清明弟勸扶衰強步晴血肉乾坤春自在破殘林壑眼猶明櫻桃最早花初發楊柳無多綠始成氣候雖遲耕莫晚看來逋寇也將平

聞魯新弟移入帝宮後墻外新居

士衡無耐住東頭喜得新居潔且幽徑坦最宜將母路

鄰低不礙着山畔森森老柏窗中列漫漫澄江席上流
病臥欲過行不得夜涼清話待中秋

疫二首

始塞三千戶經年一半無兵戈雖藉免疫癘更難通著
病多三日昇尸或兩夫傷心臨絕際妻子共糶糊
太息妨偷寨宵俾未敢疏巡呼終夜裏寒暑一年餘重
以勞耕鑿兼之茹草蔬病來安不死醫藥况粗粗
親鄰垂喪盡屈指一潸然欲活真無地何辜止叫天自
春餐夏草撐命待秋田空及高低熟無人薦墓前

餓四首

巢經巢遺詩

三

鄰里元來熟相逢認不真形容枯近鬼問答語無神素
有中人產今無一飯親又聞吹角晚呼促站牆頻
一石償五石惟圖顧目前貧民知過利寨主已開先時
價配新糴美聽無息錢乘時當致富持算亦由天
處處人相食朝朝耳駭聞棄尸旋贖骨過七始名墳原

神農嘗贖草富媪妄生苗平日牛猶吐今時鼠並燒初
陽整野岸細雨洗谿橋誰放輪班者中多兩日楊

殺二首

滅等投江便偷升斬首隨月潭龍改穴風岸犬爭尸現

罪寧當死羣情亦有私終宜崇任恤天地亦含悲
各衛妻孥命情通孰不親稍違視軍法偏苦必顛民日
落寨公起月斜花戶呻令嚴休妄語盡力得安身

叔吉爲降叩求藥方紀事

我病七月齟潰傷瘍醫祝去聲藥莫一當舅家諸弟懼卽
死上章稽首求叩方此術傳來本自我其事有無殊渺
茫卻思請禱聖亦聽所愧素行神不臧三更走報靈方
徠我父驟駕仙人旁太白隱君大醫王祖曾世事齋而
莊昔年二度手活我前因後因非所詳我父活人善心
腸至今愈遠人不忘上界真人各官府固應位業參劉

巢經巢遺詩

四

張聞親所在敢不往事雖恍惚理有常徽感宣覺立滿
堂持方示我增感愴文章事業止如此六十而死非天
匹先人果隨隱君後負書便可同頡頏居生何補亦何
味更要白辛須備嘗百年未滿終不死坐對射壁燈煌
煌

題周春甫

續題

判花吟館圖

甲寅年作

世喜盆花卑且樛可惜根株一生囚當年若出置平地
至今觀之皆仰頭世喜奇花競新麗桃李尋常不省記
豈知香色隨水空何似冰盤薦圓脆知君英妙翩翩子
芝擢荒榛謝羅綺平生事有多少在心力肯爲花所使

蓋上太華觀井蓮把十丈花騎藕船判月判年理紅綠
自是癡兒駭女福

題慈溪翁春江利南紫陽唱和舊冊

借階繫馬坐馬鞍半月都勻如一年朝來方書乞米帖
忽覩翁君紫陽唱酬集乃知隔牆有詩人入府青山那
易親牆中高花與我舊再來惆悵七年後卻從牆外望
牆中欲往愁罵檮散翁君應時時撫此冊白首旁溝感
酬昔酒肉如山又一時杜句滿堂賓客吹參差吹參差莫
復憶人生遊處雪中跡君不見四橋之堂在目前悽涼
稚子問當年紫陽洞老故人寂若令重遊僧不識

巢經巢遺詩

五

陶子俊廷燕招飲澹園次韻二首以上二首乙卯年作

薄薄新晴淡淡風林池不似在城中花邊聽道 先皇
事忽憶東華踏輦紅

世事東山雲木稠小兒俄頃燒巖幽從公日作亡何飲
且閣眉間十斛愁是日適值山燒

禹門哀六哀之一

禹門寺內排桁楊彼何人斯坐齋堂舉人秀才附耳語
捐戶捉至如牽羊喝爾當捐若干石火速折送親注籍
叩頭乞減語未終擗筍筍臂已流血十五五銀鑿鑿

隄爾納畢縱爾旋守佛悲號佛無說金剛弩晴菩薩憐
君不見前年此寺亦勸捐樂安一里銀九千當時謂我
備賊禍賊來用之否還我去冬賊入燒諸村村人自結
葫蘆軍向者金錢落誰手何曾此日霑毫分連日裹糧
自爲戰戰捷功賞皆他人自從去冬來賊退事防守一
家起一人輪直堵隘口團頭團總皆豪紳不捨升勺科
團民出防又遣自供食不知底用誰敢云六月賊仍寇
吾里倒村殺賊各攜米可憐十九無粒粟懷中旋摘新
包穀時時猶聞催軍需速送城中總捐局卽今賊走湄
龍間官吏耽耽來抑捐國帑虛時固宜爾豈必樂安方

巢經巢遺詩

六

有錢不論家有無十戶養一練納穀官雇之一舉滅賊
焰豪紳共贊官能兵速輸爾輸觀太平家家竭作始如
此不謂一練當十丁今年差喜歲不惡嗷嗷待收免溝
壑賊來掠去官來捐所有終爲他人穫噫吁嚱吾聞湄
潭諸縣賊初至任民拒賊賊亦畏後來搜括民不堪力
盡心離乃羣潰利害在民非在官有廬墓者將無然割
肉愈瘡豈不願但恐此捐仍舊年以上五首从手稿補錄

借啟秀書院居新人舉火獨夜誦少陵題衡山
縣新學堂詩感念湘川講舍之廢因次其韻呈
憲儀軒臣蕭吉堂光遠兩長兄

五聖一迷望十載悲世事孔日雖行天色爲太白倅救
死眾不瞻名教鮮樂地拊心到甯越衿佩宜腐志湘川
灰磔餘述業無馬肆邦君不暇給粲粲自末至試堂勉
祭菜孰敢餽羊棄吁嗟桑衛興頓喪文高意齷生亦何
有六籍迷大義謬膺待問責鐘窈扣仍閱巢拙此東頭
敬朽尙茨墜緬昔藥園舊層構何高邃兩橫讀書聲夜
聳不狼氣角巾廁其間人道眉刷翠最憶劉祠下丹芝
照階吧焉知四十年陳迹無髮髯嘉慶丁丑戊寅臨川李鄭芸先生主湘川講席於後堂庭左右礎蒔花竹名之藥圃時劉研莊太守祠前茁芝數莖余課隙輒頽嬉其間自戊寅秋歸不復見孤燈射頽壁蒼茫集遙思白頭作學生猶是兒時矣

與經巢遺詩

三

味高詠杜陵篇慨撫補山記乾隆廿八年孫補山先生撰此院記石尙未泐陸宰豈異人銷兵冀扶墜已下同治元年作從貴陽尙書藏先生墨跡冊錄入

過蹇振士詵齋觀畫不值獨坐書此

兀悶無與適古懽念王孫主人不知處也當入桃源趙

承旨桃源圖

清明忽中秋客意感佳節不羨上河人祇愛今夜月仇

實父上河圖

蹇一士諤秦晉遊草題詞四首

一鞭幽冀及雍梁萬里歸來詩滿囊牽手秋風悅公嫗
轉頭如夢識眞鄉

柿岡死烈亦前定殺氣常流聲詠間猶勝詩人王少伯
傳芭終作國殤還

世界漠漠天陰陰荆榛塞日狐鬼吟酒酣一曲山黎樹
共爾遙遙千古心草中山梨歌最佳

而翁有子 帝有良此稿堪繼夢硯唐他日編君殿忠

孝元戈長使近文昌余編刻播雅終於唐子方先生今擬以一士完此卷一士祠在東新

城文昌宮後

賀儀軒生曾孫

熙甫好作祝壽詞柴翁喜爲鬢頭詩人生既老復何說
落地成珠乃可期文章薪火要世守天地維柱須人支

巢經巢遺詩

六

景升兒子百千輩蠕蠕食動何能爲羨君年今六十四

曾孫之雛已第二手種查黎盡成實待辨豫章七年事

一笑題詩自古無君看用意未全疏他日文權恐不見

湯餅須知到老夫唐蹇遵品著春秋文權七卷

巢經巢遺詩終

巢經巢遺詩書後

遵義鄭子尹先生以經學著聞詩其餘事也而慕其名往往嗜其詩予亦嗜其詩者且服膺歷有年矣初得其家刻本繼又得蜀刻遺詩今此數十首則晚歲遺詩之未刻者獨山莫君楚生得之因楊君次典以示予予讀之而重有感也鄭先生之名滿天下如芻豢之不厭于人口如河岳之在地星漢之在天其詩亦如祥麟威鳳即一毛片羽亦見珍于世可謂光顯矣庸詎知當日遭時之亂極生人之不堪流離轉徙至于窮且死耶雖然遭時之亂極生人之不堪流離轉徙至于窮且死者何

巢經巢遺詩跋

十

限其夢夢以生泯泯以滅者又復何限彼既無傳於後後之人亦遂無舉其姓氏者獨鄭先生之名滿天下吾以是觀之窮且死奚足病維不能忍其窮以遂其學至死無可傳斯足病耳鄭先生既遂其學以傳其名并其窮且死者亦俱傳焉讀其詩可以見矣予將歸滇及身之未死將更劬所學以冀收炳燭之效因論鄭先生以自策非徒慕其名嗜其詩哀其遭時之不偶也謂其窮且死而有不窮不死者存此吾所為服膺而弗諉者歟

壬子十二月二十一日昆明陳榮昌謹跋

壬子十月予至成都從遵義趙幼漁怡得巢經先生詩

五十一首皆刊行集本所無案先生巢經巢詩先刻於家出自手定而先生子伯更書以授梓者也光緒中貴筑高氏復刊後集四卷本自黎受生汝謙幼漁為子言同治初先生既沒同郡唐鄂生中丞炯方治兵於重安江寓書伯更覓先生晚年遺稿伯更遂以手稿本付之嗣中丞托某氏仍還伯更某行至甕安舍於逆旅失之遂不可蹤迹久之貴陽陳筱石制府忽得一傳鈔本受生因從錄副上其叔父川東道尊齋先生聳懇高氏刻之而屬幼漁弟悔予任校勘時幼漁方走京師迨還蜀而已刊成見其中編次頗亂最晚歲詩亦絕少乃知制

巢經巢遺詩跋

二

府所得本雖出於原稿已為人竄易次第且有脫逸矣趙氏兄弟固同為先生外孫而悔子齒少不若幼漁之猶及侍先生悉聞外事並曾見原本而能證流傳本之譌闕也此數十首壬戌至甲子先生捐館歲之作幼漁於原本既失後在望山堂字簾中得其手寫零篇綴錄記當日均在集中者由是觀之所佚殆不止此受生官廣東又合鄉人醮金刻先生詩其後集亦但就高本重瑀子在粵屢舉以應訪求今獲是編他日更將播諸海內故記幼漁所述如此十一月朔有二日已未獨山莫榮旅即謹書時夜漏三下

國史儒林傳

鄭珍字子尹貴州遵義人道光五年拔貢生十七年舉人二十四年大挑二等以教職用選荔波訓導咸豐五年叛苗犯荔波縣令蔣嘉穀病珍率兵拒戰卒完其城苗退告歸同治二年大學士祁寯藻薦於朝特旨以知縣分發江蘇補用卒不出三年卒年五十九子知同行進珍初受知於歙縣程侍郎恩澤詔之曰為學不先識字何以讀三代秦漢之書乃益進求諸聲音文字之原與古宮室冠服之制方是時海內之士崇尚攷據珍師承其說實事求是立異不苟同即已洞知諸儒者之得

附錄

失復從莫與儔游益得與聞國朝六七鉅儒宗旨子鄭尹先生於經最深三禮謂小學有三曰形曰聲曰義形則三代文體之正具在說文若歷代鐘鼎款識及汗簡古文四聲韻所收奇字既不盡可識亦多偽造不合六書不可以為常也聲則崑山顧氏音學五書推證古音信而有徵昭若發蒙誠百世不祧之祖義則凡字書韻書訓詁之書浩如煙海而欲通經訓莫詳於段玉裁說文注邵晉涵郝懿行爾雅疏及王念孫廣雅疏證貫穿博衍超越前古是皆小學全體大用別有漢隸學號專門即下至六朝分隸亦並當精識然後茲學源流備舉

罔遺闕一不可其讀禮經恆苦前儒聚訟營視惑聽賴有國初諸考出權衡得失審當莫如康成爰奉為圭臬反覆參詳止求明注不遠詰難厥功不亞孔賈乾嘉以遺積漸生弊號宗高密又多出新義未見有勝十九外駁說愈繁而事愈蕪較前古為尤甚故言三禮墨守司農不敢苟有出入至於諸經率依古注為多謂宋後儒者喜變亂舊說未免憑臆逞私或無足徵信國朝專力復古事必根據然後敢言故若胡渭考禹貢陳啟源闡毛鄭詩張惠言通漢易之類精確異常絕學獨有千古信吾師也又以餘力旁通子史類能提要鉤玄儀禮

附錄

十七篇皆有發明半未脫稿所成儀禮私箋僅有士昏公食大夫喪服士喪四篇而已周禮有考工輪輿箋臯氏圖說禮記有深衣考小學有說文逸字說文新附攷汗簡箋正說隸他若說文大旨轉注考又有諧聲釋名證讀先秦古書讀皆未成又有巢經巢經說詩鈔文鈔明鹿忠節公無欲齋詩注述行而所撰遵義府志古今文獻蒐羅精密好古之士欲考鏡南中爭求是書比之華陽國志狀行珍嘗謂遵義漢梓柯也自郡人尹珍道真從許慎應奉受經書圖緯教授南域後無有以經術發聞者於是道真自命而取以為名故學成衰然為西南

巨儒馬承訪冊

揀發江蘇知縣鄭子尹先生行狀

先生諱珍字子尹姓鄭氏其先爲吉水人自七世祖益顯以明萬曆庚子從劉綎平播綎班師被論回衛領舊兵萬餘防守屯駐水煙遂爲遵義人曾祖諱某祖諱學山縣學生員考諱文清兩世精於醫皆有隱德鄉黨稱長者先生自幼精力絕人過目輒能記誦予世父雪樓公自桐鄉任內以憂歸多蓄典籍先生以甥行學於舅家悉令鼓篋讀之恆達旦夕肘不離案衣不解帶數年而學以大明道光乙酉選拔貢生受知於歙縣程侍郎

附錄

三

恩澤侍郎詔之曰爲學不先識字何以讀三代秦漢之書於是先生大感服益進求諸聲音文字之原與古宮室冠服之制方是時海內之士崇尚考據名曰漢學從者風靡先生師承其說實事求是立異不苟同即已洞知諸儒者之得失踰二年復從侍郎於湖南歸而與外舅莫猶人先生游益得與聞國朝六七鉅儒宗旨久之經術益大涵肆莫可殫詰蓋先生之爲學其孤詣自可得而言者矣其初實致力於許鄭二家之書以爲不明傳注則經不能通不明故訓則傳注不可得而讀其於康成叔重信之惟恐不篤尊寵之惟恐不及既治

三反如有不合則發憤以思又不合則旁綜諸儒之說鉤稽互證必求得當於程朱氏之義理而後已如是者積三十餘年而先生之於三禮六書乃始渙然怡然矣自本朝以來治許鄭家專經大師若充宗萬氏蒿菴張氏慎修江氏東原戴氏懷祖王氏懋堂段氏號稱精核皆不能以過也先生嘗以謂遵義漢郡牂柯也自郡人尹珍從許慎應奉受經書圖緯教授南域後遂無有經術發聞者於是毅然以道真自命故學成而先生褻然爲西南鉅儒先生以道光丁酉舉於鄉甲辰大挑二等凡三爲校官後補荔波縣訓導適冰夷作亂大舉攻城

附錄

四

縣令蒞嘉穀病不能視事先生募南丹廠工三百人畧以軍政絕城出擊斬馘甚眾城賴以完未幾遂棄其官以歸先是先生自得鄉舉後即已厭薄仕進惟從政於門內甚謹存則授几授杖以至視形聽聲無不致敬以勉於分所當爲沒則附身附棺以至繼志逝世無不盡慎以達乎心之所安晚歲經營子午山廬於墓次將浩然自得以終不復與間人間事同治二年癸亥乃用大臣密薦詔赴江蘇以知縣補用未行而口疾作遂以甲子九月十七日終於家距生嘉慶十一年丙寅享年五十有九配子從姊黎孺人子一知同女子二人孫男

幾人孫女幾人先生之學鴻肆而核辯經術所不能盡發者益播爲詩古文詞以昌大之瓌奇幽逸力闢陳常論者以爲漢學家所難能撰著之書已成者有儀禮私箋考工輪輿私箋鳧氏爲鍾圖說巢經巢經說巢經巢詩鈔文鈔巢經巢寐語說文逸字說文新附考汗簡箋正說隸康成傳注年譜弟子目親屬記老子注世系一線圖無欲齋詩注母教錄樗蒲譜凡若干卷而遵義府志播雅兩書尤爲邦人文獻所繫往者吾讀 國史儒林傳見 高宗純皇帝崇尚儒學於時顧棟高梁錫璵等皆以經明學粹下 詔褒許列於冊首如先生者內

附錄

五

而懿行集於身外而經術顯於眾以視棟高諸人孰爲優劣未易遽定其可與於儒林耶抑猶未耶將以俟史氏之論定焉同治四年乙丑三月內弟黎庶昌謹狀

鄭徵君墓表

先生諱珍字子尹晚號柴翁姓鄭氏其先吉水人七世祖益顯爲劉縉部將以明萬曆庚子從平播縉班師被論回衛益顯領舊兵屯防水煙遂爲遵義人曾祖某祖學山縣學生員考文清兩世精醫術德於術妣氏黎子姑也先生自幼精力之過絕人寓目輒能記誦予世父雪樓公以憂歸自桐鄉多蓄典籍先生以甥行學於舅

家悉令鼓篋讀之恆達旦夕肘不離案衣不解帶數年而學以大明道光五年選拔貢生受知於歙縣程侍郎恩澤侍郎詔之曰爲學不先識字何以讀三代秦漢之書先生大感悟益進求諸聲音文字之原與古宮室冠服車輿之制方是時海內崇尚考據名曰漢學從者波靡先生師承其說實事求是立異不苟同卽已洞知諸儒者之弊治經宗漢析理尊宋踰二年復從侍郎於湖南歸而與府教授莫猶人先生游益得與聞 國朝六七鉅儒宗旨久之經術益大涵肆莫可殫詰先生之爲學其孤詣有可得而言者矣其初實致力於許鄭二

附錄

六

家之書以爲不明傳注則經不能通不明訓詁則傳注不可得而讀其於康成叔重信之惟恐不篤尊寵之惟恐不及旣治三反苟有惑則發憤潭思又不合則羣綜諸儒之說旁參曲證必求一得當程朱氏之義理而後已如是者積三十餘年而先生之於三禮六書乃始渙然怡然矣蓋經莫難讀於儀禮昏喪尤人道之至重則爲儀禮私箋古制莫晦於攷工則爲輪輿私箋鳧氏圖說小學莫尊於說文以段玉裁嚴可均二家之說綦備則爲說文逸字及說文新附攷奇字莫詳於郭忠恕汗簡而謬俗實多則爲汗簡箋正漢學莫盛於康成則爲

鄭學錄每勘一疑獻一義刊漏裁誣卓然俟聖而不惑
斯亦天下之神勇也先生嘗以謂遵義漢牂柯地自郡
人尹珍從許慎應奉授經書圖緯教授南域後遂無有
經術發聞者於是毅然以道真自命故學成而先生衰
然爲西南巨儒以道光十七年丁酉舉於鄉甲辰大挑
二等凡三爲校官最後補荔波縣訓導適狄夷作亂大
舉攻城縣令蔣嘉穀病不能視事先生募南丹廠工三
百人署以軍政總城出擊斬馘甚眾城賴以完未幾遂
棄其官以歸先是先生自得鄉舉後卽已厭薄仕進惟
從政於門內甚謹存則授几授杖以至視形聽聲無不

附錄

七

致敬以勉於分所當爲沒則附身附棺以至繼志述事
無不盡慎以達乎心之所安晚歲經營于午山廬於墓
次將浩然自得以終不復與聞人間事同治二年癸亥
乃用大臣密薦 詔赴江蘇以知縣補用未行而口疾
作遂以甲子九月十七日終於家春秋五十有九配子
姊黎孺人子一知同女子二人孫男幾人孫女幾人先
生之學鴻肆而核辯經術所不能盡者益播爲詩古文
辭以昌大之瓌奇孤逸力闢陳常論者以爲漢學家所
未有撰著之書已刊行者儀禮私箋八卷輪輿私箋二
卷說文逸字二卷說文新附攷六卷汗簡箋正八卷鄭

學錄四卷巢經巢經說一卷巢經巢詩鈔九卷樗菴譜
一卷母教錄一卷未刊者有攷工鳥氏圖說說隸親屬
記老子注世系一線圖巢經巢文鈔無欲齋詩注凡若
千卷而遵義府志播雅兩書尤爲邦人文獻所繫往者
吾讀國史儒林傳見 高宗純皇帝崇尚儒術於時顧
棟高梁錫璣等皆以經明學粹下 詔褒許列於冊首
如先生者內而懿行集於身外而經術顯於眾以視棟
高諸人孰爲優劣未易遽定其可與於儒林耶抑猶未
耶將以俟諸知言君子 黎庶昌拙尊園稿

陳田黔詩紀略後編

附錄

八

徵君鄭先生字子尹號柴翁別號五尺道人遵義人先
世居江西吉水明萬曆庚子以劉綎部將從征平播遂
家焉遴道光乙酉拔貢舉丁酉鄉試甲辰大挑二等得
教官選荔波教諭同治癸亥以大學士祁寯藻保薦人
才卽家起知縣分發江蘇未赴先生生有異質邨塾僅
課帖括恒意天下人所讀書必不盡是依外祖黎氏居
舅氏雪樓令浙歸多購古籍先生發黎氏藏書縱觀古
今殫心四部日讀數萬言薄俗學不足爲潛心求五子
之學尤專一程朱精研性理德業大進雪樓工詩古文
時啟竅數語卽得要領雪樓奇之妻以女歙縣程春海

侍郎督黔學拔異等貢成均試禮部不售侍郎督楚學
招先生入其幕侍郎專長漢學令服膺許鄭以鄉先哲
尹道真珍從許叔重學歸而教授鄉里遂以子尹字先
生吾黔自明以來淮海諸公知有陽明之學入 國朝
定齋始專一程朱至先生乃從事許鄭時獨山莫子偲
侍其尊人來宦遵義與先生同志講貫大旨先洞悉文
字根以窮經文字自說文玉篇而外該古今異文作說
文新附考汗簡箋正說文逸字經自注疏以下極各家
解義罔不究心不立門戶一一折衷持平獨深三禮作
儀禮私箋考工輪輿私箋讀禮經恆苦前儒聚訟營視

附錄

九

惑聽權衡審當莫如康成作鄭學錄旁及輿圖名物作
遵義府志樛爾譚親屬記搜輯鄉人遺詩作播雅先生
論學尊德性而不道問學此元明以來程朱末流高談
性理坐入空疏之弊明於形下之器而不明於形上之
道此近世學者矜考據規規事物陷溺滯重之弊其失
一也程朱未嘗不精許鄭之學許鄭亦未始不明程朱
之理奈何歧視爲殊途偏執之害後學所當深戒又論
國朝學派云小學有三曰形曰聲曰義形則三代文
體之正具在說文聲則崑山顧氏音學五書推證古音
信而有徵昭若發矇誠百世不祧之祖義則字書訓詁

之書浩如煙海欲通往訓莫詳於段若膺說文注邵二
雲郝恂如爾雅疏王懷祖廣雅疏證貫穿博衍超越前
古宋後儒者變亂舊說 國朝專力復古事必根據然
後敢言若胡臚明考禹貢陳長發闡毛鄭詩張泉文通
漢易精確異常獨有千古其於當代諸儒品騰精當而
自負亦不淺其集友詩云當代大師業吾邦遲遠覃於
今三十載守夫乃在郊當乾嘉時明小學者東南老輩
講明絕學直接漢唐至道咸後僅王棻友苗仙麓不足
分大師之席先生起自南荒推闡小學以通經之緒自
立綿蕞不襲窠臼而其子知同紹述之益暢其支蔚爲

附錄

十

西南碩儒又嘗教知同日朱子一生精力盡在四書集
注根柢盡在近思錄吾五十已後看二書道理歷歷在
目前滾過稍涉影響便有走作差若毫釐失之千里通
漢宋之津不執成見洵一代通儒也同治甲子卒年五
十有九所著書有尙未脫稿者儀禮七十篇周禮全書
皆有論述禮記有深衣考說文有轉注考諧聲釋名證
讀史有世繫一綫圖子有老子注先秦古書讀其脫稿
而未刻者有說隸作文純白古健變化曲折不預設局
度比成罔不應矩詩則蚤歲措意眉山晚乃由韓孟以
規少陵才力橫恣範以軌度冥心妙契直合古人又通

古經訓詁奇字異文一入於詩古色斑斕如觀三代彝鼎余嘗論次當代詩人才學兼全一人而已篆法遠紹冰斯從容合矩 國朝錢鄧以下未見其儔興趣所至閒亦點染山水蒼樸蕭散超絕時史經學大師兼長三絕古有子瞻今則先生惜余生也晚未及親炙猶得與先生子知同把臂論文今得錄先生詩亦可謂厚幸已勅授文林郎徵君顯考子尹府君行述

先子諱珍字子尹號柴翁別號五尺道人姓鄭氏始遷祖益顯公原籍江西吉水明萬曆庚子以劉綬部將從平播緹班師被論回衛留部曲領舊兵萬餘駐遵義仁

附錄

三

懷叙南馬湖等處耕種防守公因屯都西六十里水煙子孫遂家遵義西鄉崇禎辛巳王忠烈公佐聖宰遵義以公宿將問所以扼水蘭吭者公爲畫築新站城與王公往來巡視邊備悉舉明年逆酋郭士奇吳上才繫獄府道優容不決致令結黨入寇城陷王公死之公率十里土司搗賊營分兵新站絕其歸路盡殲之郡以安全四傳而至我高祖諱菘府君世有隱德府君遷天旺里河梁傳曾大父諱學山府君爲郡諸生始以儒起家精岐黃術活人無算曾大母氏程持家樽節有法先大父諱文清府君例贈文林郎稟性剛慤勤儉言行必準規

矩先大母氏黎例贈孺人尤盛於德皆詳具家傳先子昆弟三人二叔父璉三叔父珏先子其嫡也以嘉慶丙寅三月初十日巳時生故宅在岐嶷日已有異質長益穎悟河梁里氛稔惡先大父懼爲築理賈街所漸亟徙避之以己卯春舉室東走樂安溪上僦田宅窰灣以居依外曾祖靜圃 安理 黎公先大母考也時先子十餘歲就村塾讀僅攻帖括恆意天下人所讀書必不盡是庚辰年十五外祖雪樓 恂 府君令浙歸乃往受業巖講經義十七補縣學弟子員旋食廩餼雪樓府君知非小就才令多讀古籍先子隨發府君所藏書數千卷縱觀古

附錄

三

今殫心四部日過目數萬言未幾既淺俗學爲不足尙尤懲涉獵爲無所歸自忖非潛心宋五子之學無以求聖人至道終不能躋古儒者由是專一程朱精研性理德業大進雪樓府君工詩古文時啟窾數語先子聲入心通後凡有作府君莫不擊節稱奇歎曰昔歐陽文忠刮曰蘇子瞻有當讓此人出一頭地之許吾於甥亦謂然遂議以姪從姑而我母來歸乙酉拔貢成均學使者爲程春海 恩澤 侍郎侍郎達於古學天下稱文章宗伯見先子文奇其才旋移視學湖南先子 廷試歸即招以去期許鴻博爲提唱 國朝師儒家法令服膺許鄭

先子乃博綜五禮探索六書得其綱領又接見新化歐陽礪東紹洛鄧湘皋顯鶴兩詩老時湖湘開號人文淵藪而湘皋先生執駮壇牛耳海內罕其儔匹礪東先生亦卓然名家先子與上下其議論兩先生不以後輩折抑把臂論交湘皋先生酒酣氣豪振筆千言先子和之犄角爭奇不捨先生大言曰今天下詩僕蓋無多讓何期今見畏友乎暨友甯鄉黃虎癡本驥先生先生性高潔雅癖金石聚先秦兩漢以來墨本數千卷先子就觀各領其妙因悟隸楷法居侍郎門下年餘戊子辭歸侍郎有吾道南矣之歎是後家稍藏書顏其室爲巢經巢

附錄

三

無者假之舅氏及遵義故家時獨山莫子愚友芝先生侍其尊人宦遵義爲學與先子同志多儲秘笈締交先子先子以屢試不售益肆力於古往來數家書叢中春秋講貫大旨先洞悉文字根以窮經文字自說文玉篇而外該古今異文經自注疏以下極各家解義罔不究心不立門戶一一爲折衷持平獨深三禮謂小學有三曰形曰聲曰義形則三代文體之正具在說文若歷代鐘鼎款識及汗簡古文四聲韻所收奇字既不盡可識亦多僞造不合六書不可以爲常也聲則崑山顧氏音學五書推證古音信而有徵昭若發蒙誠百世不祧之

祖義則凡字書韻書訓詁之書浩如煙海而欲通經訓莫詳於段若膺說文注邵二雲郝恂九爾雅疏及王懷祖廣雅疏貫穿博衍超越前古是皆小學全體大用別有漢隸學號專門卽下至六朝行草亦並當精識然後茲學源流備舉罔遺闕一不可其讀禮經恆苦前儒聚訟營視惑聽賴有國初諸老出權衡得失審當莫如康成爰奉爲圭臬反覆參詳止求明注說不遽詰難厥功不亞孔賈乾嘉以還積漸生弊號宗高密又多出新義未見有勝十九舛駁說愈繁而事愈蕪較前古爲尤甚故言三禮墨守司農不敢苟有出入至於諸經率依

附錄

四

古注爲多謂宋後儒者喜變亂舊說未免憑凡逞私或無足徵信國朝專力復古事必根據然後敢言故若胡朏明考禹貢陳長發闡毛鄭詩張皋文通漢易之類精確異常絕學獨有千古信吾師也又以餘力旁通子史類能提要鉤玄亦嗜書畫古玩恆陳列左右書祖平原時仿歐褚畫宗思白間摹文沈嘗曰此於學問中特技藝耳亦不可不善考古之際遇事觸發則寄興爲詩其於詩溯騷賦漢唐而下諸名大家靡集不窺擇其尤膾炙者彙鈔成冊含咀有年而風骨則力追盛唐蚤年胎息眉山終樵韓以規杜要之名作如林不持一格第

覺橫肆道逸之概溢於毫素作文純白古健變化曲折不預設局度任其機軸操縱自如比成乃罔不應矩近世於文步趨方姚先子以為紀律森嚴非不可師苟取法僅此恐失之促窘耳余則喜竹垞朱氏之春容雅潔也自戊子至甲午六七年績學深造如此所為友者有子偲先生及其弟芷升庭芝先生黎伯庸兆勳舅氏桐梓趙石知旭先生黔西張子佩瑞先生相與往還飲酒賦詩雖家四壁立先子安之若素乙未再遊都門多識中州人士取助益宏丙申從雪樓府君滇南幕所至必識其掌故丁酉領鄉薦賀耦庚長壽中丞納居門下識

附錄

五

先子貧極加調恤戊戌試禮部不第歸平越峯翰太守以郡志首屬先子佐以子偲先生閱三載告成凡古今文獻蒐羅殆盡閒涉全黔事蹟好古之士欲考鏡南中爭求是書比之華陽國志庚子三月先大母逝世先子略得資斧卜兆於子午山以葬置丙舍讀書其中有終焉之志自稱子午山孩以先大父在堂不能不甘心祿養甲辰仍計借北上又不捷大挑二等以教職用乙巳初權古州廳儒學訓導兼掌榕城書院廳舊為夷疆道光朝始立學校諸生夷漢各半學植荒陋先子至初以文賦開其塞繼以性道化其頑不數月遠近肄業至百

餘人鄰縣數百里有負笈來者坐則侍立一堂行則從遊塞路先子樂甚廣為甄陶得士如胡長新能文後舉進士劉之琇能詩州人自是益知嚮往程朱砥礪名節未逾年去職門人有泣送者是後稱廣文鄭老丙午乃謀自窳灣徙于午山築室未成而先大父即以夏四月棄養旋移柩於子午山新居逾年葬大母墓右先子益絕念仕進日以讀書課子種灌宰木為事至庚戌以貧故再權鎮遠訓導辛亥夏歸鄉前輩唐子方樹義方伯時致仕家行省與先子往來最洽癸丑疊膺召命往剿撫湖北挽先子同行謂可與監利王子壽柏心先生

附錄

六

共圖厥政子壽先生負經濟才者也先子不欲遠適力辭謝後方伯以戰不利殉難金口先子極悲之自辛亥後先子鬚髮頽白雖精力過人神明不衰自知漸老平生所學不可不筆之於書爰箋疏禮經考校文字著述未竟不三四年而甲寅楊隆喜之亂作矣適選授荔波縣訓導先子計借官避寇挈家之任未數月都勻羣苗疊叛乙卯八月犯荔波縣令蔣嘉穀病不省人先子蒞軍政以游擊營百餘兵南丹民兵二百四出迎敵經數十戰賊以萬計有增無已九月賊越山險以數千圍城先子開門揮眾死戰斃賊數百追襲三十里時蔣君病

漸起先子解兵柄謂蔣曰還若城吾可潔身去矣遂告歸以道梗攜家紆出南丹羅斛萬山中匝月始抵省垣與子方方伯子鄂生焜論交又識黃琴塢輔辰子壽彭年父子皆績學能文歲盡始歸里丙辰遣不孝知同館

鄂生家時涓潭竄安賊日熾去家不及百里風鶴交警先子欲出重去先塋止堅守墓廬重修舊稿借著述爲消遣己未鄂生官四川南溪疊延先子先子欲徧觀蜀中山水依之作娛老計十月西去而涓賊即以後月入寇桑梓知同倉皇奉母攜幼問道走南溪先子聞賊耗促裝還山道不相值先子至家知同在南溪矣先子亟

附錄

出桐梓訪石知先生遺健步走南溪命知同歸庚申三月始聚首寓居魁崖自稱且同亭長秋仍還山涓賊益

逼東里辛酉先子主講湘川書院冬賊復入境焚掠無遺子午山亦罹其災藏書半燼先子無歸因寄家書院自是恆多感愴得老友蕭吉堂光遠先生耽易理李儀軒憲臣先生能詩歌朝夕傾談聊舒悒快壬戌鄂生官綏定府又邀先子卒遷延不果往癸亥里中禹門山砦成乃暫移家砦內貧況不堪仍欲赴綏定又不果適大臣疊舉十四人於朝相國祁公篤藻以先子弁首仰家俞行特以知縣徵起分發江蘇時相國曾公國藩

駐節安徽子偲先生久遊其幕曾公因諭先子學行授意子偲先生數馳書促行迫欲一見先子方計出山力摠忠盡上報殊恩兼酬知己是秋口疾遂作屢延醫治有劇無瘳越至甲子益形骨立彌留及九月十七日時加亥竟棄不孝知同等而長逝矣享年五十又九嗚呼可勝痛哉歿時端坐於牀顏色不變命啟手足而屬

續焉學者私謚曰文貞以十二月十八日安厝先大父墓左配黎孺人雪樓府君長女也賢明似先大母子知同郡庠生娶宦氏女四長適邑庠生趙廷璜次適綏陽丁誥三字子偲先生子邑庠生彝孫次三皆早歿四未

附錄

字而殤孫阿龍玉樹亦殤碧樹未配孫女二先子性至

孝幼事先大父母凡負薪執爨紡績芸鋤諸苦罔不代作長益孺慕每拊舞匍匐作兒戲不致親歡笑不止人擬之萊氏斑衣時出謀生計足奉一月甘旨即歸家雖貧修髓無或缺先大母早歲積勞暮年善病先子百計求醫藥療之庚寅年五十五病極危殆先子血指書狀禱於文昌之神願減已算十年上增母壽大母疾旋愈後終庚子適合十年蓋誠孝格天神所錫也及葬先大毋於子午山朝夕走省山故不毛手植花木千餘株不十年桃李梅杏松柏醜蒼蔚成行間以竹石相隙地架

屋有望山堂先廬米樓柑廊四香亭等參伍上下中藏
玉馨湖菱荷楊柳掩映生姿先大父好植名花凡南中
奇產先子罔不畢致山中紅綠爛爛奪目恆匝四時朋
儔過訪詫爲名勝矜賞題詠信宿忘歸惜一旦燬於賊
炤至今瓦礫荆榛無復舊觀矣又篤友愛兩叔父皆先
子教之成立中年已後薄有田數十畝盡以與兩叔父
己未秋季父病歿先子痛甚爲教養諸孤進之如子人
稱爲難先子體貌端嚴方頤廣額目光射人持身恭潔
廉靜剛果深醇言必顧信行必中禮當處人接物則和
藹之氣溢於顏面人莫不與親而罔敢媿嬾喜接引後

附錄

元

進子弟輩請益必諄諄誨諭凡舉一事爲窮原竟委惟
恐不詳然非其人或終日無一語也所造就若舅家諸
弟叔吉兆祺講宋學篠庭庶壽工詩文及倚聲椒園庶
著工詩蕪齋庶昌通經史工古文辭壻趙仲漁習毛鄭
詩皆一時翹楚大抵先子生平爲學宗旨滙漢宋爲一
數嘗括其要領示知同曰尊德性而不道問學此元明
以來程朱末流高談性理坐入空疏之弊明於形下之
器而不明形上之道此近世學者矜名考據規規物事
陷溺滯重之弊其失一也程朱未始不精許鄭之學許
鄭亦未始不明程朱之理奈何岐視爲殊途偏執之害

後學所當深戒故先子晚年於道益深記誦詞章其餘
事耳又嘗教知同曰朱子一生精力盡在四書集註根
柢盡在近思錄吾五十已後看二書道理歷歷在目前
滾過稍涉影響便有走作差若毫釐失之千里矣所痛
年不及待纂著未竟經於儀禮十七篇皆有發明半未
脫稿所成儀禮私箋僅有士昏公食大夫喪服士喪四
篇而已周禮亦多未成書僅有考工輪輿箋冕氏圖說
禮記有深衣考小學有說文逸字說文新附考汗簡箋
正說隸他若說文大旨轉注考說文諧聲釋名證讀皆
未成史有鄭學錄世繫一線圖子有親屬記老子注母

附錄

子

教錄樗繭譜別有先秦古書讀一種未成集有巢經巢
詩鈔前後集外集巢經巢文鈔播雅明鹿忠節公無欲
齋詩注唯談理之作危語一種全未屬稿時口占一二
事蓋慎重道學精益求精擬六十外始作之不知年數
之盡此也卒前兩日命知同曰吾生平腹稿尙夥若加
我數年庶幾盡有成書而今已矣第所存稿亦不爲儉
汝力猶能校訂其未次者當善排比無使紊亂遺失若
及汝世能梓行之則吾子也知同謹受命嗚呼先子抱
不世之才僻處偏隅生出晚季羈身貧窶暫位卑官文
章事業半得之憂虞艱阻之境豈天之所以玉成完人

者類必如是耶然茶檠備嘗以糲食鶉衣終世垂白厄窮尤甚重足傷矣而天復不假之純嘏使竟傳所業豈斯文之秘猶將不欲畢留人世抑又不可詰焉第黔中數千百年以來求學術之醕且備與著述之精以富會未盛如斯者得非千古一時之會歟復何閒歟所媿同 憇愚無似有玷箕裘兢守遺編恐終不克繡梓永世祇益危懼茲痛念先君子學行大節有不敢不先傳者謹龕敘崖略質之當世 能文碩彥幸錫以碑誌紀傳增輝泉壤則存歿均銜感無既矣 不孝男知同泣血稽顙謹述

附錄

三

江蘇候補直隸州知州內弟黎庶昌填諱

鄭子尹徵君誄有序

君諱珍字子尹道光乙酉拔貢丁酉舉人同莫君子偲修郡志時予授徒郡城兩人神交未獲聚處咸豐戊午冬子尹赴唐鄂生南谿約過城聚談數日至魁崖寄予周易屬辭序辛酉主講湘川始樂數晨夕與子偲丙辰同講席時無異未幾東歸癸亥上館王子家忽大病幾不起夏去冬來勸之飲辭以牙痛是必酒火也臘盡將歸強留之除夕談達旦甲子元日告別謂身健游蜀旋奉 旨以知縣發往江蘇書來云當出其意仍主游蜀得資東下與子偲相欺也五月後予再奉書不報時道梗訛傳已歸道山忽得八月八日書口病訖今未愈醫者謂服參當效觀其字畫握管尙未穩且問予北鄉事並舉東砮百物昂貴縷縷數百言二十二日又書云服參有效可緩行二百步書中述東砮瘡疫及中表黎伯庸患疫不救悲痛之情亦數百字予喜報書謂如死而復生矣不知乃病小差而遽加也其子知同來治身後具悵然久之豈錫衣夢果不祥耶子尹臥子齋中一晨夢人授以衣如古深衣制摺十數層恐不祥 作書慰之末言六十四卦終未濟人生德業何時時已耶尙息慮凝神以待天命不數日而凶問至矣嗚呼哀哉憶子尹在郡時李儀軒馮子

附錄

三

玉諸君會飲行令爲樂子尹一日沈醉笑謝曰諸君飲
頓頓酒不能勉陪子尹飲少而數自謂零碎酒相見輒
飲談久再飲佐杯無肴或以書同讀下之微酣面發赤
議論益精神素工書來求者應接不暇爲詩文操筆立
成有如宿構好聚書經巢遭賊燬寄予云藏書未出者
約計八九百部其半有錢南北可買其半非我即亭之
善搜不能得至有三四十種則海內無他本不圖一旦
至是也子尹避亂常徒行以書數擔自隨如販書然學
貫諸經尤精三禮海內知名往時程春海侍郎錫字以
國故尹道眞期之可謂不負惜天不假年未竟所學吾

附錄

三三

念子偲先合而後離子尹先離而後合今子偲將終老
江南子尹又溘然長逝干戈滿地跬步多虞病也未嘗
一視之死也未嘗一祭之慚負地下君平生踐履著述
自有大筆傳志聊述兩人之交爲位設酒果拜手而誄
之詞曰

維鄭老之拔起邊陲兮百家無所不窺匯漢宋爲一藪
兮早奉手於國朝之大師六書搜叔重之逸兮三禮
抉康成之微倘天子以司農之年兮著作將與高密相
攀迨歲非龍非蛇兮竟兆夢於錫衣彈指辛壬癸甲兮
兩人常共乎皋比君應傷別我之早兮我尤恨交君之

遲悵素心之長往兮孰與賞奇而祈疑望騷壇其無主
兮感經巢之劫灰撫遺編而歎息兮曷禁予情之涕泗
據蕭光遠鹿山雜著補

附錄

三四

右鄭徵君遺著凡文集六卷詩集九卷後集四卷遺集一卷附錄一卷哲嗣伯更屈廬詩集四卷總二十五卷甲寅春庸菴尚書屬秉恩校栞乙卯十月葢工文集據高氏資州刻本無經說今據家刻本伯更手識謂當編冠文集者餘文分類按年編次序類次第與高刻微異以原稿斟正又補文三詩集依家刻本起道光丙戌訖咸豐辛亥後集以手稿校高刻及黔人粵刻兩本起咸豐壬子訖咸豐辛酉遺集獨山莫楚生姻兄棠鈔自蜀中大都同治初及病中作也屈廬詩稿在秉恩許竊商諸尚書汰其冗率及未完者釐爲四卷附焉徵君著述

坡

海內多傳刻惟深衣圖說補錢氏經典文字攷異三十一家論語注輯凡三種未刊伯更撰述甚富僅廣雅書局刻說文本經荅問蜀刻說文淺說二種未刻者以爲姚氏補說文攷異爲巨帙此書伯更已爲訂補七八伯更卒後秉恩錄副存之原稿寄由文襄師歸之姚氏今已入內閣矣詳見內閣善本日餘如說文商義說文譌字說文述許經義慎思編愈愚錄隸釋訂文楚詞通釋解詁各種手稿高兩尺許多未定通錄副存之擬爲編次彙刊爲鄭氏一家之學用餉學子同治甲戌黔撫曾文誠奏開書局秉恩厠焉提調泰和周春甫姻丈繼煦與莫鄭兩家稔始得聞其緒論黎平胡子何教授長新莫

苗升姻丈庭芝開來局中奉手親炙因得讀徵君黔刻諸書徵君篆書奇偉雄厚罕有倫匹見輒鉤撫裏爲大冊惜未游江介與邵亭暉交相頡頏也開爲山水饒有士氣游藝精能亦如此光緒丁亥張文襄師督粵開廣雅書局於南園檄秉恩充提調兼纂校事宜聘伯更來粵爲總纂秉恩朝夕晤之汗簡箋正說文本經荅問始均刊成伯更旋歿秉恩去粵事遂中變鄭氏兩代遺著存諸篋中每一展閱未嘗不歎有子學能績緒乃因循坐廢弗睹厥成爲可傷也此匪獨伯更然番禺陳先生東塾讀書記目未刊各種書局屢促其家亦僅出二三

跋

種繡梓餘仍付闕如有同喟焉今承尚書彙刻遺著俾秉恩悉心斟勘不負逝者此心得稍稍慰矣至徵君學行文章耆儒通人久有定論具詳秉恩哀集附錄諸篇固無俟再贅云乙卯十一月華陽王秉恩

臨

平

田

本

集

榮道
書光
星雨
藏申
板古

舍弟子舉學禁江寄所爲試帖詩三十餘首并舊刻編
爲二卷屬序愚謂學者學爲父子君臣使人有修齊治
平之學而儲天下國家廟堂異日人才之用者也自漢
唐以策論詩賦舉人而世之託於學者美其名焉耳後
暨王荆舒創爲經義勒限程式調劑浮聲歐士法新倍
者卽刑緒翦炎漢軌隆朱明劣夫賈子夥競干榮說者
猶謂王胡歸唐諸公程文卽起韓柳歐蘇各大家爲之
亦不能遠過夫一代之興必有一代之文章風會氣運
天實寄人而開主之者非雄於皆聖於技不能范后世
之英髦駿足才力膚敏之彥 國朝鄉會試三場監四
代進賢之法八股策論外兼試佩文官韻五字律詩一

序

一

古棠書屋

首學者九爲盡心曩予弱冠溺苦詩古文詞嘗抱所學
浮江淮說京師求事當代名公鉅卿逮海內仁人賢者
維崑長洲王君念豐有十家試帖詩之刻蓋學士儒雅
亘直餘閒從容翰墨寄跡雕織爲末學後生型然亦可
見太平治郅日下人文之盛卽一技論而風會成焉竊
嘗評 本朝試律自河間尙書我法集及穀人祭酒有
正味齋內館閣外名家之作實右唐宋諸賢與勝國制
藝爭長今子舉壯抱寒瓊飯常不足而欄杆苜蓿方日
與諸生討論經史旁涉聲律衰然一家寄予是正且附
書曰澍繫跡無足輕重之官偶爲無足重輕之學聊耗
壯心消遣離愁每霽晨霞夕頰閣外大江東去白雲西

飛憶 慈母婆娑支離倚門望子之狀若在目前計明
年春水生日扁舟返里廬從吾兄鷺溪之上涓南陔補
舊學茂經濟講明經禮明德親民之旨焉用官子曰書
云孝乎惟孝友于兄弟未知於古之學者當何如復曰
如弟所言實獲我心他日者綦人過橫舍執是編栖懷
舊鐸齊衡詞苑亦未知文彩風流於十家之外風會隆
替又何如嗚呼庭闈迺樂地畎畝古有偉人道不遠
人世爲道而遠之苟且學問膠於詞章外修身齊家日
冀倖富與貴汨沒其才識者豈能副天下國家廟堂之
厚望哉

道光壬辰八月兄瘦石俱撰

序

二

古棠書屋

孫春舉集卷第一

詩

岷陽 孫澍 雨田

四言體

同瘦石和陶勸農詩六章章八句

方州部家孰為匪民富貴交誘肆瀆于真改過斯吝見
善不因體情穀昧何目為人
酌二甫田藝我黍稷天肯雨之穰二豐殖計利且安無
愈力稿矢為老農吾言不食
先人做廬攸宅原陸鑿井畊田其風穆二豈伊虎富亦
匪沮逐蕩上輟樓間雲共宿

詩集卷一

古棠書屋

昔和歲豐康樂永久服田益親率其妃耦桑者泄二閑

閑十畝花外青山黃農抗手

東家倉箱常憂乏匱西家糟糠而無妄冀蓂笠泥牛不

知老至十載風塵斯人云愧

雖無長才卻不曾鄙一瓊脫棄不衫不履晚食當肉安

步卻軌皆還讀書吾斯謂美

五言古體

家兄瘦石和陶歸田園居六首見示澍讀而善

之因和移居二首奉答

抱經返渝州壽母白雲宅青川帶稷黍烟火桑榆夕一
念事移居擾二為物役黔有不移突孔有不爇席伊予

寶崎人出處感疇昔寡過病未能疑殆相與析弟慚蘇
子由兄作坡老詩田園歸計得礙陶其和之黽勉偕今
士高懷發古思謀道苟不虧千載猶一皆聖言文王歿
斯文當在茲不賢識其小誠哉匪予欺

又和陶連雨獨飲一首奉答前章之意

兄所目為可吾意無不然聯牀日話雨做廬廉讓閒有
酒共斟酌不復求神仙倦則事高臥淡泊全吾天昔畏
不足畏聞道未能先青天有明月東去西復還蒼生懷
謝公哀樂同中年古人不可作著撰徒空言

同瘦石邀客集鷺溪洗硯亭和陶游斜川

喜樂且永日役車良可休緬昔斜川盛陶蘇後先游邊

詩集卷一

二

古棠書屋

豆儻兄弟浩歌俯鷺流荷葉殊田二忘機浮白鷗中泚

宛可賦何必登高邱古人一口醉千載無與儔諒非文

字託酌言徒旅酬魴鯉躍將夕歡忻知我不秉燭當卜

夜庶幾忘隱憂有客兼有酒此外夫何求

苦雨

十晴令人喜十雨令人悲二喜固在人實匪天得司今

歲雨太甚兼旬無晴期默顛彼蒼心似失愛與慈小民

豈無怨勢分懸尊卑時亦事請禱木偶罔問知何由開

霽色草木皆華滋老穉欣鼓腹廣和春陽詩

鷺坡晚眺

佇立耦耕橋胷次滌塵穢鷺溪清且漣平林碧如繪漢

漢天無風斜陽散鴉背西山初月橫爽氣逼眉黛我欲躋其巔一眺六合內

古棠書屋坐雨

連日暑蘊隆熏蒸如坐甑天末殷其雷一雨人心定點蕉侵敗牖擊瓦韻清磬疏竹閒高梧斷續肯入聽濃綠蘸茅堂細涼生石磴琴樽晚開軒流雲濕三徑

自西溪草堂晚歸

疎雨過平岡涼風生薄暮灌木亂鳴蟬前溪下白鷺日色淡山二輕烟生野渡隔水起漁謳村歌答交互稻花香流衿履漬草根露溪寺數聲鐘履坦幽人步稚子候柴扉明月挂松樹

詩集卷一

三

古棠書屋

七言古體

木山次韻并敘

老泉木山今亡矣中江李夢蓮孝廉主眉陽講舍一日得大木根于城南江濤兼有三峰五峰之勝李孝曾觀察適按部至眉見而異焉為輦置蘇祠用梅聖俞韻作詩見示家兄子俊用卷中陸放翁韻謝同原韻呈觀察并示夢蓮

紫氣拂空凌牛斗神木屈疆眉之洲蛟龍橫日月秋大江東去洪濤流三峯五峯窮雕鏤俗眼醜之如氏貧老蘇千乘收不盡李赤李白拔其尤共謀輦致瑞蓮宅有費不惜千狐裘木邪石邪兩不辨似假非假髦薪標

木尚不孤何況德會當結佩崑崙堊

五言近體

甲申二月同瘦石買宅成都雙桂街同人載酒枉過得詩四首

僻性希微尚高齋託浩歌杜門塵事少開卷古人多疊石牽藤蔓疏池種芡荷小山叢桂樹招隱意云何束髮耽騷雅勞生嘅古今典藝資鼓吹詞賦作園林交寡常求淡愁多不廢吟名山恣著撰風雨信沈二十載嬉遊地移家竟在茲樹標修撰宅雙桂街楊升庵故宅街日得名花接梵王祠宅毗連風月邀吟咏琴樽藉護持端居多暇日生幸 太平峯

詩集卷一

⑤

古棠書屋

師友兼兄弟文章笑老生劇憐多傲骨枉有是才名出世心猶壯安居宅又成花閒求點跡兒女互逢迎

道光庚寅三月鶯溪農屋落成瘦石紀事述懷

作詩四首謝敬和四首有次韻有出韻與之所

到詞已達意不能盡同然一室弟兄互相師友

行有不逮交相勉實無不同也

水北耽通隱西郊闢草堂煙霞端好尚風月識行藏卜

築風徽古為農意味長翰林懷世澤堂構倍難忘謂先公

一代文章伯名高野史亭瘦石詩力寒燈農舍曉細草

石田青挂為長吟史鋤禾亦帶經閒居同有賦遲暮惜

華齡

何武昭忠節揚雄味道真與懷三代下名世兩鄉人文
字成微尚詩書洽比鄰謂小鄉江邨花事好消息異垂

綸

農屋驚溪上平田遠帶邨風花連錦里雲水護柴門側
徑鋤荆棘名山待子孫躬耕同奉 母無恙荷乾坤

春日水園獨酌

地僻無人到匏樽自勸酬鳥聲圍竹逕山色隱溪樓譽
毀平心造詩書逐日謀一甌寒侶雪蹤蹟感閒遊

剛崇禎嘉定州刺史朱象先先生全家殉節詩
為其裔孫華陽廣文蘭皋囑題

詩集卷一

五

古棠書屋

詩書堅許國保障屹孤城獠寇烽交熾痛黎膽合并全

家輸節義一代仰科名慷慨登陣日倉黃殉敵情

何人專閩外勁旅撤當塗辛苦支羣盜艱難喪老儒臨

風思闖獻流涕向巴渝貽賊成元老巖疆失壯圖謂督師楊

昌嗣

脂蒿投烈炬城陷版重完見本倘有偏師助能將大敵

殘成仁今不易殉節古來難異代嘉州路中達白骨寒

縱火公堂日瘡痍血戰秋大夫原志士巾幗亦名流遂

有 興朝贈重看偉節畱江關膺廟食功不下封侯

東郊送別歐陽藝園邑侯歸湖南並示魏大邵

陽四首

八里橋邊水臨歧照影分平田過宿雨別騎簇春雲竟

送清官去難為父老聞五湖歸計蚤不待北山文

聯騎東城陌頻聞歎惜聲一昔公論重十載宦情輕驅

影迴巫峽鶯聲送郢城朝衫裝笠換不戀宰官名

洞庭臨故國倚棹一登樓浩淼魚龍氣奔騰江漢流岷

峨雲外盡吳楚畫中收天末懷知己茫茫二倦客舟

我亦中流客曾為勇退人名場雙白眼世宇一紅塵休

感風雲盛相期著作新當塗高有問同道即芳鄰

同瘦石贈劉雨岑大令二首

風雨偕南阮琴尊集竹林老修青士業同潔白華心行

篋收長劍高懷寄古琴苟完良足慰定力閱深沈

詩集卷一

六

古棠書屋

服官遵舊學家法重清貧軒冕歸昔輩泥塗逐野人圖

書三代古孝友一門春予亦懷微尚鶯溪託德鄰

弓生甫中翰夏日過訪鶯溪信宿農屋訂卜鄰

之約別後寄懷詩四首

竹林當六月消夏待銜杯地與青山僻風同好客來豈

無經世志共有讀書才秋水鶯溪上煩君費溯洄

桑柘東西瀼漁廬閒竹籬田同陽羨買家合杜陵移就

水支吟榻依山卜下帷冥身圖畫裏閒共 太平肯

弟子頭初白先生墓草新菱溪師于通家無事業奉母

息風塵從此文為友何慚德是鄰綠楊牆外樹宜作兩

家春

笑予癖橫舍中田五穀分宵占茅屋雨曉蹋板橋雲那
有千秋業聊爲四體勤他皆雞黍局賴爾賞奇文

問霞九劉新畬兩秀才曰詩寄懷奉答卽示同
鄉諸君子四首

橫舍僻荒縣眠陽問野亭嶺雲鷺上白溪水鳴頭青老
屋開三徑中田守一經江天煙霧裏搔首少微星
高唱大江東文章四海空山川耆舊盛著作後先同爲
學端知命論才勉固窮壯夫譚事業不僅志雕蟲
亦有凌雲賦曾無封禪書功名歸大雅耕稼愛吾廬溪
上安農屋花閒奉板輿菜根兄弟共不羨食維魚
天上黃金館林閒白玉杯一家高士傳千古讀書臺酒
落經昔策艱難壽世才溪山佳絕處載酒幾人來

五言絕句

岷江晚眺

日落岷江渚炊煙隔水生笛聲吹不盡多在杜鵑城

春皋詩集卷第一

孫春皋集卷第二

岷陽 孫澍 雨田

詩

七言近體

投鄭有庵

襤衫破帽走風塵匹馬關河老此身磊落劉楨多抱病
疏狂阮藉竟長貧琴書作伴成今昔蓑笠相隨眷隱淪
彩筆一枝忙不住曼書紅葉寄冰人有庵昔謀納姬

酒后簡何竹友

牀頭聽雨還眠雨花下論文復會文四面溪山隨領略
一天風月待平分如君字瘦堪題石侶我詩寒好說雲

連日酒場消礪塊登壇先覓鮑參軍

贈瘦石先生

隨緣詩酒作生涯杜牧風情儼共誇萬里湖山盈筆墨
十年詞賦老鶯花青楓楚雨仍南北畫舫秦淮歷歲華
不佛不仙還不仕飽從雲壑臥煙霞

下第

莫將佳日放春秋恥作人閒第二流壯志自應堪射虎
讀書惟可逐騎牛徒嘲坦率誰青眼空賺英雄欲白頭
檢點陰符還慰藉會須投筆事封侯

與友人話別

春闈書劍逐名場望遠關河說故鄉往日雲煙曾共覘

今宵風雨暫聯牀論交燕市追屠狗作客金臺笑失羊
馬首來朝雲樹遠青山一髮是華陽

舟泛薛濤井

望江亭下大江東倚檻臨流落照紅畫舫官橋風景換
憐才好色古今同千秋鶯燕知名妓一樣江山占厲公
才子眼前增感慨枇杷花下又春風

讀方正學皆文

麻衣裹血淚滄茫異代成仁志不磨正氣光芒爭日月
高文冰雪照山河師尊伊霍籌難決蹟比龍干憾轉多
一策制科傳正學蕭條十族意如何

同瘦石登江源樓

詩集卷二

二

古棠書屋

江上飛花路重經人前兄弟共高亭天迴玉壘蒼茫白
山入金川浩蕩青松菊徑荒元亮酒風騷詩炳草堂靈
井蛙銅馬俱零落合有文傳劍閣銘

岳威信公容齋詩集題後

玉帳牙旗幕府開將軍號令肅風雷請纓夙奉趨庭訓
公初授同知考敬肅奏改武職聚米能為破敵才三輔政資嚴武節公
川陝九邊春上李陵臺沙場楊柳琵琶曲緩帶輕裘出

察來

百戰河湟鬢欲絲矛頭漸墨氣淋漓冰山縱牧春無草
雪嶺行邊夜有詩八陣蹟翻諸葛壘百蠻威避岳家旗
世恩堂威信上尋遺策不獨湯陰著藝詞

贈昇賓旭將軍

冠冕文章列上京公前為盛京宗伯戎軒來駐錦官城 朝端

詩接夔龍席闕外威騰召虎名三蜀風雲窺號令九天

冰雪照聰明廟堂手筆今燕許不數當年右北平

芙蓉溪上簇金鞍捧日丹心白雪寒報 國劇知儒將

易麟才得自上公難詩歌獄二皇華節書味津二苜蓿

盤西蜀地形稱重鎮莫嫌專閩尙麤官

將之綦江畱別親友三首

斑衣舞罷即征裳一舸桃花汎水鄉望子倍沾遊子感

冷官懶趁熱官忙別離兄弟情原重憂樂江湖意轉長

四十頭顱容宋寔恥騎羸馬說登場

詩集卷二

三

古棠書屋

野館濃花接大川旗亭人共簇春筵暫辨蓑笠耕農業

小結琴尊學究緣綺齒虛縣名世策客心清比在山泉

揚雄疏散無奇字慚問侯芭載酒年

話雨聯牀結古歡五經箋補待重完湖昔方從稜石治經士良地

與迂疏適其紫江洽最簡僻官小人應責備寬橫舍也同三徑僻

宦場九笑一甍寒欄杆清絕峨眉月高照先生苜蓿盤

同瘦石答某公

鷺上溪山傲白鷗人前書劍罷登樓風雲閱世同千古

蓑笠論交自九州草檄虛傳依戟馬真身端合逐泥牛

青箱老去傳家學懶傍公車說五侯

張曉瞻太守囑黃述庵孝廉求鄙人弟兄近著

書卻答

太史西來守蜀州堂二京兆大名傳馬前絳節春行部

花外青山曉倚樓見說泰山容土壤何曾滄海擇羣流

一經兄弟岷陽野同傍春暉戀白頭

與黃述庵話舊即送其北上

昔年讀書臨錦江相逢老大同名場高館黃金足慷慨

陽春白雪殊軒昂曰儂志節慚忠孝知爾器識優文章

健筆大有凌雲氣計偕獻歲排天閭

長至前十日同瘦石出遊水西亭適得黃矩卿

學使入都畱別之書卻答

矩卿使節別成都遠惠瓊琚到敝廬馬首雲山劍門樹

詩集卷二

9

古棠書屋

天涯風雨蜀州書詩吟紅藥才原麗交比黃花沒有餘

應念華陽詞賦客人前消渴病相如

七言絕句

同瘦石西城酒樓題壁一首

日斜江上遠生愁城外岷峨爽氣秋碧樹陰中重倚筓

青山影裏一登樓

同瘦石野園詠梅

懶把頭銜署冷官林鳥笑客早知還珊一梅較高人瘦

各抱冬心耐歲寒

春皋詩集卷第二

岷陽 孫澍 子舉

成都城銘

華山之陽岷嶺之北沃土千里古鸞叢國外控制襄內
擾番服北阻秦隴南通滇筑桓二雉城權輿張儀芙蓉
錦里龜化稱奇湯固瞿唐山鞏劍閣絲泉津都財賄攸
託劉宗翼龍公孫躍馬王衍盜竊德薄能寡昔在有明
屏藩壤子思陵之季秦獻害起大劉蜀民靡有孑遺膏
血涓川人鬼交衢天兵電掃銅馬飲鏃肆徠五州田桑
聚族山峭水漂遺俗澆詭矯固龍蛇蠢亦鹿豕糾之曰
武或失則殘優之曰文或失于寬漢武鄉侯唐張乖崖

文鈔卷一

一

古棠書屋

雪山輕重迷民孔懷廣十二術麗八譙樓貝子儻功施

于康侯

補敬齋制軍

皇帝曰吁蜀民大創徐之勿亟經費尙方俾紓黎力迺

命親王朱車載巨徹田爲糧厥賦明半

蜀丁糧明賦銀壹百二十四萬

國初命果親王履畝定賦六十四萬日半予民

歷載二百官氓安便吏衙爾

衙農田王田教匪跳梁橫縱川塗訖十二稔終蕪萑苻

逸矣梁山亦號天府文翁化俗學比齊魯誰其尸之爲

天子媿勒銘巖封永奠厥衛

原傲

特患倉庫不實百姓背本逐末而上之教化壅滯也今
自父二子二夫二婦二兄二弟二飽食煖衣聚族而處

蒙業而安之民故爲奇邪曰自速辜哉占之治天下者

法至明意最詳也故孟子談王道謂無恆產而有恆心

者惟士爲能若民苟無恆產因無恆心苟無恆心放僻

邪侈無不爲矣王制三年耕必有一年之食九年耕必

有三年之食呂三十年之通雖有凶旱水溢民無菜色

往歲荆湖大水汜濫襄陵夷城郭破廬冢飢溺之民不

爲魚鼈所得者扶老攜幼轉徙川途賴天子仁聖垣

中澤集哀鴻發常平粟億鍾出水衡錢大萬幸已無事

然爲害亦烈矣邇來巴蜀糶價翔貴閭閻常鮮蓋藏於

此皆而不爲之長慮碩畫徒教曰忠孝節義信讓廉恥

曰有弗率者刑無赦雖家至而人說之執且不行何則

文鈔卷二

二

古棠書屋

蜀俗輕浮奢侈惡質直說華藻其弊原也不獨通都大

邑巨室富家交通州府比跡公侯卽荒陬下里無不姦

利婪貨競爲觀美厥無斗筲出聯駟馬身非貴顯被服

輕絨其少知禮讓謹干犯不隨俗作僞者則羣相詬病

目爲野人矣聞嘗入一鄉絃歌之聲十室而九然跡其

誦習非高頭講章卽串珠類聯也非律賦試帖卽房書

菁華近科墨選也語曰五經四子三傳廿二史則曰無

用夷考其孝弟謹信愛眾親仁則故未能嗟二學之根

柢農不積貯其所由漸者非上之教化不先而士夫淫

靡無節階之厲也今儼百畝之家自具贖公府田者若

千人耕且讀者若干人縣令曰四皆巡閱郊鄙倉箱有

積穀者則獎異之行修于家學顯于鄉者則矜寵之若夫游閒博媿門雜走狗者則懲之誨之而整齊之又力爲之禁酒肆伍衣裳別貴賤序長幼去誇誕崇樸學暨冠婚喪祭虛墓皆一以功令使富厚者不敢過而貧乏者不至無禮比及三年而民不興行猶有背本逐末而弊者豈理也哉否則秦漢以來天下未有百年二百年無天災人事之變者變而圖之難爲力不若未變而圖之易爲功嗚呼此昔者孟子法王制意也

頌錢 渝州作

於鏢 帝銅厥名爲錢秉性圓通能令愚者知不肖者賢老夫灌 童子言 當夫翩然而來也多或腰纏少

文鈔卷一

三

古棠書屋

則隱袖爪之寒冰鼻之惡臭若夫爲用也柔遠能邇因疎及親轉禍爲福易屈而信牢籠萬彙顛倒豪傑岌二乎令姬孔趨風圍 焉使巢由降節昔賢著論尊之曰神備夫牧豎莫不知名既通屯塞亦刻不平若當官而有不愛者非官人非官人

書蘇明允春秋論後

春秋者魯史之私也自列國有夫子而魯史公夫子者天下之公也自當世無帝王而春秋私經曰冬狩獲麟孔公卒傷春秋也傷春秋者文武之道終衰貶之權絕也明允謂子貢之徒私夫子而書他日者泰山梁木奠兩楹夫子語子貢故謂明王不作天下其孰能宗子

推斯意也且不以一身私吾黨子貢知足知聖而死其師曰私春秋豈其識反出明允下哉蘇氏之論甚辨惜於春秋公私間尙少斟酌春秋天子之事也知我罪我夫子嘗自言矣孟子曰有伊尹之志則可無伊尹之志則篡也澍曰有孔子之志則春秋公無孔子之志則春秋私春秋萬世平孔子萬世公 其所私而春秋成私其所公而帝王法歿而不書則罪孔子也罪孔子何曰示萬世書曰孔公卒魯史志亦文武所不曰爲私也又明允謂子貢之徒私春秋爲孔氏書彼詩書易微孔氏夫誰私之藉非孔氏晉之乘楚之檣杪亂臣賊子且私其君爲天下王矣

文鈔卷一

四

古棠書屋

襍說 四首

天下郡國州邑之有學所曰成教孝弟慈長養人材備異日廟堂公輔庶司百職事之用王制論秀士司徒而升之論選士太學而造之春秋禮樂冬夏詩書非學美詞章也降至漢唐適以發策決科求富貴利達公孤輔相人材輩出莫不由之而三代庠序之教微矣

古人得書難今人得書易古之學者常多今之學者常少何則非書之難學人之難也知其難而慎擇其易故孟子曰盡信書則不如無書以予考唐宋元明以來屠沽皆有書夫屠沽皆有書顏氏之子閔氏之孫不其劣而

世果有神仙乎秦皇漢武爲上智矣世果無神仙乎周公孔子爲下愚矣富貴而至帝王不可得兼者長生人倫而極姬孔不與俱朽者至德故秦漢兩辟罔生而二師弗死異哉非仙非聖不生不死晉宋齊梁魏隋又從而居閒承其敝爲之佛也噫

古豪傑士恆不穀庸耳俗曰穀庸耳俗曰又焉得爲豪傑豪傑者五百歲而一生閱千萬人世迺咨嗟而荃馨之俎豆之若不克見爲憾曰今世無豪傑卽不幸有相馬者苦勝相士者苦寒矣夫詭忌叢于生前名世轉在身後彼庸俗食耳目口又惡知天下士哉

書家譜後

文鈔卷一

五

古棠書屋

蜀之有孫氏也自先通奉公始岷陽鷺溪之有孫氏也自我篤考始由篤考而上大宗之系五故端敬宗由篤考而下子姓之祚三故謹合族始先通奉量移西土丁明末造魚腹巫濤譜系無存莫詳所自出夫不可詳者事之無如何必欲詳之則今之爲譜者世家蕭曹矣華胄王謝矣知冒託簡牒之可貴而不識杜撰祖宗之爲誣木有本焉與女蘿施於松柏本松柏乎水有源汗池溝瀆瀨二源崑崙乎祖未滅譜作而滅之宗未亡譜成而亡之不敬莫大乎是孫氏族譜肇基通奉吾之本也謹書之篤考吾兄弟天鷺溪後人所自出又有功于孫氏故詳志之先高祖曰德昌其姓先曾祖曰文表

其字先大父曰窮顯其名至僉諱之示有尊也書卒書葬則吾私也餘塵存其人示不敢誣與不能詳也禮曰祖有德而宗有功又曰四世而總服之窮也五世祖免殺同姓也六世親屬竭矣親屬竭於行道之人也奚擇焉雖然祖宗之身父母之身父母之心祖宗之心也何曰明之近取諸身祖宗元首也子孫心腹也兄弟手足也兄弟之子姓猶膚髮也今有人愛元首而賊心腹乎護心腹而戕手足乎衛手足而剪牙爪乎威牙爪而剝膚髮乎推此則祖宗之身父母之身矣遠取諸物累一而兩累兩而十累十而百而千萬則祖宗之身又千萬人之身也自千萬人推而上之則曰祖宗由高曾祖等而下之則曰父母推此則父母之心祖宗之心矣人能曰祖宗之身爲身則古今無可棄之族人能曰祖宗父母之心爲心則由族之于天下也譬諸掌乎古君子所爲不出家而成教於國者其不然乎其不然乎孝子慈孫孰繼述之敬宗合族或勉強而行之岷陽鷺水間有光大吾譜者九先通奉我篤考之心也夫

文鈔卷一

六

古棠書屋

重訂許水南詩集序

徵君許水南儒龍吾鄉詩人也公車再上不遇遂遍游大江南北還結屋犀浦種梅千叅鶴十園亭兼輞川之盛維皆蜀遭獻賦兵火後方册無存遺老盡矣水南獨曰詩鳴既生幸 聖朝平定安集勞徠陝楚之民宅爾

宅田爾田與鄉人士敦詩說禮彬二然修揚子雲何汜鄉之遺風晚著岷陽詩草四卷初刻於蘇州閶門澍讀書鄉社昔猶及見之今其家式微往來錦官經過敗畦側巷風雨飄搖梅海鶴天之堂盡爲禾黍訊其子孫求所謂尋常百姓而不可得不有君子爲之綱羅遺文雖不欲與草木同腐也庸幾幸乎綿州李雨邨觀察曩采輯蜀雅一書載徵君詩十餘首評水南集平妥之音過多而堅渾有聲調者絕少由范陸習氣深也澍嘗攷唐末五代詩人如羅昭諫徐騎省輩皆曰平妥之音傳至今日老杜云賦詩新句穩二者妥之謂也作者誠患不妥二則堅渾聲調亦因之而出然則徵君詩之稱于岷

文獻卷一

七

古棠書屋

也范陸又多乎哉今歲家兄瘦石校水南集去其繁複得詩壹百五十餘篇澍綜畧前後釐爲上下卷付梓噫富貴有岿而盡文章功業則相與震耀無窮徵君既不遇於昔無能表見而世之大人先生徒誦習其遺篇以爲吾邑尙有人焉則岷山精英上通井絡天彭玉壘閒當更有豪傑之士蔚然興矣

太玄序

揚子雲盛稱其太玄有宋司馬溫公爲之集注予少聞其書而未之見也比壯假餘學易讀諸家註疏條分而縷晰之可謂備矣然求所曰著是象繫是辭者則貿昧無解焉竊計揚子曰法言儼論語太玄儼周易必深達

於天人之故愈欲觀太玄最後始得其書闕之曼患渺冥苦無端緒繼又讀許瀚傳太玄歷迺得有巨窺揚子之用心昔者聖人之繫易也曰爲興於中古當殷之末世周之盛德文王與紂之事故曰作易者其有憂患乎揚子遭漢公篡國儼周官行夏告賊臣劄歎又傳會經傳驚警知愚賢不肖之耳目其害浮秦坑焚揚子知名當岿欲顯論列其事則無補於劉宗欲退畊岷陽則將重得罪於新室故穢跡委蛇清淨寂寞高閣著書遠託義文近稟漢家正朔曰厲故君亡國風雨飄搖室家之感推此志也與咸彭爭烈矣其方州部家三位疏成九九八十一首否泰倚伏君子小人消長之機無首無之

文獻卷一

古棠書屋

其刺師辟究王誦亦無首無之其旨峻其詞危峻者使大危者使玄豈好爲艱難哉曰避禍耳後數百年宋元豐司馬君實酷好學之作說玄謂本於太極兩儀三才四皆而歸於道德仁義雖子雲之淵衷尙未盡悉然亦足曰識其大矣眉山蘇子瞻迺謂雄曰艱深文固陋究其所言初與小兒之說無異有宋士夫好立門戶標榜異同互相攻伐微獨雜蜀之黨騰於羣從卽熙寧初政子瞻幾微亦未能平於君實此蓋如夫子有爲而言不足引爲典要或者曰爲譏介甫經說而發意或然也否則子瞻豈不識文義一言不智自蹈於非夫哉家兄瘦石藪營攷訂玄首玄並次玄攢瑩規圖告數錯術八章

凡篇爲作小注散於首測贊詞之間而後夕之文義大備澍從瘦石講授不揣愚昧卽今所得前明唐子畏影鈔宋本增補溫公集注脫誤二百餘五十條曰明訓詁讀古人書得於詞有不通其意者矣未有不得於詞而能通其意者也又溫公亦岷產也澍因並較潛虛附太夕未簡以明是書所自至世所傳劉斯組校本篇首做程子註易縱橫錯列入卦並演爲朱子河雒圖說穿鑿不經蒙無取焉客有過而誦曰子誠蜀人知揚雄氏已耳夕至今千餘年不顯昔劉歆固譏其覆瓿子不寔爲是得毋重其覆乎自今曰往恐夕之覆終不發矣然則爲是役也罪我者其爲太夕夫知我者亦其爲太夕夫

文鈔卷二

九

古棠書屋

重訂岳容齋詩集序

夔龍稷契世不傳其文章而世之工爲文章者不能與夔龍稷契並傳唐張巡宋岳忠武未嘗曰詞章著而世之譚詩者亟稱之蓋其人可傳則感人爲倍著也華陽岳威信公容齋先秦之蘭州人考昇龍己永泰營百夫長從征吳逆歷官至四川提督公將家子己蔭補同知奏請改武授松潘鎮游擊累陞至川陝總督爲國朝名將爵上公功畧無雙海內士夫暨蠻夷大長無不知名澍於髫年嘗讀綿州李雨邨所輯蜀雅載威信述懷詩慨然想見其爲人弱冠後飢驅京雒風塵間一嘗當道大人先生談威信事業者輒兼及詩轉若公之事業

繇詩益顯文人學士生平毫無建白往往仰屋著書託言不朽與山林草野章句小儒排比烟雲嘲弄花鳥於五七字閒沾二自喜妄希千古名山之業欲與夔龍稷契並傳也豈不謬哉賢如容齋雖未能遽希夔龍稷契而詩與張巡岳忠武王爭烈矣

何竹言詩集序

世謂雕蟲篆刻壯夫不爲然士不遇於世於不爲者而爲之亦固其所獨異夫今之爲之者輒自號名士嗟乎三代降諸葛君始名士耳詩文游於藝可謂技矣惡乎名道光初元詩人何竹有自懷州來主講岷陽精舍邑侯陳二梅暨家兄瘦石輔予曰會文讌九月竹有先之

文鈔卷二

十

古棠書屋

富順澍計偕北上是冬二梅量移衛藏拉里西北相去萬餘里越二年二梅歿塞上詩稿散失竹有嘗權瀘州學博既代周肖濂觀察曰詩招攜家人幕乙亥春澍居鷺溪邨舍客有傳竹有作古人者爲之大戚四月成都楊立之明府自滇回蜀爲言道瀘晤竹有固無恙爲之狂喜蓋予自度夏都門與竹有二梅死生契濶五年於茲矣秋七月竹有竟亡仲冬肖濂先生歸其喪適予弟兄視息倚廬走人弔且索其遺集又明年同榜生楊綸山始寄竹有詩稿囑定瘦石毀勝重巨肺疾病不能與澍受而讀之擇其九雅者四卷付梓竹有名家子旅食名場爲人作嫁冷官暫借轉徙當塗惟詩具清才言情

處一唱三歎。絳有餘音。第襟幅差狹耳。要其遇使之與。然曩羣居。常見其狷介自守。取與不妄。雖無足當名世。然可謂士矣。竊念十年來。文字之交。如二梅者。並求其詩。而不可得。士生斯世。役二百年內。繫心利祿。縈情妻。子。達不能為。窮不早力學。問道。則其所為。又出雕蟲。篆刻下矣。如竹有者。亦何可厚非哉。

朱象先傳後序

華陽校官朱君蘭皋。寄其先高祖有明崇禎嘉定州刺史朱象先守城暨夫人公子同死節事畧一紙。徵予言。閱之。文甚平衍。不稱公忠節。又不載公何郡邑人。隨就架上。取擷丹稜。彭磬泉所著蜀碧至賊陷嘉定州書執

卷之二

十一

古棠書屋

庠生郭大年。殺之。大年妻楊氏。預曰。幼子付姑。逃避。銳身獨出。從城麗正門上。躍入江中。殉大年。死賊。尋改州為府。曰偽官。任元佑守之。刺史固未知有先生也。謹按今京師國子監。有前明題名科名記。及四川通志。刺史姓朱。名儀。字象先。江南上饒人也。崇禎丙子。舉人。庚辰。特用榜進士。起家。遷牧嘉定州。昔流賊張獻忠。已竊據成都。僞號大順。遣兵四掠矣。連陷彭。青。眉。犍。烽。逼州。治。公固陳忠義。勉勵士民。登陴禦守。賊至。攻城。公束蒿為。芑。灌脂。賊蟻附。登公。焚之。灼二。然焦額顛賊。怒益兵圍。公。旬日。中城陷。復完者。再會食盡。外援絕。城破。火及大。達公朝服登堂。囑其子命錫曰。圍棘矣。他無更計者。女

職官子不可為不義。屈命錫請自殺。公頷之。夫人胡氏。故竊聽屏後。急出語公曰。臣死職忠也。子死父孝也。婦人從夫與子。今若此。妾生將焉屬。遽引手抽簪刺吭。血流如注。仆公北面再拜稽首曰。臣力竭矣。起。正襟危坐。命外舉火。遂同死之。嗚呼。丹溪生蜀碧一書。載一。皆忠臣義士。草野貞婦。毅男。下及武夫。悍卒。與僮厮。養冤魄。怨鬼。無不器具。而象先守土臣。夫人與公子死節事。又甚偉。羌無一字及之。其義法可不謂疏與抑。聖朝平定安集。百年。日來兵燹之餘。文獻無徵。不信丹溪生不能鑿空妄撰。與然卒之。公從容就義。忠孝節義萃於一門。天地鬼神不容終祕。少得端倪。博稽傳記。赫若前日

卷之二

十二

古棠書屋

事。今道光四年。封疆大吏。具牘請於朝。命旨且從而旌異之。祠鄉賢。廁名宦。位壤子。奠忠節。亦可慰鬼雄於地下矣。顧有感者。獻賊蹂躪川土。其殺人之多。為史策所不載。往二豐功駿烈。傳聞異詞。與夫山陬下縣。二三小民。抗賊効忠。艱難萬死。曼漭澌滅。荒忽無傳者。所在多有。凡有聞見。吾輩謹而書之。天理之正也。人心之公也。故既詩四章。又文其。后如左。蘭皋方。檀庠序有人倫。忠孝之責。當不曰予為調言。

釋病送盛汝舟移家成都序

道光辛卯二月。汝舟病家。兄瘦石。徂問之。越十日。又命。澗往候。久而弗瘳。四月七日。瘦石再見焉。則計遷錦里。

抵暮歸謂澍曰昔之汝舟負意氣好直言舉明輩之病而疵之其色毅然今之汝舟嬰未疾決世網舉塵俗之累而亡之其致飄然凡病感物而生物交物則戾心臻病感物而生物莫能蓄則心道長抑吾聞汝舟之病也類有人焉陰賊之狡僮之假鬼神揄挪之迺反曰淬礪其學庸玉其成自古宵人好伎刻影蠟正人君子則何益矣嗟二天地一病源也古今一病局也禽獸人二禽獸蹶然中處曰病為不病不病為病得其瘳者誰乎行矣汝舟固未嘗病也食之酒為歌曰適其行歌曰

玉壘北華山陽浣花溪杜草堂臺有琴倚池有墨振古思倚永望蠟吾屐襟吾裳清酒剖柔羊往者不可見來者日滋長侶雲鶴倚高巖冥鴻倚遠颺伊末疾倚何傷懋明德猗無忘

瘦石詩文集序

唐宋曰來詩人嘗不能文不獨杜少陵也文人嘗不能詩不獨曾子固也兼之者唐有昌黎伯外柳子厚文工而詩遜宋有蘇子瞻外歐陽公文雄而詩弱蓋春華秋實各極其盛人之專者迺傳心思之用藝不能兩固孔門分為四科伊尹伯夷不同道後世之士務為兼工其術因曰不至家兄子俊信古力學蚤違場屋風于詩舒寫物情而不欲自名貞于文根柢經術而不欲自顯記嘗與澍論詩曰詩於六經中為一古人所不廢子曰不

文鈔卷二

十三

古棠書屋

文鈔卷一

十四

古棠書屋

學詩無曰言又曰小子何莫學夫詩凡所為陶冶同情使人有通達政事之才者也故取之草木蟲魚衍為孝弟忠信資之四始六義極為齊治均平他如子貢因論學而知詩子夏因論詩而知學良有奇情穎悟曲証隅反方可言詩得之於心借書於手存而為志顯之則經若夫流連光景不過月露風雲刻翠雕紅塵蕪塗附別無寄託斯其舍旃論文曰文於六經中較詩為尤古夫子刪書斷自唐虞太史遷謂非好學深思之士則其言多不雅馴韓退之謂惟古於文必自出陳言之務去夏二乎其難哉蘇子由則謂文不可學而能氣可曰養而致之三子者或點竄二典著尙古徽猷或表章忠孝襄本朝實錄要著道德無慚於古人肆克騰茂實蜚英聲壽金石鏘管絃風雨不磷山河壯色被諸清廟明堂自成一經可謂文也已又曰吾於詩文實有兼愛求工之弊原是不能深造古人堂奧曩年三十九始知向學自顧所為詩文根柢淺薄無補于人生日用彝倫竊欲罷去又曰半生辛勤洞二屬二昌詩弼文二毛蓬苗今雖志氣未瘳而老冉二其將至斯亦不足畏之明驗矣嗟嗟詩文技也苟得其人而道存焉然吾獨異夫今之學者範圍中盛晚唐而不敢過楷模韓柳歐蘇而不能遠有驕其容有吝其色曰自賈於世不知舉似天地大日月明江河廣山岳高人物著鬼神幽牢籠品彙參漚源

流衝二然其於道也何居子曰如有周公之才之美始
驕且吝其餘不足觀矣周公尚不足驕吝况才美萬二
不逮周公而庸且詩文自汰乎此則唐宋閒諸公之罪
人也澍今輯瘦石詩文集若干卷因備舉夙論與所曰
自識者敬弁簡端而繫之詞曰

惟古詩文篤實雅健得之自天風行水渙參以性靈助
之書卷術雖二名理本一貫權輿如虞聿光尼旦理亂
攸殊帝王載禪書尊典謨風窮正變兩大文章日星河
漢后暨秦漢天地否塞龍門楚蛇狗逐羸鹿斯儒坑焚
遺經殘缺爬梳義墳搜剔魯屋既箋蟲魚并區草木諸
先老子高文大軸策論盈廷詞翰累幅偉謨神施奇字

文鈔卷一

十五

古棠書屋

鬼哭觥二西蜀文章初祖揚馬代興俗變齊魯并絡炳
靈英載江浦世有達人雲霄毛羽吐氣倬雲商歌激雨
雕擬心龍繡則兒虎文昌二黎詩甫杜甫嗟我兄弟末
由逮古

商邱史學序

天下大矣生才亦多矣然數千百年中求所謂聖人若
姬孔者不可得而見也賢與才者出焉然求所謂若顏
曾若子貢孟子者亦不可得而見也而賢與不肖者錯
出焉嗚呼聖人既歿賢者無所取裁不肖者又從而口
之與若共功名則不能致世主為堯舜與若共學問則
不能輔吾黨修姬孔雖賢者之無以自立亦學術不明

古今世道人才之大患也澍生長西蜀鄉士大夫被揚
馬李蘇之澤皆善為文章而文章之濟美休于前烈者
代有數人可謂盛矣若夫以學問鳴者指殆夫易二三
屈愚小人固凡陋弱冠后浮沈科舉 國家禮部一大
科開歲得二三百人尚不能附其驥尾夫惡知所謂學
又惡知天下之賢與才哉雖然今世之學與賢才士不
可知而漢唐宋以來著諸史策者則略可考見司馬溫
公資治通鑑則取政事而端得失新安朱子綱目則統
各朝而正褒貶前乎二書者有史記班漢後漢三國志
歐陽五代史各自為書曰自厲其才學識後乎二書者
有宋金元史迨明季毛晉汲古閣竝輯新舊唐書都為

文鈔卷一

十六

古棠書屋

十七史 本朝殿版因之逮陳隋諸編合明史為廿二
史海內人士家有其書讀者或刪為事略曰避其繁或
摭為管見曰紀其要亦世字鉅觀賢才行事得失之林
也河南商邱郭先生畏齋覽輯正史俾有補于世道人
才化民成俗者手鈔為八十卷名曰讀史與觀錄繼又
節取二百五則多國家大政事與學問相經緯者名曰
儒者氣象畏齋 純皇帝乾隆朝人固窮力學養志邱
園弗涉顯仕故其書未經付梓然亦足徵其淡泊無營
不婪一日苟且之名焉澍非儒者學之不知何有于氣
象獨偉其議論之平學識之正與夫起予之多方顧畏
齋草野一寒素耳己身之不惜而皇二焉為天下憂此

非皆士所能幾也今年溽暑甚侍家兄子俊先生消夏竹林初贊論八十餘條雨朝月夕爲違復商訂之覺耿耿于衷下筆不能自休遂具論如其篇獨是古人往矣古人如顏曾子貢孟子之徒學姬孔之學者亦俱往漢唐宋千百有歷年間正人君子後先相望畏齋而有取于斯則其學大可識矣肆爲校梓公諸同志改題其編曰商邱史學誠重之也若夫由是編推而廣之曰立功名則致人主可三二帝由是編引而伸之曰言學問則吾道皆薪周孔是在海內豪傑之士舉商邱覆而單顯之其爲世道學術人才之助也豈淺鮮哉豈不更極盛哉

弓菱谿刺史春曦堂詩集序

崧處天下之中精靈卒靄風雨所會韓子所謂山川清淑之氣蜿蜒旁礴鍾而爲魁奇忠信材德之民爲聖人爲豪傑爲名宦爲神仙爲詩古文人不可殫述清興則雪苑侯方域睢州湯潛庵睢州呂理學名儒居官清廉爲本朝第一其行事具載國史雪苑當明季鼎革之會著有壯悔堂詩文集五七字未見所長而散體文則風行天下雖未知于唐宋韓柳歐曾蘇王何如而二百年來海內談藝者指三四屈必及之最後得吾師菱谿先生蚤成進士掉鞅名場其鄉人長老咸曰湯文正相期許時合甲方重親民之官故試儒臣呂吏職師坐此

不晉者二十年晚刺眉州道光十四年春大府卓茂績署上考陞於庭天子方將寄以方面任而先生廻轅錦官寓舍遽以微疾卒嗚呼先生經濟足以康豈艱而施不竟其才文章足日起衰靡而世未廣其用一官天末淹忽西土身後公子夫人至無家可歸此亦大可憫念者矣然猶幸生平詩集嗣君生甫尙謹蘊存今歲秋九月遠抱兒貽託家兄子俊是訂役澍校讐其措語深穩因文見詞因詞見志子俊擇其尤雅者著爲編且爲之序夫然則先生功業雖未比隆于湯睢州其文章孔碩與昔詩人穆如清風之旨者其傳當不後雪苑矣至豐才嗇命洛陽之人自古而然維嶽降神山川能生之

而不能用之豈獨先生一人也與哉獨是澍受知先生舉于鄉垂二十年一瓊苜蓿至道難聞親老家貧進退鮮據平生所學膠于經史見于文者十之四五見于詩者十僅二三焉不惟先生之科名衣鉢澍無能傳卽此一編欲仰附于先生風雅之末者正唯弟子不能學也已

春舉文鈔卷第一

春皋文鈔卷第二 前集

岷陽 孫澍 子阜

序世

古今帝王之局。世屢變而愈奇。首帝堯舜。曰公天下。公非聖必爭。二不可長。繼王神禹。曰家天下。天下公器。不可久家。繼生桀紂。曰亂天下。天心慈愛。不可終亂。繼生湯武。曰征誅天下。由周而來。八百有餘歲。其局之變。益不可復止。遂貨秦政。曰皇帝天下。郡縣天下。昔者孔子刪書斷自唐虞。訖於秦穆。孟子謂聖集大成。賢於堯舜。世儒俱知帝王之道。非孔子無曰。明不知帝王之道。由始皇而益顯。聽者色然駭。曰為罪言。今即著諸經史。雜

文鈔卷一

古棠書屋

稱乎傳記者。具論之。堯之為君也。欽若昊天。歷象日月星辰。既釐百工。熙庶績於變。昔雍矣。倦勤而後。迺曰。耄期二女。大啟貳室。下嬖媯。納而頑。父傲弟。方日夜謨。天家愛婿。推刃骨肉。奪其倉廩。牛羊盜袞衣。朕干戈。妃邱嫂絃牀琴。而文思主反。兢二焉。避之。惟恐禍及。大廷重取。戾夫姻婭。此其故。令人思之。發笑。然烝又不格。姦卒成孝子之名。而重華協帝。光顯文祖。後法二帝者。首有子噲。暨姦雄魏武。司馬父子。俱藉為口實。吾故曰。爭不可長。繼王神禹。曰家天下。禹盡平水土。則壤成賦。盡力溝洫。致孝鬼神。膚美黻冕。明德無間。豈於執中之傳。猶宿私意。卒之薦啟。七年。謳歌訟獄之民。惟是吾君之子。

而四百載基業。父死子繼。子殂孫承。太康仲康。訖於桀。

王率遏眾力。率割夏邑。又為七十里之成湯。驅除惟商。濬哲長發。其祥球大。球小。外共內共。何天之龍。賢聖之君。六七繼作。豈有遺行。而色荒。訕王罪浮於桀。吾故曰。公器不可久家。繼生桀紂。曰亂天下。維昔西伯。三分有二。跡其規模氣象。批參玄德。而大勳之集。統承身後。假使當年。曰堪黎之兵。師尚父聲跡商郊。遣閔夭散宜生。泰顛南宮。括三四亂臣。稱天命有德。載禪豐垣。然後曰。偏遠一國。降封獨夫。并倣庫象故事。使吏完總其貨寶。鎮撫其民人。貢納賦稅。烝嘗湯孫。終老厥世。吾知祖尹。微箕之徒。必比肩契稷。繼軌皋陶。賡歌周京。昌俞文室。

文鈔卷二

古棠書屋

否則服事匪懈。矢心不貳。放廢鹿臺。舊刻王子。罔俾阿衡。專美有商。功成身退。晉東海遺老。與談黃農。反鷹揚北海。遂初漁服。彤弓黼矢。包曰虎皮。示不復用。矢姬姓萬子孫。侯服鎬岐。世二無變。臣節肆書。鐵券納金。滕藏于太王。二季之廟。終讓天下。聖德豈不更極。至哉。迺文王計不出此。維十三年。長子與師牧野。白旄黃鉞。稱戈比干。卒戕共主。見非義士。吾故曰。天下不可終亂。繼生湯武。曰征誅天下。堯舜禹湯。文武既沒。亦越周共和。五世二千年。盛而為封建。靡而為五霸。雄而為七國。終於異端鋒起。處士橫議。龍蛇跳陸。禽獸食人。我孔子孟子。用是大懼。曰孝弟仁義。冠冕羣倫。維持今古。更秦漢魏。

三國晉六朝唐五代宋金元明所損益可知也而其名號制度刑律車服郡邑守宰率祖始皇天若翼其鵬鷲之性焚書坑儒上彗二帝中翦三王下淫百世吾故曰秦政呂皇帝天下郡縣天下鄙夫賸子曰規祖龍履秦制而不自知畧讀賈生論耳譚成敗相與過秦假令得皆專主言聽計從其能於始皇郡縣天下之外更出奇三二帝四三王邪然則始皇者天故呂郡縣寄之使創封建跡一四海奉一人而不顯帝王呂寄世變之大者也嗚呼

蜀明詩序

帝王畫州分土風四民呂節義有一州之山川必有一

文鈔卷二

三

古棠書屋

州之人物有一州之人物相與成一代之文章固山川亘古不易而人物文章恆視節義為汚隆古昔十五國之風貞淫正變不同聖人著之為經而民俗奢媮儉嗇亦異誦其詩則其政可知知其政則賢人君子所呂維持其邪者列國之風由此其采矣自後世大一統唐人呂詩取士而體制偏於賦固當昔有初盛中晚之分而無東西朔南之別世故譚雕紅刻翠而詩纖月露風雲而詩靡作者雖多授之呂政舉不達也然猶幸賴李杜韓白諸大家呂經嘗識世之才為雄博絕麗之學上窺四始下明五至使風雅之源可循姬孔之教不隊雖元寶長慶輜軒無聞而廟謨得失治臧否異代綴學之

士舍正史外猶可按聲律得畧考鏡其盛衰嗟乎由周而來詩亡而後春秋作自唐以降詩盛而古風微然流傳至今莫之或廢者非呂其忠孝節義俾補於世道人心風俗耶有明二百七十載匡昔弼父蜀中率多偉人賢藩六七又皆恭敬秉禮稽古右文培養元氣名家巨手僉尙志節懋經濟兼求立功名於昔新都楊用修九英年蚤達著書立言姸雅一代視詩為餘事源本六朝初唐以矯李何諸子竭聲盡情發揚踴厲之失後力議大禮遠謫滇雲傳粉詳狂終老荒逃而忠孝節義豪情騷流不可掩遏家兄瘦石曩嘗選訂其集尊為西土大宗誠有見也明季桂林太守新繁費經虞仲若輯蜀詩

文鈔卷三

四

古棠書屋

權輿大祖訖於思陵厥子密此度續纂歷國朝順治康熙初元題曰劍閣芳華集近綿州李雨邨觀察藉為藍本訂蜀雅炳二娘二具井絡英靈之盛惟取遂靈呂大器井研胡世安冠冕三巴夫世安崇禎進士也實逮事我世祖官至大學士列其詩其人之本末具見若大器則功業彪炳卒於王事詳載明史雨邨重其人與則勝國之孤臣不當與新命之元老共稱重其詩與則西山薇蕨之歌不聞與牧野檀車之什並著若謂謳吟不關事實將一州之人物無所成名而操觚之士不免妄作節義之志荒山川亦黯無色矣故予於仲若是編斤二焉為之校量者誠以一代之文獻無徵不信而

蜀風之盛自漢以來昔人所謂幾於齊魯者洵非誣云

送歐陽藝園大令歸湖南序

楚南多君子宦於蜀者七人澍知其三綦江合鄧厚甫涪州牧楊朗山及我歐陽藝園邑侯也厚甫倜儻任事年富力強其進不可量朗山藝園俱恂二儒者於道光十三四年先後致仕歸里澍去年司學渝南與厚甫共事渝南當蜀極邊接壤貴筑夏秋之交山澤閒瘴癘叢發炎煥尤甚頗不習其水土而衰親齒耄倚門望甚殷肆請終養厚甫祖予江澍臨發更酌而言曰吾輩出身加民不有去者何曰教孝不有居者何曰教忠否則讀書何事競言高尚非所望于賢者矣子歸晤藝垣希道

文苑卷二

五

古棠書屋

吾語蓋明府夙有去志其稔于交遊僚執友者如此雖然計年可曰不去而不容不去者澍是也可曰去可以無去者朗山與明府是也嗟二士大夫出處何常之有其出也要必有資于出而行吾學其入也要必有合乎古而求尚吾志夫然後可與立而成名故士非已為祿而退非為鳴高若李密陳情于新朝後垂老臘仕而嘆不遷四皓茹芝于商山逮見禮儲君而為羽翼富貴利達之場昔賢晚節均有難言今明府視去其官不啻敝雖未知于古人何如苟求之于六君子問或去或不去其志趣當固有別矣澍材質樸朽戢軫衡廬烏哺是將而志氣荒落所學無聞出處之際兩無足稱我侯下之

則遺愛在百姓上之則求志在詩書隱然有待後之學者今而後瀟湘雲夢當益多善人也夫

為鄧厚甫綦江縣新城碑

綦冠山帶水絕壑為城西南壤懷仁遵義交圻五百里烟火一萬家川途雲軫湘帆風驚封內多高山大簣灌木陰翳土夷襍居明季張獻忠肉劉巴渝督師王應熊討賊首開府今治國朝逆蓮之役德經畧嘗三勒勁旅殲教匪於其疆蓋巖邑也道光八年大府曰不佞請實補授斯土伏覽方冊兩漢昔綦為江州地唐五代宋元歷設南州南平羈縻諸州明洪武初降為縣隸重慶清興因之其城沿山表表詰屈重掩狀如瓜瓠權輿

文苑卷二

六

古棠書屋

明正德七年知縣事劉公玉恢廓舊址甃石高壹丈八尺周二里七分闢軌門三水門二嗣國朝康熙八年亦越乾隆三十年訖仁宗睿皇帝十五年重建者一補築者三或因祲氛警駭縮版置薪事出權宜或風雨鏤蝕補苴罅漏弗計遐久二十年來坳垣陷址丁氓出入恆攀緣祖堞弗循闔閣前下車私心怒焉却志維城厥岿庶務曠弛固卒未能也居今四載百穀順成鼠雀枚盜豺狼屏息竊自幸作吏在山水之鄉而曠昔暴戾子弟亦革面洗心賣刀買犢歸於農圃蓋聖天子當陽封疆大吏宣力仁養義馴有善必旌靡惡不剗雖逖陬凡叢蚩賈舉登春臺祗席之上太平氣象由綦曰

觀於天下其在今世矣維是斯城不新且廢匪獨無慎固邊隅亦守土職是懼迺晉諸生耆老而告之曰君子爲斯邑長上恐蹈城復於隍之命爲爾二三父老羞下得將無綢繆陰雨之患爲爾二三子弟戚雖然此艱任也如財用何耆老曰侯獨不見千金之裘乎一腋爲之則不足眾腋集之斯有成侯旣裕廟算吾老者惟侯指是遵諸生曰侯又不見夏屋之構乎一材任之則弗勝羣材襄之庶幾完侯旣碩膚謀吾壯者惟侯履是率爰龜剛曰格戎醜材于林石于山墨舊基惟新食肆棟三閣揆五術弗瘠厥繆隙昔迺農馨并眾志百堵遙崇實固耀黔蜀之境土將巨大兩朝之陣墉今而后迺幸吾

文鈔卷二

七

古棠書屋

綦人之有郭也藉有不虞可無患哉若夫助金之多寡則聽諸縉紳而請序于朝尸役之盈縮則第諸主伯而酬庸於社邑人士大和會與之酺曰落之并繕具俶末申大府轉題 上聞綦人旣請碑其事重爲之銘曰
桓二綦江左黔右蜀三面臨江一隅抱麓雄關內重奇峯外屬叢篁蔽天翹薪漲谷猗獐襍居絺紵攸隩襟帶巴渝控引荒服赭山作壑湯江爲池白石鑿二我墉我陣旣得地利亦占天豈皇 朝命宰冢土於茲有嚴有翼不虧不夷尚永按堵康宅我綦麗譙登覽沉寥清曠一碧江關披圖掌上庶民爲星箕畢殊狀節之曰禮型之曰讓嗣宰君子惟德是尚與琴蘭絲何如保障昔聞

孟陽勒銘劍閣我築斯城貞珉繼鑿亦嚴而固孔煥且碩百里斯才保衛胥若丕寧萬年俾民無惡鞏慶嚴疆懿昭臣恪

新城記

綦侯鄧厚甫新綦城若干丈增而高者若干尺其西山一角下瞰濠壤通道貴筑明楊應隆破城處也剗砧土離城爲臺外闢旋馬地內豁演武場列鐵礮千櫓守禦諸器建戎幕度容五百人其北擴而廣之絕舊基丈餘視雉堞高五尺棟麗譙焉東南臨水五六月之交雨集魚龍陸梁波濤蹈空蝕岸齧城歷年爲患并琢石翼巨長隄狀如偃虹若干丈餘因前人慎固封圻無廢壯觀

文鈔卷二

八

古棠書屋

共計祿用錢貳百五十萬有奇本縣首捐廉俸銀三千兩不足綦庶襄之曰道光十二年四月經始明年五月落成邑人士旣請厚甫碑其事重邵厚甫功不伐又役澍爲之記昔荆舒記桂州新城原本古君臣父子夫婦朋友之禮至修城郭爲後其言曰爲有其患而圖之無其具不若有其人而治之得其法荆舒事業不足道斯言則明體達用足爲世經按宋城之修見於正史稗官諸乘者甚夥閱今七百年金城湯池舊日形勝大都荒烟蔓草不可尋詰卽僅有存已遷徙十數改爲獨荆舒記文聲鏘管絃壽綿金石盛矣哉今未嘗有也夫功不自興待人而成文字雖工託事迺顯曰予讀小雅一篇

多記使臣況瘁而南仲城朔方九深黍稷雨雪草蟲升木之感然其篇首特載鹿鳴野草讌樂嘉賓綦葛爾一隅等諸禹甸要荒已在今 聖天子邦畿五千里外不獨無大人物事功可紀而鄉書賢良玉堂金馬之彥亦闕寂僅一二聞意者山川有昔待人而靈乎茲厚甫新城綦人攻之惟恐或後其興必自此始矣澍辱忝舉比于茲土與厚甫共事已來深悉其藉經術飾吏治類非俗者之所爲茲因邑士夫請輒引宋人文暨小雅歌詠爲新城休美猶是厚甫賢能簡在大府行當書報最膺卓薦受代上都去矣他日者綦人不念吾厚甫苟念吾厚甫則請示新城興去思也岷陽孫澍記

文鈔卷一

九

古棠書屋

揚雄論

揚子雲文章士也其受病處在自命過高已耳蓋君子而不仁者也周季莊老與其言龐襍逮秦漢諸子百家愈舛馳哀平之際又數百年無名世雄奮然興起力學求道企冀聖域度越諸子遠矣唐元和間韓愈知道者也荀揚幾與子輿氏並稱宋司馬光亦誦習其書爲之集注王臨川且謂雄聖人聖則雄不能若昌黎溫公二子者豈徒以言舉人暗於君臣之大義哉春秋列國皆桓公殺公子糾召忽死之管仲請囚崔杼弑齊君晏子弗與其難當成哀平間雄名著甚王莽董賢俱爲三公權傾人主所薦莫不拔擢人亦孰不欲富貴而子雲歷

職三世位迺不過黃門侍郎莽篡身又非據將相之地處平勃之位也可曰死可以無死比跡與管晏畧同故穢身莽朝隱忍曰自成其太玄桓譚稱其文義至深是非不詭於聖人識者以爲篤論後紫陽綱目於雄卒深譏之春秋責備賢者美新劇秦誠不能爲雄諱然洪景鑪曰爲婦人而曰優於桀紂賢於跖跖耶刺耶嗚呼此所以爲子雲與昔者武之王也箕子抱器陳疇而又受其封焉縱朝鮮非周土其如殷先哲王何倘非經東魯論定晦翁生其豈秉董狐之筆律以西山義士書曰周大夫蒙士尚能開其喙哉君子亦仁而已矣何必同然謂雄爲仁則固不可子曰君子無終食之間違仁造次必於是顛沛必於是雄當年投閣其果熟於造次顛沛與亦固有未至雜夫人欲之私與吾故曰揚子雲文章士也蓋君子而不仁者也

文鈔卷一

十

古棠書屋

鷺坡種柏記

道光戊子二月澍同家兄瘦石種柏鷺坡五百餘株先生緇撮斜陽荷鋤立客自外來言曰平泉記一草一木子孫有曰與人者卽爲不孝不數傳兒童不識字耕稼魏公莊矣因相與嘆古今世美之難如此翼曰過鄰翁吉方構堂肯臺榭園柏大不可圍者甚夥予謂盍遴伐二三材梁柱翁曰斯樹傳諸先人予不忍也季孫某適過前睨而詬曰若教不率後將忍焉翁鑒甚明族人適

呂病告貸粟五升固靳不與曰某負屨矣老人毛髮種種安能以有限財廩無饜饑壑邪歸爲瘦石言之昨客尙存曰嘻其固矣既而曰叟方築室爲后計聰識厥孫忍胡弗早爲之所老二瑣二重瘡本支故基其忍客曰若魏公豈不早爲之所何以難必嗣續之不忍也瘦石曰早爲之所而不能必後人之不忍者是有命焉抑天道盛衰人事興替固理之常不然夏后松殷人柏周人粟與夫大都杞梓故國喬木寇火斧斯彼子若孫皆忍人也又於尋常百姓何誅客瞿然曰先生之論甚偉可寶爲訓澍因載筆爲鶯坡種柏記告兆五汝愚式程

蘇明允未聞道論

文鈔卷一

十一

古棠書屋

桐城方望溪謂蘇明允於道概乎未有聞澍生長荒陬學無師承豈足明道竊幼讀四子書見載野哉之仲子短喪之宰予今習昔文三尺童子皆訾謬之固一則升堂矣一則智足已知聖矣未知聞道也必謂顏子之仰高鑽堅瞻前顧後方是聞道則曾子一貫子貢性與天道曰降餘子未知焉得仁皆道外人不得其門而入者也何有於道然非與子曰誰能出不由戶何莫由斯道也則道固非虛懸之物又何有於未聞自孟子由堯舜至於湯五百餘歲至於孔子百有餘歲中分見知聞知云二道統之說肇基於此夫然道則高矣美矣誠非後世文人學士所可企及而孟子曰人皆可曰爲堯舜

又曰欲爲君盡君道欲爲臣盡臣道雞鳴而起孳二爲善則爲舜之徒強恕而行求仁莫近斯爲道之要今謂堯舜不可學固妄有龐服其服游言其言卽曰自賈於昔曰我堯舜也人誰信之後儒談道何曰異此予謂聖賢視道易后儒視道難聖賢視道近後儒視道遠聖賢見得事二皆是道後儒見得事二皆不是道聖賢見得人人皆可聞道後儒見得人二皆不足聞道善乎昌黎生之說曰其文詩書易春秋其法禮樂刑政其民士農工賈其位君臣父子師友賓主昆弟夫婦其服絲麻其居宮室其食粟米菓蔬魚肉其爲道易明而其爲教易行也今儒者不曰易明易行之道爲教而鑄棄一切人

文鈔卷二

十二

古棠書屋

倫事實深索夫天命率性之原太極河圖諸說曰某也聞道某也未聞道則是欲引人於道中而實阻人於道外也奈何自命大儒而不與人爲善也意者洛蜀之黨猶在人閒乎彼老泉策士也則其言固策士之道也不然望溪自謂聞道由堯舜至於湯由湯至於孔孟孔孟而來迄於宋程朱數子外望溪乎哉

弭盜私議

盜賊爲地方害久矣曰官弭之不若民自弭之民自弭之不若賊自弭之夫官弭之不過嚴緝訪懸贖賞至齊保甲清窩家法無已加矣不知川蜀土沃財富風俗侈靡人易于犯暴戾子弟多交通捕役捕視盜爲奇貨盜

藉捕爲淵。數官府朝暮索而賊縱博城廂。官府東西行而賊肆掠南北。臣故曰：官弭之不若民自弭之。今者越鷩裸夷跳梁，公徒徂征，羅價翔貴，不懲之徒，因風草竊，寇攘當軸者，傲周官保甲遺意，諭令鄉村畸零戶口十家爲牌，二有長十牌爲團，二有率。已布爲旗，聖書方里同名其上，溪橋溝壤阡陌縱橫，犬牙相錯，主伯畫畊，則耳目近相聞，巷警則擊柝爲號，茅舍雞犬之聲遠相接。入夜中田月露下，鈴聲四起，村囂寂然，民無盜賊之虞。官損句距之力，臣故曰：官弭之不若民自弭之。雖然，官弭之能禁盜於已然，而不能禁盜於未然；民弭之能禁盜之跡，而不能禁盜之心。今欲回易盜心，禁

文鈔卷二

十三

古棠書屋

於未然，計爲有賊自弭之已耳。臣請申言弊原而明徵其效。華陽天末一隅，五方襍處，士無定業，人有爭心，富厚者無盜賊之名，而豐劫奪之心；士大夫身孔孟之學，而恣爲駟僮之行；又粟生武庠，游閒任俠，私畜倡優，挾持公府，二三下愚不肖，始之依草附木，繼迺凶德殄行，久已視郵廬同外府，以越貨爲生涯。一嘗啜嚙俗所謂紅黑錢者，伺瑕抵隙，爲之相輔相應，而盜賊遂多。今夫盜亦人子也，豈僉生而不類，誠使勢力之家，崇尚節儉，損其酒肉十一之費，推與鄰黨貧乏，而令宰亦少自貶，以四皆巡行鄉社，詔父兄子弟申明禮義，廉恥過雖小而干名躐分者，有誅賞雖優而孝弟力田者，始及則民

俗厚而盜心自阻，盜心既阻，其何迹已然未然之禁爲？臣故曰：民弭之不若賊自弭之者，此也。

杜宇開明前志序

天下有同一功德一傳一不傳，汨於流俗之論而愴然弔古之心，曾者莫若我郵望帝杜宇開明。鼈令之於秦太守李冰矣。太守鑿離堆堰，都江水利，溉今成都府治十六邑，廟貌青城灌口。國朝載在祀典，明禋有司，豐功震當時，明德顯後世，可無復憾。惟二賢王周末戰國時，君子蜀絜其功，則先于秦守較其利，則普于都江。而身後邱壟犁爲田，祠廟摧爲薪，澍曩嘗舉似鄉父老，則僉以爲蜀山氏之草昧天荒，無得而言，舉似鄉大夫，則

文鈔卷二

十四

古棠書屋

固以爲魚鳧蠶叢開國，遙二四萬八千歲，荒唐無稽，不知華陽國志具載杜宇爲黃帝後而開明，則荆人也。杜主教稼明農，務本節用，苴巴化之初，以水患徙治，瞿上俾相，鼈令濬川，康沃壤，蒸民復粒，卒土于郵，當是時也，杜宇以鼈令功同夏后氏，載禪以位，遂升西山隱去。本末昭然，志乘如是而說者云爾，何哉？又或謂蜀先逃處荒忽，二君不過屬國之大長，曾何足志？是尙不知二周戰國會不帝秦，九江西楚兼蠶蠻，荆太伯仲雍化行，東越東夷西夷聖神舜禹，杜宇開明，卽不敢上齒四聖人稽諸後世，如有宋吳越王錢鏐廟錫表忠，漢南越王尉佗雄稱嶺海，豈亦不足連類，並及邪？流俗之弊，至于

如此嗚呼何其不學也甲午九日陪家兄子俊邀同友人載酒絜榼跡邨近郊登高弔古俯大江東去慨前王之遺澤黃土兩抔荒穢不治原廟無存維時夕陽在山牧笛樵歌襍沓四起客復有誦曹子建華屋邱山之句者相與酒悲唏噓泣下既暝返農屋籬菊有香撲鼻朔風吹面夙醒頓醒木榻草閣落葉打窗遂不成寐繙閱藏書呼病婦起依壁就燈影佐抄達曙而畢既又爲之論讚發思古之深情竭愚者之千慮意以爲二王之功德有大造于蜀人宜與秦守血食于西土書成質諸子俊爲潤色之遂梓以行噫杜主開明之不傳久矣然安知不傳于古而傳于今也故名曰前志冀幸其將有志

于後云

文鈔卷一

十五

古棠書屋

上李孝曾觀察張曉瞻太守請修復杜宇鼈合

祠墓書

澍謹言 兩先生邦君閣下蜀水利在今灌口曰都江按都江卽水經岷江然不曰岷而曰都者江水發源徼外至此而會據南紀上游故名之也懷襄以來隨刊之跡遙哉渺乎然具載方冊學士大夫類能言之惟周末春秋列國皆王室不綱伊洛首竭而巴夔峽中龍戰巫山崩江流橫溢全川昏墊杜宇俾荆人鼈令肆义厥虐康奠兆愚因相揖遜比德唐虞寔作君師降邱宅邨亦越有宋康定二年春邑隱士張少愚請於郡修其墓道

祠屋在今邨治西南一里慨自明季獻賊爲患屠割雍梁燼窮宮觀二百年來江山如故敗闕遺墟犁爲禾黍不可復識別而兩抔黃土巍然相望松柏不時牛羊作牧邨氓無知利其風水盜葬者襍沓叢附主者不聞詰官司不加誅既有歷年曩歲荆湖大水客有人邨弔古譚二君遺事以爲三月空山長啼怨魄荆尸泝流明德未泯食其利者半天下之民千有餘歲身後祠墓頓荒廢若此得無物大精多不常厥居爲之厲歟言甚不經無足深論第揆諸禮經王制有功德于民則祀之二說斯爲近古然而古今天下盛德事有其人而居非其位不足以語成功居其位而任非其才亦不足以章大德

文鈔卷二

十六

古棠書屋

若夫今有其人兼居其位則上章二王之大德下言興廢之成功者斷推我○孝曾觀察○曉瞻太守兩邦君先生矣何則觀察成綿龍茂兼轄都江水利水利二成都府屬成華溫繁諸治十六邑而太守實爲之冕則二王祠墓之所望于兩先生而兩先生又仁義爲鵠忠信爲輿久簡在 帝心行晉秩臬事方伯去澍雖欲言竊恐後來居是位者其才德與人不能盡如兩先生卽如兩先生澍或計偕上都以今世士無張少愚則二王之祠墓終無一人上言於戲荆襄江夏猶茅楚昭蜀漢原陵亦禋諸葛異代君臣民懷享祀前王至善世豈遺忘澍愚謂兩先生今者宜亟修復杜宇鼈合祠墓以還

舊觀並厲禁蚩貨窳無讓後賢成此庸功使後人稽諸典禮興嘆二王一歸美于兩先生則大江東去波臣順軌其爲水利豈獨西土之民萬世永賴哉兩先生之風亦與岷峨山水而並永伏乞慨然發德音下有司履楮詳議可否澍頓首上

志杜宇山

今郫截長補短不及五十里原隰的衍帶巨岷江無有山也惟西關外里餘官道旁有培塿高二十尺蓋地不及畝世相傳曰杜宇山亦曰天迴山徵諸舊紀宋羅泌云蜀之先有男子從天墮此山中自立爲西海君號曰望帝初巨水患徙治瞿上後都于郫禪位其相繼合山

文鈔卷二

十七

古棠書屋

之名杜宇與天迴當其所自然曰天墮則固妄甚或曰天命玄鳥降而生商履帝武敏時維后稷雅頌所詠聖人不疵聖神之生豈同黎庶子如必以天墮爲妄商周詩人弗可訓哉澍曰履帝武敏卽寓言人道也誕寘隘巷平林寒冰作者浮誇甚言巨明其異若必不欲生之古人豈不智于今之溺女嬰者邪若夫天命玄鳥毛氏說詩謂春分氣至鳳鳥降殷之高辛氏帝率有娥女祈于郊禱而生契故本其爲天所命巨玄鳥降而生焉若曰天墮則杜宇必自言其爲上帝寵命第幾世天子天孫否亦神仙官府公甫之嗣曰天仙官嫡嗣公后土仙官庶嗣公風雲爲形骸星辰爲肺腑日月爲耳目雨露

爲性情而後可也然不聞其自名而泌只曰天墮澍以爲妄甚者此也又况泌去望帝世遠不若晉常璩道將去望帝世近常璩道將華陽國志書杜宇爲黃帝子高陽帝譽支庶不言其天墮也或又曰然則茲山何以名也澍曰意者望帝當年禪位叢帝後升西山老且死蜀人迎其柩于路適蹕茲邱邨愚老稚鄙俚痛哭之詞云爾或人離席起謝曰先生言天墮吾得天迴焉則茲山也眞杜宇氏之山矣然而牛羊日踐踏之未嘗有材非獨望帝之不幸亦郫士大夫之辱也自今巨往吾儕庶民其勿剪勿伐以永前王之盛德至善焉可矣

式穀墓誌銘

文鈔卷二

十八

古棠書屋

式穀愿而孝初爲家兒瘦石子道光丁亥春旣冠而病日者言嗣人可育恭承 太孺人命撫於澍兒生四歲就外傳年十三十三經成誦工楷法凡文選唐人詩律漢唐宋人文俱手鈔成帙爲詩文多幽刻難解伯氏甚病之甲申歲從予齋居省垣未嘗見其疾言厲色而諸弟皆相顧敬憚與處必仰睇其面微和迺敢肩隨卽席蒙弟兄既遭皆艱苦穀故下帷尤勤思蚤自樹立體素羸邱嫂與內子常止其讀不可重止之則泣道光戊子正月己酉卒於鷺溪邨舍年十九新婦年十七適四子書及毛詩予憐其稚齒又重兒之歿也言於先生約諸子異日有子者預名曰公望嗣越十又八日攢殯於九

堊隄癸山之原銘曰

其生也忽然其死也遽然天降割于匪躬不少延胡淑
慎其身不假目大年聿坎幽宮兮不及黃泉呼魂氣無
不之兮惓父母而知還

春舉文鈔卷第二

文鈔卷二

十九

古棠書屋

孫春舉外集試律詩目錄卷上

造五鳳樓手 君仁如春 古硯微凹聚墨多 春花

落日照漁家 紙鳶 酒憶郵筒不用酤 其二

西蜀子雲亭 前題附瘦石作 靈壽桃枝 金蓮晚

照 風洞秋聲 夫子之牆 驪驪開輦道 西蜀櫻

桃也自紅 賈舍人早朝 本仁祖義 太白酒樓

風簾入雙燕 戍樓 德與和氣游 落日照大旗

秧氈 春草 數聲啼鳥上花枝 桃花紅似去年時

太原公子楊裘而來 桐葉知閨 蟾宮折桂

秋燕已如客 大雨時行 雲藏李白讀書山 華嶽

雲開立馬看 則近道矣 邦君之妻 犁牛之子

外集目錄

一

三載考績 任賢勿貳 刑期無刑 念終始典于學

浣花草堂 柴門不正逐江開 大暑 白樂天溽

陽江上送客 萬里橋西一草堂 點鬼簿 守錢奴

一樹梅花一放翁 邪蒿 吳謂之不律 子擊磬

于衛 錦市 苔痕上階綠 僧歸黃葉林間寺

閏七夕 惟日孜孜 瓜期 最難風雨故人來

眾仙同日詠霓裳 涼風至 屈刀為鏡 稻孫

共計六十二首 附瘦石一首

孫春舉外集試律詩目錄卷下

山翠借廚烟 秋砧 諫筍 雷公墨 其二 雲棧

鐵獅 無聲詩 魚腹帛書 葵邱之會 見如故

人 日賦十題 鄰火夜深明 夜燈紅處課兒書

一水一石 春酒夜棋難放客 桃花飯 蘆花破

葫蘆中漢書 伏女授書 班超投筆 吳彩鸞寫唐

韻 曹大家續漢書 辟雍海流 疏燈人語酒家樓

酒家疏雨夢臨邛 說詩仍記夜連牀 梅瘦似詩

人 殘花落尚香 林花掃更落 今夕止可談風月

興酣落筆搖五嶽 袖中有東海 不可居無竹

王子安腹稿 廣文先生官獨冷 撲滿 蛛網

外集目錄

一

蟻陣 春泥 五月渡瀘 白帝城託孤 田單火牛

人燕壘 樊噲屠狗 王猛捫蝨 甯戚飯牛 漂母

飯信 漢高祖築壇拜韓信為大將 烟波釣徒

賁石為糧 叱石成羊 劍化為龍 螢光照字

柿葉學書 呼盧 包孝肅香花墩 黃庭堅檜軒

潯陽漁者 黃耳寄書 富貴秋風 廉泉讓水

宮中曉寒 宰相碑 鄧后捫天 以稼名軒 旅舍

談元 明妃出塞 易水送荆軻 王質觀棋 張敞

畫眉 雄文似相如 前題附瘦石擬作 花萼集

共計七十二首 附瘦石一首

孫春臬外集卷上

岷陽 孫澍 雨田

試律詩體

造五鳳樓手 十一九

拔地與雲浮參天五鳳樓長河還四面巨手此千秋陳
迹迷風雨危闌逼斗牛名從阿閣貴德豈接與愁結構
翰黃鶴登臨俯白鷗羽儀輝上國文彩蔚中州夢共鄉
人吐簫惟令史畱墳箎詞賦盛今在浣花頭

君仁如春 十一真

帝德孚天德

皇仁敬止仁宏疆開大夏

外集卷一 試律

浩澤頌芳春膏雨流青甸祥風扇

紫宸花團魚米地草偃象鞮人

雕輦迴東閣交旂拱

北辰

恩迎新碧樹仗雜軟紅塵物阜民康世鸞翔鳳翥晨

蒼穹昭眷顧遲日煥

恩綸

古硯微凹聚墨多 五歌

玉堂仙翰在硯亦其人磨價比連城重四畱宿墨多香
疑清永書詞欲託微波松劑團雙管楊花聚一窩田良
豐北郭食破耐東坡老眼長明鵠閉書簿換鸞龍賓新

賞識

鳳沼舊吟哦不朽文章事名山意若何

春花 一先成都作

春色原無價春花有萬千春人相蕩漾春景倍華妍官
閣千金地郊原二月天鷓鴣村店雨楊柳畫樓烟楚榭
懷今日吳宮記昔年小橋沽酒騎隔岸賣魚船弱影輕
霑袖濃香重撲筵錦城九綺麗天上襍歌絃

落日照漁家 十二文

白萍紅蓼外漁社自成村小艇初收網斜陽又到門一
灣秋水淨兩岸暮烟繁柳下喧鷗鷺蘆中長子孫光猶
含白荻船正泊黃昏極浦霞如綺清溪月有痕雁聲寒

外集卷一 試律

竹瀨人影亂籬根歸去謀諸婦烹魚夜倒樽

紙鳶 一先

染得桃花紙晴窗翦作鳶結繩財藉手振翩卽翀天大
有鵬搏志微同燕掠翩今當豐羽翼早不墮塵緣弱線
勞二引高雲站二穿綠楊官道外紅杏小樓邊流水同
方社春風憶去年捲簾頻佇望予美寄流連

酒憶郵筒不用酤 七虞

城郭桃花裏蠶叢舊所都如謀千日醉不費一錢酤春
雨紅宜杏花風綠到蒲院須題麴部權待啜侏儒客計
邀三兩羹奚問有無高桐能蔭座么鳳勸提壺 井傍有
花時自
鳳羣集自古呼名友而今盛酒徒井波長不竭重與訊

當鑑

其二 一東

翠柏桐陰下官齋野社通郭簡節熟雪遠客醉沾不礙

囊空白撰非二想青春日二中數村花古雨一縣酒人

風祇往先生僕休誇姹女工官宜權吏部名自附山公

世傳山簡治郭鑿井醴酒著頌功斯大驅愁計弗窮侯封如可就能

勿憶郭筒

西蜀子雲亭 九青

載得郭筒酒來登同字亭至今巴子國憑弔太玄經砌

石苔生綠池波墨醮青雄文春吐鳳老屋晝飛螢瓦礫

埋殘碣書聲斷曲櫺空階蛩語仵壞閣鬼風腥少作虛

外集卷一 詩律

三

古棠書屋

千賦高才續四銘幽思霄壤絢摘藻步

天庭

前題附瘦石作 九青

邱山都已矣華屋亦飄零惟有揚雄宅名先杜甫亭

春歸奇字綠墨復古苔青細草侵花礎寒風語閣鈴

仙雲飛故瓦野唱落空庭舊賦懷丹陛新嘲入翠屏

幽思窮木石高論起雷霆千古文章在重題陋室銘

靈壽桃枝 四象

尋有顛危責全憑一杖豪名尊靈壽木價並梓州桃伴

添添僮僕扶持驗節操化橋通月殿斫怪斷霜刀詔賜

萬通孔盤桓曳問陶書符仙跡迅量頂佛身高買醉懸

錢穩看雲引步牢作人逢

盛世荷柄職

天勞

金蓬晚照 一先松州作

振策金蓬頂殘霞壓兩肩萬山開晚霽一騎倚晴川徑

仄光臨地崖危影到天蔚藍峯十二虛白界三千巨壑

濃如燒斜陽遠作烟古松鴉亂下衰柳犢爭牽橫笛寒

梅外吹笳塞柳前遙二關上月流照自秦年

風洞秋聲 十一九松州作

不住宮商奏洽二與耳謀山鳴千澗雨風送四時秋緩

緩來絃外勞二起樹頭霜砧依夢洽關月近人愁獨鹿

外集卷一 詩律

四

古棠書屋

三年戍廬龍萬里侯白雲方望闕黃葉正登樓故國郵

書遠寒邊落木稠離聲何處寫有美託筵篔

夫子之牆 七陽

紛二門外漢惘二各循牆夫子賢堯舜儒宮範帝王仰

鑽應入室果嗔亦升堂縮版郭民物塗茨衛猖狂及肩

窺弗到正面立徒忙樹老飄紅杏壇高倚夕陽東家欽

齒里南面示周行美富何人見殷璠俎豆長

辨驪開輦道 十一九

麟閣才無敵蘭臺列上流金門推著作輦道見驂駟相

不皮毛取材原德力優青雲千里付白練一鞭收錦障

洗錢穩霜蹄蹀躞道饋轅朱簾滑受範素絲柔位置辭

凡馬聲草溢紫蚪

天街看蹀足駿骨副徵求

西蜀櫻桃也自紅四豪

寢廟當春

薦思

君倍鬱陶一從來錦里兩度熟櫻桃紫禁頒曾重鄰家

送轉勞光輝輸碼礪圓樣失荀荀客感連三月鄉愁逼

二毛傾筐煩野老分詠憶詞曹興為天涯發 恩仍

闕下明年二京國夢回首五雲高

賈舍人早朝十一真

雉尾開

外集卷一 試律

又

古棠書屋

丹禁螭頭接

紫宸光分新曙色班肅早朝人虎拜時交卯駕行序集

寅

天威瞻咫尺履跡印星辰湛露迎

仙仗濃香惹侍臣玉樓巢翡翠珠殿走麒麟復日賡歌

日雲霄踏舞晨豈惟高賈至父子掌絲綸

本仁祖義七陽

頒詔敷威德中興法帝王本仁涵似雨祖義凜于霜

睿照肫誠寓

宸嚴適莫忘居由徵事備抱戴審端詳秋肅春溫候

宵衣日食旁宅安身自庇路正履皆祥揖讓遵

堯舜征誅繼

武湯

執中覃雅化依慕遐方

太白酒樓十一九

一醉無今古狂名萬載雷神仙多嗜酒津濟兩高樓雲

樹連山左壺漿酌上頭詩才仍洒落老輩最風流眼界

空吳楚曾襟逼斗牛關河還四面杯勺亦千秋跨鶴驚

殘夢騎鯨感壯遊抗懷遺迹在大白我重浮

風簾入雙燕三江

破曉東風勁呢喃燕子雙恰開湘女箔如聽雪兒腔銀

蒜斜二掠金鋪對二撞夫妻長綠鬢姊妹倚紅窗睇乃

外集卷一 試律

六

古棠書屋

分高棟仙乎豈大邦巢邊紅繡幌門外碧油幢邊唱香

生口連翩舞復躩名園花信晚春酒壓銀缸

成樓十一九

野戍凋黃葉西風正颯然高樓看落日屬國隱寒烟海

島飛書外關河聚米前大軍秋出塞健卒老屯田白旆

征夫乘青閨少婦鈿寶刀清嘯水霜月淨窺弦長子迎

中使名王款右賢我

朝邊備緩非復漢唐年

德與和氣游十一九

主德參天地臣工奉事周大和如在抱元氣與之流虞

夏商周際舉夔稷契倚衣冠通絕域心腹結羣侯豈第

風雲會長如日月雷冰同欽虎尾澤待下

螭頭浩蕩春無外休徵氣有由鄉人曾獻頌

王國煥新猷

落日照大旗 八庚

鐵騎朔風鳴將軍畫合營大旗三丈拔落日四山橫彩

奪龍蛇動光分劍戟明飄搖秋氣肅舒捲晚霞晴暮色

牙門閃烽烟絕塞平雲寒擒虜地戈指受降城鈴帳籌

初起邊牆月正生捷書馳駟上早晚慰

皇情

秧氈 一先

長物田家在茅廬榻屢穿名高農社草冷笑廣文氈鶴

外集卷一 試律

七

古棠書屋

筆依稀認雞毛瑣碎聯祇留淳樸意惟有笠篔簹隴上

看雲罷林閒就月眠鋪陳當紙帳安穩等蒲鞵早歲青

苗法閒身白足禪野人欣灸背閒坐話

堯年

春草 八齊

燒痕畱野火淺草發春泥送綠芽初茁拋藍色乍齊當

門開蔣徑染屐認蘇堤雨塢思遊女晴郊襯馬蹄池塘

詩夢裏古道夕陽西弟子烏衣巷王孫白鼻驥四圍皆

碧樹一路聽黃鸝前度青忙蹋裙腰幾道迷

數聲啼鳥上花枝 八庚

花閒春睡足好鳥報朝晴共振差池羽旋調絡繹聲元

音開後隊喬木待前程出谷求新友連枝理舊盟香還
從夜染籟合以天鳴遠唱通

鼉禁高歌接

鳳城宮商需管領燕雀謝逢迎

上苑雙棲穩卷阿答

郵平

桃花紅似去年時 一東

一院鶯聲裏天桃發幾叢葉畱今日碧花作去年紅門

影依稀是人聲想像通穠華芳草外老樹夕陽中錦瑟

蘭臺北寒簫桂苑東臨朝懷舊雨昨夜笑春風楚女言

偏默劉郎跡又空何如之子詠家室見皆雍

外集卷一 試律

八

古棠書屋

太原公子褱裘而來 十灰

落二真人氣飄二照眼來太原湯沐地公子帝王才蠶

影旋驚電班聲簇曉雷一峯鸞鳳德四鎮虎狼材天待

飛龍御人從逐鹿回風聲生甲帳星象逼中台戎馬臨

郊甸烽烟淨草萊盤根仙李大功業遺雲臺

桐葉知閏 四支

黃楊方解厄桐葉又多知閏自調三歲枝能定四時成

圭形獨偶積算數歸奇藕益靈同紀莫生節共推名園

占鐵笛空井證銅儀吐秀盈虛得疏風朔望宜承恩能

引瑞改序不愆期願上岡陵頌卷阿待鳳儀

蟾宮折桂 四豪

八月蟾宮桂探花妙手遭秋風千丈落詩思五雲高金
粟團身密瓊梯引步牢連株應在抱小摘誰勞絕頂
攀非易全枝折定豪多生同上界領袖到仙曹吾輩皆
青眼嫦娥笑白袍朗吟樓百尺法曲和雲璈
秋燕已如客十一九

年二長作客社日不勝愁去住渾無定關山又早秋巢
痕頻眷戀客意倍勾留別憾牽紅樹離情逐碧油斜陽
茅舍曲疏雨板橋頭深巷新泥爪名園舊畫樓前程遼
海濶短夢落花稠弟子烏衣在春風湖勝遊

大雨時行九青

赤帝宣雷電蒼龍役甲丁諸天雲閃黑平野雨垂青破

外集卷一 試律

九

古棠書屋

塊能漂杵飛檐擬建瓴大聲覃北極一氣沛南溟潤澤
沾千畝神功役四靈驚濤喧上界巨浸落空庭野鴨浮
清浦涼蟬起翠屏西山斜照晚幽思滿茅亭

雲藏李白讀書山七陽

老樹暗蒼二書聲出大匡四圍丹嶂合一徑白雲藏酒
伯橫經地詩人翰墨場烟霞資鼓吹山水想文章黃葉
迷吟館青苔護石牀至今才子地懷古謫仙堂此老峨
眉秀高名日月長數峯青不盡吹笛滿斜陽

華嶽雲開立馬看十四寒

際曉華陰道臨風笑據鞍三峯如劍削匹馬近雲蟠金
掌輕霞護蓮花冷露團黃河環似帶白日小於凡拔地

峯千尺通天路十盤征塵楓葉暗仙夢雁聲寒未覺秦
關險全收蜀道難鞭絲隨帽影清嘯入層巒
則近道矣七陽

到得逢源候工夫本自強分陰乖禹訓寸進率周行水
是朝宗富言從得意忘身纔辨白屋界不隔紅牆詩好
吟天上人都住玉堂我心誠浩二彼岸詎茫二立脚神
原定回頭路轉長誕登九懋黽視履考其祥

邦君之妻十二問

寡人而好色名分正邦君圍二仁慈沛僮二夙夜勤齊
姜勞贈答孟子息紛紜漏待璇閨月恩叨榮戟雲花冠
宮樣錦霞帔石樞裹魚貫衾稠篤蟲飛訓誠殷薰蕕羞

外集卷一 試律

十

古棠書屋

晉后琴瑟樂周文莫蹈同車誚淫歌處二問

犁牛之子十一九

肉眼笑清流紛二賞識愁上丁

郊帝選先甲老農謀之子才如馬童年氣食牛笠蓑輸
穀棘烟雨謝箕裘已具龍驤號還同虎子儔龐然千目
見不忝一門求大野星霜飽平蕪草木稠山川如不舍
藟粟待公侯

三載考績十三覃

求賢門闕四考績載程三儒吏催科拙羣公報最諳窺
園情可証置閤數同探更做耕餘意如椹志穀慚股肱
皆左右美利盡西南北戍星霜苦東征雨澤甘足民臣

效獲

錫命

聖恩覃黜陟

虞廷肅九須寶勿貪

任賢勿貳一先

帝世平成日臣工儆戒年奉三期上理勿貳重興賢見

灼趨承際知明簡迪先河山欽帶礪社稷賴綿延鐘鼎

銘千載安危仔一肩視真同手足節定厲貞堅咸德爰

占泰

垂衣象協乾

皇心神

外集卷一 試律

十一

古棠書屋

睿鑑任用自能專

刑期無刑一束

帝日期台治寰區協自中以刑民恥免無訟爾功崇潤

洒棠陰雨清生棘木風道塗衣不藉刀鋸血消紅雀鼠

爭俱靜衣冠畫亦空讞庭花寂二園堵草蓬二灑掃虛

囹圄羅離謝雉鴻好生環海洽三宥仰

皇衷

念終始典于學一束

不息天行健無愆

聖學隆欲全防止半銳始慎圖終懋勉躬端本急微執

用中辛勤雞唱白乙覽燭燒紅必戒紛紜意長基宥密

功極精粗表裏固睿知明聰

法祖盤垂戒

修容壁砥躬

九重嚴惕厲四海奉

仁風

浣花草堂七陽

啼鳥花溪路文章昔在茲至今畱寓地懷古中興時身

世雙芒屨乾坤一卷詩捲簾看白水隱几又烏皮風雨

供吟咏江山綰別離故交嚴相幕鄰舍武鄉祠曠代尋

吟屋春江問酒旂草堂重下拜大雅藉扶持

柴門不正逐江開十灰

外集卷一 試律

十二

古棠書屋

江上三閒屋遙青兩扇開花風沿岸起春水抱門來帆

影縱橫去波光曲折回濕雲低白板流水入蒼苔風雨

迷遊屐軒窗絕俗埃窺楫舟似鷺挂檻浪如雷鷗夢雙

搖槳詩情數舉杯滔二終古下重問濟川材

大暑七陽

梅雨飄零後炎威赤帝張空山年示日下界治為堂似

有神烏渴如同酷吏忙熏蒸頑石鑠烟火旱雲翔熱客

來何遽冰山倚不長扇搖風脫腕茶佐雨鳴腸金待三

更伏窗邀一枕涼當陽

天子聖高臥說義皇

白樂天潯陽江上送客七陽

淪落天涯侶相逢各斷腸
謫居依極浦送客到潯陽
紅袖絃三疊青衫泣數行
琵琶聲切二楓荻影茫
二老大孤舟月浮生兩鬢
霜美人同感舊名士遞當
場舊夢闌干濕新愁畫舫
涼江頭離恨在秋思益蒼
黃

萬里橋西一草堂 二蕭

西山青不斷背郭草堂遙
路遶雙江口門通萬里橋
大名應萬古老屋自翦朝竹
徑朝騎馬柴扉晚上潮干戈
思弟妹風月雜漁樵柳岸春
三月檉林巷一條吾徒頻
酒載弔古殘魂消廣廈先生
志興懷結構饒

點鬼簿 六麻

高明憂若瞰數典迺名家
點綴詩千首牽連鬼一車
招

外集卷一 試律

十三

古棠書屋

魂從異代著句向天涯
李杜空皮骨王楊落齒牙
蟲沙均縮蚓魍魎雜塗鴉
冊合羞園兔才須笑井蛙
徒煩人問訊數被物掄擲

盛世端風雅而葩慎去邪

守錢奴 十一九

足穀與多牛營二日夜謀
縱橫錢十萬管領僕千頭
臭自墮閒迹鞭從道左求
豪因輸義士價合長名流
既苦形爲役如同命不由
權傾中衛尉職隸富民侯
盜或書陽虎冠真笑沐猴
史公傳貨殖三復不勝愁

一樹梅花一放翁 六麻

萬里橋邊路孤山處士家
而翁方覓句老樹正開
花古

雪交原澹前身認不差
三生工點綴一椽門清華
並立吟魂冷相看瘦影斜
心俱堅鐵石腸定飽烟霞
同調須吾輩追陪祇此爺
攜來團扇影惆悵是天涯

郭蒿 六麻

彼蒿蒿何茂知之慎去邪
食宜供野老味合却天家
嫩愧羹薑甲甘殊芍藥牙
鋤當同蔓草繫或謂匏瓜
縱與葑俱采終嫌品太差
盤餐僻位置籬落笑生涯
剪伐還如蓼扶持慣藉麻

青宮如亞飯何可配龍茶

吳謂之不律 十一真

老大江南客生花筆又春
知名三楚士尙友六朝人
白

外集卷一 試律

十四

古棠書屋

下雕章舊青門獻賦新
雲烟資領袖風月門精神
燕許誇前輩鮑庾接後塵
功惟歸竹帛氣不識金銀
硯北交耐久江東迹未陳
玉堂仙翰在如綉寫

王綸

子擊磬于衛 八庚

倦矣輟幾徹歸歎託磬聲
行藏宣用舍飽與訴平生
自覺身無恙殊憐石有情
微傳音嫋嫋似鄙人
硜硜宛轉宮商叶迴環律呂
呈桑間新月白淇上曉雲
橫未敢忘斯世非關寄不
平屬垣方有耳高論惜崢嶸

錦市 八庚

黑水青黎甸坤輿川瀆精
城皆疑錦簇市亦曰官名
里

合誇紅布珍堪溢白珩十街迷宿霧五色門新晴騎鶴
思公子聽鶯挾小伴花分卿月麗樣比晚霞明是處機
杼作何人壘斷成七襄如可報補微獻

昇平

苔痕上階綠 九佳

老屋秋風裏蒼苔處 二皆薄痕爭淺草經雨上閒階傍
砌寺搖竹窺簾綠借槐損還防漆杖滑欲醮芒鞋掃共
囊腰沒行難履齒埋草堂寒日瘦花徑濕雲霾曉露濃
于染斜陽淨若指頻番閱子于幽趣撲詩懷

僧歸黃葉林閉寺 五微

暝色蒼然至僧歸鳥亦歸遠尋黃葉寺來叩白巖扉松

外集卷一 試律

十五

古棠書屋

塵橫孤錫蒲團挂落暉打包秋色艷洗鉢晚霞飛牆影
搖紅樹鐘聲隔翠微月敲三徑冷雲厭一肩肥紺壁藏
千仞青山合四圍石壇花待掃禪意莫相違

閏七夕 一先

雲漢人纔渡星橋鵲重填夫妻彌月別兒女兩番緣巧
記前宵乞針仍此夕穿花曾裁吉慶響復卸珠鈿五絲
繩雙縮三句鏡再圓佳期酬仇儂好事萃神仙層疊搖
金佩周旋費聘錢絳河清且淺燈定萬張鸞

惟日孜孜 四支

帝學安安懋

王猷勉勉緩德惟新日曰訓弼懈孜孜頌頌幾康勵皇

並夙夜基惜陰陰恐晨克念念防馳暮暮朝朝候兢兢
業業時深深兼亶亶切切更夷夷君子乾乾意臣工贊
贊思爾風風偃草皞皞頌

雍熙

瓜期 四支

執節邊陲久皤 二鬢欲絲不堪衰柳日正是早瓜時剖
食心先醉當暮路又歧青門消灌溉紫塞老旌旂零雨
三年賦幽風七月詩玉關經歲改邵圃見星移落葉黃
姑浦秋風白帝祠

簡書憂靡盬未敢怨歸遲

最難風雨故人來 十灰

外集卷二 試律

十六

古棠書屋

細雨斜風候天涯首重回遙傳仙使至遠送故人來竹
徑飄飄入茅堂漸瀝催再三勞問答爾我互追陪燈影
寒吟榻雲陰暗酒杯關山心跡印婚宦鬢毛催夜是今
宵永書憐往日裁西窗重翦燭能不共徘徊

眾仙同日詠霓裳 一先

法曲霓裳詠清班玉筍聯地真同閭苑人亦號神仙餅
各紅綾啖名俱澹墨傳頻番廣雅奏幾度換宮絃落 二
緡迦葉飄 二証俗緣音知聽下界夢不隔鈞天紫府徵

歌日

金門射策年簫韶堪嗣響譙記曲江筵

涼風至 七陽

正有天涯感新生一段涼炎威消大野朔氣滿虛堂蝶
影飄前院蛩聲鬧短牆窗搖蕉雨綠隴吹稻雲黃憾雜
新紉扇愁黍古戰場籬根開晚菊門逕老垂楊水榭迴
孤笛邨砧亂夕陽關山征士曲流唱雁南翔

屈刀爲鏡

四豪

直屈刀爲鏡吾宗妙技操橫腰雙刃卷掛壁一輪高慧
辨吳娘老權傾蜀將豪鸞翔兼照膽犀利失吹毛佩犢
誇循吏盤龍走怒濤材方威夏楚明又察秋毫暴客心
猶悖山精影合逃爲刀還引鏡轉換不會勞

稻孫

十三元

秋曉高樓望青二又滿村昔聞禾有弟今見稻生孫非

外集卷一

試律

十七

古棠書屋

種鋤前日新苞茁夙根族妨蕙稗亂派衍秬蔕繁田祖
應黍喜隣翁定倒樽宗支通黍稷枝附異蘋蘩肯播還
三代含飴共一門倉箱重有慶嗣續荷

皇恩

孫春皋外集卷上

孫春皋外集下

岷陽 孫澍 雨田

試律詩體

山翠借廚烟 一先

谷口三竿日雲廚一縷烟人家炊競作山色翠相連隱
約嵐千疊蒼茫屋數椽澹描疏雨後濃抹落霞前徑擬
通韋曲園摹到欄川遠迷翁子路低映米家船著屐每
孤往當軒何晏眠峯頭雞犬在小住又經年

秋砧 十一九

清砧催處 二遠道信悠悠刀尺三更夢關山萬里秋聲
隨風影度韻帶月華流兒女情如訴英雄氣亦柔響沈

外集卷二 詩案

一

孤館外心折大刀頭落葉高城笛寒衣故國樓十年征
士憾一夜美人愁用盡閨中力緘書付塞郵

諫筭 十二侵

別有龍孫種東臺託地深操貞君子節味苦諍臣心芒
角橫秋氣平安缺午陰椒須羞喋口聰合避寒林進諫
材同木虛懷德配琴邪蒿當遁跡佞草許知音與可燒
應免庭堅咒不禁倘生

堯砌上懷慄到僉壬

雷公墨 一東

大筆染鴻濛金壺汁盡空牋非資學士墨自獻雷公精
鏡毛錐走氤氳石丈通濡毫渾作雨澆紙定生風濤濤

雲陰黑光消電影紅迷離飄霧露點綴辨雌雄試待經
綸手磨須造化工驚人當有句細得問雲中

其二 一東

一氣走豐隆陶庵著太空端知誇墨守祇合笑雷同潤
作諸天雨成生下界風方 二窺混沌默 二溯洪濛日脚
磨全黑雲頭洒不紅聞聲驚臥虎望氣失雕蟲倒汁光
搖電探囊彩落虹便思持大筆濡染向蒼穹

雲棧 十二支

蜀道青天上崎嶇萬嶺分人穿深箐雨馬蹶亂山雲輦
道迴龍背檐峯下鹿羣老兵宵叱犢木客晝談文鳥路
崖邊出猿聲樹裏聞雄關屯虎豹峭壁雜耕耘捧日心

外集卷二 試律

二

古棠書屋

原近凌霄念轉殷憑欄長嘯起谷口對斜曛

鐵獅 四支

鷺溪集中有鐵獅貓詩七首其六云鹿是野賓猿供
俸鐵衣豸拜鼠將軍又一甌脫粟三間屋老向江湖
伴腐儒之句暇日以課諸生塗竄屢不恰意戲成一

首

電矐兼鈎爪呈材爾太奇質方真類鐵力健宛如獅貼
耳參同佛蒙頭學到兒威須消鼠輩見不雜狐疑雲雨
供游戲琴書藉護持百錢身價待十玩畫圖宜呼或山
中應人曾夢裏騎腐儒恩莫負賞識外毛皮

無聲詩 一先

一代風騷旨斯人畫裏傳草蟲工點綴山水寓流連不
藉推敲力能資翰墨緣碑須同沒字琴或證無絃春意
生枯管閒情託素箋毫端飛月露紙上著雲烟讀罷神
通慧描來句欲仙野王畱妙蹟聲韻憶天然

魚腹帛書 七陽

一自之罘射維魚兆不忘威先刀筆吏識應夥頤王東
帛胸中置游魂釜底忙得天驕壯士使鬼待漁郎檢點
鱗千片分明字兩行國中羣逐鹿塞上僅亡羊篝火鳴
狐地叢祠古驛傍幾回過大澤警影亂斜陽

葵邱之會 八庚

不假兵車力葵邱特主盟大東王氣盡小白霸圖成五

分集卷一 試律

三

古棠書屋

命張冠蓋諸姬息戰爭登壇牛耳執錯峙犬牙撐錫舅
威儀秩河山表裏擎立談俱侃 二守信互硜 二此後如
同體當時僅束牲決 二誇表海功烈冠平生

見如故人 十一真

廣陵方識面嶺海復相親贈我非吟客逢君是故人三
生金石訂一見性情真促膝交如璧談心斷侶銀拈毫
驅虎僕灑墨倩龍賓風雨論文夕江湖賭韻晨廉隅同
砥礪瑕玷慎磨磷雜誦他山句借欵席上珍

日賦十題 八齊

捷才高術擅賦手伯宗齊計畧方終日完篇已十題成
三江令遜對九沈郎低脫稟禽同獲裁箋諫其稽符歲

陳闕下擬疏抗墀西記瑞圖堪協思文尺不睽萬言空
倚馬雙管快分犀鄰舍何須試光芒氣吐霓

鄰火夜深明 十三元

鄰家閒話久深夜火猶存與月明三徑如星點一村熒
熒張草閣灼 二透柴門光炯難隔更殘焰倍繁攄懷
傾白墮說夢誤黃昏績影生虛壁吟聲度短垣漸看河
漢沒仍聽笑言溫 二晨雞唱扶桑挂曉暎

夜燈紅處課兒書 一東辛卯冬夜作

自顧浮生老呼兒夜計功催余雙鬢白課爾一燈紅
射籬經外光騰板屋中蘭釭義晷繼絮語月樑空剪蕊
重詮解黍膏細折衷案俛婢竈火聲襍母機風長物青

分集卷一 試律

四

古棠書屋

擅在寒檠綺歲同荒邨雞四起窗影欲瞳矓

一水一石 十一真

未肯臣堯舜陶 二此逸民廟廊非夙願水石寄閒身活
潑天機寓廉隅節介真素心原浩淼傲骨自嶙峋清向
源頭問奇同席上珍逝知隨晝夜堅不受磨磷注海欣
逢禹爲梁詎過秦閒雲飛靡定巖下效耕莘

春酒夜棋難放客 十四寒

酒入春方熟棋當夜未闌良宵歡不易佳客放原難滿
甕逡巡勸疏簾仔細看百杯欣重把一子肯輕彈觴羽
飛何迅燈花艷弗寒酣應呼耳熱敲詎厭更殘席又談
詩正枰還布局寬主人情爛漫竟夕樂盤桓

桃花飯六麻

誰炊麤糲飯佳號錫桃花色比凝脂艷精方脫粟奢搗
新參小豆春早熟胡麻下箸拋紅雨翻匙落絳霞香隨
流水渺種向武陵賒出甌雲拖錦堆盤月吐華廚娘疑
薄命之子合宜家此腹今無負含哺遍邇遐

蘆花被一東

水宿蘆花岸漁家大被同清香眠夜月冷夢逐秋風雪
意團身密雲情向客慵橫鋪疏蓼外高枕大江東淺水
仍如汜伊人宛在中脫蓑容小睡罷釣擁孤篷未許鵝
毛混還兼鶴筆工曉寒猶戀二帆影上瞳矓
葫蘆中漢書十一九

外集卷二 試律

五

古棠書屋

北僧南渡後班史至今畱世系東西漢葫蘆四百秋烹
羹分赤帝折項待炎劉殘帙千金索濃香五石搜文章
依據畫秘本者番求大度蕭曹貯探懷絳灌稠壺中容
逐鹿老子笑騎牛挂角同披覽興衰一卷收

伏女授書一先

伏女誠儒者書存廿九篇代將晁錯授仰識漢文賢婉
婉紅顏訓津二皓齒宣蟲魚畱古字巾幗護真詮耳頰
秦灰後胷藏魯壁先典謨維帝系脂粉嗣心傳注疏經
千手微危佛一肩執中綜治法寶範待重編

班超投筆十一九

丈夫期不朽事業重千秋有客纓方請斯人筆竟投郡

王空墨水刺史失亳州畫日心原壯生花夢未休穎藏
文畝尉封謝管城侯擲地輕雞距銘山重虎頭軍思沙
塞掃像待國恩酬我有孫吳畧微班孰與儔

吳彩鸞寫唐韻七陽

自嫁文簫後深閨鎮日忙五千沽待價初晚韻抄唐落
紙毫柔媚開函字吐香生涯謀律呂薪水覓宮商纖手
揮來迅撚髭選孰狂幾番勞皓腕一部有紅妝孫恹瑤
篇續鐘陵雅話長神仙夫婦好隻虎跨鴛鴦

曹大家續漢書七陽

廷詔徵前史吹篪有女郎西京畱實錄東觀續濃香學
博承兄志詞華炳漢光七篇橫綺麗入表叶琳瑯彩筆

外集卷二 試律

六

古棠書屋

秋垂露朱脣冷挾霜棣華聯著作巾幗又文章字陋蘇
家錦人同董老良一編消濁酒才學識兼長

辟雍海流十一九

後漢崇儒術東都建辟雍璧流俱學海環聽儼朝宗水
際遵鳧雁橋邊考鼓鐘大昕看浴日采藻覓潛龍雞應
鳴潮唱鯨消跋浪蹤蓬山欣景仰瀛路幸追從洙泗津
堪問龜尼岸未封成均覘

聖澤浩蕩豁心胷

疏燈人語酒家樓十一九

落日長亭外帘收卻未曾酒樓開晚市人語出疏燈重
與沽三斗輕挑話一層短檠光黯澹百尺吳松濤此夕

歡同醉何時幸再登當孟肝膽共醉榻笑言簷花落銀
缸地觴傾玉屑增流連要後約昂首月波激
酒家疏雨夢臨邛二冬

一雨春如水纏綿睡味濃閒情傾酒店好夢又臨邛花
外王孫市鑪邊令客蹤消寒須翹葉解語憶芙蓉襟袖
痕猶濕撞桃路未封犢禪真洒落鴉髻慣蓬鬆名士琴
心託高樓客意慵擁衾重戀二願復醉千鐘

說詩仍記夜連牀七陽

說詩仍舊雨記昔夜連牀短榻情借愜深宵話倍長首
搔君是李頤解我非匡掇拾羞牙慧喧騰覺口香劇談
驚紙帳好夢續池塘屬耳聽誰切掀髯論孰狂三更同

外集卷二 試律

七

古棠書屋

抵足一笑各迴腸願共寒衾戀新篇仔細商

梅瘦似詩人十一真

修到梅花好清高絕點塵爲憐寒瘦態逼似苦吟人淡
泊聯丰致冰霜洽性真兩肩依石聳一笑索簷巡格任
張磁品情偏賈島親竹松通氣味風雪門精神伴鶴黍
孤調騎驢問早春冬心如與共唱和閱昏晨

殘花落尚香十四寒

高閣生橫吹春花落正殘尚畱香細二絕憶彭珊二貼
地痕猶淺露泥迹未乾九分和雨墮一縷趁風搏冷艷
撩人醉餘薰撲鼻寒曾經三日坐不厭百司看綠樹鶯
啼歇紅橋蝶夢闌吟詩兼賭酒惆悵倚欄杆

林花掃更落十二侵

廿四番風過飛花散滿林幾回纔掃淨更落又庭深昨
憶泥泥墜今看帶露沈甫勞憐玉手重惹惜香心擁篲
人初去穿叢蝶再尋除曾搜徑曲飄復壓牆陰春已和
愁送天仍助苦吟襄陽遊興愜湖上日登臨

今夕止可談風月十三覃

今夕維何夕尚書樂趣耽師生聯雅謔風月佐高談縹
緲生雙袖圓靈印萬潭宵襟光霽証牙慧色聲參妙境
逢清白良宵快握擔空空同解領兩兩共包涵江上山
閒悟天心水面探自公休入話亮節信無慙

興酣落筆搖五嶽二蕭

外集卷二 試律

八

古棠書屋

江上誇吟筆青蓮逸興超六丁雙腕攝五嶽一枝搖落
紙嵯峨失畱題岷嶽消陣驅雷電疾穎挾雨風驕拔地
千峰震凌雲寸管標豪情高宇宙浩氣撼岩嶠吳楚芻
襟澗乾坤眼界遙頡頏誰繼起蘇海與韓潮

袖中有東海一東

片石碧玲瓏人攜自海東一拳蹲突兀雙袖納鴻濛出
手潮衝岸披襟浪捲空濤奔胷沆雪瀾起腋生風袂底
辰星白襦邊卯日紅谷王歸掌握瀆伯荷嶂幪指測情
堪喻川流學匪同汪二論大度誰可測當躬

不可居無竹六魚

萬綠圍成海詩人擬卜居便同秋士住惟有竹心虛水

但三分讓窗宜四面疏平安應報我滿酒合封渠坐對
能醫俗相遭便結廬琴彈風定候酒酌月來初春晚寒
侵榻苔深翠曳裾此君真不俗擇里意何如

王子安腹稿十灰

錦繡王郎腹人推四傑魁數升酣墨水一寤見天才引
被虛排比移牀費翦裁撐腸橫綺麗出口走風雷胷竹
千竿貯心花五色開文從捫處得句逐夢中來皮裏陽
秋遍喉閒吐囑該滕王高閣賦朗誦擬追陪

廣文先生官獨冷十四寒

憂樂關天下銜偏署冷官折腰知俸薄抱膝見甌寒世
上經師重人前氣味酸腐儒求字易熱客到門難紙帳

外集卷一 試律

九

古棠書屋

梅花夢春盤苜蓿餐先生心似水弟子臭如蘭品望尊
芹舍文章接杏壇宮牆居甚近底柱挽狂瀾

烟波釣徒五歌

真樂尋何處金華訪志和頭銜書釣叟心跡印烟波鷗
鷺浮家遠樵青作伴多垂竿蘆荻岸炊飯水雲窩風雨
人三个江湖月一蓑蓬移邀笛步酒熟扣舷歌蓬累愁
身世家山負薜蘿竹門東郭近蕭散意如何

煮石爲糧七陽

幻絕神仙術人傳辟穀方朶頤思煮石果腹示爲糧白
落珠璣屑庖生磊塊光一拳炊白粲十丈熟黃梁下箸
頑俱化翻匙髓亦香稜二爭礪齒耿著剛腸雲鼎春

如許泥鑪夜正長不嫌謀食寔還可叱成羊

叱石成羊七陽

四十餘年別頃筮鬢各霜萬山橫亂石一叱起羣羊珞
珞交奔竄覓二間黑黃呼兄驚項細拜丈覺髯長瘦影
肥秋草頑身臥夕陽頭隨鞭末點角肖筍尖張後日煩
人牧前身鍊女皇金華回首望故里暮蒼二

撲滿四支

士而工聚斂撲滿有良規消長機攸伏存亡數遞推半
生藏可憫一擲棄如遺恥合符瓶罄傾還醜器款自矜
盈若缶違計漏同卮谿壑平難料泥沙用已隨損招由
量小益受本謙撝幸勿錢成癖貪婪舉世嗤

外集卷二 試律

十

古棠書屋

蛛網二冬

一漾經綸手么麼智巧鍾網高張面二絲密吐重二食
自營昏夜羅高設要衝空中隨組織缺處慣彌縫壘斷
層霄托機虞險處逢難逃趨臭蚋不漏採花蜂未雨先
潛影將晴又放蹤始知天地大若輩任包容

蟻陣八庚

可憐蟲若此蟻術敢縱橫尺壤軍威肅分行陣法精窟
中籌早運磨上律先明壞砌嚴區伍蕭牆暗伏兵穴山
糧戴粒背水堙環營賊黨隨附戎軒簇隊行反戈秋
暮雨奏凱夕陽晴兼弱曾誇智孫吳計又成

春泥八齊

積雨芳郊暗油幢上大隄頻聯雙錦幃共蹋一村泥沾
酒寒黏棹看雲滑杖藜一痕春草浣十里落花低冷漬
裊腰重深埋屐齒齋燕舍曾舍北鶯啄又橋西客路輸
鴻爪天涯濺馬蹄斜陽欣快霽褰袴看扶犁

五月渡瀘

四豪

五月瀘江漲先生廟算操王師威赫二夷界水滔二飲
馬炎方熾投鞭勢更家中流蠻霧毒下瀨火雲高汗灑
三軍兩帆飛白尺濤樓船籌畫熟羽扇指揮勞落日鳴
蜩遠聞風喙駭逃功名銅鼓盛事業陋蕭曹

白帝城託孤

八庚

飛詔趣丞相倉黃白帝城江山歸孺子輔弼視先生父

外集卷二 試律

十一

古棠書屋

事兼師事南征復北征三分資保障六尺藉陶成吳魏
雄何有伊周局又更風雲籌遠畧魚水寄深情異代君
臣淚千秋宇宙名夔巫遺蹟在垂弔見生平

田單火牛入燕壘

八庚

燕壘堅如鐵田單用計精五千馳壯士牛火縱神兵白
刃交雙角紅雲覆一營威先金鼓震光迸地天明血雨
髦頭灑腥風彗尾生烽烟衝陣起雷電破空鳴卽豎重
圍解臨瀆四壁平至今聞叱犢花柳看春耕

樊噲屠狗

八庚

附驥攀龍客微時感慨并屠門翻別調狗盜矢高名餅
餌誰相引皮毛或見輕燕臺春有價浦里夜無聲貂尾

操刀績蠅頭逐隊營社邀丞相割鼎雜而翁烹君馬門
前過臣葵仗下橫侯封誇食寔菹醢謝韓彭
王猛捫蝨

十三元

披褐詣桓温雄談古莫捫胷襟高霸王蟻蝨著乾坤其
切肌膚害如駭族類蕃爬搔于我二痛癢及元二世事
羞沿縫功名笑處禪寒心湯沐具糜齒血腥屯若輩么
麼極先生指摘繁苻堅深契合援手奠中原

甯戚飯牛

十一九

生不逢堯舜英雄老食牛車邀盟主載策待大夫籌扣
角悲何切歌商調亦幽單衣鹽澤月短笛石門秋細雨
連樊圍斜陽弔爽鳩滿腔蕞笠恨一飯古今愁五殺功

外集卷二 試律

十二

古棠書屋

名薄三齊事業留海東襄伯績洗耳異巢由

漂母飯信

一束

此母何爲者來居一飯功王孫眞國士裙屐亦英雄腹
不將軍負賜須老婦充鬢眉貧賤日巾幗丈夫風烟冷
齊炊白匙翻楚稻紅分飧懷德厚推食慰途窮知遇靈
蕭相酬恩况沛公淮陰稽列傳生死婦人中

漢高祖築壇拜韓信爲大將

十四寒

楚漢爭雄口蕭何迺識韓眞王斯下拜大將獨登壇眼
底三秦小微昔一飯難狗功臣績苦鹿逐季心寒膝爲
蒼生屈泥羞赤帝蟠將軍新印綬國土舊衣冠三傑高
皇設千金漂母餐祇憐淮水上輕擲釣魚竿

劍化為龍二冬

三尺豐城劍延津記化蹤臨郊號鬼母墮水起神龍霹靂層霄震波濤兩岸衝之而隨鏗幻蛇蜿看雲從影耦梭飛壁痕符杖擲筇須兒窺首尾倏忽躍芙蓉角養丰茸勢名消早藕鋒殺人心一變甘澤沛千重

螢光照字九青

暑嘆無膏繼餘光幸借螢囊盛千个白字點十行青紬嚼殘書味全收腐草靈雞窗窮矻二鳥篆映星二蚪蚪文流焰蟲魚氣帶腥眼波澄焰耀心慧門瓏玲小物輝終夕長吟照六經鴻才

昭代器蓮炬撤

外集卷二 試律

十三

古棠書屋

天廷

柿葉學書十一先

柿葉秋風晚耽書老鄭虔零星收寺屋翰墨結因緣乙鳥絲界紛二免穎鐫字題寒影瘦瀟醮翠雲圓管掙飄殘日池臨淨掃年簪花渾楮刻倒蕤想針懸價重銀光紙名高玉版箋聲華隆署尾三絕藝林傳

呼盧七虞

一擲黃金賤頭銜署博徒四朱爭戰采五白叱成盧出玖籌先獲明瓊計早虞呼臬牟最勝唱犢注非孤袒跣歡今夕消憂笑老夫家難儲儋石校或盡錙銖製局傳才子投江感大儒分陰當愛惜勿蹈牧豬奴

包孝肅香花墩十二支

肥水環流處包公舊有墩香花基址盛孝肅姓名尊文杏紅當牖春流綠抱軒燕鶯知鐵面風月弔名園關節聲華峻森羅氣概存忠臣師聖學報母答君恩主鬼官何國為儒世有門黃河清比笑芳躅覆苔痕

黃庭堅檜軒八庚

閔道蕪湖畔軒因檜得名濃陰消暑氣爽籟散書聲青塵疏檣拂蒼龍曲檻橫半窗涼雨過三徑溼雲生佇月資琴興吟風掃俗情緣分園竹淡碧映井梧清直幹曾棲鳳盤根合蟄鯨庭堅畱勝蹟高嘯戛鸞笙

潯陽漁者十一真

外集卷二 試律

十四

古棠書屋

漁者垂竿嘯潯陽姓字淪烟波傳釣叟山海著狂人未可榮軒冕何會計賤貧鷺鷗堪作伴楓荻合藏身世務歸魚艇生涯戀水濱一篙心跡遠隻履水雲親藻激曾張網桃源待問津風流賢太守物色遍風塵

黃耳寄書六魚

潦倒金門路家山問久疏青雲悲作客黃耳解齋書消息方愁我平安合仗渠尾搖千里駟頸繫一雙魚寓洛功名薄還吳歲月虛上林春有鴈下澤乘維鷗鹽豉殺無敵蕞蕞思有餘名家多俊物畜狗幾人如

富貴秋風一東

富貴浮雲幻延陵眼底空及身如耀電過耳逼秋風錦

繡花摧樹樓臺地長蓬蕭條思灞柳搖落悵吳楓雪易
融春日冰難語夏蟲繁華豈有限飄泊憾無窮王謝朱
門冷金張甲第終高懷欽季札大夢覺羣蒙
廉泉讓水 十一九

清白徵家世梁州范柏年擇隣依讓水結屋傍廉泉協
節澄如許流謙本自然性清嚴取與體曲證周旋味詎
甘同醴心還塞似淵投錢遲馬飲洗耳待牛牽忍渴名
殊盜盛孟影却圓高蹤懷淡泊屬對語便二

宮中曉寒 十四寒

授簡人衣綠宮中夜欲闌雞聲催曙色蝶夢破春寒檻
外長河沒花閒永漏殘凍呵珠玉冷衣怯綺羅單紫闥

外集卷二 試律

十五

古棠書屋

烟猶溼丹墀露未乾層樓眉淡掃別院髻高盤薄爽迎
珠殿微涼逼玉欄衍波韋貫受高詠試金鑾

宰相碑 四支

一枕華胥夢欣逢宰相碑前填金色字後列杜家兒摹
倣斤形幻偏傍鳥跡疑沙堤功業勒柱石姓名垂玉碣
鐫良弼璇玑載羽儀羨殊調器識人想覆甌知苔蘚歸
芟剔絲綸藉主持有唐謨烈著佳話比傳奇

鄧后捫天 一先

骨法成湯異祥鍾鄧后賢大邦攸相帝隻手妹捫天元
洞工支拄丹霄妙幹旋及肩益共戴彈指笠同圓仰漱
形如乳深窺淡若烟攀梯階接震翻掌柱撐乾蕩二恢

雙極纖二露一拳巍峨光顯載文定誌當年
以稼名軒 一先

世人趨末務忠敏重耕田知稼師無逸題軒頌有年窗
搖千畝浪楊繞一犁烟翠穎抽簾外黃雲壓檻前當門
枷板接比舍陌阡連新釀開三徑餘糧積數椽坻京歡
禹甸作息荷

堯天大利均南北循名識所先

旅舍談元

十三元元係避諱代用字即呂爲韻押人十
三元誤然此是公課土題命如此故從之

旅舍逢年少相攜話酒樽一簾燈似雪竟夕鬼談元妙

緒抽莊老靈懷洞本源化機魚在水色相月當門野館
窮天象征途悟道根塵緣心雪淨理趣舌瀾翻飛躍參

外集卷二 試律

十六

古棠書屋

同契筌蹄互討論詰朝分手處高冢峙荒村

明妃出塞 五微

慷慨輪巾幗琵琶出帝畿和戎安漢室列幃送明妃兒
女腸偏俠君王面已違雪風吹毳帳霜月夢宮闈眯目
黃沙暗驚心白草腓寒駝鞭大漠斷鴈睇斜暉羌笛新
聲換鄉音故國非紫臺青冢在環佩夜魂歸

易水送荆軻 十四寒

易水滔二去荆軻慘不歡一時虹貫日千古白衣冠擊
筑歌聲切橫腰劍氣寒波流原不返杯罷詎盤桓慷慨
登程易崎嶇報國難地圖攜督亢人首歷歷鞍直指咸
陽關長辭太子兵至今談往事流涕潯河干

王質觀棋 五歌

洞天眞福地王質舊曾過對坐棋談手旁觀斧爛柯子
聲敲玉局罨影隔簾波佇足神生慧凝眸睡遣魔靜看
遲老杜偶學笑東坡賭墅情無極饒人得自多閒偷紅
藥徑機熟白雲窩他日重回首楸枰鎖薛蘿

張敞畫眉 四支

京兆風流甚閨中雅話遺珠簾擗黛筆綺閣畫娥眉紫
省朝回候紅樓夢醒時春山雙管寫新月一痕窺十斛
螺香細三分蝶粉滋短修眞合態深淺鎮相宜淡掃煩
夫婿公彈聽有司章臺街便面至竟失威儀
雄文似相如 一東 甲午蜀閩擬作

公集卷二 試律

十七

古棠書屋

相如詞賦盛似續有揚雄江漢鍾多士岷峨懷二公後
先昔固異典策譽何隆老輩隨前輩才同遇亦同嘲騰
三輔外檄到百蠻中大筆題乘駟危言諫射熊遺經傳
漢代名世溯郵筒 按漢書揚子雲世居岷陽郵有田宅 西蜀文章祖
熙朝道又隆

前題附瘦石擬作 一東

莽二華陽國岷山見古風文章司馬擅典策子雲同
儒苑先朝盛夫君異曲工草憐玄冢碧花弔酒鑪紅
業各千秋著才兼兩漢崇黃金誇駟馬黑髮薄雕蟲
書待求身後人疑老閣中名公今
侍從早晚薦揚雄

花萼集 一先

文章兄弟盛花萼集同編體格人爭傲才名世早傳光
輝相掩映藻采各鮮妍黑髮琴書畔名山几席前字緣
荆樹合詞比棣華聯龍虎名分錫東西屋共椽鴻裁歸
大雅懶祭笑當年後起誰齊美蘇家萬斛泉

孫春皋外集卷下

公集卷二 試律

十八

古棠書屋



然

賦

松

鈔

閣

詩

蔣	屋	如	厓
氏	校	月	涂
慎	卯	著	月
脩	甲	始	吉
書	寅	丙	成

原序

秋碧先生天才橫溢所為詩多沈博絕麗之作王生鄴仙酷
 嗜之用畢昇版式印以行世茲又以友聲集所載編為續集
 問序於余余何敢序先生之詩然嘗聞宣聖之言詩矣曰思
 無邪曰溫柔敦厚三代以來文質遞嬗無邪之旨質也溫柔
 敦厚之教文也有質而後有文自後人務為華麗風雲月露
 連篇累牘輕之者欲以平實矯之其弊也如聽溼鼓如斫腐
 木如與村婦絮語楚固失矣齊亦未為得也先生少而孤露
 海更憂患以身世所歷發為淒楚激越之音腹笥素富隸事
 宏博而骨力蒼厚文繁理富昔人所謂詩外有事在于宣聖
 文質相宣之意亦無悖焉鄴仙年力未艾盍及時孟晉求為
 有用之學閒事吟咏亦宜導源經史披文相質毋徒習為華
 靡之詞則于編輯斯集之心為不虛乎少陵云青眼高歌望
 吾子吾子鄴仙亦云

光緒丙申十月既望水香村人段朝端

一六序

金陵叢書
 蔣氏校印

序

造物生偏才易兼才難顧子秋碧白門奇士也道光辛卯嘉
 平秋碧訪予出賦鈔一册見示予讀之適適然驚見其所擬
 古賦諸篇巨刃摩天掣鯨魚於碧海置之古人集中足以亂
 真及降而為館閣應試之格則又膩旨妍思工巧獨絕何才
 之不可測若是與今年春又授予詩鈔三卷則皆其三十歲
 以前作也合古今體讀之其才氣浩瀚幾欲上薄韓蘇而言
 情悃悃澀物瀏亮千回百折銳入豪芒鏤冰雕雪之技無以
 過之是其於古人佳處殆將奄有其勝不徒以一體長也秋
 碧負卓犖特出之才沈酣於學少而孤露於艱難憔悴中然
 耕映雪志不少衰總角時出語即驚其長老繼而聲名日起
 大江南北皆知秋碧遠近以羔雁費者踵相接也數奇不偶
 屢闕於有司而秋碧亦因此學益懋詩益奇願抑然自下不
 欲出而問世及門諸子敦請甚力因將少作刪而存之纔十
 之三四耳初編三卷雖未足盡文豹之全而光采氣燄已自
 有籠罩諸家之象秋碧尙在中年萬斛之舟帆檣已具長風
 忽來一駛千里他日朝廷有大著作高文典册非秋碧將奚
 屬哉是科名一時之遲早固不足為秋碧重輕而今之出而
 行世者如景星慶雲虛無不先睹為快也憶二十四年前與
 秋碧相遇於韓奕山文學齋中秋碧至今倦倦不忘憐予之
 老且窮所以獎飾之者不遺餘力氣誼肝膽上追古人嗚乎
 秋碧之所兼者豈獨文章也哉

一六序一

金陵叢書
 蔣氏校印

道光壬辰孟陬中泚申江愚弟李學璜拜書時年七十有二

丁六 序二

二

金陵藏書
蔣氏校印

自序

余束髮受書喜弄筆墨年十五從先師胡愚溪先生學選學
所為詩已厚一寸先生塗抹殆盡加墨圍者纔六七句二十
後所作益多嘗錄呈崇川錢南溟先生先生賞心者亦祇寥寥
數語時心高氣傲竊疑兩先生詩律之苛後汎濫諸家稍
識古人門徑又獲交四方名流時督其過取前所作觀之則
浮淺率弱者過半乃悉秉諸火間有存者亦鼠殘蠹匿無可
撫拾及門諸子乃復著而存之今垂老無成自傷瓠落因就
所錄者時復刊削起甲子迄壬申得古今體若干首釐為三
卷其癸酉以後另編作八卷惜兩先生已歸道山無從質證
此其浮淺率弱猶夫初也雕蟲媿深見嘗大雅聊述緣起詩

丁六 自序

三

金陵藏書
蔣氏校印

云乎哉

道光辛卯臘月既望江甯顧樓三秋碧自識於滬濱官舍之
寓齋

題詞

先生走筆肆波瀾
館真同上將壇客
過蓬蒿三徑沒人驚
珠玉半天寒家貧不作窮
酸語母老休嘔錦繡肝
窗外柳花軒外雪春情
詩思共漫漫

江甯周竹恬介福

行屍走肉豈吾徒
李善何曾解讀書
絕愛東吳顧文學
手持雙管寫生枯

廉夫才藻西涯格
老去論文興不孤
合付雪兒親手執
銅琶鐵板唱烏烏

當塗朱樹堂遊年

詩似李長吉人同顧
阿瑛才情真磊落
心事太崢嶸獨任千

秋業誰攻五字城
一編珍重寄老眼
倍分明

沈陽枳郵徐 礎

一代傷心客江東
顧虎頭才名堪敵國
詩骨不封侯白髮欺
愁上青衫併淚流
惟將搖落意管領
秣陵秋

安東魯蘭岑一同

秋碧子爾是仙爾是怪
爾是人間爾不答
乃有寶華洞仙爲爾陳
言爾本隸上清籍
以過謫作淮渦晏公部下
之水神又以誤行溺籍
沈居民上帝震怒降之罰
支祁一鑊五百春炎炎陰
火燒不死轉輪仍見才
人身即今歷劫已三世
有才不遇賤且貧
豈天將欲降大任勞其
筋骨窮其身怪底東鄰
老狐能祟不能殺

君館范君家乃此泰山妖鬼謹避君檄

文江甯東君作詩賦附常妖附馬神香火極侍王出神亦無賴遷怒君

叔姑薄懲見詩注將半生插脚風塵裏北馬南舟徒爾爾歸

來依舊張空拳老屋數椽而已矣無端感夢恢且奇天中橋

水清漣漪大書深刻青玉勝菴名永鐘高屣屣升階彷彿舊

游處壁上千首傷她詩云此鍊形已證果一朝數盡苦罹

千人呼譟逐她急弓又矛戟靡不施旁有書生獨呵止以袂

覆她遮護之讀詩未畢她出樹赤舌賤賤蟠蛟螭忽然變作

銅面具兜鍪鐵鎗光陸離驚魂儻况汗沾洽耳根尙聞呼江

妃自茲以往號水怪前因後因如有知會見她所作故自號水

怪世間有書無不讀赤字丹文萬千軸唸成字字起光芒萬

鬼同聲向天哭時而仙真靈雜迷鸞鳳翩翩騰旭日升朝煙

時而怪十萬寒潮響澎湃藥叉出沒蛟龍害河伯不敢留天
亦焦然愁偶然游戲人間世奇氣兀兀凌九州空中一呼霹
霹震鼠輩呶呶各逃命七言長句尤峻雄此筆真能古人競
吁嗟乎是仙是怪是人不必窮追求等身著作已足傳千秋
三生之說然乎不

永陽張春池夢詩

永陽張春池夢詩

敘錄

顧秋碧六十敘

山陽魯一同

昔夫子說夏殷之禮寤懷文獻而余讀班范以下諸史所系
 儒林文苑慨然歎焉夫一代之興匪獨朝廟制類有白首
 魁艾堙蹟山澤尊佑來者其後生英特騰起代勝質慤醇懿
 亦以遭降降而必復其始於是又有篤道深勤之士蚤接緒
 論晚勵貞節砥柱波流之中鍛鍊老壽以轉輸運會消息風
 軌非一朝然也大清初興搜衰明之餘珍學士如林故順康
 之世吳錢施宋王朱之倫鳳騫馨驟於上顧李彭魏之徒歎
 咏於下百餘年來張皇凌夷逮於乾嘉姬傳竹汀僅乃繼軌
 自時厥後文路騖騑海內紛如也金陵顧子秋碧蚤游二子

丁六 敘錄

金陵遺書 蔣氏校印

之門喟然復古嘗以偉博奧麗之文嘯喻一代天下靡然傾
 歎中歲顛踣益趨篤雅究極沈鍊著書數十萬言當吾南中
 相見時姚錢已前歿而顧子掉鞅南北意氣翕赫甚盛於時
 止安鬱於毘陵生甫奮於吳中月南翔於海表彥輔樹於淮
 南二十年間參辰錯莫奄忽雲變而君亦白髮垂垂老焉比
 年游止淮壖相距一舍每過存余必呼童子出拜曰使它日
 曾見顧先生也蓋余以晚出恨不及見姬傳竹汀而同時周
 毛諸子年都未登六十或四十六七獨顧子龐眉偉齒精潤
 之色浸滿大宅又常聞先正之微言矢窮搜於晚歲方其官
 燭夜秉雙瞳炯睟望之以爲精勤少年噫天意其有在乎何
 其窮且老而不衰也顧子少號任俠使氣中年爲文士悽怨

斐惻晚迺箸述根極道要余嘗論其人凡三變變而益上過
 此益三數十年申公懷固之倫元纁蒲輪之召其有焉余將
 撰杖履以從

附孫聯鑣傳淮安府志人物 光緒丙子清河縣志同

孫聯鑣字更生其先金陵人祖槐三以博學通經名聞海內
 父文玉咸豐三年賊陷金陵死於難聯鑣時方十歲納祖遺
 象衣被中久之未得出初陷時與母許氏相失或欲養之爲
 子聯鑣不可曰安有棄其母而奉人之母者乎有柳步高者
 與之居一日白哲少年就步高謀意甚悵惘聯鑣疑而問之
 曰是我舊主人謀免難而無費以是蹙蹙耳聯鑣曰吾有藏
 金度終不得出以畀少年苟免於難猶吾免也遂與之居賊

丁六 敘錄

金陵遺書 蔣氏校印

中五年義士夏有義卒救聯鑣奉其母以出夏有義者太平
 人其舅嘗爲木工工作於槐三家耳其名曰不可使顧氏無
 後經營賊中半載始同出依於山陽舊識某氏不納乃僑居
 清河遂隸籍爲博士弟子聯鑣爲人陷厲孤直取與纖悉無
 所藉與人交意有不可必絕之終身不顧也然沈深好讀書
 少陷賊久初未親鉛槧至是每一詩文出必傾其邑人著有
 癸丁蒙難錄叛賊中事歷歷如指諸掌詩有復古編一卷嘗
 擬韓退之秋哀詩一時耆宿見之驚詫以爲傑作時總兵某
 於書院課士以財招致士人至者闐溢聯鑣獨不往體素弱
 多病自恨就學晚晝夜攻苦或勸之珍攝曰吾以讀書死無
 恨也凡所遊處會集無書之處一日不能居年三十竟以羸

疾卒

題顧秋碧先生遺象

山陽魯 蕢

先生余父執也幼叨末坐癸丑金陵之難先生已前歿令
子藕生罵賊而死獨子婦許氏抱十歲兒陷賊納先生遺
象衣被中流離辛苦不辱其志五年之中間關以出見余
於大河之北愍其母子顛沛不忘先德爲賦此篇

烏乎姚錢不可作中朝文獻日零落後來繼軌誰最賢顧君
皓首鑽研索於時海宇慶升平鳳翥麟翔奏玉笙南陽世重
樊侯學北海家傳鄭氏經篤道深勤晚無倦嘆惜此翁真百
鍊短髮連捲秋始霜劇談浩蕩春迴霞我時年少侍青燈父
執甯知重典型每到過門呼出謁毋忘他日見先生重泉久

丁六

錢錄

三

金陵叢書
蔣氏校印

掩青霞客十載蹉跎斷消息寄命端懷任叻兒容身那記關
成宅無端銅馬勢跳梁甲騎如雲繞建康遺孤罵賊橫尸去
弱婦將雛復壁藏填衢溢巷森戈戟咫尺死生嗚不得疚心
木主颺飛灰空餘遺象無人識斷綫殘縑密密縫青布襖
襯重重五年血淚和衣臥三世存亡一命窮天心悔禍憐幽
怨授首凶徒更內亂蘭足荆榛莽夜行再與世人一相見見
余慟哭淮水湄通名不識心然疑手出先容驚一座卻憶當
年出拜時雙瞳炯熠脫巾幘意氣森嚴照牆壁祇道相逢續
舊游不堪人事都非昔顧郎顧郎生勿悲覆巢完卵今所稀
他年畫荻成先志聽我重歌祖德詩

贈顧郎

金陵昔被寇禍變興倉卒上流無堅城虺豕驟馳突杜鵑一
夜嗚九衢流血就中十歲兒閉門肝膽裂抱頭竄葵藿
餐艱一訣再聞內亂煽催汜爭屠割血背望官軍咫尺毋由
達婉變梟獍將母出重穴永痛垂白父魚腹成訣別弱弟
奪哀抱五年音耗絕逢人氣早盡顛倒那能說朔風困鴻雁
稻梁久銷歇爾足訪親故乞食窮天末舊時涸水鱗雷雨忘
枯噉人情異今昔世事有疏闊靦面向風塵越人誰汝活末
契辱三世執手情嗚咽雖無綈袍義急難誠所切勉借菲
屋弱息資嗷嗷滅身守多難靈穹鑒遺子

冬夜聞柝感賦

錢錄 第二首

金陵有願生勝衣抱墳策甯使孟無食不使案無籍墮地三

丁六

錢錄

四

金陵叢書
蔣氏校印

十年奇窮與之敵因緣兵火中九死竄荆棘一朝奄物化霜
霧埋金碧遺棄母妻兒忍爲後死責回首迫經歲向莫百感
集我年四十一兩鬢漸已白誰能禁柝聲宛轉訴通夕太息
陳苦詞多謝車馬客

和韓秋懷

錢錄 第三首

念彼泉下客長夜果曼曼歲已閱三霜何曾忘一節生存愛
墳籍流離葆孤願得酒罕獨斟庶詩每互勸觀其和韓詩此
材可十萬再遭別足悲矧期玉堂獻斯人今則亡蕢也能無
怨

夢更生

和顧更生
秋懷詩有

生死經年別嗟君何處歸一燈風雪裏不忍夢魂非

贈更生

南清河吳昆田

昔子之大父腹笥富圖籍詩清庾鮑兼賦豔屈宋摘然松鍾
阜間海內知秋碧窮老託監河時枉崇讓宅仲連金石交慷
慨夜譚劇論文到深細竹窗月尙白忽忽三十年兵戈迷陳
迹白下子先廬烽火極天赤零丁倚母賢三年寄劔戟虎穴
一朝離惆悵臨江驛東歸魯仲連父執文章伯來時鷹學習
十載成雲翮一鷗在秋空豈伍鷗鳥百家世盛文藻寥落遺
書策向秀註莊子郭象乃捷獲溝壑子不忘力學衍先澤
追悼願更生

可歎顏淵墓草宿七年爲君又一哭孤兒聰慧致妖鵬短命
乃入下殤服大母血淚餘滲漣一杯鳩酒甘瞑目嗚呼願氏

丁六 後錄

五

金陵遺書
蔣氏校印

宗竟覆先世遺書久廢篋高適長者登簡牘君詩雖少璨珠

玉庶幾附之壽於木烏乎願氏宗竟覆願氏無人有卷軸

又札記

伯向及願秋碧之孫更生來更生年十七能詩亂後有句云
血戰增新冢逢人一哭休此生嗟馬角當道重羊頭又懷吳
小洲吳中詩有云已聞吳苑朝游鹿猶記寒山夜聽鐘又聞
吳中被陷句云珠簾畫閣丹霄上錦瑟紅綃烈燄中又祈晴
句云小民窮已甚上帝意如何妙齡得此的未易才也秋碧
爲有後矣

18528

小傳

願樸三字秋碧生七歲而孤母食貧撫養之有義媼陳隨其
母三十年不去食弗給或旬於鄰樸三承母教讀益苦於史
學尤幼稍長與胡大猷同受業於胡本淵本淵極重之署所
讀書處曰六槐書屋以大猷本名三槐也大猷字新齋後與
樸三俱補諸生樸三爲文極敏詩才博瞻生平不拘小節氣
尤豪邁范蘭君家有狐崇作詩罵之乃止江甯東嶽廟巫常
附馬神談休咎能降人禍福作詩獄廟妖鬼檄一道人爲之
危而卒無患同縣楊輔仁王章車持謙此與友善嘗結苔岑
社以談詩焉晚年客授淮上卒著有補後漢書藝文志補五
代史藝文志風俗迴義佚文然松閣詩文鈔其駢文藏山陽
門人鮑桂生家其說經之書藏魯通甫先生一同家

一六 小傳

金陵遺書
蔣氏校印

338

然松閣賦詩合鈔序

詩與賦同而實異班固謂賦者古詩之流然論體製則賦言
鋪也意主華贍儉腹即減色詩貴醞釀運以清氣毋堆垛毋
粘膩故賦尙才詩有才而不專尙才秣陵爲六朝都邑所在
綺麗遺風往往未殄操觚家競喜騁才漢按郡志文苑傳中
宋顏延之最善史稱延之與謝靈運齊名潘陸後士皆莫及
顧康樂有詩無賦延年乃兼擅而顏詩鏤金錯綵較謝之初
日芙蓉終遜一籌唐詩首推王少伯賦復不傳其詩絲邈之
思超逸之品固盛唐冠冕也餘子雖多槩難指數余自癸未
春主講是地久之始得顧君秋碧君尹角已通選學長益閱
肆具潘江陸海之觀每援毫馳迅壓服儕輩昔溫飛卿八义

丁六序

一

金陵叢書
蔣氏校印

手而賦就竝足給鄰舍生數人君殆其匹間或高歌雅唱古
律篇什芒角溢射大約賦詩二者率善於言情炳若緝繡悽
若繁絃蓋君本孤露尋背護闈資業既空遂游京師游津門
游任城游大梁迄弗獲遇仍返故居中年哀樂并藉據寫故
發諸詞者如此嗟夫君失怙生甫七月而余僅三月荼苦尤
甚致翰墨間亦動入商調近歲連值顛沛更成擱筆惟讀情
至之作雖溼透青衫縈猶再四豈非卷施拔心有感觸不能
自禁者哉雖然君年方壯耳何必不遇遇而儲賦材務極和
平中正備逢國家大典禮如研都練京卓然偉構直可使延
年卻步詩又漸歸融渾驂逐少伯他日刻全集行見者當擬
君合顏王勝處高踞文苑之席茲編特其嚆矢也君索序因

書以爲券時維道光五年乙酉之季夏涇蘭坡朱珪撰於鍾

山書院

然松閣賦略叙

古詩三千沿爲雜賦其傳六百中有大儒傳稱九能可爲大
夫曰升高能賦詩有六義其二曰賦謂鋪采摛文故知壯夫
不爲迺新都發憤之語順流而作非華氏小生所盡要惟蟠
天際地之才潤古雕今之筆然後別九州之同異侈二儀之
多闕千門萬戶由其經營庶品雜類供其驅策庶幾體物無
所遺敷辭無所假秋碧兄能讀千賦遠煒十家喜宋玉之大
言鄙傳成之小語遂其鵬運俱名世之文綜厥鴻章半擬古
之作匪直鶴金飾貌胥能刻木令飛又其明識足邁恆流以

丁六序

二

金陵叢書
蔣氏校印

爲鄆郡淳作賦之餘還寫石經之字公玉帶上圖之後始有
木刻之文君山篇什猗頓述賦而不讀識彥和深璋子雲詮
賦尤先正緯夫歲剋稠疊烏有子虛君鼓吹五經笙簧百典
致辨情理采摭英華亦可謂辭翦美稗力掃秕糠者歟說者
又謂君以士衡之多枚皋之捷將使集編玉海卷盡金泥豈
不銳氣驕容愜心夸目不知排沙簡金而後百陶不厭也倒
海探珠而後九品能分也丹樓如霞僅二語覓賞熬波出素
祗四字爭奇漢武惜不同時相如非無別作從來知遇詎在
博收允矣哉西河文士艾固繁而不可刪濟亦略而不可益
也然而文者情所生賦者意所寄君種蒼松之五鬣階阿閣
之三重敝輪困而成龍口瓊奇而吐鳳然脂煨寫研墨晨書

自其童牙見稱長德幻金身於葦草弔石頭之故城慧解珠
穿神逆指喻題循舞鶴極天上之聲聞日昔哀蟻凜豪端之
忠義異題門之凡鳥譬振翻之秋鷹託興小園秋黃幾棧傷
心廢壠冬青一株外集中指名之石白虎觀五經同異以指喻
指舞鶴孫供奉門題鳳字秋鷹小少作流傳間存一二亦復
葩華萍布逸藻雲浮假以中選之錢早應承明之值轉不過
體裁臺閣供奉文章而迺帝京作賦之餘重之津門獻賦之
地上林春曉行宮柳新以此賦材加君意匠抑且貂裘換酒
恐李白之樓空積霰戒衰歎梁王之苑冷古之人筵前授簡
殿上摩空君儻比方斷難軒輊而況南華雖非僻典西江莫
浣愁腸頰銷賣賦之金空餘荒年之穀君之睢盱跋扈勃鬱

一六序

三

金陵叢書
蔣氏校印

煩冤安得不大放厥詞泉源寫地也哉予與君張南尚北夾
水而居王後虛前同時已定識定文之不謬屬作序其奚辭
於戲角逐惟君何止江東獨步周旋有我便堪一世橫行秦
無人焉誰相知者繫予小制感槩系之矣

太歲道光戊子冬至後三日同里愚弟子瀾張灤撰於面城
臨水之居

159 28 92

44 8

宋玉小言賦

有龍伯大人者身橫九畝植立千丈酌東海兮爲杯策鄧林
 兮爲杖搏天挖地首不得仰乃過鶴人之國而流浪焉見其
 人要吵煙陋躁擾纖翳朋行聚蠅蹀躞馳蠹黃鶴吞噓轉喉
 不噓翔翔腹中壽三百歲龍伯仰天而歎曰是何賦形之么
 麼也吾將請於天帝爲爾搏靈媧之土鑿熾軒皇之炭鑪樹
 以江芒之修骨傅以鄭瞞之偉軀運奇肱之肘戴謹頭之顛
 匪乞靈於長女庶無昏于丈夫而胡爲乎睢睢盱盱趨趨趨
 趨鶴人乃軒稟攘臂曲踊三百燈龍伯之類而集其肩曰惡

丁六

賦鈔一

金陵叢書
蔣氏校印

是何言子曷睹夫天地之貌肖乎藜蟲食苦梅蟲食酸而易
 置之則灰槁者性有所保也鶴頸苦長鳧脰苦短而斷續之
 則媿惱者質有所造也故西海有殘形之尸炎荒有拔心之
 草莫壽於朝菌而彭成爲夭莫大於秋豪而泰山爲小試與
 析萬竅之微芒窮八紘之纖眇太初瀕洞元化糾紛孰卵而
 孕孰蠹而輪灰蘆符而暈月素玉棋而定辰蠅蟻啟其畫卦
 斗蜩聳其大文攝震且於毛孔臂閻浮於隙塵傾壺而日月
 倒景敲枕而樓臺豔春熬餅可以彌漏瓣香可以降神笠寫
 惟肖管窺並陳執小兒之造化乃及吾之有身等是牽絲之
 傀儡孰非觀場之鄧人則有米聚成山圖規縮地灰線縈繞
 龜絲縷細納須彌于芥子浮滄海于粟秕城則蟻蠓與築塞

則蟻蠓啟閉奪險隘于丸泥定廣袤於鍼鼻蠹瑤存封建之

遺蝸角鬪觸蠻之戲爾其賦形也則爲畢勒爲焦僂豆人匪
 幻黍民匪妖賭橋窰之勝負嘯竹王之都媚帝女跪樹而嘔
 噴嬰兒去枝而枯焦湧妙相而蛤鏤藏修羅而孔么龍賓傲
 其道院甕坎結其何寮或構瓜牛之居或營蠱曉之巢車既
 乘乎鼠穴芒亦候夫蟹湖矧吾之開國也鱗屋比櫛蠶房沃
 僂贊起而溫媿公鳳集而逍遙馬則紫燕騰蹕舟則紅蓮
 蕩搖方且狎青蛉於海上陋侖兒於霸朝而何疑乎人腊而
 何異乎肖翹故吾方折棟爲輿剖芥爲舟刺猥棘抄析米矛
 頭式煙臂而齊怒烹蠶肝而養羞燕蠅鬢而飽飫寄蟹腹而
 網繆耳穴寤兜元之國芒鍼繫翡翠之鈎戴峩峩之范冠結

丁六

賦鈔一

金陵叢書
蔣氏校印

寸寸之蠱蟻聘妻無取長鬣生兒亦號摩曠忘蠹姑之晦朔
 樂蟬癖之春秋芒兮物兮恍兮惚兮萬物一團孰輪廓兮大
 化無象嗜執其則兮鞭心躡虛細於髮兮剖毫析釐歸泯沒
 兮從風飛揚若無骨兮焦冥鼓翅雷聲發兮彼離朱與象罔
 曾不能窺其髮鬢兮以無厚入無間而何有於細德之險微
 窘步之偃仄兮且夫大鵬之運與搶榆之決起其拚飛一也
 神龍之騰與蝦蟇之橫潦其游泳同也故跣香回臭趣異終
 合筮短龜長數盡并窮吾虛子之徬徨無所倚瓠落無所容
 諒桃梗之相笑何纖芥之雉胸吾誠不能躡子以躡而子乃
 欲范我以銅於是龍伯乃蹶躅而孤往倚長劍於崆峒
 擬謝朓高松賦 原註

遂乎悠哉杳不知年代之幾經蹇獨立兮山之上稟純和而
孕靈烈風埃軋兮益以厲其氣野火剽疾兮不能廢我生表
修幹之千尺集胎禽之萬齡柯葉扶疏舒翹布穎氣挾星辰
而上陰與江山俱靜亭亭分若木之華歷歷散白榆之景不
生封禪之壇定植金剛之嶺朝引澄霞之霽暉夕馳曜靈之
急景澗絕雲封山深歲永性固金石心通神明本扶質而立
幹詎捨危而卽平絕攀附於蘿葛恥容華於舜英惟名節之
自厲譬丘山而匪輕傳散先集孤蓬亂飛葉調刁而吹籟山
沈隄而滅暉屹蒼顏之玉立積空翠之煙霏羌無心於隕落
又何恍乎嚴威足使夸父底其暘蔭般僎美其匠才叱青牛
而騰駕繫天馬而方徠激翠濤於商飈之館薦綠章於通天
之臺雲臥而萬壑無色龍躍而百靈允懷故宜脂淪虎魄香
握蘭椒萬劫齊壽千春一朝閭闔通其呼吸眞仙降而逍遙
歲晏景短空山寂寥謝風塵之垂顧含神理之獨超亂曰山
中人兮云胡不歸雖眞節之隔矧兮防細德之險微風飄飄
其吹衣兮琴情情而流徽諒才大之難用兮終化龍而高飛
擬鮑明遠舞鶴賦用原韻

丁六

賦

三

金陵叢書
蔣氏校印

昆池何軒蓋之足慕忽虞羅之繼羈羨鷗侶之棲渚陋雞羣
之處卑望神區而引頸懷故侶而傷離爾乃煖調鄒律寒薄
堯年落葉三徑明河半天餐流漚之清露激靈池之飛泉忽
矯首而長嘆警孤夢於空山遂乃張逸翮之襟襟仰高天之
寥廓竦輕軀而雪飛整神容而霜落掩孤月於空庭振鷲沙
於大漠墮松影之樛樛散花光之閃灼始應節於豐山繼諧
聲於阿閣羌鳳翥而鸞回亦龍驤而虎躍徒觀其覆靡凌亂
迅擲裴回乍回身而卻避若中斷而交摧欵輕剽而猛進儼
骨騰兮肉飛飄輕裾兮廣袖又宛轉其相依豈左宮而右徵
繫著往而飭歸落清響於九皋謝塵寰之一顧觸珠網而連
軒佇瑤臺而薄莫騰碧海之前身悵青天之去路期佳人兮
不來循虛廊而獨步促雁柱而流哀赴鷓絃而急趣亦復交
光煇采抱景分形月慘無色風搏有聲初蕩心而駭目終颯
沓而縱橫簫聲之飛揚憎網羅之絲密思奮驚人之鳴已
誤虛霄之質雖妙舞之自呈豈君心之可悉既而羣動俱息
孤雲何之悔光儀之炫耀攝心旌而自持願守木雞之德終
抱神蚪之思幸羽毛之養成匪矇矓之見恥逝將去兮軼埃
壑而上征盍歸來兮步遷延而中止欣蛇珠之已報庶雀環
之可擬令威感逝於華表佐卿還箭於都市永謝君之樊籠
將一舉兮千里
擬江文通別賦用原韻并序

丁六

賦

四

金陵叢書
蔣氏校印

羽之靈鵲碧月陰苦泣飛身之夜蟾烏號傷魂無由比翼
草名獨活因之腸斷凡有知識是生苦樂不獨江干叢竹
傷帝子之大去山頭化石望行人之歸來也屈子曰悲莫
悲兮生別離少陵亦云死別已吞聲生別常惻惻文通一
賦伊鬱易感斐亶動心誠騷雅之變聲騷駒之絕唱蒙則
以爲死生均戚而永訣爲難離合異情而傷逝恆促何則
破鏡飛天尙有圓靈之日樓船入海終聞返權之期班生
持節生入玉門文姬贖身但齎金帛乃至金鹿澤蘭白馬
孤憤淚溢橫波之目心馳絕塞之書明明日月迢迢江漢
苟精誠之不沫終信誓之必償未若窮泉委骨永無見期
青山齋恨竟成終古愛子託人愴西陵之松吹宮車晚出

十六賦鈔

五

金陵叢書
蔣氏校印

淒北邙之薤歌心惻况其若迷夢寥遠而難達又若同心
萬嶠合意齊飛作螻蟻之先驅慕鴛鴦之雙死當風泣玉
寶瑟慳塵塵上珠儒啟匣李夫人歎歎向壁荀奉倩
黯然神傷角枕錦衾唳忽異物固知虞淵芒味非魯陽所
能回愛河漂溺匪精衛所能塞此尤極有生之楚毒窮沒
身之慕思也僕童牙孤露空讀賜書中年漂泊重違鄉里
睹楮捲而心測望松楸而涕零已聞彈鋏終成戢羽一歲
之中死亡再見日雖晝而恆夜歲有秋而靡春臨水登山
百感嚮至因廣其意而爲之賦曰

千古傷心宛其死矣悲莫悲兮蕙帳去復去兮蒿里驚執手
之未終歎哀音之四起爾乃語其淒惻則天地爲之慘沮風

雲黯其無色馬酸嘶於檻下鳥哀鳴於楮側僊歷劫而花萎
佛滅度而香息已開苔牀之藉幹終見柳車之遵軾方伏枕
之篤困固形銷而魄亡絲絲倏而屬喘鐙漏盡而騰光隕薤
葉之朝露凋梧枝之夜霜晴瞪視而微瞬身木強而已涼蛇
附與蝸甲與飄飄乎渺軀殼之不屬乘輕風而飛揚於是脫
屣妻孥永謝親族安靈衣之附身焚鬼馬而安軸慘升屋之
三號淚傾河而運谷人天一隔音響遂陳慟扶牀之穉子泣
如花之美人空房聞其凝聽幽宮窅其閉春有弔影之來雁
無附書之去鱗思銜恩而激誓終寂寞而傷神則有委裘重
臣許身國士初拜命於桂宮頌上書於槐市悲前軍之隕星
賜安車而歸里極朝禁之哀榮苛溫明之殮視恥遺語之涉

十六賦鈔

六

金陵叢書
蔣氏校印

私簪替人而呼起魂歸廟食骨閉泉哀感華屋之山邱惜斯
人之竟死至若虞歌送殯遼海懸軍血濺邊草魂飛陣雲瘴
鷲跼而風嗒積骸爨而煙薰空聞野祭之哭猶下徵兵之文
驚沙怒兮鬼雄語黍鐘聞兮舜火燼頭走萬里兮馬革灰颺
半空兮紙帛若乃漂泊行客遷延失期歎沈疴之不起判居
人之永辭撫囊金而心死草遺書而淚滋悔婚嫁之未畢對
僮奴而自悲縱旅櫬之終返恐孤兒之後時遠莫遠兮關山
道望復望兮長江渭又若憂生叔寶感疾上陽心怔怯影喘
細憎香碧玉小年初嫁紅粧歎其不芳髮聯髮而慘綠頰憔
悴而安黃玦堅握而在手鏡長籬而閔光諒同穴之終踐閔
泉臺之路長巡虛櫛而立槁觸遺挂而增傷况乃修文才子

兵解上僊知年命之終盡傷名山之不傳要死生之契友盟
金石而譬堅已悲鵬鳥集舍俄見玉棺降天生芻一束帛容
數千哀廣陵之絕響拊靈几而淒然別有青陵怨魄紫玉挽
歌恨緘齊女淚溼湘娥積相思而成癡感華年之逝波有藥
不療孤生謂何誓相從於黃壤擬踐言於白珪儻神識之不
昧庶精靈之可來拚抑情而割愛詎濡忍而迂徊嗟乎死生
亦大矣觀往古與來今固同盡而異名岳瀆有時而傾竭胸
眺有時而缺盈諒彭殤之一瞬何夭壽之足驚矧聞喜樂促
算幽憂鑠精思欲仰東靈之金液屑南山之玉英胡傷離而
惜逝又茹歎而吞聲緊臨風而悵望慚太上之忘情

擬庾子山小園賦 用原韻

一六 賦鈔一

七

金陵叢書
蔣氏校印

饑余生之漂泊撫關隴而紆徊橋已化而誰頌瓦雖全而異
坏翟公之雀羅常設魏其之賓朋不來鶴鶴曷期乎樾蔭舟
楫儼浮乎芥杯何忘憂之足館同望鄉之有臺爾其規地半
弓種花五步支拳石兮當山結茅亭兮倚樹畜魚股兮通池
招蜨媒兮引路繫琴書之足娛幸風雲之無懼當夫草色雲
絢鶯聲雨消花落紅膩藤深翠交窠春乳寶偃月堂坳禽蹤
接葉盡園分巢制房陵之縹李斷曲沃之縣匏懷佳人兮天
末感中情之渴飢徑綠幽而轉仄步欲進而偏遲持長須之
蒼草擷短腳之鳧茨擬蟪蛄之巢噫愁混沌之書眉腹何爲
而居鱗尾何爲而曳龜莫不棲神息踵煉歲鍛時渺心旌之
搖蕩塌長空而若絲歎易促而常戀境雖愉而亦悲至若倚

杖聽松低頭讓竹隱招淮南之桂香孕東籬之菊淪草堂之
菘韭采幽風之襲莫雞接談而窺窗鬼吹鐙而瞰屋霜夕隕
兮蘭皋灰畫然兮黍谷嚼昔之日鶴鳴在陰陪長楊之羽獵
忝中朝之絃簪何貞風之害蠱致神州之陸沈東南之王氣
已盡征西之勳名罔尋照平臺兮煖火哀國殤兮羽林空存
抱柱之信徒矢償城之心媿蘇卿之杖節對南冠而鼓琴況
乃關河已霜搖落乘令石豈能言花難悅性感中散之風疾
抱相如之肺病客至而藥香涉爐憂來而淚潮塵鏡髮搔短
而愁梳影偃寒而共命明月空閨短檠獨擗憐擁絮之穉子
負歸田之萊妻鳴蟋蟀於虛壁窺鴛鴦於荒畦蟲蝕葉而秋
瘦蛛網戶而檐低已唱哀蟬之曲長聞代馬之嘶猶復糜太

丁六 賦鈔一

八

金陵叢書
蔣氏校印

倉之廩祿荷蓬麻之植噓思稅駕於悲谷冀回光於隳餘巷
多長者之轍室有瓊嬾之書憶貉邱之返骨終大海之歸墟
渺身世之一粟悟天地之遽虛嗟乎化城匪遙愛河已竭鵲
嗁春而血殘猿嘯夜而腸裂諾九死而終償字三歲而難滅
悔膏蘭之灼煎傷羽箭之摧折去復去兮家山悲莫悲兮生
別憐鮒涸以滯淹望鴻書而遼絕愁生葛履之霜冷澣羅衣
之雪亂日懿茲園榭歲將晚兮彼室之陋心自遠兮海枯石
爛終不轉兮老驥仰秣悲急坂兮谷神有言沕兮渾兮

擬庾子山春賦 原韻

九衢鐙火照春歸趙堯盥手尙金衣箠承玉輦排雲入柳拂
青旂夾道飛千紅萬紫盡宮筇接葉交柯總珠樹鳥弄新聲

雜筵絃瑟狂香失歸路家馳繡轂之車人覓蘭橈之渡女兒
高髻出深宮杏子春衫初試風長看掩蛾綠媚臉宿醒紅吹
氣而香動蘭薄搖劍而雫明鏡中長楸走馬如皋射雉鬪草
奉春之園采香浴蘭之水樓臺雜雫氣俱沈風日與畫船爭
美水綠如醅流霞注杯接座芳心含紫蕊當筵酸意飲青梅
共指鴛鴦踏波去復訝魚龍泚水來蘭槳初停金絲乍撫迴
波唱竹枝之歌弭節按蓮雫之舞響遏行云歡移促柱玉甲
彈箏銀驅叩鼓妾家高樓臨大道良人執戟試爲郎湔裙臨
洛水飛轡入長楊鬪豪奢於趙李侈地望於金張流蘇卷幔
黃金屋華燭欺風白玉堂膾則縷蟬散雪酒則縹青洪梁紅
螺蘸甲浮鸚鵡翠羽吹簫引鳳凰豈意銷魂祖帳泣別河津

丁六

賦鈔

九

金陵遺書
蕭氏校印

寘君懷而解珮懸妾鏡而安神春風不縮垂楊恨春日空傷
拾翠人惜分飛於遠道要信誓於綦巾落日欲盡銜山斜滿
城歌吹獨歸家朝來看取青銅鏡溼盡蟾蠍紅淚雫
擬庾子山鏡賦 原韻

而施屣羞鸞影之孤飛閱容華之絕世勝雖怯而恆照髮已
封而愁鬢朝霞空自盥卻月爲誰安不如置筥中薦以紅邏
檀纒流黃於中婦寄迴文於若蘭何當破鏡飛天去妾命由
來等風絮聞道驪姚解鐵衣良人夾鏡玉馳歸靈鸞聲謹華
鏡粟縷乍約鉛黃仍施鼻樑新妝草草知未宜看取團欒長
命縷百年形景鏡中隨

擬庾子山鏡賦 原韻

上蘭宮中鳥欲棲井幹樓前月初低已見火城馳夾道旋看
珠樹綴金閨藻亂銀屏春融寶帳腦麝微熏紗籠淺障紅暈
酒而波生翠揜蛾而景上沈沈米戶宛宛金盤脂白鳳而然
桂髓青馨而蕪蘭心長餒短香溫影寒釵股迷離雫光照灼

一六

賦鈔

十

金陵遺書
蕭氏校印

惱鏡殿之山雞象鎚煙之瑞鶴窺簾而蟾子低飛拂袖而春
星亂落嚴妝徐卸金釵轉清微聞薤澤暫偃歌聲覽朱暉而
斜背聽秋蟲之亂鳴景孤孳并蒂心合惹雙榮單鳧寡鵠愁
相照繡戶金鋪空自鳴持謝東鄰女短檠無復情

擬庾子山對燭賦 原韻

空庭雫霧吹水寒美人如雫怯衣單不辭蘭燭向風裏爲惜
關山行路難書絨錦而題恨淚流珠而溼盤漏沈銀箭雫湧
金蓮築脂騰蜃氣銜曜失龍眠千秋昔相照十圍今復然微
飄紅燄漸吐青煙陋網蟲於珠纒勝金釵於璧鏡燭光不照
君心曙自折蒿麻束雫絮祇有多情赴火蛾殷勤時拂玉雫
過刻骨已甘同跋盡灰身終不恨煎多春風忽吹君來景隨

贈爾合歡之綺坐我景娥之地亦知道不成夢但結空鸞
都自奇三星沒眾芳歌願持此孤心之寸丹一訴青天之明
月

擬王子安采蓮賦

采蓮之事由來尚矣爾其石家梓澤之園漢帝昆明之水挹
朝爽而曦延蕩涼颺而波起紺葉青跗晴湖雨湖丹房碧蘂
十里五里九襲芳於騷客宜表德於君子鄴中醴集河朔杯
傳瓜浮甘谷藻濯清漣河朱華之灼灼張翠蓋之田田滌煩
暑於冰室納清氣於湖壖香遞風遠等妨貌妍酒則中山美
醞人則三河少年寤真妃於洛水照采筆於臨川發清歌之
擊汰進黃頭而刺船去去踏蕩行行采蓮中流容與放乎自

丁六 賦一

金陵叢書
蔣氏校印

然初撥槳而萍亂繼迴舟而岸遷故夫奉芳一時感興千緒
則有璇宮仙眷漢皋神女餐沆瀣而自怡跂匏瓜之獨處采
香鳳麟之洲漂絲飲犢之渚閔濁土之塵穢獨凌波而輕舉
電擊風馳押獵紛披耀仙葩於玉井摧纖莖於碧漪驚華采
之絕豔孰天容之可儀感帝乙之歸妹渺銀河之權移衣茵
蒼兮一色舟夫容兮並馳星高實嵌露重珠危歛微雨兮沾
灑乍梢雲兮蔽虧夕秀紛散朝霞爛披來來月鏡無消息去
去蘭香祗自知天上本無連理樹人間空有合歡枝玉京誰
獻寶高掌詎稱奇仙家惜別尙愁苦何況塵寰紛別離若夫
妙明九品莊嚴百子湧夫人之法乳粲牟尼之香齒漾金幢
於明鏡臺前蘸清水於優曇盞裏况乃佳人難得天子無愁

乘龍艘兮鳳翺建青旂兮桂旂吳娃擁楫楚豔擊舟風皺
而香水月金波而豔流何人影之凌亂雜花光而並稠攘皓
腕而搖釧揚朱唇而送謳驚匹鳥之雙宿感齊執之易秋願
君王之迴顧結同心而好仇同心並坐多哀樂人在花中香
漠漠幾見宮車送北邙幾回貴主遊東洛刻漏偏驚海水長
傳杯莫惜金觥錯誓編蓆以奚辭惱寒裳而忽作影娥曲沼
沁水名園泉落天神之渚橋通星宿之源鷓金鑿地網鳳飛
轅倚樞一望幽香正繁蓮皆並蒂蕩是同根翠紅芳而衣溼
折青莖而袖翻近水鏡涼停雲館煥簫鼓汾河酒籌金谷吐
流屏茵醉翻車軸青浮象鼻之筒紅覆雞頭之餽紛刻藻兮
垂茄遂緣涯而被隄漢殿金盤鳳隋宮石黛螺香雲憐髮壯
初日借顏酡心玲瓏而通蕩鏡空明而照荷妾唱前溪之曲
君歌阿子之歌相與裴回北渚婉變中阿贈蘼蕪於下女遺
芍藥於鄭娥授芳菲之既晚恐風波之竟多相思不已相望
如何乃至薄倖倡樓思秋蕩婦割臂帷房許身箕帶攀垂楊
兮贈行忽良人兮遠征樓船橫海笳鼓專城小膽空房怯飛
龍出骨驚秋風看葉爛春水又橋年年錦字傷離別花如
解語應愁絕江頭風露尙知寒况復關山行路難嗚眉空掩
翠怨臉詎施丹傷美人之遲暮折瑤華而歎歡鴛鴦豈合生
南浦劃破雙棲一枝梅刺手偏傷菱角尖多心那識蓮心苦
終教化石望天涯已分浮家傍江滸蕩散血以何辜實療饑
而曷補豈如結紫囊之佩豈如空漾水之琴詞明明珠遺

丁六 賦一

金陵叢書
蔣氏校印

漢濱飛翠羽之柔翰濯紅葩之錦文揚靈兮公子美要眇
兮夫君羅衣動而風起蘭橈轉而日曛豔金膏之絳纒揚水
碧之繽紛珠轉葉以棲露粉飄空而化雲蹋臂花三面纏頭
月二分輕暖最宜蓮葉帽薄寒初試蕩絲羣徒觀其霞靡零
亂綠駭紅散偏反絡繹粉融冰釋割明霞之灑灑披彩雲之
奕奕波翻溼翡翠之巢篙碎點夫蓉之石香噴水以難兜錦
臨風而自鬢桃葉誰家渡松枝夾道觀琴客車騎皆赤鱗鄂
君舟楫自青翰初避面乎花汀碎摩肩兮蓼岸瀾瀾江寒蘆
荻秋鯉魚風急茈茹爛別有青蛉可狎白鷗與沈五湖天遠
三湘水深望靈修而不見縱幽懷之遠尋香風涼引扇花氣
潤通琴漁弟漁兄相爾汝蓮花蓮葉動高吟碧蕩千頃紅香

一薄婢包裹而墟趁婦開妝而鏡臨采掇動煙波之興漂零
惜天地之心乃至孤臣迹屏遷客歡寡投書汨羅之江行吟
楚國之下此人亦復驚香惜豔反騷激雅北望溟海南窮火
羅何生不沃何浴非沂資化工之長養媚幽姿於水湄薄言
采之薄言掇之可以窮涉江之幽興答懷人之豔詩成鄒枚
揚馬之麗什發潘鮑江蕭之藻思固宜實踐丹桂光搖紫芝
集五色之拳鳳遊千齡之助龜而豈徒若太液呈瑞漳河屬
辭豔污泥之濯草兮雨露之榮滋而已哉然而吾生有涯忻
戚殊地已懷弱植之悲常恐秋風之至足使越豔聲吞吳姬
色沮思秉禮而自閑望江皋而延佇賤洛下之妖姬恥漢南
之游女而況絕豔多愁頻年作客筆木末以孤吟屬蘭臺之

丁六

賦鈔一

一三

金陵叢書
蔣氏校印

18562

通籍翦花葉於今晨佩帶香於古夕秋士易感佳人不來壯
歲奄忽渺乎悠哉萍飄梗逝往與衰際同易水之悲歡勝周
南之留滯極目前途傷心路隅昔觀荷於西掖今載酒於南
湖空聞花十丈無復樹三株鏡裏青荷空自照江干黃竹與
誰娛嗟乎積水成川積塵成嶂惜苦憶之纏緜怯空房之悄
悵諒奇服之見珍幸斯文之未喪誓移根於玉渚思弭節於
銀塘紅蕤兮素芳霓衣兮風裳苟清德之不沫終見賞於君
王

擬楊炯浮漚賦 原韻

觀水而可以見性者漚而已矣爾其百頃澄潭一泓止水魚
吹浪而孳生鷗踏波而紋起飲怒馬於中流駕神龍於千里

迴風挾猛雨俱來飛瀑觸驚巖頓止濺孤末而渦盤激流丸
而景峙徒觀其沖融窈窕宛轉迂徊初激涌乎水面俄延緣
乎岸隈其合也匪親而自附其散也不瑕而遽開迫而察之
魚目同其嶮睨遠而望之蚌胎爛其昭回一消一息疇執其
則歛來歛往不可爲象當疾風而亦沈泝亂流而真上凸凹
滿日吹虛動天滑疑彈子之石沸豈鈞突之泉拋壻而瞪目
齊怒流拳而濯膚更鮮乍隱伏而不見歛偃蹇而多連知我
者謂是以水濟水抑我者喜其在圓而圓遂奔星而搖動偃
孤月而流沿其忘也忽曾不躊躇詎鍼心而景滅姑假息而
盤紆餘老蟾之枯沫泣潛蛟之淚珠拔灰釘於朱戶折筵專
於甌臾浮光同盡柔骨並無本汎汎其相值何經經之足拘

丁六

賦鈔一

十四

金陵叢書
蔣氏校印

君子觀於水漚而知吾生有涯大化其逝初無芥之可浮又何舟之能繫惟委順而自然庶周流而無滯不動而不可行而疾盈虛見天地之心空色寫冰霜之質豈惟悟泡景於恆河夫且循起滅於暗室故雖流轉等汀浮沈蘭渚沫尙能鳴進必以旅同列子之風行迷化人之去所豈如浮萍之終泛豈如浮雲之無依風定水息潛焉忘機聊成文而游戲奉君子之光輝儻紅鱸之一點信漚材之不違

擬賂賓王螢火賦用原韻

伊化工之賦物感宵翹之成象雞何戀乎醜酸馬何騰乎窻養撲著草而知來蕪桑薪而鑿往觀螢火之流輝散清光之朗朗爾其宿雨霽陽收牕陰避就砌角漂流寒景燭夜孤

丁六 賦鈔一

十五

金陵叢書
蔣氏校印

心鑿秋拂莎徑而如曙隱花叢而忽幽恍奔星之迸落疑明珠之暗投將飛更閃欲去仍留鬱光明之自具照微軀而獨周何黍炬之宵朗記青紗之夜遊家家團扇之會處處曝衣之樓露溼猶明風吹欲散隔幌愁窺探囊可翫點衣而翠袖飄飄蘸水而春星凌亂微熏楊柳之汀乍颺芙蓉之岸幸依光於日月冀騰輝於霄漢處暗室而生明映蒿宮而彌煥莫不扇小風兜櫺疏影爛悄深院之無人媚宵光之獨炫乘新月之昏黃悶殘釭於清旦矧乃避兵有賴卻馬是資驚寒女而分耀志宸遊而放熒儻田燭而非侈譬金芝而匪欺箋正言之蠕動紀幽風之歲時宜乎處幽隱而不昧肖君子之若顯若晦乘風露而不危偉哲人之一進一退孰虛室之非白

18565

孰靡草之不立荷藜光之照耀懼桐心之變遷初蒙犯乎霜露俄轉徙乎燼煙仰化機之亭毒感微生之倖全何蠅壁之見抵傷虻膏之自煎躡孤蹤於草莽謝說鼎於腥羶照丹心之吹耿變元髮之年年思覆盆之見雪終無辜而叫天縛已纏乎絲蛹跡終悟夫蹶筌苟早棲之見憫諒形跡之昭然況復淫潦經旬溫風歛至坐繩牀而自低問薪蘇其誰致驚噉鳩之先鳴憶家園之改鑿已謝芳華仍悲生事惟燥溼之性殊豈溫涼之候異簷白鳥之羞餘終自戕其同類然冷燄而虛明撥寒灰而寄意空成脈望之乾漫說宵行之利大化昭融施生曷窮舜何希而熠熠燿何附而熊熊已瘞瓜田之血難銷獄劍之虹酒胡酒乎冤氣鞠胡仇乎水蟲彼燄摩之騰

一六 賦鈔一

十六

金陵叢書
蔣氏校印

耀都石火之照空迨薰歛而妻落空錦覆而紗籠諒枯朽之同盡孰毛羽之能豐惟不期而自會庶精靈之可通感流熒之相照儼青蠅之來弔淒夜色之迷濛燭蕭邱之晃耀祝吻流連憂心灼煎歛飛身兮飄忽乘羽化兮推遷是耶非耶芒焉智焉儻桑榆之回照尙心花之怒然

擬李白明堂賦用原韻并序

言明堂者人人殊以經考之蓋爲配天饗帝之所頒政會朝之區漢公玉帶所上圖荒誕不經康成釋五帝之名亦闕入讖緯唐明堂始於永徽迄乎天后封氏聞見記所載制度最詳雖旋燬旋作而火龍鐵鳳較之東觀曲臺之議寢乎下矣考開元二十五年詔仍以明堂爲含元殿太白

此賦當成於未改之時論者謂其氣豪詞豔擬諸靈光景
福然侈陳棟宇巧構形似而於禮經所載政典義或未備
暇日流覽綴爲斯賦

古封禪者七十二君文家據天質家據地巍巍乎功德之遐
被式九圍而宥八荒偉京邑之首善拓宏規於少陽感休氣
之丕應翁精誠之冥茫皇穹配而蒼璧薦合宮設而青幄張
仰天宇之激霽齊曜靈之景光所以舉稱殷祀宏敷政綱蓋
自甄唐陶虞孕殷育周以迄乎炎漢時則有若靈響駁沓靡
恩湛洋中天下而立外大國是疆洪惟高祖之誕膺天命也
晉陽起而神戈奮興闢隴宅而坤紐嘉羨燎升中之薪樵修
汾旌之殷薦亦越太宗舞干羽於兩階俾絜齊兮相見進期

金陵叢書
蔣氏校印

門而課詩書詔儒臣而議封禪惟天皇之繼序成先志於肯
堂博稽乎石渠之議遠囑乎昆命之鄉欵鼎湖之厭世滋鴻
圖之鞏昌蓋經營歷乎三禩制作準乎百代而後得以膺無
上之寶籙揚在天之烈光爾乃辰巳辨方乙辛諷日茅三脊
而苴土棋合抱以呈質築崇臺之九成奠神位於五室錦龍
捧棟彩鳳承梁望疏屏珠綴以相屬疑藻井葩垂而可湘昭
離光之赫麗體乾儀之莽蒼夕沈澗而壇被朝雲容而幣將
惟明堂之丕作實輝映乎古皇徒觀其浮光鑠景曠曠曠曠
金葦倒景而水注燭龍矯首而煙蒙飄乎若化城之蓋乎太
空睿精駭視合沓沓列缺窺牖而洞開虹霓飲雷而嵯巖
邈乎若天淵之職乎闢闔規鉞矩皋汗漫糾紛表孤鶩於太

18570

18569

室集垂統之大勳金芝煌煌而生棋朱草繩繩而兆文屹神
脾之東向列祧壇而位分楹梁榭栗以銜尊棖桷蜿蜒而屬
雲其中則掩乎紫垣互乎太微分執法之環衛繚周廬而闔
扉句陳吐耀而營魄闕道連雲而燭輝紛拱峙乎帝座彰維
辟之福威遂乃仿梁騶于鄂杜考日景于河洛立神臺之馭
職占象緯之寥廓玉繩耿夜而案戶金雞戒晨而叩關其三
十六戶也則歛欲應乎黍谷其七十二牖也則藁箭筦乎靈
山若夫景星夕張陰翳晨沒回薄霄漢提掖日月馮相所不
能考甘石所不能挖粲乎隱隱圍天盤之縱徑異累棋之碁
孤其右則學舍旁啟橫宮四維架圍橋而界道鑿璇流而應
規鼓鐘震地而匄匄松栝影天而蔽虧碑篆籀而金嵌草文

金陵叢書
蔣氏校印

章而碧甃頰四門之齊式析翠言之叛離繫橫經而齒胃列
鳧藻之參差其外則通以複道森以神庫旗翠鳳而罕竦柱
金鼉而砥措窮般倕之巧思度章亥之奇步綴以赤羽白羽
配乎天數地數聖徐州之土花禽練嫖騰睢渙之水白蜃奪
素房星四而心星三文露沈而武露布引八窗之霽暉通九
達之達路五老降精而下窺八伯歌風而徐度時維大禘則
千官鱗次萬騎磨出天子乃齋宿於寢宮戒備乎衛室法駕
引而風馳電驅羽葆道而龍見鳥湖瞻神光之赫煊履甘露
之緜密慶麗日兮孤棧壇覆雲而崔嵬飛樓鳳起享殿蟬聯
感魄兆之現示攝虛空而因緣昭列聖之右享進思文而配
天燭肅嚶而達臭薦腥膻而割鮮呼吸閭闔昭回雲漢飄靈

旗之飛揚暖帝居之彌漫款精誠之可通悄哀樂之相半奏
九成之樂歌舞七德之輝爛初鳳翥而鸞回繼宮移而徵換
恢恢乎王者之上儀也而何有於原廟之月遊靈臺之甲觀
至若東鵬西鰈海舶山梯極望星朗潮占月低帘鳧旌而陰
羽表金暉而玉題晴曼睽而睽閃語兜儻而睨霓爰效琛而
獻賚遂遠涉而窮躋瞻皇居之偉麗紛目駭而心迷仰而企
之疑天標之高峙乎銅柱遠而望之狀圓風之雄跨乎昆侖
重以躬桓蒲穀修歲事而來辟侯甸采衛戴王靈而駿奔月
正元日天子乃負斧辰之高拱被山龍之輝煌香煙裊而不
散庭燎爛其有光其方位之各辨也則有若青龍白虎朱鳥
元武其春秋之錯舉也則有若趙堯李舜禹兒湯歌蕃庶

丁六

賦鈔一

一九

金陵叢書
蔣氏校印

於夕餐咏萋奉於朝陽鑄鳴璆之玉珮飾豪華之錦章接西
京之盛軌朝諸侯於明堂躋寶鼎於長樂繫歌鐘於未央故
來朝嘉其采菽而陳風繫乎省方於是陳百戲於階墀圖萬
變於軒牖魚文褶袴按龜茲之部雙雞婁答臘演鷲子之數
九象舞庭而攫撥龍拔地而蠅蟻都盧躡捷乎罕木角觚騰
躍乎祥金曳落河之超距舞稍潑寒胡之噓陽激陰所以示
包舉六合之意膏澤萬方之心且頒朔聽政則木仁金義之
當王者貴也考禮正樂則翠嬀蒼娥之異代者殊也粵以獻
歲之吉布施和於象魏班黎庶之楷模箴賾矇而納牖聽受
陳奠麗而披圖眈眈謀汝疑於庶姓靡子辜於一夫念何狂
而非聖氓何術而可愚若乃幽宮祭月寅賓納曦等早暎而

焚魁雨桑田而駕螭既迎氣而還祭亦載弁而伊絲影人時
之敬授測渾天之古儀三角句股之算四遊混元之規吹律
葭動撫辰績熙劫朱蓂之奇零播青銅之芳蕤乃至鄉飲賓
士質成受籍考校德藝蒸煇欣戚歌狸首而張侯觀龍光而
式辟選澤宮之楨幹資高年之粟帛相與蹈德而咏仁駢肩
而累跡乃絜黍盛載陳犧牲告禮成於天帝彰美報於皇靈
帝曰俞哉皇曰康哉蓋仁孝契乎冥漠而醉饗通乎至誠於
斯時也含哺熙熙鼓腹鉤鈞麒麟在郊鳳皇和鳴靈臺禱而
偃伯金版書而勒成訪道於崆峒之野感夢於華胥之庭用
是斟酌元化張皇杳冥夫以大唐之休烈握樞元后明堂之
奧衍合符真宰登斯堂者莫不飲光吐和進女夷而樂歌龐

丁六

賦鈔一

二二

金陵叢書
蔣氏校印

洪流滂流春臺而恩濺饌鑄京之醇酎侈東都之王會聲教
迄乎無垠廓乎無外然後雍容揄揚成禮而退天子曰咨上
帝全付余有家余一人惟是夙夜不敢安乃對乎敷天令乎
流泉問黔首之疾苦思皇圖之允荒坐更老而乞黨論進疑
承而諮舊章卻狗馬於方國出朽紅於太倉燭往事而陳鑑
儀心傳而見牕夙夜終譽珪璋令望青絛乘耒黃軻躬桑以
引以翼匪居匪康垂黹纒之纏纏揚和鈴之缺缺陳幽風兮
無逸介春酒兮登堂天降祉福豐年屢穰乃修古皇陵墓之
祀樹豐碑寢園之傍瞻畢原兮闕里寤黃農兮陶唐竹斑斑
兮耕象野柳垂垂兮灤水陽羞太牢兮清酒薦瓊糜兮玉英
分遣官兮致祭置守園兮上香配功臣兮與享俾道遙兮帝

鄉若夫泰山之遺址則金泥玉檢之事秘靡得而在彼秦皇
與漢武亦惟是觀乎成山射乎之杲啟乎東海而豈若博以
皇道緯以大化稟經酌式崇儉黜奢乃廟乃肖匪雕匪華屬
萬國之冠帶軼九天之雲霞乃作頌曰

惟王建國明堂大開左廟右社坤靈效材神宮萬歲歷屢崔
嵬朝日夕月通天有臺鼓吹擊汰宮車殷雷重檐四阿天網
自恢宅心醇粹遊思挺垓天容降觀神靈其來策勳祖廟進
登賢才貞壽永久遊乎悠哉

擬李白惜餘春賦原韻

青春忽其去我兮欲攬轡而迷方驚萬綠之蕞靡兮覺殘紅
之不芳騁余馬於高岡兮睇人海之茫茫山無鋒而割恨兮

十六

賦鈔一

金陵叢書
蔣氏校印

樹又障之以萬行思欲弭發和之節兮挽華髮之淋漓叫虞
舜於九疑兮浮娥英於三湘指天路之幽險兮心卷曲而不
揚懷佳人兮未來何遠道之能限冀魯陽之迴戈兮庶信誓
之重展惱垂楊之亂心兮愁纏葛而難剪悔別意之方長兮
恨相從之日淺期子長松之下送我桃萼之潭俄低徊兮隴
坂又留滯兮周南感春氣之氤氳美要眇兮繽紛惜華年之
似玉景昭關兮如雲何佳期兮中改馳余情兮東海遷延已
失風馳電疾烏何恨而騷人勢何心而媚日日暮途遠短檠
自親同莊鳥之唵越譬蘇卿之去秦送惜惜之白日攬青暉
之娛人蚤歲辭家頻年賦別傷瑤華之既晚香真懷而不滅
淚流霞以難收腸紆軫而仍結諒四時之平分兮何餘春之

足嗟覽恢台之孟夏兮歎夫容之發華苟精誠之不隔兮夫
何恨乎天涯

擬司空圖春愁賦原韻

忽流浪而忘返兮似春風之吹綿歛連蠶而不斷兮狀春空
之爽煙初八初九春夜月十四十五春人年感春氣之踟宕
照春容而自憐渺不知其端委爲誰恨而難捐不雨疑陰將
明怯曙惱枝上之金鶯亂檐前之綠樹攝孤緒於虛空獨遇
征而橫鴉何徬徨兮求索涉窮荒而奔趣忽猛喧兮歸魂隔
重樓而微度虛傳吉日蚤負靈辰柳繫情短等團景新聽飛
蟲之寤寢感瑤席之凝塵蠶追黃而腰瘦燕窺人而語頻謝
月鏡別王清都無錦字杜蘭香嫁張碩自是僊人撒恨成紅

丁六

賦鈔一

一一二

金陵叢書
蔣氏校印

搓愁作綠魂銷望遠之心深溼橫波之目瞻虛而孤景偏疑
夢醒而溫香尙馥心如亂髮難梳情與遊絲並遂割處疑斷
嬌餘更生掃空濁酒攻謝墜城掩月無色流波有聲繡簾前
碧漢紅牆空瞻北斗漆室中摧金伐鼓便抵西征雖復咄咄
書空惜惜散虛斷送無涯要遮有路蹴空水而生寒對斜陽
而欲訴白袷塵裏朱顏鏡中月黯蘿逕風淒蕙叢憶蒼鵝之
墮地驚白羽之飄空已折瑤華之珮難收畫日之功膏流淚
而燭盡蠶縛絲而繭同庚蘭成之寶瑟生塵傷心曷已江僕
射之孤鏡向壁悞喪焉窮而況絲竹中年鶯等異地聞杜宇
而神傷望帝臺而心醉雖幽谷之自娛終壯懷之莫慰聊買
玉壺之春竊附牢愁之義

司空表聖晚唐之佼佼者不獨詩品之膾炙人口也朱溫將篡徵入朝伴爲衰野墜笏於地乃放歸聞昭宗遇弒不食數日卒忠義之氣凜然如生讀其賦可以想見其爲人篇末微露此意所謂發乎情止乎禮義也 自註

石頭城賦

惟金陵之巨鎮實王氣之所鍾繫長江之天險作東南之要衝立而望之氣佳哉蔥蔥鬱鬱穹窿嶺增雉堞之呀豁駭雞湖之擊春煙雲繚繞而青互葳蕤紛披而綠茸厥號石首實惟金甌可以規形勢之修阻可以擴懷古之心胸徒觀其菌褶礪碗盤互交糾包絡坤軸鎔鐵牡蛇蟠空而迤邐馬下坂而絕陡枕長江而襟帶挾三山而飛走有鸚洲兮環其

丁六

二十三

金陵叢書 蔣氏校印

東有淮塘兮柵其右蒸汁土之滄鬱疊怪石之嶺醜裝蘭陵之面具戴土伯之奇首桀立兮張以虎牙嵯岈兮貫乎牛斗橋飲虹而鶴落樓置鼓而鯨吼山精夜哭役使秦皇之鞭江神晚趨鉗錘媧后之手既表堞而置隍亦重嶺而疊阜洵一夫之當關屹萬古而長守緣夫締造之日始孫郎之躍馬有謀臣之景從迨赤烏之稱號惟紫髯之繼蹤覽秣陵之形勝愛河山之蔥蘢爰作都而建國遂截港而包峰築都城之百雉塞丸泥之一封表記里之亭墩整沿江之軍容徒使駐馬者喬秦城之蕩蕩慨江濤之洶洶何九錫兮盟敗忽再傳兮德凶降旗風靡而竟豎鐵鑊煙飛而竟鎔悲青蓋之終入怨浮江之阿龍龍馬渡兮嬰跣城蕭條兮景寒當瑣邪之草創

值典午之凋殘雖復列青溪之戰艦鬱宣陽之井幹石累甃而齒齒柵依濠而盤盤而若敦與峻之狼奔豕突莫不縣門畫啟燹火宵擢陶士行之頓兵觀望王安東之取節愬歎莫解新亭之涕淚徒聞司隸之衣冠坐使哀國殤者悲卞壺豔風流者思謝安當蘆橙之逐水歛東風之見殘矧下殿之跳走槍升平之不歡而何貴乎虎踞而何恃乎龍蟠又若敬兒作賊彥回黨逆桓桓侍中忠孝激發方回兵而討難遂倒戟

而見獲羅一楸兮慘黃血千年而化碧賴人心之不死動歌謠之惋惜足令奸回汗顏亂賊褫魄灑清淚而崩城點頭首而驅石地名全節海雖深而必填山稱枉人扇雖障而奚益迨吳老公之踵事也起北岸而修築迄東治而從橫何石頭

丁六

二十四

金陵叢書 蔣氏校印

之路滑又青絲之讖成始慕受降之利終召圍城之兵礮飛宮觀而摧圮仗列雲臺而震驚文武道盡兮灰斐生靈倒縣兮溝坑蒿翦紙而難達雀探殼而忽傾雖有陳霸先之克復王僧辨之忠誠而建康既失偏隅是爭貞陽見納嫌疑又生誰復掩戈船於淮泗依然喋冤血於石城迄今覽全盛之郊圻弔當時之樓櫓相與想樂事於昇平慨繁華於終古列市衢則九柯十匠寫宮闕則千門萬戶當夫草暖波香鶯囀燕乳煙花北渚之遊鐙火新林之浦盧家則玳瑁爲梁段侯則夫容作柱妓彈銀甲之箏人擊珠絡之鼓莫不流連羈屐逍遙幕府家家柘枝之歌處處鸚鵡之舞何華表兮歸鶴騰荒城兮屯虎走白馬之荒寒鬱青虹之激怒徒見蔣侯之出盪

不聞平湖之開土能無怡賓客之賦金陵哀步兵之登廣武
乃爲之歌曰王公設險資控馭兮峩峩石頭雄且踞兮江流
湯湯逝東去兮六朝紛擾誇割據兮經營草昧終逸豫兮君
臣昏駭天不曙兮衝車忽臨走匆遽兮孰險之恃惟德之預
兮寒陵片石誰可語兮

孫供奉殉節賦

吁僑乎有唐之養士蓋三百年當此中原鼎沸九廟飛煙當
必有忠臣烈士擊朱泚而腦裂同睢陽之齒穿庶判刃者不
假家人之手而聲罪者無須諸鎮之權何奸奴之肆逆舉搖
尾兮乞憐其覆滅有似懿公之使鶴者而反疑君子之不爲
稷乃史記孤忠傳標獨行供奉名官緋衣賜姓痛朝宁之無

丁六

賦鈔

二一十五

金陵叢書
蔣氏校印

人俯御階而殞命報君一死漫云莫四朝三簷爾六臣一樣
含生負性蓋以鸞輿播徙鳳閣凋殘當朱三之迎駕值鄭五
之罷官何山賓之巧慧紛角觚之異觀已呈弄狗之戲仍賜
神羊之冠博君王之一笑丁時事之萬難俄而劍及寢門矢
穿廟屋斯莽何人斬充奚贖朕名狗腳誰援結韉之危官烟
羊頭莫救清流之酷歌楊柳以傷心對鷓鴣而側目初心已
負奇兒莫念予家寶器空齋債相偏憂赤族而供奉以爲食
其祿者必共其亡榮其寵者斯同其辱恨不能攫奸賊之心
磔凶頑之肉而猶狗苟蠅營蛇行蠹伏當年拜謁曾邀故主
之寵憐此日官階再辱新朝之妾僕此固禽獸所不能堪而
亦猴部所爲之愧慙也遂乃哀鳴跳躑奮迅激昂謝舊時之

伴侶報優寵於君王撲殺此猴爲裂冠毀冕者戒予嘉乃節
爲蒙而易心者防惜諸臣之獎篋更無人兮辨亡此昭諫賦
詩尙傳譎諷而子京秉筆獨與表章嗟乎犬能殉主冤瀝遺
孤雖亦從亡歌傳變徵緬鸚哥之問訊聖駕關心悼舞象之
銜悲金牀嚼齒胡委質而策名獨冒羞而蒙恥操勝算於鼠
狐包禍心於蛇豕瘞秦坑之冤血難分鳳胃龍孫勒燕石之
豐碑盡屬貓兒狗子倘令汗青照耀畫此獼猴問他金紫充
庭是何蟲豸獨是唐之亡也甘露變而國本坐傾鳳翔劫而
神器不守啟忿兵於鴉兒餒殘肉於虎口孰灰釘之書罪惟
緇郎之戎首徒令蓋臣興盡足之響高士結冥鴻之友俾供
奉之殉節增亡國之可醜是以哲王之御世也激士氣之不

丁六

賦鈔

二一十六

金陵叢書
蔣氏校印

揚而樹宗臣於厥後
哀冬青賦

宋史至揚非有廷真附之諸陵取金寶千載令人髮指
志是唐林二知義士朝慷慨激發不發者多藏厚亡諸
惟是唐林二知義士朝慷慨激發不發者多藏厚亡諸
楊廉夫承心如盤諸夢作因傲其體賦哀冬青一篇
試登高邱立而望之見夫密葉陰翳繁枝糾結水澌回文霜
皴斷節籠苦霧而青舍引愁雲而翠疊上有猩聽之巢下有
狐兔之穴地阻荆生風高壤裂牧童敲火石損龜跡樵童斫
雲苔殘馬鬣詢諸野老曰此唐義士瘞函之所而宋帝后之
零骸斷骨賴因是以不滅慨自鵝飛翟道鵝唳津橋毀始述
夫虞虢禍終烈於金遼已受姪臣之欺侮徒聞和戰之紛曉

朱囑招魂舟痛餘鱗之覆白翎滿地識成馳馬之謠何僧魔
之肆逆更金玉之爲妖似溫韜之盜竊同石虎之攻剽鬱鬱
龍眠木乏鞭尸之怨愆慮狐搢竟來飲器之嘲嗟夫咸陽炬
後宮闕荒涼河東賊來寢園狼藉伐千章之拱木於採樵埋
百尺之銅駝於荆棘山飛鬼哭駭堯影之宵紅地老天荒閃
莽光之夜碧石馬無立而不嘶山魃匿影而悲泣固已煙景
蒼茫塵沙委積百靈無趨衛之儀半壁有餒而之惜而況重
遭暴露罹此毒咒白日愴兮黯黯霹靂震兮洶洶銀棺悉剖
珠網誰封魏安盤之柶書競慘秘本店昭陵之玉匣共覓奇
蹤金棗出兮土封築築銀蠶死兮塵化蛩蛩驚憫體之似斗
惜寶氣之如虹石汗模倣兮作青雨腦骨消瘳兮敲銅龍莫
救倒縣之苦終離無首之凶悲夫昔日之出乘黃屋入居黼
帳揮灑風雲驅馳將相銀榜題旌珠宮送葬筋注神麟尸含
玉象營金粟之瓊堆醫東園之秘藏虻脂然續命之鐙犀弩
伏長埋之匠莫不委骨道旁置棺陌上豈江陵之道消抑洛
下之淪喪何鬼雄之無知莫妖寇之能滋又若楓宸待月椒
寢涂香乘金輿兮玉輦服螭紐兮龍章田有脂澤之賜老築
溫柔之鄉誓先驅夫螻蛄隨委化於星霜或因山兮成隴或
陪葬兮同昌亦復魂銷錦勒骨冷雷塘環珮空歸難填恨海
瓊田大去莫問苔牀則有鏡水幽人稽山逸妾痛遺骸之星
殘感食毛之恩厚佳城已壞於亡羊奇節遂成於屠狗喜昆
陽骨豨鼠璞難分幸祁連冢虛蛻龍歸手棺裁委宛之桐樹

丁六

賦鈔一

二二七

金陵叢書
蔣氏校印

鮮穀林之柳懿石柳之留銘志冬青於不朽別有營魂竹夾
晦迹藻鑑埋燭灰而塔築更煮黍而覆甬鑄就銀牌共喜生
番可賄搗來石匣方期彌勒同龕惟冬青之幾樹作華表於
橋南響乎蒼梧雲密枯竹成斑望帝魂歸春心不化空餘鐵
幹伴文梓以蕭森儘有繁花添棠梨之開謝誰澆麥飯隴頭
芳草年年愁殺春風枝上嘯鴉夜夜遊子過而留連山人醉
而枕藉異西陵之松柏比長安之楸檀翠籠朝日更鴉鳥之
趨朝紅挂夕陽惟見牛羊之來下然而古今同盡悽愴何爲
君不見青衣行酒紫襖飛灰遷懷愍兮異域居重貴於荒陲
雪簪有攀髯之慘欠天無返骨之期縱風灰之可颺竟鏡槩
之空歸則此日之崇柯歷歷荒冢纍纍猶得分一杯於京邑
奠卮酒於遺黎以視憫筋縣廟瑤首爲杯拾昭明之脛骨掘
霸先之頰髭歷腥羶於武庫始歸瘞乎山澗元以宋理宗頭
收貯大內明太
於祖洪武中始
金陵聚寶山倘九原之可作而亦又何悲且吾聞漢臣
進言南山有隙宣尼祓訓古墓不墳吳季子曠懷誰佩楊王
孫棄葬幾聞驪山發徒瘞冤氣於關隴茂陵徙戶灑秋淚於
河汾宜遭磨劍莫解救焚銀雁金鳧列人間之寶玩土雞瓦
狗怨千古之斜曛獨是葬枯骸而四國歸心移孤冢而薪洲
入夢彼阿婆昏暴且傳守護之仁即蕭衍窮凶亦抱掩埋之
痛以元祖之龍德騰驤彫姿英縱空貽佞佛之譏莫懲犯陵
之眾靈風卷旃虛傳止殺於角端亡國惟僧豈獲來儀夫祥
鳳乃爲冬青之歌曰桐棺三寸閉幽宮陵戶豐碑轉眼空老

丁六

賦鈔一

二二八

金陵叢書
蔣氏校印

閱興亡孤幹碧飽經燹火劫灰紅鼎湖龍去弓何在樂水和
存事豈同惟有樓霞墳上樹南枝終古鬱蔥龍又歌曰土花
深鎖碧雲涼腋有蚪枝宿鳳凰莫怪子規嗚恨切五陵佳氣
總茫茫

續哀江南賦

遜國之禍首難者齊秦也舉李長隆以致覆敗且匿敗不
奏者黃子澄也誠死不足贖獨其一死爲可矜爾然則削
奪之計非與曰計是而謀之者非其人也燕王雄畧頗類
高帝北平兵馬強盛置三護衛選高僧術士以佐之故道
衍得以濟其奸媒袁琪得以逞其邪說帝嘗謂肅清沙漠
者必燕王也工部進諸王宮殿圖式詔惟燕王因元舊都

賦鈔

金陵叢書
蔣氏校印

餘不待準此則帝意固在矣特沮於立孫之議耳少帝
仁柔守文有餘戡亂不足燕王以叔父之尊據上流之勢
快快非少主臣誠有如谷氏所謂削亦反不削亦反者竊
嘗取當日之事反覆論之謀之不臧有五失焉善乎賈生
之論曰眾建諸侯而少其力使齊秦憶東角門之言當帝
諒闇諸王奔喪傲周公居周伯禽居魯之例優以厚祿賜
第京師宰割河山分王子弟則弭患於無形禍消於曲突
計不出此而詔止奔喪致生疑貳其失一也周齊岷湘谷
代或無罪見廢或舉室自焚使燕王師出有名以清君側
爲藉口其失二也齊黃處心積慮所欲甘心者燕王也燕
王來朝行皇道中御史曾鳳韶劾王大不敬縛之一錦衣

力耳不以此時仲老溲之誅正淮南之罪縱虎歸山噬臍
何及乃欲藉張曷謝貴圖之削奪護衛速譴官屬道路訛
言人情洶駭使燕王得肆其謀其失三也靖難兵起血戰
三年僅得數郡然殺傷亦略相當誠使命宿將駐山東絕
臨清之餉道過滄州之游兵堅壁清野出奇制勝則師老
糧盡亡可翹足乃炳文氣恭景隆乳臭舉百萬之師土崩
魚爛雖盛庸有東昌之捷鐵鉉有濟南之拒庸有濟乎又
下令軍中無使朕負殺叔父名燕王益橫行無忌諸將相
顧莫敢發一矢其失四也燕兵已至泗上宜詔天下勤王
扼江拒守而方正學以爲長江天際勢難飛渡方與帝議
周官興禮樂景隆罪大赦而不誅復使守金川門景隆卽
開門以納燕王其失五也有此五失不亡何待論者徒欲
追咎齊黃謂削奪之謀事同量錯則誠闇於當日之情事
也且卽使縛齊黃以畀燕軍其能歸老落封晏然而已乎
少帝之崩宮中火起當時指后屍以實之而建文朝野彙
編謂帝從鬼門出與諸臣會神樂觀易僧服居滇四十九
年歸葬西山不封不樹雖傳聞異辭要亦公在乾侯帝如
房州之義也從難諸臣自方景鐵練諸公外咸嚙齒穿齦
視死如歸然瓜蔓之鈔象奴之配何其酷也無亦韓彭趙
醢作法於涼抑殺運方殷天心未悔與觀於榆川寢疾量
清爲崇銅缸燒覆高煦效尤天道好還曲而當矣往王慈
兩考功嘗作此賦予時亦有所作然辭義淺薄有君才十

丁六

賦鈔

三二

金陵叢書
蔣氏校印

倍之歡距今十載復爲此作匪云角勝聊解昔愆未知慈
兩見之以爲何如也

古先詰王推同姓之恩篤維城之誼時平錫其衰黼世變資
其藩衛三代以來未之或易秦并天下奮其私智剪滅宗親
髡跡兄弟漢高乃逐中原之鹿收孤秦之弊割膏腴王善地
而侈踰不法殃禍相繼故賈生進流涕之言主父陳削弱之
議東京之末掃地盡矣操丕父子得以召號諸侯窺竊神器
其後典籤操生殺之權誓佛隕王家之涕唐以藩鎮亡宋以
州郡替無曰封建非聖人意也明高皇起自布衣削平禍亂
卜龍虎於金陵畫麒麟於甲觀策勳無黷鼓之俘還家有歌
風之歎懲元裘之留餘懼邊陲之啟玩惟青雀之類予知黃

丁六

賦鈔

三十一

金陵遺事
蔣氏校印

須之獨冠爰披督亢之圖詎割燕雲之半封河山之如礪選
羽林之精悍異僧則難自請行強相則周昌已換統兵無異
於廣平捐軀不聞於衛瓏青宮遲博局之投白帽擬拍張之
費俄而文惠先亡昭明不祿撫半月以傷心望前心而慘目
爰立太孫俾作元牧通博望之交遊選高齊之言囑對日近
而納聰撒畫邪而進讀南風詎傳其教令吳質不載於絲籠
桓鼎湖之厭世閻沖入之抱蜀即位同於樞前委裘異乎遺
腹朱虛侯之勇決地居宿衛彭城王之尊重禮宜入哭奈何
思小忿廢懿親已置楚王之獄加速淮南之臣建議者懲黃
屋之已事唱言者多白面之經生既無蕭愷之慘酷更異湘
東之度倫而詔書旁午行路酸辛耐何金而國失請何火而

社焚徒使拊心切齒者謂孝陵之抔土猶溼原廟之衣冠尙
新弱者觀毀而踰伏強者挺死而垂青照甘泉之烽火飛海
水之埃塵舉事直同於兒戲流毒將及於搢紳哀皇孫之竟
啄成飛燕之高振方燕王之起事也瓦墮青鴛星移米味擁
鑪則李昇陰謀流粥則宣王語謬誣例三百冠盡鷓鴣蒼頭
八千甲皆刻鏤陳嬰之母譏天命之有歸上官之徒挾中朝
而交構然窮鳥思搏困獸猶鬪兵刃交於胸腹蟻蝨生於介
冑誠使燒梁王之反書罷膠東之斥候責以高帝在天之靈
示以錢俶來朝之奏許裂地以分封等議親於在宥此而封
豕無厭投龜有詬營門而細柳勞軍鉦鼓而天王啟狩六軍
唱破斧之歌萬戶賞生頭之購而良弓摧折誰爲豐沛之狗

丁六

賦鈔

三十二

金陵遺事
蔣氏校印

屠大樹飄零無復蕭王之勳舊將兵者非莫敖之趾高即趙
括之乳臭是猶柴入煙中而餒肉飼獸也然且長圍暈月飛
礮驚雷七萃之勁旅咸集六郡之良家並隨連營有常山之
勢孤城同累卵之危楊無敵之先登陷陣蕭摩訶之斬將率
旗士超距而思奮帥貪功而後期牙泉鳴兮鼓聲死楯雲壓
兮兵氣衰昆陽之虎豹股栗武安之屋瓦齊飛彼則歌蘭陵
王之破陣此則同九節度之潰師猶復張皇虛笑遷延巧辭
進庭闈而鼓琴勒燕然而樹碑慕萊公之飲博學安石之賭
碁蘇綽頌其大誥叔孫制其朝儀雖獻東昌之捷俄告濟南
之圍神牌敢擊鐵板徒施歸先軫之元凜然生氣送虞歌之
殞悲哉死綏一朝解甲千里與尸浴矢尙傳其白肉禮殤應

首夫阜旂且夫大仁之列不講小慈削籍業齒於虺螭得雋
宜戮夫鯨鯢胡爲乎小白之鉤已中而仍卻鄂公之槩垂及
而復疑擒頡頏利者十盪十決而猶恕求丑父者三出三入而
莫追豈寄奴王者不死抑曹社鬼謀實欺矧都尉降而腐遷
極刑猶亭敗而葛亮自貶所以申槃水之誅慎凶門之選景
隆喪師辱國既非若耿弇之垂翅於迴谿更非若房瑄之促
戰於青坂乃既飽夫毒拳復倖激夫寬典本無曹沫之劫盟
猶冀孟明之激勉嗚呼何其舛也繼而樓船蔽天而下木梯
沿江並浮苻堅投鞭於淝水佛狸飲馬於淮流猶得增戍青
塘設伏覆舟斷臨平之鄉導修北府之戈矛而韓擒虎之前
鋒已陳朱雀陶士行之勤王空頓石頭議者徒以長江洶洶

一六賦鈔一

三三三

金陵叢書
蔣氏校印

勢難飛渡漆城蕩蕩詎與仇謀割地亦有延之策緩師無可
借之籌月慘風悲酌長星而泣下山飛鬼哭望晉井而生愁
迨縣門啟於正德降表送於譙周悲赤燦之一怒痛熨熨之
空雷鐵檻煙飛事殊易京之火鞠衣羽化地異齊雲之樓於
是天地蒼茫神人慘黯德昭既死枉哭癡兒曹后自焚就加
褒服聞道頗切於范雲禪詔未成於陶穀當叩馬之遠巡始
謁陵而信宿自如三楊之功業爛然瘞夏之經綸滿腹莫不
首送金牋潛移玉軸九賓設司隸之儀三日效都亭之哭小
韓莊子衰麻入朝呼成王而植髮竿聳書篆字而酸眸電搖
十族併命冤聲動霄孔北海之見收覆巢無卵袁愍孫之死
節門生並梟旣已絕夫書種夫何恨乎地妖獄景公舫舫御

史初委蛇而求濟繼從容而就死血爨衣紅星凌座紫割姜
維之膽大乃如升納宏演之肝忠原見袞指合馬之人皮漬
鹽齏之灰水何驅設之高張尚驚跳而不止搏膺則大厲宵
驚界火則長虹畫起尚書之鐵百鍊精剛恥鄙生之置鏹小
樂布之趣湯骨已糜爛魂終倔強胡屍香兮七日不頭隕兮
三王怒揚灰而置溷激雷雨於天閭懿鐵鐔之芳躅終嬌美
於皮場貴池引決徵兵拜明傷翟義之事已無成知皇甫之
妻能抗節冠纓絕羅刹之磯石景沒秦淮之血天高而草殺
紅霜風起而濤驅白雪流屈子之沈冤鼓胥山之英烈他若
劉瓛之抗詞連之詰讓中山書鐵券之坊駙馬釋雲臺之
仗練右軍之探血大書卓侍郎之臨刑高唱亦復血雨橫飛

丁六賦鈔一

三三四

金陵叢書
蔣氏校印

肉雷呼杖骨可炙而焦臭終甘項已殊而罵聲猶壯列黨人
之姓名榜慶元之罪狀溫舒則五族同誅張儉則萬家淪喪
東門之犬走倉黃華亭之鶴聲悽愴驚大鳥之臨喪歛青蠅
之會葬匿王成於酒家殺戚洪於座上孤兒絕乳渾之流賓
客引薤歌之續黃巾恨其起遲白馬流其骸憐冤山夜哭金
鼓悲鳴憤水宵騰魚龍激盪彼飼豬之學士同賣友之廊況
一則爭光日月一則貽羞糞壤別有習班昭之禮授宣文之
書玉臺妙質璇宮麗姝或充教坊或給象奴才人有廁養之
嫁玉兒驚守卒之汚郭淮之妻從坐文徵之女竟誅河滿不
能以贖死漆室無端而并輪鏡飛天而月死玦委地而星孤
鮮不磨斧畢命飲刃捐軀墜井底之銀瓶墮樓頭之綠珠地

號全節山名望夫文梓鴛鴦化冤禽而對語羅帶映蝶抱女
貞而立枯毒誓曷慙於斐姊清修并美於皇姑然而考流傳
於心史采異聞於家乘則謂后相奔縉襄王居鄭齊發章之
避難依史仗而灌園魏元明之出亡就洛兒而反正皇覺之
故物猶存金匱之秘文前定廬陵內吳鸚鵡之夢誰占野井
倉皇鸚鵡之謳已應方其齋僧牒出鬼門捨身竟符羯磨大
師已號合尊宿命之藥餌免難子家之羈縻從君烏江則艤
舟覓渡姑孰則雷鞭有邨傷杜宇之大去孰蛟龍之敢吞玉
輦金輿尚識紫薇之象齋魚粥鼓空傷朱噶之魂遂乃規金
馬之遺墟隱白龍之高閣派荆襄下巴蜀聽南海之潮音漱
匡廬之飛瀑晤動舊於天波醮亡臣於鬼籙嘗新誰薦其嬰

丁六

三二五

金陵叢書
蘇氏校印

桃強飯漸安其脫粟殘山墜水年年望遠之心細柳新蒲歲
歲傷春之目感切鴉朝悲深魚服雷雪蒙頭天花繞足一蛇
之割股先亡五馬之渡江不復直至鮑載沙丘風摧榆木今
而後莫孑孓也而乃憐孤死之丘首味烏丘之遜荒易象甫
古天歸妹詩獄連發於應祥派金陵而直上頤歸骨於高皇
於時宮人之白髮已盡江令之黑頭并亡洛陽遺民猶識天
子國中竊盜儻詐三郎惟子鵝之可據亦赤燕之頗詳恸哭
遑聞於承業孤忠何異於呂璫奉宮中之老佛選廚下之齋
嫂史皇孫果存置辰園而禁地淵聖帝如反奉宮祠而願償
枉博桐棺之三寸嗚哉多奇之一行於是傷今弔古者謂東
南之三氣黯然金陵之山水浮海故奉春建策於關中光武

中興於河維北平氣挾幽并風行沙漠據飛狐之上游摩集
烏之男削津通析木碣石壯其波瀾山湧琅玕巫閭通其鏢
鑰使高皇探滅代之貞符破立孫之成約簪符真君璽歸日
角則再傳靖元武之兵四海享郵庚之樂乃昭鑒有錄無教
侈踰南昌徙封竟成落度是潛龍已咏於高貴公而輔孤猶
望於慕容恪雖天運之使然亦人謀之不若也獨是蕩陰敗
續喋血僅傳紹雅青衣行酒執節惟聞允岷倬諸臣之殉難
經百折而卒仲可以貫金石泣鬼神蹈海信天下之士避地
亦蘆中之人年號已削而猶在國君雖危而獲存蓋尊賢養
士之隆於此收美報而參夷連坐之慘無以忱貞臣天象昭
回遊乎悠哉古無不亡之國臣有必悍之苗吾獨悲夫議燕

一六

三二六

金陵叢書
蘇氏校印

事者有袁絲量錯之忠而無良平應變之畧有平原常山之
節而無伊霍託孤之才機事不密嫌疑遂開等道旁之築室
詎藩封之禍胎過荒祠而下拜暗遺觀而增哀聊綴文以傷
往庶垂鑒于方來

述夢賦

歲陰在攝提格薄遊京師涉冬與范蘭君南歸道由涉南
夜夢至郊外松栝翳天風冷冷吹衣耳目所接殆非塵境
藉草坐良久取逕入見古墓道豐碑屹然題曰杏孿公主
之墓循碑摸字漫漶不可盡識約畧公主尙駙馬都尉某
情好甚篤踰年駙馬卒主思慕成疾以年月日葬其地存
時愛玩杏孿墓前種杏百株精靈仿佛翔泳其下因爲詩

以弔之曰玉顏空自委泥沙無復金錢柳絳紗歲久無人
庭草綠春風吹落殯宮等別有句云病中佳節逢寒食客
裏春愁爲杏筵醒時荒雞亂曉燈幢幢欲死噫嘻其妖夢
與抑古有其人書傳失載與予感茲夢之異客遊四方先
二月必倍道歸里距今年矣徵驗杳然殆無足據然人
奇詩奇時往來於心不能去山空無人百感交集追述此
賦以貽世之選事者其辭曰

客有漂泊他鄉蕭條鬢霜夕馳精於柳谷朝弭節於扶桑心
魂魂而無主氣暖暖而不揚時冥默以思睡忽轉爲而迷方
遊化城之窈窕踐幽宮之渺茫地異樛里人同杏殤送宮車
於西子歌薤露於北邙葵首則碧落成字隴樹則紅簫幾行

丁六

賦鈔一

三十七

金陵叢書
蔣氏校印

新息有桃筍之廟東海有石橋之坊歛魂悸而魄動終惘惘
其難詳何代佳城何年兆域長松偃蓋芳草如繖馬鬣塵封
繼跌薛鮪羅帶化彩蜺俱飛華表共金蠶一色棠梨則歲歲
清明麥飯則年年寒食若非湘水之墳即是槐安之國想其
玉簫引鳳朱郎乘龍選金張之才望襲梁竇之榮封何平叔
湯餅初沃衛洗馬羊車乍逢屏開孔翠帳撒夫容列炬而春
星亂落吹氣而瑤華并穠莫不卿卿喚女呢呢憐儂妝壽陽
之嬌額寫南陵之妙容朝朝綰帶夜夜歌鐘俄而玉樹先凋
舜華蚤落王喬無駐景之方韓重鮮長年之藥月死珠沈盤
傾露潤桐是孤生草名獨活感大夢之同歸愴夜臺之寂寞
紫玉煙銷上陽疾作蘭煎心而立槁萬折絲而脆薄灰身驚

丁六

賦鈔一

三十八

金陵叢書
蔣氏校印

藥店之龍病羽墜青田之鶴遂乃鸞旌引緋鳳字書牌黃腸
題淚碧玉橫塔榆沈地溼柳翠風霾深深玉葬鬱鬱香埋平
陽之珠補玉匣同昌之鳳導鸞奴蜀郡則山精照鏡任城則
石像磨崖恥聘殤之非禮諒同穴之無乖種以紅心之草樹
以青葱之槐文梓則鴛鴦并宿鬼等則蝴蝶分排惟杏筵之
幾樹尤賞心之夙偕當夫白粥煎春紅么唱晚幽徑等開重
泉骨暖儼環珮之來遊訝精靈之密款雖無碎錦之坊猶是
望鄉之館憐翠袖之痕輕惜朱顏之命短白楊徒見其蕭蕭
金裘漫歌其纂纂菖蒲無照夜之花松柏結同心之伴冥漠
君瓜瓣猶存女郎墳菟絲不斷亦復鵲橋血枯魚鏡照嬾碧
暗葬低紅稀雪滿踏青雷玉女之鞵惜別贈清河之盃嗟夫
寧何春而不豔人何代而不陳樂昌已泣分鏡秣廟徒聞解
神下嫁誤傳於柔福學仙何補於玉真劫盡則天仍倚杵沙
飛則海亦揚塵已瘞孽前之玉空傷地下之春倘未忘結習
再激風輪縱結蓮華之舌終成蕉葉之身故陳思王有平原
之哀誄溫子昇有常山之册文惜通誠之無自諒含情其未
申亂曰有美一人兮鸞鳳姿楊柳芳兮珮金芝香心委地不
自知東風吹雨涼絲絲手執杏筵紅一枝天容浩蕩不可持
帝遣巫陽下招之玉馱騰疾驟文螭醒來惟見鏡照帷青春
受謝白日馳欲從靈氛問樵龜新宮一銘今始爲口香三日
風徐吹不逢董奉當語誰

東海筮遊賦

槐簷子示人以杜德機而窮燈孤寂之士輒走相依歲晏景
短燈殘酒稀如子頭觸屏睡而譚聲猶達乎鄰扉主人益愧
際自失欷歔不怡懼繩身於微繹思游心於太虛相與窮天
地之終始觀大海之歸墟往諷城南禿翁曰吾聞濛汜之谷
是曰嶠夷眾流總匯百川委輸宵昃不測淳泓不淤燭龍銜
曜扶桑景翳青陽元囂帝臺所居黃能白馬埤淵是樓遠則
開母紵嶼近亦夫餘句驪而若東莞琅琊青徐登萊則蠧封
之寸垓流丸之甌夷其山則菌嶒嵒崑盤嶸鬱紆蒼梧極天
日月蔽虧導以白虎招搖參旗馬耳崩芳鎮於三虛龍駕游
牧周王所嬉聖化醲郁厥名祝其女娃既僊冰蠶餌絲鼈負
鵬運采騰骨飛水則激滯洶湧齋淪漣漪浮天無岸汨日并

十六

賦鈔一

三十九

金陵叢書
蔣氏校印

低陽夕晝然陰火夜烹秘怪騰涌昏見晨趨靶首紅袂天吳
閃屍牛魚見頭乎七日紫蛙應節乎三時東海神君淫於葛
陂桑墟龍窪而爲湖互以玉帶濯乎薔薇斷流絕港磯磯石
磯驚沙起伏隨潮轉移仙鶴孕字白羽禱禱天鵝鷓鴣風靡
雲披灌木叢生葭蘆猗猗誠僊靈之窟宅乾坤之奧區吾將
振行來之衣駕彌戾之車繫蒲神之馬釣任公之魚而未知
所決也子其爲我筮之城南禿翁啞然笑曰嗚呼噫嘻有屈
必信其龍性也有棲必擇其鳳德也乃鑽朽甲撰靈著遂攘
袂而大言復攢眉而若思曰三陽一陰虛而委蛇陽正乎兌
陰麗乎離息卦既濟和說且來上六大雪成裝勿需茲行也
不諧乎恆幹不豐於旅資而獨利乎山澤之講習文明之羽

儀惟是子有么豚暮鷓帶女小妻恃子以飽糠粃靡友以託
調飢徒恃文筆爲鋤耒研田爲菑畚胡爲乎去其故土舍其
生徒收責於不田之租未墾之腴風撼撼兮捲屋雪慘慘兮
戒塗矧子無翦水之鞭行山之標劍羞澀而難賣杖支離而
莫扶彼沃焦之僻壤僅鯤壑之一隅儻賤今而榮古逐臭而
鄙儒亦惡能縱子之所如槐齋子曰唯唯否否夫千里之蟹
能鬪虎螭者其跪異也百足之虻轉憐夔蛇者其性殊也繁
惟東海襟淮帶徐蒙羽其藝神功禹苗秦并郡國東門遂開
炎靈置相桓君樹碑其人敦節義習解推歲荒而不徙地廓
而不治田橫尙氣賓客并隨少微一慟聲與淚俱化人之國
君子之餘有崇文服武之遺焉言乎文彥則前有鄭國徐淑

十六

賦鈔一

四一

金陵叢書
蔣氏校印

後有李育繆襲彬彬焉各奮袂而揚祛若李中碧雲季珪述
初青天白日之鈔太平清領之書譬婦人之與龍伯搶榆之
語鳳雛至於揚椒聲陳桂醕則有畱道子之絕纓魏將軍之
死殺李白歌其勇婦于公表其孝閔磨笄之女墮樓之姝竹
孤生而同死樹相思而異株家不勝載史不備儲矧五緯之
相汁迄文明之誕敷沐浴歌咏珮玉瓊琚起家陽谷之地著
作承明之廬吾方媿夫釣菴之客屠龍之朱而又何疑乎彼
都若乃箭張酒趙大阻賈胡熬波出素散雪霏霏哆口流電
車聲殷雷狡童妙伎靡顏膩肌酌蘭陵之醇酌歌陵娥之豔
詩歡樂未極白日倒馳鬪編錢於四姓麥列肆於三衢繡壤
鱗錯諸河決渠雖有椎埋之私販帶刀之勇夫曾不足以芥

帝夫且化乎堇茶豈予之往也而睢睢而盱盱獨遺榮而集
 枯抑吾聞之海濱所產則有金膏水碧木難珊瑚海月玉珧
 璵璣碑磔泉客卷縮鮫人淚珠東方不灰之木虛生九節之
 蒲博望所不識婉妗所未圖希世論價騰天燭輝洵蕩心而
 駭目非吾人之所希若夫王餘比目琵琶玉顛雕鏤蛤露
 鵝晨魚山廚烹到柔以醬醯侯鯖味薄易牙口吐雲臺碧粳
 僮陽玉蘆苡實的確粉粳糝濡信足以果老饕之腹而蹴踏
 乎羊園之蔬矧乃胸山之陽吾宗庇焉是為鄧林之別枝澆
 金之地吾友在焉如成連之訪師郴州以外則荒忽怪變不
 可端倪亦可以釋煙霞之痼疾訪鸞皇之逸委予曷其吉卜
 而亦又奚疑然則我黼子珮前喁後于城南禿翁曰噫噫余

丁六

賦鈔一

四十一

金陵叢書
蔣氏校印

病未能也子其行乎遂乃挈門生短奴挂片帆之如席同稅
 駕乎臨胸

玉屏山賦

旌川之十八都有山歸然而高頂如截玉是為玉屏五金
 七寶不可名狀誠有如昔人所謂重葩累繡連璋沓璧者
 其下則汪氏聚族而居焉余書堂適當其面嘉其林翠遂
 美松竹陰翳乃為之賦曰
 偉哉造物之賦形也自安吳以迄乎沙城其山之盤衍突怒
 者如甃瓴焉如鑿肩焉莫不含光吐靈採藍挹青而化工之
 雕鏤煥乎若昆刀之發劓乃乞龍杆於天女張黼屐於帝庭
 割闔風之半臂規藩臣之一星懿茲山之拱列獨高枕乎玉

屏徒觀其回惑雲漢提掖日月象緯綴其縵旒天門敞其羅
 闕啟六格之玲瓏引八窗之通達決黃海之藩籬表鳧山之
 裔末既鋪張而排比亦麟隱而軼葛其上則風篁寫韻蚪松
 守神菌蓋青縮琅玕碧斂亂飛空之藻苻疑畫樹之長春碧
 澗肪流紅泉矩洩懸界道之龜絲繡折枝之猩血何石鏗之
 累棋又跳珠而濺雪聚為墟落田廬沃饒繕房匠而炊煙亂
 飄神魚浚潛匯為雙橋家種藍田之璧人指玉衡之杓珮金
 璫兮蟬翼飾文疏與碧寮舒流黃之纂組歌陽春之踏搖鸕
 鸞簇其錦障孔翠戲乎蘭荇時則朝曦曉曉容林表散旭火齊
 葩流林榴藻緝石碎釘瀉落纏牡綠萬笏衙排千巖笏束轡
 鳧旌而陰羽牒錦暉而象軸茲山乃蔭庇左右安弛頭足肖

丁六

賦鈔一

四十一

金陵叢書
蔣氏校印

旅櫺之臺門列疏屏而相屬要眇便娟蛾眉翠妍卷幔而流
 蘇振采倒茄而夫容競鮮脩月斧之奇骨削瑤華之舞肩儼
 璧人於甘后騰寶帳之輕煙抑平陽之賭射架綵屏於半天
 萬壑喧騰山腰雨來歎飲虹蜺篆刻雲雷拭浮塵於女兒寫
 明妝於鏡臺譬洗頭之玉女倚屏山而低徊翫琉璃之碧滑
 盪水墨而煙開扇雲母之輕薄翦龜甲之毯毯彼怯風之滿
 奮曾何語於玉山之頽夕景淒迷秋容窈窕樵煙景孤蘿逕
 攀小宿巖下之歸雲沒長空之飛鳥霧縠青蒼霞綃赤縹何
 予美之亭亭獨迴翔兮雲表宵光爛銀燭之輝殘燒蕪薰鑪
 之燎時而玉戲從以萬妃凝酥粉霏奕芳霏燭以夜明之
 簾覆以皎綃之帷儼織女之戴孝紛霓裳兮縞衣悄共工之

頭觸想鄰侯之骨飛忽張眸而啟悟又晃朗而騰輝嗟肉屏
之粲玉徒列錦兮四圍宜乎開陵陽之戶隔萃儒林之淵藪
通水晶於馨溪射奎光於牛斗瞰丞相之郊居煉子明之丹
白美高閣之鴻文并官書而不朽金泥探册府之藏玉簡發
靈威之守且夫積之厚者其光熊熊其聲玲瓏其氣如虹故
曰玉表君子之德屏有古人之風彼夏侯之妓衣曾不如吳
隱之之竹籬者亦其所樹立不同也茲山也亦絢亦素匪雕
匪礪吾將汁耶谿之鐵烹首山之銅發奇光於太璞染丹青
於畫工相與枕藉乎硯屏之側而寢饋乎書城之中儻山靈
之無媿庶澡雪乎吾躬

洋川觀賽神賦

丁六

賦

四十三

金陵叢書
蔣氏校印

洋川俗多種痘其神曰孃孃先期各爲紙輿飾以綵絲窮
極工巧一輿可值百金凡十數輿擇名姝美女昇之羽葆
蔽日歌吹殷天謂之送孃孃士女雲生貴紳畢則焚諸橋
南金燄紅輝照爛如畫誠天下之鉅觀也迺爲賦曰
槐簷子倦遊蓬萊棲神澗阿夢惟蝶引庭可雀羅故人乃折
瑤華之簡賦考槃之邁濯我以薔薇之露坐我於海棠之窠
其日則舉室浴蘭傾城踏莎符珮赤豆馨名曼陀如設無遮
之會如鼓幔亭之歌如觀潑寒之百戲如繪清明之上河請
龍異雩畢春匪儺僂提攜紕緞按抄踵不得旋肩不計摩
蕩心駭目其樂婆娑乃詢諸紫霄先生曰是何神與而香煙
如此其茲芬也牲醴如此其精純也羽衛如此其盛陳也人

心如此其主臣也先生曰然有之自吾先世之卜居安吳也
洋水導其源應山發其華玉虹環互金龍豁衍族姓蕃衍椒
聊陟瓜呀噉噉笑嘔嘔啞啞千百爲羣垂髮束丫厥有痘症
胎元毒邪患甚驚痼害逾麻痧乃擇靈苗取諸美茄漬以香
絮鼻孔自獻如穀出土如蘭吐芽黃俸發菽紅疑擲砂珠寶
的礫含漿落痲有醫者崙其利三世矣而惟神之吹生噓枯
揚靈振芽撒玉粒散天葩靈迹響應感幽被遐故尊之爲聖
母奉之爲靈媧其配食則有青帝赤帝白帝黑帝黃帝其名
號則有金萼銀萼棊萼桃萼杏萼神牌所之否則爲隱伏爲
陷窠嬰兒之木枯美人之面瑕不爲鷓鴣之斑卽成胡蝶之
麻蓋相傳者數百載而必誠必信曾無間於姊妹姊妹兄

丁六

賦

四十四

金陵叢書
蔣氏校印

家家槐簷子听然笑曰有是哉移人之習俗也吾聞五溪毒
淫男女同浴林煙瘴昏沸湯暑酷蠱嫁金蠶沙含水蛾飲博
德之孤軍曳文淵之病足是生瘡疔延綠經督流入中夏轉
成茶毒命跗所不詳越人所不錄封號不儕於祀典姓氏不
齒於僊籙其諸淫昏之鬼屠各之屬同劉豈之嗜痂等梅蹟
之掃瘴感其疾者則通體皆熱手足如楷閉則爲鹽菽之幽
潰亦豈嬰桃之熟其伴全者匪墨而黥不髡而禿似花門之
稜面肖無鹽之刻畫秦瓊難洗其箭癩漸離無故而矚目諒
土偶之宜碎何秋廟之可續先生曰唯唯否否子經生也烏
知夫天地之變異乎胚胎既分兩儀肇位猿猿狉狉濬泊純
粹人皆老壽野無疵癘天神人鬼而外五祀而已淳風既遐

情欲斯熾流潔無節胎教乃廢術豔容成圖陳秘戲觸河魁
犯齊忌感人疴孕鬼魅雖復瑞應紫胞祥鍾赤痣一旦毒發
倉卒不治靡不玉龍騎折童烏天萎風淒抱子之磚草墮離
孃之淚則茲之先事豫防無患有備雖若振宋人之苗摘黃
臺之蒂猶得準氣候之溫涼酌盈虛之藥劑故收功者什之
九短折者什之二且媼母佐帝瘤女偶齊葛亮但聞醜婦梁
鴻無取豔妻並情好無間蓋白親提今則惟夸玉色妙選金
閨桃紅雪白之咒七平八滿之儀其有縑成魚子黥點文犀
玉痕不滅癩髓難醫癩索楊妃之垢鼻傷楚國之嗚則歌同
芟首疾甚溫抵姬姜憫其憔悴有女痛其仇離而豈若同心
萬輶並宿雙棲家有綠珠之井人畫京兆之眉惟神之福惟

賦鈔一

四十五

金陵叢書
蔣氏校印

神之釐坯甄庶物姬伏羣黎婆心獨切嫺母並慈故凡有功
德於民者吾知其必有所尸也是宜與馬頭孃並祀而孃孃
之號可以意爲子必欲求其人以實之則張僊孟和也而何
以宜嗣亞子蜀神也而何以主文語敬遺忘何以爲血盆之
鬼神茶鬱壘何以爲戶牖之神泰山有錄事有伍伯而何以
冒孃孃之號大士爲魚籃爲水月而何以飾孃孃之稱槐眉
子曰神之靈則既聞命矣敢問紙輿亦有說乎曰有自山標
乘於神禹越橋始於淮南坐板輿之深穩奉溫輿之樂湛肩
輿則黃扉啟閭素輿則丹旒飾驂或兜或輦亦笥亦籃諒幽
明之一轍豈人神之異擔矧寓錢肖其輪廓塗車美其朱藍
嫁殤則有鬼媒之金帛啟輻則有誕馬之趨趨惟吾神之與

也亦猶是蓮花之座旃檀之龕方其召般倻鍵牖戶翦桃花
削箴箸縮地成圖量天測度集拳鳳以承梁起螭龍而支柱
築蠶房之樓臺疊螳封之竹樹蜃氣青紅鼇山彩素莫不紙
醉金迷花銜萼跼窈窕玲瓏參差回思累互結五朶之雲瓔
絡綴三危之露則有玉女憑欄踴人學步國是焦僥城疑煙
霧橘叟彈碁桐君抱布舟太乙而蓮輕孔修羅而滿婢幻鵝
籠之書生拖雞窠之嬰孺尙書已是漿糊閣老亦名泥塑胸
目疑招反脣如怒肉飛僊屏風上行水晶人紗籠中護鏡重
輪而孤月停空漚萬釘而明星奔赴別有魚龍曼衍鸞皇飛
渡綬吐山雞藥春仙兔棘猴果獻金臺水注翼拂玲瓏指彈
蠅誤射虞君之青蟲裝越王之桂蠹瓜牛尸豈觸之軍彩蜨

賦鈔一

四十六

金陵叢書
蔣氏校印

認羅浮之路各爭奇而鬪捷遂巧極而工錯蓋一輿之成也
百金露臺之值十戶中人之賦先期齋宿筮日筮賓擇垂髻
之嬌女如等之美人劉家之三妹何曹氏之大姑絕倫迎來
寶馬暫駐雕輪發聲而么鳳逾脆流暎而文儵動春銀漏沈
夜新妝競晨鴉黃乍貼蛾翠初勻蟬安髻髮燕動釵塵金字
銀泥之袂蕩絲石榴之裙春衫一色錦鞵二分長短合度纖
穠稱身花描體骨玉助精神若非漢皋之神女卽是九疑之
貴嬪及其昇輿而出也則燕燕相當鶯鶯相向歛袂疑羞低
頭學讓集向堂前扶來肩上蘇幕辭遮面紗不障步蹇澀以
偏遲瞻驚撞而漸壯錦繖前驅翠旌高漾間以繆旒從以綵
仗宮扇雲裁爐煙風颺同王母之簪等譬蔣王之出盪列輓

繡之千行，涼金衣之一桁。初諦視而審詳，乍遷延而卻望。力薄愁敲，心高欲抗。肌汗酥流，臉潮紅漲。戍削肩窩，月偷眉樣。十色九光，千態萬狀。羣瞻滿月之容，共說諸天之相。恍劉楨之平視，懼鄱陽之謔浪。歛婉婉之神儀，見悒悒之雅量。碧玉恥其輕盈，文君笑其跌宕。凡繞邨者三市，然後憩神祠而釋擔。焉相與樂福，胙之綢繆。聽師巫之高唱，乃擊鼗鼓吹鳳笙。洌清酒陳牲，其拜於堂下者，則金冠粹襟，花葆從橫。黃羅一襖，錦襖千紉。臂肥束瓠，唇的注櫻。阿買奇慧，衰師夙成。或名嬰兒子，或稱小晚生。皆神之生死而肉骨也，固宜若崩厥角。叩磚有聲，神之來兮。雲車風馬，神之去兮。孔蓋翠旌，君不見朱煙赫絕，金燄崢嶸。掩虹蜺，掣彗星，貓鬼匿影，山魃喪精。

丁六

四十七

金陵叢書
蔣氏校印

阿房三月之火，雉裘九衢之焚。蓋紙輿付之一炬，然後奏神絃以速神之行。彼夾河而居有榮陽氏焉，侮慢自神，匪虔匪誠。而陰厭陽厭，天殤屢驚。故吾之重勞不惜也，一以保護幼穉，一以點綴太平。槐齋子乃進先生而莊語曰：吾今而知神之靈也，抑吾聞之鬼神之盛，惟德之輔，惟人之聽。使酒脯可以賒死，則吳蒼何以司柄？使金錢可以獲福，則降衷何以言命？繫惟下洋之俗，有唐魏之遺焉。其父老子弟，亦惟是沐浴歌咏，胡爲乎氣骸是取，侈靡相競，向使移紙輿之費而敬宗收族，存孤恤病，助寒女之婚，貫名流之聘，掩骸而枯骨銜恩，庇廈而賜人得蔭，修常平之社，倉置夜行之木，槩吾知摩義漸仁。錫光篤慶，提戈印之都，媼誕旗鈴之玉，映慕毀祠之狄。

公信投巫之艱，令何事乎惟神。是倏於是，先生愕哈而不言。噉然無以應。

簾波賦

玉階苔輓，花無骨清。露溟濛，溼羅襪。美人含睇，下湘簾。一碧玲瓏，望新月。月痕角樣，簾影春波。微皴藻荇，亂蹴黎渦。烏絲斜界，紅雨交搓。頭花魂之澆漾，留香篆之婆娑。莫不潏回翠幙，宛轉久梭。香霧自擁，凝雲忽多。誤風雨之燕子，賺檐下之鸚哥。界疑城之一道人，咫尺兮天河。河漢迢迢，不可航通。辭幾度，託鴛鴦。空空積夢，真如水飛絮。多情也，覺香風吹落花枝。瘦白日，惜惜怨長晝。亦復清尊，敲碁綠窗。停繡拂銀蒜，之輕塵。寫真珠之急溜，眼流盼而秋生。臉暈潮而紅透，笑魚

丁六

四十八

金陵叢書
蔣氏校印

鑰之常鯨，恐蛛絲之或漏。妾欲夢江上水空，瀾百褶之裙。妾欲看霧中花，誰熨雙眉之皺。乃歌曰：莫唱同心曲，風波海樣寬。鏡中憔悴影，羞更捲簾看。又歌曰：惜花人起怯，衣單簾幙深深護。曉寒倚徧玉欄杆，十二春愁如水思漫漫。

五穀樹賦

昆侖之阿有旅生之木，禾焉招搖之權。有倒景之迷穀焉，未若茲之輪困鬱勃，偃蹇連卷。錫嘉名於五穀表，休應於萬年。擢靈芝之玉穎，輝若木之星躔。花金英而粟綴，實珠離而顛。縣豈菰米之能喻，何槐屑之足研。宜生舍衛之國，宜種琅邪之田。足令采風者心薄，枕椰之麪而底貢者豔。同貝多之棉，請原其始，則溟渤萬重。舳艫千里，眇戈船之橫海，集島夷而

通市燭龍矯首而銜炬羽扇畫地而分水爾其空青木難瓊
樹珠蕊犀照夜而雞駭玉輝山而鵲抵閃貓睛之嫉綠然火
齊之奇紫灑微露而衣香靚麴蟲而心死偉穀林之仙樹更
離奇而詭詭彼叩竹與藟醬曾何足以相擬惟長干之古寺
聳天界之鬱觚其樹則有婆羅菩提瓔絡珊瑚曇華之空色
濯嬰兒之玉膚楓人戴瘻而拘偃桐君反汗而睢盱木樨影
月而香墮松栝翳天而翠敷紛麝吐而魅睽各昏見而晨趨
而若規此樹之齒齶礪礪則奚首埤人之與龍伯搶榆之語
鳳雛徒觀其枝幹杈枒秀森苗又花葉怒茁豔若菽發孰高
柯之可抗儼禾弟之交讓俄枯條之振榮疑稻孫之挺生騰
朝采而散旭則粉米之張施舖鹹矯霜霰而蔭綠則黍律之

一六

賦鈔一

四十九

金陵叢書
蔣氏校印

枚幸君子之有穀庶豐年之屢來
幽蘭賦
猗彼蘭兮生於幽谷抱素質之歲蕤兮挺芳英之馥郁羞眾
草之與鄰兮若天生而使獨慨持贈之無人兮乃歸真而反
僕既繁根於九畹兮復寂處兮山林雖風雨之見摧兮豈稍
易乎初心業榮悴之任運兮甯希羨乎陽春芳霏霏而襲余
兮訊深情其誰語色以澹而見真兮香以微而彌旨蘊奇服
於美人兮表孤心於君子何時俗之糾錯兮紛重蕙而賤蘭
懼當門之見鋤兮恐披榛之見殘傷靈修之不作兮諒知音
之獨難彼蕭艾之敷榮兮騁一時之豔觀俟清秋之弭節兮
隕嚴霜之沈澗秋何草而不死兮騰孤根之耐寒雖轆類其
何傷兮甘憔悴於空山蔭白雲之英英兮被清露之瀼瀼友
嬈娟之修竹兮耀金芝之煌煌思國香之服媚兮縱無人而
亦芳何殊姿之難秘兮歎飄風之送香懼搜巖而訪穴兮效
奇珍於君王亂曰湘波泠泠兮湘山青蘭之茗兮發陰森有
美一人兮託幽岑臨風微歎兮傷中心欲往從之煙水深抑
情弭志兮不自任山中人兮歸來吾將怡子以水仙之一曲
兮而侑子以宣尼之琴

一六

賦鈔一

五十

金陵叢書
蔣氏校印

水晶簾捲玉鴉又一色輕寒上茜紗彤管乍披金鳳傳玉階
新種女兒花瘦景娉婷芳心綽約出翡翠於金籠掛收香於
繡幕吹簫人去窺隘認女兒之鸞織錦機停偷眼下雕陵之

田水漫溢巨野
驚穀價之涌貴問常平其孰開鑿爾樹兮吾

將樹爾於凌雲之觀植爾於通天之臺撞鐘兮伐鼓披荆兮
翦萊饗農兮報嵩落實兮取材書宜禾兮葉饌賦新宮兮實

鵲削蠟疑誤墜，釵宛若不受。梅兄之聘，一例紅媽。何來鞠婢之稱，將毋翠謔。底用斷腸，詎宜洗手。采香則鳳子，輕盈照衣。則金鏡希有，問丹山兮何處。桐君已歎，孤生譬紅豆之相思。竹實應拋一斗，倘金花錫命。定傳瑪瑙之杯，如鳳珠煎膠。卽是扶留之酒，慈茲窈窕。宛對嬌娃，小年碧玉。臣里東家，葉織而翠。斂眉黛暈薄，而紅羞臉霞。無因諳別恨，詎解惜年華。惡辟纏胸鏡，朱勻點臂砂。撇酒文君終放誕，竊香賈午自天斜。別有銀甲彈工，金鍼度巧。削章后之春葱，試麻姑之鳥爪。珠盛荷露之傾汁，豔桃花之絞注。騰脂於北地，癩髓痕輕。賽火齊於東吳，榴環蘸飽。臂金纏去，現身皆指甲之花。拳鳳飛來在手，亦文章之草。乃爲金鳳之歌，曰寶帳鴉嗚。血瑤釵燕化。

一六

賦鈔一

五十一

金陵叢書
蔣氏校印

塵風頭鞵溼盡，風露轉傷神。蜜官尙有纏腰術，花園應無著翅人。苟清輝之自覽，夫何恨乎陽春。又歌曰：金衣公子雪衣孃，何似花前小鳳皇。莫等鶴仙歸閨苑，夜深常燕辟寒香。
鴛鴦賦
香波嫩草夫容，清雨兩兩鴛鴦相對語。恩重如偕，仇儻情生來不識。風波苦低緣，鸞激淺泛鷗家。錦濯江水紅安鏡，花擁翠被而香霧披仙衣。而豔霞既比翼，而暖藻亦宛頸。而暝沙小隊雌雄，春風牝牡感精誠之獨鍾。誓生死而相守，切莫作漢宮瓦比櫛。愁眼切莫過宣州門，驚飛卻走則有璇宮繡女。畫閣鍼孃，織龍梭之刻翠。賦鴛錦之流黃，帶已結而難解。妾雖溫而自涼，怨佳期之脩阻。託微波而自將，亦復裴徊敝篋。悒悒

恨空梁蓮子，休拋白頭於商隱。鳴兒莫打偷綵筆，於崔郎並訴歡愁。祇惜鳳凰從此去，低呼爾汝轉愁鷓鴣。不相當別有移舟藻亂刺，榜蘭薰波翻潑袖。雨溼滄葦，茲交頸宛若通勤乍，伴羞而翠斂。呢私語而紅嚙，喜吉祥之照鏡。對花葉而書雲，寄相思於遠道。通好夢於夫君，苟中情之交注。何鷓鷯之足羣，然而水月無情。感羅足恐影自分，飛枝仍合拱白楊。夜兩年年關盼之樓，文梓秋風歲歲韓憑之冢。乃歌曰：君家青草渡，妾住白蘋洲。化作鴛鴦鳥，終朝水上游。幽響未已，歡衷再酬。載歌曰：君家鴛鴦七十二，妾家鴛鴦卅六雙。莫教驚醒鴛鴦夢，風露明朝怨涉江。
友風子雨賦
以雲與四岳呼
相通爲韻

一六

賦鈔一

五十二

金陵叢書
蔣氏校印

天地壹壹山川出，雲紛金柯兮玉葉。曳綃裳兮練裙，每有良朋咏同心之習習。俾敷後嗣，沛甘澤以欣欣。藉鼓舞於風師，聲氣則空中早合。不恩施於雨姥，胚胎則太上初分。翳苟卿之賦頌，信飄飄其不羣。方其雷車乍隱，霓旌不與。值天高兮日朗，何煙霏兮霧凝。俄而山谷滄石礎蒸，飛鳥倦息。神龍上升，擁化城之千朶。疊兜綿兮萬層，扇風輪之纏纏。奔兩脚兮繩繩，將伯誰呼。似假鴻鈞之力，神君合奉。偏傳燕翼之能，吹吉夢於軒皇。應書雲物祀靈星，於泰壹定有雲。仍爾其友風也，水擊三千花吹廿四。箕伯前驅，蜚廉左次。冷然善也，華鬢飄列子之衣。客欲仙乎，花判押郇公之字。問到鱗鴻之訊，眇天末兮相思。聯將車笠之盟，乞山中兮拜賜。倘其南薰解愠

張火繼於離三果偕東陸行春展青旗於巽二其子兩也則
合撰陰陽降神嵩嶽挾雌霓之連卷走雄雷之撲擲消旱母
於天中掃晴孃於屋角坎孚再索甯馨叶壬癸之占屯難初
交混沌破元黃之殼不崇朝徧天下祝香孩而七噉無驚自
三日往爲霖霑富媪而箕裘可學蔭徧粉榆之社乳酒同傾
溼殘喬梓之陰孫枝定濯徒觀夫玉虎騰嘯茅龍召呼參差
狎獵乳酪醍醐奉君子之清塵英英縉玉落仙人之高掌頰
顛珍珠千里逢迎每送滕王之閣百靈嫗伏如將妳母之雖
不知者謂我何求聲相應而鸞翔鳳翥其生也與吾同物聖
皆孩而玉蔭金鋪望雲門之不遠號雲母而非誣況乎萬籟
調刀千峯歎吸宛爾招徠居然和集風假扇於袁宏雨隨車

丁六

賦鈔一

五十三

金陵叢書
蔣氏校印

於郭伋結契在紅蘭館外臭豈差池流香在丹桂林中衣堪
紹襲果使兩名迎送非無新雨神交如教風別雌雄亦可家
風世及不信梯高屐滑謝公增縹緲之思從教石破天驚啟
母逗呱呱之泣既友朋之與共亦子母之還相濃淡則夫容
萬簇莊嚴則樓閣千行如愈病而析醒有孚於酒若沈牲而
薦璧載弄之璋同出同歸豈有夢辰之感載生載育恍流樞
電之祥招碧海之羣仙笑吹帽期應不爽布黃金於天地問
洗兒錢竟誰償然豈若兩儀合德萬彙交通銀臺占象玉燭
調鴻荷祥風之鼓盪霑甘雨之龐洪左浮邱而右洪崖藉扶
搖於青士乾聖男而坤智女資長養於碧翁友之爲言佑歟
簪盍慶風雲之會子之爲言孳也秋成收雲雨之功知雲將

果欲東遊覽寰同詠看日近能無西笑畫筆誰工
山明望松雪賦

鬢景融雪清光滿山石凍疑裂峰奇忽頑微黛影半掩青
鬢騰空色而如滄點朝陽而忽斑何孤松之偃蹇俯絕澗之
回環試登高而騁望儼樂意之相關展削玉之屏風開眸送
朗拭空青之畫幃策杖思攀惟冬嶺之秀松也欽崎礪柯崩
男縱橫通元氣之塊軋扶烈風而孤撐鹿養茸而寒立鶴將
雌而陰成犬吠空山探真靈之上藥龍蟠大壑叶天地之中
聲遠而望之氣佳哉葱鬱鬱固已冬心堅抱蒼顏獨呈鬱
青霞之奇氣軼紅埃而上征臂高人之偃臥匪眾心之所明
俄而元霰集彤雲釀山川一色原筮相向開蛾眉之積陰表

丁六

賦鈔一

五十四

金陵叢書
蔣氏校印

天都之奇狀填牝壑之深沈失驚崖之跌宕當萬木之辭榮
獨高松之與抗玉鱗起粟挾海水以齊飛銀鬣生花鼓風紫
而益壯爾其聳幹如怒低枝學讓珠穿九孔之鍼種拓千官
之帳爭枝鳥墜聽爬沙折竹之聲掃徑僧歸破忍草悲花之
障初霽靄面葱龍繼空明而晃漾遙山一角積雪千峯天開
曙色景曜貞松松棲雪而虛白自敞雪映松而深青忽濃則
見浮嵐掃翳朝曦聘容寒雀厲吻幽泉斷春積霧溼之千樹
掩霜花之萬重疑縞袂之仙子奉朝天之玉容儼磨鏡之佳
俠駕虛空之白龍霏一縷之炊煙全迷瓦縫認千盤之鳥道
已失樵蹤歎空中之一吼來深林之遠鐘則有粉署掄才玉
山持節實茂青松詩唵白雪植杖成林團花作屑俯大地之

光明振芳條之修潔疲驢策緩覘禁氣之偷吞孤鶴招遲觸
欠花之散纈亦復鬱勃輪困方圓圭臬境阻心馳足蹶眼熱
斜陽影沒餘紅尙挂疏林禁體詩成一白休持寸鐵詩曰勁
陰厲歲寒孤煙出庭樹青青巖上松貞性天所賦飛雪不敢
淺豈緊後彫故堅光燭太虛皓質掩羣素別有咏懷人悠悠
灞橋去

紫峯閣觀瀑布賦

瞻樓霞之高峯兮山名曰插環山皆翠巖巖業業繞曲澗而
千回引長松而萬疊下有紫峰兮獨聳上與白鹿兮相接傑
閣嵌空流泉不息則見驚濤直下駭浪爭飛分一壺而開勝
景高百尺而繞翠微千章雨灑匹練煙霏勢欲斷懸崖隱山

丁六

賦鈔一

五十五

金陵叢書
蔣氏校印

暉吞孤嶂飲危磯恍一寫兮千里直旋折兮四圍其始也泉
之在山一線獨挂滴可成珠流無別派衝淺草之霏微溼空
山之沆漑既而翠巖鑿丹崖解四者成溪凸者露怪遂使孤
峯突怒飛閣喧騰爲之落千丈兮奔騰而溷泝激來谷口寫
出山泉流而爲涪渟而爲淵峯挂劍兮如淬溜激石兮如鏘
欵中摧而猛墮俄合沓而交連孽翦刀之雙股森蝸角之怒
蜷踐飛雪於千澗起涼颼於半天鳥墜葉而驚救龍抱珠而
蹴圓儻塵纓之能濯信飄然其若仙徒觀其上薄雲霓下走
蛟鱉派爭千佛之嶺濤響萬松之閣崖回疊浪則樹杪風飛
橋跨石梁則山腰雨落莫不鬪奇石驚怒嘖嘖哀猿喚孤鶴
由是闢開翠峽疊注飛湍林泉合勢雲水生寒明月臺前青

螺幾點話山亭畔白練千盤雨後而山光霧翕晴餘而石罅
煙殘此誠紫峯之勝概而爲樓霞之大觀時則裴徊煙景絡
繹游蹤俯柔藍之葱蒨眺澄碧之巖崕縣流則明如疊雪飛
注則矯若游龍幽響潺湲斜陽清磬餘音互答莫雨疏鐘宜
乎紀曠觀於輿志擅名勝於羣峯迺虹旂而松濤漫漫迎翠
蓋而芝草茸茸何必羨匡廬之萬派常使沐雨露於九重
杏花時節在江南賦以題爲韻

丁六

賦鈔一

五十六

金陵叢書
蔣氏校印

節候花朝已近淡煙疏雨人家春何爲而錦爛遊何事而天
涯試看金粉千株寫出繁華之景也似紅塵一騎踏來輾繡
之花時則臺城風暖鍾阜日遲渡迷桃葉人賦柳枝景蔥蘢
而正嬌花璀璨以低垂籠謝女之輕紗香生步障壓吳姬之
美酒影落胭脂賣到聲聲祇覺紅腔隔巷簪來朶朶那看青
鬢成絲固已流連勝地惆悵芳時時去難留花開須折嗟暮
府之徒淹驚帝鄉之久別當夫茂苑鶯嬌長干馬熟朝朝曲
巷之遊莫莫同心之結莫不風軟撲酥香濃聚雪顛倒緋袍
繡粉玉屑紫雲歌罷從知絮果蘭因綠子陰成一任鸞漂鳳
警莫問相思紅豆空辜南國之鶯花如教管領青春合賜東
皇之旌節又若珠箔飄鎗金枝匿采花夢如煙春陰似海占

樓臺之一角雲樹何方鎖宮殿之千門煙花不改真成小住
呢喃聽燕子之憐底事重來漂泊怨春風之給能不想風景
於當年惜韶華之宛在別有車停油碧香采蘭荳銷魂南浦
翦燭西窗錦衾人獨雕梁燕雙亦復夢隨春遠心逐花降惜
公子之飄零江僕射輕塵委露悲美人之遲莫庚蘭成短璧
凝缸空教寫明媚於春山鶯囀故國鬪喧妍於綠水鴨泛春
江回憶曲江高晏上苑偏探折枝春闈壓帽雲酣何春光之
冉冉頓華髮之氤氳今則浮沈澤國供養詩龕孤郵買醉古
寺呼驂紅雨一染青衫自藍花爲人兮垂淚人對花兮抱慙
何處昭陵繫愁心於渭北如逢驛使寄春信於江南乃爲歌
曰臨春閣裏春常住樂遊原上花無數一夢揚州又幾年春

丁六

賦鈔一

五十七

金陵叢書
蔣氏校印

風騎馬江南路緊流滯之無端問幽懷其誰訴自然佳麗鶯
鶯燕燕多情莫遣清明雨風風竟度又晴能不惜豔鶯香爲
之流連而作賦

清明日賜百官新火賦

以除舊布新仲
春佳節爲韻

聖作物觀春和景舒班燧皇之令典脩闕正之遺書將以布
陽氣煥宸居嘉羣僚之拜賜承新火之吹噓揚朱暎之雙鈴
熒臺賁若照蒼龍之七宿庭燎輝如運炬旋頌集冠裳於朶
殿楓香乍裊散煙景於丹除當其百五纔過重三屆候春釀
餘寒天開輒繡初望闕以鳴珂各趨朝而待漏庭花有色皆
飛宮樹無煙不秀行過粉榆之社耐酒青濃吹來楊柳之風
旌旗綠縹惟火政之勤修自人時之敬授想昨夜龍樓鳳閣

蠟燭初傳任經年西黍南油春風已舊於是榆柳鑽新槐檀
除故取然石於炎州出積油於武庫金燄高騰沙籠淺護然
來而豔奪宮花捧出而剪生蘭炷九邊燄靜早知斥堠之平
安萬竈春生分乞天家之雨露疾原可燎不教酒噤燦巴光
自同依那用門燒子布律轉青蘋陽和化鈞既洪鑪之並鼓
亦司燿之必詢咏幽風之七月權雍時之中旬用自周乎部
屋禮先達於摺紳鼎食鐘鳴爾莫忘夫屈突雉斟羔獻我亦
戒其積薪況花朝之已屆又寒食之相因莫教嚮陷桃花郇
厨燄冷合遺羹調杏酪嵇竈光新勃使傳宣內廷頒送色豔
桐階光凝松棟驚王屋之流烏捧御鑪之飛鳳沿街柳插春
星帶花萼之樓唾地榆生初日照扶桑之翌煥陽雲之五色

丁六

賦鈔一

五十八

金陵叢書
蔣氏校印

綴龍燭以霏煙掩卿月之重輪灸爲箴而破凍豈但三槐九
棘沐優寵於明光從教萬戶千門驗中星於羲仲時聖道淳
恩流禁臣榮光徧洽聖火同珍輕寒兮薄暖吉日兮令辰如
其鑄就榆錢分攜白打倘使錫同柳圈並奉清塵莫不豔火
城之宰相夸火色之才人散齊州九點之煙生香不斷放金
殿千官之仗大地皆春春滿天街千枝炬排歸來禁苑分送
衙齋比金蓮之乍徹知玉燭之無乖試煎學士之茶夢圓槐
火漫乞鄰家之種韻到松柴頌從光祿廚中競夸兒女移向
軒光寵裏並詫朋儕如逢趕熟之人自他有耀倘作潑寒之
戲卿言復佳彼夫賜茶則綠籜封甘賜餅則紅綾裹絮或詩
資金箋或硯珍青鐵孰若茲祝燿乘時鑽研各別沛恩遇之

優隆散陽和之蘊結五更三點班聯則普照鶴行十色九光
功德則分揚駿烈此日金枝列炬先開頃刻之花他時玉尺
頒春更賜中和之節

孔子履賦以規行矩步

鄉黨終篇記燕問之服製深衣一册詳章掖之威儀顧已明
乎珮綬乃獨遺乎履綦試觀武庫之中低徊不置想見宮牆
之內趨步皆宜君子於行聲爲律而身爲度哲人安仰折旋
矩而周旋規方其足文斗踐膝抱風清考祥不殊乎嚳趾履
信何異乎鳳鳴既繡絲之不尙亦絢纒之各名章絕三篇戶
庭不出衢過五父霜露偏驚遵王道之平平知虞帝於牆可
見夢碩膚之几几諒周公倒屣相迎跬步無忘如凍春冰虎

丁六

賦鈔

五十九

金陵叢書
蔣氏校印

尾擇地而蹈果然山立時行既而授教緇林蜚聲射圃來東
帛之委委列冠裳之楚楚奉函丈之清塵接先生之步武欠
伸無自終日但見其申天箕踞何來三命益形其僂僂影原
不踐柴高竟化其愚踵或能穿原憲何辭於窶倘拂光風之
座非無檜樹秋風如登化雨之壇亦有杏花春雨洵入室而
升堂敢備規而錯矩迨夫會夾谷以趨踰攝中都而展布朝
野共仰其威儀君相夙欽其儒素蹴躅懲路馬之誅屯踵式
園豚之度攝齊屏氣詎隕越以貽羞執玉捧盈更辟盤而卻
顧砥平矢直想敲器之曾觀色正芒寒頃依儒之失措從此
晉卿之跋不敢登階可知鮑子之葵未容學步然而舜裘召
謗虎口幾危已歎文衣之饋俄興稅冕之悲臨河則空聞棠

棗遼山而倍覺遲遲吾道窮乎幾見周行之示子之往也尙

煩高足之疑何處縣車筮占白賁偶然曳杖光燦黃離交有

延陵聊伴紵衣之贈使來伯玉權當扉屨之遺迄今聞孔壁

之金絲鬱孔陵之蒼翠琴思祥肉之彈車拜館人之賜借寶

甕而俱藏皮漆書而並記叱來有若具體而微疑到西河大

同小異亦趨亦步誰彰驥尾之名聞禮聞詩爭學鯉庭之肆

所以製遊王之履不沫宗風賜魯風之鞵尙傳禮器奈何采

雲易化煨燹空留已失斬蛇之劍並焚奸莽之頭暴借秋陽

岱嶽三竿之日濯宜江漢滄浪萬里之流從教結銀珮於子

思細其祖武獻壁書於安國貽厥孫謀寶氣燭天赤帝尙聞

飛去薪傳墜地素王不我告猶夫豈若莘莘俎豆赫赫犧樽

丁六

賦鈔

六十

金陵叢書
蔣氏校印

乘輿頻駐乎闕里冠蓋並集乎橋門試彈枝木之冠同歸聖

澤倘著二僕之履共沐

天恩子美稱也是處金聲玉振履德基也爲能義路禮門足

之蹈之彼名號齊邱空切景行之慕富矣美矣卽坐無尼父

儼然師表之存

石經賦以始漢成爲平迄

玉璽高華金書聳峙流璧水之湯湯列圓橋之齒齒拂苔斑

而滴露搓朱表葵首而紆青篆紫句奇語重邁岐陽吉午之

蒐石破天驚發委宛妃丁之使析羣書之破體歲紀熹平漱

六藝之餘芳音流正始原夫蔡中郎之善書也碑板從橫筆

花燦爛契重孔融書貽王粲秘鴻寶兮誰傳譜金絲而獨按

銀鈞鐵畫春風幼婦之詞鳥迹蟲書初日飛廉之觀爲惜千箱縹碧遭劫火於暴秦從教七札雕青勒新碑於炎漢觀其葢材礪萃選匠確治負以肩屨之力瑩以蟾蜍之脂既遂巖而崩男亦斑駁而陸離匪石壁之騫竦匪石渠之厓屨非石鼎之削菌蠢非石倉之掃粟糝幾成急就之篇龍飛鳳舞雅作中流之砥海負山移鶩鼈采之流虹光騰列宿拂麟毫之晝日影動朝熹於是宏開館舍總集耆英校遺文於天祿紛待詔於承明變佞虛之佞屈法斯逸之專精落紙而煙雲競繞臨池而風雨皆驚飛白曾書郭有道應勞篆額草元孰擅揚子雲合與齊名蓋觀者如堵牆點頭嘆息使國人有矜式雅意經營笑他經換紅鵝猶是俗書姿媚陋彼經跋白馬非

六 賦

六十一

金陵書畫
蔣氏校印

關雅頌承平爾其部分精嚴鈎摹髣髴丁丁邪許之聲落落先朝之物儼篆紅砂之璽坤絡乾苞如鑄碧落之碑雲蒸霞蔚別裁僞體空教圖寫仙靈刊落浮詞允矣休明黼黻經之爲言常也想日星河嶽歷劫常新石有取於堅乎任兵燹風霜留傳遠迄四壁輝煌古色古香昭後學之模楷立太學之門牆鐘鼓諸天五老騰精而下降衣冠勝地千官列騎而成行銘異磨兜底事金人之鑄議成通德不煩石室之藏列二千石於碑陰想見奇觚姓字萃八十家之書法果然金薤琳瑯尙有典型峙靈光於東魯如觀禮器留顯慶於中唐然而金仙下淚宮瓦飛灰仙炎靈之遺璽又典午之飛埃雖復徙向洛陽已召銅駝之感移來鄴下俄遭石虎之災迨崇文之

置館迄太和之選才補鍊媧皇七經八經之樣式肆從國子一字三字之體裁彼邯鄲淳之篆隸說文規模小異即邱邱裔之孝經爾雅生面獨開 聖天子覃精藝苑攬樹書城原本本嶽嶽航航易聖經神接鴻邗之講席周情孔思集虎觀之儒生已看四庫珍藏珠聯璧合旋見兩廡勒石玉振金聲夫豈徒郊祀明堂扶經心於獨斷巾箱竹素傳印本於天成也哉

白虎觀議五經同異賦 以五經同異稱

漢德開天武皇稽古表章絕學宏開冊府脩絲蒞之朝儀攷河閒之樂譜餼經術於匡劉扇儒風於鄒魯迄東京之踵事有建初之接武人盡褰衣博帶杖捧蒼麟地原石室蘭臺氣

六 賦

六十二

金陵書畫
蔣氏校印

騰金虎析羣言之淆亂圓橋則經儼刊三炳列宿之文章東壁則星仍聚五懿五經之經緯實昭爛乎丹青彙叢殘於兵燹煩守護於精靈流經絲之清韻襲玉虹之古馨始摛求於複壁俄充初乎王庭然而淵源各異鑿枘互形如入建章之宮千門萬戶如歸大海之壑清渭濁涇問誰發金匱藏書鉞育起疾用是仿石渠奏議酌雅稟經虎闈視學虎觀生風掩疊旗而直上傲日華之再中天子乃導法駕奠齋宮坐更老招俊雄張狸首之九節歌鹿鳴之三終蒲輪繡帛而禮重長劍高冠而望隆時則有若賈長頭之淹雅班孟堅之閔通魯恭以計最與燕楊終以衆臣奏功乃咨汝淳咨汝望咨汝羨咨汝郁咨汝鴻而若魏應之出納朕命則稟一王之睿斷權

六藝之折衷皇帝制曰可諸臣毋苟同由是共聘雄談獨標
新義叩乾包坤絡之藏啟玉璣金題之秘木仁金義稽五德
之始終舜儻堯堯披五帝之圖紀往還發難五重席奪而愈
精旨否並嘗五雜俎陳而必備爰補闕而訂譌乃博收而孤
棄旁及三蒼之篇陋矣兩生之議園偏陳合招搖講幄之區
嘯颯風從咫尺天威之地匪京兆之按金爵豔說災祥匪終
軍之對白麟修陳靈異遂乃考梁邱施孟之優劣列齊魯毛
韓之勸懲尙書則自伏勝以迄乎歐陽夏侯今古文互參得
失經禮則自曲臺以逮乎明堂郊祀大小戴時有損增春秋
則若仲舒之決獄更生之博徵惟旨左之晚出與公羊而代
興莫不鉤元提要削墨引繩辨五位而中宮數協播五絃而

丁六

賦抄一

六十三

金陵叢書
蔣氏校印

清廟歌升洪範五行既休咎之並列秦厲五社亦桑粟之互
承而豈徒若君尹味茂賜鶴穀登仲左抑公例莫詳夫五際
探外遺內說至窮於五稱且夫訓詁通則義蘊自見學博之
所由見除也傳習久則真贋互參箋注之所由沈滯也向非
標識國門考校德藝千金拜稽古之賜四門啟通德之第治
一經以會五經之總合五經以通一經之蔽則木瓜芡苢古
序已亂衛宏赤鳥白魚偽傳非徒泰誓劉歆列子政之失入
室操戈溫舒疑董子之文上書被繫甚乃官禮殃民周孔爲
厲稽疑整度競傳五緯之名白拒赤標何處五方之帝凡此
皆泥古之愚說經之弊而何以鼓吹休明顯庸創制顧其名
曰奏議者所以待經筵之割斷而謂之通議者所以驗經術

之湛深蓋其時明堂辟離學校如林有瑤冊之羅列當翠華
之監臨咸博聞而殫見更鑠古以震今列宮牆而金馬門高
疑七十子之身通六藝與朝坐而鴻都舍傲看四十篇之字
重兼金通天地人曰儒允接西京之盛軌有才學識曰史猶
留東觀之芳音迄今重校遺文博稽古說雖復册異兔園要
自書同鴻烈名儕應劭之風俗論比桓寬之鹽鐵洵玉石之
雜糅亦龍蚓之並列蓋淵源授受篤守師說者漢學之所以
重精研而識緯術數侈陳符命者漢儒之所以多決裂故解
經適以晦經而角折未能心折夫豈若五經紛論三才貫徹
拜同庚子之陳部有丙丁之別珠聯璧合幸逢文運之昌明
孔思周情羣仰 聖皇之剖決也哉

丁六

賦抄一

六一四

金陵叢書
蔣氏校印

陳皇后因賦復寵賦江用唐黃文
陳皇后罷居永巷深鑱長門雖含酸而茹歎終激寵而銜恩
祇怨鷓鴣不療當年之妒恨無鸚鵡語解傳悔過之言乃賦奏
凌雲足感君心之芥蒂而憂爲行雨重昭妾信於蕪繁方其
分香縷之同心失傾城之一顧金溝水滿承恩媿蒲柳之姿
玉鏡塵生垂照翼桑榆之暮闌鏡閃碧冷秋雨於昭陽苔屺
鋪青隔春風於輦路惟臨叩之善賦實綺靡而緣情家四壁
則霜裘貫酒奉千金則狗監知名結響纏綿恍聽哀蟬之曲
流音淒怨如聞別鶴之聲足使怨臉研朱愁蛾掃黛重頰脂
澤之田復睹清揚之態晏朝漫脫夫瑤簪媚寢自鳴夫玉珮
絕殊王后難邀半臂之憐應勝蕭娘無復同與之會已歎尹

那避面無因衛霍登朝草不宜男空歌纂纂風無少女莫咏
天天辭令詎修夫樊嫺女箴未述夫班昭敘柔情則字字珍
珠直抵明光於蜀錦玲淒韻則聲聲激石能回天怒於煙霄
獨是柔鄉願老武皇枉自求仙幸而成柄親持女寵無由禍
國玉鉤剖去得毋傷賜珎之心金屋裝成要祇戀羞花之色
倘后值元成之世諒皇孫啄矢何難則賦同封禪之文謂嬪
子從公亦得豈若故劍之求恩禮無間豈若迴文之寄組織
天然矧擣素尙聞於長信則題橋徒聘乎西川驚聖綬之曾
收淒涼覆水笑麗華之竟得微侍因天乃相如謀人則工攜
藻徒博茂林待聘問求皇可記琴心瘳渴經年縱吐風依然
戍削我思君子休歌棄婦之詩誰嗣徽音須續風人之作

一六 賦

六一五

金陵叢書
蔣氏校印

馬援銅柱賦 以題爲韻

新息侯文武兼資須眉如畫曾將水犀之軍直抵珠江之下
船不藉夫康君書漫馳夫陸賈師如時雨療洪鐘而殃女投
戈旆捲靈風布黍罕而歡聲謀瓦留銅表於蠻方示天威於
華夏五溪功就邱山則氣壓金牛三輔聲騰矩式尙形傳銅
馬原夫溪蠻之嘯聚也蛇鳥文身丹青黔面林密箐深蜂屯
蛾扇花藤束炬舞香象之千羣溪弩藏鋒浴神刀之百鍊君
王乃擇英俊於椒房拜將軍於桂殿衝去盲風毒霧百斛樓
船開來僭耳朱鸞三交郡縣山形聚米籌分金齒之沙刀斗
飛霜人飽檣椰之麪吹律在軒轅臺上碑欲磨崖受降歸戍
已營中風生折箭從此陸警水慄龍家常戴恩威任教石爛

天枯珠戶無然昨援則見瑤山截玉鼈極編虹駕天橋而截
嶽浮石礎而崑龍豈築鱣鮪之觀如標龍虎之雄鋒銷君子
之軍人歸化鶴土效長沙之界溝欲區鴻鼓天地爲鎚鎔金
液而樞衡散采扇陰陽作炭嵌珊瑚而電影飛紅班馬蕭蕭
攢柱異岑彭之戰飛鳶跼跼吹銅成浪泊之功短陋侏儒於
藻稅堅殊粉飾於蒿宮鼓自鳴於路越稅休責於巴潼莫疑
曳足軍容敲瘦骨而翁原毀鑠俾識擊天妙手障狂淵而度
本恢洪蠢爾羣蠻書成清酒黃龍之約猗與皇漢地盡珠崖
象郡之中庶幾信心者抱柱而犯邊者鑑銅旣而白虎騰精
青麟滴乳三體嚇蠻之書八角降魔之杵消林邑之羹煙壯
南州之門戶寶錢答布羣膽杓斗以輸誠珠袴花冠各繞虹

一六 賦

六十六

金陵叢書
蔣氏校印

梁而拜舞喜流官初設分符欲剖金章外大國是疆畫地無
須玉斧鄙督郵於襄國石豈能言肖翁仲於臨洮金能制土
好待圖成魚復葛亮重來須知城築直咩章卓不武謂余不
信請看喋血之盟有渝此言共覩擊雲之柱然而彌留岸窟
壁恐難完願盼雕鞍錯將誰鑄徒含朱勃之冤莫解梁松之
妒悲同馬服空猜苴蕙於蟻珠人紀馬留竟等衣冠於樂瓠
惟茲砥柱巍峨常有風雲擁護城荒海曲珠光劍氣長新澤
薦溪毛春雨靈旗如故雖復苔封薜刺銘空學士之留依然
雨溼風霾碑訂才人之誤想唐天寶姚川再立尙有典型卽
楚衡山溪洞重摹亦規尺步何必摩挲銅狄河山與滿目之
悲從教飽浥金莖駟馬續題橋之賦

題鳳賦凡到門不取

枯中散龍性難馴鴻儀正蹈竹已成林鍛常倚竈何嘉客兮
來思訪精廬而竟造主人安在旁午空書令弟承迎雙丁合
噪固已鵠舉連軒雞羣兀傲乃片言品隨語真秦客之度而
一字標題謔勝鄱陽之暴方謂祥徵鳥瑞羽毛可以高飛誰
知義取凡將器識終難遠到思夫鳳之製字也官名可紀爪
迹如存九變形成伏殊鳩拙百靈嫗煦怪豈鷓鴣別部从凡
居鵲較鷓醇之首變文作翮亦鷓霜鷓雨之尊故雙鳳既繩
金友三鳳亦美玉昆鳳諾誰工正羨麟毫之拂鳳毛殊有非
關鳥篆之吞果其錫以嘉名鷓鷓託體豔說書成喜字鷓鷓
當門徒觀其波磔盤擊墨驚奇崛鳳池之起草依稀鳳閣之

丁六 賦鈔一

六十七

金陵書畫
蔣氏校印

銜書鬚鬣擬風骨之高鴛作文明之黼黻神催下筆賦高軒
而鳥革羣飛影落中庭將姝母而雲蒸霞蔚鶴供人日應慙
孤陋之譏豈誤書果是雷聲之物譬魯連於黃鶴子狡黠
依然詆張悌於白頭翁訟言豈不既而禮治主賓義披肝膽
方維繫分情殷忽留題兮縱覽龍尾之譽並騰雞肋之名羞
噉非雙弓之諱清貧非三韭之嘲鉛槧非將姝改妹雅意彌
縫非割麥為人經營慘澹比似外孫蠶白妙解從心何殊夫
子家禽箭鋒屢領可兒誰喚幾同索虜之占數見難鮮定發
魚羊之感道是醜醜乳酪從子而歸如日沙磧穠穠則吾豈
敢乃中散則頓參妙諦立剖端倪是等茅鷓之刺宜開鴛夢
之迷雅擅雌黃人耳人耳如萃飛白鳳兮鳳兮比搶榆之燕

雀同泛水之鳧鸞探殼何來兄弟真成腰鼓籠鵝自去外間

轉厭家雞幸免輕佻驚蛺蝶無勞指斥試繙急就翠鴛鴦那
許招攜都無闊落之嫌毫端欲活便抵飛流之謎非字親題
是則義歸謔語極雕鏤長柄之葫蘆孰問出山之小草宜
芟倘認高岡之翩翩真成嘍語之喃喃車載斗量名豈郊
鵠之正風胎雨霰噪疑寶喜鵲之饑鶴已疑耗休夸骨相龍
真近似莫署頭銜多多者月二為朋好認書空點畫碌碌者
人三成眾誰參舉燭機緘本無離鳳清聲離羣絕類豈有鳳
皇卓隸入聖超凡然而爰居無意於鼓鐘鷓鷓見託於枝杪
山雞學鳳文采誰憐野鳥為鷓知音絕少聽鄰笛之淒涼奏
廣陵之要眇且作郭公之盤纏樂也庸庸毋為鷓鷓之聰明

丁六 賦鈔一

六十八

金陵書畫
蔣氏校印

小時了了若康也固是一鳳終被牢籠若喜也得其太凡儘
堪狎擾莫恃鄉評月且鷓鷓同挾彈之鳥試看皮裏陽秋鳴
鳴亦能言之鳥
綠珠墜樓賦以笛聲空韻
金谷尊殘玉樓人寂春歸洛苑兮悵悵煙滿銅街兮窸窣恨
留脂井拭餘巾上之痕聲斷玉釵淒絕樓頭之笛方其珠難
擬價璧可連城非寶馬金鞍換出是瓊姿雪豔妝成曝衣而
闌麝香遠倚晒而夫容量生何物齊奴消盡人間之福輸他
趙姊嬌嗔掌上之聲俄而南風吹蠱北府興戎君為妾兮適
市妾報君兮匪躬已拚紫玉成煙他何戀戀終作青陵化蝶
悟到空空有樓兮崔魏聳身兮輕健綠慘兮紅愁香銷兮粉

褪此日釵鈿委地觸鶯鶯燕燕之悲當年翡翠凭肩結世世
生生之願甯甘玉碎土埋花骨以留香無復珠還金贖蛾眉
而折券千年抱柱之心一曲思歸之怨翩若驚鴻噴如飛鳥
一死何難報恩已了脆自比於珊瑚龍詎謂夫房老懼鴛鴦
之再匹秘來金鑲歲數數胡蝶之紛飛化到羅裙縹緲本異
秋胡之婦桑陌逢君終殊邯鄲之倡房陵虜趙彼非號騰脂
嗚殘怨血樓名燕子老卻春光非弗傷離畏別惜豔驚香未
若此網常託重書史留芳矢志捐軀肯學颯風之媚回身奮
擲依稀墮馬之妝空嗟白首同歸精衛年年赴海如使黃姑
可貫雙星夜夜成章褫利財之奴輩謝留枕於君王喬夫從
容就義慷慨成仁投閣尙羞夫朝士墮崖偏得於閨人向使

一六

賦鈔

六十九

金陵叢書
蔣氏校印

重遷粉簿再委茵塵則西北浮雲散腦花於一瞬東南孔雀
怨山鳥於千春好歌形管之詩增輝女史無若金塘之后有
站人倫

門神賦

竹葉書符椒筍獻酒欣福曜之臨門喜吉神之當牖春回青
帝之杓職並黃人之守須髯似戟朝天之袍笏依然指爪能
鞭鎖宅之弓刀自有稽鬱壘神荼之號書來度朔荒經誦朱
泥金箔之詩寫出詞人妙手豈不以門司啟閉神降福釐既
窮鬼之必送亦凶殺之匪宜孰油囊之可掘孰屍氣之可移
遂乃肖威靈之顯赫飾冠珮之屢屢俾爾鎮陰覽驅瘴疢照
虛耗銷噫呷禍禁雞豕妖除鴈鴟擲花爆之流星威生白澤

寫泥金之春帖版進青詞封戶牖侯聰明正直而壹者爲抱
關吏黍稷馨香以奉之則有虎闌坐嘯燕寢凝香啟映戟轅
之日清霏鈴閣之霜已狀虬髯之客俄裝粉署之郎蘭陵王
之面具麥鐵杖之幘裳儼蕭曹之對列疑褒鄂之成行具體
而微泥塑之尙書酷似其容不改紙糊之閣老何常立不中
門居然睨其目而蟠其腹赫如渥赫豈徒黝然黑而頽然長
冤執鉞冤執劉似翁仲之移來銅馬閭扉左闔扉右擬咎繇
之圖出神羊至若許史名家金張望族銀榜書楹椒塗泥屋
地飾華茵朱戟立戶尉之森嚴竊門丞之威福如逢黨
進貼笑金睛倘遇鍾馗飽喘楊腹藉驅除於偃子何來月魅
等妖假聲勢於方兄詎等行屍走肉誰信閻羅包老關節難

一六

賦鈔

七十

金陵叢書
蔣氏校印

通須知湯餅何郎驟幽已伏肖春遊之黃胖亦具兜鍪問丞
相之青盲作何面目別有璇閨豔質繡闥名姝珠結翠思之
網金餘鈕砌之鋪膽空撞鹿喜乍集蛛已珮宜男之草仍縣
辟惡之符欣石馨之試乳卜玉燕之將雛莫不酸流青子巧
乞紫姑學王母之蓬頭戴來花勝羨張僊之挾彈迸落珍珠
亦復桃花醜而雪澤生膚臂肥束瓠脣的施朱蘭是國香繪
出雙棲之影棗誠金篆摹成百子之圖乃至屋小於舟室纒
如斗巷名馬糞炊葵蕭條人住雞窠鬢眉黎黝亦自福借金
公富夸銀母描摹樣脚王元寶無此尊榮裝點頭銜宋金剛
直分奇偶腿長尺八破愁吉莫之韉手重五斤禿過機槍之
帚倘棗糕敬祀定誇利市於欄衫如豆鬻勤供亦報汚邪於

箒篋然而俯首簷前寄人廡下剝啄聲頻推敲客乍新通宿
債叵討追呼送往迎來空勞代謝風饕雪虐朝朝來路鬼之
擲揄地啞天聾夜夜受狂奴之椎罵老狸已自公行腐鼠猶
能相嚇屍蟲出戶虛傳瘴鬼之驅銅餒熏天詎有奎光之藉
魚何泳而長醒犬何恩而司夜笑逢桃梗終教落葉歸根勢
失樟公合受殘杯冷炙此則吳門之市卒不慕簪纓陽門之
介夫尙煩悲咤也神乃啞然而笑曰化工肖物惟人最靈苟
屋漏之不愧將陋室之可銘幾見精靈之泣宅俄驚寶氣之
充庭君不見香爐手捧紗籠炬熒龍無端而破柱鱣有時而
降廳王敬則生鳴鼓角任彥昇天誕旗鈴莫聾於社公而豚
蹠致享莫替於司命而黃羊告罄則吾神也雖無糾察尙有

丁六 賦鈔一

七十一

金陵叢書
蔣氏校印

典理何弗輝煌衡宇漢耀丹青相與畫葫蘆之樣而叩靈臺
之局也哉

以指喻指賦

以近取諸身

稽齊物之名篇探蒙莊之妙蘊同老氏之元言異韓非之孤
憤馬非馬而堅白自鳴蟲能蟲而化機胥慮莫道篇名駢拇
斯人猶索以形骸應教拳號光明至理不遺於卑近思夫人
之有指也揮霍方圓縱橫今古肘或杯加龜因寒苦五峯高
聳落德掌之明珠一柱孤擎倂天龍之妙舞如持摩尾眞舉
一而反三若數螺紋亦拔十而得五本異鼠肝蟲臂以息相
吹非關蟬翼蛇跗寓言是取使第索之恍惚求之睚眦視肝
膽於楚越等天地於蓬廬肘無端而生柳手何爲乎據梧慕

支離之攘臂同罔兩之逃虛爲張蠻觸之軍爭舟可掬遂執
痾瘞之德槁木難舒其示諸掌乎惡知其所以乃猶柴其內
也夫孰得而喻諸惟物求其偶擬必於倫匪縣疣而附贅自
養性而和神譬水非水不流恃源而往似心與心相印以化
爲人手語如聞鈞弋之玉拳細剖指禪誰佷麻姑之鳥爪微
仲試看千佛拈花並蒂之花原合掌即使千人指月當空之
月祇孤輪洵同形之相禪爲說法於見身彼此奚分妍媸莫
管道自通於步步趨趨理不礙夫姝姝暖誰怒螳螂之臂
式向車前好探驪龍之珠擎來月滿一笑握春風之手視眞
莫逆於心百金傳漣凍之方用乃善藏其短彼獲且六而接
蓄四人言則然若子游文而子夏鈞吾見亦罕天地至大也

丁六 賦鈔一

七十二

金陵叢書
蔣氏校印

亭毒則均萬物至繁也肖翹俱備於粗梨橘柚見天心於塵
垢秕糠識精義從其脗合不難秦楚求醫無爲町畦豈假駢
枝表異疇斷輪而傷手脰肩肩然喜運斤兮成風活潑潑地
例以白之謂白別異而同較諸柯以伐柯能近取譬是則厄
言日出妙理可思明乎物之非物不容岐之又岐苟泯筌蹄
之迹象將視臭腐爲神奇況分形兮同氣自接腋而持頤既
畫方畫圓之入妙亦爲雞爲彈之咸宜爲思神馬尻輪至道
有八絃之御可識心精意匠大年與千古爲期故化蝶旣微
其覺悟而猶龍欲作其之而士有學步莊騷澤躬儒素笑樗
散之不材鄙蓬心之難悟見浮圖於指上便具龍文捧日月
於雲中尙羈鵬路君子圖其大者豈失其肩背而不知天下

莫能破焉借明察秋毫而爲喻

道在矢溺賦以語小天下莫能破焉爲韻

惟大道之無垠匪一隅之可圍既秣稊稊稊之弗遺亦溘溘
纖微之悉舉尾閼泄下百川所以流其穢汚軋壑藏神九竅
所以通夫心膂出清虛於渣滓見壘壘之元功化臭腐爲神
奇詎詹詹之小語思夫矢溺之所在也糞壤荒墟壓牖僻湫
膾衣徒取其煩擱棹楫僅資夫便了置左筆以空勞漆知頭
而亦矯恐河魚腹疾注瀉偏多縱灰水腸滿決瀆不少將謂
道無不寓涉迹原粗可知官止於符稱名太小然而天屎則
垂諸列宿玉池則灌自金僊有形並即於灰朽無漏自結其
因緣推陳出新啟陰陽之秘籙移乾就溼憶呱泣於孩年腎

一六 賦鈔一

七十三

金陵叢書
蔣氏校印

腸果切予敷可以執君民之契洩勃皆爲我用可以知延攬
之權惜茵溷之羣花諸般墮地悟貯囊之欲界若箇箋天蓋
將以齊有無均眾寡執芻狗與泥龍策尻輪兮神馬則何粗
之不精何真之不假蜣丸轉去功成但見其沖虛蟬葉翳來
癡絕無傷於雋雅還丹取譬都無爛胃之譏反水焉知即是
靈根之瀉所以辨燥溼而驗君明夢蠕附而得天下且道之
在也時執其樞執司其橐菌壤蒸蒸暖泔糾錯部之則入於
毫芒精之則遺其糟粕管餘甘苦鑿之子之精誠著到冠纓
信而公之作惡辨三遺於宿將嬰鑠依然懲七寶於降王驕
淫自若爲同廁膾親滌劉安之謫降如何從知便液交流子
敬之權謀遮莫然則鑄橫財者腐蔑入夢飾小智者齷齪可

憎故何晏有鼻蠅之戒李斯有廁鼠之懲孰云流瀦之不淨

孰云膀胱之不登遂臭何來識諸王於馬糞少溲曾紀得聖
人於豕槽佛說蛆蟲解識浮生之幻禪中蟻蚤莫非醇化之
蒸舐痔如工無黍糞中郎之號夜瀦誰捧詎輸湯婆子之能
而況馬通可以代勞薪龜溺亦足居奇貨醴雞自愛夫酸醜
野馬並揚夫塵堞佛頭著處危言雖近於荒唐虎子擊將猛
氣輒形其伏挫如教請急可無溲豆之傾亦有將私不懼朝
堂之澆何必金盆玉盃臭陰達以升香須知黃頰青曾顛撲
終於不破然而下流可懼蕞德必捐觀蒙莊之取喻知守道
之宜堅戒豕腹之彭亨三王守舍黜龍榮之妖妄六突通泉
且學師子之溺而談屎概之禪一任文章之投瀦不妨賓客

丁六 賦鈔一

七十四

金陵叢書
蔣氏校印

之醉旋若夫郭披髮而禳禍浩洩頭而乞憐是猶柴其內也
故無得而譬焉
莖草幻金身賦以莖草爲幻士
惟金僊之度世有金佛之多情叩鴻關之秘密闢象教之通
明散天女之擎旃檀不斷種菩提之樹音樂皆鳴涉徧津梁
歷千魔兮萬劫生成善相喜七滿兮八平綴瓔珞之三千不
假鐙然芳苒幻金身於丈六居然草藉明莖莖有露承象由
天造即寸草之纖微示全身之端好儼蓮花作骨種下靈根
疑蕉葉見身皈衣法寶變紅心於九死地盡回春灑香雨於
三空天真不老想人間之軀殼無非欠性漚材現天上之神
通悟盡悲花忍草則見紫磨輝煌爛銀虬縵飛舍利之毫光

掣牟尼之珠串聳奇峯秀骨灌頂風柔瞻滿月慈容拈笑
綻逗天龍之一指金臂觥觥蹴香象之雙趺金蓮瓣瓣成非
點石繫金繩而覺路開頻偃豈從風轟金杵而愁魔伏慣黃
印瞿曇之而已似霜經青巫華髮之肩初疑翠縮信指呈牽
堵非奇而口喫維摩非幻或謂小草何知化機相濫惟佛性
之本涵故金身之可象納須彌於芥子便具由旬藏世界於
粟稊理宜供養例以一麻一麥皆明心見性之端猶之千葉
千花存化劫分形之想誰信金剛不壞葛藤斬盡千條可知
金粟如來煩惱薶來萬丈固宜語妙樨香理參梅熟踏來肥
膩每飲花牛銜到吉祥恍逢僊鹿似鷹窠之佛子合喚菘藟
笑鵝籠之書生有誰尸祝倘見身說法應開指甲之花如具

一六 賦鈔

七十五

金陵雜書
蔣氏校印

體而微尙有髮兒之木何必金光瑤草文殊之界是青蓮從
知僊露金莖大士之林皆紫竹故色身之湧見乎億萬千猶
著草之變化乎三百六然而金猶有象草木無心問涅槃之
妙旨聽海潮之梵音同鏡花之閃爍譬石火之銷沈非想非
因彈指見華嚴樓閣無生無滅回頭惜朝菌光陰幾經逐臭
尋香天空雪竇一任歸根落葉月滿中林如其索以形骸依
然碧草試問本來面目何處黃金是知一靈蠕動萬變坏甄
境何人而不幻迹何瞬而不陳泡影空花說明鏡臺前之果
蜃樓海市瀧恆河沙底之塵惟文心之狡獪實宰世之金輪
合掌低眉歎彌綸乎宇宙吹生拉朽乍鞭叱夫鬼神作如是
觀我種文章之草留他些子誰非血肉之身

18685

黃囊賦

玉札丹砂金鹽五加壺公妙術餅隱仙家符書赤豆厄度黃
芽胸妥月而縣鏡臂纏絲而繫紗今其有災誕訊平安之竹
過此以往同符吉利之花有變焉製肖紫荷束同翠柏霜杵
霏紅雲羅瀘白疑鬼箭之辟邪比都梁之定魄名誤英光義
通旁磔不呪劉綱之樹平地昇天如齋宏景之裝全家拔宅
珠匳鎖匣金網承梁實亞蓬餌香流菊觴蠶異桂而盛器子
非榴而折房夏玉聲之蕙珮襲玳筵之錦章入我腹中包絡
謝五瘟之使看人劫外祓除煎百和之湯三縛纏腰一枝插
手合號更生宜乎延壽紀西楚之土風豔中吳之綵繡配上
藥三百六定有紗籠應肢節二十三真無瓦漏不信淮南雞

一六 賦鈔

七十六

金陵雜書
蔣氏校印

犬餘瀝都沾從知天上金魚仙官乞奏河上公听然笑曰下
土塵葳匪天降殃役形鑿覈元精乃戕我有要道壽躋上皇
僕天駐景浴日齊光魑魅兩泣俞跗走僮發吾篋探吾囊後
天而老長相望

白秋海棠賦

以哭到成花
淚亦香爲韻

絕豔多愁美人善哭積望成癡疑思悵獨漬粉筋之千行聚
珍珠之十斛感秋氣之如絲見花身之一掬紅心已化空歸
帝子之魂翠袖依然漫倚湘妃之竹湘竹能紅秋花獨縞脂
粉都嫌鉛華盡掃何予美之娉婷處深閨之秘奧裏蕉雨之
愁心履梧霜之幽操玉容寂寞窳懷袖而君藏珠淚闌干贈
瓊瑰而妾報占銀牋之一角西風那禁吹來鎖金屋之雙扉

深院更無人到檀心一點薄命三生含情脈脈不語盈盈翠
羽微鞞紅妝掩明露重疑怯煙涼更清低垂粉頸薄倖纖莖
觸兜鈴而風顛墮春久而點成儼明璫之在御訝方諸之可
盛搵半幅之羅雲皎綃盡溼立三更之素月錦襪無聲月轉
廊斜鏡昏絳紗有人墮淚回身見花襲明妝之窈窕眇脩容
之練考痿不勝衣想霓裳之試舞嬌愁注的詎瀨髓之流霞
綴金井之蟲絲寒蠶籬側老玉關之霜信斷雁天涯喚亦聞
香兜仍是淚葉鞞雲低花濃粉墜喘遞聲輕窠彈臉媚銷沙
鏡之餘紅罨山眉之薄翠初含豆蔻之胎俄結丁香之穗感
孤影之淒涼閨仙姿之穠粹絕愛晶簾悄立綽有丰神饒他
銀燭高燒轉增憔悴看此日珠穿一串空招倩女之離魂記

丁六

賦鈔一

七十七

金陵叢書
蔣氏校印

當年臘歌成堆誰送花奴之半臂則有秋士傷心蕭晨落魄
金縷灰寒玉塔苔積悲遠道之鱗鴻怨空箱之刀尺眇環珮
之來遲悵精靈之永隔亦復徙倚牆陰淒迷月夕無情有恨
飛蝠影之昏黃惜豔鷺香閃熒燈之深碧一任香銷粉褪之
子溫其從教地老天荒余心純亦乃歌曰自君之出矣攬鏡
不成妝妾貌能花妒君恩有淚償鴛鴦七十二凌亂不成行
又歌曰檻外西風特地涼玉肌銷盡眼猶望歸來試取花枝
嗅知是花香是淚香

夜雨翦春韭賦 以題爲韻

春雨繩牀寒鐙草舍暝色宵分故人來乍一笑開顏千金論
價入門而短帽先彈柔燭而溼衣剛卸盤飧市遠媿無兼味

18690

18689

之陳杯酒情深可有壺觴之稽春盤釘處聊管野老家風園
韭供來莫惜清談竟夜夜色三分炊煙一縷此會難期客行
良苦詫兒女之成行喜須眉之乍覩感身世之漂萍話生涯
於老圃青芻白飯何須送到猪肝綠酒紅鐙尙冀搗來鹿脯
幸山肴之可茹雅勝批風況嘉客之來思何辭冒雨三徑雲
深一犁水淺黃撥泥鬆青粘屐輒疑宿麥之才抽礙斷葱之
乍卷肥輪藟本零露方稀薄效芹羹春風不腆松枝火溼嘯
驚喔喔之雞籬落聲喧寒吠嗒嗒之犬披綠蓑之一領剛宜
兩滴如膏報金錯之一雙恰有風來似翦翦落輕勻香泥正
新嫩逾耳蕨滑過釵尊是宜分菜把佐杯脣敘離衷之闊別
話平昔之情親分付廚娘刀砧要絮匆忙饌客風味偏真如

丁六

賦鈔一

七十八

金陵叢書
蔣氏校印

教韭葉題箋尙記聯牀之夢若待韭花逞味誰爲款戶之人
聽窗外之瀟瀟難忘舊雨任尊前之草草莫負青春繼而炊
熟黃梁禮成清酒沽陳思之十千品庾郎之三九羔如可獻
偏長物之無存本自宜豐願香心之共有嚼出宮商角徵從
教世味都忘看來碧綠青黃可似人情耐久且佐先生之饌
刈共園葵聊供君子之嘗挈同山韭况復莽莽川途茫茫塵
霧露葉靡當風花易誤喬良會之難逢問客來之何莫且盡
樽中之酒莫教聲密杯停試看畦畔之蔬已自根蟠葉附如
嫌食淡添將竹葉之鹽漫觸心酸加以桃花之醋諒清夢之
難成試挑鐙而作賦

薺菜賦 以薺菜說兒戲

蔣氏校印

草際雲肥天邊樹暝膏滿平蕪春生曲徑鳳尾青濃龜毛綠
瑩惟甘薺之宜人佐幽居之清興味在酸鹹以外秋士偏知
品居菘韭之間春盤可釘問先生於甘草術紀農祥卜佳節
之油花歌傳鏡聽爾其耕莢名詳莖茶味別生野岸而星繁
繡方田而罨列當夫雨過泥鬆風高壤裂紫碧成層粘青糾
結葉碎鱗攢根浮玉潔香連松芥開殘二月之花影混蔬蕪
歷盡三冬之雪天賜幽人之祿紫茄紅苋休誇春回大澤之
陂蘆筍蕪芽漫說於是攜筐采采結伴遲遲較筠籃之多寡
指江岸之迷離土綠深而細撥腰反折而忘疲映伽藍僊子
之廬清明節近伴諸葛先生之屋桑柘陰移實可論斤京洛
之泥香盡洗柔堪送把美人之刀翦偏宜試看淺逗深挑忙

丁六

賦鈔

七十九

金陵叢書
蔣氏校印

遍桑畦之婦還趁和風甘雨攜來竹馬之兒其味也秋菘莫
比涼餅難同魚肪點白豚乳蒸紅苕芹羹而輒滑炊麥飯而
香融盛將翡翠之盤青蔥莫辨擬以琉璃之箸膏膩全空固
宜烹向牆陰詫珍庖於魯望慎勿蒸來滄釜誇美味於蘇公
如調公子之酸尙有披絲黃雀不羨張郎之鱸何須捧釣青
童況復生當雪澤買向花朝寒煙古徑流水溪橋合行殿之
荒基草傍紅心易長溼宮牆之暮雨氣滴金粉難消瞻遠樹
於長安裁詩幾誤記芳名於倒灌抱甕還澆采兼鹿角雞毛
香生屐齒擔共羊躡鳴腳春上肩挑於是佐以新茶侑之清
醴藜藿腸充菜蕪飯啟榆錢漫擣輪茲晏號探春豆莢空肥
未必蒸宜碎米我有旨酒野蔬可以樂嘉賓雖無佳肴君子

不以非廢禮從此誦山居之咏不數此畫應教賦騎省之閒
惟歌香薺加以蔬水可風雪霜能耐異小草之無名縱孤根
其何礙泥塗久辱問采擷兮誰來蘭芷同餐惜靈脩之宛在
何必闌干映日鱣堂歌首荷之詩又看櫻筍行廚蠶市鬻元
脩之菜

荷錢賦

以點溪荷類

波鏡藍按萍茵翠激沽春傾白墮之杯買夏搆綠蘿之厂餘
醴委地惜花國之長貧榆莢漫天問金錢其誰斂何阿堵之
傳神訝新荷之亂點鑄經槐火拋來白水千緡穿稽菱絲飛
落青蚌萬點青浮暈淺綠偃莖低斜牽荇帶小結蘭臍走珠
露之流轉戲文儻而東西數姪女於河間煙波論價幻青童

一六

賦鈔

八十

金陵叢書
蔣氏校印

於沼上子母工攜清俸誰分淥水紅蓮之幕歸裝擬辨春波
罨畫之溪莫不浮沈魚庫點綴鷗波擲涼煙而散亂貫絲雨
而婀娜清氣逼人詩腸忽潤碧筒招我酒債空多拄杖如逢
好赴蓮池之約纒頭欲贈新翻水調之歌償將菡萏之天應
有報章雲錦撒向芙蓉之帳果然豔絕欠荷足使蘇涸轍於
波臣鬪豪華於魚妾勻圓而輕遜五銖舒卷而痕餘一捻琉
璃眼滑每賺蜻蜓金翠身輕低迷蛺蝶果賜名湖湯沐應裝
翡翠之巢任教香夢沈酣難盜鴛鴦之篋如誇秬羨增半畝
之苔陰誰信神通刻三年之楮葉又若曲沼煙清橫塘露夏
擊曲柄之蕭疏鎖浮漚而安貼錯呼錢樹十丈花開雅製荷
裳六銖衣褶弄珠人去兜香贈金錯之力鬪鳴船歸賭勝羨

綠雲之英照重輪之璧月醮金波而寶鏡青磨編名馬之障
泥飲香水而拳毛翠疊彼瀉心輕薄鵝眼零星或畫叉兮入
咏或荇葉兮肖形亦自圖成本草寫就心經未若此亭亭蘭
沼采采花汀捧出香孩定拜洗兒之賜書來鏤管疑通潤筆
之靈倘教瀉大如船雙轡點翠況復萍飄碎錦萬選都青乃
歌曰蓮葉綠田田菱花比鏡圓同心人不見拋擲爲誰憐幽
響未已清香轉妍串繁聲於別浦若有人兮叩舷又歌曰灣
灣湖水碧蓮天咫尺相思鳴鶯船妾命自傷荷蒂薄君心都
似蕩絲連買盡鴛鴦三十六但貪歡喜不論錢

人字柳賦以稱子有韻結

稽人柳於當年推漢庭之獨步無多顰笑依依張緒風流絕

丁六

風鈔一

八十一

金陵遺書
附氏校印

妙形容濯濯王恭雅度然而弄晴搖暝徒分金粉之名何如
接葉交柯生傍文章之樹乃有龍池異種鳳苑長春玩柔條
之倒影儼波磔之橫陳麥號雙歧無茲旖旎蓮誇並蒂少此
丰神舞罷尖腰肯現桃花之面描來樣脚剛逢蕉葉之身如
借竹報平安書成個個不與楓同嫩瘦寫出人人蓋其勢鮮
差池象殊奇偶分點畫於蟲書肖鉤斜於蝌斗非關結艾爲
人信有藏經號柳染雲煙之色居然逸少臨池諧將風雨之
聲似解張顛濡首若如可畫添紙界於烏絲蒲許同編倩簪
花之素手不信神名九烈初禪之文字俱無誰知倦到三眠
懸腕之工夫尙有觀其黛影交銜眉峯對掃青分連理之枝
綠映同心之草歌傳繫馬想書尾之無訛唱到棲烏豈塗鴉

之足惱牽念四鶯花之夢水面成章繫三千錦繡之春天工
脫稿果使橋題司馬助清興於揮毫如教絲繡平原寄相思
於遠道宜乎月寫前身風垂錦纈散新絲乙乙不數懸鍼織
橫理庚庚真愁畫鐵彼李應關西之子未足描摹即松爲木
下之公還檢韻折問幽居於種五傘蓋何殊如對影兮成三
弄身無別蓋柳原通卯沙間之篆體微參而柳象從飛天上
之星文互結何必桐葉背題柿林秋肆曾參絮果飛白工描
添得衣香揉藍淺試題休儂鳳春風鍛竈之年書可籠鶯芳
草池塘之思遂使迴文織就敲殘紅杏尙書載酒人歸問遍
綠楊蕭寺魴腮欲貫幾迷石鼓之文鴻爪留痕誤認天邊之
字別有河梁送別風日晴蒸妾贈鴛鴦之錦君書魚子之綾

丁六

風鈔一

八十二

金陵遺書
附氏校印

翳遠牽愁八字妝成誰顧腰長束細個人消瘦難勝穿燕剪
以橫斜分形從眾織鴛梭而歷亂不整如朋信楊枝別有風
流蠻箋卻寄知柳骨從來賦媚筆諫曾稱然豈若花飛翠輦
色煥青旗植向靈和之殿生當太液之池字爲孽歟寓生長
收成之義人者仁也想對時育物之宜左壁觀史右壁觀圖
好借鑽燧照燃藜之彩百年樹人十年樹木何必蟲書誇食
葉之奇

秋鴈賦

以秋鴈振翻

陰崖獵獵落葉颼颼清霜漠漠斜日林邱歛蒼鷹之側翅睨
清霄而縱眸唳漱誰工舉臂而千山欲動拚飛已習試呼而
羣鳥皆愁已過放鴿之天叱鈴羣翠漸學盤雕之勢風雨橫

秋惟爽鳩之司令軼埃瑤而上升窠金天之殺氣襲瑤光之
美稱角森立而孤竦骨軒昂而乍騰厲鈎吻而圍鐵蹙蘭筋
而引緹蒙主人之象養思突逞其技能擊水三千刷羽應逢
俊鶴搏風九萬脫絛試看飢鷹玉爪低攫金眸疾瞬掣電鏗
匄拏雲奮迅去無滯迹往必誠信乍剽忽以見才亦盤旋而
觀豐平皋莽蕩秋風鳥鼠之山大澤喧呼黑月駕鶴之陳號
霜臺之執法搏擊無遺落天上之將軍威名克振突入高青
陸摩晴碧霜透空拳風生兩腋點血流紅散花塗白足使月
兔潛蹤陽鳥喪魄如射大庭之鳥戰則請從如驅殿上之狐
急何能擇錦鞞乍掣騰碧海之前身組練孤臨奮青霄之逸
翻朔吹蒼涼關河已霜雲低羸幕血繡邊牆沙黃嘯虎草白

丁六

賦鈔一

八二三

金陵遺書
附氏校印

如羊已設頭鵝之宴俄開哨鹿之場初發蹤而指示詎飽食
而思颺逞毛擊於郢都獲禽無算助軍聲於尙父我武惟揚
海立雲垂十濫十決而猶怒風生火出一縱一橫之莫當別
有黑衣成隊青骸冠軍封以長樂之祀號以逍遙之君點似
魯連抗風雲而長往嘒逢寶誌標神駿而絕羣不簽落雁之
都孰高聲價儼遇射雕之手請奏殊勳是宜駕秋風於青海
司秋官之白雲而乃壯心抑塞平野蕭條幸養成夫毛羽終
自賞其風標恥權門之託跡思勇爵之徒驕張素練之風沙
纖毫畢見攫紅塵之狐兔陰翳都消君以爲雄請試羅夫鷲
鳥臣今已老將奮志於煙霄

魚枕賦

客有鱸張翰之尊羹淪龜蒙之蝦菜喜豚乳之同蒸憶鼈羣
之可溉觀骨鯁之中藏訝魚頭之宛在何須佩乙靈符收虎
篆之威絕愛成丁片石異鳧冠之戴故腦隨月減既奇迹之
可龜而枕藉濤春亦通中之不礙爾乃腴紅糝乳肪白凝脂
溜青睛之滑笏支玉骨之威蕤戴我頭來貯中央之堅白鹽
其腦也象圓枕之瑰奇一縱一橫疑夸耀兮鴻寶無冬無夏
任游泳兮鵝池如傾螺女之觴扶頭醉矣倘值驪龍之睡曲
肱枕之觀其棱角分呈通明可視非稻蟹之輪芒非沙蟲之
射弩笑魚鑰之常鯨等魚須之可數腮甯許暴羨安穩於龍
門尾或能燒勝支撐於鼉柱果爾名分石首應歌漱石之詩
如其躍向僊舟定入游僊之府豈宓妃之留贈化作波臣抑

一六

賦鈔一

八十四

金陵遺書
附氏校印

公子之酣眠擲從漁父則有竿投雪涪網結煙潯伴蟻珠於
海錯薦蘊蕞於川禽雖玉鱸金鱉之各異究青顛紅尾之堪
尋吞禹穴之澄波平如寶篋暖昆池之錦荇粲卽香羹剖出
素書漫儼瑤函薦枕彈來綠綺偏宜流水聽琴若封安樂之
公定推赤鯁不作神僊之夢甯羨白蟬固宜品列侯鯖買分
清俸欲觀篆籀之文須待刀碓之用除是編名索項枕狹難
安應知鮑職鼎車枕長可共如登几席魚苗亦解分攜雅抱
衾稠魚腹都教侍從繪三鱣於堂上居然三體鈎羣唾雙鯉
於盤中定有雙丁錯綜既堂堂而策策亦徐徐而遽遽慧可
知更想卜畫而卜夜求非緣木詎匪安而匪舒饒他翡翠支
牀亦有能文烏鯛卻笑鴛鴦交頸非無比目王餘寶也幾何

龍女新婚安爾心乎愛矣蛟人韞匣藏諸彼紅粧出僊客之家碧玉製深宮之手或夸七寶之莊嚴或獻六安之永久未若此形異烈帆用珠龜紐天開豔庫朝霞騰琥珀之光水是甜鄉宵月臥煙波之叟始信書傳丙穴高宴遨頭從教座舒辛盤有嘉折首迄心披爾雅之遺文敍加恩之水族厲劍齒於魚腸繡弓衣於魚服嘉玉枕之傳觀恥鯨魚之獨宿游皆逐隊不慮其孤餌或誤吞無嫌於伏浸去白龍鮮鮮依然瑪瑙斑爛買來紅樹秋江欲對芙蓉悵觸乃安斯寢試占吉夢之祥我醉欲眠且果老饕之腹

蝸篆賦

以蠅文爲韻

惟腥涎之宛轉見縮首之盤蝸乍緣落而縈繞時黏壁以橫

一六 賦鈔

八十五

金陵叢書
蔣氏校印

斜體具螺旋恍奇文之婉孌形皴屋漏同古篆之紛挐未從天上排來應殊雁字試向牆邊畫去豈類雅又原夫篆書之託始也體格詳於秦代書名昉於周官既變哇而蛟醜亦夙翥而龍蟠肖蟲魚之瓊屑變科斗之槃跚一畫開天會幻鴻文於蜥蜴三蒼釋訓頻書鳥跡於鸕鷀氣勁神遒寒瘦甯同蝸縮字奇語重縈迴迴異蝸盤有蟲焉負殼而遊就溼而煦醉或如泥黏仍著土名登郭璞之書居傍焦先之戶戴頭角之森森勝蜉蝣之楚楚秋蛇蟠繞牽粉界之千條春蚓盤旋結銀絲之一縷看此日蟲書篆就結撰偏工憶當年天字書成臨摹最古古砌莓生虛檐雨滴石髮青濃蘿衣翠籬蝕闌圃以偏明澆花牆而難滌恍置蚰蜒之壘霧結煙凝如張豔

丁六 賦鈔

八二六

金陵叢書
蔣氏校印

觸之軍星馳電擊書殊虎爪變體而儼若懸鉞柳比龍鱗點睛而旋教破壁勢若連而忽斷狀以密而仍疏矯健直同於筆虎癡肥甯諒於墨猪丹篆誰吞奇字定詢夫蝸醜銀鈎浸畫幽居合署以蝸廬倘照流熒尙儼心香之變如規暗蝸眞疑蠶尾之書次仲重來丰神酷似陽冰忽過體勢紛如又若淫潦經旬蓬蒿不翦溼糞沈醴春愁縛繭何微生之肖翹乘化機之蠕蠕傍書案而浸淫食紙窗而研吮輸他脈望曾偷食字之功絆到菴絲欲上凌雲之扁自然飛白縱橫遠過乎蠻書莫笑雕青斑駁直同乎寶篆惟是蠓蟪著號威蠖成紋雅稱蝸居之子宜呼篆愁之君負蝨同遊授簡爭輝乎丹黍守瓜奚事汗牛並重乎邱墳有時走或循牆紛詰屈齶牙可讀莫笑家徒四壁看唾涕流沫皆文

蝨穿九曲珠賦

翳小言之要眇皆至理之灌輸卦形師錫網象爲珠鳥何爲兮名篆馬何事而知途惟物安其性理握其樞道歸蟻蝨胸有智珠故解去連環胡蘆悶破而穿來九曲照乘光敷笑蚍蜉之能撼陋蚌母之曾塗爾乃鈎星散采弓月呈姿鐙九光而並耀鍼九孔以難施體具蠹旋百助之龍眠未醒腸眞毅轉千年之蚌孕相思藏卍字而峯回三三啟徑貯銀灣而水活六六分支漫縈幽而鑿險誰刻玉而築脂倘非蛾術時勤莫引千鈞之髮若使珠胎未剖依然無當之卮乃有元駒來賁赤嶺軒渠曾誇若象亦解觀魚封將丹穴之泥城眞蕩蕩

竊就檀蘿之號國是蠕蠕用塗脂而沃若爰致曲以紛如銜
素絲之縷縷樂芳餌之於於磨乾坤而共轉鑿混沌而非虛
一以貫之就淺就深之際兩而化也相摩相盪之餘觀其風
髓紅凝蟾膏雪濺範我馳驅從其脊念徑曲折以通幽力鑽
研而罔倦恍陟羊腸之坂險度千重如登鳥道之峯天開一
綫既旁行兮仄行亦左旋兮右旋比似蠶遊繭內牽來香雪
絲絲卻疑蛇入杯中照出弓彎面面其穿之也匪藉鍼神難
憑月姊但教有隙之可緣豈竟無能之可使果鞭心而入芥
貫虱何難如矢志以漏山潰隄不止何必橋編筏渡探妙術
於珠囊居然蠖屈龍伸羨成能於蠋子貫自等於芒鍼鑽豈
同於故紙始信鼠肝蟲臂此中具龍象金身應知月脇天心

一六

賦鈔一

八十七

金陵叢書
蔣氏校印

何處著尋常展齒既而價重五都聲馳千里結香縷之纏絲
貫菱絲之蕤靡落明月於懷中玩璇璣於座裏回憶九紋瓏
璨鉤心同玉井之蓮即今九竅玲瓏鑽核似房陵之李來非
由寶蛇行之匍匐偏能狹僅容身蝸角之盤旋足擬何紫纒
兮貫珠竟紛紛兮走蠹巽而入入而悅天下莫能破焉窮則
變變則通能事於茲畢矣方今一人茂對萬彙安全遐方蠹
附容照珠縣士羞鯨目之投才皆貫札人慕魚頭之號直擬
張弦道無小而不寓志何往而不堅但持駿馬雙繩足迹終
期遠到果拭靈犀一點心花定徹中邊若夫探桑之陋說囊
棗之遺編固無得而述焉

然松閣詩鈔卷上

甲初子送册存起

金陵叢書丁集之六

江甯願樓三

休洗紅

休洗紅洗多紅色改由來豔一時不如耀千載傾盡千黃金
寸心可能買洗紅妾有法洗向極赦海請看流水中明明玉
顏在

休洗紅洗多紅不鮮誰令花草姿賁以金石堅萬物各有候

委化隨自然恐加拂拭勤益以凋天年願君回仁照及此春

華妍

古意

甯士毋爲吏甯農毋爲商商利盡谿壑吏術兼虎狼避名乃

丁六 詩鈔上

金陵叢書
丁氏校印

居實其人必不祥堂堂王介甫亦慕桑宏羊古來言利臣及

身多禍殃

美人抱瑤瑟孤坐青楓林不鼓鳳凰曲恐啟非僻心天風吹

黃桑颯颯涼衣襟豈不傷歲晏感此霜雪陰羣女任相妒致

身羞黃金

嘉樹行

南山有嘉樹枝葉何輝嶸崇柯聳百尺鬱鬱壯神京咄哉寄

生草比附生繩繩託根得美蔭青翠驕陽春盤踞既深固霜

雪不敢侵長藤恣牽繞拳屈蛟龍形枝節受纏縛蹙蹙無由

伸重陰日蒙密朝陽稀漏明可憐溫風吹更被秋雨零根株

漸朽蠹歲久餘空心地虺踞枯腹元駒公然行般爾詎垂願

12/10/76

252

猿狖長哀鳴山靈而有知佗僚心不平每當風雨宵往往聞

吳聲行者爲太息斬艾操利兵勢盛猝難拔嘉樹先爲傾不

勝固同盡勝之亦無名火攻木下策假手尤躁輕客容豈不

猛願欲終難盈去稂得野葛篤患夫誰嬰君子慎萌葉履雪

防堅冰時時伐寄生無使相糾縈

比翼曲

丹丘之深山有鳥擇嘉木其鳴曰雙雙雌雄構巢屋巢中畜

數雛兩兩相翼覆酸雨綿積旬養羞苦無若黃小共嘯饑啣

啾仰雌腹雄意念諸雛飛啄野田粟振衣纒欲飛饑雌再三

屬宇宙多畏途君胡念行役甯爲待盡死無爲机上肉願君

急蚤歸爲君備膏沐是時煙霧昏虞羅滿山谷青蟲豈易得

丁六 詩鈔上

金陵叢書
丁氏校印

紅稻未全熟牽機觸膠餉俛首受髡禿幸免雀鮓充已作鵠

籠伏雌見雄不歸哀哀淚相續離我屋中雌尋我舊同族側

耳聽鳴聲知君念犖獨低呼不敢前檐端景羞縮雌向屋前

鳴雄在籠中宿同心而離居相看各痛哭雄謂雌勿悲區區

自貽毒同歸知一心徒死詎瞑目無父已自悲無母更誰喚

從茲返故居恩勤遞相繫他年傳翼飛平生願言足存沒苟

不淪豈必兩相逐無爲子規啼血染湘山竹

狐粉行

妖狐竄深山乃穴丘墓中思挾媚人術妝點慙未工嚙體睨

之笑閃欵成老翁汝未歷艱苦安望希保盡人身固難得借

面將毋同山花爲汝插胡粉爲汝碧頂禮拜星月呼吸摩紫

穹化爲美婦人嬌面紅芙蓉一笑下蔡迷焉能測其蹤東鄰
有幽女冷豔冰霜容芳會良蹉跎十載媒未通鄰女姑勿嘖
善保千金躬遇合有遲速妖豔甯可從雲中金翅鳥側目下
高空

長安行

長安多貴游夾道起高樓青槐陰廣陌碧水環金溝中堂羅
絲竹趙舞騰清謳賓客盡朱轂僮奴皆綠鞵歡樂殊未晏噓
氣回春秋夫君獨何爲憂苦不自聊我亦無所苦我亦無所
憂側身天地間獨抱生人愁長安三月春溝水東西流青春
易受謝溝水多沈浮金張號鼎望田竇封通侯呼鷹出平樂
走馬彈箜篌鐘漏一朝盡委骨歸山邱臺傾曲池平彌望惟

一六 詩鈔上

三

金陵叢書
蔣氏校印

松楸何必雍門琴涕下不可收

泣玉歎

荆山有良璧寶氣騰煙轡一獻右足則再獻左足殘足殘亦
無悔惟哭知玉難悲哉卞和子何不藏名山希聲感曠代嘯
傲煙霞間保身比明喆抱璞辭雕剗奈何自媒鬻急邀當世
觀楚王夫何尤躁進真無端不見齊顏生歸去形神完

啞啞城上烏

啞啞城上烏辛苦哺眾雛雛成母衰謝一一皆返哺誰與無
爺孃此鳥孝獨殊一朝失所恃血淚黏模劬哀鳴盡中夜草
樹爲之枯守巢不忍去如寢苦塊廬聞聲若有慕滅景猶相
呼微禽足天性可以人不如寄聲挾彈者莫打城上烏

論交行

余生秉微尙把筆無閒時締交盡賢雋品學皆吾師豈無瓊
瑰贈而少酬答詩請將賤子意一一開陳之友朋貴真摯古
誼良可思肝膈一以貢藥石當相資奈何世俗輩稱美多溢
詞自非上聖質安能無瑕疵嗟彼貢諛口不翅無當卮形聲
未相泐稱賞先不費違心造嘉譽欺友實自欺吾儕得力處
深淺同奕碁品題苟弗當何異非笑辭廬山有真面骨格原
清奇樵寫極雕鶚反失真容儀世人貴耳食極口相交推遂
令局中人深信無復疑志氣日驕滿精進不可期風流競標
置黨禍多由茲名盛易招忌善椽來蛾眉歷觀夏侯輩覆車
宜鑒斯絕交書既成謗議紛騰滋揆諸前後情倒行而逆施

丁六 詩鈔上

四

金陵叢書
蔣氏校印

古人重然諾一語成心知惜名若金玉不肯輕餉遺既憂中
道棄復嗟晚節隳恐污人倫鑒已德先有虧人生性情異譬
彼山木枝陽木多峭直陰木多傾欹苟非性所安強笑終不
怡小人豔噓植相得同膠飴君子志遠大將曰余傾危區區
念此意及爾心腹披獨居苦寂寞羣處羞韋脂二者必居一
甘作沒字碑

雜感

我聞懷葛氏人壽皆咸彭混沌一爲鑿者欲利相爭哀樂失
天性皆能戕其生壯歲兒女意中年名宦情士無賢不肖畫
夜各有營日月并景出天地傷元精本一花實萬嘉樹將頽
傾善根苦沈溺陳死終不醒安得乘颶風學道諮廣成

春葩豔羣卉百種鬪姣好施生徧保蟲面目無一肖初擬搏
土時靈媧築坯造豈惟有榮悴即事分壽夭委順終不齊拂
逆亦云矯偉茲造物心雕鏤詎矜巧陰陽互亨毒萬古同一
曉嗟彼螻蝻兒紅塵自紛擾河車焉可期食之後天老
朝陽出杲杲燭火一時熄乃其陰暄時星斗并韜匿熒熒葬
火青燄燄黍鏡碧孤月爭撼搖萬鬼助噓噓老鴟啞然笑妖
狐作人立吐燄非不高寒景動蕭瑟天雞一以唱奄然滅無
蹟穴地已足悲附草復何益始知魘魅光不敵太陽力
興雲山必高浴龍水必深君子抱冲素正氣常森森高心抗
天地塵孕無由侵歌聲出菰蘆眇若鸞鳳音風雲既遭遇如
雲龜鐘琴功名自吾分窮達堅一心薄俗豔簪紱名節非所

十六 詩鈔上

五

金陵叢書
附氏校印

飲讀書竟何事俛仰成荒淫吾愛隆中叟高懷無古今
日出羣動起醜惡紛萬端乃其廣坐中面目多沮慙乃其伏
枕時肺腑終不安一出便蹉跌庶可無後患小喜副幾幸滔
天津波瀾初心頗易厭晚節良足歎安得萬間厦爲爾謀饑
寒
不幸爲父母無錢真可哀傳家乏贏金兒面如死灰亦有田
舍翁辛苦蓄貲財不願生兒孝但願生兒才謂兒可付託願
景休徘徊一朝入兒手呼吸成風雷豈無甘旨奉冷炙兼殘
杯僮奴惡衰歇百喚呼不來疴瘵祇自知老病相與催殷勤
抱孫兒珍惜如瓊瑰願孫席貴業願孫無病蓄欲知孝子心
但觀手中孩

誰言兄弟親不如夫婦私乃其枕衾昵非念同乳時中宵動
鳴泣觸處相瑕疵積釀成巧構貌合心已離公然斧荆樹坐
使然豆其甘受外舍侮甘受客作欺獨至同懷人錙銖算無
遺喧呼惱鄰右高堂愀然悲發言涉袒護左右難維持陰氣
亂狡債饗祀終不飴從來家道乖殃禍生必奇夫婦有變易
手足詎可移何以睦兄弟白首相與期

妒婦如黃芩所至輒根斷無色尙梟雄有才益驕悍籠絡傾
陽愚鉗挾生積翫禍水滋王家國本易離畔南風已吹蠱獨
孤實首難士夫不幸值其家必星散况乃黑心符三夫嫁已
半忍心易所天醜聲出帷慢逞茲虎地毒縱爾眉目榮故鬼
但鳴泣黃小受糜爛誰非丈夫子俛仰動悲歎

十六 詩鈔上

六

金陵叢書
附氏校印

虎狼暴可馴龍蛇狎可擾獨有陰險心在人固難保方其求
繫援卑詞締交好舐痔固所甘踏頭不知惱諂笑工吠鳴憂
生代祈禱是真可憐蟲所欲頗易了功名一以共肺腑并傾
倒勢盛先何瑕裴落迹如掃殺機生坐中美鳩肆奸巧孤兒
頗能賣覆巢亦能搗所以傷心人忘機狎魚鳥
降衷有三命豐音固難必衣食取纔足婚嫁亦可畢無端涉
冥想謂有鉤致術妄思鑄橫財心計夸詭密乃其所得貲奚
翅劍頭蜜東家買莊田眼飽空妒嫉西家起高樓片瓦爭蚌
鵝夢中見腐蕨侵晨惘然出徒然亂心意清夜失安謐坐此
促年命往往發狂疾有生不耐窮孺患焉可詰
有錢不能用奚翅無一錢有錢不善用焉有不涸泉谿刻固

所禁暴殄天不憐嗟哉守錢愚黃紫標萬千親知偶稱貸推
解無一緡官吏闖然至墮突中庭前卑詞納厚賂四顧心茫
然旁有刀筆人睨之唾醜涎何況決撒兒裘馬騰豪鮮不念
銖寸粟但飽谿壑填未死氣已盡既死難保全賢哉漢疏傳
飲酒終餘年

夢醒俄頃時此身落何處夢中極悲歡醒時賸驚怖醉醒俄
頃時此心非我有醉中肆喧呶醒時增悒忸豈惟備醜態乃
亦生事端放膽不知忌傾心輸肺肝殺機起尊俎杯瀝猶未
乾奈何縱狂藥不顧頭頸安三復賓筵詩飲酒良獨難
美人如憫醜醜處不知畏是真革囊血是真嚼蠟味有身配
三才萬物孰比貴胡然逞者欲不思固精氣色心一以熾百

丁六

詩鈔上

七

金陵叢書
蔣氏校印

脈并騰沸豔稱容成術秘戲圖彷彿人疴感妖蠶火庫發瘡
疴一朝鐘漏歇相顧泣歎歎盛年固難守更衣且不諱西陵
歌吹聲閉置更無謂請觀變相圖癡兒夢醒未

種松得美蔭種枳多刺傷栽培亦豈異施報偏反常此輩最
可恨此理終易明松直鮮阿附枳曲隨低昂心孤迹易遠植
弱患豈防卑棲句雨露稍稍見鋒芒風雲會遷變觸手成披
猖前車固宜戒嘉實焉可量奈何斬墟植自謂無否臧多情
乃天地庶物親扶將惟其心無私是以春風揚

楊子哭歧路墨子悲素絲出處苟不慎百悔何由追小人怙
勢權牽引必良士謬推吐握誠虛執前席禮感激心忽萌一
墮永不起非義共敦迫盛勢相挾倚居恆清節高化爲鄙夫

鄙蕤德甘頌揚忠良且排擠本非鷹犬流乃爲虎狼死揆諸
失足初曰自利祿始君子慎許人守身如處子

魄亡日月替氣盡風雷瘖天行違屯難人力非所任偉茲志
節士欲挽虞淵沈艱難誓宏濟元化同剡樹成否固難必獨
此區區心精誠感天帝頃刻開重陰北山負愚叟東海填冤
禽身世豈不在此意天所歆

物生苦蒙昧父養師教之初服有詰命譬如胎與胚奈何肉
食人不知擇嚴師富兒慣嬌養檀楚斬不施貧兒乏脩脯終
日相娛嬉陋儒志溫飽備書等居奇喜怒絲乃公嫺母甘心
爲黃金價益高青雲氣益卑兔園守荒冊強半沒字碑是真
腐腸藥和緩終不治已誤莫再誤惜此聰明兒

丁六

詩鈔上

八

金陵叢書
蔣氏校印

薄俗信巫鬼百偽無一真鬼尙人氣餘何況泥土身古神載
祀典煌煌薦明禋斷宜木主祀烏用像設陳譬如立尸祭古
義今難遵自從佛孱入莊嚴奉佛神牟尼而比丘妄誕空自
尊羣愚競祈請額瘤爲之墳禍福果能降佛乃饕餮倫況佛
固聾啞塊然形體存即曰人身具拜跪禮亦申何不受孔戒
稽顙文宣門拜佛已無恥拜僧尤可噴請輸拜佛心歸家拜
雙親終朝致禮敬福來振振

孤陰亦能生獨陽亦能長在物必疵癘在人必妖罔古王制
腐刑關寺感天象猶恐傷好生罰贖解湯網眾生有眷屬一
視關痛癢羯雞儻作俑侵晨失清響闕羊及宦牛踵事益非
想養生備百物宰殺詎爲枉奈何罔生機馴至芻豢養盛

世無妖胎孕字及時廣春臺如可登人物并熙攘

俠客

一笑頭顱贈黃金糞土看雲天酬義烈恩怨植孤寒天涯滿

風雪落魄賣刀難

酒徒

三百六十日以醉全吾真今古付一哭乾坤能幾人狂奴漫

呵叱恐是故將軍

才子

聲華滿天地一賦千黃金誰人解憐惜愛極生殺心名山有

著書涕泗傷古今

美人

丁六 詩鈔上

九

金陵叢書
謝氏校印

但把蛾眉照菱花便不圓甯斯斯養嫁不與畫工錢留取傾

城色重爲人所憐

秋懷用昌黎韻

秋色滿天地萬象絕塵蕤芳樹一以凋搖落不自已因風作

商聲併入秋士耳物理盛必衰生意盡復起不秋何以春天

運轉蟻似人生匪金石少艾安可恃古人不我待來者方接

軌置身今古間一日幾憂喜

皇天平四時秋氣獨懽悻昨日花滿枝今日霜滿地城城焉

足悲天亦難恣試從空處觀欣戚兩無異靈臺有春風方

知天爵貴

秦箏促雁柱趙女斥其曼越人脯地賸楚客不敢飯聖賢曰

不然深心發宏願小人苟好名君子必獎勸苟非取下節來

歸動千萬采善忘前非感泣肺肝獻我無容物才恐激乃成

怨

青青巖上松勁陰不敢凌玉質苟瑩粹豈畏盤中蠅君子慎

所履皎若懷清冰調停最貽誤巖然見丰稜雕鶚志霄漢巨

魚眇冥昏中庸豈易幾狂狷吾亦能

白露曖空下阜禽發清警啞啞曉月烏哀音一何永感逝追

昔歎入道積今猛浮生無百年憂來淚如綆時既不可失名

亦不可幸抗懷希古人塵念庶其屏

秋螢出深雨修竹媚寒景清鐙景書帷照我心罔罔幼懷寄

簡編一意掃榛梗夜靜虛籟生心孤慧光聘名山安必傳所

丁六 詩鈔上

金陵叢書
謝氏校印

願不敢請

束髮盛意氣鑿淺識愚罔緝交徧桑梓俛仰多積憾恩深責

逾奢毀積鬼先瞰君子如春風味濃意彌淡小人熱如酒稍

近易流濫趨嚮一以殊卽事分久暫我久人非尤中流急收

纜載觀廉范交精理自推勸百憂如草生夜雨滴檐甌

涼月忽西墮清光猶滿軒露寒溼衣袂仰視明星奔古屋寂

人籟秋蟲亦能言獨居窮默士徒倚空庭前自從習儒術高

堂缺晨餐妄思不朽業著述垂簡編侏儒飽欲死食字空五

千夢幾不知苦梅蟲甘茹酸奈何累衰親操作忘食眠南山

有靈藥采采貽高年

精衛銜木石妄意東海乾刑天舞干戚屢折青琅玕天地有

罇漏補鍊終疑團力小願欲大強受非所安一蹶不再振家
國生波瀾何況倚伏理轉徙如流丸嗟哉破車覆曷與施轉
鞍

泠泠七條絃彈出清商聲亦知識曲寡心事聊相明蛾眉豈
忘妒天意憐真誠寒條有時振蝕月終復盈百戰氣益銳而
手無寸兵品植藝乃貴身誦名則榮何以答高厚圭璧當自
令

芙蓉滿秋江清輝閔姣好不憂贈君運常恐被霜早微生頗
自矜朱顏爲君保後凋謝松心感物易枯槁采采貽所思馨
香棄中道

倚松歎

一六 詩鈔上

十一

金陵書
蘇氏校印

春風入庭戶松花一何香昔我毀齒日松頂如人長時與同
學子列坐嬉其旁彈指十餘載人矮松昂藏臙僂偃車蓋青
翠高檐廊濤飛六月雪枝濯三秋霜草木能樹立我行空自
傷本非金石姿令名苦不彰

讀漢武帝本紀

江都屈傅相公孫東閣開用人用輒媚枉慕非常才

黃老治天下作備質文景一變求神仙蓬萊眇千頃

天馬求未來瘡痍徧海內如何勒燕然翻出寶憲章

漢法多刻深難全父子愛泉鳩諡已酷思臺空寄慨

秦坑瘞冤儒漢經置學博尙論并祖龍無乃議未確

張湯起刀筆舞文得殊寵壯哉汲大夫危言詈無種

芟蔣寒瓠子樓船渡汾河佳人感賦世哀樂何其多

君王好詞賦同時有相如茂陵索遺藁乃得封禪書

匈奴失陰山漢亦苦征繕請收哀痛詔然後議封禪

霍光雖不學知人帝善擇但得社稷臣何勞殺鉤弋

讀晉書阮籍嵇康傳各賦一首

秦園隱下吏柳季甘辱身夫子古達者守晦全其真一醉六

十日聊養義皇醇嗟彼篡奪輩視之如蠅蚊奈何禪位詔出

自高詠人遂令太史氏編置作晉臣秦帝魯魯連恥高義凌千

春潘勗製九錫雖美文不珍夫子雅玩世曠誕蒙莊倫生死

分已定乃畏丞相頤疑諸窮途哭哀痛難具陳君子貴操守

殺身以成仁腕斷詔不草風節良振振

一六 詩鈔上

十一

金陵書
蘇氏校印

中散人中龍入道心未堅蘇門有鸞鳳何弗從學仙竹林亦

清曠鐵籠堪終焉絕交論頗激幸值銓部賢倘如會宗輩軀

命亦蚤捐咄哉晉子房聞見何獨偏手書殺良友况積眚毗

愆典午急禪代頗畏清議權才疏等北海抗直安得全太學

三千人才藻成翩翩坐以廣召號傾陷成因緣廣陵一爲奏

哀響崩琴絃青霞鬱奇氣白日沈虞淵豈若蹈海人黃鵠翔

超然柱下戒知白揚子安草元何必樗散材始克全其天

牡丹一本作花不多復爲雨殘詩以釋之

好花如美人奇福信難享豔絕終見傷妒極轉受獎天意固

難測雨勢蓄塊莽凌晨開數枝香色動書幌清酒酬一杯聊

以當供養風雨何驟來打落盡一網主人爲花惜清淚掬盈

掌花神如有知賦性偏強甯甘風雨摧不耐俗客賞明歲
春風多花開大於益

虎踞關北歸小步子城看月

寒月出城角蒼煙與之俱月光半明滅人景隨卷舒朔風撼
枯樹啞啞噤寒鳥河冰斷清溜水骨生長渠水忽不受月珠
景浮清虛混茫接元氣莫辨居人處但看雪明處微露西南
隅寒鐘發沈響霜氣森輕裾疲驢策難進野立空愁余

贈吳碩卿

涼風起沙雁肅肅飛成行索居苦無偶冒雨登君堂主人喜
客至食頃羅酒漿呼弟出拜客秀質頎而長和氣溢眉宇趨
步仍安詳兄為弟布席弟為兄舉觴此景妙可繪對之頗且

一六 詩鈔上

十三

金陵遺書 蔣氏校印

狂家庭最難處微隙成參商同體誼豈薄婦怨誰能當豆其
有時泣荆樹還自戕孩提足天性長大翻不祥形乖氣乃逆
貌合心自僵古稱難兄弟元方有季方如君睦閨門古人相
頤頤雍雍太和氣可卜百世昌

板橋懷古

如霜板橋月曾照古昔人古人不可見板渚垂千春長河細
如帶春水生粼粼危欄石礎卸半是波曠痕香膝富辨麥古
道盤荆榛車馬去不息撲藪揚飛塵此地昔征戰精甲臨江
屯龍驤一飛渡王業哀沈淪偉哉張丞相殉義不顧身青蓋
入洛陽鐵鏃空嶙峋誰知五馬渡異代棲江濱宸遊結雙轡
鼓角鳴兩甄雅量信超越無術柔賊臣龍駒竟顛躓憔悴憐

丰神流水送千古宮闕亦已陳我今訪遺蹟惟見荒田畛短
俗曲通徑長亭遙見邨楊柳綠成市瓦屋鰍魚鱗腥風逆潮
上白小紛如銀莎堤健牛羊溪煙生白蕘陵谷有遷變光景
隨時新高懷謝元暉長揖孫子荆邨醪三百杯酣醉傾酒緝
石子岡弔諸葛恪

葦席埋屍亦可傷中原謀略竟無償一般強死榆綿竹斷雨
零煙石子岡

自江甯鎮之水橋宿莊戶張文魁家

斜陽墮驢背溪風欲吹帽山行窮日力面目無一肖或如雅
尾銜或如鵝頸拗卷曲蛟龍鱗蜉蝣熊虎暴陰崖檜廊深絕
壁戟鏃峭境阻心已馳峯回日先到暝色何蒼然山谷欽清

丁六 詩鈔上

十四

金陵遺書 蔣氏校印

妙裏著人趁墟鳴榔叟收釣麥氣浮深涼炊煙起荒竈返照
光逾鮮殘紅挂山廟求槽馬驕嘶爭枝鳥謹譟蹇罷策難進
遲回互相訪聞聲便尋邨隔水發酣叫邨犬詫冠服吠客猛
如豹叩關日已昏穉子作前導解轡趨中唐田家各歡勞
籬編作門斗室大於窰兒呼豚犢歸婦趁鵝鴨鬧壤沃遲追
呼風瀉樸顏貌歡言勸尊酒為說歲豐耗山肴羞竹姑家釀
綠浮醞壁間春帖詞把火讀且照溼棟垂沮泐繩牀苦霖滂
偶聞低唸聲繞屋蚯蚓窺草薦雖不文勞人足酣覺嗟彼襍
穢子塵網日羈羣百感熾胸臆三塗任顛倒孤負花月多青
山解相笑但知鐘鼎榮誰識耕鑿樂桃源如可尋吾亦從吾
好

憩二聖庵

松花如雨落山門古木千章一寺尊
世外煙霞禪悅淨壁間
神鬼畫堂昏經幢佈錦樓
雷石鼎文僚亂水痕絕愛師巫
迎送曲年年簫鼓十三邨

游園舅氏招同家裕菴叔晚至官山松林步月

淡上白雲留不住乘風飛過山頭樹
碧梧翠竹花冥冥十里
空濛起香霧煙銷霧歛出山月
啞啞鳥嘯萬松暝山人愛松
兼愛月冷翠交光互明滅
支離老叟不記年留得堯時滿山
雪須臾月光似潮湧捲入松濤
四山擁月光墮地松入天萬
馬騰驤踏丘隴倚松看月月倍明
移月就松松愈清山空無
人雅鶴驚飄飄月似隨我行
劃然長嘯月亦停依舊千樹萬

一六

詩鈔上

十五

金陵叢書
蕭氏校印

樹松痕青天風颯颯涼衣襟但覺體骨皆惰輕
安得中郎焦尾琴爲我一揮山水音松聲入指吹冷冷與酣還向山頭坐
孤鶴橫飛月西墮松林黯黯風蕭蕭幾顆明星松子大
落星岡懷古

樓頭山光青潑醅提壺聲中行客來千年頑石醉不醒
揜者如盆傾如杯青蓮才調古無偶流落天涯一杯酒入夢長庚
本謫星大鵬落落逢希有白門秋柳下霜鳥招得高陽舊酒
徒醉解金貂質錢去生平酒債無時無學劍既不成學仙亦
難遇不如且博酒中趣手挽銀河注百川青天攜出驚人句
興酣歎忽騎鯨去下視塵寰但煙霧白鹿青鸞啟隊迎明璫
玉女紛無數天雞亂曉海日曙吹夢金陵不知處才大難容

天地寬愁多苦被聲名誤寂莫青山土一坏風雲時有精靈
護何處重尋舊酒樓落紅千點留人住狂歌響振山谷磨冉
冉碧雲飛上樹

蚤發石橋由仙人角至漸塘

連岡趣百轉山容始一變春樹亂如雲朝陽綠逾絢危橋客
心凜俛視目驚眩鷓鴣夾岸飛白雲滿幽澗側聞聲潺潺春
波駛如電石瀨何嵯峨中流起雙堰石怒不受水飛濤雪花
濺水復不讓石風雷挾酣戰窳如蛇入袴矯如鶴銜箭剪刀
劈雙股蝸角通一綫懸流細於髮直下噴雪練游鱗淨可數
塵纓照能見人生名宦心至此意亦倦苦無畫又錢空結買
山願漁郎何處招桃花散成片

一六

詩鈔上

十六

金陵叢書
蕭氏校印

曉起齋中聽鳥

不聞人聲聞鳥聲銀河幾顆疏星橫花間露氣冷猶溼青林
漠漠煙光生煙消日出鳥聲急千竹百肉和嚶嚶初如仙人
吹玉笙又如嬌女調秦箏戛然一聲天籟清四山鈴鐸皆不
鳴客心此時靜於水皇古澹泊無所營舉手招鳥鳥不懼始
知人物皆忘情

曹義池壁間畫虎歌

陰崖獵獵林莽枯寒雲如席霜華鋪天風一吹四山恐草間
突起神於菟電睛睒睒飛霹靂空中陡落雙明珠旋毛倒植
垂纓胡耳輪鋸缺牙排梳劃然一嘯風雲轟妖狐魂死驚不
蘇何人妙手追此圖腕底似有神力俱空堂月黑聞嘯呼旁

有俛鬼焦模餽青螺飽啖肥肌膚北平太守愁鬱孤男兒生
不封侯非丈夫會取个印懸虎符方今麒麟在郊藪上
林弛禁同薪芻願呈文采貢王國爲君擊兔兼擊狐我今
作歌唾唾盡人間真賞無時無

九日風雨遲同人不至兼憶亡友韓樹佳

自別茱萸酒傷心直到今友朋多散散風雨罷登臨此後知
誰健平生感最深寒鳥嘯啞啞回首一沾襟

題王鞠人洞庭秋汎圖

水氣沈菰蔣山光接舵樓沅湘流不盡秋在木蘭舟選客一
爲別婢靈千古愁芷蘭香正烈采采惜汀洲

雨夜宿端木月鉅齋中

丁六 詩鈔上

十七

金陵遺書
蔣氏校印

蕭然唵館澹煙浮茗盃琴囊事幽繞屋溼雲黃鞠晚漫天
涼雨白蘋秋聰明已信今生誤嗚笑都工絕代愁杯酒高歌
忘漏永又欷書榻爲淹留

陳靜觀招飲東園憩因是菴

荻蘆風起碧溪澄連鷗相招舊酒朋華外鐘聲涼遞月水邊
樓景靜移鐙城荒在清浮孤塔秋老禪房臥古藤一有本古何

處雀王同滅度欲將遺事問山僧

卷今有孔

游西天寺

爲訪西來意招提數往還柏林寒永晝禽語破禪關僧定魚
聲寂雲移幢景開都無身世想坐對日銜山

題于母封股瘵姑圖

霜風烈烈嘯夜烏阿戎哀毀血淚枯青蓮華凋人乃徂上存

老人下四孤虞淵日落髮手扶胡又篤疾嬰其姑其姑之疾

疾彌留萬無藥石能少瘳良人易簣時伏枕雙淚流千回百

轉不能訣但道鞠養恩未酬恩代酬瞑雙目鬼不能言尙能

哭誓將一死踐前言捐軀那惜心頭肉一割血已墮再割肉

猶裹三割四割摧心肝肉塊紅飛沸湯火手杯羹乞姑嘗兒

嘯呱呱索分湯匕楔姑齒哭且灌灌畢身仆杯猶將其孝也

若此誰不聞之心悲傷上有蒼蒼之天下有奄奄之人須臾

一室森鬼神起其沈疴蘇其昏披圖拜圖唵愁滿書鐙無華

暗空館問天終賜厥後昌孝婦何爲命奇蹇命惟不幸節乃

奇不有奇苦天安施烏乎古來忠臣烈士皆如斯

丁六 詩鈔上

十八

金陵遺書
蔣氏校印

楊貞女輓詩

貞女聞訃絕食月自經奉也官旌門與以合

九死難酬教育恩忍教婚帖判朱陳空梁燕墜三更月香國

人歸一縷魂脂盞尙餘華慘澹鏡湖重掩淚塵昏珠宮回首

增惆悵未奠靈帷酒一尊守女先欲歸不從遂以身殉

買得瓊田瘞鳳皇貞珉常護女兒坊春歸細雨聞嗚鳩華卷

寒溪落野棠泉下相逢真楚楚他生緣會更茫茫惟應墳上

雙棲鳥銜到金沙土亦香

題楊丈醒菴晉游草

幾年不見楊夫子丰采依然鬢髮斑初日滹沱千里雪秋風
王屋萬重山交遊自託羲皇上詩卷孤行天地間猶喜故園

松翰在春暉回首淚潸潸

春草和樂山韻

又見江頭拾翠人轉因憔悴惜前身無風尚帶銷魂色一雨能生有脚春種就情根憐夙世熏來蕪澤趁芳辰青袍對爾增惆悵白馬蕭郎最愴神

天涯何處不追尋撥到蘭苕抵萬金蝸角一庭才子夢龍沙三月美人心煙巒點翠山眉活石磴層波乳竇陰怪底王孫多別恨齊梁宮闕半銷沈

鷓鴣嗁罷雨瀟瀟一碧無情送六朝風爲酒人吹易醉天憐華事暗相撩恩如可報終銜結枯果能回儘撼搖莫唱青青河畔曲江南詞客已魂銷

丁六

詩鈔上

十九

金陵叢書
蔣氏校印

踏徧芒屨盡綠雲幾多顏色借東君辛綿柳尚遲三月嬌嫩華猶讓一分舒錦詎煩絲纂組懷香真覺氣氤氳煙苗雨甲知何限乞汝靈芝照典墳

懷馭良叔

漂泊真如不繫舟十年京洛敝貂裘杜陵芋栗天涯淚張翰蒹葭故國秋俛憶南枝棲越鳥仰攀北斗看吳鉤翻憐阿買依人慣未卜湖州與惠州

喜晤王芬橘

參軍垂老髮毵毵拔劍悲歌酒正酣豪氣直吞金斗月鄉心祇訴落華龜僧高志經摩三體池俱黑胸有千秋口不談莫怪博陵崔十四青山留子賦江南居嶺南主人不果

鯉魚曲

君家長干尾妾家長干頭君家門前水妾家門前流流水已去還復至君心一去不可留春波融融綠脂滑中有鯉魚長尺八鯉魚接獵雙大鱗腰以比目形神親何似情人不相見相思嗚殺空梁燕妾欲見君明妾心三十六鱗眼華眩長竿釣鯉魚緘以尺素書書中道妾意願君恩義仍篤初書成卻放雙文鯉日日江頭釣春水

神仙謠

兒時鵝鴨常惱鄰鄰家乞巧邀勝神黃雞赤米羅縵紛空中箕運如飛輪獨我叩神神不聞箕盤偏強難爲伸爾時便笑癡愚人甘受百誑無一真何來仙客如饑蚊十戶九戴華陽

丁六

詩鈔上

二十一

金陵叢書
蔣氏校印

巾赤章召神神立臻東塗西抹牛鬼文讀之胸目搖青唇代神傳語神諄諄他日請驗神隱淪別有方藥稱神君淮南犬竊丹鑑塵立使枯骨回青春階前祈禱聲鏗訇庸醫殺人人或瞋神仙殺人獨避嗟哉不智兼不仁縱使神仙能化千百萬億身何弗逍遙問風林天鈞乃爲人役酬金銀或云華月之魅才子魂偶弄狡獪詩句新奉之可救貓鬼貧君不見高車駟馬諸葛股不飲言其人之能以狙詐愚商民篋中皮虎聲狺狺縛龜彈琴龜竟馴實此係一朝聲氣通要津門前冠蓋多如雲遂與王謝連婚姻朝不見神仙神仙乃與樟公木客分主賓夕不見神仙神仙乃戴千年髑髏噓陰瘳安得湯文正公來知江甯軍箕盤亂擲如飛髮投諸濁流燔以薪毋使

神仙重放擲

古戰場

白沙莽莽天淒愴輪臺月出邊城黃鬼氣一吹萬聲啞欲落
不落星無光千年髑髏長牙齒雙臂熒熒作人語昔年征戍
填交河河邊白骨山嵯峨游魂佩強不知死手戴頭顱行萬
里隨風縹緲還歸家家中小婦顏如華不見親知醜酒慰勞
苦但見紅顏衰絰淚如雨出門淒絕黃泉路更覓殘魂枕屍
處西風吹血沾草腥烏鴉飽啄無全形奈燈明滅閃妖綠千
百冤魂掉頭哭紫髯健兒騎馬過腰繫金印手執戈不辭戰
骨埋荒草惟願功成馬伏波

題明皇羯鼓圖

十六 詩鈔上

二十一

金陵叢書
蔣氏校印

金牀夜走銜華鹿細柳新蒲黯然綠三郎沈醉不知愁自製
霓裳譜絲竹彈指如聞朋肯聲開頭恍按龜茲曲催華鼓式
尤精奇春江截就蛟龍皮雞婁答臘聲入破牙牀奈桶光陸
離東風一夜蘇梅柳詔書火速春雷吼上苑催開頃刻華天
顏喜酌金觥酒華奴嬌小最承恩妙舞山香奉至尊偏愛研
光輕滑處權華紅壓帽檐溫紅華未落青羊舞聲聲打入巫
山雨可憐曲子稱相公鐵石猶傳宋開府前環尤嗜此日頭如青帝
白山立手如阿鞞山仍趙羯奴延秋烽火夜嗚烏謹聲已迫漁
陽慘解葦空思毀血塗傷心凝碧池頭宴淒涼舞象承前殿
回首家山蜀道難笛聲蕭瑟鈴聲怨君不見七德舞七德歌
太宗王業風勸多開元初政信英武手戡禍亂揮天戈始知

安樂伏憂患歸來南內當奈何我今展圖增歎詫誰將雙梓
高聲價鼓催華開華忽謝楊家阿廢李天下

女侑食子文機匠崇奉甚盛詩以譬之

銀河夜半驚風浪黃姑妒絕增惆悵忍使鳩居占鵲巢藍橋
水斷長相望昔聞河鼓聘天孫靈匹何年嫁蔣神豈為雨工
鞭不起涇河謫作牧羊人蔣侯廟貌何威武棧棧青骨須眉
古從此袍應著絳紗不教手但彎神弩一曲巫歌唱送迎神
仙何必竟無情清河縣主論金盆南越夫人下玉京祇愁醉
尉風情老龍梭織罷心如擣鏡裏嫦娥憶故夫溪邊小妹愁
邱嫂莫問當年出盪時雲車風馬臂弓時誰令十萬橫磨劍
縛上千端寡女絲蔣侯聞此笑哆口世間怪事無不有杜十
姨嫁伍髭須撲搗雌雄誰辨否何況鼻亭象冉廟牛西門曾
禁河伯娶乃曳豹尾成贅疣我今作歌破庸妄飲犢填河盡
虛誑垂簾何處問君平匏瓜無匹空騰謗神言土偶原無知
沿譌踵謬人自為君不見織女戴孝已足詫鍾馗嫁妹尤可
嗤千秋信史傳疑半姑妄言之妄聽之

阿謹歌

吳趨且勿謫巴歛且勿歌聽我阿謹歌使君涕淚如江河梁
王舊列雲南郎蘭陵嬌小珠宮啟毀齒能歌驃國詩垂髻便
習班昭禮一朝天地滿風塵絕漠風高草不春靈武雖殊唐
帝族河西猶是漢孤臣赤眉銅馬跳梁久玉案山前落天狗

十六 詩鈔上

二十二

金陵叢書
蔣氏校印

果然妖賊起紅巾一天烽火君王走桓桓誰似段平章珠袴
華冠白面郎回紇願當前隊戰鴉兒爭陷賊兵強燒天一炬
成灰盡更傳張角添兵信妙手潛移鄧艾書深心倒用司農
印小隊弓刀給賊還鯨鯢高築七星關誰知都護金釵餉便
作溫家玉鏡看再生禮置還宮酒君王歡宴主上壽一柱擎
天賴將星腰間金印懸如斗今日享平章椎牛殺馬烹黃羊
明日享平章吳綾越錦雙鴛鴦平章高第連雲起君王寵賚
情無已竟許吹簫引鳳皇金枝窈窕成連理聘錢百萬貫黃
姑一色紅氍錦地鋪本異師婚妻鄭忽非緣愛女配禪奴紫
雲一曲春難曉九華帳裏薰龍腦戀戀齊姜不肯歸舊絃爭
似新絃好朝來青鳥忽傳書寄到蘇家錦字圖上言上山采

一六

詩鈔上

二二三

金陵遺書
蘇氏校印

靡蕪下言新人玉不如雲屏寂寞鴛鴦宿眉掃春風為誰綠
樂極悲生苦語陳恐防冤鬼啾啾哭一慟風前便束裝刀環
舊約那能忘來時野火燒天赤歸去垂楊夾道黃扶牀喜見
雙珠映更看羌娜能吟詠所生高夫也莫道郎成濁水魚歸
家人指圍欒鏡舊巢纔整憶新巢又訪銀河渡鵲橋題壁苦
爭鬚主簿握兵偏忌霍嫖姚功成從古烹功狗誰把兵權釋
杯酒豈有垂藥納館甥翻疑伏甲迎嘉耦君王祇解愛河山
私語蛾眉鳩阿蠻明知鸞鳳孤難匹欲遣琵琶別過船此際
紅顏暗於邑剪燭吞聲不敢泣父雖有命妾必違雍姬往事
甯堪襲玉龍山遠麗江清苦勸平章掉臂行郎爲充國屯田
計妾慕于棕箱帶情可奈平章怙恩寵松明覆轍偏投踵但

記金瘡裏尉遲那知鳥喙誅文種回首功名百戰身傷心蝴
燒夢中塵座間明月桃枝拉帳後長民絮語聞是時大風揚
灰沙阿菴聞之淚如麻同心血搥珊瑚玦半臂寒生鐵劍華
乞王屍歸葬以禮哭到天崩與城圯鐵立愁封五大夫也
時見駝酥羞點三娘子卸我金鳳釵織女孝戴霜皚皚碎我
綠綺琴離鸞聲苦摧中心吐嚙吐嚙段阿奴情吐也青天聲
啞高難呼誤人最是踏裏彩也何處尋君抑不蘆也俱生草
原一旦天兵狗弄棟梁王兵潰頭顱送繡轡重迎洗太君夫
仇假手心翻慟蛾蛾金齒山浩浩昆明池有女銜冤刺繡旗
有臣仰藥題哀辭碧雞金馬有時泐天長地久青松枝誰書
貞石蟠蛟螭不信但看阿瞿詩

一六

詩鈔上

二二四

金陵遺書
蘇氏校印

送周石渠再游長沙
淮南木落天雨霜翩翩旅雁皆南翔故人束裝別我去扁舟
直下浮三湘周侯壯志何磊落貌奇突過張孟陽腹中貯書
一萬卷唾涕流沫皆文章有時雄辨驚四座龍泉灑灑生寒
光有時端拂魯尹筴精義直抉苞符藏奈何數奇不得試命
宮生植箕口張憶昨華時識君面君行轅頌良可傷告我堂
上乏甘旨誓將負米游他鄉欲留苦無龜羈費欲行苦無書
劍裝輕舟屢喚猝難發出門四顧心徬徨洞庭之波八千頃
君山九疊回青蒼湘江女兒對明鏡煙鬟雨鬢慵梳妝君懷
轍離過屈宋愁心直與湘波長浩歌有時碎黃鶴清尊無意
浮滄浪吾鄉齡石牧南楚公餘燕寢凝清香知君才名滿江

國爲君滿酌椒蘭觴蚤教失意憐王粲更喜能文得孔璋青
春彈指近三載家山又值槐華黃歸來寢門問安後下帷攻
苦陳縹髮晴霄霜華健毛羽壯心矯矯雲飛揚何圖貧賤亂
人意萊妻辛苦病在牀藥鑪湯火躬自給嗷嗷穉子牽衣裳
秋風如刀破茅屋夜來夷甫幾排牀坐此支離生計拙依然
左肘生垂楊我聞君歸喜無極索君詩卷登君堂羨君壯游
頓足舞感君近況重低昂男兒三十不稱意不如屠狗燕市
旁安能老死戶牖下三年一逐冬烘場相逢無幾又離別送
君直上金陵航酌君酒勸君管天涯雲樹青茫茫相思各在
天一一方此行飽食魚武昌因風惠我書數行煩君更語秦知
闔爲說疏狂稍減常

丁六

詩鈔上

一一五

金陵遺書
蔣氏校印

王益之招同董小狂蕭觀亭曹羲池程寅工西園雅集席上
贈小狂并呈耐溪總戎

小別名山已六年重來風物認平泉青衫我尙狂奴態白社
君真地主賢重碧一杯春透頂落紅三月鳥呼煙何當乞取
東頭住好讀神仙內外篇

謝公絲竹冷荒邱小築縉光紀勝游華氣送涼過竹院泉聲
和雨瀉金溝青山置酒人千古白足談禪海一漚卻笑舒王
剛復甚苦將名字占風流

知音欣遇董庭蘭欲把瑤琴著意彈海內耆英看漸少眼中
名士得偏難身如野鶴閒逾瘦詩比江梅老更寒賴有王筠
工鑑別與君旗鼓角登壇

嚴城更鼓透重關小隊紅燈導客還酒氣醉呵三里霧畫圖
胸拓萬重山翻憐題壁秦淮海苦憶籠紗謝阿蠻今日黃鐘
都寂寞爲君感舊淚潸潸

蘇子游諸子如葛丈希白
林子少山俱已謝世

共古今體詩九十六首

丁六

詩鈔上

一一六

金陵遺書
蔣氏校印

江甯廢樓三

江南春

臨春閣裏春常住芳林園內花無數絕好良辰三月時春風
 騎馬江南路江南江北景光新九達花街輾轉塵遠樹多差
 都入畫青山濃淡總成春春山迢遞春江水龍骨湖生鴨頭
 起有客滿甯大內河有人拾翠青溪汜人景衣香接畫樓垂
 楊一碧罩紅橋秦淮十里銷金地占斷風光似六朝南朝芳
 草長堤滿膠牙吹徹簫聲暖繡幕千家來舞臺衣十襲聽
 鷓鴣何處樓臺不管絃誰家庭院不秋千初三下九昏黃月
 第一無雙窈窕年金陵從古帝王州虎踞龍蟠鎮石頭燕土

一六 詩鈔中

金陵叢書
丁集之六
新氏校印

堞樓高百雉勒名塲壁運千牛南雍舊接雞鳴球次宗講席
 邊韶筍三舍衣冠嫺母嘲四門盤鮑諸生議奎閣文光射斗
 杓筆鋒高聳塔岩巖小冠子夏聲華豔塾角林宗月且標金
 張右望連雲第僕射儀同出聯騎接坐爭投食客籤當筵便
 殺彈箏伎斗棋沙棠文杏梁棗花簾子水沈香鷓絃促柱調
 鸚鵡管新聲寫鳳皇箭張酒趙爭豪侈鎗火三衢照溝水
 夕搗齊奴豆粥董朝洩蜀國桃花米黃胖春游意氣高蜻蜓
 輓帽紫絲繚私置侍兒名芍藥新添髮寵號櫻桃櫻桃樹下
 教歌舞手擲金錢如糞土華燭光明大體雙專城價重東關
 五盞窠巷陌數平康是處題名有教坊花外班雕常送別門
 前烏相慣經霜迷香洞裏春多少嗚殺黃雞不能曉刻漏偏

驚海水長呈身自訴花魂小賺盡蕭郎更沈郎珍珠密語淚

千行法書自逞金陵腿錦字新翻刺史腸別有天斜比媚豬

苦將縑素約雙趺玉香沾躡憐丘嫂金縷兜婁豔小姑雕青

鏤背誰家子白晝報仇向都市大酒刀撓醉不醒金吾陰喝

呵難止花戎錦段出機工鎮日漂絲雖換同道染漫夸天水

碧澗流爭詫荔支紅自從孫楚樓名酒石凍洪梁靡不有蟬

雪銀刀樓護鯖春燈小市周郎韭柳暗花明南市門粉菱牢

九鴨卸餛飩寒具脆聲聞十里餛飩風暖賣千邨前邨忽聽開

頭鼓飲罷治鸞越巫舞銀盤簪花祀馬頭金釵浴穀歌田祖

白粥家家沃冷餚棠梨花發又清明石泉槐火詩人夢麥飯

芹芽古慕情梅岡便是紅簫隴豔榼紛紛來上冢酒熟難澆

骨肉寒灰飛畢竟精靈哄選勝爭遊薩埵寬半空香雨護旂

檀華髮紺碧傳阿育釵玉雕鏤紀瓦棺冶城西去朝天路小

隱桃源最深處仙客蓬頭更爛頭古香桂樹兼梅樹惱殺黃

純入道裝相思寺主號鴛鴦齋婆葦迹天魔舞梵嫂風情揀

演方聞道城隍出巡日翠旌孔蓋紛如織豈有追魂向太山

無端娶婦同河伯檀木高樞接踵來吞刀吐火鬪奇佞歌郎

拍板韓湘子盲女新詞蔡伯嗜人聲如沸春如海旗亭小隊

香車在花霧朦朧接禁城風為蹀躞鏤宮彩鳥衣子弟態雍

容走馬長干大道東錦雉棚開金絡索角鷹纏束玉玲瓏撲

蝶繞過還鬪草墮珥遺釵不能掃惟有梨花月易明若無楊

柳風應惱燒罷心香獨坐時春宵如夢夜敲詩燭暗窗幽花

一六 詩鈔中

金陵叢書
丁集之六
新氏校印

睡蚤雨斜風細燕歸遲年年癡想花朝問今年花破春慳各
三月四但願春如人少年一卮酒向青天問年少春風得意
人曲江歸後駐雕輪誰憐失職蓬蒿士自向江頭賦解神
清溪曲

郎愛采蓮花儂愛采蓮子相逢不避而祇隔青溪水溪頭昨
夜祠小姑繁絃急管歌神巫曲終人散出山月一溪煙柳嘯
寒烏烏頭白盡無人識儂自荷花好顏色有約明朝郎不來
蔣山雲氣昏如墨自解銀瓶按坎侯繁霜白石幾經秋朝朝
帶染青溪水看殺鴛鴦水上游鴛鴦并宿無時離也似荷花
開并頭惟有房空儂自惜爲郎擔盡喫虛愁溪煙并作愁千
縷網盡長于小兒女獨處匏瓜喚奈何綠窗如煙隔花語惆
悵斜風細雨辰自緘幽怨訴江神小姑小姑君莫嗔前溪亦
有離別人

丁六

詩鈔中

三

金陵叢書
蔣氏校印

補天謠
渾沌設榘古天裂黃頰青曾落如雪劉翁爛醉不知愁白鵲
公然朝玉闕靈媧妙手補天缺五色風韞浴神鐵紅絲穿餅
乳青結磨以聖銅玉痕滅從此人天隔萬重常儀夜夜嘯明
月

銅人辭漢歌

柏梁巍巍燦金赭暇取鴛漿薦瑤翠聞說銅仙百丈高茂陵
風雨龜荒野劉郎失勢任豪奪金狄無情淚能灑眼看華表
伐作薪嘯殺枯桑鬼凄啞何人磨劍聲霍霍月明汾水英靈

下趨陪玉帳亦有年一朝離別甯能捨道旁遺老垂涕言此
是不忘舊君者君不見當塗讖應同槽馬一般孤媚欺孤寡
漳水東流去不回至今銅雀無遺瓦

擣衣曲

芙蓉冷抱秋香死金鍼夜度春蔥指絞綃溼盡透紅綿愁積
空庭化鉛水夫豈從軍久不歸辛勤打疊寄征衣機中刀尺
君應記關外風霜妾自知相思照見關山月丁冬藥兔無休
歇天上虛漂織女絲人間盡出飛龍骨大漠窮秋塞草衰角
弓風勁雪花肥冰寒毳帳鰥魚泣霜急眊鈴斷雁飛妾坐空
房淚如雨況復沙場枕鼙鼓添綫裝棉敢惜勞聊分絕域風
霜苦篋中檢點嫁衣裳金縷塵封淚幾行秋氣遙從玉關至

丁六

詩鈔中

四

金陵叢書
蔣氏校印

飄零翠袖難爲妝羞將去日腰圍樣說與天涯播搭郎郎心
妾心手中石石不能言人代說妾擣藍橋玉杵霜君持蘇武
冰天節一幅鵝溪絹上書三更杜宇枝頭血何日歸心折大
刀征衣爲滌天山雪

長相思

兩頭纖纖新月新蠶龜吐絲如爛銀月光皎皎青天上
絲長一千丈妾心皎潔如月明妾腸宛轉如絲紫風吹
忽中斷流雲掩月月凌亂月光已缺還復圓
連手持籠絲搓不已手攬月光真懷裏將絲
以清淚紅闌干仰觀河漢生微瀾玉階羅袂秋風寒

金陵懷古分詠

金粉河山六代空霸圖重與湖江東三分莫問中原鼎一炬
能收督府功竟使蛟龍得雲雨漫將豚犬論英雄雒陽青蓋
平湖識底事銜刀怨阿童

夕陽一語祚先傾墮地蒼鷺歎已驚天遺瓊瑯承正朔人非
安導盡虛名長星黯淡蘆橙水落日荒寒草木兵賸有宣陽
宮闕在可堪回首問昌明

凌歊清暑盡荒涼鬼語啾啾出射堂絮袂尙存田舍服梅花
已作內家妝佛狸飲馬長城壞江燕巢林正氣傷今日褚公
猶齒冷祇應屠戮怨豬王

閱武新登驃騎壇射棚猶想畫臍寬敬兒何必非成濟僕射
終難比謝安宮市煙銷荒塚在妝樓人去曉鐘殘黃塵阜莢

十六 詩鈔中

三

金陵遺事
蔣氏校印

都無用留取蓮花步步看

築罷淮渦萬井蕃河南仍置大行臺真靈位業輸宏景得失
初心本秀才坎地蠟鵝偏蚤世灰身毒蟒尙歸來梅岡花雨
雞鳴塔漂泊都成庾信哀

璧月庭花慘不春掘殘須骨總灰塵前鋒已報韓禽至出盪
偏逢蔣帝曠智井無辜同受辱雷塘有夢各傷神評量畢竟
心肝在日飲醇醪近婦人

黃花水小雨潺潺窈窕紅羅夕照間萬卷圖書歸秘府千年
魂魄念家山命鏡已盡牽機藥臥榻空留洗面斑好箇翰林
偏乞相羨他錢氏土終還

留都煙樹鬱岩崑泥馬歸來恨不銷原廟衣冠仍北地春鏡

歌舞又南朝長堤草長鶯聲亂舊院空樓燕壘消惟有鍾山
青色在幾將興廢問漁樵

書煬帝本紀後
塵拂琴絲詭絕絃機謀空博婦人憐高齋圖史樓文選始信
齊梁太子賢

蒙頭黃把太恩恩刀下蛾眉血染紅微侍閻羅先死去阿雲
終竟累高公
誤人家國皆緣妒斷送金甌本獨孤垂死高皇增悲恨當年
底事黜扶蘇

熊蹯纔進酒盈罌又報同心鈿盒盛供狀早知難滅口可能
容易殺張衡

十六 詩鈔中

六

金陵遺事
蔣氏校印

屍居餘氣惱江神獎篡居然佐命臣伏罷冥誅元感叛覆宗
絕祀竟何人

曾記先皇締造難西宮流覽意何安宣華亦受椒房寵底事
傷心淚不乾
刻木能教狎客攜新聲豔曲競標題君王不是憐才者愁殺
空梁落燕泥

迷樓歌舞殫春寒鏡殿風情海樣寬三十六宮螺子黛畫眉
辛苦受恩難

前王丘壠漫關心陵戶偏愁牧圍侵不見皇圖魚爛日墓門
松柏甫成陰
羊車聲斷玉階塵零落桃花葬玉人留得一杯乾淨土阿侯

終是女兒身

築罷長城亦快哉呼韓信額上高臺一時膏血無窮利亡國君原蓋世才

攀轅兒女效癡忠血染宮車輦紉紅終竟蓋卒城不下壯丁百萬沒遼東

青葬白骨委窮荒空遺遼西建道場儼遇殺人彌勒佛假慈

悲定笑蕭郎

車谷流熒豔火花紅輝金燄夜籠紗迷樓金燄吐紅輝何

當化作光明燭去照逃亡葦屋家

宗臣遺老盡虔劉豈祇高家欠祈頭惟有老奸稱救盜烽煙

滿眼爲君愁

十六 詩鈔中

金陵叢書 蔣氏校印

赤眉青犢感妖星辛苦開河役未停怪底行春門外柳風前

都作斷腸青

楊花凋謝李花開一送宮車竟不回賸有白頭伶教曲中聲

淩躐不勝哀

鳳翔龍舟錦纜遮三千殿脚最天斜不須更說江都好惱殺

蒼蠶觀裏花

鄴都兵氣熾如焚首難偏教出宇文天意欲伸亡國恨無多

鳩酒不容分

一笑頭顱失鏡中清歌愁絕望夷宮心肝叔寶全無用日飲

醇醪得善終

吳公臺下草萋萋那有冬青作表題腸斷銀棺難措辨酸風

涼月子規嘯

國亡妃后儘多情記不鸞輿并轡行何事蒼梧根一死金根隨處有逢迎

古今凶德更誰倫立馬吳山金庶人欲取丹黃刪叢史轉留殷鑒照千春

讀吳梅邨祭酒集

縱橫老筆淚淋漓曾侍開元供奉班失意秋風汾水曲懷人吞草玉門關集中有送吳季子出關詩後漁洋題秋翁初心

已遜王摩詰末路還哀庾子山不是詩中存信史誰知一怒爲紅顏

最傷心是永和宮江草江花寫恨工三輔妖氛銅馬賊五茸

十六 詩鈔中

金陵叢書 蔣氏校印

歸計鼎湖弓涕零官伎悲家令齒冷河山勝褚公謂錢愬

夷門書一紙可堪出處并恩恩文集壯悔

白門柳枝詞

東風吹嫩剪刀痕湖落潮生舊白門休問南朝金粉地淡煙

疏雨總銷魂

深黃淺綠畫宮雅漠漠輕塵走麴車寄語烏衣雙燕子風斜

雨細合歸家

草堂低卷帶春星一角眉山假畫屏不是斷腸人手種風前

無此可憐青

祇合桃根照景雙春來情緒百花降輪他何妥青楊巷更有

何人說渡江

雨餘青眼更模糊倒景溪山入畫圖記得江邨寒食路綠陰如海一煙孤

一色看腰翦不齊鶯聲曉殺板橋西輕煙淡粉消磨盡綠到籬門菜一畦

絮果萍因祇自傷舞衣狼藉不成行無端棖觸青袍恨不怨蕭郎怨沈郎

瘦草零花六代宮依依如戀夕陽紅無因更唱江南曲一夜春愁盡向東

柴

秋林黃葉景蕭蕭一徑斜陽擔晚樵笑我勞薪煎太急有人場竈氣方驕看殘碁局從柯爛劫到琴材任尾焦莫向龜山

空悵望滿天風雪換金貂

米

千艘轉漕壯神京搜粟宜禾舊有名粉繪艱難知稼穡上庠

喫噎祝者英事關名節饑甯耐憂在蒼生價自平煮玉炊珠

應愛惜有人升斗費經營

油

積脂武庫歎陳陳涓滴能生黍室春消熱肯煎蘿苟火潑寒

空卜薺花神風來柳下知諸俗膩似劉輿解汚人畢竟菜羹

餘味好毓膏風髓盡灰塵

鹽

天風吹水沸青紅從此私公利孔雄食淡可能堅骨節撒花

丁六 詩鈔中 金陵 蔣氏校印

誰解證虛空賦雖加權商防病罰到論斤政亦窮我願玉龍生萬竈黃金價直齒剛同

醬

草就元文意絕癡蟹膏終不送監司來經叩竹桃花路造向

梅風麥雨時聞道調羹需芍藥怪他尙食進蝸蚘何當執饋

逢悼史更賦明堂璧水詩

醋

書生風味美人心三斗管來鹹不禁眼底桃花空蓄醉江頭

梅子又成陰呼囚未忍令酸鼻入甕真應費苦唵我亦醜雞

感身世半瓶羞澀到而今

茶

一六 詩鈔中 金陵 蔣氏校印

蟹眼新煎百沸湯碧腴春乳試頭綱十年離雨故人至滿地

落花僧院香便喚酪奴終苦口擬呼森伯更搜腸一杯真抵

金莖露酒醒殘憶渴羌

春柳三十首

金河西畔畫橋東生意塗煙抹雨中獻歲獨先芳草碧爭春

纔許杏花紅腰曾束素輕於擗眉想偷山學未工莫更漂零

思往事風前一綠萬愁空

若非張緒定王恭香拂爐煙翠靄重一笑一顰夸殿腳三眠

三起如姿容濯龍水長恩波闊扶荔風高露液濃料得妝成

鵝鵲觀美人朝鏡爲君慵

如何桃葉唱臨江搖蕩芳心未肯降鏡殿風情螺子黛畫船

簫鼓雪兒纒橫波眼爲傷春睨絕代愁驚照景雙羞故窺人
閉卻背恰如嬌女立篷窗
縱罵顛狂也不辭半生心事酒旗知煙花舊恨連三月鶯燕
新交訂一枝惟有青棠添好合任無紅豆亦相思春風底是
銷魂物吹出晴空萬縷絲
一色天香試舞衣年年陌上盼青歸紅心老我蠶仍縛金絡
驕人馬正肥蘸水苦禁龍鯉躍招風偏誤綵鸞飛鞭絲帽景
清明近看取兒童插帶圍
心亂真疑髮未梳鄒枚才調半刪除萃來金雞肥輪瘦振出
青條密間疏冉冉春陰嗚鳥外蓬蓬流水放船初如何斷烟
丘遲錦比似岐陽史籀書

十六 詩鈔中

十一

金陵叢書
蔣氏校印

春睡沈酣軟倩扶海棠香夢碧模劖飄鏡雨緘愁濃未擘絮
風欺景瘦無紅板鴛花朝紫馬白門池館夜棲烏安黃約翠
知難稱合寫徐熙沒骨圖
清歌休唱白銅鞮一樣并刀剪不齊終與天桃同薄命可堪
飛絮又沾泥癡心枉託明星照蓬首翻憐擁髻嗚記得斑駁
嘶暮雨汝南聲裏怨黃雞
泥人偏是夕陰街一路尋香有墜釵葦路遙從青仗入山光
巧被綠雲埋已知水月前身誤不信風花後約乖莫更永豐
坊裏過心挑魂與蕩詩懷
乍鮮真似側釐活一幅青綾裏未開別樣風流花景避自然
飛舞燕身猜乞來新火知誰感陰到行人也算才可惜寒蟬

生太晚不曾親唱柘枝來
偶因佳俠一呈身紅殺秋千景不真斜挂月醒孤鳥夢隔牆
風護兩家春儘堪桃李推前輩多少樓臺接後塵怪底窩愁
天不管弄晴搖眼自傷神
疑託微波寄錦帶渡江人隔幾重雲長風兜轉天無力驚浪
翻回日易曠知有纏綿留綫腳爲誰牽挽惜勞筋無因更唱
黃驄曲潑水春寒付與君
煙寫柔情月寫魂最難禁受是黃昏朦朧翠幙春如夢窈窕
紅樓人閉門透出蟲聲憐媚寢冑來菴網護香痕白楊蕭脊
青何安乞與高齋對榻論
青入龍沙曉角寒飛花也解上雕鞍閨中衣帶經年褪笛裏

十六 詩鈔中

十二

金陵叢書
蔣氏校印

河山送別難明月那知邊塞苦春風都作畫圖看傷心更有
棠梨樹一夜鴉聲雨不乾
得嫁東風詎等閒移根親向汝南鸞鏡中眉嫵逢京兆花底
看腰妒小蠻顧景自憐曾綠髮相思不斷是青山可堪更值
沙吒利招得春來又送還
麴塵低颺雨餘天卷霧春陰欲化煙三面風多情款款六銖
衣薄景僊僊淒迷鬼節逢寒食落拓狂名誤少年合把平原
絲繡出曉風殘月譜屯田
儘許吳兒唱踏搖也同修竹彈甘蔗色絲生小夸垂手官樣
終年鬪細腰天上丹青遲畫藁人間煙雨失花朝惟將轉綠
回黃意付與籬門早晚潮

百花深處置書巢陶令歸來更剪茅三徑翠分松鞠景一簾
青訂布衣交心知懷葛民招隱肘爲支離叔解嘲留取太和
元氣在幾將生意叩鴻苞

種徧河漚與澤旄剪裁都稱碧絲繡不成漂泊悲桃梗豈有
神靈嗜棗糕賦罷長楊空自惜舞來甘蔗竟誰高從今學取
河東婦放誕風流也自豪

駱馬楊枝奈老何可堪重唱定風波薰香欲把觀音畫蹋臂
難忘子夜歌金燈絲爲長命縷燕銜花入嬾眠窠君看西角
荒園路一水分明隔絳河

大堤風景更天斜綠徧蕪城帝子家殿景照殘千古月簫聲
吹活萬枝花同心帶縮金條脫蹴步塵生玉畫又怪底樊川

一六 詩鈔中

一三

金陵叢書
蔣氏校印

增恨觸出門流水即天涯

憔悴經年亦自傷但餘心在總難僵江山有待如生色風月
能來也覺香輭翅不捐金蛺蝶薄綿都覆翠鴛鴦思將一滴
楊枝水化作人間錦繡腸

唱到陽關馬不行酒樓高處憶春明天涯又綠一年樹旅館
同傷千古情妝鏡爲誰凝盼想風光如此賤功名憑君寄語
津亭吏除是才人莫送迎

幾將遺事問藏經修到神仙總不靈分野竟迷青玉勝染衣
空憶紫微廳腰間錦古縈落篆頭上花生湧齒釘留取傷心
顏色在江梅相望景娉婷

攬勝真無繫日繩內家梳掠記情騰繡窠巷陌全遮月犀押

簾櫳半吐鏡紅老鴉聲花力倦青埋鸚鵡冢草心憎司風令史
殷勤碧種玉欄干護幾層

不穿錢眼卻髡頭界道居然似督郵蔥翅兩來青益益麥蛾
風起碧油油柔牽荇帶妨花鴨涼逼松鍼蔭喝牛自誤陰晴
偏怨汝莊家兒女亦工愁

幽居難得好亭林鍛竈清移半畝陰撫樹十圍人老大纏腰
三縛病侵尋生天羽鬢遲青骨斫地蒼蘇總赤心一自梁園
賓客散倦游瘠渴到而今

直把春愁萬斛擔已拚眠起似絲蠶亂頭麤服人如玉細雨
斜風天蔚藍側帽聲名空日下折梅心事又江南不須受盡
東皇寵狼藉青袍恐未堪

一六 詩鈔中

一四

金陵叢書
蔣氏校印

書城高擁綠莊嚴兒女都能詠撒鹽拆綫文章千捆束景娥
身世兩頭纖鶯嘯燕乳流光迅地轉天回別恨添惟有青藜
能解事夜深吹火照細絳

芭蕉葉大昌蒲短種出楊園一例芟唾手黃金隨水盡照人
青眼爲才饒消愁且對鴉兒酒破凍先披杏子衫卅首唸成
還自笑可無春柳署頭銜

右詩雅不欲存緣南溟先師最爲激賞後客任城吾鄉鄭
春麓太守司馬頰菴主簿嚴秋槎貳尹及濟甯詩人戴石
坪許小邨兩茂才秦繡雲女士皆有題贈存之以志一時

知遇之感

閱稗海畢漫題二首

王母非神仙蓬髮齒粲虎傳國昆命丘隸地西河土昭華及
地圖賓德仰聖主所以古四荒對舉稱北戶周王馭八龍荒
淫感謀父遂開瑤池觴仍執干戚舞何緣郭舍人幻述仙吏
府龍月高曾城琅玕積元圃姓字傳婉姘莊嚴飾魔母翻疑
羿妻寡受福遇其姥顯化俸金公接奉多玉女海水生埃塵
吹笙伐鼙鼓黃竹聲已淒青鳥降何取傳謬首燕昭踵謬乃
漢武鐙然白鳳脂柿削赤馨脯靈風起蕭瑟甘受鬼狐侮神
仙求不來妖豎召巫蠱頗怪偷桃兒神異述縷縷史遷洵卓
識編置戲弄伍此後寂不聞靈蹟亦已腐使天而可上地上
人罕睹不見唐諸君都爲藥所苦

羣孽易簧惑邪說聖滋恐張脫占鬼孤峯崩紀山冢箕疇五

一六 詩鈔中

一五

金陵叢書
蔣氏校印

行志體例一何重深明天人理垂戒心骨聳浮夸豔左氏書
異始作俑朱弓既天枉大厲復呼踊讎天非臣心請帝被巫
哄頹波速搜神自詫鬼南董滅燭談諾臯登山述丘壘欲爭
魑魅光甘博燭籠寵暎車及宣室撰事尤闕冗豈無少年子
展讀心恹憊死灰冀復然春絲縛僵蛹魚鏡照幽宮金盃出
深壟美人革囊血況復屍媚擁佛說更談誕夜叉鼓胡虜殘
魂置春磨黑獄多枯拳徒然誑金錢奔走競洵洵會須祖龍
炬一火絕遺種有身配三才是爲百靈總雷霆起虛空明神
鑒堂拱福極雖異趨殃慶終合捕阮瞻論無鬼鬼至復驚悚
初念持不堅神眩本無勇君子期立言高懷託周孔
聽曹道士彈琴

明月出東海清光生遠岑偶隨仙鶴景飛入梅花林佛火漸
微處道人孤坐心聲聞都寂寞爲撫七絃琴

白雲菴題壁

未到層霄我欲愁茫茫身世歎虛舟白雲蒼莽連山脚青嶂
嶽崎亞佛頭夜靜野狐參拜肅雨餘山鬼嘯聲秋詩成擬作
諸天供祇恐罡風力太適

吸罷雲腴肺腑清山僧爲我說修行塵心到此若孤寄幽鳥
避人時一鳴多累自知難擺脫他生何苦再聰明真靈位業
尋常事轉覺枯禪不近情

首

偕鍾沁香王守淮江厚之慈雲菴看牡丹踞月東城得詩二

一六 詩鈔中

一六

金陵叢書
蔣氏校印

連臂招來舊酒人鼠姑向晚倍精神春留雲護華三面水與
天爭月一輪浮世光陰煨芋火華嚴樓閣鏤窗塵四禪歡喜
都無著始信維摩是色身

堤上紅燈散幾羣歸飛雅鵲戀餘曛一聲清磬華間月萬井
炊煙樹杪雲風定水痕交藻荇溪沈塔景蕩星變南朝金粉
凋零盡何處簫聲入夜聞

荒園

來掃荒園地菴絲絆柳絲落深全掩石華落半依枝電淖騰
歌吹地窠挺菌芝不堪移坐榻煩草更紛披

謝傅甘棠球陶公五柳居爲華誰管領水石自蕭疏啄木下
窮鳥吹沙停小魚摩挲感銅狄即此是吾廬

舟中望金山

蕭然行迹似頭陀玉局當年此放歌鐵甕天青盤鶴鶴銀山

風湧踏蛟龍江聲直恐龍宮撼江心有郭水味翻愁屢鼎譌

回首南朝煙月地雲橫京口夕陽多

偕龔梅菴江厚之登金山

一柱擎空梵宇開振衣同上妙高臺人天盡墮罡風劫舟楫

誰憐濟世才海日倒懸金鳥下江湖橫翦白龍來不須重作

興亡感對此茫茫已足哀

渡江

風定帆徐颺舟移槳亂搖鐘聲瓜步月人語廣陵潮水氣白

成練林陰青上霄模倣雲樹裏回首失金焦

十六 詩鈔中

十七

金陵叢書
蔣氏校印

梅華嶺拜史閣部墓

嶺樹垂垂發空堂白晝寒孤忠留墓碣遺象肅袍襴蚤歲憂

時切中原拊髀歎揮戈雙鬢白擊楫寸心丹縞素朝天日蒼

黃即位壇銅駝開贖局泥馬渡偏安營膽宜苦塊酬身又上

蘭貂蟬紛座右狐鼠踞朝端北部窮鈎黨西園鬱井幹無愁

天子號列市美人看粉簿風流箭脂妖翡翠盤春鏡新樂府

璧月舊都官已失長江險難教臥榻寬杯羹忘福酒故劍泣

中單君側誰鴟顧軍鋒急羽翰截江黃闕誤解甲左兵謹姑

孰屯空築新亭淚枉彈惟公明大義誓死障狂瀾四鎮調停

苦孤城守禦難奉書真慷慨拜表更辛酸妖鳥鳴牙蠶頰雲

壓楯欄裏瘡朝督戰嚙齒夜傳餐士已登陴哭公猶仗節觀

血流聲汨汨肉薄陳團團本擬鞬刀殉知難馬革完行間都

血淚寸裂是心肝魂豈家山戀天教國步殘降旗風慘濬謀

社鬼欺設箕尾騎增恨江聲怒激湍白衣淒部曲碧葬奉衣

冠昭代褒忠亟奎章揭日刊捐軀知力盡報國鑿心殫大節

作文謝豐碑屹范韓梅華三百本風雪思漫漫

申生怨

監軍慘握黃金玦夜半妖姬眼曉血宮中寘毒地忽填頃刻

青天起霜雪誓將一死安親心負罪他出國有刑桓莊之族

并天枉相逢地下應涕零嗟哉世子徒守經何不采藥逃蠻

荆坐使君父收惡名奚齊卓子皆孺嬰披髮叫天血滿庭傲

韓請帝神豈欲君不見扶蘇死後爭亡秦

十六 詩鈔中

十八

金陵叢書
蔣氏校印

宮門怨

臣懟君君歸主祀忘臣勳母懟子子為求名累親死身將隱

矣焉用文禁門詩句徒紛紛白鳥啞啞鬼車嘯焦樹模倣

體弓晉祠流水碧如油冷煙飛斷臺貽廟我謂老龍薄心腸

綿田木屐殊荒唐魏雙顛頤皆從亡蓬顆蔽冢青茫茫

平原君

邯鄲美人起朱樓美人梳洗樓上頭躡躡躡躡亦何憊美人

一笑華枝愁當時賓客盡斯養誰識大義知去留公子好名

狗彘曳刀下蛾眉竟難救美人斬罷賓客來來去真如喪家

狗邯鄲兵來客束手美人有知笑哆口海內紛紛戰龍血且

近婦人飲醇酒君不見石家金谷墜樓人不枉明珠拋一斗

築城怨

朝築城暮築城死人如麻高與城撐寒女一哭長城崩築城未畢胡亥生吁嗟乎築長城

聶政姊

屈平忠臣賈逵經生李固死漢存後人卓哉其姊皆絕倫乃聶政亦有姊揚弟名伏屍死噫嘻乎弟名書俠書盜不必評得姊乃成千古名勇哉贊弟亦自贊是其軼賁育高成荆

荆卿歎

黃金臺上風蕭蕭壯士兩泣天為高歸來馬角亦快事鞠武田光并奇士白衣送客冠峨峨愁雲冱長河波捧圖者誰舞陽子纔到秦廷色灰死左持王袖右挹胸此時了卻真英

丁六

詩鈔中

一九

金陵叢書
蔣氏校印

雄琴聲出屏藥在篋生王之頭命如髮失機一擊中銅柱七劍唯肝王手辣函中血昔光熒熒此仇此恨何時平不見輜轡載屍反燕境又上駱駝函首來秦庭嗚乎荆卿烈丈夫生劫亦豈柯盟殊稍遲幾日客俱至劍術何必慙生疏成敗論人吾豈敢五步血流先落膽漸離筑滄海惟請自隗始功首推夥願王卯金子鬼言明年祖龍死

翟大賈

文信侯翟大賈識奇貨居阿楚邯鄲美人教歌舞美人有身入宮乳翟大賈尊仲父懸門千金邑萬戶皇假父進詐腐兩雄一雌競吹燕阿兒長成猛如虎蜀道遷父雍遷母秦鬼夜哭伯贏祖

斯中鼠

君不見斯中鼠食汗歲食驚蒼黃不如飽食居太倉誰令相君鼠拖腸學帝王術成披猖烹滅六國吞八荒腥風一夜吹輻輳此時相君威莫當璽書徵扶蘇會葬來咸陽片言責亥亥走僵何況刑腐人戮之如豕羊奈何兩端持首鼠仰天一歎秦已亡更請督責營阿房噫嘻乎燔書叛先師易君叛先王五刑三族辜莫償

臣馬瘦

君馬肥臣馬瘦臣心在宮不在殿帝曰是乃少主臣一幅黃羅同日受可憐霍子孟不如金日磾日磾殺子光此妻君王故劍泣沾衣

丁六

詩鈔中

二一

金陵叢書
蔣氏校印

當熊泣

驚熊出檻思搏人後車倉卒當一身妾聞猛獸得人止苟上無驚妾能死君王重妾敢辭妾心勇怯君豈知君王若念當熊妾祇說恩深妾心怯君不見禍水入宮火井滅

文姬歸漢歌

董逃唱罷鼎足顛洛陽宮闕飛塵煙中郎已附賊臣傳可憐淩斷焦桐絃文姬更辱甌裘國馬上駝酥改顏色愁見明妃墓草青紫臺回首家山隔故人高誼重曹瞞千金齋贖唱刀環騰支山下明駝足催送蛾眉入漢關漢關咫尺迷難見如雪驚沙撲人面去日低僞媿禮宗歸來落度慙辛憲回頭兩嬌兒拜跪車輪旁牽衣索孃乳問孃歸何方噫噫雲中雁將

子飛成行去留兩難決願戀摧中腸還家睹城里轉眼成滄
桑詔書給筆札涕下沾衣裳盛年感無匹求牡非爲皇丘山
重一死名義從披猖還將丞相威持謝左賢王此父及此女
哀哉能文章司徒黨不死應憐糞中郎三字見天我謂文姬
歸國誤烏孫亦有名姬慕復壁方驚帝后牽遺書那惜高賢
故已見清尊對虎賁況教宅相成羊祜按晉書祜乃一世外從
坐雖然免夏侯通辭幸不同甄賦空餘一曲奏哀筋譜出漂
茵墮凋華漂茵墮潤君莫嗟李家清照尤天斜

迎潮曲

迎潮踏潮賽江神江頭風浪愁殺人父屍不得焉用妾江水
滔滔眼中血誓將與父同沈浮神魚吹水水倒流妾身雖死

丁六 詩鈔中

二十一

金陵叢書
卞氏校印

父屍起千古澄清此江水曹娥碑中郎文外孫齏白誰與倫
我孝女也彼佞臣曹娥廟壘山死劫破此關等閒耳我丈夫
也彼女子

零陵悲

長星黯澹金行秋龍駒顛躓如贅疣寄奴王者不當死勳望
忽已隆伊周昌明荒瀟孺子促奸莽肯老新都侯長民無忌
并反滅誰復舉義尋戈矛中書片紙出禪詔欣然灑筆無冤
愁辛勤供頓置后手恐防鳩毒來奸謀奈何兵刃接牆堵高
鄉往事翻尋仇我謂零陵勿悲慟此自舊例夫誰尤假如山
陽值典午徒封猶得生全不君不見夷吾稱述禪代事君王
掩面增煩憂元嘉以後國勢蹙蘭陵又起蕭郎謳

同泰寺

壽陽一決聲如雷浮屍魚鼈相往來冤聲夜嘯施食豈捨身
同泰胡爲哉天感精誠降花雨誰信吳兒多詭語金錢百萬
贖官家三請羣臣帝心許河南行臺歸跋奴妖星入夢來封
狐通明已死達摩去少年決策非良圖游魂假翼真元惡太
平寺主恣嘲謔忍負高王卯青恩老公自是心腸薄宮中業
報現她身斷舌俄驚佐命臣從此精心歸懺悔飯僧禮佛誦
能仁能仁不救生靈難血食先從麪牲斷佛土甯容篡弑人
西來肯度癡迷漢已報前鋒挫大航更傳增戍築青塘梯衝
百道連烽火戎服千官坐講堂紙鸞飛處重圍密暮氣猶教
賊臣慄幸免酣歌進土囊俄驚尙食裁宮蹕此時何不告阿
難一逞師王龍象力眼看錦繡舊山河自我得之自我失蕭
郎此際真捨身荷荷聲斷波羅蜜

青溪棚

踏波馳馬飛渡江石城高處降旗降蔣王出游亦無賴青骨
潦倒煩旌幢望仙樓上烽煙起有約黃奴同日死欲把江山
換美人淚痕進落膳脂水井水膳脂血染成龍衣羞縮可憐
生已拚碧海填冤魄又向紅欄覓喚聲長繩曳去嬌無力銀
牀凍合枯魚泣願作長安大布衣樂昌鏡破無消息刀下蛾
眉掩肥頭徵歌無夢到迷樓青溪棚上神傷月常照瓊姿雪
豔愁我謂韓禽真卓識從來女寵多亡國戡亂甯留鳩毒媒
監車况覓傾城色空餘一曲後庭花苦雨淒風傍水涯孔張

丁六 詩鈔中

二十一

金陵叢書
卞氏校印

二妃君莫嗟雷塘又有宮人斜

柏柳行

蕭蕭古柏秋風起逆卓荒祠挂荆杞魏蘭根真孝子伐之爲
樽請刺史山神夜哭青牛死託根不幸生逆祠納汗蒙垢千
人指我謂山神勿啼喟棲霞亦有分屍楡武侯廟前何鬱蔥
遺愛不翅周召公奇士苟墮奸賊網亦如此柏不令終君不
見座中歎詫收蔡邕

塔鈴語

胸前卍字如月明慈悲照見君王心天生佛子救塗炭咒龍
咒蓋宣湖音石祚興天風替戾吹金鈴石祚傾龍城棘子飛
成林更三年乎答不得白鷗浩蕩誰能馴

一六

詩鈔中

二二三

金陵遺書
蔣氏校印

昇天行

神仙樂宰相苦衣白山人與君伍一刹朝冠挂神武句漏沙
同茯苓蒸日聽松風看松雨華陽洞天白垂乳九轉丹成變
龍虎腦骨逢逢響天鼓笑把竹枝如意舞昭陽殿作單于宮
始識神仙有千古

朱五經

朱五經半生落魄衣衫青有子作節度何物老嫗生甯馨致
身富貴族亦滅正恐行誼慙先人先人有知泣不止眼見割
屠似羊豕生子當如李亞子頸繫朱絲告三矢

王鐵槍

朝陽劉暮夾寨將軍雄略一何快豹留皮人留名將軍殉義

不顧身陰山殺氣連雲動呼聲驚破鴉兒夢短梁橫吹勅勅

秋長矛便敵當陽眾將軍軀幹如天神摧鋒陷陳誰與倫翻

憐泔水滔天日竟作鷹揚虎視臣郎君舉事真兒戲十年苦

戰同光帝騎劫何人代將兵陳安失勢翻無計黎陽已失殘

兵屯平安火斷封丘門降旗箋送哥舒表刀箭痕餘敬德痕

亦知一死都無補猶勝偷生事新主稽首仇廷賤可知黃泉

愁見周陽五噫嘻乎寒骨白冷豔鋸何似將軍鐵槍利此日

難刀足報恩當年棘刺真平地將軍忠義鐵鑄成綠沈槍亦

傳千春琉璃河水忠州象春雨靈旗愁殺人

花見羞

王家女兒號羞花嬌小長成賣餅家已唱荊州三婦豔更乘

一六

詩鈔中

二二四

金陵遺書
蔣氏校印

唐苑七香車金錢散盡得殊寵舊絃那復淒琵琶綠絳小字

黃柑進朝朝盥櫛開妝鏡蚤識蕭娘絕妒心況聞宣后多愁

病瓊花璧月共承歡勅使黃封教令看何事官家偏吐肺拊

牀一慟淚珠酸外庭在殺檀驃騎安重誨之死內訌空嗟賈

佩蘭興聖空中風箴起老鳳孤龍同日死肯戀餘生鞠院中

定陶嬌弱猶堪恃又復怱怱歎國亡氤氳簿裏斷人腸昔爲

吾嫂今吾婦滿眼風塵天地荒未知當日羞花貌可點駝酥

出塞妝南朝軍國真窮蹙倉黃母子徽陵伏月黑楓青曉怪

鴟煩冤新鬼啾啾哭惱殺雄猜白眼劉淚痕和血迸刀頭夜

臺儻見曹皇后先死何如後死愁銜悲更爲先君慟一杯乾

土祁連冢芳草青青寒食時誰持麥飯澆荒壠

兒皇帝

西樓高處神巫舞帳下謀臣泣如雨石爛天枯諾不移延壽
何人敢枝拄脫我白貂裘咨爾太原主予視爾猶子爾視予
猶父有渝此盟大神怒乃公此行亦良苦唾手燕雲十六州
此物原非石郎土景延廣安重榮奈何挑釁甘敗盟因人成
事理宜屈煌煌天子心爲傾阿爹已署監軍號吾祖亦盜囊
霄名君不見宮中上壽舞頡利褊裘公子真豪英

畢將軍戰馬歌

中興戰將誰第一紫髯將軍勇無敵將軍鐵騎尤駿奇霜蹶
踏碎陰山脊軍中標識黑大蟲連錢汗滴春光融黃沙蔽天
殺氛重但見將軍慷慨赴敵騎烏龍自從和議邊防弛奇才

丁六 詩鈔中

二一五

金陵叢書
蔣氏校印

鬱鬱將軍死忠勇無人喚渡河雖不逝兮長已矣空作長號
伏檻鳴金羈百道繫奔鯨可憐飽食依奴隸也似英雄拊髀
情忽驚門外淵淵鼓壯心飛越如虬虎猶認將軍赴敵時裏
瘡飲血霜矛舞嗚乎將軍已死無自苦官家惜兵不惜土中
原名將尙歸耕矧爾微生禍輕賈聳身側耳聽未終鏡溼青
瞳淚如雨從此哀鳴絕豆芻蘭筋銷瘠拳毛枯祇今風雨沙
場夜彷彿將軍鐵象呼嗚乎此馬忠義人不如何不騎此一
丈烏沙漠馳取二帝書坐聽奸相罷兵議稱臣稱姪甘人奴
嗚乎此馬忠義人不如

木棉花

木棉花開如血紅平章落度來庵中我爲天下誅此賊玉津

拉殺輪臣功半開堂荒蟋蟀冷秋陰唧唧曉寒蟲

陳和尙

幽蘭君后無人葬白翎滿地招降將獨有孤臣誓死亡自呼
大將陳和尙和尙死金源亡烏乎金亡乃有文天祥君不見
耶律觀音觀顏活完顏菩薩空自殺和尙香名標日月
卞園牡丹曲

閭門城頭鼓聲絕張王豪氣如煙滅三百紅妝死一樓歸來
自誓孤臣節猶喜鶯花夢未闌搗來蘇小鏡中看妝臺紅粉
朝雲筆舞閣春風亞字欄春光畢竟家山好看花卻惹無情
惱國破誰乘翟義舟風高礙託田橫島忽驚天語成遼陽兒
女英雄兩斷腸此時風雨催花落也似離人淚幾行從此名

丁六 詩鈔中

二一六

金陵叢書
蔣氏校印

園閉金谷一枝酒向花前屬表節期如石塔榴生還好梵雷
陽竹零落紅顏絕代愁年年花信盼枝頭秋風機冷鴛鴦字
春雨魂銷燕子樓彈指流光驚十載玉關人老風情在昨夜
雞竿走赦書今朝鹿韭紛奇彩歸來相見各歎歎封髮依然
似去時花容憔悴妾自惜妾心獨潔花自知雙雙攜手花前
拜花神能了惺惺債祇惜楊枝慣解愁纖蛾曉損春黛君
不見蕃釐觀中仙人花託根不願生天家此花偏強亦猶是
枯枝掘盡森奇葩花草無情尙如此西風黃葉誰憐爾莫撫
興亡怨種蠹吳宮沼後西施死齊雲樓閣總灰塵依舊名花
待主人主人誰亡國彥名元亨姓惟卞
共古今體詩一百二十三首

警志詩

樓生七月而孤體復羸弱賴先人遺澤師長教育稍能讀
書識字回憶髫髻時母病在牀羣雛粥粥無所仰食方冬
嚴寒擁一榻相問從鄰家乞餘飯歸分啗諸姊艱難困頓
瀕死者屢忽忽二十年補弟子員授書里門竊具餽粥四
方友人愛而忘醜者羔雁踵相接太夫人雖老病然顧而
樂之時復與樓講論經史入春娶孫氏諸姊皆得所天以
昔視今不可謂非幸也爰作警志詩若干首追敘家世之
盛與其所以衰而先府君行誼之精純母氏教養之幼瘁

一六 詩鈔下

金陵叢書
丁集之六
江甯顧樓三

并樓幼年讀書之苦歷歷在目俾後之人有所考焉

山靈融結蔚吾宗人盡通經與業農明予先世金粟山之於酒至後
耕無惰遊子姓蕃衍分爲八門然不能讀書者即簪冑不殊周掌
庾社祠都種夏時松東吳文學金貂俊西維衣冠繡斧重況
值熙朝文運盛藻溪佳氣鬱蔥龍

清德何人擬太丘半生官領帝王州曾大至父問山公少孤貧
德公府年六十致仕歸後以明經拔萃知長即今永城縣址經箱
舊業傳黃雀花馬行春認紫駟上計書因仇覽作子永城任公

不重拘細行勉以子職民田公立子揆資然奇其去思碑爲李
公留白永城縣去思碑李試看買隱歸田日童叟攀轅淚不收
通侯遺宅汝南灣明解組臣俞卜通海府節也宅叢菊青松手自

刪琴鶴夢清三徑月鶯花飽看六朝山丹黃人表珊瑚格緋
綠門生玉筍斑游宦一編傳世範自公遊著所至家誠歷述祇今相
對淚潸潸

東南佳客盡論交檀板輕清紫玉敲子余家舊有一時之選名士
轄多常駐井廷一時名士如梁開山王雲衢汪使君車好竟聯
鑣花迎人意先春發燕啄泥香滿屋巢縱使侯鯖無別味庾
家蛙非亦充庖

軍門長揖更無雙劇孟朱家一例降先美大父天顏公技勇以
後以受知于福將軍增格蠻府參軍衣白袷扶風豪士醉金
缸番夷舶聚星占海丁窳春生雪滿江聞說修文傳異蹟羅
池香火祀南邦生公卒官麻顏色如

一六 詩鈔下

金陵叢書
丁集之六
江甯顧樓三

玉芝彫謝逐晨星家業中衰鬼哭庭舊叔祖立昔田公育嬰精當
夜事後家選中落馬尉子孫多乞匄習公池館半彫零墜傷地
脈支逾弱憔悴荆花樹不甯遂折居他姓舊宅賸有吹簫白頭嫗
指陳先業淚惺惺似家有老嫗用說先世事慨咽嗚咽流涕後

黔婁健婦入門初辛苦登堂挽鹿車樓隱克成萊子孝清貧
常淪庾郎蔬姑嫜履襪宵勤織先大府君太宜人就養兒女青
紅曉廢梳更有許多調護處事關深痛那能書

孝友型家世所布東陽體弱不勝衣分田許武竟齋恨閉戶
繆形偏息機學先府君苦志積烏鳥情深增毀瘠以哀太毀過人甚
不病七慈鶴鶴恩重歎分飛病取良思一游粵東不可得傷心易簪千
行字忍死猶期弱弟歸

藐孤不絕命如絲嗟笑依依襁褓時願我無兄終鮮弟累
為父更兼師宵摩袂絮諸寒暖書檢銅槃酌飽饑兩世一身
艱付託淚痕終日有誰知

黃襪一絛竟初終嬰白偏逢僕媪中託媪陳媪受撫孤之趙

氏遺孤憐塊肉日南賢守遜癡忠橋過賣扇錢爭乞果為嗚

糕袖滿籠此自因緣結前世辛勤長伴藥鏹紅

桂玉驚心更愴神丙午大飢支持空賴病中身荒園花滿狐

升屋廢宅落青鬼搏人龍具葛衣聊蔽體濕糲焦飯并沾唇

辛勤操作隣娣龜手當春尙塚職

手把蘆灰課一編納楹書在惜當年青鏡夜永烏嗚曲碧落

碑成鳥腳鐫母素不知書病中博通文夢空中航縫每勞諸姊寄

一六 詩鈔下 金陵遺書 蔣氏校印

鬢環都為阿奴捐孤兒成否知難卜額損庭磚夜叩天

惱鄰鵝鴨太多端夕兒時最頑劣殺雞犬所數頭一出遣從師

倍覺難遲就學緣資脆薄九子歲始從詩書母先口授癸丑年蛋

能詩驗命孤寒青睛肯讓徐陵慧長爪都將李賀看老屋龕

燈雞喔喔家貧那解燕熊丸

樽櫟欣游匠石門書眉爭與繫渾沌生十歲從吳伯培先生幼

者二從學後堂絲竹彭宣聽先達文章穎士尊夫十二歲從吳

五從王後先生學詩賦三載心喪人永訣夫呼至先生前執手

讀春戀勉學以一帆愁雨淚添痕張源國先生赴浙乃從扶持更有

張融舅何日能酬教育恩

塾巾多半郭林宗鬪酒看花并挈從胡文淵軒文彬雪晴文

韓子言子為行青眼之希白三舍料縉頒筆札難鳴書院予伯

業其六槐風雨潑心胸國大歐生號六槐書屋箋裁蜀郡

樓夸鳳睛點僧絲壁化龍最是難忘玉山叟江東無我話從

容子著有秋羣玉山房詩不容口

姍姍窮骨儘堪嫌到處逢迎縞紗添楊是樂年與江鞠厚之吳

周訂交信車若秋社諸車過程門纔立雪姬初以先文楊因徐孺又

安簾招里課人其子儒俊千秋事業思傳研并世才人等負匱慚媿

賣文生計薄朝來有客送雙緣

上庠聲價舊青衫黃葉西風筆戰酣丙寅秋九月始補博士

廿載粥杼心少慰九原幽憤笑應含寒灰擬撥松枝熟佳境

新嘗蔗味甘手種垂楊皆老大樹猶如此我何堪

一六 詩鈔下 金陵遺書 蔣氏校印

讀罷我蒿涕淚紛秋發志皆陳不成不許展先府君太平

始門外官麻冠巾纒許拜孤墳兒非遺腹夢偏杳叔有同胞肖

幾分大先府君太宜人所出廬墓心違慙負土先府君向薦先

碑好待鐫文惟將履薄臨深意精白傳家述令聞

驚篋奪得并清才端木筠歸王虎橋姊文二姊歸又索檳榔笑

口開荆布貨裝牽犬賣崔盧門第跨龍來尊前別淚金鵝酒

鏡下新妝玉鏡臺從此劬勞畢婚嫁蕭蕭白髮漸衰頽

幾經椎罵遇狂奴漂泊依然一腐儒守口見人常艾艾備書

終日課姝姝身丁憂患名心淡胸有恩讎淚眼枯幸復良朋

時過從小窗燈火聚菰蘆

草心萋藹戀春華自種宜男護茜紗三徑濃霜留晚鞠一天

寒雨惜孤花思將著述光前烈苦憶恩勤報有涯休問平泉
舊池館斷垣衰柳集昏鴉

詩成他日報兒孫字字淋漓血淚痕表節書香天意厚存孤
親誼古人敦噎瓜敢忘枯魚轍種樹思高駟馬門懷恨不才
終瓠落起居空負板輿溫

贈漁者江叟

西塞山前客生涯情釣筒煙波雙鬢白風雨一鐙紅小市蕩
新酒平橋繫短篷何當同泛宅鐵板唱江東

贈王大步康

我愛王藍田既瘦兼以狂手持玉麈尾快論如鋒鋦童牙便
孤露有母親扶將筆耕供滄瀧戲彩娛高堂作詩法正始尤

丁六

詩鈔下

五

金陵叢書
蔣氏校印

善古樂府憶初識君時相軋立門戶深愁偏師攻幾被毒手
侮交深始心折自恨才質腐君少負盛氣蚤致鄉曲譽眼中
兔園子視之樓羅如愛憎亦居半僉目曰狂且我獨爲君辨
謂君能讀書讀書貴養氣立名莫求急愈爭愈不來反蹈輕
薄習願君還博依采花釀成汁他年訂名山良友亦附及
李邕獎後進造語兼促膝及觀王昌詩乃至叱之出古人述
閨房類多託諷筆高唐建宓妃心苦不辭謫發情義能止風
百勸終一齊梁尙淫哇君臣競嬉逸靡靡亡國音藻豔復何
益君才本不羈氣等怒馬軼雖無綺語戒頗犯鬼躁疾蘊蘊
失良佐匏瓜感靈匹箋天寫離恨穴地訪豔質餘事宮體詩
閒情玉臺述冬郎賦香奩義山題錦瑟雕紅更鏤翠禿盡千

不律劉四工罵人相逼何咄咄圖成變相時鼎鑄魑魅日舌
端信可畏謗議羣小怵悠悠世俗人那足爭蚌鵝願君急刪
棄選詞吉人吉豈惟損福慧兼足壞心術君看羅江東疏狂
肆譏叱白馬蕃倖逃終竟坎墮卒進德先去矜取友貴箴失
東愚諫西鄙而我頓忘窻君聞啞然笑登堂訂膠漆急呼石
凍春一醉萬事畢

澹園舅氏招同樂山星齋尋秋南郭流連竟日晚過月鉏家
小飲得詩四首

尋秋向南郭彌望水雲涯一徑入松竹兩山分鬢了林煙媚
朝旭風力表孤花苦憶元亭日蕭條感髮華

烏墩餘荒戍牛欄護短門白雲遮不斷流水曲成邨 聖世

丁六

詩鈔下

六

金陵叢書
蔣氏校印

無烽火田家自瓦盆神巫歌舞劇幾處賽雞豚
車馬去不息送人猶古亭荒城連草白寒雨隔江青暇日且
尋勝有生同寓形秋山黃葉下爲爾惜漂零
風亭不覺遠歸路日將斜水氣溢煙渚秋聲繁夕雅更攜中
酒客來訪故人家坐有張平子能無醉月華
病起江厚之招同澹園舅氏韓丈奕山葛丈希白謝君振猷
集高蕙香校書瘦香館蕙香乞詩席上賦贈
故人高誼念蓬麻有約同過蘇小家萬種新愁歸白髮一秋
多病負黃花尊前華燭煎心淚座底名香繫臂紗比似雲英
終不嫁自緘幽恨訴琵琶
唱出玲瓏可奈何相逢都是懊儂歌月光墮地淨如水花景

隔簾微有波名士散場參白足九奕山自號美人妝鏡誤青娥

君看烏柏門前樹重繫斑駁定不謬

龔梅庵病足戲東一首
梅庵善醫乃病足蹶躄公然左師觸長途每作蛩駘比矮屋
幾同鷄絲縮平生游履幾千里臨水登山健無比曉踏黃河
八月冰宵摩白雪三城壘興酣濯足扶桑流曳裾恥作侯門
游有時解襪便登席片言不合仍掉頭歸來三年腳不洗夾
筆猶堪朝士抵路人都識魯風騷奇策時逢記橋履一朝示
人杜德機閉門枯坐同植鱗懸流已悟梁呂險踏壁恐致商
丘疑昨游約上春山頂退縮甘爲奉朝請曳腳新書鳥雀碑
長踣穩作龍龜隱我乃急足通股勤欲以跛龍激怒君譬如

丁六 詩鈔下

金陵遺書
新氏校印

孫臏足已別拔棘纔可張吾軍君聞我言笑啞啞曲踊三百
躍三百跨踔真羞典樂夔蹒跚突過登階克泣玉空山感不
勝飛行絕迹更誰能軍簽備用琵琶腿會踏天山第一層

雨花山石歌

我聞混沌未鑿以前天乃若漱乳媧皇赤手煉石補乃歷恆
沙四百萬劫不灰腐天門軼蕩誰能搥罡風吹墮千片花天
花著土作根蒂化爲奇石搏金沙煙苗雨苗露斑駁山紅湖
碧揚靈芽黃伴蒸栗黑點黍赤疑紫蛙含春葩水痕碎嚼紛
縞瘦珠塵細漉無纖瑕模形肖物更奇絕陰崖匿處浮深窪
瑩如犀理瑩白暗燦如玉質騰朝緞何人傳會稱說法眾生
惑溺安有涯雲光道人挾何術頑石乃聚青蓮跏天人歡喜

各讚歎半空香雨霑迦娑一花一石見佛性忽如點首聞嗟

呀我謂無情莫如石矧乃佛說多誕夸盲僧演唱更聽葛聒
耳奚翅蚓與龜蕭郎佞佛空餓死煮石豈可富胡麻名山土
肉石作骨坤靈往往矜豪奢君不見昆侖玉山十萬八千丈
浮光鑠景歛雲霞 聖朝疆宇郭無外駱駝捆載盈千車仙
人玉母竟安在豈有龍虎朝衙衙金陵山水甲天下擬以浮
玉應無差爾來山靈頗珍秘大懼俗子勤梳爬嗟予嗜石如
嗜痴往往別挾窮幽遐浦珠或爲孟嘗反海市亦向蘇公誇
養之磁斗注清水與君同汎張鶩棹歸來袖底發光怪垂簾
一問君平家

石禪精舍正集呈談念堂表兄

丁六 詩鈔下

八

金陵遺書
新氏校印

昔我游師林奇蹟世罕見茲園乃具體峭削露跌跣陰崖攝
虛景蒼翠不可踐一峰當面起俯視忽中變步窘驚躡梯亭
孤肖張廐石磴何陰森藤蘿互旋轉上有萬年柏山精夕騰
現主人味禪悅庭柯日瞻眄矧茲素心人大啟河朔讌納月
穿素暉停雲寄孤遣境阻心已通進猛足忘倦涼風吹酒醒
衣濕露華泣危巢俯樓鳥回峰表虛練東頭如許乞割取意
彌眷

讀書歎答秦東麓

讀書不讀多乞相一朝露讀書不讀少神解曷由悟博收乃
饋貧孤棄斯吐故試觀六經中往往相抵牾何況灰燼餘雜
糅采傳注古人讀書法乃在無字句貢疑得真解起疾釋沈

病既無妄非薄亦無曲袒護否則拾糟粕必為古人誤埋頭
故紙中是為蠶魚蠹君觀九方歎此事自天賦

束髮初受書龍鏡守荒屋目下空十行文如翻水熟稍長知
鑽研翻苦書難讀強識幾病心窮搜懼逃目典衣購奇書喜

定還痛哭秋風吹嚴霜寒際等蝸縮金是秋實無一百餘也東鏡百
子為代價半克價內學技無一成使人歎書篋今來秦宓家標

細積千軸見之喜欲狂如睹羣玉錄安得棘刺丸兼以玉龍
燭寢食諸書中頽然清興足

華蓮塘久客湘中詩以代柬
湘江春草垂碧絲湘蘭花發紅蕖美一人別怨秋水含情

不語長相思空庭冥冥花霧重倡條冶葉紛含滋東風一夜
一六 詩鈔下 九 金陵叢書 蔣氏校印

作花雨落紅千點嗚焉支青春忽忽驚老大空腸轉穀無停
時華君才調今屈宋森如碧海珊瑚枝天人三策富經術更

以餘技工為詩千金到手立揮盡有情獨肯為花癡自言家
住煙月地三千殿腳呈妖姿煙花南部恣游賞惜花願作花

護持兩淮鹽筴甲天下迎君白馬金絡羈二分明月資論定
百函箋表供驅馳片言不合掉頭去依然赤手囊無資偶攜

書劍來白下花前一笑成相知秦淮酒樓趨如海旗亭到處
題新辭吳姬嬌小年十五為君攬鏡嗚雙眉君寓劉梅雨時

意氣獨千古笑殺長安游俠兒客秋買舟別我去將窮獄籠
登九疑羨君壯游涉江漢權歌聲畫青玻璃湘妃啟閣作前

導驂以赤豹從文鯉高唐雲雨夢荒忽雄風纏繞吹靈旗漢

臯神女解雙珮魂授目與心融怡投書定弔屈子屈青菰縛
米羞江離留君況有南道主筆珠文綺豐餽遺獨憐閨中小
兒女金錢卜盡無歸期東南壇坵久寂寞過江名士知屬誰
思君迢迢隔江水欲騎黃鶴相追隨我今能使烏頭已白復
還黑我今能使春花駐景常不飛遲君玉笛花前吹君獨何
為游不歸

雲楸謠
吳國越樹數百年物也主人將斧為薪之見巨木其子
而止越樹數百年物也主人將斧為薪之見巨木其子
求立廟而否則不為祟因焚燒能為新立人之狀廟異而
里生豈劫數與否使然與抑謠

為王清本為柳藏經為蒼兕使為青牛精神曰否否予信屈
丁六 詩鈔下 十 金陵叢書 蔣氏校印

奇鬱菌增倮倮厥為雲楸之靈 靈之來風蕭蕭靈去兮雲
搖搖問神臘歷幾年歲乃度千百萬劫如一朝 園主人窮

賈樹斧觸神臂忽怒見苦大地頭如車輪目睽睽吐毒霧
萬目愕哈走且仆慎勿伐樹樹有神護 朝對神拜夕燒神

香一朝數盡神自戕廣寒新宮初上梁帝遣雷電下取將烹
老龜禍枯桑劫灰萬石隨風揚土人掘地地已僵 神泣訴

天天不語邨婦夢神索祠宇死樹威靈擊鐘鼓生地軀殼成
灰腐將軍有知色如土石汗模糊滴青雨先是四象橋石敢

鳳游寺觀打齋
鹿司馬斷其 頭投水中

佛門供養徧十方乳糜曾奉旃檀王空中下飯滿盃香粒粒

都作舍利光至今佛子類米賊飽食安坐逾尋常山居亦受
獲鳥供天涯行脚誰齋糧番僧秘演更張大膏腴偏占良田
良金錢賞資窮國課坐使天下爲僧亡博施普濟聖猶病何
物願力思頡頏搏沙煮粥亦徒爾割肉餽鷹無乃傷偶然水
旱歸劫數慈心曾不生豪芒嗟哉錢愚苦佞佛齋魚粥鼓紛
若狂家中爺娘面黃瘦廟中泥鬼金輝煌親知偶貸粟升斗
睫毛深覆腕腕一窮勢盡鐘漏歇依然鬼餒遺蕃殃或言
民窮乃歸釋此亦人類宜胥匡我謂沙門多一養濟院不如
鄉里多一常平倉果令餘糧蓄三九何必度牒斯救荒矧聞
刑天漏王法椎埋亡命多奸僮焚香絳靶古所禁殺人彌勒
誰周防我來鳳游日剛午經聲滌沸勅禿當香廚釜釜氣騰

丁六 詩鈔下

金陵叢書
卅氏校印

上山僧合十紛成行金鐘一杵飯千盞陽春頃刻回枯腸菘
根輒美萊菔脆嚼來一一成宮商飯餘膜拜誦功德彼檀越
者神揚揚南朝此寺號殷富歸昌一曲樓鳳皇當時鯉魚三
尺厚想見布地都琳琅賜莊百頃粟朽爛僧寮密市如蠶房
卽今寺窮呷米汁面色都似瞿曇黃鳳皇一去不復至天寒
日暮烏啄瘡君不見東城寺僧佛有靈華嚴樓閣金銀裝奧
援倚藉勢熏灼俯視一切同秕糠香杭日日渡蜀粳酒肉臭
爛羅羶穢何不飛往生處樂紇于凍雀相扶將狂歌一曲等
棒喝炊煙出樹凝青蒼

楊花

攀折曾經古道斜春情離思各天涯無端吹作江南雪一笛

東風怨落花
不須搖落唱銅鞮水滿金溝御苑西最是曉風殘月夜青山
如雨鷓鴣嘯

野人鉏地得古錢一甕余買數十枚詩以紀之
黑風吹海作平地赤蠹紛紛走兒戲玉皇宴坐妝癡聾人世
興衰那能記已看鄴塢一朝空更傳金穴千年閉野人荷鋤
不解事赤仄鏗然如列肆落斑瑩碧土花紫依稀猶有漢唐
字沈寤幾歷百千劫妖魅欲飛苦無翅一朝入手重摩挲頃
刻青銅能得志從來泉貨本無情不比銅人灑秋淚人生有
錢不善用至與愚虜同一例庸奴動以貲殺身使君獨以哭
傳世日招友朋買花醉始知二疏過人智

丁六 詩鈔下

十二

金陵叢書
卅氏校印

橫秀閣看雨
欲雨不雨山似哭蛾眉肯作尋常綠須與雲霧滃山腰螺縛
陰陰待膏沐西風吹雨入江城拋落明珠數千斛樹景連郵
鏤濕雲泉聲隔岸鳴飛瀑陡覺寒生領袖間襟端空翠紛相
撲道人攜手出雲關指點羣峰如玉束安得南宮妙筆間潑
墨淋漓描數幅置向蕭齋當臥游閉關不負看山目幽響潺
湲聽未終一聲清磬松花熟回首明湖灩灩波白鷗千點中
流浴

書唐書甘露之變

秦風始寺人卒召望夷禍漢封十常侍炎非遂滅火嗟哉甘
露變臣主悉庸悞王涯亦何罪才小不克荷況乃鹿皮子狂

躁比王佐舉事直兒戲君父憂益大本姓魚服困翻受鳴臚
劉銀鑑五木施淋漓血衣裏堂堂南北軍無人袒爲左傷心
獨柳下頭顱懸數顆古來熏腐人掃除任闔瑣此輩何代無
寵任詎宜過慨自唐失御天寶政驕情禍始觀軍容風雷起
么麼金紫徧內廷賞資窮國課置君等奕基宰相啞然坐天
子稱門生監軍號阿爹甘心比桓靈潸然淚交墮奴視諸公
卿股掌任顛簸國脈久鑿傷如塞置春曆除患當以漸誅亂
乃在果躁輕與姑息二者無一可寵極藩乃生勢盡禍必作
何進召外兵國亡家亦破更有縉郎癡引虎入御座延及鳳
翔劫乘輿遂遷播可憐紇干雀飛來受饑餓壯哉韓魏公空
屋守忠鑠

丁六

詩鈔下

一三

金陵遺書
新氏校印

觀音樓遠眺

高閣逼諸天長江落眼前遠山晴積雪芳樹暗啼鵲塔碧春
雲杪樓紅晚照邊塵心了無著花外磬聲傳

東園卽景

煙光如雨散藤蘿榆莢風輕撲而過溝水曲從花徑瀉鼉聲
涼入菜畦多情惜麥氣浮深隴黯黯春心委逝波畢竟老漁
清興足一竿安穩臥青莎

月夜懷馭良爽齋家叔

謝客池塘句漂零賸幾人自慙艱菽水常使寄風塵世味年
逾薄天涯老更親遙知今夜月鄉夢到家頻

昔歲南康權家庭聚首時傷心餘涕淚久別認須眉

馭良爽叔
于丙寅

春借裕司馬入都舟
過江甯流連數日便礙衙門住翻憐羽檄馳夜闌燒燭話
一夕鬢成絲

久客黃金盡豐臺便作家浮雲羈薄宦揮手散羣花疲馬千

山雪清霜九塞笳爽叔時劇憐漂泊慣老去惜年華

送友人之官秦中兼寄書與艾家二妹

匹馬褒斜道青天落掌中關河餘王氣星斗逼寒空官遠移

三輔山高壓五戎若逢游俠輩應拓鳳胎弓

棧道連雲急千盤怯馬蹏河流趨太華天險失丸泥明月秦

關塞邊聲漢鼓聲篋中三笑在應與惠蒼黎

此日秦淮柳青青謝官礙灞橋無心看酒瓊有淚滴江湖壯歲功

名拙天涯弟妹遙謝官憑君傳語去潘鬢正蕭條

丁六

詩鈔下

十四

金陵遺書
新氏校印

欲報平安信傷心下筆難九原靈窅窅蓬莊伯七口賸饑寒

天遠魚書闕霜高雁景單長安一片月何日照團圓

贈甘煦

終童奇氣鬱青霞噓館尼然入作家鎮日春愁銷竹葉幾生

清福儼梅花詩題白練帶千幅賦寫紅綾手八又我媿揚雄

經學簡敢勞清酒辱侯芭賦時以所作詩
賦屬于點定

牢落憑誰寄賞音思量煮鶴更焚琴孤鴻夜月三更淚病馬

秋風萬里心醉後狂歌惟白眼尊前談笑失黃金無成忽忽

增惘悵此日期君惜寸陰

雨後作

絲絲春雨細如麻一夜東風颺落花楊柳絲長鶯試乳海棠

窠濕燕歸家寒生白袷詩懷淡清入蘆簾睡味加且自呼童
汲新水松聲蟹眼聽煎茶

鍾沁香招賞雪中牡丹

東風催放鼠姑香玉戲天公底事忙名士文章宜白戰美人
身世惜紅妝瓊瑤報汝原無價蠶蝶窺人未許狂比似神仙
披鶴氅漫將清冷笑花王

十月梨花識相材維陽春又雪中開人間雨露恩原薄天上
焉支買不來百寶裝成銀世界朵雲香擁玉樓臺思將白傅
裘千領遮徧梨園詠絮才

千枝穠豔鬪奇觀熱鬧中宜冷眼看分種乍疑夸雪塔關心
還與護紅欄玉堂清貴名成易金谷繁華夢醒難生怨韶光

丁六

詩鈔下

十五

金陵遺書
蔣氏校印

輕忽過教他知道者番寒

甘崎人招遊莫愁湖

雙槳如飛下石頭披襟人想晉風流青山景澹白雲沒紅藕
花涼清露浮江水滿殘金粉氣笛聲吹出海天秋英雄兒女
終黃土落日茫茫我亦愁

送樂山入都

帝京煙樹鬱蒼蒼舊雨心情盡此宵好展風雲騰駿足不堪
杯酒別花朝金河細柳春盤馬落日黃榆晚射雕回首家山
應悵望蘆溝橋畔草蕭蕭

男兒三十定成名射虎將軍右北平四塞河山王會邑十
年風雨故交情塵中不少輕財俠胸次終期照膽明知汝此

行詩更好借宗高處聽雞鳴

借凌鞠坪過李阿壽故居追憶亡友韓樹佳泫然有作

菱歌低唱最銷魂金屋人空有淚痕我亦多情狂杜牧不堪

重過枇杷門

西風吹夢到天涯翠袖單寒鬢景斜報道階前金鳳草美人

已去莫開花

小風也

繡出弓衣句欲仙唾絨窗靜月娟娟韓詩翻憐

埋骨韓公子地下傷春又幾年

秋夜懷樂山

西風吹瑟瑟寒景動簾波秋已瘦如此人當情奈何雁鴻歸

塞盡砧杵入宵多之子聞良晤生涯懷薛蘿

丁六

詩鈔下

一六

金陵遺書
蔣氏校印

爲有高堂在窮途不敢愁命宮途磨蝎豪氣欲吞牛歲月憐

風雨妻孥等贅瘤茫茫天下士誰是李崖州

題桃源問津圖

春風綠到溪邊樹一角春山起香霧不知深處有人家但覺
桃花紅一路尋得桃源好避秦漁郎重入便迷津回思雞黍
留連意始信神仙亦世情長安游騎知多少許史金張鬪嬌

好朝飛朱轂據要津夕看邨山長秋草先生無乃殺皇民一

生好戴華陽巾挾書載酒挈銀鹿偶然步入桃花林山空無

人鳥聲樂榜歌響處漁郎磨人生樂境難重遇舊游崔護知

何處秦漢何人解學仙三山纔到風偏妒我亦嶽崎歷落人

肯蹊礙步君後塵天開異境許同住桃花一笑成千春

題陳雨峰總戎紀 恩詩册

天風蒼蒼雲茫茫將軍作鎮威一方旌旗十道涉海水彎弓
欲射回天狼南樓高詠達昏旦坐看紅日生扶桑煙中孤島
集番舶傳芭伐鼓來佔商海巡一編慮周密至今惠愛傳紫
琅將軍起家出行伍虎頭燕頰何軒昂輕裘頗肖羊叔子破
陣不數蘭陵王黃流東注駛竹箭萬牛縛尾趨淮揚 帝命
重臣駐江左大築瓠子營宣房中流一柱有神護奪水歸地
如堵牆掃工直下萬夫猛石鵝陸落千丈強將軍此時瘁心
力晝夜督責防披猖飛章徑達 九重聽風前孔翠金輝煌
祇今讀公紀 恩册往往涕淚霑衣裳將軍養士視子弟間
有疾苦親扶將場開閱武親校射戟較令肅明秋霜錦袍白

一六 詩鈔下

十七

金陵叢書
一附氏校印

馬先士卒地矛丈八誰能當雷霆陣合鼓聲起散如蝴蝶團
鴛鴦椎牛殺馬紛犒賞正歌一曲傾壺觴指陳坐作述韜畧
曙星朗朗須髮張 著有三卷 聖朝無事偃兵革士卒飽食
糜廩倉弓絃甲櫜半朽蠹問誰突騎誰精良矧今邪說易煽
惑蟪然蠢動思跳梁往年妖賊起川陝焦頭爛額靡周防時
平官吏飽囊橐事往玉石貽蕃殃將軍才略本儒將安用大
戟夸長槍拊循已足鼓士氣都虛角觝爭超曠豈無椎埋亡
命者將軍縛之如犬羊功名指日上馨閣爲公起舞天蒼涼
軍門自此有揖客頻來莫惱狂生狂

題史輔亭松陰調鶴圖

赤燄一怒火繳空中排水雲倒挂蕩漾金銀盆閉關逃暑日

踞炭爐上有客贈我一卷冰雪文披圖未畢忽已動涼意虛

堂謾謾彷彿聞松聲山人養鶴同于養兒孫貯以精舍宏景
樓三層飼以元山雕胡之玉飯濯以三危沆漚之金莖年深
歲久仙鶴亦識字忽如美人與余兮目成有時松間寒月如
潮生山人露坐命酒傾壺尊清光滿眼照耀須髮綠醉酣起
舞踏背疑飛騰有時松林雨過微雲蒸客來剝啄雙鶴出應
門亭亭玉立忽作點頭應呼茶布席主命皆能承有時天風
吹綻梅花魂海水僵立凍合銀蟾奔乃與山人同日持庚申
自非丹砂頂上紅一點祇疑松梢碎撲瓊瑤痕嗟呼白雲蒼
狗多變更華亭之唳今日安得聞歸來華表亦已非故物何
不學仙但見繁繁墳豈無衝炎觸熱襪子奔忙赤腳揮汗

一六 詩鈔下

一八

金陵叢書
一附氏校印

餘三升何似山人之樂樂無極眼中坐見滄海生埃塵我欲
往從之游病未能興酣落筆奕奕如有神噫嘻余亦鸞漂鳳
泊人

題徐卓夫聽松圖

題詞甚多計今五十年前

一松夭矯高入天一松偃蹇枝連蜷陰崖突怒飛雪瀑半空
冷翠吹唳肩幾竿修竹更清絕脩脩鳳尾捎寒煙先生本屬
江海客才地羣推棟梁質長風謾謾標性情古月森森照顏
色山居恰儼陶通明松風日聽如有情三層樓上清無暑五
嶽胸中起不平長安市上曾相見交游盡說金閨彥乞得雕
龍繡志詩來青士蒼官面泥飲甯知白日長追歡祇覺黃
金賤轉眼滄桑五十年青松依舊髮華顛披圖便算紅羊劫

拄杖仍招白鶴眠若非阿堵傳神妙誰識當時最少年我今
覽圖增歎息人生老壽真難得前輩風流照酒杯青山粉本
傳松墨願與靈椿作主賓子孫寶之永無極

團扇歌

郎心妾心手中扇薄羅裁處秋雲顛中間祇隔一層花對面
相看俱不見一朝明月飛入懷美人搖動春風來磨將蛤淚
光仍漏安罷蟬花手漫擡蕩絲脰折玻璃凍合歡織就天無
縫冷雪淨空欲化煙碧霄歸去乘鸞鳳一笑玉珉卻扇時伴
羞偏惱謝芳姿青蠅有恨煽離席粉蝶無情界作詩祇道君
心常似月那知中道恩情絕一葉隨風便是秋經年置笥成
長別棄置秋風莫怨嗟由來妾命薄于花但願月圓終不缺

丁六 詩鈔下

十一

金陵書
蔣氏校印

朝朝流景到君家

題朱竹薌香閣聽雨圖

金鐙紅暈夫容穗屏山薄揜香蛾墜此時倦眼乍羞明此夜
情人那能睡一點兩點初打窗漸覺檐溜鳴淙淙猛如羯鼓
搥答臘散若符水拋蹄躑高樓有客凭肩坐嚴妝卸卻花枝
慵撥火重添麝炷溫拗寒一任羅衫情攪入鵝笙倍有情聲
聲幽咽不分明紅蕉宛轉將愁裏斑竹淋浪迸淚傾梢頭昨
夜花初發一樹天斜紅鞞鞞解擗如含白鳳胎銘香便是青
鸞骨前身不合見花身況復含酸肖果仁苦被丁香鬆結束
錯教蘼荷委茵塵茵塵擬把三生託連理枝頭有瓔絡仙使
空傳五部瘟瓊漿便是千金藥由來名士悅傾城三疊琴心

許目成詞梨堅似郎心性崖密甘逾妾誓盟蘭湯浴罷驚初

見檐前鸚鵡呼茶倦嚼出流霞口遞香書成喜字春生面清

畫愔愔轉復愁可堪相對說漂流傷心不住嗟狻猊灑淚終

宵怨女牛腰圍燕地傷春瘦海棠花下聞輕嗽熨體能分奉

倩心熏香代懺摩登咒豈有輕船載阿嬌鷓鴣聲急雨瀟瀟

已教錢樹夸頑豔無復珍珠慰寂寥自古才人嫁廝養黃衫

磨勒都非想情至終須有別離天高何處張羅網惜別殷勤

酒一卮雙雙紅豆嵌相思驚看藥店銷龍骨悔不松陵施苑

絲秦淮便是銷魂處綠陰冉冉天涯路薜蘿應憐再見難卷

菴已被多情誤妝閣重尋思惘然春愁如夢雨如煙昏黃有

約枇杷院一碧無情茵蒼天披圖愁見煙霄質婷婷嬈嬈初

一六 詩鈔下

一一

金陵書
蔣氏校印

逢日一曲淋鈴別恨深三年懷袖緘藏密我亦驚漂風泊人

髮絲禪榻感前因為君更唱吳娘曲白馬蕭郎最愜神

瓦官寺天后錦帶歌

金輪天子垂裳坐太宗王業如煙墮禍水初飛紺袖花便房
尚記珠襦裹才人嬌小最承恩旋賜黃紵出殿門此際不須
重袴著瑤光私語致溫存更衣結又同心賜掩袖諶工拭面
痕蓮曉奪罷爭調笑卷服龍章驚謁廟斛麥新收田舍翁蠶
麻誰戴天孫孝集翠裘擬枉自豪羽衣笙鶴太敖嘈銀泥已
自披黃襖金字空勞賜紫袍一夜金仙來大足珠英教主思
祈福法喜猶施錦爛裙幽憂肯念黃羅襖啟襲如聞百和香
紗籠蕩覆內家裝應教禿袖調鸚鵡尚有回文曬鳳皇幅長

四尺闊六寸婉兒玉尺親裁論想見雕紅刻翠時絲絲羅綺
緘長恨諸天哆口佛低眉又見阿難破戒時天魔忽地酬絲
帶鹿女從教有嫁費風流裙幄當時重剪須靈運翻嘲弄祇
知塘畔足如霜誰識官中腰貼鳳百萬釵工總莫論玉兒纖
帛轉銷魂生憎貼地蓮花步消受官家檀鼻禪此帶流傳三
百載劫灰燒盡金泥在遺事能徵笠澤書傳觀尙落仙雲彩
殷鑒由來戒色荒馬嵬錦襦共淒涼昇元閣上西風急又譜
霓裳曲數章

周孝侯讀書臺

落花斑斑石躑虎深夜寒松作蛟舞英風幾輩蕭衣冠勝蹟
千年記風土惟侯起家繡襦襦少年結客屠沽場驚懼子弟

丁六

詩鈔下

一一一

金陵遺書
蔣氏校印

憂父老爾時意氣誰能當殺蛟恥作椒丘所殺虎願學飛將
軍一朝折節事文藝虎如可狎蛟可馴東頭先生初入雒嘯
聲響落華亭鶴束脯羞從章句儒佩豹自習從橫畧南風吹
沙暗邊塵八王事業何糾紛惟侯忠孝明大義此時見賊不
見身噫嘻乎蛟可屠虎可殺殺賊何當一隊拔援盡矢窮兵
不發讀聖賢書學何事終不偷生草間活地下相逢陸士衡
鬼雄翻欲愧門生西風草作銜須鬪東去江流戰血聲敦之
畔也伯仁死萬年之亂祇侯耳區區不照賊奴心以顛視侯
固難似遺象孤懸起烈風荒臺無主夕陽紅憑欄更灑千秋
淚丁字何如兩石弓

書殷浩傳後

魏闕江湖兩抱慙蒼生從古誤終南如君祇合投高閣此日
何容尙雅談名士到頭終畫餅好官回首失空函專權莫罪
桓司馬經畧中原本不堪

寒齋

朔風撼樹如欲哭啞啞烏嗥飛上屋主人悶坐客不來紙闌
蘆簾享清福撥寒且復松醪斟積雪一庭深復深呼童掃雪
莫拜石石上昨留故人蹟

寒月

種梅主人骨如鐵手把寒香醉明月月光墮地香上天春壓
梨花一庭雪誰家玉笛聲嗚嗚月華如水霜華鋪窺人作語
堯年鶴寂寞空城聽吹角

丁六

詩鈔下

一一一

金陵遺書
蔣氏校印

寒燈

商飈捲地踏萬馬吹墮長安屋檐瓦青燈黯黯映書帷挑盡
魚膏落紅地銅盤忽地生光明照君然諾區區心君心不照
孤寒地自分短檠牆角棄

寒雅

欲落不落紅玉盤佐以萬竹青琅玕寒雲千點蔽空黑櫓聲
嘔軋搖江灘蕭蕭古木叢祠禿風雪誰憐丈人屋城頭亦有
頭白烏返哺心切尾畢逋

寒雞

荒雞夜半嗥格格殘月一聲海霜白千家萬家酣睡中驚起
長安利名客手提玉龍舞不已出匣寒芒瑩秋水散衣羸馬

衝雪行函關月落天未明

寒夢

孤衾自煖冬心冷香墮梅花夢無景翠羽啁啾喚不醒依稀
記得羅浮境羅浮仙蜨紛紅翠碧月荒荒鶴思睡鐘聲催夢
月墮西一燈照壁風吹低

讀三國志

積金鄒塢太癡生解用中郎亦愛名屍吏然臍君莫笑傳家
還有大羅平

天下齊聲唱董逃車前討賊有兒曹天教子禍生牀第安史
居然死命操

馬中赤兔人中布射戟才原絕世雄留得一增猶不用千年

十六 詩鈔下

二二三

金陵遺書
蔣氏校印

流涕惜陳宮

家世三公膽略豪軍門長掛見橫刀如何暮氣頹唐甚轉殺
田豐爲解嘲

識文本自無公路歐血椎胸亦可傷絕愛前軍孫破虜爰書
三字固金湯

樓桑枝蔭九光霞祥啟中山帝冑家規取益州王業定漢朝
終始在三巴

下牀蚤奪元龍氣請教能紆北海危天下英雄真不媿算來
祇有老瞞知

蛟龍豈是池中物乞汝荊州作雨雲江上白衣坡下鳳天心
從此限三分

魚水君臣曠代無傷心神器竊當塗左司忠諫工陳議鄙見
何殊魯國儒

正閏紛紛費討論千秋大義考亭仲誰知正統昌明日蚤有
襄陽習半人

誅龐馘禁武惟揚指日回戈定洛陽惱殺阿蒙真鬼蜮排雲
瀨氣激漳鄉

翼德英名孰敢當按爾雅疏誰知八法邁鍾王書來軍吏悲
侯死遺恨當年失范疆

國賊能知趙順平奪來阿斗舊知名君王自切同仇誼法正
應難止憤兵

涕泣牀前詔輔孤君才十倍藉匡扶永安宮裏千行淚賣履
分香信老奴

十六 詩鈔下

二二四

金陵遺書
蔣氏校印

綸巾羽扇眞名士梁父吟成管樂同不取中原取襄漢指揮
先已定隆中

心秤高懸賞罰平取才端不藉虛名無端乞貶號亭爵一勳
知人帝最明

寬猛眞能嗣國僑私恩偏惜赦書條饒他景略能持法歐血
何人淚不消

丞相天威七縱禽南方已定倍關心中興亦有宗留守呼渡
河三淚滿襟

大筆淋漓兩出師臣心蹇蹇九原知君王更比桓靈閻愁殺
中涓枯寵時

星隕前軍漢已亡軍民遺愛各霑裳替人語畢無他屬家有
成都八百桑

降旗風引素車斜城上芙蓉慘不花從古庸臣同一例世修
降表翰林家

舞妓重陳樂幾行此中安樂詎思鄉憐他三日都亭哭天意
遲生北地王

侍中司馬并忠勤謹慎終須讓葛君怪底推誠來刺客空令
盜殺大將軍

襄瓊纔入檻車徵綿竹捐軀父子能一慟臨危姜伯約剖來
忠膽大于升

襄陽耆舊首龐公棲隱歸來有婦同消得臥龍牀下拜鹿門
丁六 詩鈔下

千古跋高風
刀樵森夾上公漢家天子自尊崇桃枝拉殺渾間事衣帶
紛紛血染紅

殿履公然上廟堂苦教垂老學文王東京名義真鑑炭留得
山陽一綫長

但得尊中酒不空雙眸何處著奸雄是真魯國奇男子琨玉
秋霜那便同

搗鼓淵淵金石聲岑牟單絞氣如生無端更值黃江夏鸚鵡
聰明惜禰衡

良朋結聚成龍體何事龍頭叢德凶復壁奉來甯有是可憐
老受博平封

殺身無補發空盤亂世人才擇主難卻怪蘇髯滋議論西山
薇蕨例同看

抵牾難忘父子情祇緣蓋白累聰明輸他座上臧洪烈一死
爭傳義士名

淒絕胡笳別淚彈虎賁雖肖父書殘千金肯把蛾眉贖此誼
今人得已難

曾記當年置摸金紛紛疑塚最關心斯時儻誦陳琳檄轉恐
頭風痛不禁

一曲燕歌絕妙才籠中絲絹費徘徊君王送別工流涕此副
嗟痕那得來

妝罷靈地綺閣春袁家新婦本天人如何乞與中郎將更遣
陳思賦洛神
丁六 詩鈔下

蹴足無端詠豆萁臨觴聞樂總堪悲蚤知愛子無人託應悔
倉舒死尙遲

愁殺山陽禪代年中朝名節散如煙秋風祇下銅仙淚石馬
荒寒臥道邊

藜牀清節有誰攀鶴去遼東竟不還比似魯連真蹈海千年
相望郁州山

狼顧明知相不臣阿兒端可御斯人何期老壽偏難死轉爲
佳人勸子真

樓櫓三千一炬空公孫原是可憐蟲石門關上紅妝豔雄語
休夸石季龍

司馬家兒又弄權宮車拜別淚潸然奸雄衣鉢傳偏肖草草
金塘直幾年

葛誕毋上儘可哀家聲轉歎太丘願公問不殺誅成濟從此
無言位上台

奇略曾夸晉子房陰平奪險計偏良夫人醉嚮誰能識纔說
戡劉便喪亡

傅粉何郎豔似花魯論高出十三家何當淨掃青蠅矢轉使
公明卦驗差

太初宗尚託虛元嵇阮都應遜此賢聞說臨刑終自若何慚
滅鼻女嬋媛

總角論交兩駿雄孫郎策馬定江東青州名士重攜手一笑
神亭解鬪中

絳靶燒香戮豈誣林中倉猝邁凶奴君莫元放成羊日游戲
終難國賊誅

伯符真似伯升亡保有江東泣拊牀何事敗盟甘偽爵紫髯
終始肖吳儉

生子當如孫仲謀長江洶洶易生愁拒曹頗藉劉郎力底事
酬功吝一州

周郎雅量比醇醪天與東風大討曹畢竟小喬年命薄曲終
三爵喪英豪

紅巾颯颯見英姿一笑橫吹鼓角時絕愛神巫迎送曲昏鴉
如雨下叢祠

丁六

詩鈔下

二十七

金陵遺書
將氏校印

望帝魂歸賦大招錯疑肘腋變中宵自關剛烈如兄父靈澤
千年恨不銷

年號空勞紀赤烏稱臣納幣竟人奴心知大小斑難偶漢壽
侯真烈丈夫

指困雒宅見交情子敬深謀在合并纔襲荊州稱疾篤赦書
愁殺呂蒙城

交州纔徙又蒼梧弔有青蠅氣益孤知己先王仍少府死應
無恨泣窮途

烽火連天起陸郎無端感憤惜天亡舊人惟有張昭在塞土
燒門淚幾行

聰警何如江夏黃子瑜驢在大聲狂中原經略成何事落度
城南葦席岡

青蓋終須入洛陽樓船軍已渡龍驤孤忠祇有張丞相血戰
新林死國殤

又見降旗出石頭歸來俘虜竟封侯較量安樂終強項樊
兒慙賈豫州

共古近體一百四十二首

丁六

詩鈔下

二十八

金陵遺書
將氏校印

原跋

顧先生秋碧白門奇士也少孤力學著作等身餘事爲詩
才絕豔髮逆倡亂遺稿放失其已刊行者乃先生少作亦復
若存若亡因從 段笏林夫子處乞得此本急付聚珍排印
以公同好嗚呼以先生之學何難鼓吹休明乃既閱於有司
而身後微名亦幾不能自保豈豐於才者必嗇於遇與俯仰
古今撫卷三歎

光緒柔兆涪灘病月南清河後學王泌鄴仙謹跋

丁六 原跋

二二九

金陵叢書
蔣氏校印

15 / 40 26

28 B

然松閣存稿卷上

金陵叢書丁集之六

江甯願樓三

雨中渡江

蒲飄纒挂又收回江霧迷人鎖不開風力欲飛雙槳去濤聲
如擁萬山來模糊雲樹峰全失零亂葦葭岸欲頽我亦多情
同洗馬茫茫相對掌中杯

十六日招同王敘庵師陳丈博原張丈毅齋林丈雪晴韓丈

奕山談念堂表兄家月樵叔集然松閣即席賦呈諸丈

海內晨星落落孤諸公猶自老菰蘆半生模楷依函丈十載

飄零感餓夫無可報恩惟涕淚不堪多累是妻孥心交更念

張融否寂寞河山舊酒鐘世將近十載下

一六 存稿上

金陵叢書
蔣氏校印

二姊欲歸苦留不得追憶往事悵然有作

歡聚苦日短握別紛愁歎大妻泣嗚咽小妻泣洟瀾伊余獨

無言涕淚不可乾入春遭屯躓偃臥如蛟蟠姊聞急歸視寬

譬從萬端既憂病骨脆復憫家道殘粗糲爲我餽草具爲我

安藥爐手親檢湯粥吝煖寒霍然病如失骨肉欣團圍青春

易受謝杜宇聲悲酸瀕行再三囑努力加飯餐哽噎不成語

刀刺中心攢同居患難時始知離別難別離亦暫爾姊恩何

時殫昔我孩抱日呱泣形影單劬勞母氏力督課朝夕看我

哭姊亦惱我笑姊亦歡分燈更分飯膏沐稀容觀女紅佐儻

粥駁極膚無完兒時事嬉戲每戴迢迢冠鵝鴨惱鄰右橋柚

毆園官長跪乞母憐航撻姑從寬霜顏屢邀霽雨淚多暗彈

眼看弟成立拔戟登壇于歸得快婿指日鵬風搏中道忽

夭折明鏡嗚孤鸞操持困薪米典鬻空衣罄蕭條髮絲白一

足躄蹒跚相依盼阿弟平地生羽翰誰知弟毛髮亦等黃門

潘雞聲感醜莖草色欺袍欄求名適滋戾救過偏索瘕頰遭

路鬼笑每被俗子謾釣鼈苦無術空把珊瑚竿艱難活妻子

瘡補心肉剜童烏復歿逝霜雪凋紅蘭竟辜阿姊望感激摧

心肝差幸馬鬣封克舉雙親棺松楸樹千本負土成高巒擬

耕郭外田嘯歌希考槃稍盡廬墓職餘事供盤桓了茲未了

因逃佛羞蒲團詩成血盈紙不忍書齊紈世屬余風雲倏變

色愁雨天漫漫

此日最可惜詩爲蘭君作

一六 存稿上

金陵叢書
蔣氏校印

蘭君夢先人平甫觀察課督諄勉以讀書作文旬日之

間疊次入夢余因之有感書此助之

此日最可惜來往如奔梭來者不可恃去者亦已多君質既

穎異君性尤安和青春易受謝白璧須磨礱君家光祿公青

年掇巍科聲名滿 日下簪筆 金鑾坡春城桃李富鐵網

珊瑚羅交遊盡公卿戚里皆嗚珂活人有陰鷺昌後應不訛

勉旃述祖德風雨勤編摩阿兄宦塞外迢迢限關河書來倦

倦意使我淚滂沱况君年力富金石皆可磨青天有桂樹待

爾持斧柯已脫紈袴習休營安樂窩毋爲學鄙人壯歲空蹉

跎

蹉跎淚如雨臥疾青溪濱良朋有秦宓說士甘陳遵苔岑一

以契雲龍遂相親醴酒爲我設茵榻爲我陳阿連及阿阮玉
立皆嶙峋感君纏綿意忘我腹笥貧忝然遂北而似有香火
因論文至夜半口角猶津津我才豈足師我志良苦辛期君
學業進下筆如有神期君立修名孝友稱完人昔君趨庭日
尋師洛城圍觥觥林夫子紛綸井大春文章既淹雅品詣尤
精醇君時尙童稚不解傳衣薪風樹一以悲海水飛紅塵炎
涼逐時態飄忽憐青春當我授書日正君履霜辰尋師向海
上不如歸求真思親見夢中不如書諸紳書紳無多語寸陰
當自珍

鳳皇不家食矯首翔天衢觚稜開軼蕩懷抱鬱以舒束裝約
我去我去偏躊躇丈夫重遠志亦豈憐妻孥馬鳴聲蕭蕭爲

一六

存稿上

三

金陵遺書
唐氏校印

君立斯須昔君出門去阿爺阿兄俱今君出門去金注交腐
儒風波託誠信眠食憂前途蒼頭覓李善行李擔奚奴京華
人材蔽家家握蛇珠福命吾不知君學猶蠡疏小試或中雋
勉旃操大觚不行阻鵬翼行矣愁狼胡所幸試期遠尙有餘
工夫願君勤屬文願君多讀書明年捷秋風聲價重 皇
都揚名泉下親追步伯也及萱堂喜健在溫溫奉花輿門生
曳金紫我亦光門閥詩成再三囑此日君何如

悼蜨詩三十首 錄十八

余自姬人亡後意忽忽不樂抑情割愛終不自釋適友人
楊樂山出咏蜨詩見示中有句云不堪夢裏逢三月也算
花間過一生余讀之泫然淚下因綜姬平生賦悼蜨三十

首聊當寫照篇中撫今感昔傷離惜逝如羅浮兩山風雨
離合是人是物不知情之一往而深也姬而有知能無珊
珊來栩栩活耶

老去看花眼易紅風流迴首憶牆東生當紫燕黃鸝後春在
濃香淺夢中豔福已拚今世盡芳心肯逐曉雲空尋常一樣
綃裙化飛傍妝臺便不同
家在羅浮縹緲峰無端小謫滯仙蹤父蛾母蛹都難問風泊
鸞飄已自慵絕豔易迷金翡翠靚妝偷學玉夫容閨中女伴
知憐惜簾幕春寒護幾重

一六

存稿上

四

金陵遺書
唐氏校印

終須怨一半顛狂一半癡
金屋妝成錦繡圍紛紛紅紫鬪芳菲纖腰自按花奴鼓綺袂
新翻玉女衣拚被鴛鴦捎逢薄怒卻防蛛網礙低飛風光大好
心仍怯隨著銜泥燕子歸
遊仙一枕樂蓬蓬香霧朦朧襲滿裾紅蹴圓渦酣睡後黃安
嬌額午晴初兜來團扇風微顫簇罷羅裙態轉舒絕愛玉鴉
相對撲湘簾不捲致蕭疏
零落籬門菜一畦多情忘卻路高低新絲鎖日縹蠶繭香氣
私教避麝臍苦抱空枝忙刺促強假斜景恨淒迷癡心不怕
東風口怪底流鶯作意囀
不解傷心不美人對花歡喜背花噴繁華易醒千年夢生死

都爭片刻春妙舞曲傳風態度多愁越顯玉精神蘭因絮果
分明在杜宇聲聲勸最真
南浦消魂草又蒸蒲帆高挂大江雲梅花帳冷空辜我杏子
衫輕合贈君此日分飛憐弱翅他年薄命有孤墳青陵臺上
朝朝望落葉哀蟬忍更聞

紅潮酣頰孕眉山燕乳鶯雛總一般墮地香名誇鳳子驕人
錦襖燦花斑應教金粟前身認不枉珠胎昨夜還旁挺側生
都莫問春風堆擁上鴉髻

弱不禁風強自飄天涯消息斷蘭椒孤花一樹春無主清露
三升酒代澆襟外輕煙霏綠蠟窗前微雨溼紅蕉腰支瘦盡
渾閒事擬託鱗鴻寄錦綃

丁六 存稿上

五

金陵遺書
蔣氏校印

果然芳訊墮花梢半幅羅巾眼淚包人似春駒忙不駐路隨
歸燕巧爭抄情知陌上紅香賤忍把風前白打拋去日夭桃
今在否柴扉不敢便推敲

珊瑚仙骨奈卿何扶病看花眼一睨春到曉鵲紅雨盡夢回
芳草綠陰多人間何物容脂粉天上從來賤綺羅已分乘風
歸羽化多情還擬救飛蛾

霧地雌風喚鬼車中庭一白繡毳花仙山有路偷靈藥香國
飛身豔落霞金箔朱泥癡客夢玉膏紅蜜美人家劇憐雙宿
雙飛影從此春光斷茜紗

兜綿雲軟緒風輕紅煞夫容想玉京天上果然歸舞隊人間
何處覓飛卿餘花賸草空三月斷雨零煙了一生千樹棠梨

澆麥飯可憐鳩婦喚清明
春風又到綠莎廳儘有癡人喚不醒一夢甜鄉通漆黑千年
幻影照丹青惜惜雨暗紅蠶閣黯黯塵封白鳳翎留取滕王
新畫稿驚鴻幾度覓娉婷

絕迹飛行我尙能可堪追逐憶良朋收香畢竟留么鳳鼓翅
終須讓大鵬短夢輕塵都了了虛空粉碎一層層無端又被
莊周誤祇隔羅幃叫不醒

潑水春寒凍不流忍教鄉再築溫柔遊仙已判成園客得增
眞應號粉侯鸚鵡尙呼金屈戌蜻蜓空顛玉搔頭拈花鬪草
都無賴紅是相思綠是愁

傷病傷春口自絨風前豔想一齊荏生非石燕能無恨死住
蓉城定不凡香土再搏終隔世仙風可御欲張帆詩成謝逸
眞腸斷合遣司花署蝶銜

贈徐雨田兼寄王大慈兩
名紙驚看喜復愁故人家在海西頭書來問我米鹽況別後
幾經花月秋帶一分才增抑塞寄雙行淚說漂流憐君同作
諸侯客如此天寒尙遠遊

白門霜柳下棲烏泥飲空遲舊酒徒閱世自憐雙眼在論文
眞覺寸心孤思君顏色看明月寄我詩篇抵貫珠聞道茂先
能說士娜嬾還許借書無

大水歎用正輪韻
雄雷忽跳溢雨泣山精唬騰蛟扇威虐瘡痍遍蒼黎排山更

丁六 存稿上

六

金陵遺書
蔣氏校印

倒海乾坤閱端倪怒極駭翻地力猛思潰隄江水勢洶湧霖
雨聲酸悽所至陷窪穿彌望皆塗泥居人苦奔竄版籍無由
稽浮屍蔽江下膏血肥野藜存者益憔悴腫腿如玻璃頽垣
日傾壓往往排牆擠盪舟出高家沒慄驚流漸嗟電舩上
蛙蛤紛與齊避水若避賊謹謀聞鼓聲登高一爲望九達無
餘蹊鳴雞上高樹咫尺迷東西作書告河伯毀壁刑牲題汝
職忝望祭廟食神所棲東南力凋敝面色餘枯黯奈何縱龍
鬪俾我民卒迷天心自仁愛寓目增惻悽常平詎可恃奸吏
吞渴貌市糴孰平反米色攪霰低疇能策荒政當塗多齷詆
安得射蛟手盡殺制水犀鎮以六郡鐵無俾滋鯤鮪望氣坎
雪嶠保生治夏畦矧今 大聖人水旱勤嗟咨獨卹 詔

丁六

存稿上

七

金陵遺書
蔣氏校印

屢下貪墨詩提撕慎勿烏攫肉乃至磨抉臍飛章達我
后此意天所從

喜雨

一雨鵲聲喜東郊方閱農飛霰及雪澤破凍春泥黏溝塍漸
通水薺麥回春容豈惟蝓蝻死亦免蔬果凶侵晨勃姑叫壓
檻癡雲濃山居日無事臥聽虛枕春故人冒雨至筍屐留苦
蹤爲言米價善賈舶來重重無因我亦喜蠶樞猶可供轉念
寒食近墓祭經秋冬無因奠漿酒涕淚霑青松晴曠翦兒輩
拍手驅泥龍
哭張子瀾
一慟生才意埋憂又到君無棺填磊塊有氣鬱風雲弱息知

誰護遺書幾輩分病中以書贈友九原應不瞑垂死訂斯文
咤叱千人廢榱桷一座驚酒狂先指屈詩伯并心傾忤俗難
爲偶灰身不讓名低徊鸚鵡賦終竟累聰明

感債成奇疾憂生發浩歌知交如雨散詛咒患才多鬼妒彌
騷激天刑教折磨君以終身叩紫微天妙刑德之真乃人所行也

晚歲論交日青溪水上樓君才真十倍此敍足千秋君賦然
孤憤生無賴奇窮死亦愁空山驚噩夢冥先鏡顯少夢君沮賦持
相望涕橫流

丁六

存稿上

八

金陵遺書
蔣氏校印

石罅青筍落松巔便欲乘風去清都訪列仙
危橋通仄徑竟渡即仙人怪石垂瘿瘤森嵒嘯鬼神青迷煙
九點紅隱日孤輪身世憐梯粟觀空定海塵舊有定空

遙山分郡縣螺縛隱青紅飛鳥望疑沒一峰孤愈雄人家黃
海外雞犬白雲中坐久渾忘返高寒起烈風

松濤喧萬壑寫韻入瑤琴流水百年意道人孤坐心煙霞能
讀曲猿鳥并知音便擬西臺哭忠魂且夕歆明游此江天一

師林題壁

師林開勝境十里便聞鐘僧老有奇態山遙無定容晚煙蘿
壁翠寒色蘚花濃今夜聯牀夢孤雲又幾重

布衾涼似水轉藉白雲溫木魅開窺客山魃夜打門死灰然
芋火孤壁走詩魂俯仰慚身世吾生蝨處禪

詠懷用阮嗣宗韻

牙期逸曠世誰當理清琴收拾薦古錦零淚沾衣襟芳草坐
銷歇荆棘森成林臨風發微歎惻惻傷中心

名都彼淑女窈窕凌波翔體嫺靜婉婉珮鳴芬芳贈我合
歡綺信誓要無忘薰香置懷喪斷絕摧衷腸清商變素髮絡
緯嗚空房離離鳳皇鳴零露晞朝陽富貴永相保貧賤徒離
傷

條風轉淑氣朱英豔桃李花實兩不堅搖落自今始後凋愧
松柏散漫逐荆杞大化無終窮圓顛速方趾生無不朽名冥

滅亦云已

丁六 存稿上

九

金陵遺書
蔣氏校印

浮聲汎瑤瑟清歌激迷陽鬱鬱元雲陰曖曖白日光一彈弭
素節落葉森微霜玉妃顧之笑幽蘭吐其芳泠泠天風吹飄
飄素衣裳馳情結雲表豈戀咫尺翔生存兩契闊永沒無相
忘

穆滿觴瑤池西極萬里道黃竹一以歌茗顏詎長保我有同
心人天台拾瑤草一別經十秋相思令人老常恐成衰遲君
來及嬌好

淮南叢桂樹偃蹇生巖阿無人慕窈窕山鬼微噓過不愁令
節晚心惜秋風多少年事結客馳譽傾三河壯歲去奄忽攬
鏡空咨嗟

疾風捲枯籜涼雨生暝幃既感時節變復爲蒲柳悲大塊鼓
噫氣搖落當語誰金英耀秋鞠幽姿弄寒暉挺霜固其性歲
晚從之歸

朝上黃金臺撫劍動悲歌壯士去不返酒徒時復過思頓義
和轡白日空蹉跎寒風起蕭瑟極目惟長河暴秦翦六國冤
毀積已多荆卿偉志節齋恨當如何

元化甄大鈞包含廓無外萬古同一塵山河此襟帶偉茲命
世人龍躍與時會彌縫澆俗瀆揮斥濁流害向無詩書澤悠
悠獨何賴

蒼梧一聘望遙睇荆山岑欲齋素女瑟一鼓青楓林二女不
見咨淋浪溼衣襟浮雲結楚甸萬里生重陰冥冥深夜雨烈
烈哀猿音泣盡鳳皇血焉知斑竹心

丁六 存稿上

十

金陵遺書
蔣氏校印

越溪采素葛吳綿織纖衣幸得薦君體穉澤相因依但賞素
質豔豈念紅女虬手爪妾自惜棄置君所悲因風化采雲宛
轉相從飛中道犯霜露肥薄將焉歸

爰居避風至焉識鐘鼓音憂愁瞪目視羽降隨漂沈小智荷
殊寵酣身恣荒淫凶害灑然至糟邱築成林安得曠懷士一
騁青冥心

志士惜晷短踟躕影過鄧林魯陽竟迴照悲谷馳駸駸風霜抗
高節天地明孤心時危悟忠款執手空涕淫安樂轉棄置患
難豈復尋眷言始終意太息誰能禁

子雲不曉事寂寞空著書元文竟何有悠悠千載期五侯競

門第榮華使人思朝乘朱轂貴夕上邨山時賢愚諒同盡皇
皇欲何之三復井眉贊不飲空自喘

長卿既倦遊冠蓋辭大梁彈琴遇文君榆心達微茫匏瓜感
無匹中夜相翱翔驅車臨叩市四壁徒相望青山蹙眉黛紫
裘凋肅霜不有慕才主彼美心徒傷王孫大駟耳交驢固其
常如何白頭歎辛苦著篇章

六隘屹海柱莫挽山岳傾曠曠樽桑日向夕歛已冥瀉水不
思器漂英徑辭榮今豈昔所頓後豈今所生有生譬朝露弱
草棲熒熒造物巧搏控親屬斯合并恩愛尙難信况乃名宦
情

太阿乘龍德灑灑寒泉光瑩以金鷗鵝飾以雙玉璜願言奉

丁六 存稿上

十一

金陵遺書
蘇氏校印

君子佩服傳芬芳威名振絕域晞髮鍾山陽恩讐快一決矯
若神龍翔君言刃已頓寸斷置我傍人微物自賤何用相悲
傷

采桑滿蠶箔桑盡蠶吐絲團成合歡繭及爾燕婉期綢繆理
密緻雙臂繫綴之豈意兩連愛中道相訣辭桑以直見伐絲
以柔見欺感君昔同澤泣涕終保持

魯連黃鶴子一舉縱青冥談笑卻西希拂衣事長征英辭沮
金石薄海傳義聲神龍不見尾下視蒼蠅鳴悲哉共住客降
塵歸秦庭

束髮冠鷓鴣勇爵廁羽林交驩黃金賤噓氣白日沈清歌激
浩唱簫管競繁音金吾但陰喝趙李復追尋不遇報讎子焉

18894

18893

識朱家心

至人御六合感精降陰陽一出拯世難再舉恢天綱功成被
金石雅樂歌帷房冠裳耀春日賞罰明秋霜君臣眷同德千
載相輝光嗟彼蓬萊子咫尺焉得翔

同生各志趣有鳥棲桓山不念黃口時接食飛翩翩乖離母
心痛中夜聲淒然求曹誤妃偶鳩鳥誇嬋娟慎勿信鳩鳥骨
肉痛相連

楚王罷畋獵夜宴章華臺酒酣睨周鼎願盼何雄哉金與夜
半出玉座生蒿萊當時同登人稱壽豈復來滔滔江漢水洪
波蕩飛埃豈悟侯王貴下同塵與灰

燭龍耀九地不照漆室幽女夷鼓萬竅不改金行秋降衷有

丁六 存稿上

十二

金陵遺書
蘇氏校印

三命身世良悠悠若可智力競江水迴東流達人事委順仰
視輕雲浮有身乃大患無爲久羈留閔生決癘癘觀化同嬉
遊凌晨鼓柁去漂颶汎虛舟

魚鳥忘江湖蛟龍泳湍瀨時際理不違性愜形乃外古有榮
啟期行歌挈素帶遠念世上人衣食各有賴胡爲巧偷奪擾
擾造凶害不念止足言憂患方此大

玉馭趣飛駕流覽周八荒騁志亦有極故鄉安可忘庭前朱
華樹照爛白日光芳時逐衰謝感此意氣揚志士念邱壑勇
士思疆場生存志節顯已沒榮名彰此願苟不副哀樂將反

常
神仙亦何樂孤抱鬱不舒脫屣去親愛汎若波中鳧林深虎

豹慄服食固有虞迢迢易遷宮升降事涉虛一爲鬼狐燕永
與人世殊空山氣淒愴歲晚誰與娛燒丹亦已誤況乃司錄
符不如飲美酒行樂休躊躇

生爲丈夫子顧盼豈不雄章縫被服姣禮樂聲施隆尙友託
千載淑問昭有融誰令跖桀行約己忘謙沖日言市虛譽昏
夜莽伏戎邱山積谷毀學賤身豈崇冒恥觸世網焉能保其
終歌詩感城闕悠悠跋宗風

黃鶴奮六翮下集昆明池迴翔啄鯨鯉進退得所宜遠憐鷗
鳩輩挾起枋榆枝大小各有定沒身寄藩籬去去謝羣鳥慎
勿相追隨

流螢照墟墓清霜被蒿萊念彼泉下人言笑安可陪生前不

一六 存稿上

金陵遺書
蔣氏校印

作達一冥良悠哉

賈胡一何愚剖腹藏明珠風波涉危險去去遠室廬歸來詫
鄰里炫服鳴輿豈知耦耕樂桑柘生路隅自非旱澇歲沒
身無歎歎衣食取纒足俯仰亦自舒

五峯秃如指高蹠遺仙蹤朝地有佳俠捧出青芙蓉三霄墜
沈瀟冷逼金莖濃側看比合十膜拜何雍容誰將兜羅綿塞
此卮字胸有時拍掌笑萬壑酣筵鐘指禪竟誰豎根鈍慙天
龍

清涼臺

看山不厭高一步峰一變孤臺峙清涼萬壑俯慈菴初日騰
朝光草露溼猶泣丹林一夜霜華藻媚春絢山好如貢奇橫
側總當面窈窕呈身容刻削露跌跣遠觀覺疏宕少進轉研
鍊賞偏愛難割巨涉美疑眩坐久來清風冷雲攫喉嚨采采
金蓮花卽此五臺現

天風吹客衣欲與雲俱飛雲飛固無心蕩漾澄清暉偶然挂

丁六

存稿中

三

金陵叢書
卞氏校印

巖際山骨爲之肥空綠不成雨孤煙散霏霏山意如入定客
心亦忘機萬竅返虛聽水流花欲稀安得抱琴叟清聲發雷
威心空味無極超然謝塵機

自天門限至一線天得詩四首

山花不知名紅紫錯薪楚風來遞幽香鼻觀破初祖美草藉
芳茵文禽相對語心空萬慮清山靜似太古坐久衣袂寒空
翠落如雨

青猿聯臂下各各緣松枝倒垂示閒暇塞鼻相娛嬉山果釀
成酒亦知媚其雌道書頗能讀劍術將安施陰陽互亭毒一
物終無私

沈沈鐵牡關絕壁表廉悍鬼物騰青紅萬古變昏旦一竅通

微明激射日光亂虛室生吉祥理活氣乃貫燭龍照九幽斯
言儼何漠

陰崖積冰雪傳自羲皇年日光照不到空水相澄鮮秀有枯
松枝然之亦無煙萬物互蒸變陰伏陽乃愆安得起姑射服
食成水仙

孤樹曲爲節母陳孺人作

孤生之桐幹如鐵何年歸此奇骨節風吹海水凍欲裂一夜
華開白如雪青鸞蝕鏡鏡影缺生誓同夢死同穴同穴心所
安孤雛粥粥憑誰看從此涕淚不敢彈欲殉大義爲其難青
燈永夜高樓坐兒讀遺書母操作兒衣鮮明母裳破兒飽餓
糜母饑餓破格提攜恐疾疴忍心舐撻防嬌惰月落未落烏

丁六

存稿中

四

金陵叢書
卞氏校印

嗚霜剪刀聲斷天蒼涼阿爺衣帶猶在箱爲兒裁剪成衣裳
春風蕩蕩吹衣香兒身漸比孀身長會見黃鸝翔千里好博
紅綾字幾行誰知天意真冤酷白頭人撫金環哭無藥能瘳
枉拜醫餘生欲代空祈佛上指三天下九泉輕塵短夢散如
煙彌留手握彈成血慘絕魂招語不全麥飯淒涼新總帳苔
牀包裹舊衣棉人生到此真難問海枯石爛留長恨開到孤
花雨露偏燒殘劫火精靈困我亦春暉未報恩東風寒食感
雞豚詩成莫作尋常看字字淋漓血淚痕

書陶宏景傳後

神仙樂宰相苦衣白山人與君伍一髮朝冠挂神武句漏沙
同茯苓煮日聽松風看松雨華陽洞天白垂乳九轉丹成變

龍虎腦骨逢逢響天鼓笑把竹枝如意舞昭陽殿作單于宮
始識神仙有千古

風雨連日齋中默坐有懷周笛君趙倬人馬春泉諸子因憶
前月望日蘭君招三君集青風齋醮飲彌日是日亦大風
雨衝泥而歸別來已市月矣詩以代柬

空堂積水渾欲浮欲雨不雨聲颼颼忽如萬馬騰滌泐天風
捲作沙場秋頽雲片片墮簷瓦從以落葉紛簸蹂芭蕉力大
作撐拒勢如鏖戰不可休須臾涼氣逼襟袞冰絲倒挂銀河
流微明溼處閃鴉背萬綠洗出低竹頭風驅疾雲如掃籜雲
挾猛雨如奔牛是風是雨不可辨但見煙光漠漠生簾鉤連
朝天漏慳放曉石髮慘淡青落幽蝦蟆吹水瞪雙目鵬鱗篆

丁六

存稿中

五

金陵雜書
蔣氏校印

壁蟠腥蚪閉門鹿鹿但枯坐美人不見心中愁燈紅酒綠記
昨夢相思彌月安能瘳三君才調古無偶搖筆便可凌滄洲
奈何備書寄廡下使我結轡生煩憂移居喜值通德第平泉
水石供遨遊千章老樹增鬱怒陰廊窈窕四松楸野狐跳躑
老鴉笑風啤兩嘯聲啾啾此時詩境定清絕一龕燈火相唱
酬松枝煮茗爨煙溼清談更憶鯁生不人生行樂貴適意安
能閉置同拘囚何時同泛虎邱權何時共載山陰舟醇醪正
量懷周侯爲肩事業思馬周還將風雨高齋意爲寄詩人趙
倚樓

長歌寄孫顯甫

黃雞喔喔鳴枯桑海水凍合天蒼涼美人不見怨嗒瑟鳥嗚

月落歌繁霜君家門第舊通德起家秘省中書郎杜陵廈廣
遮寒士白傅裘溫被洛陽至今都人逃遺愛往往涕淚沾衣

裳君家大人肯堂構榜花早占秋風香扶搖戢羽便歸臥手
栽松竹皆成行日澆紅友醉花國倦攜黃嬾遊書倉冰清況
有秦學士青鞵竹杖看山忙君才軼蕩更清絕碧梧小鳳鳴
高岡憶初逢君正文戰搖筆便已紛琳瑯韶光彈指過十載
感我髮髮成老蒼嗜痂有癖獨阿好謂我癡絕同長康去年
南城購書舍欲與估客爭羅匡秬稊眯目市喧雜君獨宴坐
無所妨精心暗察鼠雀耗新詩妙發瑜瑾光爾時文園病消
渴閉門逃暑如燂湯珍珠密字屢寄意忽然起疾箴膏肓朱
提十笏納我裏桃花米熟擔盈筐瓊瑤欲報力綿脆祝君咫

丁六

存稿中

六

金陵雜書
蔣氏校印

尺翔天閭冬烘頭腦竟報罷歸來清淚盈眦睚青春獻歲梅
破藥勞君置酒登君堂談諧正謔靡不有沈醉何止三百觴
更尋虎穴探虎子山僧忙煞詩人狂竊來珠履貽新婦添上
薰籠坐洞房果然熊羆兆佳夢投懷玉燕看弄璋書來喜字
三十六嘵聲想見超尋常願君努力述祖德竿頭進步無相
羊立品須如鑄渾鐵積學未許擊空囊山高放步莫嫌遠海
深有權終能航古來男兒重血性聖賢仙佛安可量雲龍蒸
變澤萬物否亦名世傳文章科名祇爲顯親具失不足恫得
豈償但教出處號醇士流風沾溉餘一鄉况君年富力強壯
橫磨十萬誰能當多君瀟愨得古意惜君拘泥難通方雙丸
迅擲當自愛慎勿老大徒悲傷嗟余三十不稱意年年刺促

摧中腸命宮磨蝸古所歎可憐百鍊無全剛敬通稚子在襪
祿左家嬌女方扶牀大妻愁顏泣明鏡小妻高髻嗁紅妝誓
攜書劍出門去飄然騎麟遊大荒欲留苦無飯粥計欲行苦
無輕車裝丈夫有淚不輕灑名士無家何所望張堪自可妻
子託衛玠業已形神亡金臺聚首問何日前塗良會真茫茫
感君與我意良厚爲君一曲歌清商人生知己那能再嗚呼
此曲君無忘

和高陳又蘇詠影

分身擬上碧紗籠鏡殿風情晃漾中過眼妍媸都莫問自家
長短尙難同孤鏡委照應憐瘦一笑迴頭轉覺空絕愛嗔肩
高聳處形神消釋悟陶公

一六 存稿中

金陵叢書
蔣氏校印

曉赴新河招同俞子木龔生謙夫葉生兩窗憩三山二水之
居讀壁間諸君詩因憶亡友張子淵悵然久之賦詩寄呈

竹嶼觀察

高臺醜酒記青蓮香火仍留曠代緣竹嶼取太白詩意於太

白象別構檻外江聲終鬱怒尊前茗宿即神仙張落成山招守

孫尹圖刺史方茶山觀察談念堂友兄朱朝霞烏背千帆雨

落日魚鱗萬井煙比似莫愁催艇子可無荷葉綠田田

蕉雪圖成有作家不披宮錦亦清華蟬聲過雨亭三角鷗夢

分涼水一涯身後才名原畫餅閑中宦味似搏沙相逢那怪

頭俱白蘆荻蕭蕭也作花

過眼雲煙壁上詩鄒枚才調各分馳翻憐張祐埋憂日不及

夷門大會時生是有情皆落魄地當選勝倍相思茂陵遺藁
分明在還乞風人作主持選子彌子代華詩竹嶼贈朱提十餅今

題周竹恬芥圃詩鈔

周郎詩格清於水脫手彈丸無不美清俊時登庾鮑堂高奇
擬薄曹劉壘我更獻君芻蕘愚願君還讀千卷書上之瑚璉
珍國器次亦淹正成通儒剛日讀經柔讀史開卷有益良不
誣試觀古人著書者穿穴各有真工夫造物愛名不輕錫會
須全力相委輸西山丁穴恣漁獵曹倉鄴架供馳驅龍湫湧
地噴百斛珠光照市傾五都譬如仙人養丹藥烹鍊須向陰
陽爐傾筐倒篋靡不有馭風叱霆皆自如可知一字不著處

一六 存稿中

金陵叢書
蔣氏校印

雲漿化液蒸醲醑否則體弱文不稱伯仁有腹徒空疏風雲

月露豔雕刻圖成沒骨安貴乎聞君型家頗孝友天倫歡樂

怡慈母即此能過鐘鼎榮莫教徒恃風華首況君未及相如

貧喜無齋甕淹頭巾一瓶可叩子雲戶千軸當貯曹氏困嗟

余卻受讀書累青衫潦倒心如醉汲古空教說綫裝爭光未

肯借魑魅請君更東交遊牒休作雲中驚蚊蛟交雜都堪累

性情人多那盡稱豪傑好向嫻嬾讀異書他年同訂名山業

方景二忠祠

東嶺景公西方公先死後死同一忠麻衣上殿雪光白緋衣

上殿星光紅先生望重書種子秀才名隸文昌宮有舌可斷

血可喫死猶爲厲真鬼雄魂歸應逐火燒去皮場一炬騰青

虹株連十族速瓜蔓成仁取義從同同蠶蠹祠宇光日月文
皇功業隨秋風生兒高煦況無賴頃刻燒死銅釘中

東園步月同樂山作

城頭烏鵲鳴噓噓欲落不落煙光斜明蟾墮地寫空水千林
倒浸分了又清暉娛人照毛髮時有香氣吹林花池塘綠淨
不可唾吹聲聒耳喧鳴蛙跳波更喜魚潑刺爛銀一色鋪蘆
芽居人閉戶正酣睡但見瓦屋分凸窪荒荒頓覺襟抱遠別
有清妙無喧譁微風忽定煙柳直花影自動籬門遮憶昨與
君別三載面塵足爾行天涯他鄉無此好風月蹉跎已自傷
鬢華及時行樂須我輩慎勿貧賤生咨嗟南城花事正嬌嬾
明日約君過酒家

十六 存稿中

九

金陵叢書
蔣氏校印

怨歌行九章 六

吳趨且勿歌巴歛且勿喧請君罷歡宴賤子歌一言人生百
歲忽忽死憂患先從識字始青銅璀璨日月光焉用區區管
城子滄海悠悠識者誰灼肺煎心竟何似飢風甯食烏鳶餐
斷琴甯對犧牛彈飛鴻冥冥志寥廓乃爲稻粱漸陸擘舉足
不慎蹈羅網天昏地黑行路難行路難一杯酒稿死風塵勝
株守丈夫肯戀兒女私拔劍出門不回首

世路等棋局險巖多不平勝算各相握對面生殺心瞿塘灘
瀨大如馬黏客停舟不敢下太行峻坂堅冰凝游子拄杖不
敢登人心奇險差足擬赤地無風捲波起讀書不解通世情
照人惟恃金眼睛尊前然諾一杯酒甘言密語同膠鬲耳餘

結交號列頸一朝賣友生危傾事成不與共榮利事敗乃獨
歸惡名儒冠者溺不可戴西江之水難澄清

美人既醉朱顏醜舉觴宴客金叵羅明眸皓齒揚清歌銅盤
照夜燒冰荷花光搖搖紅欲波嫣然一笑低雙蛾中天明月
今宵多玉繩耿耿明秋河蘭房清闥簫聲和宓妃授枕留東
阿壯心仇讎聊消磨流光迅疾如跳梭修名不立當奈何
讀書不救妻孥苦挾貨去作洛陽賈大妻把蓋小妻舞翩翩
裘馬客趨風金谷豪華安足數壁中窮鬼笑不休迂儒那解
精持籌人生貧病猶可瘳惟俗乃無醫藥投君不見長安道
上多貴遊一朝零落歸山邱黃金不救枯骨醜青衣裹束空
慙羞無端奇想召天禍咄哉執鞭不可求

十六 存稿中

金陵叢書
蔣氏校印

憶昨結客金臺上長轂高軒氣何壯西山秋色落杯中日射
天門開跌蕩金吾斜睨不敢呵旗亭笑賭雙鬢唱輕裝更作
東魯遊一輪紅日岱峰頭看花屢和南池句把酒重登白雪
樓梁園花事仍相待大隱夷門復誰在黃河驚浪駕崩山紅
鯉雙雙鱸玉盤醉吐不辭賓席流詩成成都借美人看長年漂
泊人歸臥老屋燈昏棧馬磨把袂誰憐范叔寒乞漿那惜王
孫俄安得走馬盡交當世之英豪與酣解贈千金刀屠門沽
酒飲我曹一聲長嘯青天高

鮫紋斑駁瘦蛟醜冰花洗出空空手霜淬芙蓉海氣秋七星
耿耿冲牛斗道逢俠客不可留絲衣帕首鬢如蚪旁觀偶說
不平事風馳電掣神鬼愁歸來笑擲仇人頭酒酣爲我拔劍

舞冷氣襲人退丈五空中起落兩白龍謾謾虛堂動風雨
亦嶽崎磊落八年來彈缺走風塵噫嘻乎安得隱娘作婦昆
命僕償盡恩讎願已足

感遇

美人捧鏡忽然泣照見如花好顏色不因恩禮冠當時那得
秋風長棄擲絕豔山來見嫉深妝成一笑值千金傅紅寫翠
辜描畫轉綠迴黃空好音此時鏡光黑如漆區區不照丹誠
心君心妾心眼中淚自向鏡前磨鏡背

閩風仙人顏色姝玉冠金簡天門趨風吹海水湛深綠種來
桃實皆紫映桃花紅入江南北咫尺仙雲如不隔別有真靈
位業人玉龍騎斷無消息手折桃花贈一枝玉璫緘札轉遲

丁六 存稿中

一一

金陵遺書
蔣氏校印

疑罡風吹墮平常事還憶仙宮種樹時

鍾山之英草堂靈兄弟願我皆眼青韓陵片石誰共語並世
卻已同溫邢元方才望我所師儀毫學步終嫌遲祇今蹉跎
並頭白那能老作諸侯客羊公舞鶴葉公龍眼底紛紛皆耳
食東鄰寒女傷心人十年不字羞呈身飛鴻冥冥弋何慕白
鷗浩蕩誰能馴

然松閣存稿卷下

金陵叢書丁集之六

江甯顧禎三

踏災行

漏天市月雨不止鈕柄生霉老秧死圩田十室九報災曉起
 撐船入城市朝不見長官忍饑餓匍躄公堂夕不見長官風
 刀刺骨寒無裳借問長官在何處搗手禁聲吏胥怒長官昨
 日祠城隍爲民請命宵焚香官廚昨夜斷屠宰願災不成漕
 不改道逢長官吟喝來攀轅泥首心悲哀今年秋成擬大熟
 誰料蒼生苦無福田廬漂沒居人空耕牛已賣餘哀鴻阿爺
 夜半護圩去可憐身葬淤泥中長官聞言但愁歎官符火速
 催查勘縣胥歡喜里胥愁供給來朝竟誰辦膈膈膊膊雞亂

一六

存稿下

金陵叢書
一冊氏校印

鳴後村已踏前村行縣官此行亦良苦可惜全災報三五連
 日飛章申大府上請於帝帝曰撫春風一吹瘡痍蘇高田齊
 麥青模劬矧聞下詔蠲征輸澤有菱藕塘菱菰亦知水旱無
 時無慎勿遺吏來催租

題車迪之表弟彈琴長嘯圖

新篁森森如玉束有美揚琴好奇服自寫琅玕掃碧雲墨花
 鮮奪山眉綠綠過虛鴻舊草堂石牀苔老素琴張思將法曲
 驚聾聽直譜中聲入大荒荒荒月色生叢薄流水涓涓滿幽
 壑曲罷猶餘尾段高聲希但見天花落落拓誰知萬古心龍
 歸滄海鶴歸林美人一去碧梧老帝子不來湘水深深欲
 下常儀拜嘯聲飛落青天外塵世從教一願難焦桐祇合千

金寶寶卻瑤琴更寶癡七條弦絕水仙知憑將翠鳳千年食

捶作冰蠶五色絲絲風吹處衣衫動青霄凍合天無縫山鬼

微唸窈窕詩江妃驚起相思夢夢醒仍含絕代愁琴聲嗚咽

笑聲秋期君所作如椽瓦月殿新修五鳳樓

介生招同謙夫汎舟秦淮大雨如注維舟柳陰稍定雨霽月

出興盡而歸賦詩紀之

侵晨屋角鳴勃鳩蔣山如墨癡雲愁陰陰垂柳湛深綠有客

正買秦淮舟欲雨不雨天意秋大風激水聲颼颼芒衫捲作

亂胡蝶篷掀槳蕩不可收舟師擁柁客震恐如鳥擇樹紛欲

投大船銜尾踴趨趨小船窘束如拘囚須臾猛雨飛沫蟹

眼亂點波心瀝雷聲股股水轟聒萬斛倒瀉銀河流相看寒

丁六

存稿下

一

金陵叢書
一冊氏校印

噤等蝸縮恨不五月披羊裘倚欄美人笑吃吃招客避雨登

河樓迴看翠裏已霑溼煙光漠漠生簾鉤風吹雨來旋吹去

纖翳詎肯青天留嘒黃一色渚煙暝彎彎月上東關頭玉盤

洗出應更潔奈何啟鏡微含羞迴舟擊汰歌管發吳娃楚豔

騰清謳鐙光照爛水波黑欲與星點爭沈浮興殊事極轉蕭

瑟深杯且暢今宵遊陰晴頃刻尙難定況乃身世多煩憂夜

深蝙蝠掠船過遠和殘滴嗚啾啾

觀振行

皇帝御極之八載淮海大水民流移撫臣飛章請振恤詔書

報可皇曰咨務令實惠沾百姓各敬乃事其無辭窮擔額手

走相慶刺史以下咸奔馳粉朱計口徧村堡魚鱗細字防隱

欺先期給與大官鈔臘正二月斯振時小民得鈔轉愁歎遠
隔數月焉能支東家積錢堆滿屋西家聚米高如坻不如將
鈔易錢米減價猶得炊粥糜一朝設廠按圖籍縱有年貌難
爲稽錢龍飛處眼空赤坐視富人腰囊垂中有點者事要奪
老拳奮起如禿椎喧聲雜逕訴官長云此射利能居奇長官
一言百喙息爾自願賣奚訴爲富人得錢爾亦活念爾窮餒
姑薄答亦有至死不肯賣扶老挈幼來階墀自晨逮午僅百
戶弱者簇擁強排擠晚鐘報罷俟明日郵亭露宿風酸淒徹
衣露肘齒撞擊枯瘦如腊頭蒙棋道長不足供口費歸來赤
手徒傷悲亦知得錢不贖死天恩浩蕩沾仁慈常平義倉自
古設邇年轉濟離賈私急公貸粟當踴躍奈爾拮据誰能疵

丁六 存稿下

金陵遺書
蔣氏校印

官廚減膳滋味薄朝夕供億斯取斯吏胥楮墨亦頗耗其有
乾沒吾不知但願來春美舜麥皇風所被蘇疥痲矧聞海州
境遼闊民多棄地荒不畜犁鋤已畢恃天雨猝遇旱潦功難
施火耕水耨有遺法老農先嗇良可師渠開鄭白資堵洩灌
田百萬成腴脂嗟哉水利誰復講太息成此觀振詩

岳忠武送張紫巖北伐詩草書石刻題後

南人歸南北歸北朕北人也歸不得歸不得檜語塞中原經
略亦有人二聖歸來恐相逼惟侯出身明大義涅背精忠思
報國建康失守獨全軍已報紅旗傳廣德是時魏公初視師
統制江淮資羽翼摧金伐鼓士氣騰一笑知公能辦賊酒酣
濡筆動悲歌直蘸淋漓血成墨豈惟虵鳥見奇縱並遣風雲

作鉤勒富平一敗惜才疏天意人謀固難測從此朝廷主議
和秦城王氣高無極紫巖流落幸不死侯獨馳驅奮全力撼
山容易據軍難龍虎烏珠皆動色金牌十二詔班師壞汝長
城淚沾臆黃龍痛飲復何時恨不回戈指君側已教樞密罷
兵權旋見團扉恣羅織九哥歡喜兩宮愁片紙獄中誰所救
祇今遺墨重瓊瑰石貫精誠終不泐去年見侯手書表陳家又
恩表黃相楷書墨蹟今年見侯石上刻如侯忠孝固無憾轉
爲生才三太息

九龍觀瀑歌

九龍抱珠飛上天寶月不敢爭蟬娟雷公赫怒九關閉罰使
游戲青山巔當頭龍母舐龍子花胡倒植金須蓮化爲甘乳

丁六 存稿下

金陵遺書
蔣氏校印

五百道直與山勢同蜿蜒一龍探爪勢欲下一龍弭耳趨向
前一龍突起氣凌暴已落不落空中旋一龍掉尾似迴顧旁
行側注身微偏一龍直瀉如弩弦一龍僵臥疑醉眠中流怪
石忽撐拒狀若魍相揮老拳元黃戰血灑空際散爲白雨凝
青煙猛然一跌腰肋碎直下千丈流濺濺旁有兩龍奮身救
赤舌睽睽噴怒涎陷爲窪坎濺飛雪雷霆萬古聲喧闐縣厓
倒挂千疋練明鑑翠羽相澄鮮上有假蓋不死之貞松下有
淨泓不測之深淵松毛蕩漾水波綠浮漚散激蜻珠圓我來
山中月亭午溪風謾謾吹吟肩砭肌空翠起寒粟思欲作蜩
飛翩翩呼僮汲泉撥松火百沸小試龍團煎會當騎龍上天
去流霞一醉三千年

開門石

千年頑石睡不醒諸天鎖鑰勞妃丁巨靈一怒開門戶如設
帘幕張廣庭金光翠羽美無度翔鸞翥鳳來輻輳旁有古篆
發光怪年深尙作蛟螭形龍威選事不解讀恐破天闕飛妖
霆得無仙人作狡狴摩兜勒此新宮銘大書深刻青玉榜亦
如千佛夸名經石不能言對以臆此山開闢天同青自來異
境神鬼闕洞天福地多堅局上藥時有異人采松風祇許頗
伽聽踏歌李白去千載無人藻繪雕山靈寒陵片石自可語
今才疇復同溫邢惡詩疥壁半牛鬼隨風灰滅光如螢當門
石漢笑齒嗟請迴俗駕車無停我無沒石飲羽技對此石丈
心忤忤祇有恐猛具石性捫胸磊塊羅天星乞銘紅韉作騶
導求文烏帽開障屏班歌甫畢闐然入天風觸指吹泠泠

一六 存稿下

五

金陵遺書
蔣氏校印

雲海謠

仙風一吹山骨鬆白雲莽莽紛朝東雲將特遣鍊雲手化作
海水搖虛空山僧候雲等潮汐曳杖坐看青濛濛初如組練
拖一疋漸覺氍絮堆萬重細縵布濩滿天地裁翦大被非人
功又如白天湧鉛瀆銀青凍合玻璃宮是雲是海不可辨但
見驚波疊浪咫尺迷青紅眼前三十六峰竟何有想彼海神
鞭叱無餘蹤偶從天外露孤頂自肩以下滅沒隱見如神龍
飛來仙鶴一千隻都似海人狎鷗踏浪動景何冲灑忽然颺
風盞作韉紋縹時見陵娥收犢倒騎白馬揚朱驥我聞九州
之外大鯤壑五嶽盡入包羅中又聞桑田變海伏蛟蜃幻爲

樓閣窗玲瓏詎有化成千塚疊成海燦若星宿棲樊桐將毋

山靈逞怪變冰花翦水煩青童我欲騎鯨上天去決雲一挂

扶桑弓祇愁踏處白綿輓海水汨沒撞心胸煙消日出海不

見彈指現出青夫容

仙女照鏡

玉女梳頭對明鏡碧滑琉璃曉妝靚窺人含睇背人愁一色

芙蓉臉波映夢雨愁煙可奈何遠山青入黛眉多何當更踏

蓮山頂聽唱風前宛轉歌

文筆峰

乾坤不可摹日月詎容畫山神作意夸秘妍百變千奇騁光

怪無端擲作青天筆紫壑丹畦點漆風雨橫飛十界空星

一六 存稿下

六

金陵遺書
蔣氏校印

辰倒影孤光出署名彷彿尖頭公咄咄怪事疑書空青天向

下筆向上鉤銀畫鐵何沈雄頂上花開更奇絕無情石定嘔

心血恍從海上架珊瑚直與仙人作旌節近看乃是松槎枒

三鍼五鬣揚天葩文成白鳳都奇字詩到青蓮始大家臨風

欲上通天表纔識之無便煩惱劫後名山萬骨灰後人便是

前人藁願天此後莫生才但作石頑任顛倒山神雨泣如點

頭手持天花爲掃愁寓形宇內本過客且復遊戲窮雕鏤奈

何三錢雞毛筆安思著述傳千秋笑呼白雲搨作紙萬斛倒

瀉銀河流灑空墨雨飛五色興酣落筆風颼颼詩成卻顧同

懷客助爾增修五鳳樓

登蓮花峰放歌

黃山之山如游龍高峰一重雲一重玉京仙人特恐一直上天去手從空際擲下一朵青夫容夫容擲處千峰裏頑石修成妙明果雪竇寒窩玉井春霞標豔蕪金枝火文殊道人初坐禪膝痕著石花爲穿當時豐干苦饒舌不然寒山拾得那復留因緣飛錫一聲萬山吼青蓮吐出青師口咒益能收五百龍乘船便踏千年藕俗名采蓮船一花一葉紛倒茄洞中蝙蝠嗥啞啞須臾海水湛深綠但覺化身百千萬億瓣瓣皆蓮花忽然低頭學參拜一枝擔向青天賣劉翁爛醉失神儀天女聞香破鼻界旁有鶴龜尤雋奇或蹲或伏恣遊嬉巢來玉葉都呈瑞銜出天花便療饑龜石高四丈五寸昔游長約十丈形狀迥異昔游會上華不注陸覺寒空起煙霧若教移置此山間蹉泚恐失

丁六 存稿下

七

金陵遺書 蔣氏校印

花牛步絕蹟飛行我不能手搏香象演三乘終須一笑從師利蹴踏蓮花第一層
天都峯
一都一峯高插天開闔直與天爭先仰看一氣通沈澁俯視下界惟青煙千山萬山一齊矮或跪或俯趨拱前當年玉女與帝博箭盡一擲驍百千天公哆口笑流電撒花墮地成青蓮蓮花萬古不凋謝拳芳餌實來羣仙銀宮金闕啟秘奧紫微斗宿相鉤連百靈總總恣遊戲時有鸞鳳鳴其巔罡風一吹石骨聳猿猴欲上愁攀緣當門醉石都漫散手執扁鑰張怒拳紅塵足蹟那容到金烏瑟縮餘孤圓縱然飛身學仙鼠奮身躍向虛空懸轉愁醜醉不曉事叉手一跌深無邊否則

冷雲刺喉吻黃頭跼跼成飛鸞安得化身金翅鳥排空馭氣飛翩翩因之左把浮邱囊右拍洪崖肩手捫星斗漱天乳紫濛碧落供雕鏤雖無其事有其想且作譚語夸狂顛山靈惟恐洩靈氣一霎雲氣鋪成綿

雲巢洞

癡雲滂蕩天不收飛入洞口風颼颼詎知局閉不得出化爲石乳空中流我欲高呼攫雲手盡拽白雲出洞口雲睡乍醒如嬾行空穴一聲蟄龍吼

書田雨中見過留連竟夕書此索和兼示子漸諸子

微雨忽霑灑蕭齋清似秋君來破岑寂相對惜漂流琴劍依人苦薪蘇仰屋憂夜深還秉燭盡語聽啾啾

丁六 存稿下

八

金陵遺書 蔣氏校印

辛苦蛾眉畫頻年立絳紗春愁濃竹葉生意禿梅花此事竟誰擅前途安有涯終須見騰達祇我鬢全華

山色環滁好吟鞭得得忙醉翁千載後亭榭未全荒關氣沈衰草江聲下夕陽畸人隨處有軋茁漫須狂君自歸陽爲

踏躓憐吳淑飛揚感巨卿斯人皆篤雅如爾更聰明烏兔信難駐雞蟲焉用爭名山他日付翦韭慰平生

梅陽訪麗田生墓
青霞奇氣鬱遺阡高咏如君骨定仙墨妙縱橫鴻戲海琴聲幽怨鶴飛天生眈大隱無朝市死戀名山有墓田手種寒香

三百本定知風雪抱花眠

白沙洞

細草疏花滿洞香山紅洞碧隱朝光松脂入地變蒼狗雲氣
上天如白羊蹟印清沙芒屨溼響回孤壁嘯聲涼陰陰石竇
寒霏雨定有蛟龍起蛟藏

百步雲梯

一綫單微走石梯更無蘿葛可攀躋青天直恐頭撐墜紅日
都疑腳踣低俯視森然毛髮動仰窺孤絕非參迷登雲賴有
同懷客長嘯丹崖望海西

坂磴阮

石磴嵯峨絕嶂開二分投足尙驚猜山從鶴鶴巢中出人向
龍蛇窟裏來神化丹青煩腕力鬼工雕鏤炫心裁鯁生自有

丁六 存稿下

九

金陵遺書
蔣氏校印

包身膽一笑商邱踏壁回

閻王壁

由蓮花溝約百餘步上閻王壁舊有碣石庵今廢九如松
翠葉攢聚如九柄如意今祇餘三如意矣壁上鐫有華藏
西來朝山暮海等字

纔踏風輪又劫魔陰崖孤壁起森羅天龍斜睨甘人鮮山鬼
含愁帶女蘿飛錫欲憑金地藏袒肩都是病維摩遊蹤到此
驚魂絕包老真應喚奈何

惆悵詞

一曲清歌換紫雲妝臺詩卷尙香薰無端銷注死火牒繡被
春寒悵鄂君

不關癡妒怨鴛鴦不用嚴妝賦洛神自是仙家清苦甚黃金

難鋒董雙成

路馬楊枝奈老何秋風秋雨病消磨憐卿莫作紅心草世世
生生眼淚多

出門流水卽天涯潘岳中年鬢已華從此河陽成陌路傷心

何忍種桃花

小別眞如人隔世相逢苦憶月初三樓中玉笛分明在便作
齊奴死亦甘

贏得吳儂薄倖名古來緣盡易傷情照人心事三更後一盞

殘燈分外明

接引松

丁六 存稿下

金陵遺書
蔣氏校印

插腳紅塵四十年白雲招我上青天金幢絳節如相引知有

洪厓笑拍肩

迎送松

傾蓋相逢若有情留君不住贈君行因風寄語蒼髯叟除卻
才人莫送迎

原跋

泌春間排印然松閣詩鈔三卷校讐魚豕閱月而成長夏無事於秀水王氏友聲集中又搜得如干首爰編爲續集三卷仍付手民蓋初印皆先生少作則中年格調矣先生著述甚夥所輯通俗文佚文風俗通義佚文補後漢書藝文志壽萱伯已刊入小方壺齋叢書聞尙有駢體文藏及門某家遂效郭象何法盛故智仍爲已作刊以行世然乎否乎非泌敢知泌惟願得先生詩集而流傳之則泌之厚幸也已

光緒二十有二年太歲景申壯月南清河王泌鄰仙甫跋尾

丁六

存稿原跋

金陵叢書
蔣氏校印

跋

右然松閣賦鈔二卷今爲一卷詩鈔二卷依王本分三卷續鈔一卷今依王本爲存稿三卷亦顧秋碧先生箸先生博學多通尤邃於史能爲揚馬之文沈博絕麗千言操筆立就小儒橋舌謝不及詩亦雋雅軼羣出入梅村漁洋閒嘗結苔岑社談詩同縣楊輔仁王章車持謙皆其深友也性偶儻自意不局於小節然意氣適上亦不爲澆俗所溺其友范蘭君家有狐崇先生作詩詆之乃止江甯東嶽廟巫常附馬神談休咎能禍福人先生又作討嶽廟妖鬼檄人爲之危卒無他昔杜詩已瘡韓文驅鱷並先生而三蓋皆雄直之氣有以懾之也嗚呼以先生之才鬼狐且敬畏之而卒屯蹇沒世詒流俗之笑悔殆亦莊子所謂天之君子人之小人者與鄉後學蔣國榜

丁六

跋

金陵叢書
蔣氏校印

胥屏山館詩存



士有學識宏達志行淳卓終其身窮愁羈旅以死
至以詩自見於世亦可謂不幸矣然并此蠶絲鴻
爪零落漸滅則窮愁羈旅者之性情蘊蓄又何托
而傳焉此鮑明遠單詞隻韻虞散騎必爲之收集
也君童牙失怙侍其叔父宦游豫章作寓公者幾
三十載筆耕養母饑驅往來於吳頭楚尾燕南趙
北之交栗薪瓜苦風檣雨燈游子衣單白雲親遠
儲其妙悟以繪其至情故能縑幽出險句奇語重
而一歸於風人忠厚悱惻之旨蓋詩不足以盡君

陸詩一序一

而卽君之詩可以見君之爲人矣君舉京兆高科
屢困禮闈遂絕意進取余之來撫江右也適君自
揚歸省因延課余子君以母老子幼雅不欲遠游
欣然相就方冀永北堂之愛日續南皮之墜歡詎
舍館甫定末疾驟攪口不能言指心而歿悲夫古
稱詩人少達而多窮君以孝子爲詩人而卒罹其
窮是又數之不可解也藁積數寸懶不自惜其孤
抱其殘帙詒君之堂兄明經杏莊俾哀而輯之役
未竟君之高足揚州黃右原比部走書索君集將

付梓人余喜黃君能傳君之詩而悲君之才之行
僅僅以詩自見又願世之讀君詩者毋徒以詩人
目之也故覩縷而書之時

道光二十年夏六月

賜進士出身兵部侍郎都察院右副都御史巡撫
江西提督軍門前翰林院編修錢寶琛拜序

陸詩一序二

胥屏山館詩存卷一

清頌堂叢書

鎮洋陸麟書子愉

秦宮詞

三十年來損玉神王顏色幾曾親莫非已得蓬萊草不戀人間歌舞春

明宮詞

露井桃花空自開宮車舊逕沒蒼苔君王不說巫山夢祇說伽藍入夢來

陸詩一

一從積水驚心後無復譁喧過錦威癡絕滿堂王

智女浣衣召入浣衣回

獨宿書懷

晨興抱影徂夕息銜思往鷓旦激淒音風林蕩餘響庭除颯陰森星斗耿蕭爽舉帷露泣衿滅燭月

鏡幌索居卜生歎涸轍莊叟快神劭彌驚魂命寒斷虛想人情薄馬牛得失任象罔坐念塵氛中何為各執掌

將之江右別親友作

蔣帝祠邊淮水平油簾矮屋峭寒生低頭畫虎終

憐妄出手成臬自笑傖丙舍就荒仍落薄乙科無

福况公卿券驢一樣風霜苦彼自長安道上行

一年來去感行藏鴻雁聲寒夜有霜落得頭銜依

席帽畧添書籍慰空囊白楊苦囑墳鄰種短屋由

他借主荒猶有親朋憐惜我勸營買橐好還鄉

懷余鐵香

余郎碧雞雄吐氣生光芒世人愛其才吾獨愛其狂胸中有雲鳥舌底摧蘇張時平不合用折節為

陸詩一

文章前年舉博士今日未為郎三尺匣中劍終思

獻

君王

旅舍排悶作五吟

存四
豫章城頭雷殷殷飛鞭江水起倒奔鶴鷗逃上逆旅屋屋下客子歌陽春陽春不是風塵物江海蒼茫歸路絕儒非儒兮墨非墨氓非氓兮職非職衣非衣兮食非食飢颺跳墮往復來金徽玉柱徒悲哀

哀

漢封功臣數蕭曹子孫棄之如鴻毛千乘萬戶尙

如此何況翰墨爲勲勞我家藏書三萬軸渴卽是
漿飢是粟嗚呼至今安在哉對案歎息游魂來
子季子季隔滙浦昔共衾幃今吳楚主人自是韓
荆州江漢不瀉心繁憂心繁憂兮寄書至思母思
兄日垂涕男兒旣生天地間安得不爲室家計勸
汝有身須愛惜魍魎窺人老猿立

炎洲蚺蛇大如林尾纏赤雲走駢駢赤雲隨風去
千里我獨何爲志於此丈夫南行不須啼東有海
湯湯西有江澌澌中有白頭老母攀雙扉攀雙扉

陸詩一

兮非我土五吟成兮肝腸苦

偶咏

古王治民四今者六並立古地出種五今者乃有
七物有茗巴菰民支元與寂彼民雖無用衣食仰
絲粒彼物雖無用良田亘都邑况俾有用入虛牝
棄精力蒼生日以窮漏卮日以集周孔起九原此
事費梳剔惟望天雨粟庶拯斯民棘

病起贈婦

綠油窗底影支離一病驚心節候移累爾辛勤如

健僕知余情性卽良醫米鹽菽水彌縫苦藥竈茶
鐫布置宜怪底沉危偏不擾恐教慈母涉驚疑
南州流寓悵呼庚况復經旬臥掩荆存舌大言聊
慰我空炊家計又干卿身如不達真相負天遣重
生似有情姑拔金釵謀一醉秋風昨夜到江城

新秋雜詩

傲屢傍城闔其側多荒邱健兒腰弓矢奔逐雙飛
毳涼風吹衣鐵快若鷹脫鞵書生增意氣炯炯疑
稜眸吾能衣短後投筆南山陬弄稍據馬背食肉

陸詩一

飛虎頭焉能守縫掖伴爾蟲幽幽恐此復客氣撫

影三四周

雲鞞娘曲

見鄭湛若赤雅

蠻雨連雲銅柱澀天遣紅妝豔南國四姓驚傳雲
鞞君兩行雀扇窺顏色生長盤瓠第幾營繡匳朝
暖聽蘆笙羞談孫武吳宮陣熊羆親擐練士兵干
金雪騾盤花舞意得勲名勒畫鼓厚禮爭招投鳳
才先聲早震拏龍部龍山月黑暮鷓啼廣柳書生
弱錫衣手抱紅絃如泣訴蝶綃裊下拜天姬天姬

舊住相思寨白州鳳護三春黛雅爲文鴛惜將材
乍窺李靖知豪概特許談兵翡翠屏蠻天碣石慰
飄零熏香獵婢芙蓉髻設讌行厨葦芡羹軍門夜
夏雲陽節金燈爛沉蟄月遞蓋惟嫌鯨鯨迷藏
鈎未覺龍娑熱百罰屠蘇醉不辭靈犀宛轉曳來
遲翠衿王母親聽得滿地蒲梢話杜詩錦雉朝來
好妝束蛇鳥陰機出雲幄匝地烏鹽決盪驕排山
繡額熊羆伏衷中黃絹是陰符西嶽陳書啟壯圖
中原今日凋戈滿爲問書生有意無不爾扶餘應

陸詩一

五

亦好緣含被底人生老失計青蛇忽地彈千年冰
柱同枯槁似聞石砧闐蠶叢馬上桃花殺賊紅兒
家亦割高皇土南渡倉皇信未通後來戰血飛狂
雨眉黛英雄落何處聞道會興洗氏兵鬼門窈黑
誰能語相思陣石恨無成竟使秦家獨得名猶有
詞人懷暖玉至今南望說青精

暮雨

殷雷薄西山雨至日已暮微微度危樓點點入
樹濃雲雜霞明孤鳥肯烟去空齋生夕陰悠然念

親故

讀漢書雜詠

不用儒若失用儒良可憐公孫飯脫粟天子自開
邊韋公朝議禮石顯暮頰權安昌河內彥博山東
國賢雍容保妻子聶嚙羞衣冠申屠雖蹶張猶能
志鋤奸

豫章秋日簡余鐵香并呈許叔由

知爾高歌東武吟馬頭秋色散平林九州會有杜
京兆四座今無灌頰陰郢國哀音欺白雪燕臺結

陸詩一

六

客待黃金無將節士臨江曲輕寫人間一片心
浮雲莽莽逐春萍銀筑聲孤醉醪醴篋裏龍吟游
俠傳鐙前雨合楚騷經外黃又有移家客衣白從
多處土星試上最高樓處問幾人塵海不飄零

哭黃六香

荻

六香竟不歸此理誰能度眷言君生平爲有情所
縛而於萬情中適與恨相薄其所爲文章纏綿生
婉綽詩篇激哀豔掩抑感謠詠尤耽爨弄事固知
幽憤託悲吟赴銅琶曼聲入清角嗚嗚謝羅綺切

切斷絃索一爲黃鷄唱舉坐慘不樂從容執子手
驟視無乃愕恐此非福徵情至不能削予時欲廣
君引與凌嶮嶠排塵出城西支磴瞰雲腳指揮話
江漢俛仰盡河洛大荒浮雲生牝谷哀響落忽歌
行路難予淚亦繹絡吁嗟王伯輿坐此 凋弱一
從判袂來五稔如電爚方君隨計車予時滯鄉郭
除夕所惠書六月始接著中語頗不祥有進誓無
卻後來得消息云入河堤幕又逢奚奴還言君頗
揮霍稍乖喜怒常頓覺舉止錯小人固無賴所見

陸詩一

七

殆皮膜客秋貽君書告負蘭臺約未知竟達否今
當問冥漠嗟君大恨事隴阡尙浮屠復終鮮兄弟
門戶微若燭至於伉儷地婉變諧簧籥多才孝標
妹見之酬贈作而今長已矣萬事一邱貉并無葛
帔兒天道真罔覺與君結同心不久贈芍藥嘗謂
恩情深皇天不予惡必有大合并長用展歡誕豈
其知己分倉卒了此局聞君鼓歸橈已向宮亭泊
如何慳一面瞥爾駕孤鶴是時予大病去死可判
劇若竟從君遊夜臺同跳趁我有千萬言待君始

磅礴如今更何道此喙其可斲秉燭展舊書顛倒
如束箬墨光痛還新音徹慨猶昨名山詎可信衍
篋庶無作有生實茫茫三命難鑿鑿予豈真忘情
掩淚聽風箏

偶感示養素弟

使君樽酒許追陪疑主疑賓我自猜不是驟驚簾
幕改戴崇已入後堂來

劉念臺先生遺像

毫社權奸盡天遺命世豪精靈森卓犖像貌肅清

陸詩一

八

高自昔丁孤露爲兒謝逸遊十年通閩雒一綫仰
伊咎威鳳初辭檻神鷹甫掣絳立朝躬季葉憂國
目先蒿請劔誅張禹交章折定陶元黃萌蘖起門
戶把特牢陋習憐升木微權詘剖桃告歸聊躑躅
再起已醜糟禮樂刑餘穢聰明女謁撓收威先詔
獄督戰誤戎韜官豈馮遠戀恩難貢禹叨白衣成
獨往碧血憤同曹讀易包憂患爲詩嫉訛臯忽傳
元祐詔大似建平遭禁闈誅羣小扶風拔雋髦主
知真特達臣節在孤操白羽俄飛騎丹襟欲奠鰲

深沉窺徙雜涕泣罷遷囂本擬更弦治還爲漆室
吡天心祈七廟國計願三條赤伏沉靈燄烏程醉
濁醪時危仍講學路蔽枉歌騷敢冀登台鼎終當
補袞袍君君嚴奄寺將將正逋逃赤子潢池盡銅
章科斂勞中朝除筭北寺洗腥臊肯用江都策
無愁渤海刀苞桑三太息社稷一霜毫大道熊羆
臥當關虎豹嗥匪躬還蹇蹇去國每怵怵帝實知
楊震人誰勝伏滔澄清重攬轡倉卒甫懸鞞日月
扶邦憲雷霆掣鬼鬢李牛終反覆豚彘太謹噉已

陸詩一

九

中猜疑疾寧聞蓋直衷柄臣全項領貂珥結臍尻
蟻賊氛稜惡雄關甲冑囊夢猶懸紫極弓竟墮烏
號又渡南朝馬誰張北固旄徵歌先玉樹法曲響
檀槽涕別銅駝路長辭朱雀篙神兵天浩蕩高廟
鬼啾嘈事去無袁粲身難學謝翱西山盡薇蕨晉
井絕螿螿一自乾坤徙吁嗟歲月怕子規燕市月
白馬海門濤道德千秋業河山百戰塵丹青愁劍
落黃髮白焦熬氣壯拳應握憂深首欲搔江城雪
漠漠危閣夜颼颼妖夢飄萍散遺書塵網網惟餘

百世下斂衽薦溪毫

王猛銅印歌

君不見王景畧自詫生平遇黃石如何無意帝王
師卻奉堅頭偷旦夕功名枉擬釣璜豪姓氏徒傳
賣畚客草付鞭阻淮淝流魚羊食盡咸陽血吁嗟
興廢誠可傷要亦倜儻非尋常致身大要師管樂
入關定計追蕭張此才若與過江去晉璽豈肯終
淪亡霸業公然到青史九錫桓温直羞死今日荒
邱出古銅寒芒射我酸眸子想其鑄出驚三秦張

陸詩一

十

薛呂強誰等倫符行函谷望風采名傳江左思經
綸乃知何地無畸人肉眼紛紛笑賤貧東朝名士
日高議枉費肘後千黃金醉後狂談獨捫蝨劫鮮
填紅重拂拭祇緣當日恩讎多夜半啾秋鬼雄出
陶香泉 焜午 過訪卽贈

昔我遊循江乃有黃與周席間一薜蘿
投凌晨涉江去烟夕仍清謳是時月初出
奔流縱談渺身世長嘯驚龍虬周郎起
陶君否何其大相似睫下無王侯因之
元龍笑何

地通綢繆各言方少壯四海皆輪軸合并會有日
豈減吹臺遊

此言飄若塵行行事分析坐令合者離敢望離者
集離合亦偶然電光何太急黃雞催白日冉冉下
東壁前年周郎死一面已僅及去年黃九殂六月
得消息吁嗟長已矣寸心成獨立酒酣一慟之舉
坐不相悉用思同調人轉輾生首疾

羈禽懷故侶遊子懷故鄉昨來江水發掛席下潯
陽賁然肯顧我玉立頎而長聞名已貽愕見面

陸詩一

十一

愴恨豁如十年別各各傾肺腸喜君飽崎嶇奇氣
終未降喜君新詩篇鉛華洗齊梁雄談鏗今古
日生光鏗樵蘇雖不爨竟日詞鏗鏘黃周如在
此樂何可量回頭望宿草涕淚沾衣裳

温太真墓

西北干戈會東南禍亂中三朝扶國步一代失
雄奉表非虧孝圖奸屈謬恭河山半杯酒社稷
江風顧命嗟羣輔勤王仗協衷始終全庾亮魂
報劉公恢復屯時難經營瘁鞠躬衣冠下地恨

臘至今同綺歲青袍暗殊方紫劍窮大名猶在眼
讀史舊書空草白龍沙戍江荒馬鬣宮郊原聊躑
躑簫鼓看村翁

醉後短歌贈許八

頤

豫章城中十萬人幾人與子曾相識獨來壚畔解
驪驕醉後高歌出金石誰與聞者心骨悲吳中少
年亦癡兒十年僑寓家四壁與君相愛還相師今
夕君歌我擊節風吹斗酒肝腸熱帶劍人言是不
情儒書爾復成何物愚智窮通豈由命吾曹自抱

陸詩一

十二

迂疎病管子奇才富國書鴟夷貨殖扁舟興若云
妻子不足憐古來何者稱豪賢都緣空口談仁義
真到逢人無酒錢聞君家有負郭田何不買犢歸
東阡温飽自足娛當年不然賣卜橋頭去猶勝銜
杯市上眠

陳翁歌

樟樹街頭遇陳翁自言少年能射熊二十身為百
夫長欲與國家成大功是時四隅靜無事晝惟投
石夜挽弓一日軍符下點兵入荆楚著我繡襦

行行趨幕府旌旗在眼風火生求賊如鷹逐飛鼠
朝出戰不見賊暮出戰不見賊遇賊城之南賊伏
城之北官軍長驅入伏中草木盡豎戈矛鋒萬人
死地殊死戰殺聲浩浩迴蒼穹但見白日霾沙風
乃知賊中情實畏官軍面一夫敢當前萬賊不
戰不知殺賊凡幾多夜夜歸營血洗箭有時
賊頭顱百騎來追顏不變千里關山戰轉深三年
刁斗風霜旋後來饒吹歌太平軍中用馬馱金銀
大者肘印冠花翎我時聞亦有功狀蹉跎發遣歸

陸詩一

十三

本營微軀尙荷

聖人澤得洗戰癥終餘生惟有壁間三尺鐵陰雨
啾啾聞鬼鳴

雜感

朝霞冠崇巒樓臺生紺碧微風忽相送杳杳滅烟
迹人生宇宙間一息萬事畢大命本須臾何苦自
拘急芳茵媚鮮榮聊爾快朝夕幽蘭閔谷中秋三
誰能惜

西施浣紗日照水迴含愁一入吳王宮羅綺生溫

柔啟輔成蘭麝行移簇管謳亦有鄰家女滿
昔遊泥沙比珠玉光彩阻山邱朝來引菱鏡玉
泣盈眸固是顏色殊誰云命不猶

高橋民

高橋民爾來何鄉縣生何名爾祖爾父何等倫安
知非席富貴曾被錦繡棲羔茵前日風雪中見爾
三人纍纍然行今日凍死橋之津松江之綿積如
海湖州之絲多於薪爾何不得分一縷蓋爾身或
是少年偷竄貪肥珍倘亦爲士不就習商不成不

陸詩一

十四

能爲人奴獲又無田可耕豈其墮地時日月適不
良不則面有窮餓紋且爾三人或異縣或所親吁
嗟死者旣冥冥我縱弔之豈可生暮來飢烏飛滿
城已焉哉高橋民

送陳笠颿方伯預移節湖南

燕公樓畔草續翻賓從威儀鎮大藩解道五溪需
馬援爭禁十郡戀陳蕃路通貴竹雲山熟種雜盤
瓠撫馭繁聞得南州人頂祝建牙重到似前番

歸里雜詠

昔我出門時阿兄顏色擎布席開窗疏三女旁酌
酒病嫂褰房幃欲語還塞口今登兄嫂堂音容渺
何有兩女既適人次者凋蒲柳阿母體半枯自云
恐不久暮宿兄齋中緇帙雜寢藪遺琴猶在壁塵
榻鼠跳走竹籜聲脩脩燈光墨黝黝中宵望兄來
與我一執手豈無平生事向弟一一剖生前宋玉
愁夜臺還樂否魂兮終何之雞聲已當牖宿陰竹
兄焜齋
中

富陽曲

陸詩一

十五

月出富陽城客度富陽樹懊惱浙江潮同來不同
去

哭女二寶

天亦愛奇慧不教同我飢猶含雙淚去可有再來
期泥母梳頭日迎門抱邾時始知眞痛到齊物論
徒爲

胥屏山館詩存卷二

清頌堂叢書

鎮洋陸麟書子愉

遙送妹歸南陽

自我為兄弟茲別知固然所嗟在異縣佩玉隔山川况我驚風羽形影自相憐昔為花與耐今為箭與弦取母之懷中去奉威姑賢威姑雖賢德高堂正嗚咽

啞兒歸

啞兒生時父曰棄之母曰鞠之鞠兒十五年母入

陸詩二

城為人傭作啞兒默然以思一解啞兒朝出門望不見母來啞兒夕出門望不見母來啞兒腹中自語奚不入城尋母與母同歸二解啞兒入城城中路紛錯以手問塗塗之人却立而睜白日欲匿母不可見啞兒淚如雨落三解念欲出城當東反西奔鬼來搏兒啞兒狂嗥野人怪為孤豚得兒憐不能語使助作苦汲水擔薪四解如是五年不識晨暮天哀啞兒得與所親遇所親見啞兒佇立而語啞兒見所親牽衣願與同去五解同去見母以身

投母前雙手探口欲取肺肝出與母觀跳跟宛轉觀者為兒湧淚成泉六解啞兒既得見母嘍嘍伊伊出入隨母不肯寸步相離七解

晤劉于岡昉

昔年黃九話劉郎酒興詩情極不忘今日吟詩失黃九與君對酒兩茫茫遺孀健在嗟誰嗣斷帙流傳已半亡江水東流三萬里與人為淚不嫌長

微雨

微雨過疎櫺殘陽耿相照薄雲澹不流新綠寫清

陸詩二

妙澄觀若有會仰睇失其要不見素心人孤禽赴烟嶠

題彭四邦懷東湖垂釣圖

江上宵聞漁父詞涼波拍岸碧參差秋風吹夢江東去正是鱸魚作鱸時我向南州問高士廿年如遇垂綸子亦是鸞鷲鳳翥才三十蹉跎尚垂翅君曾訪尉佗宮尉佗椎髻亦英雄千秋錦石成土付與珠孃一笑中前年又上長安陌長安七誰相識田竇園林不戀人金張鷹犬能驕客北

上書終不用歸來重結煙波夢有妻解織兒解耕
一竿明月全家共吁嗟乎淮陰釣磯沒青苔子陵
羊裘屹空臺封侯避世偶然事癡兒聞此徒驚猜
我家七十二潭上海鷗日日羣飛來買竿不歸何
爲哉

赴筠州途中作

晨行不知疲亭午猶未食隔坡見炊煙喜動奴子
色於焉姑息肩卽事紛可悅巒光罨茅檐溪聲灑
毛髮散特多依林短轅時過陌主人一何勤炊飯

陸詩二

三

親勸客市遠雖無肴野蔬堆嫩碧吾本田間人一
飽當餉饁出門赴前塍清興殊未歇

戀景意若留警暮行始勇與夫慙如余蹈此黑夜
恐元雲翳星芒曠野絕火種蒼莽樹迫人确犖石
拒踵霜風吹白沙浩若波浪湧岐趨墮窪田失路
登古冢豺狼奔我前魍魎立而拱青燐喜遙耿溪
水愁暗洶始知天壤間平地有驚悚何必太行山
始嗟予駕夢默息任所之心瞻時一踊小奴失聲
呼燈光出遙隴

都龐曲 有序

都龐府者隸安南乾隆中阮氏篡安南府
主黃文通不服奉表於 朝請內附 大
兵征安南文通爲鄉道焉後安南攻之二
十年不解都龐大困安南復招紅毛一作
番兵腹背攻之城破文通率麾下三千人
苦戰死無一降者其子與婦泗水逸至雲
南云按漢書地理志九真郡有都龐縣應
劭曰龐音龍今九真爲安南清化府黃氏

陸詩二

四

所守當卽古都龐地也其地據安南上游
與雲南蒙自縣錯壤蒙自人以其先世嘗
有屏蔽功故多樂道之龐其俗作龍古
雞陵關前插大鼓殺聲夜撼都龐府壯士三千付
灰土府中有誰府主黃租稅舊奉安南王後王王
王是王賊不肯生降貢中國大軍南征北戶時代
山負弩迎
王師安南報復方未已廿年毒戰危於絲是夜帝
飛風颯颯丈八蛇矛寸寸折紅毛髑髏噉人骨子

里孤城一片血鬼馬悲嘶負屍立帶箭孤兒草中
泣孤兒有婦亦壯哉拔刀咒水水忽開崎嶇匍匐
中原來手抱勅書與銅印涕泣軍門求代進萬里
茫茫天路遙百年故物誰能信哭聲慘裂蒼山垠
珊瑚易米棲蠻雲夢中猶見舊城郭日南何處新
邱墳邊人不忘保障德呼兒同耕婦同織

懷余上舍鼎

聞汝春來下鄂州翻然重作帝京遊才人涉世奇
爲累盡室浮家穩亦愁燕市驂騑仍論價天邊鷗

陸詩二

五

鷗會逢秋少年意氣看成負兩地茫茫欲白頭

懷暉大令敬

南望羅浮一笠登雲山離合最無憑文章老去空
門戶氣節成時起愛憎跡繼韓蘇非謫徙晚衝瘴
痛見峻嶒炎州雖好終殊俗江上尊鱸待季鷹

阻風

我來願南風日日風北起我去守北風風乃自南
紀諒非故相違參差亦物理廿載涉江湖順逆靡
定軌履順境易忘意拂憤難已人生宇宙間快意

當有幾酌酒慰同舟新月一湖綺

重過新建縣署

故物不堪睹况逢搖落辰琴書三宿地生死廿年
人小劫遼東鶴流光縱壑鱗誦芬堂下月今夕爲
誰新先侍御公嘗知是縣後叔父由會昌來攝太
城吳廣文照爲題誦芬二字於廳事今尙存

烏江題項王廟壁

帝王位置非天意將相勲名無此才快見阿房隨
炬盡忍驅騅馬渡江來濡須月落孫郎嗚天柱風
清漢武臺偏是江東諸父老千秋簫鼓爲君哀

陸詩二

六

蕪湖關驅船行

蕪湖關前北風惡客舟欲停遭怒喝貢船將來莫
停泊關門有稅公所知逋者焚船籍其貲况聞貢
船未入境請止一宿無稽遲舟人苦相語縣吏殊
不顧匝地鳴銀鐺惟呼送官府此時客舟慘獐徨
後有猛虎前豺狼舟人稍黠潛竄去留客獨與船
低昂烏雅飛來立危檣啞啞向客鳴飢腸烏乎烏
乎爾勿傷我願附爾同翱翔

雜詠

茲晨適無事仰瞻嶺上雲觸石始扶寸密罅遂氤
氲沛然布大澤九州各欣欣爲惠旣已遍悠然歛
其神榮者雖自榮不得歸我恩悴者雖自悴不得
歸我怨

題遺民集

養士恩深三百秋黍離遺恨一編留感時花鳥都
成淚舉目河山各自愁宇宙早無般尺土姓名畏
列漢通侯從教王魏勲名大已是人間第二流

晨起

陸詩二

七

旭日已在牕披衣望天末宿雲散離披孤霞澹明
滅羣動烟中春衆綠雨餘活幽蘭振微芳喬林吐
新枿蜂聲旣暖遊吾亦步林樾山色爲欣然蒼翠
到堦闥

守貞詞

長楊彭氏女許字宜昌何氏子兩家仕宦相去一
千里一解娶帖下納吉日結紅襜戶上聒聒烏鴉
啼女親聞之悄然以思二解帷環洞以開陰風來
颯颯告語我已下黃泉書在卿當自取三解門外

金鼓喧喧女出戶取書以觀家人行視女已下赴
黃泉四解招魂泰山召魄于北斗百喙謹呶女悲
填膺不能吐諸口五解父兮兒憐母兮兒顧身是
父母身死不敢自主兒有一寸心父母天地兒亦
不能不吐六解乃闢土室周以墻女乃坐于中央
勿謂兒猶生如兒早天殤七解何以貽尊姑繡出
花與葉花花是兒心葉葉是兒心上血花葉有時
舊兒心萬古如白晝八解

春晚書懷

陸詩二

八

九十日將盡鶯花雨色中廿年家未定隔歲信纔
通負米途愁遠登樓賦豈工更無歸去處春恰與
人同

石壁樵者

登登百丈梯迴若在霄漢不聞斧柯聲衣影雲外
亂其下蛟龍奔當風鹿鹿喚習險不自危積劬復
奚怨余亦狎風濤停橈寄微惋

題雲齋秋雪庵坐月圖

涼意忽盈袂蕭蕭江上風不知圖畫裏坐我水雲

中孤艇銜波碧蘆花映月空南屏最深處煙翠更濛濛

明月西谿上空濛化白雲艤舟入雲去蘆雪正紛
紛涼露先覺清謳佛共聞他年剡溪權乘興訪
夫君

信許叔由至北蘭寺哭王小梧

渭

愛極翻疎畧崎崿恃少年文期重論定身已隔周
旋旛影淡江水鐘聲悲遠天秦淮風雨夕悔不一
樽聯

陸詩二

九

竹溪兄敬書至自粵東

鷓鴣嶺頭鳴蒲帆一葉輕月明橫浦樹灘落灌嬰
城瘴癘凋華髮風波見世情遙知鄉國夢猶傍海
雲生

登豫章城樓

波捲秋風落大荒龍沙暮色鬱蒼茫依然章貢雙
條水曾是元明百戰場落日疎林明驛堠斷虹極
浦賸帆檣登臨古意無人會鴻雁沙頭又幾行

感秋

南國一聲雁江湖遍地涼高城時暮雨小閣易斜
陽雲物成余嬾菰蘆引夢長世情須莫問吾道合
滄浪

厭別

厭別垂甘載飄蓬仍五湖貧邊愁老母客裏長諸
雛花鳥三秋逼乾坤一劍孤由來嗣宗淚不獨爲
窮塗

八月十五夜月下

明鏡挂蒼烟飛來綺戶前照人千里共爲我十分

陸詩二

十

圓白髮觴今夕嬌雛話去年團樂信可惜河沒未
應眠

豫章覽古

五侯珠履塞通津草野危言動北辰失職更生煩
涕淚傷時梅福早沉淪名山甥舅分投跡亂世神
仙半逸民不少天壇舊鸞鶴變名遊戲在風塵

偶成

孩提之所嗜今已如瓦礫安知今所妍異日不爲
惡奈何世上人妄希千年樂造化卽爾容肺肝久

蕭索神龍蟠于泥久視亦寂寞淮海變微禽哀哉
忘雉雀至人寶大道不朽非糟粕

咏史

喧傳使者出長安馬首霜風貫索寒竟有狐狸當
要路屢煩鸛鷺下臺端雲霄反掌回天易蒼赤含
情入地難儘遣緹縈干叡聽高牙繡纛自朱竿
日麗煙深太液波芙蓉闕下會鳴珂少年衣馬由
來盛上界星辰此夕多珥筆蓬山唐供奉薰香畫
省漢名科乘黃駮駟飛騰盡地上騏驎奈爾何

陸詩二

十二

張雲齋少尉招同劉于岡茂才昉五臺庵夜

飲醉歌

花宮置酒清夜徂金波自墮非人呼鐙闌客醉童
僕睡張侯脫帽歌烏烏束髮才名追紫燕麟閣雲
臺眼中見掉頭不屑執珪郎持節當乘玉門傳君
門射策不見收始信男兒有貧賤朝辭帝里暮江
湖拄笏西山作曹掾達官貴人誰比數駮駟虺隤
同一棧劉郎聞之意不平自言親見安期生海上
桃花日爛漫青童玉女能春耕請爲子起舞長劍

三山浩蕩將遐征張侯且勿歌劉郎且勿舞君不
見崑崙之水天上來浩浩洪濤走今古今日流非
昨日波古人踏作今人土當前有酒且入脣世上
豈有仙人何況富貴如浮雲

典書行爲方式亭大令楷作

宛陵先生有書癖坐索千金揮不惜牙籤縹帙三
十車學士才人俱辟易昨日大風吹塌屋上山僕
御菜色妻兒寒朱符掾吏打門至公家逋限森難
干此時萬卷惜不得舉室聚謀判一擲朝叩富兒

陸詩二

十三

門暮登貴人宅謂不可衣不可食歸來四壁飢烏
舞史皇上訴天亦苦文昌司祿餒無氣蛟龍冥冥
白晝雨先生大笑呼家人世自不需吾自珍儘可
不作赤縣令太古自有瑯嬛春與酣折卻官符紙
可憐愁殺妻與子

寄徐秋士日下卽用其送畢子筠華珍南歸

韻

一別江干柳合圍漫言今是昨全非泉離初地須
防濁雲出春山便嬾歸上國驩爭道路少年裘

馬鬪輕肥母將子含風霜夢薄得緇塵滿素衣
鏡裏憐余漸二毛年年芳草濘征袍學荒半坐青
春病和寡非關白雪高少日頗羞傳獨行間中真
欲反離騷釣竿屢把仍拋卻卅載慈闈盼望勞

當衢婦

日暮城中雨簌簌青髮老婦當衢哭行人雜問語
正譁聽婦近前淚盈掬身住他州復他縣室中無
人惟藁薦擘麻自致錢廿千三十年來心力倦鄰
兒欺老羣攫取無力喊爭時夜雨可憐縣主事務

陸詩二

十三

忙行乞號冤呼大府巍巍大府非等閒片紙先索
五貫錢無錢百狀不得入淚枯雙眼皆徒然就中
一官頗見憐持狀爲達司閩前終日忍飢屏息待
官出擲還仍不採我今不望冤苦伸僅得生還卽
天賴轉恐歸去鄰兒嫉豺虎齧人無地立綻裂棉
衣早質人衰年凍餒豈能存聞者歎息各散去天
昏雨急悲聲吞

沙井兒

江頭日落黃雲低沙井小兒掩面啼阿爺報竊入

城去官中拘係如籠雞家無長丁孃饋飯留我守
舍羣兒欺今晨啗芋纔半飽日暮待孃來煮糜出
門遙望過兩槳謂當是孃近復非悲風蕭蕭浪漸
惡孃縱欲渡愁船稀萬一并孃幽隸舍苦我更向
誰啼飢早知縣官惡聞竊不合浪訴干嚴威如今
不願官捉賊不願追取箱中衣但願爺孃攜手歸
有牛任賊自牽去有穀喚賊來同炊

爨下婢

爨下有婢十三餘垂垂覆額髮未梳自言身本田

陸詩二

十四

家女少小爺孃曾許夫夫婿今年應十五村塾讀
書人楚楚前者山東苦旱荒比舍家家賣兒女夜
深爺起喚我行謂今送汝夫家去我孃嗚咽挽我
啼破屋月墮風淒淒我泣依孃勢難住慰孃近嫁
何須悲哭聲漸遠路漸遙夫家不見臨深濠絳旗
官船大於屋爺云我去休悲號伶俜不解爺孃意
今日方知作人婢歷過千山萬水來眼前知是何
州地昨夜夢中孃醉行竹馬小郎如舊情黃雞作
惡催人醒恨不當時記姓名

姚方伯祠堂歌

德勝門邊老道士告我康熙年逸事滇藩叛國犯
江西江頭日日官軍至是時百姓更災荒萬家未
有千家糧不知何部兵驟下驅畧男婦如羣羊鞭
筋剔髓索金帛城外一掃無遺房萬口呼天天不
應痛倒城中姚布政洞開府庫贖蒼生鑰吏庫官
神色震公曰有罪吾任之誓以身拯萬人命庫中
三十萬朱提輦向軍門一朝罄子負爺孃夫喚妻
家家釀酒慶生歸漢朝賈復今重覓晉室征西何

陸詩二

五

足希告語未畢雙淚垂引我請視三間祠後來公
竟坐憂死民奉粟主申哀思百餘年間人事惡遺
黎老盡祠剝落富室穹垣競并吞神靈片瓦無棲
託風雨衣冠夜出遊狐狸嘯走神燈作秀州詞客
訪得之怛然流涕悠然思捐金割宅重構復大書
深刻垂來茲前呂街頭民賽會香火幡幢飾珠翠
吹螺擊鼓沸地來婦子奔崩百千拜豈知我公活
汝曹媚神佞佛忘公惠嗚呼公惠不合孤我爲作
歌告士夫承平擾攘事則異公之此心不可無噫

公之此心何可無

賃居定後示弟

鳳書居在大安寺西寺
晉車騎將軍謝尚故宅

三年離析悵看雲賃屋居然雁作羣將伯更無王
給事卜鄰喜得謝將軍微添白髮庭闈健各長新
雛笑語紛此後勞薪縱難定不教家室更瓜分

送張小南別駕

爲愷
出塞

我

明開邊萬萬里西出流沙過弱水伊犁烏魯都尉
城土厚泉清風氣美君今西行上青天六月冒雪

陸詩二

十六

登居延隴頭飲馬若雷動塞下望月如輪圓磧中
千里稍淒寂黑風倒吹赤孤立張帆譬作朱崖行
差少蛟龍睨人跡銀鞍一日到平地滿谷駒駝滿
川翠行臺知舊多達官列肆笙歌雜吳會番姬素
面赤玉盤桃花馬上調紅絃銀貂妙舞勸客醉捫
馬酒熟羊羔鮮酒酣挾矢射雕去側身東望橫蒼
煙挾策江湖不得志秃管峩冠日憔悴不若從君
出玉門去種龍荒一區地縱然不得定遠侯看山
走盡天西頭

雨中口占

三間小屋罨窗紗倦倚烏皮一榻斜
雨裏并無啼鳥喚閉門落盡刺桐花

正覺寺

聞道相公承鐵券親留玉帶鎮山門
風流水月僧伽貴金碧樓臺古佛尊
樹色暗籠三星霧鐘聲疑泣五更魂
南朝四百八十寺烟雨模糊畫裏痕

別杜薊林

便作經年住分離亦是難勿嫌行草草
祇恨路漫

陸詩二

十七

漫旅飯今差健征衣莫慮單寸心憑皓月千里許
同看

醒後

酒中歌嘯月華偏醒後尋思轉惘然偶讀詩書成
賤士屢更憂患入中年干覓氣每深宵吐鍊鐵心
從何處宣賈誼莫傷南去遠早時流涕漢文前

哭惲子居明府丈敬

一墮風塵竟不同悲君忼慷伏蒲才更無厝火陳
書路空遣陽城署考來白髮江湖成獨往浮雲泉

路幾曾開平生別有唐衢涕不為聲華賦八哀

飲酒擬陶

生死理本齊古者殊其名生存麗形質死與大道
并世人徒貿貿悅生以勞形老莊強解事乃與主
者爭西方書稍黠支離在無生有無何必問吾將
獨酌酌

寸心役物累動為大造愚銜杯亦成癖營營矧其
餘霜飈昨夜至吹我庭樹枯偶然有薄醲歡與吾
影俱杯斟無實返壺竭亦不沾珍肴固非分天寒

陸詩二

八

乏園蔬神酣意既適醒與醉豈殊

將之贛州示妹

手足我三人奉母來異地雖時少歡常得左右
侍自妹遠于歸親心始牽繫中間一歸寧口舌致
繁碎去年疊告哀翁姑逝相繼冒雪凌洪濤迎汝
連外妹汝家誠不祿姑孀母離思離別常苦多衣
食足為累妹婿滯饑饉兩兄復分袂我行尤遙遙
贛石十里計險路不足悉蹈涉自童稚惟念垂白
親與汝汝省親汝嫂雖自良汝更適親志甘羸愧

未能要貴少憐意
不待言言復不能
容可以禦疾戾
齊時待我平安字

灘行口占

廿年重權嶼
路始覺兒時
孟浪行石怪
近愁舟去疾
濤翻高喜枕
邊聲側身天
地多無礙
今日山川轉
不平閱歷漸
深中漸怯危
途觸目已神
驚

縣齋偶書

驛路兒童日
嚴城鼓角邊
江山一揮手
鬚鬢入中年
逝水親知盡
浮雲世事遷
照人淒寂淚
賴有月

陸詩二

十九

娟娟

虔州雜詠

顛石天寒有所思
空亭斷碣草成絲
坡公瓊海歸舟日
新建軍門講學時
憂患文章悲論世
深沉道力見行師
蒼茫書劔登樓罷
獨向春風醉楚詞

再過茅坦杜氏草堂卽事

樂極悲常繼
溪西伯子墳
琴聲非往日
草色滯寒雲
有弟談遺事
逢人誦我文
那將歧路慟
重與九泉聞

留別許茂才 介夫

聞道君家在水村
蘆花千片白于雲
如今每遇秋風發
瑟瑟蘆花便憶君

游僊詞

六芝五石九華簪
辛苦礪煙直到今
白玉爲樓非豔想
青精療世是癡心
雲邊有路工飛舄
天上何人索聘金
昨見淮南雞犬盡
他時聽作鳳鸞音

不寐

天意不欲曉
羣雞空自鳴
重霜侵壁透
殘月閣檐

陸詩二

二十

明將相非吾命
詩書豈爲名
要識便穩休
弄短長更

上饒別諸舊雨

靈山鬱亭亭
信水清以映
邦中有真宰
哲彥盡來趨
而我道途間
得與親串俱
布席未及竟
珍肴出中厨
聞我適京國
或喜或躊躇
首言命駕意
次問家所儲
停盃不能答
顧影先茫茫
如男兒旣貧
賤難以成算
拘主人慨其
然願復留斯
須亦徒留出門
日已曛
書此爲別
聲鼓柁神迴紆

和周小石丈詠竹夫人原韻二首

有序

周始取於王余表姑母也凡再續得崇明

祝氏甫議婚聞其才藻喜甚賦此題以寄

意比來歸愛敬益篤出詩索和

記從石上締盟言未要蜂媒蝶使喧海國舊林依
大士淇園詩句頌邦媛盤中榴實徵多子戶外花
枝照合昏卻爲梅魂添悵惘那番淒寂此番暄
小樓涼色夜紛然消渴相如夙疾捐紅汗裏餘香
浸夢綠漪含處暈侵鈿照來藕孔心相印鑄上茗

陸詩二

三

華句欲仙願寫平安三萬字百年葆護此嬋娟

詠史

是處旌旄節制崇升平坐鎮倚諸公亦知管樂難
爲器稍有心胸便不同海晏要防魚化虎歲穰何
以澤飛鴻人臣晚節尤珍重老手文章已欠工

江都柏華紳刻

鎮洋陸麟書子愉

登望海樓觀日出賦

憑虛先生蹠遠掌高心侈體怵哈巨靈之匪材覘
河伯而尙隘思欲縱域外之大觀一凌厲乎塵壒
謂其僕曰吾聞坤壤之東有大瀛焉漭漭泱泱泱泱百
谷之王塊坳萬象吐納八荒崑崙爲垤江漢爲滄
厥有崇樓其峩萬尺丹雘上翔飛栢外突帶霓迢
嶢睽瓜桔桀寥窳虹洞鏗鏘轍轍天吳過而橋領

陸文

修鼇瞰而睽矐於是鮫室之氓龍宮之伯析爻木
以爲燎腴馬銜以爲實舉解肆筵以觀日出吾子
其聞之乎其僕曰小人胎海之國屢海之濱螺贏
供舖紫鬣結鄰危樓嶮岬是芻牧所息肩也曜靈
吐翁是筐篋之弄丸也用能洞其瑰怪請爲夫子
臚之若夫沈瀟蕭森龍淵幕陰叢薄哀嘯翹翹此
吟影砂黝儻洪濤鬱磷魂僚僚兮欲墜矚惕惕而
不寧須臾金鷄鳴石鷄唱駭波旬碎頰雲摩盪義
官贊奔斷鞅絕輻朱鬢髮髻緹裳偶儻捫欲逋於

九幽力不及者三板再接再厲一俯一仰奮竿髮
以哮馳乃亭亭而直上其爲體也赫戲狼抗差我
捷喋瓌瑋嶮困不欹不側其爲色也鎬鎬眈眈駁
赧爛雲裡壁丹柱欵艷燐斌紅葩鞞鞞絳組紛綸
其旁射而錯落也千鬢捷獵萬鬣縱衡灌漑燐亂
睽鑠零星神桑扶蘇而倒景跋烏獐狡而突晴其
發彩而挾麗也如建章之宮千門萬戶火齊圮輝
懸黎牖舞如景福之殿髹彤高驥紫榛離婁茵莒
翁張如少陽之基轆轤無垠焯焯浮柱燁燁燭坤

陸文

爰迺發揮鼉宮騰達潛室洞澈熬岑翻瀾狝窟蒼
鯨懾灼而竄幽駭螭迎陽而吻沫鬣颯轉扇石華
海月穹龜長魚茂林修戟一首三朝一尾五日莫
不香戢喧聒奮迅撞擊至於呈輝吐燄助彩爭奇
則有羊鬚蟀暈蝓葩蝦璣珊瑚琥珀瑪瑙車渠綠
煙要眇紫菜霏微海童眈麗淵客淪漣龍娥娉冶
虹婦媿妍蜃樓礫碗雉堞駢闐旌旗輪轂組織媽
蟬復有安期之島徐福之家蓬萊縹緲赤城哈呀
金碧璀璨瑤草紛葩忽湧現於濤末儻輝耀乎雲

涯用以擁雕闌寒珠軸舉凡裸身怪人黑齒詭族
洞霄飛顛單肱跣足釣鰲巨綸臨龍魂鏤燦燦露
其端倪隱隱見其城郭僕者之言未竟憑虛先生
視聽瞑眩營爽震蕩喟然歎曰夫海之神恢矣怪
矣夫日之靈赫矣駭矣百齡非延九州隘矣雖有
他觀非我思在矣

悲來賦 有序

余毀齒去鄉勝衣背井八口之家負郭之
區無一半載之間期功之喪凡四向人慘

陸文

三

淡從母艱難楊朱之路已窮張儉之家早
破辛未季春枉帆洪郡爰出左蠡梁生適
越彌增庶下之憂王郎渡江不盡衣上之
淚雜禽訴我新愁綠波流其古恨茫茫煙
水渺渺乾坤觸緒悲來遂以爲賦

鼓棠舟以檜楫兮曰余將拳夫蘭芷遭蜚廉於中
路兮道余命之不雙春旒旒其弭節兮水漭漭而
自東遂落颿於枉渚兮鷗側翅而下翔繡薄燦其
倒景兮漉霞絢靚而灑櫂余豈好爲此妖游兮夫

孰知中情之所傷若乃謝客綺年范兒弱歲食李
仍愚對楊不慧何龍蛇之無良乃蓼莪之遽廢於
是孤兒葛帔孀母緯蕭感熨衣之宵冷兮歎羸瓶
之晨勞戶來弔惟蒼蠅兮壁富蓄夫蠪蛸女復吞
聲而出嫁兮眇弟指喙而號咷握釵珥以買粟兮
或攘我於中衢恐白日之不淹兮何壯老之可求
既而辭邱隴睽親串昧余擊汰於吳會兮壯容與
乎江甸浪崔嵬而迫魂兮鯨鯢齧而覲面願須臾
其無死兮惕慈親之瞑眩俄風土蓼蕭而錯異兮

陸文

四

喜黿鼉亦既遠官之粟可以充腹兮聊人奴之是
免紛吾既寧此室宇兮乃余懷之誕淫鏤長劍之
陸離兮紉芙蓉以爲裳謂莊尹非殊族兮復津逮
乎顏閔朝駕言乎藝圃兮夕泛橈乎元津嫉俗態
之桎梏兮思高蹈乎風塵哀窈默其懔恍兮竹帛
道我以勲名感終繻之卒棄兮景偃書之竟上公
孫騎羊而憑雲兮漢后握之以爲相吉駐茵而諮
喘兮黯抗節而對仗象貌焜於丹青兮氏族煊於
臺榜然而織肌是理惡媒鳩之不通也魁瘡苻婁

匪哲匠之所容也十稔閤於歧羊三年退於鼓瑟
蕭蘭儵其不芳漣渙黜兮無色長者申申以詈子
兮時彥顧之而不屑炳執戟之既貴兮緬廣陵之
非屈長沙閭閻兮爲吳公之所悅鄒陽慘慘兮迺
梁王之上客蓀影組於蘭陵兮豈閭妹爲見嫉胥
靡優游乎珥筆兮何抱踵而歎息引往軌以慰景
兮蓀命蹶之過劣余命伯筮爲余占之兮曰邁萃
之九五雖含意未輝光兮抱貞素而或可爾乃驚
鷗蕩燭危柯坼巢倚哲人而易萎兮瞿鬼伯之來

陸文

五

遭蓬辭樹而尙戀兮羽啣悽而孤飄奉母氏而東
邁兮送弱弟於南郊遇主人於逆旅兮睇余橐而
不留積粟接於霍岱兮夫孰貽余以養親顓平生
之親愛兮古魂愀愴而不能言上圍圍之九衢兮
下湛湛之九淵眇佻離之八口兮足欲下而蓮蓮
憾白石之不熟兮雲霞非可以息身仰箕斗之璀璨
兮盍惠我以宿糧重曰鳳凰黃鸝鳴啾啾兮鱣
鮪鯉鯉爾悠悠兮我室我家既飄搖兮不緝不食
奈親衰兮薛君大賢去不來兮作歌告哀我愆尤

兮

苦雨賦

若夫揚州水鄉豫章澤國波氣釀寒湖陰弄濕逢
春必雨至夏不絕陸生飄泊羈雌於是十六年矣
勝衣弄翰之歲銅盤列食之辰草蛙伴讀花燕窺
茵絲迴綺夢淒助蘭唵此一時也亦或桂檝橫江
雕輪碾路點屐於馬鞍之山側帽於牛頭之浦熊
席則雨片黏裾雀航則雨花隔霧此又一時也今
夕何夕對此疏櫳朝朝暮暮雨雨風風金缸二等

陸文

六

綠醕半笛欲長吟而撤響拈短韻以轉隴蓀迺鳩
乳鶯雛天氣團煙按絮風光罨遲遲之麗旭籠黯
黯之雲幢燕無飛而不石羊有舞而皆商堦下紅
蘭已死樹頭梅子將黃爾其霖霖溟溟連翩捷獵
崇巒之翠不飛小閣之天似墨夢瓦虛飄穿林似
織難理千絲萬絲莫問上尺下尺乃至聲聲曼玉
顛顛縱珠宛幽媛之宵泣忽壯士之晨馳瑟移素
女之柱琴安寡婦之絲溝水流而生斷續簷溜滴
而助參差雜花冠而啁嘶兮攢蓮漏而潺湲迴鄉

夢之窈杏兮曳虛幌以露寒載駭殺以欲亂兮又
汨之以波瀾近擊砌而猛奮兮遙泮浪而無邊下
時礎潤襲襟水衣及榻霏紅妥栢而態妍綿羽依
簾而吭滑爰有渚北縈愁之侶江南賦別之人曹
顏遠之羈思庾子山之傷春寂寥蓬華徒倚蘭楹
生計窺籠之鳥鄉心出岫之雲感芳草兮遲暮忽
朝陽而孤呻

雁賦

瓜堆五夜葱嶺九秋關榆地迴塞草天稠紛隨陽

陸文

七

之小隊鬱離緒而命儔記花光於來驛怯風色於
去郵爾其啣短蘆聳修翮聯兄弟於一行爭峯巒
之半隙茗茗亭亭紛紛籍籍疎排霞背之紅小點
山腰之碧颭危颺而陣圓礙喬林而字擘霜路淒
清雲涼有聲隔波屢喚度砦頻驚落誰家之蟀院
應前路之蚪更韻參差而赴瑟曲悽戾以感箏則
有長征馬邑列戍燕然射鵬一隊獵騎萬鞭驚雲
中之噉噉數磧裏之翩翩吹角今宵秋早彎弓昨
夜月圓鏡北兮砧敲幾處江南兮書到何年莫不

隴頭嗚咽鞍背遷延又若襟爲分題絃因別理葉
聚一邱蓬飄千里席未罷而沙影寒曲將闌而渚
音起訴余怨兮關山蕩余心於煙水願祝同飛所
嗟異爾話贈津頭酸來酒裏羌臨水以登山復過
都而越國歧路東西浮雲南北谿寂寂兮嵐青葦
蕭蕭兮天墨時則渡淑成行喚空如織欹霧幔以
孤聞背霜檣而遙識梁園懷失伴之愁楚澤有可
憐之色况復瓊帷秋士土室苦吟蛩語撼壁鐙蕊
搖襟行乖兮天末翼困兮林陰謀紅稻而無術負

陸文

八

碧霄而有心失路則巢難記舊覓侶則雨不來今
目送岑遐聲傳枕早昏上兮夢寒蘆中兮葉稿羈
羽零星秋情惓惓瀟湘水自深衡陽月應好寄語
江頭打鴨兒莫取桑枝射中道

與家子鐵書

執別鄉閭再更喧肅瑤華不嗣我懷且饑茲者涉
江儻椽桃渡竺君子筠相繼而至亦嘗張燈河上
墮簪席間紅牙一按而柳葉欲飛穀袂輕揚則月
波鏡面崇罰三竿髡醺十升逸情雲興恢論泉湧

蘭舫爲之輟漿銀條因而上躍忽睇鷗狎之鄉大有竹飲之侶之子不來美人獨宿綵翼失羣想矯目於霄漢么絃停響遂阻與於笙簧爰徹粲顏加以桑息四座攬佩謂斯愁之無端雙鬢搦管疎此客之小異而竺君洞厥肺腑契若鍼磁發士衡之書出都梁之集棟樑六代歌玉先愁煙月一江言情欲涕思泝洄乎庾鮑氣噴薄乎風雲且諷且飲廢盤廢箸由是雅聞欲闌輪鞅各動矣爾日以還塵空雜沓情懷一二未可縷陳嗟乎鐵君軒綬之

陸文

九

孰袞袞如林翰墨之場滔滔不已執橋頭之日者誼貴何年問亭外之弁儒雄文孰識勉崇鋒穎兼攝涼暄三尺之屋酷無盜情一紙之書有如絮語從知大雅笑其白癡耳

與彭松涓書

提夏惠書綢繆悽惻時方病瘧讀竟蹶然乃知文至有情自能愈疾何必孔璋之檄杜陵之詩嗣以人事糾紛烏吟不遂寧欲作書用相慰藉而方寸怔忡偶一握管千愁繁塞如是三四竟不能成夫

吾與足下文章事業不知何若古人至于風誼豈謝嵇呂而乃徒蓄相思無能命駕膠明瀟晦若何可言向在貴州以斷蓬無定之踪爲築室久居之計因是往還遂申款素每當上日朋來蕭晨獨往掃蘿石坐劔筍煙吟言師儒不言之言語妻子難語之語酒酣面熱揚摧古今或故偏苛以資笑謔乃至燭影幢幢而客轄不見雞鳴喔喔而腴觚方飛此其狂態想舊時臧獲尙能言耳然在爾時殊不介意方謂人生在世歡會爲常更以奢願未酬

陸文

十

用相喑嘆豈知歲華一往零雨各天凡所謂霞上豪情襟邊逸興如瞥波颺絮次第而消况同堂異鄉不獨爾我怡松悅柏更有數子如何春田怛爲異物埋瓊葬蕙天道寧論而六香一去神京邈無音耗聽山陽之笛人壽幾何望長安之雲旅居不易計衣帶盈盈蒼兼宛在尋路不迷疾呼可應者獐徨四顧惟我兩人然而桑蔭漸移棋劫屢變足下既非少壯吾亦但未白頭坦坦之懷忽入米鹽僕僕之態無殊簞豆縱復生緣未斷良晤可圖亦

不過旅次崇朝壚頭小敘文園病後已非駟馬之
相如故人重逢剩有一寒之范叔曩時之樂豈可
得哉豈可得哉黃葉盡矣商飈颯然言念東方載
離霜露虞歌在耳昴火一週以足下義均在三想
同此怛如聞貴州人士於海棠祠旁設有廟貌磁
州父老願立崔君之祠青土義民共建樂公之社
知朱邑魂魄必戀桐鄉柳州靈爽爲福羅池已夫
桃李不言而來攀者成徑管絃奚語而赴節者迅
流此必有遺馨剩澤沁入肝脾所云維其有之是

陸文

十一

以似之者也竊謂土木者百年之材而時有舉廢
烟翰者一朝之事而期以千秋故昔之吉石多紀
德之詞今之志乘列名宦之傳或出孔宙之門生
或題范君之故吏吾於春間擬作行狀然子弟稱
其父兄無徵不信又餘愴膺填聞名目瞿事猶有
待情詎能忘若夫蒐事實闡幽微誦鋤莠之老人
訪鞭飭之舊嫗香戢隳括藏之名山此則足下事
耳此誠足下責耳或謂炫乎跡者易名孚以實者
難述黃憲醇德靡得而稱紫芝生平無功可紀是

又不然雞卵甚細見吳起之廉雉媒匪奇採卓茂
之政况彼驂篠兒童握錢耆長豈能課虛無而責
有以知己爲感恩而鑄金如生傳芭式舞意可知
矣嗟呼生爲良吏歿爲明神丈夫之懷抑可無曹
而身名一去悲同秋草則是吾與足下終無可傳
之理也足下得不奮然而興乎落日蒼黃懷人繚
紹伸紙瑣屑不覺冗長漁賓旋里劬學何如夢垣
延之可時聯榻霜初雁晚努力加餐

與汪伯孚書

陸文

十二

伯孚足下秋間辱惠良翰文采爛然情浮於墨向
識其面今見其心把玩喜笑忘飢達旦夫麟少丁
孤露壯益浪遊有八口之養無斗盎之儲有七尺
之軀無半弓之地積悴憂生子誠惠施哉雖然足
下誠愛我耶誠教我耶誠愛我而教我也則區區
之懷不敢自蘊麟聞死生者命也窮達者時也故
富貴爲煙雲之跡邱隴亦朝露之常黔婁雖困至
死豈有餘貧司馬雖憂於生必無毛益昔者有然
今豈忽異麟雖極愚必不以此自桎也決矣夫孔

子聖人也菜色於陳原憲巨儒也鶉衣於魯蘇子
智士也窘於河上莊生瑋才也困於泥中緩急人
之所常有獨鬱鬱以奚爲且麟聞版築賤工也傳
說以之賣漿末賈也呂望以之人奴辱行也百里
奚以之監門下卒也侯生以之淮陰行乞相如洗
器蜀莊賣卜公孫飯牛朱公負薪兒寬都養彼皆
聖賢豪傑瓌譎連犴豈其嗜好異塗湫穢弗覩夫
亦有取爾也夫下里之婦小温而仰藥千金之子
臨辱而強顏何則本餒者標壯內重者外輕也麟

陸文

三

少有失學之恨長無過人之材頗覽曩編慨然嘆
嘆以爲人生如駒過隙形骸一往飄同秋帶痛矣
必將韞奇於當年標異於庶彙達有所以澤物窮
有所以自娛爲非常之人垂不朽之蹟誠不自揣
此志一訂亘古弗渝抑麟又聞五石之瓠雖大匪
材連城之璞不凋非寶此言志者虛也學者實也
是以仲尼大聖品與年劭顏子上知邦必問焉今
設有人孝如申生信如尾士仁如墨翟靜如李昉
辨如張儀智如樗里才如韓非而不學則亦悠悠

之人耳烏睹其不可死哉然渤海非一區之積黍
華非一番之功麟又以惛憊之資加以米鹽之累
十秋從事捫腹枵如茲所以危膝仰梁抽腸擢腎
晝遺其餐宵繼以燭妻子厭之而弗顧庸人怪之
而弗驚無他故也誠知險阻在前溝壑在後恐一
旦壺餐告急嗥爾突來死則志有未寧生則學非
素立儕下流以沒齒何古哲之可援良可懼也若
使學有粗成道有咫獲則擊柝之役厥有聖賢唐
園之養靡妨孝友牛醫馬磨何在非丈夫托足所

陸文

四

哉吾何憂哉吾何憂哉伯孚足下雲乖雨絕若存
若亡乃復有心千里存問敢道陋指慰我故人勉
飾令儀努愛歲月無求鄉里之謗無邀咫尺之名
愉憚咳蘭柔嘉伉儷鐵君在北不及寓書温其伯
玉勞子夢寐蒼林子斐此書同意天寒手瘃不盡
願言

與錢伯玉書

伯玉足下昨冬旋里事同飄雲前聚崇朝奄忽千
里胸中之言隨因巧腐及至繼而又爲空倉別後

卸愁西邁觀濤胥浦圓月如鈎言抵章貢母倚於
閭婦粲於室以視蘇生其樂十倍殘冬雪虐妖鳥
來巢占曰不祥殤其一女獻歲伊始聿來上高城
小子瓶人醜如鬼齋闕左旁有叢祠鼓暮鐘晨
不殊龕佛隙地十丈燦列園蔬皖彼豆花無言覩
影阜英數株初無一葉卮酒祝之肥綠塞窗陰霖
稠複積潦爲池時復臨簷眉髮紺碧人古地幽賓
朋告阻飲噉而外口爲枯晉一榻倚壁壁皆古磚
危坐既久苔生於襪濕雲沉沉有時忽破衆禽哢

陸文

五

日可以悅魂夜則闔戶萬聲來撼非蟲非獸若鳴
若咽碧燐熒牖云出古墳招之談詩長嘯卻退如
是徜徉罔知節序櫻桃在手始觸羈愁北瞻長安
睠彼數子南眺江水懷我故鄉伏思仁兄味古若
敲著書滿家擷花於圃娛其二親酌酒于樽以飶
朋友數巡而往倘念狂生怕怕不歸曷餐曷息嗟
乎伯玉人生卅年謂之一世麟當其數足下過之
鍾鼎事業旣未可期千秋之名於何樹立山川阻
面不阻肺肝脫過來鴻尙其最我

丸熊小記序

誌母訓之緒餘名曰丸熊小記大抵盧牟軼行垂
示方來不資鞏悅之詞惟以勸懲爲主禮無外事
故行富於閨門近則可徵故地偏於鄉鄙昔羊舌
義訓實引夔妻鄒嶧芳規恐沾陋俗麟之薄植於
古人無能爲役而朝夕之冀其揆則同記成以進
吾母母一笑云爾

春鋤叔父重陽風雨圖序

今使偶識春燿之路廬舍遽非未伸遊豈之懷斧

陸文

五

柯已爛則男兒墮地永棄蓬桑吾儕畢生靡踰阡
陌閨闈可以窮年輪楫宜乎不作矣然而入宮不
見聖賢有憂患之占人間可哀神仙作悲愁之曲
風偏不靜月豈常圓若吾春鋤叔父所繪重陽風
雨圖者誠難堪爾時則紅樹短黃葉離離桑落
在御呷而徐興萸芳襲襟把酒獨往雨點漬其半
席風絲飄乎一帆白髮之父負屨而問晞青衫之
弟著屐而崖語闔扉昨夕篷背今宵蟋蟀訴愁芍
藥將怨渺矣江頭之水懷哉嶺背之雲顧竊謂千

里負米事專乎養親四方有志情牽於陟岵蘇生
西駕非無返雒之裝陸賈南行冀羸還鄉之橐况
朝暉夕盟則次丁在旁春月秋花則寧車載路誰
無遠志靡曰銷魂而乃鴻飛八極動成參差之音
竹拔千尋絕少平安之字有夢斯噩無占不凶先
之以墮釵申之以啣索見星未赴看雲又乖予子
行役張目入棺望夫不來銜夢徂地載言載笑黃
泉少此一人我屋我廬白楊栽於四壁是則登高
之酒乃墓門之觴也絮別之夕乃塗泉之會也叔

陸文

十七

父性逾仲寶哀甚蘭成追維曩辰托諸縑素柴門
渺渺舉指而影留波路茫茫迴頭而魄墮啜其泣
矣尙忍言哉嗟乎有室有家何必九原之非樂日
出日沒固知百歲之無多麟書問此悲摧思相解
慰而雍門苦曲華屋沾襟桓山哀音塗人躑躅何
况門戶之痛隱抱其兩三期功之喪身丁其四五
茶能告苦蓼亦言辛詞寄幘端淚承睫上云爾

章水題襟集序

高士題輿之地僊姬寫韻之鄉沙霾赤伏之戈船

雨蝕南唐之宮盃浪走潯陽春愁浩浩鴉唬谷鹿
古恨茫茫則有銀章儒吏阜帽羈人或跽踈於注
官或周章而載贄梁伯鸞之去越未免長謠吳季
仲之在官於何消遣遂乃命儔嘯侶送抱推襟屢
開斫鯉之筵時有烹筍之會蘿翠滴屋鑑人影之
兩三花馨墮懷雜仙心者八九一卷之書夸於濠
梁之樂一豐之酒急於尙書之期聽茶煙冷而談
趣彌深說餅月寒而鉢響忽轉塵雜務汰嘯咏方
滋爰擬題襟都爲一集慨自風雅道歧箏瑟調濫

陸文

十八

凡諸壇坫厥病三端夫張樂洞庭之野笙磬星羅
沿波葱嶺之顛汝泗綺錯故齊韓不必同詰騷雅
靡得合源而或強名祖派墨守宗師奉一先生之
言若二心臣之戒聆東林之鐘嫉稽阮若探熱繪
西江之冊饗分寧以不祧蔗已滓而猶咀羹旣殘
而共啜病之一也標榜以爲名崖隄以樹異豈曰
限年之格何有常資本非職官之書偏拘成數漢
彥則自呼八顧晉哲則俗號七賢阮何之美維雙
徂徠之遊限十貂尾不足必取續材居士後來竟

無坐地病之二也。又或無音不嗣，有韻必廢。金雞唱而石雞鳴，千人謳而萬人和。陳思贈弟，強應徐而亦爲泉明飲酒，怪顏謝之不作，屢失本來之面目。徒奪他人之酒盃，皮陸競巧於前，蘇黃鬪奢於後。病之三也。今則家家崑玉處處隨珠，燥潤各絃而條昶則一豐削詭態而趾豸靡殊。韓非老子未須識面之人，吳札鄭僑或是經過之客。八音在御，韶濩齊鳴，孤響落天，鸞鳳並廢。咸爾盍各無誚雷，同要在疏淪性靈，擺蕩魂魄。古人今人所隔，惟面

陸文

十九

朝禽夕卉，靡遁厥妍。飲兼河朔，故風雲之氣多。客半江東，故齊梁之體豔。數十洲之仙，東方吻燦繪。卅宮之態，毛匠目迷，煥兮爛兮，茂矣美矣。麟書吟，恧雌聲筆，侔雄吃猥，登片石取誚，混珠此如城武小國。一見於會盟，黎邱微風附編於鄒，抑例差殊乎當局。貌匪媼於自妍，諸公高會願弭左韃，右以周旋如僕，其人實稱載斗量而未盡。

送弟燾序

藤篋在門，棠舟在步。黯然千里，子竟行矣。吾與子

竹馬兒嬉之歲，泥車贈別之辰。情同太上，靡得而云。若夫雨雪歲暮，門闌客歸。問姓褰襟，呼燭鑑面。自是厥後，如靳斯驂。嘗因掃墓，同艤小艇。翦蠟疲談，背榻假寐。時則穉葉蘇蘇，而槩軋權謳。嫋嫋兮波涼，鷗夢疑酣。魚目實炯，抗響忽應。握懷互陳，權將來之飛伏，臚門祚之隆汙。明月無言，綠水知狀。於是雀避倉空，雁排隊小。別母贈淚，嘯侶渡江。十日京口之釀，一颿鵲岸之雲。歛簫駭龍，酌酒躍鯉。峯迴雪盡，灘擁年來。樵蘇絕於崇朝，齏粥度此除

陸文

二十

夕。茲何時也。至于盤桓楚館，悽戾越吟。孤檠譚藝，則與爾填篋密席。使酒則助予旗鼓，綿歷歲時。不離膚寸，又復望牛頭之闕。過雞鳴之祠，枕上箏聲。簾邊鏡影，三月住於長干。五夜出於短屋，一寸之心。啣茶而解，蓼一七之食。絕少而分甘，茲又何時也。旣而翠幕終圻，黃土難搏。歧路昧人，太行起面。辭靈古剎，弔影荒波。雪黯黯兮，狼嘯雲憑。憑而鶴怨，鬼狎搏石。鴉妖立檣，膠舟忽解。全家踏破釜之危，壺漿告飢。盡室有吹篪之感，瓠金八口。廡屋三

間所謂頽巢之羽各蜚其天涸轍之鱗相响以沫
此復何時也然而仲宣作楚國之羈人樂廣以衛
郎爲愛壻望衡對宇時招以隻鷄沉李浮瓜每參
乎婪尾藻什屢心而秉燭命駕荃情觸忤而晤言
訴愁蓋英脫蒂而狂飄絮因風而偶聚故予雖被
酒痛哭斫劔悲歌日斜纏賦鵬之憂月落唱棲烏
之曲而屢顧影形慰茲蓬蓽也夫我生以來累更
蕩析能言而後先識關河固宜視破浪如堂坳睇
陟岡爲接踵然宵行之子覩人而喜生怯濟之夫

陸文

三

盼侶而色壯緩急所在吳越開襟况我以懷中之
弱弟爲河上之同心獨奈何言笑晏晏別我於磨
鏡之鄉烟水茫茫送子於攀條之浦乎嗟乎洛陽
壯士沮氣百錢淮上王孫傷心一飯丈夫失路人
事難言脫復不然團欒有日子行矣強飲強食事
父事兄富貴功名吾儕所自有讀書識字生人之
至娛儻遇故人興言賤子爲告以讀爛南華蕭然
齊物也

代內與兩妹書

繼芬繼芸兩賢妹妝次松官來此具道兩賢妹相
念之雅並惠手中各物千里素波芳心如面中夕
感念涕泗橫襟夫姊與賢妹生殊鄉縣長隔里閭
天作良緣得相親傍昔在分寧几無塵雜窗有草
痕換筆臨書凭肩問字吹絨花下弄翦鶯邊葢露
同簪鬢風代整晨覓則整襟不暇宵眠則共枕無
嫌一燈絮語而飢渴都療半闌相去而愁歎頓興
厥後紅絲小宴翠羽移巢歡戚靡常形影不隔乃
至鼓琴鼓瑟妒其狂兄護暖護寒抱我愛女當時

陸文

三

姊妹亦有數家獨我三人七年一日方願在髮爲
沐附足如絲又恐驩馬來迎鸞簫引去每逢歡譁
惆悵因之何期一旦倉皇言別大樹傾巢驚波蕩
鬢對面腸斷背影魂飛摧塌肺肝悲纏行路自是
以來坐如失物寐卽覩容玉尺慵拈象筩告謝爛
茲彩縷是日愁絲煒彼荷囊無非恨橐又况牛衣
風雨圭竇曦娥鷓旦鳴窗蟋蟀在戶每當思以紹
哀愁能召恨何以解憂則有護北可相告語則有
伊人而伊人疎達秉衿磊落植性豈識屑屑米鹽

之味迢迢姊妹之心此姊所以惟恨當餐以淚洗面也伏惟兩賢妹佩管奉母鳴玉節儀鏡月理績則儉以明心臨風度鍼則約而多思我懷曷已無翼能飛會有鯉便欲倩伊人作書道意又恐不能曲盡用自攄陋思言之無文料襞緘之餘定爲一撫耳肅月載屆濱海地寒強食加衣晏興早息千萬珍重珍重千萬不宣

陋室銘 并序

客羈不聊索居尠樂施日布地旱氛煽天

陸文

三

葵筵生熱井水不淒既往且復巡堂屆除躁擾再四仍憇臥室室闢左扉廁踰羅戶旁鑿矩竇豚柵在窗上庾米困下富囁穴積魚一落忽疑漆身土牆四面有類生墻逼近鄰樹人撲厥棗身乃受罵介在灌莽蟲將入室我當其先婢有蟣蝨振衣來就農發馬通闔戶而逃曉未起則日漏驚夢夜坐定則溫風攢膚丹良宵行青蛙暮鼓不疑爲鬼又以爲賊兼之僕指發瘡呼痛

號楚鄰婦失意詛鬼詈神耳交目擊無一佳境古人有此情在惋惜橫生若逢理亦憤苦初誠喟然繼乃大悟吾性惡禪筏非寓懷枯寂德謝顏瓢又愧附庶幾蓋居於斯也有數樂焉陟岵之章母呼予季之楚之遊妻托友生或惓惓大雷之書或渺渺西陵之渡吾則雖占旅次仍筮家人知己贈橘憐我有母獨處對鏡感婦愛予土音迭操而譏姬駭睇握筆有作則小妹詫譽

陸文

二四

此一樂也生孱其軀天靳其力積潦盈尺履砾色變一蟲扶寸繞屋毛豎不知夕桀凡幾數不知鈞石凡幾星身則行坐而外惟有臥床口則謠誦之餘祇解食物而迺何肉庖非從不缺簋鍼縷米鹽罕以類胸盡後盡前儼長弟妹左羹右醬必資僮僕忝以窮民靡殊貴素又一樂也吾毀齋不慧負薪失學祖父之近不知何名鋤里之外不謂有地因思悲莫悲於上古之結繩

苦莫苦於農夫之見字有何辛劬得親煙
素呼几遽之號則古魂可招緬因霄之民
則遠舌若接指所造字積紙可以成賈少
所作文塾師或以訓蒙此又一樂也或者
謂蜚鷁退翔宋非樂土雜縣因風魯匪飢
鄉今日之飽何當於後餓近前之煥靡救
於遠寒子雖欲希庾信之小園據東郭之
環堵徒虛語耳豈可得乎不知鄧通鑄銅
餓紋已露翁子負薪貴微自知劉竣有言

陸文

三五

命有定也春葩綴樹忽沾茵席繁英脫枝
或墮藩籬范縝有言命無定也嘗謂使董
仲舒廢著書之力而力悲愁未必遽致卿
相司馬遷棄筆削之業而業巧宦何能遂
免胥腐而坐失下帷之娛立言之趣吾雖
才謝古人何爲讓二子以古樂乎是故一
榻一几匪龍匪蛇林有皖禽門無雜侶松
烟不吝而供我鈔書簪溜忽滴則取以滋
研平原短椽佐公茅屋數厥殘典伸此幽

襟蓋不知背鄉之爲苦而危坐之弗怡也
乃銘陋室如謳盤阿其銘曰

草窈以深垣繚以墨在屋東偏瞰城一闕誰歎寄
此日幽憂客此旣陋儒彼亦陋室惟室之中尊稚
融融無勃谿語無掉磬容惟室之外蔓草百叢地
高于牖人弱于蟲床枕筐曲雜近蠹編目限天地
胸橫山川時食而食時眠而眠謂是我室非我不
廉穹房洞宇謝我大賢

陸文

三六



舟

齋

集



序

道光間有以文學名都下者曰平定張石州先生其為人豪放明銳極深研幾於經通孔氏微言大義精訓詁象籀於史通天文算術及地理之學議論穿穴今昔鎔冶四庫百氏颯舉泉涌座客率稱舌不得語海內名儒咸想望風采躡屣納刺戟酒問奇者幾無虛日顧石州不自撓屈有以所著書或詩古文辭進慕無問其人位望有不可於意即指疵類口齟齬辨折角陷堅不遺餘力以是慕名而來者或稍稍引去然其於學深博無涯岸遇奇士雖素出己下輒折節推之旌德呂文節侍郎嘗言爲文不經石州河斥訂正未可示人晉江陳道南給事直聲震天下獨俯首石州曰令斯人著解豈冠樹立過吾輩遠甚語云不知其人視其友石州之沒知與不知皆爲嘆惜豈無自而然哉余於石州同鄉姻戚也交最深且忝一日之長故知石州事最詳石州少孤依母黨莫寶齋先生居卽喜觀儒先學案諸書言之甚悉及長程春海司農許其得漢學淵源既

身齋文集

序

山西省文獻委員會印

而司農見其所爲文驚曰東京崔蔡之匹也蓋其學不專主一家而皆能得其精詣涉歷世故益講求經世之學於兵制農政水利海運錢法尤所究心然性剛負氣鋒穎逼人世方貴圓孰軟美欲矯之以厲俗或微諷之不恤也既以優行貢成均待銓知縣歲已亥應順天鄉試攜瓶酒入監搜者呵曰去酒石州輒飲盡而揮棄其餘滌盥者怒命悉索之破筆視毀衣被無所得石州捫腹曰是中便便經筵若輩豈能搜耶監者益怒乃撫筆囊中片紙有字一行讀曰此懷挾也送刑部讞自其枉然竟坐擯斥不復得應試於是僑居宣武城南閉戶著書益肆力於古阮文達公見其撰述歎爲天下奇作夫以石州之才百未一試用微告斥終身不振年不及下壽子又天其遇極古今之窮誠可哀已說者多以石州比柳子厚其因擯斥而研精文學則同然石州使氣忤時貴乃君子之過轉不獲如子厚之出守遠郡得稍試於治民其所遇不更酷哉子厚身後得裴觀察爲營歸葬之資文集則編於劉賓客其得大著於世則以昌黎韓子實

表章之也今石州之歸葬亦賴同人襄助其遺稿則屬之何子貞太史及何顯

船比部顯船既撰石州墓志復爲補輯北魏延昌地形志蒙古游牧記二書成帙又以子貞檢出之詩文雜稿屬其門人吳子肅子迪昆季哀輯繕寫諸君子綴緝之勤誠不減劉賓客之高義其表章之力抑豈出昌黎下哉石州於余兼直諒多聞之益其沒也余方奉使甘肅不及見心常歉然以刊布遺書爲己任而時勢艱難友朋聚散久之未就今距石州之沒已十閱寒暑幸賴諸賢克篤風義相與有成而余亦遂得醮金付梓以踐宿諾謂非衰年之一快也歟然迴憶與石州銜杯酒論古今析疑辨難聲情如昨又不覺淚潸然下也地形游牧二書余既序之其文集先刊就復爲縷述其生平以質世之知石州者咸豐八年歲在戊午八月壽陽補齋藻序

身齋文集

序

山西省文獻委員會印

序

平定張石州先生博學君子也旅食京華二十餘載生平沈酣典籍摘英擷華發爲詩古文辭雄深奇肆迴絕流輩又工於草隸每書所作世人識與不識皆爭寶藏之道光己酉冬先生歿於京師諸故人檢視遺篋得所著書曰魏延昌地形志蒙古游牧記者皆未削釐以屬余編次其詩文雜著甚多強半塗乙叢殘乞何子貞編修爲勘定編修旋以艱歸歲壬子復出卽視學四川於先生稿未遑點勘併以示余次年余赴安徽幕府將出都揣地形志游牧記二稿於行篋其詩文稿則以付先生弟子吳子肅子迪昆仲嗣余以省親還閩越數載復至都門則子肅昆仲已取殘帙斷紙排比迨勝復請子貞刪定勒成文集八卷詩集四卷乞余序之余惟先生篤志儒先淹貫四部當世名流咸相傾挹葉者旌德呂文節公推先生爲直諫多聞之友且爲余言石州學經似賈長頭攷史似劉子元譚地理似顧善長王伯厚論治體似陸敬輿自居易行誼卓絕文詞

烏齋文集

序

三

山西省文獻委員會印

瑰偉則似蕭穎士徐仲車此非阿其所好蓋天下之公言也或疑先生年未逾五十詩文非出己意別擇慮其中或有未定之稿與夫偶然涉筆不欲自存之作今哀而刻之恐不足以盡先生之長余曰先生著述宏富身後散佚頗多謂不足盡其長似也而疑此集之不必刊行則非也夫昔之文人若曹子建謝康樂柳子厚蘇子美輩年皆不及中壽而詩文卓然名家千古不朽其爲壽也大矣集之名始於東漢而盛於齊梁今所傳屈宋馬班諸集皆後人纂成不必其手自編次奚獨疑於先生之集哉且先生一介寒士而以流通古籍揚扈前賢自任其於師友著述表章尤不遺餘力若俞氏理初沈氏子敦皆同志之友先生嘗鈔其所著癸巳存稿落颺樓稿藏篋中及其人殂謝後悉爲謀諸有力者校刊傳世又程春海侍郎爲生平知己莫寶齋司農爲婚姻尊行二公勝流顯宦賓客盈門而身沒以後詩文奏議零落殆盡先生百計搜羅付之剞劂其爲於風義如此今先生是集亦賴友朋弟子拮据成編而又得壽陽祁相國爲之

醴金開雕先生九原有知亦可稍慰生平坎壈之志矣豈非特具識鑒取友必端報施之理良非偶然哉至其地形志游牧記二書余爲補綴繕錄別有記敘茲不復贅云光澤何秋濤謹序

烏齋文集

序

四

山西省文獻委員會印

序

昔人嘗謂才人文士少達而多窮理誠有之然或窮於祿位而達於名稱或窮於生前而達於沒後一得一失孰與孰奪有莫知其所以然者夫使才人文士而豫知其不達將必斂手投筆莫敢有作抑使碌碌無奇享庸人之福者豫知身後之名必不能與才人文士爭烈也又且將媿歎歎焉然而趨於彼者既役役而莫知自返而博學好修之士亦必使精神才力悉做於殘編斷簡之中至於困厄摧折而終不自悔其性然與其造物者有所斟酌損益於其間而使之各不自覺與竊於先師身齊居士有深慨焉師少負不羈之才兀岸豪縱有不可一世之概稍長博覽多識益鬱其英氣發為文章望之者咸料其將決巍科登臺閣也顧乃偃蹇淪落旅食有年卒且遭誣謗被屢抑一蹶而不能復起噫亦可謂窮矣而師之學與識乃因以益進既已息意仕宦閉戶讀書百家之學無不洞其原委尤長於輿地小學異域山川瞭若指掌諸經說同異有問難

身齋文集

序

五

山西省文獻委員會印

處識敬兄弟數面後即許列為弟子且召子迪躬自督教之請業質疑斯夕無間偶妄有所作輒蒙過許以為有可造就二年中非惟冠婚喪祭之事賴師營庀即子迪之日用瑣屑一衣一飯之間亦皆禮念周至不啻子弟噫追憶吾師相待之厚今日之所得盡力者僅此簿校編訂之勤不自禁其感媿涕零也尙何言哉師既久不得志以姻戚鄉里特蒙壽陽相國程學周贈情誼甚篤丁未戊申以後親舊之士如程春海侍郎俞理初孝廉沈子惇先生徐星伯太守並已前逝陳頌南侍御蘇展堂給諫趙伯厚贊善許印林廣文又先後出都所與此鄰款洽者惟子貞世之而深敬服細丈之為人其推許樸學則願船先生為最今師歿將十年而畢生精力所注萃賴此數君以傳於世豈師之生前固已逆料及此邪抑亦氣誼之相投有不期而自合者也詩文集刊既竣遊牧記地形志亦可於數月畢事敬既喜於觀成且感諸君之厚誼以子迪前序於刊刻緣起有未及詳也復為識之至於師沒世之後為達為窮不敢定論留以待後

身齋文集

序

六

山西省文獻委員會印

者應答如流文字之交徧海內詩酒之會冠京師世之所謂窮達者固已漠然置之天不降年年四十餘嗣續未立遂抱瘵疾不起凡平日所著書多未竟業倉卒間諸友人取殘稿數十卷存以待梓餘並不可復檢悲夫何其窮之至於斯乎師既歿所著書稿輒轉歸於子貞世丈及願船先生處越三年詩文雜稿始歸余兄弟餘悉為願船先生攜出都又越四年丁巳季春貞丈入再都聞詩

文稿編成已久與緬芸世丈議始有刊行之志因商之壽陽相國遂釀金鳩工又越四月願船先生由岡北上攜師所撰蒙古遊牧記延昌地形志及說文屬並殘稿數種浮舟於洪波海霧中行李盡棄獨與書俱達時貞丈尙未去方圖覓身齋遺書聞其已至相與歡慰以為殆從天而降也游牧記末四卷尙未排比地形志夏州以後未得草稿皆賴願船先生編校綴緝約略完善與詩文集可相繼付梓師之精心卓詣未墜於地後學之士得有所尋繹沾丐焉嗇於位而豐於名屈於前而伸於後固曰事之適然要亦理之不爽也師初於吾舅氏

公祭歸謹識

學之自辨云咸豐八年戊午季春五日上巳門人吳履敬赴慈仁寺身齋祠堂

烏齋文集目錄

卷一 經說 附 雜考二篇

交法之謂坤解

舜典王肅注攷

二十二人解

俞昆虛異同攷

尤征序義

洪奧正義糾謬

隰則有泮解

青衿城闕解

正月瞻烏義

淮有三洲考

烏齋文集 目錄

上帝甚蹈義答趙伯厚

剪商解

釋媒氏文爭義

瓦屋考

魯勤解

成卽古稱字說

棧字說

沾沁疑義 附

陽冰說答祁叔穎尙書 附

卷二 論 附 雜後一篇 紀事 頌 贊 銘 壽序

楚論

海程善後宜重守令論

山西省文獻委員會印

弗夷貿易章程書後

俄羅斯事補輯

資敬延祺頌 并序

潛丘像贊

宋紫端研銘

太平有象研銘

方牧夫先生壽序

許肅齋先生壽序

外姑劉太宜人壽序

卷三 書 序 附 書後一篇 卷中續得稿補刻 題詞

復謝阮雲臺相國書

與祁叔穎樞密書

烏齋文集 目錄

與陳頌南先生書

復徐松庵中丞書

與徐仲升制軍書

與直隸某方伯書

西域釋地序

說文解字句讀序

程侍郎遺集初編序

使黔艸序

漢石例序

落颺樓文稿序

笑已存稿序

重刻元遺山先生集序

山西省文獻委員會印

重刻吳才老韻補緣起

書蒙古源流後

校正元聖武親征錄序

蒙古遊牧記自序

魏延昌地形志自序

鏡鏡吟疑題詞

元朝秘史譯文鈔本題詞

亭林年譜題詞

潛邱年譜題詞

卷四 跋 附記一篇

沈果堂鈔尙書古文疏證五本跋

書吳侍御奏稿後

烏齋文集 目錄

三

山西省文獻委員會印

少谷山人尺牘跋

廣洗心詩跋

黃忠端與壽柘田尺牘跋

跋富川令秦公徇忠遺筆

漁洋草稿跋

黃孝子萬里尋親圖記

毓季子白盤文跋

竟甯雁足鐙銘跋

鄒君開通袁余道題字跋

百石卒史孔和碑跋

延熹封龍山碑跋

青主先生手評曹全碑跋

舊拓孔褒碑釋文并跋

魏張黑女墓志跋尾

北齊李清徽德像碑跋

舊拓醴泉銘跋

明拓李思訓碑跋

宋拓張史尙書省郎官石記跋

宋拓柳誠懸書左神策軍紀聖德碑跋

卷五 碑銘 墓志銘 傳 行述

齊勇毅公神道碑銘 并序

栗恭勤公墓志銘

祁恭恪公墓志銘

外舅趙君墓志銘

烏齋文集 目錄

四

山西省文獻委員會印

揀選知縣李君墓志銘

高要蘇封君家傳

齊勇毅公家傳

顯考曉泚府君暨顯妣王宜人李宜人行述

先兄補庵府君行述

卷六 祭文 哀詞

亭林先生祠落成公祭文

亭林先生生日公祭文

公祭栗恭勤公文

公祭祁恭恪公文

公祭蘇封翁文

祭任太素先生文

祭伯兄文

祭三兄文

靜濤張君哀詞

卷七 事略

會粹莫公事略

卷八 事輯 附碑銘一篇 墓志銘一篇

先大父泗州府君事輯

曉游張君碑銘 并序 任賀淳撰原附

補庵張君墓志銘 李日茂撰原附

補遺 序一篇 刻後始得此稿 故附入三卷之末

王會篇箋釋序

烏齋文集 目錄

五

山西省文獻委員會印

文集卷一

山右叢書初編

平定張穆

經說附雜考二篇

爻法之謂坤解

效法之謂坤正義以前本效法皆作爻法釋文出爻法注云蜀才作效蜀才世傳爲王弼後人馬融不改字而訓效爲放釋上放義同效是王學所從出韓康伯注效坤之法其義與蜀才同則由明王學耳案爻也者效天下之動者也效字自是爻字確詰然以效訓爻則可以效改爻則不可知者易卦之象乾盡之易象之變坤盡之通其變遂成天地之爻本原三百八十四爻立而乾坤之蘊盡焉易蘊不外乾坤乾坤之用妙於坎離坎高成既濟定易無餘事矣是故爻法之謂坤者所謂兩地而倚數也周流六虛八卦成列所謂爻法也下章聖人有以見天下之隨而擬諸其形容象其物宜是故謂之象申言成象之謂乾也聖

鳥齋文集

卷一

山西省文獻委員會印

人有以見天下之動而觀其會通以行其典禮繫辭焉以斷其吉凶是故謂之爻申言爻法之謂坤也改爻爲效其義淺陋繫辭之本情不如是矣

舜典王肅注攷

舜典傳王肅注也今以陸氏釋文攷之亦不盡合按釋文上帝王云天也今傳云遂以攝告天及五帝則是以上爲天以帝爲五帝與王不同禮音因王云繫祀也馬云精意以享也今傳云精意以享謂之禋輯五瑞王訓合馬訓斂今傳亦訓斂同律度王云律六律也馬云法也今傳云法制則是多取馬訓藝祖傳云藝文也馬王云禘也則皆不合教胄子王云胄子國子也馬云胄長也教長天下之子弟今傳云胄長也謂元子以下至卿大夫子弟以歌詩蹈之舞之教長國子中和祇庸孝友則是雜聚二義以成文又橋飲下釋文云衆家經文並盡此惟王注本下更有汨作九共故亦作古陸氏校文四字今本亦無此六字案陸氏序錄云元帝時豫章內史枚瓚奏上孔傳古文尙書亡舜典一篇購不

能得乃取王肅注從慎徵五典以下分爲舜典篇以續之後范甯變爲今文集

注俗間或取舜典以續孔氏又臧氏琳云姚方輿僞造孔傳齊朝未嘗行用至隨初購求遺典劉炫復以姚書上之并於姚書協于帝下又撰潛哲文明淵恭允塞元德升聞乃命以位十六字及孔傳然則今本之仍題孔氏傳者乃劉炫所改其注雖仍取王肅然一亂於范甯再亂於姚方輿三亂於劉炫故雜糅不一而亦非王肅之舊也

二十二入解

舜咨二十有二人鄭康成曰十二牧禹垂益伯夷夔龍及所伯與朱虎熊羆十二人皆月正元日格于文祖所敕命馬融曰稷契皋陶皆居官久有成功但述而美之無所復救禹及垂以下皆初命凡六人與上十二牧四岳凡二十二入謹案康成數及所伯與諸人而不數稷契皋陶既嫌輕重失倫且及所當爲二人而康成誤合爲一知皆非也馬融數稷契皋陶兼數四岳於情事合矣但

鳥齋文集

卷一

山西省文獻委員會印

未分析著之則九官十二牧四岳合之得二十五人浮於所咨者三人抑又何也蓋嘗反復攷之而知禹稷等九人中當有兼四岳者三人其四岳一人蓋彭祖也大戴禮五帝德云堯舉舜彭祖而任之史記五帝本紀云禹皋陶契后稷伯夷夔龍垂益彭祖自堯時而皆舉用未有分職舜命九人而不及彭祖則彭祖惟爲四岳不兼他官可知矣國語共之從孫四岳佐禹祚四岳國分爲侯伯賜姓曰姜氏曰有呂則伯夷者堯時爲四岳舜命爲秩宗仍兼岳也鄭以崇伯鯀爲堯時八伯禹嗣崇伯周書亦稱崇禹其宅百揆而仍兼岳如周公爲太宰仍分陝也大傳紀孔子曰昔者舜左禹右皋陶則皋陶爲右相仍兼岳也

昆侖虛異同攷

古今之說昆侖者五于闐也肅州也大荒也青海也西藏岡底斯也于闐之說肇自漢武史記大宛列傳曰張騫使西域還爲天子言于闐之西水皆西流注西海其東則東流注鹽澤鹽澤潛行地下其南則河源出焉多玉石鹽澤去長

鳥齋文集

也此三寶者又非王之有也然則道亦有出
五之昆山在其境內但非枚氏所及知耳

三

夫山經所志有玉之山所在皆是

安可五千里其後寤死漢使窮河源出于崑其山多玉石采來天子按古
圖書名河所出山曰崑命云按鹽澤即漢書所云蒲昌海山海經所云渤澤于
實東流之水為今塔里木河東至哈喇沙爾城東南入於羅卜淖爾即鹽澤也
水既入淖爾潛行地下又東南千五百餘里至青海巴顏哈喇山麓伏流始出
寤所謂河源也武帝按古圖書名于崑山曰崑命其山蜿蜒磅礴直抵衛藏古
圖書之言本無差謬特不可遂以于崑山為崑命耳或者以崑命出玉意惟于
實足以當之原武帝初意不過因寤言河源地多玉石故發使探玉產何地以
決河源所在非以有玉無玉斷其是崑命非崑命也且此論瓶自張騫非古圖
書所有爾雅中下二篇多後人附益見爾雅序九府章曰西北方之美者有昆
命虛之璆琳琅玕焉此產玉之說始見於傳記者也淮南子因之采其文入墜
形訓晉代偽允征因之曰火炎昆岡玉石俱焚并錄其辭於古經而崑命產玉
之說深入人心矣戰國策蘇秦為齊上書說趙王曰今魯甸注禁常山而守三
百里通於燕之庸山吾此代馬胡駒不東而昆山之玉不出

鳥齋文集

卷一

四

及嵩茂地方萬有餘里彼謂崑命在其國西南原非妄語而君卿據之以說昆
命則誤何者君卿所據者命使往來之吐谷渾也是即劉元鼎紫山之說耳唐
書吐蕃傳曰河之上流由洪濟梁西南行二千里水益狹其南三百里三山中
高而四下曰紫山古所謂崑命者也彼曰闕磨黎山按洪濟梁在今河州之西
北唐積石軍地也紫山今庫爾坤山巴顏哈喇山阿克塔塔山巴爾布
哈山三山並峙總名庫爾坤山元鼎特
窮極青海之境而止元人近指大雪山為崑命則更在紫山東南千餘里矣大
山番名亦耳麻不莫喇今名阿本奈瑪夫以崑命為在吐蕃蓋自古及唐始有
地名可稽惜又為元鼎諸人所誑異說滋繁戰氏震水地然張騫稱鹽澤潛行
記亦仍此誤

分二支一支直東趨為張騫所稱南山一支過和闐西北趨環二千里統名葱
嶺蔥嶺又東趨為天山互回西北至巴里坤而止以其與崑命同體故即假崑
命之名名酒泉南山特用以證禹貢則外知者酒泉郡乃漢武所置若崑命主
山實在此郡豈有舍其域中別指于寤者哉則所謂崑命在肅州者不足辨也
漢書律曆志曰黃帝使冷綸自大夏之西崑命之陰取竹之解谷水經注引外
國圖云從大晉國正西七萬里得崑命之虛此大荒崑命之說也按張華博物
志曰張騫度西海至大秦國西海之濱有小崑命殆即班固之所謂崑命矣然
曰小崑命別乎大崑命而言也華雖未實指大崑命之方要亦不以此當河出
之山爾雅曰三成爲崑命邱善長曰東海方丈亦有崑命之稱海外尤多大山
名曰崑命何不可者而脈水尋原自有主名後人求其山不得乃推而遠之太
荒之外此又不足深辨者也外之崑命河源紀略已詳辨之茲不及杜君卿云
吐蕃自云崑命山在其國中西南河之所出也夫唐代吐蕃之境北際松涼南

里直青海西南五千五百餘里其山四支北出者曰僧格略巴布山與和闐之
 尼莽依山南北聯岡尼莽依水經注所謂仇摩置也黃河初源實出於此綜而
 論之漢武名于崑崙山為崑崙已確知崑崙之在西南吐蕃自言崑崙在其國西
 南已確知在崑崙今衛藏而藏地自古不隸版圖漢唐命使無至其域者故沈
 疆湮鬱以至今耳康熙間繪定西藏

聖祖仁皇帝論謂岡底斯為衆山水之根於是地志家轉相鈎致崑崙真山始
 軒露於世太史公譏張騫等烏覩所謂崑崙洵哉其未之視也詳見徐氏西或曰
 古稱崑崙皆主西北故溝洫志載齊人延年之言曰河出崑崙經中國注勃海
 是其地勢西北高而東南下也云云今岡底斯遠在西南得無與古說戾歟曰
 禹貢叙崑崙而不言為河所自出禹本紀言河出崑崙而不詳其山在何方延
 年上書在漢武末年大約為西北之說者皆既窮河源之後之論也爾雅山南
 說文解 彼見武帝指于崑崙為崑崙于崑崙在西域南西域在中國西北故紛紛

鳥齊文集 卷一 五 山西省文獻委員會印

云爾也然古說崑崙在西南者其徵亦有二一徵之史記封禪書書曰濟南人
 公玉帶上黃帝時明堂圖明堂圖中有一殿四面無壁以茅蓋通水閣宮牆為
 複道上有樓從西南入命曰崑崙天子從之入以拜祀上帝焉陸賈稱黃帝巡
 遊四海登崑崙山起宮室於其上夫惟實至崑崙非方定位故明堂西南之門
 命曰崑崙也黃帝正名百物必不誣矣一徵之穆天子傳傳曰傳中地里有崑崙
 之戊寅天子西征驚行至於陽紆之山河伯無夷之所都居是謂河宗氏河宗
 柏天逆天子燕然之山癸丑大朝於燕然之山河水之阿陽紆者周禮職方氏
 今山吹之交而地顯近北或據爾雅謂在右扶風游縣及洛南高注謂地
 近華陰在今陝州郃陽縣者非也何以明之以下文河宗及燕然之山按之史
 記趙世家正義曰河宗在河門之上流也燕然之山即班固為西漢縣地其功
 州今鄂爾多斯右翼後旗黃河而流處也燕然之山即班固為西漢縣地其功
 之由崑崙字記曰在張武軍金河縣近嶺金河故城在今歸化城而水經注於傳
 文前後皆不加察河水開端即引此傳以證河宗所出之陽紆陵門而斥高
 注之非謂其目即其所引兩子禹治洪水具時陽紆之文證之且陽紆乃治水
 之始事禹治水始於崑崙曰既載崑崙口壺口龍門上口在今吉州西有陽紆龍
 門界崑崙也蓋循河而北出塞及大漠之積矣已未大朝於黃之山柏天

乃乘渠黃之乘為天子先以極西土乙丑西濟河爰有溫谷樂都河宗氏之所
 游居丙寅用申八駿之乘以飲於枝詩之中積石之南河乙丑上距已未七日
 濟河越河關而南也黃山山海經郭注曰始平槐里縣有黃山與今西安
 疑即古所謂黃河九曲之地也極西土乙丑西濟河爰有溫谷樂都河宗氏之所
 南征矣丁巳西南升或引此傳證于崑崙之說於此句列去南則由今西安出河州渡河而西
 戊午遂宿於崑崙之阿赤水之陽辛酉升崑崙之邱以觀黃帝之宮而封豐隆
 之葬計自乙丑濟河至戊午始宿崑崙之阿凡五十四日此五十四日之中高
 策八駿日行百里已不下五千餘里南河七日釋準之或者穆王當日真至
 今之衛藏故水經注於引釋氏西域記阿爾達大山下復引此傳證之曰即阿
 穆達宮也要之積石已在西南更由積石而西南行傳又曰自河首崑崙山以西
 邱則傳所謂崑崙者必非肅州青海和闐亦無緣途抵大荒之外章章矣胡東
 樵疑崑崙有二一在西南為黃河之所出一在西北為弱水之所環不知弱水

鳥齊文集 卷一 六 山西省文獻委員會印

之所環者即班志所稱崑崙崑崙山祠馬岌所稱酒泉南山也二而一者也
 又按禹貢以崑崙與析支渠搜並舉古析支地在今青海和碩特前頭旗南左
 翼中旗土爾扈特南前旗及審漢諾門罕喇嘛游牧處渠搜在今蘭州北長城
 外河套地準以禹貢涼州之域渠搜在涼州西北析支在涼州西南崑崙又在
 析支西南在禹貢統為西戎矣則康成謂禹貢崑崙圖非河所出者又非也夫
 使禹時崑崙之名已多岐互豈應於河源大山反味標識哉
 允征序義
 夏本紀帝中康時羲和漸淫廢時亂日允征之作允征書序同案羲和世掌天
 官分布其官屬子姓於四方以實測治亂敬授民時廢時亂日蓋置閏僭忒寒
 暑易序及日辰星紀乖離紊次之流其人本屬王官隸在京師營於酒德不共
 厥職黜退之可也誅殛之可也漸淫非叛逆之比何至以師臨之且羲和氏
 自堯舜以來未嘗命為侯伯享有國土今往征之將極之何所反復推之兩征

字蓋本只作正允往正之者往嶠鉞南交柳谷幽都之地更事推筭辨其星土
物候以正當時治麻失理而董之爲授時出政本也而允征之書亦卽小正之
倫與堯典相爲表裏左傳襄十四年師曠引夏書曰適人以木鐸徇於路官師
相規工執藝事以諫此十八字或真卽出於允正釋下文師曠曰正月孟春於
是乎有之語意則正月孟春不止此一條可知其篇例亦分月紀事如小正可
知然則允正乃夏之大正歟漢儒旣以無師說亡其篇僞孔習爲誓誥之詞改
正爲征以便其狂誕之言而不思其事爲理所必無也書序史記諸征字皆後
人從僞孔改之裴駟集解卽引安國傳爲說可證也

孔冲遠堯典正義謂康成注禹貢引允征云厥隄元黃昭我周王案郭璞注爾
雅釋詁引見也引逸書曰劍我周王劍昭音同蓋卽此文更以孟子論湯武事
證之知康成斥爲允征必是誤記蓋周王之周可以比傳於忠信爲周之義而
大邑周之稱則非岐周莫屬既大邑周爲岐周則周王必非夏王甚明故趙邵
鳥齋文集卷一 七 山西省文獻委員會印

卿直斷東征爲道周武王伐紂時事而許君說文亡部匪字下引實元黃于匪
亦明著曰逸周書也趙許皆與康成同時其說符於孟子學者所當取信矣

淇奧正義糾謬

太史公曰載籍極博猶考信於六藝此史公讀書之法亦千古讀書之法也乃
如衛康叔世家史公誤取禱書職周宣王四十二年蔡侯卒太子共伯餘立爲
君共伯弟和有寵於蔡侯多予之賂和以其賂賂士以襲攻共伯於墓上共伯
入蔡侯羨自殺衛人因立和爲衛侯是爲武公是說也但折衷於柏舟之詩而
其妄立破此爲作正義者言也何者古者子事父母總拂髦親沒則不髦故旣
夕禮云旣殯主人脫髦喪大記云小斂主人脫髦今此詩兩言髦彼兩髦則共
伯卒於蔡侯之前甚明正義曰武公立五十五年楚語云昔衛武公年九十有
五矣猶箴傲於國則未必有死年九十五以後也則武公卽位四十二以上
共伯是其兄則又長矣是已明知世家之說與小序蚤死之義不符舍史記而

從小序可也乃曲爲之說曰謂蚤死不得爲君不必年幼又曰其妻蓋少猶可
以嫁許怪其作繭自縛執而不通乖折衷六藝之義按本毛詩注疏考證臣光
年卒於平王十三年在位五十五年其立之年已四十餘歲矣其伯爲武公
兄既云早死則其死之年僣侯猶在故魯若兩髦非旣葬去髦後追本而言
也孔疏信史記及後讀淇奧正義乃悟孔氏諸人曲護衛世家之說凡以媚其
時君也按詩序淇奧美武公之德也正義曰世家云武公以其賂賂士以襲攻
共伯而殺兄篡國得爲美者美其逆取順守德流於民故美之齊桓晉文皆篡
弑而立終建大功亦皆類也是分明有建元吉之獄在其胸中求之古書適
有此誣罔之史與之相應因不惜曲筆深文以遂其非聖達君之惡不然適取
順守之意豈宜加諸淇奧之詩齊桓晉文之事豈可以例武公之聖哉尤異者

淇之詩曰士之耽兮猶可說也鄭箋云士有百行可以功過相除是言也與篡
立之事初無干涉而正義無端扯入曰齊桓晉文皆殺親賊篡國而立終能建
立高勳於周世是以功除過也隱欲滅雪其君之惡詎有是言乎且所謂欲蓋
鳥齋文集卷一 八 山西省文獻委員會印

彌彰也觀此而淇奧正義之專爲太宗而發益信曲學阿世禍流宗社作此疏
者可謂無忌憚之極矣是用昌言排之

隰則有泮解

氓首章曰送子涉淇至于頓邱末章曰淇則有岸隰則有泮按此詩首
末皆指洪水發興頓邱既屬地名不應末章獨取阪下泮之濕以立言而泮無
所斥洪水出河內共北山東至黎陽入河黎陽今濬縣地頓邱在淇水南今大
名府清豐縣西南二十五里漢頓邱縣地也竊意隰當作濕濕古泮字大河之
支流禹斷二渠深其一水出東郡東武陽武陽故城在今曹州府朝城縣東南
縣名武陽者水經注云泮水戴延之謂之武水水北曰陽故名頓邱在淇南泮
在淇北南北相望百數十里遙耳尋此詩致誤之由緣後人改濕爲泮泮以濕
爲燥溼字溼則有泮嫌於不詞轉改作隰在秋漢公八年鄭人隰隰公于
隰本作隰後漢從水讀如不知上平曰隰下平曰隰公羊其爲廣衍之區則一

濕則有泮於義荒矣故知濕為濕之譌也

和叔顯侍郎曰詩例以山與濕對舉
限相對成文者此類其明

青衿城闕解

小序子衿刺學校廢也亂世則學校不修焉夫學校廢則士荒於嬉事有固然
然何為必在城闕也按說文闕門觀也闕缺也古者城闕其南方謂之闕以其
鑿乎城而言則曰闕繫乎城上之臺觀而言則曰闕蓋蓋相因公羊定十二年
何休注云天子周城諸侯軒城軒城者闕南面以受過也然則城闕乃鄭國宮
城之闕耳知者環郭之城四面皆有門不得僅闕南方一面也惟何休強為天
子諸侯分別其制則大不然諸侯之城既闕其南面矣豈有天子反實周四面
不留一門以通出入乎故宮城闕其南面天子諸侯制從同同秋官朝士注王
與今之宮門同其有關於學校何也禮王制曰小學在公宮南之左又下文養
庶老于下庠左學養國老于東序東膠鄭注曰下庠左學小學也在國中王宮

鳥齋文集 卷一

九

山西省文獻委員會印

之西東序東膠大學也在國中王宮之東公宮王宮皆指宮政而言以故王太

子王子羣后之太子卿大夫元士之適子國之俊秀得皆就學於此

左以三德三行教國子凡國之貴游子弟學
焉注虎門路門也王日視朝於此門學校廢而士無常業惟見挑達往

來於城闕而已然此猶初廢未全廢之時也故詩人思之曰一日不見如三秋

分浸假乘簡贈藥在城闕者且游衍於溱洧之上而鄭之學校乃真廢矣難曰

是則信矣傳云乘城而見闕箋云但好登高以候望為樂何也曰爾雅釋宮觀

謂之闕觀有臺謂之觀臺分至啓閉太史登以照雲物祿祥者也以其距學近

而往來便故廢學之人得時乘城而候望焉正義不達古制乃曰闕是人君宮

門非城所有城之上別有高闕非宮闕也析一事而二之語殊不瞭是於毛鄭

之義尙未會通也

正月瞻鳥義

小雅節南山不自為政卒勞百姓箋云昊天不自出政教則終窮苦百姓欲使

昊天出圖書有所授命民乃得安斯諫也乃兩京大儒相授之微言正義謂圖

書者即中候說堯舜及周公所授河圖洛書是也王肅難鄭劫之曰禮人臣不

顯諫諫猶不顯况欲使天更授命詩皆獻之於君以為箴規包藏禍心臣子大

罪况公言之乎王基康成弟子也理之曰臣子不顯諫者謂君父失德尙微先

將順風喻若乃暴亂將至危殆當披露下情伏死而諫焉得風議而已哉是以

西伯戡黎祖伊奔告於王曰天已訖我殷命古之賢者切諫如此幽王無道將

滅京周百姓怨王欲天有授命此文陳下民疾苦之言曲以感悟此正與祖伊

諫同皆忠臣殷勤之義何謂非人臣宜言哉肅不識尙書祖伊之言而怪家父

邪穆案伯與之論諫矣然古人立言類稱天命以警戒人君所謂善則得之不

善則失之著於詩書者其文蓋不一而足而正月瞻鳥爰止于誰之屋二語尤

深切著明惜傳箋皆未見及耳蓋鳥者周家受命之祥也春秋繁露同類相動

篇引尙書傳言周將興之時有大赤鳥銜穀之種而集王屋之上者武王喜諸

鳥齋文集 卷一

十

山西省文獻委員會印

大夫皆喜周公曰茂哉茂哉天之見此以勸之也恐特之思文箋曰武王渡孟

津白魚躍入王舟出涘以燎後五日火流為鳥五至以穀俱來此謂遺我來牟

凡此皆古文泰誓之言周之臣民所相傳以熟者至於幽王之時天變屢見譌

言朋興大命將墜故詩人憂之曰昔我先王受命之赤鳥我瞻四方不知將復

止於誰之屋以著天心不變周宗將滅也其意亦即康成昊天出圖書有所授

命之義而即用本朝之事以明之為詞尤迫天命不私一姓古之恒言豈若邪

臣媚子面諛是工諱盜賊不言諱水旱不奏坐視其君之陪危而不顧者哉何

後世王肅之紛紛也

淮有三洲攷

三洲箋疏皆無明文傳曰淮上地亦約略言之按三者數之成也凡一二之所

不能盡者則約以三概詞也水中可居曰洲淮上之洲不一曰三虛數也幽王

流連淮水之上自春秋既非一時此箋本則沂流上下亦必非一地殆如揚

帝錦帆隨所沿歷矣三洲今亦不能確指其地然厓略尚粗具於爾雅及水經

注有可考者爾雅釋邱淮南有州黎邱注今在壽春縣其曰有州黎邱者釋邱

句焉明此黎邱乃水中之洲與黎陽之黎邱不同見呂氏春秋邢昺以州黎二字連

文殊為不辭壽春今鳳陽府壽州地也水經淮水篇注淮水又東為安風津水

南有城故安風都尉治淮中有洲俗號關洲蓋津關所在故洲納斯稱焉又一

條曰淮水於淮浦枝分歷胸縣逕胸山西山側有胸縣故城東北海中有大洲

謂之郁洲山海經所謂郁洲山在海中者也安風班志屬六安國故城在今穎

州府霍邱縣西南一百三十里胸屬東海郡故城在今海州南郁州在州東北

十九里一作鬱洲山南宋時青冀二州皆僑治於此據之則由淮西南而東北

准由淮浦縣東北入海三洲厓略亦具矣或者以郁洲太遠為疑按秦始皇三十五年於

胸縣立石海上以為秦東門班志作以為秦東門其地在則其地亦縱情游

覽者所必至矣至或改序說幽王為穆王以就善長周穆所會之文則信鄰亭

烏齋文集 卷一

十一

山西省文獻委員會印

固不若尊西河也

淮水篇引蔣濟三州論一清按蔣子通作三州論本詩人淮有三洲之義言水

淺也

上帝甚蹈義蒼趙伯厚

昨承過齋頭見蘭兒讀詩至苑柳篇下問曰上帝甚蹈荀子作甚神康成改蹈

為悼二者孰是蒼粹未有以應也既而思之甚神甚蹈蓋師傳異本其義則不

甚相遠康成改蹈為悼則殊覺未安且以上帝為幽王與它詩之稱上帝者不

一例尤未安也謹案毛公訓詁為動動猶神也蓋即變動不居之義所謂天難

謀斯者也首章上帝甚蹈無自曠焉若曰王無以天為可恃天固甚無常也而

可恃其親曠謂天獨私於一姓乎次章上帝甚蹈無自懲焉蓋怨王之憚於悔

過也又欲之曰王無謂天心難回天固甚無常也但能悔過自新則天心復饗

王矣奈何甘自暴棄以取病乎忠臣善於牖進其君如此而肆成訓療為接是

又欲改鑿為際也大凡箋所改字反復尋繹皆毛義為優此亦其一也詩無達

請之不知亦可備一解否幸教之

剪商解

魯頌閟宮次章后稷之孫實維太王居岐之陽實始剪商傳剪齊也箋剪斷也

太王自關徙居岐陽四方之民咸往歸之於時而有王迹故云是始斷商正義

剪齊釋言文齊即斬斷之義故箋以為斷其義同也太王居岐之陽民咸歸之

是有將王之迹故云是始斷商言有滅商之萌兆也案說文止部罷不行而進

謂之罷從止在舟上刀部翦齊句斷也從刀弄聲羽部翦羽生也一曰羽從

羽弄聲三字截然不同自弄字不行翦變翦為前以代弄復變翦為翦以代翦

於是凡進導之訓皆歸之前齊斷之訓皆歸之翦而翦之本訓不行凡經傳所

有翦字皆假借用之爾雅翦勤也乃進義之引申爾雅翦勤也乃進義之引申

商之官也謂翦力之功也是翦義也翦齊也斷也斬也滅也皆

烏齋文集 卷一

十一

山西省文獻委員會印

一義之引申是翦義也二義亦截然不同而後人往往混合為一經解因之歧

出矣今案實始剪商之翦當為踐玉藻凡有血氣之類弗身踐也注踐當為翦

聲之誤也案當云翦猶殺也書正義引鄭注成王政序遂踐奄云踐讀曰翦滅

也說文文部踐滅也引詩且維既翦通故皆有滅義鄭注周禮則氏云

史記孝文紀自當給喪事服臨者皆無踐集解引服虔云踐翦也謂無斬衰也

經翦商之當為踐商是也毛鄭二君惟泥翦之本訓說之故曰齊曰斷然是以

勢言之故箋云於時而有王迹是始斷商疏云是始斷商言有滅商之萌兆未

即以闢干天位歸獄陰謀也朱子乃踵成其義曰太王之時商道衰而周日

強大季歷又生子昌有聖德太王因有翦商之志以莽操之心上誦古聖朱子

之過未始非毛鄭有以啟之夫太王方以避狄難率親屬而西室家草履規模

粗具岐陽而外尺土皆非已有不可謂強大外寇未平遽變神器赤子在抱妄

希符命此又莽操所知其不可者曾謂太王而有是乎後儒覺其不安因援勤之訓以解之曰至於太王實始勤商云爾是其用意優矣而不知勤乃莽義乃於太王之事亦不合何者詩詠太王居闕歷叙契龜作廟築門宜社之績史遷本詩意作周本紀不過曰於是古公乃貶戎狄之俗而營築城郭室屋而邑別居之作五官有司民皆歌樂之頌其德而已

索隱此下注曰即詩頌云后稷之孫實維太王居岐之陽

實始勤商是也案索隱引詩始勤假使太王有登戴王室之勤周公敢沒其祖而句乃連而及之本紀初無此義

功不錄哉蓋周至王季始大至文王而其勤益著故皇矣美周斷自王季太平御覽引竹書紀年有季歷來朝王賜地三十里十穀馬八匹事後漢書西羌傳

注引竹書有周公季歷伐西落鬼戎俘二十翟王伐無余之戎克之命爲股牧師事

西羌傳注又引竹書有周公季歷伐無余之戎我如時之戎我而汝墳四牡皆師事之戎三事今本竹書皆分年略之公季歷不伐也

文王勤商之實迹也然則踐商何義曰踐履也踐商者踐商之朝也義同踐陣之踐湖周自后稷封釁不窳失官窳居戎狄之間夏商之際屬籍之不通於天

鳥齋文集 卷一

十三

山西省文獻委員會印

子也久公劉涉渭取材復脩后稷之業周道用興然居戎狄之間如故其後慶節居闕稍稍內徙而朝貢不達於天子也直至太王始脩職觀踐商之朝焉故

魯頌述武王克商而推本言之曰后稷之孫實維太王居岐之陽實始勤商也

今本竹書代乙三年有命周公宣父賜以岐邑

孔子所謂三分天下有其二以服事殷周書程典解所謂合六州之侯奉勤於

商中庸所謂武王纘太王王季文王之緒是也致天之命于牧之野無貳無虞

上帝臨汝敦商之旅克厥厥功則大明之詩所謂篤生武王保佑命爾變伐大

商殷商之旅其會如林矢于牧野維予侯興上帝臨汝無貳爾心是也通經古

書更無太王陰謀伐商之迹自故訓不明而古聖人之橫被誣罔也又千餘年

於此矣亂賊生心或至援斯以爲口實經誼不明其禍烈哉

攷工記鮑人則是以博爲幘注鄭司農云幘讀爲翦謂以廣爲狹也元謂翦者

如淺淺之儀或者讀如羊豬彘之彘

入韻

陳奘曰齊者正也翦謂之齊齊謂之正此一義之申實始正商言周家有正商室之功

即案此三十三字草稿世於

釋媒氏文爭義

媒氏中春之月令會男女于是時也奔者不禁汪氏中釋之曰會讀若司會其

訓計也三十不取二十不嫁雖有奔者不禁焉非教民淫也所以著之令以恥

其民使及時嫁子取婦也愚按詩標有梅首章求我庶士迨其吉兮箋我我當

嫁者庶衆迨及也求女之當嫁者之衆士宜及其善時三章求我庶士迨其謂

之傳不待備禮也三十之男二十之女禮未備則不待禮會而行之者所以蕃

育人民也箋謂勤也女年二十而無嫁端則有勤望之憂不待禮會而行之者謂

明年仲春不待以禮會之也時禮雖未備相奔不禁按此即奔者不禁雖詰毛

鄭蓋皆據周禮以說詩然則此奔者皆有夫家之女父母之命媒妁之言早有

定議所謂當嫁之衆士是也按媒氏奔者不禁下文云若無故而不用令者謂

鳥齋文集 卷一

十四

山西省文獻委員會印

之司男女之無夫家者而會之則此奔者爲有夫家之其女文甚顯特因嫁取

過時不責備禮速成其夫婦之道故曰奔耳此奔字不惟與淫奔之奔別即與

奔則爲妾之奔亦不同范氏穀梁文十二年注引奔者不禁云奔者不待禮聘

因媒請嫁而已矣曰請嫁則前此有言可知其爲非妾亦可知會謂禮會請期

醮子親迎御輪諸禮是也媒氏以令會之有過時者禮皆從省促遽成昏如相

奔赴然即迨其謂之之義

漢傳食貨志力耕收糧如寇盜之至亦謂促速

有此人形容之夫使奔爲奔淫是明明教民淫矣亦既教之乃曰恥之曾謂周官

瓦屋攷

春秋隱八年宋公齊侯衛侯盟于瓦屋傳齊人卒平宋衛於鄭會于濇盟于瓦

屋以釋東門之役杜注瓦屋周地疏瓦屋既闕知是周地者會盟不得相遠濇

是周地知瓦屋亦周地彙纂今開封府洧川縣南二十里瓦屋里是其地江氏

曰瓦屋里在清川南其地在新鄭之東當爲鄭地非周地也瀛按方輿紀要開州斂孟聚條下引志云州西南又有地名瓦屋頭即春秋隱八年宋公齊侯衛侯同盟處開州春秋時衛地也然觀冬齊侯使來告成三國則齊欲攘平難之名斯盟必不獨在衛地嘗聞之徐松坪 湖年丈曰陳留訓導學宮建於縣之瓦屋里疑即春秋之瓦屋也邑無志徐之先按陳留春秋時留邑也漢書地理志孟康注曰留鄭邑後爲陳所并故曰陳留其地居宋之西北鄭之東北衛之東南意當時擇三國適中地定盟以明渝平之意而鄭怨宋衛深卒不至也若洧川則迫近鄭都諸侯廩至主人深匿不出宋衛其讎也獨不懼挑齊侯之怒乎於情事爲不協矣

簞勤解

爾雅簞勤也郭注簞未詳邵氏正義云簞當作萑泰初六云以其彙釋文云古文彙作萑鄭注云勤也穆按曲禮國中以策萑郵勿郵注萑竹帶郵勿播摩也

身齋文集

卷一

十五

山西省文獻委員會印

說文彗掃竹也從又持井按井乃彗之形不從雨生彗或從竹習古文彗從竹習然則彗自有本義不當引假借之舊以證彗之初義爲掃竹引申之則爲馭馬之竹帚猶之策之初義爲馬箠假借之則爲箸書之方策爾得訓爲勤者彗灑掃之事弟子之職也御亦六藝之一策彗御者所執也古文從竹習習勤也邵氏之說支矣郝氏義疏無說然曰謂通作習則亦用邵說矣

成卽古稱字說

成說文在戊部解云就也從戊丁聲成古文成從午穆案戊象六甲五龍相拘絞既不得其義戊承丁象人脅亦不得其形而成之何以從戊段桂諸君亦未有議及之者今案王復齋款識書內摹宋孝宗賜洪邁父癸鼎此器亦見宣和博古圖及薛尚成說文在戊部解云就也從戊丁聲成古文成從午穆案戊象六甲五龍相拘絞既不得其義戊承丁象人脅亦不得其形而成之何以從戊段桂諸君亦未有議及之者今案王復齋款識書內摹宋孝宗賜洪邁父癸鼎此器亦見宣和博古圖及薛尚功法帖以羣之引右側有文作釋釋云立戈形近海鹽吳東發云此古文成字案東發謂爲古文成字良是然云林準之象也一繩之象也口所案成字是以據之也考工記所謂可水可縣之象也則義有未安故不從也

也嘗於收弄家見古已直上有文作識蓋與器其文一而方成朱仲

子寶寫成作孫尤其顯證此文即許君古實則卽古之稱字當未制稱字之前稱止作成其正名則蓋純乎象形之字一象衡之平左側之十權也右側之

不繫物之繩及鈎也口衡端之兩毫也中央一始象所衡之物此作十明左氏傳引書地平天成稱也稱衡也說文訓詁乃動引申之則訓爲服

之不稱之稱莊子大宗師篇成然寐陸氏釋文成如字引李云成然縣解之兒成然卽稱然此古稱字之僅存者人之寐也無所係著如稱然引向云無所

故曰稱然寐也然則謂成從戊者乃許君望文之誤解曰就也亦成字引申之義而非本義本義當如爾雅穀梁訓曰平也毛公詩傳鄭平成同部相訓於

六書爲轉注也古款識書中成或作𠄎作𠄎作𠄎皆𠄎之省變小篆務整取齊竟合口一爲𠄎許君既初下爲丁故初其外廓爲戊而不思戊義之與成無關也由此推之戊果從文作𠄎右側之丁爲何則必與人身之替形不肖

然亦必不從古文成之𠄎蓋制字之本義其失傳也久矣案大甲五龍相拘絞必戊字之形

身齋文集

卷一

十六

山西省文獻委員會印

籬字說

公羊傳曰奄其上而棧其下周禮喪祝注引之棧其下謂以竹木布於地也王莽傳曰四牆其社覆上棧下師古注曰棧謂以簣蔽之也下則棧之上則覆之高帝紀注曰棧卽閣也今謂之閣道此棧道義也說文棧棚也竹木之車曰棧段氏曰謂以竹若木散木編之爲箱如棚然取其能容物故役車謂之棧車說而今人困積襍貨之所亦名曰棧房也管子傅馬棧取襍草木之義莊子編之阜棧則仍取棚義今韻分棧道棧閣之棧上聲叢棧之棧去聲已屬多事而注家又別白不清義愈晦矣

沾沁疑義

沾水出壺關而沾縣治乃在今樂平和順之間縣氏水名不應治與水遠不相涉疑舊治本在今潞安府城左右後移治於此也又攷清漳水淮南子云出楊

戾山水經曰出少山大要谷說文清澗出山名大要谷或疑戾少字非沁水水經曰出謁戾山而沁水亦名少水戰國策秦正告韓曰我起乎少也疑謁謁本一字謁戾謁戾本一山即漢志所云羊頭山也沁水出焉羊頭山一名謁戾山一名少山故沁水得被少水之稱耳疑後人既移沾治而移謁戾少山之名於沾其實清澗自出大要谷與謁戾少山皆無關也

陽冰說蒼祁叔穎尙書

承詢海賦陽冰之義案李善注曰言其陽則有不治之冰其陰則有潛然之火也晏子春秋曰陰冰凝陽冰厚五寸說文曰治銷也注語本極分明而或猶不達者由未省注中二其字即其其海也昔俞君理初嘗爲穆校文選批二語於書眉曰水北曰陽南曰陰據之則陽冰陰火云云者猶言北海有不治之冰南海有潛然之火耳以南海北海詰陰陽二字不惟實事實情并注二其字亦軒然呈露矣晏子陰陽二字亦正作南北解但不明海耳又李注所引晏子二語在內篇襟上第五而陰

烏齋文集

卷一

十七

山西省文獻委員會印

冰凝乃作陰水厥其文曰陰水厥陽冰厚五寸者寒溫節節則政刑平平則上

下和和則年穀熟太平御覽引之亦作陰水厥厥當作說文厥發石也從厂厥也陰水厥之義正如此時已返寒水流動猶冰將成而不得即名爲冰也然

則今注本作陰冰凝者乃並素問未讀之人嫌厥字不詞齋筆妄改也而顧千

里諸人亦未經校出唐李陽冰字少溫其善即取諸晏子

壬寅十一月尙書以擬唐林滋陽冰賦諫庶吉士多不得解實則林滋先未

省陽冰之義也

烏齋文集卷二

論附書後一稿

平定張穆

楚論

楚大國也先敗於吳後亡於秦其故可知也伍員之言曰楚執政衆而乖莫適任患若爲三師以肆焉一師至彼必皆出彼出則歸彼歸則出楚必道微而肆以罷之多方以誤之既罷而後以三軍繼之必大克之楚於是始病白起之言曰楚王恃其國大不恤其政而羣臣相妬以功諂諛用事長臣斥疏百姓心離城池不修既無良臣又無守備故起得引軍深入多倍城邑發糧焚舟以專民掠於郊野以足軍食楚人自戰其地咸顧其家各有散心莫有鬥志是以能有功也嗚乎觀二人之言夫豈特楚哉項羽不任屬良將東西奔命卒力做於漢唐玄宗席全盛之勢怠荒武事一旦河朔犯順期月之間潼關不守金人敗盟

烏齋文集

卷二

山西省文獻委員會印

舉朝震動暮夜渡河亂無行列一卒莫之守也僉蒼入寇勤王之師偏列郊局閣部指揮任其剽掠莫敢阻其趨也隋用高穎之策以平陳周用王朴之計以翦唐故國家之敗由於莫適任患莫適任患由於諂諛用事苟有良臣則孫權傾國不能取合肥羊祜乘弊不能取江陵苟無良臣則陰平委之鄧艾大峴棄之劉裕詩曰天之方憊無爲夸毗夸毗體柔也體柔之人其不肯爲國任患也久矣君子是以太息於囊瓦上官之徒而伍員白起之謀百世下之人主讀之其可寒心而慎思保邦之術哉

海豎善後宜重守令論

漢宣帝有言曰與我共治天下者其唯良吏二千石乎爰躬自引問重書獎勞有功賜金封爵遇公卿缺輒得超任光武初卽大位未遑他務先封前密令卓茂爲太傅褒德侯明章承之每下詔書多嘉循吏故西京之盛盛於元康神爵之間東京之盛推建武永平焉明宣宗命大臣各舉所知出典劇郡各賜刺書

得便宜從事是以得況鍾莫守愚諸人明之治亦未有如宣德者也由是觀之守令者國家之根本而培養元氣者也守令賢故民附民附則知親上守令賢故民肅民肅則知畏上民親且畏則法立而令易行賦稅不期足而自充奇袤不期絕而自遠於是乎民和而天降之福則風雨時草木茂年豐人樂而嘉祥應何則民以君爲心君以民爲體而守令者中樞之機樞也人雖感患大病胃氣不傷則必愈天下雖有大變民心不散則不危一方守令賢則一方安天下守令賢而天下安矣今國家重熙累洽垂二百年嘆吉利一海外禽獸國耳狂噬三年而海宮爲之騷駭帑藏爲之耗竭今縱能如當事者所云可以帖耳受撫而虎狼在戶反復莫必師屢挫辱既無得氣之兵民困徵輸並無可籌之餉萬一他日卒然有變可不爲深懼乎今之計國是者徒纖悉於微芒之利粉飾乎訓練之名不知民財已竭豈能供上之求糜給不充豈有可練之卒至於徵無可徵餉無可餉而一切苟且之政將行唐代宗德宗金宣宗明神宗之弊不

烏齋文集

卷二

山西省文獻委員會印

深可懼乎方今良法美意事事有名無實譬之於人五官猶是手足猶是而關竅不靈運動皆滯是以當極盛之時而不及四期已敗壞至此嗚呼豈非庸臣尸素當職謬享太平之福至於紀綱暗紊萬事暗隳所貽之隱憂乎今欲求韓白之才何能倉卒遇也卽有桑孔之智豈能旦夕奏效也所恃者自列聖以至今上皇帝愛民如子之仁元氣深厚耳夫重士必食士之報愛民必食民之報自漢以來民之安居樂業蕃衍休養未有盛於我朝者也是以粵東屢遭逆夷之毒而忠愛不衰義檄義旗相繼而起閩省廈門逆夷畏民驅逐遁不敢居卽江蘇素稱孱弱而沿海沿江之民亦間有殺賊自效者此眞祖宗積累之厚皇天眷佑之深所當乘其機而利用之也然則欲治今日之天下則莫若固未散之人心欲固未散之民心則其要歸於擇守令而海豎之善後卒亦無以易此焉何也今之所患者漢奸而漢奸皆內地之民也守令賢則必善行保甲民愛守令如父母則糾察易而密奸民何所容乎其善一矣今之所患者雅片守令

賢則民聽其訓誨父戒子兄勉弟以共遠於鳩毒而吸食之徒且不容於家庭不齒於鄉里不待嚴刑峻法而習惡可消其善二矣今之所患者無兵守令賢則各鄉皆可團結一旦有事荷糧鋤者皆兵也不勝調發萬萬哉其善三矣民皆爲兵何憂於餉其善四矣熟其地利悉其險易則街衢之間阡陌之地皆可掘溝爲險設伏無形其善五矣撫其傑黠使爲商賈其心消其腹其善六矣教化既行則民效醇儉而外洋淫巧之物將日漸不行省民間金錢之耗而風俗日美其善七矣商漁奸販必有魁傑爲之首守令賢則能知其蹤跡廣爲招致使爲我用大則將才小則精卒也如是而絲營鈍弱之兵可以汰其善八矣化奸爲良鹽稅日益可以裕國其善九矣潛驅賊率使民出之而不知于腹心壯於無形內地不擾逆夷不疑其善十矣此與練兵勇修器械空談守禦卒爲夷人所禁而不得施者功相萬也愚故曰治今之天下莫要於擇守令而海疆之善後尤莫要於此也難者曰鉛海七省綿亙幾七千里安能盡得賢守令

烏齋文集

卷二

三

山西省文獻委員會印

聞雖有善心終無表見則漢明二宣賜書勅久任超擢之意其亦當取法乎嗚呼由海疆善後而慎擇守令由海疆守令而推之天下朝廷復以誠意體之上下交欣歡若一體百廢並修百利並舉則是國家何憂乎無財何憂乎無將奚恥而不恤奚敵而不服乎哉

弗夷貿易章程書後

弗蘭西五口貿易章程內有大可慮之事三而最甚者爲沿海立禮拜寺公然行其所謂天主教者案天主教自明萬歷間利瑪竇入中國久欲以此惑衆明政雖不綱而其時士知節義講壇林立一二夷人之口豈能奪數百年尊詩說禮之心我朝定鼎政教修明但資其天算小術彼亦以一藝自安故邪說久不行今乃明與要約聽弗夷習教徒誑惑愚民何也或謂天主教與白蓮教等白蓮教蔓延北方其極熾不過如林清祝現止矣何能爲是大不然白蓮教殆古五斗米吃菜事魔之類爲之首者卽至愚無教之民州縣官但出一示禁之

烏齋文集

卷二

四

山西省文獻委員會印

而任之應之曰天生人才惟生大才不數今欲朝廷求賢而曰必如管樂蕭韓岳飛王守仁諸人誠知其難也若守令則凡實心爲國爲民者卽是良吏以天下之大而不能擇數十人乎特患不求之耳曰求之而督撫不以實應奈何曰今督撫保舉十九皆趨走便習之人海疆則趨走便習者之畏途也非忠誠愛國之人決不願往非胸有把握而洞曉事體之人決不敢往其願往敢往者則必漢章所稱惛惛無華之吏矣夫惛惛無華之吏今之督撫所遺也而海疆之令下則趨走便習之人必共舉平日督撫所遺者以爲己脫避之地矣而惛惛無華者有忠君愛國之心又能通曉事體亦無不樂於膺薦以思一展布愚故曰選守令於他地則保者或不公選守令於海疆則保者必多實又况內外臣工各有耳目又何必專恃督撫哉雖然愚猶願國家寬其處分授之便宜俾之真能展布而勿掣其肘也一不如條例焉而有一事擅焉而有罰督撫藩臬一婦四姑重重令歷時恐得罪又况繁簡不均動輒更調民情未習瓜代已

奉厚賄乞地如牛皮大建屋以居王不虞其詐許之其人乃裂牛皮聯屬至數千丈圍呂宋地乞如約王大駭然業已許諾無可奈何其人既得地即營室築城列火器設守禦具已竟乘無備襲殺其王據其國仍名呂宋實佛郎機也今章程內載五口地方凡弗蘭西人房屋間數地段寬廣不必議立限制俾弗蘭西人相宜獲利與明史所稱乞地如約事放佛相似假如祖其故智肆行吞占恐立制之初華夷已不能相安章程未載別國所定章程不在弗蘭西條款內者弗蘭西不能限以遵守惟中國將來如有特恩曠典優免保佑別國得之弗蘭西亦與焉是其抗稅構禍翼獲漁人之利之志已隱躍言外詩張發展難以逆料凡此皆事之至可慮者甲辰十一月初九日私記

紀事

俄羅斯事補輯

歐僉君正變答俄羅斯事輯頗未倭詳瀛遠讀而嘉之既得文清公松筠綴服

烏齊文集 卷二

五

山西省文獻委員會印

紀略圖詩注載西北兩邊情形頗悉其述俄羅斯事有足補僉君之闕者因條列而文綴之簪於篇蓋文清駐節庫倫經紀通市事閱八年聞見既真紀錄自備矣題曰補輯凡僉君所已詳者不復徵也道光十九年正月江陰學使署書俄羅斯地瀕北海於古無述蓋有內外旗蒙古限之無由與中國通內旗者科爾沁等四十九旗札薩克王公是也外旗者喀爾喀七旗札薩克王公是也外旗居內旗之外俄羅斯又居外旗之外其地東西北三面距海東西廣南北狹自東而西黑龍江庫倫烏里雅蘇台科布多四屬八十二卡倫又科布多屬極西卡倫曰和尼邁拉呼由此渡額爾齊斯河至輝邁拉呼一帶卡倫均與俄羅斯連界其國法夫死傳妻母死傳子國主及部長皆然女曰哈屯汗男曰察罕汗哈屯華言夫人也察罕華言白也乾隆五十八年大西洋英咭喇國王遣使朝貢畢尙書松筠奉命送至海上其正貢使曰瑪噶爾呢駐收俄羅斯久松筠訪之曰現在之哈屯汗本西洋女前哈屯汗之外孫女也其表兄襲位娶為妻

生一子汗死子幼遂代立所生子今已三十餘後將傳之於子又死即傳子婦舊俗如此命曰日嘉慶十年今汗道使來其國都曰莫斯科瓦有理事公解曰薩那忒如直哈屯汗在位遇事即由薩那忒申文達理藩院轉奏其辦事大頭目曰包費窩特守邊大頭目曰固畢納托爾管兵頭目曰哈那喇爾其薩那忒公辦辦事大頭目曰薩那托爾曰雅固畢那喇爾曰瑪約爾曰哩哈斯塔喇托爾頭目多西洋人其服食房舍亦與西洋不異其俗不甚事種植近國都地氣候頗和而水多田少惟魚是食魚有毒大黃能解之特派頭目專司收買散給屬下官賣濟衆舊與西洋及青海等處通市其與中國通市之所曰恰克

圖距莫斯科瓦西北數千里爲土謝圖汗車臣汗札薩克圖汁三音諾顏四部卡倫適中之區通東二十八卡倫土謝圖汗部西三音諾顏部商民於此建立木城俄羅斯亦於對面建設市圍萬貨雲屯居然一都會矣欽差大臣駐節庫倫以控制之治土謝圖汗部庫倫者蒙古語城圍也地有喇嘛木柵如城故名距恰克圖

烏齊文集 卷二

六

山西省文獻委員會印

八百里有奇庫倫南十餘里有山曰汗山綿亘高聳草樹如畫山北有河曰圖拉源出庫倫東北肯特衣山曲折流二千餘里北入色楞格河由恰克圖西側入俄羅斯拜噶勒淖爾復東南流至黑龍江入東海恰克圖連東車臣汗部屬十四卡倫沙甸平坦迤西多山林木鬱鬱往來以色楞格河爲津要連岡而東進南至套圖達喇罕其間峽溝叢樹隱天咸足資防禦其附屬回部四曰布哩雅特曰哈哩雅特曰哈木尼罕曰素瑪爾皆奉黃教俄羅斯恐其內附每卡設本國數人羈絆之其北鄰曰空喀爾命曰乃其亦同種也相傳空喀爾國最大以銅爲城東西門距若干程非也空喀爾居海島中恃水爲險自以爲有銅城之固猶華言金城云爾其禮節以脫帽去裘爲至敬頭目人謁其汗則用之翰誠極服則以指扣眉如中國之投拜矣其性樸弱知信睦初見中國人恐爲笑故示倨大應答模稜及我駐劄大臣開布誠意而夷情懽帖矣康熙二十七年喀爾喀全部內附二十九年黑龍江忽稱有羅義犯界素倫土語呼俄羅

命後見 聖祖仁皇帝命副都統薩布素率兵進剿奪其雅克薩城羅義通嗣乃

屢肆恣擾守邊大臣移檄詰之皆不報會有附近俄羅斯之西洋雀蘭國朝貢

入京兵部欽奉諭旨以俄羅斯哈屯汗係婦人巢穴距邊地遠其如何構衅必

不知情疊發檄諭必其守邊頭目畏罪阻隔繕救書交霍爾使臣帶回轉達俄

羅斯得書回奏羅又犯界事哈屯汗絕不知奉到救書嚴飭邊界永不滋事復

申請遣人進京學習國書俟通曉文理換回遇事以清文兼俄羅斯及西洋字

馳奏可免外誤聖祖允其請為特開俄羅斯教習館其後在京學習之人迭次

更換在京在途照料官員理藩院均派家道殷碩者隨時酌需賞資周其困乏

此俄羅斯所以感恩知義永遠向化也世宗憲皇帝登極因其地毗連哈爾哈

應與定界以杜爭端而於在邊貿易者約束亦便雍正五年欽派尙書大臣察

畢那特古式圖圖羅三人前往勘定設卡倫五十九所極東十二卡倫就近屬

黑龍江將軍統轄輪派索倫兵戍守迤西卡倫四十七所以哈爾四部屬下下

烏齊文集 卷一

七

山西省文獻委員會印

蒙古按其游牧遠近每卡設章京一員率兵攜眷戍守俄羅斯於對面一體安

設兩界適中隙地蒙古語曰薩布薩布處所皆立鄂博鄂博者華言石堆也間

遇叢林鄂博難立即削大樹刊識時庫倫尙未派駐防大臣凡此卡倫總令喀

爾喀王丹津多爾濟統轄并議定條規互相偷盜者事主呈報緝緝審明罰賠

治罪不獲卽令不能嚴緝之卡倫追賠彼此貿易兩無權稅自此沿邊人眾咸

知約束矣先是民夷交易無定所置界既正相度得恰克圖地設立市集派理

藩院司員三年一換駐節總理此開關通市之始也喀爾喀丹王薨其孫宰桑

多爾濟嗣先職整頓卡倫益完善繼以夷務繁乾隆二十七年欽差大臣同桑

王協辦此庫倫駐節之始也二十九年因附近卡倫互有遺失馬匹數逾千而

俄羅斯又輒捏報奉旨因恰克圖俄羅斯懼二十三年懇請開關欽差庫倫大

臣慶桂同喀喇沁貝子瑚圖靈阿會議章程合同以恭順緣由入奏恩准通市

如舊四十四年恰克圖有應會審夷犯延宕逾期庫倫大臣索林立命閉關奏

請罷市得嚴旨申飭改派尙書博濟清阿馳傳同土謝圖汗徵登多爾濟悉心

察辦俄羅斯悔罪重懲夷犯四十五年奉旨准其仍前市易四十九年有庫倫

商民赴烏梁海游牧貿易路經布哩雅特被劫駐節大臣勒保偵知盜首檄行

額爾口城固畢納托爾拉木巴捕盜會審拉木巴既緝獲首犯遣其吉那喇爾

送赴恰克圖并例罰貨物加倍呈繳勒保等方擬明法示衆吉那喇爾妄意案

已完結擅取犯鞭責鉗耳鼻發遣勒保保額爾拉木巴仍以結案爲辭奉旨行文

薩那忒索之并治固畢納托爾等罪薩那忒說事速了蒙飾如前高宗純皇帝

震怒切責之旋撤恰克圖市俄羅斯益懼將債事之拉木巴調回別派頭目駐

防募緝遺犯訖不獲申文額爾遵旨斥取五十四年有衛勒千巡兵齊巴克等

出卡緝賊遇哈哩雅特打牲數人我兵盤詰哈哩雅特恐被捕遂發銃齊巴克

傷斃駐節大臣松筠飛檄索賊至五十五年春其新派固畢納托爾色勒裴特

搜獲正犯二從犯一先後縛送聲請前犯已無蹤跡悉收現獲之犯示衆辦理

烏齊文集 卷一

八

山西省文獻委員會印

并結舊案於時又有薩麻林喇嘛詐書事詳見薩那忒具實稟覆薩麻林伏法

五十六年奉旨訂期會議仍前通市時閉關久夷民恟懼聞檄令會語色勒裴

特由額爾口以馬駕飛車馳來聽命松筠等宣敷威德推誠曉誠色勒裴特頻

以指叩眉曰大皇帝是天大皇帝是天議定開關通市如初俄羅斯永遵條教

邊竟綏和是皆我列聖深仁厚澤漸被無疆大臣仰奉廟謨寬嚴並用故雖洪

荒未賓之蠻夷莫不輸誠愛戴也

頌

資敬延祺之頌并序

道光二十六年太歲游兆顛祥夏四月二十一日丙午今禮部尙書固始祝

公七秩壽辰皇帝體兒者臣寵以資敬延祺之頌大賚珍異恩禮有加於是

朝紳閭彥各抒其瑰藻緯以實行介眉福而誦德也穆等以年家子登堂

介問義不容虛恭繹資敬之文用紀延祺之實爲頌十章章十二句詞曰

維帝庸賢惟賢淑世綜敷教條覃思康濟邦禮命掌易援易繫命公淵忱夕惕
若厲政舉其綱行矜其細才老愈成密勿無替 其一

月陽在閏鵝火昏中天使銜詔宵出曾穹丹筆四名異貝十重爲公引年典頌
禮崇公拜稽首奉盈駟鼎銘永寶三命滋恭 其二

公家瀕淮開正寢邱清芬世德克繼弓裘早聲橫序見賞名流平步詞垣譽滿
方州巍科清望重代鮮儔抗手作家慶矣揚劉 其三

揚劉文章多士楷則金支翠旌風欄動色類持英蕩類分闡棘提衡桂林三戟
銜軾振之飾之扶而植之莫不矜奮莫不急救 其四

翱翔翰林甲子再期以叙進階涉防司學士最久總佩倭遲兼權太學直講
經帷長身秀曠帝稔公儀既稔其儀用大其施 其五

卿班歷轉迴承弼銀臺烏臺漸崇厥秩奏書定憲講若畫一無纖介瑣無纖
介失執法峨峨天聽允塞信公素行不欺開室 其六

烏齋文集

卷二

九

山西省文獻委員會印

初攝少馬小試其端斐決疑獄匡正刑官吏撓銓法公不可干度支繼領吏無
敢設臧帑盜叢早發其奸益殷擢用俾總鷹冠 其七

昔公建言際時多事海瀾民述寇焚將帥疲羸餘黎抒軸匪易洗兵何策活民
何計密疏宵聞醇膏朝沛十郡萬戶環拜公賜 其八

陰德及人其家熾昌公得天厚既固而強裴鼓三嚴趨對明光玉珂綬控書笏
審詳羔裘私第寒賤升堂談宴雍容不忘矜莊 其九

辛彥達禮羣僚額手開閣晚節望齊山斗公性樂易雅相人偶賓筵陳戒何問
薪樵天題在霄謨訓世守岐公台鼎願公壽考 其十

贊

潛丘像贊

潛丘嘗寫禮堂寫定傳與其人二圖以己像爲康成像故今爲潛丘寫照略
仿蓬萊閣康成像借江陰吳儂精意摹之

先生初生參議獎其兒子文也疏眉明目先生亦自比於漢之經神也追放儀
容以鄭儀閭庶幾能得其真也晉水懸流絲曼遠波愧未足步武後塵也

銘

宋紫端研銘

戊申秋日偶過海王邨得此舊研惜左右側爲俗士所中傷因鐫斯銘

六經之文而變亂於齷齪連城之壁而紐繫於屠沽惟此研材紫豔琳腴英華

有爽正色其濡何時落僉父之手而騰名蜚迹刻畫無完膚拭之濯之重用歎

吁摩之廢之助我著書噫古聖遺經後誼難誣弁和寶璽缺角爭摹苟真鑿之

有人曾何傷於德充之符

太平有象研銘

早夜砭砭詩禮津津丹與鉛性所親生不願封萬戶侯願諸公致治太平我永

爲太平之民

烏齋文集

卷二

十

山西省文獻委員會印

壽序

方牧夫先生壽序

在昔明經之士莫不重有家法家法非一家之私言卽師法也晉唐以下師法

乖異人自爲說不復攷古於是學者不解師法何事乃以儒業相承一門世守

者名之曰家學子弟族姓至援是爲榮辱故今人之重家學幾與晉魏重門閥

等徽州山盤水交實產魁儒本朝婺源江氏始以樸學爲後進倡一時從游卓

然深造有稱於世者三人曰東原戴氏曰黎齋金氏其一則晦原方先生也業

齋撰述未竟而歿東原抗心自大晚頗諱言其師而晦原先生終已命爲江氏

之徒無異詞且卽本江氏之學以衍爲家學長子蒼崖先生仲子牧夫先生皆

能繼其菁英以績學能文章聞一時穆先大父注陸宣公翰苑集成出宰歙將

墨諸版引其邑之學人程讓堂在稚川在湘及晦原先生程稜得失時先生之

學既成矣然猶於先大父執弟子禮從受古文法大父謝不敢居也晚築道古

齋延讓堂老人爲二子師凡老人著述今哀入通藝錄者半教授蒼厓牧夫兩先生時所纂故方氏家學師法皆冠絕徽州牧夫先生年二十文藻經腹已斐然在人口阮儀徵相國督學浙中慕其學因以商籍補仁和學生員相國劇賞之開經籌纂詰局高才生分經注子史人纂一書先生則與錢唐何夢華武進臧在東總司編校事以儀徵擇士之嚴知先生之見知非偶然也其學於諸經注義莫不弗中而尤邃於易蒼厓先生亦治易主京房先生於卦象爻辰消息飛伏旁推交通大指類惠棟之周易述而兼闡九師禘而不越則先生書似過之方本巨室世尙義好推解及先生昆仲交加廣來遊於歛者莫不滿所欲去嘗慨先友子孫竈或不煬各與數千金界之生平所焚責券不可闕數一二市僧推見古風又從而偵到播校之因是家頓落饑殍至不給意裕如也養母嘗書絕意仕宦惟懼以家學古訓教諸子諸子搢梁漸習各有成長君印生遂聯翩入翰林騰聲藝苑健戶人海中灑然若不識人世苑枯事則又有得於先

鳥齋文集

卷二

十一

山西省文獻委員會印

日照許肅齋先生壽序

鄭司農誠子益恩曰吾家舊貧爲父母所容遊學周秦往來幽并竟豫獲覲在位通人處逸大儒咸從捧手有所受焉夫容者寬假之詞也從使遊學不責以養蓋司農以學成歸美於親云吾友日照許君印林之尊甫肅齋先生幼貧嗜讀嘗收積巖隴間手一卷忽不覺牛之逸也既屢於庠以不逮遂廢科舉而

好古幼書耄而益勤平居教諸子但爲說經訓大義不以梯榮相苛故印林得顯意古學廣師取友以底於有成先生之學不規規於漢宋門戶求是而止好治詩爲說詩循序廿九篇又爲大學講義學庸總義若干篇它經亦多所致說承學者撥蠶科遊翰苑如鷹行相屬也印林幼承庭誥復以專精許鄭受知於高郵王文簡道州何文安及蕭山協揆師是三公者今代之在位通人也文安諸公子皆喜與印林遊而長君子貞與相契尤深當文安視學浙中子貞挽印林偕校藝之暇購訪秘鑄搜拓石墨每偏有所獲互相矜賞比歸惟載書帖四五大篋而已先生顧而快然曰老見異書勝汝之以祿養也故印林雖寒賤而藏弄之富乃不下萬籤一時處逸大儒相與上下議論證成箸述穆至無似亦幸獲聞緒論竊嘗羨歎先生家庭之樂前惟潛邸之事飲牛叟近之然閻氏世席厚貲而先生家無僮石則難能也江鄭堂覃思高密以父母宋五子書別輯宋學淵源錄亦與先生橋梓爲近然江父兼好佛理而先生豈意儒書則醇

鳥齋文集

卷二

十一

山西省文獻委員會印

粹過江氏遠矣康成自稱年過四十乃歸供養假田播殖以娛朝夕印林五六年來不上公車假館必於鄰壤近復買山龍湫之左種松萬本結茅其中奉春秋杖履吟眺其諸真鄰君之徒也與太歲祝聖作臘上元後二日爲先生八十大壽先是數月印林以校刊說文義證客淮上馳書京師屬穆爲文而子貞書之曰兩君皆瀚平生至交而吾父所心許也敢以爲請爰不辭僭越直書其事以爲引學之助云爾

外姑劉太宜人壽序

國朝儒學之興常州最盛其能通知七十子大義以前漢經師爲師者惟年丈劉中受禮部而禮部之學又本於其外王父莊宗伯公穆讀禮部遺書多未煇嘗以不得親炙爲恨嗣與妻兄伯厚贊善同居乃稍稍得聞緒論用以通知禮部之義伯厚禮部甥也外姑太宜人少禮部一歲母莊太恭人以宗伯公愛女閨閣之中并承家學當禮部及太宜人幼時太恭人卽口授以楚詞古賦古樂

府諸經正文故不獨禮部之學遠有崇緒太宜人今老矣每當舍館弄孫明誦
諸書竟卷不譌一字鼓舞頓挫一唱三歎有味乎其諷之也外舅子述贈公以
高才生早有令名未大厥施伯厚傳舅氏學通敏不滯勞薄上下之論多唐以
來諸儒所未喻人聞之或駭不信蓋七十子之大義之乖也久矣既通籍授職
編修值廷試翰詹奏賦雅馴上特拔之進官贊善又越四年壬寅迎養太宜人
京寓穆始得以館甥之禮拜堂下宜髮兒齒闔門之範粹然惟趙氏承恭毅公
餘業家故寒伯厚少孤至無以自存今幸得祿以養矣而蕙桂之性不工進孰
甘旨之奉時或不豐腆太宜人顧而僉之曰昔我顯考中書君當父兄赫奕之
際以文章被知遇不難立致通顯而獨恬於進取抱介石之貞行意以老天下
至今高之吾豈以汝之速化爲能養邪以故伯厚益得肆力於學閉戶人海中
研精讀史於古今治亂得失之原條比而究析之時獲一義喜逾除官穆寡交
游未識當世士夫中若此刻厲者更有幾輩也茲屆太宜人六旬晉九誕辰穆

烏齊文集

卷二

十三

山西省文獻委員會印

誼當奉擘謀所以伯觴者嘗覽潘岳閒居賦義其依仁里奉板輿怡拙家園拘
恂色養殆所謂孝乎惟孝施於有政者與及究其本末乃在迎拜車塵之後不
得志藉閒居以抒其憤拙者固如是邪安在其能資忠履信以進德修辭立誠
以居業也伯厚信拙矣勉乎哉揚恭毅之清芬剛莊劉之絕學太宜人承家教
子之素志也敢援古人養志之義爲伯厚勗卽敬爲太宜人壽尙矚然而進一
觴乎

烏齋文集卷三

平定張樞

書

復謝阮芸臺相國書

相國太老夫子閣下穆夙攬鴻文心儀古學積思願見者垂二十一年雖久承獎借曲荷招徠終以潢潦細流難語河海之大望門卻步誠自量也客秋維舟邗上手數袂之鄙言梯良訊以請見區區之懷止觀一通名氏得接芳輝酬其私淑之願而已何圖焉光霽重命升堂巨集函書分頒重疊比諸家令之謁伏生中郎之接王粲以古況今幾欲過之穆靡靡之性本禪冠褫屣因朋友從臾抱關薄遊淮浦性資迂直不工呢人故所如既多不合頃復為部員授案相繼其議竟格藉臧君之善沮畢虞氏之著書既我良多於人何怨况復假此因緣親聆指授益堅其生平學古之念南遊之量飽滿無餘所得不既多邪歲杪從

烏齋文集 卷三

山西省文獻委員會印

子貞太史處奉到手書并賜撰延昌地形志序一得之愚信心實難及經拈出輒用自詫只此一端已足千古人謂美福知不可多占也穆年交四十正古人斐然有作之時此後歲月足珍誓當於飢寒蕪萃之中勉圖樹立副函丈期望之雅少作經生頗有所述而零章碎句多無足采曾輯有說文屬一書猶舉綱要亦未脫稿擬於地形志卒業後踵成此作更乞弁言嚮往之私與日俱積肅函鳴謝無任神馳附呈號伯盤跋尾五紙祇希鑒定齊侯爵舊拓及新摹本并望惠賜數番感甚伏頌春祺惟為道增護不莊甲辰正月三日

與祁叔穎樞密書

叔穎五兄尙書閣下一昨於相識處得浙士獻潤峯將軍書一通即攜稿來奉閱書意曲折盡勢計慮亦似周密不知將軍曾采納否出師已四閱月攻勦之計未聞想此生言亦未必售也近來詣闕獻書者紛然各竭其愚以應聖人之求聖度淵深誠未敢仰測竊揣當軸者早日笑置之也天下大矣庸必無斐敬

王猛其人出為世用但恐酒美幟高如韓子所譏耳今日下詔明日必有應詔之人其應者必擁彘曲拳而可笑如此五六輩後逆料天下人才不過如是來

即揮之揮不數人其不才者固不來其才者亦竟不來即來亦毅然揮之不顧矣何則不揮者其勉強而揮者其所習慣也以求始以揮終昌言於衆曰天下無才誰敢執其咎然而天下事何堪如此敗壞也夫今日獻書之人未知果志切同仇邪抑款於利祿邪志切同仇者尙矣彼款於利祿者亦惟若某輩可從而議其後耳國之大臣不當以此責天下士也即如今日軍前所調之官有人人知其庸錄無能不足供驅策者而朝廷皆如所請與之豈不以杜庸才之倖進恐非真才自靖之路而杜絕之哉十月後挾策以進者不一人自一張鴻發交將軍外其餘皆置不報前日岡生之來也衝寒歷險關六七十里僅蒙傳諭釋放免其看押夫使此生不嬰憲綱不遭寇蹙亦安往不得其貧賤乃甘受看押之辱更邀釋放之恩哉某非謂岡生之策必有可采惟念凡類此者皆宜

烏齋文集 卷三

山西省文獻委員會印

詳其然否究其蹤蹟明發論言分別處置俾人知聖天子求才既切旌別又嚴庶幾真才漸出亦有為世用之望焉嘗見今代御史論事有洞達事理通知體要者亦有塗附舊例毛舉細故者其言雜然不一上皆俛可其奏特旨報聞是以每有敷陳未甘緘默鄙意獻書一節宜略推此意行之昨因讀浙士書有感於中惟閣下相愛之深遂以奉告舊疾舉發不克詣談謹遺書以聞冀其狂瞽而進教之幸甚千萬十二月二十二日

與陳頌南先生書

頌南先生閣下先生以直諫聞天下天下仰望風采以一瞻顏色為幸即如做鄉人士素木強不工酬應今且願為先容通刺相謁盛名難副詎可不力自振叔慰天下仰望之心乎竊見先生年來日以招呼名士為事苟有聞於世必宛轉引為同類從無閉戶自精讀書味道之時穆蒙不棄不四五日輒示過乃不聞以新知相晤所談者皆泛泛不關痛痒之言何以自了深為先生懼之當今

天下多故農桑鹽鐵河工海防民風士習何一事不當講求先生富有藏書經學既日荒廢治術又不練習一旦昇以斧柯亦不過如俗吏之爲而已古今必無微倖之名臣循吏也願稍歛徵逐之迹發架上書擇其切於實用者一二端窮原竟委單心研貫一事畢更治一事然後於朋友中明白事理如印林伯厚比者相與討論之如此則取友自然不濫它日出而宰世亦不至貿貿而行令人有言行不相顧之疑也度今天下更無以直言責執事者過承厚愛故敢竭其狂悖惟亮察千萬甲辰六月十八日

復徐松菴中丞書

松菴先生閣下臘杪得手書深哉注存感謝感謝示讀大箸瀛寰志略已刻前三卷考據之精文詞之美尤爲海國破荒之作近數十年來惟徐星翁西域水記有此賸博拙著蒙古遊牧記非其倫也第三卷述五印度及印度以西各國據實證虛一一精辨論波斯事火更覺古義可寶因悟景教流行中國碑景者

鳥齋文集

卷三

三

山西省文獻委員會印

丙也丙納音火唐人諱丙故曰景教景教即火教向疑大秦人自尊此教與佛鼎峙爲甲乙丙三教者非也論恒河即安額河雷翁海即鹹海亦於拙著水經注表有關當即撥入做帶之中惟謂水經注稱媯水入雷翁海語頗失檢應亭於西域各國悉仍漢書西域傳文故此安息國城臨媯水一句亦即孟堅本文無人雷翁海之說也其入雷翁者乃自慈嶺分支河水所合之媯羅跋水非媯水也而媯水在唐爲烏泝河烏泝河南有吐火羅國未稔今爲何族大約校訂地說必須搜檢羣書互相診脈穆以憂患餘生病肺氣逆勞無子弟代事抽尋偶擲一端未必適中竊要耳再就肅末之事而言本朝輿圖必應那居亞細亞圖之上尊說不必更動即已昭合春秋之例最嚴內外之詞執事以矜取華夷大臣而談海外異聞不妨以彼國信史姑作共和存疑之論進退抑揚之際尤宜慎權語助以示區別至周孔之教不宜重譯正如心之精神不泐於藏府倘有邪氣攻心則虛扁爲之色變前明徐季止緣未洞此義遂爾負謗至今

今卽如達賴班禪號稱佛子然國家止藉以控制蒙古而布達拉札什倫布之制必不容蔓延於內地郡縣也其餘文字正俗無關著述大體更不瀆陳後七卷更不知若何精博急思快讀何日梓竟寤寐跋之恃愛狂言惟亮察千萬與徐仲升制軍書

自海氛不靖以來措置乖張莫可究詰如穆輩者身未至海上目不親夷艘乃從而議其後不獨當局者目爲書生迂謬卽穆輩劫於衆口亦頗疑或者民心真不可恃虎鬚真不可編今古異變一孔之見何敢堅執也春季荷手書已有必當示以限制之議嗣於午橋禮部叔穎大農處散聞威信昭回抗身而虜張弛曲折動合機宜視侯官昔年雖操縱有剛柔之異其一以民心爲本則先後若合符節而梁燾大才集思廣益錯布裕如當圭爵崇褒詔騰中外無不翕然稱快蓋不特爲執事一身一家喜而爲天下喜也至區區之意竊謂此番舉動其爲壯國威者猶未而所以振十餘年頹靡之人心者其功甚鉅人心振則何

鳥齋文集

卷三

四

山西省文獻委員會印

敵不摧斯亦著書述事之光也尙望永其德心持以不伐擴韓范之茂績稟淵谷之虛衷用慰嚮望之私益廣芻蕘之采倚昇方殷恐有資於底柱者不備羊城一隅也乘子貞太史文輅之便附書肅賀極叨榮愛不以頌而以規定蒙亮察京寓鄙况垂問可悉更弗克陳

與直隸某方伯書

癸卯八月過保定

頃迂道普謁感承拂拭深談之下輒思妄有所陳竊惟今日因籌備之術思爲反本之論一二賢達頗以畿輔水利爲言而水利之興先須請帑國用支絀議必不行不行則亦徒爲美談而已穆以爲未議水利先須去水害水害去卽水利也去水害之要昔人收攝野潦俾有所歸二語足以盡之卽收攝野潦之法亦非議疏議築未能奏功盡善則姑請就其簡易者而試行之莫若通飭沿驛州縣於大道兩旁逼近民田者浚溝補樹移土培塗此有乾隆間孫文定方恪敏成案可循且舊渠尙未淤沒前非新起鉅壩夫亦水利之一端所謂未能快

其何爾且先利其咽喉也昨過定興見新任縣令於邑之名人古蹟各刻一石表之道旁穆雖未知其人信能通曉吏事及實心爲民與否要其好名好事則無疑也責以此事則定興一縣之路溝修矣直隸一省料如此州縣尙不乏人上游果擇而任之優加獎厲乘此三時之暇可以不日而觀厥成其有益民田水利實非小補水有所歸不至害稼利一夏秋間行旅不爲水阻利二車馬不能繞越踰禾麥利三伏莽之盜多匿影田中溝之寬者可制其竊發利四蝗蝻或生易於捕理利五其浚之也即以本邑之民完其本段之工必樂趨事稍

有攤派爲費亦少故愚謂此事尙可行也倚裝草草未及條議其詳憶經世文編水利門內載有數文檢閱而放行之正不踰穆之畧也冒昧之愆尙祈鑒宥不宣

序

西域釋地序

身齋文集

卷二

五

山西省文獻委員會印

西域釋地嫻丈那鶴皋先生戊所著書之一也天山南北疆域山川條分件繫攷古證今簡而核矣至喀什噶爾烏什庫車之譯名與欽定新纂疆略不同者先生成書在丁卯戊辰間傳聞異詞早登簡札非誤也巴顏喀喇山之卽古昆侖也欽定河源紀略有定論矣先生以非所身親略之而於蔥嶺之南北兩支星宿海之潛源重發則縷擘焉昔人爲輿地之學者每云目驗得之是書亦猶是義爾頃者先生令子叔穎侍郎寫定遺書先以此本開彫屬瀛爲校定體例因綴數言弁諸卷首道光十有六年丙申八月初吉序

說文解字句讀序

居今日言說文必衆稱曰段桂桂書卷秩大傳鈔梓校皆不易能有其書者少段書行世垂三十年苟取讀之無不人人滿其欲去實則瑕瑜所在夫自有真讀者以無主之何浮游遇之不獨攻爲妄攻卽守亦妄守安丘王貫山先生初治說文段書尙未行融會貫通既精既熟乃得段書而持擇其然否以語人多

駭不信而先生之學則因以益密精神所獨到往往軼出許君之前本古籍以

訂小篆據遺經以破新說瓜分豆剖衡交徑錯於諸言說文者得失如監市履

繻而況其肥瘠也生平精詣所萃在說文釋例一書標舉郵駁扶翼表燦之功

視段桂爲偉穆每用夸於人曰貫山之於說文如亭林之於音韻後有作者補

苴焉匡救焉可矣必無更能過之者也先生齒長於穆二十年而強願拂飾之

引以爲友久益親需次都門課授多暇竊請曰古人著書將使不知者知之則

今人注書亦將使不讀者讀之桂書邇頗有大力者謀爲刊行工既勾矣以有

所撓而段罷書多逞臆武斷不便初學易更整爲善本以詒世之治許學者乎

先生諾之於是仍取資段桂及所著釋例剪枝存幹日課一紙始一終亥再則

乃畢顏其帶曰句讀以爲是初學之讀本云爾夫許君追原制作文字之初指

而說之解之宜乎學許君之學者亦必推本其所以如此說如此解而摛繹疏

通之宋元人好訾說文今人好訾說文尊之者之愈於訾不待辯要其爲皮傳

身齋文集 卷二 六 山西省文獻委員會印

破瓶之學則一何也說文經六朝人之逸寫唐明字科試人之割裂李陽冰諸

人之變亂徐鼎臣合集書正副本羣臣家藏本之改定幾於百孔千瓶而時賢

乃銖銖比增一似親炙浸長而得其手定之本也者獨非惑歟句讀之纂也先

生以七事相語曰說文正文九千三百五十三今溢六十二文重文一百六

十三今溢百十三文嚴可鈞議刪重文未刪正文不知此蓋說文續添中字字

林中字後人編入也故刪正文之有據者一也一字兩見大徐率目在後者爲

重出審部居定去留如否爲不之孽育吁爲于之孽育二也前人引說文多增

益於說文之外牝牡驢黃都所不計故或得其義而失其詞今卽詞以求其義

之所主三也許君說形說義說音皆歸一貫今人或自爲說如蒐人血所生因

字從鬼也引者譌作地血或遂欲據改之則好奇而不顧其安四也許君所引

經文字體句限多異今本固有譌誤增加而其爲古本者甚多今人或疵瑕之

不潛心也五也說解有許君擬始者如后身闢喧諸字前無古人其實故訓固

然援經義以表許君之識正前人之誤六也爾雅說文互爲表裏而景純作注乃適得爾雅誤本而曲爲之說如許曰須從卽釋草之須許從許須雙聲許從疊韻短言之爲許長言之爲須從雅文誤倒耳翰曰天雞卽釋鳥之翰天雞既屬羽翰之翰何緣更入釋蟲翰卽曲禮之翰音翰則字林所誤載今則本許義以正郭本郭說七也然非先正其句讀則或雜蓮不成句闕佚不可句凡讀者所深諱不言皆不讀者之話柄矣或問許書句讀古無知之者乎曰否程安福也李善注難蜀父老引云安也壁端玉環也慧苑華嚴音義引云瑞圭范應元注老子引云瑞玉也定礙不行也徐錯祛妄篇引云礙也宙舟與所極覆也爾雅釋詁疏引云舟與所極也唐宋人蓋皆知之故但指引一句今人反疑爲說佚而摺增焉謬也書成先生出宰鄉甯瀕行以句讀之作發端於穆屬卽條列緣起弁之書首昔王景文在太學與九江王阮齊名阮曰聽景文談如讀鄧道元水經名川支渠貫穿周市無有闕斷咳唾皆成珠璣穆研思鄧注有年曾未

帛齋文集

卷三

七

山西省文獻委員會印

得其脈水甄山之奧而傾倒先生著書則較阮殆又過之敢卽以阮之頌景文者頌先生世有讀其書者乃知蒙之不阿也道光二十有四年冬十有一月朔日序

程侍郎遺集初編序

先大父宰歙徧交其邑之名儒而春海程公之考蘭翹學士以童子從公後肄業斗山亭特爲大父賞拔學士家極寒大父召入署躬督教之衣食視諸子不數年論經註疏皆精熟爲文滙粹精粹試必冠曹舉乾隆丁酉拔貢入成均連擢鳳科優直內庭聲望斐然願歿於嗣晚乃誕公公丰儀玉曠父母珍若連城七歲就傅每日讀書不過二時而寒煖晦暉氣候乖舛皆輟課曹顧厓少宰大父庚寅分校南闈所得士也時官侍講先君子從之游與學士同邸每抱持公問以書不能答則偏檢輿僻不經之字相詰難蓋好奇不羣幼性爾也比學士卒於山東學政任所高宗純皇帝特簡歙人之官清要者俾往經紀其喪因以

少宰嗣司校事少宰延先君子同往至則爲庀其行篋握公手送之登車年十有一矣已而先君子會試入都見學士舊僕訊以門戶近况則言公子發憤力學入邑庠大被宗師賞異出應試小賦名雋綺靡歎爲絕倫逮乙丑再赴禮部試公亦偕計吏來京師風雅淹博輦下共推爲才子又越七年遂與先君子同舉進士入翰林公嘗贈穆詩曰君祖授我嚴獎誨若子姓君嚴我同講欣契挫其敬蓋實錄云公負奇氣博觀強誦於經訓史策天象地輿金石書畫于近太乙脈經格學莫不窮極要眇究析發皇之而精神所到冠絕一時卓然可傳於後者則其有韵詩文也詩初好溫李年長學厚則昌黎山谷兼有其勝又際會清宴無金革流離之事傷其耳目故形之篇詠者率排券妥帖力健聲宏琅琅乎若鸞鳳之嘯於穹霄也穆於癸巳之春初侍公直園情好之洽久愈摯不三五日必召過飲投巾振袂談議交錯寒士之被禮者殆無與比嘗請公自訂其詩公曰吾詩險而未夷能飛揚而不能黯淡思力所及者腕每苦其不隨更讀

帛齋文集

卷三

八

山西省文獻委員會印

書十年殆可相質耶嗚呼孰意所業之遂止其斯歟丁酉夏穆將歸應鄉試行有日矣公置酒相餞漏過午拳拳不放別乃穆甫出都門公遽感暑疾久不瘳祁叔穎尙書日往省沈頓之頃尙以穆試事爲念遺言乞儀徵相國銘其墓而尙書書之次年穆將南遊迂道人京師哭公子儀孝廉以遺稿相授塗乙潦草首尾多不完篇或題殘稅乙酉以前之作竟無一字存疑公尙有清本藏之別笥子儀未檢獲也謀更事搜采成完袂在苒未遑而子儀又以措交庫款赴粵東卒於劉仲寅觀察署中觀察名辰昌公視學貴州所拔貢生公歿後所以矧恤其家者有加子儀卒命其弟送柩返歙買山營壙并葬公及金夫人兩世三棺其孤孫棲婦之寄寓京師者則祁尙書爲經營擁樹之觀察又議以幼女妻子儀之子而娶其女爲己子婦迎公全家入黔相依以久嗚呼師恩友誼人有同情當公賓客填咽之時詎知身後巨卿乃此兩人哉穆幼聞先君子之所以稱公者長而公之相待略如大父之待其先德知己之感永永弗諼也儀徵志

文久已刊行今年春尙書念公雖葬而臨終相託之意不可孤屬穆爲購石材書丹勒之并刻其遺集曰以此爲初編續有哀錄補梓易耳穆既恐殘斷之稿并歸譌落又懲夫嫁名僞譏者之厚誣公也爰借公門人何編修紹基排比爲賦一卷詩四卷又凡稿草之失題者及詩餘試帖共爲一卷碑志哀誄駢雜雜箸之文五卷總題曰程侍郎遺集而叙其緣起如此以訓公知兼志余痛云道光二十五年三月既望序

便黔草序

古人之文之詩之書所以能造極詣微隨其才大小卓然自成一家者無它各本學問誠力所到而正出之奇出之迂迥出之務肖其性情無所謂法而法自立無所謂格而格自高自摹擬規放之說與於是學者不事讀書養氣磨礱性情而矯揉造作尋聲覓響詭譎然曰此於古爲某家此於古爲某格如此則爲文爲詩爲書不如此則非文非詩非書也嗚呼操是說也天下甯復有真文詩

身齋文集

卷三

九

山西省文獻委員會印

書邪優孟衣冠縱復一一似之吾固將舍旃而古人與居亦復何苦做有用之聰明材力爲是傀儡之戲邪雖然建九成之台毫無憑藉一木一石躬自營運非積數十年之力固不能舍古人而獨成其爲我則何如摹擬規放者之取徑捷託地高見信於人速也然則世之甘於逐人嘵笑以爲喜愠者乃便於空心高腹之祕計夫又何怪其然乎穆能爲是說而行不逮故藏其言於心未敢輒以語人獨數數與子貞同年論之子貞之才涵演莽蒼足以達其學問誠力而與性情日厚今天下何太史書布滿屋壁無人不矜賞鄭重之至其搆一文根節磊落造製一詩真氣空沛世或不知而穆獨傾倒無已者誰無性情獨讀貞子之文詩如見子貞之性情夫學至能發揮其性情而學乃且斷其日進矣一日客有誇子貞庖饌之精者穆應曰子貞之饌無它謬巧只是本色而已子貞之文詩書亦無它高妙只是本色而已座客頗頌其言既而思之本色者何真而已矣真者何不事矯揉造作自寫其性情而已矣至於工拙高下當待天下

後世知言者品評之非吾所能臆定也子貞生平所作詩往往失其稿此黔草三卷以寫有淨本且日月先後甚完無事整比先付諸梓滿益當世之有真性情者刻既成謂穆不可無言穆唯唯而久無以應因它日答客之言乃引而申之如此時道光二十八年四月立夏節後一日甫山上斜街移寓門樓胡同與子貞西磚老屋相距僅百步可時相見爲穆潦倒中一快意事因并識之

漢石例序

文生於義不生於例也義洽而例自立焉故不獨春秋有例若詩若書無不有例其例卽定於聖人精義之心非有所比擬景傳也爲文必當明例碑志又文字之最謹嚴者其例尤不可不講元潘景梁王止仲明黃太冲遞有所述然取法不越昌黎是謂昌黎以前金石之文皆擴語也先河後海豈其然乎古人淵鐘範鼎義專褒顯而人僱事不忠本末不審故款識流傳類皆鑿括行能文質究宜但主銘勳不關記事變金爲石其義猶是其例亦當猶是秦漢以來

身齋文集

卷三

十

山西省文獻委員會印

矩獲具存可覆驗也自昌黎一變而爲述事後世史籍踏午往往足資考證故各家文集碑志尤爲可貴昌黎之功誠亦不細然不得因後掩前反疑古人渾噩爲不達也朱竹垞嘗謂墓銘莫盛於東漢鄧陽洪氏隸釋隸續其文其銘體例非一宜用止仲之法舉而臚列之竹垞既未有成書錢唐梁氏志銘廣例吳江郭氏金石例補嘉興馮氏金石綜例搜采較博舉例尙疏至長洲王氏碑版廣例雖上取秦漢下訖中唐其指乃主於摧毀漢人專以文章正統與韓歐其言曰漢碑版之在世亦多矣或與而隨或枝以蔓雖或得焉其所得嘗不敵其所失又曰漢碑版不皆出於文士乖離析亂人率其臆未嘗有例也噫古人物勒工名一器且不苟作何有旌功寫德託垂千億乃曾不得一文士爲之操觚乎晚近尙欺心之學且有專標柳子厚馬少監張子野黃夢升諸文以爲碑志正宗者是并韓歐之例可何廢論漢也吾友寶應劉君楚楨始本竹垞之意豈以東京爲主傳以經術加之博證纂爲漢石例六卷蓋惟深通漢學故能得其

大義義舉而例亦因之俱舉文章家既讀潘王之書即何可不進以此答也楚積爲端臨先生從子少與儀徵劉孟瞻齊名號揚州二劉作令畿南迭更盤錯時遣人持券告貸京師而一錢不以累民比官元氏貧愈甚循聲亦愈起訪獲縣境古碑甚多其尤著者則延熹封龍山碑自來金石家皆未見也靈石楊君墨林及弟子言雅好金石讀君書喜且寶之因請刻入連筠籙叢書中而以校勘之事屬余余既獲交孟瞻又獲交楚植故樂序行其書楚植又嘗有寶應圖經精博與孟瞻揚州水道記埒二劉之目豈虛譽哉道光二十九年三月初六日序

落颺樓文稿序

穆與子惇交以談藝深相契也及子惇歿且十年讀其與鄰王履軒大令書曰查於知名之士不敢妄相投契必求其有性情者乃與訂交故兩載留京僅得平定張頌洲一人然後知余之不見棄於子惇以此余無似不足辱良友知然

月齋文集

卷二

十一

山西省文獻委員會印

子惇取友之義則嚴矣子惇以道光十五年入京師館徐星伯先生家先生數爲言其地學之精越一年乃相遇於道州何子貞同年所即承以長春西遊記金山以東釋見示并讀其落颺樓文稿此所刻前二卷是也由是往來遂密又越四年而子惇遽瘵疾卒於會邸時子貞扶文安公柩歸里穆朝夕守護醫藥比視含歛殯棺野寺哭奠成禮乃去至始終經紀其喪則星伯先生一人而已先是歲壬辰文安公視學浙江子惇以庸蜀光髯微盧彭漢汝爲文安所首拔未幾文安召還朝新城陳和士侍郎繼之又以尙書古文攷毛詩古音攷爲侍郎所賞歲甲午遂以優行貢成均時年三十有八矣穆春海侍郎嘗讀西遊記擬爲一文疏通春廬宗承跋所未盡及見子惇跋歎曰地學如此遐荒萬里猶目驗矣我輩捕材未足語於是也又嘗與張淵甫孝廉論禮服往復詰難百辯益堅淵甫雖不知所答也子惇留京師爲桐城姚伯印總憲校國史地理志寓內城間旬出相訪則星伯先生爲羶羊炊餅召余共食劇談西北邊外地里以

爲笑樂余嘗戲謂子惇生魚米之鄉而慕羶者麥南人足不越關塞而好指畫絕域山川篤精漢學而喜說宋遼金元史事可謂三反子惇聞而軒渠以爲無以易也作字模範鍾王而偏旁點畫必釅合於六書當道州新城觀學浙江時日照許君印林皆在幕中印林嘗爲余言鎖院得子惇卷如辨古金款識漢學者或不能盡識輒傳觀以爲奇寶至爲賦頌駢儷之文則又精雅似六朝小品蓋其多藝如此性沈默每當衆論鋒起拈掇靜聽若都不解及客退而發其乖違斷斷不少假借故於一時才士子惇既少所許可人亦或畏且忌之不甚內交也庚子十月忽手錄所撰漳南澗北諸水攷見貽其意懇懇然若有所諄屬者未及一月而子惇且病死矣垂歿猶力疾檢施北研遺山詩箋初印本相付北研者烏程老儒執於金元掌故子惇所嘗從問業也茲余爲靈石楊氏哀刻叢書爰取子惇遺稿合以子貞所藏前二卷都爲一編付梓問世嗚呼子惇死余多得金元遺文每恨不能起我良友共讀之偶有纂述至山回水互診脈

月齋文集

卷二

十一

山西省文獻委員會印

俱窮之際益思得如子惇者助我而至今未一遇乃星伯先生卒亦且二年矣寡聞之慨其有既哉道光二十九年閏四月序
癸巳存稿序
癸巳存稿者歐俞君理初於道光十三年編刻平生所爲文題曰癸巳類稿而以未刻者總寫成秩緣其初名存以備散佚云爾先是壬辰冬理初館新城陳和士侍郎所爲校顧氏方輿紀要穆一再過之頗多請益理初賞之曰慧不難慧而能虛虛而能入爲難因與訂交然理初年長於穆者倍穆禮事之尊爲先生不敢與齒也越年春儀徵太傅主會試命下諸鉅公輒相與賀曰理初入殿矣聞文出穆爲效寫官之役經筵策問皆折衷羣言如讀唐人正義馬氏通攷而汰其繁縟也榜發竟報罷已而知其卷在通州王菽原禮部房禮部尚力薦之而新安相國深嫉迂誕之學網束置高閣儀徵初竟未之見也後十年穆謁太傅於邗上太傅爲述此事猶扼腕太息有餘恨云禮部既得理初則大喜延

入郎中索觀所著書爲醜金付彫於是天下始得讀所謂癸巳類稿者向使理初倖獲一第其自爲謀亦不過刻書而止所惜者國家失此宏通淹雅之材耳理初足迹半天下得書卽讀讀卽有所疏記每一事爲一題巨冊數十鱗比行篋中積歲月證據周徧斷以己意一文遂立讀其書者如入五都之市百貨俱陳無不滿之量也然細字密書上增乙跨稿草瑣積粹不可讀當議刻類稿之時發篋攤書几上屬日照許君印林及穆爲檢之擇其較易繕寫者得如千篇分類排次以付梓人前所刻十五卷是也及類稿既竣其書稍有餘費乃覓鈔胥爲寫未刻之稿又得尺許卽今所刻是也理初方年二十餘負其所業北謁孫淵如觀察於兗州時觀察既爲伏生建立博士復求左氏後裔理初因作左丘明子孫姓氏論左山攷左墓攷申雜難篇觀察多采其文以折衆論而理初陳古刺今之識亦山是日益堅故其議論學術與觀察恒相出入也顧以家貧性介知其學者寡奔走道途四十年縞紵餘潤不足贖妻孥年逾六十猶不能一日安居遂其讀書著書之樂也歲戊戌以公車在都穆自西來將南游暫事羈栖與朝夕見殆將百日始別去而理初留滯會邸至十月顧士侍郎之公子淮生假以資斧乃得南歸復相遇於秦州道中因與偕謁祁叔穎學使學使厚飲之約其春初復來己亥正月理初果相訪於江陰未市月余隨輜車北渡歷試徐海諸郡遂由淮安入都而理初留江陰縣署爲學使校寫三古六朝文目及此存稿副本七月學使邀赴金陵言於制府聘掌陰書舍教惜陰書舍者陶文毅所特設以課諸生古學也地據城北高阜江流一綫浮浮目前致爲幽勝修脯所入亦較優贍余聞之喜以爲此足抵理初晚節菟裘矣乃次年五月遂卒於書舍中書生薄帖至於此極可爲紼歎矣其年冬學使還朝余從得存稿副本又越六年丙午刻入楊氏叢書放類稿例亦釐爲十五卷中多引申未竟之作不復闕惟精篇纏纏萬餘言爲理初極用意之作穆以爲非後學所能遽解也則汰去之夫以理初之學之年核其著錄歲月多在小子未生以

烏齋文集

卷二

十三

山西省文獻委員會印

顧不以爲弗類忘年折節引爲同志此意何可忘也至其學行本末則程春前海侍郎兩序詳言之茲不復綴云道光二十九年五月二日夏至節序

重刻元遺山先生集序

遺山先生集中統嚴氏初刻本不可見今行世者惟宏治中李叔淵本及康熙中華希閔本而華本卽從李本翻出猶一本也詩集單本較多惟毛氏汲古閣本盛行南昌萬廷蘭本係從全集摘出故於曹益甫所增之八十餘首概從闕佚而元黃公紹選本穆又未之見也近烏程施北研氏孰於金源掌故有遺山詩文箋極精博詩箋初梓吾友沈子梓卽以相贈近亦印行文箋仍舊未出也遺山世籍平定靖康末始遷居秀容故文字中稱平定爲鄉郡生平踪跡往來於平定至孰吾家陽泉山莊卽詩所詠棲雲道院山莊東北一里而遙有土岡斗上中央宛宛若蓋俗名圍窪迤西馮氏舊營香亭石柱刻有遺山帶馮大來副使詩大來者遺山往來陽泉時東道主人也計亦益落丈夫而其名得則州

烏齋文集

卷三

十四

山西省文獻委員會印

志已失網羅蓋文獻之放失也非一日矣穆生也晚未獲從者奮鈞遊而劉覽羣書過有鄉邦故實輒一一疏記以助桑梓雅談遺山尤夙所慕仰登瀛雲樓拜楊趙元李四賢東主流連企歎每思論其世考其出處文章與吾黨之彥一盱衡之而利祿移人帖括燬目其足與甄討及此者不數觀也內相文獻楊公勳業軼於溢水數理不媿鑾城而炳炳著述今遂無一字留貽謂非州里後進之學與遺山幸以能詩故其文得附以傳然已不能家有其書李叔淵雖稱得善本於儲靜夫太僕而譌文脫簡仍不勝乙今爲鈎考金元史及同時各家集它若元文類金石例金文雅山西通志諸書缺者補之誤者訂之如無可據校概從闕疑續夷堅志世行寫本二卷余秋室氏篋爲四卷手書刻之大梁樂府五卷阮太傅研經室外集載有提要而文選樓書目初無其名聞漢陽葉氏有寫本數從相假檢未獲也嘗擬都爲一集繡梓版存冠山書院而京華旅食囊橐蕭然乃簡借備書餘費歲刻數卷始丙午二月訖庚戌四月首尾凡五年工

始告竣附錄一卷補載一卷儲氏華氏施氏遞事增輯穆續有采獲并歸人之
遺山一家之業其存於今者約略備矣其為遺山撰次年譜者有翁氏凌氏施
氏三家翁施書皆有刻本凌氏成書在翁施之先未梓行有序載校禮堂集中
漢陽葉氏錄有副本幸得假鈔因並刻三譜集後各存其真不相攙和放汪立
名長慶集并存新舊兩譜例也至近日坊肆有新刻遺山集本乃某太守從臾
書賈據華氏本刻之蘇州者舊缺御史張君慕表陽曲令周君慕表鄧州新倉
記各半葉葉各三百餘字此本皆補完之微勞亦不可沒云道光三十年五月
序

敬案師此文作於己酉四月文中雖稱庚戌四月云云及未題三十年五
月實據也又遺山新樂府師已於劉克夫太守處得康熙間華正
刻本手校付梓未幾畢工今據本館存所假刻本不知歸何所矣癸丑正
月劉燕庭方伯為讀言家有汲古閣舊藏元板遺山集當有樂府許於病
今尚有存者謹識於此以俟成師志者云

重刻吳才老韻補緣起

烏齋文集 卷三

十五

山西省文獻委員會印

才老孟子所謂豪傑之士也北宋以來學者溺於憑虛中詭之風實學不講久
矣才老獨能不習俗奮然訂古音疑偽書為後學開榛莽除先軀蓋自才
老後縣縣延延又五六百年至我聖清而後亭林潛丘相繼挺起盡才老未盡
之業詩書古經昭然若日月復明也穆雅好顧閻之學嘗為兩先生撰次年譜
以明祈禱既念推輪大格才老翼經之功不在毛公伏生下惜乎好其學者寡
書祧傳詩補首既久佚不傳韻補雖有刻本而荒蕪潦泐未愜雅觀老友河間
苗先路篤志顧學慕才老之書歎未獲見歲丁未秋始從道州何子貞太史假
得之鍵戶謝客手自繕錄寢食俱廢穆聞而喜曰先路之好亦余之夙好也曷
即刻入楊氏叢書以廣其傳乎子貞因為搜借各家刻本寫本及大輿劉侍御
所藏汲古閣景宋本大抵謬誤踵仍各家本毛本皆不足據誤亦略同幸才老
所引之書今日十九俱在精意離對尚非難事據明陳鳳梧序正德間道州何
方伯天衢嘗刻於河前未知卽卽世所行刻本否方伯為子貞族祖今此書之刻

其指題又迥自子貢發之斯文靈魄萃於一宗曠世不昧亦一奇也書後附人
亭林韻補正及謝氏小學韻補效以完一家之學刻既竣先路大喜曰不意垂
老猶及見韻補精本死不恨矣率印數十秩網載歸河間從此凡案開音學五
書外又增韻補一種樂何如也道光二十八年五月日長至題
書家古源流後

此書但詳順帝以下汗之子孫而太祖諸弟子孫不及也汗之子孫亦但詳汗
及鄂爾多斯巴爾斯博囉特二支而達延汗其餘諸子不及也其中寫之最詳
者為阿勒坦汗及庫圖克圖徹辰鴻台吉二人而餘人亦不及也然汗之傳位
世系則已較然明白鄂爾多斯之所以獨詳者以汗即卒於八白室前鄂爾多
斯則為汗守禦八白室之人也然考明史韃靼傳其為達思者大約亦不過
此三支其東部炒花則太祖諸弟子孫所謂土蠻則又達延汗諸孫之南徒近
邊今為內札薩克放漢奈曼巴林札魯特克什克騰烏珠穆沁浩齊特蘇尼特

烏齋文集 卷三

十六

山西省文獻委員會印

諸部是也明人治邊尚不乏才至於紀數源流審正名字則殊草草如達賽遜
之為打來孫庫圖克圖汗之為嫩虎兔王子猶不過譯字之變不為譯外最可
笑者巴爾斯博囉特之衰必里克為鄂爾多斯濟農職名也明人譯濟農
曰吉囊不為失也乃不以為官號而以為人名及衰必里克之子嗣為濟農以
為不應父子同名則曰吉囊子吉能亦可謂不老之甚矣今據此書表出而後
明史言蒙古事者乃略皆可讀暇當更為大事表以著其剽撫之略而有明一
代蒙古事乃可考云

校正元聖武親征錄序

元聖武親征錄予始見於徐星伯太守處相傳為錢竹汀宮詹藏本輒轉鈔得
者繼又借得翁正三侍郎家藏本予乃鈔存徐本而以翁本校之點勘一過其
書久無讀者收藏家付之鈔皆聽其謬認如行荊棘中時時牽衣維肘又如捫
薜讀斷碑上下文義相綴屬者可一二數以屬友人觀之不終簡輒棄去不顧

願船獨爲其難取而詳校之嘗自言一字一句有疑十日思之不置每臨旬餘輒以校本見示加箋證數十條越數旬又如之其始就原本題記行間眉上字如蠅頭蓋十得其五六繼復黏綴稿艸鉛黃錯雜迺十得其七八近則補正益多手自邊際一再讀之令人開豁較之原本廓清之功比於武事矣昔太史公纂述藏之名山極鄭重也而所望於後世者惟好學深思心知其意之人蓋天下文人多學人少不得學人則著述之事幾乎息矣如願船之所爲豈非史公之所願見而不可得者哉固非徒是書資其考證也

蒙古游牧記自序

我皇清受天眷命統一天下溥海內外悉主悉臣治道之隆登三成五而北戴斗極西屆日所入廓疆三萬餘里靡不服屬奔走禮樂朝會賦役法制條教號令比於內地盛矣哉古未嘗有也然內地各行省府廳州縣皆有志乘所以辨方紀事考古鏡今至於本朝新闢之土東則有吉林卜魁西則有金川衛藏

烏齊文集

卷三

十七

山西省文獻委員會印

南則有臺灣澎湖莫不各有纂述以明封豸而彰盛烈獨內外蒙古隸版圖且二百餘載而未有專書欽定一統志會典雖亦兼及藩部而卷帙重大流傳匪易學古之士尙多憚其方隅疲於考索此穆蒙古遊牧記所爲作也蒙古以畜牧爲業不常厥居且譯語多歧無從考證地理家紀載闕如職是之故不知史稱匈奴隨逐水艸然各有分地居東方者直上谷以東居西方者直上郡以西而單于庭直代雲中此卽今四十九旗所居之地可知北方部落大小相維略如郡縣之制自昔已然本朝因而區畫之一命之吏必請於朝一石之粟必輸於官疆理之法盡美盡善由是臣喀爾喀平準噶爾降杜爾伯特來土爾扈特城烏里雅蘇台科布多塔爾巴哈台以莅治之北守庫倫西守伊犁以控制之形勢既得中外永安用以緜億萬年無疆之盛治周官重體國經野孟子言行仁政必自經界始豈不諒哉今之所述因其部落而分紀之首叙封爵功勳符寵命也繼陳山川城堡志形勝也終言會盟貢道貴朝宗也詳於四至八到以

及前代建置所以綴古通今稽史籍明邊防成一家之言也致力十年稿艸屢易凡國家豐功偉略見於方略諸書者罔不敬錄而闡揚之其近年興建則又詢諸典屬訪諸樞垣以斷精詳而備討論閱者手此一編亦足以仰窺聖神功化之萬一矣昔吾鄉祁鶴阜先生著有藩部要略一書穆曾豫雋校之役其書詳於事實而略於方域茲編或可相輔而行異時爲輿地之學者儻亦有取於斯也夫

魏延昌地形志自序

魏收書初出卽重爲世所誦厲其地形志近代始稍稍攻之然特議其縮籍不斷自太和雍秦郡縣多所脫漏而已至於志之巨謬及收之本惜未有顯言者也考拓跋氏肇基恒朔遷鼎洛陽兩地宏規最宜該備此如領周京者知稱豐鎬必瀕邠岐美漢業者旣尊三輔敢略沛豐龍興虎視根本重地未可率爾也乃收志司州洛尹分析崎零盛樂平城全歸寄治數典忘祖悖孰甚焉而其本

烏齊文集

卷三

十八

山西省文獻委員會印

皆則正以責諛東魏張貢諛高齊之本首鄴孝靜都也次定次冀何服也以形勢論卽應西敘潁洛東條兗濟乃橫厠并州於其間者晉陽高歡之行臺也觀太原郡晉陽注下特書日出帝永熙中霸朝置大丞相府武定初齊獻武王止置晉陽宮自古地家無此變例然而收之本惜顯然明白矣且收雖云據永熙縮籍而分併建革一以天平元象興和武定爲限則收是志純乎東魏之志而已武定六年魏遣兵略江淮取梁二十三州七年取梁青州及山陽郡淮陰越一年而高洋纂魏此收志前二卷所以始於魏尹終於沿邊新附諸州也其第三卷雍秦以下諸州地入西魏不關於高遂脫失蹤厥不可闕數徒以書綜全魏不得不旁及關西聊充卷秩爾

西魏收書

穆初讀水經注卽謀博徵典籍撰爲義疏賅會君理初教之曰是當

先治地形志取而讀之苦其無亂大與徐文星伯嘗扣以收志分卷之由亦茫

無以對單心鈎穆退寫爲圖圖成始恍然曰此非北魏之志也而自來談拓跋

置域者率以是志其里到遇有收所失載之郡縣若建陽長松之類輒以爲後人亂亂偵矣於是更事排纂勒爲此志建置斷自延昌者按初學記引括地志云魏孝文帝都洛陽開拓土宇明帝熙平元年凡州四十六鎮十二郡國二百八十九矣熙平者延昌四年之後一年通鑿梁天監十年下云是時梁之境內有州二十三郡三百五十縣千二十二是後州名沒多廢置離合不可勝紀

語本隋書地理志敘 魏朝亦然梁天監十年者魏之永平四年延昌改元之前一年也豈不以孝文帝宅京之烈宣武撫全盛之業元魏里斯其極哉熙平以後增改頗多孝昌之際淪亡遂甚仍一一附見條下俾一朝沿革有所考焉而盛衰之感繫於此矣恒代以北晉宋棄諸荒微郡縣不立魏設重鎮制之士馬騰強所由盛也孝明改鎮爲州易郡將以刺史漸用削弱國遂不支尤一代廢興所關故臚敘特詳以示鑒戒之義三代以來山川古蹟班馬兩志甄錄已多收書或繁或尙絕無條理今亦不復盜襲前修以炫耳目而古籍遺文有涉及魏事者

烏齋文集 卷二 十九 山西省文獻委員會印

則畢加搜討不惜觀縷典實既陳隘塞拘具亦攷古所必資矣普自永嘉以後羣胡雜族版蕩中原凡五代十六國攻守戰伐之蹟皆魏人席卷之先驅而晉隋地志紀載缺如揆以漢詳秦制之例亦此志所應薈萃也隋志通典元和志寰宇記通鑿注株引既多差互不免必鑿然有徵始用據補餘並附存案語以竢達者不敢臆決也又此志雖以魏事爲本鄙意則并欲爲世之讀臚注者通其徑術故凡中尉所條列每不憚其詞之煩西北陔塘堰澤尤有心經世者討論所必先茲並攷其興廢及現今情形庶後來者有所取法焉昔沈約叙宋州郡志曰地理參差其詳難舉實由名號驟易境土屢分或一郡一縣割成四五四五之中亟有離合千回百改巧歷不算尋校推求未易精悉夫由今日訂廷昌之籍視休文撰大明之書去古彌遠難應倍蓰尋校無馮矧云精悉然以刊收志之謬補魏書之闕或亦談拓跋置域者所不廢云爾道光二十一年重光赤奮若孟陬良日譔

題詞

鏡鏡診癩題詞

乙未冬初晤沈香於銀灣客館從之學算圍鑑溫酒無夕或間一日夜深月上出自製遠鏡相與窺月中宵陔黑點四散作浮萍狀懽呼叫絕沈香因爲說遠鏡之理旁喻曲證歷歷不竭次日復手是書見示穆讀而意之以爲聞所未聞情皆錄副藏之篋衍述丑寅之交海孽鴻張或頗詫其善以遠鏡立船槓上測內地虛實惜無能出一技與之敵者穆因從與當事延沈香幕中以所錄副本爲券當事既不甚措意未幾撫局大定議亦遂寢甲辰春沈香復來京師靈石楊君墨林耳其高名禮請爲季弟子言師兼謀刻所答論算各種穆曰是無宜先於鏡鏡診癩者因稍爲畫定體例附火輪船圖說於後嘗念天下何者謂之奇才實學卽奇才也一藝之微不殫數十年之講求則不精屠龍刻楮各從所好精神有永有永而傳世之久暫視之沈香雅善製器而測天之儀脈水之

烏齋文集 卷二

卷二

二十

山西省文獻委員會印

車尤切民用今老矣有能奇其才者乃知所學之通用也道光二十六年丙午

秋八月朔日題

元朝秘史譯文鈔本題詞

承樂大典十二先元字韻中載元朝秘史一部八册十五卷不詳撰人名氏其卷次亦大典約爲區分本書蓋都爲一秩也每段前列蒙古語附以譯文此所鈔者其譯文也外闕更無傳本錢竹汀詹事元史氏族表首所列蒙古諸姓全據此書而不箸書名聞徐丈星伯云程春廬京承曾手錄一通於所著元史西北地理考中婁引之今地理考爲人竊去所鈔秘史亦遂不可蹤跡穆於辛丑之秋幸緣守藏吏獲觀寶笈爰假寓功臣館逸寫數種以出秘史亦其一云

亭林年譜題詞

謹案本朝學業之盛亭林先生實膺啓之而洞古今明治要學識該貫卒亦無能及先生之大者聞儀徵阮相國桐城胡維君處嘗爲先生撰次年譜惜未之

見大興徐先生松鉤詩文集依年排纂寫有定本屬為釐正會何太史紹基自金陵來攜有上元車明經守謙號秋所輯譜互用勘校車氏差詳蓋車本之崑山吳廣文映奎號而吳又本之先生嗣子衍生也道光二十三年穆與太史辨議鳩費為先生建祠堂於京師慈仁寺西偏既考太史謂穆曰先生蹤蹟甚奇學者或不盡知子蓋比而敘之以語後進乎爰綴兩譜之異同傳以各書所紀語務求詳事期覈實世之景行先生者倘其有考於斯歲在昭陽單閏五月朔日識敬案此篇據先生校改本錄存與刻本小異

潛邱年譜題詞

癸卯夏穆改訂亭林年譜既卒業念國朝儒學亭林之大潛邱之精皆無倫比而潛邱尤北方學者之大師因取杭大宗錢曉微所為傳及節記疏證諸書排次歲月為潛邱年譜將以語吾鄉後進興起其嚮學之心討論月餘稿艸揃具是年秋南遊江淮過山陽訪丁儉卿舍人訊以潛邱遺事儉卿出所著山陽詩

烏齋文集

卷三

二十一

山西省文獻委員會印

徵拓塘歷錄見示頗多采獲漢陽劉某雲學正見之為修改十餘條葉潤臣舍人好為詩凡國初人集有與潛邱相涉者輒來相告增補加密矣洎交光澤何顯船比部復以此譜相誘顯船為析疑彌罅又不下數十事於是壽陽郝尚書嘉其用力之勤欲遂墨諸版與顯譜並行憶戊戌冬襄校淮安見閻氏之應試者今尙多有遺容志傳必世守焉不可替吾世而失之也屬同年何子貞編修致書學使者張筱浦侍郎行文淮安學官向閻氏後人索之越數月得學使復書則復中所撰行述世宗憲皇帝祭文輓詩歸然俱在意潛邱之靈實歎相焉為之意慨者彙日爰與顯船更事討論密又加密蓋自創始以迄今日凡五易稿而後寫定此本雖畢瀾仍不免於潛邱束身力學之大綱約略具矣學者儼循潛邱讀書之法研證經史勉成實學而不蹈標榜聲名苟簡自封之習是則區區舉前似賢之微意也夫整比再三勉徇尚書之意付之梓人因述其緣起如此道光二十六年十二月識

補遺

王會篇箋釋序

周書為百篇之餘著錄於子駿七略孟堅藝文志非出於汲冢而讀者多惜其源流至王會一篇紀成周之盛名物制度足補墳典邱索之闕自許鄭注經皆所援引尤可寶重顯船比部精心研覈博稽詳校成箋釋一書觀者咸服其賅博精深擬諸裴氏之注三國酈氏之注水經而余謂其過人處在於訓詁地理二端尤為得未曾有蓋先秦古籍深奧難通顯船能疏通而證明之如耕勦之義足補漢長充唐之訓足匡司農邱距虛之為二獸足糾景純豁然若晦之見燎釋然若冰之方泮其它毋穿經術宏益良多定宇召弓有所不逮至若禹貢方域春秋地名古人所稱絕學而商周國名曠無考證路史之流患在無稽不足依據顯船獨能一一求其所在不為鑿空之談如區陽西中規規禹氏之類每樹一誼堅確不移使讀史者上下千秋縱橫萬里可以燭照數計不誠為稽古之快事哉昔閻潛邱精攷證之學嘗云讀書必尋源頭手一書至檢數十書相證侍側者頭目為眩而潛邱精神沛溢眼爛如電其所著述屹如長城堅不可攻故杜于皇贈閻詩有云不貴子博視貴子乘確識吾子必自愛如子實難得余曩謂斯語非潛邱不足當之亦非于皇不能言之至今日可轉為顯船贈矣因題於簡端以志忻慕時戊申二月望日

烏齋文集

卷三

二十一

山西省文獻委員會印

烏齋文集卷三終

烏齋文集卷四

跋附記一篇

平定張穆

沈果堂鈔尙書古文疏證五卷本跋

此本五卷凡四册第三卷仍缺每册前有果堂小印第六十二篇書眉又有朱筆批云余已通之於周官祿田攷矣故定知爲沈果堂鈔本也其第二册無篇第之數據果堂跋鈔自顧陶元家第五卷則借惠定宇本補足餘三卷標題之次與今刻本略同間有改定及亞一格引中之文率是刻本演而愈多辨日加密良工不示人以樸觀此可以推見潛丘讀書之心矣第二册以今本校之自第十七題至第廿八題沈鈔本同以下言古人文字多用韻篇今本爲第七十四言古人字多假借篇今本爲第七十五而鈔本第五卷又皆有之次亦與今本同言書小序篇今本爲第一百五言書大序篇今本爲第一百七言朱子未

烏齋文集卷四

山西省文獻委員會印

及疑安國傳篇今本爲第一百十四言馬公黢疑古文篇今本爲第一百十五言孔安國從祀篇今本爲第一百廿八蓋全書規模約略已具此後但觸類引申錯綜整比之耳第五卷沈鈔無最後論詩小序十餘條即漢山宋詩說也而多又案一段知第五卷之成潛丘年五十三歲有倩園謝生寫照事道光廿七年十月穆爲潛丘作生日子貞初得此本即據以入詩穆亦據補入年譜中又今刻本於東歸過馬公黢靈壁署事皆作己丑沈鈔本內夾一版于此處准揚所見三四本穆案順治己丑潛丘方七歲而公黢自康熙丁未移官靈壁癸丑冬卒於任所是年適潛丘自登昌東歸意猶及相見遂定己字爲癸字之譌及檢此鈔本乃作己酉是潛丘應山右鄉試歸來時事也當即據此改定又世但知潛丘字百詩據刻本第十七篇兩出闕若璵之名沈本皆作闕璵次是又字璵次也凡此皆典實之極可喜者移校既畢爲記其後歸之廿九年正月廿一日識

書吳侍御奏稿後

壽陽祁叔穎侍郎謀梓鄉先生吳侍御奏稿而瀛遠任校讎之役工既竣或告曰侍御丁勝國未造不畏強禦忠悃摺摺直哉獨惜其抨擊長山過當令千古下與覺斯鼎延道直輩同類而共譏之也余應之曰是不足爲侍御累夫長山固賢者然侍御不嘗賢之乎當是時奄黨餘孽集矢長山或誣以使朝鮮滿載貂襍歸矣或誣以納田仰賄用爲四川巡撫矣時流言藉藉皆緣賄起市有虎曾參殺人聽爲祭矣至改勅書一案長山明言都中神奸狄姓詭誕慶臻千金兵部揭又明有長山批西司房語則空穴之風實非無因而來昔盧陵之於龍圖武襄也普原之於路國也眉山之於伊川也兩賢或相隗矣後世不以損其名况長山曖昧之迹本有不能解免者乎大抵好爲攻訐者明代之習氣也喜於醜詆者諫官之習氣也習氣未融斯不免於逞臆而不顧然以視低首下心怙心視任人斥爲啞御史不敢一置可否一則立仗之馬也一則嬰

烏齋文集卷四

山西省文獻委員會印

駕之駿也孰良孰駑必有能辨之者既蒼客爰次其語以爲奏稿後跋道光十有六年九月卅識
少谷山人尺牘跋
右鄭少谷尺牘三十二則卷首徐惟起隸書谷老筆札四字案惟起嘗從臾鄧道協刻少谷全集并爲作序有云余曾得少谷尺牘盡授道協彙爲全集此卷內兩打桑芒園一喪祭未畢二謝枉做廬三亡室宅兆四文潔藥物五讀百竹書六青壁堂七茅竹筆帖寓在紙末伯固竟死八此紙前日九此二帖亦連在後二見佳作十數日不面十一禮生事十二相者多十三不敢入城十四諸帖今刻入全集第十九卷者是也然亦頗有刪潤不盡原文矣少谷與候官高澂傳汝舟友善卷中多與宗呂即石木虛之帖宗呂澂字木虛汝舟字也又有拉微明書碑題太湖卷背門面話三帖則正德六七年以戶部主事權稅潘墅關時事也少谷旋乞病歸築草堂於南湖金鼈峰下卷中所稱湖上皆指南湖言

青壁堂桑芒園明水開少谷柴門望雲亭則隱居幽勝處別署也又一帖云書中不敢入城只欲游張公洞案集中游張公洞詩屢見五古三篇五惟五古一篇云北游費歲月東歸賸幽蹟豈不念窮路黃鵠有羽翻詞意與在告合當卽此時作蓋在正德八年也少谷初受詩法於徐昌谷故帖有再三尋迪功集不見語集又有迪功集跋云此本余得諸其家藏選本其子手鈔者今所行於洛陽者李獻吉多爲更定云云疑此本卽漁洋所稱自訂三百首之本毛維黃亦稱自題風而獻吉更定者爲今行百八十二首之本也少谷又與太白山人孫一元爲詩友時稱孫鄭故有促裝太初漫稿之帖并爲作序載集中又集有與歐陽崇道書云西禪再提尊範此卷有素翁約會西禪帖始卽一事也哭伯固詩葵菴居同志居集作雖諫書經濟業吾道帝王師集作終爲諫議鬼竟失帝王師集又有祭伯固文伯固者卽同諫東巡之黃鞏也少谷以氣節著以詩名又雅以艸法自負晚遇陽明復有志學道其才清曠所學皆未可量而天不假年

鳥齋文集 卷四 三 山西省文獻委員會印

造詣止此甚可惜也子貞典試貴州途出武陵有來請業者以此卷爲學越五年乃付工裝飾而屬余爲記卷尾道光二十八年十一月冬至前七日識

廣洗心詩跋 右黃石齋楊伯祥兩公廣洗心詩墨蹟案黃公於崇禎十三年五月因解學龍保薦被逮繫獄至十四年十二月獄始解十五年二月出京赴辰陽謫所將取道至餘杭大滌山故舟泊龍江潭浦集大滌三記云解以解網至白下買舟將出長沙是也先是楊公爲武陵所構貶秩歸里黃公獄起詞連楊并逮治之此時方由清江本籍北上故得於旅次相會也龍江在江甯府西儀鳳門外明設戶部鈔關於此時杜濬以副杜貢生肄業南雍近刻茶郵詩鈔有一題曰出城至靜海寺喜黃石齋楊機部兩先生皆寓其中黃先生留飲同楊先生至夜余辭去留詩爲別詩第四句云愛天同賦洗心詩卽此事也黃公遂由此至大滌出臨安過富春將赴謫所六月行抵九江病瘡留阻西林寺病間方事更定易

象正而賜環之命至此詩寫於七月廿一日正留阻西林時所作也楊公詩後跋云壬午閏月被赦歸再泊龍江叔奇見唁以石齋先生書廣洗心詩索余續其後又爲補和十三章云云案是年閏十一月黃楊相會當在春夏之交而楊至十一月乃被赦歸者蓋黃雖見釋而楊獄未結仍逮之至京乃被赦也第十三章黃公系於寫冊時補作故楊亦至十二月方補和案潭浦集辛巳冬先作五言律洗心詩十二章故此曰廣洗心詩跋云諸本寫者多誤或扇頭傳訛當以此正之今案刻本第六章墨本作其八第七章作其六第八章作其七第十章作其十第十章十一章作其十一其十二此次序之不同者其二不因刻本作不愁絕燧作絕整拈作認睭儒生作儒書動關作滿關凡五其四晴得刻本作乾得珠泡作珠湧凡二其五汗尊刻本作腰鎌凡二其六亦塵刻本作入塵抱鑿翁作鏡底翁凡三其七細羽刻本作共羽凡一其八龍鱗刻本作龍鱗此字當係校者之誤甯知作應知凡二其九收竹刻本作消竹凡一其十自平刻本作自齊文集 卷三 四 山西省文獻委員會印

甚平但覺作但使醉浩作分浩何堪作何愁滯深作未深滂沱揮灑爲蒼生作呂梁洪底度蒼生凡十其十一藏密刻本作藏蜜凡一其十二未當刻本作不當貝葉作寶藏流徽作餘徽妙竅作七竅與人作與君凡六總凡三十二字校其義意信當以墨本爲定惟第十三章義文刻本作義皇錫鏤作屬鏤於掌作如掌凡三字當是墨本在前耳史稱楊公勤學嗜古聲動館閣觀此冊詩律書格謹嚴深穩與潭浦實未易伯仲惜未得機部兼山集一檢訂之子貞同年藏潭浦瓊蹟夥矣機部書則僅見此冊故不惜重價購得而屬櫛爲攷其情事繫之冊尾云道光二十六年九月立冬日識

黃忠端與喬栢田尺牘跋 此冊第三書蓋指教錢龍錫事時爲崇禎三年十二月先生方自浙江主考還京集中於救錢等一疏下附倪鴻寶語云黃子將抗疏時聞者皆危懼而黃子獨以爲惟我皇可以忠言慨然叫關與札中所云聖明如此吾輩雖蒙罪所甘

其言正合又案龍錫因定逆案爲羣小側目明史稿錢傳云時麗名逆案者方日爲翻案計而周延儒以會推內閣不與怨龍錫抑已溫體仁亦方與東林爲難遂相聚合謀借袁崇煥以及龍錫因龍錫以及諸異己者明史稿乃指龍錫爲逆黨更立一案與前案偶云云札中所云不知彼有視者是何肝腸誤我明主正指此翻案諸公矣先生以十二月十三日具疏十八日奉旨詰問上第二疏二十七日又奉旨詰問上第三疏此札以情事推之蓋在上第一疏後故云小疏上五六日矣尙未下不審何如也

跋富川令秦公徇忠遺筆
歲丁未九月李密雲侍御得無錫秦公徇忠遺筆出見示屬爲攷其名字檢謝修廣西通志職官表順治間知縣無氏秦之人秦儒竹官平樂縣知縣表亦不載宜績傳於死李定國之難者止紀孔有德李懋祖周永緒沈倫涂起鵬尹明廷諸人而於所殺羈管營盤諸姓名十不一二具也檢禮部祠祭司則例昭忠祠自四品以下

烏齋文集

卷四

五

山西省文獻委員會印

與陣亡兵丁同科秦官知縣故亦無專位最可怪者曾於敵肆覓得金匱無錫新志亦復缺軼不載新修一統志率據州縣解到文案故於國史館冊檔檢之亦不得也頃借得王豫所輯江蘇詩徵秦字韵內收秦瀾紫回五言絕句一首小傳下引江蘇詩事又值小峴先生令子緇業應試來都訊以富川父子遺事乃知富川公名華鍾字元發寄籍蘇州補吳縣學庠生由歲貢授富川縣知縣於順治十年八月十二日徇李定國之難年五十有八恤贈按察使司僉事世襲恩騎尉又紫回既物遺孤二歲妾諸氏守節撫孤即陳樹晉殿所稱慈公者詩語夫八年八十餘矣猶及見孫雄飛成名爲請旌於朝雄飛字且初號曉林乾隆甲戌進士戶部主事官至江西布政使贈紫回如其官諸氏亦贈夫人人謂忠孝節義萃於一門云詩徵載紫回絕句千里流泉紅百里新鬼哭予予不得前哀哀主扶僕當是扶富川公概東還時作也忠孝大名必無湮沒之理即余搜考此事亦足信其不誣矣儻有據紫回所述被難本末申送史館并行文廣西入祀平樂名宦祠

其有關激勸亦豈淺鮮哉是所望於有世教之責者道光二十九年穀雨日記
漁洋艸稿跋

右漁洋文詩尺牘艸稿一冊葉丈東卿收得之出以相示案半部集及送方位齋以下七詩皆依次編入蠶尾集中半部集序署康熙辛未詩有冬日下直職作下直集作部署自注兵部督捕署在西則當係庚午冬日漁洋於是年七月遷兵部右侍郎年五十七故詩曰五十形容壯歲徂也札稿中有云尊大人傳久已脫稿又云此傳文生於情於尊大人生平有似煩上三毛之意以稱謂及情事推之當謂所作汪蛟門傳蛟門漁洋弟子故於其子直稱爲尊大人札尾又有案惠刻集之言蠶尾文所載傳數篇惟蛟門有著作耳又一札云承委文襄公神道碑銘當謂紫恆斬公集中有斬文襄墓志是也惟札云神道集作墓志似不相應然玩所作志文自是碑體非志體達於文例者自能辨之末三稿爲致其鄉官之札殆即修新城縣志之崔黍谷耶內一札云治佐計七年無所

烏齋文集

卷四

六

山西省文獻委員會印

短長徒以區區冰蘖之操受知九重擢總臺憲案年譜云時捐納方開多相緣爲奸利山人一無所豫戒司官凡關捐納事勿以一呈一稿至前在戶部七年儼然如白圭振鸞舉朝皆能諒之與此札云云如出一吻也擢總憲爲康熙二十七年戊寅漁洋六十有五矣道光二十六年夏閏月廿一日觀并記
黃孝子萬里尋親圖記
孝子滇黔山水畫册据石衣老人跋蓋百有餘葉鮑氏知不足齋叢書附入尋親紀程後者二本一本前有王奉掌隸書咫尺萬里四字凡十葉一本名帖此圖前有無款隸書神留字宙四字案紀程孝子於麻哈萬鏡橋對案別號上見鶴此四字凡十二葉此本前有戴南枝隸書萬里尋親圖五字凡八葉內關索嶺圖叢書所載兩本皆寫之金馬碧雞圖咫尺萬里本寫之題詞皆略同意百餘葉中其最險最勝之境必履履寫之不止此二圖也此本今爲高平卞子和公子所寶余幸獲寓目留案上者一年暇日以孝子自撰紀程及歸元恭所爲傳核之大龍壁圖是順

治九年壬辰二月由五陵溪間道出洪江關上桃子巖後所經歷也地在沅靖
粵西之界題曰大龍壁擁塞萬竹塞險得獨木船渡大溪三道倚岸臨於怒江
之上幾至漂沒援筆至幸案紀程又曰山中叢篁古木陰森蔽日有異花紅紫
間出有異鳥悲鳴不絕殘葉盈尺落花相襯如層褥云云爲此圖所不詳也度
關索嶺力竭而踣有老僧出茶啜之時已交四月上旬嶺連峯橫絕北兵布滿
山谷孝子下嶺後突爲騎士縛去蓋最所悸心之事金馬碧雞則漢中最高勝之
境故屢屢寫之不已矣此葉三皆孝子未抵大姚前所經涉也既遇父自鹽井
謀歸盧無資斧歸元恭述石衣老人之言曰乙酉秋滇中猶鄉試我分房校士
得門生八人當以累之案聖安本紀宏光元年二月初八日點用雲南貴州試
差徐復儀林志遠等南都以五月亡此事無究竟以傳證之知蒼黃中星帽遠
駕猶得舉行試事也孝子以六月初持父書詣諸門生家南逾楚雄此本有鳥
龍洞圖題曰烏龍洞楚雄南去四十里山徑險僻樵牧罕觀懸崖石如紫
烏齋文集 卷四 七 山西省文獻委員會印

出老子關沿江南行則二月十二日也題曰播州烏江老子關即古梓柯境昔
賢所謫處也煙嵐瘴癘波濤險惡往返歷者幾爲懍懼豈尋常恐怖邪此二葉
則孝子歸途所經涉也冊舊無次第余爲排比其先後如此考證之次如身左
右孝子而親其艱險同其忻快也嗚呼口口之思鬱爲煙雲彼徒以倪黃妙筆
相賞者豈可謂之知畫理哉張浦山畫徵續錄稱嘗於注念齋齋頭見一冊未
知即此三本中之一本否計世間常有十數冊深人尋繹明發之懷子和更博
訪之太歲丁未四月二十七日記
魏季子白盤文跋
此盤與焦山無專册皆周宣王時物也無專册云惟九月既望甲戌甘泉老友
羅君次球以四分周術推得爲宣王十六年己丑之九月十七日癸卯秋穆南
游邦上出此盤相證更以次球之術演之盤首云惟十有二年正月初吉丁亥
據李淳風五經算術注云周術上元丁巳至魯僖公五年丙寅積二百七十五
烏齋文集 卷四 八 山西省文獻委員會印

涇陽此寇之來路薄伐徽統至于太原此寇之去路太原之非今陽曲金仁山
已知疑之亭林百詩東樵遞相綜覈其義愈明然顧謂太原卽北魏原州今
固原州地面百詩又疑之曰秦中地以原名者不可勝計不能確指何地則仍
無定論也今案此盤文曰博伐厥統于洛之陽班志洛水出北地歸德北蠻夷
中括地志洛水出慶州洛源縣白於山在今慶陽府合水縣北二十里洛水出
山東北流經唐洛源城而東南流至洛川縣南中部縣東與沮水合自是以後
洛兼沮稱不名洛矣以地望診之寇之來也至於涇陽蓋及今平涼鎮原之界
而止周之禦寇也于洛之陽蓋駐軍今合水安化二縣境王師敵相距在百
里內其地廣平卽詩所謂太原矣顧謂諸君之論亦以此盤證之義始大明又
詩主歸美宣王故但述戎車旆旄之盛盤主銘子白之功故詳虜折首執醜之
數獻馘酬庸之典皆是補經文所未備六月正義曰經云至於太原是宣王德
盛兵強徽統奔走不敢與戰吉甫直逐出之而已采芑出亦皆言執訊獲醜此

鳥齋文集

卷三

九

山西省文獻委員會印

無其事明其不戰也蓋望文生義以此盤證之知正義之說爲不然矣其有功
於經甚大盤出陝西鳳翔縣重今權四百七十八斤銘鑄於腹四隅有環自古
重器若斯之鉅者蓋鮮陽湖徐君變鈞令關中購得之今藏歸隴陵矣
竟寧屬足錄跋

此廌足證始著於厲太鴻樊榭山房集江都馬半槎裕家物也其誤何者中二
字聯合之曰首山翁學士兩漢金石記已辨之然學士亦祇見拓本字經士繡
既蠟難顯故於竟寧下元年寺工三五字守下令尊二字皆云殘蝕又譌竊從
庀中云似中未見原器因生是葛藤矣此證後歸歙巴予籍慰祖家汪容父爲
予籍審定其文作釋文六百餘言載述學外篇然據云首六字漫漶日中拭水
視之乃可辨考下從丕作考案此文筆法全是小篆非分隸不得按隸以釋篆
卽漢隸考字亦止作考不作考此則明明從丕從且無斜振不得直仞作考
更以元康二年鑄斗文證之必應作考工亦無疑此則明系工人誤書作寺亦

不得因當作考工并此誤文而亦云不誤也此證今又歸歙程本菴洪溥家本
菴與海甯六舟僧善六舟摹拓之工一時無兩又善剔剔古器款識嘗因游
黃山主木菴家爲木菴剔此證文於是自厲翁以來所疑爲殘蝕漫漶者一旦
軒豁紙上纖毫畢見六舟亦頗自詭作剔證圖徵海內詩人歌詠之此本卽六
舟所手拓皆映向背宛如界畫信可珍秘也道光癸卯木菴之子守恭需次入
都以拓本備貼同好余分得數紙爲紀其顛末如此
鄒君開通裏余道題字跋

右題字自晏袤釋文已有舛誤焉魯川比部所藏舊本最爲清朗得據以證諸
家之誤第七行部據治級治字揭本左傍分明作二廣約治下云又姓左傳衛
大夫治厯此治級正其族裔矣禮記祭義有任史商茂舊釋作苟非隸法從包
之字無作口者而阜字則往往併作日非日月字也以後向寺之官字照之其
爲管無疑也第八行韓岑弟典功作弟字難解諦視揭本作等乃等字也更以

鳥齋文集

卷四

十

山西省文獻委員會印

後官寺之寺字照之其文愈明後見隸篇入竹第九行楊顯將相用用下
字翁氏跋尾相晏釋作隕誤魯川本木旁上截尙約略可尋是相字也將字則
作空一橫非全然漫滅魯川本左角餘橫直二小畫決非將字筆勢其爲何字殘剝不可知
然將相用義實難通疑口相亦守丞姓名用字屬下始作橋格爲句也第十一
行卅三下安世三誤二諦視泐痕疑是所字更以後十四行所字照之是此
筆勢也此石刻今存百二十三字兼泐字此後尙有四器用錢百四十九萬九
千四百餘斛粟九年四月成就益州東至京師去就安隱今俗三十二字近代
金石家皆未之見不知是原石損蝕抑搨工偷減也翁正三學士云字畫古勁
因石之勢而縱橫長斜純以天機行之此實未加波法之漢隸也最爲道得此
石刻妙處余亦謂近代分書惟伊墨卿太守稍能窺此秘奧然天趣竭矣己酉
七月初八日識
百石卒史孔繡碑跋

碑云春秋饗禮財出王家錢給犬酒直犬或誤初作大翁氏金石記云似是友字蓋即發字既省發爲友又省友爲大耳穆案翁氏論書友多迂謬此尤支離可笑蓋偶有見於神法之友與正書之其形相似不知發已變而作友又省何筆而作友以形而論但移左月之點於右月耳且友本從犬而丁之何爲省其丁而仍作大既作犬而仍讀爲友又轉而讀爲發乎夫酒酒也犬牲也犬酒猶之乎牛酒羊酒云爾乙瑛請以王家錢給犬酒直者不敢仰給大官也所以止云犬酒者比諸羣小祀之牲不備物也禮宗廟之牲犬曰羹獻而五祀之牲門用犬周官犬人掌凡祭祀共犬牲魏高堂隆曰案舊典薦新之祭大夫以上將之以羔或加以犬不備三牲也用犬之義其來遠矣下文太常既據故事祀先聖師河南尹給牛羊豕鷄口口各一雞字據禮記漢書此字然劉球隸韻已不收知其廢久矣此如今日案牘之引例而下云請出王家錢給犬二字今酒直則第如乙瑛請未嘗加給牛羊豕鷄諸牲也觀建寧二年史晨奏書仍以無公出酒肺之祠爲言是并犬酒之禮亦

鳥齋文集 卷四 十一 山西省文獻委員會印

不久即廢直至晉太始三年詔太學及魯國備三牲以祀孔子而春秋饗禮之典乃代有加矣又朱竹垞吳山夫皆謂杜佑謬百石卒史爲百戶吏卒案通典吉禮孔子祠篇引元帝尊孔廟爲褒成君平帝封孔均爲褒成侯光武繼封均子志和帝徙志爲褒成侯今本通典初未及置百石卒史事何由致譌惟於漢事下繼以魏事云黃初二年以孔子二十一代孫議郎義爲宗聖侯邑百戶奉孔子祠令魯郡修舊廟置百戶吏卒守衛案此百戶字碑作百石氏本亦作百石作百戶者鈔涉上百戶字而此百戶字吏卒字明明有孔羨碑可證與孔繇事何涉蓋由不知百石卒史與百石吏卒迥別故瞥見此四字更不審檢上文而以不狂爲狂也翁氏并疑魏碑吏卒字爲卒史之譌而引亭林所考百石卒史事證之案卒史者有秩之人漢代例以士人爲之流品極清如兒寬黃霸之倫是也吏卒則府史胥徒之屬庶人在官者故任以守衛廟兒之事非孔繇以明經高第典主禮器比也且曰守衛則非一二人可知而此如干人者方將援據案贖仰餼於朝焉有煌煌

詔書大書深刻而於此等文字乃誤而不察者乎翁氏亦可謂不善疑矣然則魯人百戶之稱自當屬之孔羨孔尙任并稱此爲百戶碑斯大誤耳詔書選年册以上經通一藝之人掌主禮器者遵用左雄議令郡國舉孝廉例也自乙瑛請立百石卒史後見於韓勅碑有守廟百石孔恢聖文見於史晨後碑有守廟百石孔讚皆繼孔繇而掌領其事者也又孔繇師孔憲字仲則亦見韓勅碑陰爾雅蛟螭蚌郭注今江東呼爲螭蚌則此發皇也臧玉林曰案友發聲同古人多通用故爾雅作蛟周禮注又作發據說文螭爲正字蛟發并聲近假借字改百石卒史碑數前數行

延熹封龍山碑跋

元氏有漢碑六宋以來箸錄家止得其三白石神君也無極山也三公之碑也至乾隆甲午而祀三公山碑出元氏今陝西王其訪得之又越五十餘年而三公山神碑出吳子慈訪打碑人訪得之又越十餘年至道光二十七年而封龍山碑出皆歐趙洪陳諸人

鳥齋文集 卷四 十二 山西省文獻委員會印

所未見也封龍碑宋人天下碑錄有其目云在獲鹿縣南四十五里山上丁未冬十一月寶應劉君念樓宰元氏始訪得之於縣西北四十五里之王郵命工昇至城內文清書院而首以捐本見詒碑凡十五行行廿六字文詞完整刻畫如新惟末二行上缺一角最後十餘字稍有模糊難辨處耳案獲鹿之南正當元氏之北山固跨據兩縣之交也封龍之名始見於趙世家而山之名則至北魏太宗紀始著碑云北岳之樊援三條之別神與祀三公山碑所云三條別神迥在嶺西白石神君碑所云居九山之數參三條之一其體詞之意約畧相同蓋三公封龍正當太行折北之處翼戴板山百里而近上下苞絡通爲北條班馬舊說正是如此洪文惠引尙書正義證之不誤翁覃谿乃以爲別有事實或又疑爲崇飾之詞皆非也碑文言封龍與三公靈山協德齊勳國舊秩而祭之以爲三聖又言三靈合化三即三公靈即靈山三公山在元氏西七十里靈山在元氏西北三十里當時蓋以三公爲邑主山而封龍靈山配食故三公之碑

可久第十二行... 又此僧自署燕州考魏太和會分恆

州東部置燕州孝昌中陷天平中於幽州軍都城置東燕州北齊州廢置東北

道行臺此僧究生何時所產何地乎古人刻石書碑及州者故願賜

魏改柏人為柏仁隋志襄國郡柏仁校者仍據漢魏地志改仁為人今此碑正

作柏仁可以訂校者之妄矣又云永寧鄉陰灌里人也兼詳其鄉里之名蓋放

史記高祖本紀之例清以文靜文簡薦拔得奉朝請感其德至於去家五百里

就那邪開檢交戎磨崖刊石造此像碑那疑那字那邪謂井陘開檢謂檢關也

鄉郡為今遼州武鄉去吾州石門口正五百里往來晉陽郡中所必經故碑云

萬里甚途百州路側也首行年月日鄉郡李清言是奏書朝廷之式而銘曰爰

有宗人老成夙惠則製銘者別是一人碑中壞字如扶作扶朽作朽標作欄

盡作蓋質作質猶作猶嗣作嗣葦梁作梁序作序微作微之類甚多凡碑

鳥齋文集 卷四 十七 山西省文獻委員會印

又有譌文如負士城墳當作成墳石柳蟻炭當作蟻灰職二三界職

一二二字不解惟此公二當作二公字說碑者以小子正書二點當是之又有脫文

如波輪迴星流電滅波下脫一字戶改詞曹門通德門下脫一字功大造推心

弘濟功上脫一字滄海為原下脫當一句火飛煊於華想脫華字謂曹丘又碑

首天保六年歲次乙亥七月己卯朔一日庚辰一日上當有越字考之本紀是

文宣頓軍白道率輕騎五千北追茹茹時也又銘文惟彼調御句彼字下忽空

自來無考訂及之者以吾州石刻更無鉅於此故詳悉著之

舊拓醴泉銘跋

醴泉銘碑題一行銜前後二行文二十三行行五十字末一字宋拓本已全然

其實此吾家舊藏本每四十八字後輒剪去二字其為既經萬曆縣令鐫殘後

拓本無疑松齋知引子函語乃云此本尚未增損一字殊為失檢當是明季葉

極佳拓本精墨妍妙僅遜宋拓一等耳余獲見宋拓未二一為南海吳荷屋中

丞所藏丁酉春酒邊匆匆一觀未暇審正後歸粵商潘氏一為杭州梁太史敬

事所藏有王孟津題簽名印然非翁學士所稱陳寶黨氏本也戊申十二月借

觀二日筆情豐腴神采煥發似較吳藏本尤勝此本舊款一葉爰以油牘摹補

於後復摹第四十九排存字二十餘以備參證念此本歸吾家八九十年矣直

至今日始稍悉其底裏然則實事求是談何容易也道光二十八年十二月十

二日識

明拓李思訓碑跋

毫州梁松齋大令以善學北海書名世先伯考永豐君實從受筆法故吾家松

齋書最多其臨思訓碑者亦不下十數册先君子分得一册今尚存然非松齋

鳥齋文集 卷四 十八 山西省文獻委員會印

得意書也嘗見伯考家此碑百本云是聚精搨數十紙逐字審擇剪表者伯

考身後書帖散失百本不知幾墮何處矣又嘗見吳淪齋中丞所藏王介州

本紙墨精古云是唐搨表秩較今本厚殆逾倍惜未以它本一校之也此本雖

殘蝕已多然尚未經磨洗如人之儀形下固以為三字夫人下寶氏二字竹簡

紀事之簡第字皆完好清朗其為明搨無疑筆情遒美猶可尋其向背轉掣之

神如宋昌心腹二登厥官洗碑者誤於二字之頂增多一橫畫箸錄家遂何作

三字雖專精北海如松齋亦臨作三知其所見本皆不逮此矣介州本世無兩

此本在天壤間當亦如麟鳳耳已酉霜月皇極之日識

宋搨張長史尚書省郎官石記跋

長史此書運筆頗生結體近拙縣鋒直下神骨黝然有唐書家無論孰為優劣

要是自抒新意不相蹈襲必欲溯其真源意殆在魏齊間乎細釋筆妙又信為

所能望見戲鴻堂本似卽從此摹出而點畫部位全然乖謬若近日上元蔡氏所刻直俗書僞託不足入論也翁學士於此帖有數跋展轉支離令人日昧總之以世法相繩甯有合處邪菴廬先生眞賞絕代以鄙論爲何如戊申十月誠宋拓柳誠懸書左神策軍紀聖德碑跋

甲辰四月初三日大雨子貞同年宴客於家穆與焉宴數子愚出此册屬客各書近箸穆無有也次日適印林爲借得維陳氏所藏柳誠懸神策軍紀恩碑卽庚子消夏記所據以入錄之本也自願首皇帝巡幸左神策軍至來朝上京嘉其誠凡二十六葉第二十葉下文不相屬顯有脫佚此册語亦未完以文義推之當尙有一册册猶是宋裝第一葉有秋寮圖書翰林國史院官書條記晉府圖書之印研山齋北平孫氏北平孫澤安儀周氏珍藏古香齋諸印末葉印亦略同而狎角則賈似道長字方印也副葉有焦林收藏梁清標印儀周鑒賞張氏容舫諸印跋有怪君何處得此本上有桓元寒具油柿葉齋主人題字又一葉

烏齋文集

卷四

十九

山西省文獻委員會印

有金字題曰洪武六年閏十一月十八日收承澤跋是用黑行書箋寫後人沾連册尾較消夏記亦略不同穆以油素雙鈎得四十餘字主人索取急不及多展玩也聞將重摹上石竊意非深知書理不能得其紆和之致穆極意研尋不過僅存形模况更經匠石之彫琢乎子愚以爲何如初五日書

烏齋文集卷五

碑銘

平定張樞

誥授振威將軍太子太保四川提督齊勇毅公神道碑銘 并序

道光二十四年三月十四日四川提督新野齊公以巡練賢勞卒於馬邊行臺遺疏入上軫憐蓋臣飾終之典恩禮有加越一年其孫偉謁選京師為家傳上之史館復以麗牲之文更相諉譁按狀公諱慎字三企年二十以武學生投伍轉戰川楚聞首尾十有二年初拔補倒馬關經制外委洊升易州營把總大名協左營千總陝安鎮標右營守備皆遜領未受事嘉慶十年升紫陽營都司始流任十二年升陝安鎮標左營游擊十八年涪滑之役效功公為多賜號健勇巴圖魯換二品頂戴十九年三月補神木協副將六月升西安鎮總兵道光元年授甘肅提督八年調直隸已復調甘肅十七年調四川二十年調雲南冬

烏齋文集

卷五

山西省文獻委員會印

復調四川公取士嚴而有恩汰老羸以羨饒津潤材武更捐祿俸飲之賞罰必信故隸麾下者雖無事皆矍然振厲如當大敵號為節制之師而公猥介之操尤為中朝士大夫所敬仰二十二年正月命為參贊大臣率親兵馳赴廣東獨公以無功不為軍士請一錢賞仁宗睿皇帝嘗褒之曰實心辦事實力練兵皇上更申獎之曰操守清廉訓練認真以檢渠烏什詔繼像紫光閣製贊曰忠誠報國檢剿出力御筆改題強謙巴圖魯卒年七十賜諡勇毅揆以行實皆應銘法銘曰勤矣齊公奮迹南陽以定制突以健擄捐捨必其渠誠必其王橫戈躍馬威名孔揚軍中一時並名瑜普中忱膠恠惟楊忠武感賊道口忠武杖公公微忠武固與成功旂車有被逆縱立挫登弧先拔摧無不破衷甲入關轉戰三才老鸞深林昏昕往來忠忘其劬勤忘其恭勇忘其私銳忘其捷餘烈所恢青海涼山裸番而嬰綴鼓而振惜哉晚邁將非人忠武云亡公力亦單威名孔揚淵淵四部駸龍厲爪纏頭安堵蓋茲鯨鯢跋浪雷轟壯士吞聲將軍失箸推

公蕪抱耿耿南雷撲椿三殿碧火夜灰淬其老謀歷以背嵬謂寇不殄金石其開

墓志銘

誥授光祿大夫河南山東河道總督贈太子太保渾源栗恭勤公墓志銘

公諱毓美字台輝別署樓園渾源州人曾祖英祖德本考渾皆贈如公官年十七受知於學使者戈仙舟先生補州學生員食廩會稽莫公繼文任拔充辛酉科選貢實嘉慶五年也七年朝考二等改知縣分發河南歷署溫孟安陽河內西華諸縣事凡案明允所至有績重濬安陽萬金渠民尤利之二十年補甯陵縣河決惟治當頂衝公親履四鄉勘減沙壓地畝額賦請蠲緩課蒔木蘇榆棗興築城郭以工代賑民困藉蘇旋丁父憂服除仍赴河南即署淇修武縣事河再決馬營口委勘災因留辦大工總局協放淤工程積勞加升銜道光元年補武陟縣縣負沁而黃隄庠薄不足捍大波公至則加子捨畫增築大隄策已

烏齋文集

卷五

山西省文獻委員會印

而沁決韓郵公議韓郵之隄激水逆行故數敗若導沁由漫口歸故道改建新隄雖需帑較多而城邑永安的汰防汛工員數亦適均或徙縣治甯郭驛計尤便大吏以經費有常未允也三年升光州知州四年升汝甯府知府五年調開封剖判敏幹又於其間興修院號舍萬間經營庀度三載乃究九年升河南糧鹽道調開歸陳許道十年授湖北按察使定獄獄章程行水保甲江溢辦振定煮粥條規皆可法十二年授河南布政使革屬邑供應浮費於司庫收支總簿外增正雜捐咨四散册勾稽無隱十四年正月八日兩護巡撫印務奏撤桐柏縣重設查鹽公廠十五年授東河河道總督公久歷河干得諸目驗知失事必在無工處所北岸自武陟至封邱串溝錯出與大河通氣伏秋兩汛巨浸杳然其間衡家樓馬營工塼漫溢糜財病民阻運所關尤鉅是年七月陽武汛進上灘水由十七堡南張庵界循舊順隄河直達封邱汛西圍假前歸河又張庵之北舊有月石土壩本以禦護中溝後因民田病潦掘斷之架木兩端導水從

封邱入河積久分溜亦壩大公慮萬一張庶溝尾下移由壩口逆注則陽武以東隄愈危重因駐節壩前堵合斷流次日大風雨外河內灘漲聯絡壩壩口先閉隄根停淤對岸萬家恃以安枕既乃乘小舟由舊鄭隄河曲折探量勘得陽武支河分溜北駛溜悍幾敵大河兩汎向未儲備積石無高厓可倚築壩而進水之口日益闕憾前浚賈魯河及武陟城隄見磚經泥沙融結堅不可入斧鑿故於開歸道任即捐俸購磚議將代壩及是遂令收買民磚拋壩六十餘道挑溜而南水維頓緩十六年二月復勘得陽武三堡進下支河又分兩股乃略仿塞決之法先於原陽越隄築挑水壩從南股抽溝北岸築迎水壩格之口門將合溜忽拋而當是時咸以爲無可展手足矣公飭急採大柳撥巨艦二倒排口門借舵作樁緯以竹纜繫大柳其上殺溜聖淤然後分路進磚力截北股仍挽歸南復於開段拋築壩梁支河距隄遂皆在七八里外矣先是在布政使任祥符三十二堡串水潰隄料物萃於黑岡公乘傳往視愈曰是非公責且可以

烏齊文集

卷五

二

山西省文獻委員會印

無工解不聽命速築柳壩殺其勢或匿笑亦不顧指麾興築至七十餘丈水漸涸上游串溝儘力抵塞決竟復合凡此皆所謂杜患於將萌者也微公漫溢之案且數生公既灼見磚壩得力因連疏請以積料碎石之款酌辦磚大皆謂以隄束水土功乃其根本築隄宜兼築壩堤猶身壩其四胆也前人用卷壩法竹絡木困磚石柳葦同爲治河工料自鑲壩法與始專以積料爲正則而溜趨靡常鑲壩陡立最易激水之怒溜勢上提壩之上首必須加鑲下坐壩之下首又須接鑲片段日長防守日難稽實鬆爛不三四年即歸朽爛幾宜偶外輒成口岸夫治河不外以土克水先河臣黎世序用石之始奏等石爲土之剛者臣謂鍊土爲磚磚實土之堅者石性滑易於流轉仍不免引溜厥深磚性雖與土相膠拋壩卸成坦坡即能挑遠溜勢况每方磚價六兩石價自六兩至十三兩無定科豫省碎石產自土山形質本脆及采運到工堆砌候空查驗不易磚墮地皆可燒造尺磚一方以千計平鋪高壘舉目可瞭又較量輕重磚重管培過石

三分之一有奇以一方碎石之價可購兩方之磚而拋一方之磚又可抵兩方碎石之用是用磚較之用石省帑更多也或謂壩磚與水爭地不知掃工必先築土壩後乃加鑲鍊朽脫胎壩隨掃帶帶壩名無壩實大溜轉信隄根磚壩則無須掃護即師築土壩之意而不泥其法臣履任之初即試行拋築杜新工護舊工五年之間樽節掃費已百五十餘萬兩斯實效也公每有陳奏輒蒙嘉允工員大不便旁人亦創聞此議倡浮言相梗賴上信公深決其言必可行後卒如所請許之試行之始公終日立泥漳中磚甫出水勢尙動搖即率先屹立壩頭隨時與廳員營弁講求治策於工之將生未生無不豫謀抵禦然其深意不惟節省經費已也將以掃工所節之費移而培大隄大隄固則漫溢之患可永除宜房萬福所以爲國家計者甚至奈何未竟其施而歿也河標黃運兩營兵專事椿掃城守兵雖習弓馬技藝陳勢亦非所嫻公惟濟甯地界曹堯宵小時竊發操防未可忽因演三才速戰諸陳勢捐造銃礮刀矛旗幟鉛丸火藥躬

烏齊文集

卷五

四

山西省文獻委員會印

自教練又設義學五所令兵丁子弟讀書其中二十年正月京察特旨交部議敘二月十七日巡工至鄭州胡家屯夕食感奇疾胸厥漏加子遽卒年六十有三遺疏入上震悼咨惜晉宮銜賜卹卹加一等諭祭葬予諡恭勤樞旋豫民繞紉攀號互千里不絕於是濟甯州奉木主入大王廟及任城書院寧陵縣祀於三賢祠及呂新吾祠公嘗重刻呂子書故也襄城縣祀湯公祠祥符寧陵西華武陟原武陽武安陽諸縣或懇祀名宦建專祠仁賢之實其生被之民而歿令人思也又如此配吳夫人子男二公卒之日長子烜已由刑部郎中擢取知府記名乃推恩賜次子燿進士孫男三國華國賢岱齡以二十年月日葬鄉原公與先君子同受知於會稽莫公穆又與兩公子相善也謹撮敘其政事議論尤大者內之幽烏銘曰

帝任之禱公有肩之力財殫棄楚慮沈鍊鑿五載試行厥功已豐北流不復永式粟公

誥授光祿大夫太子少保兩廣總督高平祁恭恪公墓志銘

公諱墳字竹軒一字寄庵系祁氏高平縣孝義里人曾祖斯滄國學生祖果工部員外郎考汝熒嘉慶庚申科舉人中書科中書公年十四補縣學生員時學使者戈仙舟太僕教士嚴稍并格輒衆辱之試高平得公卷則大驚謂不可伍於衆獨揭一榜標異之贈以詩如曲江之遇鄴侯也嘉慶元年年二十成進士改刑部主事展轉郎官越三十年至道光四年乃外授河南糧鹽道五年擢浙江按察使六年擢貴州布政使九年拜刑部右侍郎尋授廣西巡撫十三年調廣東十八年拜刑部尚書二十年逆夷犯廣州明年正月大兵會剿公奉命往辦糧臺事務途次改授兩廣總督防夷籌海歐血酸辛又越三年公不還矣公自主事升員外郎郎中皆坐辦秋審處開館增纂則例爲纂修官每持一議廉平周浹老於文法者不能奪兩逢京察列上考皆奏留不使去嘉慶十八年承辦教匪逆案凡數十百起特旨獎勞賜大緞管隨葆齋那公仙舟帥公果亨成

烏齋文集 卷五

五 山西省文獻委員會印

公文文敬公敷瀛嶽山西直隸湖南廣西諸省道光五年武康徐蔡氏獄婁經勘治未結正臬司至自引決上以公代往鞠之遲又久端題開豁得其旁證冤乃雪其內召爲侍郎也有挾怨燒殺一家數命者司員以誤遣火種風烈延燒爲詞公不吝徐取日記小冊示之曰某日之夕星斗燦明無風君爲囚地獨不爲一家數命地邪卒擬抵其不爲世俗之仁又如此公爲人循循矍矍若不敢少縱而旄節所蒞輒能得其邦之魁才賢士以爲己用而比有功江華猶叛蒼梧猶應之由大貴山龍井村出道石墟謀奔江華公既豫調軍將寒與長塘接壤之姑婁桂嶺諸山口用舉人陸錫璞吳元德策先撫其猶之良者授同知易中孚兵俾便宜行事中孚聞叛猶已出道石窮追及之於芳林渡相持一晝夜痛剿之禽殺殆盡公用是晉太子少保銜潮州普寧縣爛匪聚衆肆劫莫敢誰何公用同知姚東之策出不意進圍塗洋賊巢立縛其渠正法禽黨羽四百數十人行旅以安在總督任用學正曾劍策設險師子洋北邊夷船闖入用監生

樊封策屯田虎門海墘百六十餘頃逆酋百麥擡三元里民怒礮之公因用訓

導黃培芳拔貢余廷槐策檄諭屬縣團練南海番禺順德東莞花縣龍門從化清遠土著民爲七社不費官帑一錢而輪戍虎門諸臺二千人有奇聽調五萬人奇建倉儲穀十萬石有奇公自通籍後一典廣西學政一充順天鄉試同考官所拔士多通達治禮以吏績著稱晚更患難益知惟才爲足特因上變通考試遴選真才之疏大意欲放唐宋制科爲五目曰博通史鑑曰精熟韻鈔曰製器通算曰洞知陰陽占候曰熟諳輿圖情形不分文武已未仕及攻舉業與否果屬通才皆許以名上開詳試錄用其鄉會試第三場亦放此五目略如元人經疑之式設問破格收之議寢不行二十三年冬病劇次年正月得告因諒代未卽行五月二十入日薨年六十有八疏遣入命照例賜卹卹諡恭恪諡祭葬子之銓之鏐皆以本官儘先選用配楊夫人生子五之鈺辛卯科舉人福建沙縣知縣後公八月卒之銓戶部員外郎之鏐國學生癘之鏐候選知州之

烏齋文集 卷五

六 山西省文獻委員會印

鏐癸卯科舉人女二適刑部員外郎張楫陝西邠州知州韓鈺孫男九惇惇惺惺懌懌書選齡長齡鳳鳴太平二十六年十月初二日之銓等將扶公柩葬於祖原之次請銘銘曰
公才精練少而卓然雪沈啟寶定瀾若神星輶往來楚粵普燕仲山將明恩意廣宣遂以明刑受兩朝知拔之郎署置之監司開府粵嶠跨越東西妖巢墮落絕其梯梯際會多難有枋斧柯側身兩問仰天奈何敵情叵測民情悅和民情則和公髮日歸匪維髮歸歐血云多變生何常得才則平公履所交豪雋心傾垂歿一疏彪彪丹青大星宵贊萬士吞聲我銘公藏言難其纖龍驚蟄屈賜碑共瞻泣水洄洄縣壺嶢嶢詞遠室證史何慙
誥贈奉政大夫左春坊左贊善候補東河縣丞外舅趙君墓志銘
君諱學彭字子述武進趙恭毅公五世孫也恭毅長子侍講公熊詔生兩浙江南都轉鹽運使何駸都轉生刑部郎中繩男刑部公二子長懷玉世稱味辛先

生次球玉以孫振祚官贈儒林郎翰林院編修君之考也穆為趙氏婿距君歿垂二十年未獲一親言論然時時以君素行諒於所識武陽之人皆君之舊游至戚也安邑知縣劉君承寬曰先禮部少治春秋為胡母氏之學人罕達者君一見獨通知科旨會學使者案臨即抒其義於應試之文學使者奇賞之拔置第一補縣學生先禮部為諸生貧甚館穀所入率舉以付君君為營置生產家賴以小康先禮部題君遺照曰吾家待子行謂此也宗人府丞吳公孝銘曰子述內行修飭而意涉恢奇年未三十秋試輒優失期旅榮常不充及走探之乃見其盛召賓客為歡讌若重有所規畫者時以吏事自急救迄亦未得一展也開封知府董君基誠曰子述嘗為我言其志趣而深有意乎馬伏波之為人與人交氣誼淳固急貧貧數百金未嘗索署券曰無令後人破我交情入以此號君為俠陝西山陽知縣周君儀暉曰嘉慶末年君以縣丞籤發東河蘭陽之役姚亮甫中丞使出視工員勤惰見君頓且寒慰之曰才不可恃此為履轉地

烏齋文集

卷五

七

山西省文獻委員會印

有才者尤當慎君對曰學彭先恭毅裔職雖卑家法不敢踰中承解衣衣之曰李制軍世傑即由丞倅起家君勉之矣因以屬周觀察以輝觀察延君幕中賓主雅相得及君遘疾疫斃觀察哭之慟以百金購良材斂之且飭屬廳厚飲之需次一年而獲上信友如此非有實行動人不能也穆既習聞諸君言已讀味辛先生亦有生齋集題君遺照及祭文其言有足與諸君相補者略曰子述為先刑部府君鍾愛又為吾弟家督賴攜門戶其容豐其性醇才又能肆應於理皆宜得壽又曰諸姪之中汝性尤慧年裁舞勺已通諸經既冠余服官京師汝代吾之職深得大父歡心先意承志服勞罔倦戚黨嘖嘖不聞人言嗚呼宗族稱孝鄉黨稱弟君可謂不媿士行矣卒以道光元年七月初四日年四十三配劉氏誥封太宜人文定公女孫申受先生之妹安邑今承寬姑母也道光二十七年二月十九日卒年七十一子男二振祚乙未進士左春坊左贊善振禮嗣弟學稱後女子四人長字刑部主事青陽王元林未昏守貞次適平定張穆次

適工部員外郎太谷賈世行次適同邑吳廷翰孫男二人忱恕振祚卜葬得吉壤屬穆為製銘銘曰

聖清名臣恭毅首出循聲清德世載勿失君才騰異又遭良時轍有其抱未室厥施蘭陽小試疾來如風有子繼起經術愷深君抱其摠九京破涕我銘不私用式奕世

揀選知縣李君墓志

君諱曰茂字子才改子字勉別署怡山李氏為平定巨戴金元來代有管人自君曾大父始徙居州西十五里之大陽泉鄉鄉人耕作治染為業不省讀書何事已而先泗州府君致政卜築鄉之白氏山莊先君子繼起有聲鄉人始漸覺讀書足慕而君之先德亦於是時稍稍以研桑阜其家而教子以讀書鄉塾冬烘授課獵屠君顧能自振拔不假熏沐早以文筆有譽人口有白先生績五者聞學工醫與先君子雅善見君所業賞異之陰用相質先君子音歎曰後進中

烏齋文集

卷五

八

山西省文獻委員會印

未見其比也君因是與穆諸兄交契為文負聲薦藻典而不靡癸酉丙子間角截者魁杓所指無不以君為稱首乃連躡文場丁大艱齒髮加壯翻然曰奈何以帖括自封則取孔賈正義及近儒經說窮際端委手自纂香天文輿地樂算禮綱一一通貫久之經術之華爛然充實而文體亦因以益醇鄉居寡合所朝夕見者愚兄弟數人外惟白先生之子鍾之交最久而密山莊當谷口差饒竹木池臺之勝故尤無日不相尋於柏堂橋壁間穆年十九奉母又旋里無可考鏡輒以文謁君君為開判疑滯刮摩潤色不因其稚魯廣遠也比服除同試於學使者君率占高等與愚兄弟屢屢後先如是者又幾及十年至道光乙未乃獲舉於鄉而君年則四十有九矣申戊子丑四試禮闈不第甲辰春入都感未疾未與試歸兩越月遂不起六月初六日也初娶張氏無出再娶趙氏子男二惺吉恆吉女二嫁牛芝田劉鳳山孫男二家楣家彥以其年十一月初九日葬桃水南先塋之次先期惺吉以書來請銘銘曰

剛者易訖君守則柔華者不實君葆其質在昔城南運南張君樞君淳懿古之善人玉美不彫金段益純善氣所開媚媚恂恂胡不銀艾終老鄉關胡不壽考中路摧殘惟君於蒙誼兼師友泉鳥永鏤銘榮不朽

傳

高要蘇封君家傳

道光二十三年春有白氣自天西南隅絕九州殊域直掃參旗經五六十日不滅於是御史高要蘇君庶堂抗疏數千言大旨以時政乖迕歸過宰輔而勸上敕命善任使下罪己之詔開直諫之門語切至多所指斥上覽奏動容特旨嘉獎當是時蘇御史直聲聞天下先是庶堂由編修轉御史念封君熙亭先生年且七十七久曠省侍將假歸養封君馳書止之曰吾許汝仕即不私汝身汝以翰林歸可今爲言官未有一言補於時輕去負國非吾望也穆忝與庶堂以道義相琢磨封君手蹟嘗親見之當海疆事起庶堂既多所敷陳已乃綜二十餘年

烏齋文集

卷五

九

山西省文獻委員會印

時事得失旁魄而論之感天譴寤主心其言皆它人所難言惟封君實佑啓之未幾封君卒於里庶堂以愛歸服既闕絨所自爲墓志屬穆爲文附家乘後案志君諱燦字耀揚號熙亭少孤育於世父世父老而貧任力以養敬禮無缺訓子嚴言規行矩不少寬假惟聞請買書則喜交遊有賢俊則加喜家中既猶質田以資游學自奉刻苦不廢施予昏喪貨負率歸其券佃戶溫甲匿穀願隸子於家償逋租食而遺之不疑道光十三年秋縣境被水庶堂方罷第歸命粥衰倡振以濟族人蘇氏始遷祖宋教授某有祀田久蕩失力興復之手錄教授以下世次行事爲家牒未成遺命庶堂踵成之不惑風水禍福誠卜兆望祖塋勿徇葬師營遠地庶堂兄弟率教惟謹以二十四年十二月葬於丹陵坊後鳳舞柩去其考墓迤東百八十步地爲蘇族以裔霖孫數十家公產感封君德讓以葬也配李恭人生廷魁庶堂其字乙未進士刑科給事中繼娶羅恭人生廷鈞候選訓導君以廷魁官封贈如其階卒年七十有二

論曰封君沮子歸省且賁之旨夫言之讎與否不可逆計也愛其子俾之學欲爲名臣有所樹立不難竊于時也當庶堂上封事時頗有以親老禍區測懼之者不知庶堂正以此成其親志伏青蒲飛白簡不爲親戚所譏訶可多得哉可多得哉

誥授振威將軍太子太保齊勇毅公家傳

公系齊氏諱慎字禮堂曾祖世有祖琦父清柱世籍南陽新野縣公幼魁碩父奇其貌教以挽強據鞍十九歲入邑庠爲武學生乾隆五十八年也於時川楚教匪起連陷郡縣蓋午燈爛不恒而襄陽賊且合隊攻樊城蔓延鄧州新野間鄉里震恐大府攻撲不暇下教所屬責之團練父於是昇公裘一馬一諭曰能爲國殺賊立功名吾願慰矣嘉慶元年公遂率練勇入伍隸慶將軍成陞下營追剿逆匪於襄陽縣之葉家店鎮安縣之大中溪甯光州之馬黃溝廣元縣之流沙坡略陽縣之曹家山竹溪縣之雞骨梁襄陽府之灣門岡平利縣之平溪

烏齋文集

卷五

十

山西省文獻委員會印

河首尾十二年由楚而陝而蜀而復楚枕戈薜馬不啻百戰所到必生擒渠斬馘不可勝計而淬厲其氣亦遂以勇名聞天下被先帝知一時自楊忠武公外無其倫也經畧額侯薦其材武每簿上功輒奏予升階比三省教匪平已游官游擊開府陝安鎮戴孔雀翎屹然負海內望矣忠武公與公雅契十八年滑之變首檄公赴援十月師抵新鄭遇賊道口河忠武公揮兵直前盛之公繼進賊氣奪退入巢次日公獨要賊衝河西岸蹂之賊掠中市所率騎截其歸路賊渡河將南竄復由衛河驅至道口東與官兵夾擊之段浮橋扼賊西突遂奪道口巢敗桃園援賊兵進次滑駐營未定城西北門出賊萬餘來切激兵再戰相持竟夜遲明城內復出賊二千與外合躍馬橫衝之陣中斷乃大奔潰已而遇賊陽武縣之延州集有賊目乘車來手發一銃斃之餘衆譁而北賊入新鄉戰牛市立摧破之首逆李文成劉國明屯司寨爲負隅勢建策由淇縣大廟山右入直下擣之慶戰白土岡仰攻司寨冒矢石毀其寨垣縱火焚礮樓無得脫

者計自道口接仗至此大小十有三戰凡手縛著名賊目七十餘人生擒二千餘人斬首五六千級救出被脇難民萬有餘口奪獲旌幟軍械牛馬無算敘功最諸將恩加健勇巴圖魯號疊賜佩飾銀幣十二月進圍滑城擊殺百餘人擒九人首逆黃興宰在焉城轟陷手幟先登自日出比日映生擒又二千餘人擊殺無算滑縣平奉旨先換二品頂戴以副將升用岐山三才峽股匪作亂擾及寶雞隴州復偕忠武入關十九年正月由整屋鄜縣進兵及賊於伯陽嶺苦戰一晝夜殲首從四千餘人進追至二十四壩都督河更迭大創之關隴肅清奏補神木協副將晉授西安鎮總兵二十三年調陝安道光元年擢甘肅提督二年二月西寧插帳番擾河北公率本標兵出扁都口由庫庫諾爾西北進至葉瑪圖一戰於烏爾哈達再戰於哈錫格山梁再戰於落它灘生擒三十六人擊殺二百餘人餘賊向克烏蘇遁大軍抵雪山口番衆率老弱乞免死放還河南誓不敢復渡北岸遂班師上嘉其蕙事神速獎賜佩飾交部從優議敘三年

烏齋文集

卷五

十一

山西省文獻委員會印

正月恩賚長矛二高麗刀二厄魯特烏銃自來火烏銃雙箭烏銃各一仍褒其平番勞績云六年秋喀什噶爾不靖長文襄公調赴阿克蘇總理營務充翼長行抵庫車聞父喪文襄爲請假七日成服俟軍務竣補行守制奉上諭齊慎急公圖效著傳旨嘉獎加恩賞銀二百兩由河南藩庫提取交該提督家中爲治喪費十一月派防禦烏什喀倫有奇里克部布魯特助逆抄掠公蹤蹟得之於松樹林佳噶賴阿勒坦克烏玉布拉克諸要隘戰屢捷生擒三百餘人擊殺九百餘人并手縛其比庫圖魯克張格爾所倚以擾烏什者也七年六月移駐哈蘭圭喀倫外之倭胡素魯過賊內犯有自回部逃歸者言回人盟公威名與忠武公等忠武公美稱回人稱曰哈薩諸班而稱公爲駝龍諸班駝龍華言虎也回部平遵旨回籍守制八年九月假滿入覲改授古北口提督績像紫光閣御筆更題強謙巴圖魯號

贊曰新野武庠滑縣擊賊提督兩省忠誠報國烏什防邊擒剿出力大頭目誰

庫圖魯克十二年二月腰疾作奏請開缺調理奉上諭齊慎前在楚省軍營兩受矛傷滑縣首先登城石傷尤重實爲奮勇出力在直隸提督任內整飭營伍訓練操防俱臻妥協茲因傷濕復發一時未能就痊著允所請準其開缺回籍安心調理一俟病痊即來京另賞差使歸未期河南巡撫奉廷寄委員慰問十三年四月在籍拜甘肅提督之命十七年調任四川因舊疾復發請假奉上諭四川提督統轄全省營務最關緊要齊慎操守清廉訓練認真朕所深知是以調補著毋庸限以假期即於途次安心調理進其緩程赴任以示體恤秋抵蜀雷波夷蠢勳力疾提軍前進入大小涼山礮箭竟路短刀索戰寸步之外懸崖刺天忘疾之在身也凡搜擒夷匪將二千計十二月撤師出山得旨優敘十八年調任雲南冬復調四川二十年英夷犯順虎門失守公奏請赴剿奉硃批忠勇可嘉二十一年二月上既授奕山靖逆將軍則命公爲參贊大臣馳赴廣東公至無可措手者率所領川兵五百駐扎省西北六十里之佛山鎮防禦奸匪

烏齋文集

卷五

十一

山西省文獻委員會印

撫夷之議獨不會銜十二月崇陽民變奉命仍作爲參贊大臣馳往剿辦中途聞崇陽亂平回本任未幾復奉命赴浙江會同揚威將軍辦賊公駐軍甯波城北三城未復而逆夷破乍浦犯松江陷寶山陳忠愍公死之夷艘入江公不勝忿激請率所部兵遣行赴援奉硃批如此奮勇必能仰邀天神佑助六月抵鎮江則軍資器械無所取給而鎮道大員昌言避寇疏劾之逆夷既得鎮江不守以二三大船塞南北江口領大隊赴江甯要索金錢馬頭務滿欲公無可如何激厲親兵夜霧入鎮江城殺其留守夷人夷疑且畏不敢復居城內事竣仍回本任二十四年三月初十日卒於馬邊行臺年七十遺疏入奉上諭四川提督齊慎服官四十餘年歷次軍務無不在事馳驅戰功卓著自簡任四川提督以來訓練操防尤屬認真方資倚畀遽爾溘逝殊堪軫惜著施恩賞加太子太保銜照提督例賜卹任內一切處分悉予開復伊孫候選知縣齊偉於服滿後送部引見所有應得卹典該衙門察例具奏旋蒙諭祭葬賜諡勇毅子重義戶部

主事孫偉僭健

論曰近五十年名將皆崛起於三省教匪之會汾陽西平功成身泰如楊忠武
尙矣餘頗有以智術才略博五等賞者而晚節不終爲世僂笑殆天奪其隳耶
獨公氣沈志定不難不悚南雷之節炳于丹青然或百戰而不挫其鋒或束手
而無所用其武抑遭會有幸不幸也忠武請老上從容問異日如有軍務武
臣中誰可繼卿者忠武奏齊慎材任將帥嗚呼英夷之變使忠武尙在行間公
之功名不且與川楚滑潯等烈哉

行述

例授奉政大夫丞林院編修記名御史顯考曉沂府君暨顯妣王宜人李宜人
行述

府君諱敦頤字復之號曉沂姓張氏先大父季子也府君乾隆三十七年生於
合肥縣署大父授以孝經爾雅并爲講解故訓大義輒能領會七歲隨大母陳

烏齋文集

卷五

十二

山西省文獻委員會印

太宜人自壽州歸行與中不廢讀書歸里受業於州學博覽亭年先生泖先生
固大父弟子也府君穎悟絕人先生作天馬說贈之所以獎許之者甚至年十
四應童子試默十三經學使戴文端多方難之府君矢口孰誦如流水并屢折
文端之誤文端因是不憚謂學官曰此遠到才不可令其速化待吾科試更覆
試之旋丁嫡祖母杜恭人憂五十五年服闋茹古香尙書得府君卷訝其經義
紛綸曰必老宿也首拔之及覆試訝文與年不相副面試之文才半尙書掣視
歎曰古文作手也先是太父自泗州請養歸府君遂承庭訓見聞日擴及是研
讀益劬鍵戶夜誦恒至達旦積勞咯血醫家以爲難治府君泣曰吾死吾父母
將何以爲情養病獅子山絳方書得導引訣日夕靜坐調息期年疾盡除五十
八年丁大父憂自大父之以終養歸也府君復受學於大父者八年及是遂奉
大母命入京師執贄於程蘭翹曹顧崖先生二先生皆大父江南所得士而府
君之從顧崖先生游者爲最久嗣顧崖先生督學山左約府君同行湖卷所刻

試讀率府君筆也府君數歲游學每臘必歸省春出冬返歲以爲常嘉慶二年

歲試高等食廩備五年學使莫寶齋先生選拔茂才異等令讀書晉陽書院甫
半載七冠其曹嘗署其文尾曰三晋多才對此皆當顧首秋捷於鄉寶齋先生

攜入都館於其家七年罷禮部試歸丁大母憂大母之疾也以患氣癆府君扶
持抑搔日不交睫者數月比歿哀毀骨立祭葬盡禮無不及情亦不敢過情也

八年汾西令重慶鄒君樹廣延課其子十年會試歸金公應琦巡撫山右蒞任
過州邀府君至署課其幼孫并諮以地方利病平定在晉省東界例食解鹽顧

地寬遠向就食長蘆以非公也屢爲關胥所梗府君請於中丞曰吾來時州民
淡食久矣今一郡之民僉曰長蘆便而顧強過其欲必令衝霧霧犯艱險膠循

舊例其整人情也實甚公爲國家宣化苟有不便得以上聞蓋少貸之以舒民
命中承於是通檄直隸揭示關門令無阻邇州人至今便之初府君受中丞聘

以俾煩承中辭固強而後可至是益厭其擾十一年太平令顧公玉書延主太
平書院府君忻然諾之至嚴立課程諸生居院中者質疑辨難昕夕不倦每升

講諸生立堂下面剖其優劣人以是益發憤次科獲雋者六人十六年成進士
殿試二甲十六名欽點翰林院庶吉士甲戌散館一等授職編修二十年充治

河方略館纂修所纂治河方略一書原稿條目頗外府君殫心鉤考秩然劃然
旋充武英殿纂修二十一年秋充直省鄉試磨勘官二十二年充殿試收掌官

七月保送御史引見記名二十三年二月大考二等五月初十日欽命福建正
考官副之者中書舍人陳君詩府君有紀恩詩三章云傳來天語詔書榮闕越

星輅督使程鉅省人文衡不易中村委任職非輕幾番格費三年刻四十丹還
九轉成自注余鄉切莫恃才輕閱過倍加詳慎蒼皇誠出都車馬轉庚郵聖主

恩深未易酬幸有頭銜能却暑敢誇眼額似澂秋金鍼度本青箱續自注先君庚

瑯網疏防赤水投但得有才歸實用此行庶不負虛求閩洛文章理學全萃英
峯出仰前賢心香一瓣人爭奉衣鉢兩家吾愧傳自注真寶齋同張甫甫筆有奇

烏齋文集

卷五

十四

山西省文獻委員會印

光騰劍壁胸無成見忘魚釜最防銅臭鑽營巧關節深宜鎖鑰堅途次奉酬舍人詩有曰所願異時公校閱菲才慎莫損聲名行抵抗州忽感受暑風未甚也七月十一日至嚴州府建德縣屬之大洋早辰猶送客出船外西刻痰涎上壅竟致不起時吾州張君去非先大父弟子也適宰是邑實親視含斂云府君天性平易終身無疾言遺色事大父母克盡其孝身嘗佩小冊凡大父母命無小大悉書之後每檢閱猶零涕不置處兄弟無爾我分與人交事事處下晚年尤究心於理學儿上置黑白豆分記念之善惡如趙叔平事夏月戒家人勿以熟湯傾地恐傷物命烈風雷雨雖中夜必披衣起坐遇貧乏解推無吝意嘗自都中歸見清水河邊有露殮未掩爲質物市棺以葬府君生平行事大率類此距生於乾隆三十七年十一月二十八日子時享壽四十有七不孝等備伺扶柩歸以嘉慶二十四年九月二十六日暨顯妣王宜人安葬於洞嶺祖塋之次原祀顯妣王宜人康熙癸巳進士陝西榆葭道諱凝孫先外祖繩祖公女十四歲

烏齋文集

卷五

十五

山西省文獻委員會印

十八年十一月初五日辰時享壽四十有三生子四長不孝開選國學生取歲貢生李公名萬女次不孝普選廩膳生娶州庠生黃公士麟女次不孝麗通州庠生娶戊戌進士詹事府左春坊左庶子祁公韻士女次不孝瀛選廩膳生娶候銓訓導劉公濤女女二長適壬子解元廣西藤縣知縣任公質淳子庠生名模靖次適候補知府原貴州鎮甯州知州楊公文楷子詹事府主簿名煦孫男四長孝芬開選出次孝祈普選出次孝教孝瞻麗選出俱幼未聘孫女六開選出者三晉選出者二麗選出者一俱幼未字

繼配顯妣李宜人浙之山陰人外祖諱廷良寶齋先生男氏也母幼端靜外祖父母甚鍾愛之年十八隨寶齋先生奔北發至京師歸府君時先母已棄養三年矣不孝等垢裙敗絮寒寒盈筥吾母初至卽爲澆濯纒紉一如先母生時甫一載遽遭府君凶變吾母聞訃誓欲身殉撫膺呼天悲動一室既乃忍淚撫不孝瀛而言曰汝父去以兒屬我我死兒幼弱其誰屬我其姑俟之由是遂持長齋終身不復肉食寶齋先生時官倉場欲留吾母於家母以瀛讀書故從之遂於是冬攜瀛至其官署瀛就外傳每夕歸吾母坐榻上令執卷旁誦鏗昏漏歇淚焚焚常在目也自後每聞學業有進則喜溢顏色否則惆悵日繼之以泣曰汝父冀汝成立若荒而不學我何以見汝父於地下至今念之瀛猶覺此言之痛也己卯四月旋里治府君葬事次年春寶齋先生復以書來招時楊氏妹年已及笄吾母遂并挈入都不意甫抵都門楊翁已下世矣三年中教養吾妹恩義並至經營器具賞血俱枯及嫁日觀者咸歎息動容以爲雖府君在世不過爾也吾母性寡言笑不喜華飾鍼黹外兼通書史諸若佛經閱範管手一册朝夕繙閱值大父母諱辰必親治楮帛曰吾不及事舅姑所能自盡者僅如是耳御藏獲嚴且慈人不敢欺以是非或有疾必給資爲藥餌費在都時嘗有收父骸者古助不孝等入以白母卽傾囊予之數年來育兒嫁女日夜焦籌心力瘁矣壬午八月忽患胃疼庸醫誤以爲痧至冬兼以心驚盜汗終宵發嗽次年

烏齋文集

卷五

十六

山西省文獻委員會印

春疾益劇一月僅三五日安雖百方求治而日瘦一日矣五月二十八日由京起身將歸爲瀛畢姻路中精神較常似健至六月初八日抵家次早出戶坐簷下尙能弄小孫戲二十日曉與家人話聲殊清朗是日凡四飯不孝等私心竊喜孰意至晚腹洩大作胃疼更烈竟於次日午後溘然而逝邪時道光三年六月二十一日申時距生於嘉靖三年正月二十九日子時享壽僅二十有四不孝等卽於是年十二月二十一日扶柩合葬焉始乙亥吾母歿不孝等依父如母及父歿依母如依父也所冀兄弟四人倘有寸進或可稍慰母心今并不獲終事吾母矣嗚呼一世孀居六年育子婚嫁甫畢音容遽杳豈吾母至是仍不忘身徇之誓邪不孝等罪孽深重不十年間疊遭大變天之降罰胡至此極嗚呼痛哉

先兄補庵府君行述

兄諱晉暹字仲明別署補庵先大夫之次子也方在娠母王宜人夢有齒萬發

烏齋文集

卷五

十七

山西省文獻委員會印

池中俄而苞俄而華迎風忽隕寤而兄生膚黑聲宏大母良愛之曰此非常兒也年十三竊引筆作壁窠書頓挫獨出爲文章擢雅訓瞬息千言同學者方彭亨構思兄已滌筆酣臥矣歲辛未先大夫成進士下榻庶常館兄趨庭問字學日進同館丈人偶拈枯棘題試之兄伸紙疾書巧思潑發不爲所窘也甲戌春歸里未及院試奉母北上逾年母避心疾兄入則調護湯藥出則血疏顛天而鮮民無祿慈帷終拚當斯時瀛暹甫十歲父固以父而兼師兄實以兄而代母晨而興也兄衣裳之夕而寐也兄撫摩之察其飢爲市美餌閱其垢爲易新服以是失恃三年不知無母之苦也及吾母李宜人來歸三兄將授室兄攜以旋兼應郡試州刺史念庭吳君拔置第一因受知於賀耦庚學使補博士弟子時戊寅之六月先大夫奉命主試福建塗出嚴州感暑風奄捐館舍兄聞訃借伯兄蘭尼尾奔舡返葬李宜人亦自京師攜瀛暹歸視葬事葬既數復同奉板輿入都依莫寶齋表舅於潞河督署維時舅方以性命之惜提呼後進而吾

師吳樸庵先生實館其家兄既得聞兩先生之說退而歎曰向之汲汲於詞章役役於利祿世所詫爲榮懷愜意之事適足汨吾性真耳舍此不學虛度一生矣於是擲精覃思心緝口誦蓋實有窺於大道之微躬行實踐著其效於家庭而非講學家標榜門戶者比也歸語同志亦稍稍有信之者而兄之指授後生則一以朱子小學爲階梯汝州人士之知誦小學自兄始癸未復丁李宜人薨服闋學使案臨兄以高等補增廣生瀛暹入郡庠戊子科試瀛暹忝列第一而兄第三同時食廩餼三兄亦入郡庠一門之中蒸蒸有起色矣兄獨愀然不樂謂瀛暹曰吾兄弟十年之內三擢重職今雖死灰有復然之機會不得奉觴上壽豈笑相樂可痛孰甚且卽以科第論先大夫鞅掌王事齋志以歿所有待於後人者尤非區區一衿遂克仰訓先志言訖泣然瀛暹謹志之不敢忘獨媿驚臨之骨鞭策不前今兄歿又七年矣不惟無以慰吾父抑并無以慰吾兄也尙何言哉尙何言哉瀛暹家世寒素鮮封殖洎遭大變產益落而食指之繁則

烏齋文集

卷五

十八

山西省文獻委員會印

視昔有加兄推燥就溼左支右訓朝饔而謀其午夏暑而軫其寒用此爲常不以關兄弟慮也每味爽家人臥未起兄振衣出戶摩畫米鹽必敷一日之需退乃讀書方兄之生也見其鰥鰥細務未始不竊議其瑣及兄歿而躬操其勞不終日頽然憊矣今則婦子曰以睽離生計日以淪替廢者未及舉而舉者輒復廢死如有知能不重以此爲弟輩罪哉兄體氣豐碩堅忍耐勞疑非寒暑所能侵者而兄每自傷其脆歲庚寅瀛暹以疴瀛善病養疴天門山之玉皇觀兄不時來來輒爲經紀其衣食六月初尙一至山齋留信宿乃去及初八日之夕扁四下矣猝有呼於觀下者驚起訊之則報兄以中風胸仆環救未蘇奔歸人視見兄合目僵臥左手足已成痿痲脈之或曰熱厥也或曰陰虛傷風而經絕也病榻懂懂迄無定見瀛暹祝而誓之遇乾之同人其辭曰同人先號咷而後笑大師克相遇奉兆噉然失聲知兄之將不起也嗚呼天何奪吾兄算之速至此亟邪兄善行楷自孩幼弄筆已驚其長老稍長摹績松雪惟妙惟肖既以鄙其

爲人痛自澁滌登善清臣兩家外不屑規放也尤熹寫書自本經以及諸子文集鈔撮等身而齷頭細字一筆不苟瀛進謹甄諸篋衍將孝祈之壯而授之嘗客黎城得利氏同文之術於中西算法雅有契悟惜乎洞淵松庭之奧瀛遲今始得聞未及與兄切究之也兄生於乾隆五十九年四月十六日卒於道光十年六月十二日春秋三十有七娶黃氏郡文學諱士鵬女子一孝祈聘乙酉科副貢董君調女女二長未字次字浙江建德縣知縣張去非先生之孫名岑之子于臯今卜以道光十七年十一月二十八日葬兄洞嶺先塋之次瀛進既句諸兄之契友李君怡山鐫銘於幽復據梗概述爲此文以志吾痛且以詒其子孫

烏齋文集卷六

平定張穆

祭文

亭林先生祠落成公祭文

先生生當叔季業貫漢唐學堪爲王者師志非以名山老身甘荒避慰九原忠
孝之心時際雲霧灑六謁園陵之淚北征初賦策二馬以來游東道既通餽十
餐而恐後咨民生之利病邑乘必搜究阨塞之險夷邊亭親歷采山鍊治喻半
生尙論之精勤訂韻諧聲發萬古同文之要妙况乎志存淑世其講書堂雅慕
伏波厲精田收稟比不擁懲東林復社之末流墨突未黔棄濂淫桑莊如傲屣
惟慈仁之古寺曾作寓公計偉節之遺行適在明日誦孔德炊羹之句下榻何
頻緬無異築室之謀顧廬宛在薪樵乍啓觴豆初鐫規陋雲臺典同石室所觀
雲車風馬昨纓來臨庶幾學海儒林精神不朽尙饗

烏齋文集 卷六

山西省文獻委員會印

亭林先生生日公祭文

先生行成忠孝學洞古今懲末造之蹈虛進吾徒以考實凡今代文苑儒林之
彥敬佩遺書台天下束脩尙友之懷思隆美報專祠式啓吉祀祇獨敢因載誕
之辰奉薦迎神之曲雖蘄門卻饋痛援往例於靈均而石室修儀展效拜經於
榮緒尙其陟降鑒此悃忱尙饗

公祭栗恭勤公文

於噉北岳之雲飛來嵩液而爲霖霖雨所被自大河滂及荆山陰赤子扶扶依
公如父不瘠不吟勾公潤澤願公壽考涕感蒼黔胡天不怒醫巫旁皇莫效疆
畿遺章入奏帝用震悼捧淚沾衿馳赴天下中外皇然歎劇啼暗繫公弱冠起
家拔萃弦歌矢音飛黃奮足萬馬失氣雲路駸駸不牽羈勒遂許驅馳咫尺而
驂上戀桐鄉聲流帆井沙海榮甘攝邑者八箱篆者再十地惠覃始宦帝陵唯
渙瀾狂魚夢方酣田不成陸盧無遺篋巨版邈尋繼歷武涉丁黃沁洎險工如

林才優槩錯龜手不豚牛刀厲鐔時乳嗅之時培護之索緼以燧南陽汝光駟
蓋竭來威望森森始是民驚手刃造隙赤丸恣探挫之摧之治劍而機置竿而
琴董興黨校人知詩書廣廈潭潭春俎秋郊晨壘宵燈我枹我鼙裝鼓驚夢滌
縣放衙我匡我擇暨領開封海階觀察仁愛辜醴矜彼童孺而於恩聞方咪指
南昇之鉛札收之精舍秀采垂髮難其困棘地拓萬弓屋有周欄量其歲儲穀
納千倉畏靖民瘠陳臬楚北初去豫州遭歲大祲隸荒如火不俟公裕立發私
儻飢飢之嚮旅庇之炭寒被之襪馨馨哀鴻杖公復蘇春風在閭逮綜藩政復
還豫州寇君載臨舊藩新進銷彌不月惟法惟廉鏡茲降流來自昆命原委飽
譜撮土成壘束結成埽糜泉巨浸桃霜汛駛頂溜蕩滌患釀蹄涉蠅漏婁實宜
房失棟土委黃金公官豫州垂四十年徧閱河滂舊兵老革溝洫河渠潤古洞
今知人惟哲聖聖惟忠泰交無嫌迺特簡駐節漁山克單秉忱渚五夜思詒
百世利馬刑玉湛瀕流以陶鍊由計方鱗堪巖巖勤奮其智橫失其巧議不旁

烏齋文集 卷六

山西省文獻委員會印

參臬斯能斷明斯能周密斯能深越斯能及黎襄勤並公而三曾不中壽遽
歸上霄屯遯巢爲恩綸算申重憫勳臣職普宮銜飾終典渥論祭諭葬錫孔
壬猶與熒謚式惟我皇鑒公蕙心其事上恭其修官勤仕履可斟長君少成效
績秋官久列朝簪次君白眉早掇乙科延賞優霑惟公有子嗣聲競爽天道足
誰爾積雲寒鄉扮月冷哀感曷任清酒既澆靈風颯然涕盼歸厥心光不泯丹
旒童童庶其居歆尙饗

公祭郝恭恪公文

嗚呼人臣有初無赫赫之功可錄而進會盤錯規制曲善其用心之密乃更微
於折衝保釐之勳乃更高於得雋當夫海蕩顛波旌飛擊燹曷曾肆逆以憑城
諸將蒼黃而議款公於是時而以周室蘇公仰膺懋簡規五羊之全局坐堂皇
而內斷謂藩籬不固則水陸蹙步已紊華夷之限屯練不壯則防禦萬人購任
蒼兕之選而且守望異恃秀頰共版苟非人心鞏碩先示寇以無瑕又何從用

我長而擊彼短然而焚焚驕虜尺咫戶闥慙慙夫習深慮淺其薦紳之明智者雅思保障其鄉噫而惰民之愚狡者至乃矜矜其口辯微公定算默操不疑不難相機指蹤推懷敦勉烏能於揚釜魚游之地而變壘言言鼓申旂卷烏能於鹽海重洋之內而禾塍鱗鱗手韋足跡又烏能萃五社君子方陳雲合未期年而金城戴傷勞矣哉班定遠建牙萬里竟斷玉關之望痛矣哉馬新息靈節武漢怒羅壺頭之塞此故鄉之後進難忘揮涕於老成而九原之毅魄差可少舒其憤懣者也何况予祭易名朝則沛夫節終之典巷哭里思民劇切夫廟貌之展乎

公祭蘇封翁文

嗚呼世俗之所望於子者率不過甘旨之豐腆與褒贈之寵榮一旦剝朱奪紫奮蹟省廷誰復責以關心國是繫念蒼生惟先生結連嶺之秀家長溪之濱爲善於鄉媿媿恂恂庶堂畫英翰苑蔚爲國賓先生召而誨之曰汝往服官其毋

烏齋文集

卷六

三

山西省文獻委員會印

視世俗人之顯其親凡夫安危利病旣資研辨察務上無負於國而下有裨於民君恩厚汝我敢私汝之身山節老健郵酒真醇我行我意柴車角巾况左右扶進者尙有汝仲之定省於昏晨故當夷氛不靖羽書填委戰撫異說孰非孰是庶堂抗論擡擡百折不靡星氣乖常河流溢軌宰衡訐謬曷臧曷否庶堂指陳得失深維國枳天子俞之曰真諫官海內尊之爲名御史神羊威鳳輝連喜起先生載欣載懼馳戒多端謂論議愈高樹立愈難行百里者半九十况乃僅託諸空言汝勿自多而謂可少安勿念我老耄而遽思挂冠古云移孝作忠汝但勉修職事努力當官又何必朝夕膝下乃爲承歡而乃祝洲之雲嵐不足供百齡之娛養溪上之艸堂忽驚傳消息於曳杖龍蛇占歲鴛鳥在門天下所爭相健羨者以子方之清直端教普原而吾黨之失聲痛哭豈不以耆德淪亡良友銜恤拋巾老成之下更寄感於離羣乎尙饗

祭任太素先生文

於戲人亦有言才欲其豐豐稟先生以才而窮人亦有言才豐用拙豐稟先生

臨事剛決薄有所施未嘗厭敷終老於家天平人乎冠雲縵水秀絕陘口先生蔚起雄視山右乾坤清氣筆端來往抽秘躬妍奧突洞開少有所作驚其長老千言灑灑曾不屬艸長而博通其學益宏角觝名流校藝分標一篇既出舌橋不下百韻立就氣奪倚馬維時龍門戴茹及戈失聲爭嗜斯何才多風樞呵凍技之餘耳已令宗匠心折至此元戰困敦大啟瓌閣動用縣解單思詣微相其布墨坦芒文竹騰歎誠拔曰魯山木朱弦疏越厥調何高中旗快逸風回海濤區區解首庸足增重所足詫者衆烏孤鳳大名難再小就所甘牛刀龜手經緯粹醇未嫻進熟胡試爲吏途達官怒骨銷積毀嗟嗟爰書播校山人有澤漬民有鼻漬身最爾藤邑民當可罔齒然召廢于今猶仰仕而見虜猛志未舒空留碑版照耀鄉閭韓轡歐易九變復貫覃思辨淳天章雲漢始吾王考以古學名乃實嗣響絕緒復庶抑昔先子訂交總角昏姻締葑文酒商榷聲名屬屐或後

烏齋文集

卷六

四

山西省文獻委員會印

或先死生契闊載拯載援我丁多難杖之擁樹我拙文詞賴以啟悟風帆初動實引翼之毀室難完謀奠臚之烈烈血忱揮輝赤膽豈無賊屬靜思增感猥以肺附觀型於家矩蠱規重童釋無謙尊姐觸客看核羅列子姓執壺歛漱匿舌坐客未醉子姓敢師歷之曰去相率趨隅豐豐先生行足坊世千繭萬軸猶其餘事戊建春新我噫南游再拜牀下挽坐堂陳憐我抱疹傷我遇感夜闌語絮老淚忽滴竊窺意度貌矚神清命不與黃年或鑿鏗浩浩海風滔滔江水寒冰塞舟時騰怪鯉先是兩月夜我膠鬲寄命食客涕格闌干惡耗遞來悲曷可止老輩漸空哀哉小子茫茫天心未喻其深異乘誰界慘變交尋康瓠尊閣寶鼎淪他磷夫昆玉琛彼燕石綜括古今大綱攸同得喪窮通應付太空算踰七十亦足云壽有子克家必昌厥後感叨知愛敬次韻文悵望龍幄私哭寢門豐稟先生郡城師表毅率一弛萬端潦倒臨風哀奠喉齒茶尊安得巫陽更賦招魂尙饗

祭伯兄文

維道光二十七年冬十一月丁丑朔越二十九日乙巳季弟穆敬以清酌庶羞
遙哭奠於顯兄伯后府君之靈曰嗚呼吾兄須眉秀發豐皙不佻朋好相誇每
謂似畫中祿星宜享天福膺大年不意中年以往憂患櫻心形容憔悴頓革舊
觀年未六十遂潦倒以終也先大夫年二十而育兄時大父尙存抱孫甚喜兄
之乳字大父所命也稍知讀書省文義卽以護守先人遺書爲己職片楮箋字
珍若金璧它嗜好不能奪生平丁於作楷密行細字籌燈精繕老猶不疲聞屬
續前一夕尙作蠅頭書至漏四五下一蠶未竟也去年秋穆輯大父遺事每有
疑闕馳書諮商不十餘日輒檢本書寄京及希音堂集開離復寄大父小像來
俾尋之集首九月中刻工初竣寄歸樣本意見之必歡喜逾量一生護守先
澤之懷可以稍慰豈知書未得達兄已先期溘逝耶穆發此書爲十月九日而
兄以十一日歿孝實來述兄歿狀云父年來食量增健心氣和平往反州城三

鳥齋文集

卷六

五

山西省文獻委員會印

十餘里若無事初十日夜郵店坐談三鼓甫歸次日早起欷坐炕頭喚阿葵
爲作午餐一旋踵頃阿葵入視則見頭微偏口角垂次沾溼裯席不二可許目
瞑不視矣嗚呼考終爲五福之一大雄氏以無疾示化爲得大解脫兄賦性忠
淑不疑人欺天佑善人宜不以疵病相加如此而死抑又何憾獨念門祚衰落
吾兄弟四人皆薄有文名皆困頓場屋見擯於時愈出愈奇或者天不畀我以
名猶畀以壽老年骨肉情誥有期乃仲兄最強最先死越十有七年而兄繼之
穆四十有三矣自三十後患咯血甚劇邇來血稍止而每屆冬令氣輒逆上畏
寒畏火噁吃龍鍾似七八十人以視兩兄之壯碩蓋百不如其父可恃耶先大
夫遺文尙未定有目錄副剛有待吾兄寫本謹弄篋中諸從子無能讀祖書者
蘭兒甫七歲未敢祝其類我儻穆一旦與兄同歸不惟妻業青衫斬然中絕卽
兄所兢兢護守之遺書抑復誰知省視珍惜邪穆進取之念久已冰釋惟沒世
之名尙不能無介於懷而所答諸書率未脫稿搜采既須時日寫定又無資力

傷心之事觸念紛來里社習俗嫌薄兄每有輕去其鄉之意穆則初無此意而
以謀食故久客不歸今兄已矣穆卽歸將何所歸邪歸復誰與共語耶穆述
人海中非無朋友之樂所耿耿在念者獨有兄耳一舉箸非不飢肥甘也念兄
方啖藜藿而止一易衣非不便輕煖也念兄方擁敗絮而止十餘年來忍寒茹
淡之苦衷兄歿而神明實式鑒之矣穆蓄有百金擬於兄周甲之年歸而稱觴
天不假年遽奪兄算今卽舉以昇孝翼俾歸治大事速卽窈窕嗚呼歛不摩棺
瘞不繞墳卽弟一人之身所以報兄者已遠不及仲兄矣負疚其有終極邪繼
嫂聞尙能持家新婦初來教之和順孝翼知艱苦可望自了穆一日不死所以
給兄家者不敢視兄在有閭也夜雨傷神山堂在夢嗚呼痛哉尙鑒

祭三兄文

維道光二十八年八月壬寅朔日季弟穆謹以清酌庶羞遙哭奠於三兄叔正
府君之靈曰嗚呼穆何辜於天而淡月之中三遭期親之喪人世慘酷有如是

鳥齋文集

卷六

六

山西省文獻委員會印

其劇者邪去年冬間大兄訃穆與兄書曰吾兄弟四人今已亡其二穆既以飢
驅不能西歸兄又羈於官守卽吾兩人何日是相見是耶痛哉豈料其真不復
見也及今年二月京師疫氣流行穆九日之間妻亡子女亦相繼亡十年營葬
之巢一旦迅掃空之人非木石其誰堪此惟念古來賢豪似此遭際亦尙頗有
萬無以身徇之之理此念一定始得勉勉支持幸而不病豈意兄聞此耗而重
爲穆悲且憐且慮轉至於病也聞四月中偶染時氣已調理就愈及六月轉爲
泄瀉遂以不治而其亡日時刻乃與二兄一一相合骨肉同氣之慘十九年如
一嗚呼異矣兄幼頗孱弱吾父母時以爲憂冠昏以往形氣充實較穆似數
倍過之兼以尙矜開曠瑣屑事略不縈懷皆非不壽之兆何憶年未及艾遽從
徂謝邪吾兩人幼同游長同塾兄丰姿玉映讀書敏悟年十歲已能背諷周官
全文不謬一字學大歐書英拔出羣吾父嘗召穆示之曰汝何日能作此書當
重賞汝穆勉強奔赴卒不能及也文詩雖不極意求工而吐詞天秀風調翩翩

充其才即以取巍科上第亦意中事乃僅博一巾甲辰秋闈主司得兒卷已擬元數日三載俱登版矣旋因數語之疵斥不復錄自非家運屯遼天不右吾宗何至兄弟四人俱顛蹶文場至此極與先是捐例開穆在京師承大兄意竭家貲友力爲兄營一官而得缺無期繼客津門值海氛不靖上命大臣赴津防堵兄以隨營效力微勞當道保薦特旨優敘及銓授平水計歲入可以小康而夙累既深又不善籌度出內遂至依然窮窘身後菟裘之計全無料理賴兄性情和厚與人交不藉故一旦身觀閔凶而太守縣令所以營護之者能不以存歿異視柩庶適得歸乎猶憶己丑歲穆與兄同讀書十柏山房兄病目楚甚中夜呼穆起告以所苦穆曰可奈何兄曰無可奈何但告弟知卽分我楚耳時靈州李姑夫締宿於閣中間之泣下歎曰兄弟疾病相關乃如此由今念之誠足痛也穆自壬辰北游遂相際阻惟庚子春兄來京寓相存至七月方歸爲此十年中會合之最久者去臘致兒書雖言相見無期又竊自念三五年間纂輯諸

烏齋文集

卷六

七

山西省文獻委員會印

哀詞
靜濤張君哀詞
靜濤諱琴字揮五故浙江建德令張去非先生之子先生二子君居長次岑字小山皆穆二十餘年來柱內扞外所倚賴以生者而靜濤尤有大德於吾家吾子孫當世尸祝之嘉慶二十三年五月先君子典試福建暑雨中傷宮程電轉七月初十日舟次建德與去非先生相見握手道故甚歡次日解維去行抵嚴江之大洋疾作遽不起先生固先大父高弟子聞赴趨至哭之慟小歛大歛皆躬親之而是時奔走給指歷先生左右者獨靜濤一人在先生好酒尚氣誼悼先君子之無祿傷故咬淪落宦不得意懷之所鬱性加嚴急抗衾陳衣稍不中節訶怒隨之吾舅氏王丑石先生後每爲穆言靜濤此數日執事之劫寔甚於自營其考妣也倉卒無好棺邑有壽民善美檣歲加髹戚敬之作銅聲靜濤則遺才有口者重誓購得之故先君子雖旅館屬纊無親族子姓視飯舍而附身

烏齋文集

卷六

八

山西省文獻委員會印

而漸習久而意氣融液一如穆之暱君昆仲也然穆以福急不爲世所容客不歸吾舅氏年逾六十日皇皇於衣食無讀書子弟資以娛老立青多病善愁小山困於里居無所展其志氣獨君較是諸人境稍暇適足自給而又以數舉子不肖忽忽不樂疾侵尋摧其天年嗚呼傷已君凡三娶皆育有子女皆早殤最後君已抱痼疾得一子穆爲命名曰普護及三歲又殤以小山之子臙奎爲嗣先仲兄補庵之壻立青所自出也小山既頽然無以自遣遭君喪益不自聊道光二十六年走京師造穆曰歲且臘將舉殯事子不可無文以慰我兄於地下也嗚呼君有大德於吾家又重以朋友昏姻之好微小山言詎忘所以傳君而詔我後人者乎爰爲楚辭以寫吾哀釋小山之痛詞曰

昔余厲志以登覽兮君伉爽而善歌指城西之奧岫兮攀禪巖之綠蘿誓宿飽以詣極兮夕憩息乎山阿峯回回而曲轉兮莽不知所扳援印窈窕之石罅兮訝微光之窺天奮撥身上躋兮鶴跂猿接而造顛初愕眙而失恃兮旋抵掌

烏齋文集

卷六

九

山西省文獻委員會印

而大笑席錦石而酌瓠尋兮振林谷而歸嘯歎豪情之消阻兮皇天曾不許以申眉余既莫知所稅駕兮君齋痛於無兒窺日月之蔽虧兮深林方晝而杳冥江介紛其苦雨兮北萌祓魃使不靈余終莫知所稅駕兮君怡神於幽鳥馨嗣孤之麥飯兮沁仲氏之老淚感石交之日稀兮誰復喻吾之遠志也

烏齋文集卷七

平定張穆

事略

故內閣學士前倉場侍郎會稽莫公事略

公諱晉字錫三一字裴舟別署寶齋會稽人曾祖文炳祖朱謨父大邦乾隆三十五年舉人於潛縣訓導母李太夫人先繼妣之姑母也公生後三月而適母蔣太夫人亦舉子曰階故於潛君以公嗣亡兄名揚後幼惇敏至性過人年五六歲則能以嬰兒戲百計娛其嗣母母忘己之寡無子也讀書不假約束晝夜不自休止十歲九經已略備稍長遂研穴貫申心解神契以能文雄浙東西年十九補縣學生員旋丁蔣太夫人憂諸城寶東舉先生大興宋文正公先後督學浙江皆器異公試必第一及當選貢因引用班書筆誤一字文正疑之置弗取東舉先生接任乃以優生貢成均時乾隆五十七年也次年三月赴朝考始

烏齋文集

卷七

山西省文獻委員會印

游京師祭酒法梧門先生那文毅公山陽汪文端公振興太學號極盛梧門先生營精邊兩舍生之器堪公輔才任著作十人而公爲之首五十九年中式順天第三名舉人六十年中式第十九名進士殿試一甲二名授翰林院編修嘉慶元年散館一等三名二年充國史館纂修三年二月大考二等一名超授侍講五月充福建鄉試正考官得士鄭兼才等八十人八月命提督山西學政四年二月轉侍讀三月遷右春坊右庶子四月升侍講學士仁宗鑒公純實授意軍機大臣寄諭公密疏官吏之賢否而舉劾之其被公舉者前後蓋二十餘人以密疏無知者六年冬任滿還朝七年充日講起居注官實錄館纂修五月派教習庶吉士十月充武會試副考官八年轉侍讀學士三月大考二等五名四月調通政使司副使九年二月上幸翰林院隨扈諸臣分韻賦詩公與焉七月升太僕寺卿八月充順天鄉試副考官得士譚仲瑤等二百四十人是月復升太常寺卿十二月命提督江蘇學政十年五月遷通政使因催提學租奏署

蘇州藩司鄂雲布玩公獲短飭交兩江總督鐵保查辦嗣奉上諭此項學租鄂

雲布因莫晉節次催提即借動貯備項下湊齊解清比較向年批解月日並無遲逾其中復文書亦並無含混所有鐵保請將鄂雲布交部察議之處著暫行緩辦至莫晉始則用文催提繼因自行查出行文遲延致書鄂雲布自認冒昧唐突此事已可完結乃又續行陳奏畢竟該學政於鄂雲布有何意見離齟之處著據實明白回奏公奏稱蘇州藩司每年應解學租銀二千八百兩爲給庫振貸之費本年二月藩司汪日章批解一千五百餘兩尚應補解一千二百餘兩臣於五月十七日行文催提延至閏六月末該署司鄂雲布絕不申復因於七月初四日另行文催恐該司仍置不復并寄書告知情節始於七月十五日將銀解到查四年學租係次年二月解完五年係次年五月解完六年係次年六月解完七年係次年閏二月解完惟八年係次年七月解完是時歲科試已屆振貸已畢祇餘給庫一節爲七月申需川之項遲解尙屬有因至歲試年分

烏齋文集

卷七

山西省文獻委員會印

給庫振貸隨棚須用安得援上年遲解爲例本係逐年延緩因據其最遲者謂比較月日並無遲逾勢必致臣衙門辦公掣肘况各屬學租因何不敷批解該司理應聲敘明日乃並無一字提及祇稱解存學租僅震澤婁縣等四學暫借河工銀兩俟解有學租本款歸還似乎各學尙多未解迫再經行查又稱因災獨緩者十三學其餘並無未解夫獨緩僅三百餘兩何遲不敷至千有餘金若既經全解本款又何以不敷臣因其前後抵牾疑或從中舞弊是以飭令嚴懲書吏并清查條析具覆該司更不清查亦並未條析轉謂呈覆初無含混書吏無庸懲治玩公護短情節顯然藩司爲錢糧總彙之區倘任其侵那弊將不可勝言故不敢不敬陳以備攷察至臣致書該司因臣衙門書吏行文遲延將七月初四日公文倒寫爲閏六月十五日經臣查出重責再札知該司自認疏忽誠以誼屬寅恭凡事當推誠相待不敢稍存回護旋據該司復札稱仰見公正爲懷虛中若谷願以臣辦理此事爲是詎意今復援此以誣臣過公文遲發責

在司書冒昧唐突幕友率筆要其得失皆臣自當之臣與該司素未謀面並無意見齟齬之處設挾有微嫌而掩其短假公濟私豈能逃聖明洞見乎十一年擢都察院左副都御史二十年四月疏請審案責成督撫曰伏見皇上每過地方上控案件除發交督撫就近審訊外間復特派大員馳往查辦良以案分輕重因事制宜總期下無冤民上無留牘歸於訟簡刑清而已惟近來京控案件日漸繁多簡派之員紛紛四出不可不防其流弊臣以為吏治之張弛責歸督撫誠使方面大員能禮皇上勤政愛民之心以為心慎擇屬吏詳求民隱百姓之負屈於地方官者應無不可求申於督撫豈有近舍省會而遠遡京師之理今之上控者如果屬冤民則必督撫公正之聲名未孚衆望也如其為奸民必必棍刁翻意在脅制官長也夫夫大吏無以取信於下而人心不屬則上下有際隔之憂小民無所畏忌於上而告訐頻興則官民有爭勝之患閭里愚氓見不及遠第聞欽差往來絡繹或且私心揣測以為皇上漸不信外官節制聳動

身齊文集 卷七

三 山西省文獻委員會印

即可僥倖圖翻臣恐上控之案益多而所言益以無據迨派員審結平反者不過十之二三而坐誣之獄因是又衆矣且督撫審辦之案或有翻控可派欽差覆勘若欽差審結之案仍有翻控則是曲直是非終無定論而許訟永無了期也豈我皇上息事甯人之至意哉竊謂宜明降諭旨嚴禁浮囂險健之風一切案情未經督撫而赴京越控者概不準理或督撫縣案未結定讞失平上控京師自非關係重大仍飭交督撫親提審訊倘再有不實不盡之處被人控告然後續發欽使一經究出實情將原審督撫從重議處勿貸民知上控案件仍歸督撫審辦自不敢以鄙俚荒誕之詞上瀆天聽自罹誣罔重愆督撫知交審之案一有不公獲罪且將不測又甯敢權宜帥率袒庇屬員以自取戾乎似此靜以安民嚴以馭吏或漸可振官方之煢情挽習俗之澆漓臣職任采風官叨司憲書曰雖爾身在外乃心罔不在王室伏願詳察利弊而酌其中焉優旨報聞是年多還朝十三年三月派充大挑舉人大臣五月派充教習副總裁六月充

江西鄉試正考官得士李炳春等九十四人十四年丁李太夫人愛回籍十五年巡撫阮公允聘主講山書院講席十六年八月疏言臣於前歲二月丁內艱回籍扣至本年五月二十八日服闋當即由地方官呈報起復在案理應尅期就道何敢逗留緣臣父現年八十前臣迎養在外得以朝夕相依今步履維艱勢斷不能遠出臣並無子息惟胞弟一人從幼怯弱不任家務因病不赴鄉試已十餘年臣父服食起居一切需臣料理本年三月間感冒風寒臥牀實臣奉侍湯藥數月不離寢門近雖小瘳而氣血全衰非臣日在左右難為調護自服闋以來表回瞻顧將欲久依膝下則國恩未報何能抒戀闕之忱若遽遠宦都門則親疾未瘳又恐重倚間之望衰年多病離別增憂萬一風樹不甯勞且君親兩負伏查例載親年七十以上兄弟篤疾準其終養八十以上雖家有次丁亦準終養臣念報親日短即欲遵例陳情而臣父以臣受恩深重何得援照常例父年雖邁一息尚存欲望臣及時報效不可以私廢公特命臣專摺請假

身齊文集 卷七

四 山西省文獻委員會印

且看將來病勢如何再行據實具奏為此謹遵父命瀆陳聖聽伏祈皇上暫行賞假準臣在籍養親倘遇天幸父病獲痊臣稍可分身即當趨赴闕廷恭候錄用不勝激切屏營之至得旨俞允十八年於潛君卒二十一年八月起復入都十一月補副都御史先是公嗣母徐太夫人卒公方以諸生有聲於時於潛君恐遲公上進令仍以從子持為伯母服公因病癘失足墮池水幾殆越三年病瘳乃復出試而承嗣之議遂寢及是首陳奏曰臣胞伯名揚中年病故有一子未及成人而夭越數年臣父大邦生臣及弟階初擬將臣出繼伯父為後及臣年稍長頗為父母所鍾愛而弟階自幼多病臣父恐其成立難保乃命臣以嗣子為伯父主祭而考試三代暫用本生父名辛卯壬辰以後臣父會試六次留京時多在家日少遂致蹉跎未及呈改學冊迨臣乙卯忝入詞垣臣父即寄書至京命臣遵照前議報部出繼臣竊念本生父母現皆在堂承繼考妣久經去世從前不早正名今甫得一官遽改三代轉似有規避短喪情弊無論部未必

準行卽人子之心亦何忍自外所生改從降服情願俟父母百年之後定名出嗣庶幾公義私恩兩全無憾臣父與族人商議僉以爲然事遂中止及癸酉八月臣父患病彌留於臥榻前執臣手而命曰自汝通籍後吾屢沐覃恩三受誥封而汝伯父僅得勳贈一次吾常耿耿於心汝將來起復補官當將此情上達天聽改正宗祧指日恭遇皇上六旬壽萬倘蒙恩施格外俾汝伯父得一體同膺誥贈吾當含笑於九原矣臣泣而志之不敢忘茲臣本生父母喪葬已畢出繼長房並無違礙爲此遵父遺命披瀝愚誠伏乞皇上飭部注冊將臣父大邦改爲父名揚以成臣父未竟之志實屬幽明均感銜結難酬至臣係例應出繼之人前不能諱親於道早以義斷恩後不免委曲從權幾以恩掩義雖父在不得自專究由臣調停未善事關倫敘不比尋常細故應請旨將臣交部嚴加議處奉上諭莫普著准其出繼胞伯其從前因本生父母向在不忍自外所生亦無違礙著免其議處十二月升在倉場侍郎公被仁宗召篤由翰林不十年擢

鳥齋文集

卷七

五

山西省文獻委員會印

至三品三典鄉關兩任學政其供職京師實不過四年耳初起復入見上念前揚州刊刻全唐文時公曾任校勘特命補賞給書一部又嘗因常州幫武弁旗丁與辦漕各州縣互訐牽控多人滿侍郎潤祥議交刑部審訊公議咨交兩江總督就近鞠之潤祥持不可公不爲屈因各執奏陳辨上前仁宗命軍機大臣傳問卒從公議今通州督署滿漢各寮各榜和衷報國四字仁宗綸音也二十五年京察以各幫米色乾潔驗收無滯下部議敘道光二年御史常庚奉請以放代盤不必按期派倉戶部初不以常庚奏爲然已而議自本年三月起以五倉進米三倉輪放放竣再派三倉其現放之倉一概停進新糧公與滿侍郎和桂奏言窒礙難行請仍照嘉慶十四年成案辦理戶部復奏現屆新糧進倉準其暫緩盤查自本年七月爲始務使輪應開放之倉陳米顆粒不存隨時報部驗明後再行收進新糧奉旨著倉場侍郎將京城十一倉全局安定章程因合奏防弊八事一本年七月輪應儲濟興平祿米三倉開放甲米但查弊須出其

不意非常例可拘應由戶部於六月底開列十一倉全單恭請欽派城內二倉城外一倉從七月起陸續開放至盤竣一倉如有虧短立即奏明懲辦若有多無少則報部驗明接放下次應盤之倉俟三倉全竣臣等照例陳奏一次以昭慎重一嘉慶十四年只盤舊米不盤新米現存米石多於從前幾及兩倍若依舊出陳留新恐盤查日久防範難周勢不得不新舊接放掃數出倉庶免那掩之弊應將派出三倉所有嘉慶二十四五兩年及道光元年之米先行放竣再接收本年新糧以杜牽混一粟米麥豆不耐久貯均應照舊開放無所用盤其應盤者惟稷二種查嘉慶年間稷米現已無多惟舊存稷米不下二百萬石自應設法俾早出倉請於四五月輪放甲米及秋季輪放俸米等倉專放嘉慶年間之米如稷米不敷以陳稷米代之俟陳稷放竣再將道光元年被稷開放以疏壅滯一明年二三月又當進運新糧若三倉盤竣又接盤三倉出陳進新仍必兩相妨礙應照舊按月輪放各倉俾陳米不致過於積壓俟漕竣時再

鳥齋文集

卷七

六

山西省文獻委員會印

派三倉以放代盤不過四年儘可一律完竣若必接續盤查不容間斷亦非三年不能告歲而辦理殊多掣肘不如查盤與輪放相間而行較爲兩便一本年秋季俸米應照部議在於下次輪應盤放之倉先行勻放明年春俸卽在第三次進盤之倉嗣後照此遞輪以示均平而去陳積一盤查之期恐諸倉監督積日累月照料難以周到應照議由臣衙門在於別倉監督不拘滿漢每月分派一員幫同辦理至於花戶人等各顧其家豈能通力合作若在別倉派往幫辦轉恐滋生弊竇應仍責本倉自行酌量添雇以專責成一三倉既連月放米勢不容於例外展限以致輾轉逾期臣等祇能禁放米之稽遲不能禁領米之刁難嗣後如有霉變之米不堪煮食者準領米人員包封米樣知會臣等將該倉監督等參辦若止米色稍陳卽得濫行挑斥彼此相持致稽時日又自非夏秋大雨時行之候倘有逾限卽將該倉監督及領米官員一併交部議處并將未領之米存倉以警延玩其第八條專議變通開放正白旗包衣米石則滿侍郎

和桂筆也而是時戶部書吏以要素花戶未滿欲雲南司主稿司員復恃奧援再駁之公憤曰即安能以國事媚權要乃單銜盤奏曰伏查本朝百七十餘年以來並不見有以放代盤之案惟嘉慶十四年因前任倉場侍郎福慶等密奏西中二倉米多虧短當經特旨派員查辦共計虧米十餘萬石旋經御史段明奏請京城內外十一倉以放代盤奉旨准行在案當時不照西中二倉一律盤查姑用權宜之法以放代盤且祇盤舊米仍進新糧仰見仁宗睿皇帝於清盤積蠹之中仍寓滌去煩苛之意昨御史常庶奏陳倉弊並未指何倉何廢恐有虧缺無端請以放代盤本屬無事中生事戶部既知其不可行而駁之又疑該御史言未必無因乃力主以放代盤之議自出己意輕變前章經臣等駁其窒礙難行部臣全不肯虛衷商確而特之愈堅更服爲新陳并放顆粒不存之說當經奉旨令臣等妥定章程臣等以事屬垂成不得已酌定疏通陳米數條補救萬分之一而部臣復任意斥駁必欲盡照其原議不容更動分毫未知諸臣

身齋文集

卷七

七

山西省文獻委員會印

果洞悉倉務確見其萬全無弊故不許他人稍參末議邪抑逞其偏私之見欲行百七十年來從未辦過之案而以倉儲重務聽其嘗試邪臣愚伏念皇上以所依戶部之議者必由部臣謂以放代盤原屬舊例而臣等曉曉辯駁未必無回護別情若知部議率臆無憑行之斷然有害則天聽豈有不可回者哉臣職忝倉場此事乃其專責倘顧恤嫌疑終不肯明目張膽爲皇上詳辯其者非則誤國之罪萬死難逃用敢奮不顧身直陳管見查嘉慶十四年因倉儲虧短業經敗露有不得不其之勢故以放代之原非通行定例今部臣如果風聞何倉虧短應即奏請盤放此倉再不然應請傳問御史常庶有何聞見就此嚴行查究不過旬日間便可水落石出何須經年累月爲此紛紛無益之盤查顧乃師心自用巧借以放代盤四字爲護身符而現定章程實已將嘉慶十四年成例紛更殆盡臣不知其放照何年遵行何例何所憑信而能保所議之必可通行萬無窒礙乎臣愚不通事變竊以爲照部議各倉監督誤公失察放米逾限之

咎必多各旗領米人員謀新嫌舊賄託請求之弊必重奸胥吏微利一時尙恤後患違條犯法之徒必衆各倉散役借端生事以脅制放米之頭役分爭辯訟之案必繁百弊叢生豈勝枚舉近年辦理倉務已甚艱難而部臣復擬此議以掣其肘亦可謂下策拙謀矣目下甫經定議故臣猶可力爭數年之後便成定例異時更有請以放代盤者誰能駁之新例既行舊例必將漸廢則方今立法之初安可不詳慎也且查弊貴乎神速若曠日持久適足爲奸人從容彌補之地何弊之能除即如嘉慶十四年查出倉弊甚多而以放代盤之十一倉皆有贏無細彼時僅八月而此番且遲至三年無論實貯本無虧短即或有虧該倉豈肯不設法彌補坐待罪愆臣不能保現在倉儲萬無不足之額而可保將來盤放完竣必無顆粒之虧也况太倉陳積原非可以石稱丈量縱令徹底清盤而解而有高下手勢有重輕抑勒之則多者且將見少寬假之則少者亦可見多尙未必遵有定準今乃聽各倉自盤自放而俟其日久技窮自行敗露其

身齋文集

卷七

八

山西省文獻委員會印

於防弊之道何居凡事宜整其大綱不必吹求瑣細皇上如必欲知倉儲盈虧請即欽派大臣會同戶部堂官各帶司員與巡倉御史親赴各倉按照實貯清冊逐廠子細查對如數目大概相符自可無庸盤驗倘查得某倉某廠有多少不符之處立即封鎖至查竣十一倉後共計應盤者若干廠分投過斛畫一平量究明所虧實數嚴行參辦雖不免一兩月之煩勞而於整頓倉儲實有裨益不猶愈以放代盤之徒有空名哉祈皇上將臣此摺與戶部前後各摺飭交從前曾任倉場諸臣公同核議孰是孰非擇利而行之似亦慎重更張之道奉旨大學士軍機大臣會同九卿核議具奏又另片奏參戶部曰臣前閱戶部議覆御史常庶奏摺該御史請將放米之二倉停進新糧餘尚有八九倉足敷進運本甚明白而部臣駁其暫停進運必致百萬糧石困堆露積似全不解該御史之意而誤駁之及其自行定議又祇將五倉進米較該御史原奏少進四倉轉不虞新糧之壅滯前後自相矛盾臣當時即訝其議事粗疏昨戶部咨照議覆

倉場奏摺內第一條駁語即不可解臣等以三倉雖同時開放而完竣必有後先故云盤竣一倉報部驗明接放下次應盤之倉此乃一定辦法決無一倉先竣暫行停放俟三倉全竣再行接放之理而部議轉謂先放一倉勢必致三倉人等擁擠一倉該倉必形竭蹶等語幾如隔壁講話不知所云部臣皆進士出身不應於此等粗淺文義尚不通曉直由厭憚煩勞漫不經意將此等奏摺付之胡塗昏憤之司員任其妄行斥駁至核定奏稿時又不過匆匆一覽全不檢點以致錯謬如此文義尚未盡明是非更復何論不幾以奉旨交議之事爲兒戲乎尤可怪者臣等於三月二十四日奏駁部議窒礙難行翼日接到戶部二十四日咨文內稱七月以前所進新糧倘五倉空廠不敷存貯應由倉場報明即於其次輪應開放三倉酌量收貯臣與和桂閣之皆不勝詫異部臣如果自知五倉進米廠座不敷自應專摺奏請添進三倉俟奉旨准行後咨臣衙門何得擅自主張頓改日前奏准之議轉令臣等報明酌量竟不必皇上聞

鳥齋文集 卷七

九

山西省文獻委員會印

知將使臣等遵日前依議之旨祇遵五倉邪抑遵此番部咨之文兼進八倉邪當經傳聞京中本衙門收文書吏據稱二十四日酉刻接到此文顯係部聞見臣等奏駁趕辦咨文以爲覆奏時掩過飾非之地臣等所駁者前此之奏摺而戶部所援以自解者轉憑後此之咨文又不便於奏摺中敘明時日之先後漫稱立定章程行知倉場在案以圖蒙混過去豈有不待奏明請旨而可擅自立定章程者乎此其詭譎私情殆不可問若復隱惡姑容不奏請皇上徹底根究以肅法紀將來肆意妄行何所不至實可寒心所以披瀝血誠不憚孤立一身以觸衆人之忌嫉者臣雖至愚何恃而不恐誠恃我皇上達聰明目兼聽並觀必能謹履霜之萌杜蒙蔽之漸庶幾部臣小懲大誡各發天良無孤負聖明之委任也上命戶部堂官逐款明白回奏於是滿漢兩尚書方典樞密用事見公奏甚甚曰是敢蹈我之瑕曰是敢斥我爲不通願吏趣具稿明日復奏次日戶部復奏上奉諭本日據戶部逐款明白回奏以放代盤原屬查弊簡易之法

何以謂戶部以此四字爲護身符如何將嘉慶十四年成案紛更殆盡又戶部以御史常廣所奏放米二倉停進新糧與例不符照例議以三旗搭放三倉放竣三倉以其餘五倉進運新糧又恐不敷貯米復行知倉場再以三倉進運以敷分貯何以謂之蒙蔽又戶部以倉場原奏盤竣一倉接放下次應盤之倉數語恐誤會爲一倉開放仍議令三倉並放何以謂之隔壁講話此事戶部前後所議章程總主以放代盤之論其有何詭譎欺飾肆意妄行之處該侍郎確有指實必當徹底查辦不得以無據之詞妄肆毀謗著莫晉即來京明白回奏現在新漕抵通亟須查驗兌收倉場侍郎事務著張映漢暫行署理公即日回京具奏曰臣聞人臣之義有犯無隱若恣行欺蔽妄肆誣訶均玷官箴法皆無赦昨臣參奏戶部前後議事粗疏錯謬及咨文不應轉在奏駁之後無論部臣有心無心其辦理之誤斷無可掩本屬逐款指實第詞意未盡明晰致皇上覽之未卽釋然查嘉慶十四年以放代盤八月而畢此非三年不能完竣臣愚實

鳥齋文集 卷七

十

山西省文獻委員會印

不知其簡易處至部定章程并仁宗睿皇帝諭旨全不遵照何況其他放米之倉停進新糧非舊例也新陳勻放顆粒不存非舊例也各倉接連放米至六七月非舊例也陳米連放者留倉六七年非舊例也惟以放代盤四字爲舊例耳非巧借此爲護身符而何常庶奏請盤查之兩倉暫停進運戶部駁其必致糧石屯堆車兩礙踏及自行定議五倉進運較該御史原奏轉少四倉臣等議盤竣一倉之後接放下次應盤之倉此乃一定事理決不能別有辦法而部駁爲窒礙難行無端生出三旗人等擁擠一倉等語真乃謬以千里與臣原奏無一字關照謂非隔壁講話而何部議五倉進米業經奉旨准行如欲添進三倉豈有不待奏明擅自改定章程行知倉場竟不必皇上聞知之理良由未見臣奏駁之先不知五倉不敷分貯及見奏駁又未便奏請添倉因即趕辦咨文爲覆奏掩飾之地倘就此徹底查究將戶部辦稿行文官吏飭交刑部隔別研訊未必不和盤託出也即或部臣心術不應詭譎至此而其不行請旨擅改依議章

程之罪亦無所逃謂非恣爲蒙蔽肆意妄行而何臣未見戶部回奏原摺不知分辯如何無憑指駁而此三款至明至確若謂無關大弊不足深求臣復何敢更事吹求續陳天聽請即將臣此摺與前參夾片一併交大學士軍機大臣九卿公同核議似亦大公無我之虛懷知人則哲之妙用也奏上上特諭軍機大臣曰爾等閱此奏必謂朕勃然矣不然朕幼承皇考明訓選擇明師教讀頗知涵養功夫事愈大而心愈細情愈急而氣愈和數十年來守之不失爾等均所深悉朕斷不受其欺罔亦不肯從重治罪特將原摺批交爾等閱之以示朕涵養之功於是滿漢兩尚書復摺公疏請交從前曾任倉場語謂陰有黨公者是日并奉上諭前降旨交大學士軍機大臣會同九卿核議莫晉所奏盤查利弊章程著戶部堂官及從前曾任倉場侍郎概行迴避議連日不決公裴回久之不得已復具疏稱耕當問奴織當問婢現今洞悉倉務無逾於臣謹更條陳利弊請發交會議諸大臣閱看疏流中五月十一議上以放代盤徒有清查之

鳥齋文集 卷七

十一

山西省文獻委員會印

名無裨實貯倉場歷次陳奏尙非無據之言惟籌議盤查之法亦未切中要害又不和衷商確竟肆詆毀殊屬褻瀆請交部嚴加議處奉上諭著仍照戶部原議自本年七月爲始務使盤放之三倉陳米顆粒不存驗明再進新糧至所議開壩橋倉轉運不繼恐有阻滯屆時著派英和前往彈壓勿令壅積如有辦理不善之處惟英和是問莫晉於盤查事宜所論皆屬因公惟因與戶部意見不同經朕令其明白回奏猶復負氣辯論殊失敬事辦公之道朕斷不肯因其負氣辯論挑斤於語言文字之間從重治罪此非施恩於莫晉深恐後來言事者動避忌不盡實情於國是大有關係莫晉無庸交部議處著降爲內閣學士候補次日公入謝上并前留中摺擲還其謝疏有云主聖則臣自直仰欽厲世塵鈍之精心恩深而命轉輕彌堅報國忘身之素志天下誦之當戶部覆奏之上也右侍郎湯公金釗獨具摺自行檢舉稱倉儲不宜清查以放代盤未見其利不敢扶同稱爲良法美意前戶部三次議覆倉場隨同畫諾咎無可辭請交部

議處上斤其毫無定見首鼠兩端失協恭和衷之義然侍郎於此事實亦未得要領但信公素學必不妄相糾彈故引咎之誠無媿古人其以向來清查庫貯之說比例倉儲則非也公旋亦感末疾三年四月請回籍調理六年四月初八日卒於山陰王衙衛里第距生於乾隆二十六年五月初五日春秋六十有六配柴夫人合葬縣南夏博山之原子一鍾珣嘉慶九年二十未室而歿弟階以子女各一予公女適翰林院編修晉寧李浩子鍾琪廢生刑部主事現官廣西候補知州公後又生女二長適歸安舉人郎玉銘次適刑部員外郎桐城方種公以積學能文章聞天下四十後乃專意理學不復措意文詞晚益深造自得與先師蕭山吳樸庵先生交修遠密先師篤慕蕪山而公則一以姚江爲宗卽龍溪亦不厚非也嘗重刊黎洲明儒學案叙之曰孔子稱善人不踐迹孟子謂君子欲其自得繫辭云天下同歸而殊塗一致而百慮此三言者千古道學之指南也夫道無定體學無定法見每岐於仁智克互用乎剛柔鈞是問仁而

鳥齋文集 卷七

十一

山西省文獻委員會印

克復敬恕功分頓漸同此一貫而忠恕學識義別知行各得其性之所近而已宋儒濂溪明道之深純與顏子爲近伊川橫渠之篤實與曾思爲近象山之高明與孟子爲近立言垂教不必盡同後人泥於著述之迹僉謂朱子集羣儒之大成數百年來專主一家之學明初天臺溫池椎輪伊始河東崇仁風教漸廣大抵恪守紫陽家法言規行矩不姚游夏之徒專尙修不尙悟專談下學不上達也至白沙靜養端倪始自開門戶遠希曾點近慕堯夫猶是孔門別派自陽明倡良知之說卽心是理卽知是行卽工夫是本體直探聖學本原前此諸儒學朱而才不逮朱終不出其範圍陽明似陸而才高於陸故可與紫陽並立當時若東廓主戒懼雙江主歸寂念庵主無欲最稱新建功臣卽甘泉體認見羅止修亦足互相表裏迨龍山提清誠意約歸慎獨而良知之學益臻實地不落虛空矣學案一書言行並載支派各分擇精語詳鉤元提要一代學術源流瞭如指掌要其微意實以大宗屬姚江而以崇仁爲啟明龍山爲後勁凡宗姚

江與關姚江者是非互見得失兩存所以闡良知之秘而防其流弊用意至深遠也竊謂學貴真修實悟不外虛實兩機病實者教之以虛病虛者教之以實古人因病立方原無成局通其變使人不倦故教法日新理雖一而言不得不殊入手雖殊而要歸未嘗不一讀是書者誠能不泥其迹務求自得之真向身心性命上作印證不向語言文字上生葛藤則東西相反而不可相無百川學海而皆至於海由諸儒上溯濂洛關閩以尋源洙泗庶不負先生提倡之苦心也夫龍溪天泉證道之說學者皆之惟公則曰鏡因照物而判妍媸妍媸不在鏡衡因照物而分軒輊軒輊不關衡無意無知本孔門至教知意且無善惡安在陽明他日有曰無善無惡理之靜有善有惡氣之動純乎理即是四無雜乎氣則爲四有雖有實無卽所謂寂然不動感而遂通廓然大公物來順應又何疑焉至龍溪論學往往詳本體而略工夫蓋以良知出於天不由乎人擬議卽乖趨向轉肯學以復其不學之體慮以復其不慮之體工夫專用在本體上以

鳥齋文集

卷七

十二

山西省文獻委員會印

自然爲宗乃是不著力中大著力處明道云誠得仁體以誠敬存之不須防檢不須窮索猶斯意也又嘗因門人問答至誠無息說曰天命之性渾然一理是謂道心此理落在形氣之中有人身便不能無人心遂有私意私欲理誠欲僞不容並立此生彼息如陰陽之互爲消長常人從欲忘理欲不息則浮僞日滋實理漸歸漸滅矣學者存理遏欲而有操不能無舍有公不能無私天理便不得貫徹周流多離合斷續處是誠之有息由其誠未至也卽如三月不違仁違便是息日月至焉不至時便是息終食違仁是息造次顛沛不於是亦是息天命之在人心本是流行不已語其生生之機則曰仁指其真實之理則曰誠非有二也夫子以川流不舍示人正欲學者誠得心體則存養省察克治一切工夫方有著落曰道不可須臾離曰禮樂不可斯須去身曰時習曰默識曰據德依仁曰忠恕一貫無非教學者乾乾不息於誠耳惟聖人粹然天理之極而無一毫人欲之私徹頭徹尾全是一誠寂感無兩機顯微無二致非有所

存而不亡非有所續而不絕絲絲翼翼純純常常子思此言是直揭其心體至誠自然無息無息方是至誠稍有分毫夾雜何能與天地合其德哉學者未至乎誠而欲求存誠之要其必約之以主敬而貫之以有恒乎公自爲諸生及舉鄉會試皆出東臬先生門故生平瓣香敬屬諸城學術風節雅亦相類仁宗之上賓也公白衣齋食獨居於外者期年平居漏卮必與興則拜父母及嗣父母像畢乃退而讀書爲後學開判疑滯娓娓若不及掌教蕺山書院從問業者衆然率以帖括請益其能心公之心以爲學者先師一人而已兩任學政指舌俱瘁奇文欣賞老猶在口山西所拔貢生尤極一時之選碩學名臣多出其中先君子受公知最深壬戌會試卽館公家比入翰林遭先妣喪公起復入都遂爲主婚以李太夫人之姪歸先君子未幾先君子見背公迎先繼妣於家穆因得受教於公所以誦諭獎進之者有逾于姓顧惟願鈍幸公厚望追念舊恩痛其有極而自公歿後埋幽表墓之文概乎未具文字歸落百不存一卽表表

鳥齋文集

卷七

十四

山西省文獻委員會印

章疏采獲亦頗不易嗣子鍾琪嘗奏粹雜文爲來兩軒稿皆應制詩文及駢儷酬應之作非公精神所關道光二十四年公次女從其夫來官京師相見穆以公遺文爲問搜檢篋笥得殘斷艸稿數十葉乃合綴舊聞及幼年所親炙者排比如右備他日史臣之甄敘云爾焉逢執徐冬十月既生窮謹撰

鳥齋文集卷七終

身齋文集卷八

平定張穆

事輯 附碑銘一篇墓志銘一篇

先大父泗州府君事輯

雍正十年壬子九月二十五日丑時府君生

府君係張氏諱佩芳字孫圃號下山初名泐芳字公路學政夏體谷先生為

易今名山西平定州人始祖應祥明大同廣聚倉大使五世祖敬明陽和司

訓導高祖金榜州學生曾祖昭附奉直大夫壽州知州祖新濬字際盛附奉

直大夫壽州知州考可舉字登榮國學生誥封奉政大夫泗州直隸州知州

晉封朝議大夫鄉飲大賓府君希音堂集張氏族譜序余家相傳明洪武初

遷自洪洞今居廟溝及嶺西者皆是而世系無攷余七世祖萬歷間為大同

廣聚倉大使始顯大使公一子為陽和司訓導生四子長居白楊樹次居上

身齋文集 卷八

山西省文獻委員會印

城三居桃坡是為高祖四無後次房染患時疫余曾祖侍疾終焉遂由桃坡

遷上城其後次房析居學門鎮余父又遷大陽泉

乾隆元年丙辰五歲

希音堂騰稿際盛府君行狀憶佩五六歲先祖擔負往來田間一筐盛飯一

筐盛佩至則坐佩田畔守視鳥雀自力作以為常佩就外傳塾中薪炭躬自

送給猶及見佩應童子試云

三年戊午七歲

鄭贊善虎文香松閣集孫圃制義序余友張君孫圃幼以神童名墓志

撰少家貧嘗蕪秋藉以照讀

四年己未八歲

希音堂騰稿陳先生壽序佩年八歲受業於先生同學五六人李君文山其

一也時世伯玉峰先生以名譽廉亦課授於其家從學者頗眾皆成人子先

生亦受學焉日為佩等正句讀隨以講解督課甚嚴及學為八股終歲皆成

篇凡五年別去又二年與文山俱受知學使者夏公

科舉人江西南昌縣知縣李君文山名光

萬乾隆丙戌科進士廣東陽江縣知縣

九年甲子十三歲

八月十三日先高祖際盛府君年七十有八

十一月丙寅十五歲

十四年己巳十八歲

是年補州學廩膳生員府君自跋片言可以折獄者兩章文尾云此乾隆己

巳歲試題也今粵東大中丞德定國夫子閱余卷深加擊賞拔置第一收入

山右試牘香松閣集制義序年未冠文譽舉雲代問學便今少宰德公奇其

才拔第一令讀書晉陽書院院多藏書恣觀之不數月竟同院生叩之應口

身齋文集 卷八

山西省文獻委員會印

誦業乃大服試 冠其曹雖老師宿儒名出其下帖帖莫敢出聲氣當世知

名之士游於晉或為書院長咸引重君

十八年癸酉二十二歲

希音堂集刑部郎中呂君慕表君諱元亮字潛齋鳳臺人乾隆癸酉甲戌間

始識君於晉陽書院時山左牛階平先生主講席深器君而君願呢就余

十九年甲戌二十三歲

希音堂集曾少梁制義序憶歲甲戌余與少梁同學晉陽時山東牛階平先

生主講席先生淹博自負少許可而器重少梁獨至

堂集晉陽東歸紀乾隆十九年十一月二十六日自陽曲起行門人晉陽書

院買學孔等三十餘人公餞送至南屯是日抵晉祠張佩芳姚廷瑞馬履瑞

張映宿相隨到晉祠宿同年楊學山家

歌至夜分次日同張佩芳四人登懸壺山游天龍寺初入山口煤車寨路數

里陟岡嶺往往道拗峭險絕不可行行十餘里小憩十字河逾材廠始見天
龍山頂山形疎秀峰巒翠青長松落落錯立巖石間幾萬株高栝古柏如人
如困或森然如虬龍狀礫石尋徑穿松乃得過日暮臨絕巔乃得所謂天龍
寺者寺居山坳平地後倚高峰前俯幽澗萬仞澗底積冰峨峨長嶺絕壁四
面夾繞白雲如抹橫帶其下過小橋抵寺前老僧四五迎入梵舍齋罷鐘動
借諸子就寢聞山僧朝課遂同諸生游下洞回看所謂上洞者山僧呼早飯
飯罷姚生先往徐溝遂及張佩芳等下山二十九日同往徐溝諸門人溫常
綬等二十餘人先在公具酒饌飲饒雅歌佐飲極歡而罷十二月初一日過
姚匡瑞家諸生復留飲食送至南關停車話別諸生凝立悵望良久然後去
二十年乙亥二十四歲

呂君墓表逾年牛先生之河中余與君隨同寓中條之萬固寺曾少梁制義
序逾年先生之蒲州余與少梁暨鳳臺呂陶郵其他四五人從蒲濱大河有
身齊文集 卷八 三 山西省文獻委員會印

雷首中條之勝望華山如在几席空山堂集示門人張佩芳等札聞汝等來
蒲已有定期不勝怍慰及喬公到蒲始知以形迹之嫌暫止此說亦是第吾
懸注之意更增惘惘耳吾今年來蒲本非得已所以來蒲者一特蒲有三知
已可作主人一為晉陽舊弟子有負笈相從者今到蒲已近一月而諸弟子
無一至者此中鬱鬱政如有失吾非老病本不藉汝等扶持自思殊不可解
廉將軍云我思用趙人吾意亦如此也兼衡兒相從來此甚須一二人切確
吾為汝等計即為吾計汝等應知此意也此中有鍼芥相投處吾意汝等少
遠緩來或一二人陸續來札到當自酌之與顏樂清札四月十四日始到蒲
初上館生徒寥寥旬月間四方雲集平陽以南中條以北都有來者晉陽舊
門人來者五人講貫曰勤漸有進益夏日苦熱五日之中一為休息緣小兒
及晉陽舊門人讀書中條山中其地有萬固橋巖白石諸寺翠巖青壁喬松
修竹回複繚繞每往則與諸生尋怪石窮幽泉登絕頂望黃河太華倚風長

嘯或吹竹彈琴以相酬和又詩集有秋日同衡兒門人姚廷瑞張珮芳張映
衡五姓湖泛舟聯句吞松閣集制義序會大中丞喬公光烈時為監司駐蒲
州閩士之不學古乃延山左故某縣令牛君運震為之師案牛君汝陽人
知縣且欲藉君以風蒲士書招君已而代牛主講院者為山陰胡徵君稚威
案徵君名徵君世俗學治古文自方昌黎謂惟桐城劉耕南先生案先生名
可與抗手餘皆目笑之時客於蒲蒲人無能受其學者獨亟稱君呼為小
友蓋以鄴侯器君也君既盡得其所學歸而閩戶事著述慨然有千載之志
孫觀泰是衍借而開集牛君表書出主語晉陽河東兩書院在河東時即
同族生周大游論古最相稱所錄士亦一語名傷君教以預學立行不徒以
自見墓志附平先生之蒲州公負笈從父受知於觀察黃公遇課日必饋酒
食

二十一年丙子二十五歲
鄉試中式本省第六十名舉人希晉堂騰稿三場百問序余少習舉子業嘗
身齊文集 卷八 四 山西省文獻委員會印

致力於此丙子省試以五策得售及分校南闈亦持此意取士
二十二年丁丑二十六歲
會試中式第二十八名進士殿試三甲第六十六名吞松閣集制義序丁丑
試禮闈本房沈公得君卷首薦斥對房錢公見而惜之力言其文於主司乃
得售沈名杖今為河東運使錢名職今宮詹然則君之文即遇合間已可規
其匡略矣海峯文集張孫圃時文序平定張君孫圃與四方之士同以進士
舉而獨不趨於時好不務於速成拙曲盡之思顯難詳之義浸潤乎六經之
旨敷揚乎兩漢之詞洋洋乎瀾瀾乎斯可謂之文也
二十三年戊寅二十七歲
希晉堂集祝香堂記歲戊寅余館鳳臺秦太史復堂家名從游者太史之
從子朴呂恒慶普度餘慶延慶張澍暨牛生天祺凡七人逾年生與朴入鳳
臺學又逾年余歸

二十五年庚辰二十九歲

是年府君自鳳臺解館歸讀書城西南冠山希音堂集呂君慕表戊寅余館
鳳臺秦太史家君適授徒里中庚辰一至余家又重修冠山資福寺記山在
州城西南八里有元左丞呂思誠冠山書院明州人孫傑高領書院寺在山
之左麓建於元至順間書院久俱廢而寺獨存其左有屋三區州人士率讀
書於此余爲諸生時亦寓焉案府君爲諸生時讀書既成進士復授徒一年
冠山確在何年失考餘山之上下松石間無不至者而冠山書院當山之胸登此城郭樓堞歷歷
在目號爲最勝州志載爲思誠父祖讀書處有宣聖燕居殿會德堂德本行
源二齋遺蹟尙存案燕居殿土人名夫子祠祠外有巨石謹案府君既成進
士歸里即謀爲陸宣公翰苑集注至是讀書冠山遂依文排纂付諸從學者
寫之今艸稿之藏於家者尙十數巨冊丹黃塗乙爛然可觀

三十一年丙戌三十五歲

烏齋文集 卷八

五

山西省文獻委員會印

是年部選徽州府歙縣知縣希音堂集誥命碑恭紀佩於三十一年冬出仕
上閱大中丞書三十一年選任歙縣案歙方盛送府君調任合肥詩注公於
丁亥選任今年壬辰奉調合肥皆在二
月是府君是年離選
得歙實未選任也

三十二年丁亥三十六歲

吞松閣集制義序余之主紫陽講席也後君蒞歙之一年至正則聞君以古
學倡多士而月課之於斗山亭吞松閣詩有歙令張孫開招余及劉耕南劉
拙存兩廣文游問政山君桂小集斗山亭四
首其第三首尾句曰天爲斯文作宗主魁約謂已屬張基自注
明府類課士於九又有張明府招同人集白雲軒院看紅葉詩斗山亭者明
湛甘泉所講學處也耕南先生爲歙縣學官久之不樂謝病去會君來君聞
先生名於徵君者舊矣遂禮請爲士子師案府君爲耕南先
生特開問政書院歙士之素勵名
節掃述長吏之庭者至是各執經以見君遇之皆如故等夷海峰文集問政
書院記歙故有書院其地屢遷而今建於紫陽山上蓋新安一郡之學也其
一邑之學則休寧有海陽之院而歙願未之有平定張君之令歙也百廢俱

舉而愛惜髦士尤爲篤摯而不可解於心士之好學而能文者盛禮以招之

使來於斗山之亭日課月校已三年矣案此文當作於明年戊子以其適邑
文與鄭禮善相類故類錄之人程光國等捐廣廈十餘間於問政山麓以爲諸生誦習之地侯因以爲問
政書院凡紫陽所不及收者咸得歸之問政焉 墓志歙俗重巫覡勤禱祠
公諭以鬼神可敬而不可近非所祭而祭之名曰淫祀淫祀無福邑人遵其
教俗不變邑之西曰宏山故有土神廟廟之外有巨石傳爲或憑焉主疵癘
不祀則禍作以故歲時致祭張幕演劇殺雞瀝血以附之日無算石之上下
皆殷公命毀其石廢其祠邑人大恐卒無異公餘擁羣書丹黃不去手時課
諸生於斗山書院給以餼研經辨古講誦琅琅人以爲得賢師益友而忘其
爲宰也凡經品題多成佳士有汪生者貧乏不能自立輒取陳編數冊貸鏹
於公公如數與之返其書其雅度如此居官嚴而慈每杖民民有自呼父母
者輒減杖遇死獄必求其生活者甚衆 縣歙公立邑侯張公去思碑記邑

烏齋文集 卷八

六

山西省文獻委員會印

舊有惠濟倉在治中侯曰濟人弗徧非惠也命四境各立倉詳定規條盈虛
出入卽以其鄉耆董之別設惠濟堂二所以恤窮民縣之東界有曰慶豐場
者開於明季以灌民田民便之後日就圯田收亦頗蓄侯爲清理場田所出
租倡修如舊歙民產多畸零供賦瑣屑登搭飛灑冊胥實柄持之侯爲申詳
大憲請立四柱徵收永定爲例賦額既清訟端亦絕冬月捐廉設粥廠就食
者日千人富民或被薄譴罰令衰縣給孤貧其美政若此者蓋不可勝舉侯
又以志乘爲一邑文獻所繫久缺不修無以示將來昭法戒因廣爲采輯訂
正參稽燦然大備云 程翼垣先生步矩德政頌序略曰張大父師來宰歙
邑牛刀理解固令武城均知學道矣而步矩尤以稚子昌明案此闕題學得
士之初名於下車之日甄人門膳飲食教誨權輿無已夫感恩知己孰謂難兼父師於
昌明面何若哉作人雅化居可親已頌八政以俟采風者覽焉其一新學宮
案事見後鄭贊其一二建書院案事見上問政書院記序又曰建問政書院
重修學宮碑記凡諸器幣悉資俸錢每校文必設設課別與

歙縣志府君重修先農壇記壇舊在石壁山之陽臣佩芳蒞任之三年祀事既畢巡視其地最為卑下每遇春雨漲溢則壇宇崩壞爰卜東郊場之旁移建農壇崇二尺廣三尋修五丈壇前隙地可供堆墮壇之北為室者三其前門及壇左右各建三室以避風雨於乾隆三十四年九月即工十一月工成希音堂集祠堂記乾隆己丑購屋於大陽泉時余在歙屬友人補葺而定居焉

是年重修歙縣志成

三十五年庚寅三十九歲

秋充江南鄉試書二房同考官

中式六人第三名曹城歙縣增生第三十四名孫學治歙縣增生第四十二名黃文瑛增生第八十八名吳報捷歙縣增生第八十七名黃本顯六安州增生第二十一名沙重輪通州增生第二十二名李芬興歙縣增生上江增生第二十一名懷遠洪香胡現捐生第二十二名葉孫榮歙縣增生上江增生第二十一名黃華朱元錫捐生沈大坤程世椿 曹侍郎希音堂集序張藻圃先生宰

身齋文集 卷八

九

山西省文獻委員會印

歙縣以經術為治術已而城應省試受知於先生既謁命城曰子之文矯矯不墮時趨似矣進而求之當斷至於古之立言者立言之道衷於經徵於史博趣於諸子百家子慎無足其所已能而益勉其所未能也希音堂集希音堂記乾隆庚寅余構居大陽泉取老子大音希聲之語顏其堂曰希音是秋為江南同考官求主司曹地山先生書越十有三年自泗州告歸乃懸之壁間又陽泉山莊記余祖父以來構居州之上城乾隆庚寅始得大陽泉俗稱花園者亭一池一舊屋二區雜木十餘章故曰白氏物也余知歙縣時念親老無所庇因購得之稍稍修葺復購他姓廢亭移置於池北隅顏曰陽泉山莊

案山莊為金樞雲道院故址元好問遊山集有宿陽泉橋雲道院詩曰方外復方外嶺然心迹清澗澗山影推枕得溪聲川路遠誰到石田平可耕籍

二十六年辛卯四十歲

香松閣集重修縣學宮碑記大尹張侯葆圃以名進士踐任下車行釋奠禮

諸學學之不茸舊矣君循覽辨隱度曰是不可緩緩且圯亦不可迫迫且擾余尸茲土責其奚辭顧初蒞又會重建郡學事不得連舉越三年則出廉俸以倡而徐聽邑之人自為占輸無微要呼督期約一切經營迹而因故為新事以辦治始乾隆三十四年己丑二月詔三十六年辛卯四月成成之歲恭遇聖母皇太后八旬萬壽恩科邑之第進士者五人二入詞館士皆驚喜傳說歸勤於侯侯曰國家學校之設豈區區科第足以完厚責衆望哉雖然天下之賢才率育朝廷其聚而貢之也舍科第無他途則科第之盛衰與賢才之盛衰相表裏是誠宜為茲土與尹茲土者幸然而遂欲侈其效以為余功且謂學校與育巨典僅如是止則非余所敢聞也我朝文化覃洽浸淫汎灑雖荒微幽巖伏匿之士靡不含音吐和振景拔迹有聞於時况歙古名州賢習項背相望是不一世賢諸佳研良墨甘符苦葑皆茲土所自饒貪天功為己功余則何敢且修廢舉墜成民事神守士者責也非以邀福譽而是說

身齋文集 卷八

十

山西省文獻委員會印

則尤近堪與家言儒者所勿道歙人坐此惑者衆余方媿薄劣無以革陋習而願敢承之以益之疾乎余自念蒞此六年矣為諸生構書院於問政之麓月率一課親定甲乙其耆宿之有德望者暇輒賓禮之以文行相切劘余所期於士者甚遠且大而願曰科第云乎夫人而果賢且才者歟科第可也不科第亦可也非賢且才者歟不科第不可也科第愈不可也其已得科第者非已賢之才之而試以天下國家之任者乎其未得科第者不亦賢之才之而儲夫天下國家之用者乎名重者實不得輕施厚者報不得薄及之而知履之而艱故事不豫者後必悔余今者冰淵臨履日益滋懼深悔早歲幸成速化素善無本而惜乎其晚矣然則士亦思所以無悔於異日者慎無徒豔科第之盛而以苟且之學應此則余所未逮而竊有望於歙之賢者爾侯之言如此有述以告文者歟為知言已而侯屬筆於文文憲載者作郡學碑記意與侯言略同因即次其言而為之記云 歙縣志府君崇賢祠記余來令

競趨於簡便無復通經學古思爲有用之學以副當世任使此世道人心之所繫不可以不辨此文爲府君生平學術所繫故特采之

四十年乙未四十四歲

希音堂集裕備倉記歸安閩大中丞之撫安徽也以鳳泗累年荒歉倉儲不敷振給輒仰食於安池甯太路險遠難致請下接境之鳳穎二府糴麥豆雜糧二十萬石令所轄之鳳陽壽州阜陽穎上霍邱亳州太和蒙城皆濱淮穎建倉分貯歲歉則相轉輸額闕則補平時出入如常平名曰裕備倉壽州當建倉八十間貯四萬石檄知州張某董其事乃相地於州治堂皇西爲倉六十間其式間廣丈四尺深倍高與廣同凡間費四十餘兩其二十間在正陽司東北三坊市民地十六畝用其半爲倉半爲田以給役食興工於七月朔日泊九月壬辰工竣於是所糴之麥豆雜糧四萬石貯之俱足焉上鳳廬道乞采買免稅書界州奉檄建裕備倉采買麥豆四萬石前因閣下兼權關稅

烏齋文集 卷八

十三

山西省文獻委員會印

陳明過所開放蒙示米豆等項過關向無免稅之例俾遵照納稅伏以采買無免稅之例亦無徵稅之例考稅起於征商商賈轉販逐利故徵之以益裕藏佐國用如用國家之財糴粟以爲民食與商賈之興販不同而裕備倉之設專備災祲遇災則舉以予民與糴三之買補亦異故有商而不征者歲歉則弛關津之稅是已又振濟補倉皆稅船料不稅米穀而搬運則并免船稅蓋以百姓者天子之赤子今有人憂其子之飢寒嚮食哺之猶屑屑抽分其餘夫苟求餘孰與不哺且權稅者求稅之盈不問民食之有無臨民者求於民有濟而不計稅之多寡閣下今日所處實兼其任利害尤不可不審也夫一歲之稅千百於所采買之數數苟不足非以采買免稅其足亦非以采買納稅也而使州縣之吏因是規減於所采買之數曰吾非糴不足稅因之也何以爲采買不力者責乎或謂采買更有贏餘稅於吏非稅於民此尤非也古之善理財者莫過劉宴宴於揚子造船每艘給錢千緡或曰所費實不及

半晏曰論大計者不惜小費今執事者多當先使私用無窘則官物堅牢矣其後有司減其半船益脆薄漕運遂廢至宋時商有稅吏而爲商則不稅非以厚吏也亦使之無敗乃事而已况其爲國家之公糴有定期而無私價又非若此者查例買稻一石準價六錢米倍之價過則止不糴今價日昂計石一兩以外例不能增以一州計之所糴尚不及三之一其無益於稅又明甚也

四十一年丙申四十五歲

希音堂集重修先農壇記壽州故有先農壇在東門外自分治鳳臺在今縣境至期州縣同詣行禮已各耕於其藉以爲常有正殿三楹祀先農殿之前爲露臺外繚以垣墉右爲藉田州若干畝縣若干畝乾隆三十八年圯於水四十年紳士某等以重修請於是括庫贖銀百六十餘千鳩功如舊制始於十月某日越四十一年正月某日訖工又王平周壽序丙申余邀至壽州又

烏齋文集 卷八

十四

山西省文獻委員會印

借至泗凡五年壽號繁區積案如山君手披筆覽悉中肯綮其在泗亦然四十二年戊戌四十七歲

希音堂集梁封翁墓志余知壽州日獲交熾戊戌春秩滿北上道亳州拜其母劉太孺人於堂上又書孝婦張氏事略後戊戌春余在京師同年曹君劍亭示余以所爲張氏割股事略俾爲傳又上閩大中丞書案中丞名魏元子時歸安人府君佩幼貧寒賴父母手力以育以教幸邀科第於乾隆三十一年選任歙縣有胞兄一人自幼篤疾不克侍養因奉父母至歙自是調合肥升壽州皆在任所四十二年父母年俱七十以上母更多病適佩俸滿引見便道送歸本籍及到京事竣假歸見父母歡甚大勝在署時案是年先大母陳太宜人歸先考侍母大父母

又陽泉山莊記戊戌春余父母歸自壽州居焉每長夏綠陰蔚然泉流潺湲不知有暑吾父母安之余亦喜其遠城市得以讀書教子又上閩大中丞書回任後於臨淮塗次曾而陳鄙曲時已派差務義不敢辭是年冬旋擢泗

州案所派差務者移建新州城垣官署倉庫壇廟及遷徙
民人之事始於戊戌冬已據泗州至庚子七月乃抵任也

四十四年己亥四十八歲

墓志己亥題署泗州

四十五年庚子四十九歲

希音堂集移泗州治記泗在省西北轄天長盱眙五河舊治在州之南淮水
之北去盱眙二里康熙十九年淮漲城圯建治盱眙山之顛其所治乃在西
北懸絕淮湖遠者至百五十里虹屬鳳陽府地小而高鄰於泗隆乾四十三
年巡撫閔公請裁虹爲泗版圖民賦一併於泗而以其城爲州治又於泗之
半城增設州判一員四十五年余由壽遷泗又亳州救災記余如壽州日梁
君聞山每爲余言戊戌七月亳人被水之慘與州牧江公名梅子九號庶
州府知府振救之勞今年四月余遷泗州公遷六安同日引見江甯行宮逾月公
升知鳳陽府又逾月余至泗州此碑爲是年十月十二日撰邑人
榮德壽碑在成平寺又榮德壽太守之子也

鳥齋文集

卷八

十五

山西省文獻委員會印

是乾隆庚子一甲第二人官至監察御史世所稱秋史先生也江蘇詩餘載
其辛亥秋以官通鹽務文職至亳州重游成平寺實際上人以梁聞山大令
書府君救災記碑本見又上閔大中丞書兩年來每念親老子幼輒如盲迷
連月不得家信則惶及得則又惶見書黏紅籤乃稍安例父母年七十以上
兄弟篤疾準予告終養今佩父年七十五母年七十三胞兄自幼病廢任內
亦無經手未完事件前月得父書俾佩遵請又以幸邀賈恩請泗州之封須
用泗州印篆故未敢造次俟到泗卽擬通稟詳請謹先瀆陳墓志先是鳳泗
等處民惟種稻薄水旱卽災公曰三農生九穀而一之可乎乃相士之宜令
民廣樹藝以儲其蓄並請於大吏行於各郡邑民多賴之希音堂集論鳳泗
水旱書古者水旱謂之天災鳳泗二屬遠者勿論自目所經見十餘年來七
八災矣常究其故而知其說之不必然也周官太宰以三農生九穀注三農
平地山澤也九穀黍稷禾稻大小豆大小麥或曰無秫大麥有梁菰蓋地有
不同生物則一故多其種別其性權其時高無苦乾下無苦溼又盡其四支

之力是以四種而五種民不知災禹貢揚州厥土惟塗泥職方揚州其穀宜
稻然爾雅稌稷注今江東人呼粟爲稌衆稌疏黏粟北人用之釀酒吳都賦
言穉秀菰穗是揚州不專宜稻也鳳泗遠在江北地據高阜與江南異淮渦
派濰岸高崖深水利不通而其所種則惟稻近稻有種麥與菽者不過十之
一二當春夏之交稻有積水過此則全賴雨澤又惰蠶性成秧一入土袖手
待食及其無穫則諉之天災國家常費數十百萬以振之上之恩澤日以厚
而其本業日益荒流離亦愈甚農者天下之大本今既無以供上之需反歲
有所殫不知紀極非經久之計也漢沔勝之有區田公教民糞種負水澆稼
其法正月種春大麥二三月種山藥芋子三四五月種穀大小豆菜豆八月
種二麥豌豆節次爲之穀豆二麥各百餘區山藥芋子各一十區通約收四
五十石數口之家可以無飢今可放其意行之如有田一頃者種大小麥五
十畝林粟二十畝稻二十畝芋菜之屬十畝麥後種大小豆二十畝蕎麥三

鳥齋文集

卷八

十六

山西省文獻委員會印

十畝以是類推低田乃種稻高田則種雜糧有司以時課其多寡督其勤怠
設有雨暘不時失於此必得於彼歉於前必豐於後如此數年民俗稍變庶
無飢饉之虞矣或曰俗言高田一倍低田數倍誰肯舍多而取少不知稻之
多穫以近水澤資灌溉也徒聽之天與石田何異苗有耐水有耐旱黍稷秫
麥俗謂之旱糧蓋其稈長穗堅水不能過旱不能傷綜計其利固與稻入無
殊或又曰民習種稻恐地利不宜曰周官草人有土化之法蓋地可使肥又
可使棘果廣種力耕何患無穫且鳳泗地勢與西北同今西北之人未聞時
憂水旱也又今年近水皆有災高田則收穫如故而天長盱眙兼憂旱者正
以稻多而他穀少也故欲使鳳泗無災莫若勸農欲勸農莫先廣種此令一
行非徒使各食其力而所爲移風易俗之道亦在是矣倘蒙采錄乞下鳳泗
各屬施行不勝大幸

之明年民備便乃謂大吏下其法於江北各州縣而其農夫之自酒掃者
給田田海其租人至今爲世業少時猶及見蓋老佃戶爲說當年課耕江

南華樓種 又論免稅書與州都圖五十三里田地六千餘頃自康熙三年至
十八年屢次開除荒沈田地四千餘頃見存者二千七百四十三頃零歲征
銀二萬三千四百八十兩零乾隆二十六年會勘籌議案內豁免窪地二百
六十餘頃銀二千二百七十餘兩三十六年欽奉恩詔案內前知州謝收查
實窪地二百六十六頃五十八畝請豁免經前藩司屢次駁詰至四十四年
前知州劉牧始以册田二十一頃三十五畝八分銀一百八十三兩八錢詳
准題免夫當免之田原不僅此顧駁詰至數年乃定推其故蓋恐官物失陷
期核實無溢而已竊念今日之泗比昔已去三之二又屢遭水旱所費不下
數十餘萬豈爭此區區者哉泗地本窪下迫近淮湖自往歲黃淮合流游蕩
數十里水勢反高於田此一害也黃水漲發清口壅遏不暢則湖水倒灌而
上此一害也蕭楊宿靈上游之水淮湖者大則泛濫於泗又一害也是潦固
災不潦亦災河決爲災不決亦爲災異時東北鄉如青陽半城古浪湖等堡

烏齋文集 卷八

十七

山西省文獻委員會印

煙戶稠密號爲殷富今亦寥落不及昔之三四皆編筏結網以漁爲生其舊
存錢糧有代輸於里長有攤分於保正去年四月奉到恩詔內開直省有攤
沒田地其虛糧仍相沿追納者該地方官查明咨部奏請豁免卑州現在田
地內如三十六年未免之二百四十餘頃已成巨浸深者積水至五六尺又
頻年被水至去歲七月黃水決溢先後續報坍沒之田三百餘頃皆與淮湖
相連不能復涸例宜豁免謹繪圖貼說伏祈垂察又論振本色書今歲泗州
併舊虹應振之堡四十六處其災分與四十四年同但往年九分災極次給
十二月一月本色七八分災概給折色詢其故由四十四年被災州縣多而
亳州蒙城懷遠鳳陽等處災分尤重處處需用本色是以七八分災概給折
色以災多而糧少也今歲安徽省被災者三數處泗州爲重雖撫振兼施誠恐
一屆寒冬民間購食維艱見奉撥各處麥豆二萬四千石以今歲七八九分
災區比放四十四年口數十二月普振本色約需糧二萬七千石計所缺止

三千石尙有泗州倉貯足以敷用卽再撥他處穀亦無多又民食米爲上麥
次之黃豆爲下今歲泗州奉撥雜糧豆居大半以之平糶非民食所急貯倉
尤腐朽堪虞不若悉舉以代振使實惠均霑更可使糧價頓減一舉而數利
存伏惟裁察 又論泗州關稅書與州淮河上通河南下達江蘇商船通有
故礙設關權今新河口關是已離又自涓橋分支由城西北至東南入淮岸
狹流淺每夏秋水漲間有小艇來往冬春水涸則絕乾隆十七年前道憲乃
更於此設關稽查臨河新河兩處漏稅之船非以權民也行之既久詐僞叢
生自五穀雞豚匹布尺帛下至竹木薪炭入城有稅出城有稅又置人於四
門日伺夜偵如張密網甚至詭稱巡關恐喝取利物估騰踴賊此之故泗故
虹邑地小民貧加以連年飢饉辟久病之人加意撫養猶恐不支况可答撻
困苦乎竊計鳳陽關稅額每歲二十餘萬兩此地所入不啻九牛之一毛何
足爲輕重萬一所推之數不以充正課而以飽胥吏則雖有如無又何便於

烏齋文集 卷八

十八

山西省文獻委員會印

此然皆知而不言則以礙於位勢又恐稅不足額爲憲臺所不樂聞耳夫稅
之盈絀有得之於寬抑有失之於嚴嚴則搜括必甚人多避之寬則商有餘
利人皆悅赴如本非可設關之地寬且無裨更出之以嚴惟有肆攘奪而已
此勢所必至也竊以既有新河口關州城之關可以不設必不得已於夏秋
水長船行時遣人巡視冬春則止惟許稽查商販不得私稅民財并乞開示
應稅物件使衆聞知如此則商民兩便矣 又論開天然開書昨因查修天
然開河道業將與州淮河經流及應修各段繪圖貼說上呈竊念茲事重
大有不容默默者惟自宿靈泗以至入湖上下數百里承上境及本境之水
一遇盛漲往往漫溢故修治爲宜然河身本窄黃水所過水去沙留日日以
甚河身反高於民屋其病由於引黃入淮也蓋淮之於宿靈其經流而泗則
兼爲其尾閘查惟一由泗之謝家溝東南經下河入湖一東北由烏雅嶺入
下江之宿遷桃源復折而南至泗之安河入湖一由荷家溝經泗西門南流

入淮之支流既多非數十萬金不足集事且爲開天然閘而修無非欲導
河入湖耳自河日南趨毛城鋪之減水入之峰山四閘之水入之閘有啓有
閉湖有增無減故病泗者莫如湖而淮次之而病淮與湖者尤莫如河設再
益以天然閘之水一遇湖漲必致橫潰而淮必致淤墊如是宿首受害泗靈
亦不免矣蓋天然閘之設原以防河漲保徐城爲今之計宜相視附河兩岸
民居有當衝宜遷者遷之或陂障污澤舊爲河所游蕩今起隄防逼束未舒
者決去之如此不已然後開閘以泄之河所去既多入閘者不至爲害庶幾
徐安而宿靈泗亦安辟之一石之水必盛以一石之器不則必多其器而後
能容今淮深廣不及河之十一苟防漲保徐專恃乎此是以斗卮盛石水有
覆諸地而已昔人言開河如放火萬一既開之後洶涌奔溢不可收拾如往
歲儀封之決郭工之漫尤當早爲籌及又天然閘乾隆十一年經河憲高奏
明以徐城誌椿長至六尺始行啓故以今校之卽長至六尺亦不宜放何者

身齊文集

卷八

十九

山西省文獻委員會印

河屢決於豫境皆由下游梗塞水至六尺其實不過向之一二尺病在河高
而不在水大又明矣

四十六年辛丑五十歲

希音堂集王平周壽序余之遷泗州也謀乞假終養同僚皆力阻君獨勸行
乾隆四十六年正月爲君五十誕辰余既援例申請遂書此以贈 又玻璃
泉記泉在盱眙第一山之麓前臨長淮右瞰洪湖有亭榭竹木之勝初泗之
圯也遷治此山之顛泉在治之西偏今裁虹爲泗去此百八十里余去歲七
月流泗今五月乃得一至

四十七年壬寅五十一歲

墓志壬寅以父母年逾七十請終養大吏不使去曰卽薦汝公以親老力辭
大吏不能奪既歸益隆奉養承歡備至 希音堂集誥命碑恭紀四十七年
秋以侍養歸

四十八年癸卯五十二歲

希音堂集冠山資福寺記乾隆四十六年余自泗州歸明年率兒輩游焉
五十年乙巳五十四歲

希音堂集誥命碑恭紀五十年大慶仍聽請泗州封用加級得封四品
五十一年丙午五十五歲

希音堂集游禪巖記蒲臺山在平定之西狀若屏風其西南深隱處爲禪巖
巨石攢列屋皆在巖下有泉自石罅出匯爲小池冬夏不竭乾隆戊戌余以
俸滿引見乞假常至其地壬寅自泗州歸蒲臺歲一往遊而禪巖徑陡仄余
又艱於行今丙午夏乃再往

九月二十四日先曾祖母王太恭人卒年七十有九是年府君助知州金君
源明修葺平定州志每類題詞之文皆府君筆也旋以居憂不豫其事

五十二年丁未五十六歲

身齊文集

卷八

二十

山西省文獻委員會印

二月金君修平定州志成府君代撰序

五十四年己酉五十八歲

七月初二日先曾祖登榮府君卒年八十有四

五十五年庚戌五十九歲

是年冬先致歲試入學第一名

五十六年辛亥六十歲

希音堂贖稿三場百問序制義盡人可爲策非淹博經史諸書明於政體者
不能今夏暇日因撮舉經史及時務所當知者百餘條俾兒輩以時講肄先

考既人身附君教以對策之法作此
書之故知今夏爲辛亥夏日也

五十八年癸丑六十二歲

十一月二十七日辰時府君卒遺言不得隨世俗張樂開筵受親友弔 墓
志與人交寬和樂易雖御賊獲無疾言遠色有他姓掘地得古冢公爲收其

骨買地以窆之春秋遣人祀之樂鄉居不殖生業惟著書數萬卷尤喜讀史以爲可以鏡得失觀成敗嘗語其子曰汝輩能讀書吾雖貧樂已臨歿猶諄諄勸以勤學

府君著書陸宣公翰苑集注二十四卷公餘雜錄三十卷春秋世系向本編定卷數

希音堂文集無卷數社會攷一卷平定州志攷誤一卷三場百問無卷數重修欽

縣志二十卷黃山志二卷

府君生子五人長世父偕來按察司知事江西永豐縣承子二秉武秉成次

世父性諳子三而康而恭而廉次世父同越增廣生子一秉文齋廩生次先

考諱敦頤榜名敦來嘉慶辛酉科拔貢舉人辛未科進士翰林院編修記名

御史戊寅科福建正考官行抵浙江建德縣卒年四十七子四開選國學生

贈封修職郎晉運廩膳生麗運廩貢生平陽府訓導穆譜名瀛運道光辛卯

科優貢生正白旗漢教習候選知縣次叔父籀式出繼伯祖潤齋府君後子

烏齋文集

卷八

一一一

山西省文獻委員會印

一蔭樞

謹案府君有著述垂世有實政被民出處本未見於朋友贈言及家藏文稿者謹排比其略如右以備國史采擇若無舊文可錄概從闕如蓋不敢以子

孫私言闕入一字也

道光二十六年六月朔日孫穆編并識晉江陳慶錫填諱

附錄

誥授奉政大夫翰林院編修記名御史張君配王宜人李宜人合葬碑銘元附

廣西藤縣知縣同里任質淳諱

道光三年六月曉滌張太史繼室李宜人畢力所天遘疾而卒其孤開選等既合葬封樹如制復襲貞珉匄質淳一言以表其阡嗚呼質淳與太史文字昏姻之誼至密且溼其烏能已於言哉尙待請乎太史諱敦頤字復之榜名敦來曉許其別署也張氏自明初由洪洞遷平定誥贈奉直大夫新滄君之曾祖也誥

封朝議大夫鄉飲大賓可舉君之祖也乾隆丁丑進士歷官泗州直隸州知州佩芳世稱孫圃先生者君之考也以乾隆三十七年十一月生君合肥署中六歲生母陳太宜人授以孝經小學神識開朗輒多解會稍長讀書日益不同塾師質君如作天馬說况之年十四應童子試賦諷十三經不謬一字學政戴文

端公識學官曰此廊廟器速化可惜善培護之不患不遠到也年十九茹古香

尙書得君卷經義紛綸訝爲老宿補州學生員第一君承庭誥不欲以帖括自

封密勿經訓實事求是鍵戶精思往往達曙積瘁略血醫不治乃養癩獅子山

中緜方書得服氣訣沈心攝息期年疾大瘳尋丁孫圃先生夢入京師從程蘭

翹學士曹頤庄侍郎游皆孫圃先生宰欽時所得士也數年學識益進嘉慶五

年選拔貢生學政莫寶齋侍郎獎之曰三晉多才對此皆當額首六年舉於鄉

闈作雄辨非復舉子家數策對贈博尤爲軼倫七年罷禮部試歸遭陳太宜人

喪緣兩祭葬不敢徇世俗益分墮其家法君子許以知禮十年巡撫金公應琦

烏齋文集 卷八 一一一 山西省文獻委員會印

與君交舊蒞任過君山莊邀至太原語以地方利病平定居省東界例食解鹽

地寬遠向就食長蘆以無照會時爲關吏所持價騰踊民輒淡食君因以爲說

於是金公通檄直隸刻石關門俾永勿阻遏十一年主講太平書院宏獎之效

今猶在人口十六年會試成進士選庶吉士十九年授職編修充武英殿纂修

治河方略館總纂二十二年保送御史引見記名二十三年五月命充福建鄉

試正考官行抵杭州感受暑風七月十一日至嚴州府建德縣屬之大洋邊不

起年甫四十有七時吾州張君四箴適宰建德孫圃先生弟子也實躬親棺斂

云君丰姿秀偉先矚後豐性復樂易入其坐者如依玉屏披春風清和之氣襲

人生平雅有持操非義之千金蔑如燕居默坐意防尤嚴嘗置黑白豆几上

判別發念善惡如趙叔平事其它細行不備書配王宜人陝西榆葭道凝曾孫

女太學生繩祖女事舅姑以孝聞太史好施宜人實左右之先太史三年卒年

四十三子男四人開選太學生晉運廩生麗運廩生平陽府學訓導穆優貢生

正白旗官學教習候選知縣女二長適余次子模靖廩生次適介休楊煦副榜
貢生繼配李宜人浙江山陰人寶齋侍郎舅氏廷良太翁女歸太史十月而寡
遂挈孤幼依侍郎以居教育子女心力交瘁逮女適楊幼子學識有成宜人疾
已沈困蒼黃返里不數日遂卒年二十四嗚呼士之懷才績學終不遇於時者
固已多矣幸遇矣匏繫閉曹終身不遷淹滯無所試者亦時有之君四十通籍
不爲早未七八年受先帝特達之知不爲不深卽君之束脩自好以凱發揮其
素學者志氣亦不可謂不卓而顧中道淪沮辜國恩殞士望余竊爲君恨之國
家設科百數十年三年典試數十人如君事者蓋亦尠矣將不如是不足表其
人之奇邪則無惑乎匏繫終老懷才而不售者聞君之事方且豔之而稱之也
曰苟如此死死亦不恨因系以銘曰

烏齋文集

卷八

二十三

山西省文獻委員會印

補卷張君墓志銘

附

候補知縣李曰茂撰

君諱晉暹字仲明別署補卷世籍平定曾祖可舉國學生誥封朝議大夫祖佩
芳乾隆丁丑進士安徽泗州知州考敦頤嘉慶辛未進士翰林院編修記名御
史君性沈厚幼無子弟之過及御史公典試福建疾隕中塗君偕其伯兄雞斯
爾足昇履歸喪葬儀舉性哀感路人事孀母教弱弟咸中禮法內行允修爲文
章灑灑源源若不可方年二十五州牧吳公拔冠試寮補博士弟子墨丁大戚
服關占高等食廩餼所造殆未可量也乃天斂其紀粹患熱厥胸仆以萎痛哉
君秉家學資復英敏不屑屑與世俗爭利鈍比從莫寶齋吳樸菴兩先生游向
學益邃於程朱陸王之書臚列參稽九變復貫又善操觚臚縣擊疾書自梯米
以至尋引揮斥如志羣賞其工君生於乾隆五十九年四月十六日卒於道光
十年六月十二日年三十有七娶黃氏子一孝祈女二俱幼越七年君之舅弟

咨諸日者卜以十一月二十八日安厝河領祖塋之次以曰茂與君居同閭學
同師交契又至深句銘其藏銘曰
題之支也胡遽摧華之跗也胡遽折絲蔓洋洋泗嵐蒼蒼子孫其逢兮萬世千
秋視此楸柏之根

烏齋文集

卷八

二十四

山西省文獻委員會印

烏齋文集卷八終

序

右文集十二卷詩集四卷共若干首先師烏齋居士遺稿也訓自總角即聞師名嘗於尊酒閒觀豪縱瀟灑之概心竊慕之成童而後猥蒙獎勵許列門牆欣感之倚殊出望外方冀仰窺豪末以稍慰提命之苦衷而寒暑再經頓成永別逝者如斯天邪人邪師歿於己酉冬同志諸前輩命訓檢點遺書無任散佚因取師所撰蒙古遊牧記延昌地形志說文屬及詩文手稿友人書札鎖置一篋中倉猝之間顛倒凌亂不能無負於平生之意愧恨如何可言檢既畢謹呈何子愚先生以俟子貞世丈典粵試旋清釐校訂已而貞丈甫歸即持服南下先以遊牧地形二書付何願船師其餘雜稿權封置京中事會難齊有非意料所及者至壬子秋貞丈起復入都旋又使蜀於是舉雜稿並付願船師烏齋遺集始萃一處不數月願船師亦從軍吾省行期甚迫乃許以雜稿付訓兄弟編次又言遊牧地形二書已錄副本可存都中數日後軍事益急忽改行期倉皇南

烏齋詩集

序

山西省文獻委員會印

下訓不及追送僅從楊綏芸世丈處取得雜稿及書札一束於是師之遺文遺書又判然兩地矣既承願船師及綏丈之命即與家兄子肅一一清釐分爲十二卷應試策論隨筆札記留待續編不敢雜廁也師嘗言舉人一生精力盡於故紙堆中但冀得闕願之年畢成所撰諸書再取平生文字選次授梓便可無憾今竟不獲如願遊牧記末四卷尙未排比幸有願船師任其補綴地形志中有欲移入水經注表者今無從辨別願閣兩譜改訂稿本亦未竟業師又嘗言有校訂尙書疏證重修平定州志元裔表外藩碑目等書並不知存亡無從尋覓其存於訓處者僅有漢石存佚表及此雜稿訓兄弟得以盡力而編次體例又不能復質於九原功名嗣續固已付之於天文字之厄亦復至此千古嗜學之士聞之當不免酸心況於親承訓誨者乎訓從師未及二載姿性魯鈍未窺堂奧師亦念訓親老家貧勉以業舉根柢之學未及多授也今師歿已七載訓碌碌無所進益不足表章孤詣而向所窺見者則宜謹誌之以爲楷模師天性

肫拳篤友愛厚宗族姻戚故舊靡不關切周至奉前輩若師長愛後學若子弟

至於寒章絕學扶植衰宗不難節衣食以從事而獎掖英俊振拔單寒尤汲汲若不及爲學專以篤實爲主旨言爲文而無學其文皆虛爲學而無行其學皆虛故凡答書爲文皆精深刻摯務使足以抒性情裨經濟不肯避迂阻以獵取浮名末年常切切以時事爲念四方有兵革水旱聞之殆廢寢食若身歷其艱於漕河鹽諸大政無不講貫窮極脈絡生平意氣峻厲不能隨俗俯仰至遇績學之士則莫不虛心商榷誠懃動人嘗稱海內文人惟有長洲陳碩甫未及內交然則師之知交契誼亦大略可知矣末年病氣疾畏寒暑而伏案研精兀兀不輟黎明即起夜分始眠雖紛冗無少閒用力太銳又屢遭天倫之慘兢兢自弔憂足傷人殆不爽與師所著遊牧地形諸書精深廣博既足以傳不朽而所爲文字數年以來每徵先見尤足見其才識之宏而痛其未克展也中年以前壯遊南北接見耆宿交遊涉歷必有可述者訓願幼不及見又比年風流雲散

烏齋詩集

序

山西省文獻委員會印

莫可咨詢披覽遺文感念今昔每不禁潸焉出涕謹述編次遺稿之由與管窺蠡測之見以勉酬教育於萬一尙冀海內諸君子叙同心之誼聞未顯之名書諸簡端以昭不朽其有遺佚文字可入集中者並希錄示俾獲補編則先師固有厚願焉而擁篲望塵者亦將銘高誼於無已也丙辰七月十八日門人吳式識訓謹

烏齋詩集目錄

卷一

古體詩三十四首

卷二

律體詩五十四首

卷三

古律體詩四十八首

卷四

古律體詩四十首

詞六首 附

烏齋詩集

目錄

一
山西省文獻委員會印

烏齋詩集卷一

平定張穆

五言古詩

丁酉人日春海年丈約偕蔡友石年丈吳荷屋中丞梅伯言郎中同游海

王邨阻雪不果乃移尊龍樹院登高賞雪談讌竟日月午方歸詩以紀

之凡四十韻

諷勝及春七追攀駢組玕言尋海王邨萬籥秘金籬藉彼雲漢龐散我塵土械

勁風吹暮靄虹月鬢霄靄供張肺云熟簪裏翼以屆有防斜川履更卓參軍旃

浙瀝揣封擢揣封見解脫沈霧壞研北騰餘笑城南築高會絕頂應攜眺難則

乃任喻金鞅躡壁句雞棲逐豹鞅到門誰驚棠凭閣目恣快離婁眼續廣刻露

眉稜峻潛漸動亭午半登見沙瀨言言跨樓堞站站回樹蓋濕尺澹禾蝗合寸

蒸蕭艾浩淼玉鏡光超軼金粟界却坐蕞葭移一拓胸次隘窗明息凡響耳定

烏齋詩集 卷一

來清籟諦審嘉泰槩共下揖翁拜荷屋中丞據梧劇新賞柱檀展宿戒

頃程丈集同人得雋弁屢側忍俊泉獨勾遙遙四君子寤語塵壘外東坡笈履

及安民太宋枚仲今情既解遠古貌獲商兌翻笑泥塗士屬屣無乃太新黃

潤眼福虛白振筋懈趨日宕昔昏行庖剖肺膾縱飲擴酒床清言噤機械須臾

月波涌倒翻雪浪派出沒煙帆穩稠直江樹殺一望清萬頃缺陷聲澎湃此景

信天既相期責吟債通元拂妙素挈我入界繪荷屋中丞今日圖中人慚愧羽

獨縱離徒傷春律冒驟感秋解掇峭勒八關支凍剛五噫蠟鳳錯鑿區漏鯨鏗

城隍客衰軒然舉闕鈴甚矣憊歸趁鼓耽耽雜送聲噦噦茲游判洪荒結念每

循帶小詩用紀實筆屢改自鄙

寶賢堂研詩 并敘

研明晉王世子奇源寶賢堂故物也以慮僂尺準之厚三寸博八寸長

尺有一寸強制肖龜形修文一綫縲絡如蛇世子薨研實徇之後遭伐

掘復出人間郡文學董君士達得之於晉陽老人隨珠和璧不翅也頃

歲不熟董君以三十緡質諸孫君左泉左泉稔余嗜研遂舉相贈余亦

以宋坑小研及王良常墨蹟為報研舊無箸代晉府圖書繇亦不可

得其始末惟攷世子以宏治十四年薨余以道光十六年得之其可知

者已三百三十有六年矣夫以世子之賢之力而不能終享一研余又

敢堅執以為己有邪人生既好取供數十年自娛足矣過眼雲煙何足

計哉爰鐫銘楮而曰元運環周玉璽不朽寶賢堂傾秋艸平人生安得

如汝壽并賦此詩詆當代著作家屬而和之越一歲正月上元烏齋居

士記

鉛鐵鑿山翠瀟瀟羊根瑩甫出子石形模何渾渾一綫絡背腹宛宛脩蛇繁

巧匠神悟開琢肖龜跌跨列宿應元武神物歸高閣世子富金石博雅過王說

供入寶賢堂欣契忘朝昏老研得巨賞氣象為之尊謂當酬知己萬古徇王孫

烏齋詩集 卷一

青青陵陂麥金椎隱其巖山鬼懾賊忍睽目穎荒榛玉筮鬱復出象齒慘被焚

神物委路旁倏忽瓦甌鄰老人指病醫拾歸囊書帙流落甍可慰真鑿世無存

我生但癡慧訪古雙足躐此事洞本末乃聞諸董君董君不能實轅釜斷晨炊

曠汝謀復活太息手屢捫慨慷孫居士達識信眇倫至實不自私取人仍予人

喜心生感激投報矢弗諉半生困筆研抱璞聲暗吞虞尹不我謀錯難輪蹄奔

石又不能言詎勞災楚焯聊用皮短几蛇蚓雜蜿蟺萬事等雲煙變滅豈有痕

結習難破除策勳望卿雲

五月下旬初抵江陰春圃侍郎邀借同幕諸君游君山晚讌存雪亭即送

許蓮西大令歸里

大江緣北注東趨勢愈闊君山峙江表捲柱風濤訖海門一綫迤尾閭千峯兀

我從廣陵渡峭帆陵溟溟岸舟劃江水湖蕩蕩莢撥漫鼓中流楫媿托沿門鉢

幽莽舞陽君奮前排其闥幕府諸君子英英皆賢達就中許子將元杓耿獨幹

三世論交誼廿年共橋榻我角昔方羈舍君已早茲念我細而黠欣契機省籌
條忽俱老大話舊屢感頽江皋聽夜雨朋哉今再盍代飛笑鴈燕相依判登歷
唱我裝初卸威君駒速秣登樓約再賦望眼期共豁拾級躋山椒振衣度木末
各抱濟勝力懸崖手獨擦習山本善走林深淡暑暘峯坳一刹湧廟貌儼黃歇
老梅三百本未花香已醉江風吹我裾日雲西沒歸來坐小閣燈火豔林樾
池蓮照顏色水螢綴葉葛蕪飲團飄狹別酒金波山座中多碩彥酬獻忘觚榘
嶽嶽充宗角峨峨楚冠錫下士未聞道醉語紛祭獮主人敬愛客觴行不復遏
游魚潛出聽潏潏水聲活歡極難悲歎行色怨倉猝君念故山楸君將歸治我
懷小園楸君名君行自駸駸我居定咄咄良晤豈易得回思在單闕君非後與
行矣加餐食志喜應見蠹茲游如可續相約梅花發

妙相禪林

平生登覽興尤劇事幽討金陔佛都會締葺各精好謁客城西隅霜天初破曉

烏齋詩集

卷一

三

山西省文獻委員會印

拭鬢試北陳一剝茁林表肩輿犯叢薄夾路吟翠篠結束入曲折窮探開曠杳
西園最閒敞盛魂潔蘋藻寺西園有紛紛宋景徒剽豔得香艸廟貌偶然耳對
輒憂心擣南榮更軒秀傑閣俯飛鳥鍾阜拳石縮當檻萬絲繞波委湖雲縹炊
雜寒煙曩雞鳴又其北晨鏡修蛾媼老桂南中繁處處香雲渺一亭翼其東月
夜裾曳縞陽鴈賓白露秋色妬紅蓼中加來紅及紫寺魚語池蒲隔雅翻林
葉稿蕊蕪善侑客口角粲涼煥精茗滄珠流訂盤登栗棗我性習疏散曠塵恣
放芥問訊佛田豐土宜況善稻姚乏饗殮資備食恒不飽托鉢與汝同養福計
獨巧梵俗沿六代榮華逾窈窕謀生學出世此理堪絕倒杖作雲山主精舍供
空壙時來相攀援亦足拓孤抱談禪均未能飯依喜較早一笑出門別異同自
孔老贏得卽景詩相貺良不少

海州試院臨發同祝諸君分賦佳製寫此奉酬并寄仙露理初兩先生

海天無定風昏且異寒晴胸山無定雲現滅非一形一峯閣屋山翠點征袍青

征袍落塵土泥濯難爲清奔走三十年雙鬢但未星往昔少年日頭角頗崢嶸
提挈尊俎間結識多老成奮身挾銀漢赤鯉時騰精此意久沈淪壯懷空自驚
鏡花發新喜鼓柁東南征東南足文彥主人敬軒極蘊桂豈異質賓友皆典型
共醉金谷園放棹闔閭城讀書來老明龜觚昔昔聽疏狂雜談笑往往亦析醒
浩矣東去波淡月如轉寔好風吹我衣秋駕迅難停臨慈意獨翁遲發神爲繫
風物良所懷所懷在德馨壓檐新竹竿綠上紫微庭當樓雙桂樹一碧天無情
河閒古君子却掃塵不撓黜山老象才反鍵治事臨點勸有同業咄嗟有同聲
遠道寄相慰慶風今郊坳我行信艸艸近志請長纓不看屠牛坦霜鐔初發矧
不看楚接輿退有田可耕

秋篷坐雨次漁莊韻蘇州

風勢與水敵枝拒莫肯下舟子善馭風反舵千斛駕四月三渡江節候變秋夏

北烹負戎菽南甘飽櫻蔗嗜好與俗競腸胃隨物化孤篷共坐兩黯黯郵容亞

烏齋詩集

卷一

四

山西省文獻委員會印

喜水喜其澄畏風畏其鹹平生忠信心未免波濤怕高幟樹角閃欣然問酒價
適已發高唱鄰舟聞竊罵寒回詩力勁春風秋顏乍種秫滿江皋努力風雨夜

送漁莊三兄歸里并寄呈家兄述懷

北風入凍醜江波浩難對游子懷短轅感別涕霑襟人生但離析貧富均不任
念君席通德有弟成邦琛競爽淬其才覆手能成霖門閭量家山裴柳代所欽
君何猶鬱鬱與我感升沉祖書豈不富廢架飽紅鯉情話豈不孺蹤蹟查商參
百謀無一償墨突空不黔憶昨并門初惡月苦占臨我方困叢棘君瀆賦載駸
涼風起征雁吹客過淮潯聚散信靡常握手江之陰連櫓聽夜雨鄉思激秋礎
單車太行脊鄭重霜雪侵君歸善自保努力親北注我歸知無時憑君遞好音
寄語謝諸兄天道古難難歲月更兩戊怡絕巢門爲鹿野事見北思日灰頽
湖緜爛霜鐔野雲逐颺風舒卷安客心海州隨節候枯榮匪自今媿君相愛厚
譽重雙南金酒滿平復起哀歌托短琴

十一月二十九日渡廣陵江阻風偕同人登浮玉絕頂分韻得浪字

岷原縮地軸水關東南壯朔風互寒日凜冽江流乘洄瀾孤嶼瓜步屹相望

引占牽塔波今名曰塔鈴語泥歸榜聯橋走山盤梓柯蹙高浪塗阻意轉愜計

拙游稍賜南征憶夏首倉卒理吳舫昏黃鏡火發風颺吟高唱帆飽輕舸駛彈

指隔重嶂人生游豫興晦俄悉天賦山水况有靈知己實堪仗用詩安使槎隨

沿沂節候換英蕩登臨適所願一笑飛廉餉繼結積塵劫丹碧困意匠窮扳危

石磴俛結浩溟漲真潤名勝州容我眼一放禪機坡印寂樓觀煩特創五律

帶國賦天題炳玉版南巡補足并編詩於上聖墨潔供養麟宛委籍萬

卷來高曠開於此山弄書畫多士觀捫蒼竊長唱何由豁塞向敬事受僧謁

精舍足清況一勻割江呂語見水寸綠花瓷漾同游富述作詩節燭高亮風聲

挾江水橋校頗難狀撫懷念曠昔吟情勉軒抗君看浮天水原不擇盆盎

悼婦篇十二月十三日君亡四十九日矣如

身齋詩集 卷一 五 山西省文獻委員會印

總角訂婚姻十九議嫁娶結髮十六載強半異居處慘君入門始丁我家多故

蛾眉妬我時齒未壯見狂意稍固惟愛手足恩涕淚灑荆樹所以借老歡造次

輒相偕同牢未一飯飲酒幸終掃遣逢家多難茶苦覲同茹傷哉遂死別抱察

久彌痼君幼抱痼疾庚我緣膏薄祿十年因秋賦旅食晉陽道假館京華著

窺窺寡嫂德疾痛荷扶助仲嫂中年寡居君本富室子命辰獨薄結脫襪每見

背彫零歎遲暮外舅長善為人取產頗外舅撫君慈外姑視君恕我出君焉賴

母氏渥眷注側聞中夏交歸甯染疹霧倉卒迷大厥危病感無父一痛遂彌留

沈絲忽明解五月初外舅相繼仔有從西來傳君相慰語疾會當大瘳遠道

善自護此十月腥風飢准雨嚴霜膠清酷舉酒不盈觴寒嗽神若鶻余時患凍

慄邁江濱怪鯉騰尺素斜陽不敷行淡墨寫凶赴余以臘初由滬上過江肝腸

為推動忍淚強起步一命會未霑九死斷相慕夢魂勿復見羨慕知終據疇昔

遠游慣歡笑無愆度今春頗乖側夜深泣敗絮謂分當永訣生存難再晤蚌珠

隨地碎子皆不無祿延血祚君宜早自計副遺求美絳嗚呼焚巢鳥何枝足

遐竊療飢且未遑遺議葛蘿附荒冢傍高隴先姑定無數寒夜鼓吹吹起坐目

瞿瞿轉側密相村始終由我誤慙復作秦嘉滌衷為君訴切語世間人取妻無

相惡絲絲脰有瓜燦燦壁與瑤已死不更生琴瑟及在御死幸魂魄安靈風愼

來去湯湯大淮浦浩浩黃河渡我歸儻有時一尊耐君墓

庚子二月喜三兄叔正至都相探越八十日仍謀返里賦詩相送聊以寫

其患難離別之懷口所不能言者詩更不足以達之也

聚面曾幾時歸期又轉迫歸程劣及千聚日未盈百生平兄弟惟強半異形迹

年皆非少壯光陰尚行客回首廿年前折遊家屨怙恃一朝失營魂喪其魄

惟時兄及我差得免交謫感荷仲兄恩撫教儼惟百慮不相關培養奮飛翮

身齋詩集 卷一 六 山西省文獻委員會印

獨力柱門楣策勵壯宗祈愴絕庚寅夏極聲如裂帛大厦忽不支兄復嗟行役

飢驅濟南道悵悵關山隔九月始東歸一痛哀填嗟從此老兄弟無福更安席

越歲試井州如戲角雙觥辰春更北征車塵困絡繹四載耗餐錢一官沐溼澤

兄亦恬進薄祿謀將伯誰知首蒼繁艱難等檠戟未臘薄言旋百債紛狼藉

艸艸歲儀帖感懷成寤寐初夏仍北邁遑顧形影隻太歲建作噩交勸攬秋碧

冒雨事西馳快晤晉陽陌敢吟裘馬都柱被腐鼠嚇旁皇身世計血債不可瓜

耐煙然且且竈飢空昔昔雙鯉南中來念我意良劇南中山水勝幽懷翼或釋

酷暑沿桂符深冬泥歸船可憐騎省戚客次淚為格荒唐伏櫪思馳懷到閉掖

風吹舵脚轉引首九圓關媿乏神仙姿頓遭蓬島謫涕痕何足滿我粵在懷壁

敬謝伯兄慈遺子慰匡索羣借阮修鯨醜聘尺宅家聲兼友誼中宵起槃辟

積憤摧人肝衝德步無數寒侵增夜嗽中鬱苦氣逆秘疾滯音問傳頗煩噴噴

兄意滋不安勉振春郊策連日方閱損乾鵠噪欄隙扣扉語音熟覲面互曙曙

忍深尋權顏情話風雨夕寒燈幸復煦仲春月始羈在再逾初夏歸思日又積
離觸不易對况當懲辛營舊業日以萎前途日以窄作宦信孔艱致貧計尤棘
失聲歎奈何謀野詎有獲汨汨庚園波英英山堂柏髮蒼結後望耽書信所辭
念兄有二子其一馬眉白祖業繫阿咸蕪棄良可惜洗觴更酌兄後會良匪易
後會亦不難努力秋士籍落莫廣文官況味猶茹壁試探函牛鼎中自足千塵

七言古詩

趙德仔玉印歌效昌谷體以下二首

印仁和龔定庵主事家故物也印版東樓家故物後歸趙德仔今歸潘士

潘士成郎中玉質精白妙潤世無其比余以虛僦尺度之高七分徑一

寸劣繆篆文四日使仔妾趙誤從系趙字按漢書趙氏徒仔三鈎大夫

人也飛燕姊弟也飛燕後立爲后弟亦進昭儀皆不終於徒仔則此印

應屬鈎戈矣

鳥齋詩集 卷一

七

山西省文獻委員會印

晚樵靜卸黃金碾彤幕沈沈椒殿秋宵深忽感香蘭夢繞電驚簾索動茂陵
官爵健仔尊天題橫被堯母門玉印千年滯恨魄金錢界斷雲陽碧刮膚登脂
截寸肪宛蠶鈕刻雙鴛鴦雕篋錦繡照座光爛彩錯成文字祥陽阿姊弟自尊
大比秩久已薄銀艾持語綺人各鄭重傳觀細縮同心帶

瀛既承程丈惜作玉印歌又思篆文四獨趙字內含雀頭得非飛燕狡獪

隱寫其名邪乃復作此詩

涎涎雙飛入漢家前班後許無容華舞腰新繫承恩印慧意斟酌文鸞斜秋高

長信霜風起豔血飛翻豆蕊水嬌啼槍絕樊通德里謠記取張公子

向湯海秋農部求鄧石如篆書弟子職以上二首似

詛楚碣岐陽鼓法度精嚴篆筆古上蔡出意變古律葛繹之碑獨規矩制倉刮
籀籀家法陽公乃以欺矇梓吾衍燒筆尤可笑刻畫芻靈矜媚穠我持此論與
時違小學今人棄如土昨來偶過大夫室到眼龍蛇恣跳舞偏傍比附皆有法

芒角森森無敢侮信是江南老墨客曾持鐵筆干吾祖屠龍技就老病死身後
文章付覆觀家刻特其餘事耳一吹吾猶等瑣瑣先祖名輩多石如列今此紙
精妙那易得奮起欲據元章鱗却慙筆屨手力弱書訣未能證釵股庶將禮法
誨諸生肯炫廣鼎賞始嶮大夫直聲達殿陛大夫詩筆陵愈甫爲誦此言應大
噓直肆豪奪無乃魯捲軸竟歸何足遜過眼雲煙久不數宋二句海

分宜之敗不敗於徐階而敗於藍道行有感其事詩以美之

鹽龍癡臥喚不醒老豺橫噬無敢攫方士俱有旋乾手播稜權豪猶鼠狗渺渺
箕仙帝所神箕仙有言帝不噴冤氣博成三字瀟斑斑恨血採宮瑩太阿劫折
玉斧摧仙言未罄帝意轉却看舊日青詞神鷗鷗鳴成快偈不須更引羅龍
文一席已褻奸人魂吁嗟乎劫揭紛紛杖戍死山圯樓傾乃貽此請酷美酒擲
國善家家補祀藍道行

漫河道中早城縣

鳥齋詩集 卷一

八

山西省文獻委員會印

暑路燐燐風揚沙火輪蒸山瀉沒車梅不從農耕壠上風塵坐歎客無家路旁
老農啼且嘖客未知耕農具陳前年太歲直未申巫瓦無靈蜡弗神去年太歲
幸直酉借得官糧戶一斗三月播種盡七月石田曾未擢莠類斃日日卷驚
瀟旱浪平疇一丈高亦有耜犁挂屋角畏飢輟耒人逋逃客今乘車仍快快我
視車中猶天上君看道左乞食兒世業半因力農喪噫吁嚱餓死牖下真失計
安得萬古常豐歲誰爲排闥九開咨爾雲師胡不雲

留贈紫琅試院古桑兼懷祁六太史幼童

甕鏡鑲院秋氣足帖窗當畫上濃綠眉稜盛損眼纈凍今雨何以慰幽獨來時
頗苦秋日隔憑丈桑陰護老屋精神慘慄歲月古伏生雖老意態肅並海連宵
風怒吼秩潮碎齧琅山築詰朝寒信樹骨透葉實階除盈十斛百昌例無金石
堅未必植根定不淑憶否童童白玉堂木天孤幹慣經霜春風長安花事滿蹏
熟飄傾名酒香游南一洗目翳淨不復珍材儲藥囊蘇常館有桑一株百餘年

桑乎桑乎汝莫嗟炎煥異候因爲長煙空樹老碧雲合會看天半驂鸞翔

題湯兩生將軍 貽汾太夫人險欽圖 戊戌八月 通州試院

乾隆丙午臺匪林爽文作亂將軍祖鳳山令大奎父荷業同日遇害時

太夫人年三十有五餘詳汪孟文夫人跋

蛾眉初畫黛鏡光欽頭飛上小鳳皇鳳皇身繞萬花紫玉欽暗卜同心喜天容

慘淡臺山愁祆旗獵獵豈尤日寒鼓死軍帖絕海水飛濺歐池血一門忠孝

委煙塵鏡花敲缺欽痕碧白髮梳梳高髻傾曉鏡鏗鏗玉欽聲斷玉拚隨雲海

爛貞黛不逐秋心變 欽作竹節形 扶頭回憶卅年初夢裏慈雲暫相見紅淚成珠雙

髮絲人間信有斷腸詩尺線難寫霜幃恨寫得吟欽筆碎時

附湯太夫人元詩并節汪孟文夫人跋

美便無瑕斷亦休曉簾宵枕夢悠悠於今別有思親淚記與欽時初上頭

鏡非臺已悟空門贈嫁欽筆半不存三十九年千萬路髮絲絲斷玉還溫

烏齋詩集 卷一 九 山西省文獻委員會印

右斷欽詩二章湯兩生先生母楊太夫人作也欽爲太夫人尊人所賜時

從宦昆明年十四嘉慶甲子冬兩生先生官揚州奉太夫人寓居瓊花觀

一夕欽斷而成此詩太夫人春秋五十有三距賜欽時三十九年矣太夫

人生平所爲詩甚富自其舅與夫徇節海外遂取舊稿盡畀祝融豈期垂

暮之年重抱思親之痛長言詠歎有不自知其所以然者兩生先生掇拾

零章繪圖徵和至吾宗蘭沅夫人點染工妙翻陳出新可謂兩美適合唱

于和唱矣予既錄原詩附諸圖後并識其顛末如右孟文汪玠

報恩寺塔

江光一綫迴秋原縈絡城郭西南偏天風峭峭拂衣立鈴語巍巍泥我前我杖

酒懷并詩抱選勝例必躋其顛金陵市月苦幽窳當樓夜夜佛花鬘擁護吉祥

杖阿育報謝敢遶脚力慳盤紆窈窕歷層級碧然透蕩天宇軒高雲一片掠眼

過寒竇賦曠上晚煙獨有晴霞拂不落峴標倒注雞鳴山同行爲我湖建寘基

根胚胎赤烏年亦越齊梁迤宋元經營振剛相新鮮增高直欲青雲千可憐太

祖黃金錢金錢拋擲成遠眺艸樹人家入望圓豈惟匹練瓦吳門絢以蠶珠紅

欲然卻願已消龍虎氣摩空騰有雕鷲盤風聲愈急鈴語厲登登築步窮追攀

寄語諸天貴我頗南來相窺綠亦艱回翔惜同飛鳥下半餘紅日銜崖邊

四松庵 庵在陶穀打建德縣院中背晉 太尉長沙桓公豫憲隱自寓也

四松腐齧根成塵畫筆兀傲寫其神神傳名存松不朽庵中缺箇哦松叟問誰

巨榜署餘霞 姚維傳先生取謝宜 曲徑坡陀捫碧紗 尚關東轉過碧紗 廊印借陰書院安籠壁名

章豈不夥攤香乃祝陶長沙長沙遺兒清而臞凜凜嚴松寒不枯月下香清聞

獨嘯樛蒨對此收緒奴繞欄縹亂石湖水城上江波平如砥道衆新來銀杏庵

驅事奔走韶華孤負陶士行靜思不覺塵顏醉才留粗醜可奈何

隨園

烏齋詩集 卷一 十 山西省文獻委員會印

木芙蓉發紅豔豔雙湖微湛秋波釀老竹綠坡闕深遠疏柳當軒展晴濤危橋

劣能通仄步峨峨鋪秀山平檻一掬修嵐瀉入掌酒杯浮動糝蛾飲涼雨錢唐

蔓艸枯園名苦被詩名占乾嘉老輩風流歎荒涼衰頹濫童癡喜述哀絲

句博涉頗嫌風力欠名教狂瀾倒未回亭臺兀抱頽唐憶一龕鏡火冷江濱叢

桂秋深黃月暗招引游蹤日來鳥鷺狎熟忘昏墊人間花月量難盡到處雲

山足鑄鑿出門東顧眼界瑣樓霞秋色橫天壘 尹文端公仿其圖曰小橋環而 余於是日將遂由棧登舟矣

京口行

一聲橫齋黃鬚子夫容花老鯨風起橋煙笠雨入空濛沃焦一點瀾回紫江濤

浩渺似秋波句曲譜山倒影多來去莫驚天壘險雲葆氣已憐蛟龍倚鱸祖雅

正高歌

己亥正月三日江陰大雪登樓曉望分得雨字

裴漏統統不可曙一夜寒劇江南雨陰雲挾凍走淮海六花一笑漫江樹鄉夢

初回折竹聲披帷倒屣人當戶浮遠亭空遠目凝

君山隱有亭名浮遠見漁洋詩自注樓外青山

杳何許無復蕪蕪出煙艇全將測量變斬堵銀鶴橫飛乾鵠僵金支失耀春旗

補朔風回卷感驚寬危檻周遭凜難俯稍稍山容一角閃晨窺短煙溼盈縷黃

耳精精頗叱咤青鳥拍拍尙洲渚江城舊說氣候煥漏天液雨寒仍暑連朝驟

晦紙窗踏一例街頭沈臘鼓作客還被寒北裘懷人却憶城南社人日詩成艸

堂迴丁酉人日雪在海年丈招客飲龍樹院登高賦詩青衫牢落誰復數玉壺春益試一酌連江稷雪

收吳楚作歌聊寫江南春十日檐聲滴亭午

己亥冬十二月送許印林歸日照

京國十年游不歸繁霜上髮風生衣塵鹿止合散巖扉強加束縛納固時

此本拔其牙角飾以鞵黃金雖好性不肥不如歸煮西山薇顧我何樂曠肯

遠山深谷虛隘聞知扣柴荆蒼蒼且疑東海霞起光陸離下有經巖敞心耕其

閒經師及人師淵源兩漢衡弗迷我友許仲今其尤鬼神旁囑儼乎思與衷既

身齋詩集 卷一 十一 山西省文獻委員會印

豁無睡問家有無擅一鳴比諸自鄙應無讓曰大淵獻歲將儼寒梅香動春

風韓我歸未能爾所羈君歸益增我心悲五音繁會去其變衆巧輻奏逝其垂

醇醪滿酌碧波翠嶂蟬日臨交岐重重吉夢非我私初命題初繹雲欣君

歸有期連山積雪成流浙禮堂春滿林花緋

吳誦芬舍人齊中觀菊庚子

西風獵獵黃雞秋寒畦粲粲黃花稠鄉邦好事競繁會三徑無復陶家幽少年

飽腸看花眼敲門索飲工誅求往往醉倒始名姓壁間拉雜春蠟留十年塵土

黜衣裘河北跋驢江上舟筋力拚同霜蟹瘞客館幾見寒香浮一枝兩枝縱入

目彈指已過如雲瀛沉復邇來學止酒經時不作城南游可憐籬邊無限意風

味誰念老督郵京宜叢中吳季子官聲秀佩綸樞美畫格雅擅二照妙詩骨肯

隨四靈靡更杖花光作粉本庭陔一面恣重索坡陀勻次十二行高直崇墉密

櫺比偶然偷目曲欄西頓悟詩心兼畫理曉風久立渾忘寒海上肯來鐵甲單

我十儻聞一戰勝吾徒何惜百杯乾為煩淨滌傳神筆移寫東南露布看

辛丑八月津門題券介甫霜林覓句圖

秋氣入石秋林黃秋風翼我東南行津步安帖眉清揚海上昨夜驚初霜刀斗

擊破晨煙涼摧拉鯨鯨若羣羊一波初動雷荒萬波瀾滅豸木偃王道正直

豎由庚書生枯瘦不任羈葛沽萬旆聲容昂摧家裏甲范家兵此事不關身手

強少年湖曲縱游梳雅觀摺疊昌谷囊爾來搜捷筆日剛豪吸不問女酒良快

摩盾鼻濯搏桑虛彎角弧調封狼短衣匹馬意慨慷請為更賦從軍章

太白本蜀產唐代子雲徒讀書康山時被服儼文儒天寶中年主德荒庸臣驕

將布四方豺虎耽耽橫道旁可憐白也空昂藏奇氣何所發悲歌與醇酒月下

花前千百栝舉栝問天天笳口一朝醉眼俛齊州裘馬輕狂汗漫游山東豈因

李白重百尺梁飛太白樓乃知名士重為人愛惜亦如名宦所至為人悅昔者

身齋詩集 卷一 十二 山西省文獻委員會印

徐景山中聖嘗履月民豐茂溢學校修朝廷有詔養清節景山之裔今有人調

停亢父政若神心誠能致年穀熟郡開圖瑞鶴頻少人焉刻諸石太白樓

頭一觴舉使君樂矣民何嘯於戲使君今代文仲翁豈能為爾涕民愛戴久斯

士坐令蠶叢鳥道寂寞無光容臥轅轅輒涕民何窮送君作郡西南中講堂石

室鬱久闕眉翳浮空翠蜀道休歌行路難益州天府今樂地江上浣花堂李

杜名齊揚名士例緣名宦顯彰明更訪青蓮鄉

漢河閒獻王君子館專歌為仙露同年賦以下五首失年

漢興蕩除挾書律如日杲杲生於東三輔邸舍廓有容砥硃金玉錯其中坦坦

大河壻神禹斯二渠獻王築館河之瀕實說禮樂敦詩書蒲輪竭來嘔夷水河

北諸儒為王起蘭陵客死緒未禁毛貫諸公盡君子君子幾凋零王功在六經

渠渠夏屋漫荒榛宵深秋艸飛亂螢螢飛猶傍獻陵陌一犁鑿破宮垣碧先生

嗜學真古人誦經寫韻恒斷斷斟酌毛鄭得其醇一壑天獎汲古勤夜來或見

烏齋詩集

卷一

十五

山西省文獻委員會印

烏齋詩集卷一終

身齋詩集卷二

平定張穆

五言律詩

春圃五兄惠盆梅賦謝 以下二首在
丁酉戊戌間

老屋黯無色江梅入座春偶然香欲動漸有蝶相親酒床局來久花欄曠未循
挑鏡青鏡裏起舞尙能神

立春日送祝屏小銅鱸與念慈賢姪

祝小屏風短臘溫木火紅未能訓夏屋聊以助冬烘驥子詩情銳虎兒才方雄
可憐飛動意垂老媿黃童

通州道中喜逢俞理初孝廉 以下二首
首戊戌

老作諸侯客箸書難療貧感君垂素髮令我倦黃塵身世扁舟隘江皋夜雨新
喜逢兼惜別蛟鱷尙橫津

身齋詩集卷二

山西省文獻委員會印

十一月淮安試院雨

淮雨連江暗霜風萬木枯竹疏雲氣氤燈定凍痕蘇瑟縮繁鄉夢艱難媿壯圖
却愁中瀆水寒殍射陽湖

苗先路同年寒燈訂韻圖 以下二首
失年月

不是羣經熟誰知正始音四聲排沈約十部法亭林俗說迷通轉精思縱繹尋
沮倉如可作應鑿夜燈心

和張曉山舍人夢中得句元韻

可能塵境外別自覓仙鄉館有夫容瑞庭餘文字香野雲無意合池水自然方
相識應嫌晚從游漫褰裳

攝山棲霞寺 以下二首
首戊戌

夙有棲霞夢今來與不孤一窠濃翠浦五粒樾松敷江色牽能遠秋情寫未蘇
風華總持筆 寺有北宋蘇
刻陳江合碑 道婉上元書 明上元三年高宗御撰
碑高正臣書 借徑借諧俗尋

苗鳥集枯山 多奇岬可佐藥
生山得名以此 無因證初地且復事東趨

題宋劉右宗十八尊者卷得晨字

此卷春圃侍郎得之於壽陽崇福寺僧卷末題云余宣和避亂流落江
左無聊信步遂詣沿江尋幽偶住白雲寺與高僧談佛法甚久喜而繪
此十八尊者以謝車輅院侍詔劉右宗識右宗爵里無考惟鄧椿畫繼
屋木舟車門所載劉宗古其蹤蹟畫法與此略合而名則誤倒且訛右
為古李申者先生又云江陰縣西青山其東南兩峰間有白雲菴志稱
宋時建與畫中所題沿江尋幽偶住白雲寺者合當係侍郎伯祖北溟
先生宰江陰時得此於縉流歸而佈施於崇福者趙璧既歸而侍郎節
院又適在北溟所治之區亦奇緣也戊戌十二月侍郎出此卷置酒屬
客題之

身齋詩集卷二

山西省文獻委員會印

象力珠函秘花光寶鏡春風煙幾消蝕頭鬢尙精神畫學徽皇粹 徽宗崇寧二
年立畫學考

多文魯史晨偶然傳破壁終定合延津實體工非易 林通
憑君什襲珍

無賴南征柔牽北邁感懷述德凡五百言留別春圃侍郎幼章太史 己亥

旅食知何底颺流齒髮昏退飛隨社燕躑躅骨歸豚河沛南來浩江淮東去渾
津樹緯電轉節仗沛雲屯材力秋茶悴羈棲夏屋尊低心研故紙恃直瀝狂言

終信金能斷全忘玉有瑕花留吳苑好體喜楚筵溫賦分甘荒野承家媿德門
聲施仍艾獵骨相奈虞翻芸仙書千秩塵劬繡幾番李姚誠克子王謝定賢孫

江霧迷英鷲庭霜折樹豈難斯餘弱息雖伏竟偷存淚漬英公竈哀深仲氏墳
那無商瞿望並斷阮修婚魚釜虛晨嬰鸚鵡付夕殮淒涼對邱嫂勉荷諸昆

病馬悲虞坂荒雞悵曉曉功名慳半芋通塞付重閣袞袞諸公貴茫茫下士奔
學知荒魯淹徑敢借文園客久餐錢耗情深舊譜悖譽爭馳豹鼠談屢墮昆侖

僅博侏儒飽難諸世俗論殘經護繇墜漏屋酌釵痕木雁憑相擇免鷺自在壘
時聞次室嘯天笑杞人捫星本元枵朗胸猶夢澤吞士羞三戰怯餽訝十饗繁
舉火重相待梯雲豈翼援瞻依寒露久嘯拂曉風喧鼎貴榮桑梓矜賢任軒
龍衝驚入洛草澤謝窺藩近市悲擠并排紛念束緼長懷叔子惠圖報季心恩
結習餘嘲謔披誠息詐諛易奇持戟朔善隱絕纓髡洞窟搜契奧榛蕪剔舊樊
應緣騰口說早合慎兜鞬高木無凡鳥坳堂起巨鯤何曾譏楊政况肯負劉琨
良訊輝文綺端居襲茫蓀從來似叩匍何止谷鶉多士競鸞翁老成徠虎賁
不憂皮相拙稍畏大車亨負矢虛前導憑船味故郵胸山尋去絡漣水究真源
鶚賦據長策驪歌豔短轅異時京國會盼注酒盈罇

失題
失年
月

凍閣雲陰迴天橫練影拖庭空飛雪舞窗靜曉寒多狂喜忙開戶頻窺漸沒過
池坳微欲凸橋腹已如餅人徑纔通埽迤山竟失峨鏗聲東郭履險酌北臺歌

鳥齋詩集 卷二

三

山西省文獻委員會印

粟貴開金穴民貧媿素純經儲積貯至計久辦啊念切秋霖寒難將夏屋羅
一時迷射的萬私頌宜禾天意須中酒吾生歎逝波杯深浮灑盞缺雜吟哦
奏記才猶短登堂禮不肯新書商賈誼古義訂祁它斟酌情初洽荒寒日易雉
亂花紛澗統峻嶺疊蓬婆僵臥袁安宅從游杖叔科空林散樓雀暮鼓咽鳴灘
屋小宜烹茗宵深感荷戈欣馳董吏奏三白兆時和

七言律詩

題胡褐公金陵勝蹟畫冊

褐公名玉昆字元潤上元人周櫟園最愛其畫冊後有方雪瓢先生跋

云余邑怡翁周先生負高才多怪少可著有荒辭園藥晚歲游金陵師
事田閒先生與褐公望衡而居晨夕過從得褐公畫最多此冊十四景
皆先生游履所至有詩有記載荒辭園藥中云云冊今歸條山農部因
何子貞同年屬題

勝蹟樓餽見六朝吟身畫筆總無慙鷺飛不度長千塔龍去空餘白下湖荒辭
園深杯酒熟田間生老墨痕銷事具詳
先生跋中雨窗頓展南游眼盼斷宣亭巨齒橋

送尹實夫年丈觀察蜀中四首

以下五首
在戊戌前

秋山點翠上行勝北宜西來路舊經賸有鬢霜驚隴吏喜饒詩豔賸家承經傳
石室漢高朕渠鑿離堯秦李冰惠績行通鸞鶴奏飛銜褒詔下瓠稜
關右循聲簡帝心仰勞溫語到園林割將寸寸瀨池色悔聽飛飛杜宇吟難秘
老材崇國枳重縈服繡潤華簪阿珍况是同清宦敢憚關河載驟駸
蜀山萬點鬱蒼蒼蜀水交流騰遠嶠萬里關河近循吏百年家世重南荒文高
治績今猶見珍貢聲名老益彰為報使星今更耀府中李邵漫推詳
循問曾叨聖主諮心存許國敢言疲傳經文度同清宦問字小同常下帷從古
籟雲須老曠至今壓水賴秦犀臨格為作殷勤送寄我華陽載道碑

鳥齋詩集 卷二

四

山西省文獻委員會印

即寄此詩索之

白虎雕雕過九關當車罕復見蠅螂孤根崛起西南徼直筆難阿政事堂傳有
詔書褒汲黯敢持正議責王祥先生著王祥論
深贊其不忠平生方儼留心畫願乞來禽鐵
數行

獻縣紀文達公故里

以下十三
首戊戌

日華宮圮經神絕紅杏園荒詩骨枯天為斯文留斷簡地逢昭代起名儒翰胸
緯畧排中壘信手文章衍大蘇日暮景成東望久童童喬木繞雲敷

舟次高郵有懷賈惠人先生

名亮采故
平定知州

塗出西州意怡然文章政績定誰先一鄉公望秦淮海秦少游
高郵人半世僧居買聞
仙偶遂不用未四十喪
妻直吏朱雲容亦肯未嘗執門下也欲官徐幹更無緣辭

送蓮西大兄歸里用春圃侍郎登君山送別元韵

魏晉注引先賢行狀環城四壁黏天水即用淮點鬼詩成泣涕漣

鄉關日日祝刀環三寸黃塵鬪客顏溫酒共憑臨水榭攜筇獨上瞰江山君山本名

瞰江邊鴻有信中芳契野鶴無心問大還我本情懷牢落甚不堪鳥語聽關關

病起書懷時蓮西傲裏將發即以奉東

莫笑使君如瓠壺半生浪迹水中鳧春風步障人難覓夜雨江皋夢易孤酒爲

尊空屢求益言因仗憐不能無用史記劉客傳語羨君早決西歸計一棹扁舟

出五湖

如皋舟中

海氣連天不可烏深宵涼雨夢吳館蘆花爭我頭先白山氣濕人衣更青南雁

卧翠沈沈浦北人回首向長亭客懷無賴渾如醉漫磨沙頭雙玉瓶

送趙君心園歸壽陽用春圃五兄韵二首時心園避兄地議非事故次章及之

藁筆拚爲王粲游南來洗眼大江流還家有夢牽鄉樹歸計無端阻石尤久義

主人事莫共老叻同坐井早從大馬得揮鉤寒濤百尺浮秋艇狎浪紛紛笑

烏齋詩集 卷二

五 山西省文獻委員會印

海鷗

山園風物近何如萬竈炊煙逼歲除卑耳塗應循老馬秋風起不爲鱸魚艱難

閱盡羞爲客骨肉恩深且讀書灑到題令原上淚墓田寒食艸新鉏先仲兄歿八年余於

昨多始獲非事有愧心因多矣

徐州試院寄懷次叔穎校射韻二

容易銷磨客子春青袍深黜陌頭塵曾經河涉江淮路拚作東西南北人詩卷

閒拋了野鶴聲名敢抗李于鱗何如射雉郊原外博得將軍一笑新

背城餘燼信危哉事去空爲南宋哀謀國驚聞良士盡奮椎新見大儒來主非

烏喙申胥憤羣有龍媒伯樂猜一紐符離竟殘局始知絳灌亦雄才

除夕雨二首

連宵寒雨莽江潯燈火家家夜漏沈心氣漸同秋鶴悵行歌懶復候蟲吟解難

強索盤中曲彈不成聲壁上琴卻莫浪言歸去樂靜巖歲事緩相侵

華落江南老客星那堪別怨倚空船春風吹鬢花如夢江月陵寒雨易成天上

闕傳司命醉人間賸有屈原醒年年好語渾難信又聽朝來賀歲聲

題蔡小石治春第二圖二首一名填詞圖

鶯夢初回綠樹枝魚心晴展碧琉璃曉風林外花千片夜雨樓頭酒一卮春去

何關才子事情多合撰女兒詞虧君不替人腸斷寫到韶光爛漫時

湯生畫筆濃如染蔡子詩心妙若花未免多情衆香國那能無恨列仙家園中

可許添春水人世應難隸少霞只有階前雙白鶴不將幽怨到雲鴉

和東萊侯瘦鶴留別元韻辛丑九月十四日

谷口今誰識子眞龐裘難煖歲寒身學從漢後多傷巧思到窮時轉自神絕筆

何緣窺妙墨東萊山中多北碑石刻杜陵無奈作詩人爲君滿載雲亭酒蕩滌東歸衣上

塵

壬寅春二月微喇六兄以事至都不數日遽歸賦此奉儀竊附淵路贈言

烏齋詩集 卷二

六 山西省文獻委員會印

之義云爾

覆雨翻雲世態忙承顏班綵樂渠央東風容易成新綠南雪艱難發古香開南

梅蕊寒正月未開也萬里應遭學鳩笑百金爭鬻不龜方歸途若遇影縷客莫漫據

懷解佩瑤

和鄭則如大理梅花元韻六首失序

骨格從君更細論試凌深雪到前邨詩心鄭重酬金谷酒客尋常倒玉尊臘有

幽香浮老樹也饒香色在衙門更誰寫得橫斜影幸是宵來月有恩用真山

二月春風桃李濃那知冰雪鬱三冬人從開後臉相覓花到寒天別有容入鏡

自能成淺暈和煙無語認孤蹤不辭爲汝千回醉流水疏籬到處逢

枝頭偶爾逗春光玉女應羞時世妝未必鼎中皆有實果然天下更無香用真

春光縱好未須爭世外蕭然氣自英漢苑徒聞誇紫蒂孤山何暇問蒼

生銅瓶歎徧香還瘦玉管吹殘酒易傾冷絕翻愁時世賞嫌他老鶴尙多情
最憐西北苦寒天遲向花前結酒緣暖氣難回空谷律凍雲欲泣上林煙瓦盆
供養偏宜火紙帳溫馨鎮好眠一例也歸潭海手京師梅花也引人清夢到梅邊
體襲芬芳夢不空由來氣韻本相通幹經百淬精神瘦雪滿千枝剪刻工蜂蝶
任來花謝後琴尊宜趁月明中料應只有楊公濟解聽仙人佩玉璫

五言絕句

蔡小石行看子二首戊戌

酒熟鷓鴣三請春深鶯一鳴萬花飛舞處回首石頭城

虎踞龍蟠地詞人俠氣多不愁無艇子檻外奈煙波

七言絕句

題吳荷屋中丞石夢詩畫冊卽用元韻二首丁酉

石畫因緣訂米家畫標高處記停車先生方以度仙人閒自有丹山格一夢蒸

鳥齋詩集 卷二

七 山西省文獻委員會印

成面面砂

詩人風兒認家家媿我頻追載酒車寄取湖州蘇長史可真礫石變靈砂蘇子題

石月屏圖有句云形似礫石變靈砂

宿遷道中二首戊戌

橫岡宛宛樹青青煙翠浮空儼畫屏滿眼雲嵐遮不住夕陽林外御詩亭永濟橋北

里許有純廟御詩亭

小雨霏微野更青湖田界出畝從橫鱸耕健婦仍簪笠喜直朝晴又晚晴湖田

稔早獲

赤沙青艸冬方涸絡馬湖頭夏不波夜靜似聞蚣蟻語秋來慣聽采珠歌

題陳淮生戶部金門宦隱圖二首辛丑四月十九日

借得鄰家樹一株隔牆分碧蔭吾廬閉門不放紅塵入何事盤均更卜居

羨君小占園林勝靜掩雙扉竹數竿料得清貧有真味雨餘新筍亦登盤

題鄒雅存先德天空息鶴遺照以下八首失年月

處士風流餘水石胎禽意態本雲霄一從鸞得新鸞後不復霜天炫羽毛
曾攬芝田養秀圖鶴雛喜又鸞新雛高尋天步平常事莫忘梅花繞舊廬

題牛師竹觀察松陰課子圖四首代祝術作

書屋一區足吟嘯藏書萬卷手鉛黃君家學脈吾能說湧碧高樓校禮堂湧碧樓見
文正師詩注牛氏之世集也次原學術得於後仲子先生者多今校禮堂集猶藏與次原書數通

比鄰尙記城南日雅奏墳篋共往還某幼侍先君官京師賃屋與師竹先生近

豈但里仁猶總角鳳宸仙更亦朱顏附牛宏

乾嘉老輩風流盡中多老輩題詠游宦中年閱歷多相對寒燈話曠昔居然兩叟

絲餅

拂雲早又鬱孫枝師竹先生三見薇欄爛漫時記取老松風骨健長留清蔭護

門楣

鳥齋詩集 卷二

八 山西省文獻委員會印

失題二首

大江東去濤聲壯長笛高樓壓晚秋爲有洞蛟潛出聽夜深虹氣貫槎頭

昨來攜得影纓客鈴語分明替戾岡何事山僧難撒手也將幽怨譜伊涼

敬案以上二卷里丁酉訖壬寅作稿數亂今分體約略編次後二卷起癸卯訖己酉作原稿依年月編次今不復分體

鳥齋詩集卷二終

烏齋詩集卷二

平定張穆

題呂堯仙編修古專文拓本

慕古情日頽俗尚皆失職異文訂斷編細款辦寶鬲金石徧甄蠟幽尋到瓦甃

盤州箸錄來世益勤翠墨浙馮聚稱夥

令六書學漢後吟獨得兀抱尙友懷官奴郡齊寂

有默契攔拾味杯棘鹿山游展折庚定宮瑛防託始漢五鳳紀年鈞魯國隸體

漸解散點畫初側趨永和八法具襍敘證無忒

爽共則古人慎作事微物有必勅肯付俗工匠戈礫莽陵機慕古不知古雖多

亦何益懿哉呂太史苦蘇親濯剔苦宵燕尾差暈留土花蝕單周嚴昔制燒專

詳近式

身齋詩集 卷二

溢一盤遠相勝矜重逾宏璧遺余最初本欣賞百朋錫劉覽拓專圖聚几來古

色壽春廉慕文

我隘古識鬼神隱呵護虛空過辟歷

述懷感舊六十韻爲老友安丘王母山先生壽

總艸出見客談論儼成人詞館舊名輩賞我氣不馴會稽舅氏行

鏡人倫講德扶根與聽倦客欠伸幼眇欣有會請辨恆斷斷賞我具夙慧汝器

天廟珍九載困鄉井凶喪了一身

露激歎不遑巡斯時意氣闊章句未肯循高心躡姬似世儒陋曠申新安亦父

行

大儒精博蘭陵荀客邸一解后過從輒頻頻跟踵偶別異相訪荒江濱

許君起日照家法交長遵親我十年長豈巨兩相因此外尙二三交際亦

云醇最後得安丘投分會許均安丘與兪許誼亦霧季親祝犁大淵獻我華文

宇屯兪君在南服馳書來相詢許君屬目擊奔懇詞激辛安丘搢老學教憤不

敢噴不傷斯文玷所傷原憲貧意異情則同氣類吾輩真兪君倏云亡白門送

歸輪

秋鴻弗我安丘時示過閒隔無兼旬自言賦性猜未能涇渭泯老年結新懽

相杖如戈獲再拜銘君賦敢復判誰診惟君六書學析理猶析薪桂氏達神信

多岐非通津段嚴稍識例大路仍芥榛契悟所開豁遠慎未敢臣學山學夫俗

導江導自岷築室始平地樓觀俄連闔粵檉根大木寸銖粟百鈞說解十四卷

研尋三十春未及倫之大已兼許之純小學貫羣籍願極君實臻所嗟海氛惡

偃蹇橫巨鱗異芒出天苑大河浩無垠彫氓罹創痛羽檄馳紛紛自乏鉛刀用

徒爲懷葛民尤慙鄭公德威望壓黃巾君年今六十盛德日開開端居殫著述

夕惕總若資行復將作吏小試膏雨郇疾惡勿太甚攝伏斯若神因其渾渾樸

達吾勉勉仁無以字斷法雅訓心所緝索居縱可歎高詣足陶甄御龍古有劉

烏齋詩集 卷二

相馬今無數久分填溝壑亦實戒風塵儻得綴殘斷備理還份份以此從君後

庶無媿薦紳祝君勵偉績老節森霜筠

題程震北 秋燈課子圖

新安侍郎今詞宗巨筆盪摩排闥風三世交情海內鮮我昔謁公方成童童蒙

未解讀書味辜負慈母宵丸熊長大歸來重相見公時顧艸蓬萊宮爲言曲江

新年少有叔英英尤文雄俗眼知羨成名早孤兒樹立非艸艸太君詩禮舊嫻

熟燈昏月落心情稿江上洲荒艸堂靜書城學海恣尋討鳴鳳輝輝五色華捷

書馳報江之涯回念寒機短檠側書聲驚夢回鄰家鄰家少姬今始嗁嚙向里

巷羣兒誇我存此語在衷曲轉益傷心鮮民酷龍蛇歲運期再周華屋山丘枉

根觸幾回痛哭黃墟掩書簡零愁嗣續

才縱橫流轉十年百患更長安閉門秋意晚涼雨瀟瀟開決明打門忽報高軒

過慰我生平鷓鴣盟開圖極覽覽未畢上有侍郎陵雲筆作詩紀實詩猶話證

以昔聞詞如一固知我公不妄語益歎太君賢無匹有子才如蘇長公請為制銘焚幽室

題廬陵王氏兩世孝錄

曾聞風云逸祥覽亦不作孝弟根性始俗何日偷薄猜防起骨肉庭堂區徑壑廬陵有義門琅邪問閣拓五世以孝聞兩代蒙楔綽父躬薛包義子醫老萊樂父申籲天謫子馴擊獸惡父邀自鳥異奇祥吳穹格子廬丙舍勞春回杖桐活更有珍泉涌峯山便澗酌宵人感至誨變行奉束約推孝及弟昆鞞鞞燦華鄂推孝及姻黨殷殷敬酬酢推孝及鄉閭烝烝化先覺孝德洽神明感通逾烝烝開修報更奢如穉秋則稷敬惟年丈人先生九循聲蔚琴鶴纏腰足艾綬贈章何藥若假歸繞墓樹權忻動鳥鵲世德庸有侯似續隆構履我讀旌孝錄請為陳其略并以詔世俗古人重天爵

為朝鮮貢使李萬船尚通題其師金秋史正所畫歲寒圖即奉簡秋史秋

鳥齋詩集 卷三

山西省文獻委員會印

史慕中朝儀徵相公之學故別署阮堂云乙巳正月二十五日

昔從徐孺子獲聞阮堂名朱氏學政蒙中國久賦阮堂於其國來樂浪秘笈耀東瀛前編補玉鑑盛業恢松庭得之皮成春來京以贈徐鈞則觀察阮堂所慕阮見之喜且驚趣付劄副氏及門校筭精原祿珍弄處選樓時高覽球校算付梓原本貯文選樓老阮屋其下箸述老愈成新著詩書古術武舊訓搜遺經古訓成一函遠相既俗耳乍馨經端蒙初客首觴客拓軒楹家仲道阮堂高弟子納琛達神京知我阮堂舊袖圖出冬榮嗟此後凋節遐隔一水盈敬以老阮書用慰阮堂情林願氏譜新梓快合并林以詩書古訓及得意與失意量鴻毛輕區區汲鄭慨如此仍然世慮櫻願回甕觚聽金石劇歌聲願張儀徵教相業鬱晴嶸

追和趙蘭友觀察歸田留別同官元韵十首二月初六日

一煨一宿見因緣仕宦相羊况有年封疆海陬良偶爾有調放言巖下自超然摩挲章綬意徐徐病鶴人猶歎不如官過邴生六百石裝餘惠子五車書

盛游定復憶承明雅好難忘書畫評自有煙霞生老腕能無感慨入詩情

潤芷江灘采摘類刮摩蕭艾不遠巡偏從文字申殊契拔識江南第一人分校

學術恢奇謝奉尋獨留惆悵在人心可須今代皆工畫為寫垂街桃李陰

落落襟懷不繫留載將美酒滿歸舟江神慣被坡仙謾為問歸田得計不

效瓠圓春秋科目喜聯縣鄉會試皆與接待琴尊亦舊緣濟世深慙成瓠落從公敢復

繞階嘉樹拂園干玉友金昆屬二難供其餘財疏仲滅瀨荒老屋杜陵寒

故里歸來信快哉廿年風物互驚猜珣琪許遂安車返將歸省墓夏初月蚌先

隨驛使來許以奉天輪蹄纔得息馳奔一室權然骨肉恩共羨家風追石奮欣承寶閣關公孫

平津侯鏡歌為呂西邨世宜作三月二十七日

鳥齋詩集 卷三

山西省文獻委員會印

西邨同安人穆曾見之陳頌兩侍御坐上鏡以建初尺度之徑七寸九

分厚二分有半骨倍之重今權二十八兩九銖強青龍紐鐵環貫之紐

上有方印繆篆不可識紐下一圓圓如月而有光右側書大漢平津侯

五字左側書元朔五年造五字文雜分篆公孫奮川故物也班書外戚

恩澤侯表載宏封侯在元朔三年乙丑鏡鑄於其後二年乃武帝即位

之十七年即宏請為博士置弟子員之年距今道光二十五年乙巳凡

千九百七十六年矣

一春苦旱天無雲小齋煥坐如枯螢忽然圓月來吾庭蕩滌塵猥生光燦二千

年前古鏡靈八閩波浪瀟瀟滄溟蛟龍疑怪溯空胎慰我幽獨開其扇中天三五

輝晶瑩鉛斑上浮水一泓往來散亂成風萍鐵環貫中制作精紀爵紀年質不

銘承相頭髮繁霜星太常再詣暮齒零一朝位業躋青冥更事緣飾尋遺經辯

雄貌麗神亭獨以慎厚回天聽偉哉東閣鳳舒翎羣賢謨議風雲生博士弟

子招以旌古人拜恩模鼎高詞大義文丁甯丞相儉節天下名莊鐫鏡背不
娉婷文成十言足儀型可憐蔡慶何平平汲公史公嘗過情西郵呂生奮泉汀
淪飲漢宋無畦町餘事藻雅析豹駢行年六十箸述成甄金訂石意態惺寶此
如璧如龜苔所至有神護輜軒博稽故實水寫瓶西漢文字發幽馨孰分孰象
辨涓涓元壽永康空浮營我初遇生御史廳骨相清曠言近誠側聞答書初殺
青岡士契愛融心形亦猶齊人推臣宏我歌何齊鐘揮楚得健乍似御風冷關
門待雨傾藏醴祝生壹德老復丁博古圖所載古鑑無紀年者翁氏兩漢金石
志收漢鑑有年號者二一為哀帝元壽元年
一為桓帝永康元
年皆遠在此後

有強以楊忠愍雁蹟題者為舉齊聞告之二首五月五日

數過容城縣裏回諫紳亭斜行爭座稿細字度人經筆挾風霜氣貌瞻河岳靈
綠知忠正士八法定然精

舟泊焦山尾尋幽試一登禪房開錦秩老筆宛枯藤聲偶椒楊合光還鼎鶴陵
鳥齋詩集 卷二 五 山西省文獻委員會印

却觀贈獄吏墨采未飛騰

自題大理石畫六月初四日

濤勢一掀山一重巒頭吸動春濤雄米家父子無此筆萬點濃翠來橫空

張仲遠大令屬題其姊婉制肆書圖

少讀儀徵書弼識北碑派魏齊尚根節晉宋俄梯稗中原戎馬際刻作仍整邁
南帖例北碑一拙一狡猶此義喻者寡世俗互疑怪吾宗宛鄰甫衙退坐吟解
峨峨天柱峯輝溢館陶界素業所獨到儀徵有鍼芥宛鄰之兄學文先生
儀徵高弟也用筆
猶用藥一例具懸解宛鄰詩行世家學事仰鑽大治共鑑輔餘韻及閨閻姊
弟儼沈澗行年今四十進德廓其隘光青題字滿搜拓足稱快精手更甞蠟琳
琅素壁挂於此滌壽危曹班說情話錄錄辨花者慎勿納其拜

古寺尋秋圖

廣甯門外天甯寺元魏太和中所建光林寺也隋仁壽中建塔明宣德

問改今名寺僧以蘇菊為業

北朝遺寺存無幾元魏光林近可尋古塔況餘仁壽字出郊何惜短長吟寒花
得酒秋增豔老樹多風葉易深愁我不工時世態畫中輸却菊盈簪

送陳頌南給事還晉江五首丙午

晉江陳給事結契稱最早相期在儒業餘事亦文藻天瓢有輪漚根實絕人表
君陳恭市編修
入第弟子也探喉極萃蕞泚筆潤窈窕能以著書才開說使羣曉好善矧若
渴微藝輒傾倒初訪我旅館周旋頗草草戊戌春頌南初訪我於太原會
館在時將南游錄勿一語而別江南
載言旋際款久愈好雁序遂弟昆過從罷中簪髮俄然大鵬翼負聲而蒼吳盛
名共奔走寰海溢頌禱名高譏應重今事昔先瞭歸田更何歡儒業期永保
何者為儒業將無事讀書讀書君以好調語庸愈乎君居瀕鯨海蓋國繁有徒
登艇簇南洋物產為空虛司農仰屋歎百畫靡一舒重以衣冠倚導民弄邪蘇
功令緣有格金錢助之驅丁此蠅蟻會豈不賴有儒儒術首博愛食貨非迂圖

舟齋詩集 卷二 六 山西省文獻委員會印

周觀前代事今因儼可扶給事羸落人無但注蟲魚候官再起用總制關之右
朝命初下日賀者額以手給事奉嚴議譏毀中彼婦朝命同日下惜者不容口
賀者與惜者意常區薄厚或為蒼生幸或為當道醜八琅瑰傑多林陳今稱首
行矣尚慎旃候官更誰偶

退之賦五楸樂天懷二馬賢達得喪閒未盡忘情者給事家不豐文字傾萃雅
況當埋輪後隆隆盛名下祇慮應之劬不慮愛者寡聘繡量所受熱血慎所灑
好善貴擇人金注不如瓦晉公謝朝紳溫國在洛社何嘗忘箴諫亦頗親壺聲
古人定勝今退則耕於野

媿無郭外田足耦沮溺耕又無面山屋弄此書兩楹浮沈京聲間鬱鬱竟何營
耳目有聞睹撫念總可驚反復殘斷稿塗抹無一成祕籍富柱下插架儼專城
在昔箸述例不計身枯榮職此人海中飄轉隨風萍風萍有聚會君去無合併
曉起炙冷硯元日謝軒纓商量淵路贈感慨有同聲元日謝軒纓商量淵路贈感慨有同聲
穆賦此五章伯厚贊善為

文以賦 行矣尚慎旃濯磨萬古名

李寄雲 侍御平谷山莊圖

李君夙昔山情耽空齋次第來煙嵐君三寫此圖有田密邇在平谷退耕謀縛

黃茅庵此意朝紳類相襲曾幾酒榼山中携李君古直不欺飾羲之誓墓宿虛

談侍御神盤山三盤幽可探山陰宛若江之南繡壤豁開流泉甘中盤北面

雄關三高唐將軍及洵河左合盤谷水素湍瀾波沿溪潭本浸潤山陰成沃

土土宜稼穡桑宜蠶定光塔頂游夢酣自來峯接天蔚藍游盤山古立中盤定

如外則平谷縣城何日致君堯舜上軒眉無復憂心悽長揖同輩抽朝簪欣見駒

馬來趨趨有奴橋車粟葛拙伯以書策琴瑟鐔卜居况近朴長老靜證不待內

乘諳我本無營適所適溪山佳處常停驂側聞盤山多奇石虬松橫亂填嶺嶺

讓堂來以前丙午手弄經目寒字函山有游記載通盤山會當從君一登

隄便與彌勒謀同龜陽泉泉聲滿耳合欲圖恐遺遺山懸程家陽泉山莊全錄

月齋詩集 卷三 七 山西省文獻委員會印

宿此 東方索米久憚煩無田不歸誠哉食用東

顧南雅畫梅為子貞題

作賦久無廣平手醉墨偶留通老花不是胸饒孤直氣酒懷何處發棧枒

題叔穎尙書近作詩卷

乍展新詩卷如聆古豔歌行閱餘感慨空外鬱嵯峨天意真難測遐心喻豈多

中旗矜獨賞深隱更如何

朝鮮李景淑時 王孫持酒船書來謁將歸索贈

多君夙契結煙霞策筆東浮使客棧景淑為副使楓岳壯游見所作

雲林勝覽魏倪家余不足憤其職也愁聽鯨海成連曲謂君師秋史先喜述龍

荒可汗牙余方一事定輸歸去樂飽看烏石早梅花昨夜夢尋烏石路山

詩人金叔度句 也見池北偶談

王蓬心山水為子貞同年題即用卷中注韓門陸被飲韻

何君論書尙北派酌波三魏造二王何君論畫絕畦疇不因工拙衡短長絛

巨軸雜奪購拔其尤者吳綾裝卷畫橫沅湘子貞云脫屣家法

陵癡黃自題峯回溪轉意結霽開拓郵容聯圖場憶從何君

初弄藏於今聲價為之昂於是空齋屋漏雨脚亂遠山

隔外迷青蒼却開此卷臥相對畫意層達雲混茫想見蓬樵初落墨閑閣凝立

孤鳳皇其山可隱流可及定有異友來子桑今我胡為瞻四方不遂不遂心符

德欲謀一醉苦塗滯欄聲放意淋精牀

方正學仁虎圖閏五月二

圖額題云洪武十三年七月台州中人晨起見有虎立於山之陽其

久不動狀頗和易旋從山下徐步緩走甚有舉止尋入雷雨之人咸

來觀都不畏避久之乃去是歲郡大穰人相賀謂仁虎之出有秋之徵

也甯海方先生希直為傳其形明年辛酉三月監察御史劉君孟藻持

月齋詩集 卷三 八 山西省文獻委員會印

圖示余因述其事秦府引禮舍人崇德程本立奉題八分書本立明史有

至德能令爪牙馴異祥詩詠騶虞仁有明洪武歲庚申門震奉天殿謹身是時

鈎黨獄方急是年春異哉化乃符睢麟台州山中衆逐虎虎若不覩來逡巡

繞市三市殊近人不威不怒諷可親自浙以西歲大熟仁虎之來容有因甯海

方子二十四云拈采筆寫其真持圖示人劉御史紀實詔後程儀賓我思孟藻

實前死孟藻之長子也傳其洪武十年授考功監丞試監察御

之誅在十三年春劉孟藻之卒當更在此前焉有至十四年 金華初謫茂江濱

異日當陞批逆鱗方子本是人中虎以虎貌虎厥德鈎吁嗟乎以虎貌虎厥德

鈎何必手寫狀麟喻

李寄雲摹黃鶴山樵聽雨樓圖

此圖藏南海吳荷屋中丞家丁酉人日程春海丈招游龍樹寺中丞出

此圖共觀穆幸獲寓目今讀寄雲琴本放惠僧寮雪霽據案披圖欣賞
時也

字勒筠清館傳黃鶴樵春竹雪姣姣用程文記聽雨瀟瀟南海歸裝涉西臺
畫筆超神恩偶相契不復事規描

孔繡山志芳青天騎白龍圖丁未三月末

最難鬱有監門策灑涕排雲訴九閭一夕甘霖平地尺秋來禾黍看登場時望

殷關以西大

繡山室人朱葆瑛助之臨曹全碑

名箋親學小蓮室夫人在曹全碑好夢難尋對嶽樓繡山詩名到處碑材堪

刻畫數行眉墨足千秋

至人行奉訓魏象伊先生即次怪石行原韻

勇傲資育舒其容齒傲餘鏗鋪其年擾擾世俗苦多妄至人一笑完吾天和光

鳥齋詩集 卷三

九 山西省文獻委員會印

不飲盜跖泉好樂不踐歌舞筵不材見棄材見斲木雁之間謀兩全木雁之間
無兩全堅肥沒世劇可憐會須踴躍太虛表棲形宇外安不齋食雲茹露有決
擇况騰捷步神山顛至人之天何獨完肯將精力隨風煙儼然游興可再鼓海
濤一曲頌成連

讀元秘書志筆書贈何顯船比部四首時顯船為余

斷硯零書購裕皇冥容不廢賈平章江南木匠加嚴飾一一標題付子昂

卜日奇書習呂才司天生併取回回孩兒那箇如孔子有詔新除待制來

元家靈城古來無統志書成亦煥乎最是洪荒西北地曾經奏取各城圖

畫工雜進唐文質裱匠添差焦慶安喜有笈書船載到秀才風味不嫌變

丙午夏頌南將歸潘公子季玉集同人餞之石安門外誠氏園穆以小恙

不至頌南詩先成一時和者甚衆季玉因續圖以承其事越一年偶見

此圖不勝懷人之感乃次而和之

帝京南郭外鬱鬱誠氏園公子脫塵袂於焉錄靈旅一觸引深綠萬荷映旭暎
意遶賓客良未恤車馬繁交際泥屨屐禮數謝遮藩咄哉名御史言歸海上村
微彼吹垢力誰能使之軒王貢行異轍淵路可無言更林樞馬芻勉聽池電噴
紛綸維經義隸古判瓜蹠賤子抱薄痾假塞不勝尊多君哉蓋豫獨我幾括坤

深涕灑唐衢風抱閩徐原天南時極目想見古處惇潭懷抱閩勃庸復歸統桓

題張受之空齋畫靜岡用東坂墨妙亭詩韵同子貞太史

受之工刻石叔未解元之從子也頃松筠庵僧聘刻楊忠愍公諫草來

京師受之介子貞以圖索題且錫兩印為摺圖前儀徵太傅為篆芝鶴

二字蓋以伏靈芝黃仙鶴相况云

密符交訂明水陵仲芳太常諫疏騰騰詞塞直揭日星彼猶狐鼠公應應稿草

流轉三百載薄楮淡墨摸有稜我昔徘徊回諫草亭初鑄半疏如鏤冰精誠有注

金石破况斯二疏神寶憑吾宗鐵筆拔西浙奏刀不恤人疑憎以意運腕才運

鳥齋詩集 卷三

十 山西省文獻委員會印

法刻石何異揮練繪手眼既到力必銳知俗華高斯能登名僧遮要此下榻松
竊客寮快得朋偶出餘力刻畫我肯效鄭燮規青藤學人萬端皆有法藝無巨
細爭傳燈叔翁古學吾所拜太傅名論吾服膺

伯讀侍御將歸桂林出其尊人韞山大令詩墨屬和即以賦別

東山定是勝西涯此去應為賦白華游賊狐臣今有廟突西津縣之魏大令守

建言嬌子久無家詩精句我有委師語大雲拿天研疑雨好句生香春在花

值中州荒殘日喟無良吏問桑麻

九日送朱伯韓侍御歸里

今代三直臣吾皆得而友聲光有顯晦致君靡薄厚道義美扶將情好相人偶

擗擗冰雪懷歲暮期永守何圖三稔間相繼釋龜紐高要以憂去抗志林壑久

笑看出山泉濺澗研巖口唐李暹服期年矣晉江以毀去園蔬摘菌藉倒屣形

方來豪強乍斂手泉人或頌南言報國總無愧蒼生亦何負獨餘索居歎風雨

罷尊酒一鶴歌在霄半姿颯斗擲以孤鶩翼蓋彼不鳴醜志申宜已達有懷
 矢將毋買楫下湘灘詩境羣圭尚蔚然文章家名字挂南斗經術嗟茫味蓬心
 缺啟肺雅音久不作響出瓦缶可憐鄉壁生竊竊珍儻帶大海水所歸衆流
 無不受介邱寶所鬱瑰奇無不有願爲訂其是兼能辨其否去留非偶然出處
 均不朽水瀉閩粵通歸轍蘇陳後咄哉素居歎增我離羣答知已平生幾頓輒
 判蹤瓜天水吾所親點勘同丹黜昨來丁大取全室持廣柳在開山伯厚明略
 謬孰相證如屋豐其赫君胡不少留爲我疑義剖或待堅木攻或資大小叩黃
 花爛在眼秋薦盛辭可人以九口記序列坐三十人起酌爲君壽贈言餘規
 勉臭味無熏齋記取犯輟期丁未歲重九

題萬年少秋江別思卷子卽用字林贈舊詩韻

此卷初歸休官程孟嘉讓堂老人爲作跋後歸蔡太僕友石年丈丁未
 冬太僕長君小石司業見穆所撰亭林年譜載有此圖出卷索題子貞

烏齋詩集 卷三 十一 山西省文獻委員會印

同年手摹一本將寘之亭林祠堂因爲書願詩於卷又依韻和之以應
 小石之屬時大寒節後二日也

最苦元黃會此身落世網側足宇宙間無地堪長往大江流日夜秋心劇森爽
 可憐大厦材斤斧橫天柱賈與僧等耳無復儒生像顧子經綸抱名字寄遐想
 流轉久吳會遲未視塵映萬子定羈落豪情代塵兩生平彼美思清淮得片壤
 風萍一朝合銅駝泣榛莽琴檠更相尋時堂快抵掌批筆寫秋清浩渺筆書祝
 咄嗟舊賓客毅魄隨變遷秋思果何許時會靖板蕩尺幅落人間名流重矜賞
 嗣宇豈吾私前車戒標榜子貞手摹此卷詩真之

魏春松成志 觀察官舫侍膳圖應錄農部屬十二月二日

兩番臘雪厚盈尺閉戶圍爐謝賓客游蹤回首溯江南涵空江水珠湖碧昔年
 兩度往復來梅花亭綠楊驛好風容易官舫春聲歸何人此景夕況是緇衣
 貳使節萬公治獄頌聲溢佳兒班綵奉朝衫阿翁健步蠟游屐十年違養頤初

白一醜澆胸色微赤船中家慶綉陔華舫外官程耀旄戟負弩鳴鉦俱等閒難
 得親顏來几席使君此樂誰能傳畫者羅聘籤黃易明筆畫冬奔分書魯峻
 姿未谷先生八分蘇齋歌詩長慶格原深閣學七古三朝名筆已駢羅吾友一
 篇尤警策同子貞圖窮媿我殿其終雪窗呼火冷研炙餅豐頓觸平生感往事
 何堪溯騰昔江淮終古長在眼愛日飛騰吁可惜

爲被珊農部題胡禍公金陵畫冊適楊子言亦以石濤畫冊屬題故牽連
 及之二十

晨起雪窗展畫讀湘水石城燦在目石濤禪學衡湘深禍公游展石城熟兀餘
 身世滄桑感鄉水鄉山同一哭昔余題詩禍公冊彈指十年丁再觀丁酉春
 冊禍公作畫妙能空誰其賞者樸園翁樸園畫難也余所見善於用筆者非惟胡三
 楊公與君性孤僻作畫如之用筆設色好繁余以實證其空鍾阜雲氣靈谷松
 插山桃葉經行處畫意盎然心目中始知空從實境出惟實則遠空則工蒼茫

烏齋詩集 卷三 十二 山西省文獻委員會印

不復辦筆墨半是胸中淚與血咫尺千里更萬里閩嶠傲裘燕臺雪人生合爲
 知己死羊左風期未云烈楊公與樸園交二十餘年相從患難不忍舍去樸園

三胡樸園及送 曼聲更誦移居詩溪山佳處唾壺缺楊公工詩不輕示人有
 其返白門等作 嗟余忍凍忘淺斟畫理禪心往復尋已爲
 之云端伯得見於虎阜我得見於忠 嗟余忍凍忘淺斟畫理禪心往復尋已爲
 山蓋非佳山水處不肯出以示人 嗟余忍凍忘淺斟畫理禪心往復尋已爲
 石濤撥吟興彷彿寘身修竹林修竹一叢石濤畫更觀禍畫二十四
 其一飛去騰追臨二十四幀莫愁湖杏花柳雲谷深松風聲響之山濤涼山觀
 方山燕子磯天閣雨花臺梅塢憑 濤邪禍邪將母同不同者貌同者心
 圖白雲洲治山魏公收一葉失去 濤邪禍邪將母同不同者貌同者心

爲楊子題石濤畫冊卽用冊中子貞書元章題巨然海野圖詩韻十二月二

遠游歸來眼界闊雲際飛濤沿木末無人山徑松聲寒夾溪樹影雨後澗一拳
 兩拳石萃拔獨載詩艇到幽絕江南山色紙上活禪心苦被畫情奪忍以俗巧
 誣造物此身久分倫胡羯寘念不復關華閱大帽芒屨志早決巖阿恐有龐公

宅天外豈無廬
放客我因愛竹吟
懷結雪屋冰天寒
研滌

月齋詩集

卷三

十三

山西省文獻委員會印

月齋詩集卷三

烏齋詩集卷四

平定張穆

丁未九日顧祠秋禊圖分韻得燕字戊申元日補作

康熙七年春是歲顧子客畿甸三徐時里居行勝倚僧院琴劍一昔雷廟兒千

載擅井亭初結詩簪竹已蒼倚宋儒書百秩唐人石一片新刻宋元字案自卷

中斷手癸卯夏何君實營繕壁鮮畫字蠅梁來定巢燕吾從何君後歲時梨椒

登登石門戶私講堂擬首善將以證實學觀或化辟曠太息浮華士憑虛事論

譏腐其雖黃吻抗我山斗面此風自何時學術又一變舊史遺塗乙鴻章恣許

選謬學薪火燔速化枵腹便吾無力拯之坐觀丹碧絢一后附顧子敬申頌藻

薦遺書所沾句功足翼箋傳治亂古今徹吏事自精鍊有時晉史籍不讓曾歐

先陶鑄歸實用肯修美服被永靖水火爭一洗裨販賤何君規模廓結識多才

彥小子意量狹交舊餘狂眉志同趣豈異穎脫利鈍見經經朱御史會此共談

烏齋詩集卷四

山西省文獻委員會印

醜因作贈行詩觸我歸田羨雙松翠拂屋闥人榮枯徧回溯顧子游又四戊申

禪相期求實事無以規為瑣

為魏筱珊題香光青山白雲書畫卷子香光自題云白雲青山見香山白

十二

青山知有兒白雲不知父來本無端來去亦無端去白雲變滅無定形雷得青

山照眼青有山定有生雲日何須更念千聲佛

題乞畫圖用子貞韵五月初八

劉彥冲畫吳西橋藏顧子山乞皆吳人也魯川屬子貞為其册首子

貞更題詩於後

何事藏弄何事乞矜賞都出世情外彥冲作意學癡迂西橋鄭重緣孽愛不然

過眼雲煙多何獨區區形瘠疥獨怪偏強顧虎頭平生不肯向人拜掃林好處

一俛首圖中喜色動顏欵馬欲成塵猶市骨龍已飛空尚留蛻友情畫癖皆絕

世氣味由來納鍼芥我生愛友如愛畫未遇其人恥解帶世間妙物必通靈吾

輩例須破意械舉觴更待小馮君讀書臨風發豪概

平生一筆不能畫論畫每超筆墨外子貞能畫亦不工大葉粗枝劇可愛人生

但貴適其適一藝纏身如病疥詣微況有平等學何事爭名要人拜羨君晨有

庭園樂雙燕巢門慈母歎幾時絮語畫堂深雨後新雛殼初蛻子貞詩來拜簡

後堂一絮此中真意畫不出徐事朱紫真拾芥我懷故巢碧萬竿君夢江天

青一帶歸耕煙雨何蕭爽談心郵谷忘機械子貞又畫吾兩人與苗先

出乞者誰無計買山還自慨

隆慶龍香御墨石綠餅應潘季玉屬

有明款事關宸鑿顯色鱗紋各異常石墨萬籤天錦繡初分諸王各

一笏晉文章晉書分牙利器乃何來回月龍香劑如見遠山螺黛妝雅好欣歸

烏齋詩集卷四

山西省文獻委員會印

潘谷手豹囊隱發幽光

乞子貞畫竹兼約晚酌用山谷謝黃斌老送墨竹詩韻六月

吾友書詩學今代更無輩勉勉策蹇驚十駕仍未逮要其獨到處吾意自能會

叩君庭陔竹喜與朔風背子貞云此竹未寥寥十數竿勁含霜節在吾有齊軌

扇銀鈎無與配其一撥鏡既未工沒骨復不愛乞君回腕筆帙出常

格外筆勢挾風雨斜整俱有態已約小馮君晚食一尊對烹羊燻藏釀副君腰

腹大

約魯川晚酌論文仍用前韻

斯文有真契不復關流輩手力偶未達勅以心力逮久之心手融妙與古人會

胸有百世量開口與俗背一勾大川具片言全體在英英小馮君吾才豈足配

可惜少年時稍遜俗憎愛邇來學力瞻見洞指受外炎窗日在頂離書功更倍

交以淡慚成一掃瘡痂態烹羊來共飽三友此晤對商量千古業請君立其大

魯川賜和拙詩獎飾溢量復次前韻酬之六月初六日

惟我實幸人猶及見名輩高言入爲主所媿躬不逮名場久謝絕冥心與古會
一義偶有獲快逾蜂搖背環顧英妙才知大有人在矧君膺門產祖德裴柳配
弓冶二百年允宜厚自愛刻意求實是樂溢語言外一事古今徹識充氣自倍
與象定無窮詞淵益多態盡解門戶縛誰敢壁壘對莊生知道者貴呼善用大

獨夜和戴筠帆十九

心情委頓欲爲雲斷夢初回夜未分悔不憊憊隨若士可能錄錄效諸君一錢
不直名山計萬感難銷誓慕文痛絕離魂逾百日不曾翻動畫羅裙

爲李寄雲題大癡江山勝覽圖用卷中唐肅詩韻二十

地可錐指海可測畫意詩情渺物色本原妙處同其波學力厚時培以息大癡
百歲萬雲煙大癡年益九年以上此卷富春帆影翠蛟泉是否曾經蜀道險十
年寫足真山川自謂云十有餘年而成此卷雲林題云扁舟奕奕江天裏時

烏齋詩集

卷四

三

山西省文獻委員會印

有巖巖插面起浮圖野店結幽深荷樵飽閑霜林美我方披髮尋隱淪主人應
念平谷雲儻對真山讀真畫共抒霞語誰能羣

追題王海門大雅撫松圖

平生歲寒心見畫亦色喜喜於根節中具有陵雲氣陶令信逸曠不流彭澤塵
飢驅三徑熟益見陶令真吾家山堂樹一一皆入畫不官復不歸泉石應吾怪
卻脫假蓋枝雖鳳巢其顛有聲諧緣綺有蔭市青甍

題汪筱珊六橋煙雨卷子三首

平江一舸即西湖咫尺清游寄畫圖贏得白頭開卷笑看山更不倩人扶筱珊時以

胸中具有元龍氣早卻朝衫理釣舟嘆我江南酒痕在幾時重問六橋秋
新圖有約訂歸耕入望雲山不斷青讀畫便教鄉夢遠一簑煙雨靖陽亭

追題蔡友石年丈春明掛別圖應小石少司成屬

印纓纓綬若若春明門外華輪錯驛亭日日送行人杖節擁塵渺雲鶴菽水原

資奉檄來鼎烹漸熟爲官樂圭田何日足千耦綵服百年能幾筭尹京丈人意
氣真誼與先子同兩辛動階足慰寒燈願小別難忘盡閱春一朝嚙指謔心動
卽曙陳情勇乞身銀鞍寶馬傾城出歎絕同朝祖帳人惟公政事號精鍊雅性
猶然墨緣擅長康厨啓足光怪玉局瀾翻筆談謙我從總角侍先子玉弁荷衣

初出見余年十一從先子爲公賦歲流光電轉廿年速顯月清齋叨論詳程在海丈每遊公

萍飄偶逐使星槎鍾阜城南一徑斜戊戌八月謁公於江甯里第白頭一笑流慈憐黃菊飛
香入絳紗歷交佳紀好瀾頌尊酒時時落畫叉展公遺圖一神往明發增我餅
齏嗟

題宋芝澗觀察與池翁庭戴筠帆手札及所作十三詩艸稿應筠帆屬存宋

始吾借榻潯懷虛論文喜得池仲魚神閒氣淑語無妄不求入時亦不殊新安

烏齋詩集

卷四

四

山西省文獻委員會印

侍郎程在爲我說此乃紅杏高門徒繼謁吾師謫仙老李栢座間拜識戴安道

掀須一笑名論作曲學媛姝態全掃我託此語聞所聞沈澹真源定可攷始知
金馬碧雞彥紅杏先生搜羅早孤寒提挈此風塵師友恩如骨肉親期以文章

致通顯卻專霖雨壽斯民選聲鍊色都有法筆妍墨妙光輪困果然兩君善承
學後先脫穎充國寶池君豹直承明久手持英箋西南走輅車一發不復回講
堂幾日成污萊循庭野學粵西從此古遺失一鳳漢廷無復尹珍來戴君天資

獨耿介垂白功名滯郎解邇來喜假惠文冠廟堂側席聞伯畫况有琳瑯味雪

句鐵石梅花契箴芥麤零縑素嗟餘幾四老四無兩不賣四老曰老僧老道老

師謫仙所服膺當年曾荷窳無憑鐔于救誠亦如此期我接手雲梯登電轉騰
馳二十載讀書讀律百無能不惟媿池尤戴臨頌冷剛讓並稱

戴筠帆味雪齋圖

惠連賦筆憶當年余少時擬謝道韞傅老胸中別有天霜紅魚腹賦大世界

荒寒憑夢到性情孤冷渺言詮梅花本是山中格詩語欣從味後圓任爾尖叉

誇絕險不能賺得子猷船

讀道園自題戴笠圖詩有會即次其韵復題煙雨歸耕圖後四首

摩霄一鶚空所依流水抱郵行轍稀竹徑春鑿新符菡萏園秋撥藥苗肥先人

清俸餘縹碧下土素懷甘藟薇記得當年耕且讀園窪深處荷鉏歸園窪陽泉北嶺名余

家齋有湖田在九曾共阿兄棲翠微老松冒石相憑依乙酉丙戌之間余宿叔書聲夜起齋魚靜

山寺春深野雉稀天屬淵譚成斷梗中年哀怨雜風緜獨餘舊日鄉園夢夢道

先生戴笠歸

憂患餘生萬慮灰良朋時為一尊開芳鄰菜把欣增饌厚祿音書憚莫裁賴有

圖書支歲月更無田壠可污萊一椽會向雷橋築為報先生載笠來余近有買田雷橋之

身齋詩集 卷四 五 山西省文獻委員會印

登臨有約節柴車水曲雲坳不用扶氣接脣霄定揣謝誠開海市孰如蘇精神

尙欲煩尻馬知愛還明到屋烏南中故友時待得行蹤徧五嶽歸來更寫壯游

圖 楠堂師側室王氏衍節詩

氏貴京人師於道光二十八年正月二十一日卒於江蘇學使署次日

氏自縊以徇年二十一

忠孝各根心義烈豈有等既用酬所天亦以完素秉煥煥貞女枝金鏡擢茗穎

幸得侍君子修服嫺以整宵征豈無僚地有二妾一秦一魯侍楠義徵省滿意結

歲疑其力策勉匪勤矣昆明師使節平江駟一舸沂江來行旅鉛華屏何圖歲

未周蓉城閩深冷江陰俗名同為斯世惜朝廷失骨鯁委義亡與亡相隔才俄

頃終古齋長恨微生付短絙抱無弱息牽烈比柏舟炳無言賤質微波瀾瀾古

井良慕苦節貞慘絕春鏡影所天苟無負素秉鬱以問由來義烈事證實在堅

猛具有忠孝材自然氣節挺後堂絲竹地我媿通造請呵茲霜雪標益懷師教

永閨門有風化文思播滓泯泯筆寫餘微丹旒聯演嶺

潘玉泉養閒艸堂圖

虞人一何勞生事日有營愚氓一何閒惓然耕鑿形我思伊呂儔豈不困衡荆

獨抱堯舜樂永捐簪紱榮淵然澗谷際道德發光瑩草木貴其輝塵鹿習其誠

偉哉至人心與物何將迎潘子挺世胃幼學流英聲鬱鬱經綸抱融結煥丹青

惟其競進恬不屑世俗爭垂天裂偶折一笑鴻毛輕閉戶人海內慘淡詩禮精

萬事溯本原根節孕芳馨譬諸大海波回風助淵淳又若渥洼駿長謝羈勒櫻

以閒證其性性誠何醜醜以閒鍊其才才調足澄清兼之湖海氣好客非近名

夷門有賢達未或遺侯嬴繫我授性拙求友媿嗚嗚墮落世網中單驢儼專城

皇天思玉我憂患今飽經自維疾疾餘刻意修太平粗餘纂述願先烈恢藏楹

身齋詩集 卷四 六 山西省文獻委員會印

謂閒則已勞謂勞竟何成潘子非我乘時為杯棬傾相對籌出處我志決歸耕

勗哉子無然大展鯤鵬程

苗先路同年寒燈訂韻圖即送游沛南九月二

河間古君子葩經少研尋獨於六義內得其不傳音清廟有大瑟空山餘斷琴

一彈復再鼓冷冷韶護心絕學溯原始才老初鈎沈又越六百載魁備出亭林

五書初印布天漢光珠參吾友勤斲學力單棹古枕十部稍恢廓七韵新酌斟

乃於江段書攻辯戈鋌森寒燈耿獨寤館樹巢文禽聲諧意彌愜一笑形謳吟

里耳苦多味無由測淵深邨谷有三友廿年占盍簪今當數載別離羣歎曷禁

小詩極妍妙雅奏饒古風時時裁寄我無忘相砥箴儼聞魯絲竹老學聖所歆

沈匏廬 河朔訪碑圖用東坡墨妙亭詩韵匏廬著在常山真石志二十四卷

隸法溯原漢諸陵東京筆勢彌飛騰峻整總沿秦篆派勁折不減秋天鴈貴從

書史證文字豈徒波磔區圭稜恆山之陽大河北荒原收馬廩寒冰殘珉斷壁

隨掣出豐碑巨福輿論憑自非肝腸足古趣俗學安得無疑憎茂堂高弟就李
彥寢饋載籍輕金繪塵蓋所位勤剔濯蒼崖薛壁視攀登上迷娘感下家蓬那
齋甄錄來古册二百五十有二種稿艸削對紫蛇藤陋鄉巖谷缺甍蠟歸懷慨
寄米園燈余獨山石碑日以資河朔循吏有吾友補亡歐趙同服膺元氏各劉

自題小樓雲亭 并序

余家陽泉山莊爲金樓雲道院元遺山詩所謂開窗納山影推枕得溪
聲者也有亭翼然高出林杪浙人張君世學榜曰臥雲先大夫及余兄
弟皆嘗讀書於此每欲易臥爲樓以先世舊題未敢輒更也茲余卜兆
京北雷家橋宜丁阜地隸昌平以圖經考之卽金章宗之駐蹕山也山
陽有樓雲嘯臺章宗嘗築亭於其上兩地嘉名適相結葺而此間峰聯
遼瀾流帶玉泉山影溪聲較之鄉郡一隅規模爲闊遠矣因擬它日結

鳥齋詩集 卷四

七

山西省文獻委員會印

茅墓田之旁顏曰小樓雲雨眺晴耕徇終老余之願詎有侈於是者
哉書此爲券并繫以詩十月立
野亭築得小樓雲種黍無錢亦可欣香山詩欲作樓雲 藪笠喜酬西塞願明余
耕田 松蘿休勒北山文翠幘畫影欄前浦玉瀑琴聲枕上聞依舊吾家好春色

輓劉某雲 傳望

長爪通眉未易才多君聽我說詩來劬書力銳知緣隙美痰春深斷舉杯某雲
以疾辭不到 白髮荒寒餘涕淚青霜窈窕足悲哀雲於 可堪手簡痕猶溼月半
手猶承 馬巖秋原已綠台

十二月初五日子貞五十初度出所藏宋芝山贈覃溪學士延年益壽瓦

當文拓本示坐客卽席用翁詩酌奉祝乾隆壬寅

惜味主人金石家子貞取許君語名 艸海蒼茫雜分象目題詩文稿 墨光山翠

爛屋壁二岳新居隘署扁得宋瑛華山碑及泰山卷二 華鍾雨韻苦辯析岑

碣熊銘入甄選有秦國楚國釋文及表 何時此瓦落君手籀筆迺遺讀回轉

吉語證成祝盤詞宋拜翁哦美意腆歲華條又七十歷東閣何郎今大衍經窺

沈酣十盞摩詞翰晴嶼百磬散怡情坐有好雲山實腹味餘古謨典聰驅壽母

慈笑新總草文孫春帖翦金閨天爵定無倫玉兆微璫早知免卜居欣展德鄰

契懋學新年敢敦勉時艱豈合耽長別身以奉養 身健還宜節宵宴不願

入圖卷多先路同年得日華館多而所最寶借者文曰君子及生是日

孔繡山韓齋把卷圖

擾擾古學徒盡讀昌黎文其枝葉耳昌黎有本根本根既茂遂枝葉奄浮雲
仁義濟胸熟經訓澤古勤何患無文章矯然出人羣笑彼擾擾者遺實采芳芬
韓齋真知韓以韓張其軍朝廷有述作努力班馬勳

鳥齋詩集 卷四

八

山西省文獻委員會印

孫芝房 編修尊人采芝圖

胡采巖芝赤暮采巖芝綠仙人餐芝如餐穀種穀愛不熟采芝無不足芝化壤
膏成美玉身輕飄舉閣風顛控引珍鶴陵飛煙可惜親顏不肯駐手把芝英淚
如注五雲照耀齋房來孝思鬱極金閨開喜循諼背吟蘭陔

戴筠帆 陸山載筆圖 四日

陸昆明縣境山也筠帆嘗修昆明縣志因寫此圖

後代郡邑志體準古國書山川綱目張豈復迷經塗人倫潛德耀亦不貴虛譽
實事既已舉文例更酌諸繁簡各有裁益損各有模一笑康武與韓朝自吟龍
門徒寥寥語助閑皇皇盛業鋪夜郎途坐大赤手障羣曠至今兩地人焚研推
南狐九能我無一敢議述作乎敬惟先朝議郡乘初肥梳稿艸削未竟哇嗔仍
荒蕪光祖初成州志考一 越今六十載誰與嗣澡佩
小子竊討論意願先志扶助寡甄采陋家貧既蠟無私居束書歎此抱何時據

258611

空谷得戴子奮筆西南隅漢池一帶水隄山十里郭風物寫入畫品藻鑿不誣
人披圖如志我讀書勝圖匠心曲有寓不關字句纖惜哉此史才斬其承明趨
嚴寒閉戶坐凍酒不盈壺開圖一神往春氣若昭蘇耿耿敬恭懷喜有君知吾

子貞七疊延年益壽瓦詩約見示依次奉酬己酉正月十一日

老貞善書得書髓甄研正行入籀篆六書既貫八法立龍自游空慕自扁當行
仍是簞子體笑君亦濫承明選憶昨從君破筆妙君言筆妙妙於轉文以別趣

境深幽畫以遠波態豐腴果然萬卷積腹筍玉色金聲定流衍惟君毓秀滋溪
鄉入掌雙珠家福哉子貞子過庭遺巨佩無煩炙研同門語必典况復西京師

決正大義觸觸蕪蕪於劉中受年丈穆也何知讀書事麟鼓風簫廷不免

稍因患難切杞憂安排風月來徐勉一身長物真無幾妙畫通靈迫歲晏余於

夕夫去古研二書此卷三中有小莊生鈞注已云巧田家瓦盆計尤善願尋煙

雨雲山約上年余與子貞同石墨璘璘壯吟卷

角齋詩集 卷四 九 山西省文獻委員會印

追懷文友三疊前韵三十

追懷文友工書者烏程精楷沈子泰與篆陳東皆從本領據心畫背泥而貌區

圓扁安丘友何媿小學宗黟山初雅稱鴻詞選不將蛇蚓疥屋壁稿艸榮

回妙牽轉日照許印摹顏真肖顏性識剛稜意精腆肅蕭先欽脚共服媚白

雲動波波涵衍衆妙兼資何道州家聲科目滋履散歌詩融會出香谷香山經

術淵通窺舊典餘錄錄從君後夜雨敲門燭頻剪欣承君友皆我友獨學自

封譏庶免靈光碩果嘅無多王後盧前失交勉爾來切抱無聞懼矜惜流光謝

游宴君壇多材綜衆長我困咫聞襟片善丹黃屹屹日又哺移燈更訂古圖卷

是日燈下校書
造法式圖二卷

二月初六日大雪曉起子貞以所題吳冠英傷春水歸帆圖來屬題子貞

凡十疊前韻矣余亦四疊奉和

破曉啟窗雪一尺中庭錯落雞鳴象玉痕化作碧潏潏送歸舟如葉扁孤帆

渺渺疑天上春水詞人更誰選可憐一藝析微茫定嬰寸丹經九轉貴從疑怪

得真隨何事規摹詫腴腴龍眠老去客囊空道子神來渴波衍多君貌我如曹

霸鶴我知君遜牛散蓉城使節擅風流謂黃羊輩學經生有儀典謂申君山

絕頂憶登陟大雪長松空翠翦已亥正月大雪中余獨登君溟海一瀝青到眼

臨泉二客幸知免君家老屋屬親兒因藝見道重規勉旋機球度拜精思君製

丈室禪鋒容曲宴謂高松約庵君歸爲問宋家兒曾否遺書寫精善宋君製

遺書余集托郡城更遇李嘉生迅寄嚴編足千卷謂陳情以上遺文一千卷其

許爲寄來

五疊前韻乞鹿牀侍郎爲寫小樓雲亭第二圖

我生初無一椽托容裏滄綠似蠟篆東坡妙想竊心醉寧極新齋幾回扁山妻

留得首邱負郭秋原遼遼選敢臨高微風雲護但懼老豎滯察轉戴侯於我

經營瘁爲寫溪山極佳腴太行北走到遠碣玉水東來帶原衍茅亭結葦顏開

角齋詩集 卷四 十 山西省文獻委員會印

豁丙舍規模徵社散梁園禪智有前矩準備添了百世典謂丁阜定見

灑不標眉坐索郭香書子貞八分裝池親看吳綾翦從來墨妙總通神夜壑移

舟竟難免將無畫格太鋪張天意持盈存諷勉瀝西屈指幾寒煥陽羨何曾一

安安我更古人百不如臥游差喜爲謀善煩君爲寫第二圖看取煙霞更舒卷

唐楊武梁祠畫像歌三月十日

任城諸武漢高閣謂字蹟有名續史家溼不彰一時纓緘誰韻韻選石寫德均旌

常更鑿石室匠作良據騰技巧端表坊壽藏久塞趙郗卿錦城又圮文翁堂朱

浮魯峻訖李剛我思不見勞相羊武家林墓非遐荒榮金吾丞班敦煌更有吳

那丞開明不同石闕相扶將畫像自宋傳武梁景伯精摹入纖芒訪古直到別

駕黃高秋促驂賁嘉祥紫雲山色鬱蔥蒼往來搜剔窮回翔豁然崩動聲礪礪

屹三石室遙相望文字多逾數百強見所未見誇鄙陽謀垂久遠示億疆遷畫

植碑通力襄更購佳木裁栝東皮碑有榭畫有廊龕以栗主線以臘椒酒一卮

神升香蠟萬錢工豐樞從此翠墨布四方書帕充饋聯車航歸然古榻其可

忘一十四翻標李唐伏戲祝誦耕農皇軒轅初始垂衣裳顯項專謹撰不狂帝

信有子聖德昌有虞遮禪似氏王桀乃乘人日借亡曾閱大孝親聖臧老萊弄

雜倚匡牀丁蘭已抱鮮民愴那渠漏載我意傷展對能無涕泗滂舊蹟灰滅梁

季珩此本初弄襄文箱押角提督兵馬章竹垞作錄到古杭花山玲瓏山館百

續償揚州至寶繼歸汪雪璣貫夫隲影幕見未嘗秋盡彫木今盛行覃翁更爲

加考詳細書銀燭神彷彿自謝金粟須彌藏册前有翁題詞云余爲此册作細

峯江秋史我懷此本更十霜滂上俊游謝不繼辛丑壬寅詞許印林在沛今乃

不歷來神京一再問之眉飛揚丹齋宵鏡未渠央探籌角雋詞鏗鏘我句未工

浮巨觥打門照眼虹月光本朝名筆萃琳瓊四代古澤溢芬芳葫蘆龍尾

注雙山房載歷松黃小鐵橋東李鏡如滄桑什襲完好無舊瘍疑有鬼神護

綠繡甄文更欲我友邱子考實請爲挈其綱今古缺試判量後百千禩何

鳥齋詩集 卷四

十一

山西省文獻委員會印

低昂精推融榻付嚴裝沿隙證辨力無厄枝榘未許嗤蠅螂簾前細雨吟風篁

扶扶墨采沛流浪我友詩成嘯鸞皇我詩寒澀嘒寒蟻平生鑿古具微長愛玩

不復羞空囊百金兀餘襟氣橫蒼茫

喬鶴儕水部買得吳伯榮中丞羅浮蝶卷子屬題卽用卷中宋芝灣觀察

韻爾來京師所稱太常仙蝶者頗往來貴人家干索酒餅非復前日之

高致矣因題此卷感慨係之六月十日

靈砂不可致神山勞夢想意質亦殊衆甘心厥施仰巢林一枝晏傲帶千金享

塵土沁肝脾性命徇虛獎院彼稚川裔角藩肯用罔文彩偶飛翻羣兒笑拍掌

故山伊可懷萬里條攸往太息京輦閒百族競浮響何事太常仙亦依人几杖

將無利祿誘老貪口腹養誰復念江湖酒船弱可槩畫稿紛四馳縱影勾吟賞

我生百不幸幸早脫羈鞅無限蛸蟻倚庭柯宵蠹蠹天南梅萬頃照眼一何廣

昨日報書來尋將蠟吾緬庚堂切有書來

八月十一日夜夢子貞夢中知其爲夢也日不可不記以詩詩成十六句

而覺復作四句足之

與君別三月何日不相思此夕忽見夢執手難爲懷秀髻出門日當君別母時

擾擾送行客我獨不勝悲感君陟屺念觸我蓄我私回頭復相慰歲臘行將歸

歸來好書卷文字光陸離鱗鱗積几案溫酒共讀之夢回月滿室詩力仍未疲

映月素紙筆寫此夢中詩

題孔繡山韓齋雅集圖次元韻九月初七日

苦寒氣逆上閉戶差自適無福入畫圖來作轅齋客韓齋備儻士麗句傾元白

翠墨富匪蠟家筒燦球壁一朝得同好解贈不復惜囊屨溢觀山遷性朗白雪

對視公爲融澤感君念我甚起廢有良策發篋搜寶刻餽勿經旬隔足抵千萬

紙爛醉花月夕

鳥齋詩集 卷四

十一

山西省文獻委員會印

陳蕩庭士樵七十壽

酒裏神仙福遺山詞醉部天如君得已多天懷不瑀琢至性耐鐫磨壅粥厨中

辦兒孫鄒下羅老饒兄弟樂觴豆雜悲歌勿齋中丞爲製

附詞

百字令題子貞手寫煙雨歸耕

空濛煙雨看圖中人貌非農非士箸述等身容易了只有鄉懷難已何遜閒情

吳生妙手吳重複爲摹此鴛湖一權故應被劾歸耳卷有崎士吟詩逸民

豪慨更倚聲春水筆下黎丘工作幻彈指即成煙市老子揮豪阿郎押角卷中

客游倦也問幾人信我山林崎士辛苦平生餘底物數卷殘書而已瓏上春朕

圖中秋老活計無逾此山堂在眼行勝打疊歸耳一笑竹垞當年長楊奏賦

負吾師田水開國風流難再覓何事行歌燕市獵聚田蕪靖陽亭古耕作吾家
事綠簑青笠淵明應說今是

百字令 退想四十一歲
小照仍用前韻

緇塵斗撒看圖中北海仍然豪士戟影蓬盧何所樂惟有耽書而已四十年頭
一掬無底淪落誰堪此蟲魚注編任人笑我痴耳 回首落日并門徵裘京國
更橫帆江水一第艱難頭早白絕倒繡文倚市晏相楹書袋師燈火自有無窮
事千秋盛業及時努力才是

百字令 題子真婦雨歸
排照仍次前韻

蔽天一笠看新圖貌出東洲居士正是杏花春雨候鄉思撩人無已決計抽簪
甘心抱繯豈肯虛裝此問君焉學鬢須小人耳 她我懸柔無家鞭牛何處
空盟心雲水九子菟裘今好在 文安內舍在長沙之九子山 竹氣如雲如市汜勝書殘儲羨
詩好都是農家事荷鋤赤足人閒真樂如是

烏齋詩集

卷四

十三

山西省文獻委員會印

百字令 題王鹿屏史部家
扁舟歸養圖

歸裝檢點歎廿年京宦依然寒士怕是阿孃穿望眼艸艸買舟行已樽酒筵空
江天帆飽快意疇如此到門一笑數莖白髮垂耳 回首人海浮沈經營升斗
佐高堂菽水母被綉章兒撰綵羨殺江邨漁市舍北花新溪南山碧都是申懷
事有人問字先生應署公是

百字令 念月世江鄉歸隱圖
仍用歸耕圖原韻

鱸魚風熟問鄉園何處悲來秋士手版乍搥歸思急賸有離情難已佳節登高
古祠送別故事原如此 去歲九日題祠秋祭為伯韓祖 贈行詩好君言今日酬
耳 送伯韓詩月
樵作最高 回首焚草雞棲看花驪避矢臣心如水便脫朝衫更野服醉
倒江天鬢市問字亭新孝廉船駛 月世長君
早登秋賦 家學千秋事算來長策一帆早挂

良是

烏齋詩集卷四終

序

庚申夏余應縣志局纂修之聘網羅鄉先達遺著張君誠齋手是編來謁曰此族伯石州公年譜先兄子善所編輯也余將墨諸版以行世敢以釐定之事爲請侗不辭僭越次其後先按年排比並增輯數十事凡四易稿而後寫有定本然先生著作等身元裔表外藩碑目諸書流落海內無從採錄且詩文雜稿凡年月未詳者概未歸入漏遺之咎知不能免尙覬當代碩彥喜讀先生書者詳悉搜羅更事修改闕者補之誤者訂之重新剞劂俾成完璧藉此譜爲引隍焉則幸矣辛酉上元日鄉後學蔡侗謹識

身齋文集

附石州年譜序

山西省文獻委員會印

280651

烏齋文集附

山右叢書初編

石州年譜

族姪張繼文編輯

鄉後學蔡伺審訂

嘉慶十年乙丑十月初九日申時生

先伯系張氏諱穆字誦風一字石州又石州石舟譜名瀛遠字蓬仙別署曰季

洩季翹惺吾烏齋詞按何通編考訂乃齋錄記敘晚號靖陽亭長州志靖陽

亭在桃水之北水經注靖陽亭故關城也今已廢山西平定州人

始祖應祥明大同廣聚倉大使

七世祖敦明陽和司訓導

六世祖金榜州學生

五世祖瑤贈奉直大夫壽州知州

高祖新濼字際盛贈奉直大夫壽州知州

烏齋文集 附石州年譜

山西省文獻委員會印

曾祖可舉字登榮國學生誥封奉政大夫泗州直隸州知州晉封朝議大夫

鄉飲大賓

祖佩芳字孫圃廩生乾隆丙子舉人丁丑聯捷進士安徽歙縣合肥縣知縣

鳳陽府壽州知州泗州直隸州知州庚寅甲午兩充江南鄉試同考官晉封

朝議大夫著希音堂集六卷翰苑集注二十四卷欽縣志二十卷黃縣志二

卷州志十卷考誤一卷公餘雜錄三十卷社倉考一卷義倉考一卷春秋世

系懿行載州志儒林宦績二門並山西通志鄉賢錄

考敦頤初名敦來字復之號曉汧優廩生嘉慶辛酉科拔貢舉人辛未進士

翰林院編修記名御史治河方略館纂修武英殿纂修文穎館纂修丙子直

省鄉試磨勘官丁丑殿試收掌官戊寅福建正主考

母王宜人繼妣李宜人

曉汧公行述原配王宜人陝西榆葭道諱凝孫先外祖細祖公女繼配李宜

人浙之山陰人外祖諱廷良寶齋先生舅氏也詞按平定州志王凝字敬一

翰林道又與公事略公諱晉字錫三別署寶齋會稽人乾隆六十年進士殿試一甲二名授編修官至倉場侍郎

長兄開通字伯啓國學生仲兄晉暹字仲明別署補卷廩膳生三兄麗暹字

叔正廩貢生平陽府訓導

希音堂集張氏族譜序余家明洪武初遷自洪洞今居廟溝及嶺西者皆是

而世系無考余七世祖萬歷間為廣聚倉大使公一子為陽和司訓導生四

字長居自楊樹次居上城三居桃坡是為余高祖四無後次房患時疫余曾

祖侍疾終焉遂山桃坡遷上城其後次房析居學門鎮余父又遷大陽泉

希音堂集陽泉山莊記余祖父以來僦居州之上城乾隆庚寅始得大陽泉

俗稱花園者亭一池一舊屋二區雜木十餘章故白氏物也余知歙縣時念

親老無所庇因購得之稍稍修葺復購他姓廢亭移置於池北隅顏曰陽泉

山莊原注山莊為金樓雲道院故址元好問遺山集有宿陽泉樓雲道院詩曰方外復方外豁然心迹清開窗納山影推枕得溪聲川路遠誰到石

烏齋文集 附石州年譜

山西省文獻委員會印

田平可耕臨林不嫌客留存錦餘錄

十一年丙寅二歲

是年曉汧公膺太平令顧公玉書之聘延主太平書院

十二年丁卯三歲

十三年戊辰四歲

十四年己巳五歲

十五年庚午六歲

祭叔正三兄文吾兩人幼同游長同塾兄豐姿玉映讀書敏悟年十歲本文尾有

四歲耳云云已能背誦周官全文不僞一字學大歐書英拔出家吾父嘗召

穆示之曰汝何日能作此書當重賞汝穆勉強奔赴卒不能及也

是年長姑歸同邑廣西藤縣知縣任君質淳之次子模靖詞按莫靖字立清莫膳生

十六年辛未七歲

是年曉泚公成進士選翰林院庶吉士

十七年壬申八歲

十八年癸酉九歲

是年訂婚同邑劉廣文濤之次女同按濤字壽川廬貢生水濤縣教諭

十九年甲戌十歲

是年夏曉泚散館授職編修

冬先伯至京師

二十年乙亥十一歲

鳥齋詩集題蔡友石春明掛別圖我從總角侍先子玉弁荷衣初出見注余年十

一從先子為公獻歲

七月丁王宜人憂

曉泚公行述持家久積勞得心疾時發時止乙亥在京寓疾又作醫藥罔效

鳥齋文集 耐石州年譜

三 山西省文獻委員會印

至七月初五日竟舍家人而逝秋府君命扶柩歸停于內寢

補菴公行述先伯逾年母避心疾兄入則調護湯藥出則血疏顛天而鮮民

無祿慈幃終拚當斯時瀛滯甫十歲父固以父而兼師兄實以兄而代母晨

而與也兄衣裳之夕而疾也兄撫摩之察其飢為市美餌憫其垢為易新服

以是失恃三年不知無母之苦也

二十一年丙子十二歲

是年曉泚公充直省鄉試磨勘官

二十二年丁丑十三歲

四月曉泚公充殿試收掌官

七月以御史記名

冬繼太母李宜人來歸

曉泚公行述母幼端靜外祖父母甚鍾愛之年十八歸府君時先母已棄養

三年矣不孝等垢褻敗絮壅塞盈筥吾母初至即為澣濯縫紉一如先母生

時

二十三年戊寅十四歲

二月曉泚公大考列二等

五月初十日曉泚公簡福建正考官副之者中書舍人陳君詩同按清題名碑錄陳詩嘉

慶己巳恩科進士賦紀恩詩三章其詩云傳來天語詔詩榮闈越星昭使

順天宛平縣人信加詳慎答京城出都車馬轉成一自注余鄉會九試一切莫特才輕閱

番精費三年刻四升遊九轉成赤水投但得有心歸實用此行誰不自注先君庚寅分設江向一瑯琊出

於服願似秋金絨度本青箱續不自俱典試閱中一筆有奇光焉劍壁胸無或見忘魚釜放防銅具瑯琊巧

六月補菴公受知於賀長齡學使補弟子員同按賀長齡字福慶進士官巡撫著有

又途次奉酬陳舍人詩一章善化人嘉慶進士官巡撫著有

耐菴文存並輯經世文編

鳥齋文集 耐石州年譜

四 山西省文獻委員會印

七月十一日曉泚公卒於浙江建德縣年四十有七

曉泚公行述行抵杭州忽感受暑風未甚也七月十一日至嚴州府建德縣

屬之大洋早晨猶送客出艙外酉刻痰涎上壅竟致不起時吾州張君去非

先大父弟子也適宰是邑親視殮含云同按平定州志張四箴字去非乾隆

家遺善飲書著異式酒卮十二種號十二杯補菴公行述戊寅之六月先大夫奉命主試福建塗出嚴州感暑風奄捐館

舍兄聞訃借伯兄滿足星奔昇柩返葬李宜人亦自京師攜瀛滯歸視葬事

冬李宜人挈先伯至京就傅

曉泚公行述吾母聞訃誓欲身殉撫膺呼天悲動一室既乃忍淚撫不孝瀛

滯而言曰汝父以兒屬我我死兒幼弱其誰屬我其姑俟之由是遂持長齋

終身不復肉食實齋先生時官倉場欲留吾母於家母以瀛讀書故從之遂

于是冬攜瀛至其官署瀛就外傳每夕歸吾母坐榻上令執卷旁誦燈昏漏

歌淚焚焚常在目也自後每聞學業有進則喜溢顏色否則惆悵日繼之
以泣曰汝父冀汝成立若荒而不學我何以見汝父於地下至今念之昏覺
此言之痛也因得受教於公所以誨諭獎進之者有逾于前

二十四年乙卯十五歲

曉汧公行述四月旋里治府君葬事九月二十六日暨顯妣王宜人安葬於
泗嶺祖塋之次

二十五年庚辰十六歲

曉汧公行述次年春寶齋先生復以書來招時楊氏妹年已及笄吾母遂并
挈入都

補菴公行述葬既畢復同奉板輿入都依莫寶齋表舅於潞河督署維時舅
方以性命之指提呼後進而吾師吳樸菴先生實館其家按吳實字樸
楚浙江蕭山人

是年夏適任氏長姑亡年二十有五

烏齋文集 附石州年譜

五

山西省文獻委員會印

道光元年辛巳十七歲

祁叔穎烏齋文集序石州少孤依母黨莫寶齋居即喜觀儒先學案言之甚

悉繼少時從友人處獲贈先伯節錄姚江王陽明集呂爾集碎紙紙山
劉子語錄祝王毓著傳汝浦黃道周傳即庚辰辛巳手鈔本也

烏齋詩集述懷感舊詩會稽舅氏行宏識鏡人倫講德扶根與聽倦客欠伸

幼眇欣有會請辨恒斷斷賞我具夙慧汝器天朝珍

二年壬午十八歲

三年癸未十九歲

是年春季姑歸介休貴州鎮甯州知州楊公文楷子煦何煦
副貢生六月先伯母

劉孺人來歸

烏齋詩集悼婦篇總角訂婚姻十九議嫁娶結髮十六載強半異居處慘君

入門始丁我家多故自注時癸
未六月也

二十一日丁李宜人愛卒年二十有四十二月二十一日合葬於祖塋之次

曉汧公行述始乙亥吾母歿不孝等依父如母父歿依母如依父也所冀兄
弟四人儻有寸進或可稍慰母心今并不獲終事吾母矣嗚乎一世孀居六
年育子婚嫁甫畢音容遽杳豈吾母至是仍不忘身殉之誓也耶

怡山李君墓志銘穆年十九奉母旋里無可考鏡輒以文謁君君為開判疑

滯刮摩潤色不因椎魯所遠也何按平定州志李曰茂字子
才別名怡山道元乙未舉人

四年甲申二十歲

是年點定翰苑集注並修改凡例數條書存中
李氏

五年乙酉二十一歲

烏齋詩集煙雨歸耕圖注是年先伯與叔正公讀書蒲臺山何按平定州志
山在州西二十
五里有石數丈盤盤古松間石上有穴深
尺許中產蒿蒲水多良不竭雨輒應故名

六年丙戌二十二歲

是年蔡學使廣慶案臨先伯入都序題未可也諸大夫皆曰賢文收入山右

烏齋文集 附石州年譜

六

山西省文獻委員會印

試讀補菴公亦以高等補增廣生何按題名碑錄蘇廣道光壬
午恩科進士北江德清縣人座右常自

題曰修身如補屋一處不密則漏

七年丁亥二十三歲

烏齋詩集悼婦篇注是年春入省肄業

八年戊子二十四歲

補厚公行述戊子科試瀛滬忝列第一而兄第三同時食廩餼三兄亦入郡

庠一門之中蒸蒸有起色矣兄獨愀然不樂謂瀛滬曰吾兄弟十年之內三

櫻重戚今雖死灰有復然之機會不得奉觴上壽一笑相樂可痛孰甚且即

以科第論先大夫執掌王事齊志以歿所有待於後人者尤非區區一衿遂

克仰酬先志言訖泣然瀛滬謹志之不敢忘

九年己丑二十五歲

祭叔正三兄文猶憶己丑歲穆與兄同讀書十柏山房兄病目楚甚中夜嘯

穆起告以所苦穆曰可奈何兄曰無可奈何但告弟知即分我楚耳時靈州李姑丈結宿於閣中聞之泣下歎曰兄弟疾痛相關乃如此由今念之誠足痛也繼按結道光戊子縣人官訓導

十年庚寅二十六歲

補菴公行述歲庚寅瀛滬以厄羸善病養疴天門山之玉皇觀兄不時來來輒為經紀其衣食六月初尙一至山齋留信宿乃去及初八日之夕漏四下矣粹有呼於觀下者驚起訊之則報兄以中風而仆環救未蘇奔歸入視見兄合目僵臥左手足已成痿痺脈之或曰熱厥也或曰陰虛傷風而經絕也病榻幢幢迄無定見瀛滬祝而簪之遇乾之同人其繇曰同人先號咷而後笑大師克相遇奉兆噉然失聲知兄之將不起也嗚呼天何奪吾兄算之速至此亟邪兄善行楷自孩幼弄筆已驚其長老稍長摹績趙松雪惟妙惟肖既以鄙其為人痛自澁滌登善清臣兩家外不屑規仿也尤憲寫書自本經

烏齋文集 附石州年譜

七

山西省文獻委員會印

以及諸子文集鈔撮等身而蠅頭細字一筆不苟瀛滬謹甄諸篋行將待孝祈之壯而授之備按趙孟頫字子昂號松雪道人湖州人本宋宗室降於元官翰林學士承旨故又稱趙承旨書法精米尤工行楷善山水人物畫遊家南宗著有松雪齋集十卷

十一年辛卯二十七歲

二月訪祁叔穎於壽陽備按山西通志祁藻字叔穎壽陽人嘉慶甲戌進士選臨吉士官至體仁閣大學士諡文端著有續韻 續韻亭集二月晦日大雪詩回頭笑問張公子本色豪端已如此注時張石州過訪信宿

九月以優行貢成均

十二年壬辰二十八歲

正月始復入都

使黔草苗先路叙余辛卯舉優貢壬辰應朝考至都同年咸集獨與何子貞

張石州以說經講小學最相得備按紹基字子貞湖南道州人道光丙申進士官編修著使黔草苗苗字仙龔廣南人

考取正白旗漢教習

烏齋文集癸巳存稿序壬辰冬理初館新城陳碩士侍郎所為校顧氏方輿紀要穆一再過之頗多請益理初賞之曰慧不難慧而能虛虛而能入為難因與訂交然理初年長於穆者倍穆禮事之等為先生不敢與齒也備按理初字正

十三年癸巳十九歲

烏齋文集程侍郎遺集序穆於癸巳之春初侍公直園情好之治久愈摯不三五日必召過飲投巾振袂談議交錯寒士之被禮者殆無與比備按程恩

烏齋文集 附石州年譜

八

山西省文獻委員會印

祁叔穎烏齋文集序及長程春海司農許其得漢學淵源既而司農見其所為文驚曰東京崔蔡之匹也蓋其學不專主一家而皆能得其精詣涉歷世故益講求經世之學於兵制農政水利海運錢法尤所究心然性剛負氣鋒穎逼人世力貴圓熟軟美欲矯之以厲俗或微諷之不恤也

續韻亭集宿張氏陽泉山莊寄石州詩末句臥雲亭畔秋風起根觸離懷到季應備按詩集自題小樓對景序余家陽泉山莊為金樓書道院有亭翼然高山林抄浙人張君世榮榜曰湖雲先大夫及余兄弟皆嘗讀書於此 是年先伯與許君印林排次會理初癸巳類稿十五卷付梓備按續韻亭印林

程春海侍郎為家薦書屋額并系以銘海雷之清郵不載海至作薦干所會通震以坎皆詰再恐恩修省乃得貝文孫識之祖誥誠

十四年甲午三十歲

秋北闈報罷留京教習

十五年乙未三十一歲

烏齋文集鏡鏡於癡題詞乙未冬初晤浣香于銀灣客館從之學算圍爐溫酒無夕或閒一日夜深月上出自製遠鏡相與窺月中宵映黑點四散作浮萍狀惟呼叫絕浣香因為說遠鏡之理旁喻曲證塵塵不竭次日復手是書見示穆讀而意之以為聞所未聞借胥錄副藏之篋行

多月先伯由京歸里

程侍郎遣集送張石州歸里五古四首

空谷隱知見北遊志所學成後火燒不乃名所創名食千載後景亦

獨覺當其困憊際如門去其角公然一第艱年富志方卓拙一且狀無亦道太發即知勤分手文錦蕊美珥西來行好語中雀鳴驚焉一經訓貴門運博覽信尤勇疑會缺入經備非博焉所施君慧沙萬卷如將登高早視劉尤斯急妙悟恒會時一二小學貫事及詞翰奏漢魏晉交成思則綺縠兼龍墨猶深近志九容與欲使四元立門水部西流聞德嘗國入一三君祖授我嚴獎誨者子姓君嚴我同講所契揮其散交誼六十載託君獨也正逸氣辭不就一書窺臥以詠記衰若多誤君去誰予詳解瓶私自喜君去誰予

烏齋文集 附石州年譜

九

山西省文獻委員會印

遊單車太行寄况乃翔風勁古屋環水石續卷帶燈紫額有郭黃羊犯雪遠相迎

撰新建關帝廟記義井鎮在平定州治西十里距吾家陽泉山莊五里吾家由義井迤西南行山如吟呀曲折深抱如奧如突戰轍所不通也義井則當孔道行人自州城出塗勢始峭登南天門俯瞰義井晨窺之烟劣際嶺半軒軒然西面之大嶺也絲是尋嶽嶺坂翻石角輞金火逆碎然一聲兩輪錯數尺許行者皆下側步棘行車軸旁晴不敢喘喘不遑息迢迢五六里天門之險乃敦越數武抵義井沙平如砥人語微譁行者至此為之一快取道出平定者例以義井為憩食之驛焉余自童時往來此間即見道旁有古廟數楹塑像叢萃漫漶不可省每春秋社村人疊鼓祈福于此歲乙未余自京師歸重過斯里則向之敗屋圯垣而峨然高而華然壯詰諸里人曰此新建關帝廟也問前塑像則曰亦裝新之祀祀于帝左問塑像誰若奚曰祀則觀縷而數曰為普陀為靈騰為龍馬神為勾漏令為三官風雨師為豐財育嬰

宰鄉人虔心敬神滅裂不敢故附諸帝左也余惟天地間無在非神之所棲也而自魏晉已下壯繆之威拉豎梓電其它自縱衡衡壤高郡下邑通澤曲

墅深凹窮谷多至恒河沙數而不可紀其人姓自墨床單至嘆咄慙慙研愚直標呀諉誣多至恒河沙數而不可紀而皆惟帝是奉惟帝是傷則神之威靈蔑有加焉者矣矧道此者山天門建瓴直下心神核得車不償驂不鞋拔險入夷倚呵僑護而俾無忒不有廟焉行人曷仰一里之中穠有祈熟有賽亭毒有穢急難有占不有廟焉衆心曷歸然則斯舉也其可緩哉廟始事于道光五年董其事者共十人或傾藏藥或募遠方經理一志無私無怠凡用金錢千有餘緡至道光十有五年落成余既獲瞻新構里人因屬為記並勒樂施姓名于板之脊

十六年丙申三十二歲

任立青墓志 孫淇道光丙申余因張揮五表兄獲交王丑石先生小集公忍

烏齋文集 附石州年譜

十

山西省文獻委員會印

堂君偕張叔正石舟輩輒來造訪情話之親久而加密於是揮五設酒果令

座客各出所藏書畫法帖刀劍圖章名墨古玩之屬相與衡量以為笑樂酒

後耳熱起舞中庭步月聯句歸座聽君說經石舟講小學規規動人致足樂

也 詞按王仁壽字丑石孫淇字左泉張琴字揮五張江建德令張去非先生之子

孫君左泉贈以寶賢堂龜視先伯舉宋坑小祝王良常墨跡為報

孫號龜舟金指人康熙壬辰進士縣官給事中著聞帖釋文考正虛舟題跋補原馬寶譜

夏復之京師以知縣歸部候選

落關樓文稿與王履軒書盡于知名之士不敢妄與投契而必求有真性情

者乃與訂交數年來僅得平定張石舟一人以此故耳

續按王大中令履軒名增補宋元學案

審定祁鶴皋太史西域釋地又校訂西陲要略四卷

詞按山西通志祁鶴皋上字鶴皋壽陽人乾隆戊戌進士由編修進中允改官戶部員外郎中嘉慶中以編纂事奉還下獄遣戍伊犁及抵戍所值松文清公為將軍待以殊禮文清纂輯西陲總統事

略延命屬稿因擬其要成
西陽要略西域釋地二書

祁叔穎西域釋地跋今年夏服闋入都乃託石舟盤訂體例付諸梓人娶略
四卷亦將續刻云

月齋文集西域釋地序西域釋地姻丈祁鶴皋先生成所著書之一也天山
南北疆域山川條分件繫考古證今簡而核矣至喀什噶爾烏什庫車之譯
名與欽定新疆識略不同者先生成書在丁卯戊辰間傳聞異詞早定簡札
非誤也巴顏喀喇山之即古昆侖也欽定河源紀略有定論矣先生以非所
身親略之而於葱嶺之南北兩支星宿海之潛源重發則縷擘焉昔人為輿
地之學者每云目驗得之是書亦猶是義爾頃者先生令子叔穎侍郎寫定
遺書先以此本開彫屬瀛為校定體例因綴數言弁諸卷首
校定安玩堂藏稿

程蘭翹學士安玩堂藏稿後跋道光十六年始校閱八月而成任其事訂其

烏齋文集 耐石州年譜

十一

山西省文獻委員會印

謬為張石舟大令即張葆圃太夫之文孫也 倘按關學士初名昌明後
更名昌期歛人中途慶甲

成進士官學士希晉堂集釋翼垣德政頌序張大父歸來幸歛
邑稚子昌明得於下車之日既入門膳飲食教誨權輿無已

校訂吳侍御奏稿 倘按壽陽縣志吳五字之璋家貧力學由進士任知縣
聲大著授廣西道監察御史憲宗即位除魏瑞龍開言路

玉應詔慷慨陳奏上嘉納又勸輔臣劉鴻訓納時增勅書詔封文壽
詞不少屈上嘆曰真誠國御史也丁父憂歸一時公私過者咸無伏日壽

今以中之一虎矣然亦由此為時所忌服闋思者思
有以中之乃外還為河南壽陽縣有奏稿十篇

烏齋文集書吳侍御奏稿後壽陽祁叔穎侍郎謀梓鄉先生吳侍御奏稿而

瀛暹任校讎之役 九月

烏齋文集落闕樓文稿序子惇以道光十五年入京師館徐星伯先生家先
生數為言其地學之精越一年乃相遇於道州何子貞同年所即承以長春
西游記金山以東釋見示并讀其落闕樓文稿此所刻前一卷是也由是往
來遂密
子惇留京師為桐城姚伯印憲總校國史地理志寓內城間旬出相訪則星

伯先生為烹羊炊餅召余共食劇談西北邊外地理以為笑樂余嘗戲謂子
惇生魚米之鄉而慕犇嗜麥南人足不越關塞而好指畫絕域山川篤精漢
學而喜說宋遠金元史可謂三反子惇聞而軒渠以為無以易也 倘按沈堯
字子惇烏

程人優貢生著落闕樓文稿刻人進德書局徐松字星伯大興
人嘉慶乙丑傳臚著唐兩京城坊考西域水道記新疆志略等書

作趙德仔玉印歌效昌谷體并序印仁和龔定菴主事家故物也 印東漢
家故物後

竹嶺又歸定菴 今歸番禺潘士成郎中玉質精白妙潤世無其比余以慮
僂尺度之高七分徑一寸劣繆篆文四日德仔妾趙 從從系趙字
內含雀頭三按漢書趙

十七年丁酉三十三歲

烏齋文集舊拓醴泉銘跋余獲見宋搨二一為南海吳荷屋中丞所藏丁酉
春酒邊匆匆一觀未暇審正後歸粵商潘氏

烏齋文集 耐石州年譜

十二

山西省文獻委員會印

烏齋文集程侍郎遺集序丁酉夏穆將歸應鄉試行有日矣公置酒相饒漏
過午拳拳不放別乃穆甫出都門公遽感暑疾久不瘳祁叔穎尚書日往省
頓之項尚以穆試事為念

撰說文答問疏證叙說文答問一篇嘉定錢曉徵先生著文載潛研堂集第
十一卷中甘泉薛均為之疏證釐成六卷薛氏纂述他無所見惟劉玉慶

齋遺稿內附有案語數條蓋亦明於小學者也此秩舊無刊本新城陳石士
先生督學浙江始刊行先生差旋以二冊相貽適黔西孝廉史君吉雲見之

惠其有裨初學而初刻體裁小遠大雅謀新制嗣余亦從與其事相與釀金
付彫越兩月工竟出首舊有甘泉訓導李溟叙外誤特甚刊去之薛氏於錢
君此著用功亦勤聲音訓話偏傍假借多有發明信詹事之功臣也然有不
可解者古人為一家之學者雖片言隻字亦甄錄不遺而薛於錢君諸書似
皆未緝檢故其所疑有明有錢說可證顧支離其詞作不解之結則於錢釋

之例稍乖也他如昌當從民形當從舟響之作哉樂之訛些子之還兮還或
作營築專臨黨氏黨本作爪此類甚夥宜采入而詳概不及是其疏也又
其中附有經世案語數條強作解事尤為淺陋以元書所有姑亦仍之許書
義蘊宏奧乍讀未易通曉學者誠由是而精羣焉觸類引伸旁通曲證於以
仰鑽古訓必有異乎俗備之拘牽者薛氏之功又曷可沒哉續校錄大昕字
陳翰林官少府著潛
研堂集等書行世

補菴公行述嘗客黎城得利氏同文之術於中西算法雅有契悟惜乎洞淵
松庭之奧瀛遠今始得聞未及與兄切究之也
又今卜道光十七年十一月二十八日葬兄涸嶺先塋之次瀛遠既幻諸兄
之契友李君怡山鑄銘于幽復據梗概述為此文以志吾痛且以貽其子
孫

澂欲亭集寶賢堂龜祝歌為張石州作龜書世莫龜龜下腹已久借說有墨
不從食更尼廿向泥塗走元精萬古

鳥齋文集

附石州年譜

十三

山西省文獻委員會印

一見石齋文集依然見奇偶強作祝田已失職况命龍尾嘲牛後關關皆王孫
來其與守世間俗書退委難委難委難委難委難委難委難委難委難委難委難
手君看安夫開然乃入戶乘日無怪笑日無怪笑日無怪笑日無怪笑日無怪笑
酒送君鄉侯登無文字年字金玉堂新陳陳陳陳陳陳陳陳陳陳陳陳陳陳陳
君不見鳳皇
蘇麟在郊數

程侍郎遺集晉靖王寶賢堂祝贊為石州作辨賦首印不辦賦足於然
元之極清事賢郎拜以密河張宿寶其出甲子五光今再見天日

是年詩有人日春海年文約借蔡友石年丈吳荷屋中丞梅伯言郎中同游
海王邨因阻雪不果乃移尊龍樹院登高賞雪譔譔竟日月午方歸詩以紀

之凡四十韻同按葉世松字友石上元人嘉慶辛未進士吳榮光字荷扇
午進士官戶部郎中古文學純淵詩三百年前物前物前物前物前物前物
餘客話京城南舊有龍爪文學純淵詩三百年前物前物前物前物前物前物
六向飲龍爪白下填詞此地亦名流履與所常到也龍樹院常即指此

寶賢堂龜祝詩五古并序祝明世子奇源寶賢堂故物也以慮僂尺準之厚
三寸博八分長尺有一寸強制肖龜形脩文一綫塵絡如此世子堯祝實殉
之後遭伐掘復出人間郡文學董君士達得之於晉陽老人隨珠和璧不翅
也頃歲不熟董君以三十緡質諸孫君左泉左泉稔余嗜祝遂舉相贈余亦
以宋坑小祝及王良常墨蹟為報祝舊無篆代晉府圖書絲襪亦不可得其
始末惟考世子以宏治十四年薨余以道光十六年得之其可知者已三百
三十有六年矣夫以世子之賢之力而不能終享一祝余又敢堅執以為已
有邪人生既好取供數十年自娛足矣過眼雲煙何足計哉爰鑄銘積而曰
元運環周玉靈不朽寶賢堂傾秋草平人生安得如汝壽并賦此詩觀當代
著作家屬而和之越一歲上元鳥齋居士記鈴鐵鑿山翠淵淵鹿羊根盤膚
出子石形模何渾渾一綫絡背腹宛宛脩蛇盤巧匠神悟開球宵龜跌踰列
宿應元武神物歸高閣世子富金石博雅過王說供入寶賢堂欣契忘朝昏

鳥齋文集 附石州年譜

十四

山西省文獻委員會印

老祝得巨賞氣象為之尊謂當酬知己萬古殉王孫青陵被麥金椎隱其
麒山鬼懾賊忍眼目鞠荒榛玉盤鬱復出象齒慘被焚神物委路旁倏忽瓦
顛鄰老人措病翳拾歸囊書幡流落難可慰真靈世無存我生但擬慧訪古
雙足蹙此事洞本末乃聞諸董君董君不能寶麟益斷晨殮貫汝謀復活太
息手屢捫慨抗孫居士達識信眇倫至寶不自私取人仍予人喜心生感激
投報矢弗諉半生困筆祝抱璞聲暗吞簞尹不我謀錯磨輪蹄奔石又不能
言詎勞災楚焯聊用皮短几蛇蚓難蠅蠅萬事等雲煙變滅豈有痕結習難
破除策勳望卿雲

題胡禍公金陵勝蹟畫冊方雪瓢先生跋云余邑怡翁周先生負高才多怪
少可著有荒蕪園藥晚歲游金陵師事田圃先生與禍公望衡而居晨夕過
從得禍公畫最多此冊二十四景皆先生游履所至有詩有記載荒蕪園藥
中云云

十八年戊戌三十四歲

身齋詩集注戊戌春頌南初訪我於太原會館穆時將南游匆匆一談而別

同按陳慶輝字爾爾晉江人道光壬辰進士官御史

身齋文集程侍郎遺集序次年穆將南游迂道入京師哭公子儀孝廉以遺

稿相授塗乙潦草首尾多不完或篇題殘脫乙酉以前之作竟無一字存疑

公尚有清本藏之別笥子儀未檢獲也 同按詩集注侍郎歿未幾子儀孝廉繼亡遺孤甫四齡惻惻可念

願譜注先生手蹟向藏修來先生家頃歸湖北荊宜施道陶君樑所穆于戊

戌春獲觀錄副存之 同按願譜康熙四年與願修來光敏訂交注修來一字遜由曲阜人康熙丁未進士官吏部考工司郎中著有

集樂圖

八月謁蔡友石於江甯里第

身齋文集癸巳存稿序歲戊戌以公車在都穆自西來將南游暫事羈縻與

朝夕見殆將百日始別去而理初留滯會邸至十月乃南歸復相遇於秦州

身齋文集

附石州年譜

十五

山西省文獻委員會印

道中因與偕謁祁叔穎學使學使厚休之約其春初復來

冬讓祭任太素先生文 繼按平定州志任質滔字太素號魯莊乾隆壬子解元官廣西藤縣知縣著四書句解諸經要節諸子會

書抄等

閩譜題詞憶戊戌冬襄校淮安見閩氏之應試者尙多遺容志傳必世守焉

不可當吾世而失之也屬同年何子貞編修致書學使者張筱浦侍郎行文

淮安學官向閩氏後人索之越數月得學使復書則復申所撰行述世宗憲

皇帝祭文輓詩歸然俱在意潛邱之靈實默相焉為之意愜者累日 同按閩

宗祭文雜錄四十有三年歲次甲申六月朔己巳越十有七日乙酉泉中

子多顯貝勒以剛柔毛之莫致祭於召試博學鴻詞待徵仕郎內閣中

書舍人百詩閣老先生之靈曰嗚呼聖有四教天有六經三才五文治益

明自古在昔賢聖代生則幽顯顯則華含矣愛至我朝登三載五文治益

進越千古詩閣老先生之靈曰嗚呼聖有四教天有六經三才五文治益

世亦衣冠而朝賜賜賜賜賜賜賜賜賜賜賜賜賜賜賜賜賜賜賜賜賜賜賜

下筆吐辭天驚石破體有可徵畫一字無瑕袖盈袖日課月課孔恩同情

深言大書入館院厄於有可徵畫一字無瑕袖盈袖日課月課孔恩同情

杜門名山水期縉紳士夫東西造請小子後生執事守屏謹日以

安車之迎懷給與藥我舊城方國久習用禮樂先後君存秋昭揚杜

呼先生之遺德名壽詩紀毛書詩飲呼先生庶幾同論維是海濱與

長吾容莫接陳體筆榮芳甘嗎呼先生庶幾同論維是海濱與

神魯魚猶辨雜帶鉅力履身已先松人夢因絕嗣匡上星羅子宅謝

風清地遠紅表惟淮北海碑前綠槐開一瓦卷畫惟子那堪三千里

儒英并大年先生白髮已蕭然初疑瘦骨全符鶴與韓門籍是傳

蕭字復補陝西巡撫平陸文毅乙未

臘八日由江陰使署寄諸兄書略云弟婦於十二月十五日竟爾殞謝不能

無愉於懷前禹東何來言大病之後忽然大愈弟知其非佳兆但口不願言

耳幸尙無子女之累差少葛藤一切衣棺聞大兄俱借立青揮五諸兄安置

妥貼少婦新亡萬無久停在室之理而弟又急切不能旋里弟意百日內外

身齋文集

附石州年譜

十六

山西省文獻委員會印

必即安厝凡親友俱不驚動有送禮者香紙則領錢帛則璧概不受弔擇定

葬期即日發引前我籌之弟另有書致之其感激之忱則非筆所能宣矣凡

此者弟非儉於亡者亦非矯情干譽實揆之於禮只合如此禮得則心安弟

心安則亡者之心亦安矣夢松弟天性明厚亦必不我責也 同按劉夢松字

綬欲亭集寄園雨坐呈蓮西詩有人生聚散如搏沙舊雨乃在江之涯 自注

初和石州城南登舟詩有客燕賓鴻數往還 自注 又

次和石州城南登舟詩 其首云遠遊何幸得同聲放棹中流自在行陶

林外燭輝任灑灑且擬從君 又戲和石州結督詩又雨泊鎮江西門外石

州與家兄酬唱竟夜情詞拳然次和有塞鴻來有信句 自注 又石州

答送盈梅次和 又立春日紫微庭小集分韻得書字呈張石州并幕中諸

君子有候誰稱孝友與我共菑畬局

是年詩有過紀文達公故里七律

同按記的河間獻縣人字曉嵐乾隆進士官至協辦大學士真徵華籍秀通百家修

四庫全書附錄第廿四行燈錄每書悉作提要冠諸簡首卒驗文通

漫河道中七古

縣城

舟次高郵有懷賈惠人先生七律

同按平定州志賈亮采字惠人高郵州人官平定州知州五月下旬初

抵江陰春圃侍郎邀偕同幕諸君游君山晚讌存雪亭即送許蓮西大令歸

里五古

同按江陰通志存與與列仙對峙亭下梅六株姚秋農先生補題存

至有政蹟生平博涉典籍怡情詩酒為文下筆立就尤長于駢體有初唐風

格性脫俗不立崖岸故後進皆樂就之即文亦不復就生曾出其門下著述甚夥小丁卯橋詩文集已刻行世

送蓮西歸里用春圃侍郎登君山送別元韵七律

病起書懷時蓮西似裝將發即以奉柬七律

妙相禪林五古

寺在江甯城西寺

報恩寺塔七古

同按江西通志報恩寺在江西吳縣治北偶本吳通元寺廣改開元寺吳越為報恩寺今稱北寺中有淨觀稱北寺塔

烏齋文集 附石州年譜

十七

山西省文獻委員會印

四松菴七古

原注菴側陶雲汀建僧陰書院中背

秋蓬坐兩次漁莊韻五古

同按漁莊名采菴叔穎尚書三兄也

隨園七古

本隨氏之園故得之始改名隨園今已廢

留贈紫琅試院古桑並懷祁六太史幼章七古

同按山西通志祁宿藻字幼章文端公也道光戊戌進

士官江甯布政使時專匪亂流東下直過會城公為守禦具盡夜部署

至廢暇食憤鬱成疾及賊至力起登陴急調血數升屢絕仆地昇歸遂卒贈

攝山樓霞寺五律

同按山多樂草可以滋生因名南史明僧紹傳僧紹明齊

高帝欲見之遙遊攝山建樓霞寺居之

送趙君心園歸壽陽用春圃五兄韵七律

同按趙君正字必園壽陽人時

蔡小石行看字五言二首

同按小石名宗茂世松太僕之子也道光癸巳進士官司

京口行七古

通州道中喜逢俞理初孝廉五律

題湯雨生將軍貽汾太夫人險巖圖斷叙詩二章湯雨生將軍母楊太夫人

作也叙為太夫人尊人所賜時從宦昆明年十四嘉慶甲子多雨生先生官

揚州奉太夫人寓居瓊花觀一夕叙斷而成此詩太夫人春秋五十有三距

賜叙時三十九年矣太夫人生平所為詩甚富自其舅與夫殉節海外遂取

舊稿盡畀祝融豈期垂暮之年重抱思親之痛長言詠歎有不自知其所以

然者雨生先生撥拾零章繪圖徵和而吾宗沅蘭夫人點染工妙翻陳出新

可謂兩美適合唱子和鳴矣予既錄原詩附諸圖後并識其顛末如右

汾字雨生武進人官副將詩畫俱為三絕晚寄寓江

淮安試院雨五律

十一月二十九日渡廣陵江阻風偕同人登浮玉絕頂五古

同按釋通之類

名浮玉因裴頡號江際

題劉右宗十八尊者卷并序此卷春圃侍郎得之於壽陽崇福寺僧卷未題

烏齋文集 附石州年譜

十八

山西省文獻委員會印

云余宜和避亂流落江左無聊信步遂詣沿江尋幽偶住白雲寺與高僧談

佛法甚久喜而繪此十八尊者以謝車格院待詔劉右宗識右宗爵里無考

惟鄧椿畫繼屋木舟車門所載劉宗古其蹤蹟畫法與此吻合而名則誤倒

且訛右為古李申者先生又云江陰縣西青山其東南兩峰間有白雲菴志

稱宋時建與畫中所題沿江尋幽偶住白雲寺者合當係侍郎伯祖北溟先

生宰江陰時得此於縑流而佈施於崇福者趙璧既歸而侍郎節院又適

在北溟所治之區亦奇緣也戊戌冬侍郎出此卷屬客題之

同按李北溟字

春圃五兄惠盆梅賦謝五律

悼婦篇五古

除夕雨七五

十九年己亥三十五歲

正月大雪中登君山絕頂拾松枝煮酒而飲

著俄羅斯補輯一卷 按補輯初收於北俄彙編又收於朔方備乘並經世文續編後檢備乘中又收身書筆記一卷亦先伯著也

烏齋文集俄羅斯事補輯餘君正變著俄羅斯事輯頗末縷詳瀛滬讀而

嘉之既得文清公松筠綬服紀略圖詩注載西北兩邊情形頗悉其述俄羅

斯事有足補俞君之闕者因條列而文綴之著於篇蓋文清駐節庫倫經紀

通市事閱八年聞見既真紀錄自備矣題曰補輯凡俞君所已詳者不復徵

也 按松筠字相補姓瑪拉氏蒙古正藍旗人嘉慶進士官至大學士諡文清著綬服紀略西伯利亞紀略西伯利亞紀略等書

烏齋文集癸巳存稿序己亥正月理初果相訪於江陰未市月余隨輶車北

渡歷試徐海諸郡遂由淮安入都

郝叔穎烏齋文集序歲己亥應順天鄉試攜瓶酒入監搜者呵曰去酒石州

輒飲盡而揮棄其餘灑監者怒命悉索之破筆硯毀衣被無所得石州捫腹

烏齋文集 附石州年譜 十九 山西省文獻委員會印

曰是中便便經筵若輩豈能搜耶監者益怒乃撫筆囊中片紙有字一行謾

曰此懷挾也送刑部讞曰其枉然竟坐擯斥不復得應試於是僑居宣武城

南閉戶著書益肆力於古玩文達公見其撰述歎為天下奇作 按元字伯元號雲巖

歲徵人乾隆進士官至禮部主事歷官中外所至以提倡學術自任在史館倡修儒林傳在學政學海堂任浙政誌經精舍又校刊十三經注疏於刻學海堂經解等書以翰學者所著曰翠經室集卒諡文達

烏齋詩集述懷感舊詩祝聖大淵獻我華文字屯愈君在南服馳書來相詢

許君屬目擊奔想詞激辛安邱隘老學敢憤不敢噴不傷斯文玷所傷原憲

貧意異情則同氣類吾輩真

九月為祁漁莊序鋤經草堂詩草

畿欲亭集海州五首送張石州入都 其三云大海口東下海何時旋坐命

五色鮮世人不能識名之曰鳳焉魯門鐘鼓多安居避不前華山無竹實孤桐私自憐則分精寧邸下視鳳垂天一飽豈亦和鳴良獨難燕尾亦不借

所惜無

是年詩有正月三江日陰大雪登樓曉望七古

留別春圃侍郎幼章太史五排律

徐州試院寄懷次叔穎校射韻七律

海州試院臨發奉酬同視諸君五古

送許印林歸日照七古

二十年庚子三十六歲

繼伯母趙孺人來歸

行述趙恭毅公孫東河縣丞學彭公女贊善振祚公妹也 按趙中翁字侯補東河縣丞振祚字伯厚道光乙未進士官授贊善改籍宛平

是年春寫就玉局心機一冊付梓行世後附黃石齋跋一通

二月先伯叔正至都

夏愈理初卒於金陵惜陰書屋

烏齋文集 附石州年譜 二十 山西省文獻委員會印

冬沈子惇卒於京師

烏齋文集落韻樓文稿序越四年而子惇遭癘疾卒于會邸時子貞扶文安

公柩歸里穆朝夕守護醫藥比視含飲殯棺野寺哭奠成禮乃去 又庚子

十月忽手錄所撰漳南滌北諸水考見貽其意懇懇然若有所諄屬者未及

一月而子惇病且死矣垂効猶力疾檢施北硯遺山詩箋初印本相付北硯

者烏城老儒熟於金元掌故子惇所嘗從問業也

癸巳存稿序其年冬學使還朝余假得存稿副本

撰公祭栗恭勤公毓美文 按山西通志栗毓美字友梅部州人嘉慶六年以拔貢生官河南知縣歷升至東河總督卒諡恭勤

是年詩有送三兄還里五古

吳誦芬舍人齋中觀菊七古

三十一年辛丑三十七歲

著魏延昌地形志

烏齋文集延昌地形志序穆初讀水經注即謀博徵典籍撰為義疏黔俞君理初教之曰是當先治地形志取而讀之苦其蕪亂大與徐丈星伯嘗扣以收志分卷之由亦茫無以對單心鉤稽退寫為圖圖成始恍然曰此非北魏之志也而自來談拓跋疆域者率以是志斟其里到遇有收所失載之郡縣若建陽長松之類輒以為後人屬亂慎矣於是更事排纂勒為此志

著水經注表

烏齋文集復徐松齋中丞書論恒河即安額河雷翁海即鹹海亦於拙著水經注表有關當即撥入做帚之中編按徐翁字松齋五台人嘉慶丙戌進士官至福建巡撫著海國圖志

八月先伯從永樂大典十二先元字韻中寫出元朝秘史譯文十五卷

烏齋文集元朝秘史譯文鈔本題詞永樂大典十二先元字韻中載元朝秘史一部八冊十五卷不詳誤人名氏其卷次亦大典約為區分本書蓋都為

烏齋文集

附石州年譜

二十一

山西省文獻委員會印

一秩也每段前列蒙古語附以譯文此所鈔者其譯文也外間更無傳本錢竹汀詹事元史氏族表首所列蒙古諸姓全據此書而不著書名聞徐丈星伯云程春廬京承曾手錄一通於所著元史西北地理考中妻引之今地理考為人竊去所鈔秘史亦遂不可蹤跡穆於辛丑之秋幸緣守藏吏獲觀寶笈爰假寓功臣館遂寫數種以出秘史亦其一云

又畫元經世大典西北地圖

圖譜注穆於辛丑七月從永樂大典畫出元經世大典西北地圖以論魏君

默深刻入所輯海國圖志同按魏君字默深邵陽人道光進士官高郵州知州所著有海國圖志魏武記等書

是年先兄孝蘭生

十二月二十二日為閩軍事與郝叔穎樞密書叔穎五兄尙書閣下一昨於相識處得浙士獻潤峯將軍書一通即攜稿來奉閱書意曲折盡勢計慮亦似周密不知將軍曾采納否出師已閱四月攻勦之計未聞想此生言亦未

必售也近來詣闕獻書者紛然各竭其愚以應聖人之求聖度淵深誠未敢

仰測竊揣當軸者早目笑置之也天下大矣庸必無其敬王猛其人出為世用但恐酒美輻高如韓子所譏耳今日下詔明日必有應詔之人其應者必擁彘曲拳而可笑如此吾六輩後逆料天下人才不過如是來即揮之揮不數人其不才者固不來其才者亦竟不來即來亦毅然揮之不顧矣何則不揮者其勉強而揮者其所習慣也以求始以揮終昌言于衆曰天下無才誰敢執其咎然而天下士何堪如此敗壞也夫今日獻書之人未知果志切同仇邪抑欲於利祿邪志切同仇者尙矣彼欲於利祿亦惟若某輩可從而議其後耳國之大臣不當以此責天下士也即如今日軍前所調之官有人人知其庸錄無能不足供驅策者而朝廷皆如所請與之豈不以杜庸才倖進恐并真才自靖之路而杜絕之哉十月後挾策以進者不一人自一張鴻發交將軍外其餘皆置不報前日閩生之來也衝寒歷險間關六七千里僅蒙

烏齋文集

附石州年譜

二十一

山西省文獻委員會印

傳諭釋放免其看押夫使此生不要憲網不遭寇燹亦安往不得其貧賦乃甘受看押之辱更邀釋放之恩哉某非謂閩生之策必有可采惟念凡類此者皆宜詳其然否究其蹤蹟明發給言分別處置俾人知聖天子求才既切旌別又嚴庶幾真才漸出出亦有為世用之望焉嘗見今代御史論事有洞達事理通知體要者亦有塗附舊例毛舉細故者其言雖然不一上皆悅可其奏特旨報聞是以每有敷陳未甘緘默鄙意獻書一節宜畧推此意待之昨因讀浙士書有感於中惟閣下相愛之深遂以奉告舊疾奉發不克詣談謹遺書以聞貴其狂瞽而進教之幸甚千萬

烏齋詩集武梁祠畫像歌注許印林在姊甯以書相招不果往是年詩有題

陳淮生金門宦隱圖七絕同按陳蘭字淮生順州人守澤州之子時官比部後出守澤州

題勞介甫霜林覓句圖七古原注介甫名勗成李村巡檢時駐葛沽營

和東萊侯瘦鶴留別元韻七律

疏證諸書排次歲月為潛邱年譜將以詒吾鄉後進興起其嚮學之心討論
月餘稿草擄具是年秋南游江淮過山陽訪丁儉卿舍人訊以潛邱遺事儉
卿出所著山陽詩徵柘塘隱錄見示頗多采獲漢陽劉淑雲學正見之為修
改十餘條葉潤臣舍人好為詩凡國初人集有與潛邱相涉者輒來相告增
補加密矣泊交光澤何願船比部復以此譜相誘願船為析疑彌罅又不下
數十事於是壽陽祁尚書嘉其用力之勤欲遂墨諸版與願譜並行云云

丁晏字儉卿山陽人官內閣中書著禹貢集釋三卷附注正誤一卷尚書
餘論一卷儀禮釋注二卷孝經述注一卷子史粹言山陽詩徵柘塘隱錄劉
傳登字致雲漢陽人道光己亥舉人官國子監學正著孟子要略葉名微字
潤臣漢陽人官中書舍人著橋西雜記何秋濤字顯船光澤人道光進士官
刑部主事精西北地理著有朔
方備乘及一覽精舍甲部稿

號季子白盤文跋此盤與焦山無專鼎皆周宣王時物也無專鼎云惟九月
既望甲戌甘泉老友羅君次球以四分周術推得為宣王十六年己丑之九
月十七日癸卯秋穆南遊邗上出此盤相證更以次球之術演之盤出陝西

烏齋文集 附石州年譜

二十五

山西省文獻委員會印

鳳翔縣重令權四百七十八斤銘鑄於腹四隅有環自古重器若是之鉅者

蓋趁陽湖徐燮鈞令關中購得之今載歸金陵矣

書法編記

四月代陳給諫頌南撰刻琦善奕經文蔚疏

按疏刻入浪迹叢談第三卷
同按琦善奕經文蔚疏

月御史陳慶鏞奏琦善等三人起用為刑貴失措無以服民帝怒其
敢直充官命琦善奕經文蔚等革職即令閉門思過以昭賞罰之平

烏齋文集與直隸某方伯書頃迂道晉謁感承拂拭深談之下輒思妄有所

陳竊惟今日因籌備之術思為反本之論一二賢達願以繼輔水利為言而

水利之興先須請帑國用支絀議必不行不行則亦徒為美談而已穆以為

未議水利先須去水害水害去即水利也去水害之要昔人收攝野潦俾有

所歸二語足以盡之即收攝野潦之法亦非議疏議築未能奏功盡善則姑

請就其簡易者而試行之莫若通飭沿驛州縣於大道兩旁逼近民田者浚

溝補樹移土塗此有乾隆間孫文定方恪敏成案可循且舊渠尙未淤沒并

非新起鑪爐夫亦水利之一端所謂未能快其匄鬲且先利其咽喉也昨過

定興見新任縣令於邑之名人古蹟各刻一石表之道旁穆雖未知其人信

能通曉吏事及實心為民與否要其好名好事則無疑也責以此事則定興

一縣之路溝修矣直隸一省料如此州縣尙不乏人上游果擇而任之優加

獎勵乘此三時之暇可以不日而觀厥成其有益民田水利實非小補水有

所歸不至害稼利一夏秋間行旅不為水阻利二車馬不能繞越蹂躪禾苗

利三伏莽之盜多匿影田中溝之寬者可制其竊發利四蝗蝻或生易於捕

埋利五其浚之也即以木田之民完其本段之工必樂趣事稍有攤派為費

亦少故愚謂此事尙可行也倚裝草草未及條議其詳憶經世文編水利門

內載有數文檢閱而放行之正不踈穆之闕繆也冒昧之愆尙祈鑒宥不宣

九月至揚州親造文選樓下訪郎注翰苑集古本

謁阮芸臺相國於邗上相國贈聯云講學是非求實事讀書愚知在虛心先

烏齋文集 附石州年譜

二十六

山西省文獻委員會印

伯書二語於座右以自箴

撰恭祭祁恭恪公文

刑部尚書英吏之役命督兩粵當是時夷船已陷虎門毀沙州勢張

甚其當義律接及三元里民奮起與賊鏖其帥數百頃知粵民之可用也

沿海諸邑結為團與人制科分爲五日報復不日論議之旋卒於粵

跋竟甯雁足鐙銘

歲杪奉到阮芸臺相國手書並撰延昌地形志序

是年詩有題呂堯仙編修古專文拓本

又述懷感舊六十韻為老友安邱王貫山先生壽

六書著行說文解字釋例二十卷說文句讀三

二十四年甲辰四十歲

月齋文集復阮芸臺相國書相國太老夫子閣下穆夙攬鴻文心儀古學積
思願見者垂二十年雖久承獎借曲荷招徠終以潢潦細流難語河海之大
望門卻步誠自量也客秋維舟邗上手數秩之鄙言梯良訊以請見區區之
懷止覬一通名氏得接芳輝酬私淑之願而已何圖攝光舉重妻命升堂巨
集函書分頒重疊比諸家令之謁伏生中郎之接王粲以古况今幾欲過之
穆慶鹿之性本憚冠裾狼因朋友從與抱關薄游淮浦性資迂直不工呢人
故所如既多不合頃復爲部員援案相繩其議竟格藉臧君之善沮畢虞氏
之箸書既我良多於人何怨况復假此因緣親聆指授益堅其生平學古之
念南游之量飽滿無餘所得不既多邪歲杪從子貞太史處奉到手書并賜
撰延昌地形志序一得之愚信心實難及經拈出輒用自詔只此一端已足
千古人間美福不可多占也穆年交四十正斐然有作之時此後歲月足珍
誓當於飢寒燕萃之中勉圖樹立副函丈期望之雅少作經生頗有所述而
烏齋文集 附石州年譜 二十七 山西省文獻委員會印

風馬屏幃來臨庶幾學海儒林精神不朽尙饗 何按徐講慈仁寺在廣東門
大街順曰大明園慈仁寺
黃文節公書太白憶舊游詩跋右山谷草書太白詩真蹟爲故錫山華氏物
今歸長樂梁氏有王元美沈石田蕭海釣諸跋翁覃溪考之尤詳甲辰三月
穆子道州何子貞同年所見之假歸手摹一本 繼按黃庭堅字魯直號山谷
道人分甯人舉進士時專學
杜而爲宋代大家又善
行草書法亦有名於世 鏡鏡論癡題詞甲辰春浣香復來京師楊君墨林耳
其高名禮請爲季弟子言師兼謀刻所著論算各種穆曰是無宜先於鏡鏡
論癡者因稍爲畫定體例附火輪船圖說於後 何按向文字墨林墨石人性
所與遊皆一時名士文酒過從無虛日
刊述爲穆叢書行世弟尚志子子言
四月爲子愚跋宋拓柳誠懸書左神策軍紀聖德碑 繼按紹京字子愚子貞
太史弟也道光己亥舉
人
五月二十八日亭林先生生日謨公祭文
刊亭林年譜工竟 繼按顧諱縉刻于學雅堂藏書中伍崇曜跋云是許縉
石舟自叙已詳於先生年譜因搜括無遺微引殆遺且於
烏齋文集 附石州年譜 二十八 山西省文獻委員會印

之述發架上書擇其切於實用者一二端窮原竟委單心研貫一事畢更治一事然後于册中明白事理如印林伯後比者相與討論之如此則取友自然不濫它日出而宰世亦不至質質而行令人有言行不相顧之疑也度今天下更無以直言貢執事者過承厚愛故敢竭其狂瞽惟亮察千萬

按按黃收入皇朝經世文編

著會稽莫公事略

事略云公次女從其夫來官京師相見穆以公遺文為問搜檢筴笥得殘斷草稿數十葉乃合綴舊聞及幼年所親炙者排比如右備他日史臣之甄叙云爾

烏齋文集說文解字句讀序貫山之於說文如亭林之於音韻後有作者補苴焉匡教焉可矣必無更能過之者也先生齒長於穆二十年而強顏拂節之引以為友久益親需次都門課授多暇竊請曰古人著書將使不知者知

烏齋文集

附石州年譜

二十九

山西省文獻委員會印

之則今人注書亦將使不讀者讀之桂書邇頗有大力者謀為刊行工既勿矣以有所撓而能段書多逞臆武斷不便初學易更益為善本以詒世之治許學者乎先生諾之於是仍取資段桂及所著釋例翦枝存幹日課一紙始一終亥再期乃畢顏其崑曰句讀以為是初學之讀本云爾書成先生出宰鄉甯瀕行以句讀之作發端於穆屬即條列緣起弁之書首

弗夷貿易章程書後

冬為鄉孝廉李子材撰墓志銘

閩譜山陽丁儉卿晏嘗於淮安市上得潛邱居士小印珍弄之歲甲辰入京

師見穆所撰年譜遂以印相贈

是年詩有題程震北秋燈課子圖

同按程葆字澂北安徽歙縣人道光癸巳進士

題廬陵王氏兩世孝錄

二十五年乙巳四十一歲

烏齋文集程侍郎遺集序今年春尚書念公雖葬而臨終相託之意不可孤屬穆為購石材書丹勒之并刻其遺集曰以此為初編續有哀錄補梓易耳穆既恐殘斷之稿草并歸零落又懲夫嫁名偽誤者之厚誣公也爰借公門人何編修紹基排比為賦一卷詩四卷又凡稿草之失題者詩餘試帖共為一卷碑志哀誄駢儷雜著之文五卷總題曰程侍郎遺集而叙其緣起如此以酬公知兼志余痛云

即南海伍氏崇曜刻入尊雅堂叢書

按按梅伯言程春海先生集序戶部尚書祁公以其孫幼孤遺集散佚屬張石舟大令編而校之咸豐乙

覆審祁鶴皋太史藩部要略十八卷覆校藩部世系表四卷

祁叔穎藩部要略後跋又越七年平定張石州復為校補偽脫乃墨諸版石州又以先大夫之創為各傳也先辨之地理方向譯出山水地名以為提綱而是編疆域未具讀者眩之爰以會典一統志為本旁采各書別纂為蒙古游牧記若干卷它日業將附梓以行

烏齋文集

附石州年譜

三十

山西省文獻委員會印

烏齋文集方牧夫先生壽序端蒙大荒落之夏六月為先生七十誕辰其邑之官京師者羣以祝釐之詞屬之穆謂欽先大父之桐鄉也故交子姓率有孔李之舊印生又與穆至契其敢以不文自藏

是年戴鹿牀侍郎為先伯寫照

同按戴鹿牀字鹿林漢人道光進士官兵部右侍郎諡文節

祁春圃夫人陳氏卒於京師先伯輓句有戚黨同聲稱孝婦中閨感涕失良

朋云

同按夫人為碩士宗伯之女淮生太守之姊也

川督齊勇毅公神道碑銘并序越一年其孫偉謁選京師句為家傳上之史

館復以麗牲之文更相諉譏

同按慎字禮堂一字企三南陽新野人

十二月刻程侍郎遺集工竟版存登喜齋集首啟云此編僅据子儀孝廉見付之本粗為排次原本移寫既頗草率倉卒付雕體例亦未畫一伏覬海內與侍郎交舊讀此集有校出遺篇缺題譌字者不惜郵函相告以備重事釐定俾成足本無任跂切之至

是年詩有為朝鮮貢使李蒲船 題其師金秋史 正其所畫歲寒圖即奉

簡秋史秋史慕中朝儀徵相公之學故別署阮堂云 士多與阮堂師弟納交

石州亦嘗以徵徵所著詩書古訓及自撰學林年 繼按趙湘字圖友南豐人

追和趙蘭友觀察歸田留別同官元韻七絕十首 曉別公鄉會同榜也故詩

有秋年科目喜聯 繼按趙湘字圖友南豐人

平津侯鏡歌為呂西村世宜作七古并序西村同安人穆曾見之陳頌南侍

御坐上鏡以建初尺度之徑七寸九分厚二分有半層倍之重今權二十八

兩九銖強青龍紐鐵環貫之紐上有方印繆篆不可識紐下一圓圓如月而

有光右側書大漢平津侯五字左側書元朔五年造五字文據分彙公孫苗

川故物也班書外戚恩澤侯表載宏封侯在元朔三年乙丑鏡鑄於其後二

年乃武帝即位之十七年即宏請為博士置弟子員之年距今道光二十五

年乙巳凡千九百七十六年矣

烏齊文集 附石州年譜 三十一 山西省文獻委員會印

題大理石畫七絕 有強以楊忠愍雁蹟屬題者為舉舊聞告之五律二首 別按楊忠愍字仲芳

靖進士官兵部員外郎勳顯滿十大學五 好疏入廷杖索獄竟棄市穆宗時贈忠愍

張仲遠大令屬題其姊 婉 繪畫圖五古

古寺尋秋圖七律 原注廣南門外天南寺元魏太和中所建光

二十六年丙午四十二歲

烏齊文集漁洋草稿跋古漁陽文詩尺牘草稿一册葉丈東卿收得之出以

相示夏閏五月二十一日觀并記 何按王士禛字貽上號漁洋山

宗諱改名士正乾隆中追賜原名諡文簡士禛以詩名海內人稱一代之宗

其屢官正績生平風節多可傳者然嘗為詩名所掩著有帶經堂集池北偶

談等數十種行世 又按葉志澂字東野其素先生之子也博學

好古書編校古泉錄 考一書又撰月令物候及神農本草經贊

校刻元遺山全集

編次泗州公事輯 何按泗州公事輯正十年壬子訖

五十八年癸丑計六十二歲

尾識云穆案府君有著述垂世有實政被民出處本末見於朋友贈言及家

藏文稿者謹排比其略如右以備國史采擇若無舊文可錄概從闕如蓋不

敢以子孫私言闖入一字也

烏齊文集資敬延祺頌并序 繼按禮部尚書固始祝公慶 穆以年家子登

堂介間義不容虛恭釋資敬之文用紀延祺之實為頌十章章十二句

校鏡鏡鈔五卷刻人楊氏叢書

跋廣洗心詩墨蹟

代吳邦慶撰祁恭恪公墓誌銘并書丹 繼按邦慶順天朔州人嘉慶丙辰翰

梁茵林浪跡叢談張石州穆以集杜句賀雲臺師重宴鹿鳴加太傅銜楹帖

云從來謝太傅祇似魯諸生師甚賞其巧切而外人多不以為工按杜詩奉

觀嚴鄭公廳事岷山沱江畫圖詩末聯云從來謝太傅邱壑道雖忘又奉送

郭中丞兼太僕卿充隴右節度使詩中一聯云恥為齊說客祇似魯諸生不

烏齊文集 附石州年譜 三十一 山西省文獻委員會印

稽其出典不知其渾成也 繼按梁章鉅字蔭林福建福州人嘉慶壬戌進士

與徐仲升制軍書 書內有乘子貞太史文報之便附書謝賀云云繼按貞丈

兩廣總督一尋子爵

烏齊文集上帝甚蹈義答趙伯厚昨承過齋頭見蘭兒讀詩至苑柳簾下問

曰上帝甚蹈荀子作其神康成改蹈為悼二者孰是倉猝未有以應也既而

思之甚神甚蹈蓋師傳異本其義則不甚相遠康成改蹈為悼殊覺未安且

以上帝為幽王與他詩之稱上帝者不一例尤未安也謹案毛公訓詁為動

動猶神也蓋即變動不居之義所謂天難諶斯者也首章上帝甚蹈無自暱

焉若曰王無以天為可恃天固甚無常也而可恃其親暱謂天獨私於一姓

乎次章上帝甚蹈無自療焉蓋怨王之憚於悔過也又歎之曰王無謂天心

難回天固甚無常也但能悔過自新則天心復饗王矣奈何甘自暴棄以取

病乎忠臣善於歸進其君如此而康成訓祭為接是又欲改祭為際也大凡箋所改字反復尋繹皆毛義為優此亦其一也詩無達詁不知亦可備一解

否幸教之繼按集中後漢之法之謂坤解與王肅注考二十二二人解昆命虛異同考允征序義與正義糾纏隔則有洋解再於城闕解正

古稱字說惟有三洲考則解釋錢氏文爭漢瓦屋考並註動解成即說沾沁疑義俱不詳詰于何年附錄其日以待考

纂蒙古游牧記十六卷繼按游牧記刻於咸豐九年前十卷先伯撰後四卷何秋濤補輯

序云今之所述因其部落而分紀之首叙封爵功勳尊寵命也繼陳山川城

堡志形勝也終言會盟貢道貴朝宗也詳于四至八到以及前代建置所以

綴古通今稽史籍明邊防成一家之言也致力十年稿草屢易凡國家豐功

偉烈見于方略諸書罔不徵錄而闡揚之其近年興建則又詢諸典屬訪諸

樞垣以斷精詳而備討論閱者手此一編亦足以仰窺聖神功化之萬一矣

月齋文集靜濤哀詞道光二十六年小山走京師造穆曰歲且臘將舉殯事

子不可無文以慰我兄於地下嗚呼君有大德於吾家又重以朋友昏姻之

烏齋文集附石州年譜 三十三 山西省文獻委員會印

好徵小山言詎忘所以傳君而詔我後人者乎爰為楚聲以寫吾哀釋小山

之痛

續飲亭集次韻張石州見贈有故交真落落高論尚峨峨句

是年詩有送陳嶺南給事還晉江五古五首其五媿無郭外田足糶沮溺咄

又無面山屋弄此書兩楹浮沈京輦間鬱鬱竟何營耳目有聞睹撫念總可

驚反復殘斷稿塗抹無一成秘籍富柱下插架儼專城在昔著述例不計身

枯榮職此人海中颺轉隨風萍風萍有聚會君有無合併曉起炎冷研元日

謝軒纓商量淵路贈感概有同聲元日謝客獨遊嶺南小酌感賦此行矣尚

慎旃灑磨萬古名

題叔穎尚書近作詩卷五律

顧南雅畫梅為子貞題七絕繼按顧南雅字希翰號南雅吳縣人嘉慶進士著賜履遺錄

朝鮮李景淑時著王孫持蕩船書來謁將歸索贈七律原注景淑諱

王蓬心山水為子貞同年題即用卷中汪韓門陸篔簹飲韻七古同按王蓬心

倉州人乾隆庚辰舉人官至永

李寄雲摹黃鶴山樵聽雨樓圖五律此圖藏南海吳荷庵中丞家丁酉人日

觀摩幸獲寓目今願寄雲摹本放

李寄雲侍御平谷山莊圖七古

方正學仁虎圖并序七古圖額題云洪武十三年七月台州山中晨起見

有虎立於山之陽良久不動狀頗和易虎旋從山下徐步緩走甚有舉止尋

入市市之人咸來觀都不畏避久之乃去是歲郡大穰人相賀謂仁虎之出

有秋之徵也甯海方先生希直為傳其形明年辛酉三月監察御史劉君孟

藻持圖示余因述其事奏府引禮舍人崇德程本立奉題八分書末云此日

寫虎虎有神異日當陞批逆麟方子本是人中虎以虎兒虎厥德鈞吁嗟乎

以虎兒虎厥德鈞何必手寫狀嶙峋繼按方崇德字希直甯海人從宋理學

烏齋文集附石州年譜 三十四 山西省文獻委員會印

學洪武時為漢中教授越文時為侍講學士燕

王入南京使奉勅草即位詔不從被殺與十族

二十七年丁未四十三歲

著說文屬

校元朝祕史譯文十五卷復從仁和韓氏借得影鈔原本校對無訛

校長春真人西游記上下兩卷刊入連筠篲叢書

記尾云案此書跋尾尚有烏程沈君子敦金山以東釋一篇至為精密以所

著落關樓文稿并刊入叢書故不復出四月十五日記

校駭鏡鏡論癡刻入連筠篲叢書

癸巳存稿叙放類稿例蓋為十五卷越七年丁未刻入連筠篲叢書繼按

西雜記越數年文必適張石舟為靈石編輯叢書石舟舊有存稿刻本

更取名遺所藏校訂字並刻甫竣未印行石舟亦歿今其板片不知流轉何

處為可

校落關樓文稿四卷刻入連筠篲叢書

校唐魏元成 墓書治要五十卷刊入述筴錄叢書

烏齋文集黃孝子萬里尋親圖記冊舊無次第余為排比其先後如此考證

之次如身左右孝子而親其艱險同其忻快也嗚呼豈弟之思鬱為煙雲彼

徒以倪黃妙筆相賞者豈可謂之知畫理哉張蒲山畫徵續錄稱嘗於汪念

翼齋頭見一册未知即此三本中之一本否計世間當有十數册深人尋繹

明發之懷子和更博訪之 此本今為高平祁子和公子所寶余幸獲寓目留案上者一年暇日以孝子自撰日記及繪元恭所

為傳 九月李寄雲侍御得無錫秦公徇忠遺筆出見示屬為考其名字 按按公名華穎字元

授寄歸蘇州由歲貢授富川令贈按察使

刻閻潛邱先生年譜工竟版存祁氏後欲享 繼按此譜亦續刻與而海伍氏均雅堂藏書

烏齋文集重刻吳才老韻補緣起老友河間苗先路篤志願學慕才老之書

歎未獲見歲丁未秋始從道州何子貞太史假得之鍵戶謝客手自繕錄寢

烏齋文集 附石州年譜 三十五 山西省文獻委員會印

食俱廢穆聞而嘻曰先路之好亦余之夙好也曷即刻入楊氏叢書以廣其

傳乎

刻泗州公希音堂集六卷工竣

烏齋文集沈果堂尙書古文疏證跋本年十月穆為潛邱作生日子貞初得

此本即據以入詩穆亦據此補入年譜

祭伯兄文嗚呼吾兄須眉秀發豐哲不佻朋好相誇每謂似畫中祿星宜享

天福膺大年不意中年以往憂患摠心形容憔悴頓革舊觀年未六十遂溘

倒以終也先大夫年廿而育兄時大父尙存抱孫甚喜兄之乳字大父所命

也稍知讀書省文即以護守先人遺書為己職片楮隻字珍若金璧它嗜好

不能奪生平工於作楷密行細字筆鋒精老猶不疲聞屬續前一夕尙作

蠅頭書至漏四五下一藝未竟也去年穆輯大父遺事每有疑闕馳書諮商

不十數日輒檢本書寄京及希音堂集開雕復寄大父小像來俾摹之集首

九日中刻工初竣寄歸樣本意兄見之必歡喜逾量一生謹守先澤之懷可

以稍慰豈知書未得達兄已先期溢逝耶穆發此書為十月九日而兄以十

一月歿孝翼來述兄歿狀云父年來食量增健心氣和平往反州城三十餘

里若無事初十日夜村店坐談三鼓甫歸次日早起歛枕坐炕頭喚阿葵為

作餐一旋踵頃阿葵入視則見頭微偏口角垂次沾溼裯席不二寸許目瞑

不視矣嗚呼考終為五福之一大雄氏以無疾示化為得大解脫兄賦性忠

淑不疑人欺天佑善人宜不以疵厲相加如此而死抑又何憾獨念門祚衰

落吾兄弟四人皆薄有文名皆困頓場屋見擯於時愈出愈奇或者天不昇

我以名猶昇以壽老年骨肉情話有期乃仲兄最強最先死越十有七年而

兄繼之穆四十有三矣自世後患咯血甚劇邇來血稍止而每屆冬令氣輒

逆上畏寒畏火恐吃龍鐘似七八十人以視兩兄之壯碩蓋百不如其又可

恃耶先大父遺文尙未定有目錄剞劂有待吾兄寫本謹弄篋中諸從子無

烏齋文集 附石州年譜 三十六 山西省文獻委員會印

能讀祖書者爾兒甫七歲未敢祝其類我倘穆一旦與兄同歸不惟妻業青

衫斬然中絕即兄所兢兢護守之遺書抑復誰知省視珍惜邪穆進取之念

久已冰釋惟沒世之名尙不能無介於懷而所著諸書率未脫稿搜採既須

時日寫定又無資力傷心之事觸念紛來里社習俗濼薄兄每有輕去其鄉

之意穆即初無其意而以謀食故久客不歸今兄已矣即歸將何所歸邪歸

復誰與共語耶穆溷迹人海中非無朋友之樂所耿耿在念者獨有兄耳一

舉箸非不飫肥甘也念兄方咳蒸而止一易衣非不便輕煖也念兄方擁

敗絮而止十餘年來忍寒茹淡之苦哀兄歿而神明實式鑿之矣穆蓄有百

金擬於兄周甲之年歸而稱觴天不假年遽奪兄算今即舉以昇孝翼俾歸

治大事速即窆窆嗚呼歛不摩棺瘞不繞墳即弟一人之身所以報兄者已

遠不及仲兄矣負疚其有終極邪繼嫂聞尙能持家新婦初來教之和順孝

翼知艱苦可望自了穆一日不死所以給兄家者不敢祝兄在有間也夜雨

傷神山堂在夢嗚呼痛哉尙鑿

高要蘇封君家傳穆系與庶堂以道義相琢磨封君手蹟嘗親見之當海匪

事起庶堂既多所敷陳已乃綜廿餘年時事得失旁魄而論之感天謫寤主

心其言皆它人所難言惟封君實佑啓之未幾封君卒於里庶堂以愛歸服

既關絨所自爲慕志屬穆爲文附家乘後繼按封君名燧字繼揚號熙亭

撰東河丞外舅趙君子述墓志銘

是年詩有孔繡山青山騎白龍圖繡按孔繡字繼山曲

繡山室人朱葆瑛紅粉傳臨曹全碑原注夫人作書自製

至人行奉酬魏象伊先生卽次怪石行原韻象伊按平定州志魏象伊字

讀元祕書志書箴附何願船比部四首自注何願船爲

丙午夏頌南將歸潘公子季玉集同人餞之右安門外誠氏園穆以小恙不

至頌南詩先成一時和者甚衆季玉因續圖以永其事越一年偶見此圖不

月齋文集 附石州年譜 三十七 山西省文獻委員會印

勝懷人之感乃次而和之繡按潘字季玉文恭公

題張受之空齋畫靜圖用東坡墨妙亭韵同子貞太史并序受之工刻石叔

未解元之從子也頃松筠庵僧聘刻楊忠愍公諫草來京師受之介子貞以

圖索題且鐫兩印爲擊圖前儀徵太傅爲篆芝鶴二字蓋以伏靈芝黃仙鶴

相况云同按受之名辛浙江嘉興人叔延濟字叔未嘉慶丙辰解

伯韓侍御將歸桂林出其尊人韞山大令詩墨屬和卽以賦別繼按韞山名

九月送朱伯韓侍御歸里同按朱琦字伯韓嘉善人

題萬年少秋江別思卷卽用亭林附萬詩韻此卷初歸休甯程孟嘉讓堂老

人爲作跋後歸蔡太僕友石年丈丁未冬太僕長君小石司業見穆所撰亭

林年譜載有此圖出卷索題子貞同年手摹一本將質之亭林祠堂因爲書

顧詩於卷又依韵和之以應小石之屬時大寒節後二日也繼按萬年少名

人崇禎庚午舉人工詩文書進士有兩堂集一則按穆欲亭集萬道人爲

魏春松觀察官舫侍膳圖原注兩峯畫魏春松觀察未谷

爲楊子言題石濤畫冊

爲篠珊農部題胡褐公金陵畫冊適楊子言亦以石濤畫冊屬題故牽連及

之

二十八年戊申四十四歲

二月二十六日繼伯母趙孀人卒年四十有二先兄孝闈殤

二月校定何願船所著王會篇箋釋並撰序

烏齋文集王會篇箋釋叙周書爲百篇之餘著錄于子駿七略孟堅藝文志

非出於汲冢而讀者多惜其原流至王會一篇紀成周之盛名物制度足補

墳典邱索之闕自許鄭注經皆所援引尤可寶重願船比部精心研覈博稽

詳校成箋釋一書觀者咸服其賅博精深擬諸裴氏之注三國鄭氏之注水

烏齋文集 附石州年譜 三十八 山西省文獻委員會印

經而余謂其過人處在於訓詁地理一端尤爲得未曾有蓋先秦古籍深奧

難通願船能疏通而證明之如釋勅之義足補凌長亢唐之訓尼匡司農叩

叩距虛之爲二獸足糾景純豁然若晦之見燎釋然若冰之方泮其它貫穿

經術宏益良多定字召弓有所不逮至若禹貢方域春秋地名古人所稱絕

學而商周國名曠無考證路史之流患在無稽不足依據願船獨能一一求

其所在不爲鑿空之談如區陽西申規規馮氏之類每樹一誼堅確不移使

讀史者上下千秋縱橫萬里可以燭照數計不誠爲稽古之快事哉昔閻潛

邱精考證之學嘗云讀書必尋源頭手一書至檢數十書相證侍側者頭目

爲眩而潛邱精神沛溢眼爛如電其所著述屹如長城堅不可攻故杜于皇

贈閻詩有云不貴子博觀貴子乘確識吾子必自愛如子實難得余曩謂斯

語非潛邱不足當之亦非於皇不能言之至今日可轉爲願船贈矣因題於

簡端以志忻慕同按杜潛字子泉號茶村黃岡人

何太史使黔草叙子貞生平所作詩往往失其稿此黔中草三卷以寫有淨本且日月先後甚完無事整比先付諸梓請益當世之有真性情者刻既成謂穆不可無言穆唯唯而久無以應因它日答客之言乃引而申之如此刻吳才老韻補工竣

連筠籙叢書吳才老韻補書後刻既竣先路大喜曰不意垂老猶及見韻補精本死不恨矣摹印數十秩細歸賊河間從此凡案間普學五書外又增韻補一種樂何如也

何秋濤韻補跋此書久無刻本石舟丈購藏書家校梓入連筠籙叢書秋濤與覆轡之役

葦黃文節公書太白憶舊游詩跋以詩內述游并州一段為吾鄉故事擬募工刻之難老泉上未果會京師旋聞三晉公寓落成孟又章北都請即刻置館壁因復為摹勒上石并錄翁詩于後其跋復初齋文集考訂收藏者當

乃齋文集

附石州年譜

二十九

山西省文獻委員會印

自檢之道光二十八年夏五月既望

六月十三日校駁元朝秘史譯文刻入連筠籙叢書

校補大輿徐星伯松所撰唐兩京城坊考并圖五卷刻入連筠籙叢書

烏齋文集祭三兄文嗚呼穆何辜於天而泐月之中三遭期親之喪人世慘

酷有如其劇者邪去年冬聞大兄訃穆與兄書曰吾兄弟四人今已亡其

二穆既以飢驅不能西歸兄又羈於官守即吾兩人何日是相見時邪痛哉

豈料其真不復見也及今年二月京師疫氣流行穆九日之間妻亡子女亦

相繼亡俛十年營葬之巢一旦迅掃空之人非木石其誰堪此惟念古來賢

豪似此遭際亦尙頗有萬無以身殉之之理此念一定始得勉支持幸而

不病豈意兄聞此耗而重為穆悲且憐且慮轉至病也聞四月中偶染時氣

已調理就愈及六月轉為泄瀉遂以不治而亡其亡日時刻乃與二兄一一相

合骨肉同氣之慘十九年如一曙嗚呼異矣兄幼頗孱弱吾父母時以為愛

冠昏以往形氣充實校穆似數倍過之兼以旬襟開曠瑣屑事略不縈懷皆非不壽之兆何意年未及艾遽從徂謝邪

此文詩雖不極意求工而吐詞天秀風調翩翩充其才即以取巍科上第亦

意中事乃僅僅博一巾甲辰秋剛主事得兄卷已擬元數日三藝俱登版矣

旋因數語之疵斥不復錄自非家運屯邇天不右吾宗何至兄弟四人俱顛

蹶文場至此極與先是捐例開穆在京師承大兄意竭家貲友力為兄營一

官而得缺無期繼客津門值海氛不靖上命大臣赴津防堵兄以隨營效力

微勞當道保薦特旨優叙銓授平水計歲入可以小康而夙累既深又不善

筭度出內遂至依然窮窘身後菟裘之計全無料理賴兄性情和厚與人交

不吝故一旦身觀閔凶而太守縣令所以營護之者能不以存歿異視概庶

遣得歸乎

子春兄來京相存至七月方歸為此十年中會合之最久者去臘致書雖言

乃齋文集

附石州年譜

四十

山西省文獻委員會印

相見無期又竊自念三五年間纂輯諸書草稿粗具將事壯游歷覽名山大

川儼尋終南太華諸勝往來皆徐出平水常抵足聯牀更寫總角之歡豈意

凡穆所念到之處天皆斬之而不我畀邪兄近年來頗喜讀書於穆所寄書

籍皆加校正并為訪得願譜中王九如圖譜中賈玉萬行實屬事釐訂又時

時索異書以擴見聞穆且喜且慰意從此進業必當有所就又豈意天遽奪

兄算如此其速邪兄身後重賴叔穎先生力為之部署并遣使歸助扶柩迎

眷屬歸里穆亦附書嫂氏命鼎兒家居奉母銓兒來京寓讀書鼎兒天資稍

鈍銓兒幼慧穆所鍾愛而蒙養無基恐聰明亦漸泯沒竭力督教之小成或

尚可望兄柩歸後一二年間亦即安厝日用之計除叔穎幼章兩先生周恤

外穆當視大兄二兄家一例接濟嗚呼穆少於兄僅四歲耳木落歸根尙不

知作何結局自上月十三日聞訃以來心驚頭眩時時虛有不測夜不成寐

起座旁皇蓋不獨為兄悲為一身懼兼為祖父以來書香嗣續危仄也嗚呼

已如此... 我家... 梁... 一笑... 又題張石舟小樓雲亭圖

又題張石舟小樓雲亭圖

是年詩有戊申元日補作丁未九日廟祠秋禊圖分韻得燕字五古

隆慶龍香御墨石綠餅應潘季玉屬七律

為魏筱珊題香光青山白雲書畫卷子

題乞畫圖用子貞韻劉彥冲畫吳西橋藏顧子山乞皆吳人也

魯川屬子貞為謀其册首子貞更題詩於後

烏齋文集 附石州年譜 四十三

子貞疊韵示答仍用元韵酬之七古

乞子貞畫竹兼約晚酌用山谷謝黃斌老墨竹詩韵五古

約魯川晚酌論文仍用前韵

魯川賜和拙詩獎飾益量復次前韻酬之五古

獨夜和戴筠帆七律一首

為李寄雲題大癡江山勝覽圖

追題王海門 大淮撫松圖五古

題汪筱珊六橋煙雨卷子三首

追題蔡友石年丈春明掛別圖應小石少司成屬七古

題宋芝澗觀察與池筵庭戴筠帆手札及所作十三詩草稿應筠帆

戴筠帆味雪齋圖七律

讀道園自題戴笠圖詩有會即次其韻復題煙雨歸耕圖後七律四首

栢堂師側室王氏殉節詩

潘玉泉養間草堂圖五古

苗先路同年寒燈訂韻圖即送游浙南五古

沈匏廬河朔訪碑圖七古

是年先伯與子貞同寫煙雨歸耕圖用竹垞百字令原韵自題圖云客游倦也問幾人信我山林崎士辛苦平生餘底物數卷殘書而已端上春帆圖中

烏齋文集 附石州年譜 四十四

秋老活計無逾此山堂在眼行勝打疊歸耳一笑竹垞當年長楊奏賦負吾

師山水開國風流難再覓何時行歌燕市獵聚田蕪靖陽亭古耕作吾家事

綠鬢青笠淵明應說今是

百字令追題四十一歲小照仍用前韻

百字令次前韻題子貞煙雨歸耕圖

百字令次前韻題子貞煙雨歸耕圖

百字令次前韻題王鹿屏扁舟歸養圖

百字令題黎月樵江鄉歸樞圖

自題小樓雲亭并序余家陽泉山莊為金樓雲道院元遺山詩所謂開窗納

山影推枕得溪聲者也有亭翼然高出林杪浙人張君世華榜曰臥雲先大

夫及余兄弟皆嘗讀書於此每欲易臥為樓以先世舊題未敢輒更也茲余

卜兆京北雷家橋宜丁阜地隸昌平以圖經考之即金章宗之駐蹕山也山陽有棲雲嘯臺章宗嘗築亭於其上兩地嘉名適相結構而此間峯聯遼碣流帶玉泉山影溪聲較之鄉郡一隅規模為闊遠矣因擬它日結茅墓田之旁顏曰小棲雲雨眺時耕徇終老余之願詎有侈於是者哉書此為券并繫以詩

輓劉菽雲七律一首

胡按付文正公集我雲志君之為學其初熟于德博當世多聞長者亦益得遊覽國朝六七鉅冊之精云云卒年三十一

十二月初五日子貞五月初度出所藏宋芝山贈覃溪學士延年益壽瓦當

文拓本示坐客即席用詩韻奉祝胡按翁方綱字正三號覃溪大興人乾隆進士官至內閣學士精心汲古金石譜錄

許畫詞章之學皆能摘抉情畫法尤冠絕一時

孔緜山韓齊把卷圖五古

孫芝房編修好人翠芝圖胡按孫鼎臣字芝房善化人道光乙巳進士官侍讀父葆恬字邵吾嘉慶乙卯舉人官桃源縣教諭

烏齋文集 附石州年譜

四十五

山西省文獻委員會印

魏筠帆山截筆圖

陸見明縣境山也筠帆書修見明縣志因寫此圖

二十九年己酉四十五歲

上大父星階公書叔父大人座右吾宗衰落極矣姪自丁未冬來歷遭骨肉慘變尤非常情所能堪然憂患餘生益不敢不刻意自勉竟祖父以來未竟之業承書相慰感涕交并姪現已納妾但祈得一中材讀書之子俾冀代書香不至中斷於願足矣至吾族中喪葬諸事有姪力能相俸者尙望隨時馳諭希仲叔歿其裔竟爾中絕每思為立一子歲時祭掃不知有可承嗣者否詳籌示悉吾叔文名蔚然入耳加以虛懷若谷不染鄉里狂誕之習且喜且慰今科拔萃定膺首選努力秋風扶搖直上切祝切祝來春入都下榻姪寓中更不疑也至仲書所傳鄙論胡按印海濤善論頗有外誤姪意謂吾叔美材當於帖括外更治一有用之書先求一二事實徹首尾然後自驗其材之所近併入一塗大小必當有成此之謂本領釘釘繩線不足道也吾鄉士習大

率於坊行八股外以熟讀聊齋紅樓互相誇詐此最可傷憫提倡無人不知斷送幾許佳人矣偶有一二留京者亦自以為已知無從相告數年來僅得一張斧文稍知學問入手處亦復捧檄而去不能卒業甚可惜也手此奉復貯來好音胡按張映樞字星階道光己酉拔貢官直隸深州州判好學尤工詩文著有大學原批批中庸易解各一卷歷代金石考八卷續世編詩文集七卷又按平定州志張勳

敘尾云吾友寶應劉君楚楨始本竹垞之意豈以東京為主傳以經術加之博證纂為漢石例六卷蓋惟深通漢學故能得其大義義舉而例亦因之俱

舉靈石楊君墨林及弟子言雅好金石讀君書喜且寶之因請刻入述筠錄叢書中而以校勘之事屬余余既獲交孟瞻又獲交楚楨故樂序行其書

四月葉道芬為先伯題照胡按葉道芬字孟瞻石州人著揚州水滸記左傳舊疏等書

烏齋文集 附石州年譜

四十六

山西省文獻委員會印

跋延熹封龍山碑

胡按碑在直隸元氏縣道光間為劉楚楨所得

跋鄧君開通褒余道題字

跋明拓李思訓碑

編山右碑目二卷胡按碑目分已見特功二門共收一千二百六十三種原編存平潭牛氏

廣堂書來要作羊城之游見題圖注

為俞理初撰癸巳存稿序

跋明拓李思訓碑

跋延熹封龍山碑

跋鄧君開通褒余道題字

跋明拓李思訓碑

跋延熹封龍山碑

跋鄧君開通褒余道題字

跋沈果堂鈔尚書古文疏證

跋青主先生手評曹全碑 按國微君山字晉主號公之從陽曲人明諸生
師著作史十三經字區周易四傳周禮甘肅條卷
秋人名爵地名附所讀人名附釋紅藍集十二卷

跋舊拓孔褒碑

重刻元遺山先生集工竟並譚序序略云遺山先生集中統殿氏初刻本不可見今行世者惟宏治中李叔淵本及康熙中華希閔本而華本即從李本翻出猶一本也詩集單本較多惟毛氏汲古閣本盛行南昌萬延閣本係從全集摘出故於曹益甫所增之八十餘首概從闕佚而元黃公紹選本穆又未之見也近烏程施北研氏熟於金源掌故有遺山詩文箋極精博詩箋初梓吾友沈子惇即以相附近亦印行文箋仍鬱未出也 下今為鈎考金元史及同時各家集它若元文類金石例金文雅山西通志諸書缺者補之誤者訂之如無可據校概從疑續夷堅志世行寫本二卷余秋室氏蓋為四卷

烏齋文集

附石州年譜

四十七

山西省文庫委員會印

手書刻之大梁樂府五卷阮太傅研經室外集載有提要而文選樓書目初無其名聞漢陽葉氏有寫本數從相假檢未獲也嘗擬都為一集繙梓版存冠山書院而京華旅食囊橐蕭然乃節齋備書餘貲歲刻數卷始丙午二月訖庚戌四月首尾凡五年工始告竣附錄一卷補載一卷儲氏華氏施氏遞事增輯穆續有采獲并歸入之遺山一家之業其存於今者約略備矣 原注
師此文作于己酉四月文中雖稱庚戌四月
月云云及末題三十年五月實豫也
十月撰宋松泉廣文墓志銘 同按宋從貞字起元號松泉昔陽縣人歷官
天鎮鳳臺教諭銘見昔陽縣志文集未收
是年詩有子貞七姪延年益壽瓦詩韻見示依次奉酬七古
追懷文友三疊前韻七古詩云追懷文友工書者烏程精楷 沈于泰與篆
之皆從本領擴心畫肯泥面貌區圓扁安丘 王張 何姚小學宗駭山 俞理雅
稱鴻詞選不將蛇蚓疥屋壁稿草縈回妙筆轉日照 許印 摹顏真竹顏性識
剛稜意精腴肅甯 苗先 欽脚共眼媚白雲動波波涵行衆妙兼資何道州家

聲科目滋履散歌詩融會出香谷 香山經術淵通窺豈典媿余碌碌從君後

夜雨敲門燭頻翳欣承君友皆我友獨學自封譏庶免靈光碩果慨無多王後盧前失交勉爾來切抱無開懼矜惜流光謝游宴君擅多材綜衆長我固咫聞葆片善丹黃屹屹日又哺移燈更訂古圖卷

二月初六日大雪曉起子貞以所題吳冠英春水歸帆圖來屬題子貞凡十疊前韵矣余亦四疊奉和七古

五疊前韵乞鹿牀侍郎為寫小樓雲亭第二圖七古 同按鹿牀侍郎與馮昭
于時著自註
及彭雅集

唐揚武梁祠畫像歌七古

喬鶴儕水部買得吳伯榮中丞羅浮蝶卷子屬題即用卷中宋芝澗觀察韵爾來京師所稱太常仙蝶者頗往來貴人家干索酒餅非復前日之高致矣因題此卷感慨係之五古 同按山西通志喬松年字鶴儕清人道光乙未
進士授工部主事充湖南巡撫副考官官累遷員外

烏齋文集

附石州年譜

四十八

山西省文庫委員會印

八月十一日夜夢子貞夢中知其為夢也日不可不記以詩詩成十六句而覺復作四句足之五古

壽陳鷗庭五律一首 同按鷗庭名
士棟州庠生

題孔繡山韓齋雅圖五古 同按繡山韓香昌察署所題曰韓齋此圖
為王子懷侍郎題貞松慈竹圖 同按繡山韓香昌察署所題曰韓齋此圖
孝錫并圖題詞實設唐殿侍師照所作書
鄉張石州穆仲賦詩記事未及將而卒越數歲其嗣子
孝時設鏡得之於穆懷翁不勝哀慰因為記其顛末

十一月初九日申時先伯卒於京師春秋四十有五十二月歸殯於平定明年葬於州西之昌谷

光澤何秋濤為之誌墓文曰道光二十九年冬十一月九日石州張先生卒於京師其兄子孝教先一日適至攝喪事秋濤與何君紹京祁公子世長為位而哭既歛諸訾與往來相知相揖者咸會巾襪十二月歸殯於平定越明

年二月孝救來告曰叔父之葬距其終百四十三日卜者曰吉寔維州西北
十有七里南抵所居陽泉莊二里地曰昌谷昇曰宜昆兩叔母耐焉子先友
也盍爲銘嗟乎秋濤尙安忍銘先生哉願自念以年家子謁先生一見如故
辱與同居游知最深不可辭因敘而銘之曰先生諱穆譜名瀛通字誦風一
字石州監生封朝議大夫可舉之曾孫丁丑進士知泗州佩芳之孫辛未進
士編修記名御史敦頤之第四子幼好學慕古作者長前六藝百家之言固
而存之膠牒擊堅無蔽於前乃沈思溯經誥貫史策燧天算圖地志鈎伏剝
外故古鑄今以爲學無時代惟其是爾故學習皆樸學非世所好也素岸兀
不可一世嗜者學廷僻士則器不容口遂介介寡合顧貴中惟阮文達公莫
賢齋侍郎程春海侍郎郭淳甫協揆與爲師友嘗與俞君正燮魏君源趙君
振祚論諸史陳御史師許君瀚王君筠講六書羅君士琳鄭君復光徐君有
壬明九數徐君松沈君在考西北邊塞地理諸君皆專門業咸推服焉與苗
烏齋文集 附石州年譜 四十九 山西省文獻委員會印

君夔何君紹基爲優貢同歲生以論學相切磨識者謂先生之學蓋全氏謝
山錢氏辛楣之倚非他家所可擬云初泗州以文學循吏名天下先生繩祖
業尤留心經世務然潛於進取道光辛卯以優行貢成均選充正白旗官學
教習積年勞以知縣侯銓輒以負氣忤貴人罷去不顧閉戶人海中幾十載
左右圖書日以討論爲事蓋其志專欲以學術名後世也性孝友重然諾都
門館穀以贖亡兄之孤歲時不絕戚友緩急傾囊無少惜家人將炊告乏米
意恬如也卒時年四十有五先生再娶皆有賢行元配劉氏繼娶趙氏恭毅
公元孫也先一歲卒生子孝蘭慧而早死孝瞻以兄子來爲後女一殤於是
先生之妾方娘也未知其子之男女始或勸先生墨所著於版曰吾祖集未
播不可乃校刊泗州希音堂集又取師友遺草未傳者編次副刻之又校刻
元遺山全集及爲靈石楊氏蒐刻叢書至精審先生既歿秋濤借何編修次
其稿曰烏齋文集靖陽亭劄記各若干卷延昌地形志蒙古游牧記雜塗乙

未脫稿秋濤將爲理而成之其已行世者惟顧亭林閻潛邱兩年譜云銘曰
孰甄治是而匹其美孰天闕是而尼之以止身可亡學不可毀納銘幽墟奠
厥趾

壽陽祁相國題曰平定張石州先生之墓文曰嗚呼石州學博志大氣高而
昌谷不壽孝于親友于兄弟而童烏不秀著書滿家發言驚坐下士逡巡笑
之而鴻儒偉彥裝爭就惜乎湛思遠識世莫能詳究也咸豐初元壽陽祁
鶴藻爲題墓石以表吾鄉而傳諸後

咸豐初陪位顧祠 傳人汪心林因朱子曾寄蘇州雲蓋觀仙祠室先生
附石州主亦此意也 又祀晉陽書院之三立閣 附石州主亦此意也

烏齋文集 附石州年譜

五十

山西省文獻委員會印

此札仰該州便 令德堂之四徵君祠 附按祠在堂之東偏祀開徵君西籍
傳與徵君連洋聖賢祀者二 及州之崇賢堂 附按平定州志元至正開徵州
人先生及王公而聖賢祀也 正公治子勇雲樓爲四賢堂後增王泰溪傅中許左丞呂忠肅公恩誠爲六
賢堂成化五年知州陳志進刑部尙許狀附惠公九疇名堂曰崇賢勿限以
目嗣後遺蹟數白佩鄉魏孫承祖王克己梁昇高九疇名堂曰崇賢勿限以
繼先宋疑守禮朱一統張三讓凡二十二人同治
繼按先伯著書行世者 顧亭林先生年譜一卷 閻潛邱先生年譜一卷
二譜重刻于伍氏學雅堂附錄門 莫實齋先生事略 先大父泗州府
君事輯 蒙古游牧記十六卷 俄羅斯事補輯 初刊于北徵集 烏齋
籤記 編刻方 烏齋文集八卷詩集四卷 考訂家集收二卷 符梓者漢
石存佚表 水經注表 重修平定州志 元裔表 外藩碑目 山右碑
目 延昌地形志 靖陽亭劄記 說文屬 志以上諸目俱見山西通
校補刊行者 元遺山先生集四十卷附錄一卷 收書目 程侍郎遺集

初編十一卷 先大父泗州公希音堂集六卷 審定序行者 王會篇箋

釋四卷 濤陽吳侍御奏稿 郝鶴皋太史藩部要略十八卷 世系表四卷

文解字句讀三十卷 西域釋地 西陲要略 癸巳類稿十五卷 說

說文答問疏證六卷 安玩堂藏稿 使黔草三卷

裏集校梓者 連筠籙叢書吳才老韻補五卷 顧亭林韻補正一卷

漢石例六卷 唐兩京城坊考附圖五卷 長春真人西遊記

唐魏元成羣書治要五十卷 落颿樓初稿四卷 癸巳存稿十

鏡鏡鈞疑附圖四卷

校訂待梓者 尙書疏正五卷 味道堂晉祠

錄 元朝秘史譯文 營造法式圖二卷

何按先生法書鐫石者有小秀野唱和詩百二首

烏齊文集 附石州年譜 五十一 山西省文獻委員會印

詩 李惟齊太守刻 蔡顏魯公忠義堂帖 初刻道州何太史家任君 摹山

谷書太白詩真蹟 石存原師定 跋傅青主貼 馮雲川有記 郝恭恪公墓

志銘 程侍郎墓志銘 宋松泉墓志銘 付梓者玉局

心憊一册 急就章 其他屏聯不可勝記

郎潛二筆 平定張石洲穆融貫經史學窮九流山右自闢徵君後勃

率翠書斷推先生為眉目客京師與濤陽郝相國歛縣程侍郎及何子貞苗

仙篋何願船俞理初諸君子以絕業相切劘比年廠肆舊書遇有石洲手校

之本靡不精審康祺心竊嚮之頃讀程侍郎遺集送張石洲歸里詩云逸氣

陵參城清汾徹水鏡朱郎延不赴書窺臥以詠注云惠郎慕君名懸榻以待

者三年卒辭不就更可見先生之植品矣

經世文續編例言云又如張氏穆馬氏耐華沈氏堯姚氏椿等皆與賀魏同

時文行甚著

何願船烏齊籤記序其人精輿地之學凡所考證多有依據其論烏落侯又

轉為俄羅斯能即地理方物以訂前人聚訟之說實足與欽定皇朝文獻通

考相發明亦非他書所能及

曾滌筮求闕齊日記類鈔莫子偲 友芝 交出何願船二信內有張石洲蒙古

游牧記四本又朔方備乘凡例數頁信為當世積學之士

張制軍之洞書目含問姓名略云地理為史學要領國朝史家皆精于此願

祖禹胡渭齊召南戴震洪亮吉徐松李兆洛張穆尤為專門名家

忠義堂帖平定張石州穆手摹顏魯公書也真蹟在道州何子子貞紹基家

子貞曾摹勒上石今任君槐庭復刻之濤陽家塾筋骨風格奕奕如生它日

此帖當與道州帖並傳成豐十有一年冬至日郝為藻記

烏齊文集 附石州年譜 五十二 山西省文獻委員會印

張穆初名瀛通字石舟平定人道光中以優行貢太學充教習生具異稟於書

無所不讀才名藉甚應京兆試誤犯場規負氣不少屈遂被斥自此謝絕舉業

一意著述郝文端公典學江蘇延入幕阮太傅時家居見所著嘆曰二百年無

此作也稱為碩儒一時名士若俞理初何子貞王策友陳頌南何秋濤皆與訂

交推為祭酒年四十五卒於京邸所著有蒙古遊牧記延昌地形志願圖合譜

烏齊詩文集書法勁逸冠絕一時得者寶貴之曾以願亭林入都曾寓慈仁寺

因偕何子貞醜金建祠寺中及卒同人為位陪祀焉又祀晉陽書院之三立閣

及州之崇賢堂

烏齊文集郝相國序

道光間有以文學名都下者曰平定張石舟先生其為人豪放明銳極深研幾

道光間有以文學名都下者曰平定張石舟先生其為人豪放明銳極深研幾

於經通孔氏微言大義精訓詰案縝於史通天文算術及地理之學議論穿穴
 今昔鎔冶四庫百氏聽舉泉涌座客率擗舌不得語海內志備咸想望風采購
 屣納刺戟酒問奇者幾無虛日顧石舟不自撓屈有以所著書或詩古文辭進
 者無問其人位望有不可於意即指疵類口齟齬折角陷堅不遺餘力以是
 慕名而來者或稍稍引去然其於學深博無涯岸遇奇士雖素出己下輒折節
 推之旌德呂文節侍郎嘗言爲文不經石舟訶斥訂正未可示人晉江陳頌南
 給事直聲震天下獨俯首石舟曰令斯人著解豈冠樹立過吾輩遠甚語曰不
 知其人視其友石舟之沒知與不知皆爲嘆惜豈無自而然哉余於石舟同鄉
 姻戚也交最深且忝一日之長故知石舟事最詳以下分見中卷已夫以石
 舟之才百未一試用微告斥終身不振年不及下壽子又天其遇極古今之窮
 誠可哀已說者多以石舟比柳子厚其因擯斥而研精文學則同然石舟使氣
 作時世乃君子之過轉不獲如子厚出守遠郡得稍試於治民其所遇不更酷

帛齋文集

附石州年譜

五十三

山西省文獻委員會印

哉子厚身後得裴觀察爲營歸葬之資文集則編於劉賓客其得大管於世則
 以昌黎韓子實表章之也今石舟之歸葬亦賴同人襄助其遺稿則屬之何子
 貞太史及何願船既撰石舟墓志復爲補輯北魏延昌地形志蒙古游牧記二
 書成帙又以子貞檢出之詩文雜稿屬其門人吳子庸子迪昆季哀集繕寫諸
 君子綴緝之勤誠不減劉賓客之高義其表章之力抑豈出昌黎下哉石舟於
 余兼直諒多聞之益其沒也余方奉使甘肅不及見心常歉然以刊布遺書爲
 已任而時勢艱難友朋聚散久之未就今距石舟之沒已十閱寒暑幸賴諸賢
 克篤風義相與有成而余亦遂得醴金付梓以踐宿諾謂非衰年之一快也歟
 然迴憶與石舟銜杯酒論古今析疑辨難聲情如昨又不覺淚潸然下也地形
 游牧二書余既序之其文集先刊就復爲續述其生平以質世之知石舟者
 烏齋文集何願船序
 平定張舟石先生博學君子也旅食京華二十餘載生平沈酣典籍摘英擷華

發爲詩古文辭雄深奇肆迴絕流輩又工於草隸每書所作世人識與不識皆
 爭寶藏之道光己酉冬先生歿於京師諸故人檢視遺篋得所著書曰魏延昌
 地形志蒙古游牧記者皆未削蠹以屬余編次其詩文雜著甚多強半塗乙叢
 殘乞何子貞編修爲勸定編修旋以艱歸歲壬子復出即視學四川於先生稿
 未遺點勘併以示余次年余赴安徽幕府將出都攜地形志游牧記二稿於行
 篋其詩文稿則以付先生弟子吳子庸子迪昆仲嗣余以省親還閩越數載復
 至都門則子庸昆仲已取殘帙斷紙排比繕復請子貞刪定勒成文集八卷
 詩集四卷乞余序之余惟先生篤志備先淹貫四部當世名流咸相傾挹最者
 旌德呂文節公推先生爲直諒多聞之友且爲余言石舟學經似賈長頭考史
 似劉子元譚地理似鄒善長王伯厚論治體似陸敬輿白居易行誼卓絕文詞
 瑰偉則似蕭穎士徐仲車此非阿其所好蓋天下之公言也或疑先生年未逾
 五十詩文非出己意別擇慮其中或有未定之稿與夫偶然涉筆不欲自存之

帛齋文集

附石州年譜

五十四

山西省文獻委員會印

作今哀而刻之恐不足以盡先生之長余曰先生著述宏富身後散佚頗多謂
 不足盡其長似也而疑此集之不必刊行則非人也夫昔之文人若曹子建謝
 康樂柳子厚蘇子美輩年皆不及中壽而詩文卓然名家千古不朽其爲詩也
 大矣集之名始於東漢而盛於齊梁今所傳屈宋馬班諸集皆後人纂成不必
 其手自編次奚獨疑於先生之集哉且先生一介寒士而以流通古籍揚於前
 賢自任其於師友著述表章尤不遺餘力若俞氏理初沈氏子敦皆同志之友
 先生嘗鈔其所著癸巳存稿落編樓稿藏篋中及其人殂謝後悉爲謀諸有力
 者校刊傳世又程春海侍郎爲生平知己莫寶齋司農爲婚姻行二公勝流
 顧宜賓客盈門而身沒以後詩文奏議零落殆盡先生百計搜羅付之副刊其
 篤於風義如此今先生是集亦賴友朋弟子掇摭成編而又得壽陽祁相國爲
 之釀金開雕先生九原有知亦可稍慰生平坎壈之志矣豈非特具識鑒取友
 必端報施之理良非偶然哉至其地形志游牧記二書余爲補綴繕錄別有記

叙茲不復贅云

身齋文集吳履敬序

昔人嘗謂才人文士少達而多窮理誠有之然或窮於祿位而達於名稱或窮於生前而達於沒後一得一失孰與孰奪有莫知其所以然者夫使才人文士而豫知其不達將必歛手投筆莫敢有作抑使碌碌無奇享庸人之福者豫知身後之名必不能與才人文士爭烈也又且將媿歆羨焉然而趨於彼者既役役而莫知自返而博學好修之士亦必使精神才力悉散於殘編斷簡之中至於困厄摧折而終不自悔其性然與其造物者有所斟酌損益於其間而使之各不自覺與竊於先師身齋居士有深慨焉師少負不羈之才兀岸豪縱有不可一世之概稍長博覽多識益鬱其英氣發爲文章望之者咸料其將決巍科登臺閣也顧乃假寒淪落旅食有年卒且遭誣謗被屈抑一蹶而不能復起噫亦可謂窮矣而師之學與德乃因以益進既已息意仕宦閉戶讀書百家之

身齋文集

附石州年譜

五十五

山西省文獻委員會印

學無不洞其原委尤長於輿地小學異域山川瞭若指掌諸經說同異有問難者應答如流文字之交徧海內詩酒之會冠京師世之所謂窮達者固已漠然置之天不降年年四十餘嗣續未立遺抱瘵疾不起凡平日所著書多未竟業倉卒間諸友人取殘稿數十帙存以待梓餘並不可復檢悲夫何其窮之至於斯乎師既歿所著書稿輾轉歸於子貞世丈及願船先生處越三年詩文雜稿始歸余兄弟餘悉爲船願先生攜出都又越四年丁巳季春貞丈再入都開詩文稿編成已久與細芸世丈議始有刊行之志因商之壽陽相國遂釀金鳩工又越四月願船先生由閩北上攜師所撰蒙古游收記延昌地形志及說文屬並殘稿數種浮舟於洪波海霧中行李盡棄獨與書俱達時貞丈尙未去方圖覓身齋遺書聞其已至相與欣慰以爲殆從天降也游收記未四卷尙未排比地形志夏州以後未得草稿皆賴願船先生編校綴緝約略完善與詩文集可相繼付梓師之精心卓詣未墜於地後學之士得有所尋繹沾丐焉嗚呼位而

豐於名屈於前而伸於後固曰事之適然要亦理之不爽也師初於吾舅氏處

譏敬兄弟數面後卽許列爲弟子且召子迪躬自督教之諸業質疑听夕無間

偶妄有所作輒蒙過許以爲有可造就二年中非惟冠婚喪祭之事賴師營庀

卽子迪之日用瑣屑一衣一飯之間亦皆體念周至不啻子弟噫追憶吾師相

待之厚今日之所得盡力者僅此贊校編訂之勤不自禁其感姚涕零也尙何

言哉師既久不得志以姻戚鄉里特蒙壽陽相國提挈周贈情誼甚篤丁未戊

申以後親舊之士如程春海侍郎俞理初季廉沈子惇先生徐星伯太守並已

前逝陳頌南侍御蘇庶堂給諫趙伯厚贊善許印林廣文又先後出都所與比

鄰款洽者惟子貞世丈而深敬服細丈之爲人其推許樸學則願船先生爲最

今師歿將十年而畢生精力所注卒賴此數君以傳於世豈師之生前固已逆

料及此邪抑亦氣誼之相投有不期而自合者也詩文集刊既竣遊牧記地形

志亦可於數月畢事敬既喜於觀成且感諸君之厚誼以子迪前序於刊刻緣

身齋文集

附石州年譜

五十六

山西省文獻委員會印

起有未及詳也復爲識之至於師沒世之後爲達爲窮不敢定論留以待後學之自辨云

右族祖石洲公年譜先父官靈川廣文時所編輯也庚申夏同人年丈重事釐訂並增輯數十事編既成復授澤校刻以廣其傳澤謹與友人劉觀文大令王子進茂材往復校讎凡三閱月刻工竣竊念先族祖旅居京師二十餘年收藏兩代遺集泗洲公及太史公與一身著作歿後遺稿雜著悉歸當代名公鉅卿諸嘗相與往來者收存待梓咸豐初何願船比部補輯游牧記為齋文集亦賴諸契友相繼成編復得壽陽祁相國為之釀金開雕後先行世惟元裔裴男藩碑目延昌地形志說文屬等稿未識流落何處無從搜獲此外有載鹿牀侍郎繪小樓雲亭圖二又繪先族祖四十一歲遺照一何太史繪郵谷論心圖一自寫煙雨歸耕圖一計五通均亦無從尋覓伏觀海內珍弄名家如有收存先族祖遺文雜著者不惜郵函錄示俾得重行補綴竊成完璧倘並遺容惠贈藉以奉諸簡端奉先瞻禮則世世感戴有既也辛酉夏至日族孫世澤謹識

帛齋文集 附石州年譜 五十七 山西省文獻委員會印

帛齋文集附石州年譜終

集妙

香

齋

蔣	屋	如	厓
氏	校	月	涂
慎	卯	著	月
脩	甲	始	吉
書	寅	丙	成

一歸覲其依戀之情雖數十年猶嬰孩也嗣以蘇城告警家眷先期避居淞江旋移如臯府君以船小不勝載退後陷賊中展轉數十日始逸出迨至淞及如臯而太夫人已見背矣幸同邑老友顧君代爲殯殮如禮府君自此抱終天之恨常深悲悒旋游閩浙館同里甘太守竹生處適徐公壽衡將學浙江聘請襄校無何劉芝田中丞聘主上海敬業書院講席左文襄公聘主金陵鳳池書院講席光緒十一年選授武進教諭因年老請開缺府君在蘇時曾監理難民醫藥局凡取藥來必親送交恐他人投有誤也金陵戚友以避地來者必竭力周恤俾無失所家鄉婦女有求入清節堂者必多方玉成之府君爲人好施與限力不足不能如願每出門必攜錢

丁十五

行略

金陵遺書
新氏校印

數十文見有乞食者隨手分與之是以句者遠見常歡呼曰楊善人來矣卽不乞亦必有以惠我也府君見善則爲嘗結掃螺放生等會按月輪執其事卽朋友親戚間有託以疑難事者力可能盡無不委曲維持之必事成而後已府君先有兩子母鄭氏所生因病先後俱逝府君念嗣續重大始以吾母謝氏歸焉府君初不好佛因兩兄亡胸常抑鬱幾病顛或有以是相勸始誦之病漸失由是深通內典晚年尤篤凡晝夜以念十萬聲佛爲約近年皆然無一日間伏思府君克享高年心清神逸臨終不亂無疾而安未必非平時嚴課佛號之功也湘鄉曾文正公合肥李相國皆府君平日以文字受知者猶憶同治辛未公車南回道謁李相時文正督兩江李

相函致文正公曰此江南老名士請公就近位置一地留作讀書種子以爲士林勸因有忠義局襄贊之舉潘文恭哲嗣功甫舍人於道光戊申水災時設粥振於吾鄉之湖熟鎮聞先大父衡齋公樂善名甚欽佩焉事竣歸偶與諸弟談及玉詮方伯當卽識諸心是以府君避難至蘇方伯因有監理醫藥及延請課子之聘當府君尋母至如臯時金眉生都轉方籌軍糈於淮南凡過江名士無不禮致因宗湘文方伯見之囑和冬柳四章歎爲傑作卽授以館粲適甘竹生太守在閩函招渡海課其子由閩轉浙此母謝氏之所由展轉來歸也府君之得選武進教諭者實以林公錫三專摺保奏之故公自庚午深知府君之爲人奏云楊某品學兼優宜示寵異請

一一五

行略

三

金陵遺書
新氏校印

以州學正用得旨俞允但此舉出自林公己見不知府君以教職候選逾三十年因未投供銓選故不及焉府君功深內養與人無爭而持守謹嚴恥于非禮尤樂道人善每遇後進無不善誘循循至辨難析疑則毫髮不少貸每於書院課試常有擬作每日黎明起更深始寢終日手不釋卷至老如一生平精治經學著有讀易省心篇春秋律身錄皆次第梓行妙香齋古文辭及古近體詩藏稿尙未付梓光緒十八年壬辰重游泮水同邑舉詩社時相唱和樂以忘老十九年十二月初四日見所刻律身錄告成願而喜曰吾願慰矣予一生講學祇爲人心世道憂耳省心篇既行於世律身錄又見告成吾復何憾初五日膳忽銳減初六日起稍遲惟囑祖鈞

等當善讀書無忘我先人之志言畢閉目端坐少頃即逝猶危坐無倚容時日正午也嗚呼痛哉府君生于嘉慶十六年辛未三月初八日卯時卒于光緒十九年癸巳十二月初六日午時享壽八十有三配鄭氏先卒生于嘉慶十八年癸酉三月初九日 時卒于光緒十四年戊子十月十三日 時享壽七十有六葬于本邑南鄉段市村合墓母謝氏四川人現年四十有八兄三人長兄椿年國學生早亡無子以府君之第三子祖為子妻費氏 旌表節孝入祀節孝祠仲兄松年三兄柏年俱幼亡子男四長永安殤次永貞無子以第三子祖之子念曾為子娶江氏三祖先祖名娶李氏四祖娶陸氏女子二長適歲貢生費焯次適從九品周汝翼孫男一念曾祖等深愧年幼學未能成維略陳梗概冀當代立言君子錫以傳誌寵光先人以垂不朽實深感戴降服男祖嫌不孝男祖鈞謹述

丁十五 行略一

四

金陵叢書 蔣氏校印

題詞

文得史漢神髓惜只數篇然即此已鑿余心第猶恐亡者之視此加善而此猶未盡吾樸菴也將悉錄此以質同好以驗予之非阿所好而樸菴忽有浙東之行予適率人事不果錄是予之憾也夫同治乙丑臨川李聯琇讀并識

亂頭麤服不衫不履乃彌多參一往孤詣戛戛獨造乃彌見態此逸品也雖曰學力邃深抑由天資超妙循讀題詞有注名源瀚者尤得妙香神髓作者評者兩為欽佩愚弟劉因之雲卿拜讀

世之為文者侷色描稱量幅謀篇而卒多格格不吐樸菴先生之文據案疾書直抒心得如水之遇風大波瀾而小波淪一聽風之疾徐而水無心焉如雲之出岫春美人而夏奇峯一視時為卷舒而雲無心焉先生之為文如是先生之為人亦莫不如是其筆之於書如是其抵掌而談亦莫不如是孔子曰辭達而已矣先生知自達其意耳工不工若不自知而或指為史漢或目為八家或謂其薄桐城而不為恐非深知先生者源瀚竊窺微尚書此以質先生先生或以為知言否同治己巳秋八月湘文宗源瀚識

丁十五 妙香一

金陵叢書 蔣氏校印

函華先生大作已經鉅公魁儒論定沂可不贅惟集中說理文字神似袁公安第中郎疏放而公謹嚴其所以相同之由不在語言文字間安得慧業人更為作一轉語也戊辰孟秋款後學汪宗沂拜讀敬識

江湖悲浩劫老友獨歸然吳楚如斯夢文章仍有綠
瀟隘盜春意積悵寫奇篇淚灑淮干柳揮毫爲悵然
病起尙居內飄然冰雪來讀之壯元氣卓爾冠羣材
利藪俗猶競名心分已灰何當十萬貫一救澤鴻
哀咸豐丁巳小陽月山陽詠春范以煦拜題

丁十五

妙香一

二

金陵叢書
蔣氏校印

文

孫激之讀雪齋詩集序

詩亡然後春秋作褒貶與美刺其旨一也學者本春秋之意以作詩遇人世間卓然可傳之事長言之不足則嗟歎之其所以扶翼聖教者豈得已哉咸豐癸丑歲武昌江甯千里烽煙相接亂極矣而忠孝節烈相繼而興者古今人無多讓焉激之之詩皆不得已而作也有包把總名定國浙江人隨徐州偏將率兵五百援江甯戰浦口再勝殺賊千人卒戰死疆立貌如生潛山營外委雷公八西域人世居六合姓達名成

一十五 妙香一

三

金陵叢書 蔣氏校印

榮嗚呼二人者市井屠狗兒耳而臨難無苟免人傑哉人傑哉激之曰是宜詩城破人多棄親逃始猶頻問訊後卒不顧胡煦齋雪窖尋母卒脫其母於難與激之救其母同首唱內應者上元張茂才炳垣字繼庚志圖克復激之與其謀事洩炳垣用反間計牽引諸巨賊使自茶毒而炳垣遂遭車裂其置毒糗餌中事覺捶死尸投水中者武昌烈女朱九妹也事與炳垣同嗚呼石有時而泐金有時而液而此三人者或死或不死而其奮不顧身百折不回日不可泐且液而固于金石者豈不足使亂臣賊子愧死無地哉激之曰是尤宜詩春秋之法四夷之國雖大日子杞用夷禮則子之楚子與盟序於諸侯之上華爾為中國戰死旗國人花作詩美華爾春秋嘉

之之意也太平一敗請兵不許無異鄭棄其師而某太守無援輕進且請帥師何以無罪之之辭激之曰志在討賊雖輕進猶愈于畏死也罪之何為者夫近世為詩者多矣可與言三百篇春秋之旨耶激之之詩詩史也吾聞江漢多詩人亂後必有為小推之怨誹繼騷而起者激之或且暮遇之抑金陵城陷後闔門焚死自經者不知凡幾者安得盡有激之之詩傳之哉可悲也夫

武進湯貞愨公詩集序

武進湯貞愨公以浙江樂清鎮副將致仕居金陵往歲相識於張澄齋太守家見其狀貌魁梧奇偉以為非常人後予繪夢游圖畫者不下數十人公三圖尤佳妙真老畫家也草法

一十五 妙香一

四

金陵叢書 蔣氏校印

直道董香光晚年勝境蓋亦書家也已酉館虛龍山旁公是年於師堀開詩社招予入堀為公祖忠義公父孝義公祠堂旁治屋數間樹木陰翳四山環繞春秋佳日公集同人觴詠其間當是時根香圃老人侯青甫丈年九十餘為最長或詞或詩公皆先成詞法姜張詩瀟灑有仙骨見者又以為詞宗也詩伯也癸丑金陵失陷先是城中遷徙者紛紛余謁公問避所公曰師堀殆死所矣予先人木主之所在也未幾城破公作絕命詞投死堀之池中家人棄葬之死時以一藤杖殉十年省城克復改葬公藤發兩枝抱公體予因遷葬重到此敗井頽垣舊時喬木無一存者而公之筆墨自此益可寶貴矣夫詩書畫小技也非胸襟高書味深專心致志數十年必

不傳傳矣又僅僅專門名家長此或緇彼惟公具鄭虔三絕
向使公不遇亂下筆已足千古況大節昭然于天地間乎抑
世所謂傳人什伯千萬不得一或數十年數百年僅得一公
一門風雅若妻若子若女皆以丹青名家山川秀氣其萃于
一門歟且祖死于忠父死于孝公又以忠魂毅魄尋乃祖乃
父子九原非皆得乾坤正氣而能世篤忠貞若是乎獨惜根
香圃老人亂後不食而死城復竟不知藁葬何所並詩板亦
遭燬嗚呼是可悲也已余因作公詩序附記之猶恍然於二
老比肩追隨杖履時也金陵後學楊長年敘

是時公第四女適王氏者歸甯在家聞警父命之去曰速
回壻家無爲俱死也女泣曰世甯有父死在前而不顧者

丁十五

妙香一

五

金陵叢書
蔣氏校印

生不如死會須從父黃泉耳公嘉其志笑許之曰既若此
汝當先死女曰不然兄長遠出膝下無人請得收父尸而
後死公遂投池中女含殮盡哀畢旋亦自經嗚呼大節昭
然公其偉矣獨是閨中嬌女於張皇慘怛之餘而能竭情
盡禮從容就義如此豈不異哉雖古之烈孝不過是也因
讀是序附記於此盱眙汪祖亮識

潘功甫舍人護生菴集序

護生菴集爲放生作也長年聞之先子曰蘇郡有潘功甫舍
人佛洗心儒治事予至蘇過其門徘徊久之惜不得見道光
戊申吾鄉大水舍人於湖熟爲粥以食飢民時先子已下世
先子於龍江三山倡立兩救生局救溺人月亦放生鱗居多

曾買獲一龜長丈餘四人昇上船入水三顧而去嘗過黃天
蕩大風舟多覆獨先子舟有千百鱗圍如帶得無恙鵠鳩類
也數十百合一羣牝牡不相亂鳥之有別者吾鄉某喜食鵠
有雌者見雄死亦就烹交頸死上元汪心耕虔奉觀音夢一
老嫗言自南海來謂其宅二十年必火焚戒牛肉乃免其家
素不食牛肉生孫作湯餅會客素食乃具炙未熟爨下火起
屋盡燬回溯之適符年二十之數己酉吾鄉儀鳳門外三屠
人醜買一牛重五百斤夢一老人黃衣黃冠拜於前曰我牛
也乞勿殺竟殺之二人同日死其一人後十五日亦死友人
周次元贛檢人其父過海飲舟中月出見一女子坐水上霧
髻雲鬢舉杯招之踏波而來不言但飲酒舟人與之戲入水

丁十五

妙香一

六

金陵叢書
蔣氏校印

亟捕之乃鯊魚也酒氣猶蒸蒸自口出舟人利其皮烹之十
日海風大作烹魚人溺死之數事皆足申明護生之義者也
長年景仰舍人數十年今令弟玉淦部郎延課其子舍人已
下世令嗣東園以護生菴集囑序因并記昔所聞見於簡末
云

新安項月亭詩集序

余生平得兩詩人焉曰月亭曰念生兩人不相同兩人又未
始不相同也念生曹姓與月亭皆歛人精鐵筆善隸念生年
七十有三月亭年甫三十念生精于訓詁之學伏膺金壇段
先生月亭工辭章博綜金石而性孤介難合舉人目爲狂念
生寓新安公所終日居小樓不與外人接兩人讀書不求科

名吹吟咏無虛日而皆多變徵之音方今天下多故矣吾人有所激發往往託爲歌詩以寫其胸中之不平前年徽州陷念生有詩今復失月亭有詩兩人雖不求見用於世而其眷眷故鄉之心同也顧月亭雖感激奮發猶未親歷其境念生則自故鄉遭亂辛苦來吳庚申蘇城失陷前三日猶相遇於道今日余見月亭而不知念生之果陷賊中否也然則時命又有其不同者歟夫人之傳不傳有幸不幸月亭稿今已哀然成帙而念生著作等身亂後不知散佚何所余詩古文詞山陽范咏春喜手鈔之咏春已死制義在揚州李冰叔處昨聞冰叔渡海來余稿又失去余爲念生惜而亦不能不自爲慨矣余識念生在滎陽潘氏家念生月必至以詩示余而

丁一五 妙香一

七

金陵 嚴書 蔣氏校印

余之得交月亭也在臯城望江樓下今年館于此月亭朝夕來而念生已不可復見矣余序月亭詩附傳於此使世之讀月亭集者知有念生其人也

海陵朱櫻船寶善詩集序

太史公徧遊天下名山大川行文疏宕有奇氣豈獨爲文哉山水者詩之窟也自古詩人往往窮幽極遐終身探討而不厭而其詩亦遂超然出於塵瑳之外山水其性靈之一助歟朱君櫻船家海陵揚州古名勝地多詩人然水鄉無崇岡峻嶺之勝同治元年予過其地聞有康先生瑞伯年八十工詩訪之未遇是時朱君在閩明年同里甘竹生太守奉調來閩招予課其子與朱君遇讀其所爲詩卓卓可傳朱君入閩十

年武夷諸勝爲其熟游又善畫詩猶畫也安徽朱昂之青立入山看雲十餘年意若有會吾鄉張雪鴻欲於深林朝暮看禽鳥飛集畫鳥得野趣由此觀之天地萬物皆吾師在自悟耳從門入者不是佳珍其信然乎其信然乎或謂如子言書可輟讀予曰三百篇之妙在比興非博雅如毛鄭安能爲傳箋乎書又何可廢也或又謂朱君何不徜徉山谷間而乃羈宦於數千里無乃能見而不能隱乎予曰隱於吏猶隱於山也其可以沮溺爲隱晨門儀封人爲見歟且詩言情而作也人必視天地萬物爲有情於我我必不可無情於天地萬物夫然後能爲世間有情之人而能爲世間有情之詩向使朱君入山必深入林必密於煙霞之氣則得矣而於人情風俗

丁一五 妙香一

八

金陵 嚴書 蔣氏校印

可驚可愕之事能慨乎其言若是耶方今閩中以微員擢大吏者有人朱君年方壯異時服官勤民天台峨眉皆可爲其公餘遊觀其爲詩必更有進然又豈得僅以詩人目之哉吾鄉董小狂嘗於棲霞驢背上遇僧問何往言入山尋詩索稿讀之大妙今予將歸去訪詩社舊友存者幾人念朱君往來萬山中必有詩人嘯傲伏處不出者朱君其陰相之嗚呼古之懷才隱於下位者多矣蠻煙瘴雨中其揚風挖雅堪爲同調者誰耶

周元甫愛日軒文集序

余讀班固漢書藝文志曰登高能賦可以爲大夫心竊疑之虞書曰日宣三德夙夜浚明有家豈區區能賦之謂歟及閱

毛傳卜云其吉注升高能賦師旅能誓山川能說歷歷言之有九謂君子能此九者可謂有德音可以爲大夫始釋其疑韓詩外傳云孔子游於景山之上孔子曰君子登高必賦蓋賦亦六義之一也余年二十識元甫元甫少時賦名噪甚自中鄉榜後大挑一等宦游于皖不相見者二十餘年咸豐己未遇于吳門朝夕恆相見余嘗夢神人語余曰人心不悔禍行將玉石俱焚矣後果驗語詳元甫徵信文中集內海防江防諸議所以籌畫者至周且密可不謂之師旅能誓者歟至皖省便覽一書其於山川詳哉言之矣其文和平不唯殺不可謂非德音也人以元甫有大夫才未竟用爲惜韓詩外傳不云乎名號傳于世者不待勢位而顯元甫此集出奠安一

丁十五

妙香一

九

金陵遺書
蔣氏校印

世流傳千秋元甫亦何憾也哉

甘竹生觀察詩集序

朱子云詩以道性情豈獨性情哉蓋亦通於言語政事云何言之古者先王命太史陳詩以觀民風陳詩者何知其貞淫正變然後政教可得而施也魯論云誦詩三百授之以政不達使於四方不能專對雖多亦奚以爲又曰不學詩無以言作詩貴得三百篇之遺意而善爲詩者非第爲詩人已也其亦通政事言語而一之矣吾鄉甘竹生觀察孝子鶴籌公之後也平時絕口不言詩出山後延予課其子予於定海嚴州暑觀竹生聽訟處人骨肉之間能使人感激零涕父子如初何其言之足以感發人也其推心置腹於健訟之人俾之心

悅誠服而一變其故習其創懲人者又如此其切也然則竹生雖不爲詩固已深有得於詩教矣癸丑歲會奉調入閩軍事旁午處之裕如時徐清惠公兼署將軍事嘗使之總理海關稅務海關金穴也而竹生清況依然蓋又合於白華之義矣竹生真不愧爲孝子之後哉予以爲君既得力於詩教當必有言志之作固請之始獲睹則性情之誠篤言語之輯擇政事之通明已一一於詩見之竹生雖諱言詩安得不以詩人目之哉嗚呼又安得僅以詩人目之哉

楊桂峰詩集序

丁十五

妙香一

十

金陵遺書
蔣氏校印

於先生長者則雖極其詣之所造亦無足觀已予方外交髡殘書家艾之腴後人也少以畫名公卿間老而爲僧居不二庵緘默寡交獨與武進湯貞愍公及予善而吾宗桂峰常從之遊髡殘告予曰向無畫弟子此子聰慧無少年浮動氣故樂教之已而髡殘病是年大水庵無備獨一桂峰侍奉湯藥衣不解帶者六月貞愍公心重之及髡殘死乃引桂峰爲畫弟子且命之讀書曰桂峰能強識予告以不於畫求畫畫乃工居數月桂峰遂能詩文辭賦滔滔汨汨無異宿學予喜之以爲未可測其所至也咸豐癸丑金陵失守貞愍公殉難予避跡蘇松不知桂峰蹤跡者十餘年同治己巳余館於浙忽途遇桂峰鬢髮有鬢已不相識矣問何來乃知以養母故營

小官方署石門典史回矣於是常相過從桂峰兢兢以父執事予與之談史事及古名臣文章行誼娓娓不倦間往其家老僕言主人貧甚然事母至孝予乃喟然歎貞愍公及髡殘之能知人不可及而區區詩畫不足以盡桂峰也桂峰性嗜酒屢與予飲雖大醉益溫克殆髡殘所謂無浮動氣者歟桂峰以詩示予因述其爲人如此以告讀者

心經合刻序

心在外乎呼寐者而使之覺不能不在其人之左右也心在內乎何以爪生髮長筋轉脈搖一無所敗也謂心爲有寂然不動謂心爲無感而遂通蓋無在無不在也然而知此者鮮矣有人於此背日月之光而認星火爲明棄江湖之大而認

丁十五

妙香

一一

金陵書畫社印

浮漚爲水置連城而以砥砮爲玉捨照乘而以魚目爲珠人未有不啞然笑之者人之於心亦若是焉已矣覺知也執著也分別也意見也思量也非心也而以爲心也此其病在有我試問數十年前我者安在乎數十年後我又安在乎有我因有人有人而我之相愈熾非我而以爲有我真我而反以爲非我真我者何乾剛而我有剛德也坤順而我有柔德也坎實而我有實德也離明而我有明德也我心之動乎天理爲震我心之入乎天理爲巽我心之止乎天理爲艮我心之說乎天理爲兌推之六十四卦得乎中正者真我也反之至於一畫之前一念不生爲無極萬善皆備爲太極莫非我也欲識真我須明心性性猶鏡也心猶光也非心之心猶

鏡中之影象也卽識也識不消輪迴不息也或問識何以消也曰殺人此手也救人亦此手也在轉識爲智而已矣何以能轉識格物者扞格之謂也心不到鏡鏡不到心然後知無虛妄而意誠否則物交物而引無求也無住也此其所以不爲物轉也不爲物轉則能轉物易曰官有淪貞吉出門交有功官者心之官也耳目之官也當乎理得乎時則隨緣而仍不變故曰交有功不失也不失者不失真我也真我者無我也何言之未應事時心與虛空爲體何者爲我乎物來順應我如是人亦如是何者有我乎無我而真我存有我而真我亡人奈何以爲有我而惑心在乎內也余因奉佛者多不明心地爰爲心經合刻而以八識頌附於後

丁十五

妙香

一一

金陵書畫社印

感應篇序

儒言忠恕釋言慈悲道言感應三教同歸之旨心而已矣善惡之報業應之心感之受以身兆以目曷言乎兆以目也殺牛者目如牛殺豬者目如豬殺雞鴨者目如雞鴨形雖未變神先肖之感應如是其捷矣乎未也一念之善惡吉凶應之感應直在剎那間禍福無不自己求之者有二人於此一淡焉漢焉以求人一呼號望救如水火之急人必應急者至誠感神如是如是然人之不誠有故人無時無念也無念無感也覺知也分別也思量也意見也非心也心之惡者爲怨賊爲惡獸爲毒蛇爲深坑有形之害害人一世無形之害害人累世甚至五逆十惡百千萬劫墮惡道中莫非心之爲也是

故感應惟心當先問心佛遺教經云籌量牛力所堪多少不令過分以竭其力世之人外有聲色貨利搖奪其心內有覺知分別種種紛擾其心嗚呼心力疲矣雖有善念所感微矣莊子謂鹵莽滅裂而耕耘者其實亦鹵莽滅裂而報因有感應始行善行善未獲報輒曰天道無知不知有心感者不感者也無心感者必感者也道德經云吾有大患爲吾有身若吾無身吾有何患心亦然棧嚴經云知見立知即無明本知見無見斯即涅槃無漏真淨鴻範之大旨在好德肅又哲謀兩暘時若天且應之矣而謂士庶人好德子孫有不逢然而大者耶詩曰不識不知順帝之則不識知則無所倚而中繫辭云天下何思何慮天之下非空乎心如虛空思慮何著且

丁十五

妙香一

十三

金陵叢書
新氏校印

人之昏沈皆由不知止故光明之道必歸於良大學止於至善指無心言非承明新言也觀下節有定自明不慎其所感而欲神其感不可得也且心地不明欲主敬必有肆心以亂之正其所倒倒其所正愈倒愈正愈正愈倒易曰列其夤厲薰心說文云夤敬也肆起敵敬薰心之厲也維摩經云無慧方便縛有慧方便解無方便慧縛有方便慧解雖曰至善無善非去眾惡不能知至善也非積眾善不能行至善也知至善者不知之知也行至善者不行之行也至善者何畫前之易也無心之心也無心之心真心也天地莫能外也鬼神莫能知也無心之感神於感者也何神乎爾天地無心也我亦無心也我無心我心即天地也鬼神陰陽也一念善陽也一

念惡陰也我無心不能知一有心感而鬼神莫不應也故曰神也王君刻感應篇問序於余余因感應之道於心故爲之先言心

潘椒坡孝廉鄧尉讀書記

吾鄉牛首山先人之墳墓在焉予少時讀書其中十日一歸視母是時天下無事及壯奔走四方知鄧尉湖山之勝兩過吳門未至其地癸丑之變予家藏書盡燬辟迹華陽山中流離轉徙不一次然皆得與老母相依丁巳館潘玉淦都轉家課其子得與其猶子椒坡孝廉交以詩詞相往來然不數數見庚申蘇城失守眷屬隨顧君景山徙松江予以後陷賊中先是弟子潘濟之告予曰椒坡在鄧尉當是時予以老母已避之松江故不謀遷鄧尉四月得間出而松江路斷夜行晝伏六日始走四十里至鄧尉鄧尉多梅椒坡之先人補之先生以地爲先世墳墓所在治屋數間爲祭掃棲息之所有瞰雲樓時椒坡讀書其中樓帶山面湖旁有司徒廟古柏四株天矯曲盤皆千年物患難時有良友可依又得恣游覽豈得謂非幸徒以不知老母信亟欲去旋大病病時臥榻上見椒坡日持一卷坐燈下日喃喃不輟雖酷暑無有間因念世之貴公子多矣聲色狗馬他無所好者間有一二讀書好古之士又以世亂廢學時勢使然況遭兵燹後必不能如平日之金多身閒乃猶惟日夜孜孜當其有得幾不知人世有擾攘事可不謂之好學者歟予病少閒適道路偶通亟赴松江比至

丁十五

妙香一

一四

金陵叢書
新氏校印

而老母已棄世兩月餘矣壬戌秋館滬上復相遇是時亂將定椒坡年方壯他日得志必將以讀書之所得者施於政然求如山中時之無一事可再得耶且金陵復後予將尋先人墳墓急謀吾母窀穸營數椽廬其側還讀我書老守故山不出矣迴憶曩時聚首鄧尉此境又可再得耶

天界寺凝空和尚傳

咸豐紀元周貢甫謁其外祖董公墓與中表二人俱歸過天界寺與僧凝空遇僧露頂赤腳過午不食即吾鄉目爲瘋和尚者也先是僧入城嘗負一牌口喃喃念佛牌中語不盡可曉道光丁未三月某日僧忽用長竿牌書天降紅雨放礮消災八大字往來馬巷如織人問之曰一人兩箇眼三日後馬

丁十五

妙香一

十五

金陵叢書
蔣氏校印

巷火起延燒數十家己酉大水僧豫揭水勢示人人不信後城中大水高過戶排牆始得出自是眾驚爲神初寺中貧方丈募食不得人輒敬僧布施之乃遜以爲庵主貢甫等既入寺僧款問貢甫曰君讀書人知釋家禪定卽大學之定否定生靜靜生動我入定至五更時照見城中吉凶瞭然往年火水劫皆定中見願小也三年內大劫又至矣君家可免難其在劫者非大善不能出劫外者有大惡亦必入善以孝先惡以淫首不爽也癸丑春賊至貢甫家早遷避不與難益奇之蹤跡不可得一日于王堊見天界寺執爨僧亟問之曰和尚於被賊前一月忽集大眾上殿各予錢五百曰大劫至矣向淮揚一帶去可免眾不忍去敦促之始散散後和尚積薪樓

下召予前左執火右持錢千授予曰火我遂登樓大呼曰舉火舉火予知和尚有異不敢違火之見和尚跌坐烈燄中冉冉西去時正月十五日也同治八年冬長年歸自浙遇貢甫言如此屬記之噫異矣長年昔識此僧至今猶憶其顛狀而不意其去來若是也

贊曰嗚呼城存與存城亡與亡此豈爲方外人言哉學者類稱明哲保身僧旣前知矣難未作而卒以身殉何也豈所謂劫固不可幸免耶蓋至人者寂照雙修去來如一彼於死生之源徹矣萬世一瞬何有於城之存亡哉
宋退思廣文俯視浮雲圖說

丁十五

妙香一

十六

金陵叢書
蔣氏校印

大草木生禽獸居寶藏與人世經天緯地之業皆從性出性定乃不爲境轉遇一切富貴視之蔑如置身於萬物之上吾師宋退思廣文自官江甯非學校事不少干預恥奔競常鍵戶不出蓋浮雲富貴之志早脫然矣官四年以病乞假去丁父艱服闋補原官越七年始來此時省城雖復學校事久廢士之歸者不殖將落師乃振新之師爲學以溫故知新爲務年六十猶誦五經四子書不輟有心得或筆記發爲詩歌長年於乙丑春由閩歸復相見以心易就正頗許可出俯視浮雲圖使爲說因思人心之變至無窮也念起念滅如浮雲之去來一念未去又一念來浮雲之上有浮雲也心中之浮雲不能空又安能空眼底之浮雲乎夫人性惟不靜故遇物輒

動師有定性故一切蔑如即經天緯地之業亦如浮雲之過
太空又豈獨區區富貴乎哉師晚年號退思非第補過也蓋
嘗言一二年將歸去山中白雲可自怡悅其與塵世紛濁流
亦何遠哉亦何遠哉

吳少桓世榮養雲齋說

泰山之雲起自膚寸而雨滿天下君相之業運自方寸而澤
被天下雲也心也豈有異也哉然其興固各有時矣需之象
曰雲上于天需君子以飲食晏樂其即示人以養之方歟同
年吳君少桓皖之霍山人南岳衡山之地近代偉人惟君家
刑部侍郎竹如先生如臯陶得與知道統尚已繼起則君之
師湖南方伯涂公爲慈雲幾徧吳楚君家學淵源得師傳當

丁十五

妙香一

十七

一金陵遺書
蔣氏校印

仁不讓今年冬自湖南來出其師所贈養雲二字示予嗚呼
師之意槩可知矣有大過人之才未用時不能不養故序傳
云願者養也不養則不可動故受之以大過君爲霖手也又
心在天下吾知一旦爲出山之雲或得與其師四方天下常
相從予年老矣自分閒雲不能行雨然未始不望朋輩之有
人也爰書此歸之

贈高楚蕪序

伊尹周公古之託孤寄命人也得一人而商周之天下治家
事猶國事也豈不賴人以治歟而世多負心人何也人秉陰
陽之氣以生義陽而利陰偏于陰者必好利偏于陽者必重
義吾觀高子而知爲陽剛人也高子爲張氏託孤寄命之人

代治其家事家事以治可不謂之忠于爲人謀乎向使高子
讀書充其才大其用人皆可以爲堯舜伊尹周公安在不可
學而至哉曾子以託孤寄命爲君子有以夫

顧景山傳

君字滄源號景山名塏國學生世居金陵望鶴崗爲明顧東
橋尙書後年十七服賈粵東事親孝忠於爲人好神仙之說
樂行善嘉慶甲戌夏赴粵遇江西買稻人李姓攜猶子附船
回至鄱陽阻風李屬猶子守貨先雇船去厥後猶子雇快船
議價定君見榜人色不善戒勿雇爲出錢若干婉謝去無何
岸上獲盜往視之前榜人也道光庚寅夏重過鄱陽南風大
作移避城下石套塘見一船蕩欲覆船上人盡哭他船皆欽

丁十五

妙香一

十八

一金陵遺書
蔣氏校印

手視君慨然出錢置船頭約往救船爭出以是得免庚午夏
過儲君十八灘見其廟壞神像露處輸五百金倡修廟司事
改作大興土木郵書請益君告不能明年過其地甫泊岸眾
奔告司事曰顧某來矣顧某來矣廟中人競出鼓譟君曰我
五百金力已竭何益爲眾曰莫益之船上費非君有矣言未
畢耽耽欲奪正倉皇時忽有江西路太守赴贛州任舟過君
望見旗昨呼救問何事詳告之太守嚴斥司事遣役護出境
閱五年廟更司事君卒成之君寓粵遇故鄉流離子必厚恤
之有無主柩不能歸葬者五君載歸葬之粵中五仙觀殿材
皆鐵梨木屋數百間日就圯觀爲將軍祝嘏地君捐募千金
上之將軍奕公奕公與制軍耆公各出俸金屬富紳潘君德

與董其事潘邀君佐君辭道光十六年得戒鴉片煙方作勸
戒十條呈兩廣總督鄧公請頒行各屬鄧公爲設局施藥刊
刻頒行粵俗屋上巡更以故設棧時有放火賊往往升屋投
炬火發乘亂肆掠某年五日三放火君於屠狗得一人善待
之俾偵得賊姓氏里居當是時府縣公堂擾擾懸重賞不獲
一人君具衣冠見太守易公請問與語少頃出眾問故不答
太守率卒按捕一日夜盡獲之置于法患遂息君歲刻普濟
良方爲親祈壽母病刲股和藥進得愈父年八十四母七十
七而終家居時觀音門外大江天黑不見涯岸每大風起小
船取溺人貨曰撈漂君與武進湯貞愍公紹興羅司馬鶴翔
立忠信堂口岸懸燈設江船救溺自是小船不敢出釋岫嵐

丁十五

妙香一

十九

金陵遺書
蔣氏校印

建亦善堂恤發君捐百金代募四百金承散各瘵月必親送
錢其家天界寺有四銅佛長二丈有奇廣如長之數而殺其
七君以五百金嚴飾之癸丑之變避亂慈湖田上船大風溯
流而上時上游船皆南下君乃掉頭回句容南鄉居三年丙
辰我師左次更徙吳親戚往依者十餘人皆留養其子弟便
就塾歲疫合藥散人雖重貲勿吝吳人德之嗚呼神仙之說
吾不知作善不必即降祥作善必不降殃吾以願君信之矣
君屢蹈困阨得出險謂非爲善之報耶君家僅小康然自粵
匪亂後金陵巨富皆灰燼甚至就虜爲賊殺君獨早出不與
亂布衣蔬食晏如富不可恃而爲善固大可恃也今君年六
十八矣孳孳爲善益不倦予與君交至久知君深因歷敘其

生平如此預知卒日坐化事

予交願君最晚然耳其名者已三十年壬子秋相見於忠
信堂武進湯貞愍公極信任之丙辰同寓吳門一日屬其
婿魏伯颺招予同往遂往依焉庚申四月遷徙者紛紛予
苦力薄願君慨然攜予眷出予以船小不能載陷賊中十
餘日始逃出當是時道路多梗羈留于光福鎮之澗上者
五月至冬始往上海尋母而母已棄世兩月餘矣妻告予
曰姑附身附棺之具皆願君代治之無毫髮憾一家食願
公者已數月予感願公之德附記于此

答含山張師筠書

關別久矣壬子之冬君諄諄勸予出城未之信也明年二月

丁十五

妙香一

二十

金陵遺書
蔣氏校印

初十日金陵城陷以母在未敢死杜門不出闕觀賊方殺人
日在未劍喙聲甚急無敢啟門者突有人排後牆入潛窺之
則鄰婦也未及語忽一賊升屋大言曰我豈必由戶哉身輕
若鳥下蓋僞宰夫之僞公子也承以劍曰汝妖乎時賊謂告
以課徒爲業劔始不屬吾頸呼茶茶至主人飲乃飲飲畢入
室驚走出曰何女人之多也三日歸姊妹館此大廈我當宅
焉爾夜居於外男有男行女有女行哺時賊盡至索食適僕
人劉福過大女家未回無人炊賊自作五斗米飯一食而盡
日入僞公子索入貢人參黃金翡翠白玉爲上白金次之衣
服又次之珠雖照乘不識也雞鳴時僞宰夫至深目蝦喙言
奉東王令掌北門天寒要宅主人進裘厥明僞宰夫黃巾朱

履上堂厲聲云眾兄弟要拜上帝予不解怒叱之然卒得不拜歷四五日於是驅男入軍女入館突生離死別慘不可言當是時城中四方火起閭室焚死者千餘家予叔母一嫂一弟婦姪女三人皆仰藥死鄰人錢姓火其屋一牆隔也請請出出予家老幼面牆立火至宅輒止我母誓不入賊姊妹館時時死家人救之不欲生強出之然我母誓不入賊姊妹館時時以剪刀自隨二月下旬賊分館於南郊梅崗予出城聞城上大呼仰視則劉福也過君故宅王鐵琴家虛無人焉不知其家人尙在否予告賊有母在賊命三日一往視母攜妻兒潛賊嫗家夜炊翼賊不見煙也賊來每大索聞叩門聲輒匿兒棺內三月朔予與從弟被賊虜至鎮江偽宰夫執木鐸狗於

丁十五

妙香一

二十一

金陵叢書
蔣氏校印

南北不相及兒未歸欲度關賊已設度關之符符者偽北王印帖也無是不可度予於母出之後二日即謀出城故人阮蜨仙善卜爲予占言父母爰臨青龍子孫爰得生扶吉卦也交冬方可行不然虎口難脫越日得家書知老母安居陶村果如蜨仙所言所謀亦卒不就時某月某日也十月遇蜨仙謂予曰可行矣再卜之得游魂卦行期當在十一月爲大女占亦然至期竟得一廣西人攜予父子度關過其卡而去其人蓋脇從者大女亦於是月從舊僕王嫗得出焉予度關時匿蘆中百步外賊往來如織風聲鶴唳草木皆兵老鴉時作人咳日夕土人導予出鬚髮得飽食四更啟行張弧載鬼蓋老樹怪石之形狀匪寇也禺中至鐵心橋如出籠鳥天空地闊

丁十五

妙香一

二十一

金陵叢書
蔣氏校印

軍中日聽買賣以質劑一日所得之數牛羊豕雞狗不止三百也予不爲役使伴耳聾賊驅令牧豕天陰坐豚棚旁惡臭不可耐是時鎮江西門外逃出者甚眾予之俛首受辱徒以有老母在也十餘日復逐歸金陵城途遇兩雨霑服重不勝行李僅一大被與弟負而走肩肉墳起喘若牛少後賊以爲逃鞭之見血行陷大澤中泥沒踝幾不得出入城先至母所則皆走不知所往鄰人告予曰爾一家不入姊妹館遂出城矣是日出城女人以萬許多投河死尸積水爲不流又言汝兒隨縫人去昨見黑索拘三人爾子及執鞭者又有小甲蔣順皆以衣無偽印故小甲殺矣爾子及執鞭人聞未死三日得兒蹤於偽尙衣局我家一日逃出者六人以事出倉猝

告慰故人於千里外者時有此耳聞今蜨仙亦出矣將往依其女於淮上薌林在江北閩齋在江甯南鄉鐵琴因鐵心橋亂不知遷移何所惟家柳門同居一村朝夕把晤君狀奚似尙望時惠教言稍慰兩年之契闊則幸甚

田伯珊先生八十壽敘

光緒二年六月二十八日爲田伯珊先生八十壽辰其子毓文屬文以爲壽余知先生壽有由致乃探本而言曰昔有子見春秋之爭戰無已時而欲以孝弟已之孝弟者人之本也有子引孔子言曰君子務本本立而道生大戴禮保傅云正其本萬事理本誠重哉本誠重哉上元田伯珊先生以孝德爲本善培之而得其壽者也先生少孤家貧癸丑自金陵城

丁一五 妙香一

二二二

金陵 謝氏校印

中與二子昇母出賊轉避有弟仲險亦以孝友稱以大挑爲績溪令有政聲事載縣志中愛親者必愛他人母好施凡所欲與先生探囊出之重不計同治三年省城復歸來者爲分產爭爲認地爭爲立嗣爭甚至有寡婦之利爲人奪而爭先生以在醜夷不爭之孝爲之平其爭春秋之法得乎公道則託之國人以書人先生出一言爲眾人之所欲言而又爲眾人之所不能言故人咸服先生之言凡有爭論人無識不識有所質必曰田先生田先生更有錄錄因人者流赴約必躡先生後先生言乃言爲隨聲之附和先生具陳平分肉手段又有東方朔之詼諧爲貌瘦骨稜棧遇事至夜過半眾皆倦先生神光左右顧無稍欠伸雖精神過人爲壽徵然亦孝爲

百行之本先生能務本故也何言之孝者三皇五帝之本務而萬事之紀故堯舜之道不外孝弟孔子之行亦在孝經人皆可以爲聖人先生於人不侮鰥寡不畏彊禦是則是非則非其殆古所謂執一術而百善至百邪去者矣夫孝德之本也德在仁仁爲元事有萬端不出經權常變仁貫四德兼乎義禮智信先生因應不窮本立之效也得其本鬼神且可感而況於人乎先生自少無宦情輕世肆志有魯仲連遺風而其排難解紛遇有親在者務令事早平而使其親得安不可謂之老吾老以及人之老者乎魯仲連之排難解紛本乎不帝秦之義先生之排難解紛本乎不忘親之孝孝弟爲仁之本本不正者未必倚始不盛者終必衰先生不爲調人之官而於人之難必諧和之其植基可謂正且盛矣故吾以先生之壽爲仁者之壽

丁一五 妙香一

二二四

金陵 謝氏校印

陳石渠先生傳從金陵文徵鈔補父執陳石渠先生先君衡齋公契友也其爲人孝友溫恭樂善不倦每過舍見長年必摩頂祝曰好讀書勉爲善時長年未十歲不甚悉所謂然仰瞻道貌粥粥然隱知爲長者及長大聞父老時時道其軼事愈益慕之陳氏世業儒至先生父在東封君中廢封君憾之教先生最勤禮事師如事尊長而先生力學至於成就推封君之意至忠且悉有貸於封君者度其人不能償還其券凡數百金封君老友蕭君客六安死子幼貧不能歸葬先生愀然曰此先子之所悼心者也亟致

資爲返其喪先君嘗舉此以訓長年以爲事親若先生可謂篤孝矣往歲城中設有育嬰老人兩堂而恤廢無所大江下關草屨等處風波最險惡舟過多覆溺拯救者懼有牽涉輒束手相戒先君閱之將與先生議倡捐立局走語之故先生撫手大笑曰衡齋知我衡齋知我出一卷相示蓋先數日創爲條約已錄有成稿矣於是簡寡婦之無依者建恤廢局居之俾生有所養死有所歸建救生局募造紅船遇大風則出江巡救活者無算先是勅此議時當事有阻之者先君獨毅然助之成人曰雖陳先生善舉得楊君一言乃愈顯先生聞之色益喜先生治家動有禮法長年嘗過謁君善氣盎然粹如金玉如見先生者先生沒家無異政里中諸先輩稱陳氏

一十五 妙香一

二二五

金陵叢書
蔣氏校印

不言躬行大有齊魯風先君每采之錄爲家範今年癸酉先生文孫元恆撰先生事略乞爲傳讀之與先君所述頗合是烏可以不傳先生諱授字石渠號松暉江甯故增生以子維垣官內閣中書封文林郎維屏官廣西右江道贈中憲大夫著有小學廣義四卷毛詩補箋八卷松暉文稿十卷藏於家贊曰先生先世家河南至明季始占江甯籍而後漢陳太邱實爲河南穎川人先生豈其苗裔與蔡中郎作太邱碑文曰兼資九德總修百行於鄉黨則恂恂焉彬彬焉觀先生懿德何其相符也先生嗣子四孫男七曾孫男八當時太史奏德星聚殆不過是里仁爲美宜其然乎吾鄉自癸丑亂甲子城復於今十年而里閭浮侈過度澆漓逾昔蓋無一人肯悔禍

者即令先生生於今日垂涕而道未知能挽回一二否益令人思太邱遺風曩日猶爲近古也

大中橋火祖廟募啟書後

太中橋火祖廟明萬厯建咸豐癸丑燬于賊僧昌蓮欲重建句跋于余余不禁有感于明瓦廊往事油市近事而有言曰事以曖昧而滅絕天理也其必有火災乎何言之嘉慶末明瓦廊有某姓兄弟五人一不肖私盜住房契質于山西客處言明不起息不還本增至銀與契等讓房無辭而家人不知也至銀契等時客催出房一家譁然曰爾但向一人索債可也能索吾公中產乎未幾借銀人亦故客無如之何一日質質然來曰余將歸爾不讓房余得請于火神矣自此回山西

一十五 妙香一

二二六

金陵叢書
蔣氏校印

不復來房主人夢一老嫗匆匆自外入曰我爾家所奉之觀音也爾房二十年必遭火戒食牛肉可免其家素不食牛肉久之家生孫作湯餅會妻之父非牛肉不樂因炙牛肉炙未熟而火起一片焦土回溯之適符二十年之數光緒十三年冬有烏江人來售棉花得番餅千五百元將歸攜其銀至紅坊閒話坊主人覩其銀飲之酒至大醉猶強之飲罷客索身邊銀不得大噉咷坊主人持燈照言後門開後門通會館報官官驗有出路無入路株連館主人客自銀失去恐不欲生一夕鄰家火起是時天久不雨無水見紅坊有數缸水滿貯往取坊主人弗與眾揮之倒地如牆而進水竭番餅出焉客始破涕爲笑由前事言之一則喪其資斧一則烏焚其巢由

後事言之烏焚其巢而後得其資斧易之不可爲典要也如是夫雖然變易者事不易者理離爲火於五常屬禮禮者理也獲罪于天無所禱天視自我民視天聽自我民聽詛祝所及天或從之見聞弗及天必鑑之無處無鬼神焉有載在祀典之火祖廟燬于賊而可不重建乎抑聞之十年前坊口大街有天界寺瘋僧凝空持一牌大書一人兩隻眼五字奔走往來如織問語弗答後火起燒處不越瘋僧行跡一步今昌蓮師果戒律精嚴行見開叢林接眾有日矣豈徒廟貌之重新而已哉

擬唐人四六判

仲叔子奚請曲縣繁纓判

丁一五

妙香一

二十七

金陵遺書

蔣氏校印

樂統尊卑規模頓異禮兼貴賤服飾攸殊爵顯列于屏藩三面差稱完備等已降于天子七就宜炳彰施不虞卻敵之餘輒動抗尊之念臣非魏絳頒賜本出無名事類韓侯饋贈竟逾常格漫謂塞門反坫作俑堪誅幾同舞佾歌雍肆行無忌求原有挾賞又何宜敢蒙亡等之譏請定正名之例

陽虎竊寶玉大弓判

家相負辰佐大邑周禽父就封列諸姬長自隱桓而降政漸逮于大入昭定以還權盡歸諸陪二虎也禘于辛卯順祀僖公謀決壬辰將季享氏悵三桓之難去取二器以潛逃釋甲入宮據闕叛主純青質繡竟招肱篋之徒封弱夏璜大負展親之誼直書曰盜何說之辭後即終歸殺之無赦

詩

武進湯雨生都督琴隱圖白下草

琴臺廢遺址矗立雲霄間千載有同調將軍不可攀身操三

絕技家住六朝山大隱與人近何須辟市闕

富貴本如幻安能役此心龐公挈妻子何氏占山林目送飛

鴻遠境隨流水深不勞更揮手弦外有餘音

侯青甫丈盆中黃山松

三十六峯中峰峰都是松不知兩株樹來自幾重峰矯矯欲

何向區區安足容終當化龍去黃海覓無蹤

丁十五 妙香二

金陵叢書 附氏校印

登木末樓贈花雨上人

一別河干路移家到嶺頭西風吹木葉落日獨登樓二水白

無際數峰青欲浮故居不可即清夢付沙鷗上新人舊居

登盧龍山用明喬太宰韻

八月山中天氣涼道士面如落葉黃閒時愛逐白雲去市月

不歸秋草長勝代人文已寂寂山中藏有明宋燦于火樓星斗何荒荒幾回到此重惆悵殘碑斷碣空斜陽

雪夜

凍雅栖定寒風息夜漏深深雪滿檣爐有餘香燈未滅五更

危坐讀楞嚴

夜夢至一樓湖光山色一道士臥于上得旁臥有人渾不識

滿襟只是酒痕多句錄之繪為圖

道人惟愛酒我輩空能詩醉酌不同醉黃梁安可期夢君君

在此君夢夢何之願借游仙枕窮搜蓬島奇

木末樓望雨懷蔣楚貧吳荀裳

江雲如瀉水山雲如列峰須臾忽不見一抹煙濛濛人事有

遷變瞬息浮雲空何不為風雨出入羅浮同飛蓬與斷梗誰

憐飄泊蹤曠懷齊死生無為涕沾胸

題石船上人蔡石室畫顏叔子使執燭一室夜雨濕船之見毛

白水儲素質四方皆可流蒼松稟貞姿眾鳥皆可投鄰婦避

風雨非為庶士求元陰秘深黑燃蒸光燭幽夜明即且明青

天在上頭所以顏叔子頓為毀室謀吾廬豈不愛屋壞尤可

修我師道力定繪事垂千秋石室契高躅思古俾無猶

贈希言上人

老衲茅菴三兩間彈琴讀畫終日閒冷冷一曲指頭月草草

幾筆門外山

夢中作二首

風清月白夜相思一曲闌干一闕詞寫到玉人斜倚處梅花

已有半開枝

十方常寂寂一磐獨悠悠響徹竹林末聽來雲嶺頭

石證圖

三年得一夢十年得一石石怪得自今夢驗已在昔說夢不

是石石在非荒唐說石只是夢夢去殊茫茫

九日飲盧龍山館

又是登高日滿山雲氣屯鄰翁久不至天色漸黃昏落葉雜

風雨時疑人叩門到來惟飲酒往事不須論每歲與焉是年

道夏山歸

冬日飲伴梅山房

老鶴不來梅寂寞停杯在自對闌干一天明月數聲雁影落

空江生夜寒

贈鍾山僧見明

泉急怒且咽路曲下轉上結茅五年餘乘興偶一往空山多

白雲欲尋轉悄恍木落四山寂但聞清磬響

丁十五 妙香二

三

金陵書畫
蔣氏校印

種菜老人授經圖

種菜老人七十餘傳家以經不以鉏以鉏子孫只溫飽以經

子孫猶讀書讀書豈為求富貴要使胸中有書味書味蔬味

誰更長子孫嗜之其毋忘

紅萼

紅萼無人作主持他鄉風月費相思孤山千萬梅花樹不及

江南寄一枝

春日過張師筠家

桃花深處故人家不見人家只見花我欲移家花裏住與君

同醉武陵霞

阮郎行

阮郎四十病髮焦捨離故宅居僧寮胸中磊塊無酒澆苦吟

字字能推敲前有千古寂寥後有萬年何迢遙風雅歇絕

誰讀騷嗚呼知音無人曲已高且暮或遇王子喬

蕉窗

移居蕉窗下為聽蕉窗雨昨夜風雨來我又出門去

途中

野店一壺酒江干三寸魚錦囊掛驢背覓句故徐徐

遇雨

兩急風狂走怒雷須臾平地浪花堆天街倒影六街淨誰向

銀河濯足來

遲張子和不至

丁十五 妙香二

四

金陵書畫
蔣氏校印

有約平陵是也非今年底事悵相違溶溶夜月青燈出零亂

梅花人未歸

贈宜興儲麗江

白首始相識青燈還論文正聲久不作古調獨逢君喜結鸞

鳳侶羞隨燕雀羣何當夢帝所廣樂願同聞

月夜泛江

滾滾龍灣浪千年繞石頭屢登山絕頂又放水中流太白西

江夜東坡赤壁秋吟情不可遏長嘯落滄州

過秦淮見酒家枯柳低徊之下適遇邗上丁保安

垂柳終年懸畫橈枯枝病葉不堪描秦淮風景今如此莫問

揚州廿四橋

1572096

陷賊中將出示大女

一見一回淚傷哉離別難母存余計決書到汝心安冉冉莫

雲合蕭蕭風秋寒何時度關出遁跡託江干

宿柳門家將尋王蓉渠不果 以下華陽草

來朝有約叩柴扉一夜東風細雨霏泥滑滑兮行不得子規

聲裏不如歸

懷家柳門

所思獨不見一片茅山雲當戶有高阜時來復望君殘年暫

相訪雨雪恐紛紛窮巷居三載空懷鸞鶴羣

懷瞿徐二公子

王謝堂前燕子飛兩家子弟總依依自從識得天涯路一去

丁十五

妙香二

五

金陵遺書
蘇氏校印

江南便不歸

過華陽山中

山深路古亂雲堆寂寂僧扉盡不開峭壁摩天松拔地四圍

青壓佛頭來

送柳門之溧陽

送行惘惘折楊柳卜居莫在楊柳旁君家門前盡楊柳日送

行人亭短長到君行時攀折盡一株株樹空斷腸

九日送聶雲根之湖南

得錢莫放酒杯空佳節黃花到處同未及登高便歸去此行

原在萬山中

張子銘將入京作此止之

千戈尙滿地胡爲君遠遊此行登泰岳試望高唐州妖氛未
掃盡戰雲西北流戒子慎行役勿貽家室憂

乙卯仲冬茅山頂上送山陰沈伴梅別駕之湖北軍中

一天寒色堆鴉背四面嵐光撲馬頭今日與君同醉酒明朝

何處獨登樓招來金鏡輝常滿夢入銀河水亂流淨洗甲兵

聞凱樂故人幾輩已封侯

答友人

秣陵北望盡烽煙辟跡華陽已四遷尙賴白頭人健在一家

兒女未裝綿

感事

波濤洶湧大江濱無數樓船據要津縱使孫歆畏王濬還防

丁十五

妙香二

六

金陵遺書
蘇氏校印

兀木用閩人舟輕得附通河海風息何勞乞鬼神多備小舸

教水戰豈憂竊法往來頻

鬱鬱葱葱長白山多年王氣五雲班羣魚堪笑空游釜萬馬

傳聞已度關每遇朔風思笛怨尙誇遙月帶弓彎興師婦女

皆知奮幾輩中原勒石還

不讀班彪王命論妄窺神器冀人歸梁山三六夜皆盡垓下

八千朝已稀履地霜華須辨早灼天火燄貴防微童牛弗惜

終貽害當路伊誰識亂機

嗷嗷鴻雁徧東南善後疇將世事諳豈獨屯田兵合一但無

游食國餘三河移故道隄休補粟轉殊方吏莫貪滿目瘡痍

費調護除培元氣更何堪 過廣東一歲三獲廉照不再到

甘耆王大令種一切圖

我亦栖心禪悅人常從靜裏悟前身相思紅豆多情種

前紅豆休不食匏瓜最苦因要畢此生成淨業敢言無著為

天親參明一切還同一南陌東遷盡是春

清明遊虎阜作以下與門草

出門便有酒家旗寒食清明又一時攔路桃花看不了春風

閒煞白公祠

索潘星齋少宰畫梅

庭前三株兩株樹才放十朵五朵花梅性生來不受束請君

老筆寫杈枒

滿地月明人靜後一天雪霽鶴來時高寒時在冰壺住不盡

丁十五 妙香二

七

金陵遊書 謝氏校印

梅花便乞詩

少幸為予補夢游圖作此謝之

胸中邱壑絕塵埃不是南田是麓臺堪以俗工空著署畫家

原自讀書來

題畫

誰家院宇隔紅橋半種新篁半種蕉幾疊闌干低映水綠雲

涼透一枝簫

紀夢

燕子聲遙含宿雨海棠枝上度春風燈昏月落人何處贏得

詩情似夢中

題韓氏意園

意匠經營拓地寬十洲三島臥游看料知結構凌雲處分得

瓊樓一半寒

包山甫餞飲於涉園

佳節蒲觴悟夙因宛虹橋畔再來身十年湖海新知已三月

煙花舊主人送客汪倫殊繾綣咏梅何遜已清貧纏腰跨鶴

渾閒事只得桃源好避秦

伏題秦少園詞稿

山雲一抹淡難收換羽移宮足唱酬芳草有情懷楚國春風

無夢度楊州吹簫不盡尊前感倚笛偏生樓上愁自譜新腔

寄明月數行征雁落汀洲

偶成

丁十五 妙香二

八

金陵遊書 謝氏校印

覓食偏無苜蓿盤棲身聊借一枝安健于老鶴何嫌瘦清到

梅花轉耐寒香冷窗中風謾謾夜深門外雪漫漫哀鴻徧地

場無粟太息而今作堵難

落葉

林深誰得到木落不藏門流水去一半西風吹幾番登樓望

遠道歷歷見山根陡覺離愁觸家居黃葉村

五十

行年已五十歲暮怯衣單不為一身計應憐天下寒

題潘順之太史詩集

聞道鄉園阻書城歎已空獨留一卷在來讀萬山中三絕久

相許百篇誰與同成連居海上颯颯起天風

沈匏虛觀察載酒尋詩圖

詩成推敲一二字興至痛飲三百杯紛紛江上葉落盡太白
仙人去不回

湘山李子仙載酒尋詩圖

昔年曾上岳陽樓斗酒千詩足唱酬識得風流李公子相思
一夜夢黃州

沈匏虛觀察河朔訪碑圖

碣石千年落滄海九河故道今已改昆明池上揚劫灰水枯
石爛碑安在萬古不壞惟詩書伏生口授傳生徒解經古義
有確據秦碑漢碣微不誣沈公耆古抱奇癖公餘便著游山
屐攀蘿門葛別薛皮往往搜羅得真蹟當日授經段先生說

丁十五

妙香二

九

金陵叢書
蔣氏校印

文解字考核精惟有縮文無通釋金石文字堪證明翁阮錢

戴今已矣常山一志為繼聲沈公著有方今出土墓志頗不

少續成考索書了了近日坊間有金石石姬贏蒙韃窮冥搜正

謬訂譌功不小潘公蒼岷作三例補闕復得黃公繼潘三例

石黃作金何不鈎勒播人間經籍訓詁資篆隸君不見韓陵片

石猶珍重何況二百五十今坐擁通志著略有漁仲金漁仲

志見通至寶當與天下共不見華山一碑直千金華山碑

本石鼓多字珍球琳石鼓多可三寶十六何時借帖觀來禽當作

蘭亭縮本臨

潘椒坡風雨閉門圖

驅車道途輕險阻擊楫中流盡樓櫓河塵掃蕩狂瀾迴無柰

閉門守風雨風蕭蕭兮蕩薄寒雨淒淒兮鳴檐端繁音滿城

聒雙耳故人不來游興闌此時作計亦何有不如狂歌倩清

酒徐專掃牀榻高臥閉窗扉眾涉杳莫聞鼙聲作雷吼軒轅

張樂洞庭野華胥國大函中夏我行鞭驚入柴煙山川風土

皆心寫慶雲在霄麟在極朱草蔽巖甘露酒其民皞皞樂壽

康其俗大同無殊方邯鄲市人炊黃梁龜茲枕上游仙鄉十

洲三島空幻怪況復蟻穴蝸角依顏牆我聞飄風不終朝暴

雨不竟日陽烏依舊東方出出門一笑晴天碧

涉園觀梅

歷盡冰霜不計年東風依舊有情天枝頭子熟知多少要與

梅花結後緣

丁十五

妙香二

十

金陵叢書
蔣氏校印

題高涓川先生殉難詩冊

將軍死綏乃分耳高君之死何其奇牽車服賈富居積況復

耄老堪期頤乃并棄置等敝屣舍生取義甘如飴毀家召募

誓殺賊力緝入甕沈清漪一門忠節到孫女不獨卞家有兩

兒我聞左氏記鄭賈大書十二牛犒師君今烈殉有若此充

類盡義誰能追嗚呼充類盡義誰能追皇恩贈蔭破格垂

九日弔湯貞愍公

覓句在驢背歸途我獨遲將軍不可作九日竟無詩寂寂青

山色滔滔江水悲靈旗渺何處應伴蔣侯祠招師子揭開每歲社作

之重又九展

九日弔見明上人

鍾阜不可上披雲掖我行秋空山見骨風急雁流聲白石圓

前夢予有石證圖石黃花壽此生遠公去已渺一醉學淵明

庚申季冬顧樸齋冒篋千招飲次樸齋韻以上東臯草

騷壇大將張旗鼓我濫竿無足數陽春白雪歌當筵抱琴

欲和身不前自來東臯四十日出門不能止止吉還從江北

憶江南家近長干花雨菴一朝草長成荒宅白門遂有無家

客六朝何處夢如煙燕子樓空已十年人生只須飲美酒天

涯到處多良友莫因風雪愁煞人不寫江南還寫春

又次篋千韻

舊稿翻欣藏舊雨余詩古文詞稿在吳門潘生濟之處俱新

交又喜飲新醅眼穿游子歸偏晚已棄世腸斷征人去未回

丁十五 妙香二 十一 金陵遺書 附氏校印

被擄未回一任雲深花影淡漫云春盡草心灰雉城吟客知

多少且把柴門鎖日開

春風燕子家何在秋草王孫路轉除怕遇無聊談世事那堪

相對數年華照來又是東臯月看去何如白下花空向闌干

尋舊夢梅窗無復影橫斜

贈顧樸齋

君詩大有金石氣君詩亦似淵明詩金石之壽數無算淵明

之量酒不亂我不能詩卻餘酒十日有九必倒冠自笑白門

一酒徒輸與東臯老布衣

贈蘭溪上人

城北顧公以多勝半生八千首有奇城南蘭公以速勝九天

珠玉頃刻垂一則解人索不得一則老嫗都可知曼卿秘演

堪合傳苦無歐陽筆一枝

鄧寄宇萬里壯游圖

男兒不為征南之馬按奉使之張騫便當讀萬卷書行萬里

路游徧天下名山大川如腐遷不爾大可足跡不出戶直學

達摩面壁之九年安能鬱鬱死牖下坐令壯志消雲煙鄧君

年少抱奇策環顧四方天地窄示我壯游圖使我壯心熱如

炙恨不策六鯨乘赤鯉御風而行為列子又不騎元鶴跨青

鸞飛仙游戲浮雲端夢之鈞天廣樂誰張導遊月府道士渺

茫君有仙骨不故劍俠燕市猶可得高聶君曷不借茲匕首

斬蚩尤恨事復取仇人頭其叔子我我無長房縮地術

丁十五 妙香二 十一 金陵遺書 附氏校印

還要揮戈挽白日雖非垂天鵬卻有同盟鷗吾目已眇吾無

明水母亦借蝦為睛吾足已跛吾有偶蚩蚩驅馳負而走君

不見蟻附龍平地飛上天蠅附驥須臾里致千君年猶未過

三旬君力可以舉千鈞君倘招我從之游君謂吾老吾猶行

游定惠寺用宋史進士聲韻

寺前一衲蒲團坐皓首龐眉不記年導我高樓聽風雨問公

古壙渺雲煙分明西竺無多路比似南朝別有天九九灣頭

聞說法夜深驚起老龍眠

惟一上人倚松聽泉圖

百道泉流水蒼茫松樹問天風如有約野鶴幾時還我亦愛

觀瀑相期共入山盤桓不歸去終日聽潺湲

寒食前一日樸齋以詩代柬招看杏花次韻答之

聯吟幾日思開翅飛夢連宵不度牆待得扁舟江上返實千未回

杏花紅煞故人莊

沈沈院落夜色黑吟詩不成忘漏刻杏花底事門先開怕有

桃花妒顏色我願東風遲遲來莫放春陰過寒食呢喃燕子

那得知無限春光洩不得

清明和悟堂上人韻

懊惱鵑嗁觸舊情那堪客裏又清明故鄉今日憐芳艸古墓

無人拜步兵相傳阮步兵墓在杏花村旁欲仗孤筇逐雲去且圖雙笠帶

煙耕何時再訂看蒼約射雉城頭放曉晴

剪韭

丁十五 妙香二

十三

金陵遺書 謝氏校印

今夕何夕來故人急就杯盤難具陳東風未綠原上草細雨

已釀園中春不愁老圃菜脫甲莫學僧家輩戒辛持此以比

朱門肉才覺寒儒味有真

次朱玉山韻卻贈

草堂三日五經過詩不吟成奈詞何笑我登壇同廢井輸君

下筆走黃河始知城北德星墩想見樓西玉山住明月多他

日扁舟直相訪相逢一笑入煙蘿

玉山留別河北草堂諸吟依韻答之

日伴無著與天親予解望江樓併舍寄居蕭寺亦夙因忽來江國一

吟客要寫酒樓三月春何不舊雨今雨集住過杏花桃花晨

明朝便欲輕離別一夜四角生車輪

鳴鳴喚雨鵲喚晴行人於此卜行程須信虎頭癡絕處便是

汪倫送客倚江南素多攜琴友船頭何妨一笛橫桃源洞口

尚未閉煙波日日續鷓鴣盟

上巳曲

吾鄉青溪有九曲未知山陰水若何到此不作流觴會孤負

九十九灣河

去年采艾在江南今年采蘭在江北杜宇聲中不如歸鷓鴣

聲中行不得

樸齋以三十年前穀雨感舊詞索和即次其韻

談來往事幾迴腸又遣詩情戀夕陽試把采茶歌一曲琵琶

且自付曹綱

丁十五 妙香二

十四

金陵遺書 謝氏校印

槐火醒時夢已關東風釀得幾分寒主人彩筆光芒在濡染

天香賦牡丹

我本青溪一老漁江南零落舊芙蓉故人幾輩還無恙要寫

銀箋寄鯉魚

樸齋招飲牡丹花下口占一絕即次其韻

鯉魚即河作菜琴魚茶雜以蕙桂蘆筍芽昨日城南今城北

明日出門還看花

普陀寺看牡丹次冒篋千韻

我有青溪舊池館每逢春日便思家偶傾北海新樽酒如見

南朝古寺花老去那還求富貴興來轉覺忘年華夢中彩筆

今猶健要寫臯城萬丈霞

和俞老人七十自壽詩

人呼慈佛唐代有俞姓為今信然公事踴躍直向前有兒

孤苦棄之地是翁保抱全其天老人經理度關既慎啓閉鑰

過江還施流亡錢德容若使大蘇繪神妙直上秋毫顛

兒孫繞膝樂若何莫因年華歎逝波一年一度壽星見九十

九灣佳客多久釀醇醪易得醉長生古鏡無須磨即今四野

賴安堵百歲老人鼓腹歌

洪海如抱硯圖海如數人年甫四十許已自五嶽來其有

候之左必又非也山中火色人處肩以得此不遇為封

君昔遊五嶽摩挲金石怡其神君今志四方奔馳道路勞其

身昔非小隱居山林今非大隱來市塵范蠡老始入五湖方

丁十五 妙香二

十五

金陵遺書 蕭氏校印

山豈是山中人試觀拳拳抱石意始信韓陵自有真

辛酉九月十六日月夜偕項月亭過河北草堂

朝出必看花暮歸必啜茗人生不行樂百年空鼎鼎我來非

重陽脫帽還露頂何時三五人明月泛一艇世事莫認真終

當歸酌酌安得千日酒一醉不得醒

同治元年正月上元樓齋招集河北草堂作第一登高會次

韻

歲歲登高挂杖錢何曾上九便開筵敢言秋菊是真品要與

春花爭少年此日草堂同聚首前身香案孰齊肩懶殘已去

無人問且把禪心許大顛

壬戌仲春山東舉移家海陵月亭筠千錢飲于兩香庵次韻

以謝

鳥不爭巢已別枝自開牖戶自支持蘆汀或有鷗盟地竹實

原為鳳食資適館我題黃海記月亭以黃海記為題倚裝君出草堂

詩幾家夢裏頻來往只在風清月白時

和宗友石王小山燒香曲

盧家自有鬱金堂錦繡叢中夢亦香未到茶蘼開似雪如何

草草卸紅妝

那因春草怨天涯眷屬蓮花別有家覓得青精堪作飯從前

翻悔種胡麻

勘破歡場即戲場買絲盪手繡無量那時鸚鵡洲邊月誰唱

姜夔舊樂章

丁十五 妙香二

十六

金陵遺書 蕭氏校印

昨夜曇花夢一枝朝來懶自畫雙眉簫聲月色由他冷不作

揚州芍藥詩揚州人本

真箇牡丹好顏色可憐不遇李三郎而今乞得慈雲護那怕

東風一味狂

誌公響振錫連鑽遊戲仙人弱水間不愛桃花愛貝葉料應

飛夢過蓬山

山東杜宇農守戎訪友圖以下海陵草

干戈擾攘已十年下民之孽匪降天天道十年必一變否變

為泰茅茹連我思射虎斬蛟之猛士雄心還欲題凌煙杜君

鄒魯世家子欲引同道為知己何不北遊燕趙侶奇士胡為

刺促來游此又何不入草廬喚龍起胡為出入卿相門無乃

謀諸肉食鄙杜子曰唯唯否否子房陰符何以亦于下邳受
武穆春秋何以得自宗澤手齊有三盜用惟管仲晉有士會
勿爲秦用入險出險吾且待客與俱溷迹于賊眾得其渠魁
吾爲荆軻擲匕首以中嗚呼壯哉國當大蹇必有朋來時既
至利不棄汝取其智狼如羊貪如狼汝調其強富人猗頓貴
人衛青餓人翳桑莫不効謀力掃欃槍何憂兵氣不奮揚汝
今但觀聖人一出黃河清合璧聚井賢人生當道豺狼去潼
關鳳皇鳴汝但與朋輩同心戮力馴長鯨吾年老矣猶喜見
汝麟閣標英名

十二月十九日金梅生廉訪招集同人於海陵光孝寺作東
坡生日

丁十五 妙香二

十七

金陵叢書
附氏校印

坡公生前大峨仙山中甲子不計年精靈身後應列宿瓣香
公者人萬千維月建丑日在丙紛紛肴核羅几筵祀公者誰
稔侯裔命宮亦苦磨蝎纏同蘇訪自號宮主人若使早生景祐初獨
租還復開田湖公若遲生八百歲必于國事對軍儲瓊樓玉
宇寒太逼此心古月還能識滔滔東去大江水既倒又得中
流砥釋氏說有再來人安知玉局非前身正道何曾異程子
讒言仍要防章惇雖言心血數斗多一薛居州喚奈何欲求
萬事不掣肘安得散爲百東坡今飲公兮瓊玉漿佐以梅花
侑瑤觴赤壁鶴兮翩然下吹洞簫兮神來將謂與坡公爲一
乎莊不化蜺何遯遯謂與坡公本爲二不應佛有二文殊楞見
經嚴佛印禪師三禪通辨才能破四大空是二是一不能答請

以玉帶還之公

冬柳

搖落西風已可悲那堪重被雪霜欺
空餘未了絲縱有餘生成獨活更無一字寄相思
垂垂老辛苦嘗來只自知

讀楊忠愍公集

牧牛騎馬尋常事怕負昂藏七尺身
見舜肯居三代後謁顏那姚四科人
字墓白石驚風雨宿州署中丸授青衣泣鬼神
試誦天王明聖句臨刑猶不忘楓宸

文山而後又椒山生死看來竟等閒
籠檉神超天地外燈球光閃斗牛間
幸留一海公忠介繩司正恨不如秦鐵錡
姦安得

丁十五 妙香二

十八

金陵叢書
附氏校印

言官配吾祖忠魂祠祀列班班
項母程孺人八十壽詩

我昔渡東海深慕項氏賢結爲詩社友知是母教嫻
登堂望見之鶴髮而童顏所坐有定向四時常不遷
子弟必讀書雖學不入官家居使種菜餘地開爲田
有時賓客至爲黍還烹鮮平日喜從儉繁華慨已刪
孫多遠服賈介壽當俱還濟濟拜跪時歡呼惟頷焉
是日社中人團團聚一筵想見老宗慙笑拍長康肩
更有巢民後沈吟口流涎我已來吳陵未得廁其間
何以爲母壽殷勤託吟箋一室太和氣筆底何由傳
願祝東海水甲子同綿綿

河南景杏村參戎克復寶山圖 以下申江草

嗚呼明代景公著奇節今有景公建大功遭際殊途判文武
生死不同精忠同景參戎巡海洋賊攻寶山破典史猶未亡
欲爲復城計眾畏賊勢猶八千子弟皆吹散謀泄反噉來豺
狼傷心滅賊從者寡要路潛蹤田塍下黑夜揮榜斃數人先
者撲地後者奔景公告眾士我不追寇寇必回銜枚疾走直
抵城下城門開闐然躍而入賊望見之而目成死灰疑是將
軍天上來城上礮千舳萬鈞暗移動城內喊千軍萬馬生疑
猜刀光如雪鼓聲如雷又有神靈默呵護踰垣鑽穴賊勢如
山頹譎言復眾咻漏網思吞舟從客坐鎮思方略稿街一一
奸人頭成豐甲寅八月之中旬統軍張公收太平殺賊一萬
弱殺賊之人九百人公先一年恢復寶山縣四十七人同博

五 妙香二 十九 金陵 蔣氏校印

戰所殺乃至二千強神勇相同定相羨張公已建大將旗景
公國士無人知四方多難仗羣力錐處囊中且待時

辛酉冬杭城失守凌耀生陷賊中明年歸來舉一子其內弟
馬伯嘉畫梅花便而贈之屬題

孤山處士詩
黑夜林中叫子規歸來梅子熟多時一年便醒西湖夢可有

題藕生夫人畫
藕生不章調生之妹也夫
出泥不染是蓮枝心緒多于藕裏絲眼見年年春去也遺愁

無計寫茶蘼
春到醪醖亦可憐惜花原是有情天美人縱不傷遲暮江北
江南叫杜鵑

藕生畫斜倚薰籠坐到明圖爲葉樹冬題
十年幽恨畫中論半是脂痕半淚痕錯把封侯望夫婿人間
何處不長門

題李儀廷先人遺墨
絕妙風流客傳家筆一枝王維猶有後李嶠竟無兒投玉君
終望探環我亦期相逢各慰藉五十未爲遲

李子循自杭逃出至滬上
道梗訛言起紛紛來告凶前知叩龜策生氣走蛟龍果有還

珠日伊誰仗劍從望君一援手坎壈拔重重
竟作子胥乞道旁人亦憐王孫七日飯孤客再生年月黑度

關夜風淒立雪天葛生不可見話到淚潸然
葛生不可見話到淚潸然
逃出生南兩月過

越地跨東海吳門託近方自君之出矣我盼費長房
越地跨東海吳門託近方自君之出矣我盼費長房
瑞 陷 蘇

題馬伯嘉吹簫乞食圖
舉世無青眼何人重白眉子胥如可作吳市怕常吹才藝枉

殊眾風流誰得知遙憐倚門者日盼甯馨兒
淮陰無漂母公子去何歸得馬今須惜亡羊昨已非投金瀨

尙在擇木網應稀反哺烏嗚切江南莫倦飛
申江一角地萬里蠻夷通爨下猶能識蘆中定不窮聲音傳

異域世界闢魔宮君看維摩詰和光到處同
胥濤何太怒總是不平鳴志士粥盂缺庸夫倉庾盈問誰收

五 妙香二 二十 金陵 蔣氏校印

駿骨莫漫點龍睛自擅傳神技還當自寫生

馬伯嘉為徐淑貞女史畫梅花窗帳屬題

花草淒迷鎖故宮翠禽小小罵東風三年不到橫塘路猶見

吳娘額上紅

高子安落花圖

愛花那惜為花癡常願聲聲叫畫眉把住此心作泥絮人間

春色誤多時

箇箇櫻桃淚染非舊時門巷認依稀樓頭燕子真無主不待

秋風伴客歸

犵草蠻花不是春揚州芍藥亦傷神箇人去後無顏色聊把

茶釀代寫真

乘鯉騎龍或可尋冷冷十指露琴心如何三弄水仙操山自

青青海自深

縱未通辭已定情此生了卻卜他生廿年不作闌干夢還記

梅花樹下盟

真娘墓上草猶綠蘇小門前柳不青有客遺珠同抱恨埋香

應作美人銘

答崇川姜璜溪渭

君家住何處曾記深巷裏再來路已迷茫茫少人指躑躅廢

圃旁斜陽下荆杞不見白石翁空見崇川水誰知張玉田相

去三十里

逢天涯在尺咫延遲八月久貽我以雙鯉君誠堯章詩我敢

通張師寓住我昔海陵來扁舟曾繫此岸上不相

樸翁比致魏集多眷戀賓主問何馬還相擬主人雖云賢

歸心疾如駛芒碭尚干戈中州等屑齒自非五湖游誰知從

范蠡迢迢闔中路故鄉有知己招竹生寄語江北朋遠游自

此始

題吳門蔣芥青靖小照

君之妙手善畫竹箇中三昧君所獨君之素心合寫蘭無言

終日足盤桓又聞君善畫美人恍於明月悟前身不爾何得

人如玉皎然衛玠同精神

畫人須畫吳道子畫竹須畫文與可平時不可無古人下筆

不可忘有我君畫氣味全是書大似閉戶十年餘愛尋娉婷

娘娘姿肯效枝枝節節為

潘孝婦詩

嗚呼姑一日在婦一日不敢死姑亡婦乃今可以見地下之

潘郎解一潘郎取婦占日嘉耦婦相夫子執箕與帚匪惟箕帚

抑念我母解二中堂有梓其文則理夫率其婦捧盤捧匭塵我

晨昏願我色喜解三如是者九年如一朝夕生三男一女在子

之側解四肆皇天不慈乃降禍無時夫子竟已不起婦義與偕

亡吾何以生為解五姑呼婦而告曰肆皇天不慈乃降禍無時

我子竟已不起汝義與偕亡汝亡我何以生為解六汝視汝兒

呱呱汝視汝女嚶嚶汝視汝姑白髮熒熒解七汝當代夫終畢

我衰邁無令或怨恫解八姑言在耳婦揮淚以起應曰唯唯解九

寒風打窗落日在牆兒歸于塾見母屏息于大母之旁搖手

禁勿喧有核貽汝管解十一一燈倚壁十指輒假影姑牀姑夢溫

甘旨備酒漿陳歲朝過從男禪女羣親戚里黨有口咸津津

嗟癯也實當門解十一一年復年兮日復日六載無殊夫在室但

勤寡婦絲不鼓娥皇瑟恐姑聞之心滋戚解十二心滋戚婦勞

攬疾婦疾莫瘳姑病彌留彌留之頃姑目長瞑婦起視含自

折其頸喉痺遂成淚猶悲哽解十三嗚呼純孝死生為姑姑存

與存姑沒與俱姑一日不沒婦一日有子之責無所逃逋詎

皇天不弔新壽于貞姝將千載式其庸德永表墓與旌閭予

感歎而述茲篇用告天下未亡人之事夫解十四

同治三年冬由閩航海之明州入會稽抵岸作以下越州草

五虎門前水滔滔萬里流東南連古越身世託扁舟凍雨咽

殘柝寒風欺傲裘豪情不可遏且上酒家樓

姚江道中

閩嶠三年去復還武夷高處未躋攀明朝擬向船頭坐飽看

山陰道上山

三更至鑑湖與甘竹生太守連船敲詩賦此

太守風流謝尙同扁舟清興入吟筒夜深為我敲詩句篷背

還如驢背中

鑑湖

藕香居畔路模糊一角茶帘補得無如此山光如此水鑑湖

原不讓西湖

西湖謁岳廟和陳積堂韻

不是名賢出名區亦等閒一朝得韓岳萬古此湖山楊柳問

誰種甘棠期勿刪來游深仰景日落不知還

嘉興舟中仍用前韻

老矣興猶壯悠哉心獨閒六旬還作客十日盡看山得句斷

仍續論文平且刪煙雲繚繞處可有鶴飛還

河北柳

河北昔多柳垂條殷實繁一朝失灌溉憔悴難具論何不插

其枝得地還欣欣可以備籩筐可以為藩垣當路間有礙不

妨尋斧刪枝葉勿剪伐莫非培土根何為蘭蕙質當作荆榛

看對此搖落形使我常三歎

武進道中

十里八里始有屋三間兩間皆無鄰昔時交結伴為鬼今日

歸來才算人

喜晤張師筠

膠漆忘投契烽煙促別離悲深思弗見喜極醉奚辭車適君

憑婦書成我付兒相期為匡謬珍重屬臨歧

題鄭小航詩集以下秣陵草

愛向黃山住黃山盡是雲頓令筆墨化腕底來紛紛我亦聞

中去羞無海外文未能換凡骨空遇武夷君

甘竹生太守元配盧淑人籲天乞代圖

甘君有嘉耦琴瑟鼓再彈託根並頭蓮同臭並蒂蘭一朝夫

染病愁思摧心肝不應孝子後旌表孝子人遑歎錫類難況復

旌表孝子人

遑歎錫類難況復

出爲後責難無後寬展轉柔腸中輕重權兩端甯使婦命薄
拚共殘花殘要使夫命續永爲磐石誓願以身代乞至性誠
有物我觀周公聖代兄瘳其疾又觀丑父賢代君陣得出如
何妻代夫存一而亡一造物最重名人壽非所惜欲使千古
傳頓令一朝幸夫也生之辰妻也死之日心迹推至隱我爲
發其密不作並頭蓮有房自結實不作並蒂蘭有夢自徵吉
試看一碩果蒙泉發可必

李馨門孝廉蛻園子傳題後

在昔陳仲子於陵離母居所操豈不廉乃忘生我幼孝哉李
馨門根本終是圖勵此固窮節羞向侯門趨至性得真契文
字皆其餘行年已五十親難離須臾遭亂骨月隔神傷貌彌

丁十五 妙香二

二二五

金陵叢書
蔣氏校印

臞始知蛻園子終與灌園殊

題王東木小照

於物期有濟忠謀不避嫌梁鴻誰共隱陳仲豈爲廉肝膽冰
都熱酸醜絮弗沾方之古人傳義俠一身兼

四境虎狼逼心憂不奮飛與君偶一遇脫我出重圍得使女
兒活還教母子依深恩猶未報殊歎初心違

杜宇農將軍以劍屬題

萬里歸來客驚看白髮生如何傷久別猶復事長征草木多
秋氣江河有怒聲料知匣中劍應作不平鳴

九日登雨花山和方伯雄先生韻

老來足清興登眺不辭艱況是重陽節偏餘一日問君聽閉

門雨我上出城山喜遇提壺友外山郭歸時變醉顏
又補作一首

臨行怕與鷓鴣知是日山行到山頭有所思便未亡羊歎歧

路崎嶇不忘去年時去年誤走山徑幾不能行

題陳雨生瑞花圖

昔年曾備饋貧糧科第郊祁姓字香嘉慶甲戌君會祖會于
其值鄰里存活者甚眾未自是與鄰遺澤在米囊今又獻嘉

祥

欲拈小令譜新詞苦少南唐筆一枝休訝瑞徵託罌粟簪花

原不在春時時雨生方

題嬰戲畫幀二十四首

丁十五 妙香二

二二六

金陵叢書
蔣氏校印

世人好金石搜索恐不得一劍一泉刀珍重勤拂拭豈知作

僞人往往工掩飾好古既未深遇古亦安識大家聚頭看盲

兒道乳色古玩內典收

一羣蹴鞠兒再接復再厲休說是下流大有魁星勢蹴鞠

五六歲孩兒不必問動情惟有頭冬烘合教髮剪髻爲師爲

母耶如在春風坐學堂

柳花苦無實桂子兼有香不捉柳花白偏爭桂花黃更待紅

杏開春風鬧一場折桂

小兒然爆竹揚聲及其長惟此平地雷能令天下響爆竹

世間聰明兒由師操弄熟以手假之鳴爲往更爲復直送上

青雲蜚聲亦何速以斯譬喻之教者何逐逐放飛翁

骨弱如小兒可灣亦可倒年大欲學之便苦學不到可悟好
學人好須及時好翻筋斗

吾鄉有沈郎生小能着棋隨手下一著百計難勝之問伊何
能爾賴有父爲師所望質美人勿爲農父兒下土棋

童子呼爲蒙本自無所見更以帕蒙之但覺黑一片豈知手
有眼不在視娟娟可悟黜明方實爲異方便蒙眼

當璧亦有兆維錢亦可占我欲占劉寵非欲占楊炎打錢

小兒爭一錢人不厭其貪此間是何理要令貪夫參爭錢

人鬥皆尙氣兒童嬉戲耳雖跌骨不傷天全乃若此安得天
下人歡喜若童子戰鬥皆不行舞蹈烏可已奚自得樂和先
從萊舞始打降

生有封侯骨兒時便不同同來大樹下獨自學彎弓

馮異好擊劍李廣好射石須知將相才自小便有癖野射

我觀學堂中箇箇皆腳色不必待作戲真面難逃匿只怕供
老郎羞恥全沒得演劇

小兒墜地時箇箇天真佛世事未有染皎如白雪質一自有
分明漸漸明亂滅知見復不正猶如白遭涅面目要還真還
須雪作人淨無一塵惹便可稱能仁不必堆雪佛已是佛化
身大人不失赤此語良可珍堆雪佛

童子本無知乃以羊爲象祥字本從羊解意非勉強會看一
羣兒青雲應直上富貴聚一家梧桐高十丈走馬長安時千

人還共仰羊駝

丁十五 妙香二

二二七

金陵叢書
蔣氏校印

爲豬抑爲龍生小不能辨待到奪標時是龍天下選堪笑鍾
君進士名亦顯一杯雄黃酒便算瓊林宴拖龍船

兒是籠中雀雀是籠外兒一種飛揚性兒雀兩不知羽毛能
自惜各有遠到時一飛可冲天安受牢籠爲論鬥萬人敵可
樹大將旗鬥勇復鬥智又似陳平奇奇謀但爲國大福同子
儀兒多不復辨一領微期頤鬥鳥

童子何知識秋千任轉旋嗤他理學架不解打秋千打秋千

未曾固藩籬先欲壞繩墨若遇先生來箇箇逃不得跳繩

兒時燈喜看到老年時幸有一燈在留貽付小兒跳燈

騎馬五小兒騎到垂楊下試憑青眼看誰騎狀元馬馬燈

專注不轉睛才得一臂力久久學即成專可當兵擊夫人幼
學之至壯須行得進步在竿頭以身作之則試令大眾看何
反亦何側舞風

誰家乳臭兒羣聚學官長結草以爲冠折蘆以爲杖嗚呼噫
嘻兒可戲爲官官勿爲兒戲須視民爲兒乃許身作吏熙熙
同樂心殷殷保赤意使孺能知名爲孺早成器學官

丁十五 妙香二

二二八

金陵叢書
蔣氏校印

詩

秋日訪應傳上人 以下補遺

泉急怒且咽路曲下轉上結茅五年餘乘興偶一往入門不見人遙呼應聲朗空山多白雲欲尋轉倘恍葉落四山寂但聽僧鞋響

夢至一樓梅花明月題詩云風清月白夜相思一曲闌干一闌詞寫到玉人斜倚處梅花已有半開枝湯雨生將軍爲余繪夢游三圖余復作詩紀之此其闌干一夢也

朱樓隱隱起繡幙深深垂明月皎皎光清風習習吹吹夢上

丁十五 妙香三

金陵叢書 蔣氏校印

闌干闌干倚處寒玉人不可見惆悵夢將闌種梅千萬樹不能贈一枝直待花落盡玉笛空自吹玉笛悲花落金樽喜花開相思不相見會待春風來

題蜨仙阮二詩集

阮郎十日九必歌要以詩魔驅愁魔水潺潺兮山峨峨中有入兮衣薜蘿流光一擲如飛梭囊內無錢詩獨多一朝詣疾參維摩深悔日月空蹉跎嗚呼騷壇老將如廉頗今不作詩當奈何

阮郎五十鬢髮焦捨離故宅居僧寮胸中壘塊無酒澆苦吟字字能推鼓前有千古何寂寥後有萬年何迢遙風雅歇絕誰讀騷幾人拉雜同摧燒先生大笑無號咷嗚呼知音無人

曲已高且暮或遇王子喬

陶谷消寒會合十五人爲一席用上平分韻賦詩伐畫師李

悅山作

九月爲陽十月辜重九直接消寒圖諸公得食常相呼我廁其間如濫竽將軍畫筆雲林迂曾寫谷中樑一株今日孤山見林逋我佛疑有二文殊谷中設宴我與俱馮中飲至日夕哺歸來夢境不模倂見有道士來于于骨格與鶴同一癯問余谷中游樂乎急起直追形影無伸紙作畫聊自娛潑墨不及以頭濡乾坤清氣來灌輸

九日飲于虛龍山館

又是登高日滿山雲氣屯鄰翁久不至天色漸黃昏落葉雜

丁十五 妙香三

金陵叢書 蔣氏校印

風雨時疑人叩門到來惟飲酒往事不須論 每歲子培之與焉是

年夏歸道山

故人戴希齋之子蘊之寄居師堀每過其室不能入又不能

去感將軍之念舊喜母子之有依賦此

不見戴安道頻來嬾叩門故人猶有後終日不窺園尙賴死

生託能教兒女存堀中得廣厦可以慰吟魂

師堀展重陽席中懷馬石樵

一年一重九九日具雞豚歡會豈辭展治生未易論身閒依

古寺家遠住江村已託丈人屋勞勞猶出門

空有封侯骨無人識馬周倉皇出門去迢遞大江頭世事已

如此黃金安可求長干有吟友故土莫淹留

冬日登盧龍山

冬日登高望江田尚白波東南半壁地鴻雁此時多鄭俠圖
誰繪楊炎計更訛可憐句曲地猶復逞干戈

七夕話別

人間方患水天上竟如何我欲乘槎去涼宵風露多當筵萬
里客載酒一爲過壯志輕離別明朝還渡河

弔陳懋九副廳兼慰其子兆麟祥麟癸丑

城破不巷戰佩刀何所之千門皆晝閉匹馬獨奔馳死已堪

千古生還賸兩兒忠臣應有後努力莫荒嬉

一子殺賊死至公手殺賊六人行雙親難獨生固局防賊入情

語怕鄰驚深夜月色黑當門潭水清魂兮應此待隨侍上瑤

丁十五 妙香三

金陵書
蔣氏校印

京投公一死

夜宿石城上朝填溝水頭丹心雖已報白骨未曾收亦既死

生隔無忘君父雉班超有遠志投筆覓封侯

和儲麗江登平後太白樓作

大風過采石曾上謫仙樓劫火成灰燼長江空復流平陵城

畔月終夜瞰行舟重至不登眺新詩還唱酬

題林章甫先生詩集乙卯

豈獨登龍後名場蓋世雄堪爲扁鵲傳亦有嵇康風作注功

尤偉先生詩多所於內經焚書恨不窮要將文字劫翹首問蒼

穹

風雨滿江上騎驢人不歸經句分符符遭亂日依依幸得重

國脫翻教兩地違時艱散難聚一死知音希

古詞不諧俗歌聲婉轉哀世人誰特識此老獨憐才知己恨

長逝平生羞自媒誓將劫餘稿拉雜並燒摧

龍溪一夕話還訂再來時恨我早歸去斯人無見期華陽太

寥廓夢境殊迷離拱木蕭蕭處誰爲有道碑

大水倡爲粥殿冬廣育孩與人皆義舉有子不凡材詩卷綿

先澤家聲振後來高峯誰第一報爾在蓬萊

感事

一雨通宵徧萬方坐看八月隴雲黃芻糧克繼我師壯樽酒

聊先天下慶戍客三年應洗甲雜人何處不還鄉他時報捷

開筵宴斗石能消喜欲狂

丁十五 妙香三

金陵書
蔣氏校印

堪笑金陵爲死地聚斂心事豈終違元戎獨似潛龍蟄驍將

真如迅鳥飛戰野民多謀未左攻城兵少計原非少年博得

封侯印黃髮皤皤仗鉞歸

過梅岡懷李雲潭馬石樵諸友

木落亭空冷夕暉舊時風景辨依稀白門消息君知否破屋

人家半不歸

讀張子銘詩集有贈

蘇隄風月秣陵煙公子詩才勝昔年何日西湖復歸去也應

覓句酒壚邊

張子銘以姜白石集方百川文稿見贈作詩謝之並問其北

上之期

白石清詞玉笛吹方家律律不勝悲天涯芳草還貽我要問
王孫就道時

溧陽遇儲麗江有懷其弟子王維之

拔劍王郎溯舊游十年重話秣陵秋風流子弟不可見落日
誰邀上酒樓

答友人

秣陵北望盡烽煙避跡華陽已四遷尙賴白頭人健在一家

兒女未裝綿

贈秦淮老優

秦時明月六朝煙往事傷心付管絃檀板歌聲消歇盡江南

憔悴李龜年

丁一五 妙香三

五

金陵叢書
蕭氏校印

戲齊芝崖

春風淮水雙鬟擁秋草華陽一客過不是當年舊張緒桃根

桃葉復如何

題吳菊裳三秋圖

縱不同根葉葉牽秋花秋思兩纏綿三年一見容顏老相對

燈前各黯然

東園

東園連歲作鷗鄉兒女家家尙豔妝十載重過沽酒處當墟

人已徐娘

余館江上六年與柳門晨夕過從東西鄰三老人聞余至皆

棗棗而來有時至老人已先在登山臨水往往得詩余之

作詩自江上始也癸丑二月金陵城陷死者過半一老人

陷重圍中需千穴不能出于今三年矣不知其猶健在否

也今年春柳門遷移于句容之南鄉與余對宇而居亂離

之後故人復相聚首不易得之事而柳門又欲攜其妻子

卜居于吳越間慨老人之不見悵故友之將離賦詩三首

桃燈話及五年前江上詩人半杳然縱使山居對流水吟情

不到蓼花邊

自憐烽火再生人無復天涯訪舊鄰獨有龍江詩友在他鄉

相見倍相親

洋山十里即桃源避迹荒村還出門秋草徧連吳越地聚糧

仍處訪王孫

丁一五 妙香三

六

金陵叢書
蕭氏校印

贈蕪湖齊芝崖

與君同有白頭親囊內同傷阮籍貧秋草王孫歸不得隔江

愁絕倚閨人

咏石頭城

石頭城上鴉夜唳石頭城內如籠雞黃金雖多難買粟西風

敗葉聲淒淒天陰往往鬼晝哭殺人殺人殺還醜世上爭啖

饑人肉須臾啖盡蠻五溪

冬日登盧龍懷秀叔雲生兄弟以下皆舊作

六載館江上思親莫遺羹所欣一旬內聊慰倚閨情歲暮多

風雪山高望弟兄年年歸未得太息爲治生

種蓮

種蓮在何處種蓮在水涯不爲泥中藕願爲池上花
採蓮

采蓮莫采葉留葉蓋鴛鴦采蓮須采葉裁葉爲衣裳

蓮子

食蓮莫食心蓮心恐太苦食蓮須食心心蜜甜可取

移居

移居蕉窗下爲聽蕉窗雨昨夜風雨來我又出門去

過明養坊

我來幽谷中林壑具眾美好鳥迎人飛稚子見客喜問兒何
姓名含笑說端委自言本姓何家住前村裏母織不出門父
行懶到市得魚招鄰翁呼兒出盤匱有時親戚來沽酒不踰

丁一五 妙香三

七

金陵叢書
蔣氏校印

里言畢父歸來殷勤勸客止乍見便依依野人情尙爾誰爲
灌園人盡如陳仲子

館江上作

長子不可見幼子形影單六年館江上徒念生計難每當歸
來時母訓嚴而寬汝子將依人當作易地觀隨處報春暉感
此心力殫三復伐檀篇君子不素餐

詠又來園十二首

劉公墩懷古

寂寞荒郊久不春故園今日喚然新一邱一壑歸同姓還喜
名山得主人

又來園留賓

昨宵今日便成陳況歷悠悠六月春釋氏再來曾有說借將
明月證前身

菖菡居聽雨

吟魂曾染芰荷香急雨驚醒夢亦涼料得多情是圓葉幾番
傾蓋護兜央

虛明室臥月

虛明必待月來初月未明時室但虛須識莊周能化蝶白生
又可變蟾蜍

紫青閣看山

要從高處建樓臺眼界纔能放得開南北諸山皆有寺螺青
都自佛頭來

一一五 妙香三

八

金陵叢書
蔣氏校印

擁翠堂對雪

化工畫筆最離奇一白能令萬綠披底事玉堂行禁體不教
懶祭便無詩

豆花棚談秋

但饒野趣卽名園引豆爲棚別有邨話到田家當樂歲多因
嫁娶畜雞豚

訪林橋探春

幽情樂意總相關和靖風流在此間行到小橋看梅鶴有人
錯認是孤山

罷釣灣開吟

不仕高風孰與儔嚴陵瀨有二臺留同心若使還同代應許

聯吟共釣游

綠尖閣眺遠

木末樓高去屢登住持江上一詩僧謂花君今格調非凡近

刻翠嗤他落下乘

多竹居避暑

生成个字費猜詳中有禪家妙諦藏參透个中好消息自然

熱惱變清涼

小桃源載酒

茫茫身世感滄桑尙友淵明外子昂要使梅岡通栗里并無

縮地費長房

又五絕十二首

一十五 妙香三

九

金陵叢書
蔣氏校印

劉公墩懷古

晉宋兩朝事風流今不存須知謝墩外止有一劉墩

又來園留賓

六百餘年後劉園筵又開不同茅洞竹未許子孫來

菡萏居聽雨

急雨或驟至荷花安可遮願打池上葉勿打池上花

虛明室臥月

我聞佛釋迦永作人間月自苦未虛明坐臥參不輟

紫青閣看山

前山青未了後山青又來一閣不能納敢入階前苔

擁翠堂對雪

失去碧琉璃卻在水晶域此堂深復深雖夜黑不黑

豆花棚談秋

幾人豆棚下相與共徘徊來時花未放語畢花已開

訪林橋探春

訪林林已去訪劉劉又來對花堪索笑爲有主人回

罷釣灣閒吟

底于罷釣灣一到動吟興聲聲譜入琴要令魚出吟

綠尖閣眺遠

閣出萬綠尖人來四面顧高吟誰和之下有聲音樹

多竹居避暑

清風有時來清風有時去惟入萬竹中常被竹留住

小桃源載酒

在昔武陵源重尋不得路今日小桃源聊當醉鄉住

和洪琴西川元韻

孤松百尺溯秦封矯矯渾如特起峰昨日入關新被詔丹堯

渥荷帶恩濃

日出噴噴滑未乾道經重險步仍安東坡海外歸來日祇念

瓊樓玉宇寒

漢家侯服盡朱斑終賴蕭何得入關十載持籌足糧餉一朝

辭袂獲刀環淤泥不染居金穴幃幄頻陳聚米山料識名公

游宦處定應合浦見珠還

燕到心香露豹斑二程門戶是賢關不爲管仲何言霸豈有

韓宣尚愛環濁涓偏教入涇水浮雲終莫蔽廬山可知苴蕙
攜來種猶說明珠滿載還

壽祝蔗樵觀察

歲玄默貞敦牂練時日辰維良世曼壽開八荒般裔裔君子
堂綿洪筭鳴清商集華蓋獻嘉觴翳君子河雒望冠門伐垂
無疆陵章平轢金張挺英采蓋一鄉麗文藻朝鳳鵝運陽九
斥寇攘闢天弧射貪狼筮江左躋龔黃青綬縮剖銀章政多
豫預凱康美須眉神洋洋縣河辯龔俗偃此何夕雲英英會
朱軒奏紫珮九英梅揚華光竹倚倚德不忘妃坤輿靜則臧
宜子孫菡蘭芳叶吉占大衍彊臻百紀阜以昌眾媿竝羣賓
將銷濟濟湛鴛漿鬱國寶篤家慶澤閔大永未央

丁十五 妙香三

十一

金陵叢書
蔣氏校印

有感訓子

萬木如何盡早凋亂隨風擺日飄消青青惟有松常在終歲
臨風樹不搖

次袁翔甫自題楊柳樓臺原韻四律

纔上高樓步未移誰家小婢遞新詩但能刻翠辭皆雅肯爲
垂青顧亦宜梅尊主持須早早楊枝縮繫莫遲遲隨園女弟
金陵盛滬濱還來復問奇

天將四海合爲家頓設如來大會遮在昔春秋判夷夏于今
中外集書車使星往憶征途柳近水來沾異域花他日編氓
應兆此夷居排列比烽衙

曹唐曾賦小游仙未結髡蘇海上綠黑齒東方誇女貴細腰

西土列王前萬箱綿繡週遭幄一曲琵琶掩抑絃風月場中
須論價如君不費買花錢

疾去無憂崇實沈內充元氣外何侵反因解網歸涵海也似
懷音集泮林用夏變夷時轉泰如春布澤象占臨清平此是
移情處分付成連莫浪尋

附項閱亭和作

夙愛煙霞性不移攜琴海上爲尋詩看他蜃氣真多幻笑
我蠅頭恐未宜金粉春濃新句夥煙花夢遠去舟遲誰知
熱惱繁華地別有清涼一境奇

箏琶聲裏訪君家一片濃陰綠樹遮把卷憑欄人入畫叩
門問字客停車白浮酒而當杯月紅露牆頭隔院花聞說

丁十五 妙香三

十一

金陵叢書
蔣氏校印

園官新署得兩行排列柳成衙

本是倉山舊散仙偶來塵世結詩緣推袁我肯居人後說
項君休在客前一榻茶煙開門奕滿襟花雨獨揮絃結鄰
他日移家住千萬甯容借買錢

譚深不覺夕陽沈暮角聲中暝色侵大隱何將在城市閒
門如此卽山林有人作賦懷鄉感何日聽鷓載酒臨寄語
楊枝休縮別西風一權又相尋

題梁方伯父子京兆圖

君陳完令德繼續尹郊東和慎始中協孝恭心性同任膺三
輔重運啟一家隆試更將周喻元公又魯公
整頓神京手猶餘未展猷前賢工駕馭後哲紹箕裘閉閣韓

延壽承家孫仲謀綿長思世澤南海共悠悠

迴憶出身始聲名翰苑高羣英珊瑚網入兩葉玉衡操在昔探

驪頰于今羨鳳毛須知天眷厚不獨萃兒曹

天上文昌氣如珠耀一門已覘橋蔭梓還卜子貽孫繩武雙

符合經邦數世繁清風懷吉甫獻頌敢同論

題同年王敬甫之母唐孺人焦尾閣遺稿

傳經劉向撰書成誰復增加到有明葉女曾詳制股事合將

母傳寄桐城桐城劉君孟涂有廣列女傳

貧家中饋費支持晝夜辛勤祇自知餐菹應成煨芋兆十年

領取盼佳兒

詩篇散伏苦搜求賸有零珠碎玉留一曲焦桐千古調須知

丁十五 妙香三

三三

金陵叢書
蔣氏校印

琴德本來優

何須終日拜能仁慧業文人自有真悟徹楞嚴七徵旨散花

不是著花身

許仙屏方伯囑賦十廟

王文獻公導

秋士傷心處新亭涕淚多從來名將相能復舊山河江左人

推仲朝廷帝得何諸軍督中外掠騎枉教過

陶桓公侃

折翼滋遺議孤忠孰與明精心無屑異大任以勞成千里帝

畿肅八州軍事清年年營畔柳綠徧武昌城

溫忠武公嶠

隻手扶王室何曾善不歸既知傳檄是休議絕裾非沈醉峻

頭墮敗軍敦息微若無太真在誰解石城圍

卞忠貞公壺

握拳透爪狀直是恨清談鐸果過傳永棺真盜發甘神仙原

可作忠孝孰無慚盱眙從親沒還由母教誥

謝文靖公安

憂樂關天下焉忘仕進心書曾傳已捷履自折難禁鎖物非

裝飾衡人莫刻深風流賢宰相遺球到而今

曹武憲公彬

大禹班師日曾爲干羽陳有如公乃益豈獨宋之臣後主雖

亡國江南未滅春蟄蟲勤護惜情況復是斯人

丁十五 妙香三

一四

金陵叢書
蔣氏校印

韓蕲王世忠

夫婦皆名將相隨入戰場兜鍪堪憐敵桴鼓此強梁同志宋

兼岳離心秦與張北征一腔血湖上變清涼

徐中山王達

明代從龍彥勳臣莫保終獨公號天德一德與君同宅已迎

新第坊還建大功至今湯沐地湖水尚沖瀾

常開平王遇春

不就道旁臥安知真主來有神促之起所向堅其摧猛將桓

侯勇深謀丞相才粵西諡忠武貌似亦奇哉武鄉人與粵西張

絕忠相似像

曾文正公國藩

蔓延徧天下粵寇亂如毛外應援皆絕攻心勢乃牢措施前
代事勳業後來高取譬武臣十周公有大勞

陶貞白祠宏景

富貴雖不羨神仙卻欲爲山林雖已居廊廟卻有資乾象三
躍淵或之質疑之不隱亦不見潛德安可窺前無楚狂是後
覺神放非淵明與道明相視當無違

大鐘亭

想是明烹聽不聰魏璫一網正人空爭鳴瓦釜朝廷上毀棄
黃鍾草莽中幸滅宋孽孚四達又逢召憩關三弓扶顛還有
堪銘事廣廈千間教育隆謂方伯增建文正

望湖樓

此樓風月似西樓錯認江南兩莫愁十里荷花一湖水有人
倚處說杭州

曠觀亭

三層突起迥蒼穹來往行雲在下風江北江南好山色都教
收入此亭中

月當頭十首

人之生也直月乃照其神得到光明地全銷影象身成三安
有對餘二則非真用法華經句聊與合爲一當頭倍覺親

豈獨團圓月當頭景象呈乾元天頂戴良止道光明四面何
空闕中心自滿盈不須勞棒喝悟已徹三生

是人還是月相與合其光祇覺無偏倚何曾有短長成形天

一一五 妙香三 十五 金陵叢書 附氏校印

覆冒匿影易歸藏影滅形誰答淵明大費商淵明有影答影詩

大地山河外大地言山河影係斯人影復收料應今夜夢都作

廣寒游象已寰中得名當月裏留休言能幾見滿百更千秋

法報身爲佛化佛有三身法報光明月到天授惟摩頂重佛記摩頂

是在中圓空佛有三身告目花生矣迷頭影宛然生管迷日頭花影

俱見楞嚴經須知垂照處一捧祖師禪

雖云絕迹易欲不借光難明月自他耀吾人須返觀果然中
道立要令大家看莫但圖無影門前倒卻竿

月如因指見總是未當頭一到當頭日還能示指否羣龍無

首吉皎免有懷投性海真參透毘盧頂上遊毘盧頂喻人之性

也海有人中立表西看則成東獨此下元夜能教偏處中頭頭

皆是道面而卻難同好似衆成佛同歸華蓋籠

日月分遲速論光照則同如何人在下止有月當中問語空

搔首傳神實匪躬刑天氏不作刑天氏無海口誰復受牢

籠

我亦頭童者如僧卻在家圓光雙不借合相一堪誇有慧從

中契無明向外差廣寒開大會普照總無遮佛有無遮大會

題張子岡少尹詩集

材藝長康擅聲名考叔聞眼青還及我頭白始知君皎皎西

江月悠悠海上雲相逢發天籟唱聽紛紛

休嗟官大小天爵自崇高分別拾桑蔡歡欣捧檄毛筆才工

縷刻詩句足風騷孝子久行役還多能者勞

丁十五 妙香三 一六 金陵叢書 附氏校印

賀高子安中翰四十生子詩

西鄰吉事已徵蘭金壇韓叙起比部春一蘭子又到東城訪

牡丹君家牡丹今占得天香荷天寵喜書不厭百回看

幾人馬革歎無遺姓字因君豹有皮君相贊撰應是風流徐

孝穆誌公摩頂說麟兒

一門七瓊足千秋節烈天將厚報酬三實定應兆三鼎好持

並蒂問安榴君園中安榴有三實並蒂

四句不賦小星詩側挺旁生少荔枝果是珠胎成老蚌固哉

高叟莫輕嗤

和蘇慶生少尉元韻

君本閩中人詩成和大索有如應在林專候往來雀余有入

一十五 妙香三 一七 金陵叢書 蔣氏校印

閩詩十句九費酌招東過西園逃等學南郭是句句即非見

經如空論論太整自來白腹羞莫救青囊藥君詩正而葩重規

復疊尊譬之君家山大似武夷壑指顧風雲生咳唾天花落

我遇大敵來束身甘就縛自恨識而晚只能領大略向使遇

南園一見知可託推敲得有韓便不苦寂寞惜哉相見緣人

事每參錯秩碇比白壁自顧如蠟嚼我本不善鳴難使聽者

躍羨君絕豔才鮮若桃李灼充此華國器利川爲大作非徒

鬥尖又而以供笑樂混混有本泉源源無立涸轉瞬二月天

將赴海上約急就成和章不值君一嘖

題湯蠡仙販雲圖

星宿胸羅足底蒸披雲還又布層層世無貞白誰怡悅留待

華嚴補衲僧

邱壑天然極大觀看雲有得畫無難休如呂氏居奇貨明月

清風一例看

我惟求佛不求仙撥盡浮雲始見天布袋任教彌勒贈空無

一物自安然

題黃笠漁詩集

詩歌寄興千篇富醫學傳家二世連摹寫煙霞秋有色驅使

草木天無權山中避亂歷年所海上論文良會緣太息黃公

衣鉢在那堪重到酒墟邊

贈項月亭

冒家橋昨遇君時只說耽吟有項斯十載重逢黃歇浦君詩

一十五 妙香三 一八 金陵叢書 蔣氏校印

不是昔年詩

題劉拙庵詩集

亂後騷壇冷存亡歎莫知奔馳幸識而辛苦上吟髭飽繫篇

安富薪傳數豈奇商量千古事樽酒且無辭

其二

羞與艾蕭伍何爭桃李榮寫蘭結幽思畫竹訂寒盟額點驚

容黑身閒覺夢清不須怨搖落窮本屬詩人

偶題舊作

寫字不尙力臃腫如墨豬寫字專尙力勇猛如武夫余年幾

六十自少懶學書豈不重臨摹羞爲他家奴吳門陳碩甫愛

我氣味殊往往出一紙促使鴉亂塗遂令四壁間濫廁如濫

詞

疏影

本帳鈎宋趙以夫聲韻

瓊閣無寐被半灣新月牽引詩思斗帳籠雲未到深秋已把
夢魂搖碎新愁舊恨都句動漫誇說兩行翡翠算幾曾置向
熏籠也有麝蘭香氣誰鏤吉祥小字怕雙纏結處頭緒難
理六曲屏前放下流蘇悄問玉人眠未藏來錦篋雙雙好怎
又似離情分繫記那回撥鬢聲輕錯認枕邊釵墜

水調歌頭

中秋和潘玉滄作

飛夢渡雲表菱鏡激秋天一年一度明月最好是今年欲

丁十五 妙香四

金陵叢書
新氏校印

向蟾宮攀去誰是前身玉宇仙骨本來寒耿耿銀河水長挽
到人間 甲兵洗波浪靜抱龍眠笛聲吹破驚起神女弄珠
圓重把紅腔調合只恐霓裳殘缺舊曲誰難全莫任凌波香
持此問蟬娟

臺城路

宗湘文江天曉角圖

朔風吹墮金焦月城頭滯雲深護凍雀無聲遊魚不上清角
烏鳥催曙悲鳴似訴又敲枕寒潮互相吞吐望斷江南問君
一櫂向何處 扁舟曾過北固別來才幾日容瘦如許霜月
衰笳關山怨笛不是前番簫鼓情懷正苦怕聽到黃昏更添
淒楚且趁天明倚篷搖倦艣

前調

益和柳門

伴蘆栖蓼繞臨水回鷗又旋平野身世飄零情懷歷歷清冷

景堪同話江干盛夏記月落燈昏聚來盈把噤噤行行近階

驚見嫩涼夜柳門階前有虫如益誤路之 鄉關烽火未罷

青燐依宿艸風冷吟社暗雨臺城明星笛步重到何心游冶

蕭條舊舍問人去羨空甚時歸也昨夢還家畫簾猶未下

高陽臺

潘春椒紅坡詞

畫出春痕添來曉色夢中珠玉誰同愛種相思吟成字字都
紅猩屏尚記前番倚照迴廊殘月朦朧怕桃花散作朝雲瘦
了東風 披衣忽聽鐘催曙恨鴉聲噉急歸去匆匆繫縷經
年防他燕子樓空臘支一捻分明在盼重逢話離蹤問當
初病酒時多對鏡情慵

丁十五 妙香四

工

金陵叢書
新氏校印

前調

代題

對影愁生簪花意懶朝來已換華顛彩筆春風不知秋在誰
邊烏衣子弟誇年少說當初王謝堂前燕飛來影自雙雙態
自翩翩 艱難我亦繁霜鬢恨飄零張緒不是當年豔福難
消幾回顧盼生憐輸君慣醉歌樓酒爭消他夢去如煙對琵琶
易溼征衫莫聽繁弦

水龍吟

秋角

枕戈曾聽龍吟慣一夜聲悽如此冷連匣劍音高刁斗蕭然
秋意四寒悲風千峰明月五更霜氣甚關山怨笛健兒隴上
才輕弄添愁思 應念征衣未寄夢回家卻還驚墜灣曲
曲龍吟逸響援喉清淚猶記湘樓湘雲吹動暗涼湘水怕嘶

寒萬馬邊城飛雪又烏鳥起

長亭怨慢 秋 埃

看隻隻雙雙迤時一入深秋把愁堆起角角尖尖觸來都這
冷滋味擊殘刁斗頻盼望征衣寄算未卜歸期也懶自程途
空計 還是趁西風夢到那用按圖分里垂楊瘦了怕枉對
短長亭子問甚日罷舉烽煙向沽酒旗邊同醉且當作登高
時復昂頭天際

霜葉飛 秋 癡

夜明天駟銀河淡星星芻蕘躔次世間何處看龍媒要帶些
秋氣問骨格爭將瘦擬悠悠奴隸那平知此歎相馬無人又
正值南薰改換特動涼吹 霜信緊逼飛颺騰槽思甚日

丁十五 妙香四

三

金陵遺書
蔣氏校印

作平才解輕繫側身昂首對西風盼九方曾至訝苜蓿時光
過矣傷心避暮空籬寄但聽得駢肩處誰好悲鳴便知駢驥
轡轡金井 秋 龜

破羌計得一重重望斷寒雲邊草土鑑遙連倚巖城環眺西
風漸老錯認是野田寒燒月妒梁黃霜欺粒白飢鳥羣噪
寒礎萬家罷搗歎炊煙未禁還冷芻蕘釜底吹涼騰游魚多
少蕭條樹杪正兵伏馬陵宜早木落山空樵人擗出到來深
窈

疏影 秋 蝶

鳥嘯啞啞甚夜嘯變苦飛帶寒色雁過天空蟾墮江深城頭
乍凝去霜白懸高已動他鄉感況更對平蕪淒碧看眼前百

雉迴環化作萬堆愁積 迴念千山繞郭齒痕乍冷透林下

都寂木葉蕭蕭落盡哀蟬準卜藏樓窺得周遭不隔還家夢
又日盼玉關生入問幾時孤奪先登要探西風消息

一枝花 秋 編

飛鏃嚴城守熠熠明星斗西風吹一夜暗欺柳復輕試穿楊
爭管眉頭皺鵝羽裝來久又染就霜痕還把鋒機涼透 聽
急雨離弦聲驟落葉形同瘦更驕陽暴出紋如繡趁金鐵鏗
鳴擗擗功齊奏箭立歸田畝冷煞光芒尙夢見弓張月戟

霓裳中序第一 秋 符

丁十五 妙香四

四

金陵遺書
蔣氏校印

處緊刀尺 涼逼未拋絺綌早盼望閨中寄得休言吳市闕
幅成鼓時鳴斷杆難織曉霜空劒拂怕月夜吹寒齋栗催科
也明年春早布穀聽消息

祝英臺近 展重陽會于盧龍山節并
送張子熙大令之吳門

嬾題餽愁對酒佳節已孤負寂寞江村忽忽歲將暮問秋歸
在人先人歸秋後底還念滿城風雨 料應訴幾回悵望鄉
關離情繫雲樹待賦茱萸梅香上詩句那時孤館淒涼燈昏
月落定夢繞舊登高處

齊天樂 花 圖

錦楓猶待霜華染萬莖動搖遠浦水國天空虹橋月淡一抹
涼痕如許風煙溢處歎瘦鱗難扶爭教支住記得來時翠花

低趁一枝癭 吳門秋到最早青
溪潮已斷難問歸路任落
江湖羞隨茅葦采入宣和譜
凌波似訴臍斷粉零脂怕伊生
妒漫道飄流冷紅還作雨

徵招 題江東方

昔年一樣珠沈海青衫
淚痕多少往夢怯重尋
恨泉臺難曉披圖春未杏
更誰種半庭幽草刺繡停
鴛裁菱成蝶玉煙淒
裏 快惱近清明開紅杏
翻愁賣花人到香家積殘
英付東風頻掃酒杯澆未了
怨林外杜鵑嗁早便歸去
月似中秋悵素波空照

高陽臺 題潘履生詞集

樓閣春深闌干寒淺醒來
夢落誰家圖畫依然 夢游
向君

丁十五 妙香四

五

金陵遺書 蔣氏校印

細數年華撩人最是春深柳 淮集中有訪案
寫枯枝月冷煙斜
只愁他喚得歸舟不見栖鴉
憐余兩鬢蕭蕭甚早懺除綺
語懶拍紅牙見說潘郎而今瘦
比梅花 君自號瘦 多情莫種
相思豆怕傷心休聽琵琶飽胡麻
一飯歸來語帶煙霞

滿江紅 題金眉生廉訪

柳色春藏誰省識錢塘蘇小
還只怕鷺鴻飄瞥簫聲吹杏杜
牧三生殊繾綣周郎一曲曾傾
倒算十年江上月重圓人俱
妙 梁間燕雙栖早衣邊
蜨雙飛好仗東風護惜名花
修到鼓瑟錯教湘水怨浣紗
悔不西湖老看數峰有恨不
能青空環繞

前調 題葉樹女風陰

么風雖覺果占得梧桐庭院
還消受嫵媚清福書披一卷
緜錦微吟蘇蕙句吹簫早識
湘妃怨借熏籠 一作一按牙籤香
熏編 雕作檻外苔痕淺
金屋裏花光滿有依依小鳥
飛上 釵鈿 七用柳調 明月儘
教窺古字秋風未許驚團扇
拚下帷辛苦 伴檀郎神仙眷

高陽臺 題白門新柳集

九曲波紋四圍柳色不知蘇
小誰家偏壓青溪春光似海
無涯如今近水樓臺少任招
來怎駐香車祝東風絮果團
成結 住飛花 衰齡懶訂
尋芳譜歎重來杜牧門巷都
差燕燕鶯鶯新巢依舊深
遮試羅纏錦休爭羨欲染衣
須趁年華到江南不似江州
莫訴琵琶

丁十五 妙香四

六

金陵遺書 蔣氏校印

臺城路 題孫月坡麟趾乞食圖
白門曾共孫登嘯重逢可憐
羈旅寸草年多春暉莫報一
樣單寒儔侶飢同季女問橋
畔王孫近誰憐汝乞帖空拋
愛才幾輩遇張緒 大謂子禾 山中
嗁老杜宇燕雛如客去爭似
鳥哺欲飯胡麻還來仙子知
在桃花何處簫聲最苦聽潮
打胥江至今猶怒漫道相如
食貧能賣賦

洞仙歌 凍豆腐

銀漿流注正涓涓不絕一夜
霜風滴聲歇向荒村野市小
趁生涯輕劃處恰似琉璃凍
結 朱門無此味粗糲同餐
試問柔腸甚時熱漫笑太寒
酸偶爾調羹也須要冰心澄
澈且漫擬洗手問廚娘倘嚼
共梅花定疑香雪

慶春宮 和柳門深陽酒樓三月春

聞道平陵青蓮遺址一樓眼界寥闊除卻先生春風同醉幾
人長住酒窟望空搔首已飛絮茫茫似雪煙花依舊不比楊
州只餘明月 那時我喚提壺應逢過江南聽鶯時節渺矣
仙人亂紅雨下但覺潮聲鳴咽翠螺山畔算猶記孤舟夜發
而今樓杏休再憑闌縱觀天末

長亭怨 題雨生將軍秋江罷釣圖

漸紅了江邊楓樹潮落西風客辭南浦拋卻魚竿渡頭秋色
問誰主片雲舒卷也本是無心住莫更羨漁郎別有箇桃源
深處 歸去趁扁舟東下識得好山無數蓑衣脫後任閒煞
一天煙雨只賸得繞岸蘆花似猶有依依情緒頻寄語沙鷗

丁一五 妙香四

七

金陵叢書
蔣氏校印

休怨寂寥如許

齊天樂 紅葉

杏林如錦春雲密楓林綺霞千樹麗質明妝幽姿冷韻獨自
問吟南浦蘆花古渡有片葉流來曾題詩句秋色依然青山
不是舊游處 鄉關烽火猶舉樓閣饒豔景風月無主帆挂
寒江車停遠道觸我思鄉情緒新愁萬縷借酒上衰顏玉顏
休如怕到飄零打窗空聽雨

臺城路 竹居主人招飲集玉田詞句贈之

翠屏缺交添奇觀嬌鷹嗚破春悄早試輕羅間扶短策行入
野畦深窈護香徑小聽虛籟泠泠飛下孤峭光洗琅玕一窗
烟雨不除草 平生幾兩謝屐酒痕消未盡芳意今少息影

雲根欣榮晚節此景正宜舒嘯陳情渺渺拚醉裏忘歸接羅
更好鶴響天高消瀆人未老

疏影 叔韓介孫大令八十重游泮水介孫江浦人也

空山名宿早蔣山種柳還更堂築記得兒時聞列膠庠忽忽
海添籬屋清溪九曲流觴好那復問江南江北等太真歸自
淮陰信一雙美玉 叔謂溫明 天或十年假我後塵步武處言
采能續此日老人九秩筵開應又躋堂稱祝兩家富貴天孫
與更盼望鳳雛麟角到此時慶典重開定得賀詩十幅

丁十五 妙香四

八

金陵叢書
蔣氏校印

口者王詩序

余少時受業於聖畿胡先生之門先生熟精三禮祁春圃相國曾代刻易一種者王大令吾師之高弟子也嘗聞之師曰者王兄弟兼工雜著者王才堪大用其所為詩有合於古作者之旨稍長過大令之門見案頭有所著詩一卷以不事吟詠未索觀然觀大令為人剛方以利益一切為心見義必為有義舉務求實惠及人同人稍私面斥之不徇情昔司馬溫公曰一家哭何如一路哭王文正公曰恩盡歸己怨將誰歸大令固能任勞任怨者故其得為無不為而凡己所不得為與人為之而不善者往往託之諷詠以寫其胸中之不平余雖時相見以不為詩大令亦不以詩示余戊申館江上煙波

丁一五 妙香補遺

金陵叢書 蔣氏校印

浩淼之鄉周而五里詩人至有七人之多結詩社強余入余之作詩自江上始也當是時余有所作每思就正大令以南北相距遠而止聞城北晚君鐵仙工詩江上往來必過其門訪之鐵仙習於浮屠之學於世無所用然其詩亦能希蹤言之作者陳雲伯大令為之序欲捐廉刻其稿未果以稿終矣丑之變余與鐵仙詩稿皆灰燼江上詩人存者僅家柳門一人鐵仙寄居淮上以稿焚故愈棲心淨業絕口不言詩甲寅冬余與大令相遇於溧陽之北門大令以詩稿示余卓然有李杜之遺風凡五七長古有關節義政教之作慨乎言之可歌可泣尤得古風人之遺蓋其根柢深厚胸中義有一段不可過拂之真性真氣一有感觸不覺隨境而發浩乎沛然而

不同於剽竊摹仿者之所為善夫詩緯之言曰詩者持也所以維持世道於不衰小序云言之者無罪聞之者足以戒韓子云仁義之人其言藹如大令有焉詩所以言志觀其詩而志可知也足以見吾師賞識之真矣抑余又有言曰否之上九可以傾否屯之上六不能濟屯以此見撥亂世而反之正非有陽剛之才不能也且否之後次以同人方今天下亦多故矣誠得大令之才數十輩吾知可以轉危為安奈何其弟實菴通顯年不及位而終而大令不能見用於世徒抱一卷之詩而終老也自來才大難為用不其然乎不其然乎雖然大丈夫不能立德立功顯名於當世自可立言以待於後大令不見用於世亦已矣而其詩卷獨自家人裏餅中出不隨劫火俱盡此天之所以傳大令也大令亦何憾也哉丙辰春日樸庵楊長年序

丁一五 妙香補遺

金陵叢書 蔣氏校印

妙香齋集跋

右妙香齋集四卷江甯楊西華先生箸先生名長年字朴庵
早負盛名於書無所不窺著作等身說經則有周易省心錄
春秋律身錄並因文以見道一洗穿鑿支離之習制藝法金
陳章羅尤爲世所推服年六十始舉於鄉再試禮部不遇歸
世鳳池講席者二十年歸然爲東南耆宿晚研禪悅所造益
深與人和易雖牛醫馬磨與一材一藝之善不憚折節下之
後進之士無高明沈潛莫不仰若泰斗嗜石與米芾埒藏幻
石十許枚以燈影之現孔老釋迦諸象又好談制藝兼誦己
素所作者嘗攜兩囊一石一制藝過知舊示之口講指畫媿
媿不倦有與先生異趣者強聒之泊如也國榜生也晚不獲

一十五 跋

金陵叢書
一
蔣氏校印

親炙先生聞謫益先生稱之不容口輒私淑之矣鄉後學蔣
國榜

吳興劉氏
嘉業堂刊

序

歲丙午文治佐家君重刊吾鄉陸桴亭先生思辨錄及詩文集年譜若干卷竊以爲先哲典型曠世難再揆之近今雖作者如林而求如先生之流風餘韻蓋幾藐乎不可得矣今夏烏程劉翰怡京卿出其鄉先輩楊蕢翁先生詩文集六卷續刻二卷補遺一卷及自定年譜一卷年譜續一卷重謀付梓而問序於文治文治取而讀之作而歎曰先生之志行胡迺與吾桴亭先生相類也桴亭先生處鼎革之際不爲世用擊劍讀書察時觀變與農夫野老謀所以築圩區田之法蓬壁蕭然踐行盡性嗚呼可謂庸矣其居室也勝曰桴亭蓋取孔子道不

理序

行乘桴浮於海之意近與亭林遠與黎洲船山二曲諸耆碩遙相倡和冥契召合不求聞達嗚呼可謂棄於時矣然今讀其遺書披覽其詩文及年譜則有藹然見先生晬面盎背之學者蓋知其所積者厚也今蕢翁先生處俶擾之秋困於奔走遠遊秦隴見逐師門取戒時相退而爲樗櫟信天翁之喻嗚呼是亦桴亭自儕於蕢夫野老之志也其爲詩古文也一不容於友議再中輟於治經三見欺於假稿奇零掇拾乘老委命嗚呼將求如桴亭先生之退然遺老與確菴藥園諸先生輩心性相孚者而亦不可得也然而先生自庸而人不庸之先生自棄而人不棄之今劉君旣重謀付梓文治得讀先生

之詩文集披覽先生之年譜則有逸然見先生千氣萬力之學者蓋知其所造深也夫先生詩文雄灑博衍與古作者儔歷抵賢相屢典大郡先生之志行似於桴亭先生爲稍抒矣然而半生坎軻凡所謂五經異義及周禮管墨等疏或以遭亂未遑成書或以稿燬無從搜輯不得與思辨錄一書並垂不朽徒使景仰先生者祇此緒餘之詩文集及年譜謂足以概先生之平生嗚呼斯豈先生千氣萬力之所聚者乎是則重可傷矣甲寅秋七月後學太倉唐文治謹序

理序

余童時嘗詩古文與友議不合焚之是爲一棄從經師
遊師謂詩古文可作而不可作懼閒治經之心是爲再
棄客秦中或將拙橐去不歸是爲三棄三棄之後所存
無多乙亥劉君泖生高君陶堂勸封刻先叔兄遺著後
意甚盛然刪改不盡協鄙旨姑委蛇焉耳矣甲申罷官
多暇始別董理篇增於前而製還其舊揭曰詩文棄棄
之云者屢棄而不盡棄抑亦欲棄而未遽棄也汪壻符
生請重刻笑謔曰爾雉余哉夫雉榮其毛羽以爲鳳皇
不若也藉設見鳳皇不仰而驚俛而啼者寡矣余悔前
謬肯又蹈邪旣而曰任爾爲之且夫天下皆雉也寧獨
余乙酉夏五月庸交書

遲序

三

外舅庸老人詔煦曰吾年十二三卽治古今體詩時曹
君煙波堅信隨園嘗吾作詰屈不中度酒酣以往輒持
抵地上吾怒焚之別從師治經然朋友牽率閒亦拈弄
積漸多浪遊陝甘夫己氏彊假去不歸從此無完帙矣
乙亥謀爲先叔兄梓遺著劉君泖生高君陶堂勸哀所
作俱梓焉恩遽錄一二百篇句兩君審去取陶堂嫌少
不忍刪泖生性畏謹刪指事諸作又或移易改竄長白
山一篇則陶堂回護舊居停屬刪尤甚者二三百字改
結尾一段皆非吾意迫於成書不暇更收拾甲申罷官
閒居按曷年日記中零章碎句及近數年新作增若干
篇都爲四卷泖生移易改竄者悉還舊觀長白山結尾
聊仍之覽者勿謂前後異趣也煦受讀唯唯旣而曰詩
者有各人面目之自然徇人非也有各人感觸之不同
抹棄亦非也橐已定設再墮焉如心力何趣集資重梓
以娛老人至於工與拙煦不敢議抑奚俟煦議哉乙酉
二月女壻汪煦謹序

遲序

四

遲鴻軒詩棄卷一目錄

五言古詩

俠少年三首

峴山

雜詩

李薌園師曲江觀濤圖

句張秋水先生繪秋鏡講算圖

秋日雜詩九首

依韻和抱山兄飲酒有憶三首

棄妾詩八首

都門詠

遲詩一目錄

浣園登高贈高陶堂

鄴臺

百泉

井陘

四天門

雪後過瀟橋

五丁關

長白山

旅次逢故鄉人譚湖州失守事

六哀六首

中興詩

焦山

虎丘和高陶堂兼示莫子惇

答高陶堂兼致李眉生廉訪

平山堂遇雨

莫愁湖

李北谿避炎圖

書農交張三語

壽芝崖太僕指山圖

遲詩一目錄

遲鴻軒詩棄卷一目錄

遲鴻軒詩集卷一

吳興叢書

歸安楊 峴庸齋

五言古詩

俠少年三首

長安俠少年裘服何翩翩
彎弓滿於月驟馬突如煙
聞說匈奴至翻身欲赴邊
十三學弓馬頗有俠客心
殺人在白晝赴義輕黃金
事成長揖去醉臥倡樓深
匹馬出關去萬人不可干
射雕飛白羽摧雁落金丸
含笑拂寶劍日色爲之寒

峴山在烏程縣南五里本名顯山避唐諱改之詳

雜詩一

石柱記箋釋余嫌與湖北峴山溷不如仍顯之良

春秋家謂名從主人也冬日偕曹煙波南家抱山

兄登臨各有作

弭楫城南遊悅茲顯山秀連延雲氣陰冷日半巖漏一

松老而腓一柏漼然瘦志稱孤松獨柏堂荒逸老散亭積五花

舊步迎風中磬環磴落葉厚透迤識古寺愴然鶴夢逗

僧懶不解揖鼻涕拭滿衷多謝禪話長眷西暝色湊歸

路逐樵擔遙指亂崖皴

雜詩

遲遲白日暮掩涕歸空房聞君有兩意愁姻三旁皇情
好羨貴敦胡爲參與商沸水凌作冰歎忽殊炎涼將絲

來引藕相連寧久長妾有嫁時鏡在捐慘不光宵深塊
無語秋衾如抱霜

李薊園師曲江觀濤圖

世事不可料豫兆乃合符先生防海累但坐觀濤圖秋
風引海若半夜塵天吳濤掀地上下浪蹙天有無隄防
失其險生靈誰爲毆緬維弦歌宰首縮赤緊區仁和縣知縣
公心揭銅鏡朗照湔明珠判草蘇冤緒管花馨諾朱偶
以曲江興貌此退食臞竟移司馬席擢西海防同知而責狂瀾
扶風霜皴肌膚塵沙凋眉須萬人香畚畝千金鍵焚芻
盛腥吹潛刺巨壓蕩輕覺保婞箸爲令償修能不虞日
計蔑一歡年過叢百通辭劇判閒散改南塘通判有奉才鏘

雜詩一

鉢城荒信瘦犬倉空噪飢隨行酷遠瀆井辨餐虛節廚

毒虺晝睽曷野鬼宵歔歔愁多未有涯創巨良可吁小

子貞獨漉弱歲醜眾竿磨丹誤羣經守墨乖小儒一事

泔泔統遂甘糜株駒詩憶計非計媿嬰夫非夫撫迹何

必一有恨始信俱逝當從靈氛上訴謗謗愚

句張秋水先生鑑繪秋燈講算圖

少小失不學未解徵疇人紛緼中西法千疑艱一詢一
權放若谿始與大師親謂眉卿春秋十二公氣候慎失
倫日月有食限推測尤欠眞蒙也中朔表時誤春秋劉
欽逮之津二百四十年中閒兩超辰今密古術疏詰經
或茲甄書燈閣照壁心偕秋嶙峋繪圖儻嘉貺貴於金

麒麟

秋日雜詩九首

時客乍浦景物蕭瑟愴然有作不暇次第

昔年十四五志欲千萬倫引手謝巖幽出門車麟麟商
飄振秋槁落葉卷驚鷹十謁九不通新衣屯故塵餓糧
亦有限芳鞠久已陳升高眺四方龍蛇與我鄰安能如
枯槔俛仰隨佗人

窘身就旅館息來無斷時沈浮昧眼前絺葛已淒其嗜
薌亮違俗饗朽或非宜豈無侏儒飽寧終方朔飢彎弓
射猛虎怒揚其頰我命不在天爾虎將胡為

盛秋慘兵氣憫民亦何苦龍湫亂無象白晝鬼雄舞鈔

運詩一

三

魚上岸行化為豺與虎食人不知飽骸骨莽難數悲風
從天來陰火燎平楚豈無登壇者倉卒棄旗鼓愁來欲
誰訴亂觸如秋雨

旭日淡無煙嗟此戰場山川軍鬪死地血漉百草丹義
決出凶門一熱排眾寒奈何後援絕摧衄如奔湍龍欲
尸籠龜奮爪不顧單失勢被網牽創劇體不完將淚助
海水傾注何時乾

萬里人不到一海天所界非俗宜倚之胡使互市賣盈
廷別肺府頗聞導厥派腥風延郊甸雜霧湊鱗介誰去
匪毒孽常恐遺裂鼓爾雷司天威胡瘖如受械我欲前
語雷未語三日喝

靡生不有嗜富者狀梁肉搜括到海外顛倒媚此腹島
奴矜新奇神膏奏紅馥千年求神仙不如一飽速語卿
勿求仙赴死同一轂不見科條縣蚤晚罪宜族月黑天
不晶啾啾鬼車哭

在好易為容在愁難為歌不惜發歌長所嗟商聲多頻
年瘵金革積禍捐天和漆室無陽烏晝夜同一科天關
森九重欲叩懼被呵智哉冥飛鴻遠徙遺贈啓

婉婉天孫女脈脈停機杼盈盈望牽牛迢迢隔河渚七
夕饒相見後會積修阻秋風揚素波絲霜隆寒暑天上
亦離別愁心對誰語寄謝擣衣者慎莫怨砧杵

晝短歛易夕涼風動素帷寒蟲扶戶吟少婦機中悲丈

運詩一

四

夫遠行役道阻首書遲上有翁與嫗下有黃口兒纖指
縫衣裳辛苦辨晨炊好語治春子母為穴隙窺妾心如
皓月不受塵埃欺君歸儻不信昊天監知之

依韻和抱山兄飲酒有憶三首

人生多憂患百歲何時適起坐戚無語一螢曳煙夕飛
翻桂之花香流露珠活兄弟共此酌暫醉不須憤娟娟
雲中月潰影照屋脊華髮豈常駐衰壯如潮汐門外綠
碧落昨履非今迹不見陶淵明一逝如過客

秋霜彫百卉矧茲數株柳勸旅警悽節在愁誰與剖天
容隔陰晴檐外鳩曉婦古人招不來曠對酒盈缶阿兄
醉而作鏗詩不去口曹劉去今幾鶴然欲尙友回頭語

阿弟良時莫虛負爾爲一生悲悲多樂奚有

九月月過半日短初夜長庭前鞠綻花花老葉亦蒼斗
酒不爲少聊此傾一觴故人不入夢天氣歎已涼愁涕
無歡痕新帶違舊量離離楊柳枝摧盡不復揚結根雖
云厚非春豈故常征夫怨遠道思婦悲空牀速飲莫辭
醉不醉徒爾傷

棄妾詩八首

十三初掠髮十四試曉眉十五樓上居明窗瑩琉璃老
母愛文兒形影不寸離媒人引手問娟娟君家誰陳家
年少郎紅霞如荔支金銀高過屋綺羅堆滿輝好去作
主婦百兩君須之

選詩一

五

老母再拜言女大須嫁夫貧家無翠裏負此陌上妹但
得好事成和合如于喁兜央不獨飛鱗鯨不單濡及早
生男兒勝載百斛珠

二月二十七桃李嬌新陽一彈絃上鳳三奏求其皇理
我簪與珥縫我繡襦裳德輿導我前前行升君堂君堂
判左右偏左爲洞房湘簾遮翡翠綠碧朱黃斗帳四
角懸脂麝熏滿牀夜來連理花百卉不敢芳

兩情亮不渝翫逸各自慙三日謁大婦儂然身是妾大
婦聲如鴉一鳴百羽惜將妾臧獲看趨承仰眉映小則
訶言加大則筆楚及豈緣大婦苛妾不足供給猶恃夫
子愛萬一疆保全夫子好遠遊裏裝百花前南遊踰五

嶺北遊出幽燕幽燕犯嚴寒五嶺曳蠻煙妾心如缺月
照君不團圓

有客忽而至言君下揚州揚州豐妖雜留客申歌喉一
歌五十萬再歌百萬酬能使冰雪腸回暖不自由新人
如膠漆故人如寇讎朝亦以綢繆暮亦以綢繆綢繆歲
復月首問阻悠悠

晨報得君書君書與大婦上言揚州好累卿孤衾守下
言家計殫賣妾可餬口將書擲妾看我家難住久蒼天
此何故棄捐誰使令何時獲辜戾辜戾重與輕井底無
太陽照妾未分明身本是賤人敢與大婦爭媿不生男
兒早正夫婦名新人日見親故人日見疏親疏亦有限

選詩一

六

故人是前車

大婦階上呼媒人階下趨阿女是禍根速將賣爲奴拔
我頭上釵脫我嫁時襦釵襦直幾何寧從較有無來是
樹上花去是道旁塵食果不剔核教妾難見仁茶苦不
算苦齋辛不算辛生爲君家妾辛苦方信真

憶昔樓上居老母教女兒織綺日一丈阿邠夫容枝裁
爲合歡裳花花媚雙姿自從疊空篋三年未曾窺顏色
黯不鮮持此將贈誰焉逝無回翼水東不西馳再拜謝
大婦黃泉以爲期

都門詠

晨趨京城門初日麗廣甸人煙視升滅芳樹遞隱現天

街十二涂瑞氣百千變崇采冠飛薨糾華閣響殿紅黃
壁聳切碧綠草蔥蒨滃瀟瀟靈澗蒸沛沛喧風扇朝官集
若霧寶車光照電瑤佩時一鳴雜綬或眾絢鐘鼓靜不
起葆幢遠乍見天驥豈糜銜豈鸞非遊畋婉變擁屬塵
迢遙赴神淀羣影雲外動百霏沙上冑乃茲昌陽節屢
耿亭毒眷羣生仰大澤彌漫徧寓縣

淀園登高贈高陶堂

心蕙

沖栖辟紛譴曠想遺寂寞顏瓢豈任陋卞履或畏斯感
子歲寒心踐子重陽約野人煙外招遊客風中酌澹日
明觚凌翠瓦晃金爵遠寺鏗齋鐘山下孤鶴方今蒿
火怒中原窮獸搏天心厭文字世上鮮干鏤馬健常思

遲詩一

七

奔騰健常思攫誰將好身手甘此久銷鑠子銳腹奇志
我鈍抱空略秋聲東南來長喟動寥廓

鄴臺

英雄草草死千年猶荒臺臺下流二漳湯湯去無回鳥
鵲悄尙飛明月栖蒼苔履蹟非故磬舞裏招不來當時
抗九州誰爲周公才野風吹棠梨霸圖安在哉矯首望
太行暮笳散餘哀

百泉

寂爾淇上心選爲百泉遊茲泉脈河沛雜族匯一流濺
濺漱瓊玉的的眞珠投漬沸生眾綠過雨圓沙浮竹柏
簇舊礪鸞鳳鳴相酬古人遁高躅孫登逝不留長嘯別

泉靈展鷄無停朝壺領出神漢飲之壽千秋

井陘

驅馬邁井陘眾山森拱抱呀豁崢嶸間卅里孕畫臺城
低虹氣陷水澗雲影冒炊煙裊上樹野花馨沒草西風
咽野角微雨打戎葆衷甲任故嬉漉血失新燥昔者秦
漢世龍戰此孔道不見李左車憂思令人老

四天門

峰峰戴巨石車車趾深淵石巨如嵌牀淵深不見天左
敵慄一跌右掀驚屢擊遇陷挫乍後過坎驅又前眼怯
電影凜耳續雷聲纏暫頓失舊疲歛展增新瘡已防馬
足輓還與羊腸旋遙店指低隱酒旗搖高妍雜樹界大

遲詩一

八

道人家假土椽不遑怨行役聊此企足眠

雪後過灞橋

碧白糝爲一樹雪川上沍水寒魚畏出沙輒馬遲赴崔
崔華之山遙遙恣延僚白帝爾何心慳茲一寸胸羣陰
積不治蚊蟬斷林路兩年戰鬪血奄薄黃河注予懷不
任見見之惛然仆叩頭與天語上乞天回怒已飽膏毒
長庶免跳走屢寄生不獨活挈眾載故步空中如喻意
日華散晨霧

五丁關

巖上五丁關高險不可陞石勢森坼裂壁色黯艷今
塗竇穴豁昔痕斧鑿贖一澗駛漂撇眾碎陷餽餉輿夫

號聲麤雜響空際應喜未鬼神覲疑有蛟龍孕再進猛
開朗山腰夏清磬

長白山

高高長白山其上與天連不知何星宿謫降自何年二
十羽林郎三十貳司農四十授亞相傑直何春容阿兄
執金吾尊於淮南王毒虵翼而飛勢欲吞太陽相君宅
潭潭潭潭誰敢窺前門列干戟後門屯萬脂金銀與珠
玉狼籍白石墀尙書前報謁偃樓而次且闖者欠伸起
名紙傳進遲謂當明更來相君方圍碁九卿候白事過
午腹徂飢相君徐傳語且各歸所司九卿默無聲臨去
顏忸怩相君有密后至尊鎮其頭外人不得聞惟有阿

運詩一

九

兄知至尊小不擇中侍綢繹來趨召相君來數語天顏
開相君小不擇中使綢繹來不如阿兄來數語春風胎
尙書稱門下拜跪自通名九卿伏道旁門下之門生其
餘外節鎮與僕隸弟兄權位之所熏生死在肩齒且沐
至尊生夕觸相君死是時海水飛東南血戰始軍書急
於火昔昔數眠起明詔不暇答全憑相君旨相君才矜
隆天下待料理蛇豕占我郡城郭棄如燬至尊問相君
相君但曰唯犬羊薄我郊距京不尺咫相君騎馬出出
國門逝矣峨峨鐵柱冠白簡奉當芻一一許發之上叫
天九重九重抑何近有耳耳不聾嚴譴一紙下番兒銀
踏河阿兄額相君我奚負至尊至尊竟負我我死冤戴

益相君顧阿兄咄汝大慙愚假令我言售寧遠身首殊
先取阿兄至畢命七尺繩相君磔西市血肉飽鳶鷹相
君宅潭潭官印橫斜封鄉者不敢窺今者撻蒿蓬金銀
與珠玉籍沒無零畸穢不入尙方給賜邊庭兒達官走
相辟怕累汗被跡二十羽林郎三十貳司農四十授亞
相傑直何春容阿兄執金吾尊於淮南王何物翼而飛
乃欲吞太陽太陽燒口熱於何不受創行路長歎息慎
勿相君如得勢錦上花失勢釜底魚君子惡下流眾惡
皆歸焉當其據寵時寧乏一節賢南陽出師表伎者十
百千盈廷集大議一鳴百堯顛猶恃相君能隻手爲轉
圓偉此中興功各已繪凌煙曠恩獨不蒙巨姦實欺天
欺人尙速戾欺天戾誰漸爰書一朝定九鼎安不偏請
看長白山佳氣仍青裕

運詩一

十

旅次逢故鄉人譚湖州失守事

悲哉湖州陷未陷力已絀無糧豈能守五月歲壬戌初
三時加已怪霧蔽白日東門門者誰關門漏上秩賊來
不費矢闖然信衝鋒刃之所盪萬命不赦一城中河
驟洶大半血汨汨頗聞周學與楊烈赴死不戚慄洸洸
忠節趙斷脰酒氣溢公名揭旂常失算亦六七其餘殉
城者詘指不可悉身本業弓稍倉黃奪門出雖則奪門
出前行黑如漆經過數十縣縣縣叫聲策官賊互屯時
碧草不寸茁飢飽一口艱遑暇計家室但看遮驅衣蔽

盡從誰統悔不刀下魂偷延徒草率覩於往來人未前
或遭叱市旬復累月終怕喂蟻蝗故鄉收還未欲飛實
匙術客豈有道哉敢諄何途吉

六哀六首

卞小雅 乃 歸安人先師雅堂光祿季子負才

氣言天下事輒奇中官婁縣知縣賊攻松江禦

賊死

卞君天下才一官百里尊松江賊所瞻賢人當奇屯祇
星射江赤軍麾慘不翻朝提百騎戰夕血流渾渾骨骸
相齧鷲矢絕無後援乘高眺舊壘日氣不敢暄

錢未益 松 錢唐人寡交遊畫山水花卉自娛精

遲詩一

瑀印得者貴兼金藏古碑舊拓本皆有題記杭

州陷支解死

錢君清瘦姿氣與松柏親攜家傍吳山孤對遺嶙峋几
上燦有光石墨照四鄰清風蕩階除搖膝斟周秦饒賊
爾何讎不賞膏蘭人漬血拭不去斑斑生古春

李節貽 念孫 仁和人戊午舉人余薊與靈芝寺

僧蓮衣爲解社未益節貽首導之節貽好學尤

善真草書性孤峭非其人則相對無一言城陷

亦死

李君如鸞鶴可親不可玩性情一條冰映日晶然爛觀
書眼亦卓譚義漬珠貫遐蹤隊稽呂高情賦同殿天地

157820

無長仁命絕櫻巨亂墓上滲秋雨慟爾樹灌灌

范穉禾 禾 嘉興人寓杭州屠氏園園擅花木之

勝兄弟五人皆有金石嗜穉禾尤嗜之酷城陷

亦死

范君青雲器乃爲古所淫兄弟四五人和氣烘一燧招
招桂之樹樹下朋盍簪黃馨嫫未糝賊過風埽林園亭
成靜闕曲碣何處尋魂來軫遺餉悲哉空壁琴

周蓮伯 學汝 烏程人丙午舉人研精許氏書著

說文經字考與余議不合輒齟齬若相讎後更

相悅佐趙忠節守城城陷自經死

周君詩書氣開口銀潢瀉整振六經字閒抵汝南罅世

遲詩一

議不右文賊來吁可怕雜守算聾寵响沫亦遭罵百撓

寧一完茲城天不赦義死雲荒荒鷓鴣叫深夜

姚子展 宗謙 烏程人戊午舉人嘗校勘諸經講

尊以篆隸二體寫定經文爲中文經未卒業城

陷踉蹌至上海病死

姚君好學者探道周秦編時時吐高論未達心已幾危
城疲銳甬日午突不煙修然敦所業頗怪作計慎雖未
膏賊刃病鶴蹋不翻一宿春申江凝涕歸黃泉

中興詩湘鄉相公命作

同治歲甲子日月爛重光宇內大洗兵訇然墮天狼元
老赴功名巨網摩天張先聲指楚皖大賊惕焯焯金陵

蕪餘毒黑氣已見祥振臂猛一刺萬羶慘不揚丙宵賊
驚哨開城趨跳亡我眾謾而盪摧堅進如牆禽其名王
歸下令逐飄颺伏尸舉京觀血流不成行捷書負風飛
歡動天九閭

皇帝曰元老爾侯於南邦爾弟亦析圭將率銘旂常暨
爾之爪牙咸祚爾輝章元老叩頭謝異數臣敢當臣授
命

文宗不即時刻攘經營逾十稔禍水翻銀漢不見魚赦
釣但聞虎隸偃十室九無人雖有嗟跛疋

皇帝紆哀矜德厚施則滂至誠召人和鍾簾牢不僵忠
者效其忠良者奏其良吹灰不用力一映厥機槍

遲詩一

皇帝躬仁孝積敬貞當陽上奉

太皇后挈國還陶唐來遊必麒麟來歌必鳳皇童子更
不孤婦人亦不孀登茲中興福神明告無殃心心樂就
瞻辟以宮引商凡皆璣衡運臣寧尺寸邊臣請養恭儉
執中紘四方不狎華與奢潤土種麻桑玉屑豈云寶有
今後無荒

皇帝曰欽哉元老爾言昌明旦戒朝儀受賀開明堂

焦山

危磴奠大江石氣森欲秋寺椒屢升沒淩雲巨難周隱
淪悅茲賦誰誤玉帶酬惜哉瘞鶴銘薛花綴如旒淹晨
始一上未暇甄推謀昔年江水翻羣盜多於鯨風漣仍

故姿清曠天所留魚鳥澹無驚日月相拍浮金山引晚
妍雙雙送虛舟密樹不聞響鐘磬時外流

虎丘和高陶堂兼示莫子思友芝

一丘抗簪岑野色赴遠眺磴迴松風長松鼠見人嘯何
年金碧寺荒荒頽殘燒危標翼崖際斜日漏虛竅不謂
咫尺近乃此邁佳召禊飲藉磐石勝侶偕二妙敢以塵
市心而騰山靈笑舉手謝池魚悠爾莫辭酬

答高陶堂兼致李眉生廉訪

金閭十萬家出入聲謹謹嗟哉我與子不敢一步闕相
逢說懊惱失笑豈兩節昨子出新詩巨蚪瘳驚瀾靈宮
紫赤氣光怪如走丸馮夷迎之僵子乃摩其冥犀怒不

遲詩一

辟屠子刃投髀髓辱贈圖子酬苦吟焦心肝一吟不知

飢再吟遭炎熾據險鑿突兀入深隄枯智風雲忽改變
疆跌性命殫巧鈍天有權思絕空塗鏝葑谿老詩伯高
居盟敦槃欲前足又卻懼摘夷光癡子能為我咨命駕
不俟信

平山堂遇雨

旅閉積久劬出郭展芳矚不知平山堂乃此圍眾綠初
徑緣細蛇再磴明虛谷危椒冒孤雲廣樾上高旭遠嘯
溜煙稜良苗搖風薰山影亭大江塔勢眩浮玉僧老暹
拱揖客飢具瓠漿為言嘉道初諸僧廩倉足園林十里
溢臺閣百重縟精虜一再過畫舫不成錄泫篁非故蹊

臥石豈舊躅請看隄上柳
行斷不續僧言未及終
吾淚已相屬既乏尼父柯
寧徒曾點浴閒情謝羣鷗
悽緒縮黃鶴揮手尋歸塗
急雨打瑤瑋

莫愁湖

晚日暎西郭人逐日影行
出郭秋草茸薦屨輒且平
連延悅炊煙水亭縣虛楹
參差萬柳樹一綠環亭穿
淺舟聚湖心采菱上歌聲
雙槳激水花急點圓荷抨
鮮颼蕩空曠遊鱗時出偵
汲水煮苦苜石銚嘯遺笙
遙遙見歸樵歇擔肩已頽
殷勤導我迷多謝霞外情

李笙漁

嘉福

避炎圖

眾皆習趨炎子胡避炎為
枉鍊冰霜骨空谷人不知
林

進詩一

五

深不見天時有涼氣吹一
二挂瓢人班坐譚軒義才
過十丈外赤日蒸焉支長
安街衢寬翻翻車輪馳前
車汗被蹀後車塵承頰前
後爭要津誰雄定誰雌子
當脫羊裘指余歧路歧

書農交張三語

往年鋒鏑窟今已平安鄉
邨明炊煙家家富饒糧為
官豈不好出入紅蓋張到
底百不賺不如為農良老
夫三四口破屋蔭垂楊隙
地雖不多種植各有疆二
月筍初芽九月菘冒霜三
月及四月桑黓甜可嘗五
月瓜豆熟引蔓堆滿牆六
月檣竹滿蟬聲斜陽時時
招鄰父團坐追晚涼新秋
八九月飢盤薦芽薑十月
完新租叩

157

門不倉黃十一十二月賽
神判肥羊正月積餘閒取
醉梅花旁老夫老能步不
藉兒扶將回頭指女夫無
兒此抵當官亦老無兒何
不蚤料量怪安氣太慙感
交言何莊衰齡鮮兄弟辟
雁積單行螟蛉不是兒誰
熱墳前香一官寧足戀戀
者別肺腸顛到媚大府醜
於挾瑟倡我壯狂不工矧
遽六十疆但假十畝田速
買長鏡長

壽芝崖太僕

同春 指山圖

乾隆五十一年臺灣林爽
文倡逆陷彰化府淡水同
知程 戰不克死太僕佐
程公幕奮起復竹塹城明
年進兵烏牛欄中伏死指
山其埋骨處也事聞 賞
太僕銜又明年林逆平當
其

進詩一

六

時總兵柴 守嘉義有功未
幾抵吏議亦死臺灣洪濤
中萬疆之所驟洶然張牙
爪當旦升毒霧官府失不
制愈久責誰救食人不吸
血飄注如縣溜太僕老寓
公幕府蓮花瘦一怒髮上
指徑前搥其脰征鞭三四
動伏尸積紛糝程公奮忠
義柴公誓介冑太僕能雙
之戮力赴酬儼奈何海聲
陽時雷電怯鬪遽折丈八
矛欲進馬已仆雖夷鱗之
族惜不太僕觀臺之山叢
叢臺之樹茂茂靈旂儼不
遠贊爵庶三嗅

遲鴻軒詩棄卷一

遲鴻軒詩集卷二目錄

七言古詩

東飛伯勞歌

燕歌行

西門行

捉搦歌四首

納糧謠

巨頭郵火二首

醉歌贈沈浪仙

重建存巖祠

劉公歌

青駝寺

鳳嶺放歌

林青天

向老虎

陷金陵

廬州歎

圍湖州

湖口縣

克高唐

寓皖感故鄉事作歌十二首

哀二君

遲詩二目錄

和徐懿甫皖江兩句行兼呈湘鄉相公

莫子偲唐寫說文箋異瑀成和湘鄉相公

大雪用東坡聚星堂韻

六月十二日涪翁生日用集中水仙花韻

漢延熹甄歌

吳南屏書來示曾侯贈句依韻和

汪芾庭惠麓聽泉圖

周次夫醜醜圖

吳仲英摹瓊州洞酌亭坡公遺像徵詩

吳倉石蕪園圖

沈仲復京兆鰈硯廬圖

吳倉石示削觚廬印存

遲詩二目錄

二

遲鴻軒詩集卷二目錄

遲鴻軒詩棄卷二

歸安楊 峴庸齋

七言古詩

東飛伯勞歌

東飛伯勞西飛燕人生百年會相見隔巷女兒樓上居
歛眉眺遠頭不梳欲語不語紅上權灼若夫渠出水鮮
二八芳齡猶未足獨抱琵琶彈別曲看看日落羲和馳
又值明月東升時

燕歌行

八月風高草木黃階上白露團為霜丈夫何往前擊羌
念君道遠無衣裳馬矢為火沙為糧萬人皆瘦何人疆

遲詩二

一 嘉業堂校刊

賤妾不能飛在旁夢魂從之限川梁覺來起坐仍空牀
下牀望見明月光星宿滿天不成行援琴將奏心煩傷
雄者鳳鳴雌者皇雄雌不雙聲不長安得鐵樹花發香
西邊杲杲升太陽

西門行

出西門謂西而忽東人生非落葉安能吹轉隨驚風還
視堂上有父母閨中有少婦雄劍在腰雌在手我欲斫
牆牆太厚蜀山荔支紅團圓鮮時甘芳乾即酸少年幾
何老將及白日西逝如崩湍無瑤瑟吹玉簫今我不行
樂牢盆一擲誰定臬長手善攫長腳善趨君看好手脚
寧終死路隅

捉搦歌四首

妖墓食月月不缺仙斧斫桂桂不折男兒志氣如長虹
入地千年化成血

兩馬馱車車不舉車笨如山馬如鼠主人朴馬馬語車
爾不中馱奈何許

爾欲縱鷹使攫食爾為長縮振其翼寶刀在匣日夜鳴
健兒窮死寧作賊

扶桑老烏兩頭躍東照牢愁西照樂天公老嬾伴不聞
我欲訴天牙齒落

納糧謠

艇子兩頭尖於梭半載糧半載戈千槩萬槩趨城河狗

遲詩二

二

敵棘雞號撲上屋捉人放火兒不敢哭官倉鑰鑰密密
排縣令搖手莫亂開黑旗來白旗來辛丑以後鄉民抗糧建黑旗白旗

巨頭邨火二首

巨頭邨中天夜明火星繞屋聲轟轟丈夫噉咷婦女哭
縱火者誰官與兵火猛猶可官兵殺我

大船峨峨福黃堂福克金阿擁兵千百夜入鄉問誰當捉稽
與王莠民遜竄殲厥良嗟哉爾兵猛於火爾官種火行
自旣

醉歌贈沈浪仙笱

乳谿谿水清不渾谿上老屋柴為門中有一女孤鶴蹲
兀然不笑亦不言瘦月淺逗秋黃昏一燈照影雌不温

吟聲出吻伊吾煩夫容爛嚼千朵吞冥心投雲雲詠怨
百靈含愁嘯煙根上驚天關天無恩惡夢推墮頰黎魂
玉女掩淚霜有痕夜飛不得凌崑崙抱秋冷臥拳足跟
玉骨一把稜可捫西風吹林黃葉誼侯蟲幽號百草髡
青氈半破不暖臀荒廚無火虛饗貧竊藥乾羨常儀奔
銀河無錢借天孫世上誰人憐嬋媛蚌珠水底不照冤
我亦醮頓違故園肉眼白黑荒唐論何時同醉扶桑尊
赤足東海踟白龜

重建存巖祠爲沈浪仙

明處士陸鐵字泰巖葬乍浦龍尾山豪屠某覬
陸葬地燬棺骨投海陸子孟仿訴有司不得直

運詩二

三

走京師叩闕下其事於理豪納賄使抵黨之痍
死者豪竟末滅懷宗崩宏光嗣位恩赦豪里人
訂焉豪懼請祀陸於湯山曰存巖祠歲久祠圯
浪仙重新之

龍尾山下鬼晝哭噴頭火光高過屋高過屋一炬速父
骨成灰葬魚腹嗟爾凶亦人子孫死人與爾何讎怨解一
父讎不鳴不如勿生磨刀上公堂拌擲一死鴻毛輕大
令急止之繕贖上與長吏爭黃金布地滿黑卻天眼晴
解二孤兒號血雲驟昏罡風引上天九門叩頭見天子臣
冤如覆盆願放太陽光照灼盆底冤天子不言其色甚
怒速取凶人以飼豺虎解三鼎湖龍去湖水枯大魚遯逃

小魚通一魚乾死碎厥膚魚死奈非死魚辜嗚呼漏網
無時無解四醜生不如美死惡財不如令子懺贖命輸贖
錢建祠高占湯山顛祠成招魂大家去要看懺人拜倒
處解五祠前喬木本無主二百年來冷風雨狐狸跳踉學
人舞頽垣惟餘數尺土隔牆財神牲醴多老巫咒神吹
海螺解六沈子亦孤兒將母稱孝思一氣感動中心悲旌
幽發潛臣賤卑有廢必舉臣能爲君不見湯山重建存
巖祠解七

劉公歌

前車未行後車續前車旗後車燾公來何遲去何促自
公之來百姓安止雖有凶荒而無流徙昔我無家今我

運詩二

四

有妻子我思禮謝公公曰休休問公姓名誰迢迢山左
劉願公升天爲閻羅住世爲王侯

青駝寺

大石小石闊馬蹏驅車欲前輪高低人坐車上如簸輞
車帷亂掀風淒淒凍雪撲面和沙泥車夫顏色鬪敗雞
路黑不辨東與西持鞭朴馬馬不嘶一山忽向車前墜
上山太軒下太輕失聲一跌已平地山下人家曉出肆
路人遙指青駝寺

鳳嶺放歌

鳳嶺極天天所都輿夫昇我天上趨千盤萬盤雲回紆
欲忽變幻光景殊但見霓車風馬紛不可以數兮仙人

來往冠玉而珥珠一逝如電窮攀呼又見赤縣神州九
九八十有一萬足底幾簇煙模粘雷公行雨不到顛山
半小兒嘵呱呱蚊蠅雖捷上不得九關虎豹牙齒纒疑
是盤古初造天地時斗此一塊遺洪醢開闢以來幾龍
漢幾人到此能無吁我年四十霜滿顛飽喫辛苦蒼然
臞既不能躍馬學黃須兒又不能攤錢效碧眼胡守雌
已違柱下史草元或類莽大夫生如此人不溝壑便合
甘老轅下駒而乃東西南朔胡爲乎昔人浩歌行路難
況此蜀道愁魚鳧鳳嶺之高高於上天梯我來六月猶
復孺不知何年積雪化不盡冷氣薄射逃金烏鳳皇不
鳴嶺宗宗歸來歸來兮使我踟躕玉帝大醉走失金蝦

遲詩二

五

蟬食人無有完肌膚威孤弛弦不肯射從此世上無坦
途晝昏昏而嘯鬼夕慘慘而噪狐海水頓淺一半許只
恐三千年後海底枯憂來叫天天耳聾罡風吹墮媿惱
衢二十八宿向下笑笑我俗皮俗骨蚩不殊胡不跳入
壺公壺

林青天

林青天愛百姓不愛錢有

詔擊賊扶病前賊聞林青天喜欲顛東家椎牛西家殺
羊肥且鮮禮告耶穌投戈誕祝林青天大吉祥大壽考
子孫富貴億萬年皇華驛中鬼嘯煙有星夜墮聲轟然
從此天狼逞牙爪食人不嫌人肉瘡吁嗟乎林青天

向老虎

向老虎追賊如風殺賊如雨賊中有謠言不怕天只怕
虎金陵城頭萬矢集賊聲死虎聲怒壞雲壓陳日低千
血點橫飛溼戰鼓官兵歡呼賊兵哭敗馬驚蹏蹋白羽
官兵誰向老虎

陷金陵

雨花臺墮賊手孝陵衛賊騎蹂百姓倉卒議城守問之
總督總督新敗歸唯唯否否問之將軍將軍曰總督在
我何有賊來撲城不見官與兵但見大男小女逃出城
縱火燒城大呼殺城頭亂飛火老鴿咸豐三年三月八

廬州歎

遲詩二

六

廬州危江公來吁嗟江公來何遲江公死廬州一片瓦
礫矣城中四面不見人但見青燐或聚或散短草裏安
慶墮巢縣摧廬州門戶已大開孤城死守四十日吁嗟
江公安在哉

圍湖州

今年圍湖州明年圍湖州湖州城外骸骨高於三成正
城中米糧苦不足人人瘠黑如餓囚東家漉百草根西
家煮樹皮萬鬼來瞰聲啾啾走告乃公乃公有酒氣方
召賓客椎肥牛一言不合乃公怒不用鞭朴但斫頭斫
頭尚可投糧殺我官耶賊耶殺我者老革耶

湖口縣

湖口縣賊怕官軍避不面湖氣亂閃慘欲死密密札札
絆鐵練昨夜城中賊語賊語細不得聞似言礮矢集如
霰賊妻賊兒豫備走結束未了驚已顛彭軍新破石鐘
山攻城不費一條箭傳聞又收湖口縣

克高唐

克高唐誰其克者僧親王麾下個個會殺賊賊走無路
十九僵一二逃出者面目汙血腰腳創到今高唐小兒
夜半不敢曬但怕僧親王僧親王生爲上柱國死當血
食高唐昨聞天上天鼓鳴嗚呼死矣僧親王

富皖感故鄉事作歌十二首

皖江三月春始來桃花李花歷亂開眼中見此白髮換

遲詩二

使我坐歎行復哀鴟鵂晝嘯鬼夜哭東南山水皆蒿萊
故鄉老屋安在哉

我初計借跨馬出京都達官百識一懷中老刺色黑漆
將前又卻怕遭叱龍門太高不許上素衣多塵長蟻蝨
一朝戎馬起倉卒欲歸無錢氣蕭瑟仰視烏鵲東南翔
安得封爾生羽毛

新招額兵怕弄刀未戰先亂爭上般制軍大旗忽不見
傳聞已棄常州逃毀冠拋鞵走相雜蘇州閉城不肯納
獨繞城門且三市

蘇州已失湖州福城內城外無人色廖侯歸安令體元匹馬
從東來短刀在腰志斫賊侯績第一解衛民雖未斫賊

亦足珍胡爲傲向會稽去無計攀轍空愁人

趙侯景賢義氣議守城城頭拉雜刀槍鳴富家出錢貧出
口晝巡到夜夜到明礮聲隆隆透地起賊雖膽麤亦畏
死但得上遊援兵集肯便全城棄如履

郡外縣縣皆被蹂村郡千邨亦賊藪只賸孤城大如斗
傳言又失大錢口糧殫矢絕孤鬼嗥一重一重環賊濠
姦民開城延賊入賊氣頓比蒼弁高

有兄有兄天一方幾年不見須應蒼城有蝮蛇野有虎
破鏡無跟趨風雨米麥騰貴人肉賤道旁瘠兒淚掩面
安得飛來春江邊買醉不用三百錢

有姊有姊貧且寡見賊惟當雞犬罵賊刀在手一齊下

遲詩二

血漂滿街土亦赭爾賊雖悍寧非人以人殘人胡不仁
雷公虺虺點大鼓作勢欲擊天怒曠

三兒死二罰已大一兒又孀母乃太無兒有女亦可抵
大女又死門前水小女眼淚嗚闌干啾啾乳燕棲不安
獠奴鎗火照江赤使我念此摧心肝

老妻嫁我命不諧麤布爲裳荆爲釵寇來避走飽辛苦
祇怕瘦骨摧連聲磨蹴到命天不眷坐視浮雲去如箭
黃梅有雨會有晴一家邨得長貧賤

湘鄉相公盛賓選府中盡是初生贗迂生有策不敢干
萬一遭訶面有靦古來英雄泣路歧芷蘿邨女警西施
赤鱗失水蟻嘍之鱗乎鱗乎我心悲

天下甲兵正酣鬪野田無人把鉞鏹老夫無田只有書
懋懋蟲魚令人瘦幾時息燧還故工築茆三閒低打頭
偷生已矣我心憂

哀二君

程心齋 慶餘 治經史有法著書未成壬戌湖州

陷投水死張南坪 福禧 與余同學算而精詣遠

勝余先是為趙忠節乞師海上遇賊支解死

程君枕書如病羸煮字為飯不救飢前觸大斧後長鉞
賊來搜城勢猖披一痛投身波漣洏張君算法天為師
昔者何黠今何啻外援斷絕君軫之失計不成骨已糜
鸞有五采鳳九苞彼密者網愁汝捎何不飛去別處巢

選詩二

九

和徐懿甫 子苓 皖江兩句行兼呈湘鄉相公兩句

者一懿甫自謂一謂莫子偲也

皖江城斗來大城內城外餘兩句兩句本是天上司書
奴偷騎三足鳥下窺赤縣神州圖忽然一跌已句矣人
閒酸風射眸子骨立峻嶒掉欲死湘鄉相公呵導來左
右顧視白日摧獨逢兩句奇且哈喂以麻姑青餽飯住
以燕昭黃金臺兩句從此如弟昆朝叩相公門暮叩相
叩相公門短衣三尺不掩髻裏中墮出西昆侖暮叩相
公門主客亂翻黃河源兩行燭樹蜷不温又聞龍宮老
魅怕剗刻無處告訴聲復吞一任兩句荒唐論相公門

前人萬千不知兩句誰恩定誰怨但見千張萬張口訟
說兩句嘖嘖煩是時東南騰戰鼓句陳森森拱元武相
公長征疾風雨猶攜兩句如意舞相公喜兩句浩歌卷
江水相公愁兩句狂歎三千秋忽歌忽歎聲上空青天
亦換張天翁兩句牢塞兩耳聾疆拉賤子作三句上下
相逐如雲龍急書一紙報相公

莫子偲唐寫說文箋異瑀成湘鄉相公首賦詩旌

之命和

六書誼隱人殊科各師己意殺義娥廣陵二徐竄新坵
愜更正文相給詔小生構昧不識字荒醒怪夢千年吶
郢書堆几志何等魯侯乃悅哀臺佗獨山莫交擅籀筆

選詩二

十

尤於典籍窮研摩質衣買書不論賈精槩何止十馬馱
唐寫說文瞥入眼百八十字星宿羅失聲驚詫得未有
顛到在手劇弄梭故人情重因送將勝比七尺珊瑚柯
硬黃紙厚少剝蝕古錦惜未書城裝四百部中牘木部
異文一一煩梳把鱗扁面目搜復出雖失過信不可訶
夜鐙搖影瘦相對斷斷點畫秦斯苛浚長點首騎省諾
旋見異喙息百家安得萬本寫萬偏光之和碑沙石按
照耀後代付深刻有如白日摧么麼湘鄉相公癖嗜古
謂交得寶宜徵歌大篇脫橐不待瞬句奇字怪隸與蚪
我生迂闊百無用只今墮落尤吞嗟箸書或憎馬背腫
入世長媿蛇足多矧已三年苦奔走還恐一餓填江沱

天寒堯鶴畏積雪冰窗凍折金蝦蟆和成瑟縮深自笑
何物輒翰揚其華安行種花學潘令弄此同上江南查
儻逢政餘作大塚還爲相公書餽禾

大雪用坡公聚星堂韻張嘯山文虎李壬叔善蘭

同作

老梅花鱗不著葉夜來花上沙沙雪皖江江水凌不波
千山萬山鳥飛絕老夫無柴亦無米破屋數椽壓又折
故人張李呼不至堆門一白屐痕滅建業兵燧照城郭
丈二長麾凍猶瘁將軍命酒張大宴酒罄眼眈生醉纈
此時靈糧悄不鳴一任風車碾冰屑似聞飛廉語滕六
要與蚩尤賭飄瞥我窮縮項豈終竟龜策七二嘗不說

遲詩二

南陽臥龍且高臥布被不怕冷於鐵

六月十二日涪翁生日同周縵雲學濬孟輿世澄

李眉生王叔少石文杏張嘯山魯生斯桂莫子偲

蘇飲賦詩用集中水仙花韻而仍其結語

仙人貪癩脚罷鞵醉倚樓頭罵明月涪翁已逐明月去
踟躕諸公亦奇絕開筵薦芷風滿城酒杯到手皆弟兄
不信天上有蒼狗出門一笑大江橫

漢延熹甄歌

東漢古甄尺有咫厚一寸疆闊四之二年八月廿某日
云二云六疑傳疑甄背拉雜麻布屣正面光細平不敲
昔孝桓帝改元七第六之元稱延熹二年建年屬己亥

已十三年神器尸初攻土木後佛老不顧災異蒼生飢
火炎宮寺海水溢諸梁擅事天敢欺是年是月月丁丑
大將軍翼旆潢池輓霆一發電火瘳若拉枯朽俱梟夷
方企太阿牢在手黨旣胡又清流滋單徐左唐與具闡
五邪扇虐聾不知德陽殿前授遺詔史臣秉筆多微詞
宣陵草平牛羊登闕傾郭到誰則治此甄歷今尙完整
勝缺角璽神護持

吳南屏敏樹書來示曾湘鄉公贈句依韻和南屏

隱君山余客長沙節署相聞未見也

巴陵江闊風揚旆潞江屏客顏鬢摧羣鳥陳天毛羽黑
一鶴皓皓通不來江南寇盜熄復熾誰放蟻子塵大槐

遲詩二

點兵西征疾於電萬馬蹙蹄波濤厓山中丈人貽我書

怪我咫尺蹤迹乖中興勳業讓郭李有手不掠媧皇灰
去年今年苦大旱九州四海囂告災農夫有田棄不耕
高高下下皆汗萊而況無田飢驅之我甘衰矣誰則孩
幾年去死不盈指肌肉銷盡如病豺填胸鬱氣生古冰
彼蒼於我何讐哉昔從曾侯貨餘熱陰符未奏先防猜
魯國鐘鼓朝東門幡然一笑扶我頽五行來告驛馬動
去遂一飯侯所哀秋深楓葉號林乾衡嶽頂上無雲霾
逗鬢露髻悄相向萬峰一色霜皚皚丈人丈人休裘裏
速就同醉三百杯浩劫已過十八九暫時難得懷抱開
請看提戈諸將帥都如后稷封於郟

汪芾庭 榮業 惠麓聽泉圖

昔我遊惠山滿山紺宇參差橫今我遊惠山亂石倒地
荒草平但聞泉水鳴涓涓一半似帶嗚咽聲君聽泉爲
君歌泉如能語愁泉訶龍來取水出山去一噴頃刻成
風波山外風波君奈何君不住山奈何

周次夫 衡 醜醜圖次夫方戒飲故諛之

賴翁示我丈二卷是誰繪作醜醜圖賴昔嗜酒嗜到骨
入手汨汨乾百觚肘後不羨六國印眼前任種五石瓠
人間富貴徒紛然何異章紱囚獋狙雖爲諸侯老賓客
但覺畏壘不可都滿腔酒氣溢作雨迸散萬斛璣與珠
或拾得之當詩讀傳鈔俄頃牛腰麤我未識賴早傾到

遲詩二

三

識賴自喜德不孤城南老屋頗黎窗時復買酒相招呼
賴木大戶礪而起俛吞小戶伯什俱警淮陰侯襲田儼
齊七十城下一袍失聲驚走不敢顧降幡一片迎風趨
竭來訪賴類病鶴絕交漸到高陽徒酒能益氣邨關病
功力寧遠參苓翰方今海水澄不波南北萬里無熊羆
賈生上書不解事劉伶荷鍾眞丈夫百年光陰能幾何
爛醉到底賢撈捕野塘溢溢紫蠟上短籬豔豔黃花映
優蹇似个眾則嗤有酒不飲毋乃迂智得愚失有時有
車奔舟覆無時無古來英雄幾人在昭臺矧已黃金蕪
昨夢酒仙嚮我笑笑願竟被愚公愚人生樂事第一酒
酒國新放三日誦醒來火速詩報賴纖纖殘月明屋隅

吳仲英 恆 摹坡公瓊州洞酌亭遺像將於公生日
薦芷書來徵詩高陶堂速之

東坡遺像吳九圖吳來督詩如督通高四才辨又基之
使我詩膽不敢竊坡昔謫官嫁儋耳洞酌亭上一徒倚
元祐黨人既方剝但留須眉而已矣歸事相沿入百秋
諸君猶爾訟風流傳圖此會誰健者 諸君會飲 傳星查閱 釀詞毋
乃坡所說我坐老懶捐筆硯况汨埃塵換人面高冠櫛
具非我好卻有月錢買沈宴 時余權 守常州 辜月已過 涂月來
那怕霜雪白噤噤遲吳共醉坡生日 仲英將 來訪余 兼問梅花
開未開 屬仲英購 梅花未至

吳倉石 俊 蕪園圖

我昔曾讀蕪園圖問君許結園鄰無怪君搖頭不肯應
指圖速我題詩媵蕪園光景誰所開劫後不化昆明灰
疏泉栽花儘潦草美人麤服天然好幾間老屋天斜檣
朝茶暮蓼甘如飴得錢隨意輸官課吏不打門犬高臥
鳥啞鵲暗正愁人東邊假笑西邊顰我生本乏嫵媚骨
引前欲躡後又蹶人言世外有仙鄉桃源之說愁荒唐
已拌多買遊山具從君故鄣城外住

沈仲復京兆 秉成 鰈視廬圖

汧陽石有魚形鱗髮畢具剖爲硯底面各一如
比目狀賢配嚴夫人寶之築鰈視廬
汧陽之石天下罕剖作硯材元玉煥博山鑪裏合歡煙

煙入硯池裊不斷生就雙魚戲清水搖動花光簇紅紫
綺廊滿挂湘竹簾不教塵泥宛死央几細漏了東夜尙早
圓月輝輝照晴昊雙魚醉爾一尊酒人生有情天不老
沈侯好古兼好奇按剔幽卦偶得之香姜銅瓦不敢比
鱗髮射眼生明姿一匹東絹裁雲翅請侯滿寫同心字
擣硯成泥泥化灰雙遊雙泳判不開

吳倉石示削觚廬印存兼述客詭詩以張之

吳君剗印如剗泥鈍刀硬入隨意治文字活活粲朱白
長短肥瘦肥則差當時手刀未渠下几案似有風雷噫
李斯程邈走不迭秦漢面目合一從剗成不肯輕贈人
贈者貴於漏斲彫一客偷覘忽失笑君之所貴毋寧欺

遲詩一

五

譬人好色好美色夫差失霸尤先施世閒隨個齊王駿
後宮乃以無盧麗但將高興恣揮斥一節不媚全節疾
明日照鏡行自嗟如癡在頷甌到煩彊蚩代妍豈乏術
祁連山下饒燕支君言茲道久不振文何餘餘日月墮
欲輓於古失不足千氣萬力呻唵呬街賣屢被貧鬼責
變計早蓄微公規速就京兆乞眉樣朝來學畫湔雙眇
橫看不是側愈謬蚩已入骨無由醫亂頭麤服且任我
聊勝十指縣巨椎燕園花緜秋亦暄雨中老柿霜中葵
孰工孰拙我不問得錢買醉眠蒼苔

遲鴻軒詩集卷三日錄

五言律詩

雪中喜曹煙波枉過

題榆蔭樓壁

吳丹木雪湖小隱圖

對雨憶奚榆樓老人

榆樓老人枉過

贈朱鹿亭十四韻

答于辛伯

夜坐得寒字

望月憶曹煙波

遲詩三日錄

雨

晴

野望

寄吳鑄生

寄沈杏橋十韻

大佛寺訪曹煙波不遇

法螺庵題壁

寄查筠長二首

鄭厚山聽泉圖

贈朱沁泉

留別朱沁泉

秘軒卿典史別後卻寄

周存伯移居圖

日本春虛堂遠惠楹榜二首

陳筠石雁湖尋春圖

鄭蘭坡紅橋春泛圖

倦圃贈陳歌九

寓齋外野家

喜聞向軍門追賊抵江寧三首

遣懷三十韻

六郎隄

河南道上

遲詩三日錄

潼關渡河

漢臺同蕭鄉泉方伯呂曼叔太守

七月十五夜廣元軍中得抱山兄書

襄陽

吳桐雲郎中宣南話別圖

雨

送別潘濂舫三首

僧親王輓詩十六韻

顏駿叔悟到琴心圖

野人家

憶汪梅邨

七言律詩

銷寒社詠史二首

銷寒第二集詠史

保安城望海

重九雅山登高二首

觀山亭秋眺奉和李薌園師原韻

黃鶴樓扁舟訪友圖

于辛伯南湖柳隱圖

送盛嘯侯入都

張如公白露草堂圖

張如公感懷詩索和三首

遲詩三目錄

寄贈鄧臣若軍門

謁岳武穆祠

廟臺子

皇澤寺

春閨怨

出塞寄抱山兄

讀趙沅鵲侍御奏疏

凌塵遺秋風破屋圖

鄧伯昭雪堂聽雨圖二首

送馮魯川權守廬州

范鶴生師寄詩依韻奉答四首

張魯生獨立圖

送徐懿甫還廬州三首

家越樵鐫其先代遺墨徵詩

自湘詣鄂阻風君山喜遇抱山兄旋別

張文心蒹葭老屋圖

天津

錫之大令畫山結隱圖

許石聲西湖春餞圖

雲酣司馬佛峪聯吟圖

方存之示贈公遺訓二首

遲詩三目錄

四

遲鴻軒詩集卷三目錄

遲鴻軒詩棄卷三

歸安楊 峴庸齋

五言律詩

雪中喜曹煙波枉過

曹君飲成癖日日醉如泥
乘興忽枉過停舟楊柳西北
風桂樹響淺草雪花齊
莫放恩恩去今宵同聽雞

題榆蔭樓壁

幽趣不在遠所居成隱栖
波光照檻動山色壓樓低
鎮日無俗事有時聞鳥哢
眼前忘主客坐到夕陽西

吳丹木 雪湖小隱圖

咫尺城南路幽棲地勢偏
避人成小築脫帽對秋天

遲詩三

水到門駛萬山環屋圍與誰賦
招隱叢桂正新鮮

對雨憶奚榆樓老人

獨自卷簾坐東風吹雨侵雲
遮眾山黑水長舊灘深樹
色暮逾遠鳥聲鳴更陰遙憐
老詞客應有惜花心

榆樓老人枉過

榆樓老詩伯訪我命高軒
白髮能好客青山同到門
譚深棲鳥怪對舞鞠花翻
莫負卜鄰約池塘未覺諠

贈朱鹿亭 十四韻

天意難書卷斯人老湖阿
艱難謀一飽須鬢看雙皤
地僻無車馬園荒有薜蘿
文章中婦豔事業倥傯憶
昨扁舟訪桑間載酒過
劇譚多少淚倚醉短長歌
好夢辭

胡蝶奇牲駭橐駝江湖魚
鬪釣歲月駿緣坡自古貧
原憲憑誰佞視鮑總將愁
浩浩付與舞僮僮長物甌
三尺隨身墨一螺溼灰均
死活熱坂待噓呵霜氣欺
衰柳秋聲撼大河相逢才
幾日爭奈別颿何

答于辛伯 源

聞君起詩社近在宛央湖
湖水杳無際遙憐秋草蕪
清才眾人獨高興百年孤
未暇褰裳訪空勞明月珠

夜坐得寒字

明月照林端披衣起獨看
夜深蟲語響霜重柝聲寒
病葉窺窗動驚禽擇樹安
忽聞吹簫策清淚欲闌干

望月憶曹煙波

遲詩三

登樓夜已半樓外大谿橫
寓維摩廬 照影水欲動舉頭
月正明風回一雁下雲過
萬山平薄飲不成醉思君
隔著城

雨

一雨四山昏檐頭急溜奔
溼雲壓谿重老樹戰風喧
野逕礙泥護新流連岸吞
應無著屐者來叩舊柴門

晴

久雨忽收霽四山蒼翠開
鳥飛背人下水急到門回
隔岸添魚網綠牆生碧苔
魏非張仲蔚三逕亦蒿萊

野望

登樓望不極凜凜北風涼
曉日澹初出諸山明老蒼
水

連遠岸動樹入近邨荒一雁飛鳴過如聞愁稻梁

寄吳鑄生 鏞鳴

相思似，青草入夏益叢生風雨孤舟遠江湖白髮明賣
文何處活耽酒一身輕想象楓橋夜猶能鐵笛橫 君珍錄
笛云是楊

寄沈杏橋 鳳飛十韻

今日論文采君應第一人儒冠隨分去野趣與書親感
事詩千首澆腸酒百巡高歌動風雨直氣上星辰作客
長卿病歸來原憲貧稻梁愁雁鶩道路泣麒麟憶昨過
從數同遭忌刻頻世情任脫略即景只酸辛浩蕩江河
濁崢嶸歲月新未知莫邪劍何計合延津

選詩三

大佛寺訪曹煙波不遇

數里入深處重重幽境開禪堂枕危石古佛坐蒼苔墮
葉秋先覺尋詩人未回十三樓上坐 君下榻處日
十三間樓 湖氣
撲衣來

法螺庵題壁

亂山最深處佛屋隱煙蘿聽法偶然到空庭落翠多鳥
隨清梵下雲讓野人過小憩蒲團上無勞禪棒訶

寄查筠長 人卓 效庾開府二首

宛轉不自已思君如循環春仍隔年見人定幾時還何
由一夜夢飛度萬重山來朝儻書札莫為鯉魚慳
張鷟亦詞采 同寓張寶
夫亦能詩 清絕眾人殊與子為良友金閨

雙龍駒春風動楊柳暮雨鳴鷓鴣聯吟得佳句能寄阿
儂無

鄭厚山 敦仁 聽泉圖

四圍高樹合濕氣積如煙紅日不到地白雲何處泉孤
吟暮天遠小坐石痕圓借得東坡鈿新茶手自煎

贈朱沁泉

先生厭塵務習靜五三樓 君藏書
樓名 鎮日西風裏高吟樓
上頭書城豪萬卷詞筆命千秋 君工
填詞 客至還呼酒功名
付醉侯

留別朱沁泉

涼風起蘋末瑟瑟滿庭秋游子溝上水東西無定流相

選詩三

逢乍青眼惜別又扁舟何時打雙漿重訪五三樓

祕宣卿典史 雲書 別後卻寄

臨歧折楊柳折盡不成陰欲認別時路夢中何處尋慚
無飛霞佩持報秋水心舊醉若溪酒酒香猶在衿

周存伯 開 移居圖

不識橫河路因君一再來路隨芳草轉門對夕陽開秋
色平林動鐘聲古寺回何當池上醉好勸竹根杯

日本春虛堂遠惠楹榜詩以報之二首

積水空濛裏浮雲浩蕩開路疑天際斷書向日邊來王
者今無外文章豈假媒始知東國士自有軼羣才
望遠勞雙眼神交已五年名浮吾欲媿書好爾應傳日

月光東海衣冠接漢天
寒風有翼約會與一陶然

陳筠石鶴封雁湖尋春圖

一權江南路春風水亦香
故人乘逸興挾客恣軒昂
湖氣不拒日嵐煙如挂航
晚歸憩楊柳吹綠滿衣裳

鄭蘭坡耀祖紅橋春泛圖

三月蕪城路年年泛畫橈
歌聲動流水人影狎河橋
細柳捎塵起狂花亂眼飄
不知經戰後何處尙吹簫

倦圃贈陳歌九功敘

金陀舊池館春至擅清華
水長通橋直城迴出樹斜
鳥嘯去年雨石蔓宋朝花
有沙羅樹一株大數抱歷宋至今花不斷竟日留佳客
馮軒未覺譁

選詩三

寓齋外野家

貧餘歸葬少亂後上墳稀
燧燧驚魂舞川原戰血肥
暮天聞鬼哭冷日見烏飛
誰念江南北征人淚溼衣

喜聞向軍門榮追賊抵江寧三首

妖氣纏城闕軍威照大旗
爾曹猶鋌走來日看縣尸陳
合風雲動刀鳴虎豹欺
聞傳元帥語方戰慎交綬
回首麒麟閣如公有幾人
敵隘百戰後功業一朝伸
熊虎聲名舊乾坤整頓新
始知旗鼓裏大將本如神
蚤晚全圍合元凶定就烹
三軍才作氣一鼓冠垂成
白骨開新壘黃河送哭聲
從戎有虛願慙媿魯諸生
遺懷三十韻

皇帝初元日車書混壹時
萬方同戴

聖一醜敢貽罹聞據三江險
翻勞六月師當關愁虎豹

合戰失熊羆不見樓船下
仍煩羽檄馳彼徒方豕突
我眾總狐疑殺氣回高鳥
妖星照大旗誰言天塹在
已被賊鋒欺

挺死真無計媮生只益悲
血流渾亂眼淚灑不

乾頤當代論雄武何人建
鼓鞞兩年虛控扼兆姓欲
瘡痍轉饑應難繼旋車未
有期幾曾投袂起習遺執
冰嬉

宸算操常定

殷憂眷在茲恭維多士

話齋自

九重墀天遠風雲隔春醴
草木知同仇拌一舉投首爾

選詩三

何遲元帥今龍種羣公各
虎癡威聲扶辟壘陳勢壯
蒼龜按隊鞭初指遊魂翅
早垂乾坤皆失喜辟歷本
無私

功罪千秋案輸贏一局碁
小臣空破膽此日想伸眉
病被詩書棄才因販賣危
元經從草率露布或淋漓
逕已

荒松鞠家憑寄蒺藜北來
能占勝賊走定僵尸豈但
霓

同望還須霧一披好圖麟
閣上名業慎毋卑

六郎隄

六郎隄下水猶帶戰場聲
日氣陰晴裏撩余懷古情
草

荒焦墳墓沙沒孟良營天
下方豺虎何人繼大名

河南道上

聞道河南北年年苦用兵
賊歸猶廢壘縣在只空城
草

水干戈氣山川哭泣聲濁醪不成醉愁對月輪明

潼關渡河

驅馬潼關外河流一綫長積峰牽岸蕭落日倒碑黃爭
渡灘聲亂乘潮雨氣涼津梁吾勸矣何計辦歸裝

漢臺同蕭薊泉方伯淡蘭呂曼叔太守傅孫

周遭不見日楊柳綠成堆漢運昔改鼎眞王此築臺山

川龍虎氣兒子犬羊才難免陰平禍英雄安在哉

七月十五夜廣元軍中得抱山兄書

兄弟三年別平安一紙傳到時秋已半喜極月剛圓樓

道爭防虎巴流欲墮鷲幾回虛捷羽遑問祖生鞭

襄陽

遲詩三

七

積苦雙輪簸裁能一葦杭回頭謝秦嶺明日發襄陽驛

路謫言警問僧耶江邨野店荒無從問香舊且訪臥龍

岡

吳桐雲郎中大廷宣南話別圖

明月照離色離人無限情宣南一尊酒將月送登程夫

子非不達楚天況鬪兵隨身有長劍正好赴功名

雨

驟雨欺郊屋霑牀復溼衣氣昏連岸失勢急夾江飛雁
驚愁無食蛟龍覺更肥年來盛陰慘多恐見晴稀

送別潘濂坊肇鼎三首

君甫四十四如何霜滿頭囊書本無用呵壁爲誰愁蕉

下鄭人關門老子牛前程不須問長嘯拂吳鉤

皖國三年住年年作解嘲留嫌蛇有足歸恨屋無茆羨

爾便鞍馬行裘鳴箭散入山射老虎入水射長蛟

不作渾脫舞聊爲捉搦歌驚心下和玆搔首魯陽戈畫

虎亦已矣拜蠶當奈何臨歧莫辭醉天下鼓鞞多

僧親王輓詩十六韻

惡耗初傳日

朝廷哭失聲淒涼壞雲黑慘澹落星頽列爵親王貴專

征大帥榮秋高鷹隼疾風勁虎熊驚祇氣邀邊馬軍威

壓駭鯨令嚴萬眾肅勇決一身輕接戰尸盈野追奔血

瀆纓艱難酬

遲詩三

八

寵眷容易失垂成時事憑誰問人心爲不平識歸武侯

表數益亞夫營鐵券臧盟府金棺輦

帝京似聞

丹詔下趣取赤眉烹日月天無翳江淮水會清遊魂俱

掃殄奇勦答精誠欲賦丹青引應憐偏仄行有儒愁正

劇獨立涕縱橫

顧駿叔承悟到琴心圖

涼月夜沈沈聽彈堂上琴七絃迸遙響一葉舞霜林能

使鳳皇下如聞元鶴吟閒心澹於水余亦悟從今

野人家

郭外二三里一灣流水斜沿流向前去忽到野人家拱

手問何業白云能種瓜賣瓜日日醉何處有蟲沙

憶汪梅邨 士

有客金陵至言君八十強任人罵窮鬼不死作詩王破
被夢胡蝶破琴調鳳皇呼妻煮冰雪飽喫當饑糧

七言律詩

銷寒社詠史分得岳武穆韓蘄王二首

文官愛錢武惜死南渡君臣公奈何鐵騎年年窺白下
金縉歲歲過黃河汴梁舊廟曠冤鬼鄂岳行宮走橐駝
旗上精忠字空製趙家天子只求和

岳家已死莫須有公復逍遙湖上驢兒輩英雄成底事
夫人旗鼓誤當初黃龍艦壞陰燐出白馬江寒陣勢虛

選詩三

九

莫向金山回首望東南半壁費躊躇

銷寒第二集詠史分得寇萊公

迅如風雨穩如山孤注瀟湘振旅還一代功名寧草草
三軍涕淚尙斑斑拂須丁謂逡巡入假第王曾俛仰閒
錦繡中原憑斷送雷州從此失刀環

保安城望海

保安城中畫角高保安城外海天遙浪打石頭日月瘦
風回山脚魚龍騎自從妖蜃幻虛霧絕少鮫人來獻綃
但得太平息寇盜硬拌一醉老漁樵

重九李薊園師招同沈浪仙諸君雅山登高二首

雅山山半湖首寺重九登高一再來老樹破當人面出

華筵平對夕陽開荒邨劫後餘殘壁古殿秋深尚綠落
多謝故人能數典眾中爭羨沈侯才 浪仙述雅

西山怪石何所似萬玉亂攢青天青古寺暗愁風雨入

陰厓深閉鬼神靈僧留別院茶餘客鼠齧前朝寫牘經
過師子盦觀經藏皆明
萬麻寫本借殘闕矣 清磬一聲看嚮晚海颿飛破秋

冥冥

觀山亭秋眺奉和李薊園師原韻

海天涼早雁爭飛估客張颿風力微沙外潮來催蠓上
煙中人語叱牛歸見愁水氣攪成雨忽被浪花吹上衣
道士不驚官長過可知名利未渠鞿

黃鶴樓 金臺 扁舟訪友圖

選詩三

十

鶴樓先生老逾健訪友年年一舸俱煙波釣徒舊晨夕

江湖散人今有無西風揮手出門遠黃葉打篷驚夢孤

聞道山陰近乘興幾時詩札寄潛夫

于辛伯南湖柳隱圖

繡州辛老不知貧留客開觴一倍親家住煙波如畫裏
手栽楊柳接比鄰等身事業餘詩草徧地干戈有釣綸
近日叢譚添幾尺 君著柳
隱叢譚 南湖天與著書人

送盛嘯侯 襄 入都

憐余遺乞韓信食送爾愁吹伍員簫海內頻年魚素斷
天涯何處馬蹏遙陰陰驛樹鳴秋葉滾滾寒江起暮潮
此去會看生羽翼不須回首問漁樵

張如公 鹿生 白露草堂圖

天台四萬八千丈羨煞張侯結隱深
門外松聲晴謾謾山顛雨氣晝
悄悄三更虎嘯風動樹五月猿
嘯霜滿林瑤草琪花今幾許
還應媿暇與同尋

張如公感懷詩索和用原韻三首

江上年來戰伐新孤舟流轉又殘春
卻看飛檄渾無計生悔為儒早誤身
野哭幾番回首總戎誰解滅黃巾
街街巷巷炊煙少愁說堯天耕鑿民
聞道烽煙偏上游三衢衝要使人愁
捷書不見收青犢軍令虛煩狎白鷗
東去大江喧畫角南征諸將夢刀頭
如今須上匡時策天下笙歌有幾州

遲詩三

十一

西來元帥陳堂堂接粟如聞下各鄉
頓使瘡痍填道路不知宇宙有康莊
輪將媿少千頭橋生理難謀十畝桑
祇贖仙居無恙在便應相訪裏餼糧

奇贈鄧臣若軍門 紹興 時賊由徽寧窺湖州軍門

駐交界處扼之家抱山兄佐幕府

鄧艾軍威大纛高往來千騎擁弓刀
獷徒消息馳雞羽幕府文章占鳳毛
山水即今增氣象

朝廷何以慰賢勞遠遊有客空皮骨
日暮鄉關首重搔

謁岳武穆祠

湯陰縣裏往來通謁廟行人涕淚同
三字風波生結案兩宮皇帝死和戎
千秋失策寧須宋當代論兵恨少公

遙望西湖埋骨處而今戰火又通紅

廟臺子

留侯祠宇山之岡虛閣能生六月涼
十里水聲喧竹柏四圍嵐氣溼衣裳
行廚雪藕堆金盃丹竈煎茶沸玉漿
吾欲從公覘黃石恨無辟穀舊時方

皇澤寺

廣元城外皇澤寺建自金輪皇帝年
遺像不知幾風雨武后石像無年危樓長此切雲煙
樓高數十丈珠襦玉月或云后時凋危樓長此切雲煙
大佛聳立寫今何在粥飯茶魚亦可憐
滾滾長江向東去側身天地一悠然

春閨怨效庾開府

遲詩三

十二

城頭吹角柳花飛佳人獨夜空掩扉
蘭膏照帷覺遠夢錦帶規帽滅舊圍
兜央機上素蛾歛蠲蠅塞邊黃犬稀
三春三月燕雙至相恨相思人不歸

出塞寄抱山兄

貧餓驅人住不得出門上馬雪沙沙
未知懷抱嚮誰盡祇益奔波長自嗟
塞外本來少楊柳隴頭若個寄梅花
一封書札幾千里魂夢應隨回到家

讀趙沅鵠侍御 樹吉 奏疏

論兵自詡古人同亦嚮當年樹戰功
事業還輸藍面鬼聲名虛負黑頭公
天邊戎馬驕餘氣海上鯨魚跋大風
一紙彈章容易死將軍還是可憐蟲

凌塵遺霞 秋風破屋圖時湖州失守余甫自蜀歸
尋妻子於上海

漂泊年年席不温得歸無復舊柴門故人燕雁今誰在
天下龍蛇尙爾存與話艱難搔白首共商時勢到黃昏
向來廣廈千閒意帶甲紛紛何處論

鄧伯昭瑤 雪堂聽雨圖卽送入蜀二首

圖蓋在黃州憶弟作也僕伯兄仲兄久逝戊午
計偕與叔兄別干戈流轉不得見者六年矣捉
筆題此情兒乎詞

黃州雪堂我未到傳有東坡憶弟詩東坡一去一千載
雪堂寒日草離離畫圖易覺青山改風雨猶生獨客悲

遲詩三

志

俱嚮鶴原回首望今宵魂夢是歸期

蜀山此去數千里粵騎長驅十幾年垂老豈堪頻作客
耦耕況有未荒田令叔湘舉先生有南邨耦耕圖 江湖入夢秋風底天
地無情白髮前三疊陽關留不住還君詩卷一悽然

送馮魯川志沂 權守廬州

廬州太守漢文翁試縮銀符便不同春城十里花迎馬
呵導雙旌鳥避風蓼六山川明畫戟江淮草木識青驄
遙聞亂後歸耕少蚤晚憑公慰澤鴻

范鶴生師寄詩促計偕依韻奉答四首

拋將三逕久荒蕪充選還吹眾裏竿不信蓬萊迷弱水
誰從象罔索元珠百心事纔書卷四十頭願已老夫

點檢行裝且東去出門牛馬任人呼

飄泊渾如落溷英重勞說項見真情十年人老長楊賦

紙書馳細柳營師以薦書抵吳桐雲同年時 滿地風

波愁裏過無端歌哭酒邊生從今嬾作春明夢針芥安

能巧合并

未喫胡麻敢詡仙春蠶守繭不成縣功名遺欲呵天問

意趣眞成與佛緣失路楊朱惟痛哭渡江祖逖有諸賢

風窗獨夜懷寧縣時客懷惱儒冠二十年

纔隔經年蹟未陳粹家寶劍又延津張君香壽壬戌同

仍出師房三人及弟門牆輪與稱高弟衣益如今得替人舊壘偏

尋前度夢新陰肯作別家春卽看老眼無花在莫道文

遲詩三

志

章不有神

張魯生斯桂 獨立圖

憐君終日醉顏醜爛醉常矜曳落河世上騰騰唱黃鶴
眼中斬斬角元蝸射雕李廣從人說奪槊曹彰奈老何
手把陰符意飛動不堪飽死玉山禾

送徐懿甫還廬州三首

懿老棄舟將欲歸秋風落葉亂山飛葛洪丹竈應無恙
杜甫黃精想正肥百年靈鶴甘儒素萬里干戈息旣機
不是相公戡定後謂湘鄉相公 恐難安穩舊柴扉

盡攜妻子山中去家具無多一舸俱四海交遊無奈別
滿城風雨霎時孤看雲遙憶清宵立把酒應憐白日徂

揚雄老矣童烏死況更臨歧淚眼枯

鄧子昭伯西川長作客莫姿子吳門吏欲仙君又歸為兒

女計我誰與締俗人緣天邊獨羽秋無賴海上閒鷗病

可憐蔡興肯來尋舊伴休遲風雪刻谿船

家越樵鑄其先代二檀先生遺墨徵詩

先生避巖分宜之倅辭官歸田工草書能詩

先生不喫太倉粟老嚮姚江弄釣竿招隱拌逢丞相怒

同時都作古人看即論草訣誰義獻況有詩名敵杜韓

若把青山比風骨祇愁稜角太嶮岈

自湘詣鄂阻風君山喜遇抱山兄旋別

弟兄尙賸二人在睽隔那堪九載經忽此相逢俱老瘦

遲詩三

還成分手太伶俜武昌在眼恨難渡君山低頭愁嚮暝

為語江神莫弔詭明朝風順好揚舲

張文心憲和蒹葭老屋圖

當湖湖水清見底愛雨幽棲枕水雲輞川別業百年古

讓西草堂天下聞自從風雨龍蛇鬪無復江鄉鷗鷺羣

今日尊前展圖畫白頭愁煞沈休文

天津

七十二沽春水長大關前後估驢開堞盛岸岸高還下

轉漕年年去又回城上角聲嚴鎖鑰海邊蜃氣幻樓臺

元戎長此陳兵衛風浪須防伺隙來

錫之大令申祐畫山結隱圖畫山者君工山水畫

此招隱也

南邢北董齊低首能事由來擅畫禪浩浩江湖雙鬢外

漣漣風雨一燈前與余同有登樓賦時同客天津暫醉還吟

招隱篇祇恐桃花迷卻路欲往從之煙渺然

許石聲大猷西湖春餞圖

卅年前在西湖住湖上春風領略多撲撲香塵大隄起

盈盈紅粉錦鞍馱芳時那肯辭一醉勝友相邀日百過

遭亂何人更行樂眼前大半積荆駝

雲酣司馬桂昌官山左時遊山得佛峪幽僻罕有

知者繪佛峪聯吟圖徵詩

齊魯峰巒都入畫即論佛峪亦矜矜得閒去覘雲中磬

遲詩三

攜客同嘗雨後泉靈運任人罵山賊景純隨意賦遊仙

而今吳下煙霞賤今官太賈與先生直幾錢

方存之示贈公遺訓存心積德四大字是合肥相

公代作索詩二首

存公一別十年彊失喜重逢鬢已蒼玩世功名漢方朔

傳家理學魯靈光高才早信空當代道氣還能祓不祥

多媿老夫老無似尙從歧路逐亡羊

相公大筆吾親讀此是君家四字經心嚮閭中勤摸索

德從流處出光明聖賢自古須名士畿輔而今尙頌聲

君令畿南有政聲遺澤多應長灌注不愁子弟不公卿

遲鴻軒詩乘卷三

遲鴻軒詩集卷四目錄

五言絕句

采桑詞三首

雪夜憶內

盧溝橋

黃金臺

九汲莊

清風鎮贈歌者金香

老健坡

邯鄲

草

遲詩四目錄

六言絕句

贈金石僧六舟二首

周存伯范湖草堂十五首

雜言三首

七言絕句

舟中漫興

七夕二首

聞雁寄內

文信國玉帶生硯二首

趙婕妤玉印二首

六里河

郭邨

贈離伎二首

答鄧伯昭二首

寓齋卽事

克金陵凱歌八首

秦淮河枯柳

懷人詩十二首

鄒咨山示先代會試朱卷二首

曹葛民石屋著書圖二首

孤山

胡子繼若谿小隱圖二首

遲詩四目錄

吳仲英示張孟皋錢叔益兩君畫二首

李笙漁示任渭長畫二首

李笙漁示哲兄語谿漁唱遺照二首

吳仲英自號了無大師繪僧像索題二首

許石聲近遊草

顧樸邨賢配蓮香清暑圖二首

沈藻卿示改七菴畫奚鐵生小像二首

吳倉石示石鼓文精拓本四首

附雜體

渡黃河謠

望海樓醉歌

白鶴歌二首

古諺四首

瓢硯銘七首

遲詩四目錄

三

遲鴻軒詩集卷四目錄

遲鴻軒詩集卷四

歸安楊 峴庸齋

五言絕句

采桑詞三首家抱山兄同作

儂歌采桑詞歌聲大家和
大家莫采少采少怕蠶餓

采桑復采桑采桑南陌頭
看看桑采盡春去幾能留

楊枝著地垂縮得行人住
將楊來比桑渠是多情樹

雪夜憶內

入夜雪逾緊衾寒不敢伸
遙憐燈火裏猶有未眠人

盧溝橋

驅車盧溝橋橋下桑乾水
照見車中人一昔頭白矣

遲詩四

黃金臺

昭王不可作臺址蒿萊侵
可憐天下士何處覩黃金

九汲莊

人言買島佛此地有遺碑
經過不下馬安用五言詩

清風鎮贈歌者金香

入座逡巡怯撩人宛轉羞
問年佯不解笑指月當頭

老健坡

朝上老健坡暮上老健坡
老健能幾時爭如白髮何

邯鄲

且買邯鄲酒暫醉邯鄲倡
本來無好夢懶去問黃梁

草

157020

閨中一掬淚滴作草斑斑
春風又春雨綠到玉門關

六言絕句

贈金石僧六舟二首

吐飯無端變鴿洗盃有時
咒龍虛堂竹影滿地晚涼人

來打鐘

孤雲去住無定闕戶爭看
永師云何著意金石是師拭

鼻涕時

周存伯范湖草堂十五首
舊十九首主人取十九首
舊言之意今失四首

昔人已乘舸去湖邊煙水
蒼茫猶贖一弓弓地憑君料

理草堂

破塘四面皆水中閒著個
茶邨一夜蘆花如雪秋風涼

遲詩四

到柴門

江湖隨分已矣風波到處
迢然昨夢忽逐雁去鄉心都

聚鷗邊

北垞最宜銷夏安排清簟
疏簾熏風吹來對面惱人亂

揭書籤

碎月忽逗窗几清陰滿地
如水生愁檻外風聲吹落幾

許松子

窗外花光剛午填詞人倦
修譜偶從花底吟過落紅陣

陣如雨

一片荷花世界伊人在水
中央風來鼻觀都滿不辨花

香水香

亭子小於舴艋宛在葭港蘆灘爲是愁風愁水秋來莫

倚闌干亭舸

橋轉忽通曲榭周圍竹樹便娟午枕不知雨過水雲涼

到琴絃水雲琴榭

幽篁千个萬个搖窗碎玉參差客來面目非舊煥綠吹

上須眉房賞

疊石峻嶒相對當門縱橫不齊涪痕一碧如許恐有仙

集留題石所

虛問憑高結構雲氣常護窗櫺居士漫愁瓠落天邊有

個匏星問匏

幾株老桂欲綻十笏幽齋不局誰賦小山招隱我將據

遲詩四

三

觚而聽齋方

春氣先回池館滿園花樹旣旣日暮關心何處故人江

北江南春樹移

我本茗谿漁隱無端誤蹋槐黃翰爾扁舟歸去秋花剛

逗西廂茗花西廂

雜言三首

世事翻雲覆雨人情看碧成朱莫信周顛空洞亦防呂

端糊塗

誰言事莫須有祇恨老不如人勝下且從年少半側寧

無大臣

下水亦有上水西風會轉東風柴桑任就三逕昌黎不

伯五窮

七言絕句

舟中漫興

秋風容易長菰蘆畫出城南載酒圖兩岸青山青不斷

送人一路到菱湖

七夕二首

一年一度一相見靈鵲填橋事有無雨雨風風隔不斷

思量還只客星孤

天上一日人百歲一歲算來天片時時時刻刻鎮相見

誰信雙星亦別離

聞雁寄內

遲詩四

四

蘆花開後雁來天失侶孤鳴劇可憐昨夜西風吹客夢

與渠同是不曾眠

文信國玉帶生硯二首

汴淮揚子三條帶鐵鑄山河局已殘只賸孤臣一片石

墨池龍氣射人寒

咸澤二年製銘古卅四篆字蟠雲雷冬青樹死蟾蜍活

此是匡山劫後灰

趙婕妤玉印二首

漢家寶璽今何在九字奇觚已渺茫到眼忽驚婕妤好印

千年紅玉暖生香

班婕妤方畫眉妬趙婕妤好偏舞夏工班趙同班家團扇侍成帝

空秋月趙家玉印又春風

六里河

六里河邊去來水不知曾歷幾興亡
鬪雞兒死英雄盡誰憶當年玉鐵槍

郭邨

郭邨樹頭風颭颭郭邨瓦面雪皚皚
邨酒半升不成醉聽人閒說黃金臺

贈雛伎二首

十三嬌女臉如霞解訴閒愁解憶家
一樣海棠好顏色憐卿底作斷腸花

可憐豆蔻不堪簪可恨芭蕉遺長心
一曲琵琶兩行淚

運詩四

五

水晶簾外雨沈沈

答鄧伯昭二首

君憐桃花不結子為遺桃根來寄書
無奈東風太無力枉教忙煞武陵漁

吾家阿咸大癡率曾向天台醉落霞
劉阮由來總年少老夫擬遣覘胡麻

寓齋卽事

龍王廟外雨如麻龍王廟裏人喫茶
老夫一月病不徹開到牆頭鴨腳花

克金陵凱歌上湘鄉相公兼頌沅圃介弟八首

楊旂吹角大旋師一騎紅塵天下知

157 26

85 9

沖皇甲子歲六月合是

天顏有喜時

築壘合圍逾十年棄職掃蕩不留羶
短長萬髮逃無地上下重江喜見天

雨花臺上晃大炬金川門前鑿駭鋒
殪煞緣江萬鮫鱷

龍飛天子是真龍

前有飢羆後渴虎湘衡兒郎一搏干
當時枉自鬪門出看爾可能飛上天

彭揚水旅扼江頭鼻水羣毛空拍浮
長龍舳板齊呼殺

千里長江亦倒流

羣雄意氣亦奇核死忘生特地來
不是相公威福大

運詩四

六

如何個個上雲臺

介弟縣軍秋又春九天九地劇精神
帳下都如皮豹子賊中那怕魏騏驎

親朋久已隔塵沙不見音書如病瘥
上元運裏重開眼

天下而今是一家

秦淮河枯柳

淮東淮西無片瓦畫梁燕子誰家飛
數到河邊半枯柳似曾拂著美人衣

懷人詩十二首

本朝理學有宗派正脈無過桐城方
望谿無人植之死如公合是魯靈光

方存

梅邨先生老逾健亂後歸來讀且耕綠滿窗前書帶草

無人知是鄭康成汪梅

懿公一別一年餘憶在空山讀道書何時拾得金光草

與爾同騎赤鯉魚徐懿甫喜言神仙事

李七遇我顏色親幾回燈火共逡巡湘流渺渺嚮東去

欲寄一行無錦鱗李少石曾共學使幕校文

識字不讓莽大夫有官不羨執金吾甘作諸侯老賓客

先生到底是倪迂倪豹岑文蔚登進士第不仕嘗佐幕

錢唐衣老臞仙臞僧俗嗜奇與我俱漢馱秦鏡授羅徧

第一驕人古玉圖湯衣谷裕弄古玉器甚富

勝朝無過利瑪竇

選詩四

本朝無過梅勿盦疇人之術各千古開闢荆榛與子三

李壬

碩父先生不可作黃茆白葦何紛紛松江老友牙齒墮

獨閉柴關校說文張嶺山嘗與陳碩甫先生友善

獨山寓公老好事晨出暮歸訪古書唐寫說文瞥入手

一喜三日頭不梳莫子德弄唐寫說文木部百八十八字

禮家聚訟紛紛如當代何人議石渠陳侯師說有赤幟

劉侯祖誥無黃初陳卓人立受業凌曉樓先生劉凱生翰清申受先生孫也並治三禮

南京城南鐵作坊行人指作集賢鄉眾中老夫最屈彊

不覺低頭通義堂劉伯山疏崧同寓鐵作坊著通義堂集

周郎才調遺九州矯如雲鶴之孤游等閒一飽覘不得

雨雨風風鎮自愁周孟與

鄒咨山湘偶示先代見嶽太僕明嘉靖壬戌會試

朱卷索詩二首

八股文章兼表判場中朱墨爛然鮮嘉靖科名禮部卷

斬新三百又三年

雅雪園翁谷山自號吾舊雨述德今之謝永嘉如何頭髮絲

絲白尙種東門五色瓜

曹葛民編石屋著書圖二首

石屋洞中無劫灰先生高踞讀書堆卻笑黃門冷待詔

吾家子雲真蠢才

纏腰萬貫使騎鶴署券十紙空賣驢點墨研朱吾已悔

選詩四

年來只讀計然書

孤山

孤山處士何曾孤一鶴年年解抱雛老夫卻被孤山笑

倚徧闌干鶴也無

胡子繼培系茗谿小隱圖二首

茗谿漁隱已仙去君漁隱裔遷徽州屈指人間七百年定有當

時舊鷗鷺遲君來放釣魚船

我亦茗谿老漁子誤隨麋鹿到蘇臺他年倘許居同巷

一日過從一百回

吳仲英示張孟皋學廣錢叔益兩君畫合衰小幘

舊有周存伯題句皆余故人感慨為詩二首

寫生豔說張公子潑墨無過錢王孫一自山陽聞笛後
教儂何處訪柴門

題詩舊有周公瑾亦復西風掩墓門今日披圖倍悵悵
朝來流淚到黃昏

李笙漁示任渭長熊畫幀益渭長贈陳蓮汀銑者
有周存伯題句任陳亦故人也二首

渭公畫筆出奇古存交詩篇擅老蒼夢想卅年舊遊處
橫河橋下月如霜道光丁戌間存伯渭長同
寓杭州橫河橋過從甚數

蓮老風流亦銷歇荒墳三尺夜漫漫老夫一躬懷人淚
灑向梧桐不肯乾

李笙漁示哲兄語谿漁唱遺照二首
選詩四

我住茗谿君語谿鷓鴣谿上盡情嘯兩家生小不相識
枉逐漁舟東復西

君家仲氏我好友同在蘇臺走俗塵一樣荆花經雨謝
池塘孤負夢中春

吳仲英自號了無大師繪僧像素題二首

了無大師幾曾了了無大師何必無不了無等等幻
十萬八千變相圖

了無大師說偈曰本來非了亦非無隨緣隨法隨生滅
者是驪龍領下珠

許石聲近遊草
夜窗人靜燈如豆細讀冬郎七字詩惱我閒情似春柳

被風牽曳萬千絲

顧榕邨澹賢配蓮香消暑圖二首

暑雨裁過風滿聽竹簾檀几鑪煙馨繡餘清課手一卷
疑是妙法蓮花經

藁礎文采金麒麟況擅丹青妙入神修到倡隨幾許福
前身除是管夫人

沈藻卿翰示改七薌琦畫奚鐵生岡小像兼拊奚
札三通吳仲英先有題句即謔之二首

奚九丹青妙無比即論詞翰亦通神流傳一幅行看子
多少心香拜倒人

吳君書畫亦後勁奚印朱文手自摹黃小松鑄贈鐵生
私印朱文曰老九

今藏仲英許仲英選詩四二百年中兩老九生愁周鼎換康瓠
亦行九嘗仿用之

吳倉石示后鼓文精拓本四首
周宣大蒐岐陽日鐫石銘勳光氣道三千年來詫沈鬱
一紙早壓珊瑚鈎

苦鐵道人酷好古珍此一日千摩挲雉鳴陳寶亦化石
奇蹟爭如沒字何蜀樓道有祠白石者無文字土人謂
秦穆公時雉化為石即此疑荒唐

憇翁莫子不作詠翁楊春詠逝君更後來名譽高晴窗大
机摹籀古快劍入陳風怒號君以篆
書鳴

老夫老矣不識字子細學讀籀施喉但覺行閒出奇怪
滿天風雨舞龍蚪

附雜體

渡黃河謠

河之水激如矢河之舟沙渡頭舟載車車為廬河聲大
舟旋磨鱗所宮鱣眼紅龍來鬪河底漏黃風怒白日暮
馬豎毛不敢號望見岸人語亂車驅之冰斷髭年復年
元鬢宣

望海樓醉歌

輝輝明星湛湛三五娛我嘉賓有酒如雨望彼海水灑
灑渾渾龍出魚沒不知其門浮雲南來風則吹之歘忽
萬里一逝無涯謂天益高謂地益博天地盡失眇焉曷
託鳳皇高飛白云文章烏鵲有翼不愁稻梁冬夜苦長
夏夜苦短百歲情欲何時可滿載人者舟覆人者舟涉

選詩四

十一

歷之險使我白頭

白鶴歌二首

白鶴濯濯緊飽惟蛇汝頂則丹殺人奈何
白鶴丹頂其毒如虺孔雀睨笑不如子尾

古諺四首

樹老來朽女老來醜
玉可毀不可涅也鐵可斷不可振也

攫食防噎攫名防蹶

多錢不如多技多錢易亡多技不死

甄硯銘七首

獲元壽甄保壽延年 漢元壽甄

以本初卜諸我初服 漢本初甄

黃龍之牙牙不如修蛇 吳黃龍甄

赤烏爾莫赤舌赤舌者誅 吳赤烏甄

誰建之衡不平者平 吳健衡甄

世無鳳皇鳴鳴代王 吳鳳皇甄

鳳皇不如我我無竹實忍飢亦可 又

選詩四

十一

遲鴻軒詩集卷四

進鴻軒詩補遺

歸安楊 峴庸齋

古律絕詩

日本人西井氏

雪髭霜鬢蒼然翁不妻不妾身猶童為奴甘貧不受值
願助主人家計豐短衣掩脛綴又破主人三世奴一个
天上白日照赤心八十平頭條已過舉世紛紛論貴賤
貴賤不同如人面貴人但知飽慾壑對此能無愧雷電
嗚呼程嬰杵臼等奴耳君不見西井氏

酬周次夫感飢民詩用原韻

次夫嘗與余唱和刻拙稿時盡焚棄檢敝篋得

進詩補

一嘉業堂校刊

此紙前塵已遠老友云亡因補錄之

飢民乞食走積雪滿天寒兼旬大雪若輩誰青眼吾曹愧素

餐余權常州飢民屬集擬資遣而未能也王郎為賊易賈誼救時難聞道

河南北煙塵不可干汴省因饑創亂

周萊仙文桂小像二首

卅年前向中江見我正中年君少年今日展圖鬢似戟

再長半尺卽坡仙像蒼然有鬚

聞君熟讀貨殖傳暫插塵中七尺軀三致千金隨手散

世間真有兩陶朱君航慨好花

失題

樹借溼筆點山憑乾筆皴不知勢遠近但覺氣嶙峋張

壁駭風雨滿堂朝鬼神陸癡與嚴怪浩蕩幾時馴

進詩補

二

遲鴻軒文集卷一目錄

庸說

毀譽說

禍福說

友說

頽說

夢隱圖序

霜天曉角圖序

仕隱圖序

寫經室序

受經圖序

遲文一目錄

爾雅正名序

禹貢正銓序

重刻羣經宮室圖序

草草草廬詩藁序

志微錄序

許君詩序

送劉嘉定序

春秋古誼跋

思益堂詩賦鈔跋

解社題名記

江忠烈公殉廬州記

遲鴻軒記

遲文一目錄

二

遲鴻軒文集卷一目錄

歸安楊 峴庸齋

庸說

庸之為言用也引申之為凡庸也楊子百無用號其齋曰庸齋客問曰庸奚貴楊子曰居余語汝夫庸者人之所惡天之所寵也日膠膠成戚入於庸出於庸已蒙其實而辟其名寧有愈乎南方有樹曰榕大可百圍蔭若垂天之雲匠石視之以其無用也而唾焉歸夢黑而頰者前謝曰余嚮也不以庸揭嘗懼以材死而唾余而余免矣樛與櫟遭相謂曰榕之庸與余同天下言庸者赦榕而庸余益詰詰榕曰赦有術乎榕曰汝奚在樛與

卷之二

嘉業堂校刊

櫟曰余豈辟羣者亦立於塗耳榕曰然則不汝之庸而誰庸夫往來之地百植叢焉斧斤之所尸焉汝保而與之委蛇而支離不中於度不汝之庸而誰庸余遊乎莽蒼之鄉息乎荒忽之野消兮搖兮物無害兮妍兮醜兮莫余丁兮而胡庸余哉且夫蒼松白榆黃楊紫檀至有用也大枝為榱為棟小枝為几為檠賊其膚而天其生彼皆以不庸賣者也藉設而不汝庸毗於庸而不庸與不毗於庸而庸而逃於庸其得孰多水鳥曰信天翁放於水涯無所得食也食之自致者始一啣焉鴟鴞見而笑曰余拍拍而飛而厲乎天力單德而勿興視燻亂而靡主然後攫腐鼠而斯之曾不能一宿飽而待食之致

於汝一日不汝致將索汝於乾肺之肆矣余族皆智奚汝獨庸信天翁曰咄致食庸乎致於食庸乎汝嚙焉以食為事翺翺於機辟之側彷徨於網罟之上余憂滋大庸寧憂余乎或以告鳩鳩曰有是哉庸莫如余然而造物者羽余翼余齒余舌余貨以活余猶不甘於庸余則悍矣人皆勞於形余獨恣於生寵余之至庸奚毒於余哉言未既客起立請曰庸可學乎楊子曰謔謔矣是莊周所謂學泗也有濱河而居者習於水勇於泗操舟鬻渡利供百口裹糧就學者成徒而溺死者幾半本學泗不學溺而利害如此守汝道一汝好無淫汝異號萬物不敢於汝盜女奚庸之學耶客曰善作庸說

卷之二

毀譽說

毀譽有定乎無定也有始毀譽之者而毀譽曩矣天之生人也不能有賢而無不肖其賢也人譽之其不肖也人毀之然乃若賢者譽賢者不肖者譽不肖者賢者毀不肖者不肖者毀賢者是亂天下之郵也夫賢不肖猶白之與黑也白黑當於前凡人能命之有盲者焉其命白黑之名與人同援兩物而示之則無由以處也無由以處幾何不顛到耳哉故孟子曰有不虞之譽有求全之毀昔者東鄰有狐幻為女子嬖肩而招路之人路之人以為美甚而爭湊焉西鄰有女子衣敝屣穿髮卷手鞞亦嬖肩而招路之人路之人驚其醜疾過而勿顧夫

東鄰妖也西鄰人也然而美妖而醜人何以異乎譽詬而毀惠也非其識之不昭妖工於惑而人拙也且人妖之難於區也有二人相遇於塗一人曰吾寧以譽易毀乎寧以毀易譽也一人曰譽果是也毀果非也邪毀果是也譽果非也邪其或今日之譽不勝明日之毀明日之毀不勝後日之譽果孰是孰非也邪雖欲易之烏得而易之終於亂天下而已矣於是相顧而嘻曰吾與若覺之彼日在毀譽中者不覺也

禍福說

禍福之於人甚矣哉其來也不知奚自來其去也不知奚自去譬百其門而莫與關也世之言曰已有善必福

運文一

三

之已有惡必禍之然而孔孟何以不王羿稟何以有天下也又言曰非禍福之能爲也命也則雖盜賊之殺人淫人皆曰我命固且盜賊奚禍福之慮夫孰不甘盜賊而顧君子也今夫志侯而射射者或中或不中猶有侯以樹之而禍福無樹也有二人於此一人者修身以俟福而福不狎也一人者不畏水火金鐵之誅忘身以投禍而禍亦不湊也又有二人於此一人者修身以俟福始狎之而終舍之一人者不畏水火金鐵之誅忘身以投禍禍始湊之而終縱之禍福有定乎無定也藝禾者執鋤耨行畎畝疏排而糞焉視蟲孽而剔焉然而雨暘之不期禾以大萎明年以爲人力無益焉發坎壈

士而已而禾勃然以興夫禍福亦若是而已矣且夫禍福之於人天未嘗加之意也天未嘗加之意而人以意逆之乎以意逆之無惑乎其不侔也然則如何而可曰是在順我時而龍也我龍之時而蛇也雖龍勿羨毋寧蛇

友說

傳有之親師取友友也者與師俱貴所以析疑敦善而規於誼者也一物也名之而勿詳諮之於友而渙然一事也試之而勿安徵之於友而坦然藉設而無友猶無燭而冥行雖不失途然而後矣夫賢愚智否各有友友萬不同染於蒼則蒼染於黃則黃故曰擇術不可不慎

運文一

四

也世風之下也攀富貴者而友之其心以爲能如是是終身之賴也亦既得之無復疑之析善之敦但恐喜於其儔曰吾富貴者之友也其儔亦拭目傾耳曰某於富貴者友殆將終身矣未幾而富者失其富貴者失其貴其心大拂猶浮道與之與之不久陽陽乎去之夫一人之身旦夕之閒乍友乍否不亦謬哉又設智故以攘其餘利暴無驗之辭而誣所必無之事若不相識然嗚呼尙得謂之友邪夫人孰非友友而不慎不獲友之益而受其害豈不難矣女夫汪符生好友一物一事必於友乎取信蓋曰友必規我於誼也春秋晦明戶外屢恆滿少年志氣銳甚余窮老獨居竊羨焉雖然戰國策曰秦

魏百相交也百相欺也夫天下之為秦魏者眾矣亦
擇所友乎作友說貽之

賴說

楊子以賴上官被劾縶三級歸而署號曰賴翁味味墨
墨不知龍蛇曳杖而嬉以古為家有酒堆几有書積車
飲酒訟書沛若導河客聞之叩門請見曰上官猶天也
天可賴乎子勇於敢慎而不顧從牛非馬若墮眾霧兒
告飢而泣晨妻忍寒而泣暮猶逐狂而東走勤辟倫而
無數將毋習於自誤歟楊子曰唯不然夫余媚上官之
不皇而奚賴哉客曰媚有徵乎楊子曰有徵余朔望上
謁未嘗後於人迎見顏色俛不能仰莊袷拱手魚挂於

遲文一

五

網應對赴儀聲雌不響斂版當出神猶忽恍豈余情之
未芳乃進咫而退丈雖然余竊詫焉今之為官者粉堊
其面未言先笑戟門蕩蕩趨不待召一坐數起均以意
耀挈威奔利牟於攻勦獨飛翔青雲之上非余之所逆
料矣昔者子輿氏之言曰說大人則賴之夫有子輿氏
之賢賴可也余媚上官之不皇而奚賴哉客曰子奚而
劾楊子曰吁汝誠愚夫鵲之不族於烏也瑟之不諧於
竽也操秦語而適越曾不容於須臾余老且衰沈於鬼
祟苟義疑眾始以賴棄謂絃而袞春秋一字生當為號
死當為諡上官奚惡於余汝斥余習於自誤余亦笑汝
舖糟而醉也客張目吐舌逡巡三揖曰子之說精矣請

終讓子以賴鳴

夢隱圖序

戴子子高手夢隱圖示余夢隱者戴子欲得十畝田躬
耕巖石之下隱居而養親顧詘於貧而寤寐如或遇之
故曰夢隱也戴子讀書好古不苟合當世世亦棄焉語
曰相士失之貧其信然邪余嘗與戴子終日譚其嚮善
銳其疾物亦太刻余欲戒之戴子氣方高未必是余不
敢輒以言進然戴子非無意時事者每及當世之治亂
殷憂無已君子疾沒世而名不稱使吐其耀以發其所
長以較庸兒纖子相去縣矣辟於權衡不翅鈞銖之差
也孰利器之勿覲獨喪衷此曠野昔者鳳皇巢於林人

遲文一

六

以為欽鴉也若見欽鴉將鳳皇之矣彼自在夢中遑議
戴子夢不夢邪列禦寇曰西極之南隅有國焉不知境
界之所接名古莽之國陰陽之氣不交故寒暑無辨日
月之光不照故晝夜無辨其人不食不衣而多眠五旬
一覺以夢之所為者實覺之所見者妄嘻豈真有是國
邪是余之願也試挈戴子與遊誅茆結屋姑隱毋躁

霜天曉角圖序

丙辰九月余客衢州時粵賊道江西寢寢竄入徐大令
仲水在常山防所佐治兵繪霜天曉角圖索序余唯唯
既論於君曰賊縱橫江上下五六年矣發芻露尸暴及
生死獷悍狡戾罪惡盈極然而戰輒勝攻輒破所謂天

意然耶否耶自古至今嘯扇之徒敗不旋踵且賊蔑仁義而崇耶無詹俞諸子無異兒戲獨以橫行天下果遵何術哉將總戎者之怯耶抑真不可收拾耶夫首禍不祥積凶必滅執不祥之道處必滅之地驅之以各省兵力如轉圜石如頓裘領其勢甚順白虎通義曰角者氣動躍也秋高馬肥商聲厲號吏思報將之怨子懷復父之恥莫不騰怒張膽絕乎疑慮儻以一旅之眾鼓行江西直擣湖北塞江折符斷往來之路江寧安徽不攻自服失時不舉縣師糜費鄙人惡甚不敢以文字荷君知也君微惠於衢亟請當事規圖進勦努力功名之途洗雪人神之憤不佞如余請伸紙濡墨作為歌謠頌揚盛

遲文一

七

伐豈惟一序已乎君儻有意哉

仕隱圖序

范月查先生為鶴生先生族叔峴嘗從鶴生先生問業先生乃丈人行甲子春奉手於安慶軍次越十五六年再見於蘇州歛然道故出仕隱圖督序仕隱者先生初官內閣中書散秩也繼官揚州同知亦散秩也蕭然兵荆錢穀之外故曰仕隱也然而峴惑矣夫仕無論散劇以匡時利眾為務故功德洽於倫聲名高於天下奈何隱焉獨怪今之仕植笏低頭趨有勢者之庭候望顏色餌意旨惟懼不得當見小利害匿鉞孔不敢息甚則稱引虛詐以恐喜高位其生也妨賢人路其死也默默無

聞知苟若是何如其隱也且烏知隱者之齒乎否耶故曰三代而下仕自仕隱自隱判而不合如淄之與澠也試有人於此衷古人之道落落莫窮老而已必陳功當世不敗害之避其不操矛弧而攻者幾何諺曰直弦不如曲鉤又曰無盪入宮美女亦醜然歟非歟夫先生居京師時津要貴人皆知名何官不可為顧不甘久待去而之揚州與植笏低頭者溷先生非求仕乎哉然而勢者之庭無先生之迹又何耶出其才十百賢豪雖屆時利眾可也譬如順風吹火其始順也然而憂時君子寧委蛇儕俗毋受人之攻儻所謂達權者耶是以寵辱不系而是非不相關故曰仕隱也夫見善而不能效其

遲文一

八

蔽也愚峴愚之尤者也試官蘇州動輒速謗竊自媿多迂先生乃丈人行願承教或不終廢棄先生之惠也抑間之上有堯舜則下有巢許今豈遽異於古它日者買江上之舟卜山中之宅先生在前峴踵先生後矣

寫經室序

寫經室者姚子子展之顏其居也姚子慕錙子奇推三家尚書及古文是正文字為中文尚書因用其例獨推諸經校勘謬奪正俗書定易書詩周官經士禮論語孝經為中文經之經以次附又采輯先儒攷論之說駁別得失都若干卷而以篆隸二體寫定經文諒於余余曰有二難網羅難漢代箋注存者無慮數十百家而周秦

諸子各自爲書不主訓經間一引經或文與說皆殊漢
大師授之不廣辟入川者涉厓而反也決擇難贏秦燔
書微言大義不絕如綫漢興詔徵博士次第立學官而
門戶之爭起人持師說老死不通曉不折衷一是辟官
人視日爛然五色而不知何祥也昔者段玉裁氏有言
曰鉅細畢究本末兼管大哉言矣世之人方膏理學以
美其名而逃於虛妄意古人之業挈合而靡問其信然
邪抑未邪耶人謂玉未理者璞周人謂鼠未腊者朴周
人曰欲買朴乎耶人曰欲之出其朴則鼠也夫不爲鼠
朴者有幾哉姚子年尚少努力復古其於一名一物必
徵之羣書傳記罔不條貫庶乎治經有法不則以註爲
赤以蒼爲元其去鑿空不遠矣抑又聞之行而不已跋
隨千里十步九退騏驥亦殆姚子勉乎哉毋怠荒毋因
循竊計日以須其成也

受經圖序

憶年廿四從眉卿臧先生游先生精小學擅疇人術方
輯左傳古義使依漢志三統術推隱公來二百四十年
中朔證杜氏長麻之誤爲中朔表十二篇二年而竟又
使輯公羊古義未卒業先生捐館獨學而無師號於人
則巽然喙之稿乎息於堙僕乎不能自振踰年從碩甫
陳先生遊先生曰穀梁沈蘊千餘年范注楊疏皆陋略
不可據取而通焉匪異人任矣不敢多讓退最錄曩所

從事者得公羊顏氏記四卷公羊禮徵四卷報臧先生
命壹力爲穀梁通義積四五年創彙廿二卷陳先生返
於吳不獲面請益又結於貧東西南朔爲客暴一而寒
十暴一而寒十則是趣已紛也苟卿曰心枝則無知傾
則不精貳則疑惑竊滋惡矣過今以往年幾三十餘餬
口之不暇猶攬撫周秦兩漢古籍自鳴其學婁作婁輟
求熱而飲冰求涼而熾炭謬矣念負兩先生教色
色然恐長白觀成爲繪受經圖識師法之自抑亦見圖
而知警也

爾雅正名序

歲庚申汪君芸石同客汴梁余貧悴奔走舊學墮廢而
芸石銳意爾雅以篆文寫定萬七百九十一言篆所無
者求諸假借寒暑電莫手一卷不輟可不謂勤歟今世
行郭璞注本已非其舊陸德明釋文兼引各家注略存
古字輒依爲說漸衷許慎書閏六年麤具彙猶有未竟
者題曰正名正名者正字也會來金陵再相見以諄余
余惟爾雅一書周公所管區目十九卽是傳益然而通
古今之異言綜六藝之條貫言故訓者莫或先之數千
年來迄寫謬舛偏旁俗增各書徵用絢歧滋惑所由漸
矣許書博采通人稽誤其說秦漢前文字靡不網羅第
不能無放失以爲主明字例不必盡天下之字也援爾
雅證許書而許書有據證爾雅以許書而許書詎無憾

乎旁蒐廣采是在作者且夫爾雅名物卽周禮名物也昔者魯哀公欲學小辨以觀於政孔子告之爾雅意在茲乎余曩疏周禮苦難奏筆及它日未填溝壑尙卒余業芸石勉乎哉六官之掌王制禮儀世間人事與夫山川輿地雜物奇怪罔非雅訓宏觀遠覽此特疇矢儻有新得亟告余幸甚若遽自封余不敏不敢請亦不敢徇矣

禹貢正銓序

禹貢一書縣數千年地理沿革學者或不能盡識蒙服膺胡拙明雖指最精然浩博難讀譬航海者茫無涯涘也乃今讀姚巽園先生所著正銓信乎簡且審矣如辨

經文一

十二

禹時故瀆漳自入河駁徐氏會箋漳不入河之非辨充南貢道由濟入漯達河駁正義從漯入濟自濟入河之誤辨浮於淮泗達于河當依說文作潯皆具獨識俞廕父太史摘夾右碣石一條誤認邾字訾先生其實先生明言備一義不以爲正論也惟嶧冢導漾東流爲漢先生謂嶧冢山西漢水所出此經敘東漢水不得以西漢之山源冠東漢水首則似未諦案班孟堅漢書鄭康成尙書注皆謂東漢西漢同出嶧冢西漢者別於漢而曰西漢本無東漢之稱班志武都下東漢疑淺人增字蓋漾水出隴西氏道至武都爲漢至梁之潛上受漢別則西漢矣氏道亦嶧冢山盤回之地同是一水必謂東漢

西漢異源恐失禹貢舊旨時無通儒無與詰難竊幸漢以來說地里者略可考見蒙願爲先生諍焉

重刻羣經宮室圖序

朱君達夫既刻焦里堂氏羣經宮室圖其友劉君石香校讎盡善始以貽不佞不佞衰朽茲事久廢然嘗奉手於經學大師竊謂今之治經者多課虛少徵實言語文字可以橫說側說駭怪天下後世之人若夫古昔聖王之制度燦然錯列一定而不易考之不諦辟入市而迷其徑術奚翅盲人耳哉焦氏獨爲其難於城郭之高下宮室之內外博貫而詳圖之著書都三十一篇非深於禮經者不能通抑亦非深於禮經者不能讀也宮圖第

經文一

十三

入篇凌次仲氏頗有違異見校禮堂文集不佞拘守舊注左袒凌氏不敢爲苟同然焦氏從經文咀味而出視逞臆指擗者區矣中庸曰百世以俟聖人而不惑學人未必有其事或亦有希乎此也聞焦氏遺著尙數十種散在揚州不佞雖未見度必精審安得購以付刻而加校讎焉不使塵蕪盡蝕與煙雲同盡厥功甚偉是則於朱劉二君不無厚望歟

草草廬詩彙序

人必有所好好而治之治之而久未有不精者也其或不精則必性情不近抑又所好之不專而已矣余好五七言詩日讀漢魏六朝三唐諸集微有會然拈豪賭韻

輒詰屈不中度眾媿笑以爲拙余大慙棄而治經經義
紛綸獵其蓄而不落其根猶乎鼻之於詩也夫不久於
其業又見異思遷不專其心於所好雖嚴父師操鞭箠
而督焉奚益耶曹君煙波以詩鳴耳目之所省晝夜之
所注風雨寒暑之所環接皆入於詩詩之外漠然無營
也無羨也滅椽之宮左右書排比書雜而不純任抽一
冊借諷十八九熟尤熟袁隨園詩積二十年如形之於
景不可一刻離嘗有句曰滿郭風聲野鴨來叔兒抱山
賞之戲呼曰曹野鴨君益自負蓋由於好而治之治之
而久幾何其不精也余交於君君屢訶余不能隨園體
願余性情不近寧斂手退耳今年君舉於鄉過余飲大

卷之二

三

樂出所作詩索序余不敢辭夫古人之詩義約而旨深
辭婉而志隱油油乎其始發也瀏乎其莊以舉也故孔
子曰可以興可以觀可以羣可以怨未有肆寫如隨園
者夫隨園才大而力橫街譚巷語曲折而罕有遺光采
遐被流俗矚駭一代之詩宗也宜君學焉而彌於寵矣
且夫學隨園之詩之精如君者有幾人哉

志微錄序

志微錄者陶堂高君所爲五七言詩也陶堂讀書高才
不遁狎流俗而獨善余余見陶堂爲詩先意經營徐其
日而不赴一篇出則開宦決突與古爲徒芒乎芴乎而
莫知其藁也故曰志微也客諱余曰詩以悅性靈諧光

景其於物也明白而無矜奚微之取余曰客休且坐夫
人面不同而況詩乎據一而概萬無惑乎參辰之迂也
夫有不得已者而聲於詩故倣俛其詞繳繞其理以聲
異其趣言無垠厓連汴焉而不可止也在咸同世曠賊
橫馳蹂十餘行省陶堂敝履戎馬間布衣穿履挾策不
遽讎最後成進士官於吳吳亂屨剗相迷以晏安上者
聳下者瘡方其時不揣利害奮前議論則不介而當矢
石之蹊狂乎哉不得已而聲於詩開宦決突而莫知其
藁也故曰志微也慙而不遯肆而不輒連引而不蔽千
萬倫而無斂者也昔者韜軒采列國之詩考貞淫校得
失諸侯之黜陟第焉甚盛典也王者之迹熄而詩亡非

卷之二

四

詩之亡不盈於道而滑於俗悅性靈諧光景浮宕忘反
無當於懲勸聖人復起難而去之矣必若客旨名美於
春華無益於把水幾何不崇詩人笑耶夫感時觸事連
犛焉而不可止入於無端之紀出於積驗之表乃眞明
白而無矜者也乃所以千萬倫而無數者也從心之所
念從口之所言其來首首波譎而雲幻故曰志微也列
禦寇曰秦人逢氏有子聞歌以爲哭視白以爲黑饗香
以爲朽嘗甘以爲苦天地四方水火寒暑無不到錯夫
今世到錯者寧但哀樂聲色臭味哉不盈於道而滑於
俗皆逢氏子也竊懼讀書高才者寡矣客邑邑未有對
久之曰哈子之言微乎微者也奚有乎陶堂之詩

許君詩序

余曩者五七言詩未有得輒輟業悠悠忽忽數十年矣家貧奔走乞食益不屑吟弄朋友聚會或以詩抵羔雁亦不博壹也而許君石聲特工與余啗嘗就余譚詩脫巾抵掌狂謔大笑窗外棲鳥拍拍驚起一日出所積稿索序受而讀之凡風雨寒暑舟車道路與一切飲食徵逐朝夕之所接悉寄於詩真氣溢出旁礴而和易酷肖其為人夫詩者所以寫心也不心之寫猶偃師所造能倡者也倡者領其韻則歌合律奉其手則舞應節技終陶其目而招穆王之侍妾然皆博會草木丹青之所為巧借焉而已夫世之人皆巧於借者也不知賦比興何

運文一

五

等也烏乎詩即有詩矜其貌而神不居較偃師所造能倡者奚以異昔有病瘡者不能言也而苦之夫言而不根於心寧勝瘡之啞啞耳哉君為人真氣溢出旁礴而和易寄於詩宜詩之工矣余不獲倡于而和喁猶瘡之比於人也君顧瞻甚將毋相賞於詩之外邪夫無盪天下之醜婦人也而寵冠齊之後宮余儻類是繼自今請終事詩雖為君執鞭也可

送劉嘉定序

天下之官數於千自宰相以迄於州縣州縣者與民邇者也位綦卑任綦重為之難於宰相萬萬民有疾苦與旱乾水溢之不期宰相不得聞而州縣聞之達於府達

於司於督撫督撫上於

朝廷

朝廷命宰相執事者議一不當飭督撫下於司司下於府使覆之督撫司府臧州縣之不當也動曰不肖不肖夫州縣即不肖然而民有疾苦與旱乾水溢之不期實嘗接焉能者堅據其狀以回執事者之聽不能者抑不敢上而民悴矣夫

朝廷豈幸民之悴哉上下之分隔欲聞而不得聞恃州縣之聲之也故曰為之且難於宰相也劉君泖生以直隸州知州待次於蘇賢聲洞於上檄權嘉定縣事嘉定之民并於塗曰吾儕得好官其交遊亦酌酒為劉君賀

運文一

六

酒行楊峴執爵興曰天下之官數於千劉君位卑而任重其不易為至明白繼今以往聲下情於宰相嘉定之民咸沐浴其休澤則誠賢矣劉君勉乎哉因書以為贈

春秋古誼跋

右眉卿臧先生遺著也博采賈服舊注正杜預違失七易稟始成書依陸德明釋文經與傳分手自繕寫十巨帙道光丙午先生歸道山無子稟亦肱散或零星持易錫嗚呼酷矣時方籲請祠鄉賢例當以書進徧按訪無獲最後先生老友朱沁泉廣文持此視峴有經無傳又初創稟鮮精深之旨昭公二十三年以下并闕眾意未嗛然籲請之議迫姑授峴補輯為六卷迄於哀公十四

年五月庚申朔日食與劉歆左氏日食三十七之說相足十雅堂光祿讀定公十五年九月滕子來會葬一條亟賞得閒趣付梓甚盛事也夫傳不傳未可知有而勿禠則峴豈敢當世君子儻亦采擇焉否耶

思益堂詩賦鈔跋

韓臣周先生將以所著思益堂詩賦鈔開瑯命峴校字不致辭謹受而卒讀蓋皆秀才科歲試翰林館閣課作也先生問後生不中程式絢虛車則野矜邊幅則隘茫乎無泊爨乎勿能勝也故出舊彙汰十之七存若干首以示人類春容以和婉而有雋味稱引典籍如肉貫串絲在櫛不囿於法而自然合法學者熟此誠當以藝之

選文一

七

長與世相信矣峴讀書自識字至髮素積三十餘年思成一家言功令之業坐荒咸豐乙卯先生典浙闈試峴文恣肆幾斥賴先生持之力幸而僦屢上春官訖以非程式不得取進士第夫欲射而借其侯求前而廢其轍幾何其不謬耶孟子曰大匠誨人必以規矩信哉先生別有古今體詩未寫定它日更請業焉

解社題名記

解社曷為昉也在昔造士於鄉賢才輩出則聽其敬業而樂羣社者亦猶行古之道也余曩與李子節貽錢子叔葢為之會者六七年逾年賊擾江寧江以南岌岌如傾巢富家大戶跳不知所之其黠者麟騰鳳翥爭赴功

名之途而諸子漠若無動於中學益高行益修不知是非利害之橫六合斥四海也余奔走衣食不數預於會今年自衢州歸節貽諭余曰社之作六年矣會者且四三十人然而燕楚閩蜀不一其地懼浮雲之易散也盍為文鳩之余唯唯學記有曰相說以解願諸子迥然渙然無午於古者敬業樂羣之道則解之義諦矣作解社題名記

江忠烈公殉廬州記

咸豐三年賊破安慶屠桐城入舒城部議移巡撫於廬江公被

命馳上事越翼日賊前鋒抵派河趨閉城蓋十一月壬

選文一

六

子夜也癸丑賊四薄塵埃障天廬州城周二十六里而公部開化鎮軍勇不滿千案陴而守勢不給城中民猶四五萬公下令曰父老大苦平時未嘗一見賊今與約各鍬鍤登城觀無禁頃刻得數萬人立陴下噪賊少卻甲寅夜半賊潛梯西平門緣陴上我兵奮擊賊牆進比登矣我兵殪其魁奪黃旗以呼賊舍梯遯乙卯天大霧賊犯拱辰門哨而駭聲啾啾如鬼霧益大炬不見光知縣張文斌亟率眾迎擊把總尹孝忠中礮死外委張得勝礮傷脰灼指指斷卒卻之丁巳賊道東大橋捆載趨一黃巾賊騎而後守陴者故木工也覩賊近然槍陴隙中賊人騎驚颺久乃仆有小校紅帕腰刀從陴上躍斫

賊賊奔獲賊盛車二驢一馬一戊午賊潛穴隧道數丈
公覺購死士迎隧出有賊黃禿髮俯隧口下窺外委
馮貴刀斫其面賊驚城上擲火罐燒賊皆反奔是役也
微公因事出奇城幾殆已未壽春鎮總兵玉山以東關
戍卒援拱辰門戰死方玉山之道北鄉也團長遮道請
駐營先問報公會諸援兵合擊玉山不能用勇目某以
八百人進賊偽走徑入括賊財廣兵進馬兵繼之賊潛
出馬兵後故潰庚申同知劉長佑千總江忠信與鶴麗
鎮總兵音德布會師西平門距城十里未成列賊至長
佑忠信前搏賊賊敗遂進攻賊營廩社稷壇下我兵小
卻六品銜石安邦外委林世弼死之是日辰刻遙見西

運文一

元

方紅藍旗簇簇趨城上諱曰援師來公亟令都司馬良
勳把總尙得勝各率勇百餘人出助擊週賊戰連斃數
十賊守城民益歡呼欲出效死久之偵者曰紅旗颺徑
西去矣先是公微徵各路兵赴援音德布隨檄至遷延
不速進既會師前鋒見賊音德布先潰徑奔棗林岡賊
窮迫則益棄其鎗重奔官亭丙寅少少傍蜀山而營距
城二十里所謂西大營也東大營者已革布政使張印
塘以東關卒屯店埠首也店埠距威武門四十里戊辰
都司戴文蘭千總江忠信經歷艾延暉以楚勇百五十
人人懷白鏹二巨定夜叩城入城中帑久闕有浮言藉
是驪安十二月壬申守德勝門都司楊煥章率兵勇數

百踰城出守城民繼之拔賊營二毀其巢殲其魁從獲
牛馬無算癸酉夜川勇被劫潰川勇者所謂英聚堂之
兵也眾千餘無統率舊隸提督向榮爭功斥逐以眾至
有知府銜李登洲者方籍兵募馬是日營拱辰門外之
三十里堆比暮呼酒歌嘯賊突至登洲先避眾裸走幾
全軍覆乙亥西平門地雷發守者宿戒賊不敢進我兵
奮擊有黃衣賊出護軍城上大礮忽自鳴飛子碎賊首
賊創退丁丑陝甘總督舒興阿以萬五千人營岡子集
已卯進援水西門先會團長集練丁萬餘人殿而以川
勇數百人嘗賊賊出搏川勇殊死鬪馬兵突驚賊橫衝
馬逸不能止騎步相蹂陳亂賊空壁逐諸團譟而起賊

運文一

元

始卻辛巳水西門地雷發崩城角數丈轟聲震天地賊
肉薄城下時公病劇臥帳中遽躍起手蘇旗馬崩所大
呼殺賊都司戴文蘭馬良勳從揮刃連斃賊火猛甄石
迸反中賊賊創走守備龍天保督工進火灼髯髯焦脫
益前城卒完壬午六品銜江忠濬以楚勇千五百人至
兩戰進營西平門外之五里墩公三弟仲忠濬叔忠濟
季忠淑皆善用兵賊中聞江家兵威卻癸未千總李得
勝以楚勇八十人油燭白鏹各若干夜入城勞師且告
援集甲申已革布政使張印塘六品銜黃元吉與舒興
阿會兵岡子集將援水西門又益以新募鳳陽勇五百
人前鋒抵四里河遇賊戰酣舒興阿遣總兵某部馬兵

陳隄上有黃旗從東北來偵者曰賊援也遽潰舍騎而徒或匿松林中駢坐兩泣賊至引頸受刃無敢聲先是公召四鄉練丁會官兵同赴援自玉山敗死團益弛附城民驚恐遠竄賊時出遊騎焚殺民之應官兵者又出金錢重與民媾故屢增且橫而舒興阿之眾又屢敗丁亥夜城遂破公死之公諱忠源字岷樵籍湖南新寧縣道光丁酉科舉人由校官積功至今官事聞

贈總督
謚忠烈郡舉人徐子苓曰勇目徐懷義者縣役也晝飲博夜昏昏臥巡城官呵不顧所募勇嘗與賊營槍手同犯法亡命諗熟互招呼手語方水西門破地雷裂外郭

遲文一

三

垣塌矣我兵死戰賊愕顧公亟令各門勒兵守城兵奮前願效死而拱辰門樓火突起有數人自東北來遶城呼曰賊入矣亟亟去方是時實未見一賊也拱辰門者郡北門霍正勇目周恩與徐懷義畫段分守地也懷義守北西恩守北東空障而走賊偪登公縱兵擊連斃賊賊奔都司馬良勳以眾逐賊金斗圩轉戰城北夜冥星晦賊合圍我兵盪賊頭格磔迎刃墮久之良勳中槍死賊大隊略西平門迤折下將夾攻水西門西平門者湖南舉人鄒漢勳分守地也方夜飲拔所佩刀前殺賊賊怒刃中項血淋漓項偏折兩賊翼之前才數武死都司戴文蘭身重創率死士十餘人冒圍赴西營乞師復與

賊遇死之天比明霧赫赫如雨諸大弁血刃擁公請去公曰城陷矣何以謝百姓自刎不殊賊攢矛刺公被七創赴水死子苓又曰公軒眉長目髭黑漆願盼磊然御下荆賞信尤能均甘苦守城民嘗晨粥暮食適公過願曰吾飢若粥既平曰未徑下馬索箸就尊上啖復索蔬民以野藿進糝蒸未熟公大嚼徐欠伸曰吾久病多謝父老為吾守願城罄矣犒不以時至重累君等日淡食因撫進藿者背泣然長歎久乃去有市人從守城民偶語中礮死公出錢市棺驅騎將出視斂所或尼之曰吾前令民助城上斃賊或為賊斃吾賞卹與吾兵勇同柩何吝數十金負死者卒如令

遲文一

三

曩與徐君誌甫譚江忠烈公殉城事屬為文文成誌甫出日記此對凡日月地名人名皆詳細添注笑謂余曰此當入吾集余曰諾今年詢汪婿誌甫詩已粹文未粹也懼忠烈當日艱苦狀失傳故檢出錄之乙酉春積翁并記

遲鴻軒記

老庸三十之年有三子二女焉伯曰恆熙仲曰鴻熙叔曰能熙女曰靜熙曰淑熙恆熙先殤壬戌之亂舉家投於水能熙靜熙死淑熙偕其母迴救免鴻熙為賊得提其髮曰益父我相將去當是時十六齡矣丁卯老庸客湖北或言楊提督者養鴻熙為親兵今散矣詢金牛鎮某宜知之詢之果然曰往江寧矣亟寓書江寧為訪復書曰有之又它往矣嗣是消息絕乃築遲鴻軒以招之

併系以歌曰鴻兮歸來山有畢兮水有羅懼龍莫焉女
離鴻兮歸來女父與母齒已衰女庶余兮哺之鴻兮歸
來乘雲車與風馬覽故鄉而來下彼豺虎之怒嗥兮飛
高高不女養歸來歸來兮毋使余勞

蓮文一

三

蓮鴻軒文集卷一

蓮鴻軒文集卷二目錄

慶孝子傳

曹南朱勃傳

施方傳

祝有琳傳

查人倬傳

海鹽縣知縣汪君傳

趙姬傳

臧先生述

陳先生述

姊氏述

蓮文二目錄

叔兄述

書嚴先生逸事

西安縣知縣李君墓志銘

內閣學士兼禮部侍郎銜周公墓志銘

直隸州知州高君墓志銘

光祿寺署正周君墓志銘

潼關同知顧君墓表

漕運總督朱公墓表

潘太君阡表銘

亡室張夫人葬志

祭鄧君文

祭龍神文

與友論文書

再與友論文書

與友論詩書

論天津夷事上湘鄉相公書

慶孝子傳

慶孝子名之源字導岍含山縣學生居鄉授生徒不屑
肩章句讀先儒語錄以輔世翼教爲任母喪哀毀杖而
后視事遇祭醮或春秋佳節悲思號泣不自勝初父有
氣疾延醫立方藥頗效既加劇醫咸束手孝子籲天祈
身代不治遂絕飲食家人勸不應曰曩不從母死懼憂
父耳侍奉無狀先後棄養吾罪矣夫餓十五日卒當事
者聞於
朝得

慶孝子

旌如例孝子嘗冀博科第益振舊學迄不繼以其子工
部主事首倫貴非孝子志也

論曰天地之性人爲貴人之行莫大於孝豈虛語哉余
聞孝子養其親如嬰兒之不去於懷和厚之氣盎於一
門暨於一鄉烏虜孝之至矣世風不古人趨浮僞不識
君親何如人一旦變故視若無事閒或迫痛殉身則以
爲矯且激竊竊然議之夫迫痛殉身而叢竊竊之議勢
必隨流逐波苟且一息名教之防壞濁亂之釁起天下
安有人倫哉倘倘彼有屋蔌蔌方有穀余爲茲傳不虞
稔衷之淋浪也

曹南朱勃傳

曹南字公午歸安縣射邨人讀書彊記唐至今名家詩

歌類能覆誦余十六七時詫爲奇絕南曰不然朱勃勝
遠矣朱勃字又新居近南余權舟訪焉月夜拉勃登舟
問八十一家文字口汨汨如寫銀潢雞鳴始執手則自
是勃叢過余輒信宿去南授徒城中相見尤數南清癯
喜修飾勃黑而津腹大如五石瓠衣裳或顛到不自覺
兒童相隨以笑一日余與飲酒家樓勃狂啖狂譚啖大
飽譚未既其說頭觸几睡聲如雷鳴南醉忽怒罵世
無知乃公者推案起羹汁淋漓汗滿身樓上下客皆驚
散勃試句股術姚侍郎元之拔冠一郡補博士弟子員
未幾南馳書告余曰勃死矣初勃病熱飲附桂南止之

遲文二

二

勿聽遂死南已酉舉於鄉徒步入都應春官試不繼歸
益自放詩稟盈尺皆散棄湖州未陷前叔兄抱山猶見
之曰嘔血升餘疑亦死

論曰使二子生乾嘉間諸老輩從容提倡所造當有異
遽以是封惜哉南獲一第霸於鄉致金錢不復顧聲名
勃事母孝嘗客三四十里外心動雖大風雨必亟歸省
人嘖嘖稱道之烏虜可風矣

施方傳

施方字立人歸安人書似顏平原求者屢滿余少時與
其學書月第甲乙而差其罰方忽病狂背一劍歌而過
市市上人相隨以笑不覺也妻憂之屬余與遊庶幾悟

曹南者亦方友讀書城北金蓋山招以往入山方謬若
有觀大言曰山神辟劍不且及女既登巔有純陽廟設
唐呂巖像世號祖師也方遺矢几上曰以伺祖師道
士怒促使歸歸而閉門作驚悸狀語妻曰門外有銀鐺
聲將及於辱辱與死孰愈寧死乎數求死妻要人守之
方拱手笑向人曰色方者孰先乃弛其袴皆愕散明日
訪之死矣

論曰余聞於方之戚曰方有大不獲已事不能以告人
以至於病病而死儻所謂命邪數邪猶憶未病時譚世
事輒恨天下無人使方不死或亦有用才哉

祝有琳傳

三

祝有琳號吟廬世居海寧之園花里爲諸生不喜制舉
藝喜唐宋人詩與余遇於杭州之西湖譚既洽輒命酒
痛飲無算爵醉則歌岳武穆滿江紅詞聲振壁或脫帽
狂叫若有抑塞不平者余笑曰君酒癡邪掉頭曰若不
我知雖然天下當亂苟有知我者我將出而仕矣遂別
余北遊遊歸病甚余亟探病狀友來告余曰吟廬死矣
年三十有九無子

論曰道光癸卯聞杭州高庶人人樂昇平獨吟廬憂亂
聞者驚詫以爲大不祥不十年粵賊弄兵蹂躪大江南
北杭幾墟焉然後歎吟廬之言驗也使吟廬尙在必投
袂而起樹掃除之積何至奔走乞食耳哉而竟以死噫

酷矣

查人倬傳

查人倬字筠長海寧州學生世居園花里嗜詩與余讀
書杭州之西湖讀已輒爲詩詩成痛飲飲醉或大哭問
奚苦不應也鄉試不讎兩人者命酒嘍嘯酒再巡哭又
作曰區區者不之昇將頭巾老乎不盡酒而罷此癸甲
閒事也後十餘年杭州被髮逆之亂故人半爲鬼余自
京師歸訪筠長則偕某太守客臺灣臺灣者孤懸閩海
外腥羶之所宮而蛟鱷之所蟻也士獲假手取功名如
班定遠亦甚易易方謂筠長必大得志一發其磊落之
氣卽不然而以其見見聞聞著爲篇什它日相遭解橐

四

高歌當變哭爲笑乃未幾而筠長頭矣又未幾頭死悲
哉

論曰余與筠長交最契筠長屢哭余曉之曰天之生人
也有命焉不可以理論如以理孔孟何以窮盜跖何以
善其終也必彊爲之恐子之淚有限而哭無限也筠長
曰方今天下孔孟一而盜跖萬猶禍萬也不哭豈人哉
噫嘻筠長不顯矣

海鹽縣知縣汪君傳

君諱榮棠字芾亭又號餘翁姓汪氏常州無錫縣人幼
穎異初入塾讀書卽通曉大意既治詩古文見者驚似
昌黎東坡也應童子試不離遊安徽學度支術咸豐癸

丑髮賊竄廬州先是安慶陷部議移省會於廬江忠烈公爲巡撫馳上事君佐糧臺軍食賊圍攻急則帕首登陴晝夜巡忠烈詫曰吾受

朝廷重寄死分也若無地方責奈何俱死趣使縋城出明年援例得府經歷發浙江當是時某侍郎督師江皖檄君董文案袁端敏公繼督師尤倚若臂手屢保以知縣同知用拜花翎之

賞有弔君鄉里陷賊者君揮曰去去督師遇吾厚方共殺賊遑顧家乎馬端敏公巡撫浙江多君才檄權德清縣知縣縣介湖州南杭州北孔道也庚申辛酉閒賊枝湖守嚴竄杭抗陷又折而潮德清重受創君至招流徒

運文二

五

浚城濠勸農課士百廢舉新市鎮者縣轄地設團練局紳總之布政使某方擁兵兵貨所須於鎮挾勢而訂鎮不知某兵也執而殲焉某疑紳指使檄縣置諸法君廉紳冤訟於某得釋再權海鹽縣知縣縣鄰海舊有塘曰汪塘歷年多將摧君上書大府請修民謠曰汪塘汪修厥功彪彪積勞卒君生平無急言遠色與人交退然如不及居官不輕用敲朴曰吾爲子孫地耳不然濫刑契上譬種鳥頭幾何不貽殃耶子三昌元罵賊死昌燾安徽候補巡檢照浙江候補布理問

楊峴曰煦余女夫也爲言君考精武藝盡以授君雖甚習不以術所長又言君昆季四季即君方治舉業塾師

奇賞之謂博一第猶拾塵諸昆謀曰博第大善如鉅費何君遽曰讀書所以束身心備體用奚科名爲矧重撓諸昆耶遂謝去嗚呼君眞恢奇丈夫哉

趙姬傳

姬趙氏名寶余命曰寶卿籍揚州寄寓蘇州歲壬申來侍余性慙多笑妻張夫人戲噉曰癡則亦癡膺之然剛而愎不知世有周旋事不善接張夫人張夫人伎焉余責姬姬不平益使氣謾罵上下左右皆憎姬聒於余余怒屏弗近自是姬無生人趣肝鬱腹隆隆如鼓匿不告余微聞之謂易療又懼長其驕輒不問前年張夫人死姬忽私語余曰君怒我我不敢怒君君無子與孫猶子

運文二

六

不必皆賢保無侮君者益昇我家政我助君余謝曰卿言大善第卿不樂於口果爾不速謗乎益少待姬佛然曰奈何不聽我言蓋姬能持家又習家之人情僞徒以張夫人在不得奏其長使氣謾罵有激之者也去年余權守松江與姬俱姬再拜賀覺跪起艱余始詫病劇投以藥姬揮去不顧今年余詣上海而月歸乍見蕉萃幾不相識大駭思徐起之適傳余鐫官鐫官者揚州訊朱壽鏞阻考察不諱學使者劾鏞余三官也姬又私語余曰君年踰六十何必官所慮無歸田資我衣劍任斥賣聊助君余曰益少待此甲申二月十三日事也越九日遽死死時以目斜睇余者再若欲言而不能矣嗚呼姬

竟死矣豈余所料哉姬無父母兄弟子身託於余余懼長其驕輒不問抑於眾憎而死余負姬矣姬故剛直而復屢迂余而質愛護余今而後誰愛護余者入姬室一幃一鏡皆觸余悲衰年寧堪爾耶夫人誰無死獨恨余老不死而姬前余死豈司枋者顧到耶抑命苦過於姬不應有伴老者耶茫茫者天何從問之姬嘗怨不男子身儻釋氏輪回之說信來生速變作男子酬姬願余畏荼蓼不屑再爲人卽有來生亦無見面時海外無返魂香此情無路通於姬余負姬矣姬初來年十九死年僅三十一無出痛哉痛哉

臧先生述

運文二

七

臧先生長與人嘉慶丁卯科舉於鄉叟試禮部不讎歸鍵戶著述不問資產性方嚴口不能容人過有潔癖衣裳或補綻然無少垢嘗大雨徐步入市人遙望知是先生亟避去懼泥之潰先生也峴蚤從先生游竊見先生喜鈔書日五六千字端正無謬奪於經喜春秋左傳爲春秋古誼若干卷撫周秦兩漢舊說賈服注正杜預氏之謬於史仿王傅氏東都事略爲南都事略若干卷其體例則錢大昕氏以授邵晉涵氏而未卒業者也通曉人術爲春秋古誼時痛長麻之不衷於法欲依錙歆氏三統術爲中朔表十二篇以命峴不敢辭十二篇者公各一篇漢志古經十二篇是已甫竟稟先生病作書召

峴握手曰吾窮經白首行將逝若勉之媿媿數千言微勅進粥先生曰吾絕食旬又二日矣爲若彊罄此既而日速去毋淹明日先生名紙至則某年月日某告別也遺書夫已氏攫去易傷峴購求靳不予昔者揚雄氏草元人謂覆醬甑然而元至今顯先生乃零落盡烏虜先生之不幸耶抑亦後學之不幸也憶平日詔峴曰置散錢滿屋無下手處授以索則貫矣四部書千萬卷猶散錢也沈研一經而羣書爲之用殆猶索歟又曰讀書遇有用者錄片紙黏於壁朝夕循覽坐左右各設空器一壁積多以入器更黏新者越日探左器入於右試覆誦焉越日探右器入於左亦如之勿怠勿棄博學多識奚難哉海罹兵燹屏焉欲死曩所聞見不翅異代以自號則和一而毀百夫和一而毀百是不容於喙也又烏知和於堂不毀於室也五情爽惑能無汗下先生初諱曜後諱壽恭字眉卿道光丙午八月某日卒年五十有九無子

運文二

八

陳先生述

陳先生諱與碩甫其號也自崇明遷長洲遂占籍先時事未詳勿可述道光丙午臧眉卿先生卒峴求遺書得春秋古誼僅經耳蓋據陸德明氏經與傳分也審是初稟又不全昭公二十三年以下闕如欲棄去念死者之不作聊補綴爲六卷以質於先生且請受業先生諾謂

峴曰若聞道蚤勉乎哉時峴治公羊學先生曰公羊善於禮不孰三禮勿治治亦勿善既而曰治周禮尤難職官與地之煩宮室衣服之雜酒醬醢醢之細無一虛字不利逃虛者無惑乎以爲偽書矣吾衰望洋若有志乎列空冊題某某事讀書有觸登焉條繫而件附之它日揉成全疏不彙之作也峴敬如教十許年來摯擇盈笥粵寇之禍都付一炬命也夫同治壬戌峴自京道安徽大學士曾公方勦寇開幕府留峴侍左右訪聞先生避地上海以告公公瞿然曰曩疑先生古人今在邪亟請相見一再致書而先生病不果來未幾卒癸亥八月事也先是咸豐辛亥大吏舉應孝廉方正科辭不赴著詩

選文二

九

毛氏傳疏三十卷行世亂後版存孫丙喜能守之餘不傳先生嘗曰古訓大義前賢未經道者尙數萬言願牽帥人事無暇寫出何峴初務博綜先生曰不然高郵王念孫氏三代經學度架無唐以後書學貴精深奚汎濫爲精乃通深乃靈無入而不挈千載之心勉乎哉師訓未遠汔用無成去日苦多忽忽乎勿可追已

姊氏述

姊適余氏同治壬戌五月三日粵寇陷湖州姊逃城外十許里卒先是母生子四峴其季女一卽姊姊後於伯兄而前於仲兄者也適余時逮事姑性嚴小不如意則終日罵獨遇姊無間言姊夫以善經營起家早卒無

子姊於號泣中屬峴買小家初生子子之命名曰祥規爲余氏祥也姊女流而有丈夫氣善斷願於茲頗失計祥雖成人授室然種子惡蕩伏無所不爲傾其家不止至今或目曰賊峴不能約束媿姊矣憶峴五六歲卽就姊飲食櫛沐自母外姊提攜之故與姊親峴家有疑難事不決姊來數語而解或小有勃溪相戒毋令姊聞懼姊誰何也已未上公車與姊別遂不得再相見比歸詢叔兄始知其詳姊初出城左額及臂受刃傷叔兄遇於塗促姊去姊叱曰吾以節孝受

選文二

十

於某亂定遷葬某鄉之原近年杭州設忠義局錄死難者上聞且爲之傳姊乃不預然而其事行足以述矣

叔兄述

先叔兄諱寶彝字性甫別號抱山湖州府學增廣生軍功游保至同知同治十年發直隸待次是年水災徧詣各縣籌振積勞病十一月十五日卒年五十有六初先伯仲兩兄年差長工貿易伯懋而甚口仲吃而習於事皆得先大人歡叔兄與峴幼家中替先大人憂不能式穀使讀書規它日餬口乙未峴補博士弟子員叔兄被斥憤且勦未幾亦尙然不屑制舉業習爲詩叔兄喜流走自然峴聞作奇橫語叔兄笑曰烏用是是襄城之野

七聖羣迷者也。峴惡盡焚之始，治經叔兄亦更治古文，相切相劇幾十許年，未有一日離人世間樂無逾此者。乙卯峴舉鄉試，上公車，叔兄亦薄游江以南，蹤蹟漸異。丙辰先大人棄養，伯仲又逝，益貧不可支，議析居析居者，各食其妻子而已。本無產不事析，且有無相通，詎諱聲不聞，猶不析也已。未峴再上公車，不得意，走滇黔隴，蜀從軍壬戌南事，棘勿歸。六月道安慶，聞湖州陷，詣上海時，叔兄驟富，家錢設粥廠，賊中拯難民無算。峴兒子皆已殉賊，獨一妻一女在，叔兄將匿小舟，偽爲運柴草者，竟犯險出，要叔兄一握手，輒以廠事瑣辭，蓋自是不得見者。八九年丙寅，峴佐李筱荃制軍湖北幕，制軍

運文二

十一

者少荃爵相兄也。阻風洞庭，湖叔兄忽而至，作急裝問何往，則曰爵相勦捻賊，需賢弟能介紹乎。峴諾爲乞制軍書，持以去。庚午峴轉江蘇，漕寓天津，津之民與夷鬪，朝命爵相往平焉。叔兄筦軍裝局，先期至，患痢以爲偶，然耳。明年峴仍轉漕，拉叔兄同寓，痢加劇，素肥白乃更瘠，黑服藥少少愈，入都引。覲意興似頽而聯牀話雨不減，少年日九月峴別而南，旋得惡耗，痛哉！天胡奪之速也。譬之荆樹，連駢四枝，剪其三焉，尙何言哉！曩者與叔兄約六十以後謝官，買田白頭同居，毋俾謝靈運夢春草，而今已矣，使非爲貧而仕，猶一鐙老，幽下六籍，娛其神，天倫豈其趣無冰炭水。

火之撓心而逆志，雖至八九十可也。而今已矣，諸兄皆有遺孤，行將挽首，數米鹽庶幾衣食之，尙何言哉！抑竊有感焉。諸兄遇峴，有恩峴亦愛護，諸兄如不及，猶有古孝悌風，諸孤非甚疏屬，然而視其兄若弟，如秦人之於越人，其長上如贅疣，豈風氣之薄邪？或教誨之不夙邪？以是閱諸孤而自恨不幸之郵也。

書嚴先生逸事

先生諱可均，姓嚴氏，烏程人。於學無不通，尤邃於許氏書。鄉之人識與不識，皆敬服甚。峴獲見先生時，已七十餘矣，白須朱履，莊然儒者。一日過書肆，有少年驟詢先生誰也，先生孰視久，指架上書某冊曰：將來少年以進

運文二

三

則說文聲類，先生所著也。曰：是卽余矣。少年駭走，峴從長興臧眉卿先生遊，歸舟泊城外十許里之八字橋，鄰舟有命酒獨酌者，視之先生也。詰峴何自，以實對，詫曰：是邨夫子，堪若師乎？它日峴叩臧先生嚴某何如人，曰：臧能諷三字經三字經者，學童初入塾，試諷者也有知。先生曩事者爲言，先生負糧課校，官責焉。先生跳遂入京師，籍宛平，舉於鄉，故又爲宛平人。明年試禮部，主試者貴人，索得先生卷，欲魁之，以詩失諧，斥或勸先生詣謝，貴人喜且慰之，曰：君大博通，願詩失諧，何先生瞠目。曰：唐始以律詩取士，今所傳失諧者十九矣。貴人失色，罷有一子，初墮地，先生自卜六齡當孤，命曰六孤六孤。

善博先生卒圖書金石率憤博進亂後不知所終

西安縣知縣李君墓志銘

君諱枝青字蘭九別號蕪園姓李氏福州府福安縣人曾祖某祖某諸生父某貢生以君貴追贈奉政大夫母鄭宜人奉政君有子四君其季也生十一年而孤家貧從仲兄受書弱啗血鄭宜人止勿讀君夜起竊發書伊吾達旦未幾爲諸生道光壬午舉於鄉乙未大挑高等發浙江知縣歷署餘杭新昌龍泉等縣丁鄭宜人憂服闋復署常山仙居等縣授長興縣改仁和縣擢南甯通判署西塘同知筦塘工塘故分東西鄧海海潮東薄則亟東西薄則亟西西塘積安瀾都不治君視事海驛西

墓之二

三

外草塘推不能衛石塘巡撫吳公文谿怙屬言謂塘員冒銷不給帑君爭言石塘萬有一不保杭嘉湖數州縣民其魚矣書婁上不報改署乍浦同知君去石塘陷沿海居民鱗次櫛比至是無子遺吳公大駭趣檄君督修撫君背日不用若言罪在巡撫具章自劾而君亦坐鑄官仍以知縣待次署嘉興縣粵賊洪秀泉陷江寧府上海林某戕官應之距嘉興不二百里知府鍾公裕倉皇累石塞城門君不可曰賊未迫境還是驚眾且奈城外何請調兵扼要害防內變所司可其議各隘設峯團巡邏無別畦畛郡不逞子弟有欲通賊者聞有備乃寢君之力也旋以拙催科去改署孝豐縣縣有大猾好持官

長短君首禽治一縣肅然敘前防嘉興功再擢同知署西安縣西安優缺也或覲君賂不應遂摘嘉興負解錢糧効落職君訟於巡撫晏公端書奏復原官會粵賊擾衢處等府大軍萃嚴州檄君理糧饟局積勞卒益咸豐戊午十一月十五日也年六十配鄭宜人妾徐氏蔣氏子三世縉世緒鄭宜人出世繁蔣氏出女一徐氏出著詩文集若干卷筆記若干卷待梓君於某爲同年生又同官浙江知君詳君剖勢理劇肆應無辭而再起再躡乞不究其用兩爲鄉試同考官得知名士夥喜文學公餘與莫客討論不勅語人曰縣令位卑責畸重縣令不得人地方受害悖者悍者則蚤夜號以求亂不祥之氣

墓之二

七

始一縣極天下今日干戈徧十八省縣令券之矣然而縣令賢上官不能用矣又不使久於其官百里之地一年之間蹀然不一令拘已成之法憚千夫之議脫有冰霜聽其自焯善告於堂不善諱於牀烏瘁難矣某年月日葬君於某鄉之某原銘曰
吏治積壞不張而弛如君之才退尺進咫有捷者夫百於而祿或失其據乃隕自木與其隕於木毋寧悴於谷車奔馳脫其輻吾惡知隆隆之非禍而默默之非福魄入地魂升天吾銘君於萬年

道光己亥晚鄉試下第卷出先生房奇賞之甲辰先生令長興招人牙齋讀書相依十許年迨先生卒吾即印鄉屬代監運使楊公曉東撰先生墓志銘蓋謂與知先生詳也彙已失去同治

辛未哲孫孟丞家蘇州特以見
際因得錄存以識先生梗槩云

內閣學士兼禮部侍郎銜周公神道碑銘

光緒元年六月丙寅朔越二十七日壬辰內閣學士兼禮部侍郎銜周公卒於家明年某月某某朔越某日某某公子恩祐恩祐葬公於某某之兆神道之左禮宜銘以屬峴先是峴舉乙卯科浙江鄉試出公門公奇愛峴敢自外案年譜公諱玉麒字韓城先世居江西豐城明洪武閒遷湖南長沙遂世爲長沙縣人曾祖鳳翔誥贈光祿大夫曾祖妣張氏誥贈一品太夫人祖大甄父銑贈官如曾祖妣羅氏妣王氏

遲文二

十五

贈封如曾祖妣公年二十八縣庠三十四選拔萃生四十舉直隸鄉試道光二十四年孫毓淮榜成進士入翰林歷充

武英殿

國史館

實錄館協修纂修等官咸豐三年夷人闕京師戒嚴設團防局公在局事事辦四年補浙江道監察御史轉京畿道監察御史五年京察一等權戶科掌印給事中三月擢鴻臚寺正卿六月奉旨主浙江鄉試復命擢太常寺正卿十二月奉

旨督浙江學政六年擢內閣學士兼禮部侍郎銜督學政如故八年太夫人疾乞養

俞焉自是歸鄉里不復出矣郡長吏咸重公延主城南求忠嶽麓等書院與弟子籍者數千人同治五六年峴客游湖南謂公公服太夫人喪甫竟竊聞請曰

朝廷待治殷敢問所欲施行以安海內公仰視日舉酒日休矣吾齒衰旅力已劣無補萬分一日夜慙媿而已峴起立負牆曰願師爲曾相公當是時曾文正國藩方剷除劇寇樹節鉞江南號郭汾陽者也七年峴南歸別公語竟日不忍舍烏虜孰知公竟不再見邪十三年五月公疾作尋愈逾年大作乃不起年七十有二公豐頤

遲文二

十六

廣穎美須頤聲清揚遠聞慈惠而厚然守經據古不阿於世居諫垣持大體掌文衡請寄不行所取士如夏侍郎同善孫詹事貽經張祭酒家讓皆經發電擊迅赴功名之塗今年夏侍郎奉

太后旨授

皇帝讀蓋古阿衡任也宅日

皇帝學成比隆唐虞之際夏侍郎功多矣迹公造就於二十年以前以待

國家一日之用猶鐵炭之感陰陽見效可信者也豈不茂哉豈不茂哉公配陳夫人子二恩祐舉人恩祐庠生孫七啟任啟傳皆庠生恩祐出啟倬舉人啟俊啟偲啟

徐啟僕恩祐出女二長適楊象倬次適童光澤公所著
思益堂詩賦四卷述家訓一卷餘散佚銘曰
道咸之間百川沸騰湘水諸忠振厲以興而公儒者尊
然獨舞有加特達遂儕琮璠入侍

承明出馳

使車膏牢羣能或吹而嘘十年樹木百年樹人以人報
君光億千春如何不弔山頽梁壞霜風冽蕭靈旂其邁
平原阡阡公乎藏只君子之澤子孫昌只彼瞻者龜澤
珉刻辭四隩九州政告不欺

直隸州知州高君墓志銘

高君凶問至余失聲而慟作而曰才之爲禍猶刀兵水

墓之二

七

火毒蛇猛獸之殺人噬人與阨阱之擠人於危也雖行
事張襮於當世文章馨逸於百代然而心慄命殞無補
於已往悲哉痛哉君諱心夔字伯足陶堂其號也籍江
西湖口縣曾祖某祖某考某贈中議大夫妣某氏贈太
淑人君岐嶷夙慧讀書好深湛之思年十七舉咸豐辛
亥科鄉試名震動入都鉅公長德爭欲識君而癸丑髮
賊竄江西明年踞湖口虜梟靡不至君方丁中議君憂
起收鄉勇得五百人親訓練誓殺賊久之饑不繼乃以
屬湘鄉曾文正文正大奇君別屬君楚勇五百人使會
諸軍攻撫州鼓而前抵城下築壘一日數戰戰輒先然
而諸軍不相能畫策亦不盡慮必潰敗請急歸再入

都中己未科進士庚申

廷對列二甲銓縣令不赴啟驅楚粵數年最後合肥李
伯相勦捻賊開幕府於德州君預焉賊平以直隸州知
州發江蘇君之至也上官皆刮目視不二年檄知吳縣
事縣赤繁難治君鉅細畢辨尤銳舉水利濬河築圩箸
說數百言言言欵要俗故多淫祀某寺僧倡邪說驚動
人歲斂財無算君曰是猶癩癩也不攻滋大毀像撤寺
逐其僧民大駭少定則竊詫曰勇哉君將毋軼賁育而
高成荆耶滿歲更留凡三年得代光緒庚辰再知吳縣
事或訟某於君君廉某實不肖規懲一而懼百也持之
急左右曰獸窮則觸不患觸乎君曰吾奉法法者鉏醜

墓之二

六

而已觸不觸胡害勿聽然而禍機萌矣當其時上旨疑
某冤越平反君堅據不瞻險觸怒遽引疾退蓋辛巳四
月也鬱鬱驟病十月十四日卒年四十九嗚呼君有經
天下之氣而才足以振之宜陳功便國家與古大臣爭
光顧一官百里前頓卻蹟何也庸兒媿媿雄冠大蓋高
拱而不憂取彼絮此幾直夫什伯之懸千萬耳哉墨子
曰甘井近竭招木近伐信歟所箸詩曰志微錄若干卷
朱觀察之榛爲授梓配某淑人先卒子二蔭廬陰衡女
子子一適倪某仲弟心伯奉君視歸葬於某原君嘗誑
余曰若壽必永於吾宅曰志墓以累若敢不踐諾銘曰

才之豐兮學之多也胡遇之否兮世寧不可要也匪金玉之而鈍鬼之磨也幽壤已掩兮烏猶啞啞也嗟兮嗟兮斯人邁兮將奈何

光祿寺署正周君墓志銘

君周姓啟傳名小臺其字也籍湖南長沙縣曾祖銑祖湘沅贈奉直大夫本生祖玉麒內閣學士兼禮部侍郎銜授光祿大夫父恩結舉人母陳有子三君居次出爲奉直公後亮質疑疑不好弄咸豐戊午光祿公謝浙江學政歸延師課之讀不腐與羣兒比偶有指授領悟冠其曹十三歲應童子試下筆數千言立就補縣學生員嗣是恆優等食餼爲制藝取法先正於所謂時墨體裁

運文二

九

殘如也暇輒編貫串四部書句梳字櫛必牟於古而後已當同治初載大亂漸夷天下延頸望治如嬰兒之望乳君發憤爲經世之學便國濟物與因勢利導之規模瞭然觀火蓋自任非一世士矣使假手操割寧止干鏃之抵鉛鈍耳哉既五試棘園不繼遂專事古今體詩詩嗟峨蕭瑟有秋氣父兄慮非佳讖詔勉之不能易光緒戊寅校官舉優行疾作不果與試己卯四月卒僅二十七歲疾革入資得光祿寺署正娶於楊無子待兄子後焉歸者覲謁光祿公里第君卯兩角戲公側公指謂覲曰吾家千里駒也日月幾何而墓有宿草悲哉銘曰
繫年之韶而才之邁不憚之而柴之而天之隘也荔

雨兮蘿風魂歸來兮太空視貞現兮有光熊熊

潼關同知顧君墓表

君姓顧氏諱澤慶字古生別自號鶴樵先世居紹興府上虞縣明季之亂遷會稽縣曾祖諱飛熊祖諱士英考諱廷綸以明經官湖州府武康縣訓導凡再娶陶氏聞人氏聞人氏是生君祖以下咸以君貴邀

覃恩晉級封朝議大夫妣皆恭人君舉道光壬辰科京兆試屢不得志於禮闈甲辰大挑試令陝西初攝韓城令前令某私謂曰邑有爭產者訟久矣賄於吾吾弗受也足下貧受而直之無害君笑曰若奈何獨爲君子榜於堂曰令誠不自知卽有所汙子孫不昌刻期集爭產

運文二

三

者理折之各大服林文忠方巡撫陝西得治狀稱良吏者再當是時文忠銳求治君謁見相與論當世大政積敝叢壞難可救挽叛夫斂臣榮芽其閒患在無實力在事才往往歎喟竟日攝岐山令將代有老人請見進之扶杖蹶躄須髮皓白再拜曰民羅秀屏居山中絕人事三十年矣有孫歸自縣具道令君愛民如古龔黃願得望見顏色死無憾君曰父老遠來良苦雖然何以教我曰願令君宰它邑長如岐山君曰敬諾尋除延長令改長武令長武壤連涇寧爲北道首驛南服亂大徵兵甘肅羽書錯至故事凡過兵俱張仰給縣官官轉資於民不肖者奸利先期集車馬逾於數守候累旬日役畢計

畝責民視所出以數倍民勿能堪又兵至苛索無赦稍
不滿相率譁於堂故官亦頗病焉君結武人以時報民
無費留兵亦無豪髮擾邑遊民聚黨持短長號五虎而
丁不器爲之魁毫且跋恃刑之不及也數訟求逞君至
五虎匿不出不器以它訟見峻責之曰後勿爾任五年
人和歲豐遇旱禱於神雨輒沛有使者西方來宿涇聞
涇民謹於途曰吾屬得願君餘雨遷咸寧令民走送四
百里外迭酌酒勸有手一壺雜輿人中者不器也叩頭
曰小人有府牘語餘生令君句之令君去小人亡天日
矣因泣下君去數月而有燬署之變或撫之則曰歸我
願青天一切復故及病懲艾則又聚泣曰嗟乎使願君

運文二

主

在吾胡爲至此極矣大吏最於

朝擢潼關同知潼關天險願積承平絕巘遂谷蹶瓜交
午而陳許唐鄧間日告警策防者動日扼十二連城以
閉禁溝然它間道雜出且關外地促陘不利偵候兵行
或倉卒相失恃金陟爲外蔽而右側河漲數徙沙且容
並騎矣故不東守函谷則形勢都失觸地瑕脆與棄關
等其南重嶺複嶂直接熊耳於西雒南於東靈寶盧氏
分隸兩行省非相爲腹背一旦賊闖入急不得搏爲關
中大憂君謀於眾選鄉兵若干人助函谷戍移書陝州
牧約緩急共檄下所屬集紳耆兵練擇要守禦又請於
監司使都司某將百人屯雒南之箭餘嶺以塞歧道關

城故有勇七百人汰其煩劣弱者得三之二而親督練
之期五日一聚差第其勤惰而進退之暇則布列城內
外嚴守邏明斥埃潼關地濱河夏蒸熱不可支而秋冬
多烈風寒悽愴中人君及期必會坐風日中口講手畫
恆移二時許或勸稍休慨然曰此豈可休時哉風疾作
乞退既念荷

國家恩養奈何遽偃息林下稍聞疆奮起仍權潼關同
知當是時東南亂益熾軍資火器皆仰給關輔徵軍轉
饟使者日數輩相望又府藏虛請發濡沔客戍卒經月失
糧君理董之無窘容方冬較射西郭朔風捲地飛沙碭
賊歸而疾復作民所倚候堂皇詢起居以爲憂喜戒毋

運文二

主

以瓌事干公庭臥治三月迄不痊於咸豐十年六月十
六日卒春秋五十有七前配壽宜人生女子子一繼配
朱宜人生丈夫子三長壽楨舉人次家樹次家相道梗
莫歸葬於鄠東北鄉坡頭邨之原君偉軀幹舉止凝重
幼爲中黃泰壹壬遁風角神輪鬼靈之術窮其祕謂不
足當大用專力治經通天人河洛之實義客行半天下
多從材官奇偉遊嘗習射安平一日發五十矢矢中
鵠觀者目眴神眩而問敏自如也會上元營卒張鎧火
邀街市君陰以兵法部勒之奇幻出沒一城皆驚顧深
歎晦未嘗輕爲人言人亦罕知者歸安楊峴曰牧令者
治亂之始也然而牧令多愈亂而不治則何耶夫不學

無術官以爲商利減廉其誦生殃殫徒一評迎聲而
僵眾矛成林不見日光君奇核自喜迅逐不祥彈力竭
精觸犯暑霜孰長齡之弗懷焉埋骨此異方傷哉傷哉
吾表於石直而不誣雖不既其詞可以焯於今與後也

漕運總督朱公墓表

公諱爲弼字右甫某堂其號也姓朱氏上世籍安徽婺源縣遷休寧縣曾祖明儀歲貢生候選內閣中書肇遷浙江桐鄉縣祖英詳邑志孝友傳又遷平湖縣考鴻猷邑庠生舉乾隆庚子

南巡召試三世皆以公貴贈榮祿大夫妣皆贈夫人公舉嘉慶五年庚申科鄉試十年乙丑科成進士以主事

延文二

用籤分兵部充

會典館協修官二十二年授職方司主事二十四年擢員外郎是秋充順天鄉試同考官道光建元授河南道監察御史協理京畿道轉掌道三年擢禮科給事中公屢上書言時事皆落落大者最後某相枋政賕賄萌通諸奴徒威罔忌諱公首劾之舉朝大驚當其時

宣宗飭萬幾病言路泄沓見公諸疏歎賞輒

召對受知自此始四年擢順天府府丞又擢府尹有蝗孽單騎馳視屬官供張備公曰吾爲蝗來若乃蝗我邪是年充文武鄉試監臨官六年

御門左轉府丞派稽察右翼宗學十一年授通政司副

使轉太常寺卿十二年授宗人府府丞逾月

御門授都察院左副都御史充武會試鄉試副考官十三年轉兵部左侍郎派庶吉士散館會試覆試閱卷大臣

殿試讀卷大臣權倉場侍郎尋真授十四年轉漕運總督卻供張如尹順天府時林文忠方撫蘇貽公書比之于清端于清端者康熙世直隸巡撫天下推清官者也當其時漕政積壞交射利縣官射於民運丁射於縣官水陸執事官又射於運丁百慮已之贏不一闕公家之紉煩役留日枯骨不應公爲剔弊速漕議奏行之稱便抵京當路缺冀公公曰吾無長物焉致是會疾作一再

延文二

請闕缺邀

優允寓京養疾二十年二月初六日卒年七十歲二十三年邑人請祀鄉賢祠配張夫人先公卒合葬邑之三官渡子二善旂舉人國子監助教擢主事善驥舉人福建福州府同知孫六之穀福建南靖縣知縣之桂江蘇候補通判之松候選府經歷之榮福建鹽庫大使之榮之楷公遊朱文正阮文達之門著書早已梓者蕉聲館詩文集若干卷未梓者積古圖釋若干卷歸安楊峴表於墓曰烏虜公服官三十餘年迂物而不惰類負氣者願以中外官習積苟不反前人狂走後人亦狂走其或不走是開門而揖難也均之難毋寧辟耳何必授以兵

哉然而公文章德業播於江南北子孫至今戴其榮若
火之炎上遠而益耀詩有之俾昌而熾公可以無憾矣

潘太君阡表銘

愉愉者德賦自茂齡流遠休嘉儀於勃海實相夫子如
輔在車整舊振新以義爲腴而啟其家作善不荒遂樹
二妙頭角牙牙凶饑方臻戾氣產亂眾睽而譁計少挺
之枯心焦肝憂來如麻年命不引一逝黃泉行路咨嗟
有棺未函狐噪鬼嘯懼墮龍蛇汔周廿稔度地協卜戲
妥冥假節彼橫山環之松柏爛爲萬霞乃表吉石敢詰
後來直而匪華

亡室張夫人葬志

選文二

五

夫人歸安張氏諱味蘭字馨卿候選校官景韓公女室
於余四十年逮事舅姑有賢孝聲處娣姒異而和生子
三女二長子恆熙殤長女靜熙叔子能熙同殉同治壬
戌粵賊之難仲子鴻熙被賊俘仲女淑熙適常州汪煦
余試官蘇州輒與夫人俱雖善病治家事井井以余性
剛規余曰世皆襲於嬰猶蒼蠅狎於腐也而錚錚而鏗
鏗奚爲哉既而曰盜歸乎久必禍君老且獨何爭乎一
官嗚呼夫人愛余哉而今已矣夫人生嘉慶戊寅四月
十五日歿光緒壬午十一月二十三日年六十五先是
援例請於

朝得

詰封二品夫人越明年歸葬道場山之庚邨志而告曰
此余所度之阡也有蒼木百族雲蓬蓬然其上高曾妥
焉魂往來繫汝便余愧乎蓬艾之間能幾年逝將從汝
遜九泉寧汝捐

祭候選訓導鄧君文

維年月日謹以清酌庶羞致祭於鄧君伯昭之靈曰烏
虜伯昭死邪伯昭篤行君子天宜永其年爲積善者勸
而竟死邪先是伯昭之友李君宣伯告余曰伯昭自蜀
歸道宜昌舟破墮水死余疑未信既伯昭之子以書赴
宣伯宣伯持示余烏虜伯昭真死矣曩者曾湘鄉公開
幕府於皖客什伯數余獨敬異伯昭伯昭亦雅好余蓋

選文二

五

其視天下無不可馴之人劣如余猶矜之用心之厚如
此而竟死邪癸亥江方伯達川要伯昭入蜀余送登舟
相持泣方伯亦助泣各不知涕洟之何從也而豈死讖
邪余遭亂失子伯昭憂甚勸納婢余曰使小女子後日
稱未亡人何忍伯昭謂余言痛不果勸自是與余書輒
嘖嘖奇余烏虜伯昭死誰奇余者邪湘鄉公客擅古文
文雄而肆存之之文和而粹伯昭之文直而覈余皆有
一日之契毅甫歸耕存之遊豫余去年浮湘湘故伯昭
之鄉里也私計有見面期而竟死邪余不獲與方徐二
君同哭伯昭不知二君聞之又何如悲也宣伯曰賊嘗

犯寶慶富家大戶懼而跳獨伯昭守或謂必死圍解伯昭無恙人服其勇敢料不死於兵而死於水邪有善卜者戒伯昭五十後毋遠出勿聽也果以五十四歲死豈術夫能命人邪宣伯又曰伯昭將束裝夢叔父湘皋先生曰某日不吉趣改筮而猶尙至於死豈數定邪烏虜伯昭死而古文已梓行子五讀書樹頭角未始非天之昌伯昭抑亦篤行之報也余零星撰述百無一存子三皆挂劫設死於湘鬼亦長餒余今日哭伯昭後更誰哭余邪然則伯昭之死猶勝余之生矣魂儻來格尙饗

祭龍神文

維年月日某官某謹以剛鬣柔毛庶羞之奠禱於神曰

遲之二

毛

某奉長官檄轉粟於

天倉涉重洋三千里蜃變嘯駭敗舟漂粟歲不知幾豈數之丁神弗能救歟夫神列在祀典天子之所秩也是宜貴神媚神奚於神誹儻神之靈受其祀疾效其事劉劉腥醜波濤不鳴千櫓萬楫族於津沽罔有橫失神之恩弗敢忘其猶是無應乎禱奪夷而申奏以險則神之羞也神必不然尙饗

與友論文書

文以氣爲主唐韓愈氏曰氣盛則言之長短與聲之高下者皆宜夫吹毛於空愈吹則毛愈上氣爲之也氣不足則山川且崩塌何有於毛足下之文至工所少者氣

耳六經子史諸書皆助氣者也俛而讀仰而思始若距焉終若迎焉有一節之不迎猶味乎其無適也積而又久儼乎與古人爲一然後目與心應心與手應手與氣應注於紙滔滔汨汨而莫知其朕也技止矣無以加矣雖然猶有間夫行萬里者不計程至九千里而縮焉與不行奚異健行不息是在足下

再與友論文書

足下謂自有桐城而文之法備誠然桐城豈自爲法哉夫桐城之法卽唐宋八家之法亦卽上古三代秦漢三國六朝自有文以來之法古人之文渾樸深厚法不易見至唐宋而遞狹至桐城而淺而法乃大明必謂法自桐城始然則六經子史之文皆無法矣且夫法猶規矩也規矩者可以爲方可以爲圓可以爲不方不圓者也故曰文成法立使執桐城之法以御天下之人之文是率天下而趨於淺也是東古書而不必讀也文雖工猶憎其舍難而圖易而況未必工乎筦子曰千里之路不可扶以繩足下其熟味之

與友論詩書

自隨園派出不學之徒爭以詩鳴誠如足下之言不獨足下醜之不佞亦醜之然僅以一二不可識之字不可解之句矜爲奇拗則亦非也夫古人奇字奇句皆讀破古書自然流露非勉強爲之也勉強爲之與世之敷衍

面趨利機者有以異乎無以異也夫泰山出雲不崇朝而雨天下有登泰山者囊雲而歸鍵戶塞竇解囊放雲雲逢逢滿室囊罄雲亦滅矣此無它非其本有也不佞十餘齡卽喜爲詩隨作隨輟求似隨園而不可得而況上於隨園者乎繼自今非周秦兩漢之書不讀讀之又久或汨汨乎其來少陵所謂下筆如有神竊所欣願足下儻有以益不佞質告母隱

論天津夷事上湘鄉相公書

朝廷以夷事畀相侯蓋厚有賴於相侯也旋乾轉坤在此一舉脫有不佞相侯當密陳之今者崇侍郎使西洋峴閭陋不知是何意義通好乎何不先不後適際圻教

廷文二

三

堂時也認咎乎堂堂中國反自下於犬羊之邦何以御它夷方其時夷不攻崇侍郎則民不閱民不閱則教堂不圻曲在夷直在我又奚咎焉順夷情乎設夷舍崇侍郎而必尊於侍郎者許之邪否邪夫使

朝廷詔相侯往相侯必銳自任然而南宋之辱於金相較不遠可乎不可相侯秉國之鈞自有以處此且夫夷攝相侯動名舊矣又習見天津之民之悍不敢遽嘗試徒張虛聲爲售欺地而我顛到蒙其欺殺人以媚之猶之乎爲秦相烹秦曾不出薪者也相侯遵

朝廷旨旣出省矣距天津數十里外駐兵遣一二道府員諭夷不應生事自取禍夷有求可則可不可則訶曰

相侯統大兵將逐若母攫怒夷餒徐拘一二禍首懲以法示中國不左袒如是結案速而和局亦不遂菲必效郭汾陽免胄見回鶻恐不似回鶻易馴一旦決裂替威而辱國貽天下後世笑何取乎爾邪夫虎豹在山譚者色變喪喪城市則狎而玩之矣

朝廷厚有賴於相侯願相侯察焉

廷文二

三

遲鴻軒文補遺

歸安楊 峴庸齋

王烈婦傳

烈婦善化蔣世芳女適大興王祖慶之子兆熊所生皆
殤兆熊體孱多病烈婦憂曰脫有故柰何寧從夫子地
下乎光緒丙戌兆熊驟咯血醫不效則焚香願天剖臂
肉和藥進卒不效旋死先是烈婦已絕食大委頓然猶
治斂具如禮明日視之死矣年二十有五

論曰婦人之事夫與臣之事君一也大變當前臣不能
以死酬其君反覆迷惑苟免俄頃至萬不獲已而仍以
死無益於名聲無濟於綱常辟諸輕重幾直夫泰山之

遲文補

縣鴻毛焉邪烈婦毅然遠死即當日勉彊使不死而其
心以為不死有甚於死而計更無逾於死烏虜可以愧
天下男子矣

孫君墓志銘

君姓孫氏諱志熊字誦芬翰卿其號也歸安學增生居
菱湖鎮曾祖嵩高祖德增父鼎元本生父錫恩世有隱
德君生而穎異五歲入塾受書目數行下十一歲畢十
三經祖母沈愛之夜輒篝燈依祖母讀止勿讀不聽往
往至達旦遂旁通天算壬道諸學十三歲時本生父今
稱蓮士先生者也謂菱湖歷唐宋至今千餘年無志書
思輯一編垂永久而未遑也君從容日以付兒可乎先

生笑揮曰此豈童子事耶君不敢爭然自是勤搜羣籍

博訪故事孜孜不勌積十年成書四十四卷同郡俞先

生樾陸先生心源今之魁碩也皆詫為不刊之作趣付

梓其精審可知矣三應鄉舉薦而不售遽卒蓋光緒十

八年七月八日也年甫二十有五無子一女幼未字所

著書尚有經義纂要知新錄算學入門陶詩箋注誦清

芬館雜纂清芬館叢詩杏花春雨盦詩孫氏詩錄續錄

菱湖紀事詩集續集等十餘種計其有生之年大氏手

未嘗釋卷也余奔走四方國有賢者而不知余不既昏

眊耳哉將葬始志其墓系以銘曰

烏虜孫君奚學之邁而命之肥也若蒿火一怒而無繼

遲文補

也不稍引之而遂之而天之戾也文章之氣鬱而見祥

赤者虹白者霓也霓字用古韻

拙稟詩文棄既梓殿門無事仍以筆墨自娛又積得如
千首女婿汪符生請續梓遂約略刪潤授之夫詩文者
讀書之末技也然而非千氣萬力深入闢奧不可以鳴
作家同輩中詩如鄭子尹之宏肆莫子偲之蒼老高陶
堂之研練文如徐懿甫之峻潔方存之之整暇施均甫
之爽健余皆畏避之不遑無他博壹不博壹之判也敢
與角高下哉顧老而無成是區區者譬猶豹皮豹且死
姑留皮焉耳矣光緒癸巳春二月蘋翁記

遲詩續序

遲鴻軒詩續目錄

五言古詩

李烈婦

孝至情真圖

七言古詩

吳倉石索玉蘭花爲供

潘麟生得劍圖

萬澗民鶴澗詩龕圖

吳倉石得吳侃叔詩卷

吳倉石畫梅花歌

吳倉石蕪園圖短歌四首

遲詩續目錄

苦寒四首

言律詩

大風雨

鄭仰山踏雪尋梅圖

峴山訪古四首

天津三烈婦三首

端午懷人二首

感事二首

施均甫爲余猶子謀官詩以謝之

金孝女傳題後

貝康侯遺像二首

哭施紫明十韵

哭施均甫十四韵

顧茶邨三友圖

滄浪亭小集

送姚少讀還湖州

寄懷吳倉石上海

費曼書半圃圖

侯緯辰胥江走雨圖

題沈公周詩稟後

汪寶齋洗碑圖

吳憲齋中丞遊匡廬圖

選詩續目錄

吳中丞海上三神山圖二首

吳中丞先德慎龕先生遺像二首

王寅侯殉難事略題後

繆文貞會試朱卷題後

吳倉石五十壽詩四首

題吳倉石歸田圖

七言律詩

題劉泖生遺札

傅星查灌園圖

喜劉石香枉過

七言絕句

吳倉石行看子二首

吳倉石畫筍小幀

漫興

任伯年贈鍾馗像二首

吳倉石畫鍾馗像

題鍾馗像二首

吳倉石畫荷花二首

翁鐵梅詒硯圖二首

戈順卿翠薇花館遺照二首

選詩續目錄

三

遲鴻軒詩續目錄

遲鴻軒詩續

歸安楊 峴庸齋

五言古詩

李烈婦昭文錢寶汾筵室生子宗泰而寡咸豐庚申粵賊陷城依大婦避五渠舟中明年九月賊踵至投水死

哀哉庚辛問天地苦爭戰江南賊所讎延緣及鄉縣琴川川上草血灑染成茜錢家有烈婦厥維李氏媛十六抱衾稠嫡室相婉變夫死不得從為留兒一綫妖奴闖然來抱兒手長顛汎舟中魂五渠寒輾轉寧甘逐文魚宵遽喂乳贊獲身投清流驚窺激如電淺藻纏衣裾深泥觸環瑱日影照不透水氣忽四濺珠遽沈大秦玉遂碎于闐幽陰發神光必妃引手牽至今此水上雲護動成片

孝至情真圖

凌野杉 廷棟 為妻閔氏作也

女生既有母女生亦有夫嗟哉母與夫一心兩區區母老病在牀女淚千行珠念此身上肉寧遽參苓殊封肉持作齋母病如破驢自從女嫁夫夫命在須臾甘先赴黃泉焚香向天嘖嘖天天頷之女死夫病遁皎潔明月光照見孤墳孤黃金以為棺白玉以為軀雜樹植兩旁楸檟松柏梧墳前三尺碑大書爛丹朱大書云云何凌

婦閔大家

七言古詩

吳倉石索玉蘭花為供戲媵以詩

玉蘭花開春已深春風吹來香滿林故人折花花欲笑笑君詩賜借花鈞年年逢花準賦詩一詩酬君花一枝千枝萬枝花爛漫為嬰君詩花不斷玉蘭玉蘭汝奈何花多祇愁詩更多

潘麟生 鍾瑞 遍按虎阜石刻有麟翁得劍字喜其

與己號符也繪得劍圖徵詩

麟翁索題得劍圖詩賜久澀愁欲逋虎阜劍氣已銷歇問翁得劍真有無翁云披阜觀詩碣詩詠得劍良非誣

細審字裏露麟翁麟翁安知不即吾今人古人二而一

刻舟求劍君大愚吾有新詩索君和君請但放詩膽麤聞翁之言笑而唯握管欲寫仍囁嚅翁豪於詩樹大幟

譬孫仲謀雄湍須喜時滿堂靜風雨怒時百道喧罷龜森森戈戟數於萬回視一劍徒區區況傳劍止一人敵

寶者毋乃非丈夫麟翁喟然起長吁方今何處有坦塗授人嘗懼劍柄倒三尺在腰聊自娛夜來天狗鳴烏鳥

似將下舐人血枯苔曹能有幾斗血寧敢出手援一桴與君同傾酒百觚醉看白虹纏座隅

萬澗民 鶴澗詩龕圖

西湖九谿十八澗鶴澗其一也

鶴澗民君自號不知是孤山處士之東鄰與西鄰但見出入九谿十八澗性情和易醕酒醕有時手書一卷坐在盤陀石上讀讀聲高對山嶙峋足亦不韞頭亦不巾不問陶朱富不管范叔貧不學欽鴟銜鳳皇不羨烏犢冒麒麟獨往獨來獨兀兀旁人不識指謂西天老胡古仙人鶴澗民笑言大錯誤仙人豈官凡人親憶從墮地便嗜詩起吟到睡夜到晨唐時詩人李太白自稱酒中仙又稱天帝之外臣或者詩氣帶仙氣故能吐星虹之光怪吸煙雲之輪困雖不真个仙毋乃仙人之等倫遂結詩龕召詩侶好似諸侯歃血敦槃陳除詩而外不挂頰一任掉闔摧儀秦鶴澗水清且淪風雨所赦無灰塵混

遲詩續

三

沌七竅耳竅塞芻水洗過仍不仁不聞誰恩誰有怨不聞誰甘誰苦辛以澗當雷池稍踰半步即病呻天地鬼神頗憐之偶弄奇怪不怒嗔容得鶴澗民揮灑萬篇不住手鈔詩不怕十指破一日不作詩披裘帶索還拾薪方今太平一事無寇賊不起吠犬馴鶴澗民出入九谿十八澗無憂無慮無適迤養成顏色如桃花飽喫松柏棗栗榛長嘯白雲飛快活千千春

吳倉石得吳侃叔送張文漁之吳門為阮文達影摹宋拓鐘鼎款識詩一紙裝成長卷索題

吳君侃叔精考古贈張文漁詩甚奇恣探吉金到星海詩皆討論六百餘言何淋漓侃叔仙去數十載老鐵石吉金文字

苦鐵何處按得之索我長歌綴卷尾淫思十日霜上髭我夙信石不信金謂金往往疑傳疑昔者諸公熊魚兼一器初出鑽九龜文字誇詭不盡識有如鮫龍纏躩踞檀打紙拓紛聚訟十指較塚雙目眇百真豈乏一二贗康瓠寶鼎誰則皆犧尊獻尊二而一婆娑鳳羽工弄姿儀尊即周禮司尊彝之獻尊鄭志張逸問曰犧讀如沙沙鳳皇也不解鳳皇何以為沙答曰刻畫鳳皇之象其形姿婆娑然或有作獻認犧為牛已騰笑阮謹以為牛形字者齊人之聲誤耳認犧為牛已騰笑王肅以為牛形也皆非矧稽於古木所為周莊周與漢淮南兩人異代同一詞莊子天地篇百年之木破為犧尊准亦鼎屬竅其足周禮明明陶人尸考工記陶人為鬲實或作甌厲字从瓦說文鬲或作甌从金之盪迷誤滋廣韻集韻有盪

遲詩續

四

後出字證以字義實陶器鄭人買朴我不師康成釋壘主瓦壘周禮壘人鄭注大壘瓦壘叔重異義依毛詩說文作櫛本木質刻畫龜目毛彤彤上文蕭回下雲云人君加飾黃金詩洞釋文引韓詩說天子以玉飾諸侯大夫皆以黃金飾士以梓土不言飾者士無飾也許慎五經異義謂天子以玉經無明文疑卷耳毛傳人君黃金壘人君統天子諸侯大夫言又案卷耳正義引異義毛詩說金飾龜目蓋刻為雲雷之象後人祇道一例金大巫還招以其名壘取於雲雷故也小巫欺又聞七十有二代書契殊體絲易逐說文叙五世改易殊體封于泰山者窺輒趨趨各逞臆亡羊爭逐歧路歧老夫老矣舊學荒為人拭涕寧非癡翁錢竹孫如黃松久不作大雅霏落如風吹摩挲此卷三太息腹無墨汁跪涕洟敢拔趙幟樹漢幟有舌不捫馴莫追

螭函紅日射几案且判一醉千留犁

吳倉石畫梅花歌

老缶畫梅不作梅花看百千鬱氣生古寒忽然狂叫起
攘臂飛沙走石摧驚湍魑魅走避不敢出怕一觸之性
命殫世上絕技乃有此公孫劍器宜僚九日昨示我一
巨幀速祿颯拉冰雪攢濃陰滿天日又暮長風倒吹雲
漫漫自言將畫未畫時執筆睨紙愁不寬精神飛越千
尺壁欲下不下焦心肝得勢只一掃生趣來無端奇奇
怪怪多不中常格造化小兒嘍汎瀾尔乎爾得非醉邊
答詔李太白酒膽詩膽揉一團又得非草書懷素弄狡
獠一筆旋繞龍螭蟠老夫舌橋不能下對之廢食再三

選詩續

五

歎我家粉牆白勝銀四面平帖無嶮岨幾時爾將聖牆
帚爲我面面肆塗墁缶乎來不來祝爾兩照生羽翰生
羽翰隨彩鸞同上羅浮四百三十二峰頂爛煮梅花當
飯餐

蕪園圖短歌四首

郭吳邨南邨煙稀自從亂後生機微十家土牆九家倒
狐狸嘯寒狼叫饑抱缶行吟誰氏子布帽遮頭髮過耳
仰天四顧雲茫茫大風摧山白日死
有蕪者園缶所居藉秫縛牆葺蓋廬種梅百本竹千个
但有隙地還種蔬江湖莽蕩催人老昨日之日迹如掃
長蛟舞波魚跳壑拔劍出門亦草草

八荒四海人一个布裘無温短又被長安貴人高在天
懷刺三年不救餓山中黃精雪壓壞杜甫長鏡壁上挂
少時豪氣今漸摧咄咄書空真大怪
缶翁缶翁胡不歸安吉城外魚鰕肥潺湲之水釀作酒
快意一醉誰是非低頭胯下吁可恥淮陰不是奇男子
要拉天地入蓬廬突兀狂歌吾與爾

苦寒四章章六句

光緒壬辰十一月天大寒且甚久日有凍死人

楊子憫之

子月廿六風雪鬻寒氣中肌如快刀銅盆種火燄不高
天上溼雲作陣起萬里一黑龍虎死老夫伸手凍折指

選詩續

六

廿七廿八風更烈多年大樹吹欲折老鴉畏寒噓出血
到處關門市不陳家家戶戶無菜薪但見路上凍死人
廿九以後寒勢長大河冰結數尺強許墅關前斷舟航
大官擁裘堂上坐衙吏方爲快雪賀嗚呼俾民獨凍餓
丑月已臨未涉半太陽一逗天下且街頭行人忽長歎
往年之寒寒較鬆今年之寒稀罕逢安得有春長無冬

五言律詩

大風雨

大風忽然起驟雨一齊傾屋漏牀牀溼窗搖格格鳴
坤愁一槩日月失雙行到夜何曾住魚龍沸上城

鄭仰山尊仁踏雪尋梅圖

尋梅無遠近高興似君希凍雪壓滿樹朔風吹上衣連
山一望白倚水數株肥暮色杳無際還憐孤鶴飛

道光戊戌冬雪後借曹煙波先兄抱山岷山訪古
各得數律稿久佚僅記打頭黃葉脆過耳朔風尖
一聯追憶及之補成四首

雪光聚冬嶺閃閃潔於盪高磴雲千折平湖水一盪打
頭黃葉脆過耳朔風尖逸老不可作堂基枯白鼓山上有逸

老堂今為寺

太守風流地猶存石酒尊顏魯公守湖州嘗登山鷹客有石酒尊聯句即今窪尊亭

我來不怕冷醉裏忽回温覘食飢鷹嘯馴人瘦鶴蹲落

閒疑有字子細與君捫

七

山半明霞墓前明石蒲齋侍兒香魂何處尋踟將松下雪不見

瑤華簪草沒年年路風孤夜夜心何人薦清酒來聽野

泉音

坡老曾遊處前邨水一灣山下蘇灣有蘇公祠水清照見底倒影

含羣山山下逢樵子能歌菩薩蠻還將三尺笛吹響破

煙鬢

天津三烈婦三首

王兆霖妻金氏夫病割股肉進獲愈又病又割

股不效絕粒殉年三十歲同治四年二月十日

事

寧惜股上肉為君一再剖生原比翼鳥死亦經天竟明

月忽已缺孤鷺何處棲貞心甘絕粒地下作香泥

金慶蘭妻周氏夫亡姑在不忍遠割舍姑亡絕

粒殉年四十一歲同治七年正月二十六日事

慘澹閨中月照人角枕孤甘心代夫婿忍淚伴慈姑豈

以倉空雀而忘頭白烏鬻湯今已矣揮手謝羅敷

王恩徽妻金氏隨夫旅遊夫亡扶匱歸里絕粒

殉年二十八歲同治十年四月十八日事

客裏蕭條日堪憐到處家夫為寄生草妾是斷腸花破

鏡沈青海仙棺妥絳霞懊惱心事畢一死任龍蛇

端午懷人二首

久雨陰氣重能生五月涼老夫苦渴睡佳節負端陽天

下正多事飢民紛告荒時江北飢民于餘爭入城求振城門晝閉憂心已如

醉不待薦蒲觴

不見凌病吳苦面相思梳子黃可憐今日酒誰共故人

嘗賣賦千金賤憂時一劍長何當重攜手高詠慰參商

感事二首

見說湘南北中郎遺發耶溪宵無限鬼痛哭不成秋鐵

路徑萬里金錢輦九州江湖多盜賊搔首使人愁

已類挾狂走真成與盜謀

朝廷疑失計天下不知愁豈乏臺中狗而輸閣道牛請

看左藏庫可似水長流

施均甫補華為余猶子魏遠謀官詩以謝之

為余猶子魏遠謀官詩以謝之

夫君如明月挂在徂徠峰青天一萬里晃漾金夫容繞
樹憐客羽潛波驚嬾龍餘光到小草沾灑露華重

秀水金孝女傳題後

孝女早喪母事父芝山盡禮撫幼弟至於成人
女齒亦稍稍長有問名者辭曰願終身在父左
右安用嫁光緒元年七月卒已易簀復四顧曰
兒乃舍父去目不瞑矣

曹娥千載後孝女說金家分果解飼弟循陔工媚耶忘
憂卽萱草短命是桃花一死不可作墳前烏啞啞

題貝康侯遺像二首

年命不如草青青能幾時憶曾竹林下常共酒杯持風

遲詩續

九

冷鄭公里霜摧陶台籬無端展遺像回首使人悲

海上千颿動當年轉漕初同舟話風雨鼓浪狎龍魚白
髮生涯盡青雲往事虛祇從殘篋裏悽愴讀遺書

哭施紫明

裕升

十韻

君赴庚寅科禮部試卒於京寓無子賢配寄母
家無所歸悲可知矣

通家猶爾在多病使人憐顏瓢詎終日潘鬢似秋天一
上長安道遂拋穎上田長卿非久賤郭隗或稱賢始謂
題金牘誰知掩玉泉九歌空叫月萬化已成煙紅顏無
寄所黃口尙虛懸算年未四十思鄉隔幾千盼斷山陽
馬嘯燕蜀中鵲老夫老無淚愁絕一潸然

哭施均甫十四韻

君舉於鄉再上公車不第卽隨左文襄西出關
逐寇萬餘里立功官山東候補道甫引覲遽卒
生平喜揮霍卒後不名一錢

締交逾卅載益宗無十年聞君奮鵬翮投筆買龍泉遂
逐關山月橫行沙漠天草檄飛赤羽射賊御黃肩志略
班定遠抗慨馬文淵論功獲上爵試手著先鞭方欣冠
獬豸再進珥貂蟬如何泰山雨遽化齊州煙一命墮秋
葉孤魂逝夜川書來從哭位琴在己空絃遙想蟬編散
遺愁雀網懸風流當代盡兒子幾人賢本乏成都宅應
虛陽羨田我衰枉搔首況隔路三千

遲詩續

十

顧茶邨三友圖

野服人三个清譚酒一尊閒心流水遠道氣春風温草
色碧無際山光青到門偶逢賣藥者相與鬪松根

滄浪亭小集

水色碧於草草香水亦香東風振高柳小雨點斜廊吳
地此亭古諸公譚劍長祇愁吾己老容得幾回狂

送姚少讀

丙吉

還湖州

送爾茗上去春風楊柳疏休辭今日酒應勝明朝書白
髮驚人老黃金入手虛祇憑安穩在高枕且蓬廬

寄懷吳倉石上海

故人不可見但見天際樓昔昔夢爲鳥飛君樓上頭遙

情折楊柳狂態彈吳鉤等有索居歎非關風雨愁

賈曼書 邦翰 半圃圖

策杖道德里憑君指舊蹊小樓殘劫後 君讀書樓遭亂重建 半圃

相公題 得阮文達書半 晴日烘四面菜花馨一犁意行

入深處渾不解東西

侯緯辰 奉森 胥江走雨圖

君自爲文記賊破蘇常時跳走辛苦狀

生死向前去胥江風雨中壞雲壓頭黑尸血濺衣紅天

地一賊窟鄉關萬鬼雄猶餘殘喘在請看畫圖工

題沈公周 瑾 詩彙後

虞陽逢瘦沈今之杜浣花交余詩是介輪爾古爲家爽

遲詩補

氣洗山綠奇懷獵天葩篋中富新製讀罷癢同爬

汪寶齋 穀 洗碑圖

寶齋尊人秀民先生遊武昌寒谿寺得古碑題

明孝子丁鶴年之墓檢明史本傳回回人家世

仕元事母孝元亡隱於浮屠氏永樂中卒雖入

明猶元之忠臣也寓書其友改題元忠臣孝子

丁鶴年之墓是年秋闈夢丁來謝遂捷載科名

顯報錄

野外此孤冢積碑埋艾蒿是誰按古蹟憑仗薦谿毛忠

孝千年案春秋一字衰縱無科第報公論官辭勞

吳憲齋中丞 大澂 遊匡廬圖

畫手王摩詰能爲山寫真九江匯煙水五老 名峰 變昏晨
天入羣峰黑坡迴萬石皺祇疑最深處不少古仙人

吳憲齋中丞海上三神山圖二首

中丞自序曰前人說三神山皆非也光緒丙戌

奉使海外定中俄交互地界刻銅柱紀績歸經

朝鮮之東遙見三山離立高插雲際山上古樹

數本紅翠如染波濤洶湧輪舶不能近殆真神

山矣

使者下三韓威棱懾可汗輪舟千里駛銅柱萬年刊日

盪天容赤龍掀海氣寒歸來付圖畫乘輿掃霜紱

秦皇與漢武枉覩三神山海上此突兀真仙時往還濤

遲詩補

翻石色古霜點樹痕斑不是赤松子尋常寧許攀

吳中丞先德慎齋先生遺像二首

先生所居即 國初金貞孝春草閒房舊址貞

孝手植梅花尙存題像者皆當年老輩

回首雙林巷柴門掩夕陽老梅無醜葉春草有閒房譚

藝清畫短貽謀流水長先生不可見何處熱心香

嘉道諸名輩題詩墨尙濕四方正無事三徑茶壺蹤華

表不歸鶴函闕誰更龍叨曾展遺像虛擬執鞭從

王寅侯先生 佩宗 殉難事略題後

道咸多事日蛇豕劇紛紛碧血幾人灑黃巾不可聞乾

坤此正氣風雨冷孤墳細讀昭忠傳如公迴出羣

萬麻四十一年繆文貞會試朱卷題後

萬麻登科日三場朱卷俱文章猶手澤忠義此頭顱詔
獄人心死東林道脈孤焚香細細讀涼月下庭隅

吳倉石五十壽詩四首

五十等閒過憐君頭欲皓一官強趨走萬事莽銷磨天

上日月速江南山水多閒筵藉芳草醉後且狂歌

畫好一雪个書工雙陽冰低頭吾欲拜下筆爾真能天

地此瀟洒風塵拚愛憎抱關仕亦隱記得古人曾

夙昔耽佳句新詩手自編新編詩四卷成高瞻浪風雨野氣

狎山川久與老夫別能交天下賢申江讀書處車馬日

紛然

遲詩續

三

不識升吉里君客申都緣介壽來嚴家德星聚杜甫草

堂開招手鸞鳳入豪譚龍虎推慙余衰病久亦學賦臺

萊

題吳倉石歸田圖

一官方上考何事賦歸田淵明識此意種秫南山邊閒

吟白日速飢看青天圓我欲從君去買鄰愁乏錢

七言律詩

為潘麟生題劉泖生遺札

庚辰劉泖生權嘉定縣因命案出入疑不敢決

忌者持之急遂自刺死辛巳高陶堂權吳縣訪

禽巨猾語抵長官觸怒憂懼死皆余三十餘年

舊雨也適點檢陶堂遺札故竝及之

前年纔哭劉賓客去年又丁高達夫奇事浪傳伏劍死
憂心生怕竊鉤誅世間不少歧尾蝎盆底苦無三足鳥
書札斬新忍重讀起聽檐雨聲聲巖

傅星查灌園圖

灌園交交自今七十一生比老夫遲二春園已償逋虛

入畫交雖寄食恥言貧天邊野鶴祇自惜海上閒漚總

欠馴司馬尤官成底事東坡枉歎積千薪

喜劉石香繼增枉過

城南地僻經過少獨自扶筇數舊苔一飯曠曾邀客共

雙扉端只為君開青春滿眼崢嶸去白髮無情故故催

遲詩續

四

官與老夫暫清話還拌攜手上蘇臺

七言絕句

吳倉石行看子二首

脫衣箕坐搖大扇第一人閒追暑方卻怪少陵不解事

簿書堆裏去追涼少陵苦熱詩東帶發狂欲

老櫻一株高出羣巖根大葉蒼然筋老夫擬共樹底坐

閒看天邊飛熱雲

為沈公周題吳倉石畫筍小幘

吳君畫筍不畫似紙上居然春筍香老夫齒墮喫不得

亦覺饒涎一尺長

漫興

孟起攤書消白日午餘高枕到黃昏在來斷絕新舊雨
疏懶科中擢狀元

任伯年 願 贈鍾馗像戲題二首

天寶當年鍾進士以鬼爲糧不等閒祇嫌紗帽遮卻眼
跳走漁陽阿莽山

伯年今之吳道子能貌鍾馗骨相殊緣何吉莫鞞偏破
疑遺終南捷徑趨

吳倉石畫鍾馗像

倉公畫筆出遊戲不與人看祇自珍醜狀何曾鍾進士
武梁祠裏古賢人

題鍾馗像二首

遲詩續

五

唐三白載詩取士各擅生花筆一枝要奪鍾馗紗帽戴

秋墳鬼亦苦吟詩

當年舉子多於鯽黑白原來太不分醉態如馗亦進士
文章何處哭劉蕡

吳倉石畫荷花二首

倉公作畫一身膽筆所到處天無功畫遍荷花三百紙
紙上加鳴萬竅風

荷花晶如瑪瑙盃荷葉張如墨玉盤必妃夜遊騎大鯉
漠漠江天煙水寬

翁鐵梅 長森 詒硯圖二首

尊甫叔子先生得端硯蓋下巖絕品也遭亂失

之亂定復得於荒肆鐫記於背以示子孫鐵梅
拓硯爲圖徵詩

誰割青天雲一片無端飛去復飛還傳家卽是連城壁
冷笑襄陽寶硯山

鐵老攜圖索題句珍如三代之尊罍圖中半尺端谿石
曾歷紅羊小劫來

沈公周索題戈順卿先生翠薇花館遺照二首

戈君已跨黃鶴去賸有填詞一幅圖 先生以 零落翠薇
花滿地生憐花底月模黏

沈郎得畫如得寶索我題詩在上頭無奈老夫詩興減
嬾似田家水牯牛

遲詩續

六

遲鴻軒詩續

余非能文者也文不中度與詩等何必示人然嘗譬之
人面不同有美亦有醜美者招搖而過市豈醜者不許
一窺客乎夫世不皆西施也則媒母亦猶人耳猶人即
不妨大步出矣年來勉晉接閒暇無事時操筆爲文以
遣永日不能工并不求工積既多姑選存十之二三付
剞劂氏不敢冀西施以美傳也儻如媒母以醜傳庶幾
可哉光緒癸巳夏四月藟翁自記

遲文續序

遲鴻軒文續目錄

五經彙解序

左氏傳歷譜序

玉鑑堂詩序

元祐黨人傳序

應求集序

金鐘山房詩文序

古紅梅閣外集序

詩本音輯補序

奚疑別傳

張鑑傳

遲文續目錄

高銓傳

許君傳

潘周尊傳

倪印元傳

張先生傳

韓潮傳

徐溥沈錫彤傳

宣重光傳

石渠吳峯傳

沈鳳飛傳

朱步沆傳

汪士驥錢松李念孫傳

范禾傳

僧量雲達受傳

胡培系傳

紫葭翁傳

書大女靜熙

書祝大姑

山東候補道施君墓志銘

愍泉記

寄滬巢記

釋高

遲文續目錄

保定元年造像跋

誠尊跋

季度銘跋

篆書論語跋

與徐潤生書

謝周韓臣師書

嚙言

遲鴻軒文續目錄

遲鴻軒文續

歸安楊 峴庸齋

五經彙解序

五經彙解奚以刻也蓋抉經心室主人羣經彙解之先馬焉耳羣經浩繁鳩刻不易則姑五之夫

皇朝以五經試士五之是矣顧五經之解詳於唐人正義奚取於彙解也昔者孔冲遠于仲謐為正義始於貞觀之十二年而成於永徽之四年非出於一人一手無論其踏駁與否甚或襲古人之說為己說而掩其姓氏夫襲古人之說為己說而掩其姓氏則古說湮矣夫解經必衷古說而後明猶子孫述高曾之事必於其祖若

遲文續

一嘉業堂校刊

父也而湮焉則正義有功於經而過亦相等雖然周秦兩漢古書非盡亡佚所賴好古之士擇其說以誣正義之違異以還古說之真面目厥責良鉅道光間儀徵阮文達有經解之刻又數十年而茲刻始出視阮經解且倍如鬱人貢百草之華十葉為貫百二十貫為築鸞之焦中而芬芳四達也夫古人之說之微見於周秦兩漢諸子百家之書不必說經而一引申輒與經誼印契而罔開閉門造車出而合轍亦猶爾矣且夫自國初以泊於茲好古之士類能諍正義之違異而還古說之真面目而不覺疊鼎架屋者由於讀諸子百家之書而善於引申者也愈引申而愈無窮千百喙如一喙

而一喙可以息千百喙者也儻有人焉於五經之外挈羣經而俱刻以觀後之人使經義大明無殊祖若父之於高曾也豈非盛事哉豈非快事哉

左氏傳麻譜序

峴少時從眉卿臧先生游先生方簪左氏古誼詔作中朔表補古誼之未備且曰杜預長麻取經傳日月比而求之隨意置閏謬妄不勝言漢書麻志劉歆作三統麻及譜以說春秋歆好左氏是三統為左氏說宜據之觀唯唯表成先生歸道山古誼弟七易稿夫己氏攬去僅存不全之初稿刻入海喜齋叢書粵寇之亂峴表亦付劫火今年劉君良甫郵示大管左氏麻譜推經傳干支

遲文續

二

及二十四氣大氏與峴同惟峴於干支之不合者必詳細考證如古誼載定公十五年九月辛巳葬定姒一條即采自表中則大同而小異者也夫推步之法日密一日據後校前往往縣絕斷足以適屢屢未適而足不已傷邪夫三統之法本之太初班固稱其必密要左氏家有三統猶射之有鵠也唐一行大衍議謂春秋周齊魯事多與周麻合宋魯事多與殷麻魯麻合然而古法亡佚寧信三統以求其合於什一不必治絲而棼之也夫子孫溯高曾之遺聞必於且祖父為祖父與高曾近也良甫蓋深有會矣

玉鑑堂詩序

詩二卷烏程汪謝城先生答先生博學多聞尤精疇人術交不佞四十許年每共飲小醉譚經史得失或忘昏睡而未嘗譚詩蓋至是始獲讀之夫詩所以寫性情悅光景者也人人有詩而類未必工何歟大氏求詩於習見之詩掉弄風雲月露等字千萬首如一首工於何有杜少陵曰讀書破萬卷下筆如有神詩之千變萬化書助之也謂詩有別腸者爲不讀書人護短而曾不覺其非而以自鳴豈不謬哉先生不輕作詩閒作詩卷軸之氣爛於紙上視習見之詩相懸寧以道里計邪夫溝渠之水無態大河混混流而不息遭山嶺曲折而回旋而激觸而態呈焉亦若是耳矣憶同治己巳冬訪先生於

運文續

三

會稽學署先生舉酒曰吾依歷代推步法爲二十二史朔閏考過大半它日書成序當屬子今先生已宿草此稿度蚤脫手儻并詩同梓不佞雖衰眊不敢負舊諾也

元祐黨人傳序

元祐黨人傳十卷余友陸存齋觀管著黨碑凡三百九人宋史有傳者不及百人餘或增見而事迹不詳且舛譌焉又或漏不略及皆遍搜羣籍參伍考證必允必備可謂勩矣存齋甫四十卽棄官賦歸去來閉門著書先後付梓不下百數十種充其量寧止等身已邪方蔡京用事時以一黨字盡錮司馬諸賢其計甚巧夫人主深居九重與外廷隔絕惟恐天下欺己羣天下之人而有

黨豈非大恨然而黨奚負於國家而人主仇視焉何哉夫天生君子亦生小人小人趨利而避害其利也陰陽百試攘歸於一人而不令人之據之其害也雖蔡攸之於其父有相軋而無相袒君子不然明知天下之大斷難一手一足爲之治廣引才德之士聯聲氣其功名以通上下之情以平遠近之是非藉設炙手之勢不可以嘗試而至公至正之氣不肖稍降疾起而與之角而人主之心益疑夫從古豈有踴踴涼涼之君子哉不是之思而小人之言是聽是故宋社之墟非墟於金而墟於崇寧之黨禁矣厥後蔡京死潭州草木俱腐而黨碑先爛於無盡果孰得孰失邪然則存齋此書不第闡諸賢

運文續

四

之幽抑亦後來之金鑑錄也

應求集序

吳君昌碩擅鐵筆取法秦漢雄偉奇古求鑄者趾錯於門君隨手應之無吝色無勑容東南名士人人有君印積久成印譜數冊君耆朋友如命懼未皇盡記憶也人爲之傳附於印譜後揭曰應求集易有之同聲相應同氣相求蓋君之聲氣遠矣夫人之族逾萬萬其族萬其趨勢不能攝萬使一也箕之於風也畢之於雨也龍之吟於淵虎之嘯於谷也至不齊也然而有箕畢龍虎卽有風雨淵谷如卓筭百尺不期影而影自湊者也豈待召哉故樹高則羣鳥集名高則賢者來故魯國孔融坐

上客常滿尊中酒不空夫孔融何由得此大抵鼓鐘於宮而聞於外焉方是時春申浦者名士之藪也君遊浦上有年朝縞夕紵亦大快意事雖然天地之大何奇不有譬於物鬻者喙者爪者牙者蹠者距者走者踔者罔非物也狐拜月而幻形猴冠帶而作劇居然類人類人竟人之乎不可也物其物而不人其物是在善擇故古之於朋友曰擇交矣日之於視也耳之於聽也至明也至聰也然而五色使目盲五音使耳聾不盲不聾其惟聖人乎吾甚羨君之與天下接也吾尤望君之師聖人也

金鐘山房詩文序

五

亡友安吉施君壽民有令子曰旭臣舉同治癸酉科鄉試喜讀書性通脫不屑屑與人周旋人皆非笑焉貧而多病依婦翁側口余罷官吳下憐之而無以助之負旭臣且負壽民矣今年旭臣上公車未及試遽歿於京寓行李而外無長物賴同歲生戴君笠青朱君蓮夫醵金以其輓歸又最錄所為詩若文若雜著示余謂余知旭臣屬刪訂烏序余何足以知旭臣矧旭臣亦甚自知知而自刪訂已成定本老朽如余敢預前齟齬邪大氏詩學漢魏次者亦不失中唐文學唐宋入家浸浸突過壽民雜著於經史考據雖未盡諦然而自詩文與考據分途往往罕兼長不必為旭臣累即論詩文當其時詩宗

隨園文宗惜抱一篇出譁然以為哀也姚也夫舍隨園惜抱寧無詩文哉而顧不覺其陋邪旭臣崛起眾中堅據古人不隨世轉移蒙非笑固宜夫文軒之與傲輿也錦繡之與裋褐也孰好孰醜人皆識之至於詩文而人不之識是何異暗夷光之容而曰猶嫫母也戴朱二君謀發其生平遺著并壽民諸稿同授梓盛舉也抑亦為余酬所負也且夫窮達天也天能使窮而不達而不能使精華之氣闕久而不露旭臣儻自知矣

古紅梅閣外集序

六

江山劉泖生工詩詩如霜天飢鶴側翅孤唳又如深山老樹一碧千尺余以詩識君憶咸豐丙辰禮部試報罷君邀余同舟南返舟中各出所作參印吟聲出蓬背與舟子邪許聲相和時髮賊踞江西賊壘林立而兩人者緣江直下都忘龍蛇之當前也又十餘年重聚吳門君權嘉定令遠窺死湖口高陶堂選其詩四卷授梓陶堂為詩鉤深索隱不肖作平易語故不滿君詩刪落詩余不能諍然竊竊惜之今年吳縣雷甘谿補選得二百餘首至是君之面目全出可以無憾矣夫美色之有且施也美味之有熊魚也皆色也皆味也貴此而賤彼豈天下之公平哉

詩本音輯補序

願亭林氏音學五書為

國朝講五音之先馬其曰詩本音者蓋言詩之韻卽是當時本音也江慎脩氏譏其滲漏夫古音蘊繚久矣自顧氏書出天下知三百篇爲古音之叢抑亦用韻之準功甚偉然而創始者不易待後來者之加審此莊君子高所以有詩本音輯補之作也莊君好學深思采顧氏以後諸家之說以彌縫其失又疑周頌十五篇顧氏無韻豈清廟明堂之什反不如里巷歌謠因以轉音之法求之亦皆得韻轉音者所謂古音有異別轉一音爲叶音也真顧氏之諍臣哉夫有字卽有音有音卽有韻古無韻書至於比音成文則韻出於其中矣明乎古音凡經傳諸子有韻之文大氏無不諧之病詩云乎哉

遲父續

七

奚疑別傳

老友施均甫爲奚榆樓先生傳簡潔有法然未詳盡蓋先生老而鰥又無子獨居榆蔭樓吟咏自遣詩詞稿積二三十冊余幼時登樓竊發之皆行書自繕寫書野逸有致亂後原稿不可得矣尤善畫竹近日華亭胡公壽以畫竹名者也見先生遺墨詫曰古人不可知今人則先生而已先生譽望既高官斯土者皆踵門請見門窄陋而車馬恆滿人有爭訟因引以爲援亦不拒也賢者病先生不絕俗楊子曰當道光季年抗漕案起郡之四鄉欲爲亂糧船塞河建黑白旗以麾城內大駭先生徐一言輒解散豈非不絕俗之功效邪胡病焉且夫士大

夫居家不入官府者幾人哉故作別傳補論之先生諱疑字樂夫又字子復榆樓其晚號也

張鑑傳

張鑑字秋水烏程南潯鎮人拔貢生工詩古文尤精考據之學著書數百卷已刻者僅冬青館甲乙集家貧賣畫自給所居一樓不下樓者十許年子某亦諸生授徒樓下余詣之其子問客胡爲者曰謁若翁曰老特胡知客誤矣既登樓從容語先生先生歎曰戾氣也寧堪道哉時余學疇人術句先生畫秋鐙講算圖留飲而別嗣是不再見不知何時卒

遲父續

八

其年也嘗書扇贈余設色工麗城南奚榆樓老人詫曰此老尙能爾邪奚老人稱其老老可想矣獨惜博通如先生而名不出里巷至憔悴死其子又不肖使先生之遺著無傳然則讀書費心力奚爲哉

高銓傳

高銓字蘋洲晚號固安烏程茂貢生余年十五六讀書外舅家窺客得識先生瘦而短微有鬚髭莖莖白蓋已七十餘矣善畫竹尤善書嘗詢余曰小字不局促人人解道至於大字如署門戶之扁扁斜立人仰面望之宜上斂下舒體勢始稱小子識之同時錢唐高塏以書鳴先生斥曰翰林書耳翰林書有墨無筆奚貴焉試壽昌

校官歸賣書畫自給緝蠶書教家人養蠶殿門鮮交遊
窮老以死

楊峴曰署扁之訣從來所未發也古者扁已懸始梯上
仰面書或亦慮體勢之不稱歟夫先生用心之勤勝高
豈千萬倫然而人知有高豈不知有先生何邪豈名之
所歸不在藝之善不善邪夫世之爭名者可以已矣

許君傳

許君字月波忘其名長興布衣性疏放不甚讀書獨喜
與文士遊長於余且三十餘年訂忘年交君方爲某木
商主會計寓郡城之西門外余詣譚必竟日或留宿焉
工鐵筆刻晶玉圖章奇古剝蝕如鐘鼎彝器又工狂草

遷文續

九

有句作徑文字者君磨墨斗許張巨紙地上握綿絮蘸
墨揮灑初不經意而體勢雄偉人詫貴之君笑曰吾不
過氣勝耳非真能書者也其不自滿如此妻卒不再娶
無子

楊峴曰余曩就臧眉卿先生學算臧先生亦長興人君
招余館其從弟某武生家謂曰吾弟猶吾也不敢受飲
食資它日爲文傳吾姓氏於無窮可乎余皇恐諾謝然
而大亂以來事如隔世爲君傳不勝山邱之感矣

潘周尊傳

潘周尊字蘭陔烏程學生員蓋潘氏子出爲周氏後後
乃復本姓周初饒於財至君則貧矣好金石尤好古璧

獲一璧必手琢磨爲硯拓其文潢治巨冊遍勾大江
北名流考證而題識之揭其齋曰伍璧齋齋在郡東城
距余居不百武余奔走衣食或一再歸歸輒經過無
虛日善畫畫水仙蘭菊不求形似當其落筆時信手亂
塗奇氣噴溢不顧天地間有古人也其子不肖嬰禍君
恨甚盡出古璧與所畫當意者贈余憔悴死

楊子曰異哉天之於人也於稍有聲名之人厄之爲聲
名之奪其福也然而潘君一窮老諸生聲名溷而不彰
亦鬱鬱以死天不既太酷乎夫當世如潘君者不知凡
幾無人焉表出之無怪空山風雨啾啾鬼哭矣

倪印元傳

遷文續

十

倪翁諱印元字笙巢歸安學生員余年十四五識翁於
外舅家白髮盈肩貌甚古知余者古經解歎曰可兒也
因自述深摯虞氏易著書若干卷見它日學益進爲吾
校訂之外舅留與飲飲醉橫榻上口喃喃誦宋蘇軾
水調歌頭誦聲輟軒聲作矣拙於制舉業試輒下等窮
老死

論曰曩讀德清嚴元照柯家山館詩詞集翁名屢見所
謂倪二者是也嚴先生往來皆名下士翁交嚴先生翁
可想矣然而所著書迄未以授余遭亂度已遺佚余負
翁哉

張先生傳

先生姓張氏諱潮字秋颿歸安歲貢生余外舅又師也
精制舉文居鄰頰宮有喜鵲巢大樹上童謠曰頰宮喜
鵲巢解元中張潮屢赴秋試不售儻所謂命也非歟生
平無它好獨好畫魚能盡魚之跳擲狀當其時安吉郎
按晉葆辰以畫蟹名人稱張魚郎蟹然郎蟹至今人貴
之張魚知者鮮矣年六十卒一子遭亂亦卒遂無後
論曰先生每講授制舉文必先率余讀讀聲琅琅出金
石行者駐足聽以爲聽雜曲不如聽先生讀文也先生
亦曰能讀然後能作余被先生奇賞宜傳先生業而境
過若忘苟卿子曰易忘曰漏余漏矣夫

韓潮傳

遲文續

十一

韓潮字鮫門又曰蕉盟烏程貢生客閩爲諸侯記室老
而歸歸而貧甚賣書畫自給尤善刻竹於聚頭扇骨刻
杜少陵秋興詩八首綽有餘地嘗教余撫琴謂曰常熟
派丁丁悅耳蓋琵琶聲也琴有正聲可以通天地召鬼
神豈徒然哉專爾精凝爾心庶幾遇古人矣余讀書郡
西維摩盦僧舍先生經過必以琴進先生死琴遂無傳
焉

楊峴曰先生以刻竹擅名人知寶之而不知善琴也先
兄抱山同受琴於先生能得其妙今皆不可作矣亂後
於荒肆見先生所畫便面牡丹一株斜倚怪石如懷素
狂草隨手牽曳嗚呼先生當日醉態亦若是焉爾

徐溥沈錫彤傳

徐溥初名肇基字味閒歸安學生員家袁家匯工詩能
畫畫菜尤妙曰吾輩敲菜根者也嘗忤郡富室丁某執
而紡於聽事之柱丁有女絕豔指曰賊賊君賦詩曰春
風過處繡簾開十五嬌娃裊出來承鄂堂前吾親見丁
香真个是花魁遂自號佳賊承鄂丁聽事胸佳賊謂佳
人許以賊也其放誕類此遠遊數年無所遇聞粵逆擾
湖郡還歸被俘強署偽官不受投水死

沈錫彤字蕉青歸安學生員家淺湖父官某省知縣蓋
貴公子也豪於詩嘗結詩社一時詩人皆赴之余初未
識面君馳書招余相見大喜約同社諸賢攜酒遊山即

遲文續

十一

席賦訂交詩吟哦聲與山上風聲樹聲鳥雀聲相雜觀
者詫爲神仙此歎忽事耳曾不甘年而湖郡大亂君不
知所終或曰被俘不屈死

論曰溥錫彤皆以詩鳴詩皆不傳而死於難惜哉夫道
咸之間名公巨卿逃死者多矣溥錫彤可以死可以不
死而竟死焉烏虜古來烈丈夫何必名公巨卿哉

宣重光傳

宣重光字乃齋歸安學生員書似歐陽率更有時名性
僻寡交遊與余善嘗招余共飲飲稍醉輒舉委巷穢褻
語諧哄取快道光季年粵賊熾江寧戒嚴吾鄉猶晏然
也君忽大戚獨居嚮壁喃喃曰奈何湖郡休矣人笑之

則大聲叱曰若烏知時勢若皆刀下鬼耳一日易衣冠詣郡北門外大通橋投水死

楊子曰君異人哉江寧距吾鄉千餘里而遙方其時大兵至集各扼要害總督陸建瀛逍遙江上以爲賊旦夕平孰料緣江直下總督跳江寧陷蘇常相繼亦陷湖州被圍福建糧道趙忠節誓畧守城糧罄援絕一城化爲沙蟲去君死裁三四年耳烏虜君之言驗矣智乃出總督上眞異人哉

石渠吳峯傳

石渠字西谷歸安人善畫仙佛人呼曰石佛年七十餘望之如四五十許人同時烏程費丹旭亦以畫名余得

三

三

所畫美人倦繡圖示君君曰眉目間有春意明仇英祕戲圖耳明以前無此法然而人心不古好邪而醜正若必掩吾名矣已而果然至今知有丹旭不知有君也卒年幾八十

吳峯字丹木歸安人余亡妻之從舅也初學醫以醫餬其口後乃學畫山水宗元吳鎮曰吾家法也安用外取哉題畫詩絕雋不自信時時商於余爲點竄一二字輒大喜貰酒共酌酌酣脫帽笑曰吾一日長於若然詩不若能也若肯攻吾詩則吾之師矣師乎師乎毋吾棄乎後病熱誤服藥卒年五十餘

楊峴曰渠畫當世不之知而湖之人庶幾有知者峯畫

則湖之人亦不之知也或曰小技耳奚叙述之煩夫技雖小亦各有求工之苦心任其蕪沒豈仁人哉且夫學屠龍者龍不常有也屠蛇鱷焉耳矣

沈鳳飛傳

沈鳳飛字杏橋長興人道光丙午副貢生治古文博麗奧衍如司馬相如揚雄論者謂非古文正軌君曰我自用法寧隨人腳踏哉家貧願耽悅聲色或假貸供揮霍索逋者闔於堂君呼嘯自若也貧益甚至不能具饗殮乃大悔盡斥囊所與徵逐者更名曰悔知然而後矣嘗太息語余曰悔知悔悔而無救於貧豈天不我赦邪當其時有楊柳橋者遺其名工制舉文試輒高等人

三

三

稱二橋柳橋以財雄君坐是不自聊鬱鬱卒無子一女名繡佛

楊子曰余客長興主君家君自以不解詩使繡佛從余受詩法頗穎悟今不知存否君古文稿曰過庭雜著積二十許冊遭亂度遺失恨不得繡佛詢之夫寡有臍雉有尾蛇有膽魚有膏彼臍尾膽膏者以永屬雉蛇魚於無窮也并亡焉酷哉

朱步沆傳

朱步沆字沁泉長興人候選校官家巨富藏書數萬卷儲書之樓曰五三樓與杭州汪氏振綺堂埒喜爲詩尤工小詞方余從經師臧先生游臧先生亟稱之遂訂交

暇卽過從盡讀其詩詞稿蓋去北宋諸賢不遠矣憶道光丁未夏余以事它適君慨然曰人如草頭露恐別易會難耳握手不忍遽舍未幾君竟卒豈語識邪嗟哉楊子曰君性孤癖擇交苛而遇余良厚謂余能讀書所藏善本假讀無少吝丁粵逆之亂五三樓已成焦土獨臧先生手寫大唐類要十巨冊首尾完善人猶見之此書海內傳寫少得者貴於兼金君儻默爲護持哉

汪士驥錢松李念孫傳

汪士驥字鐵樵錢塘人高祖某從征大金川陣亡賞恩騎尉世職至君官千總旋棄去能詩善書小楷工而速其友吳恆假讀漢官儀一夕鈔與之蓋萬餘字矣尤

選文續

五

精漢隸以險取勢以拙取態如老樹千尺花葉皆醜而自然奇古頗自矜貴干索不一應膏酒或故招飲置佳紙精筆於別榻飲酣旁睨曰欲書乎曰否否待某來書耳某謂余也則叱曰某寧勝吾遂起揮灑盡已而曰黠哉若賺吾也大笑去咸豐辛酉杭城再陷率妻子投水死

錢松字叔蓋別號耐青錢唐人道光戊申秀水周閑大會名士西湖掃宋林處士墓余詩所謂杭州好事今輸了十九人中半寓公者也君預焉於叢人中識余互傾倒余時寓瑞石亭君家黃泥墻相距里許暇輒約登吳山品茶君故善琴嘗爲余奏瀟湘引聲泠泠如在水雲

閒矣畫山水墨氣深厚十日半月始成一紙尤工鐵筆蒼古靜穆得力在秦漢璽印至今寶貴不翅虎魄枕珊瑚鉤也咸豐庚申杭城初陷君預蓄醜酒遍飲妻若子俱死

李念孫字元季又字節貽杏帘其別號也錢唐人咸豐壬子舉人能文章工書學顏平原性孤冷對俗客終日無一言客怏怏去君自若也聞余客杭介錢松訂交余方發凡爲穀梁傳疏證君贈聯有穀梁絕學在春秋之句然疏證迄未竟愧良友矣庚申赴禮部試相見於矮屋中衣焦頭塵若有憂者詢之曰粵賊猖狂浙東西危不支吾輩旦夕人耳相與掩面泣明年杭州再陷君

選文續

六

投井死

論曰三君皆死於城陷時例入忠義傳史官職也余奚敢侵史職姑最叙交誼焉耳烏亭子路有言曰食其食者不避其難三君死矣視臨難不死者何如哉

范禾傳

范禾字稚禾嘉興人寓杭州屠氏潛園家巨富兄弟五人各膏其膏君蓄金石文字藏秦漢碑尤夥皆明以前舊拓次者亦頗康闕本也嘗招余甲乙而題識之晨而往至漏三下始興盡歸余得老輩翁覃谿學士自寫詩稿廿餘冊誇示之君詢值幾何曰五十千耳大聲曰若以備書餽其口今日五十千明日五十千不畏餓殍乎

遽攫去出銀一巨定擲几上鏗然響曰速將去不則并書俱喪矣其放誕不羈大率類此一日偕泛舟西湖酒半忽歎曰粵寇深矣火官大府世世杳杳吾輩寧有死所哉此咸豐癸甲閒事不五六年杭城陷君避温州病卒

楊峴曰君狂者歟然預憂時勢之不支則有心人也嗚呼白日匿鬼雄出賢人阨誰爲厲階至於此極傷哉傷哉

僧量雲達受傳

量雲號蓮衣湖北人出家主西湖靈芝寺工小詩能書嘗招余與錢松叔蓋李念孫節貽學漢隸卽所傳解社

蓮衣稿

七

是矣四人者日課五十字字大徑六七寸越十日一檢校不如數罰有例蓮衣製杖腐有名會之日各出錢二百趣具菽腐啖之諧笑哄作檻外荷花千萬柄亦搖曳媚人當其時不知世上龍蛇何等也然蓮衣好貨甚誕節貽富僞曰吾能識前生若前生吾寺燒火僧盜捐財助香積厨又顧叔蓋曰若盜吾玉印價不貲宜償玉印者屬叔蓋鐫字而遺之者也兩君大怒去社以不振明年遷而之六舟所

達受號六舟海寧州人祝髮於州之白馬寺能狂草書者金石文字浪遊南朔接訪益勤所藏與阮文達積古齋埒文達旌爲金石僧者也晚年主西湖淨慈寺聞解

社廢謂曰益從老僧遊乎眾諾名流如錢唐魏謙升滋伯吳恆仲英富陽胡震伯恐嘉興范禾稗禾皆赴之社大盛余嘗撰題名記不止四三十人不能盡相識也一日者會於墨王樓墨王樓者六舟藏懷素千文墨迹處也有客故就余叩姓氏告之又叩識見山否則斥曰不識客遠巡去六舟曰懃哉君不記誑語戒邪相視大笑未幾六舟死杭城一再陷前塵不可問矣

論曰兩僧初相重繼相軋蓮衣之暱文學士嫉六舟之暱貴人以示異耳矣夫貴人也文學士也僧胡預焉而爭心中之皆未空色相者也然兩僧號召賢哲抑亦大法王哉

蓮衣稿

六

胡培系傳

胡培系字子繼績谿縣貢生曩者余客衢州識君族孫澍澍精研六書余敬之澍言不及君因介紹相見蓋君沈浸於三禮者也晨起喃喃諷儀禮數百徧周而復始諷未畢雖有它事不敢以請嘗謂是書宮室制度頗難昭晰如朝有天子諸侯之朝制大夫士之朝制廟有天子之廟制諸侯之廟制大夫士之廟制寢有正寢燕寢諸侯以下之制亦與天子異又如朝有行於燕朝之禮行於正朝之禮行於外朝之禮廟有行於祖廟之禮行於禘廟之禮卽就一廟言之有行於廟之室之禮行於廟之庭之禮行於廟之門之禮非講明有素則盲然耳

著儀禮宮室提綱未成書而天下大亂亂定以軍功官
寧國府教諭猶訪余蘇州談舊事如夢聞余周禮制度
名物考稿本兵火焚失勉使再纂余亦勸君屏棄一切
早竟宮室提綱之緒然兩人者老矣又爲衣食計不能
轉壹相視太息而已別後遠病卒烏序禮家無人矣豈
余一人之悲哉

楊峴曰君尙有大戴禮箋證小檀樂室筆談等著皆未
梓其子賢不肖不可知所願如鄭康成之有小同則君
不朽矣

紫葳翁傳

紫葳翁不知何許人或曰卽蘇翁爾雅類誌草廣雅紫

葳草類

五

葳草也類與紫葳異名而同物翁喜種紫葳故又稱
紫葳翁幼治詩古文不中度棄去從經學大師遊治春
秋三傳皆有述皆不竟其業治三禮以爲周禮者體大
用博不究極其名物與其制度則不能以通凡天地山
川城郭宮室以迄車馬衣服酒漿醢醢之繇重分別義
類各爲探索條繫而件坳積數十巨冊未皇董理貧甚
出門乞食粵賊作家被燒殘兒子死難稿盡失當其時
翁年已四十餘心志頹喪無復著書想從軍得官官於
吳又二十年前上僚怒其做劫使罷罷無所歸構茆屋數
椽於吳之東南隅種紫葳海甜以往對紫葳而歎曰
此周禮地官掌藥草之一也豈不如藍蒨象斗然矣哉

藉設而不以染而伴於無用而天下之爲紫葳者不幾
乎受誣邪夫紫葳一而紫葳之族數於百數於千一可
誣也百與千孰不可誣也夫紫葳則既蒙之矣乃扣楹
歌曰日出兮當心煙漬兮靄淫若有人兮籬下采紫葳
兮盈把天有匏瓜兮地有紫葳羌遙遙兮雙繫又歌曰
紫葳之沙沙不加鷲蘿鷲蘿有託無託奈何歌已倚醉
而卧有造訪者謝曰吾方夢周公毋吾驚也後遁入山
有傳其成仙者

書大女靜熙

靜熙字綠窗余長女也幼慧讀四子書唐詩皆能領悟
學余作八分書亦真率可喜聞粵氛偪私謂母張夫人

遲文續

子

曰兒旦夕人耳同治壬戌五月三日湖州失守偕張夫
人投門前水水淺不及腹欲援登岸張夫人曰舍此乾
淨水奚適乎曰諾自倒植淤泥中死時甫十四歲烏虜
樂生不樂死人之情也至於生不若死而計無逾於死
則此一死也可以愧天下男子矣

書祝大姑

祝大姑余舅氏鼎亨公次女也適王某王某貧商於外
大姑依從兄川如居壬戌湖州失守川如出醮酒使家
人次第飲大姑飲竟忽呼曰吾王氏婦寧復爲祝氏鬼
乎趣出門數武仆地死夫女子既嫁不得歸於母家詩
竹竿所以思歸不得歸也大姑之依於從兄權也非經

也然而倉卒之間不有死祝氏烏序大姑知禮矣

山東候補道施君墓志銘

君姓施氏諱補華字均甫湖州烏程縣人王父某父某以君貴贈如其官君早失怙勤讀書經史百家動窮竅卻甫冠入郡庠雖甚貧而負氣不下人咸豐庚辛閒粵賊陷蘇常杭嘉等郡攻撲湖州趙忠節督民團禦賊招入局計事君上納糧章程謂賊勢大藉第築長圍絕饑道則一城皆飢矣忠節不聽卒糧盡失守君丁母憂服滿中同治庚午鄉試一再赴公車報罷楊中丞昌濬撫浙憐君落拓使謁左文襄於關隴當其時文襄開幕府網羅天下英俊得君諸賢皆出君下乃大喜軍事一以

進文續

主

相關駐肅州出奇規復南北各城功最以同知留甘

賞孔雀翎調赴嵩武軍抵吐魯番巡檢楊某方以他罪發覺聞君來懼案問自經某蓋楊中丞族子弟也有忌君者譖於文襄疑君悞賜薄舉將疏劾以府經縣丞降補既抵阿克蘇張勤果行營勤果親禮之南路攻勦皆斷於君五戰五勝進駐喀什噶兒以功復原官翎枝擢知府加盛運使銜會俄羅斯有畫界之議君跋涉冰山雪嶺凡犬牙相錯之處據圖與俄爭俄無所施其詐拓地八百餘里奉

旨以道員仍歸原省用加二品銜法蘭西犯閩燒殘萬民驚駭城郭君大憤將入都有所建白聞張勤果拜撫

東之

命疏請君總理營務折赴濟南馳書李肅毅伯叙法事數千言後皆如所料光緒庚寅春引覲奉

旨以道員改發山東儘先補用閏二月病作醫不得其要遽卒年五十有五憶三十年前偕君登杭州之吳山東望錢塘江波濤掀起如萬騎奔驟忽大聲曰錢鏐射潮豎子耳吾曹當射天狼寧潮爲哉烏序君之志大矣然而不竟其用孔子曰有命是邪非邪君著作已刻者澤雅堂詩六卷古文八卷未刻者詩續集若干卷配某氏子二彥諡彥振以某年月日葬君於某原銘曰一蹶一起而位止此也若跛夫疾步曾不逾咫也孰播

進文續

主

弄之莫知其以也雖然不可恃而可恃者膏於君必豐於其子也

愍泉記

出郭北行不數里曰虎邱邱不隆而池若俛若注若蹲若側卧嘉木美草披拂夷灑不能殫狀案志邱有泉曰愍泉梁愍愍尊者鑿梁至今千四五百年湮沒無考光緒甲申春朱君修廷陟邱訪焉邱之人無知者屬怡賢親王祠僧雲開大索獲於試劔石右巨石戴其上汲而飲甘冽逾中冷時洪君文卿彭君南屏文君小坡同遊皆大喜踴躍謀所以旌之句眾眾諾集金錢若干萬於泉畔籠隙地亘短垣逐地勢高低錯屋十餘楹面泉曰

抱舊軒磴而上曰問泉亭最上曰靈瀾精舍又東曰送青移而總其目於垣之楣曰擁翠山莊雜植梅柳蕉竹數百本風來搖颺夏響空采日色正午人影皆綠馮垣而眺四山滄蔚大河激駛遙青近白列儲垣下相與醜酒稱快酒半楊子起曰天下之大元氣之所流灌足以馨吾志悅吾精者寧止一泉然而遇不遇判矣譬於人邃居窮谷掩輝匿耀豈盡矯亢不情歟毋亦無旌之者歟夫泉在茲耶初無異也由晦而彰而譽乃大湊雖千萬泉莫適爭也吾幸泉之遇矣且夫泉之遇泉之巧於自爲也奚其慙

寄漚巢記

遲文續

三

劉子石香營寄漚巢爲般旋所寄漚者漚泛泛江湖如劉子隨地而安故曰寄也以告楊安楊安曰嗟乎劉子之智不如漚而奚寄哉夫漚天下之至閒者也浩蕩萬里習以水貫蕭條寥廓汪洋淫裔遂能絕想域外壑萬物而無戾今子頓伏埃淖百煩臚湊販夫豎子妮妮奔奏朝縱壽之與逐夕僞囊其來又曾靡莽蒼之趣徒弊弊焉以利媾而奚寄哉劉子曰咄矣不知僕夫人生昌宙智喧勇嗜有婉變之思美紛綸於蹏通之郊僕類愚公之愚焉補泰山以秋豪然而鵠穆雜以寒訴鵠蹠躡以飢號僕不能忍而終古也毋寧近市之逃楊安曰不然蓋萬直之賤也不如一枉之貴也子欲求食而王侯

之不事猶將嫁趙而軻車於魏也且夫積寶而祕之不可以爲寶盜道而斬之抑亦罪於道也子盍變計之早乎劉子蹙然曰僕未嘗忘世也世質質莫適鄉倚孔雀爲山雞媚鴉鴉曰鳳皇驚鵠瘳曳游於膏方僕志何等乎拙鳩乎奇鷓乎乃抗聲歌曰以漚喻漚兮泊乎逝愴乎休兮饗匪其薈兮腹漚之糧兮崇匪其塙兮宅漚之宮兮彼羸勝以履屨兮羌一邱之貉兮歌已面楊安而笑楊安莫對隴種而退良久氣少寬杖而進曰有是哉子之巧於寄也請和子歌和曰無懷之民兮古莽之鄰熏斂聰明兮以漚爲兄洲有樹兮樹有巢上不虞龍兮下不怵蛟東門鐘鼓兮隕穫之府也貞子揭藜兮不傾

遲文續

四

之輿也劉子據巢而聽忽若俛仰謙不敢承有汗在頰舉觴再酌曰僕不敏願以交言爲息壤

釋鬲

鬲者九鼎之一爾雅釋器鼎欵足者謂之鬲說文鬲鼎屬也愚案鬲有金亦有瓦漢書郊祀志禹收九牧之金鑄九鼎象九州此金鬲也周禮考工記搏埴之工陶人爲鬲此瓦鬲也金鬲僅著禹鼎瓦鬲如儀禮士喪禮新盆槃瓶廢敦重鬲鄭注新此瓦器五種者重死事禮記喪大記陶人出重鬲孔疏重鬲者謂縣重之鬲是瓦瓶受三升皆其證似古人之鬲瓦多金少其爲鼎屬一也說文鼎和五味之寶器也大氏金鬲瓦鬲同用如今之

槩杆矣不必強為分別烏程施國祁禮耕堂叢說謂考工記之鬲不宜與爾雅九鼎之鬲相混恐未諦又案說文鬲實五穀與考工記合禮圖天子諸侯之鼎容一斛大夫羊鼎容五斗士豕鼎容三斗無五穀之文或考工記說文指極大者言之歟喪大記疏受三升疑卽禮圖三斗之譌蓋重鬲之重乃輕重之重既重矣不應止受三升然於傳無考姑閱吳縣吳中丞大澂得金鬲字作盪釋曰鬲之異體非也廣均集均始有盪後人知有金鬲不知有瓦鬲虛造从金之字不足據因牽連作釋鬲

保定元年造像跋

北周武帝保定元年當陳文帝天嘉二年古刻可喜吳

運文續

五

憲齋中丞得自汴梁徐翰卿拓以見貽憲齋云是玉造像翰卿云是石之似玉者不佞非目驗姑勿論案王蘭泉司寇跋北齊武平七年馬天祥等造像謂晉有劉道民道民之稱已舊此亦稱道民馬落子大氏猶今之信士耳卓世伽像阜卽造左傳昭七年士臣阜服注阜造也造成事也衣緣眷屬衣緣卽因緣假衣爲因亦眞諳脂微聲近通轉之理魏晉而降別字增多然尙有依據可以尋究非後來之苟且矣

竈尊跋

積古齋鐘鼎款識班从竝引儀禮士虞禮漢書王莽傳注謂班古作辨辨爲古班字繇文从珣之字後起愚案

說文刀部辨判也珣部班分瑞玉二字似同實異儀禮漢書等注以辨爲班猶周禮以頌爲班說文頁部頌大頭也俱假借字仍當以班爲正字說文叙日分別部居不相雜廁此類是矣竈當爲辨字省文非古班字繇文若疑班爲後起字恐未諦

季度銘跋

翁氏方綱兩漢金石記依趙氏明誠金石錄題作堂谿典嵩高山石闕銘考論精諦獨不能定季度伯并是一是二何邪余舊藏拓本典大君諱協字季度云云以前模黏莫辨趙氏作錄時尙見中郎將堂谿典伯并云云一行則協字季度典字伯并明明二人無可疑議協爲

運文續

美

郡主簿作開母闕銘而闕不署協名協子典來請兩再作銘表章之亦無可疑議後漢書延篤傳注引先賢行狀典字季度牽合父子爲一人惠氏棟後漢書補注遂謂古人名字多改易季度一字伯并大謬案儀禮士冠禮字辭曰伯某仲叔季惟其所當蓋伯仲叔季者長幼之次第不容紊也既伯之又季之所當之謂何矧銘中子述父字稿有可據乎故知善讀書者不蒙於舊說矣

篆書論語跋

憲齋吳中丞憫六經自漢唐迄寫而古文亡遂以大篆寫論語二十篇欲復壁經之舊其用心至精銳矣竊謂論語在漢有齊魯古三家鄭君作注以魯論參考齊古

讀正其字迨魏何氏作集解往往與鄭異字隋末陸德明作釋文所載經注又時與邢疏本殊梁皇侃義疏本尤多異字自是而降承譌襲謬詰訓違失不獨字異而文義亦異可勝議哉中丞導師也若明指諸本之未是與茲本之是於何書得其證博引而詳說之使學者不疑其鑿空當更盡善盡美儻亦有意乎輒拭目俟之

與徐潤生爾麈書

鵝原簪盍曲蒙瑯飾盛心古道綢繆臻至雖有兄弟不如友生古人云然良不誣也足下優游典冊發爲文章隊好爵於紫閣晞不朽於金石近復張扶風之帳講北海之經風雨之感多士魚龍騰翥爲瑞君子麟鳳非夫

運文續

毛

福慧兼隆其孰能至斯乎峴暖妹自好貞孤不諧無東方之滑稽有北郭之貧悴猥於客歲驅車嫁梁蒼龍單獨赤舌橫破聚鐵九州鑄輒成錯累碁十子局終不平命邪運邪安在其不辱邪自爲逐客曹焉西騁儒冠不死豬肝累人身在圈牢之中心馳毛髮之效奮袂攘衽遂事磨盾然而才愧阮瑀麤工草檄人非羲之不解俗書似挾瑟而適齊異脫維而謁趙涼秋八月言抵利州行帳半弓環榻十步殘箔紅綠色類繡鏃夜蛩啁唧聲和霜笳舊雨今雨遐思不來團雪散雪軫懷彌厲顛毛欲白意氣銷隕間有吟弄不復收拾嗟夫骨相不媚人事多蹇官以廢物干於青雲願逐張翰之舟歸卧袁安

之廬種瓜一畦翳蒿三徑捐棄故技長與野老遊耳謂余不信江水爲證勉哉足下出處判矣敬勗明德愛護光采良覲有日波濤無渝儻驪駒之已秣幸文鱗之損奇言不宣意惟有主臣

謝周韓臣侍郎師書

竊峴獲親杖履自謂長坐春風中丞東行遽拉與俱鷁首臨發引望無已違離之恨江水知狀伏惟譚經北海投奇元亭五鳳騰采三鱣詔瑞吳季重有云眾議歸高遠近同聲直其然矣回念侍饌後堂悉顧臻至此時此景逸焉千里舟次拜執扇楹牖之賜所謂溢目致歡而撫膺多愧者也四月廿又五日遂抵鄂渚是邦人物自

運文續

天

爲風氣腥腐所族吞啄隨之性本疏放矚於酬酢雖處戟門不關車蓋類壯武之心疾等田光之精亡蘇秦發篋之書生平已矣王粲登樓之賦蕭瑟可知重以鞭策未嘗不三復而歎喟也夫西河沈鐘尙傲霜響南山墜翼亦感飈舉人非物比輒用躍躍上計之車期以明年儻仍擯斥則眞簞笠終耳衡山蒼蒼奉手有日執丹漆以造請甯煙波之畏阻邪

璽言舊十四首或謂其過激宜棄然不忍盡棄也姑存二首可以識大概矣

作士氣

兩粵勘定湘鄉合肥之士天下號虎旅者也然而洋人一評逡巡遁逃莫敢與角積尸盈野血流漂杵將毋氣

之爾邪解者曰古無海戰乘艘隨入巨洋瀕洞掀掉眩而欲仆安能戰哉曰否否不然夫

朝廷待洋人甚恕不忍啟釁戒疆帥毋先動動有刑夫兩軍相望火器轟虺霆駭而電疾少一回翔而士已殘其大半矣且夫洋人度中國之緩也而持之以速寅謀而卯戰卯謀而辰戰其進也唯志其退也唯志中國避死之不暇如此士氣奚作哉試詔疆帥曰洋人與我好客也菲則仇也殺勿後時一切不中制必有奮辭疾赴以十搏一以百搏一以千搏一以萬搏一眾寡之數不倫洋人之滅可踴足須也徒煦煦爲仁子子爲義恐非中國之利

遲文續

无

借虛費

國家之財豈少也哉然而用常不足司農仰屋而嗟則何邪曰有大瑕焉洋人之所恃者輪船也火器也中國驚其船之堅器之利爭願購之洋人靳其直直百索千直千索萬浮於其本有而不知紀也又以做若朽者髹之漆之給中國之人中國得之則大喜曰今而後何敵之勿摧夫洋人豈甚愚哉而驟以所恃授人也如是者費金錢數千百萬亦既購之又於緣海各省設輪船局火器局試製造官吏係於秋荼稟祿溢於川流百壞一成則大喜曰今而後不辱命矣十餘年來造幾船製幾器問於主者主者不對如是者又數千百萬且夫設局

以牟洋人也奚爲頻頻遣使者仍購自重洋也製造自製造購自購兩舉而不一停必操勝算然而有事之秋船器不相當捐於驚濤駭浪之中竊悔從前之徒然也夫此徒然者何乃不惜巨帑耳哉蓋無異憂波臣之乏而擲金錢以資賴之也今日數千百萬明日數千百萬天地亦窮於生長而況國乎則何如節諸局之贏佐度支之絀或猶策之中者歟

遲文續

无

遲鴻軒文續